




K77





MELCHIORIS
C A N I
O P E R A.

*Ant. Buxa et Marij Halbergh Coactis
Gaudianis. Anno dñi 1707. —*



[illegible]

THE

AS 90

[Handwritten signature]


Handwritten signature

MELCHIORIS CANI EPISCOPI CANARIENSIS, Ex Ordine Prædicatorum, OPERA.

In hac primum editione clarius divisa,

Et Prefatione instar Prologi Galeati illustrata

A P. HYACINTHO SERRY DOCT. SORBON.
Et in Pat. Lyceo S. Theol. Primario Profess.



PATAVII, Typis Seminarii, MDCCXX.
Apud Joannem Manfrè.
Superiorum Permissu, & Privilegio.

1. The first part of the paper is devoted to a discussion of the

main results of the paper. The second part is devoted to a

discussion of the main results of the paper.

The third part is devoted to a discussion of the main results of the paper.

The fourth part is devoted to a discussion of the main results of the paper.

ELENCHUS EORUM,

Qua hoc volumine continentur.

Melchioris Cani Vindicationes, quibus
nonnullorum in ejus libros de locis
Theologicis accusationes refelluntur.

Ejusdem locorum Theologicorum libri
duodecim, quibus non modo osten-
ditur vera ratio universos Christianæ
religionis hostes refellendi, ac sacra
dogmata confirmandi; verum etiam
omnia fere, quæ hodie in controver-
siam vocantur, luculentissime exami-
nantur, ac discutuntur.

Ejusdem relectio de Sacramentis in ge-
nere, habita in Academia Salmati-
censi.

Ejusdem relectio de Pœnitentiæ Sacra-
mento, in sex partes divisa.

CENSURA

F. RODERICI VADILÆI

BENEDICTINI,

Sacræ Cæsareæ Majestatis a Sacris Concionibus, in Libros de
Locis Theologicis Adm. R. P. F. Melchioris Cani,
Sancti Dominici Monachi, Episcopi
Canariensis.

DE Mandato Regii Senatus, opus, cui titulus est, *De locis Theologicis* admodum Rev. Magistri Fratris Melchioris Cani, Ordinis Sancti Dominici Monachi, olim Canariensis Episcopi inspiciendum ac excutiendum accepi: Laborem sane viribus ingenii mei longe disparem sentiens, non sum aversatus: tum ob tanti Senatus dignitatem, cujus obfistere imperio citra gravissimi criminis notam haud licebat: tum ob ejusdem operis magnam toti Ecclesia utilitatem futuram: adde, quod ejusdem Authoris elucubrationes, hanc præsertim, perlegendi magno tenebar desiderio. Itaque legi, evolvi, perlegi præsens opus. Sed quid potissimum in tanto quidem opere laudem, vix dicere queo. Nam si dictionis castitatem, elegantiam quæras, eam certe reperies, quæ cum *Ciceroniana* conferri possit. Si vero rerum gestarum historiam, rationemque tractanda historia requiras, Sallustio historico satis laudato, si non superiorem, inferiorem profecto non invenies. Si autem Philosophia subtilem, accuratamque rationem percupias, hic compendio omnem Platonica, Aristotelicæque disciplina rationem cumulatissime contemplari licebit. Si vero Theologia Scholastica capiaris argumento, post Divum Thomam (quem semper excipiendum duxi) nullo ex multis, qui de hac Familia docte ac discrete scripserunt, inferiorem judicare licebit, ita ut vere illius non satis laudati Magistri Fratris Francisci a Victoria discipulum eximium agnoscere possis: cui omnes suos is author (qua non ejus prudentia, eruditionis, modestiæ, ac humilitatis laus minima existimanda est) progressus in re Theologica refert acceptos. Porro si juris Pontificii (cui author non contemnendam

dam dedit operam) affectes peritiam, ex hujus Monachi laboribus compendiarium tractandi ejusdem juris rationem petere licebit. Jam vero si sacrarum profunda literarum mysteria persentire, ac pervestigare cures, nullo, post illos magnos sanctæ Ecclesiæ doctores, magistro plenius ac clarius discas. Quid dicam de eo, quo adversus omnes hæreticos zelo accendebatur? quos sane ceu venaticus procul odorabatur canis, persequebaturque, magni illius Athanasii incorruptos ac catholicos referens mores, ac forte labores: quos omnes pro catholica veritatis amore instar magni Patriarchæ Jacobi facile perpetiebatur. Cæterum tanti authoris utilitatem, doctrinam, omniumque disciplinarum tractandarum rationem, Christiane lector, Illustrissimo, ac Reverendissimo Archiepiscopo Hispalensi, Ferdinando Valdesio, supremo rerum fidei cognitori (quem hujus præclari operis heredem reliquit) acceptam referto, qui summo curavit studio, ut præsens opus in lucem omnium utilitati profuturum ederetur. Nec minor, studiose lector, Illustrissimo ac Reverendissimo Domino Gasparo de Cuniga, Archiepiscopo Compostellano, summo Sacra Caesar. Majest. Capellano gratia debetur, qui pro ea necessitudine, qua auctori devinctus erat, summopere studuit, ut quam brevi tam insigne opus in lucem ederetur. Quapropter opus tam elegans, eruditum, omniumque disciplinarum genere referatissimum (ut prætermittam valde catholicum, hisque calamitosi temporibus apprime utile, immo dicam necessarium) excudendum, non solum magna cum laude totius sanctissimi Patris Dominici Ordinis, sed etiam totius Hispania, immo Ecclesiæ Catholica, oppido duximus.

Madridi 15. die mensis Augusti, Anni Dominici MDLXII.

Rodericus. Vadileus.

NOI REFORMATORI

Dello Studio di Padoa.

HAvendo veduto per la Fede di Revisione, & Approbatione del P. F. Tomaso Maria Gennari Inquisitore, nel Libro intitolato : *Melchioris Cani Ordinis Prædicatorum, Episcopi Canariensis, &c.* non v'esser cos' alcuna contro la Santa Fede Cattolica, & parimente per Attestato del Segretario Nostro, niente contro Principi, & buoni costumi, concedemo Licenza a Zuanne Manfrè Stampatore, che possi esser stampato, osservando gl' ordini in materia di Stampe, & presentando le solite copie alle Pubbliche Librarie di Venetia, & di Padoa.

Dat. 28. Luglio 1713.

{ Girolamo Venier Kav. Proc. Refor.
{ Gio: Francesco Morosini Kav. Refor.

Agostino Gadaldini Segr.

MEL.

MELCHIORIS CANI VINDICATIONES,

Quibus nonnullorum in ejus Libros de Locis Theologicis accusationes refelluntur .

CAPUT PRIMUM.

*Egregia Virorum Illustrum de Melchiore Cano
testimonia .*

NICOLAUS ANTONIUS HISPALENSIS J. C.

In Bibliotheca Hispanica .

F Melchior Canus, vulgo Cano, Prædicatorum Sodalit, oppidum quoddam Tolentanæ Diocesis Taraccon appellatum patriam foruit mihi videtur fuisse. Ibi enim edita est Anna ejus soror, Melchioris alterius Cani, qui in eadem Dominicana familia excellentem vivus, moriensque pietatis famam sustinuit, mater; quod Monopolitanus Episcopus, Historiæ hujus Ordinis parte 4. lib. 3. cap. 31. disertè affirmat. Parentis ipsè meminit initio lib. 17. de locis Theologicis, Viennæ Austriæ tunc extincti, cum absolvisset is superiorem huic librum, cujus quidem causa, non solum se hunc laborem suscepisse, sed & ei nuncupaturum, si viveret, fuisse ait. Nonien autem cur reticuit ejus, quem dignum hoc munere, & apud mortales, qualis ille fuit, reliquum esse nullum, vir doctissimus, & prudentissimus non temere, ac impotenter dixisse credendus est? Dominicanis se aggregavit Salmanticæ ad S. Stephani amplissimam hujus Ordinis domum. Profecit in Theologicis maxime, sub summo ætatis suæ, & professionis viro Francisco Victoria ibi docente; qui Cani ingenio, ut ipse aiebat, egregie delectabatur; & tamen vereri se adjungebat, ne hujus insolentia elatus, & exultans (verba audis ex principio lib. 12. de Locis) immoderate jactaretur, & grandior effectus, non laze modo, & libere ingrederetur, sed temere etiam, ac licenter præceptoris vestigia conculcasset. Quod Victoris judicium, ne in se comprobaret, sedulam dedisse operam, sibi ipse arrogat; quanquam illos probare non solet, qui velut sacramento rogati, vel etiam superstitione constricti, ut Fabius ait, nefas ducunt a suscepta semel persuasionem discedere. Theologo quippe nihil est necesse (utor semper elegantissimis, & prudentissimis ejus verbis, eodem loco) in cujusquam jurare leges : Majus enim est opus, atque præstantius, ad quod ipse tendit, quam ut Magistris debeat vestigiis semper insistere, si quidem est futurus Theologia laude perfectus. Ad vero ingenium tantæ expectationis, non totum is scholæ dedit, atque ejus conflictationibus, quod fere alii apud nos solent, nescientes quam non lauta sibi ea, qua.

qua maxime gloriantur, exinde cum pedem moverint, apparitura sit supellex. Inno cogitationes suas in id se aliquando contulisse, initio libri 10. alimur, ut se quavis via, & ratione ab iis liberaret. Interim animadverso verum Theologum præfere illum vix posse, qui sine literarum secularium, & historice cognitione, linguarumque orientalium peritia, seipsum diiudicandis scholæ questionibus, horas omnes impenderit; Non solum ab his disciplinis egrægia sibi comparavit adjumenta, & ornamenta, sed & insignem eloquentiæ cultum, veluti elegantissimam vestem pulchro corpori adjunxit. Quo magis instructus ad scholam rediit, cum academia viros illos summos amisset, qui huic Doctrinæ operam dabant; prudenter existimans honestissimum se in eo exhibiturum officium Christianæ reipublicæ, si animum in schola suum, ut ipse loquitur libro 10. vel repugnantem contineret. Victoria nempe ad M. DCLVI. diem suum obeunte, Canus noster docendi locum e cathedra principe suscepisse dicitur, qui forte iam vespere militabat. Bartholomæus Caranza, & Miranda, qui postea fuit Toletanus Antistes, florebat eo jam tempore in Provincia Castellæ, non minus opinione literarum, quam dignitate; quo cum nostro male conveniebat, adeo ut factio sua quemque, ab ejus cognomine appellata, in negotiis domesticis sedaretur. Unde nata est fama Mirandæ calamitatis, de qua in ejus mentione locuti sumus, aliqua extitisse Canum ex parte auctorem. Impatiens enim quisque eorum fuisse loci secundi in literarum laude, ut in sodalium extinctione videri potest. Academico isto conspicuo munere, Italiani ad Concilium venit sub Paulo III. Tridentinam ad urbem convocatum; ibique tam perspicacitæ mentis, atque judicii maturitatis, quam profundæ sapientiæ, & singularis facundie laudem eximiam communi collegarum sententia reportavit. Cujus rei satis idoneum testimonium præstare poterit Sforza Pallavicinus S. R. E. Cardinalis Doctissimus, ante paucos annos vivis ereptus, dum in Concilio hujus Historia, vulgaris linguæ Italicæ, vix usquam, quin simul commendetur, Cani recordatur. In Hispaniam reverſus, Salmanticæ adhuc docuit, succedentique vice Caroli Philippo filio gratus valde exitit: Cui nempe Regi author fuisse dicitur, non tamen sine totius Collegii Salmanticensium Theologiæ, ac Juris Doctorum suffragatione, consilii de justitia belli, adversus quencumque supra etiam in terris dignitate sublimem, pro defensione propriæ ditionis excusabiliter inferendi. Quod quidem ingratisum fuisse dicitur Paulo Quarto, summo Pontifici, vixque ab eo obtineri potuisse, etiam pacatis rebus, ut ad nutum Regis Episcopus ille Canariarum insularum in locum Francisci de la Cerdæ ejusdem Ordinis Dominicani, Capræ comitis filii, crearetur. Cum tamen huic honori, ne ab Hispania discederet, renunciasset; non diu post electus ante annum Provinciæ suæ Castellæ præfectus. Sæculi superioris sexagesimo vitam cum morte Toleti commutavit, immortalis præparata sibi fama, in opere illo vix iusti voluminis, quod vere tot laudatores, & admiratores, quot lectores habet, locorum scilicet Theologicorum lib. 12. in quibus non modo vix refellendi universos Christianæ religionis hostes, confirmandique sacra dogmata, ratio, ac usus exacte ostenditur; verum etiam omnia fere, quæ hodie in controversia habentur, luculentissime examinantur.

Id. non nisi post Authoris mortem, primum Salmanticæ publici juris factum fuit, apud Matthiam Gastium 1563. in fol. editionem promovente D. Ferdinando de Valdes Hispanensi Archiepiscopo, & Generali Hispaniarum Inquisitore, cui Canus edendum legato reliquerat, nec tamen perfectum. Destinaverat enim is decimumtertium, ac decimumquartum libros pro Colophone operis adungere; ad quos non semel, aut bis (nempe in fine capituli 3. lib. 10. cap. 2. lib. 8. cap. 4. lib. 12. & cap. 1. lib. 11. eorum, quibus hodie fruimur) lectorem remittit. Venetiis dein prodit opus ex officina Bartholomæi Rubini 1567. in octavo, Lovanii 1569. Colonia 1574. iterumque 1585. apud Birkman in octavo, tertioque 1603. cum Relectione de poenitentia, &c.

Præter locos Theologicos, reliquit etiam Relectionem de Poenitentia, habitam

tam in Academia Salmanticaensi anno 1538. super decimanquartam distinctionem lib. 4. sententiarum. Compluti apud Petrum Rombles 1563. in fol.

Item Relectionem alteram *de Sacramentis in genere* : Quæ una cum superiore Mediolani edita est 1580. in octavo. Judicium quoque id, cuius meminimus, *de secta Jesuitarum* tribuit ei is, qui sub nomine Alphonsi de Vargas latere voluit, in *Relatione ad Reges, & Principes Christianos* cap. 7. atque item *Adversus statum* Ecclesiæ Toletanæ, quo infecti sanguinis homines a beneficiis hujus Ecclesiæ arcantur, aliquid scripsisse, idque in lucem emissum fuisse, alicubi legimus.

CARDINALIS SFORTIA PALLAVICINUS

In Vindicationibus Societatis Jesu, capite 28.

PLacet hoc loco rectare, quid existimaverit hac de re, non acutulus quidam Sophista, qui non tam Theologiam, quam Theologicæ fumum, & umbram, per captationes, & scitamenta sectaretur; Sed Theologus evoluti sæculi pereruditus, doctrina pariter, atque ingenio præstans, fama magnus, re major. Loquor Melchiorem Canum, qui aureo plane volumine hanc ipsam de locis Theologicis tractationem, ante omnes & supra omnes est executus. Idemque primus fuit, reor, qui docuerit & quod minus est, latinam linguam in lyceo divina effari; & quod maximum, Catholicos novatoribus bellum, & cladem inferre. Perinfectum nostræ familiæ hominem laudo; sed laus judicii munus debet esse, non voluntatis; & merito, non amorì rependitur.

ANTONIUS POSSEVINUS SOCIETATIS JESU

In Apparatu Sacro.

QUod ad libros locorum communium spectat, negandum non est, quin e fecundo, crudito, & facundo ingenio prodierint: eo commemorandi magis, quod ipse nostra ætate primus ea brevitate, copia, dispositione, ac perspicuitate de iis perutiliter egerit.

FRANCISCUS GARCIA E SOCIETATE JESU

*In Prolegomenis Evangelici Concionatoris, de Ecclesia
Canariensis Prasulibus.*

VERissime possum affirmare, unum Melchiorem Canum, suspicienda Monachalis Togæ autoritate, acumine ingenii in disserendo, constantia, atque felicitate, argumentorum multiplici nexu victorum robore, in ipsa Doctorum Instituti Dominicani Academiâ, potuisse integræ classis vicem præstare.

SERAPHYNUS RAZZIUS

Prælectione secunda de locis Theologicis.

MElchior Cano natione Hispanus, professione Dominicanus, dignitate Canariensis Episcopus, Fratris Francisci de Victoria viri Doctissimi quondam

dam discipulus, Dominici Bannez Mondragonensis olim præceptor, & denique primariæ Cathedræ in Academia Salmaticensi aliquando magni nominis Præfectus: quem ego hominem de facie novi Florentiæ, in Ædibus Divæ Mariæ Novellæ transeuntem hospitem. Obiit anno Domini 1560.

BENEDICTUS PERRERIUS SOCIETATIS JESU

Lib. 12. Comment. in Daniele, cap. 7.

EX omnibus Theologis, qui Concilio Tridentino interfuerunt, Melchior Canus maximæ, clarissimæque famæ fuit. Nemo ab illius ætate mysteria sacrarum Scripturarum melius explicuit.

AUBERTUS MIRÆUS

De Scriptoribus Ecclesiasticis.

Melchior Canus fuit vir politus, & elegans, atque in Historia Sacra versatissimus.

ANTONIUS SENENSIS

In Bibliotheca Fratrum Prædicatorum.

Frater Melchior Canus natione Hispanus, qui fuit aliquando Canariensis Ecclesiæ Præsul, & postquam Episcopatus cessit, factus fuit Provincialis Hispaniæ, vir eloquentissimus, Græcæ etiam linguæ non ignarus, in Aristotelis, & D. Thomæ doctrina plenissime instructus, in Sacris vero litteris, & in Patribus adeo versatus, ut toto vitæ suæ tempore in nulla re alia occupatus fuisse videatur. In historicis quoque evolendis magnifice tritus, & undequaque doctus. Unde & in Concilio Tridentino etiam viris eminentibus admirationi fuit, & ab omnibus in multo pretio habitus. Scripsit librum illum eruditissimum, qui hodie omnium passim manibus teritur, ac merito, cui titulus est *de locis Theologicis*, in quo tam insigniter, & exacte, & tanta eloquentia firmat quæ sunt Theologo potissima loca, ad suas firmandas Conclusiones, & veluti bases, quibus mixta tota debet structura Theologica consurgere, ut nihil possit esse exactius, & absolutius. Edidit quoque relectionem quandam de Sacramentis in genere, aliam quoque de Sacramento Pœnitentiæ, dum publice Theologiam profiteretur in celebri Universitate Salmaticensi. Claruit anno Dom. 1540.

DOMINICUS BANNEZ

Prima parte, Quæst. prima, Artic. 8.

Inter Theologos recentiores diligentissime, ac cum mirabili eruditione Præceptor meus Cano, in locis Theologicis pertractandis supereminere videtur.

GABRIEL NAUDÆUS

In Bibliographia Politica.

UTile erit Cassandrum evolvere, qui tot lites de Religione aperte quidem componere tentavit; & Melchiorem Canum, qui hoc idem, sed occulte conatus est ingenio majori, quam pietate, ac propemodum admirabili iudicio. Vix enim potest imaginatio consequi, quantum authorum hujusmodi lectione, Politicorum mentes acuantur, excitenturque ad saluberrime de rebus istis consulendum, quibus non unus, aut alterius hominis modo, sed universæ plerumque Reipublicæ salus, & belli, pacisque momenta continentur.

AMBROSIUS DE ALTAMURA

In Bibliotheca Ord. Prædic. centur. 4. ad annum 1554.

Melchior Canus vir fuit summa eloquentia ditatus, in Græca lingua, Hebraica peritus; In Sacris litteris, in Patribus, in Historiis, in Divi Thomæ, & Aristotelis doctrina versatissimus.

ADRIANUS BAILLET

In suo Eruditorum iudicio, Gallice Parisiis edito, Tomo secundo 1. partis.

Melchior Canus Dominicanus, Episcopus Canariensis, criticus ævi sui sagacissimus, ac liberrimus; ad aniles fabulas, erroresque populares, libris præsertim historicis insertos carpendos perstringendosque a natura factus videbatur. De eo ubi de Theologis agemus, sermo rediit. Id unum notare in præsentia satis sit, Criticam ejus artem Vossio maxime probari; eundemque *censores Magistrum* a Combesio vocari solitum fuisse: quamquam ejus in censendo libertas nonnihil Cardinali Baronio stomachum moverit.

ELLIES DU PIN

In Bibliotheca Authorum Ecclesiæ. sæculo 16. Tom. 14.

Melchior Canus sublimi ingenio pollens, non modo Philosophiam, & Theologiam apprime edoctus erat, verum etiam in historia, & politiciorilitteratura versatissimus, cultissimo sermone latino utebatur..... Tractatus de locis Theologicis opus plane aureum est, omnibusque numeris absolutum, summaque elegantia concinnatum.

JACOBUS GADDIUS

De Scriptoribus non Ecclesiasticis, tom. 1.

Canus nomine Melchior, Canariensis Episcopus, Theologus Doctrinæ, & eruditionis maximæ, cui paræm addidit pietatem, atque eloquentiam, condidit insigne opus, ac memorabile de locis Theologicis communibus; in quo
gra-

graviter, candideque præcipua Theologiæ; ac religionis argumenta videtur tractasse.

ALPHONSUS GARSÍAS MATAMORUS

Libro de Academiis, & doctis viris Hispania.

SUMMI viri Melchioris Cani, & Bartholomæi Mirandensis, omnis illa ingeniorum, & doctrinæ nunquam satis laudata facultas, ex monumentis ipsorum non ineleganter scriptis perspicui potest: Quæ & omnino absoluta est, perfecte diserta, in eoque constituta loco, quem multi mirentur, & pauci attingant.

VINCENTIUS CONTENSONIUS

Libro 5. Theologia, dissert. præambula, seu commendatione locorum Theologicorum.

DE locis Theologicis omnium primus methodice, nec minus eleganter egit Melchior Canus, vir literis, & eruditione præcipuus, moribus, & pietate insignis, Pontificalibus etiam infulis conspicuus, & in rebus Theologicis summa eloquentia dicendis, nulli sui temporis secundus. Insignis ille author integrum, & aureum librum de decem locis edidit, quem vere thesaurum dicam, ex variis fodinis extractum, in quo nihil non pretiosum, non obrysum, non numeris omnibus absolutum invenitur. Nam secum advehit omnes prætorum hominum divitias, quas magnis aliorum voluminibus diffusas, compendio sæ utilitate contrahit; non arido stylo, sed locutione selecta, ornato verborum contextu, & perquam exquisito rerum apparatu proponit. Patrum, & Ecclesiasticæ doctrinæ gemmas non parca manu, sed plena diffundit; Et cuncta, quæ sunt vel difficilia dictu, vel sensu grandiora, vel digniora lectu, excerpit, & in uno medullato volumine, Theologorum usus profutura, transfudit..... Hunc quisquis serio, & attente legerit, ultro fatebitur, vix ullum hactenus librum aut copia ditiores, aut methodo commodiores, aut varietate feraciores, aut oratione cultiores, aut rerum omnium digestu illustriorem (solis exceptis Ecclesiæ Patribus) post hominum memoriam produisse: quippe in quo exulans elegantia nitor, sublimis sapientia, & profunda eruditio de palma contendunt.

NATALIS ALEXANDER

In Historia Ecclesiastica, sæculo 16. In synopsi, articulo 2. de Theologis sæculi 16.

MELCHIOR Canus Hispanus, Canariensis Episcopus, ex Ordine Fratrum Prædicatorum assumptus, vir non solum in Scholastica, sed in positiva Theologia eruditissimus, magnum sibi nomen in Concilio Tridentino sub Julio III. peperit; Ingeniique finem, doctrinæ, & industriæ perenne reliquit monumentum, libros 12. de locis Theologicis, elegantissimo stylo elaboratos, & Selectiones de Sacramentis in genere, & Pœnitentia. Obiit vir laudatissimus, cujus ingenium præ cæteris Dominicani Ordinis Scriptoribus, post S. Thomæ Angelicam mentem, maxime suspicio, Toleti anno 1560.

CA-

C A P U T I I.

*Diluitur prima in Melchiorum Canum accusatio, de laeso
Gregorio Magno in Dialogis, & Venerabili Beda
in Anglorum historia.*

QUamquam tot virorum illustrium præconiis celebratus sit Canus noster, nonnullorum tamen censuras expertus est; qui sublimē licet ingenium, & omnigenam eruditionem demirati, nonnullas tamen illius opiniones improbarunt, nimiamque in alienis carpendis licentiam ob eecere. In iis eruditionis fama, & dignitatis amplitudine princeps est Cardinalis Baronius, quem doleo in Theologum laudatissimum fuisse aliquando minus æquum; ac tum maxime, ubi nullus, aut certe minimus reprehensionis locus erat. Hunc durioribus verbis excipit in Annotationibus ad Martyrologium Romanum ad diem 23. Decembris, quasi nimis acrem in libros Dialogorum Gregorii Magni, necnon in Anglorum Historiam Venerabilis Bedæ, censuram exercuisset lib. 11. de locis Theologicis cap. 6. Inconstantis, & Inconsulti iudicii incusat, quod illos Gregorii libros (de Bedæ siquidem Historia nihil minutatim observat) quos jam mille fere annis tam Occidentalis, quam Orientalis Ecclesia, summa fide, digna veneratione, immensisque est laudibus prosecuta, ausus sit novus assertor in controversiam revocare, ac fide minnere. Hinc in Divi Gregorii laudes effunditur, multaque veterum testimonia congerit, quibus ejus Dialogorum libros commendat. Canum etiam adversus Canum adduct, quasi sui immemor de Gregorii Dialogis hoc ipso in capite multius pronuntiasset; dum videlicet leges tradens, quibus veraces historias a fallacibus distinguere, atque internoicere liceat, prima lex, inquit, ex hominum probitate, integritateque sumitur. *Quæ omnino res locum habet, cum qua narrant historici, ea vel ipsi se vidisse testantur, vel ab iis, qui viderunt, accepisse. Qualia sunt pleraque in Epistolis Ambrosii, Cypriani, Hieronymi, Augustini; in libris quoque huius de Civitate Dei, in Dialogis Gregorii; breviter, in omnibus fere Doctorum Ecclesiæ probatissimorum scriptis, in quibus mendacium suspicari, quod ad memoriam sempiternam transferre illi scribendo voluerint, piaculum est. Magnis quippe præclarisque virtutibus Viri sanctissimi, atque optimi id consequi meruerunt, ut in rebus huiusmodi, quas vel spectasse se, vel ab aliis fide dignis, qui spectarint, se audisse testati sunt, fides omnino illis habeatur.*

Baronium imitatur Philippus Labbe, lib. de Scriptoribus Ecclesiasticis, de libris Dialogorum Gregorii Magni sermonem habens; sequæ Melchioris Cani cavillos, ac machinas in examine dissoluturum spondet.

Stylum multo acrius in eundem exercet Theophilus Rainaudus, sub Petri a Valle clausa nomine delitescens, in Diatribis contra Cyriacos, multa in Virum celeberrimum pro more suo convicia congerens, & Baronii observationes dumtaxat excubens. Male habet, Cani librum, vel ob id solum non fuisse a Romanis censoribus aut prohibitum, aut scopā mundatum. *De sanitis itaque Gregorio, & Beda, inquit, talia scriptis committere ausum Melchiorum Canum, res est profecto dignissima admiratione. Nec minus stupendum est, talia scripsisse hominem religiosum, & impune tulisse: ita ut nullus iudex publicus, de libro adeo perulans de Sanitis Scriptoribus iudicium continente, præscribat, aut supprimendum esse, aut corrigendum. Sic sane Melchioris Cani reprehensores.*

Age itaque, & quid tandem in Gregorii Magni Dialogos, & in Bedæ Historiam Canus scripserit, quo tam acres in se reprehensiones excitavit, paulo distinctius videamus. *Veteres excuso, inquit ille, libro 11. de locis, cap. 6. & Sanctis,*

illos, & eruditos viros, quorum & libros, & nomina volentem ascribere pudor me ac religio vetaret, nisi contra vereretur, ne mea hac taciturnitas plerisque causa esset, ut aut damnarent qua non intelligerent, aut errore vario circum Sanctorum omnium historias vagarentur. Atque Theologum etiam admoneri opera pretium est, ne id statim illi persuasum sit, omnia, quæ Magni auctores scripserint, undique esse perfecta. Nam & labuntur aliquando, ut ille ait, & oneri cedunt, & indulgent ingeniorum suorum voluptati, vulgoque, ut dixi, interdum etiam indulgent: Nec semper intendunt animum, & nonnunquam saugantur: adeo, ut Cicero Demosthenes dormire, Horatio vero Homerus quandoque ipse videatur. Summi enim sunt, homines tamen. Quæ ego eadem de Beda, atque Gregorio iure sumisse, ac vere dicere possum. Quorum ille in Historia Anglorum, hic in Dialogis quadam miracula scribunt vulgo jactata, & credita, quæ hujus præsertim sæculi Aristarchi incerta esse censebunt. Equidem historias illas probarem magis, si earum auctores juxta præfinitam normam, severitati judicii curam in eligendo majorem adjunxissent. Sed quoniam modeste, & circumspetto judicio de tantis viris pronuntiandum est, ne in his quidem rebus rejicienda sunt plurima. Pauca enim in eis possi arguere, quamvis historiam Ecclesiasticam revocare ad severiora judicia contendas. Ac si necesse est in alteram peccare partem, omnia eorum probari legemur, quam reprobari malo. Hæc ibi.

Ita ne vero in Gregorium, & Bedam injurtus Canus, quia & illos in historicis narrationibus oneri celsisse aliquando, & ingeniorum suorum voluptati, vulgoque indulgisse dixit? Ita ne in Divos nimis audax, quod quædam illos miracula vulgo jactata, & credita, quæ hujus præsertim sæculi Aristarchi incerta esse censent, scripsisse notet; eorumque historias se multo magis probaturum profiteatur, si juxta præfinitam normam, severitati judicii curam in eligendo majorem adjunxissent? Nemo sane est judicio vel leviter accurato, qui non talia plerumque moneat, de miraculorum ac pliarum historiarum scriptoribus, ex aliena præsertim fide, gesta narrantibus. Idque præ cæteris æquiori jure monere debuit Melchior Canus, qui pro sui operis instituto, non pium lectionem, pro componendis moribus, fovendaque pietate, ad religiose historię lectionem informat, sed Theologum accuratum erudit ad manus contra religionis hostes conferendas, ex historię fide penitus inconcussa. Valeant ergo, per Canum licet, ad informationem morum petita undecumque miracula, historię narrationes a viris probis ac piis undevīs acceptæ; quales plerumque in eum finem ex aliena fide Gregorius narrat in Dialogis: at expugnandis Hæreticis valere omnia illa, sine criterio, sine discrimine, sine delectu nemo dicet, qui severiores illos sæculi Aristarchos, & Hæreseos ingenium expertus est.

Egit ergo Gregorius in Dialogis pro suo instituto quod debuit, laude, eaque plurima longe dignissimus: interim tamen asceticum Historicum egit, non Polemista. Verum personam aliam in locis Theologicis induit Canus noster, monetque ex officio, quid Theologis congruat, ut certa & indubitata habeant argumenta, refellendis hæreticis opportuna. Aliud quippe est, inquit Hieronymus contra Jovinianum, gymnasticos libros scribere, aliud dogmaticos; aliud querere, aliud definire.

Ad hæc, cum Gregorius ex amicorum fide, pleraque gesta, ac miracula referat, uti loquitur epist. quinquagesima; quid mirum, si, ut erat & adversa admodum valetudine, dum scriberet, & publicis Ecclesię negotiis implicatus, atque districtus, satis illi non fuit otii, ut singula ad severioris criticę limam vocaret; quæ aliunde (quod unum illi studium erat hoc loco) & pietati favebant, & fidelium genio arridebant?

Cæterum tantum adest, ut grandia illa Gregorii, ac Bedæ nomina contempserit Canus noster; ut suam potius in illos venerationem, hoc ipso in loco, qui a censoribus reprehenditur, egregie testatur sit. Veteres, inquit, excuso, & Sanctos & eruditos viros, quorum & libros, & nomina volentem ascribere, pudor me ac religio vetaret, nisi contra vereretur..... sed quoniam modeste, & circumspetto judi-

judi-

judicio de tantis Viris pronuntiandum est, ne in iis quædam duobus rejicienda sunt plurima. Pauci enim in eis possit arguere.

Melchioris Cani de libris Dialogorum judicium probarunt Viri doctissimi. Petrus Gonzavilleus, operum Sancti Gregorii diligentissimus editor, usque adeo Sanctum Doctorem pie amicorum fidei plus justo, in enarrandis historiis, dedisse putat, ut pietatis errorem illum fuisse dicat, quam non deceat in illiusmodi factis adeo esse sollicitam.

In ejusdem sententiam venit Natalis Alexander seculo 6. Historiæ Ecclesiæ, ubi Sanctissimi Pontificis dialogos a Dallæi cavillationibus vindicans, Melchioris Cani, seu viri Doctissimi judicium probat, ac pene transcribit ex integro, facitque suum.

Addipulatur verbis etiam multo durioribus, a quibus Canus longe abest, Ellies Du Pin in Bibliotheca Ecclesiastica, Tomo quarto, seculo sexto. *Tametsi*, inquit, in dubium verum nequeat, an qui Sancti Gregorii nomen Dialogi præferunt, illius res ipsa sint; quandoquidem eos ipse suos adscripsit, & ab eius discipulis, ceterisque, qui paulo post floruerunt, scriptoribus quosque; minus tamen Pontificis Sanctissimi gravitatem, judiciumque referre videntur: adeo scilicet prodigia procius immutatis narrationibusque fidem omnem superantibus, passim abundant. Equidem hæc ille aliena fide narrat; verum nec fidem illis ita de facili adungere debuit, nec ea mihi certissima venditare. Opus in quatuor libros distributum est, in Dialogi modum, quo Gregorius ipse, ac Petrus Diaconus colloquuntur. Stylus plus æquò humilis scriptus: Gesta rudi & impolita oratione narrantur; elegantia nulla, lepore nullo conduntur. Petri interlocutiones, fæne semper & incondita, sæpius etiam a proposito aberrant. Narrata historia, sola sæpe senum imperitorum flante fide, aut pervagato rumore: prodigia adeo frequentia, stupendaque, ac levi interdum de causa perpetrata recitantur, ut fidem univrsis adungere difficilissimum sit. Historias etiam nonnullas vix cum eorum, de quibus narrantur, ætate conciliaveris: ut voluntariam Drui Paulini custodiam sub Vandalarum Rege. Visiones, ac somnia frequentius quam alibi uspiam recitantur. Unde & Gregorius ipse sub finem Dialogorum proficitur, plura ætate sua, quam retroactis seculis, de altera vita fuisse recepta. Verum hæc scio, an quis facta illa, disjunctaque omnia vellet in se recipere.

Quid si ea liberate de Gregorii Magni Dialogis pronuntiasset Canus? Quam dura animadversione exciperetur? At posuit ille censurae suæ modum. Falli Gregorium potuisse in enarrandis ex amicorum fide, ac vulgi fama nonnullis miraculis, observavit; quia tamen summus, homo tamen erat; multisque negotiis, curisque distractus, animum totius orbis salutis intentum, ad minutiarum istarum examen adducere non poterat. Quid hic porro mali, cum id de se fateatur Optimus Pontifex, iis ipsis in Dialogis, quos expendimus? Miranti siquidem Petro, qui fieri potuerit, ut de sancto Abbate Equitio (quem Apostolici muneris indignum Gregorius a nonnullis æmulis circumventum judicaverat) Pontifici tanto subreptum esset? responderet, ad rem quam versamus admodum appolite: Quid miraris Petre, quia fallimur qui homines sumus? An mente excidit, quod David, qui propheticum spiritum habere consueverat, contra innocentem Ionathæ filium sententiam dedit, cum verba pueri mentientis audiret? Quod tamen, quia per David factum est, & occulto Dei judicio iustum credimus, & tamen humana ratione, qualiter iustum fuerit, non videmus? Quid ergo mirum, si ore mentientium aliquando in aliud decimur, qui Prophetæ non sumus? Multum vero est, quod uniuscujusque præsulis mentem curiarum densitas vastat: cumque animus dividitur ad multa, sit minor ad singula; tantoque ei in unaqualibet re subripitur, quanto latius multis occupatur. Lib. I. Dialog. cap. 4.

Neque vero secum ipse pugnare censendus est Canus, quemadmodum opponit Cardinalis Baronius, dum is paulo supra Gregorii Dialogos iis Patrum, Scriptorumque probatissimorum libris annumerat, quibus fides omnino est adhibenda, nullumque in eis mendacium suspicari licet. Hoc etenim ejus est

b in

In Gregorium venerationis argumentum; quo eum a mendacio studiose conficto, & ad illudendum simplicibus de industria confarcinato alienum, pro sua sanctitate reputavit. Id siquidem magnis præclarisque virtutibus inierit Sanctissimus Pontifex; etsi ut homo erat, celsitudinem, atque obreptionem esset obnoxius. Valde quippe duo illa inter se distant, mendacium, ac celsitudo: Primum perverse voluntatis, alterum humanæ conditionis est vitium. Habent viri Sancti, quia Sancti sunt, ut fallere nolint; sed habent, quia homines sunt, ut falli ab hominibus possint. Nec quia emunctorem in Gregorio narrem desideravit Canus, fidem illi negavit omnem. Quod enim delusus aliquando fuerit, casu factum citi; quod vera sepius dixerit, voluntate.

Baronium ipsum ea in re judicem volo, ac etiam appello. Is certe Trajani Imperatoris ex inferis liberationem Divi Gregorii precibus impetratam, tametsi a Sancto Joanne Damasceno in Oratione de Fidelibus Defunctis magna pompa explicatam, narratamque, ad fabulas amandat totum Æsopum olentem, in Annalibus ad annum 604. num. 60. Sed quid tum, ne Damasceni sanctitati, ac doctrinæ injurius habeatur, ejus historicam narrationem exsufflat? Audi historici eminentissimi promptam liberamque excusationem. *Primum quidem*, inquit, *ab omni imposture suspitione virum sanctissimum immunem reddimus*, nihilque ab ipso commentitium esse factum vel excogitatum constanter asserimus: sed quod ipse vere factum accepit, ac credidit, hoc ipsum quomodo audivit, scriptis suis bona fide mandavi. At in iis, quæ ad verum gestarum veritatem spectant, quam frequenter accidat falli etiam prudentissimos, non in antiquis tantummodo, sed & in iis quæ dicuntur in eodem loco, quo ipsi sunt, & quo vivunt tempore, cum usus doceat, pluribus demonstrare supervacaneum esse putamus. Ob idque nihil est ut quantavis sive sanctitatis, sive doctrinæ cuiuslibet prerogativa Viri, quod non factum sit unquam, ut factum asserentis, ipsi veritati præjacentium possint inserere, cum in his quæ sunt facti, non dogmatis, potuerit quisque sanctissimus, atque doctissimus, fideique orthodoxæ professor, atque defensor, aliquando falli. Recte id quidem, prudenterque Annalium parens. At quid aliud sibi voluit Canus nover, ubi pauculas illas ex Divi Gregorii Dialogis fabulas rejectit, ex alienorum fide, & narratione recitatas? Mirum in Melchiorre Cano damnassem Baronium, quod is pari fiducia, ac majori etiam libertate usurpavit.

CAPUT III.

Altera Criminatio refellitur, de eodem Gregorio lesa in Epistola 31.

LEgimus apud Gregorium Magnum lib. 6. epist. indiotione 15. epist. 31. *In historia autem Sozomeni, de quadam Eudoxio, qui Constantinopolitana Ecclesia Episcopatum arripuisse dicitur, aliqua narratur. Sed ipsam quoque historiam Sedes Apostolica suscipere recusat, quoniam multa mentiuntur, & Theodorum Mopsuestia nimum laudat, atque usque ad diem obitus sui magnum Doctorem Ecclesie fuisse perhibet. Quem Gregorii locum ad trutinam revocans Melchior Canus lib. 11. de locis cap. 6. nihil tale apud Sozomenum de Theodoro Mopsuesteno legi notat, bene vero apud Theodoretum lib. 5. Historiæ cap. 27. ubi Theodorum istum præclarum Doctorem fuisse scribit, & cap. 40. ubi sic habet: Moritur Theodorus Episcopus Mopsuestias, cum omnium Ecclesiarum Doctor, tum hæreticæ cohortis profligator.*

Quare nodum ut solvat Vir eruditus, ita pronunciat: *Non video, quemadmodum responderi possit, nisi dicamus, aut Gregorium alios libros Sozomeni legisse, qui in manus nostras non venerunt; Aut memoria lapsum, pro Theodoro Sozo-*

MENTIS

menum scripsisse. Quid aptius, rectiusque excogitari potuit: cum alias certo certius sit, quæ de Theodoro Mopsvesteno a Gregorio recitantur, non apud Sozomenum, sed apud Theodoretum hodie reperiri? Et hoc tamen Cane responsum fugillat Baronius in Annotationibus ad diem 27. Novembris. Quodque mirandum magis, priorem responsionis partem dissimulans, quasi de interdictis Sozomeni Codicibus nihil Cane observasset; imo prius illam responsionem, uti solvendæ difficultati opportunam arripiens, ita de Cane iudicio pronunciat: *Gregorius Sozomeni locum citat de laude Theodori Mopsvesteni Episcopi: Quem quidem cum Cane apud Sozomenum non reperiri contendat, quasi ositantia Gregorium redarguens, locum illum dicit esse Theodoretum lib. 5. cap. 39. sed non animadvertit, nos non habere integram Historiam Sozomeni, ac complures eius libros excidisse.*

Lectorum fidem appello, an non id quoque, ac primo etiam loco animadverterit Cane? *Aut Gregorius*, inquit ille, *alios libros Sozomeni legit, qui in manus nostras non venerunt: aut &c.* Illius quippe, ut vidimus, bimembre responsum est: hancque primam, de interdictis Sozomeni Codicibus, solvendi nodi intricatissimi viam aperuit, quam unam occurrere Baronius existimavit. Quare si quid in ea probabilitatis est, totum id Melchiori Cane, qui eam primus omnium aperuit, acceptum referre debuit, non ositantia, quasi minus adverterit, redarguere.

Sed & in hoc multo magis falsus est Baronius, quod ita solutioni huic stantium velit, ut alteram ab eodem Cane subiectam despiciatur; Viroque erudito succenseat, quod Gregorium Magnum memoria forte lapsum dixerit, ut Sozomenum pro Theodoretto nominaret. Quandoquidem longe certius est, Sozomenum pro Theodoretto ex memoriæ lapsu a Gregorio scriptum esse, quam aliquos Sozomeni libros, quod constanter Baronius asserit, excidisse.

Et quidem Henricus Valeſius in suis ad Socratem, & Sozomenum, quos latine reddidit, observationibus, hanc Baronii responsionem improbat, ut alteram ex Cane petitam ineat. *Hæc*, inquit, *Baronii responsio, licet Miſero, & Posſo, aliisque placuerit, mihi tamen haudquaquam satisfacit. Quis enim credat Gregorii Magni ætate integros fuisse Sozomeni Codices, quam nunc sint? Nam Cassiodori ætate, qui Gregorium Magnum antecessit, nihilo antiquiores erant Sozomeni Codices, iis quos nunc habemus: Idque ex Historia tripartita ejusdem Cassiodori facile est cognoscere.*

Decretorium profecto est contra Baronium Valeſii argumentum, quod ex Tripartita Cassiodori Historia repetit. Cum enim is e tribus Græcis Auctoribus Theodoretto, Socrate, ac Sozomeno „per Epiphanium Scholasticum latine redditus, historiam sacram compendio redegerit, non ultra historiam ex Sozomeno defloratam producit, quam ubi hodierni Sozomeni Codices defuerunt. Adeo verum est, Cassiodori ætate, atque adeo multo magis Gregorii Magni temporibus, Sozomeni codices nihilo auctiores fuisse iis, quos nunc habemus. Falsum itaque, libros aliquos posteriores ejus historiæ excidisse, e quibus illa de Theodoro Mopsvesteno lacinia a Gregorio Magno peti potuerit. *Hæc*, inquit, inquit Cassiodorus in Præfatione, *Historia Ecclesiastica, quæ cunctis Christianis valde necessaria comprobatur, a tribus Græcis Auctoribus mirabiliter constare esse descripta; Uno scilicet Theodoretto venerabili Episcopo, & duobus discretissimis viris, Sozomeno, & Socrate; quos nos per Epiphanium Scholasticum latino condentes eloquio, necessarium duximus eorum dicta deflorata in minus stylis tractum, Domino iuvante, perducere, & de tribus auctoribus unam facere dictionem.*

Iis adde Sozomenum, si pauca e suo penu interiecta excipias, nil nisi Socratem exscriptis in historia concinnauda. Res legenti, & utrumque historicum conferenti perspicua est. At Socrates historiam ad ea duntaxat tempora perduxit, quo cum hodierni Sozomeni Codices referunt. Non ergo pro arbitrio fingendum est, posteriores ejusdem historiæ extitisse libros, quos & Gregorius legerit, & injuria temporum nobis abstulerit.

Se'd rem totam plane conficit, & Baronio prorsus occludit os Sozomeni præfatio ad Theodosium Imperatorem, cui suam nuncupavit historiam. Novem dumtaxat hujus historię libros se scripturum adpromittit: *In novem libros commodè distribui posse judicavi.* Totidem porro referunt hodierni Codices, a quibus controversia lacinia procul abest. Quo itaque jure plures hujus historię libros fingere liceat, qui a Gregorii ætate nobis exciderint?

Satiùs igitur est, hodiernos Sozomeni codices integros fateri; & Gregorium Magnum memoria lapsum, Sozomenum pro Theodoretò nominasse. Nam & ea levis oscitantia est, quam viri vel maximi pati possunt, cujus & exempla non pauca Baronius ipse nobis subministrat in Annalibus ad annum 603. atque istud maxime *Drus Gregorii Nazianzeni, Theologi anconomastice dicti, Sanctitate, atque Doctrina celeberrimi, qui in ea oratione, quam de Sancto Cypriano ad populum habuit, manifesto lapsus errore cognoscitur, cum duos in numm Cyprianos constat, Antiochenum, atque Carthagenensem, quos constat fuisse diversos, inter seque distinctos.* Aliunde vero in Theodoretum, uti Canus notat, optime cadunt quæcumque hoc ipso, quem expendimus loco refert Gregorius Pontifex. Theodoretus enim lib. 5. cap. 27. & 40. Theodorum Mopsvestenum commendat, ceu præclarum Doctorem, & hæreticæ factionis debellatorem: atque ob id ipsum a Quinta Synodo Generali damnatus est, actione quinta can. 13. & 14.

Melchioris Cani judicium probat Christianus Lupus in Notis ad Collat. 5. Synodi Quintæ: *Gregorius, inquit, lapsus est memoria, dicens Hermia Sozomeni historiam suam laudibus Theodori.*

Cardinalis Henricus de Noris in Dissertatione Historica de Quinta Synodo cap. 11. in Cani sententiam propendit magis. *Sententia Cani est probabilior: eumque idcirco acerrimi judicis virum vocat; & Baronii in illum censuram minus probat.*

In eandem Cani sententiam concedit, & Henrici Valefii in illius confirmationem prolata momenta mutuatur, ac probat Natalis Alexander in Synopfi Historię Ecclesiasticæ quinti sæculi cap. 4. art. 18. *Aut dicendum est, Gregorium Magnum memoria vitio lapsum fuisse, qui id, quod a Theodoretò dictum est, Sozomeno tribuerit. Quæ in sententia fuit noster Melchior Canus lib. 11. locorum Theologicorum: Aut certe cum Baronio in Annotationibus ad Martyrologium Romanum, dicendum est, maximam partem libri noni Hermia Sozomeni hodie desiderari: Historiam scilicet annorum circiter decem, & octo, a Consulatu Agricolæ & Enfiachii usque ad Consulatum decimum septimum Theodosii Augusti: & in iis capitulis, quæ hominum vitia pertine, Sozomenum ea scripsisse de Theodoro Mopsvesteno, quæ a S. Gregorio Magno referuntur. Verum hanc Baronii responsionem Valefius non probat, quia Gregorii Magni ætate integritates non erant Sozomeni Codices, quam nunc sint. Nam Cassiodori ætate, qui S. Gregorium antecessit, nihil auctoritates erant eis, quos nunc habemus: Quod ex historia tripartita ejusdem Cassiodori perspicuum est.*

At iis omnibus præstat Justinianus Imperator in edicto contra tria capitula, ubi postquam Theodori lapsum recitavit, ita subdit: *Pro us testimonium præbent Sozomenus, & Hesichius, & Socrates, & Theodoretus, qui multas pro Theodoro laudes fecit.* Theodoretò itaque speciale fuit, ut Theodorum laudibus commendaret, non Sozomeno. Quod quidem argumentum pro Melchioris Cani adversus Baronium videtur invictum.

Verum opponit Baronius: Spondet Sozomenus in præfatione ad Theodosium, se perducturum historiam suam usque ad 17. Consulatum ipsius: Nempe ab anno 324. usque ad annum 439. Hodierni vero Codices desinunt in Consulatu Agricolæ, & Eustachii; Terminantur enim necesse, seu potius placida morte Constantii Imperatoris Collegæ Honorii, qui sub Agricolâ, & Eustachio Consulibus extinctus est anno 421. Desunt ergo anni circiter 18, qui ab eo Consulatu, ad 17. Theodosii Consulatum exiluxere. Quibus præterit temporibus, oborta hæresi Nestoriana, quæ a prædicto Theodoro Mopsvesteno ducit originem,

nem, de eodem Theodoro prolixior erat absque dubio narratio.

Ita sane spondet Sozomenus. At qui historiam ad decimum septimum Consulatum Theodosii se perducitur spondet, hanc quoque novem dumtaxat libris se complexurum proficitur: Porro hoc opus meum, inquit ille, a tertio Consulatu Crispi & Constantini Caesarum, usque ad septimum decimum Consulatum meum progredietur. Idque in novem libros commode distribui posse existimavi. Nomen autem librum habemus. Quid ergo? Profecto si quidpiam hujus historię intercidit, ubi decem, & octo annorum spatia concludantur, non libri integri, ut Baronius putat, sed capitula forte aliqua interciderunt: quę post decimum septimum, quod in hodiernis codicibus ultimum est, legebantur. Quidni etiam dicamus, Sozomenum alienis forte curis occupatum, non stetit promissis? Divinationi enim hic locus est.

Ut ut est, excitata illa a Baronio difficultas nihil juvat Gregorii Magni causam. Demus quippe historiam decem & octo annorum ex Sozomeni Codicibus intercidisse: certe ante Gregorium intercidisse necesse est, cum in Cassiodori Compendio, qui Gregorio aetate superior est, desideretur. Atque adeo nihil ex ea de Theodori laudibus excipere potuit Sanctifidus Pontifex.

Interca quod ad Canum attinet, is profecto in tuto est. Nemo prudens responsionem ejus improbaverit, in ea utrinque difficultatum obsidione. Alterum enim necessario respondendum est: Vel Gregorium alia in Sozomeno legisse, quę ad manus nostras non venire: Vel memoria lapsum, pro Theodoro Sozomenum scripsisse.

CAPUT IV.

Tertia de laeso Doctore Angelico accusatio depellitur.

PErge ad alteram quorundam reprehensorum criminationem. Res sic se habet. Oraculum Euangelicum Lucę secundo, *Iesus autem proficiebat sapientia, & aetate, & gratia apud Deum, & homines*, exponens in Catena Aurea Doctor Angelicus, congestis pro more suo variorum Patrum interpretationibus, ita Gregorium Nazianzenum loquentem inducit. Gręcus Nazianzenus: dicitur autem secundum humanitatem proficere, non quod ipsa suscipiat augmentum, quę ab initio fuit perfecta, sed ex eo quod paulatim manifestabatur. In quę verba observat Melchior Canus lib. 12. de locis cap. 14. lectionem vitiosam esse, eumque locum immerito tribui Gregorio Nazianzeno, apud quem nihil hujusmodi legere est. Gręcus, inquit ille, quem refert sapissime Drusus Thomas in Catena (quamvis hoc loco vitiosa sit lectio, & tribuatur Gregorio Nazianzeno) ait, dicitur secundum humanitatem proficere, &c.

Cani censuram, qua locum illum Gregorio Nazianzeno falso tribui monet, carpit Jacobus Billius in Annotationibus ad Orationem 20. S. Gregorii Nazianzeni num. 65. *Vir doctissimus Melchior Canus lib. 12. de locis cap. 14. in hoc fallitur, quod ille, ubi Drus Thomas Catenam citat, vitiosam lectionem esse ait, falsoque ea verba Nazianzeno nostro tribui. Vides enim Gręcum illum, quem Drus Thomas proferi, Gręcum nostrum esse. Quare periculosum est, negare aliquid in auctore quopiam esse, nisi totus ille auctor memoria teneatur.* Nazianzeni vero locus, quem a Doctore Angelico vere indigitatum Billius opinatur, sic habet, ea in Oratione, quę est de Basilii laudibus: quod ego in Salvatore prospicio, atque etiam, ut opinor, sapientiorum quilibet, quo tempore nobiscum extitit, id quod supra nos, & nostrum erat formatum, hoc quoque hic contigisse animadverto. Proficiebat enim, inquit, ut aetate, ita etiam sapientia: non quod hac in illo incrementum caperent (quid enim in eo, quod a principio perfectum erat, perfectum esse possit) sed quod hac paulatim detegerentur, & elincerent. Eodem modo Basilii virtutem

enim eo tempore, non incrementum, sed maiorem operationem accepisse arbitror, ubiorem nempe materiam suppeditante potestate.

Billii animadversionem mutuatur Theophilus Raynaudus in diatribis adversus Cyriacos, multaque in Canum probra jact, atque dictoria. At perperam illi & injuria; Ac primo quidem, quod hic censura notat Melchior Canus, Divum Thomam non tangit, sed ejus dumtaxat operis editorem. Siquidem Doctor Angelicus passim in Catena Aurea Græcum illum expositorum indicat, absque ulla peculiari nomenclatione vage tantum, atque ex solo nomine patriz: Qui vero veteres editiones curarunt, vagum illud Græci auctoris nomen speciali quadam nota determinarunt; prout in Græcis Auctoribus reperisse sibi visi sunt, quæ ex Græco auctore Doctor Angelicus recitabat. Ea fiducia freti viri boni, Gregorium Nazianzenum notarunt hoc loco, quasi ex eo petita esset recitata sententia; quia non nihil simile apud eum legere est Oratione 20. de laudibus S. Basilii. Quare non Divum Thomam, sed ejus veteres editores, carpit hic Canus noster. Jure porro, an injuria carpat, expendamus.

Certe, quantum capio, jure omnino id agit. Nam si sententiam ab Angelico Doctore ex græco auctore relata cum Nazianzeni loco conferamus, non verbis modo, sed &, quod notandum magis, sensu differunt: Sententia quippe a Divo Thoma laudata, de profectu humanitatis aperte disserit, prout completitur *essentia* homini, quatenus homo est: Nazianzeni autem Oratio, de accidentibus, ætate scilicet, atque sapientia. Non ergo Græci auctoris nomine Nazianzenus designatur. Hincque effectum est, ut Joannes Nicolai Theologus Parisiensis novissimus, cæterisque omnibus diligentior, & accuratior Catenz Angelicæ editor, totam illam Græci expositoris indistincte laudati pericopen, non Nazianzeno, sed Cyrillo Alexandrino tribuerit, apud quem (videlicet assertionem 28. thesauri) legi potest, sin minus totidem verbis, at certe sensu, ac potestate.

Ego vero, ut fatear ipse quod sentio, nec Nazianzenum, nec Cyrillum, nec alium ex notis auctoribus hoc loco (aut aliis quibuscvis, ubi Græcus simpliciter expositor notatur) legi velim. Sentio quippe, nec forte mihi vana fides, Græcum illum certum autorem esse, sed Anonymum; qui, ut aliis contigisse notum est, sua dumtaxat scripta sciri ad publicam utilitatem, sed se nesciri, ad privatam humilitatem voluit. Et si, quoquo pacto se res habeat, stat prudens, nullique animadversioni obnoxia Cani censura.

CAPUT V.

De oppugnato Divo Hieronymo querela refutatur.

IN judicium a nonnullis traducitur Canus, tamquam in Divum Hieronymum nimis injurius lib. 11. de locis cap. 5. ubi recolens S. Doctoris sententiam, de veterum Patrum traditione, qua Adamum in monte Calvariaz sepulcrum a-junt, non debuit, inquit, tantopere ridere Hieronymus, Adami in loco Calvariaz sepulcrum: Nec nos, viri licet sanctissimi exemplo, historias hujusmodi ridere debemus. Id scilicet minus reverenter dictum criminantur nonnulli reprehensores. Age itaque videamus, a quibus, & per quos, ad nos usque ea traditio manarit, quæ a Divo Hieronymo irrisa est; Ut hinc judicari merito possit, an irri-sionem moleste tulerit Canus noster. Certe vix ulla de pia quadam, ac religio-sa historia, traditio ferri potest, quæ ad stipulatoribus & antiquitate, & aucto-ritate majoribus adnitatur.

Horum agmen, ut par est, duceret Tertullianus lib. 2. contra Marcionem metricæ scripto, si ipsius re vera opus esset, ut a multis creditum, est. Ita quip-pe ibi legere est:

Col.

*Golgotha locus est, capitis calvaria quondam,
Lingua paterna prior sic illum nomine dixit.
Hic medium terra est, hic est victoria signum.
Os magnum hic veteres nostri docere repertum:
Hic hominem primum suscepimus esse sepultum;
Hic pariter Christi pio sanguine terra madescit.
Pulvis Ada, ut possit veteris cum sanguine Christi
Commixtus, stillantis aqua virtute sanari.*

Verum spurium Tertulliani partum rejiciunt quotquot extant critice scientie periti; Quibus persuasum est, tantum visum tamatas musas non habuisse. Quare meliori titulo chorum ducet S. Cyprianus tractatu de Resurrectione Christi: Nos ad Christum pertinentes, cuius sanguine conpersa creditur Adam Calvaria, qui sub loco, quo crux Domini fixa est humatus dicitur ab antiquis, eiusdem sanguinis sanctificati elapsu latemur, & delectemur in Domino.

Sequitur Origenes tractatu 35. in Matthæum. Venit ad me traditio quadam talis; quod corpus Ada primi hominis ibi sepultum est, ubi crucifixus est Christus; Ut sicut in Adam omnes moriuntur, sic in Christo omnes vivificentur: Ut in illo loco, qui dicitur Calvaria locus, idest locus capitis, caput humani generis resurrectionem inveniat, cum populo universo per resurrectionem Domini Salvatoris, qui ibi passus est, & resurrexit.

Succedit Basilii magnus enarratione in cap. 5. Isaïæ. Obtinuit fama quadam in Ecclesiæ memoriam conservans, non quidem scripto proditam, quæ & talis est. Quod prima utique Judæa hominem habebat incolam, nimirum Adam, simul atque excidit delictis Paradisi, in hac terra collocatum, ad mitigandam iacturam bonorum, quibus fuerat exutus. Prima igitur etiam mortuum hominem excepit, qui & illic eam sententiam condemnationis plane est executus. Itaque insolens esse, ac novum videbatur illius atatis hominibus spectaculum. Os capitis desuente carne nudum. At illi recondentes cranium, loco illi indidere xaviv, idest Calvariam. Probabili ratione porro Noe non ignorasse sepulchrum principis huius, & mortalium omnium primigenii. Siquidem hac de re fama a diluvio mox per orbem propagata est ab ipso, & dimanavit. Eoque Dominus excussa origine humana mortis, in loco, qui xpiiv dicitur, idest Calvaria, passus est: Ut quo in loco corruptio, siue mors hominum initium accepit, illic vita regni suum sumeret exordium. Et quemadmodum invaluit in Adam, ita & in Christi morte inefficax redderetur, & pessum iret.

S. Athanasius, aut quisquis alius auctor pervetustus Homiliæ de Passione, seu de Cruce Domini, apud eundem. Ubi corruptum est genus humanum, ibi Christus proprium corpus exposuit: Ut ubi seminata est corruptio, ibidem incorruptio oriatur: Propter quod in loco Calvaria crucifigunt: Dicit enim, Et postquam venerunt in locum, qui vocatur Calvaria, ibi crucifixerunt eum: Quem locum Doctores Judæorum ajunt esse sepulchrum Ada.

Chrysostomus homilia 84. in Joannem: & exivit in eum, qui dicitur Calvaria locus. Ubi quidam dicunt, Adam & mortuum, & sepultum esse: Et Jesum, ubi mori dominata est, ibidem trophæum erectisse, hoc est crucem, quam tulit contra mortis tyrannidem.

Ambrosius lib. 4. in Lucam: Ipse autem Crucis locus, vel in medio, ut conspicis omnibus, vel supra Ada, ut Hebræi disputans, sepulchrum. Congruerat quippe, ut ibi vita nostra primitia locarentur, ubi fuerunt mortis exordia.

Theophylactus in caput 27. Matthæi: Calvaria Cranii locus dictus est, eo quod dicunt, quod traditiones Patrum tenent, quod Adam illic sepultus sit.

Idem in cap. 19. Joannis: Porro Calvaria locum dicebant, sicut narratio prodit, quod illic sepultus sit Adam; ut ubi principium mortis, illic & casus eius fieret. Traditio enim ecclesiastica est, quia prior Judæa, postquam eiectionis fuit homo de Paradiso, domicilium ibi habuit, in salutin bonorum quæ in Paradiso perdidit, data est ei terra illa, quæ omnium aliarum optima esset, & pinguisima. Propterea

& prima omnium suscepit hominem. Homines igitur, qui tunc erant, habuerunt pro miraculo mortui Calvariam depilaram; in illo loco habitantes, inde eum nominaverunt, & post diluvium fama hac in omnes divulgata est.

S. Epiphanius lib. 1. adversus Hæreses tom. 3. verius finem: Est profecto, quod intelligenti mirum videatur id quod & librorum monumentis deducimus: Dominum nostrum Jesum Christum in Golgotha esse crucifixum, nimirum in eo potissimum loco, in quo Adami corpus jaceret. Hic enim e Paradiso digrediens diu ex adverso illius habitavit. Deinde longo postea tempore in illum, quem dixi Hierosolymorum locum secessit, ubi & vita functus, in Golgotha sepultus est. Quia ex re merito locus ipse nomen accepit, ut Calvarie interpretando diceretur. Tum quorundam opinionationem confutat, qui locum illum Calvariam dictum ajunt, quod in Calvarie similitudinem aptatus sit: ac demum subdit: Unde igitur Calvaria nomen obtinuit? quod nimirum primi hominis illic calvaria reperta sit, eiusque reliquia defossa, ob id Calvaria locus appellatus est: In quo Dominus noster Jesus Christus sublati in cruce, per aquam illam, & sanguinem, ex eius perforato latere profusum, veluti imaginem quamdam totius salutis nostræ negotium adumbravit: Dum primi hominis reliquias ab ipso massæ principio rigare capis, ut ad detergendam lachrem, faciatemque nostram, ac penitentis animæ repurgationem, sui sanguinis aspersioem ostendat.

Paula, & Eustochium, doctæ Virgines, in epistola ad Marcellam, inter Hieronymianas 17. in hac urbe (Jerosolyma) imo in hoc toto loco & habitasse dicunt, & mortui esse Adam. Unde & locus, in quo crucifixus est Dominus noster, Calvaria appellatur, scilicet, quod ibi sit antiqui hominis calvaria condita. Ut secundum Adami, idest Christi, sanguis in cruce stillans, primi Adam, & jacentis protoplasti peccata dilueret, & tunc sermo ille Apostoli completetur, Excitare qui dormis, & resurge a mortuis, & illuminabit te Christus.

Eos inter antiquæ traditionis suffragatores, ac testes annumeratur ab aliquibus August. sermone 71. de tempore, ubi ita legimus: Hoc antiquorum relatione refertur, quod & Adam primus homo, in ipso loco, ubi crux fixa est, fuerit aliquando sepultus. Et ideo Calvaria locum dictum esse, quia caput humani generis ibi dicitur esse sepultum. Et vere, fratres, non incongrue credunt, quod ibi erectus sit medicus, ubi jacebat egrotus: & dignum erat, ut ubi occiderat humana superbia, ibi se inclinaret Divina misericordia; & sanguis ille pretiosus etiam corporaliter pulverem antiqui peccatoris, dum dignatur stillando contingere, redemisse credatur. Verum sermo ille in novissima Benedictinorum editione velut apocryphus in appendicem reiectus est. Imo, quod notandum magis, tota illa de Calvarie loco narratio a manuscriptis codicibus abest.

Laudat Cardinalis Baronius eundem Augustinum quæst. 161. in Genesim: At non de Adam, sed de Abrahamo, cæterique Patriarchis duntaxat agit, dum inquit: Ubi ergo sepelienda erant eadavera Patriarcharum, nisi in ea terra ubi ille crucifixus est, cuius sanguine facta est remissio peccatorum? Eundem illum Doctorem sanctissimum lib. 16. de civit. Dei cap. 32. laudat Maldonatus, sed aberrat: Nihil quippe de ea, quam movemus, quæstione, eo loci legere est. Quare frustra inter hujus traditionis testes producitur.

His longe verius certiusque adjungendi veniunt Anastasius Sinaita, Cyrillus Monachus, Nonnus Panopolitanus, S. Germanus, Euthimius, Honorius Augustodunensis, quorum testimonia recenset Malvenda noster, de Paradiso voluptatis cap. 55.

Primus omnium adversus traditionem tot testibus quavis exceptione majoribus assertam calarnum acuit S. Hieronymus, ac veluti anilem fabellam excusavit lib. 4. commentariorum in Matthæum, ad cap. 27. quasi a privato quodam, vacuoque cerebello excogitatum. Audivi quemdam, inquit ille, exposuisse Calvaria locum, in quo sepultus est Adam, & ideo sic appellatum esse, quia ibi antiqui hominis sit conditum caput; & hoc esse, quod Apostolus dicit, Surge, qui dormis, & exurge a mortuis, & illuminabit te Christus. Favorabilis interpretatio.

& mulcens anrem populi, nec tamen vera. Extra urbem enim, & foras portam, loca sunt, in quibus truncantur corpora damnatorum; & Calvaria, idest decollatorium. sumpsere nomen. Propterea autem ibi crucifixus est Dominus, ut ubi prius erat area damnatorum, ibi erigerentur vexilla martyrii. Et quomodo pro nobis maledictum crucis factus est, & flagellatus, & crucifixus; sic pro omnium salute, quasi noxius, inter noxios crucifigeretur. Sin autem quispiam contendere voluerit, ideo ibi Dominum crucifixum, ut sanguis ipsius super Adæ tumulum distillaret; in-terrogemus eum, quare & alii latrones in eodem loco crucifixi sint? Ex quo appareret, Calvariam, non sepulchrum primi hominis, sed locum significare decollatorum; ut ubi abundavit peccatum, superabundaret gratia. Adam vero sepultum iuxta Hebron, & Arbæ, in Jesu filii Nave volumine legimus. Josue 14. Quibus similia habet lib. 3. commentariorum in epist. ad Ephesios ad caput 3.

Hieronymum secutus est Isidorus lib. 15. originum cap. 1. Hebron civitas Judææ: Ipsa est Harbe, a numero ita vocata, quod ibi tres Patriarcha sepulti sint, & quatuor Adam.

Subscripti Venerabilis Beda in caput 27. Matthæi: Golgotha namque, inquit ille, Syrum nomen est, & interpretatum Calvaria. Est autem ipse locus in Heliæ, tunc extra urbem ad septentrionalem plagam montis Sion, & Calvaria, non ob calvitiem primi hominis, quem ibi quidam errantes sepulchrum frustra suspicantur; sed ob decollationem reorum, atque damnatorum dicitur. Et propterea ibi crucifixus est Dominus, ut ubi prius area damnatorum erat, erigerentur vexilla martyrii. Lege eundem in cap. 23. Lucæ.

Adstipulati sunt Paschasius Ratbertus lib. 12. in Euang. Matthæi, & Doctor Angelicus 3. p. quæst. 47. art. 10. ad 3. ubi Divi Hieronymi verba exscribit, eorumque rationem istam profert, quia magis Jesus crucifigendus erat in loco communi damnatorum, quam juxta sepulchrum Adæ; ut ostenderetur, quod crux Christi non solum erat in remedium contra peccatum personale ipsius Adæ, sed etiam contra peccatum totius mundi.

Porto nemo erit, opinor, qui si rem paulo penitius introspeciat, traditionem ab Hieronymo irrisam, testibus longe pluribus, usque gravioribus confirmatam non agnoscat. Atque ita Canum nostrum ex historiæ legibus egisse, dum pro defendendis tot reliquis Patribus, a me paulo ante laudatis, ab Hieronymo in re præsertim ad fidem minime spectante, quæque facti duntaxat est, discessit. Quin imo nil dubitandum, Cypriani, Origenis, Basilii, Athanasii, Chrysostomi, Ambrosii, Epiphaniî testimonia Hieronymum lævisse; quibus si probatam de Adami calvaria traditionem novisset, non ita libenter irrisisset, tanquam ab obscuri nominis homunculo excogitatam.

Melchioris Cani de contraria Hieronymi opinione judicium probat annali-um parens ad annum 34. At, inquit ille, tanti Paris in primis rogata venia, his nequaquam adduci possumus, ut quod non ab uno, vel alio, sed ab omnibus fere antiquis Patribus, nec ut quidpiam recens excogitatum, sed a majoribus traditum, & scriptum est, tam facile contemnamus, cum præsertim ea, quæ ad hæc impugnanda inducit, non videantur esse hujusmodi, quæ nos ab illis penitus dissentire compellant. Quod idem habent Pamelius in notis ad sermonem S. Cypriani de resurrectione, Perrerus lib. 7. in Genesim, Toletus in cap. 19. Joannis annotatione 12. Bellarminus lib. 3. de statu peccati cap. 12. Fevradus in notis ad cap. 34. lib. 3. S. Irenæi, & alii non pauci.

Et vero duo duntaxat in oppositum adducit Hieronymus. Primum, quod Calvarie locus non a primi Parentis cranio, seu calvaria nomen traxerit, sed a capitibus decollatorum; quia ille truncabantur capita damnatorum: secundum quod Josue 14. Adam sepultus dicatur in Cariatharbe, versu 15. nomen Hebron ante vocabatur, Cariatharbe; Adam maximus ibi inter enacim situs est. Utrumque vero elumbe est. Ac primum quidem nihil conficit. Esto quippe a capitibus truncatorum Calvarie locus appellatus esset; quid tamen velat, ne & locus ille, ubi primus homo sepultus asseritur, postmodum sit electus

ad supplicia damnatorum; quod in edito situs esset, & Hierosolymis proximus? Nos locum publicum damnatorum fuisse non ambigimus: fuerunt enim ibi cum Christo, & alii crucifixi latrones: sed unde Calvariae nomen obtinuerit, certo nescimus. Nam quod de truncatis ibi reorum capitibus dicitur, vix credi potest: cum ejusmodi supplicium apud Hebræos nec lege sancitum esset, nec consuetudine comprobatum. Unicum enim ante Christi passionem, Joannis Baptistæ capite minuti exemplum occurrit apud Hebræos; cætera inde secuta, quæ vel in Scripturis, vel in antiquæ memoriæ instrumentis occurrunt, a Romanis tunc imperitantibus, apud quos hæc supplicia in usu erant, ad Judæos sibi subditos derivata sunt. Quare nihil ex ea nuncupatione certo colligi potest. Quin & Cyrillus Hierosolymitanus Catechesi 13. locum hunc, nec ex Adami cranio, nec ex capitibus damnatorum, sed a Christo capite nostro ibidem aliquando passuro, Calvariam prophetice nuncupatum affirmat. *Redde nsuram illi, qui propter se hoc sacro Golgotha crucifixus est. Golgotha vero interpretatur Calvaria locus. Aliqui ergo prophetice locum hunc Golgotham appellaverunt, in quo verum caput Christus crucem sustinuit.*

Secundum ex Josue 14. petitum argumentum eruditissime a Cano nostro confutatum est; cui hac in parte consentiunt Critici sacri Baronius, Maldonatus, Serrarius, Estius, & alii pene omnes adversus Hieronymi opinionem. Minus etiam iis interpretibus probatur, quod Sanctus Doctor in epistola ad Eustochoium de Paulæ epitaphio scripserat: *Hæc est Cariatharba, id est oppidum virorum quatuor, Abraham, Isaac, Jacob, & Adam magni, quem ibi conditum, juxta librum Jesu Nave Hebræi annuntiant. Licet plerique Caleb, quartum putent, cujus ex latere memoria monstratur.* Observant scilicet laudati Bibliorum interpretes, Cariatharbæ significare potius civitatem Arbæ, *la Città di Arba*, qui & magnitudine, & robore celebris erat, necnon Enaci Pater; unde & Enacitæ dicti sunt gigantes illi prægrandes, quorum comparatione Israëlitzæ quasi locustæ videbantur, Numerorum cap. 13. versu 34. Is enim civitati nomen dederat, ibique demum sepultus est, quod Scriptura iis verbis significat: *Adam maximus ibi inter Enacin situs est*, Josue 14. versu 15. Quasi diceret, *homo maximus inter gigantes Enacitas ibi sepultus est*. Adam enim quandoque commune nomen est, hominem quemcunque significans.

Merito itaque Canus noster veterum traditionem ab Hieronymo irrideri moleste tulit, cui leves dumtaxat rationes Sanctus Doctor opposuit, & ab omnibus pene Interpretibus impugnatas.

Ratio vero Doctoris Angelici in contrarium excogitata, congrua quidem est, & ingeniosa, posita facti veritate, sed factum non evincit: cum & rerum contingentium, quæque meri facti sunt, nulla dari ratio possit. Aut certe si quid hæc mystica ratio valet, ea certe quadrabit longe felicius in hypothese traditionis a Divo Hieronymo rejectæ. Si enim crucifixus est Christus eo in loco, ubi & sepultus est Adam, & rei communiter plectebantur; hinc colligere erit, Christum, & in remedium contra peccatum personale ipsius Adæ, & contra peccatum totius mundi, mortem sustinuisse.

CAPUT VI.

*De actis sexta Synodi œcumenica oscitanter lectis, ac temere
usurpatis, querimonie diluuntur.*

Posservinus in apparatu sacro Canum male habet, quod ex aliis minus fideis Scriptoribus nonnulla narravit. *In qua tanta segete rerum, inquit, & historiarum, si quid irrepsit ex aliis minus fideis Scriptoribus, id jam ab aliis est indicatum.* Exemplum porro minus fidorum Scriptorum, quorum narrationibus plus æquo tribuerit Canus, mox subjicit: Sane, inquit, *Auctor Summa Conciliorum contra fidem epistolarum Agathonis Pontificis maximi scripta (cujus tamen rei mentio nulla fit) scriptam fuisse epistolam illam ad Concilium sextum; cum ad Imperatorem utrique fuerit scripta. Extant vero illa secundo Conciliorum tomo. Ceterum corrigendi quicumque auctores tum Græci, tum Latini, qui Honorio Pontifici maximo notam incurrere hæreseos alicuius ausi sunt, ex Synodi actionibus a Theodoro depravatis:* Hæc ille. Ad marginem vero librum 4. indigat de locis communibus cap. 3. quasi ibi Canus noster hac in parte lapsus sit; cum nihil ea de re eo loci habeat, sed verius lib. 6. cap. ultimo, in responsione ad ultimum argumentum.

Baronius non absimiliter in Annalibus ad annum 681. num. 37. hac ipsa de causa eidem insultat: *Quem, inquit, voluissim sensibus potius Canum, quam nomine.* Hoc idem in Cano carpit Bellarminus lib. 4. de Romano Pontifice cap. 11. Verum quo titulo, perpendamus.

Ita igitur Canus noster libro sexto, cap. ultimo, in responsione ad ultimum argumentum: *Sententiam in Honorium latam ex Romani Pontificis consensu fuisse, exploratum est, in sexta Synodo generali, actione quarta, ubi Agatho in epistola ad Concilium, Honorium ipsum anathematizat.* Utrumque illud, si Posservino, Baronio, Bellarmino credimus, falsum est: Nam & epistola, inquit illi, ad Imperatorem directa est, & nulla in ea legitur Honorii mentio, sed aliorum tantummodo; quorum auctores, Agathonis verba sunt, *existierunt Theodorus Pharanitanus, Cyrus Alexandrinus, Sergius, Pyrrhus, Paulus, & Petrus Constantinopolitanus, vel quivis ei consentanei usque in finem demonstrati sunt.*

Sed cûs venialis esse possit Cani culpa, si quid forte hac in re ab illo aberratum esset; quia, ut ipsi fatentur reprehensiores, Auctor Summæ Conciliorum, quæ illius ætate circumferebatur, contra fidem epistolarum Agathonis, Honorii nomen addiderat, nihil tamen ab ipso erratum evinco. Nam & epistola illa ad Concilium quodam sensu scripta dici poterat, etsi ad Imperatorem directa esset: quia nihil aliud erat, quam Legatorum, quos ad Synodum Agatho dirigebat, *instructio doctrinalis.* Unde & illam actione quarta in Synodo legi necesse fuit, & in octava confirmari: & ad illam rescripto responderunt Synodi Patres. Quare ad Imperatorem pro Synodi Patribus scripta erat.

Honorium etiam scribit, & anathematizat ea in epistola Agatho Pontifex, sin minus distincto nomine, at saltem generali sententia, ob doctrinæ scilicet communionem. Unde & ait, *vel quivis ei consentanei usque in finem demonstrati sunt.* Quos inter profecto fuit Honorius. Nec vana illa conjectatio est, sed ipsius sextæ Synodi auctoritate confirmata, in epistola Synodica ad Agathonem Romanum Pontificem; ubi Honorium cum ceteris Monothelitis anathematizare se profiterentur Episcopi, ob sententiam jam in ipsos ab ipso met Agathone in datis epistolis pronunciatam. *Anathematibus interficimus ex sententia per sacras vestras litteras de iis prius lata, Theodorum Episcopum Pharam, Sergium, Honorium, Cyrum, Paulum, Pyrrhum, & Petrum.* Quæ res argu-

gumento est, vel Honorium distincto nomine cum ceteris anathemate percussum fuisse, in ea Agathonis epistola; quod subinde nescio quo pietatis officio a quopiam expunctum sit: vel quod certius longe est, Honorium ex communione causæ, generali cum ceteris damnatione pettum fuisse.

Id etiam ex actione 13. ejusdem sextæ Synodi compertum est: Ubi cum sententiam in Sergium, Cyrum, Pyrrhum, Paulum, Petrum, & Theodorum ab Agathone ea in epistola latam, memorassent Synodi Patres, suoque calculo comprobaissent, Honorium consequenter eodem telo pettum colligunt. Cum iis vero, inquit, simul projici à Sancta Dei Catholica Ecclesia, simulque anathematizari prævidimus & Honorium, qui fuerat Episcopus antiquæ Romæ, eo quod invenimus per scripta, quæ ab eo facta sunt ad Sergium, quia in omnibus eius mentem secutus est, & impia dogmata confirmavit.

Aditipulatur Adrianus Secundus Romanus Pontifex in epistola lecta, & approbata in octava Synodo: Ubi postquam Honorium a sexta Synodo damnatum memoravit, ob injectam hæreseos accusationem, subjungit: *quævis nec ibi, nec Patriarcharum, nec cæterorum Antistitum cuipiam de eo fâs fuerit proferendi sententiam, nisi ejusdem primæ sedis Pontificis consensus præcessisset auctoritas.* Quibus verbis significat, Honorium ab Agathone primam sedem obtinente fuisse prædamnatum.

Cæterum, an Honorius, uti privata persona, re ipsa de fide duplicis in Christo voluntatis male senserit; atque idcirco Hæreticus fuerit, quod Canus existimat: an œconomia, & conniventia in Monothelitis dumtaxat peccaverit, atque idcirco uti fautor erroris anathemate petitus sit, quod alii plerique sentiunt, opinionis est, Bellarmino teste libro 4. de Romano Pontifice cap. 11. in responsione ad 4. nulla ex idcirco lis in virum eruditum movenda est.

Quod vero suffugium quærunt laudati censores, Baronius scilicet, Bellarminus, & Possëvinus, ut Honorium quacumque vel asserti erroris, vel favoris errantibus impensu labe liberent, vitia scilicet esse sextæ Synodi acta a Theodoro viro hæretico; pie quidem excogitatum est, at non ita certo. Quanquam hic instituti nostri non est, illud expendere. Hoc dicam unum: si sextæ Synodi acta, ubi inter Monothelitas notatur Honorius, ab aliquo nebulone, qui venerandum Pontificis nomen intulerit, vitata sunt; vitata quoque dicenda sunt acta Synodi septimæ, & octavæ; ubi ejusdem Honorii nomen ceteris Monothelitis annumeratur; Vitata quoque epistola Leonis Secundi ad Constantinum Imperatorem, quæ sextæ Synodi acta confirmavit. Nam & illic perinde Honorius anathemate petitur. Sed ab invidiosa, nostroque instituto inutili quæstione temperandum.

CAPUT VII.

*Canis sententia de Sacramenti Matrimonii administro,
ab amulorum censuris eximitur.*

Displacet non paucis Melchioris Cani sententia de sacramenti matrimonii administro, quem usque adeo presbyterum esse docet lib. 8. de locis cap. 5. ut matrimonium stare quidem velit rarum, ac firrum titulo contractus, non tamen titulo sacramenti, dum a Ministro ecclesiastico sacris, ac solemnibus verbis minime celebratur. Similiter & verba, quibus consensum mutuum conjuges exprimunt, formam esse vult contractus conjugalis, non itidem sacramenti; personarumque contrahentes, ministros esse fatetur contractus civilis, non sacramenti conjugii.

Hanc

Hanc opinionem uel *novam & singularem* suffragat Bellarminus lib. 1. de matrimonio cap. 6. & sequentibus; quin etiam addit, Canum dum totis viribus probare conatur, Matrimonium sine forma verborum a ministro ecclesiastico prolata celebratum, non esse Sacramentum, illud etiam evincere, quantum in se est, nullum re vera esse in ecclesia matrimonii sacramentum. Non desunt & alii, qui suis præjudiciis occupati in eandem eruditi viri sententiam liberius obloquantur; variisque pro arbitrio censuris afficiant.

Non est hic instituti nostri theologicæ quæstiones integras texere, dum observationes dumtaxat apologeticas damus. Nec idcirco officii ratio postulat, ut quæ pro tuenda illa Cæni sententia ferri possunt, summo studio congeramus. Id nobis ad præsens satis est, si hanc eruditi viri doctrinam, nec singularem, nec novam probemus; & cum novatorum errore, qui matrimonii sacramentum ab ecclesia pellunt, nihil habere commune demonstremus.

Novam esse profecto non dicit, quisquis eam a Guillelmo Parisiensi traditam noverit, lib. de sacramentis, tractatu de Matrimonio cap. 9. quæst. 1. & cap. 1. de Baptismo: a Petro Paludano in 4. sentent. dist. 5. quæst. 2. a Simone Vigorio Theologo Parisiensi, in suffragio Tridenti dato, cujus meminit Cardinalis Pallavicinus lib. 22. historie cap. 9. num. 5. Addam etiam a Divo Thoma (etsi illum suas in partes vel invitum ceteri trahant) in 4. sentent. dist. 1. quæst. 2. art. 3. ad 5., ubi inquit: *Matrimonium secundum quod est in officium, & penitentia secundum quod est virtus, non habent aliquam formam verborum; sed secundum quod utrumque est sacramentum, in dispensatione ministrorum Ecclesie consistens, utrumque habet aliqua verba, sicut in matrimonio sunt verba exprimentia consensum, & iterum benedictiones ab Ecclesia insertas; In penitentia autem est absolutio Sacerdotis, verbo tenus facta. Ac tandem a synodi Colonienſis anno 1536. celebratæ Patribus, in Enchiridio Christianæ institutionis: Videmus, inquit, & in veteri lege quosdam fuisse, qui Dei vice conjuges jungerent. Quanto ergo major putandum est, in nova lege Sacerdotes, qui legatione pro Deo funguntur, legitimis huius Sacramenti ministris esset in lege quidem veteri, Pater, aut defuncto patre, proximus puella agnatus, seu tutor, Dei loco conjuges jungebat. ad eundem modum ab Apostolorum temporibus, matrimonii sacramentum in facie Ecclesie celebrandum est, ministris sacerdotibus Christi.*

Quæ omnia, ut a reliquis temperem, nec novam, nec singularem in Melchiore Cano doctrinam illam fuisse, plus satis ostendunt. Sed & qui paronos præcunt habuit, sequaces, eosque magni nominis adtipulatores invenit: Dominicus Barnes in prima parte Divi Thomæ quæst. 1. art. 8. ubi contrariam magistro suo Melchiori Cano sententiam a multis improbari ait, illiusque opinionem a multis iam absque ulla temeritate defendi. Franciscum Cardinalem Tolatum lib. 7. Instit. cap. 2. diſerte ſtatuentem, *efficientem causam matrimonii esse ipsos contrahentes, in quantum est contrahens quidem, at vero, ut sacramentum, Deum esse causam principalem, & ministrum esse causam instrumentalem, sicut in aliis sacramentis.* Guillelmum Etium in 4. Sentent. dist. 26. c. 10. & sequentibus, Franciscum Sylvium in supplemento, quæst. 42. art. 1. quæſto 1. Joannem Mariam Scribonium disput. 9. de matrimonio. Vincentium Contensonium lib. 11. Theologiæ mentis, & cordis parte 4. distinct. 4. cap. 1. de Sacramento Matrimonii; Confessum ad orationem Damasceni in Constantinum Caballinum num. 8. Gasparem Iveninum in Commentario historico dogmatico de Sacramentis dissert. 12. de Matrimonio quæst. 3. Claudium Frassevium in Scoſto academico tract. 3. de Matrimonio disput. ultima art. 1. quæst. 3. Natalem Alexandrum in Theologia dogmatica, & morali lib. 2. de Sacramento Matrimonii art. 5. §. 2. Apud quos quidem magni nominis Theologos, quisquis Melchioris Cæni, quam tuerentur, sententiæ fundamenta, ex Patribus, atque Conciliis petita legere voluerit, nimiam profecto in ea vellicanda Bellarmini, aliorumque licentiam deprehendet. Sed & Gaspar Iveninus supra laudatus.

datum Dissertationem gallicam edidit, in hujus Melchioris Cani sententiæ defensionem; ubi permultos hujus ævi, qui eam tuerentur, scriptores percensit; ut obviam iret obtreptionibus nonnullorum, qui singularitatis infumulabant propositionem, in suo Oratorii Collegio Bisuntino Granvelano, de hac materia, publicis thelis propagatam. Illud etiam notissimum, sententiam hanc frequentius in Academia Parisiensi defendi, nec ab ea abhorre Romanos publicarum illic conclusionum censors; Quibus probantibus, Cani sententiam defendi, quandoque publice & vidi ipse Romæ dum degere, & ab aliis, ex quo discessi, non semel accepi.

Tantum vero abest, ut hæc tot virorum eruditorum doctrina Neotericis sacramentum Matrimonii de medio tollentibus faveat, ut potius Ecclesiæ fidem multo felicius in tuto ponat, dum quæ meræ Theologos inter opinionis sunt, a fidei summa secernit; ut illis in doctorum arbitrio relictis, hoc unum, quod religionis est, adversus hæreticos tueatur. Et quidem matrimonium ecclesiastico ritu celebratum, sacramentum esse, fides docet. Hoc adversus Lutheranos, & Calvinistas summo studio tuendum, propugnandumque est. An autem sacro ritu scimot, nullo sacerdotis accedente ministerio, ex solo conjugum assensu sacramentum olim fuerit: An steterit alias fixum; ratumque, ratione contractus, non servata dignitate sacramenti, ubi sine ministro sacerdote ducebatur: An nunc etiam ministri vices obeant ambo conjuges, non sacerdotes: An consensus conjugum acceptus forma sit, an sacerdotis sacra verba: Theologorum sunt opiniones, quas a fidei capite secernere necesse est: ne dum hæc promiscue confundimus, tanto imbecillius Ecclesiæ causam videamur agere, quanto levius molliusque privatæ hominum opiniones defenduntur. Prudentius ergo, ac longe felicius Ecclesiæ causam Bellarminus egisset, si, Canum imitatus, quæ Fidei sunt, a scholasticis disceptationibus discrevisset; & in hoc unum intentus, quod Fidei caput est, peregrinas quaestiones, quæ causam multo plus implicant, hæreticisq; cavillandi aditum præbent, a polemicis quaestionibus longius amandasset. Etenim, ut prudenter Estius observat, statuta Cani sententia, multa vitantur paradoxa, quæ contra hæreticos ex traditione tueri difficile est: ut quod hujus sacramenti minister non sit unus, sed duo; non ordinati, sed laici, vir, & mulier: quod iidem suscipientes sint, & conferentes; quod forma consistat sine verbis: quod nullam contineat ceremoniam particularem. Quæ omnia ad scholasticos ablegare satius est, quam uti fidei dogmata tueri velle.

Fuit hoc unum Melchioris Cani institutum, dum de matrimonii ministro obiter dixit. *Primum*, inquit, *opinionem a dogmate secerne, & internosci volumus: Deinde Theologos admoneri, ne affectu animi, qui plerumque brevis est, & ad tempus, sed maturo judicio de rebus hisce pronuncient, in quibus præsertim non ita facile expediri potest, ad fidem pertineant, nec ne..... id ago, scholasticas opiniones oportere a decretis seungere. Fideique quaestiones ab iis, qua modo huc, modo illic transferuntur, & sine pietatis iactura possunt in utramque partem dissipari. Decreta acriter tenere debemus, accurateque defendere; Opiniones non item; sed si non cum academia, at cum Christiana modesta temperamento..... Nego enim schola, certo, constanter decreto finium, matrimonium sine Ecclesiæ ministro contrahi, esse vere, & proprie dictum sacramentum. Nego eam rem ad fidem, & religionem annerere. Nego omnes schola Theologos id asseruisse. Quæ certe Cani doctrina a nullo prudenti, sanoque Theologo damnari potest.*

Quod vero ex Cani opinione derivatur incommodum, ut idcirco ab amulis cautio digna iudicaretur: si ita est, inquit illi, matrimonium clandestinum, quæ ante Concilium Tridentinum frequentiora erant, sacramenti dignitate caruerunt; cum tamen sacra Synodus de illis ita pronunciaverit sess. 24. cap. 1. de reformatione: *Tamen si dubitandum non est, clandestina matrimonia libero contrahentium consensu facta, rata, & vera esse matrimonia, quoadmodum Ecclesia ea irrita non fecit. & proinde jure damnandi sunt illi, & eos Sancta Synodus anathe-*

ibemate damnat, qui ea vera, & rata esse negant. Egregie scilicet ac solenter! Age vero demus illatam consecutionem veram esse, nihil tamen ex Cani sententia contra Tridentinam Synodum sequeretur, quæ matrimonia clandestina rata quidem, ac vera matrimonia fuisse definit, quod & Canus contendit; sed illis dignitatem sacramenti non arrogavit. Quin & illam Tridentinorum Patrum prudentiam fuisse monet Cardinalis Pallavicinus in Historia lib. 23. cap. 9. ut ab illa controversia scholæ consulto absternerent; ne quod liberæ opinionis est, in Fidei dogma converterent; *Omitto, inquit ille, nunquam declarasse Concilium, matrimonia clandestina fuisse sacramenta: adeo ut quidam graves Theologi id negent.* Quos inter graves Theologos Melchiorum Canum dubio procul intelligi vult, qui hanc suam opinionem ab obrectatoribus hodiernis intempestive vellicatam, coram sacro Concilio impune, ne dicam laudabiliter defendit.

Sed & perfracte nego consecutionem illam ita generatim elicitam, (matrimonia scilicet clandestina ante Tridentinam Synodum contracta fore irrita) ex Cani sententia fluere. Quæ enim ante Concilium vocabantur clandestina matrimonia, nec ita frequentia erant, ut vulgus putat; nec semper absente Presbytero, qui ministerium exhiberet, contraherentur; sed vel absente Parocho, vel sine solemnitatibus, testibusque ducebantur: Horum enim defectu, clandestina quoque vocari, & esse poterant.

CAPUT VIII.

Pia Melchioris Cani sententia De Christi Domini tristitia in Passione, a reprehensorum morsibus vindicatur.

SI quæ unquam virorum Theologorum censuras passa est Melchioris Cani sententia, ea profecto est, quam de tristitia Christi ad Crucis sacrificium properantis docet lib. 12. de locis, cap. 14. sub finem. Quæstionem a Theologis tritam movet, qui fieri potuerit, ut Christus cum beatus re ipsa fuerit, atque idcirco infinito ex Dei visione profluente gaudio perfusus, summa tristitia sit affectus, ut diceret, *tristis est anima mea usque ad mortem*, Matthæi 26. Duas in primis celebriorum Theologorum difficilissimi nodi solutiones affert; quasque secum difficultates involvant pro more differit: Illorum nempe, qui vel Christum secundum inferiorem duntaxat animæ partem tristatum ajunt, dum sacro illo in superiori animæ parte gaudio potiretur; vel qui summam tristitiam cum summo gaudio, ex divino miraculo, una eademque parte stare posse profitentur. Tum demum, (quod multi ægris auribus excipiant) propugnatam a se quondam, cum juvenis esset, enodandæ salebrose difficultatis viam exponit. *Sed & olim juvenis, inquit, ut hinc jam nos demum extricemus, coram celebri Theologorum concione diximus, quod sicne per totam vitam Domini gloriam anima quasi premebat, ne in corpus efflueret: sic saltem in Cruce retinuit gaudium, quod suapte natura ex claræ Dei notitia prodiret. Gaudium factum ex Deo viso in voluntate necessario nasci, non secus atque ex sole lumen, calorem ex igne. Sed retraxit aliquando sol radios suos, & ne calefaceret, comprehensus est etiam ignis. Quare nihil mirum videri cupiamus debet, si in hominum redemptione, per hominis unius dolores explenda, voluptas omnis reprimetur, quam alias ex visione Dei proficisci natura ratio demonstrat. Quod ille subinde paucis adstruit, ac demum ita colligit, pietatis suæ sensus in hanc suam ultimam assertionem explicans: Certe siue primo, siue secundo, siue tercio modo quæstionem solvas, miraculum facis. Sed & hoc postremum eo plausibilius, quo majores in nobis igniculos excitat tum penitentia, tum amoris, tum gratitudinis.*

Mirum quantum in piam illam assertionem nonnulli Theologi invehantur, quos

quos vellem non adeo in ferendis censuris fuisse precipites. Hanc Henricus *bevenicam* dicit, quodlib. 8. quat. 7. Hanc Suarez 3. parte, disput. 38. sect. 2. & Vasques 3. parte disput. 73. *temerariam* vocat: Hanc Joannes de Lugo disput. 22. de Incarnatione sect. 2. *velut a Theologis constanter rejectam* infectatur. Aliique bene multi, quos numerare longum esset, variis pro arbitrio censuris incurrunt. Sic sua quemque præjudicia occupant; quæque ipsi non probant, censoria virga, quali ex senatusconsulto, contingunt.

Itane vero diris devotenda sententia hæc? Meo quidem iudicio esset etiam vir maximus venia aliqua dignus, si quid forte novi procudisset, ex nimio pietatis sensu, quæ feveriores Theologiæ leges quandoque non consuli; minusque accuratam enodandæ difficultatis viam aperuisset, ex nimio quo servabat commendandæ Christi erga nos charitatis desiderio. Sed nec eggi ille venia, imo laude plurima dignus est: satiusque tibi si Theologi consulissent, si a censuris nulla, ut arbitror, ratione fultis abstinuissent. Sua quippe probabilitate frui Cæni sententiam, multa probant.

Suffragatur in primis Divus Ambrosius lib. 10, in Lucam, ad illa verba, *Pater si possibile est, transeat a me calix iste*, Quem non tamen expressisse, quin exscriptis Canus visus est. Ergo pro me doluit Christus, qui pro se nihil habuit quod doleret: & sequestrata delectatione divinitatis æternæ, radio meæ infirmitatis affectur. Sequestrationem illam delectationis divinitatis æternæ, passionis tempore occurrentem, quid commodius, quam gaudii ex divina visione profluentis repressionem a Cano assertam intelligamus?

Hanc Divi Ambrosii mentem esse, docet Societatis scriptor longe doctissimus, Alphonsus Salmeron, qui & Cæni doctrinam hac parte summo opere commendat, uti solvendo nodo intricatissimo opportunam, tomo 10. tract. 11. de tristitia animæ Christi. *Secundum sententiam Beati Ambrosii, de qua superius* (sequestrata delectatione divinitatis æternæ) & quorundam aliorum, qui cum in hoc seculo videntur, Christus sponte privavit se consolatione ex visione Dei resiliante, quo sic magis peccato satisfaceret, & tristitia convenienti delectationem nostram in illo habitum expungeret: Et hoc usque ad mortem. Nam propterea suspirans dixit, *Notas mihi fecisti vias viæ, adimplebis me lætitia cum vultu tuo: delectationes tuæ in dextera tua usque in finem.* Nam quemadmodum dum vixit, suspendit animæ gloriam in corpus redundantem, ut posset pro nobis & pati, & mori; ita ad tempus per aliquot horas cepit tristari, id est, suspendere delectationem animæ, quæ ex visione Dei resultabat, ut posset pro nobis supremum & timoris, & tristitiæ sensum habere; quod ingens ejus erga nos Charitatis argumentum fuit. Nam difficile capere possumus, quomodo summus dolor existeret cum summo ejus gaudio. Nam etsi una manus posset in summo esse frigida, posita in nervis, & altera in summo calida posita in igne; tamen quod una & eadem manus simul sit frigidissima, & simul calidissima, vix intelligimus. Quamvis dici possit, ut alias etiam tunc, aliam esse rationem, propterea quod eadem voluntas non secundum idem fuit summe beata, & summe tristis, sed secundum diversas animæ rationes, nimirum superiorem, & inferiorem.

Accedit Maldonatus ejusdem Societatis Theologus non ignobilis, & Scripturarum interpres celeberrimus, in caput 26. Matthæi, ad hunc versiculum, *cæpi contristari, & melius esse.* Ubi quæstionem movet, qui fieri poterit, ut Christus, cum beatus fuerit, tristitiam habuerit? Rejicit in primis eorum opinionem, qui illum secundum inferiorem tantum animæ partem tristitum ajunt: tum subdit, in Cæni sententiam descendens: *Melius igitur alii, dispensatione quadam factum fuisse dicunt, ut cum Christus beatus esset, tristitiam etiam in superiorem animæ partem admiserit.* Nam sicut beatitudinem suam cohibere potuit, ne deflueret in corpus, ut pati posset; ita premere eam potuit, & quodammodo occultare, ut ad tempus tristitia cederet, quæ una passionis suæ pari futura erat.

Explicatius vero Gregorius de Valentia, cum officiosa quoque Melchioris Cæni

Canis commendatione, 3. parte, quæst. 9. puncto 2. *Quomodo vero Christus, eris fuerit secundum animam beatus, potuerit nihilominus non solum secundum corpus pati, sed etiam secundum animam tristiari, & angui, explicat bene Canus; quia scilicet divinitus passionis tempore factum est, ut ex visione beatifica ne ad animam quidem aliqua delectatione manaret. Quamquam sunt etiam, qui sentiant, potuisse quidem summa delectatione oriri ex beatitudine consistere maximum dolorem, & tristitiam, respectu aliorum objectorum. Sed illa expositio Cani consonat magis cum magnitudine, & acerbitate passionis, quam existimamus fuisse in Christo; & sic demum melius intelligitur, Christum in passione etiam a Patre suo fuisse derelictum, per hoc quod his prohibuerit redundantiæ illam beatificæ delectationis; sicut ipse Dominus in cruce clamavit, Deus Deus meus, ut quid me dereliquisti? Matthæi 27.*

Hæc si Sares, si Vasques, si Lugo attentius perpendissent sodalium suorum egregia testimonia, non ita forsitan incaute Cani sententiam censuris proscidissent, & a Theologorum nemine propugnata astringerent.

Sed & numquid, vel ob id maxime, probanda venit ea Cani sententia, quod faciliorem nobis viam sternat, qua nonnullas veterum Patrum duiores loquendi formulas exponamus, qui de Christi derelictione differentes ad illa Evangelii verba, *Deus meus, Deus meus, ut quid me dereliquisti?* divinitatem a Christo brevi aliquo tempore recessisse volunt, & ab illo aliquandiu fuisse separatam?

Sic Divus Ambrosius lib. 10. in Lucam, hæc Evangelistæ verba recolens, *clamans voce magna emisit spiritum*, in hunc sensum interpretatur: *Evidens est manifestatio contestantis Dei secessionem divinitatis, & corporis: Sic enim habes, clamavit Jesus voce magna dicens, Deus Deus meus respice in me, quare me dereliquisti? Clamavit homo separatione divinitatis moriturus.*

Sic Divus Hilarius commentario in Matthæum cap. 3. *clamor ad Deum, corporis vox est, recedentis a se verbi Dei contestata dissidium.*

Sic S. Epiphanius hæresi 69. n. 62. hæc Christi spiritum emittentis verba perpendens, *Deus Deus meus, quare me dereliquisti* sic habet: *videns divinitatem iam in prociñtu quodam esse, ut Sanctum corpus desereret, ex ipsius hominis Domini persona, hoc est, humana nature a Verbo susceptæ..... vox ad conjugatam divinitatem illam est edita, Deus Deus meus, &c.*

Sic Leporius in libello emendationis: *Divinitas cum unita sibi anima, non crucifixum hominem reliquit in penam, sed exanimam carnem reliquit ad tempus.*

Certe iis Patrum sententiis explicandis impenſe favet Cani sententia; iecundum quam divinitatis separationem, ac recessionem ab iis insinuatam commode interpretabimur, *sequestrationem delectationis divinitatis* (ut suimet interpres est Divus Ambrosius,) gaudique ex divina visione orituri repressionem, ac cessationem; sic ut nihil aliud Patres illi, alique nonnulli, quos recensere facile fuerit, sensisse hac in parte videantur, quam quod Canus explicatus distinctiusque defendit.

Haud ne fugit, Magistrum Sententiarum l. 3. dist. 21. §. 1. *allam laudatorum Patrum interpretationem exagitasse: Divinitatem scilicet separasse se foris, ut non adesset ad defensionem, sed non desuisse intus ad unionem.* Sed et si non contemnenda illa expositio videatur; opportunior forte ex Cani sensu petita interpretatio censbitur. Nam priori modo exposita separatio divinitatis, de qua laudati Patres, non ad mortis tantum agonem referenda foret, sed ad totum mortalis vite tempus; Quo certe divinitas separata est foris, ut non adesset ad defensionem; juxta illud Augustini sermone nunc 77. n. 11. *Deus est, & sic homo: seponit divinitatem, id est, quodammodo sequestrat, hoc est, occultat quod suum erat, apparet quod acceperat.* Speciale vero extremo agoni fuisse videtur, ut etiam divinitas separata sit intus, juxta Cani sensum, interioris scilicet gaudii repressione, non unionis hypostaticæ solutione.

Jejunum porro est, quod in oppositum obijci solet. Primo, delectationem a
Dei

Dei fruitione seungi non posse; quia fieri nequit, ut summum bonum sine delectatione videatur. Secundo, minus congruere, ut Christus aliqua beatitudinis perfectione defraudetur; Alias Sanctis Deo in cœlo fruentibus fuisset inferior. Tertio, eadem libertate fingi posse, Christum interdum visione beata fuisse privatum. Quarto, pari jure statuendum fuisse, Christum toto pene vitæ tempore gaudio illo ex divina visione profluente destitutum fuisse: cum frequentissime tristatus sit, tum in peccata hominum intuens, tum mortem suam uti præsentem animo revolvens.

Primum negatur omnino, si Dei præsertim potestas attenditur. Non enim gaudium fruitio ipsa est, sed fruitionis quietæ consuetudinem. Hinc fruitur homo arboris suæ fructibus, suisque divitiis avarus, cum etiam per morbum voluptatem ex eis nullam capit.

Secundum nihil movet. Nemo enim defraudatur volens: Id porro voluisse Christum, contendit Canus, in majoris charitatis argumentum. Alias & gloria corporis toto vitæ tempore concedenda illi fuisset, ne & illo jure defraudaretur; & hac parte Sanctis post resurrectionem Deo fruentibus esset inferior. At sunt hæc futiles argutiae. Semotis quippe quibusvis illis beatitudinis consuetudinem, Sanctis omnibus præstabat vel hoc solo titulo Deus homo, quod Deum præ illis altiori longe modo cerneret ejus anima, persona comprehenderet.

Tertium nihilo plus officit. Visio etenim essentia beatitudinis est, delectatio consuetudinem. Christi vero animam beatam fuisse, inconcussum dogma est.

Quartum negatur, ob facti discrimen longe maximum. Major quippe tristitia fuit imminente morte, quam fuerit ante; minusque idcirco cum summo gaudio componenda. Rursus, quod hic maxime notatum velim, non ob id solum gaudium ex visione beata profluens, Passionis tempore repressum dicit Canus noster, quasi absoluta ratione, Deoque ita volente, cum summa tristitia sociari non posset; sed ut suam in nos Charitatem miris omnino modis ostenderet. Hæc vero in extremo mortalis vitæ sacrificio maxime comprobata fuit: nec quod ea extrema mortalis vitæ periodo ingenti miraculo factum est, ad totam retroactam Christi vitam referri propterea potest.

CAPUT IX.

Melchior Canus Divo Stephano Protomartyri nequaquam injurius ostenditur.

Minus nonnullis aridet Cani responsio, qua gravissimam difficultatem, ex Stephani Protomartyris Concione petitam elidit lib. 2. de locis cap. ultimo. Objectæ difficultatis summa hæc erat. Genesis 23. versu 16. legimus Abraham locum sepulchri emisse quadringentis siclis argenti ab Ephron filio Scôr: Ac rursus Genesis 33. versu 19. Jacob agri partem, in qua fixerat tentoria, emisse centum agnis, a filiis Hemor patris Sichem. Stephanus vero Protomartyr concionem ad Judæos habens, a Luca relictam Actorum 7. narrat vers. 16. Jacob, & filios ejus in Ægypto defunctos, *translatos esse in Sichem, & positos esse in sepulchro, quod emit Abraham pretio argenti, a filiis Hemor filijs Sichem.* Quo loco duplex videtur aberratio contineri: Tum quod Abraham non emisset a filiis Hemor, sed ab Ephron filio Scôr: Tum quod Hemor, a quo verius emerat Jacob, non fuerit filius Sichem, sed pater.

Et ut se nodo Canus expediat, cum varias Interpretum expositiones attulisset, quibus recitata auctorum verba conciliare nituntur; easque partim coactas, partim solvendo nodo impares observasset; Bedæ tandem, & Rabani solutionem amplectitur; qua nempe contendunt, *Stephano, id quod vulgo fere solet,*

solet, accidisse, ut in longa videlicet narratione, eademque praesertim subita, con-
fuderit nonnulla, & miscuerit: in quibusdam etiam memoria lapsus fuerit, in us
dumtaxat, quae ad rem parum, aut nihil omnino attinent. Nam causae, de qua po-
tissimum agebatur, erat inuentus. Lucas vero historia veritatem retinere volens,
ne tota quaedam immutaretur, sed rem, ut a Stephano narrata erat, exposuit.

Canis sententiam, quidquid Aemuli cavillentur, ipsa in primis argumenti ne-
cessitas probabilem facit. Quandoquidem vix alia, quae plane objectae difficulta-
tati respondeat, expositio suppetit. Probabilitatem augeat Bedae ac Rabani medi-
ae aetatis Scriptorum auctoritas, quos duces secutus est Canus. Venerabilis Bedae,
quem Rabanus exscripsit, haec verba sunt in Commentariis ad eum Scrip-
turae locum: *Docet Genesis, Abraham ab Ephron filio Seor Hetbai in Cariathar-
be, locum Sepulchri quadringentis argenti siculis emisse, in quo ipse Abraham, Isaac,
& Jacob, & Adam Protoplastus sepulti: Itemque Jacob de Mesopotamia rever-
sum, iuxta urbem Sichem, partem agri, quo tabernacula tenderet, ab Hemor pa-
tre Sichem datus centum aenis accepisse. Non emit ergo Abraham ab Hemor Sichi-
mita, sed ab Ephron Hetbai, in quo duodecim Patriarcha non sunt sepulti, sed in
Sichem. Verum Beatus Stephanus vulgo loquens vulgi magis in dicendo sequitur opi-
nionem. Duae enim pariter narrationes coniungens, non tam ordinem circumstan-
tiae historiae, quam causam de qua agebatur iniecit. Qui enim insimulabatur, ad-
versus locum Sanilum, & legem docuisse, pergit ostendere, quomodo Iesus Christus
ex lege monstraretur esse promissus, & quod ipsi nec tunc Moysi, nec Domino nunc
servire voluerint. Haec ut porri dixi, non praedicans sententia meliori, si adju.*

Has Venerabilis Bedae, & Rabani Mauri interpretationes mutuatus est vetus
Auctor Glossae ordinariae in Actus Apostolicos, necnon etiam Nicolaus de Lira,
in suis ad eundem locum Commentariis.

Nec defuere secutus inde temporibus magni nominis Viri, qui Canis sententiam
vel amplexi omnino sint, vel saltem uti probabilem admodum commendarint.

Petrus Lorca Cisterciensis Ordinis, & Complutensis Academiae professor exi-
mius 2. 2. post q. 16. in append. ad tr. de fide disp. 2. memb. 3. n. 24. etsi Melchio-
ris Canis sententiam non paucis displicere notet, eam tamen sibi satis probari signi-
ficat. Tercio, inquit, obicitur narratio Stephani, Act. 7. in cuius explicationem liben-
ter amplecterer responsum sapientissimi magistri Melchioris Canis lib. 2. de locis cap.
ult. Stephanum pro celeritate sermonis, & fervore spiritus alio intentum, pauca illa
transmutasse, ut pro Jacob, Abraham, pro Patre, filium dixerit. Nam si id dica-
mus, primo in Scriptura nullum mendacium admittitur, Scriptura enim non illo modo
refert historiam, sed refert Stephanum ita locutum: Deinde nec Stephano aliquid
deirabitur: nam leves illae immutationes historiae facile, & absque omni culpa con-
tingere poterunt. Quin potius Scriptura veritas maxime commendatur; quia reso-
rens viri sancti sermonem, prout ipse protulit, punctum, & verbatim narravit, non
omittens illa etiam, in quibus memoria lapsus est. Qua solutio absque omni nota, &
scrupulo admitti potest: Tum quia primo tradita est a Sancto Beda, & Rahano, in
commentariis huius loci. Tum etiam si quid contra obici potest, illud est, quod
Stephanus ante, & post illam narrationem plenus Spiritu sancto dicitur: In eo an-
tem, qui Spiritu sancto plenus loquebatur, nefas est admittere non solum mendacium,
sed nec lapsum aliquem memoriae, & linguae, in quo a veritate deviet. Hoc ta-
men non urget, quia Stephanus dicitur plenus Spiritu sancto, quatenus erat plenus
gratia, & sapientia, non tamen quia Spiritu sancto movente, omnia, & singula lo-
cutus fuerit. Nec est verbum, quo hoc modo per Spiritum sanctum locutum fuisse
convincatur. Et certe solutio hac omnem difficultatem evacuat, & infidelibus plus
satisfaciat, qui calumniari non poterunt, aliquid gratis excogitatum esse ad fugam
argumenti.

Emmanuel Sa Societatis Iesu, in annotationibus ad hunc locum: *Quidam di-
cunt, Stephanum inveniunt, ut sit, in aliud, pro Jacob dixisse Abraham, & pro Pa-
tris Sichem, filii Sichem: Lucam vero fideliter, quod ille dixerat, retulisse. Qua
mihi opinio non displicet. Nec enim id repugnat Stephanus sapientia, & Spiritu, quo
plenus*

plenus erat. Accidit enim id interdum sapientissimis, & sanctissimis.

Guillelmus Elius in annotationibus, Stephanum quidem memoria lapsum deferit, distinctisque verbis non asserit: sed id nihilominus adstruit, unde illum memoria lapsum esse, necessario colligas; cum diversas historias in unam ab illo commixtas fuisse contendat. Ita quippe habet: *Hic difficultas in historia concilianda, Ac primum leve illud est, quod postremo loco dicitur: Hemor filii Sichem, cum Hemor Pater fuerit Sichem. Nam in græco tantum habetur τὸ Σίχην quod iuxta fidem Historia Genesios, & Josue, verendum potius erat, Patris Sichem. Sed cætera neutrum discrepare videntur, & continere commixtas diversas historias; Nempe de spelunca duplici in Hebron, quam ab Ephron Heibæo erit Abraham quadringentis siclis argenti; ubi sepulsi sunt Sara, Abraham, Isaac, Rebecca, Lia, Jacob, Gen. 23. 25. 35. 49. & 50. & alteram de agro Sichem, quem a filius Hemor Heibæi patris Sichem erit Jacob centum agnis, ubi sepulsi sunt Joseph. De eo habet Genesis 33. & Josue ultimo.*

Saliamus in Annalibus veteris Testamenti ad annum mundi 2175. num. 8. Gravissimum hoc loco exoritur difficultas, ex cap. 7. *Altium, ubi Divus Stephanus ait, hunc sepulchri locum ab Abrahamo emptum a filius Hemor filii Sichem: cum hic dicatur emptus ab Ephron filio Seor. Postmodum eorum relata opinione, qui Ephronis patrem binomium fuisse putant, subiungit: verum quia dicitur Jacob emisse partem agri a filius Hemor patris Sichem, censuit Beda, & Rabanus, Divum Stephanum duas pariter narrationes convinxisse, nec tam ordinem historia, quam causam, de qua agebatur, intendisse. Ac demum concludit: Eligat lector utram interpretationem amplecti malit. Ego venerabilis Beda, & Rabani expositionem non improbo, cui vides graves, & doctos viros subscripsisse.*

Natalis Alexander in dissertatione anticritica contra Frassenium art. 46. difficultatem istam expendens data opera: *Si vulgata versio, inquit, servetur, dicendum, Sanctum Stephanum lapsu memoria duo facta similia confudisse, emptionem scilicet ab Abrahamo factam, de qua Gen. 23. cum ea, quæ a Jacobo facta est Gen. 33. vers. 19. Agrum quidem, in quo erat spelunca duplex, emisse Abram ab Ephron quadringentis siclis argenti: Jacob vero emisse partem agri, in qua fixerat tabernaculum, a filius Hemor patris Sichem, centum agnis: Stephanum utramque historiam confudisse: Sanctum vero Lucam ne iota quidem immutare voluisse in Sancti Protomartyris verbis. Quam quidem observationem multis confirmat Alexander, variisque contra Frassenii cavillationes momentis confirmat. Tot porro suffragantibus viris doctissimis, au non tibi videtur Canus in tuto esse?*

CAPUT X.

Accusatio de vellicato nomine Societatis Jesu depellitur.

Scribens Melchior Canus lib. 4. de locis cap. 2. de Ecclesia, hujusque nominis potestatem expendens ex Epist. 1. ad Corinth. cap. 1. ita habet: *Fidelis Deus, per quem vocati estis in societatem filii ejus Jesu Christi: Quæ sine dubio Societas, cum Christi Ecclesia sit, qui titulum illum sibi arrogans, in videantur an Hæreticorum more, penes se Ecclesiam existere mentiantur. Quo loco Jesuitas, ob arrogatum sibi Societatis Jesu nomen, tacite fugillari perspectum est: Tametsi, ut Canum excusent, nonnulli repugnent, qui Lutheranos, & Calvinistas eo loco perstringi dicunt, Ecclesie nomen Marcionitarum, & Donatistarum more sibi superbius arrogantes. Verum conatu plane irrito. Canus siquidem non eos ibi designat, ac mordet, qui penes se Ecclesiam existere mentiantur; sed illos potius, qui Societatis Jesu sibi titulum arrogant. Vereturque, ne & ipsi, contra mentem Apostoli, penes se se Ecclesiam existere mentiantur. Quid ergo? nihil ne excusationis habebit Canus, quod id nominis in Ignatii filius vellicare ausus sit?*

fit? Dicam ego simpliciter, quod res est: Canum ea aetate temporum scripsisse, quæ rebus nondum ad liquidum perductis, sinistra nescio quæ de nascente Societatis instituto suspiciones, virorum etiam insignium ingenia occupaverant, quas successu temporis religiosa Societas eluit. Nec mirandum idcirco, si finistram quidpiam de arrogato sibi, ut plurimis videbatur, superbo Societatis Jesu nomine fuerit suspicatus vir alias prudentissimus. Fuit enim hæc illi tum temporis cum aliis multis suspicio communis, cujus nobis, & domestici Societatis, & extranei testes fidem plurimam faciunt.

Franciscus Suares tomo 4. de relig. tract. 10. lib. 1. cap. 1. num. 9. *Non desinere, inquit, viri Catholici, & docti arrogantia patrum Societatis tribuentes, quod nomen universæ Catholice religionis sibi usurparent Atque hic primus dicitur fuisse articulus censuræ, quam contra Societatem universas Parisiensis edidit.*

Cardinalis Sfortia Passavicinus in Vindicationibus Societatis Jesu cap. 6. *Certarunt, inquit, nonnulli invidiam creare huic nomini, tamquam superiori Accusatio hac levior videretur, quam ut in eius purgatione immoraremur, nisi exordia Theologorum nomina illam nobis insensassent.*

Jacobus Augustinus Thuanus in historia tomo 1. lib. 15. *Jesuina postea, inquit, novo, aique ut plerique visum est, superbo nomine appellati sunt.* Quibus paria recit Alexander Ziliolus in historia rerum memorabilium, parte 1. lib. 9. pag. 241.

Et quidem Academia Parisiensis in judicio, quod instante augustissimo Galliarum Senatu, de nascente Societate tulit anno 1554. die 1. Septembris, cujus fragmentum exhibet Nicolaus Orlandinus in historia Societatis fure parte 1. lib. 15. num. 45. *Hæc nova societas, inquit, insolitam nominis Jesu appellationem peculiariter sibi vindicans, &c.*

Conventus etiam Episcoporum Gallie Pisiaci congregatorum anno 1561. Patres Societatis Parisiensi admittendos censuit, ea inter alias conditione, ac lege, ut Jesuitarum, aut Societatis Jesu nomen deponerent: *Que certe Compagnie des Jesuites estoit resque par forme de Societe & College, & non par forme de Religion nouvellement instituée, a la charge quilz seroient tenuz de prendre autre titre; que de Jesuites, ou de la Societe de Jesus, &c.* Ut fusius legere est apud Stephanum Pasquier, in Oratione pro Academia Parisiensis, habita in augustissimo Galliarum Senatu, anno 1564., quam ex integro inseruit lib. 3. disquisitionum, seu ut gallice scribit, *des Recherches.*

Quæ omnia non idcirco sunt a me recitata, ut vel id nominis religiosi viris ereptum velim, vel etiam jure a quoquam vellicatum existimem: sed ut omnes intelligant, hanc primitus infudisse viris etiam maximis opinionem, quæ Melchiori nostro, antequam subobsecris initio rebus, nonnulli lucis accederet. Nec idcirco laudatissimo Theologo succensendum, si quid superbie ea in appellatione initio suspicatus sit: Tot, ac tantis in eandem suspensionem adductis viris variorum ordinum spectatissimis, antequam Gregorius XIV. anno 1591. suspensionem demum omnem amovisset, ita peculiari diplomate decernendo: *Statim, nomen Societatis Jesu, quo laudabilis hic ordo nascens a Sede Apostolica nominatus est, & hactenus insignitus, perperis futuris temporibus in eo retinendum esse. Imo præ ceteris venia dignior habendus est Canus, qui quod de nova illa Societatis Jesu appellatione judicium fecit, modeste admodum, & oblique duntaxat innuit, quod alii plerique apertis, & invidiosis declamationibus prodiderunt.*

CAPUT XI.

Judicii Pontificii in Religiosis Institutis approbandis indeficientia, qualis a Melchiore Cano negata sit, explicatur.

Ecclésiæ in religionis Ordinibus approbandis indeficientiam, a Melchiore Cano negatam lib. 5. de locis, cap. 5. multi volunt, ejusque ea de re judicium summæ temeritatis arguunt, atque audaciæ. Sic porro ille eo loci: *Ordines igitur vel probare, vel refellere, quoniam non e scientia id solum, sed etiam e prudentia pendet, non ad ea pertinet, in quibus summus Pontifex errare nequit.* Quod subinde multis ostendit argumentis:

Si quis tamen Cani mentem intimius explorare velit, nihil ab eo traditum inveniet, quam quod Theologorum vulgus agnoscit. Duo quippe in instituendis Ordinibus fecerunt prudentissime: Primum, quod ad substantiam Ordinum spectare dicunt, vota scilicet, legesque, quibus viri religiosi ad Christianam perfectionem veluti manu ducuntur: Alterum, quod ad circumstantias institutorum Ordinum, multitudinem scilicet, necessitatemque, pro temporum, locorumque ratione, pertinere volunt. In primo decernendo, non in altero, Ecclesiam falli nesciam communiter docent. Hoc ipsum dedita opera propugnat Franciscus Suares, ex iis scilicet unus, qui in Melchiore Canum liberis declamant, tom. 3. de Relig. lib. 2. cap. 17. num. 18. *Omnino sentiendum, & dicendum est, non posse errare Pontificem in approbatione religionis, quoad iudicium de honestate, & sufficientia talis modi vivendi, ut sit status perfectionis acquirenda, seu religionis, quidquid sit de approbatione practica, quoad licentiam, & facultatem introducendi de novo aliquam religionem, & quoad iudicium prudentiale, in quo talis concessio fundatur.*

Disertius vero, & explicatius Dominicus Bannes in 2. 2. quæst. 1. art. 10. dub. 8. concl. 5. *Possibile est, summum Pontificem ex negligentia, aut ignorantia, aut falsa informatione, aliquo modo errare, secundum prudentiam, in approbatione, & confirmatione plurium religionum, quam opus erat in Ecclesia Dei. Nunquam tamen huiusmodi error cedit in perniciem Ecclesiæ, quantum quibusdam possit esse nocivus. Utraque pars conclusionis facile a nobis probatur. Nostra conclusio ita est intelligenda, ut error, qui contingere potest in confirmandis Religionibus, non sit maior, quam qui accidere potest in multiplicatione legum Ecclesiasticarum, de us rebus, quæ ad salutem necessaria non sunt, ut ita, vel aliter fiant, nisi solum propter legis obligationem. Cum igitur in huiusmodi communibus legibus, iuxta communem etiam opinionem doctorum, possit summus Pontifex minus prudenter procedere, non est quare timeamus asserere, quod etiam in confirmandis tot, tamque variis Religionibus, ex quibus in Ecclesia confusio potest oriri, & talia incommoda ad perfectionem Ecclesiæ, & tranquillam gubernationem emergere, possit etiam summus Pontifex minus caute aliquam, vel aliquas Religiones approbare, & confirmare.*

Quid aliud amabo Canus noster? perspicua ejus verba sunt, modo quis mentem intendant. *Ordines, inquit, vel probare, vel refellere, quoniam non e scientia id solum, sed etiam e prudentia pendet, non ad ea pertinet, in quibus summus Pontifex errare nequit.* Ea igitur parte Pontificii iudicii deficientiam admittit, in qua non scientia, sed prudentia duce decernit. Scientia porro duce de religiosi status substantia iudicat, prudentia vero de accidentibus.

Et vero nihil aliud suis in probationibus inculcat vir eruditus, quam de accidentibus, & circumstantiis, multitudine scilicet, & utilitate religionum verti quæstionem. Duplici enim capite assertionem suam evincit: Primo, quod nimia religionum multitudine nonnumquam exortæ sint querimonie in Conciliis, scilicet

licet Lateranensi, & Lugdunensi: Secundo, quod nonnullæ primitus approbatae, successu temporis mutatisque rerum conditionibus, ut noxiæ, vel certe inutilis extinctæ sint. Quapropter dum ait, *imbecillum eorum argumentum est, qui ex huiusmodi privilegiis, quæ iis facile temporibus vel conceduntur, vel potius extorqueantur, novas religiones non aliter, ac de celo lapsas excipiendas esse confirmant; eas quoque, quæ nullam regulam e.: approbata habent, nullam vel a suis editam proficiunt*: non ipsam novarum religionum substantiam infectatur, sed consecratoria accidentia, ex privilegiis extortis consecuta, quibus deum evenire solet, ut noxiæ tandem, & inutilis habeantur; Unde & concludit: *Nostro hoc sæculo tam multa sunt religiones, a Pontificibus confirmata, ut qui eas omnes tueri voluerit, tamquam Ecclesiæ vel utiles, vel necessarias, hic imprudentia, ne dicam stultitia nomine, iure optimo, summisque rationibus arguatur*. Quod quam verum, certumque sit, paulo post probavit eventus, dum Pius Quintus Pontifex Sanctissimus Ordinem Humiliatorum ab Ecclesiâ fustulit, aliisque subinde Pontifices alios ut inutilis fustulere:

Nihil ergo a Melchiorre Cano hoc de argumento dictum existimo, quam quod Theologi de more docent: Adeo ut mirari mihi subeat, item illi hac ipsa de causâ fuisse a plurimis intentatam. Quamquam, ut fatear ipse quod censio, in eum commoventur aliqui paulo vehementius, quod suum fortasse institutum oblique ab eo vellicatum putent; cuius, ut arbitrantur, confirmationem ætate sua recentem moleste tulerit. Sed cum id Cani verba non postulent, non est de religiosissimo viro, Episcopoque dignissimo temere pronunciandum; nec interni animi sensus incutandi sunt, ubi innoxia verba se produnt.

Non desunt qui, ut maiore illi invidiam creent, factam eo loci in prioribus editionibus de Societate recens confirmata expressam mentionem didicent; quæ tamen & posterioribus, a prudentibus curatoribus expuncta sint. At id pro arbitrio dictum, cuius nulla probatio. Ex quidem extant hic Patavii, ubi hæc scribo, primæ editionis anno 1563. Salmanticæ apud Matthiam Gastium adornatæ exemplaria duo; Alterum quidem in celebri Abbatia Divæ Justinæ, alterum in Cænobio Divi Augustini, in quibus ne verbum quidem, quod a posterioribus diffideat editionibus, deprehenditur: Nec dubitandum, quin cætera omnia ejus dem primæ editionis exempla per omnia, & in omnibus congruant.

Addunt iidem Cani osiores, istiusmodi priorum editionum, specialem Societatis Institutum habentium codicem ab Ozorio visum, quo & ipse ad ejusdem consultationem usus sit. Sed & Ozorius ipse, qui Cani sententiam perperam ac latius, quam par est intellectam, prolixè consutat par. 2. Institutionum moralium lib. 5. cap. 7. nihil vel de fugillata ab ipso nominatim Societate, vel de prioribus editionibus aliter, quam hodiernæ habeant ferentibus, omnino habet. Subjungunt pari fidentia, ac libertate iidem reprehenses, servari illorum codicum unum Romæ in quadam bibliotheca. At quæ sit illa, ne innunt quidem; Quod profecto, si res ipsa sic esset, diligentius adnotasset: Adeo ut perpicuum sit, fervidiores illos Cani accusatores nil nisi verba dare, ut decantatas sepe nœnias, atque fabellas speciosis pigmentis obducant.

Paris levitatis esse alterum a Morerio in Dictionario Historico exaratum commentum, & a Dupino transcriptum, in nova Bibliotheca Scriptorum Ecclesiasticorum tomo 17. sæculo 16. *Academiam Salmaticensem Cani consilio repugnasse, Philippo Secundo Hispaniarum Regi dato, de iustitia belli adversus quemcumque, suprema etiam in terris dignitate fulgentem inferendi, ubi de tuendis corona jurisbus ageretur*. Cujus quidem assertoris testem Nicolaum Antonium Bibliothecæ Hispanicæ Scriptorem advocat Morerius. Tantum enim abest, ut Cani consilio Academiam Salmaticensem repugnasse significet Nicolaus Antonius: ut potius id consilii Philippo datum asserat, non sine totius Collegii Salmaticensis Theologia, ac Juris Doctorum suffragatione.

CAPUT XII.

De S. Augustino temere depresso circa immortalitatem, & originem animarum, querela repellitur.

Lippis, & cæcis scripsisse Carterium puto, dum in suis adversus Canum expositulationibus, eidem fidenter alingit, quod Augustino libentius insultarit lib. 12. de locis cap. 15. ubi post insinuata nonnulla Scripturarum oracula, quibus Sanctissimus Doctor animæ immortalitatem colligere sibi visus erat, ita subiungit Canus noster: *Quod Augustinus affirmat, ex lege Moysis esse ceteris evidentius, id ne probabile quidem mihi videri solet, ut animas ab interitu vindicemus.* Solis quippe oculis opus est, ut internoscat quisquis iis uti voluerit, ea a Carterio corrala Melchioris Cani verba, non certam summi viri sententiam continere, sed verius objectionem, cui ille multis interjectis respondet ad finem capitis, ibi: *sed jam tempus est, ut obiectiones oppositas repellamus, &c.* Quapropter in rescellenda criminatione adeo futili operam ludere nolum.

Meliori fortasse fide, at non ita intigni cruditionis, ac doctrinæ specimine, Canum laceffit idem Carterius, quod Augustinum in eam opinionem, quæ animas a parentibus generari docet, magis inclinasse, dixerit; sequæ eam hodie tanquam errorem condemnare significarit lib. 12. de locis cap. 15. Ecquis enim uesciat in eam re ipsa sententiam inclinasse Augustinum, aut certe hæsisse dubium, num ex traduce fierent animæ nostræ; certoque posuisse, quæstionem illam totam ad fidem Catholicam minime pertinere? Quod unum Augustino tribuit eo loci Canus noster. In eo quippe totus est Sanctissimus Doctor, quatuor ferme libris editis de origine animæ, tribus ad Optatum datis epistolis, alteraque Hieronymo inscripta, quæ est 28. ac demum lib. 10. de Genesi ad litteram cap. 6. & sequentibus. Id porro citra Prasulis Hipponensis injuriam, pro sui conditione temporis, ut erroneum rejicere potuit Canariensis Episcopus, quod ille pro ætate quidem sua innoxie, & inculpate tradiderat. Augustini enim ætate, ac tum deinceps, ad undecimum usque sæculum, dubia in Ecclesia Catholica quæstio erat de origine animarum; Patrum quidem aliis eas in singulorum hominum conceptione a Deo creati opinantibus; aliis non creati illas a Deo, sed ex parentis anima traduci statuentibus: Ut plane Augustini dubitatio veterum Patrum suffragatione niteretur. Quod multis aduersus Bellarminum momentis evincit Cardinalis Henricus de Noris in Vindiciis Augustinianis cap. 4. §. 3. Secutus vero temporibus tam altas in scholis Theologorum radices egit ea sententia, quæ singulas singulis corporibus creati a Deo animas ponit, ut a multis inter fidei capita numeretur. Quid ergo peccavit Canus, quamve Augustino irrogavit injuriam? Etsi enim diversa tulerint ambo, uterque tamen pro sui conditione temporis recte sensit.

Neque enim in iis numerandus est Augustinus, neque a Melchiore Cano numeratus est unquam, qui animas per corporum semen traduci, cum Tertulliano commentis sunt: (quem sensum hæreticum pronuntiavit Doctor Angelicus prima par. quæst. 118. art. 2.) cum & id diserte damnarit Hipponensis Antistes epist. 157. ad Oceanum: *Illi, qui animas ex una propagari asserunt, quam Deus primo homini dedit, atque ita eas ex parentibus trahi dicunt, si Tertulliani opinionem sequuntur, profecto eas non spiritus, sed corpora esse contendunt, & corpulentis seminibus exoriri. Quo peruersius quid dici potest? At id unum ut summe voluit, seu verius de hoc uno dubitavit, Utrum incorporeum anima semen, sua quadam occultâ, & invisibili viâ, seorsum ex patre curvat in matrem, cum sit conceptus in femina? An, quod est incredulius, in semine corporis lateat? Quod quidem incorporeum semen, seu materiam spirituales, ex qua fieret anima, cap. 11. sem-*

per

per difficilem existimavit: Maxime vero lib. 7. de Genesi ad litteram cap. 7. ubi tam multa de ea querit, nihil certo definitiens, statuensque, *An illa spiritalis materies, si suis ulla, unde anima fieret; vel si est ulla, unde anima sumi, quid ipsa est? quod nomen, quam speciem, quem usum in rebus conditis tenet? Vrit, an non? &c.*

CAPUT XIII.

De Commissis in vicem Romanis Pontificibus Pio II. & Sixto IV.

HAud multo æquior in Canum Theophilus Raynaudus diatriba 2. de immunitate Cyriacorum, cruda in eum verba jaciens, quasi Romanos Pontifices in edendis decretis humano affectu ductos scripsisset lib. 5. de locis cap. 5. *Nec sapientior fuit idem Canus (Theophili verba sunt) in negotio stigmatum sanctæ Catharinæ Senensis, quæ a Sixto IV. Ordinis Minorum abrogata, & soli Sancto Francisco adscripta, affirmat admissa a Pio II. Senensi, quippe Beate Catharinæ cive. Videndus lib. 5. de locis cap. 5. Quasi Pontifices collidere, & ex sæculi, ac carnis legibus moveri, ad decernenda plane contraria, res sit stocci faciendæ.*

Iniqua profecto, si uspiam alibi accusatio. Certe Sixtum Quartum sacras Divæ Catharinæ imagines cum stigmatibus pingi deinceps vetuisse, pictasque deleri jussisse anno 1483. indubitata res est, historicorum bene plurium testimonio confirmata. Nec minus certum, Pium Secundum re plenius discussa, non modo pictas illas cum stigmatibus imagines permittere, verum etiam eo sacrorum stigmatum privilegio donatam Divam Catharinam carmine celebrasse;

Quem laetet virtus, facinusque clarum,

Quo nequit dici sanctius per orbem?

Pulverum formam miserata Christi

Exprimit ipsa.

Quam subinde litem Predicatores inter & Franciscanos pendentem, Urbanus Octavus ex Sacre Rituum Congregationis consulto, die 16. Februarii 1630. multo disertius, firmitusque Prædicatoribus adjudicavit. Non ergo culpandus Canus quod illud Romanorum Pontificum in factis duntaxat historicis invicem diffidentium exemplum dederit. Nihil quippe certius, & exploratius. Reprehensioni ut ut maxime obnoxius videretur, si Sixtum Quartum, & Pium Secundum, humanis duntaxat affectibus ductos innuisset, ut ita pugnantly decernerent. At nihil ejusmodi Canus noster, sed ita simpliciter: *Sixtus IV. docuit, Divam Catharinam Seneusem stigmata non habuisse; non desuit, qui contra judicavit. Neutrius Pontificis judicium ad Ecclesiam spectat; Utrumque aut probare, aut improbare sine fidei discrimine possumus. Ubi ne Franciscana quidem Sixti Quarti profectio, aut Pii Secundi patria, nomenve, unde ad contraria decernenda moti credi possent, insinuantur.*

CAPUT XIV.

De objecta Pontificibus negligentia, & oscitantia in castigandis Divorum Historiis.

RAynaudum ancipiti, & æquivoco verbo lusisse existimabam, dum Canum nostrum læsæ Pontificiæ majestatis reum agit, diatriba 2. de immunitate Cyriacorum a censuris, quod is lib. 11. de locis cap. 6. ob-

ter

I N D E X

LIBRORUM, & CAPITUM.

LIBER I

- Cap. 1. *De totius Operis partitione.* pag. 1
 Cap. 2. *De duobus generibus argumentorum, quibus omnis disputatio transigitur.* ibid.
 Cap. ult. *De locorum Theologicorum numero, atque ordine.* 2

LIBER II. De auctoritate Sacræ Scripturæ.

- Proæmium.* 3
 Cap. 1. *De sacrarum literarum solidissimo firmamento, & quatuor machinis, quibus illud impetitur.* 4
 Cap. 2. *Ubi argumenta referuntur suadere volentium, quod Deus fallere aliquando potest.* ibid.
 Cap. 3. *Ostendit, Deum nec per se, nec per alium fallere unquam posse.* 6
 Cap. 4. *Ubi argumenta Cap. 2. dissolvuntur.* 8
 Cap. 5. *Ubi quatuordecim libri e sacris Bibliis numerantur, quos quidam vel ambigunt esse canonicos, vel certe a canone rejiciunt.* 17
 Cap. 6. *Continet argumenta eorum, qui suadere conantur, Scripturam sacram non egere Ecclesie approbatione.* ibid.
 Cap. 7. *Docet, ad cujus auctoritatem spectat de libris canonicis judicare.* 19
 Cap. 8. *Ubi consulantur argumenta capitis sexti.* 24
 Cap. 9. *Ostendit, illos libros, de quibus erat controversia, habendos esse sine dubio pro canonicis.* 31
 Cap. 10. *Continet argumentationes adversariorum contra ea, quæ capite superiori definita sunt.* 34
 Cap. 11. *Ubi consulantur argumenta capite nunc proximo posita.* 38
 Cap. 12. *Ubi eorum argumenta ponuntur, qui suadere volunt, in sacrarum intelligentia Scripturarum, ad fontes Hebraicum, & Græcum recurrendum.* 50
 Cap. 13. *In quo veteris vulgata editionis auctoritas demonstratur, & quod non est nunc ad Hebræos, Græcosve recurrendum.* 53
 Cap. 14. *In quo argumenta capitis duodecimi resulantur.* 60
 Cap. 15. *De linguarum Hebraica, & Græcæ militat.* 66
 Cap. 16. *Ubi ponuntur argumenta eorum, qui sunt opinati, sacros auctores in libris canonicis non semper divino Spiritu fuisse locutos.* 71
 Cap. 17. *Ubi ostenditur, singulas particulas librorum canonicorum Spiritu sancto assensente scriptas fuisse.* 73
 Cap. 18. *Ubi refelluntur argumenta capitis decimiseptimi.* 75

LIBER III. De Traditionibus Apostolicis.

- Cap. 1. *Ubi eorum argumenta referuntur, qui Apostolicas traditiones impugnant.* 86
 Cap.

INDEX LIBRORUM,

Cap. 2.	<i>Supervacaneam videri cum Lutheranis non de hoc solum loco, sed de quibusque aliis disputationem.</i>	88
Cap. 3.	<i>In quo quatuor fundamenta ponuntur, ad traditiones Christi, & Apostolorum constituendas.</i>	90
Cap. 4.	<i>Ubi sternuntur via ad traditiones Christi, & Apostolorum investigandas.</i>	95
Cap. 5.	<i>De variis generibus Traditionum Apostolicarum.</i>	97
Cap. 6.	<i>De firmitate, & certitudine Traditionum Apostolicarum.</i>	99
Cap.	<i>postremum. In quo refelluntur argumenta capitis primi.</i>	101

LIBER IV. De Ecclesiæ Catholicæ auctoritate.

Cap. 1.	<i>Quibus argumentis Ecclesiæ auctoritas impugnatur.</i>	107
Cap. 2.	<i>Quid Ecclesiæ voce significetur.</i>	112
Cap. 3.	<i>Quinam sui fideles illi, & quibus vere & proprie Ecclesiæ consensit.</i>	115
Cap. 4.	<i>Quenam sit Ecclesiæ catholica in fidei dogmate auctoritas.</i>	118
Cap. 5.	<i>Adversus hanc postremam conclusionem objectiones quædam.</i>	124
Cap.	<i>postremum. In quo argumenta primi capitis confutantur.</i>	128

LIBER V. De auctoritate Conciliorum.

Cap. 1.	<i>Argumenta continet, quibus hæretici nuntiant, ad huius loci auctoritatem labefactandam.</i>	144
Cap. 2.	<i>Docet, quidnam nomen aut Synodi, aut Concilii hoc sane loco significet.</i>	140
Cap. 3.	<i>In quo Synodorum varia genera ponuntur.</i>	149
Cap. 4.	<i>Ubi conclusiones ponuntur, quibus loci huius auctoritas continetur.</i>	150
Cap. 5.	<i>Ubi nodi quidam solvuntur, quibus interdum homines etiam docti illicati solent.</i>	155
Cap.	<i>postremum. In quo refelluntur argumenta capitis primi.</i>	172

LIBER VI. De Ecclesiæ Romanæ auctoritate.

Cap. 1.	<i>Ubi ponuntur argumenta, quibus huius loci auctoritas impugnatur.</i>	183
Cap. 2.	<i>In quo redditur causa, cur Sedes Apostolica quinimum locum obtineat.</i>	185
Cap. 3.	<i>Tria pronuntiata continet, quibus efficitur, Petri in fide firmitatem ad successores quoque derivari.</i>	186
Cap. 4.	<i>In quo ostenditur, quod Romanus Episcopus ille sit, qui Petro & in fidei firmitate, & in componendis religionis controversiis, divino iure succedat.</i>	191
Cap. 5.	<i>Ubi conclusio eadem ostenditur Sanctorum veterum testimoniis manifestis.</i>	194
Cap. 6.	<i>Ubi Conciliorum clarissima testimonia referuntur, quibus Ecclesiæ Romanæ vis, & auctoritas comprobatur.</i>	195
Cap. 7.	<i>Rationibus Theologia probat, Romanum Pontificem in fidei controversiis finiens errare non posse.</i>	197
Cap. 8.	<i>Ubi argumenta capitis primi refutantur.</i>	200

LIBER VII. De Sanctorum auctoritate.

Cap. 1.	<i>Argumenta complectitur, quibus Sanctorum Patrum auctoritas impugnatur.</i>	212
Cap. 2.	<i>Varios modos exponit, quibus de Sanctorum Patrum auctoritate potest disputari.</i>	214
Cap. 3.	<i>Certis conclusionibus Patrum auctoritatem definit, atque defendit, simulque satisfacit argumentis capitis primi.</i>	215
Cap.		

ET CAPITUM.

Cap. 4. *Nonnullos Osiandri, & Cajetani scrupulos eximit.*

230

LIBER VIII. De auctoritate Doctorum Scholasticorum.

- Cap. 1. *Lutheranorum in Theologiam furor: quinam veri nominis Theologi censendi.* 232
 Cap. 2. *Multiplex Theologia Scholastica munus exponit.* 233
 Cap. 3. *Præcipua Lutheranorum in Schola auctoritatem argumenta complectitur.* 235
 Cap. 4. *Schola auctoritatem certis finibus circumscriptam inuenit, atque defendit.* 236
 Cap. 5. *Respondet argumentis capitis tertii; docetque, quid de variis Theologorum placitis statimendum.* 238
 Cap. 6. *De auctoritate juris Pontificis prudenitum.* 247
 Cap. 7. *Quis usus Juris Canonici in Theologica facultate.* 249

LIBER IX. De argumentis Rationis Naturalis.

- Cap. 1. *Primus error in hujus loci usu vitandus, ne plus aqno in re Theologica rationi naturali tribuatur.* 252
 Cap. 2. *Extremum aliorum errorem percenset, qui a natura rationibus prorsus abhorrent; quorum etiam argumenta proponit.* 253
 Cap. 3. *Memorati erroris architectos, ac sectatores percenset.* 255
 Cap. 4. *In quo recensitis error refellitur.* 256
 Cap. 5. *Philosophiam Theologo necessariam ostendit.* 257
 Cap. 6. *Apostolos, aliosque sanctos viros, natura etiam rationibus usos evincit.* 259
 Cap. 7. *Extrema quorundam Theologorum vitia in usu Philosophia castigantur.* 261
 Cap. 8. *Qua sit hujus loci firmitas in Theologica disciplina.* 262
 Cap. 9. *Satisfacit argumentis capite secundo propofitis.* 263

LIBER X. De Philosophorum auctoritate.

- Cap. 1. *Hujus loci petraclandi necessitatem exponit.* 269
 Cap. 2. *Ubi argumenta proponuntur, quibus Philosophorum auctoritas elevatur.* 270
 Cap. 3. *Qui Philosophi sint Theologis miles.* ibid.
 Cap. 4. *Quam habeat in re Theologica certitudinem Philosophorum auctoritas.* 272
 Cap. 5. *Quibus finibus Aristotelis auctoritas circumscribenda.* 275
 Cap. 6. *Ubi satisfit argumentis capite secundo positis.* 277
 Cap. 7. *De Juris civilis in Theologicis controversiis auctoritate. Quibus impetatur argumentis.* 278
 Cap. 8. *Juris civilis studium Theologo utilissimum probat.* ibid.
 Cap. 9. *Qua vis, aut potestas argumenti ex jure civili desumpti.* 280

LIBER XI. De humana Historiæ auctoritate.

- Cap. 1. *Nuncius de morte parentis, vix dum finito superiori libro allatus, enarratur.* 281
 Cap. 2. *De historia humana in Theologiam utilitate.* ibid.
 Cap. 3. *Argumenta continet, quibus auctoritas humana historia impugnatur.* 284
 Cap. 4. *Quod auctoritas humana historia aliquando probabilis, quandoque etiam certa.* 288
 Cap. 5. *Ubi respondetur argumentis capitis tertii.* 290
 Cap. 6. *Qui sine probata fide auctores, qui contra non sint.* 318
 Cap. postremum. *In quo 15. 16. 17. & 18. argumenta capite tertio propofita refelluntur.* 317
 LI.

INDEX LIBRORUM, ET CAPITUM.

LIBER XII. De Locorum usu in Scholastica disputatione.

<i>Proximum.</i>	340
Cap. 2. <i>Quid Theologia sit; quæ ei objecta res, quis finis.</i>	341
Cap. 3. <i>Quæ sint Theologia principia.</i>	345
Cap. 4. <i>Capitis superioris argumenta refellit.</i>	352
Cap. 5. <i>Quæ sint quæstiones, seu conclusiones Theologica.</i>	357
Cap. 6. <i>Quibus notis quæstiones Fidei dijudicari possint.</i>	363
Cap. 7. <i>De variis errorum gradibus, primumque de hæresi, & hæretica propositione.</i>	369
Cap. 8. <i>Contra hæresis finitionem argumenta quadam.</i>	372
Cap. 9. <i>Regula tres, ad quas Fidei externa iudicia sunt dirigenda.</i>	384
Cap. 10. <i>De propositione erronea, sapiente hæresim, piarum animarum offensiva, temeraria, scandalosa.</i>	387
Cap. 11. <i>Quemadmodum argumenta Theologia inveniendæ, atque e locis ducendæ sint.</i>	394
Cap. 12. <i>Exemplum primum, ubi principium Theologia in quæstionem vertitur. Controversia de Eucharistia sacrificio.</i>	400
Cap. 13. <i>Exemplum secundum, ubi Theologia conclusio in quæstionem vertitur. Quæstio de visione Animæ Christi.</i>	435
Cap. 14. <i>In quo ea quæstio vocatur in dubium, quæ cum naturalis sit, tum etiam ad fidem pertinet.</i>	448
<i>Disputatio de Animi immortalitate.</i>	

RELECTIO de Sacramentis in genere, in quinque partes divisa.

Pars 1. <i>De definitione Sacramenti.</i>	460
Pars 2. <i>De necessitate fidei Christi ad salutem.</i>	464
Pars 3. <i>De necessitate Sacramentorum ad salutem.</i>	479
Pars 4. <i>De Sacramentis causantibus gratiam.</i>	482
Pars 5. <i>De discrimine inter nova, & vetera Sacramenta.</i>	490

RELECTIO de Sacramento Pœnitentiæ, in sex partes divisa.

Pars 1. <i>De definitione Pœnitentiæ.</i>	494
Pars 2. <i>De Pœnitentiæ ut virtute.</i>	503
Pars 3. <i>De necessitate Pœnitentiæ ut virtutis.</i>	509
Pars 4. <i>De præcepto Pœnitentiæ ut virtutis.</i>	526
Pars 5. <i>De necessitate Sacramenti Pœnitentiæ.</i>	536
Pars 6. <i>De præcepto Sacramenti Pœnitentiæ.</i>	551

FRATRIS
MELCHIORIS
CANI

ORDINIS PRÆDICATORUM

& Sacræ Theologiæ Professoris,

Episcopi Canariensis, ac Primariæ Cathedræ in Academia
Salmaticensi olim Præfecti

IN LIBRUM

DE LOCIS THEOLOGICIS

PROOEMIUM.



Æpe mecum cogitavi, Lector optime, boni ne plus is attulerit hominibus, qui multarum rerum copiam in disciplinas invexit, an qui rationem paravit, & viam, qua disciplinæ ipsæ facilius, & commodius ordine traderentur. Nam & rerum inventoribus nos debere multum, negare non possumus, & debemus certe iis multum, qui ratione, atque arte res inventas ad communem usum accommodarunt. Equidem cum veterum eruditionem considero, & variam in eis doctrinæ supellectilem animo colligo, non minimam video per eos investitam esse partem commodorum. Cum autem junioris scholæ operam & curam repetere instituo, plurimas utilitates intelligo novæ hujus artis subsidio, & diligentia comparatas. Ac me sane diu cogitantem ratio ipsa in hanc potissimum sententiam ducit, ut existinem utrosque de bonis artibus juxta esse bene meritos. Quoniam etsi præci doctrinarum aucto-

PROOEMIUM.

auctores doctissimis quibusque, ac diligentissimis magnam divitiarum copiam suppeditavere: at recentiorum inopia docendi facilitate pensatur: qua in rudium, & inertium animos artificiosius influunt, & quæ fuscè olim disputabantur ac libere, ea nunc articulatim presleque dicentes, lucem non parvam inventis priscorum obscurioribus afferant. Atque hac una in re, quantum animi mei conjectura colligere possum, juniores vel pares antiquis, vel etiam superiores reperientur, cæteris omnibus longe inferiores. Certe post priores illos, in rerum inventionem tribuere sibi posteriores vix quicquam possunt. Ordinem vero, dispositionem, perspicuitatem sibi si assumunt, videntur ea jure suo quodammodo vindicare. Quapropter utrisque legendis efficiet Theologus scholasticam disputationem sine dubio pleniorum. Nam ex illis quasi materiam, ex his tanquam formam disserendi mutuatus, potens nimirum erit exhortari in doctrina sana, & eos, qui contradicunt, arguere. Quod est (ut Tit. 1. Apostolus Paulus ad Titum ait) Christiani doctoris præcipuum institutum. Cujus explicandi desiderium omnino me movit, ut de Locis Theologicis disputationem instituerem, viris doctis (nisi me opinio fallit) non prorsus ineptam, indoctis vero magnopere necessariam. Id autem eo libentius feci, quod nemo Theologorum adhuc, quod equidem sciam, genus hoc argumenti tractandum sumpsit: cum præter communem illam artem disserendi, quam a Dialecticis accepimus, aliam Theologus habeat necesse sit, aliosque item ad disputandum locos, unde argumenta non quasi communia, & aliena, sed tanquam propria ducat, & suis dogmatis confirmandis, & adversariorum sententiis refellendis. Hoc vero opus, arduum quidem illud, statim exordior, si prius animo demisso, atque humili ad opem Jesu Christi supplex, abjectusque confugio. Non enim ego illud aut ingenio, aut eruditione mea fretus aggredior, sed Spiritus sancti auxilio, atque favore. Quem si Pater & Filius mihi ad hunc librum conficiendum impertierint, operæ pretium haud mediocre, ut spero, Theologis facturus sum: in quorum gratiam vel maxime opusculum editur.

DE LOCIS THEOLOGICIS

LIBER PRIMUS.

CAPUT I.

De totius Operis partitione.

DE locis ego Theologicis perpetuam orationem habiturus, totam mox in quatuordecim libros partiti constitui. Quorum primus breviter enumeret locos, e quibus idonea possit argumenta depromere, sive conclusiones suas Theologus probare cupit, seu refutare contrarias. Decem reliqui erunt, qui fusi & accuratius doceant, quam vim unusquisque locorum contineat, hoc est, unde argumenta certa, unde vero probabilia solum eruantur. In duodecimo & tertio decimo differetur, quem usum ejusmodi loci habeant, tum in scholastica pugna, tum in sacrarum Litterarum expositione. Nam in concione populari quis eorum sit usus, haud sane difficile dictu est: sed praetereundum tamen, ne ab scholae instituto aliena videatur oratio. Postremus denique liber, quoniam non omnes loci omni disputationi conveniunt, singillatim ostendet, quibulnam argumentis proprie adversum haereticos, quibus peculiariter adversum & Judaeos, & Saracenos, quibus vero tandem adversum Paganos transigenda Theologia disputatio sit, si quando sit cum his pro fide catholica decertandum. Quae scilicet cum, favente Deo, plenius absolvero, undique apta atque pericula erit de locis Theologiae disputationis mea, expletaque omnibus suis numeris & partibus.

CAPUT II.

De duobus generibus argumentorum, quibus omnis disputationis transigitur.

PRIUS autem, quam locos Theologicos numero, quod pars hujus

disputationis prima pollicetur, illud nobis constituendum est, omne argumentum vel a ratione, vel ab auctoritate duci. His enim duobus modis ejusque rei, quae in controversiam venit, assensionem facimus. Cum vero in reliquis disciplinis omnibus primum locum ratio teneat, postremum auctoritas, at Theologia tamen una est, in qua non tam rationis in disputando, quam auctoritatis momenta quaerenda sunt. Etenim locum ab auctoritate adeo sibi proprium vendicavit, ut rationes vel tanquam hospites & peregrinas excipiat, vel in suum etiam obsequium adificet, quasi longe repetitas. Quippe fidei potissimum innititur: quae nisi ab auctoritate proficiatur, non modo fides esse, sed ne intelligi quidem potest. Est namque fides (ut Apostolus tradit) argumentum rerum non apparentium, quas si certas certa velis ratione facere, cum ratione profecto insanies. Principem itaque locum, sicut apud fideles, ita apud Theologos auctoritas habet. Ratio deinde velut pedissequa sequitur. Id quod Apostolus videtur significare, cum ait: Oportere Ecclesiae doctorem amplecti eum, qui secundum doctrinam est, fidelem sermonem, ut potens sit exhortari in doctrina sana, & eos, qui contradicunt, arguere. Primum enim stringat fidei sermonem necesse est, quicumque Christianae scholae magister esse velit: sed nisi mox doctrinae rationem adhibeat, fidelis quidem esse poterit, sed fidelium doctor esse non poterit. Nam & homines quamlibet experientes, quod ex Aristotele recte collegit D. Thomas, disputare cum adversariis non queunt, nisi experimento ratio artis accesserit. Utraque igitur Theologo necessaria est, & auctoritas, & ratio. Sed ita tamen, ut auctoritas primas in Theologia partes obtineat, ratio vero habeat postremas. Quod ergo Primae partis fundamentum erat, praeclare illud jactum est. Nam traditi sunt quidam,

Rebr. 10.

Tit. 1.

1. Mon.

A

dem, e quibus argumenta ducuntur, duplices loci, uni ex auctoritate, alteri ex ratione; sed omnia ferme argumenta Theologica a priori illo fonte derivantur. Quam rem, sicut & locorum numerum atque ordinem, index qui sequitur, ostendit.

CAPUT ULT.

De locorum Theologicorum numero atque ordine.

QUOD a Platone prius & Aristotele traditum præcipit Cicero, omnem institutionem, quæ de re quacunque suscipitur, debere a definitione proficisci, ut intelligatur, quid sit id, de quo differitur; hoc mihi in disputatione, quæ de locis Theologicis futura est, non erat certe negligendum, ut quid esset locus Theologicus, ante omnia explicaretur, nisi ex iis, quæ diximus, ita esset in promptu; ut res explanatione non egeret. Non enim in hoc opere de locis communibus, qui de universa re tractari solent, seu de capitibus rerum illustrium, quæ nunc etiam communes appellantur loci, ut de justificatione, de gratia, de peccato, de fide, deque aliis hujus generis, nos disputaturos pollicebamur, id quod e nostris fecere plurimi, & Lutherani non modo Philippus, sed Calvinus etiam fecit, homines non parum eloquentes, impii tamen, ut Lutheri discipulos postis agnoscere. Sed quemadmodum Aristoteles in Topicis proposuit communes locos, quasi argumentorum sedes & notas, ex quibus omnis argumentatio ad omnem disputationem inveniretur, sic nos peculiare quosdam Theologice locos proponimus, tanquam domicilia omnium argumentorum Theologicorum, ex quibus Theologi omnes suas argumentationes, sive ad confirmandum, sive ad refellendum inveniant. Quare cum definitio loci Theologici ante oculos ex iis esset, quæ in præmio dicta sunt, non erat hic nobis accuratius explicanda, sed quod obscurum erat, id statim aggrediendum, & locorum hujusmodi certus definitusque numerus indicandus. Locorum ergo Theologicorum elenchum denario nos quidem numero complectimur, non ignari futuros aliquos, qui eisdem hos locos in minorem numerum redigant, alios,

qui velint etiam esse majorem. Sed de enumerationis figura nihil morandum est, modo nullus omnino locus vel superfluous numeretur, vel prætermittatur necessarius.

Primus igitur locus est auctoritas sacræ Scripturæ, quæ libris Canonici continetur.

Secundus, est auctoritas Traditionum Christi & Apostolorum, quas, quoniam scriptæ non sunt, sed de aure in aurem ad nos pervenerunt, viæ vocis oracula rectissime dixeris.

Tertius, est auctoritas Ecclesiæ Catholicæ.

Quartus, auctoritas Conciliorum præsertim generalium, in quibus Ecclesiæ catholicæ auctoritas residet.

Quintus, auctoritas Ecclesiæ Romanæ, quæ divino privilegio & est, & vocatur Apostolica.

Sextus, est auctoritas Sanctorum veterum.

Septimus, est auctoritas Theologorum scholasticorum, quibus adjungamus etiam Juris Pontificii peritos, Nam juris hujus doctrina, quasi ex altera parte, scholasticæ Theologiæ respondet.

Octavus, ratio naturalis est, quæ per omnes scientias naturali lumine inventas latissime patet.

Nonus, est auctoritas Philosophorum, qui naturam ducem sequuntur. In quibus sine dubio sunt Cæsarei Jurisconsulti, qui veram & ipsi (ut Jurisconsultus ait) Philosophiam profitentur.

Postremus denique est humanæ auctoritas Historiæ, sive per auctores fide dignos scriptæ, sive de gente in gentem traditæ, non superstitione atque aniliter, sed gravi constantique ratione.

Sunt itaque hi loci decem, in quibus argumenta omnia Theologica desunt, eo scilicet discrimine in lucem eruenda, ut quæ ex septem prioribus locis eliciantur, propria fere sint ea hujus facultatis: quæ vero ex tribus posterioribus, adscriptitia sint, ac velut ex alieno emendicata. Nam cum sint, ut supra dixi, duo genera argumentandi, unum per auctoritatem, alterum per rationem, cumque illud proprium sit Theologi, hoc Philosophi, confugiendum Theologo est ad postcrius, si uti ei non licet superiori. Quamquam licet aliquando utrumque

Liber Secundus.

que simul argumentandi genus adhibere, ut suo postea loco demonstraturi sumus. De prima igitur operis parte, quoniam, ut a principio diximus, longe oratione non egebat, hactenus dis-
cum sit.

Libri Primi Finis.

DE LOCIS THEOLOGICIS LIBER SECUNDUS

In Librum Secundum de Locis Theologicis.

PROOEMIUM.

QUamquam plures in illa sententia esse video, qui orationis splendore illustrare cogitationes suas nesciat, enim, si scribas, impudenter abuti & scientia & literis: ego tamen, si Theologus non afferat eloquentiam, tantum abest ut asperner, ut ne flagitiem quidem. Nam de rebus obscuris, atque ad intelligendum difficilibus dilucide dicere, nec sententiis solum argua, sed verbis etiam ornate, adeo est operosum & arduum, ut iniquus fururus sit, qui voluerit efflagitare. Atque id equidem paucis adhuc video contigisse, ut iidem utroque in genere laborarent, simulque in Theologia controversus sequerentur & elegans illud dicendi, & hoc argumentum disputandi genus. Nos autem quantum in utroque profecerimus, aliorum sit iudicium; utrumque certe sequimur sumus. Flumen enim nobis inanum verborum displicet, quibus sententia deest; nec sententiarum subtilitate capimur, si orationis est secutias. Ac de sermonis cultu nostra legens suo quisque iudicio libere utatur; nihil enim impedit: in rerum autem earum irratione, quas his libris multas, & graves, & utiles accurate, copioseque disputavi sumus, magnum, ut videmur, afferemus adjuvmentum Theologis nostris, ut non modo rudes, sed etiam docti aliquantum fortasse adepturi sint & ad differendum, & ad iudicandum. Nec vero hoc arroganter dictum existimari velim: nam eloquendi scientiam concedens multis, quod est schola proprium, strictum, pressequi differere, & quasi ad vivum omnia rescare, quoniam in eo studio etiam consumpsi, non sum (ni fallor) arrogans, si id iure quodam meo vendicarem. Nec usque adeo ineptus ego sum, ut non verear me in rebus quoque ipsi saepe etiam hallucinatum. Sed aliud est nunquam falsum sentire, quod mihi non tribui; aliud res iam gravissimas, tum difficillimas via & ratione premere, quod mihi assumpsi iure, ut mihi videor, at falli possum, condoneatur iniuria. Et enim que dixi, eo pertinent omnia, non ut rerum mihi scientiam arrogem: quid enim a viro modesto alienius esse potest? sed ut nemo politioris literaturae candidatus in scholastica disputatione orationem a me tersam postulet, nedum rhetoricum phaleris adornatam. Scholam enim ego placare volo, schola propria verba, peculiareque loquendi formas submovere non audeo. Nam etsi disputare cupio ornatum, quam solent nostri, at non debeo tamen labores duos afferre Theologis, unum in rerum, alterum in verborum intelligentia. Brevis lectoribus ego

mea mentis fateor arcana: qui per me formam in Theologia differendi habueris est. nolo ut is mea scripta difficulter intelligat, & ad Theologum cognoscendum, Grammaticum quærat interpretem. Sed de his satis. Jam enim tempus est, ut ea persequamur, quæ sunt deinceps explicanda. Quæ quidem ut magnum negotium nobis, ita quoque prolixam disputationem exhibebunt. Sed prolixitas utilitate pensabitur. Nihil autem utilius scholæ Theologorum tradi potest, quam ut discant, quisnam locus argumenta firma, & quis contra infirma subministret. Quæ re vel maxime Theologia nervi, æque artus pressi, solidique consistunt.

CAPUT I.

De sacrarum Literarum solidissimo firmamento, & quatuor machinis, quibus illud impetitur.

AC primus quidem locus sine controverſia firmus est divina, eademque gravissima auctoritate. Nam libros Sacros & Canonicos appellamus, quos Spiritu Sancto dictante sacri auctores exceperunt. Quos igitur tales esse consulerit, eos dubio procul certissimos ac verissimos esse credemus. Quemadmodum Augustinus lib. de Civit. Dei 11. cap. 3. & lib. conf. cap. 17. & epist. 7. ad Marcellinum, & epist. 19. ad Hieron. & lib. 1. de doctr. Christi cap. 37. & lib. 2. de baptis. cont. Donat. cap. 3. & in proœmio 3. lib. de Trin. docet, resumit, inculcat. Ac recte ille quidem. Nisi enim fundamentum hoc fideliter jeceris, quidquid in Theologia superstruxeris, corruet: Corruetque adeo civitas illa Dei, cujus fundamenta in montibus sanctis, & in scripturis principum, qui fuerunt in ea. Quorum scripturarum auctor est non homo, sed Deus. Dominus enim narrabit in scripturis populorum, & principum horum, qui fuerunt in ea. Dominus itaque hujus loci auctoritatem tuetur, tuetur & principes. Turris quippe David est, & nulle clypei pendens ex ea, omnis armatura fortium. Quam omnino rem, quoniam in terrodecimo libro sumus latius explicaturi, satis hic facit breviter attingisse. Verum enimvero turris hæc tam alioqui inanita, arctibus quatuor concuti solet. Primo, quod homines a Deo aliquando deceptos sacre ipse literæ prodidere: fieri igitur potest, ut auctores sacri ab Spiritu Sancto fallantur: ita quodcumque ex hujusmodi auctoribus argumentum sumas, incertum erit. Altero, quod nondum videtur exploratum, quam libri sint in

Canonem sanctarum Scripturarum referendi: cum ex veteri testamento scriptum, ex novo totidem a viris & doctis, & catholicis rejiciantur. Quocirca si argumentum inde Theologus promat, imbecillum erit, carebitque divina auctoritate. Tertio, quod ut certo constaret, quinam essent hujusmodi sacri libri, non tamen adhuc constat, an Latini codices Græcis Hebraicisque concordent: quapropter argumentatio ex Latino exemplari ducta, infirma erit, cum solius interpretis sensu, intelligentiæque nitatur. Quarto, quod ut perspicuum esset, quodnam exemplar potissimum sequendum sit: tamen an Apostoli, vel Prophetæ in testimoniis, quæ videlicet ex ipsiis asseruntur, de Spiritu Dei, an de suo loquantur, non perinde certum est: cum auctores sacri nonnulla humano more citra divinam revelationem scribere videantur. Non itaque omnia librorum canonicorum testimonia Dei auctoritatem habent, ut certam fidem facere possint. Nec verò in his argumentis explicandis eam copiam, quam possumus, persequemur: ne hoc uno in loco tota infirmatur oratio. Sed quatuor hos arctes, quibus nostræ religionis mœnia nonnulli quatere & diruere conantur, quanta maxima brevitate licebit, repellere curabimus. Non enim materiam huc & sarraginem multarum rerum conamur invehire: sed formam Theologo discendi præstare. Quæ nimirum quo brevior, eo præstabilius erit.

CAPUT II.

Ubi argumenta referuntur suadere volentium, quod Deus fallere aliquando possit.

UT autem ab illa controversia ordiamur, quæ licet facillima, tamen caput est cæterarum, prima v-

Trima contro-
versia.

nari

Ps. 86.

Cantic. 4.

niz in medium juniorum opinio, quæ
plerisque notissima est, non omnium
quidem, sed paucorum, assentientium,
aliquando Deum humano angelicove
ministerio homines fecisse. Nam quod
Spiritus veritatis ipse per se quem-
piam fallat, ne impietatis invidiam
subeat, in dubium vocare non aude-
nt. Quod vero per alium decipere
Deus possit, id persuadere se posse ar-
bitramur. Primum, quod Abraham
pueris mentitus est, inquit: Expec-
tate hic, ego & puer postquam adora-
verimus, revertetur ad vos. Et tamen
illa erat prophetia divinæ revelatio-
nis: ut docet Ambr. lib. 1. de Abra-
ham, cap. 8. in hac verba: Propheti-
zavit quod ignorabat: ipse solus dispo-
nere redire immolato filio, sed dominus
per os ejus locutus est. Capiose autem
loquebatur cum servulis, ne cognito
negotio aut impediret aliquis, aut ge-
mitu obsterperet, aut metu. Homini
ergo ministerio homines Deus fallit.

2. Argu. Alium quoque ejusdem rei argum-
tum proferunt, quod Jacob patrem
suum Isaac mendacior etiam de indu-
stria confecto decepit, dicens: Ego
sum primogenitus tuus Esau: feci sicut
præcisti mihi, surge, & comede de ven-
tatione mea. Et paulo post, cum Isaac
interrogasset, Tu es filius meus Esau?
respondit Jacob, Ego sum. Mentis
est ergo Jacob: id quod agnovit pa-
ter, inquit, Venit germanus tuus
fraudulenter, &c. At ea omnia, Jacob
& secit, & dixit ex divina revelatio-
ne, ut Innocentius tradit. Deus igitur
per alium decipere potest. Ad
hæc Eliaſas Ezechia: Cras, inquit,
moriſis, & non vives. Eliaſas autem
sine dubio suus ipse verbis assentiebat-
ur, nec vero nisi lumine prophetico:
agnoscebat enim revelationem illam ef-
ficacem divinam. Lumen ergo prophetiæ
causa quandoque prophetæ est, ut de-
cipiatur. Non enim tunc temporis
mortuus est Ezechias, sed convalluit.
Præterea cum Dominus aliquando in-
terrogasset, Quis decipiet Achab? e-
greſſus spiritus, Ego, inquit, decipiam
illum: Cui Dominus, In quo? Tum
ille: Ero spiritus mendax in ore omni-
um prophetarum ejus. Et dixit Domi-
nus, Decipies, & prævaleris: egrede-
re, & fac ita. Subdit vero Michæas:
Nunc igitur ecce dedit Dominus spiritum
mendacis in ore omnium propheta-
rum, qui hic sunt, & Dominus locu-

tus est contra te malum. Deus itaque
per cacodæmonem administrum deci-
pit. Id quod August. lib. 83. Quæſt.
confitetur. Quemadmodum enim ju-
dex damnatum percutere, sua perso-
na indignum & nefarium judicat, e-
jus tamen iussu hoc facit carnifex:
ita quem Deus per se non falleret,
cum fallit Deo jubente cacodæmon.
Libet namque similitudine eadem, eis-
demque pene verbis, quibus August.
utitur, hujus rei argumentum facere.
Item Judæi Domino præcipiente Æ-
gyptios decipere. Fecerunt enim filii
Israel, sicut præceperat Dominus Moy-
ſi, & petierunt ab Ægyptiis vasa ar-
gentica & aurea. Dominus autem de-
dit gratiam populo suo coram Ægy-
ptiis, ut commodarent eis; & spolia-
verunt Ægyptios. Deo igitur auctore
homo hominem fallit. Nec mirum si
hostem decipi dignum decipere Deus
jubet, quoniam hoc pertinet ad ju-
sticiam & veritatem, ut dignis digna
distribuantur: quemadmodum idem
Augustinus loco nunc citato argumen-
tatur. Atque hæc testimonia non per-
inde urgere; illa difficiliora sunt, quæ
quoniam unius modi sunt ferme, si-
mul commemorabuntur. Primum est
illud: Qui immutat cor principum, &
decipit eos: & errare eos facit quasi e-
brios. Secundum illud: Homo, qui po-
fuerit immunditias in corde suo, & ve-
nerit ad Prophetam interrogans per eū
me: Ego Dominus respondebo ei in mul-
titudine immunditiarum suarum: & Pro-
pheta cum erraverit, & locutus fuerit
verbum, ego Dominus decipi Pro-
phetam illum. Tertium illud: Quare er-
rare nos fecisti Domine de viis tuis? Quar-
tum est Apostoli dicentis: Sicut non
probaverunt Deum habere in notitia, tra-
didit illos Deus in reprobum sensum.
Quantum est etiam ejusdem Apostoli:
Eo quod charitate veritatis non recepe-
runt, ideo mittet illis Deus operationem
erroris. Quibus testimoniis Augustinus
manifeste doceri existimat, Deum in
cordibus hominum operari ad incli-
nandas eorum voluntates in malum,
nec dum mentes in falsum. Nec ab his
ratio aliena est: cum enim error po-
na sit, nihil obstat, quo minus Deus,
qui positorum omnium auctor esse a
Prophetis dicitur, errorem ipse effi-
ciat in eo præsertim, qui anteceden-
tibus culpis commoverit, ut a iusto
iudice in errorem induceretur. Vita

Primum
argum.
Genes. 22.

Hoc Ambr.
testimonio
Grati 11.
quæſt. 1. &
Ab-ſoluto,
mendacis
contra libe-
rat Patri-
cium.

2. Argu.
Genes. 27.

De Deo e.
ſententia.
Esa. 1.

3. Argu.

1. Reg. 11.

4. Argu.

Quæſt. 12.

5. Argu.
Esaod. 11.

6. Argu.

Job 42.

Ezech. 14.

Esa. 67.

Rom. 1.

1. Theſſ.

De gra. &
II. ar. c. 11.

7. Argu.

Amos 1.
Esa. 47.

Eccl. 11.

8. Argu.

Ador. 17.

9. Argu.

Genes. 24.

Mich. 1.

Cap. 7.

Genes. 3.

1. Cor. 4.

& mors, inquit, paupertas & honestas a Deo sunt: sapientia & disciplina apud eum: error & tenebræ peccatoribus concreata sunt. Confirmat autem illud vel maxime, quod cujusque motionis Deus est causa: in ipso enim movemur & sumus. Errorem itaque, qui hominis errantis motio est, Deus efficere in hominem potest, poteritque proinde decipere. Cujus etiam rei argumentum aliud est, quod mendacium non est suapte natura malum. Potest ergo Deus cuiquam præcipere, ut mentiat. Illud vero primum ex eo ostenditur, quod Joseph mendacium etiam juramento confirmavit. Per salutem (inquit) Pharaonis exploratores estis. Non est autem credendum, quod mendacium juramento firmatum vir justus diceret, nisi divinam haberet revelationem, per quam a mortali peccato excusaretur. Deinde illud etiam probatur ex eo, quod Michæas ait: Utinam vir essem non habens spiritum, & mendacium potius loquerer. Non ergo est intrinsecus malum, quod Propheta Deo insigantem desiderat. Adde huc, quod Aristot. 4. Ethicorum Mendacium in jactantiam & inoniam partitur, quæ est divisio propria mendacii, auctore Div. Thom. 1. 2. quest. 110. art. 2. At usus ejus, quæ dissimulatio Latine dici potest, Græcè enim *εἰρησμός* dicitur, frequens in sacris Literis est: ut ibi: Ecce Adam quasi unus ex nobis factus est. Et alio loco: Jam saturati estis, jam divites facti estis, sine nobis regnatis. Et 3. Reg. 22. Akende (ait Michæas) & vade prospere, &c. Si igitur ironia mendacium est, Deus vero per sacros auctores ironice interdum loquitur, non est, ut videtur, cur negemus, Deum posse per alios mentiri. His testimoniis atque rationibus opinionem suam suadere poterant Theologi novi, & in sacris Literis patum exercitati. Nam quibus ipsi argumentis utuntur, ego data opera fileo: ne qui hunc librum legerint, scholasticis illi auctoribus invidiam consent: vulgique & imperitorum inscitiam Academus præferant, cum ea audierint, quæ nonnunquam differuntur a nostris. Sed de his hæcenus. Jam questionem ipsam explicemus: divinamque veritatem (quod erit facile) ab ejusmodi adversariis vindicemus. Deum namque deceptorem credere,

necarium & impium esse, quis non facillime intelligat?

CAPUT III.

Offendit, Deum nec per se, nec per alium fallere unquam posse.

E A igitur explicanda questione, quoniam brevis esse cupio, illud statim ponendum est, divinæ potentie descriptionem esse duplicem. Nam & generalem quandam intelligimus, quæ quoniam lege nulla etiam naturali restringitur, a Theologis absoluta vocatur: Et aliam huic subjectam, quæ spectat in rerum ordinem præfixum, ideoque potentiam appellat ordinatam. Atque illa superior definitur solet circa eas res, quas esse non repugnat, quæve non implicent contradictionem: sic enim loquuntur. Quæ autem potentia ordinaria subiecta illi priori quasi generi est, eam definiunt circa ea, quæ esse possunt salva lege, statutiisque divinis. Illud etiam ponere debemus: mentiri nihil aliud esse, quam asserere falsum animo fallendi. Sic enim Augustin. ac Gelasius definiunt. Ex duobus itaque mendacium constat, si falsum dicitur, & si eo animo dicitur, ut fallantur audientes. Sed & quis proprie dicatur fallere, explicandum est ante breviter, quod facilius id, quod docere volumus, intelligi possit. Non enim qui verum dicit, is proprie fallax extimandus est, licet ille, qui audiat, ex prava intelligentia veritatis in maximos incurrat errores. Improprie autem res a Deo creatæ dicuntur esse fallaces: dicuntur item esse mulcipulæ, sed pedibus insipientium. Equus igitur alium proprie fallit? Nempe qui falsum asserendo, causa alii est ut fallatur. Alioqui si ex alieno errore & ignorantia fallacem quempiam definimus, ipsa quoque veritas erit nobis fallacissima.

His positis sit prima conclusio. Hæreticum est asserere, quod Deus de potentia ordinata mentiri possit. Est enim Deus verax, omnis autem homo mendax. Et rursum, Si non credimus, ille fidelis permanet, negare seipsum non potest. Et alio loco tandem, Non est Deus quasi homo ut mentiar. Atque hæc quidem conclusio adeo est apud omnes certa, ut eam testimoniis etiam

Lib. 1. de
men. c. 3.
2. lib. item
de men. c.
12. 21. q. 2.
c. Beatus.

Math. 13.

Sap. 14.

1. Conc.

Rom. 1.

2. Tim. 3.

Nema. 31.

iam

a. Conc.

iam apertis confirmasse, supervacuum fuisse videatur. Quare illa breviter posita, pergamus ad reliquas.

Secunda conclusio est. Qui existimat Deum ex ordinaria potentia per administrum posse vel mentiri, vel fallere, errat ille in fide turpissime. Nam hæreseos notam huic inurere, ad Ecclesiæ auctoritatem pertinebit. Atque hæc quidem conclusio primum ex eo colligitur, quod ejusdem est præcipere malum, & facere malum: quique enim ejus rei causa est, quæ eo imperante fit. At juxta fidem catholicam Deus auctor peccati esse non potest, ergo ne mendacii quidem, quod juxta potentiam ordinariam peccatum est. Non itaque Deo auctore, vel angelus, vel homo quempiam fallit. Deinde, cum Dominus per administrum, vel angelos, vel homines nobis loquitur, ipse se loqui testatur: ut multis locis sacrarum literarum constat. Ita si Dei administrum mentiretur, Deum quoque mentiri necesse esset. Quod quam absurdum sit, quis non videt?

Præterea, sic opinantibus non constaret, an Deus nos per Apostolos & Prophetas sese loqueretur. Et cum in sacris literis Deus ipse per se quidem raro fuerit locutus, per angelos autem, & per homines frequentissime: si his administris falli a Deo possumus, certe sacrarum literarum firmitas corrumpetur. Atque hæc quidem ratio tam magnum apud me momentum habet, ut non dubitem, ab Ecclesia Catholica errorem hunc hæresis nota damnatum iri, si in consulationem referatur; quippe qui aut proflus evertit nostræ fidei fundamenta, aut certe non patitur firma consistere. Porro sacris auctoribus fidem habere non tenebimur, si semel eam opinionem induimus, quod Deus per alios decipere possit. Nec ulla Dei pollicitatio firma erit, nisi quam Deus per se ipse præstiterit. Id quod aperte cum Apostolo pugnat. Nam cum in Epistola ad Hebræos in eam promissionem incidisset, quæ Abraham, per angelum haud dubie ministerium, facta est, volens (inquit) Deus offendere pollicitationis hereditibus immobilitate consilii sui, interposuit iuramentum: ut per duas res immobiles, quibus impossibile est mentiri Deum, fortissimum solatium haberemus, qui consuevimus ad tenendam propositam spem: quam sicut anchoram habemus animæ salutem, ac firmam

Non esset autem tuta & firma, si huic opinionati credimus. Efficitur itaque, Deum nullo modo posse fallere. Nec mihi dicas, scriptores sacros justos sanctosque fuisse: Spiritu enim Sancto inspirante locuti sunt sancti Dei homines. Et rursum, Sicut locutus est per os sanctorum, &c. per hujusmodi autem viros Deum nec velle fallere, nec vero posse: sed per improborum ministerium posse. Primum enim si Spiritu Dei inspiratus loquitur etiam impius, Deo verba illa tribuuntur, atque adeo Dei auctoritatem habent. Deinde si Dei vel consilio vel præcepto mentitur impius, certe eodem consilio præcepto mentiri poterit pius. Non igitur Deus potest per alium fallere, id quod secunda conclusione dictum est.

Tertia conclusio. Deus etiam ex absoluta potentia nec per se, nec per alium mentiri potest. Cum sit (inquit Augustinus) omnipotens, mori non potest: falli non potest, mentiri non potest. Et rursum idem, Dum de omnipotentia Dei (ait) tam multa diximus, si volumus invenire quod omnipotens non potest, habent prius: Ego dicam, mentiri non potest. Dominus autem id mihi manifeste videtur confirmare, cum ait: Cælum, & terra transibunt, verba autem meam non transibunt. Vel concedat ergo omne cælum, omnisque natura; divina tamen veritas consistat necesse est. Præterea & illud Apostoli testimonium, quod ante citatum est, idipsum ostendit. Est, inquit, Deus verax: omnis autem homo mendax. Quod loco Paulus non significat quidem omnes homines mentiri, sed eo esse ingenio, ut mentiri possint. De natura quippe agit, non de more. Nam reperire liceat viros aliquando, qui vel rationem rectam ducent sequentes, vel Evangelii gratia lequeque adjuvi ac moniti a mendacio abhorrent, veritatem amplectuntur. Sed quoniam humanitatis ea est imbecillitas, ut veritatem, quam tenet, destituere interdum possit, ideo scriptura omnem hominem rectam esse mendacem. Ex quo intelligitur, in eo sensu Deum appellari veracem, quod cum divina natura mendacium pugnet. Id, quod non modo probabili argumentatione, sed etiam necessaria Theologorum ratione concluditur. Nam quæ contrarietas est mali & boni, eadem est veri &

a. Pet. 1.

Loc. 1.

Joan. 11.

Num. 32.

3. Conc.

Lit. 1. de Syn. cap. 1.

Lit. 10. de Civ. Dei, c. 25.

Luc. 21.

Fend. 3.
Ed. 1.
Hæc. 12. 1.
4. 5.
Loc. 1.
ad Hæc. 1.
Vide Hæc. 1.
In Pict. 1.
In d. 1. veris.
Declaratio
sermonum
suorum il-
luminat,
&c.

Hæc 6.

Phil. 144.

Deut. 32.

1. Joan. 1.

Horn. 3.

1. 6. cont.
Mend. cap.
a. & 1. Et
de Mend.
cap. 2.

ri & falsi : Sed primæ bonitati repugnare facere malum : ergo & primæ veritati dicere falsum. Hinc enim illa sunt : Fidelis Dominus in omnibus verbis suis, & sanctus in omnibus operibus suis. Et, Fidelis Deus, & absque ulla iniquitate. Tam alienus itaque Deus est a falsitate, quam ab iniquitate : & sicut nec per se, nec per alium iniquitatem facere, ita nec fallere quempiam potest. Quod si quispian Deo auctore falleretur, jam a fonte veritatis mendacium emanaret. At non solum Evangelista testante, sed natura etiam duce cognovimus, omnino mendacium non esse ex veritate. At revera (ut eo unde egressa est, referat se oratio) utrumque, & malum tacere & falsum dicere, cum natura stabili immobilique pugnat. Inde enim cum Scriptura dixisset, Non est Deus ut homo, ut mentiar, e vestigio subdidit, Nec ut filius hominis, ut mutetur. Mendacium quippe mobilis naturæ nota est. Adde huc, quod si per alium Deus decipere homines potest, & per se quoque idem poterit efficere. Cetera siquidem mala, quæ poenam habent a culpa disjunctam, Deus dare & per ministros, & sine ministris per se ipse potest. Atque ut semel finiam, si Deus mentiri posset, merito etiam nos formidare poterimus, an fuerit aliquando mentitus. At nullus est, inquit, formidandi locus, cum ex potentia ordinaria consistet, Deum non posse mentiri. Belle id quidem : sed cum hoc nisi per revelationem constare nequeat, qui scire possumus, an illa ipsa revelatione Deus potentia sua absoluta fuerit abusus? Ut enim apud Augustinum est, quomodo credendum est ei, qui puret quandoque esse mentiendum? Nam & forse tunc mentitur, cum præcipit, ut ei credamus. Perit ergo, in ita sit, sacrarum literarum certitudo. Præterquam quod apud Philosophos tam evidens est, Deum non mentiri, quam esse tum optimum, tum sapientissimum, ac proinde nec fallere, nec falsi posse. Nihil autem interesse, an per se ipse id efficiat, an per ministros suos. Etenim nec purissima veritas est, cui quodammodo est vel falsitas, vel fallacia permixta; nec summa intelligitur, qua majorem aliam copiamus. Veracior autem is esset, qui nec per se, nec per alium, quam

qui per alium fallere posset. Ita divina veritate firmiter posita, ac rationum, ac testimoniorum certitudine corroborata, non aliud superest, nisi ut adversariorum argumenta diluamus.

CAPUT IV.

Ubi argumenta cap. secundum diluuntur.

AD primum igitur argumentum non est Theologorum una & simplex responsio. Sunt enim, qui pie graviterque contendunt, Abraham non esse mentitum : non enim, ut ajunt, contra id, quod mente gerebat, locutus est. Quin filium credidit protinus suscitandum : quemadmodum Apostolus videtur in hæc verba tradere : Fide obtulit Abraham Isaac, cum tentaretur, & unigenitum offerebat, in quo susceperat repromissiones : arbitrans quia & a mortuis suscitare potens est Deus. Sunt alii contra, quibus ego vehementer assentior, qui admittunt quidem Abraham ea ratione fuisse mentitum, quod contra mentem dissimulandi causa locutus est : prophetas autem, quia dixit verum, quod tunc scilicet ignorabat. Id namque Ambrosii verba per se ferunt. De primo igitur argumento satis dictum est. Deinceps, ut erat propositum, & de reliquis dicamus.

Ad secundum Theologi quidem non ignobiles respondent, utique Jacob mentitum fuisse, sed matre consulente, non Deo revelante. At nos, quibus in animo est Sanctorum sensa pro nostra quidem virili nuci, multo aliter respondere debemus. August. siquidem in questionibus super Genesim, Jacob a mendacio excusat : Adducitque in hoc quod de illo Scriptura dixit, virum simplicem fuisse, hoc est, non fictum & sine dolo : ut 70. Interpretes converterunt. Sine dolo igitur erat, qui dolum scilicet videtur. Quapropter in eo loco, ut ait, spirituale mysterium cogimur, intelligere. Et 16. lib. de civit. Dei : Quis est (inquit) dolo simplicis, quæ fictio non mentientis, nisi profundum mysterium veritatis? Chrysost. etiam hom. 6. in epist. ad Coloss. & hom. 53. in Gen. sicut Abraham & Phineas ab homicidio, ita & Jacob (quoniam Deum illi cooperatum esse credit) a mendacio excusat.

Respon.

ad 1.

Gal. 3. &

18. sequens.

et August.

serm. 1. de

joseph. 1.

fac. Et hic

in rom. 9.

id. in 1q. fer.

78. ad Hebr.

11.

Adhuc

quodlib. 1.

ad primum

princip.

Respon.

ad 2.

Sect. 1. &

16.

Cajet. in

Gen. 4. 70.

Cap. 15.

fat. Excusant etiam Amb. l. 1. de Jacob & vita beata, cap. 2. & 3. Innocent. de divor. cap. gaudemus. Magist. sent. 3. d. 19. Gratian. 11. quæst. 1. cap. quæritur. Alexand. Alen. 2. part. quæst. 139. mem. 6. D. Thom. 2. 1. quæst. 110. art. 3. ad 3. Nec vero audiendi sunt, qui putabunt Jacob per revelationem quidem excusati, non ne mentis sit, sed ne peccatit mentiendi. Quod mendacium, ut ajunt, recte nunquam dici potest ex familiari consilio Spiritus sancti. Quos ego auctores non modo redarguerem, verumetiam quam plurimis argumentis graver errasse monstrarem, nisi D. Aug. in eadem causa adversum Priscilianistas accurate elaborasset, atque ita multa differuisset, ut si labor idem rursus a nobis susceperetur, nihil aliud, quam adum ageremus, quod vetatur veteri proverbio. Hos itaque cum sua ista Theologia relinquamus, cum doctores sancti non modo negent peccasse Jacob, sed asserunt etiam & verum dixisse, & verbis illis prophetaisse. Qua in re illud equidem animadverto, Majores nostros, quod perspicuum & exploratum erat, id latere non potuisse: nempe verba illa Jacob in sensu proprio esse mendacium, Nec esse tamen absurdum, si homo quantilibet justus, semel aut iterum mentiatur.

Quamobrem cum constanter asseruerint Jacob non fuisse mentitum, estimandi sunt peculiare, eisdemque graves causas habuisse, quibus in hanc sententiam inducerentur. Porro quemadmodum per legitimas allegoriarum rationes justus figura justorum, iniquus iniquorum est, ita & falsum absurde in typum veritatis assumitur. Scio quæ contra hoc dici possunt. Legi enim D. Gregorii Commentaria, in quibus huic regulæ non alligat expositionem suam: legi & Hieron. qui Abac. 1. cum spiritum malum per tropologiam converterisset in bonum, Tropologia, inquit, libera est, & his tantum legibus circumscribitur, ut pietatem sequatur intelligentiæ. Sed hæc longior pugna est: nec hujus temporis patitur angustias. Equidem abuti hac libertate nollem, sed mysticos sensus quibusdam potius terminis lineisque præscribere. Nec enim consentaneum est, nisi a rebus vicinis & similibus, ut metaphoram, ita & figuram imaginemque rerum trahi, Quippe cum rem, quæ alterius si-

gura est, ejus similitudinem gerere necesse sit. Nec Salomon in peccatis Christi typus erat, sed in pace: nec Jephthe in impietate adversus filium typus erat Dei, sed in zelo. At D. Thomas 2. secund. quæst. 83. artic. 2. ad 2. repugnat: videtur profecto. Verum jam dixi, hic me non agere de liberis allegoriis, sed de his, quæ certa via & ratione premuntur. Quo sensu nec Hieronymus, nec Thomas locuti sunt. Quæ enim conventio lucis ad tenebras? quid Christo cum Belial, ut per mysticum sensum lucem quidem tenebrarum, Christum vero Belial figuram faciamus? Sed de his plura alio loco opportunitus. Nunc, ut ad propositum revertamur, nobis ad certam regulam divinæ scripturæ tractandæ sunt, nec iniquum in eo, quo iniquus est, nec mendacem in eo, quo mendax, aut justi aut veracis typum faciemus. Quia ergo constat, Jacob tum etiam, cum præripuit fratri benedictionem, gentium fidem prænotasse, consequens sit, ex peculiari Dei procuratore ea omnia, & dicta & facta futuræ veritatis imaginem habuisse, ac proinde non fuisse mendacia. Quid ergo? verumpe illud est, Ego sum primogenitus tuus Esau? Nempe verum est, fuit enim & primogenitus secundum carnem, & primogenitus secundum justitiam. Idem & Apostolus duo filiorum genera exprimit, inquit: Non omnes, qui ex Abraham, ii sunt Israelitæ: nec qui semen sunt Abraham, omnes filii: sed qui filii sunt promissionis, æstimantur in semine. Et statim: Non solum autem, illa, sed & Rebecca ex uno concubitu, &c. & quia major serviet minori, &c. Paulus itaque semen Abraham vocat populum gentium, eundemque fratrem appellat minorem, cui major erat serviturus. Ut igitur sine mendacio peneum hic populus in fidem jam & hæreditatem Judæorum susceptus dicere poterat? Ego sum semen Abraham: ita & Jacob, quoniam jam habebat ad primogenituram, in quam Deo auctore fuerat substitutus, vere utique dixit, Ego sum primogenitus tuus Esau. Quid, cum Joannes Baptista Elias a Domino vocatus sit, non natura quidem, sed precursoris officio: num non & ad eundem quoque modum Jacob, qui hæreditario jure fratri successit, se esse Esau sine falsitate potius asserere? Sed ais: Unde hoc Jacob

Gen. 1. d. 11. quæst. ad 1.

Pet. Alia. 11. pro q. 11. Nec Lyrab hoc sensu abbuere videntur.

Id. 11. de Gen. 1. d. 11. Cui. 11. 11.

Aug. cont. Malin. 1. d. 11.

ad Rom. 8.

Matth. 11.

Jacob intellexit ad se pertinere; Certe vel Deo revelante, vel matre instructe, quam Dei familiare consilium habuisse, Gen. 25. cap. traditur. Atque in secundi argumenti confirmationem satis multa diximus.

Respon.
ad 3. Tertium autem, quod ex Esajæ testimonio nobis opponitur; D. Th. 2. 2. q. 171. ar. 6. ad 1. confutat. Quæ quidem confutatio, quoniam proluxa est, nos vero brevitati studemus, non est hic adscribenda. Nam & aliter responderi brevius potest, ejusmodi prophetias comminatorias esse, sic enim scholastici vocant. Id quoniam Prophetæ intelligebant (nam intelligentia opus est in prophetia) minime fellebantur. Quin potius fide quidem bona suo ministerio functi, existimabant tamen comminationes mutatis posse moribus commutari. Ob eam enim causam Jonas nolebat Ninive subversionem prænunciare, quod divinam putabat misericordiam Ninivitis poenitentibus esse secutendam. Quocirca in simplicibus ejusmodi denuciationibus natura rerum, ususque communis eo nos ducit, ut conditionem tacitam subaudiamus. Cujus rei insigne exemplum legitur Gen. cap. 10. ubi Abimelech regem corripens Dominus his verbis utitur: Et morieris propter mulierem quam tulisti. Postquam autem ille excusavit, in hunc modum Dominus locutus est: Nunc red de viro tuo uxorem, & orabit pro te, & vires. Si autem nolueris reddere, scito, quod morte morieris. Vides ut primo edicto vehementius animum ejus concutiat, quo satisfactioni reddat intentum: secundo autem voluntatem liquido suam explicet, quæ penam denunciando nihil aliud significat, quam eos se monere, quibus vult parcere: nisi quod syllabatum non exprimit, quod intelligere tamen promptum est. Ad tertium itaque argumentum sic responsum esto.

Respon.
ad 4. Ad quartum autem facile respondeatur, verbum imperandi non semper aut præceptum, aut consilium secum, sed aliquando etiam permissionem ferre, ut apud Joannem: Quod facis, fac citius: & alio loco Dominus ad Balam: Si vocare, inquit, te venerint homines isti, surge, & vade cum eis. Cui tamen postea Angelus dixit: Ego veni ut adversarer tibi, quia perveria est via tua. D. Th. de Malo qu. 3. ar. 1. ad 17. Sic igitur dictum est, credere, & fac:

Joan. 23.

Num. 22.

si que omnino, Deum dedisse spiritum mendaci in ore omnium Prophetarum, concedendo scilicet non jubendo. In quem sensum illud etiam intelligitur: Et ne nos inducas in tentationem; & illud forsitan: Tu rex regum es, & Deus celi regnum, & imperium dedit tibi, &c. & illud: Non haberes potestatem in me ullam, nisi tibi datum esset desuper. Atque illud demum: Quod pater dicitur filium in manus impiorum tradidisse. Quia vero permissionem ipsam Divinam (redeundum est enim ad propositum) qua homo vel in errorem, vel in culpam inducitur, non ministri boni, sed mali exequantur; ideo Augustinus asseruit, per administratos malos Deum aliquando decipere. Ac quarto argumento refutando hæc dicta sint modo: nam posterius illud aperte forte fortasse via & ratione refutabimus.

Argumentationi quoque, quæ quinto loco posita est, ita respondeo: Deum non jussisse quidem filios Israel, ut circumvenirent Ægyptios, sed ut vasa argentea, & aurea peterent commodato. Præcepit vero postea, ne accepta vasa redderentur. Id quod facere legitime potuit, tum propter alia, tum his præcipue causis: Una, quod Ægyptii operarum mercedem Judæis non reddiderant. Præstarent siquidem eos operibus duris luti & lateris, omnique famulatu, ut Exodi 1. cap. legitur. Itaque vel in pace mercedem ab invitis rapere potuerunt, quando res aliquæ debitas nulla alia erat via repetendi. Altera autem erat causa, quoniam in bello justo res hostium victoriæ jure auferre poterant. Quemadmodum & Epiphanius in libro Ancoratus explicuit, & docuit ante Clemens Alexandrinus lib. 1. Stromat. Certe utramque causam e Sapientie cap. 10. colligere licet: Priorem ibi, Et reddidit iustis mercedem laborum suorum. Posteriores autem ibi: Ideo iusti tulerunt ipsa impiorum. Magister vero sent. in 3. dist. 37. Judæos affirmat viros optimos nullo modo peccasse: infirmos autem, qui cupiditate quadam Ægyptios scissellere, magis esse illud ut facerent permissum, quam justum. Quod enim Augustinus dixit, Israelitas iustos esse hostem decipere, id ipse eodem prorsus loco, ac quaestione correxit, inquit: Factum est, ut juberet Deus, vel potius pro illorum cupiditate permitteret. Pertinet vero ad iustitiam & veritatem,

Math. 6.

Dan. 4.

Joan. 19.

Respon.
ad 5.

ut

ut is, qui meretur decipi, decipiatur a Deo quidem concedente, ab homine autem, vel angelo malo efficiente. Quos iustitiz suarum administratos licet Deus severe sane ad vindicandum proferat, non continuo tamen pravi eorum operis causa est. Non enim mox, si quis ab usurario pecunias petit, hominisque perversi culpa utitur, idem ipse usurarius est auctor. Nec vero difficile videbitur eadem opera ad Deum, Satanamque referri: si in uno eodemque motu actionem, & passionem res plane diversas inspicimus. Hæ namque res duæ faciunt, ut in talibus longe alia sit ratio divinæ, diabolicæque actionis. In calamitate porro sua Job non solum dæmonis, sed Dei etiam opus recognoscit: quem ea dicit sibi abstulisse, quæ insurgente, impellenteque Sathana per Chaldeos fuerant erepta. Etenim, quia passio bona iusta erat, consilium quoque Dei optimum, finisque sanctissimus, in promptu viro Dei fuit, ibi inculpam Dei operationem agnoscere, ubi hominum, Sathanæque nequitia cum prava sua operatione se prodidit. Hoc video, dum breviter voluerim dicere, dictum a me esse paulo obscurius: sed experiar, & dicam, si potero, planius. In opere illo malo & culpa erat, & pœna, actioque prava recte iuncta passioni. Deus igitur illic non erat otiosus: sed ejus erat omnino auctor, quod in illo opere erat bonum: ab eo autem erat alienus, quod in illo erat malum. Ita Deus viro sancto, camelos abstulit quidem, at non iuste solum, sed benigne: Abstulit & Sathan: at crudeliter, nedum impie: Chaldei quoque abstulerunt, at tum avare, tum etiam inique. Nihil ergo est absurdi, si opus idem, quatenus pœna est, ad Deum: quatenus est culpa, ad Sathanam auctorem referamus: ut Sathan & in culpa agat, & in pœna: Deus in pœna agat quidem, at in culpa non agat, sed permittat.

Respon.
ad 6.

Atque hac eadem responsione sextum quoque argumentum refellitur. Non enim decipit Deus deceptionem ipsam faciendo, sed permittendo ut fiat. Quæ etiam ratione corda & excæcare dicitur, & indurare: ut Gregorius 13. moral. lib. cap. 16. & Tho. 3. adversus Gentes, cap. 162. docuerit. Et Clemens Alexandrinus, lib. Strom. 1. explicans illud Matthæi 13. Ideo in parabolis lo-

quor eis, &c. Non Dominus præbet ignorationem, inquit, hoc enim sentire est nefarium, sed ipsam, quæ inerta t, prophetiæ arguit: Sic etiam hominibus tradit Deus in reprobum sensum, & in passionem ignominiz. Dimisi eos, ait, secundum desideria cordis eorum: ibi in adinventionibus suis. Atque hoc item sensu reliqua testimonia interpretanda sunt. Nam Augustini verba ipse idem Augustinus in libro de prædestinatione, & gratia, cap. 4. docuit, quomodo accipere debeamus. Non operatur, inquit, Deus in homine ipsam duritiam cordis, sed indurare eum dicitur, quem mollire noluerit: Sic etiam excæcare, quem illuminare noluerit, & repellere eum, quem noluerit vocare. Hactenus ille. Et in libro de articulis sibi falso per Pelagianos impositis, art. 10. eorum opinionem detestatur, qui Deum pravæ cuiusquam aut voluntatis, aut actionis credunt auctorem, sive excitantem, sive suadentem, sive impellentem peccantium cupiditates. Deus quippe neminem tentat. Et rursum: Non dicas, ille me implanavit. Et iterum: Perditio tua, Israël, tantummodo in me auxilium tuum. Et alio loco: Diligis omnia quæ sunt: & nihil odisti eorum quæ fecisti. At odio habet Deus cecitatem cordis, errorem, obstinationem: cum odio sint Deo impius, & impietas ejus. Deus igitur nihil ejusmodi in homine proprie facit, sed tantum judicio permittit. Nam obstinatio, error animi, ac cæcitas, peccata sunt: quæ scilicet in hominibus, si proprietatem verbi sequi volumus, Deus nullo modo operatur. Nisi Melancthonis stultitia placet, qui æque proprium Dei opus, judæ prodicionem, ac vocationem Pauli esse ait. Verum hic error non solum scripturæ testimoniis, sed naturæ quoque rationibus manifeste refellitur. Primum enim illa Augustini ratio expedita est: nullo sapiente auctore aliquem deterius fieri. Tanta enim culpa est, quæ in sapientem quemvis hominem cadere nequeat. Multo igitur minus Deo auctore fiet homo deterius, cum sit Deus quovis homine sapiente præstantior. Illa item ejusdem Augustini causa non est levis, quod, quæ me auctore sunt, ea me volente, & aut suadente, aut consiliente, aut imperante fieri necesse est: Nullum autem Dei iustum, rectumque

Jac. 1.
Ecd. 15.
Olea 13.
Sap. 11.
Sap. 14.

In annotat.
ep. ad Rom.

Lih. 21. 95.
9.1.

In lib. de
artic. fals.
per Pelag.
inquit.

que de culpis iudicium futurum esset, si homines Dei voluntate, suavis, consilio, præceptoque peccarent. Plautus in super in secundo de Republica libro, modis omnibus pugnandum esse, ait, ne Deus, qui bonus est, dicatur esse malorum causam: Alioqui secum Deum pugnaturum, qui suis legibus contraria fieri mandaverit. Ita eos civitate extrudi jubet, qui verba illa nefaria dixerint: nobis utique perniciofa, ut inquit, sibi que ipsis male consona. Sed alterius & loci, & temporis est, hanc sive amentiam, sive insaniam refutare: Nunc reliqua prosequamur. Nam & eis refellendis hujus secti argumenti testimonia aptius explicabuntur.

Respon.
ad 7.

Rom. 1.
2. Thess. 2.

1. Reg. 11.

2. Reg. 16.

Cum itaque septimo loco obijcitur: Deum esse omnium peccatorum causam, nos certe id negamus: sed earum vere ac proprie causa est, que solum peccata sunt, non culpe. Est autem interduum, ut ad Romanos, & Thessalonicenses tradit Apostolus, una culpa alterius pena. Quo casu in penam incurrit impius Deo deferente, non efficiente. At vero Cajetanus in illud, Ecce ego suscito super te malum de domo tua. Est sermo, inquit, non de malo culpe, sed de malo peccati. Deus enim non est auctor peccati, ut sic, sed quatenus pena est peccantis, vel alterius. Hactenus ille. Et in illud, Dominus præcepit ei, ut malediceret Davidi: Agnoscit, ait, maledictionem illam quatenus poenalem, sibi procedere a Deo. Efficit siquid Deus per Semei maledictionem illam, non quatenus erat peccatum, sed quatenus erat pena ipsius Davidis. Quemadmodum superius etiam per os Nathan dixerat: Suscitabo malum de domo tua, non quatenus erat malum culpe, sed peccati. Hactenus etiam ille. Ac posterior hæc sententia quidem faciliore ratione defendi potest, si ea distinctio repetatur, quæ quinto argumento diluendo posita est, in opere uno, eodemque & actionem considerari & passionem. Cum autem res temporariæ, salus quoque, & vita auferuntur, passio non modo ex parte Dei iusta est, verum etiam ex parte patientis est bona. Non utilem patienti dico, nam hoc quis dubitet: sed honestam ac meritariam, si æquo animo, patienterque feratur. Quia vero quo passio est, eo pena est, rite, ni fallor, dici potest Deus auctor esse operis mali, non qua

est malum culpe, sed qua est malum peccati. Cum enim Aristoteli actio, & passio idem motus sint, illud perinde est, ac si Deum auctorem dicamus esse non malæ actionis, sed bonæ passionis. Cæterum, quando immo peccatum alterius est pena, res non ita facile expediti potest. Tunc enim nec actio, nec passio honesta est: sed is, qui plectitur & agendo, & patiando peccat: Ut cum gentes, verbi causa, contumeliis affecerunt corpora sua in semetipsis, & relicto naturali usu, turpitudinem naturæ inimicam operati sunt, mercedem, quam oportuit, erroris sui in semetipsis recipientes, nihil omnino illic distinguere possumus, cujus Deum causam asseramus. Sive enim agentes, sive patientes, & quia agebant, & quia patiebantur, utrinque omnino peccabant. Quamobrem Deus nec actionum ejusmodi auctor erat ullo modo, nec passionum. Illud igitur, quod priore loco Cajetanus ait, diluvis videtur esse, quam ut consistere in vera Theologia possit, quæ an argutias adeo formales recipiat, ignoro. Si enim Deus auctor peccati est, quatenus est pena peccantis, omnium peccatorum absolute causa erit, tum etiam, cum peccantis culpa posterior culpa prioris pena est. Ita erit causa indurationis, cæcitatæ, erroris, earumque passionum, quas ne nominare quidem per verecundiam licet. Et cum causa moralis, de qua in præsentis sermo est, non agat nisi per voluntatem movens: Deo certe volente, atque adeo vel jubente, vel suaudente, vel instigante, ea peccata provenient, quæ in priorum peccatis accidunt. Quæ nimirum omnia & per se sunt falsa perspicue, & inter se vehementer repugnantia. Intellego autem D. August. lib. cont. Julian. 5. longa oratione contendere, non permissionis tantum, aut patientiæ divini esse peccata, sed etiam potentia: quum priora videlicet per posteriora puniuntur. Adducit vero in hoc non ea modo testimonia, quæ nos in argumentis attulimus: verum illa etiam: Misit Dominus spiritum virginis in medio ejus, & errare fecerunt Ægyptum, sicut errat ebrius. Et, Domini sententia fuerat, Jos. 11: ut indurarentur corda eorum, & non mererentur ullam clementiam, sicut præceperat Dominus Moysi. Et, Non acquievit ex populo, quoniam aversata fuerat, cum Dominus, ut suscitaret verbum

1. Philo.
tes. 16.

Esa. 19.

Jos. 11.

1. Reg. 11.

verbum

verbum suum, &c. loco autem ejus, quod nostra translatio habet, quoniam averfatus fuerat cum Dominus, 70. tranfulecunt, in *adagi Reges sui a peccatis*. Quæ verba Augustinus ita reddidit: Quoniam a Domino erat conversio. Ac recte ille quidem, nam *propterea*, proprie, converto, est. Huic vero illud etiam simile est, Convertit cor eorum, ut odirent populum ejus, & dolium facerent in servos ejus. Addit denique Augustinus & illud, quo uno caulam videtur obtinere. In hoc ipsum excitavi te, ut ostendam in te virtutem meam, ac propius: Quem vult indurat. Volens ergo indurat Deus. Et posterius, quod si Deus volens ostendere iram, & notam facere potentiam suam, &c. Potentiæ igitur divinx sunt ejusmodi peccata: quare Deus in his agit etiam, nedum permittit. Confirmat autem hoc, vel maxime, quod cum David increparet Abisai, qui caput Semei cuperet amputare, Dimitte, inquit, eum: Dominus enim præcepit ei, ut malediceret David. Et paulo post, Dimitte eum, ait, ut maledicat juxta præceptum Domini. In eam questionem, quam velis equique, ut deitur, fingere conabar, volens nolens incurri. Ita enim conjuncta est huic, quæ præfenti loco versâ ur, ut illam ab hac non potuerim separare, quamvis in ea te diu multumque elaboraverim. Nec enim confidero, quid ferat iustitiam operis ratio, occurrentes, consequentesque etiam controversas pro mica certe virili declino: magis adeo eas, quas dignas esse video, ut & tractentur fufius, & explicentur accuratius. Hinc quippe volumen mihi grande displicet: inde autem molestio iero, res quam gravissimas minus accurata diligentia expendi, quam earum amplitudo requirat. Id quod in ea, quæ est nunc in manibus, accidit necesse est. Nam etsi multa dicuntur, multa tamen prætereunda sunt, quæ huic argumento plene absolvendo erant valde necessaria. Atque veteres patres, ne sceleratam impiis aperirent, duritiam, cæcitatem, errorisque suos, & peccata in Deum referendi, in id genus locutionibus, quæ actionem Dei sonare videntur, solâ permissionem pronuntiant. Quam sobrietatem ut excusor, ita minime periculofam judico, si permissioni nonnihil addamus: quod nec actio propriæ Dei fit,

nec solâ permissio. Ita enim, ut reor, scripturæ sacræ intelligentiam germanam, solidam, expellamque tenebimus. Principio autem illud intelligendum est, vum scripturæ & energiam in illiusmodi locis non satis per negationem explicari. Itemini, si cum Deus excæcat, quem non illuminat, cumque indurat, quem non emollit: omnes profecto, quicunque in peccato sunt mortui, excæcati a Deo sunt & indurati. Quod nec scriptura, nec ratio recipit. Quosdam siquidem peculiariter excæcatos a Deo & induratos legimus: in quibus iram, iustitiam ac potentiam suam insigni singularique vindicta Dominus ostenderit. Deinde id quoque certum nobis expeditumque sit, Deum nec proprie excæcare, nec indurare, nec decipere, nec hominum corda in odium convertere, nec ea demum facere, quæ in literæ superficie facere afferunt. Illa enim, quemadmodum ante constitimus, a natura Dei abhorrent omnia. Itaque Deo improprie & figurate tribuuntur: triplici, ut ego sentio, ratione. Primum enim, cum sublati ejus lumine nihil aliud, quam caligo & cæcitas superfit: cum ablato suavitatis ejus spiritu, corda nostra in lapides obdurescant: cum cessante ejus directione in obliquitatem contorqueantur, excæcare eos, indurare, errare facere dicitur, quibus facultatem videndi, liquefcendi, ad veritatem rectam ingrediendi adimit. Nam & qui lucem hanc oculis nostris auferrent, & qui columnam, qua firmatur, & consistit ædificium, tollerent, ii vere ac jure & obtenebrare oculos, & diruere ædificium dicerentur. Cum autem dicimus, Deum facultatem videndi auferre, cæteraque similia: id non ita accipiendum est, quasi homo arbitrii facultate privatus nec videre, nec mollescere, nec recta ingredi ipse possit. Sed ita demum intelligere oportet, ut quia sine lumine videri homo non valet, nec sine spiritus suavi oleo emolliiri, nec sine Dei directione recta ingredi: idcirco qui illa iusto hominibus iudicio adimit, hic facultatem quoque ea exequendi quodammodo dicatur adimere. Altera est ratio, quæ propius ad verborum proprietatem videtur accedere, quod ad exequenda iusticia sua Satana administro utitur: ob idque ea dicatur efficere, quæ

mini-

Wil. Dant.
ker. lib. 2.
cap. 14 ubi
est in omni
elo. d. v. na
le. om. v. a
perit. l. a.
non. l. d. a.
dum. r. a. co
tu. v. a. c.

Qu. 10.

minister illius auctoritate roboratus efficit. Quemadmodum quæ iudicis ad-
ministrat, dum iustam ejus sententiam
exequitur, facit, ea suo modo a iudi-
ce quoque fieri sane intelligimus. Ter-
tiam rationem Hieronymus ad Hedi-
biam reddidit. Sicut enim unus est
solis calor, & secundum essentias sub-
jacentes alia liquafacit, alia indurat:
alia solvit, alia attingit: liquatur enim
cera, & induratur lutum: & tamen ca-
loris non est diversa natura: Sic Deus
eodem omnino lumine male affectum
excicare dicitur, bene institutum il-
luminare: eodemque prorsus beneficio
indurare illum, hunc mollire. Vide-
licet miraculis eisdem editis emolli-
tus Israel est, obduruit Pharaon: ead-
em doctrinæ licet Apostoli viderunt,
Pharisæi exci facti sunt. Quoniam di-
vina lux tamen per se quidem ad vi-
dendum editur, sed per occasionem
tamen in eo excitatem efficit, qui præ-
ve affectus habet oculos: in eo duri-
tiam, qui pravo affectus est animo.
Atque huic illud simile est, quod hi
seducere decipereque dicuntur, qui o-
ratione dubia, vel obscura, tenebras
allicui offundunt. Hac enim ratione
Dominus in parabolis turbas alloquitur,
eas excicasse dicitur. ac Hiere-
mias, Seduxisti (ait) me Domine, & se-
ductus sum, quia enim in principio illud
audierat, Prophetam in gentibus dedi te,
& iterum: Ecce constitui te super gentes
& regna: arbitratus est nihil se contra
populum Judæorum, sed contra diver-
sas in circuitu nationes esse dictum;
unde & Prophetiam libenter assumpsit.
Cum vidisset autem aliter sibi, ac
existimaverat, accidisse: queritur a
Domino se esse deceptum: non falsita-
te autem deceptus est, sed ambigui-
tate. Nihil autem refert, an (quod
Hieronymus ait) inde Hieremias fue-
rit seductus, an ex illis potius verbis:
Ne timeas a facie eorum, quia tecum
ego sum, ut eruiam te, &c.

Ps. 5. & 7.
Eccl. 11.
Wet. 10.
Eia. 10.

His igitur tribus rationibus non illa
solum explicantur, quæ retro citata
sunt, sed & illud simul intelligitur,
quod Deus ministros traxit nunc si-
bilo evocaturum se minatur, nunc eos
instat novacula sibi fore adradendum
caput, & barbam universam, nunc
sagenam & rete ad irretiendos impro-
bos, nunc malleum ad feriendos, vir-
gam denique, securim, ferram, quam
elevet, in qua fecerit, quam trahat,

Nam quod 2. Reg. 16. legitur, Do-
mini præcepto Semei Davidi regi ma-
le dixisse, id per figuratam dictionem
usurpatum esse, vel illud satis abunde
magno argumento est, quod Ecclesia-
st. 15. scribitur, Nemini mandavit
impie agere. Et re vera cum recta
ratione pugnat, in eo peccare homi-
nem, quod Deo præcipiente agit. At
Semei sine dubio maledicendo pecca-
vit. Præceptum igitur in libris sacris
pro lege & ordinatione quandoque ac-
cipitur, sive sit lex obligans ex impe-
rio, sive permissio, sive pœna præscri-
pta, seu ordo etiam naturæ præfixus.
Sic enim quod Matth. 19. dicitur: Ad
duritiam cordis vestri permisi vobis,
&c. Marc. cap. 10. dictum est:
Scripsit vobis præceptum istud. Sic
etiam Threnor. 3. Quis est iste, qui
dixit, ut fieret, Domino non jubente?
Quem locum alii ita vertunt: Quis
hoc dixerit? aliquid fieri, quod Do-
minus non præcipiat? Et iterum: Sta-
tuit ea in æternum & in seculum secu-
li, præceptum posuit, &c. Quod er-
go ordine divinæ iustitiæ sit, id di-
vino præcepto fieri dicitur. Jam illud
sueram oblitus, quod Paulus ait: Quem
vult, indurat, Sed primum, voluntas
etiam permissionis a Theologis ponit-
ur. Unde Augustinus in Enchirid.
capit. 95.: Non sit quicquam, ait, nisi
omnipotens fieri velit, vel sinendo ut
fiat, vel ipse faciendo. Deinde, vo-
lente aliquo ea fieri dicuntur, quæ illo
non invito fiunt. Sic enim pater vo-
lens dicitur filium generare. Ac de 7.
argumento nimis multa dicta sunt.

Octavum autem brevissime refutabitur. Respon-
Intelligendum est enim causarum ad 8.
duo esse genera: naturale & morale.
Ut qui imperat, qui consulit, qui suadet,
qui impellit, is ejus rei, quæ
imperio, consilio, suasionem, impulsu
ejus fit, causa moralis dicitur. Est autem
Deus causa naturalis quidem om-
nium motionum. Nam generali na-
turalique coacturum cum omnibus cau-
sis agentibus operatur. At causa mo-
ralis non est nec erroris, nec prave
cujusque actionis. Actus ipse ille,
qui peccatum est, si in genere rerum
naturalium consideratur, ad causas
tantum naturales referendus est. Sin
consideratur in rerum moralium or-
dine, ad causas naturaliter agentes ine-
pte quidem, & absurde revocabitur.
Stultus quippe criticus, qui in colorum
motu-

motrices intelligentias culpas vel proprias, vel alienas retorserit. Quocirca, tametsi res, atque actiones universæ, quatenus effecta naturæ sunt, Deum auctorem habent: sed cum de peccatis agitur, quoniam mox in peccati nomine liber & moralis actus intelligitur, ineptissimi profecto erimus, quicunque in Deum errores, peccataque nostra regeremus. Ille enim, quemadmodum diximus, in moralis causæ modum nec ad errorem movet, nec ad pravam aliam quamlibet actionem: hoc est, nec mentitur omnino, nec suadet, aut imperat malum. Quibus modis, ac similibus & deciperet proprie, & causa peccatorum haberetur. Sed hæc causæ partio in relectione de Sacramentis in genere uberius explicata est. Nunc ad octavam argumenti explanationem diximus satis.

Respon.
ad 9.

At postremum facile refellitur. Nego enim id, quod primo loco antecedit, cui scilicet suadendo tota illa argumentatio incumbit. Mendacium namque ita malum natura est, ut nulla ratione quicquam iuste mentiri possit, quod & Arist. 4. Ethic. tradit, & August. in lib. de mendacio demonstrat. Ad primam vero rationem, qua huius contrarium suadetur, sunt qui respondeant, Joseph fuisse revera nentitum, sed joco tamen. Et si objicias, perjurium omne esse mortale peccatum, argue respondent, Joseph non jurasse absolute, eos esse exploratores, sed ex conditione. Ait enim: Mittite ex vobis unum, & adducat eum, donec probentur ea, quæ dixistis, vera an falsa sint: alioqui per salutem Pharaonis exploratores estis vos. At D. August. in quest. super Genes. totam afflictionem a mendacio liberat: & verbum illud Estis, accipit pro verbo, habebimini. Quæ verbi usurpatio non est insolens. Nam 3. Reg. 18. Elias ait: Qui exandierit per ignem, ipse sit Deus, hoc est, habeatur. In quam sententiam Div. quoque Bonaventura ivit: adjecitque Joseph illa verba tenendo, & quasi inquirendo (quod Judices solent) sine mendacio dixisse. In judiciis nimirum enumerationes loco interrogationum usurpantur. Interrogantes autem non mentiantur. Nihil enim censentur asserere, sed ut veritatem eliciant, perentare. Qualis illa interrogatio fuit: An ignoratis, quod non est similis mei in scientia augurandi? Gratianus tamen

docet joco id esse dictum, quare non habendum pro mendacio: ut quod non animo fallendi dictum sit.

Ad secundam verò rationem respondeo, sermonem Prophetæ esse figuratum vel ad exprimendam rei maximam certitudinem, vel ad desiderium vehementer explicandum, ut si fieri posset, ea mala non acciderent: Quod vulgo apud Hispanos inculpare dicitur, *plega à Dios qui yo mienta*. At tertie rationi hoc habeatur responsum: Ironiam ab Aristotele ibi accipi pro cavillatione quadam turpi, ac dissimulata, astuteque parata ad decipiendum. Verbum enim Græcum, *εἰρωνία* interdum idem est, atque cavillatorie decipere. Atque Socrates in omni oratione simulator, quem *αἰρων* Græci nominarunt, non solum absque vitio, sed etiam cum laude fuit. Nam & ironia, illusio, seu irrisio, est figura apud Latinos usurpata, ubi nullum mendacium inest. Argumenta ipsius omnia, quæ a principio hujus controversiæ posuimus, hoc quidem pacto fuerint relictæ.

Cic. 1. 1. 1. 1.

Questio
incides.

Occurri autem nobis potest, & quidem a doctis, & eruditis querentibus, satine prudenter agere videamur, qui cum in hujus operis initio Dei veritatem, cui fides innititur, primum Theologiæ principium esse docuerimus, nunc tamen longe aliter doctrinam videmur instituere: quoniam divinam veritatem in quæstionem revocamus, & rationibus etiam Philosophiæ confirmare nitimur. Absurdum est autem ut Aristot. docet, de cuiusque disciplinæ principii velle cum quovis homine disserere. Et Basilus in Psalm. 115. In quolibet studio, inquit, quod ordine in finem procedit, impossibile est primorum subjectorum demonstrationes inquirere. Sed necesse est, omnium artium, quæ probatione nituntur, principii sine investigatione, aut ratione positæ, reliqua, quæ deinceps sequuntur, cum ratione ostendere. Sic & Theologiæ mysterium ex fide minime rationis probata ædificium querit. Hactenus Basilus. Atque Hilarius in lib. ad Constantium Augustum, Fides, ait, non in quæstione philosophiæ est, sed in Evangelii doctrinâ. Cum ergo & Theologia, & fides eo tanquam summo principio adnitantur, quod omnia in Scripturis a Deo revelata vera sint, stultum videtur esse, id aut in dubium vertere, aut philosophiæ argumentis velle finire: quasi fides in quæ-

qu. 116.

-21. qu. 1. ca.
quod aut.

questionibus philosophiæ sit, & non magis oporteat, cum in aliis doctrinis, tum in hac maxime disciplinam addiscentem credere. Ac revera quædammodum prima philosophiæ principia quibusque non omnino rationis experientibus animo anteecepta sunt, nec nisi absurdissime in questionem vocantur: sic omnes Christiani istam sive anticipationem, sive prænotionem, nullo argumento intercedente, habent animo quasi insculptam, Deum esse naturam veracem, neminemque proinde ab eo posse falli. Quamobrem imprudentiæ nomine, ut dictum est, accusari a viris etiam eruditissimis, qui de re, quæ controversa esse non debet, controversiam secimus, & primum Fidei, ac Theologiæ fundamentum non testimonio solum, sed etiam ratione constituimus.

Respō.
ad quæ-
stionem
incidentem.

Quibus vellem satis cognita esset nostra sententia. Non enim sumus ii, quorum vagetur animus errore, nec habeat unquam quid sequatur. Quæ enim ista esset Theologia, vel quæ disciplina potius, principiorum ratione sublata? Quæ profus tollitur, si perinde atque conclusio, principium quoque in controversiam veniat. Quoniam autem mihi interdum videor desiderare non cum perfectis Theologis, pleneque sapientibus, sed cum iis, quibusculum præclare agitur, si insunt simulacra Theologiæ, nonnullos lapides ego moveo, quos scilicet non moverem, nisi quorundam imprudentiam veritus, quidam iuniores passim Theologos sine iudicio legunt, in eas opinionem incurunt, quas resellere, ut videtur, necesse est, ut Theologiæ fundamenta & doctis, & indoctis pariter jaciamus. Itaque concedendum nobis est, si imperitorum causa quædam præter differendi artem differimus. Nec prudentiam nostram ibi desiderare oportet, ubi doctor tanto prudentior est, quanto se se magis indoctorum ingenio & imperitiæ accommodat. Porro autem, ut viris doctis nonnulli etiam respondeamus, disciplinarum principia non eandem rationem universa subeunt. Quædam enim sunt tam nota, atque perspicua, ut qui ea in questionem vocent, hi non sint verbis, argumentis, & disputatione philosophorum, sed verboribus, viculis, & carcere stringendi. Ut, quodlibet esse, vel non esse: omne totum esse majus

sua parte. Alia vero sunt ejusmodi, ut & negari ex ignorantia quandoque possint, & rationibus etiam illustrioribus comprobari. Sic enim Aristoteles tradidit: Dialecticæ, ac Metaphysicæ eos coarguere, qui aliarum disciplinarum principia inficiantur. Atque ipse idem sæpe ex effectis manifestis causas rerum minus manifestas persuadet, quibus causis tamen philosophiæ principia continentur. Sed & duas esse ejusque disciplinæ partes exploratum est: Unam, in qua principia ipsa tanquam fundamenta ponimus, statimus, firmamus: Alteram, in qua principiis positis, ad ea, quæ sunt inde consequentia, proficiscimur. Atque in hac quidem posteriore, si quis principia negare, quæ nimirum in scientia supponuntur, non est cum eo contentiosa disputatione certandum. Si enim Theologo suas conclusiones ex principiis colligere volenti, neget quinquam Deum esse, stultus erit, si adversum ejusmodi disputationem Theologicam velit instituire. In illa vero, quam priorem esse diximus, licet utique non solum obscura peripicuâ illustrare, sed etiam minus nota principia, ex his, quæ sunt nobis notiora, ostendere. Fere autem sit, ut causæ rerum, quæ sunt si apte natura manifestæ, sint nobis obscuræ. Quemadmodum oculo nigræcoracis radii solares tenebræ sunt; ita si viro sapienti negaretur Deus esse, licet primum sit Theologiæ principium, daret tamen ille operam, ut via aliqua, & ratione Deum esse constitueret. Non igitur mirum esse cuiquam debet, si hoc sane libro, ubi de principiorum Theologicorum firmitudine agimus, ipsa non principia non modo explicemus, verum etiam constituamus. Aliiter autem urbium fundamenta inimicus concutit, qui consatur evertere: aliter artifex, qui nititur non solum jacere, sed etiam confirmare. Sed jam ista omitamus, & ad ea quæ propius ac validius urgent, festinemus. Nam prima illa quidem machina non erat adeo instructa, ut ad eam deturbandam aut longior, aut acrior futura esset oratio. In illam vero alteram, ut quam adversarii majori arte, & viribus instruxerint, majori quoque nos studio & acriori disputationis vi debemus incumbere.

CAPUT V.

Ubi quatuordecim libri e sacris Bibliis numerantur, quos quidam vel ambigunt esse canonicos, vel certe a canonis rejiciunt.

IN dubium itaque & olim & nostra hac tempestate vocatum est, an septem illi libri veteris testamenti, Baruch, Thobias, Judith, Sapientia, Ecclesiasticus, duoque Machabæorum, sint habendi canonici. Ex novo quoque testamento, quæstio ferme eadem existit de epistola Pauli ad Hebræos, de epistola Jacobi, de secunda Petri, duabusque posterioribus Joannis, de epistola Judæ, & libro Apocalypsis. Sunt enim Theologi & fuerunt, atque in his quidem & nobiles veteres, longeque principes, & quidam juniores docti & graves, qui multis magnisque rationibus adducti, negarint eos libros oportere in canonicis computari. Alii vero auctores, ipsi quoque præstantissimi, contra asseverant, hos omnes esse canonicos. Atque ad eam rem confirmandam plurimis etiam maximisque argumentis utuntur. Ita addubitare cogit doctissimorum hominum de maxima re tanta dissenso. Ego autem quo controversiam hanc manifestius explicem, dividam omnino totam istam de libris canonicis quæstionem in quatuor partes. Primum illud ostendam, ad cuiusnam auctoritatem spectet definire, quis liber sit canonicus. Deinde eos libros, qui nunc in dubium veniunt, sacros esse demonstrobo. Tum adducam argumenta, quæ verisimilitudine homines aliquos & doctos & pios fallere poterunt. Postremo eadem argumenta diluam. Hæc enim omnia ad hanc quæstionem referenda sunt.

CAPUT VI.

Continet argumenta eorum, qui suadeant conari, scripturam sacram non egere ecclesiæ approbatione.

1. Controversiæ pars.

ET quidem, quod ad primam partem attinet, Lutherani aliquando asseruerunt, scripturam non egere ecclesiæ, aut alterius cuiusque approbatione, sed iudicium de scriptura ex ipsius scriptoris esse faciendum: seu potius per ipsas scripturas cetera omnia

judicanda, eas vero per se quidem cuique habenti Spiritus sancti, & fidei lumen esse manifestas, Quod si ab illis roges, equis nobis fidem facit hæc a Deo produsse? equis salva & intacta ad nostram usque ætatem pervenisse certiores reddat? equis persuadeat librum hunc reverentia excipiendum, illum vero numero expungendum? A-junt perinde esse ac si quis roget, unde discemus lumen discernere a tenebris, album a nigro, suave ab amaro: non enim obscuriorem veritatis suæ sensum scripturam præ se ferre, quam coloris sui res albas ac nigras, saporis suaves, & amaras. Sicut etiam apud philosophos per communes animi conceptiones (sic enim vocant) reliqua omnia probantur, cum ipse probatio non egeant. Ita existimant Lutherani, divini verbi cognitionem, quod est doctrinæ catholicæ commune principium, usque adeo in promptu esse, ut nulla hominum approbatio sit necessaria. Atque hic idem perniciosissimus error olim apud Vviclefistas invaluit, ut Thomas Vvaldensis auctor est, lib. 2. doct. fid. Anqu. c. 19. ne quiquam existimet a Luthero hanc primum hæresim **Primum** produsse. Suadent autem in principio, **argum.** ex eo, quod Dominus apud Joan. dicit, Ego non ab homine testimonium accipio. At si summus Pontif. siue concilium, seu etiam ecclesia tota homines sunt: non igitur ab his Christi Evangelium, aut reliquæ scripturæ partes accipiunt testimonium. Idem rursum ex illo confirmant, quod Joan. Apost. ait: Non necesse habetis, ut aliquis doceat vos: sed sicut unctio ejus docet vos de omnibus, & verum est. Tertio loco argumentantur ex eo verbo Domini: Si quis voluerit voluntatem ejus facere, cognoscat ex doctrina utrum ex Deo sit. Cui simile est illud, Oves meæ vocem meam audiunt, alienum autem non sequuntur. Quo testimonio Lutherus quali re confecta gloriatur, & nondum collata manui, tanquam ferox victor insultat. Aperte enim (ut ait) Evangelium testatur, ipsas per se oves habere idoneam discernendi scripturas facultatem.

Quarto illud Joannis asserunt, Si testimonium hominum accipitis, testimonium Dei majus est: qui credit in Filium Dei, habet testimonium Dei in se. In omnibus igitur, quæ ad fidem pertinent, non ad externam hominum testimo-

Primum argum.

2. Argu. 1. Joan. 2.

3. Argu. Joan. 7.

Joan. 10.

4. Argu. 2. Joan. 5.

nia recurrere debemus, sed ad id, quod Deus intra nos testimonium præbet.

5. Argut.
Deut. 18.

Addunt etiam hæc illud ex Deuter. Qui verba Prophetæ, quæ loqueretur in nomine meo, audire noluerit, ego ulior existam: Prophetæ autem, qui voluerit loqui in nomine meo, quæ ego non præcepi illi, ut diceret, interficietur. Quod si tacita cogitatione responderis, Quomodo possum intelligere verbum, quod Dominus non est locutus: hoc habebis signum. Quod si in Nomine Domini prophetæ ille prædixerit, & non euerit, hoc Dominus non est locutus, &c. Ecce quemadmodum discernendis verbis Dei a verbis hominum non remittitur fidelis populus ad Pontificem aut sacerdotem, non ad hominum concilium, sed ex ipsarum evidentia, ut discernat, instituitur.

6. Argut.

Eodem quoque pertinet illud Joannis. Charissimi nolite omni spiritui credere, sed probate spiritus si ex Deo sunt: quoniam multi pseudoprophetæ exierunt in mundum. In hoc cognoscitur spiritus Dei &c.

7. Argut.

Confirmant præterea idem ex illo Apostoli testimonio: Animalis homo non percipit ea, quæ sunt spiritus Dei, spiritualis autem iudicat omnia. Rursum ex eo: Prophetæ duo aut tres loquantur, ceteri iudicent: & paulo post: Si quis videtur esse spiritualis, cognoscat quæ scribo vobis, quod Domini sunt mandata. Quicumque igitur, in quo est spiritus Dei, cognoscere verba domini, eaque discernere jure suo potest. Proferunt etiam alia testimonia, quæ quoniam eodem spectant, eodemque modo resiliuntur, non est necesse ea hoc loco proferre: sed rationes illas addere, quibus etiam utuntur in sui erroris confirmationem.

1. Ratio.

Si Ecclesia, inquit, de divinis scripturis iudicium ferret, tum inferior in superioris legem auctoritatem usurparet. Id quod absurdum plane est: Nam, ut August. inquit, non licet iudici de legibus judicare, sed secundum ipsas, dist. 4. cap. in istis.

2. Ratio.

Præterea, quæ securitas (aiunt) nobis erit æternæ vitæ, si quæcumque de ea in sacris literis extant promissiones, solo hominum iudicio fultæ consistant? Rursum fides nostra quantum apud homines in suspicionem vocabitur, si credatur hominum beneficio non secus, ac precariam habere au-

thoritatem? Et cum Apostolus asserat, fundamentum Ecclesiæ esse catholicam, & Apostolicam doctrinam, suam huic certitudinem ante consistere oportet, quam illa extare incipiat. Nam si Christiana Ecclesiæ Prophetarum scriptis, & Apostolorum prædicatione fundata sit, ubicunque reperitur ea doctrina, Ecclesiam certe præcessit eius approbatio, sine qua nunquam Ecclesiæ ipsa extitisset. Vanissimum ergo commentum est (1. cap. institut. Calvinus ait) scripturæ iudicandæ potestatem esse penes Ecclesiam, quasi ab huius nuntii illius certitudo pendeat.

Præterea, si scripturæ sacræ veritas ab hominum testimonio penderet, ex eoque comprobaretur, tunc ultima fidei resolutio in Ecclesiæ auctoritatem fieret. Credimus enim Christum fuisse filium David: quoniam Deus Prophetis & Apostolis revelavit. Quod si Deum revelasse, ex Ecclesiæ auctoritate teneremus, jam fides nostra non in Deum tandem, sed in homines revocaretur. Quocirca ratio fidei formalis non divina, sed humana veritas est.

Postremo, ut Aristoteles docuit 1. 4. Ratio. lib. Post. cap. 2. Propter quod unumquodque tale, & illud magis. Si igitur scripturæ canonica Ecclesiæ auctoritate comprobaretur, plus hominibus, quam Deo crederemus. Constat vero nullam auctoritatem maiorem esse divinam: qua videbatur sacræ licet possent. Non ergo scripturæ sacræ per Ecclesiam confirmabitur, & ab illius approbatione pendeat. His, atque aliis argumentis errorem suum Hæretici suadere possunt, per suadere non possunt. Errant enim vehementer, cum in asserendis scripturis Ecclesiæ auctoritatem labefacere conantur. Quia de re nunc breviter, & ad hanc solum de libris canonicis causam disputabimus; propterea quod & a plerisque viris catholicis contra hæreticos de Ecclesiæ auctoritate accuratissime disputatum est; & hanc nos quoque in universum posita asserere & confirmare debemus.

3. Ratio.

4. Ratio.

CAPUT VII.

Docet ad cuius auctoritatem species de libris canonicis iudicare.

1. Conc.

Sit igitur, quod ad præsentem locum attinet, prima propositio. Iudicium de scripturis per scripturas ipsas nullo pacto idoneum esse potest. Nam, ut de pluribus aliis taceamus, quorum similis omnino causa est, certe libros Ruth, Ester, Job, esse canonicos nullo modo ex ipsis scripturis comprobabitur. Ergo si res hæc in controversiam veniat, aliunde, quam ex sacris literis petenda probatio est. Deinde, quoniam hoc idem amplius urgere volumus, si in controversia sit, an ambo Testamenta novum & vetus Deo auctore sint edita, per nullam alterutris Testamenti auctoritatem hæc disceptatio componi potest. Quæ enim ratione de toto volumine dubitabitur, eadem quoque de qualibet particula voluminis ambigetur. Necesse igitur est, hujus questionis aliquem præter sacras literas iudicem constitueri. Præterea Basilides Prophetas nescio quos produxit, Barchabam, Barchob, alioque id genus, qui revera prioribus sæculis nunquam extiterint, ut auctor est Eusebius lib. 4. Eccl. histor. cap. 8. At hujusmodi prophetarum libri per scripturas ipsas refelli non possunt. Diceret namque Basilides, præter quatuor majores, & quatuordecim minores, alios item Prophetas in veteri Testamento fuisse, idque ejusdem testamenti testimoniis confirmaret. Nec his rationibus alia exempla desunt. Nam quidam hæretici rejecerunt Evangelia, quod Christus Dominus nec scripserit aliquid, nec scribendum præceperit: ut August. 2. retract. cap. 16. refert. Alii omnes epistolæ Pauli respuerunt, apud Eusebium, lib. 3. hist. Eccl. cap. 27. Iren. lib. 1. cap. 26. & Origen. in 82. Psal. referente eodem Euseb. lib. 6. cap. 28. vide Iren. cap. illo 26. 29. Alii universam Moysi legem, æque a seo omnes instrumenti veteris scripturas abnegarunt, ut August. cum aliis sæpe, tum in lib. cont. Faustum, & Euseb. 5. lib. cap. ult. auctores sunt. Nos vero hos libros in universum recepimus. Item, quæ Nicodemi & Bartholomæi nomine ab Hæreticis

proferuntur, evangelia contemnimus. Marci evangelium veneramur. Ac nos quidem harum rerum causam reddimus: Illi vero ejus, quod universa tenet, tenuitque semper Ecclesia, rationem reddere nullo pacto queunt. Imo vivorum iudicium auctoritate sublata, nihil illis superest, nisi ut totum sacrorum Bibliorum codicem de medio tollant. Adde, quod scriptura Juxta est mortuus, qui nec litigantium utrinque rationes audire, nec sententiam ipse eloqui valet. Accedit, quod si in humana aliqua republ. talis iudiciorum esset forma præscripta, ut nulli essent iudices vivi, sed solis exaratis literis controversia quæcumque de illis reipsæ scripturis exorta, finiretur: præterquam quod forma iudicandi stultissima esset, nullus etiam esset litigandi finis. Ei enim, qui neget instrumentum, nulla vis inferri queat, si vivi iudices nulli habeantur. Ita Deut. 17. non ad scripturam dissidentes homines referuntur, sed ad vivorum examen iudiciumque. Et Malach. 2. cap. Labia, inquit, sacerdotis custodiant scientiam, & legem requirant de ore ejus. De ore ejus, ait, non de lege ipsa. Et Actor. 15. non ad scripturam appellaverunt Antiocheni, ut intelligerent, an verba Pauli divina essent: sed ad Apostolos & seniores, qui erant Hierosolymis. Nec Apostoli & seniores scripturam iudicem, sed semetipsos & Spiritum sanctum posuerunt. Visum est, inquit, non scripturæ, sed spiritui sancto, & nobis. Sanctus quippe spiritus non habitat in littera, sed in spiritu: non in syllabis, sed in cordibus. Quod si ii qui Paulo adversabantur, scripturæ in causa illa iudicium peterent, questio hodie maneret ambigua.

Secunda propositio. Iudicium de scripturis canonicis ad privatos reipub. Christianæ cives non pertinet. Primo, quia in humana republ. ejusmodi iudicia non permitterentur privatis hominibus, nisi legislatores desipissent. Uterque enim eorum, qui dissidium habent, hanc sibi iudicandi parti ratione vindicaret auctoritatem: sicque nullus esset dissidiorum finis. Privatas ergo cuiusque vel revelationes, vel opinionationes velle sequi, idque in questione fidei necessaria, stultum erit. Pro sua etenim factione quisque desinit, & quæ ipse existimaverit, ea

2. Conc.

B 2

fibi

sibi asseret a Deo revelata.

Quid quod nullus homo privatus certam habet in Ecclesia auctoritatem, nullus apud reliquos fideles exploratam & solidam veritatem? ita iudicium quodcumque ab ejusdem privato cive profectum infirmum erit: & scripturarum proinde fides incerto & imbecillo fundamento nitetur. Quid quod Deuter. 17. questiones graves non ad privatos jubentur deferri, sed ad eos, qui habent publicam in Ecclesia potestatem? Quid? Num Antiocheni privati homines iudicium sibi assumpsere in illa controversia, qua dubium erat, Pauline verba Dei essent, an non? Minime vero. Sed miserunt ad Apostolos & seniores, qui erant in Hierusalem. Actor. 15. Adde huc, quod cum quidam viri doctissimi negarent epistolam ad Hebræos esse canonicam, alii auctores quoque ipsi non ignobiles Apocalypsim Joannis excluderint, non posset ex cuiusque privati hominis sensu ea doctissimorum viro- rum controversia componi. Vide Originem, homil. 7. in Ezech. Gregor. Nazianzenum in Apolog. Hieron. in Ezech. cap. 13. & in Hier. cap. 23. ut intelligas, quam parum sit deferendum in huiusmodi rebus privatorum hominum præjudiciis. Sed de his multa postcrius. Nunc reliqua persequamur.

3. Concl. Tertia propositio. Ab Ecclesia est determinandum, quisnam liber sit canonicus, & illius auctoritas certa regula est ad libros vel in sacrorum numerum recipiendos, vel etiam ex eo numero rejiciendos. Hanc tenuit Irenæus, lib. 3. adversus Hæreses, cap. 2. 3. & 4. & August. lib. contra Faustum 13. cap. 4. & lib. 28. cap. 2. & 4. & secundo libro de doctrina Christiana, cap. 8. Denique in libro contra epistolam Manichæi, cap. 5. ubi illa est omnium sermone trita sententia: Evangelio non crederem, nisi me Ecclesiæ moveret auctoritas.

Hæc eadem definitur a Concilio Toletano primo, in hæc verba: Si quis dixerit, vel crediderit alias scripturas esse canonicas, præter eas, quas Ecclesia catholica recipit, anathema sit. Ecclesiæ igitur catholicæ auctoritas certum argumentum exhibet ad libros sacros vel recipiendos, vel rejiciendos, id quod multis magnisque rationibus comprobatur.

Primum enim, si huiusmodi res in contentione veniat, cum nec ex scripturis ipsis, nec ex privata cuiusvis opinione sit censura ferenda, ex aliquo hanc loco petere necesse est. Non est autem unde commodius atque constantius ejusmodi iudicium censuramque petere debeamus, quam ab Ecclesia, quæ est columna & firmamentum veritatis. Ad Ecclesiæ igitur tribunal est hæc questio referenda: & ejus decretum Lydus lapis erit ad explorandum, qui liber canonicus sit.

1. Timot. 3.

Item, ut D. Augustinus contra Faustum Manichæum argumentatur, in libris Ethnicorum non alia ratione magis veros auctores exploramus, quam ex communi consensu & testimonio eorum, qui fuerunt ante nos. Unde enim Platonis, Arist. Ciceronis libros novimus, nisi ex eorum, qui nos ætate antecesserunt continuis testimoniis? Si ergo in cæteris omnibus hæc via tutissima, & certissima est ad cognoscendum cuiusque libri auctorem, cur hæc eadem non erit certa, & explorata viro catholico ad intelligendum hunc librum esse Matthæi, illum non esse Thomæ, hanc epistolam esse scriptam a Paulo, illam a Paulo scriptam non fuisse? Ecclesiæ itaque testificatione libri sacri sunt admittendi. Quod videtur Joannes Evangelista significasse, cum ait: Hic est discipulus ille, qui testimonium perhibet de his: & scimus quia verum est testimonium ejus. Joannes ergo testimonium perhibet Evangelii, & Ecclesia probat, inquit, Et scimus, &c. Alioqui, quorū illa numeri tam subita & inopinata mutatio? Apostolus quoque Paulus id manifeste docet in epistola ad Galat. cap. 2. Nam cum accepisset Evangelium per revelationem Jesu Christi, & manifestet cum Petro & Jacobo diebus quindécim, ascendit rursus Hierosolimam secundum revelationem: & consultit cum Apostolis & fidelibus Evangelium, quod prædicabat in gentibus: seorsum autem iis, qui videbantur aliquid esse: ne forte in vanum curreret aut cucurrisset. Quod si Ecclesiæ probatio non esset necessaria, certe non fuisset sollicitus Paulus, ut ascenderet ad conferendum Evangelium, ne forte, &c. Atque (ut Augustinus contra Faustum ait) si Apostolus Paulus

Lib. 11. c. 4.

Joan. ult.

Lib. 28. c. 4.

NON

non inveniret in carne Apostolos, cum quibus conferret Evangelium, Ecclesia illi omnino non crederet. Et Hieron. in Epist. ad Augustinum, hæc Apostoli verba pertractans, Ex his, inquit, ostendit se non habuisse securitatem Evangelii prædicandi, nisi Petri, & qui cum eo erant, fuisset sententia roboratum. Est autem hæc epist. etiam in tomo operum Augustini secundo, num. 11. Et Tertull. lib. 4. adversus Marcionem, Propterea, inquit, Paulus Hierosolimam ascendit ad Apostolos consultandos, ne forte in vacuum cucurrisset. Non enim sufficeret ad fidem singularitas instrumenti destituta patrocinio antecessorum. Denique ut cum auctoribus consulit, & convenit de regula fidei, dexteris miscuere. Igitur, si ipse illuminator Lucæ auctoritatem antecessorum & fidei, & prædicationis suæ optavit, quanto magis eam Evangelio Lucæ expositum, quæ Evangelio magistri ejus fuit necessaria? Hæcenus ille.

Idem quoque habetur Act. 15. Cum enim apud Antiochiam dubicaretur, an Paulus, & Barnabas vere sentirent, & docerent de cessatione legalium, statuerunt fideles, ut ascenderent Paulus, & Barnabas, & quidam alii ad Apostolos, & presbyteros in Hierusalem. Non ergo unusquisque per se cognoscit, an doctrina ex Deo sit, necne, aut ipsa statim doctrina cuivis sese esse divinam manifestat: sed Ecclesiæ opus est approbatione. Quod Lutherani tandem in comitiis Augustanis confessi sunt, habere scilicet Ecclesiam auctoritatem ad discernendum verba Dei a verbis hominum. Atque Lutherus in libro de captivitate Babylonica, ubi de Ordinis Sacramento agit, confitetur quidem Ecclesiam habere potestatem discernendi verbum Dei a verbis hominum, sed non proinde tamen judicem esse verbi Dei. Quemadmodum Augustinus ait, quod veritate ipsa sic capitur anima, ut per eam de omnibus certissime judicare possit, sed veritatem judicare non possit, dicere autem cogatur infallibili certitudine, hanc esse veritatem judicata magis, quam judicans: Ita & in Ecclesia talis, inquit, est sensus, illustrante spiritu, in judicandis, & approbandis doctrinis, quem demonstrare non potest, & tamen certissimum habet. Sicut enim a-

pud Philosophos de communibus conceptionibus nemo judicat, sed omnes per eas judicantur: ita apud nos de sensu spiritus, qui judicat omnes, & a nemine judicatur. Sed nos hoc sane loco de verbis certare nolumus.

Tantum definimus id, quod jam Lutherani vel invitati concedunt, ex Ecclesiæ auctoritate certum argumentum sumi, vel ad libros sacros admittendos, vel ad eos repellendos, qui sacri non sunt.

At vero non parva questio se offert, an nomine Ecclesiæ significemus hoc loco Ecclesiam, quæ fuit temporis Apostolorum, an fidelium congregationem, qui modo sunt: an potius universam collectionem Christianorum, & Baptismo Christi per Apostolos, & ceteros successores eorum, usque ad hæc tempora propagatam. Durandum enim in 3. Sentent. distinct. 24. quest. 1. & Gerson de vita spiritali animæ, lect. 2. coroll. 7. hujusmodi auctoritatem sacros libros approbandi, vel etiam non sacros reprobandi ad Ecclesiam referunt fidelium, qui cum Apostolis existerant. At Joannes Driedonis lib. 1. de Ecclesiasticis Scripturis, & dogmatibus. cap. 1. & Thomas Vvaldensis lib. 2. doctrinal. fid. antiquæ cap. 19. & 20. hanc auctoritatem existimant referendam ad seriem Patrum omnium, & fidelium ab Apostolis succedentium. Quæ eadem profecto videtur fuisse sententia Irenæi lib. 3. cap. 3. & libro 4. cap. 63. adversus hæreses, & Tertulliani lib. 4. adversus Marcionem, & Augustini lib. 33. contra Faustum Manichæum, & in lib. 2. cap. 6. contra Julianum Pelagianum, & lib. 2. de doctrina Christi, cap. 8. & Epist. 63. Sed & alii tamen hanc auctoritatem hujus etiam temporis Ecclesiæ tribuunt: quæ videlicet eadem est cum antiqua, habetque eundem veritatis spiritum assistentem.

Ego vero primum sentio ad Apostolos pertinuisse libros sacros probare, non sacros rejicere. Nec enim alios libros canonicos habemus sive veteris, sive novi testamenti, quam quos Apostoli probaverunt, atque Ecclesiæ tradiderunt.

Existimo deinde hujusmodi traditionem Apostolicam non alia ratione melius innoscere, quam per Patres, & Doctores Ecclesiæ post Apostolos succedentes: quemadmodum non alia via

certior, atque expeditior est ad Christi & Apostolorum reliquis traditionibus cognoscendas: quod suo postea loco demonstrabimus. Atque horum quidem neutrum opus est exquisitis rationibus confirmare: tantum satis est admonere.

Illud vero demonstrandum est, Ecclesiam fidelium nunc viventium, non quidem scribere canonicum librum posse, sed definire, an liber, de quo disputatio est, canonicus sit, an non. Quia definitio dubiorum, quæ circa fidem modo exoritur, ad præsentem Ecclesiam pertinet. Oportet enim iudicem vivum in Ecclesia esse, qui fidei controversas decidere possit. (Si quidem Deus in necessariis Ecclesiæ fux non desit.) At librum esse canonicum, necne, fidem maxime tangit. Ad Ecclesiam igitur hujus temporis hujus rei iudicium pertinebit. Nam si errores, qui sanæ doctrinæ adversantur, Ecclesiæ, quæ nunc est, condemnare nequit, profecto iudicibus de medio sublatis, hujus sæculi heretici impune vivere, atque adeo regnare possunt.

Rursum, tempore Hieronymi dubitare catholico licuit, an Apocalypsis Joannis sacra & canonica esset. Nunc autem, ut suo loco ostendimus, id non licet in dubium vertere. Ergo post tempora Hieronymi Ecclesiæ auctoritatem habuit illam quæstionem profigandi.

Quamobrem cum nostro tempore quidam in dubium vocent, an Baruch, & Machabæorum libri, ac ceteri, de quibus quæstio in manibus est, canonici sint, necne, hanc certe ambiguitatem præsentis Ecclesiæ iudicium explanare poterit.

Præterea, Ecclesiæ, quæ nunc est, in fide errare non potest. Ergo si crederet aliquem librum esse canonicum, ex ejus testimonio idoneum, firmumque fumeret a Theologis argumentum. Nam & Ecclesiæ præsens docere eos, qui fidem susceperint, suo jure potest, quæcunque fidei sint, & sacros libros, quos per traditionem veterum accepit, posteris suis ipsa tradere. Qui quidem posterius fidem proximæ habent Ecclesiæ præsentis necesse est: ut præsentis credidimus proximæ antecedentibus, & illi superioribus, serie quadam & ordine usque ad Apostolos: quibus fideles tunc vivi pro-

ximus crediderunt.

Sicut enim in disciplinis duo principiorum genera cernimus, unum remotum, alterum proximum, hoc postremum, illud primum, nec conclusiones ad prima initia, nisi per postrema referuntur: sic nec fides succedentium ad eos, qui nos ætate antecesserunt, nisi per nos referri potest, donec ad Apostolos, & inde ad Christum pervenitur, ubi tanquam in primo fundamento catholica fides consistit. Quemadmodum etiam utraque disciplinarum principia firma sunt, utraque item conclusiones certo probant, licet altera mediata, altera immediata sint: ita & Ecclesiæ, quæ nunc est, certum argumentum dogmatis Christiani exhibet, quamvis ipsius demum fides ad Christi & Apostolorum sit doctrinam referenda.

Qua in re videtur mihi falsus Thomas Vvaldensis. Etenim, ut paulo ante indicavimus, aliud est quærere: quid Ecclesiæ præsens definire possit, & quousque habeat controversas decernendi auctoritatem, aliud vero investigare, quamam via & ratione ad rectam & firmam harum rerum definitionem valeat perveniri. Ac nos quidem ingenue fateamur, non esse nunc novas revelationes expectandas, sive a summo Pontifice, sive a Concilio, sive etiam ab Ecclesiæ tota: sed inquirenda potius majorum documenta, ac Sanctorum scripta, Apostolicas rursum traditiones, sacras etiam literas consulendas, atque per hujusmodi conquisita media quæstionem de fide propositam decernendam. Nam & Apostoli & seniores congregati in Concilium Hierosolymitanum, magna factam quæstionem, tum ex rebus ante actis, tum ex scriptis Prophetarum, sententiam de re proposita atque in quæstionem vocata, tulerunt.

Fallitur & in alia re, nisi fallor ego, Thomas Vvaldensis, cum asserit testimonium laicorum fidelium etiam huc pertinere. Sed ideo ad eos non esse opus recurrere, quia nescierunt, inquit, fidem suam congruis vocabulis, atque ab omni intricatione liberis successorum consignare memoriis. Nam quæ ad fidem spectant, sunt in duplici differentia. Altera, quæ omnes fideles explicite credunt: ut Filium Dei humanam naturam suscepisse. Altera vero sunt, quæ videlicet soli majores

credere tenentur explicite, populus autem implicite in majorum fide: ut Patrem & Filium esse unum principium Spiritus sancti. A populo igitur rudi in rebus fidei, quæ sub priori genere continentur, jure forsitan testimonium postulaveris: quod earum rerum fides æque ad majores ac minores pertinet. At in his quæ ad alterum genus spectant, si qua questio exoritur, ineptissimum erit, ut imperitum vulgus, delirus senex, garrula anus, sutor indocius consulatur: idque maxime si non ad ecclesiam præsentem, sed ad eam, quæ superiorum fuit temporum, hujusmodi questiones sint referendæ. Quod fieri oportere, Thomas ipse Vvaldensis asseruit. Cum igitur fides de numero canonicorum librorum explicita, non popularium sit, sed majorum, ad quos unque spectat, quinam sint sacri libri, cognoscere, fateamur necesse est, in hujusmodi questione, quam modo veritatem, testimonium a plebe non esse requirendum, sed a doctoribus ecclesiæ, quibus & plebs rudis debet credere, ad quosque similibus rerum iudicium pertinere, ut justum, ita quoque certum est. Quo fit, ut si omnes sancti & doctores ecclesiæ asseruerint aliquem librum esse canonicum, id pro certo habendum sit, perinde ac si tota ecclesiæ assensisset. Quod uberius alio loco explicandum est. De tertia igitur propositione satis est dictum.

4. Concl.

Quarta propositio. Ad concilium universale præcipue pertinet definire, qui liber sit canonicus. Quamquidem propositionem æquo animo paterer ab hæreticis non admitti. Sed illud tamen doleo vehementer, quod eam nonnulli fideles inficiantur, in quibus Thomas Vvaldensis esse videtur, lib. 2. doctrinalis fidei antiq. cap. 19.

Probat tamen illa manifeste, quia proponere fidelibus ea, quæ sunt divinitus revelata, ad ecclesiæ pastores maxime spectat: tum quia tota ecclesiæ hujusmodi revelata proponere & docere non valet: tum quoniam ut possit, non deceret tamen, ut tota ecclesiæ docendi officium assumeret: tum quia paciscere oves in scientia & doctrina, proprium munus pastorum est, ut Hieremias dicitur: tum quoniam aliquando inter ipsos catholicos concertatio est, an hic, an ille liber canonicus sit. Ad dirimendam igitur hujusmodi disceptationem, oportet in ecclesiâ judi-

ces esse, quorum sententiam fideles debeant sequi. Judices autem in doctrinâ fidei non alios convenientius accipimus, atque Episcopos & Doctores, quibus fidelium instructio demandata est; quosque si de medio tollas, Ecclesiæ universali judicia protinus auferis; cum tota ipsa Ecclesiâ, hoc est, fideles omnes, convenire ad judicandum de proposita questione nec debeant, nec vero possint.

Præterea, concilium est certa regula in his, quæ fidei sunt, ut posterus ostendamus. Cum igitur hæc questio de libris sacris atque canonicis ad fidem attineat, concilii testimonio abunde poterit definiri. Id quod Antiochenos intellexisse constat. Non enim questionem de legalibus ad fidelium plebem, sed ad Apostolorum & seniorum synodum referre. Nec post concilii sententiam ullus relictus est dubitandi locus. Acto. 15.

1. Concl.

Quinta propositio. Ad summum Pontificem pertinet definire, quinam liber sit canonicus. Primo, quia majores Ecclesiæ causæ ad summum Pontificem referendæ sunt, ut Innocentius probat de baptismo cap. majores: noique ipsam etiam summus demonstratur. At hæc de libris canonicis causa maxima est: ad summum itaque Pontificem est referenda. Deinde quia contingit esse dissidium inter Patres in concilio congregatos. Quod si non esset iudex in Ecclesiâ, qui hanc contentionem litemque dirimeret, certe non esset Ecclesiæ a Deo provisum in rebus necessariis.

Præterea, quia summus Pontifex quoties de fide pronuntiat, errare nequit: quod suo postea loco etiam commonstrandum est. Ipsius ergo Pontificis testimonio tanquam certo iudice probare poterimus, quis liber sit canonicus, quis contra non sit.

Postremo, id ostenditur argumento Nicolai Papæ. Nam quod vere sedes Apostolica probavit, hodie tenetur acceptum: & quod illa repulit, hæcenus inefficax prorsus habetur: Ita opuscula doctorum, quæ approbavit, Ecclesiâ probat: quæ contra reprobat, Ecclesiâ reprobat. Summorum ergo Pontificum de hisce rebus testimonium, ipso etiam perpetuo rerum experimento firmum ac certum habere compellimur. Nam & Evangelium, quod Paulus predicabat in gentibus, ut ante ex

C. 6. Romanorum. 19. did.

In Mate.

Tertulliano, Hieronymo, & Augustino non monstravimus, non fuisse ab Ecclesia receptum, nisi Petri auctoritate fuisse roboratum; & ut idem Hier. in lib. de viris illustribus ex Clemente in 6. *innotuit* scribit Marci Evangelium, cum Petrus audisset, probavit: & Ecclesie legendum sua auctoritate edidit. Idem vero Eusebius libro 2. Ecclesiasticæ historiæ, cap. 15. non solum Clementis, sed ex Papæ testimonio confirmat. Constat autem, qui Petro succedit, hunc eandem potestatem habere in illis sane, quæ sunt Ecclesie necessaria. Ad summum ergo Pontificem hujusmodi de libris canonicis iudicium pertinet. Nam & si qua similis questio in veteri lege exoriretur, ad Pontificem ejus definitio pertineret, ut Deut. 17. legimus. Hactenus quantæ fieri potuit brevitate a nobis ea dicta sunt, quæ præsentī loco satis erant, ut pius lector intelligeret, quibus auctoribus, in libris canonicis constituendis, fidem habere oporteret. Nam si quæ horum majori vi & argumentis indigent, ut in universum probentur omnibus, ea suis postea locis confirmabuntur. Nunc vero illud agendum esse puto, ut argumentationes hostium veræ religionis, quam brevissime etiam possumus, refellamus.

CAPUT VIII.

*Ubi consulantur argumenta
capitis sexti.*

Respon.
ad 1.

Joan. 1.

Joan. 15.

Adrov. 1.

AD primum igitur argumentum sic respondeo: Si Christus ab homine testimonium non accipit, ubi nam illud est, Fuit homo missus a Deo, ut testimonium perhiberet de lumine? Ubi rursus illud, Vos testimonium perhibebitis de me, quia ab initio mecum estis? ubi denique illud (ne omnia repetamus) Eritis mihi testes in Hierusalem &c. Sensus igitur est: Ego hominis testimonio non egeo quidem: sed assero tamen testimonium Joannis propter vos. Ideoque subjungit, Sed hæc dico, ut vos salvi sitis. Quod autem ipse humanum testimonium non querat, quo videlicet ipse minime egere credendus est, probat subjungens: Ego habeo testimonium majus Joannis, &c. Et revera convincit, ut qui divinum testimonium habet, ipse quidem propter se non accipiat ab homi-

ne testimonium, sed oblatum tamen propter aliorum utilitatem non repudiet. In eundem quoque sensum deinde subinfert, Claritatem ab hominibus non accipio; eum tamen Petrus dictus sit sua morte Deum glorificasse. Ac de primo quidem argumento satis.

Ad secundum vero facile respondetur, Apostolum ibi non cum Imperitis, sed cum doctis habere sermonem. Ait enim, Non scripsi vobis quasi ignozantibus veritatem, sed quasi scientibus eam. Sapientibus ergo Ecclesie magistris unctio interior sufficit ad ea, quæ fidei adversantur, refutanda: at ignorantibus opus est etiam externa doctrina, eorum maxime, quos Deus constituit in Ecclesia pastores & doctores. Intelligendum est etiam, doctrinam fidei singulis hominibus necessariam, unicuique per se forte innotescere, si spiritum manentem in se habet. At vero quæ sunt in fide, non singulis quidem necessaria, sed ad Ecclesie communem utilitatem pertinentia, non ea statim a bonis viris cognoscuntur, quamlibet spiritum Dei & unctiorem habentibus. Si enim simplici mulierculæ proponatur, an accidentia in Sacramento altaris sine subiecto sint, quamvis sancta sit & iusta, non est opus ea de re ab unctiōe doceatur. Sed si illud ab ea inquiras, num Christus pro peccatis nostris sanguinem fuderit, id profecto ab unctiōe docebitur, quoniam præstanti quod in se est, Deus fidem ad salutem necessariam non negat. Porro autem cum questio hæc de numero librorum Canonorum non spectet ad singulos, sed ad doctos in Ecclesia viros referenda sit, sit consequens, ut ad cognoscendum an hic liber, an ille sit Canonicus, non sit satis unctiōnem habere. Non enim unctio quæcumque simpliciter docet de omnibus, sed quæcumque de his, quæ sunt ei propria & necessaria. Atque hæc satis abunde erant, ut secundum argumentum elideretur. Sed ut iis morem geramus, qui aliud præterea quicquam in illius testimonii explicatione desiderant, tertia adhuc responsio adjicienda est. Non si quidam in Ecclesia primitiva tantos habuere & in virtute & in doctrina progressus, ut nullo doctore externo indigerent, quippe qui spiritu docente noscent omnia, idcirco gratiam illam Spiritus Sancti nos & ad omnes, &

Joan. ult.

Respon.
ad 2.

Vide Aug.
in proamio
lib. de doctr.
Christian.

ad hoc etiam tempus referemus. Alio-
qui si quis aut linguarum donum, aut
alia multa, quæ spiritus a principio fi-
delibus impertiebatur, modo non ha-
beat, non se arbitretur spiritum acce-
pisse, nec unctum sese existimet, nisi
cum Antonio Monacho Ægyptio sine
ulla scientia literarum divinas scri-
pturas intellexerit. Quod si etiamnum
unctio docet sine externo doctore de
omnibus, non doceant parentes parvu-
los suos doctrinam Christi, sed ne ad
ipsum quidem Evangelium audiendum
atque discendum eat populus in Ec-
clesiis; quin etiam codices nullos legat,
nec legentem explicantemque homi-
nem audiat; expectet vero rapi se us-
que ad tertium cælum, & ibi omnia
Christianæ doctrinæ mysteria perci-
pere: Caveamus, Augustinus ait, ta-
les tentationes superbiſſimas, magisque
cogitemus & ipsum Apostolum Pau-
lum, licet divinis & voce & spiritu
instructum, ad hominem tamen mis-
sum esse, ut ab eo disceret, quid se
oporteret facere. Act. 9. Et Cor-
nelium cogitemus, quamvis & exau-
ditas orationes ejus, elemosinasque
respectas ei Angelus nuntiavit, Petro
tamen traditum imbuendum, a quo quid
credendum, quid sperandum, quid di-
ligendum audiret. Act. 10. Ac de se-
cundo argumento hæcenus.

Respon.
ad 3.

Tertium vero eludi primum poterat
eo rerum discrimine repetito, quod in
superioris argumenti confutatione po-
sumus. Concedimus enim liberaliter,
doctrinam cuique in sua vita & statu
necessariam, illi fore perspectam &
cognitam, qui fecerit voluntatem Dei.
Sicut enim gustus bene affectus disce-
rentias saporum facile discernit; sic
animi optima affectio facit, ut homo
doctrinam Dei ad salutem necessariam
discernat ab errore contrario, qui ex
Deo non est. Quæ vero Ecclesiæ sunt
communia, nec ad iudicium & fidem
spectant singulorum, ea non a quovis
discerni & iudicari possunt, quantum-
cunque is Dei faciat voluntatem. Hu-
jusmodi autem sunt, quæ versantur in
hac controversia de librorum divino-
rum numero. Nec illarum etiam re-
rum iudicium adeo perspicuum est cui-
vis, ut statim ac sine doctore in prom-
ptu sit. Erant enim quidam verbum
Pauli cum aviditate suscipientes, &
quotidie tamen scrutabantur scripturas,
si hæc ita se haberent, Act. 17. Et

cum quidam docuissent sine circumci-
sione neminem posse salvari, non pro-
tinus cuilibet exploratum fuit, num ea
vox ac doctrina ex Deo esset, an non:
sed relata est potius ad Apostolos &
seniores questio, & adhibito concilio,
magnaue prius facta disquisitione, fi-
nita, Act. 15. Quod, si quæ in hujus
argumenti refutatione dicta sunt, cui-
piam adhuc non esse illa satis videan-
tur: habeat & hoc responſum: Chri-
stum non dixisse quidem, Qui fecerit
voluntatem Dei, hunc per se & sine
magistro veram omnem prophetarum,
Evangelistarum, Apostolorumque do-
ctrinam posse a falsa discernere, aut
oves sine doctore externo vocem Chri-
sti internoscere, contrariamque alieni
refutare: Sed id docuit, cum adeſſet
dei magister idoneus, qui rem creden-
dam aptis loco & tempore, solido pon-
dere, ac certa auctoritate proponat,
tunc auditorem, si bonus est, Dei Do-
ctrinam accepturum, sin malus, repu-
diaturum. De se quippe Christus sua-
que doctrina peculiariter loquebatur:
quem quoniam pater signaverat Deus,
ducem ac præceptorem mundo dederat,
omnique testimoniorum genere com-
probatum: ei tot, tanſque argumentis
Evangelium annuncianti, ei vitæ, do-
ctrinæ, miraculorum gloria præſtanti,
ei humana atque adeo divina auctori-
tate pollenti, fidem non habere nemo
sine peccato poterat. Abeat nunc Lu-
therus, & quasi Ecclesiæ fidem vali-
dissimis arietibus concusserit, vani-
ſſima exultatione bacchetur. Nos vero
intelligamus potius illum, quem dixi-
mus esse verborum Christi sensum, cum
ex aliis Evangelistæ testimoniis, tum
vero præcipue ex ipso eodem, quod
ex cap. 10. Lutherus adversus nos citat.
Opera, inquit Dominus, quæ ego fa-
cio in nomine patris mei, hæc testi-
monium perhibent de me. Sed vos
non creditis, quia non estis ex ovibus
meis. Et statim, Oves meæ vocem
meam audiunt. Nam certe si non au-
dierent, ex oves Christi non essent, ut
quæ ad vocem proprii pastoris tam ex-
ploratam & certam, clausis auribus ob-
ludescerent. Quæ ex re patet, quam
inepte a Luthero illa Domini testi-
monia in hac causa, de qua nunc di-
ſcrimus, referantur. De tertio igitur
argumento tantum.

Quarto prius quam respondeo, ope-
re pretium mihi facturus videor, si ad 4.
Respon.

nomul-
lis prx-
millis .

strictum quidam attigero, quo facilius non hoc solum argumentum diluatur, verum etiam ea, quæ deinceps differenda sunt, explicari queant.

AdRom. 10.
Joan. 11.

Primum ergo id statuo, juxta communem legem, aliqua exteriora & humana incrementa necessaria esse, quibus ad Evangelii fidem inducamur. Quomodo enim credent ei, quem non audierunt? Quomodo autem audient sine prædicante? Item, si non venissem, & locutus eis non fuisset, peccatum non haberent: & Si opera non fecissem, quæ nemo alius fecit, excusationem haberent de peccato suo. Non igitur solum necessarium est, ut credituro ea, quæ sunt fidei simpliciter ab homine proponantur, quasi prima principia discipulo: verum etiam opus est exterius aliquam persuasionem, & humanum incitamentum adhiberi: quomodo principia Geometriæ nonnulla a magistro & explicantur, & suadentur. Hinc illud est, quod cum dixisset Moyses Domino, Non credunt mihi, Dominus ei dedit potestatem signa faciendo. Hinc rursum illud, Prædicaverunt ubique, Domino cooperante, & sermonem confirmante sequentibus signis. Huc illa pertinent, Hic venit in testimonium, &c. ut omnes crederent per illum. Et Sergius Paulus vir prudens cum vidisset factum, credidit, admirans super doctrinam Domini, Actor. 13. Et Centurio videns quod factum fuerat, glorificavit Deum, dicens: Vere filius Dei erat iste, Lucæ 23. Et cognovit pater, quod illa hora esset, in qua dixit ei Jesus, Filius tuus vivit, & credidit ipse & domus ejus tota, & paulo ante. Ex civitate autem illa multi crediderunt in eum Samaritanorum, propter verbum muliens testimonium perhibentis; quia dixit mihi omnia quæcunque feci: & multi venerunt ad Jesum, & dicebant: Quia Joannes quidem signum fecit nullum. Omnia autem, quæcunque dixit Joannes de hoc, vera erant, & Joan. 10. Introivit ille discipulus, qui venerat primus ad monumentum: & vidit, & credidit. Nondum enim sciebant scripturam, quia oportuit eum a mortuis resurgere. Philippus denique & Petrus non utrumque fidem Eunuchus, Cornelioque proposuere: sed & causas etiam adhibuerunt, & cæc.

Deinde id quoque statuendum est,

auctoritatem humanam & incitamenta omnia illa prædicia, five alia quæcunque adhibita ab eo, qui proponit fidem, non esse sufficientes causas ad credendum, ut credere tenemur: sed præterea opus esse interiori causa efficiente, id est, Dei speciali auxilio moventis ad credendum. Docent id Divus Thomas, ad Roman. 10. Lection. 2. ac Divus Augustinus libr. 1. retrac. cap. 21. & alias sæpe. Quin sacre literæ id quoque docent: Quam speciosi, inquit, pedes evangelizantium pacem, evangelizantium bona: sed non omnes obediunt Evangelio. Esaias enim dicit, Domine, quis credidit auditui nostro, & brachium Domini cui revelatum est? Item, Nolite murmurare invicem: nemo potest venire ad me, nisi pater, qui misit me, traxerit eum. Est scriptum in Prophetis, Et erunt omnes docibiles Dei. Omnis, qui audit a patre, & didicit, venit ad me. Et inferius, quibusdam discipulis dicentibus, Durus est hic sermo, & quis potest eum audire? Propterea (inquit Dominus) dixi vobis, quod nemo potest venire ad me, nisi fuerit ei datum a patre meo. Et alio loco, Cum autem tanta signa scis fecisset coram eis, non credebant in eum, ut sermo Esaiæ impleteretur, Domine quis credidit auditui nostro? & brachium Domini cui revelatum est? &c. Externæ igitur omnes & humanæ persuasiones non sunt satis ad credendum, quantumcunque ab hominibus competenter ea, quæ sunt fidei, proponantur. Sed necessaria est insuper causa interior, hoc est, divinum quoddam lumen incitans ad credendum, & oculi quidam interni Dei beneficio ad videndum dati. Viderunt (inquit Moyses) oculi tui signa illa portentatque ingentia, & non dedit tibi Dominus cor ad intelligendum, & aures ad audiendum, nec oculos ad videndum. Hoc quoque sua voce dilucide confirmavit Christus Petro in-

AdRom. 10.

Joan. 6.

Joan. 12.

Deut. 29.

Joan. 1.

Et

Theff. 2.

Et ad Theſſalonicenſes, Grati-
as Deo, quoniam cum accepiſſetis a
nobis verbum auditus fidei, accepiſtiſ
illud non ut verbum hominum, ſed
ſicut eſt vere, verbum Dei, qui ope-
ratur in vobis, qui credidiſtiſ. Sunt
& alia pleraque ſacrarum literarum te-
ſtimonia in huius rei confirmationem.
I. ad Cor. 13. Ut ad Corinth. Nemo poteſt dicere,
Dominus Jeſus, niſi in Spiritu ſancto,
& cætera quæ ſequuntur. Et rursus
inter ſpiritus chariſmata Paulus enu-
merat fidem. & alibi: Non ſumus ſuf-
ficientes, &c. Et apud Lucam, Quæ-
dam mulier colens Deum, audivit
Paulum, cujus Dominus aperuit cor
intendere hiſ, quæ dicebantur a Pau-
lo. Et illud, Egit mane, mane e-
rigit mihi aurem. Dominus Deus a-
peruit mihi aures, ut audiam quaſi
magiſtrum. Dies me deficiet, ſi om-
nia velim commemorare, quibus ſe-
cundum hoc fundamentum ſtabilimur.

I. ad Cor. 13.

I. ad Cor. 13.

I. Cor. 13.

Ad. 1. 16.

Rō. 70.

Cui & tertium ſubjiciendum eſt,
rationem formalem noſtræ fidei non eſſe
eccleſiæ auctoritatem, hoc eſt, fidei
ultimam reſolutionem non fieri in ec-
cleſiæ teſtimonium. Ipſæ ſcholæſtica
res formas dicendi ſcholæſticas rapiunt,
& quæ vocabula ſcholarum conſuetudo
diuturna trivit, ea Latini nobis con-
donare debent. Nec enim tam ſermo-
nis ornatum, quam diſputationis lucem
ſequimur. Sed ad rem, Eorum hic er-
rorem diſſimulare non poſſum, qui aſ-
ſerunt, fidem noſtram eo, tanquam in
ultimam credendi cauſam, reducen-
dam eſſe, ut credamus eccleſiam eſſe
veracem, cui prius (inquiunt) aſſentimur
per fidem acquiſitam, quam per intu-
ſam. Quod ſi verum eſſet, prima ra-
tio formalis inſuſæ fidei non eſſet ve-
ritas increata, ſed creata. Quare fides
noſtra non inniteretur tanquam ſuo
fundamento divinæ veritati, ſed hu-
manæ: Deinde cum aſſenſus conclu-
ſionis non ſit certior principiorum aſ-
ſenſu, ut Ariſtoteles 1. Poſt. lib. de-
monſtrat; ſi fides inſuſa fide acquiſita
niteretur, tum Deum eſſe trinum, cui
aſſentimur per inſuſam fidem, non eſ-
ſet nobis aut firmius, aut certius, quam
Eccleſiam eſſe veracem, cui juxta ho-
rum ſenſum aſſentimur per fidem acqui-
ſitam, & per humanarum cauſarum in-
citamenta.

Præterea, nunquam hominem quem-
vis ita per fidem acquiſitam exiſtima-
mus eſſe veracem, quam formidemus,

cum poſſe vel falli, vel fallere. Quæ-
propter ſi aſſenſus catholicæ fidei ex
acquiſita fide penderet, firmus omnino
eſſe non poſſet.

Ad hæc, ſi omnes hi, qui me do-
cuerunt, imo adeo angeli colorum mi-
hi aſtruerent oppoſitum ejus, quod fide
teneo, non ex eo fides mea labefacta-
retur: Juxta Pauli Apoſtoli præſcrip-
tum illud, Licet nos, aut Angelus de
celo euangelizet nobis, &c. Noſtræ
igitur fidei aſſenſio humanis cauſis, &
incitamentis non innititur, quæ ſcilicet
fides acquiſita ſectatur. Quare ne mens
noſtra vacillet, alius petenda, quam
ab hominis vel ratione, vel auctoritate,
ſcripturæ divinæ auctoritas eſt.

Præterea, Apoſtoli, & Prophete
reſolvebant ultimo fidem ſuam in divi-
nam & auctoritatem & veritatem. Er-
go nos in humanam Eccleſiæ auctorita-
tem fidem noſtram non reſolvimus. Ea-
dem enim fides eſt, idemque proinde ha-
bet objectum, rationemque formalem.
Confirmat autem hoc vel maxime,
quod ea, quæ per accidens contingunt
objecto alicujus habitus, non variant
illius objecti formalem rationem: Sed
articulos credendos proponi per hos,
aut illos homines, per accidens omni-
no contingit. Cum ergo Prophete, &
Apoſtoli aſſentirentur articulis fidei,
quia Deus revelavit: eandem quoque
nos credendi ratio nem habebimus. Niſi
forte fides noſtra non eſt virtus Theo-
logica, cujus videlicet prima & forma-
lis ratio, ſi hiſ credimus, non divina,
ſed humana veritas eſt.

Nec deſunt ſacrarum teſtimonia li-
terarum in huius rei confirmationem.
ut illud, Crediderunt Domino, &
Moſi ſervo ejus. Non dixit, Moſi
& Domino, ſed, Domino & Moſi.
Item, qui credit in me, non credit
in me, ſed in eum qui miſit me, &
cætera quæ ſequuntur: & ad Theſſa-
lon. Gratiæ agimus Deo, quoniam cum
accepiſſetis a nobis verbum auditus fi-
dei, accepiſtiſ illud non ut verbum
hominum, ſed (ſicut eſt vere) ver-
bum Dei.

Hiſ vero tribus certis ſtabilibuſque
ſententiis illa etiam conjuncta eſt, ul-
timam fidei noſtræ reſolutionem fieri
in cauſam interioriorem efficientem, hoc
eſt, in Deum moventem ad creden-
dum. Verbi gratia, huic articulo,
Deus eſt trinus, & huic, Eccleſiæ non
poteſt errare, & cæteris univerſis do-
ctrinæ

Galat. 2.

Exod. 14.

Joan. 13.

1. Theſſ. 2.

Vide ſec. 1.
d. 11. 8. unic.
de Durand.
d. 14. q. 1. 1.
& d. 11. 1. 1.
& Gabr. d.
21. q. 1. 1. 1.
de 1. qui vi-
detur eſſe
in hoc erro-
re.

Christianæ principii assensio per infusam fidem: non quod Joannes dixerit, aut quis alius homo, sed quod Deus revelaverit: huic autem, Deus revelavit immediate, credo, a Deo motus per instinctum specialem. Itaque ex parte objecti ratio formalis movens est divina veritas revelans: sed illa tamen non sufficit ad movendum, nisi adsit causa interior, hoc est, Deus etiam movens per gratium specialemque concursum. Divus Thomas, 2. quæstion. 1. art. 9. ad 3. Augustin. 11. confes. cap. 3. Et licet fundamento in hoc secundo jam facto firmiter hæreat, subsistit tamen eo etiam testimonio, quod in argumento refertur. Hunc enim sensum habet, quod Joannes Apostolus dicit, Si testimonium hominum accipimus, testimonium Dei majus est. Atqui, unde credemus, Apostole, id esse Dei testimonium? Qui credit, inquit, in filium Dei, habet testimonium Dei in se. Qued si rem hanc a capite accessere, & unde omnia manant, videre volumus: illud tandem intelligamus oportet, habitum fidei in ordine ad Theologiæ disciplinam se habere, ut habitus intellectus se habet ad humanas scientias & facultates. Quemadmodum itaque intellectus noster in discursu disciplinarum naturalium, primo cum principii congruitur, deinde ad reliqua cognoscenda proficitur, quæ videlicet a principii positis derivantur: sic in cognitione supernaturalium rerum quædam sunt principia supernaturalia, ex quorum fide fidelis animus ad cætera investiganda procedit: Accedentem (inquit) ad Deum oportet credere quia est, & quod inquirentibus se remunerari sit; & iterum: Cum deberetis magistri esse propter tempus, rursum indigetis, ut doceamini, quæ sint elementa exordii sermonum Dei. Et statim docet, quænam sint ejusmodi elementa, inquirens, Intermitte inchoationis Christi sermonem ad perfectionem feramur: Non rursus jacentes fundamentum penitentiz, fidei ad Deum, baptismatum doctrinæ, impositionis quoque manuum, resurrectionis mortuorum, & judicii æterni. Quibus rebus expositis, facile (ut opinor) intelligi potest, vera esse, quæ paulo ante sunt dicta, hoc est, oportere humana quædam & exteriora adminicula interve-

nire ad credendum: nec tamen ea esse idonea per se, nec fidei nostræ resolutionem in ejusmodi fieri, sed in interiorum causam divinam, quæ exiit, & moveat, ut credamus. In assensum siquidem principiorum Geometriæ, vel Arithmeticæ multa veniunt quasi præambula & antecedentia, ut cognitio sensitiva, explicatio, & suggestio præceptoris, qui eadem principia non utcumque proponit, sed explicat etiam vel per exempla sensibus manifestata, vel per effecta notissima. At ratio assentiendi formalis non est quicquam illorum, sed sunt illa quasi determinationes, & veluti conditiones, sine quibus ejusmodi principia a discipulo non intelligerentur. Ratio autem formalis, lumen naturale est incertius, quo videlicet evidens ille assensus efficitur: ut & lumen hoc exterius ratio formalis est, quæ colores efficit evidentes. In hunc ergo modum, proponere credenda, suadere, miracula facere, determinat quidem intellectum ut credat, quasi conditiones, sine quibus vix unquam intellectus determinatur. At ratio formalis assentiendi, lumen fidei est, quod Deus infundit credenti.

Jam si hæc, quæ diximus, sacriliteris accomodaveris, invenies perfectio, ea esse usque adeo consentanea, ut obtinere a quovis adversario debeamus. Huc enim pertinet illud Joannis 4. Jam non propter tuam loquelam credimus: ipsi enim audivimus, & scimus, quia hic est vere Salvator mundi. Ut illa alia prætereamus, quæ retro sunt nobis commemorata. Nam quarto argumento resellendo satis superque dictum est: Unde tamen tria postrema argumenta facillime diluantur: quamvis enim respectu unius aut alterius hominis sacras videlicet literas rejicientis, prior sit Ecclesiæ auctoritas, quoniam jure probamus illi hanc esse epistolam Pauli, illam Jacobo, per Ecclesiæ auctoritatem: non tamen inde colligitur, quod abselute Ecclesiæ auctoritas sit ratio credendi formalis. Quomodo si neganti principia philosophiæ naturalis ex effectibus notissimis nitamur ea suadere; non querimus causam, a qua principia philosophiæ pendeant, sed argumentum aliquod vel indicium certum ejus rei, quæ in controversiam venit. Ac tere in omnibus disciplinis contingit, ut

Respon.
adrationes
argumentis
sub
jestas.

Ad Hebr. 12.

Ad Hebr. 5.

Ad Hebr. 6.

adversus ignorantem causam utamur effectū : & adversus negantem effectum utamur causa, propter utriusque mutuum connexionem. Atque id quidem copiose variis mularum disciplinarum exemplis monstrare possem, sed quæ perspicua sunt, longa esse non debent. Adhibebimus ergo exemplum unicum generis ejus, quod & facile intellectu sit, & positum in una re transferri per multas possit. Terram interjici inter Solem & Lunam, ex Lunæ defectu suadet Astrologus, nec assert tamen genus argumentationis ineptum. Præclare enim est hoc usurpatum a doctissimis, quorum auctoritate non uteretur, si mihi apud aliquot agrestes habenda esset oratio. Cum vero ad eos scribam, quibus hæc inaudita non sunt, cur ego simule, me si quid in his studiis operæ posuerim, perdidisse? Usurpatum est igitur ab eruditissimis viris quoddam argumentandi genus, quod a posteriori fundere vocant, Aristoteles juxta veterem interpretem demonstrationem quia est, nos ab effectis vocamus. Quæ quoniam suis sæpe causis notiora sunt, ad eas demonstrandas identidem inferuntur. Nec illico tamen effecta hæc causarum suarum formales rationes erunt. Non enim, ut in eodem versetur, si terram interjici ex Lunæ defectu suademus, idcirco defectus ipse ratio est interjectionis formalis. Quin e contrario, si rerum natura spectetur, ipsa terræ interjectio ratio est formalis, cur Luna defectum patiat. Quod igitur in ceteris artibus, idem quoque in Theologia contingit, ut rerum ordo interdum humani ingenii causa permutetur. Ita sit, ut contra negantes novum Testamentum aptissime argumentemur ex veteri, atque e diverso contra negantes veterem ex novo. Etenim ab his, quæ notiora sunt nobis, ad ea, quæ minus nota sunt, quodam quasi naturæ dictu homines ferri non solum Philosophus auctor est, sed nullo etiam philosopho auctore experimur. Quamobrem Judæo, qui veteris testamentum certius est, novum ex veteri suademus. Habemus, inquit, firmiorem propheticum sermonem: cui bene facitis attendentes quasi lucernæ lucenti in caliginoso loco, donec dies illucescat, & lucifer oriatur in cordibus vestris. Et Actor. 17. Ii qui cum aviditate verbum Pauli susceperant, scrutabantur quotidie scriptu-

ras, an hæc ita se haberent. Contra vero oportet, ut adversus eum, qui novum Testamentum recipit, ac rejicit veterem, ex novo veteris auctoritatem colligamus. Ad eundem quoque modum auctoritas Ecclesiæ cum sacrarum litterarum auctoritate connexa est, & per legem connexorum utramque in alterius probationem sumimus. At si generaliter queratur, unde fideli constet ea, quæ fide tenet, esse a Deo revelata, non poterit Ecclesiæ auctoritatem inducere, quia unum de revelatis est, Ecclesiam errare non posse, ut 1. ad Tim. 3. cap. habetur. Nec verus catholicus, quod nonnulli fingunt, assentitur huic, Ecclesia est verax, solum per conjecturas humanas, quibus acquisita fides innitur. Ad quem modum & Saraceni suis præceptoribus, & Judæi suis Rabbis, & Gentēs suis Philosophis, & omnes denique suis majoribus inhaerent. Non sic (inquam) Christiani: sed per interius lumen infusum a Spiritu sancto: quo firmissime atque certissime moventur ad credendum, Ecclesiam Christianam errare non posse: Saracenorum, Judæorum, Paganorum, errare posse. Deinde responderi potest, quod etiam in universum opus esset, ut Ecclesia ea, quæ sunt credenda, proponeret: non tamen proinde colligeretur, ultimam fidei resolutionem in Ecclesiæ auctoritatem fieri. Non est enim Ecclesiæ auctoritas ratio per se movens ad credendum, sed causa sine qua non crederemus. Quippe ut nos credamus juxta præscriptam a Paulo legem, oportet, ut illa, quæ credere debemus, nobis per hominem proponantur. Providit autem Deus, ut Ecclesia esset, quæ certo ac firmo judicio ea, quæ vere nobis sunt credenda, proponeret. Proponit enim Ecclesia, ut rem exempli causa illustremus, Evangelium Matthæi esse a Deo revelatum: nec mihi proponere nisi verum potest: Ego igitur non credo Evangelistam dicere verum, quia Ecclesia eum dicat verum dicere, sed quia Deus revelavit. Et tamen Ecclesia proponens est causa, sine qua ego non admitterem illud Evangelium esse Matthæi. Spiritu itaque sancto Ecclesiam assistam certo credo, non ut veritatem, auctoritatemve libris canonicis tribuat, sed ut doceat, illos, non alios esse canonicos. Nec si nobis aditum præbet ad hujusmodi sacros libros cogn-

1. Pet. 2.

gnoscendos, proinus ibi acquiescendum est: sed ultra oportet progredi, & solida Dei veritate niti. Qua ex re intelligitur, quid sibi voluerit Augustinus, cum ait, Evangelio non crederem, nisi me Ecclesie moveret auctoritas. Et rursum: Per catholicos Evangelio credideram. Videlicet negotium August. erat cum Manichæis, qui absque controversia suo cuidam Evangelio credi volebant, & Manichæo fidem asstruere. Rogat igitur August., eequid facturi sint, si in hominem incidant, qui ne Evangelio quidem credat; quoque genere persuasionis sine eum in suam sententiam adducturi. Certe se affirmat non aliter potuisse adduci, ut Evangelium amplecteretur, quam Ecclesie auctoritate victum. Non itaque docet fundatam esse Evangelii fidem in Ecclesie auctoritate, verum simpliciter nullam esse certam viam, qua sive infideles, sive in fide novitii, ad sacros libros ingrediantur, nisi Ecclesie catholice unum eundemque consensum. Id quod ejusdem epistolæ cap. 4. & in libro de utilit. cred. ad Honorat. satis ipse explicavit. Certum itaque argumentum in controversia de uno quolibet libro sacro ex Ecclesie auctoritate sumitur, idque August. tradit; sed non ad hanc, sed ad divinam auctoritatem fides librorum divinatorum referenda est.

Respon.
ad 5.

Nec post hæc in postremis illis tribus argumentis eluendis lectorem amplius morari volumus, sed adea, quæ in medio relicta sunt, explicanda properare. Testimonium igitur ex Deuterono. illud, quo deinceps adversarii utuntur, pro eis nihil omnino facit. Quemadmodum enim cum Dominus fideles monuit, ut a lupis attenderent, eosque eorum arbores non ex foliis, sed ex fructibus internoscerent; non statim excluditur nec canum fida custodia, & ad discernendum lupos naturæ mira sagacitas, nec pastorum vigilans cura, & diligens omnium providentia: nam si isthæc defuncte, ipsæ per se oves sibi cavere non possunt; quamlibet signum a Christo habeant, unde lupi internoscantur. Sic Moyses discernendis prophetis falsis per rerum quidem eventa populum instruit, sed non proinde tamen sacerdotum in his iudicium negligit, ad quos scilicet causas omnes dubias ipse idem paulo ante referri iusserat. Sæpe autem usu-

venire poterat, ut difficile esset & ambiguum de propheta quopiam iudicium, & variæ, ut sit, discrepantesque sententiæ.

Testimonium vero, quod assertur ex Joanne, quoniam simile est, simili quoque ratione convellitur. Aliud vero ex prima ad Corinthios epist. non ita facile resciri potest: sed id constat, verba Pauli mirifice a Lutheranis torqueri. Nam si spiritualis homo, id est, in quo est spiritus Dei (sic enim illi interpretantur) iudicat in universum omnia: quomodo Elifæus, Anima, inquit, ejus in amaritudine est, & Dominus celavit a me? 4. Reg. 4. Quomodo Job, cum multa se ignorare argumentis certis cognovisset, ignorantem suam fatetur, inquit: Insipienter locutus sum, & quæ ultra modum excedunt scientiam meam? Job 38. 39. 40. 41. 42. Quomodo Apostoli non intelligebant, quæ dicebantur? Lucæ 18. Quomodo Petrus & Joannes nondum sciebant scripturam? Joan. 10. Quomodo aperuit scripturas discipulis suis Christus, quæ illis antea erant clausæ? Luc. 24. Quomodo Petrus non iudicavit simulationem suam esse Evangelio conerariam? Quomodo rursum idem, Absit, Domine, inquit, quia nunquam mauducavi omne commune & immundum? Hæsitavit enim intra se, quidnam esset visio, quam vidisset. Act. 10. Expediant mihi si possunt Lutherani: cur Eunuchus, in quo sine dubio spiritus Dei erat, locum Elifæ sine externo doctore expedire non poterat, Actor. 8. Explicent & id quoque, quamobrem fideles, qui erant ex circumcisione, disceptabant adversus Petrum, quod ad Cornelium accessisset, si omnia viri iusti iudicare possunt. Exponent item id, quod paulo ante in hac causa retulimus, quidnam Antiochenis impedimento fuit, ut non discernerent doctrinam Pauli veram esse, aliorum vero falsam: sed in senatum Hierosolymitanum retulerunt, ut seniorum, Apostolorumque concilio illa quæstio judicaretur. Adde rem e sacris libris huiusmodi non paucam, nisi in promptu essent. Et ea etiam, quæ posuimus, satis sunt ad evincendam causam. Paulus itaque non vult quævis hominem iustum posse de omnibus iudicare. Erant enim inter Corinthios ipsos parvuli quidam & imperfecti, quibus etiam spiritus ad iustitiam

Respon.
ad 6. & 7.

CAPUT IX.

tiam non deorat, deorat tamen ad ea discernenda mysteria, quæ Apostolus perfectis communicabat: Non potui, inquit, vobis loqui quasi spiritualibus. Tanquam parvulus in Christo lac potum vobis dedi, &c. Per viros igitur spirituales, perfectos intelligit, inter quos sapientiam ipse loquebatur, qui similes Paulo spiritum Apostolicum acceperant, ut scirent, quæ ipsis donata essent, quæ loquebantur non in dotis humanæ sapientiæ verbis, qui breviter sensum Christi peculiari spiritus dono possidebant. Sed ne ii quidem simpliciter omnia dijudicabant, nisi velimus eos per spiritum & Geometras, & Physicos, & Astrologos fuisse. Atque nec spiritualia universa cognoscebant, Nam quædam sibi spiritus reservavit: quædam privatim uni, alia alii revelavit. Est ergo distributio accommodata, utibi, Ille docebit vos omnem veritatem: & ibi etiam: Unctio docet vos de omnibus. Spirituales igitur & Apostolici viri omnia discernunt, hoc est, supernaturalia, & naturalia, spiritualia & corporalia, non singula, sed ea omnia quæ ad salutem fuerint necessaria. Quibus rebus intellectus, nihil est opus respondere ad alterum ejusdem epistolæ testimonium. At vero prima ratio hoc modo elucitur. Non decet veros gravesque Theologos verborum ambiguitate ludere. Non itaque hoc loco Judicium usurpamus pro ejus sententia, qui re ipsa, quam iudicat, superior est. Alioqui si ea semper esset vocis hujus significatio, cum juxta Paulum prophetæ duo aut tres loquuntur, & ceteri dijudicant, oporteret hos qui iudicium ferunt, & Prophetas, & prophetia esse superiores. Afferimus ergo Ecclesiam de scripturis earumque sensu iudicare, id est, discernere humanam a divina, verum a falso. Atque Ecclesia sine usurpata auctoritate, quemadmodum ante constitutus, hanc habet a Christo facultatem. Spiritus, inquit, meus, qui est in te, & verba mea, quæ posui in ore tuo, non recedent de ore seminis tui usque in sempiternum. De qua re quoniam alio loco sumus fuisse disputaturi, nihil est nunc præterea dicendum. Rationes autem, quæ sequuntur, omnes jam sunt in quartæ argumenti responsione confutæ. Pergamus itaque ad reliquas controversias, & institutum ordinem persequamur.

Offendit, illos libros, de quibus erat controversia, habendos esse sine dubio pro canonicis.

IN secunda hujus controversiæ parte polliciti sumus, nos quidem ostenduros, quatuordecim illos libros, qui in dubium sunt vocati, canonicos esse. Id ut fiat quam brevissime, sit prima conclusio.

1. Conclusi.

Baruch a canone sanctarum scripturarum eximere, non solum temerarium sed etiam erroneum est. Erroneum vero hic appello (quoniam varia & ambigua est hujus nominis significatio) id, quod hæresi proximum, hæresim non audeo vocare.

Hæc primum patet ex concilio Florentino sub Eugenio IV. in Decreto super unionem Jacobinorum & Armeniorum, ubi Baruch inter Prophetas & sacros auctores annumeratur.

Deinde Synodus Tridentina sub Paulo III. aperte librum Baruch in canonicis censet. Erroneum igitur est, illum a canonicis excludere. nam & Eusebius libro de demon. Evangel. cap. 19. Prophetiam Baruch divinam esse non dubitat affirmare: Affirmat quoque idem Clemens Alexand. lib. 2. prædag. cap. 3.

Denique in vigilia Pentecostes, nomine prophetæ, toti populo Christiano per omnes ecclesias legitur. Qua in re si ecclesiæ Christi fallerentur, perniciosissime fallerentur. Quid ita? Nempe simul atque populus intelligeret se in re ejusmodi a sacerdotibus iudificari, nullam deinceps certam fidem haberet aut prophetias, aut etiam evangelia proponentibus: ut qui in simili causa atque negotio jam & essent falsi, & sceleratissimi. Quod si hic plebis Christianæ fides vacillat & claudicat, certe ego non video, quo alio in loco possit firma consistere. Eorum autem qui volunt plebem rudem non a Sacerdotum auctoritate pendere, sed per ipsam exquirere, an liber, qui legitur, canonicus sit, jampridem explosa sententia est.

Fateamur ergo, ne in ecclesiæ doctrina graviter erremus, librum Baruch, quem illa nomine prophetæ a multis annorum centuriis legit, inter canonicos esse censendum. Nec enim viro cuique pio persuaderi potest, dum

passurum fuisse, ut populus Christianus tot seculis in re adeo gravi deluderetur.

2. **Concl.** Secunda conclusio. Tobiam, Judith, Sapientiam, Ecclesiasticum, duosque Machabæorum libros a canone rejicere, multo magis erroneum est, ne dicam hæreticum. Augustinus in primis hos etiam sex inter alios canonicos enumerat, lib. 2. de doctr. Christian. c. 5. ubi divinarum scripturarum catalogum intexit, ex communi ecclesiæ procul dubio sententia.

Isidorus quoque 6. etymolog. cap. 1. de his libris loquens ait, quod licet Hebræi intra suum canonem non recipiant, sed ecclesiæ Christiana inter divinos honorat & prædicat libros.

Hanc præterea conclusionem definit Innocentius I. in epist. ad Exuperium Tolosanum Episcop. cap. ultimo, quo loco sanctarum Scripturarum libros inseruit.

Gelasius etiam Papa cum concilio 70. Episcoporum id decrevit, asseruitque hos quoque libros sanctam & catholicam Romanam ecclesiam in ordine veteris testamenti suscipere ac venerari.

Hanc eandem conclusionem docet Concilium tertium Carthaginense. Quod tamen provinciale fuit, confirmatum est tamen & a Leone IV. 20. distin. cap. de libellis, & a Synodo in Trullo celebrata. Nec movere nos debet, quod Trullana illa synodus concilium Carthaginense probasse legitur, non concilia. Quoniam apud Græcos Carthaginense unicum est, quod Græcum vocatur, in cuius 24. c. hæc habetur sacrorum libro rum annumeratio. Tamen Patres Trullanz synodi non concilium Carthaginense probent numero singulari, ut Gratianus accepit, sed canones editos in nova Carthagine.

Postremo. Hanc eandem conclusionem habes apud duo Concilia jam citata, & Florentinum sub Eugenio IV. & Tridentinum sub Paulo III.

3. **Concl.** Tertia conclusio. Hæreticum est, epistolam ad Hebræos inter canonicas non reponere. Primo, quoniam adversatur definitioni omnium Pontificum & Conciliorum sacros libros annumerantium, ut Innocentii I. atque Gelasii, Concilii tertii Carthaginensis, Florentini insuper ac Tridentini, denique Laodicensis. Quod utique Concilium manifeste confirmatum est a synodo Trullana.

Deinde probatur hæc conclusio, quoniam epistola ad Hebræos recepta est in concilio Niceno: ut auctor est D. Thom. in commentariis super eandem. Rem vero adeo gravem vir S. non astrueret, nisi compertum habuisset.

Præterea manifeste id ostenditur ex Concilio Ephesino, cuius verba sunt: Pontificem & Apostolum confessionis nostræ factum esse Christum divina scriptura commemorat: Si quis ergo Pontificem & Apostolum nostrum negat esse factum ipsum Dei verbum, anathema sit. Hactenus concilium. Id autem non alio loco, nisi in epistola ad Hebræos Apostolus dixit. Divina igitur scriptura est: ex cuius etiam solius auctoritate efficax argumentum trahitur ad hæresim revincendam.

Quod si post tam præclara & summorum Pontificum & Conciliorum testimonia sanctos auctores in huius sententiæ confirmationem citare voluerim, vereor mihi illud obijciatur, quod asseram in re non dubia testes minime necessarios. Atqui non est leve argumentum, quod ex communi omnium sanctorum consensione ducitur. Atque ut Græcos scriptores præteream, quorum omnium (ut Hieronymus ad Dardanum ait) manet ad unum firma consensio: utque Latinos omittam reliquos, præter unum Hieronymum (de quo, quid sentiat, postea differemus) D. Augustinus constantissime ubique tenet, hanc epistolam esse canonicam. Nam in lib. 2. de doctrina Christiana in canonem sanctarum scripturarum refert, & tertio de Trinit. ita solidam credit huius epistolæ auctoritatem, ut ab ea (sicut ne ab aliis quidem divinis scripturis) aberrare non liceat: Cumque post Augustini tempora omnes sancti, omnes Theologi, omnes catholici, pro canonica eam epistolam habuerint, quid est, quod sumores isti in meridianam lucem tenebras inferre conantur? Nisi volunt universam Ecclesiam abhinc in ille annos in summo errore, inque magna huius questionis ignorante veritatem: cuius videlicet usum cunctis gentibus nomine Apostoli hæc epistola legitur.

Quarta conclusio. Hæreticum est, epistolam Jacobi in canonicas non reponere. Primo, quoniam Hieronymus in lib. de viris illustribus asserit, hanc (licet aliquando fuerit dubitatum) paulatim tamen procedente tempore

Cap. 10.

Cap. 8.

Cap. 11.

Vide lib. 1. de hieron. (art. c. 27.)

Cap. 19.
Cap. 16.
distin. C.
glossam.

4. **Concl.**

tempore

pore meruisse auctoritatem. Jam ergo vel D. Hieronymi ætate hanc epistolam Ecclesiæ receperat.

Item quoniam Innocentius, & Gelasius, Omciliaque omnia, Carthagenſe, Laodicenſe, Florentinum, Tridentinum, eam inter ſacras reſoſuerunt. His adde Sanctos antiquos, quos nominatim etiam poſtea commemorabimus, omnesque juniores, cum veteribus Theologis ſcholasticis, breviter omnes Catholicos. Uſu quippe Eccleſiæ legitur ubique gentium pro ſacra & Apoſtolica. Abeat igitur Lutherus, & reliſtis graviliſſimis teſtimoniis, ſibi ſoli fidem habeat, reſti ſcilicet integro atque incorrupto. Nos autem ſolido fundamento innixi teneamus illam eſſe canonicam.

Atque ſi ſuper hoc Eccleſiæ fundamentum ſane ædiſſicare volumus, ſecundam Epistolam Petri, duas poſteriores Joannis, & illam aliam Judæ in canonicis numeremus, huiusque contrarium dogma hæreticum cenſeamus. Cauſæ enim omnino ſubſiſtunt eadem, quas dñi paulo ante.

Prima. Quod hujus ſententiæ ſuit Hieronymus in Epistola ad Paulum: Auguſtinus 1. de Doctr. Chriſt. cap. 8. Iſidorus 6. lib. Etymologiarum cap. 1. Damascenus 4. lib. cap. 18. ne omnes ſententiam antiquos. E quibus nullus ex his epistolis tanquam divinis teſtimonia non reſert.

Altera. Quod Innocentius, Gelasius, Concilium Laodicenum, Carthagenſe, Florentinum, Tridentinum, illas comuni conſenſu in Canonicis ſupputant. Id quoniam conſtat inter omnes, ſacramus opus eſt, has eſſe Canonicas.

Postrema. Quod diverſis anni temporibus has Eccleſiæ univerſalis nomine Apoſtolorum proponit & legit. Qua in re (ut eundem locum frequenter urgeam) ſi populus a Sacerdotibus luſtrificaretur, nulla poſtea ratione poſſet adduci, ut ſuis paſtoribus etiam in eandem ſententiam concurrentibus fidem indubitata haberet. Quo male non aliud gravius in Eccleſiam poſſet invadere.

5. Conc.

Quinta conclusio. Librum Apocalypſis a canonicis excipere, hæreticum eſt. Patet in primis, quoniam D. Hieronymo auctore in lib. de Viris Illuſtribus, & in epistola ad Dardanum, & in epistola ad Paulum, & alijs

quoque locis, D. quoque Auguſtino reſerente 1. de Doctr. Chriſti, Eccleſia librum Apocalypſis pro canonico habet.

Item Epiphanius hæreſi 51. quæ ſuit Alogorum, tanquam Hæreticos eos reſellit, qui Joannis ſive Evangelium, ſive Apocalypſum ſcripturam ſacram eſſe negant. Et Clemens Alexandrinus lib. 2. pædag. c. 12. inter ſcripturas Apocalypſum cenſet. Et Dionyſius libro Ecclcl. Hierarch. cap. 3. Evangelizæ Joannis eſſe comprobant. & Orig. apud Euſebium 6. lib. Eccl. hiſtor. cap. 18. Ipſe quoque idem Euſeb. in Chronicis. Ac Dionyſ. Alex. per Dei ſpirum ſine dubio Apocalypſum eſſe ſcriptam affirmat, Euſebio auctore 7. lib. Eccl. hiſtor. cap. 23. Et Juſtinus martyr apud Euſeb. lib. 4. Eccl. hiſtor. cap. 18. extat locus in dialog. cum Tryphon. Et Irenæus lib. 4. adverſum hæreſes. Et Chryſoſt. Suida reſerente. Et Damaf. 4. lib. cap. 18. Nam recentiores prætereo, qui hunc etiam librum ſuis commentariis illuſtrant, Bedam, Caſſiod. Rabanum, Rupertum, Richard. a ſancto Victore, &c.

Quamobrem veriſſime Tertullianus lib. 4. adverſus Marcionem aſſeruit, ordinem episcoporum ab Apoſtoliſ ſuccedentium, hunc eundem ſpirum Joanni Evangelizæ tribuere. Scriptura igitur ſacra eſt, ſi ordini episcoporum ab Apoſtoli� ſuccedentium credimus.

Prætere, Innocentius, Gelasius, Concilium Carthagenſe, Florentinum, Tridentinum, inter libros canonicos habendam eſſe Apocalypſim deſinuerunt.

Prætere, Concilium Toletanum quartum, Apocalypſim, inquit, multorum conciliorum auctoritas, & præſulium Romanorum ſynodica decreta, inter divinos libros recipiendam eſſe conſtituerunt: & quia plurimi ſunt qui ejus auctoritatem non recipiunt, ſi quis deinceps non receperit, excommunicationis ſententiam habebit. Hæc ſententia Concilium.

Tandem, cum uſu Eccleſiaſtico nomine Joannis Evangelizæ, hoc eſt, tanquam ſacra populo legenda propoſatur: dubitare non licet, quin ſe canonica. Quibus rebus & apertiffime expoſitis, & firmiter corroboratis, ſatis docuiſſe videor id, quod ſecunda quaſtionis hujus parte promiſeram, quatuordecim illos libros veteris ac no-

vitelementi honore divino cum sacris reliquis allicendos: habendosque posthac citra controversiam pro canonicis.

CAPUT X.

Cominet argumentationes adversariorum contra ea, quæ capite superiori definita sunt.

Nunc tertia pars argumenta subiiciet, quibus permoti esse videntur, qui adversa dogmata temere & inconsulte tenuerunt. Nam quod Lutherus argumentatur, nullum lib. veteris testamenti a Christiano recipiendum, quia si accipimus Moysen in suo mandato, oportet Moysen torum accipere, circumcidi, & Sabbatum observare, nihil est cur solitari debeamus: cum & Tertullianus libris quinque adversus Marcionem, & Augustinus triginta tribus libris contra Faustum Manichæum, non hoc solum Lutheri argumentum, sed & multa alia copiose, doctèque refutaverint. Præter quam quod multas multorum objectiones, dedita etiam opera in hoc libro dissimulamus: Partim quod frivole sint & nugatorie: docuit autem prudenter Aristoteles, quolibet stulto proferente contraria, non decere sollicitum esse sapientem: Partim, quod sint aut curiosæ, aut inutiles; nec in opere, quod ego & gravissimum & utilissimum fore cupio, expectandum est, dum de remo inflexo, & de collo columbæ respondeam.

1. Argu.

Primum itaque argumentum primam conclusionem præfixam labefactare conatur. Quod Baruch libellum illum nec Augustinus, nec Damascenus, nec Innocentius, nec Gelasius, nec Concilium Laodicenum, nec Cartaginense in numero librorum canonicorum supputarunt: Imo Augustinus, cum totum canonem scripturarum divinarum texere se profiteretur, libellum Baruch in numeratione prætermisit. Et Innocentius, cæteris præter hunc unum supputatis, reliquos asseruit esse damnandos.

Confirmat autem hujus argumenti vim præmiolum in hunc librum. Ubi quoniam in Hebræo canone non habetur, propter notitiam solum legentium adscribi dicitur: Est autem desumptum ex præmio D. Hieronymi in commentaria Hieremæ. Ob quam

etiam causam, cum Hieronymus reliquos omnes Prophetas suos commentariis illustrasset, in hunc nihil prorsus commentatus est.

Secundum vero argumentum secundam conclusionem infirmare nititur. Quod D. Hieronymus in prologo Galeazzo, qui præmittitur libris Regum, & in epistola ad Chromatum & Heliodorum, quæ Proverbiorum præmiolum est, sex illos libros veteris testamenti excipit a canone. Quos autem libros rejicit Hieronymus, Ecclesia rejicit: ut ca. sancta Romana 11. dist. Gelasius tradit. Non igitur sunt canonici.

Confirmatur quoque idem alia argumentatione non levi. Nam Cyprianus in Expositione Symboli eisdem sex libros Patrum auctoritate, a quibus se accepisse ait, a numero sacrorum eximit. Quod idem fecit Melito. Qui quidem ad Orientem hujus rei sciscitandæ causa perrexit, ubi scilicet prædicationis nostræ caput exordium. Cumque diligenter de omnibus exploraverit, omni investigatione comperit, hos libros esse a veteris instrumenti canone rejiciendos, ut auctor est Eusebius, 4. Ecclesiasticæ historiæ libro, cap. 26. Origenes etiam in Psalmum primum hos sex libros cum Hebræis a canone rejicit, quod Eusebius refert lib. 6. cap. 18. Sed & idem Eusebius lib. 6. cap. 11. hos libros a sacris videtur eximere. Nec ab hac sententia alienus est Damascenus 4. lib. cap. 18. nec D. Thomas de Ecclesiastico certus est, sed ne D. quidem Augustinus in libro de cura pro mortuis gerenda. Epiphanius quoque in libello de ponderibus & mensuris, libros Sapientiæ & Ecclesiastici a canone rejicit. Eadem autem est ratio de aliis quinque. Non est igitur tam explorata ista conclusio, quam volumus.

Confirmatur deinde hujus argumenti robor. Quoniam in Concilio Laodiceno ex veteri testamento 11 solum enumerantur, quos Hieronymus numerat. Nec ulla prorsus mentio de sex illis habetur.

Confirmatur præterea idem. Quoniam a Trullana Synodo probantur octoginta quinque capita canonum Apostolorum: At capite 82. non numerantur inter canonicos nec Tobias, nec Judith, nec Ecclesiasticus. Non ergo sunt canonici. Nam hujusmodi libros Apostoli Ecclesiæ tradiderunt:

nec

2. Argu.

1. part. q. 99.
art. 8. ad 1.

Cap. ubi.

per Judam, & Hierusalem. Quos tamen de tribu Juda non fuisse, sed de tribu Levi notius est, quam ut a me sit in presentia confirmandum. Philo siquidem libro 2. de temporibus, ob eam causam, inquit, inimicitias, & similes ortas id temporis fuisse, quod Machabæi ducatur a Domo David surripuerint: id autem manifeste pugnat cum illa Jacob Prophetia, Non auferetur sceptrum de Juda, nec dux de femore ejus, donec veniat qui mittendus est. Quæ singulæ rationes si non movent, at simul omnes movere possunt, non solum indoctos, sed etiam doctos, ut libros Manichæorum non esse arbitrentur in canone. Atque hæ rationes universæ quarti argumenti appendices sunt, ut secunda conclusio labefcatur.

5. Argu.

Nam quintum præcipuum argumentum cum conclusionibus quidem non pugnat: rationem tamen eam, quæ a nobis assertur, non satis firmam esse contendit. Nam Concilium Cartaginense & Innocentius numerant quinque libros Salomonis, Proverbia, Ecclesiasticum, Cantica, Sapientiam, Ecclesiasticum. At hos duos posteriores non esse Salomonis, inter doctissimos quosque fere convenit: ut Augustinus etiam transit de civitate Dei 17. lib. cap. 20. Erravit igitur Innocentius, erravit quoque Concilium. Quocirca nobis quicquam de fide pronuntiare, sed ex opinione loquebantur. Ita nullum aut ex Pontificibus, aut ex Conciliis certum argumentum sumitur ad id, quod volumus confirmandum.

6. Argu.

Sextum etiam argumentum invenitur in eas rationes, quæ duabus istis conclusionibus confirmandis constitutæ sunt. Nam canonicus liber, Latine dicitur regularis. Id vero breviam esse potest. Vel enim regularis intelligitur ad firmandam fidem, vel ad instruendos mores. Ergo licet illi libri a Pontificibus & Conciliis definiatur esse canonici, non cogimus protinus credere canonicos esse ad fidei dogmata confirmanda: sed sat est, si canonicos posteriori significatione fateamur. Sancti quoque auctores eadem religione testimonia ex quarto libro Efdæ referunt, quæ ex his septem, qui a nobis approbantur: ut patet apud Ambrosium, libro de bono mortis, c. 10. & super Lucam, cap. 1. At quantum Efdæ librum, certum est non

esse canonicum. Non igitur ex eo, quod sancti ex hujusmodi libris testimonia tanquam sacra referant, satis ostenditur eos esse divinos.

Septimum argumentum contra tertiam conclusionem est. Quod D. Hieronymus ambigit, an epistola illa ad Hebræos sit canonica: in eo assertur Latinos eam non recipere, ut patet ex lib. de viris illust. in Cajo: & ex commentariis super Esaiam. Eusebius item libro 6. cap. 16. Cajus, inquit, vir disertissimus Pauli Apostoli tredecim esse epistolas assertit, eam, quæ ad Hebræos scripta est, non commemorans, quæ & nuncupat Latinos putatur non esse Pauli Apostoli. Non igitur certum est eam esse canonicam. Dubitat etiam idem Hieronymus de auctoritate hujus epistolæ in lib. de viris illustribus in Paulo: & in epistola ad Paulinum: & in commentariis Hieremix.

Ac ne omnia ad Divi Hieronymi auctoritatem revocetur, ratio hoc idem ipsa suadet. Prima Lutheri est, in prologis dicentis: Ad Hebræos epistola nec Pauli est, nec ullius Apostoli. Nam durum habet nodum, quod in 6. & in 10. capite simpliciter denegat penitentiam peccatoribus post baptismum: & duodecimo cap. ait, Esau non invenisse penitentiae locum, quanquam cum lacrymis inquisiverit eam. Quod est contra omnia Evangelia & epistolas Pauli. Hæc Lutherus.

Alteram quoque rationem adjiciunt viri quidam haud mediocriter in Ecclesia catholica celebres: Quod si Pauli hæc epist. fuisset, procul dubio ad Hebræos ab Hebræo, sermone fuisset Hebræo conscripta: At non esse, multis argumentis suadent. Tum quoniam auctor hujus epistolæ, Melchisedech, inquit, interpretatur rex justitiæ. Quod si Hebræica lingua diceret, absurdum esset, non aliter ac si dixisset, Melchisedech interpretatur Melchisedech. Tum quoniam idem auctor Hebræica testimonia citat, non juxta veritatem Hebræicam, sed juxta translationem septuaginta. Non erat igitur Hebræus Hebræa lingua scribens ad Hebræos. Tum quoniam epistola Hebræica nusquam gentium reperitur. Non est autem probabile, ex omnibus epistolis Apostolicis hanc unam perisse. Nam

7. Argu.

Cap. 2. & 3.

Cap. 17.

Rationem in confirmat. 7. argu.

Cap. 1. & 2. 10.

An Philon. lib. hic sit is, cuius est. Euseb. c. 17. lib. 1. Eccl. hist. l. 2. c. 1. cum indicet librorum Platonis doctrinam hujus libelli non meminit, ita a peritque reperitur.

Gen. 49.

reliques in idiomate, quo ab Apostolo
lunt scriptæ, apud nos servantur.

Tertia insuper ratione suadent au-
ctorem hujus epistolæ non fuisse
Paulum. Quoniam ad probandum He-
bræis Christum esse filium Dei, illo
testimonio utitur, Ipse erit mihi in
filium, & ego ero illi in patrem. Quod
tamen in germano literæ sensu de Sa-
lomone intelligitur: ut patet in lib. 1.
Reg. & in 1. lib. Paralipomenon. De-
decet autem tantum Apostolum in tan-
ta re, idque in principio epistolæ,
Hebræis pertinacibus loquentem, ar-
gumento imbecillo uti.

Quartam adhuc rationem addunt:
Quoniam auctor hujus epistolæ asse-
rit, se in doctrina Evangelica ab his,
qui dominum audire, confirmatum.
Cap. 1. At Paulus ad Galatas clamat, se non
didicisse Evangelium ab homine, sed
fine homine per revelationem Jesu
Christi.

Quintam rursus apponunt, quod
hujus epistolæ auctor loquens pro-
prie de testamento, qua ratione a pa-
cto distinguitur, probat vetus quoque
Testamentum morte ac sanguine con-
firmatum: probatque Exodi testimo-
nio, ubi tamen Moyses non de testa-
mento proprie, sed de pacto loqueba-
tur. Non est igitur ille Paulus, ut qui
minus apte refert sacramentum testimo-
nia literarum.

Postrema ratio est, quoniam ejus-
dem epistolæ auctor asstruit in arca
fuisse urnam mannae, virgam Aaron,
& tabulas: cum tamen tertio libro
Reg. expresse dicatur in arca non ni-
si tabulas fuisse. Nec igitur Pauli est,
nec epistolæ canonica, utpote quæ
cum libro canonico evidenter pignet.
Ecce quibus rationibus Erasmus
Roterdamus, & hunc secutus Caje-
tanus tertiam conclusionem moliantur
evertere.

Quartam vero conclusionem infirma-
re conantur argumentis ejusmodi.

1. Argu. Salutatio epistolæ, quæ Jacobi in-
scribitur, nihil Dei, nihil Jesu Chri-
sti, nihil gratiæ pacifice sonat: sed
profano more salutem dicit. Non er-
go sapit Apostolicum usum & aucto-
ritatem. Quare non videtur Jacobus
auctor ejus epistolæ, atque adeo ne
alius quidem Apostolus. Cujus rei alia
conjectura est apud Euseb. lib. 2. hist.
Eccles. cap. 23. de hac epistola disse-
rentem his verbis. Sciendum tamen

est, quod a nonnullis non recipiatur,
nec facile quis antiquorum meminerit
ejus. Nam quod Lutherus pingui Mi-
nerva argumentatur, hanc epistolam
nullius Apostoli esse, quia contra Pau-
lum tribuit operibus justificationem,
& a viris doctis prorsus contemnend-
um est, & a nobis dissimulandum,
ne de fide & operibus 2227, 2777c disse-
ramus.

Nonum argumentum adversus ean-
dem conclusionem intenditur. Quod
stylus epistolæ secundæ, quæ Petro
tribuitur, longe alius sit ab stylo pri-
mæ, ac proinde non sint ab eodem
auctore conscriptæ. Certum est au-
tem, auctorem primæ fuisse Petrum
Apostolum. Non igitur secunda a Pe-
tro Apostolo scripta fuit. Ob hoc e-
nim argumentum, de illa secunda epi-
stola in epistola ad Cyprianum Hier-
onymus dubitat. Argue Eusebius li-
bro tertio, cap. 3. de secunda Pe-
tri multis, inquit, incertum est,
&c.

Decimum argumentum in eandem
conclusionem est. Quod Eusebius li-
bro tertio Eccles. hist. eorum sen-
tentiarum subscribit, qui asserunt duas po-
steriores Joannis epistolas non esse
Evangelistæ, sed cujusdam Joannis
cognomento presbyteri: Unde & sa-
lutationis harum epistolarum hujusmodi
est: Senior Cajo, Senior Electæ. Est
autem idem senior, qui presbyter.
Sed etiam Hieronymus in hanc Eu-
sebi opinionem liquet descendisse, in
libro de viris illustribus, cum & Jo-
annis Evangelistæ, & Papæ vitam o-
peraque texeret.

Undecimus eandem item conclu-
sionem labefactare condecit. Quod
epistola Judæ testimonium refert ex
libro Enoch apocrypho. Quamobrem
multi eam merito rejecerunt. Nam
plerosque rejecisse Hieronymus auctor
est. Eusebius item 3. Ecclesiast. hist.
lib.

Postremum argumentum contra quin-
tam conclusionem multis conjecturis
nititur, quas omnes congesti Erasmus
in annotationibus in Apocalypsim.
Igitur quantum complexor animo,
novem causas reperit, cur Apocalypsis
non esse Joannis Apostoli & Evan-
gelistæ videatur. Unam, quod Eusebius
libro 3. hist. Eccles. asserit, Apoca-
lypsim non esse Joannis Evangelistæ.
Alteram, quod Dionysius Alexan-

9. Argu.

10. argu.

Cap. 25.

11. Arg.

Cap. 25.

Arg. 12.

Cap. 19.
Euseb. lib. 3.
cap. 23.

Arinus, gravis imprimis auctor, & qui candidissime de hoc libro iudicavit, suspicatur opus ab alio quopiam Jeanne concriptum. Tertiam, quod Dorotheus Tyri Episcopus ac martyr, prodidit Joannem Evangelium suum scripsisse in insula Pathmo, de Apocalypsi autem nullam omnino facit mentionem. Quartam, quod Cajus, vir sane orthodoxus aperte negat, Apocalypsim esse Joannis Evangelistæ, apud Eusebium libro 7. cap. 21. Quintam, quod Anastasius in suo catalogo, ubi sine controversia de hujuscemodi rebus accuratissime disputavit, non audeat affirmare, hoc opus esse Joannis Evangelistæ. Sextam, quod Joannes Evangelista nomen suum per modestiam in Evangelio tacet, auctor vero Apocalypicos suum contra nomen frequenter inculcat. Septimam, quod Græci hunc librum non receperunt, ut auctor est Hieron. ad Dardanum: imo multi eruditissimi viri totum librum cœu fictum insectati sunt, quasi nihil haberet Apostolicæ gravitatis, nec in sententis quicquam esset, quod Apostolica majestatis dignum videretur. Octavam, quod stylus Evangelii & hujus libri magnopere discrepant. Nonam, quod in Græcis codicibus non erat titulus Joannis Evangelistæ, sed Joannis Theologi, qui alias Presbyter cognominatus est. His conjecturis Erasmus utitur, ut hunc librum Joanni Evangelistæ adimat. At Lutherus nec Apostolicam, nec Propheticam existimat, quod beatos dicat eos, qui servant quæ in ea scripta sunt, cum tamen nemo sciat, an felix sit an non sit: & præterea cum humana intelligentia scripturam illam penitus non assequatur, tantumdem (inquit) est, ac si eam non haberemus. Quippe divini libri, quoniam ad populi utilitatem accommodantur, ab humana intelligentia non sunt prorsus remoti. En argumenta, quibus fidei veritas impugnari quidem ab hominibus potest, vici certe, aut superari non potest. Quod parte hujus questionis ultima palam fiet. Ubi eorum argumentorum, quantum quodque valeat, quantumque idoneum sit unumquodque videbimus.

Vide etiam
eundem lib.
c. 27.

CAPUT XI.

Ubi confutantur argumenta capituli
nunc proximo posita.

NON ego catholica dogmata crassissis istorum circumfunderem tenebris, nisi lumen possem accendere, quo quasi sole ex oriente fugerentur. Ahoqui in hæreticorum argumentationibus recitandis digitos ad sonites solum intendere, ne videlicet ludentæ illorum aquæ in nostra scripta deriverentur, consilium est amicorum quidem, sed (nisi me fallit amor) timendum ubi non est timor. Existimarent namque imperiti argumenta esse majora, quam ut a nobis refelli possent, si aut summam & breviter perstringeremus, aut certe omnino dissimularamus. Mucronem itaque adversariorum ipsi, qui acuius, retundemus.

Nam ad primum argumentum tactis respondere possumus, non omnes libros canonicos esse simul ab universa Ecclesia receptos, quo fieri potuisset, ut quem priora Concilia minime recepissent, eum posteriora confirmarent: Respondemus tamen (idque verius) Baruch prophetiam tanquam partem quandam Hieremæ fuisse a veteribus computatam. Quod (ne nostrum videatur esse commentum) testimonii antiquitatis roborandum est. Augustinus in primis tradit hoc 18. de civit. Dei lib. hæc in verba. Prophetans autem de Christo Hieremias, Hic Deus meus (inquit) & non estimabatur alter ad eum: Posthac in terris visus est, & cum hominibus conversatus est. Atque e vestigio Augustinus hoc testimonium (ait) quidam non Hieremæ, sed Baruch scribæ ejus attribuunt: sed Hieremæ celebratus habetur. Et auctor li. qu. vet. & nov. testam. qu. 102. sive Augustinus, sive quicunque tandem alius is fuerit, Caliod. etiam in Psalm. 81. Chrysostomus quoque idem testimonium nomine Hieremæ citat, in homil. quadam de Trinitate. Sexta etiam Synodus sess. 8. refert ex ejusdem Chrysost. altera homilia, cujus initium est, Proinde scilicet, nomine Hieremæ illud idem testimonium. Clemenens item Alex. lib. 1. pædag. cap. 10. illud, Audi Israel mandata vestra, &c. quod

Respon.
ad 1.

Cap. 11.
Baruch 1.

Ba-

Baruch 3. nos habemus, Hieremix assignavit : & l. 2. c. 3. referens illud, Ubi sunt, &c. divinam scripturam vocat. Et Basil. 4. lib. contra Eunomium super illud, Ut cognoscant te solum verum Deum : Ambrosius item libr. 1. de poenitentia, cap. 8. & lib. 3. Exameron, cap. 14. & lib. 1. de fide cap. 2. ex eodem lib. sub nomine Hieremix testimonia referunt. His adde Sixtum Papam in epist. sua prima ad omnes Christi fideles. Felicem in epist. ad Petrum Episcopum Antiochenum in 5. Synodo condemnatum. Pelagium denique in epistola ad Vigilium. Ecce qui libellus Baruch nomine nunc legitur, eum olim antiqui Hieremix tribuebant. Efferque difficile credere, nisi testes hujus rei certissimos haberemus, quorum auctoritate primum illud argumentum, difficulter quidem, sed abunde tamen elulsum.

Ad confirmationem autem facilius responderi potest. Fateor enim tempore D. Hieronymi, quod nunc tenemus, id non fuisse adeo certum, Sed quemadmodum ante tempora Hieronymi, licet quidam asseruerint epist. Jacobi ab alio sub nomine ejus editam: tamen paulatim (ut idem ait) procedente tempore, obtinuit auctoritatem : & epistola Judæ, quam a plebisque Hieronymus astruit fuisse rejectam, auctoritatem usu meruit : Ita & l. iste Baruch, quamquam olim a quibusdam non iuriter receptus, modo tamen dignus est habitus, qui ab Ecclesia & Conciliis universalibus recipitur.

Re'pon. ad 2. Secundum quoque argumentum facile diluitur. Nec enim verum est, in libris canonicis decernendis Ecclesie regulam esse Hieronymum, quod Cæcilianus perperam, ne dicam perniciose, exultavit. Hieron. quippe (ut Joan. Cochleus vere dixit) in enumeratione canonicorum librorum veteris Testamenti, Josephum secutus est : qui in 1. lib. adversus Apionem ex majorum suorum traditione, ut inquit, 22. libros enumerat. Auctor est Euseb. lib. 3. c. 9. & 10. At August. non Judæos, sed Christianos in ea re sequitur, & recte hic quidem : Nam Ecclesia gentium columna est, & firmamentum veritatis. Probatum vero a Gelasio sententia Hieronymi non in canone sanctorum scripturarum consti-

tuendo, sed in his auctoribus condemnandis, quos Hieronymus zelo Dei & fidei religione reprehendit. Atque ad secundum argumentum hæc factis dicta sunt.

Nam ad primam ejus confirmationem respondeo (id quod doctiores fere credunt) lib. illum non esse Cypriani, sed Rufini. Certe D. Cyprianus in epistola ad Rogatianum, Ecclesiasticum, & in libro de habitu virginum, Sapientiam, ut divinos liberoscit : quod vero Rufinus asserit, ex patrum traditione eos libros a canone rejiciendos (pace lectoris dictum sit) patrum traditiones ignoravit. Tertium namque Carthagenense concilium, quod hos inter canonicos numeravit, dicit se a patribus accepisse : & August. lib. 1. de prædest. Sanctorum, proximos Apostolorum affirmat librum Sapientie tanquam divinum citavisse. Atque Dionysius ex eodem libro magno præstationis honore testimonium allegat inquiri, In Primis scripturarum institutionibus quandam de divina sapientia dixisse comperies, Amator factus sum formæ illius. Quid omnes commemorem? Hieronymus in primum caput Hieremix ut librum prophete citat: Ambrosius autem 1. lib. de fide. Gregor. 18. moralium, & concil. Sardicense in epistola ad omnes Episcopos, ut divinum librum Sapientie referunt, Concilium demum Tolentanum undecimum in consensione fidei sanctam esse scripturam asseverat.

Quid Ecclesiasticum? Ut divinum citat Clemens Alexand. 7. lib. Strom. Ambros. serm. 31. & lib. 4. de fide. Evaristus Papa in epistola prima ad Episcopos Africanos: Sixtus secundus in epistola ad Gratian Episcopum. Utrumque autem lib. divinum scripturam esse, tanquam rem certam in fide tradit Epiphanius hæresi 76. Anomæorum. Non igitur patrum traditione eos libros Rufinus, sed suo potius sensu recitavit. At eo tempore, quo res nondum erat definita. Qua etiam ratione & reliquos excusamus. Nam quod D. Tho. in eam sententiam advocat, id ferendum nullo modo est : ut ex 1. parte, q. 1. art. 3. colligere licet, & ex commentariis in quartum caput de divinis nominibus. Sed in illa quest. 89. nihil de suo dixit : quin ad verbum retulit Augustinum,

C. 4

Qua

4. c. de de
vial. nom.

Cap. 4.

Cap. 6.

Cap. 4.

In fine
ad lib. 4.
in resp. ad
de ante Pa-
ris in da-
m. cap. 27.
4. in prae-
p. Gelasio
sunt Eccle.

Qui tamen quam haberet constantem firmamque sententiam lib. 2. de doct. Christiana cap. 8. & l. 17. de Civitate Dei, c. 8. & ad Horosium contra Priscilianistas, cap. 11. imo eo ipso libro de cura pro mortuis gerenda, c. 17. manifeste declaravit.

Secunda autem confirmatio, quæ ab auctoritate concilii Laodicem sumitur, imbecilla est. Non enim concilium negat esse canonicos: licet inter canonicos noluerit annumerare: quod nondum ea res satis erat explorata. Videlicet (quod sæpe jam diximus) non omnes simul libri canonici ab Ecclesia sunt communi consensu recepti.

Ad tertiam vero confirmationem (quoniam nihil in præsentia de auctoritate canonum, qui dicuntur Apostolorum, disputare volumus; nam hæc questio ab ea, quæ nunc in manibus est separatur) dupliciter respondemus. Prius, ne quis ejusmodi argumento nos velit urgere, intelligat eodem cap. 84. tres Machabæorum libros inter canonicos supputari. Quod si Apostolorum hos octoginta quinque canones recipere cogitur: respondeant hic ipsi nobis, qui Machabæorum lib. rejiciunt: sin autem (ne contineantur, hos esse canonicos) testimonium hujus capituli contemnunt, jam profecto non est, cur pondere illius nos velint obnuere. Sed hanc disputationem (ut diximus) in aliud tempus reservantes, quod ad præsentem locum satis est, alteram responsum subijcimus: Clementem, qui eos canones dispersos in unum volumen congregasse dicitur, non omnes libros canonicos collegisse, quos Apostoli verbo tenus Ecclesiæ tradiderunt. Non n. aliunde vel concilia, vel Patres Apostolorum proximi, hos esse sacros, quam ab Apostolis ediderunt. Ait tamen Iren. lib. 3. c. 3. referturque ab Euseb. lib. 5. cap. 6. Clementem, quoniam cum Apostolis vitam semper egerit, atque ab Apostolis institutus fuerit, recentem gessisse traditionis eorum memoriam, & eorum formam semper in oculis habuisse. Ita si hæc responsio non placeat, detur alia, non omnes illos canones a Clemente editos: sed nonnullos a Græcis adjectos esse.

Ad postremam denique confirmationem, hujusmodi habeto responsum. Ut cum iis liberaliter agamus, donemusque eis Synagoga in fide errare non

posse (quod tamen non perinde, ut de Ecclesia catholica certum est) negamus hos libros a Synagoga esse rejectos. Aliud est enim non recipere, aliud vero rejicere. Judæi ergo intra suum canonem hos quidem libros publica auctoritate minime receperunt: tametsi nonnulli etiam ex eis divinos, & sacros esse crediderunt. Qua de re vide Cochlaeum in libello de canonicæ scripturæ & catholicæ ecclesiæ auctoritate. De secundo igitur argumento hætenus.

Ad tertium autem præcipuum argumentum respondetur, ante id temporis nec rem fuisse tam expeditam, nec conciliorum lectionem tam assiduam, nec hæreticorum impudentiam tam procacem in libris canonicis vel infirmandis, vel etiam rejiciendis. Quocirca, non fuerunt perinde solliciti fideles de hujusmodi questione: cujus definitionem sine jactura pietatis poterant ignorare. Quod si argumentum idem contorquere in adversarios volumus, nihil est, quod facilius efficere possimus. Nam (ut ex concilio primo Toletanodidicimus) si quis dixerit, vel crediderit alias scripturas præter eas, quas ecclesia catholica recipit, in auctoritate habendas esse, vel venerandas, anathema est. Cum ergo plerique (quod retro nos ostendimus) hos libros tanquam divinos venerentur, certe si ecclesia non reciperet, in anathema concilii Toletani pariter omnes incurrerent. Ne igitur hos audacia & temeritatis condemnemus, illos potius ignorantia laborasse concedamus. Imo cum perniciosius ecclesiæ sit libros recipere pro sacris, qui revera non sunt, quam librum rejicere, qui alias verè sacer est (ut D. Thom. prima parte quest. 68. artic. 1. & de potentia quest. 4. artic. 1. latius explicat) cum concilium Carthaginense, Florentinum, Tridentinum, Innocentius, Gelasius, ac fere sancti hos libros tanquam sacros Ecclesiæ tradiderint, profecto si ii non essent, perniciosissime falleretur. De tertio igitur argumento satis dictum est.

Ad quartum vero argumentum primo dicitur, quod Gelasius forsitan unius libri nomine ambos complectitur: quod etiam in Esdra non ipse modo fecit, sed & Ildorus & Hieronymus, qui Esdra interpretatus, unicum edidit, sequens Hebræorum

Cap. 11.

Respon.
ad 3.Respon.
ad 4.6. Eusebius
cap. 6.

rum consuetudinem, qua Esdras primus & secundus liber in uno est, ut Origen. in primum Psalmum docet, & Eusebius lib. 6. capitulo 18. Hanc autem mentem fuisse Gelasii, vel illud abunde magnum argumentum est, quod idem ipse probat lectionem scripturarum, quæ per anni circulum distribuuntur, librum autem Machabæorum pro Dominicis Octobris, in quibus ambos ecclesia legit. Deinde respondetur, Gelasium de secundo libro ambiguum forte sententiam tenuisse: eo quod consilio in enumeratione eum librum prætermisisset. At August. 18. de civitate Dei, & Isidorus 6. Etymologiarum, utrumque Machabæorum ab ecclesia recipi asseverant; quod & in præmio horum librorum asseritur. Nec id modo in dubium vocare licet, quo D. Gregorio, Euseb. atque reliquis licuit aliquando dubitare.

Jam ad primam rationem, quæ in hujus quarti argumenti confirmationem asseritur, Joannes Annii in commentariis super secundum librum Philonis de temporibus tradit, libros Machabæorum, qui absque temporibus scripti erant, Josephum adjectione temporum apocryphos reddidisse. Ostendit vero id argumentum, quo nos uti sumus: quo eodem Joannes quoque Lucidus permotus est 4. suæ chronographiæ libro. Unde autem Annii nos ter accepit aut sine temporibus Machabæorum olim libros haberi, aut Josephum adieciisse tempora (ingenue fateor) me præterit. Sed si id verum est, quemadmodum mendum, quod in numeris facillimum est, non auctoribus, sed librariis imputatur, ita menda, quæ Josephi per incuriam inducta sunt, non auctori libri Machabæorum, sed Josepho tribuimus, nec ob id libros hos apocryphos existimabimus. Tametsi Josephum germanam veramque catholicorum lectionem vitiasse, viris ecclesiasticis omnibus dissimulantibus, atque adeo conniventibus, mihi quidem non fit verisimile. Nisi volumus mille quingentos annos, & eo amplius ecclesia in utramque aurem dormitante, inimicum hominem zizaniam supereminasse. Quamobrem, multo melius Euseb. Cæsariensis licet hos libros non crederet in sacrorum numerum referendos, asserit tamen auctorem illorum non supputare Græcorum regnum ab Alexandro, sed a Seleuco Nieanore, qui regnavit in Syria, anno a mor-

te Alexandri exacto undecimo. Cui numero si addas quinque annos, quibus Alexander tanquam Monarcha imperavit Græcis, conficitur numerus annorum exactus sexdecim. Quibus minor erat supputatio Monarchiæ Græcorum juxta rationem Hebraicam. Nam Græci ab Alexandro supputabant. Igitur quod juxta annalia Græca Antiochus regnasse dicitur anno centesimo quinquagesimo tertio & juxta primum Machabæorum anno centesimo trigesimo septimo verborum, non rerum dissensio est. Quippe, si centesimo trigesimo septimo sexdecim adjicias, numerus centesimo quinquagesimus tertius conficitur. Joannes vero Lucidus in eo discrepat ab Eusebio, quod scribit Alexandrum post adeptam Monarchiam annos septem regnasse, Seleucum vero anno octavo post mortem Alexandri jam exacto. Sed quod ad præsentem attinet questionem, non admodum refert, utrum ex his verum sit, eum supputatio præcipua, de qua hic agimus, minime varietur.

In hujus vero confirmatione argumenti Ambrosius Catharinus Cajetanum affirmat tot peccata admisisse, quot verba bene effudit. Sic enim ille loquitur. Nec advertit homo ad carpendum promptulus, se quoque in reprehendendo Cajetano sæpe ac multum errasse. Hoc certe loco ter erravit. Sed istius errores eoarguere nec meum est, nec hujus temporis. Quid ergo? Nonne hic peccavit Cajetanus? Peccavit sane. Primum in eo, quod temere & inconsiderate, ne superbe dicam & arroganter, auctorem libri Machabæorum ait in intelligentia Danielis esse deceptum: quem constat Spiritui sancti assatu eum librum scripsisse. Deinde falso existimat Cajetanus, si auctor libri Machabæorum verba Danielis usurpat, idcirco Daniele interpretari: Quasi non licuerit Bernardo verbis scripturarum passim uti: quas si arguat ab ipso male intelligi, quod verba non in eum asserat sensum, qui scripturarum erat germanus & proprius, is stultus esse videatur. Certe Poetæ recentiores veterum versus etiam integros usurparunt elegantissime: nec tamen priorum illi versus a posterioribus in eadem sententiam capiuntur. Fallitur præterea Cajetanus in eo, quod putat Danielis prophetiam non potuisse ad Idolum Antiochi referri, quia Domi-

Quoniam
autem inte-
grum: ad re-
gravi trans-
gressa & in-
fractum me-
tes.

L. 4. c. 3.

nas

Cap. 16.
Cap. 1.

Respon-
ad rati-
on. 4.
argum.
Antiochus
libros Phil-
onistat, ut
duci me-
rent.

nus ad futura tempora referendam declaravit. Eadem quippe scriptura & ad Luciferum pertinet, & ad Nabuchodonosor, & ad Antichristum. Vanissimum ergo fuit auctorem libri Machabæorum reprehendere, quod in idolo, abominatione, & desolatione Antiochi ad verba Danielis alluserit, vel ea certe in simili causa usurparie. Nam etsi in illum sensum Danielem adduxisset, id fecisset egregie, quod & Paulus, & Apostoli cæteri sæpe fecerunt.

At secunda ratio duobus modis refellitur. Prius enim nihil impedit, ut Spiritus S. scriptori assiliet, qui in quibuscumque tam humano more ex modestia loquitur. Sic enim Paulus ait, Etsi imperitus sermone, non tamen scientia. Et rursum, Ut minus sapiens dico plus ego. Et iterum, Donate mihi hæc injuriam.

2. Cor. 11.

2. Cor. 12.

Posterius, aliud est loqui de ipsius historie veritate, aliud de interpretatione in aliam linguam. Interpret ergo veniam petit, non falsitatis, que nulla erat, sed elocutionis, que ab homine erat. Secunda igitur illa ratio hac duplici repositione convellitur.

Sed & tertia bis quoque confutari potest: & quia non est opus confiteri epistolam, cujus in priori fit mentio, eam esse, quæ e veit quo subditur: & quod si esse quis contendat, habet in promptu quid dicat, puncta librorum incuria esse male distincta. Illa enim verba, Anno centesimo octogesimo octavo, non sunt initium epistolæ sequentis, sed finis antecedentis: Ut subsequens epistola hoc principium habeat, Populus qui est Hierosolymis. Cujus rei illud est argumentum, quod diem, annumve, quo scribitur epistola, non ab initio statim, sed a fine ponere solemus: salutationem vero statim a principio. Tamen si utrumque Constantinus & in epist. ad Donum Papam, & in epistola ad Georgium Conitant. Patriarcham, conjunxerit. Quæ igitur secundo loco ponitur, hæc scripta est anno centesimo sexagesimo nono, ut in priori epistola dicitur. Quæ vero ordine quidem scripturæ antecedit, sed re ipsa tamen posterius missa est, ea scripta fuit anno centesimo octogesimo octavo.

Ita ad quartam rationem facile dici poterat (quod ante monuimus) illam Epistolam non esse ejus prior meminit. Quare nec necesse est fieri, eam esse

scriptam anno centesimo sexagesimo nono. Quia compilerator illius secundi libri, siue is fuerit Josephus, ut Anno placet, siue quisquam alius, quæcumque epistolam invenire potuit a Judæis scriptas, nullo servato ordine, in initio libri forsitan collocavit.

Quod si secundam illam esse admitimus, quam commemorat prima, dicere oportet, numerum non secundum Hebræicam computationem haberi, sed secundum Græcam. Potuit enim (nec id incommode) fieri, ut qui eas literas dederint, ii Græcam monarchiæ supputationem fuerint secuti: quam tamen is, qui librum illum dicitur in compendium redeigisse, noluit immutare, sed exhibere numerum, ut scriptum reperit. In aliis vero secutus est semper supputationem Hebræicam. Judas itaque mortuus est juxta Hebræorum rationem, anno centesimo quinquagesimo secundo expleto: hoc est, anno centesimo quinquagesimo tertio. Quibus si apponas sexdecim annos Græce supputationis, concordat numerus centesimis sexagesimis nonus: qui idem est cum priori. Nani, quo anno Judas mortuus est, scripsit epistolam. Ita non est necesse cum Ruperto, libro de victoria verbi, alium a Machabæo Judam divinare, qui eam epistolam dederit.

Lib. 10. de
vict. verb.
c. 15.

Ad quintam, non desunt, qui existimant non Antiochum membratim divitum, sed ducem ab eo missum: sic enim videtur 1. capite significari: illum vero singa elapsum morbo pestilenti interiisse, ut capitulo 9. dicitur. Sunt etiam, qui contendunt in cap. illo 1. particulam, Et, adjectam esse librorum vicio; lectionem autem veram hanc esse: Percussit ducem, & eos, qui cum ipso erant, diversim membratim, &c. Scio autem verbum, percutere, interdum significare, id quod occidere: Ut eo loco: Percussit Philistæum, &c. Et ibi 2. Percussit Saul mille, &c. Sed non cogitur hic, vocabuli propria significatione deserta, ad dictionem confugere figuratam: preteritum cum Danielis 11. cap. de Antiocho scriptum sit, Et venient super eum Romani, & percutietur. Quo loco Hieronym. Percussus, ait, dicitur esse, non quod interierit, &c. Et 2. Reg. 21. Servi David percussissent de Benjamin 360. qui & mortui sunt. Sed ne illud quidem huic expositioni repugnat,

Ioh. 7.

gnat, quod Liranus objicit, Antiochum (ut hic dicitur) cecidisse. Non enim semper eo verbo mors significatur: sed qui victus est, cecidisse vere asseritur. Ceciderunt, inquit, per prona fugientes. Sed ne illud quidem obstat, quod ibi legitur: Cum ingressus esset intra ambitum sani, clausurunt templum: Cum autem intrasset Antiochus, &c. ubi videtur designari, Antiocho concluso nullum fuisse locum fugiendi reliquum. Non enim intelligendum est templum clausum post ingressum ducis: sed cum milites essent intra sani ambitum: ut, si exempli causa dicamus, in atris sacerdotis clausurunt januas templi. At contra, cum milites Antiochi aditum templi occultum aperuissent, ut cognita res est, lapidibus sunt a Judæis obruti. Potuit ergo dux ipse percussus, si ducis nomine Antiochus intelligitur, quo aditu aperto intraverat, exire atque fugere. Ob quam supram cap. 9. dicitur, inhoneste ac turpiter de Perside rediisse. Sed ne rimulas querere ad elabendum videamur, illa responsio & planior & verior est, cui historicorum gravium consentit auctoritas; non eundem esse Antiochum, de quo primo capite, & de quo capite nostro perhibetur: sed ibi Antiochi Magni mortem scribi, hic vero Antiochi Epiphanis. Cujus etiam finis primi libri capite sexto textitur. Nam illum Strabo libro 16. ait templum Beli expoliare conatum, finitimos Barbaros interemisse.

Ad sextam, licet Rupertus omnia ea figurate velit intelligi de arca novi testamenti, id est, humanitate Jesu Christi: ad litteram tamen miraculum illud vel jam factum est, cum expulsus gentibus a Judæa Hebræi ex diversis locis, ubi erant dispersi, convenerunt: vel forte etiam in conversione Judæorum autem diem judicii futura, fiet.

Nec nostris conjecturis divina promissio delubritanda est. Est enim Deus verax, omnis autem homo mendax.

Postrema deum ratione solvenda varie torquentur auctores. Alii nanque fingunt, Machabæos per matrem a tribu Juda originem ducere: eaque ratione descendunt, sceptrum de Juda non esse translatum. Alii sequentes traditiones Thalmud, asserunt, Machabæis quoque existentibus ducibus, fuisse judices quodam ex tribu Juda, penes quos summa decernendi atque imperandi potestas resi-

deret, qui Hebraice *Zanadrin*, Latine *senatus*, ut apud Romanos, appellabatur. Unde illud est, Populus qui est Hierosolymis, sena usque & Judas, &c. Hos itaque cum Herodes, qui primus ex alienigenarum genere ortus, regnum Judaice gentis obtinuit, in odium Davidici regni, de medio insulit, tunc vere sceptrum de tribu Juda dicitur abtulisse. Alii hunc nodum solvunt, affirmantes illam Jacob Prophetiam, promissionem fuisse ad legem comminationum intelligendam: quæ scilicet mutatis moribus commutetur: & quemadmodum sententia adversus Ninivitas post penitentiam translata est, ita quoque hæc divina promissio, filius Juda peccantibus tribu commutata. Quam quidem normam in explicandis cum comminationibus, tum promissionibus ex Ezechiele desumunt: apud quem Dei & comminatio & pollicitatio pro conversis, aut averis hominum moribus transferuntur. Nos vero, quibus consilium est, alienas expositiones non inimice aut insectari, aut repellere, facilius hunc locum expediemus, si ex primo Machabæorum libro intelligamus, populum Judæorum ducatum Machabæis tradidisse, non tantquam proprium & hereditarium, sed ad legem depositi conservandum; ut videlicet Israëliticam plebem interea tuerentur, donec surgeret Propheta fidelis, vel qui eos instrueret, vel quem de tribu Juda venturum expectabant. Quæ re sceptrum de tribu non auferebatur: eo præsertim, quod ipsa quoque tribus in hoc populi conductum sententiamque a principio saltem creditur consensisse. Quartum ergo argumentum cum suis confirmationibus hoc modo fuerit confutatum. Nam quod argumentum Cajetanus in Matthæi 24. cap. ponit, auctorem libri Machabæorum errasse in interpretatione Prophetiæ Danielis, quam ad Antiochum ille refert, cum Lucas ad exercitum Romanorum perspicue regulerit, id nullius momenti est. Eadem quippe littera & ad Nabuchodonosorem & ad Antichristum spectare potest. Sic eadem & ad Antiochum, & ad Idolum Romanorum, & ad Antichristum pertinet. Quæ omnino res, quoniam nihil obscura est, nostra explicatione non eget.

At quantum argumentum refellimus. Respon. Non modo concilium Carthaginentis, ad 5.

*Ezech. 31.
vid. 2. Reg.
9. & 1.
Reg. 9. de
promissione
filii David.
vid. facta.*

Miller, J. P. F.
225 Clifton
in 1911 88.
26 89 & 94.
Fr 1 100.
Euler, c. 18.

Cat. 18.

Cap. 19.

Cap. 14

Vide ea, quae
In confusis.
2 argum. effi-
Hieron. re-
Cecilius.

rex epistolam scripserit, si vere scrip-
sit. Unde nihil obstat, ut in care-
quæ ad fidem non pertinet, Innocen-
tius & concilium Carthaginense com-
munem antiquorum opinionem seque-
rentur. Nec proinde tamen in libris
canonicis enumerandis errare potuere,
quippe quod ad fidem attinere certum
sit.

Deinde, ut has duas responsiones prætermitteremus, habemus aliam multo potiorē: quā ex Euseb. lib. 1. præparationis Evangelicæ Joannes Driedani expressit. Cum enim Salomone juxta scripturam, locutus fuerit tria milia parabolarum, & carminum quinquē milia, quæ non sunt in unum ali- quod volumen à Salomone coacta; fue- runt alii atque alii, qui sententias Salomonis (paras collegerunt, ut patet Proverbiorum c. 25. Ita Augustinus Eugubinus securus Rabbi Moyses & Thalmudistas, credit Eliam libros Salomonis scripsisse: Quod equidem incertum habeo: illud vero exploratum, sententias librorum, qui Sapientiales vulgo nuncupantur, à Salomone quidem fuisse primum excerptas, sed non à eodem auctore collectas. Unde & Jesus Syrach in Ecclesiastico, non ait se protulisse, sed renovasse sapientiam de corde suo. Hujus ergo rei Innocentius & concilium Carthagenēse non ignari, optima ratione hos omnes libros Salomoni dederunt. Ac de quinto argu- mento hæc dixerimus.

Sexturn vero argumentum Cajetani est, in fine commentariorum super libros historicos veteris Testamenti. Pudet autem virum alioqui ingeniosum & doctum, virum pium, ac nostrae familiae columen, vano distinctionis novae commento argumentum finissimum eludere voluisse: atque, ut leviori plagae repelleret, graviorem accipisse. Cum enim nomen libri canonici apud scriptores omnes, uno excepto Cajetano, pro sacro atque divino sumatur, non modo comprehendi an.imo, sed ne suspicione quidem potest attingi, Pontifices & concilia omnia aliter vocabulum usurpare, quam erat in usu universorum. Deinde concilium Carthaginense, ne quis aliter inverteret, quod nomine scripturarum canonicarum intelligeret, declaravit inquis: Præter scripturas canonicas, nihil in ecclesiæ legatur sub nomine divinarum scripturarum. Sunt autem canonice scriptu-

Cap. 8.

1 Ref. 4.

In com-
ment to
Mr. Gen-

CIP. 18

Respon.
ad 6.

re, &c. Et Innocentius, Hi libri, ait, recipiuntur in canonem sanctorum scripturarum. Et in concilio Florentino eodem spiritu inspirante illi omnes libri, quos fulcipit, & venerat ecclesia, & de quibus præfens disputatio instituitur, scripti a sacris auctoribus asseruntur. Præterea, cum sub eodem contextu omnes illi libri nullo facto discrimine definiuntur esse canonici, ridiculum est, ut partim in una significatione, partim in alia, libros canonicos habeamus. Ac si hanc semel distinctionem admittimus, auctoritate conciliorum atque pontificum nullus liber facer constare poterit. Nam pari causatione, si id quidem lubitum esset, hæretici dicerent, unum quemlibet de cæteris non esse canonicum ad firmandam fidem, sed ad instruendos mores. Id quoniam absurdum omnino est, retineamus potius eam rationem oportet, quam Cajetanus voluit evertere, vir (ut sæpe jam dixi) cum primis eruditus & pius, sed qui in libris sacris constituendis Erasmi novitates, ingeniumque secutus, dum alienis vestigiis voluit insistere, propriam gloriam maculavit. Ac de sexto argumento hætenus.

Ad confirmationem autem facilius responderi potest: non Ambrosium modo, sed & Cyprianum ad Pompejanum, & Augustinum 18. de Civ. Dei, referre ex 3. & 4. libro Eisdæ testimonio: sed non tanquam ex spiritu divino edita, quibus scilicet nefas sit resfragari.

In septimo principali argumento molleste fero, non alienos modo, verum etiam nosstrates (bona venia legatur) in tam novam, ne dicam levem sententiam incidisse, ut epistolam ad Hebræos Apostoli Pauli esse negaverint. Sed id multo molestius, ut si Pauli non sit, protinus non sit canonica. Nam, auctore incerto, poterit epistola certo esse canonica. Sive enim Lucas, sive Barnabas (quod quidam sunt opinati) eam epistolam scripserint, canonica erit. Nam & per Lucam & per Barnabam Spiritus sanctus loquebatur. Sed ad rem. Cum hæreticum sit, hanc epistolam a sacris scripturis excludere, certe temerarium est (nequid amplius dicam) de hujus epistolæ auctore dubitare: Quem Paulum fuisse certissimus testimonio confirmatur. Origenes in primis libro 1. commentariorum super Matthæum, & refertur ab Eusebio lib. 6. ecclesiastica

historiæ, Ego dico (ait) quod ipsa manifestissime est Pauli Apostoli; & semper omnes antiqui majores nostri eam, ut Pauli Apostoli susceperunt: & opinio usque ad nos pervenit quod sermo ejus est Græco sermone compositus, vel per Clementem Romanæ urbis Episcopum, vel per Lucam.

Clemens item Alexandrinus apud Eusebium 6. Ecclesiasticæ historiæ libro, Manifeste (inquit) est Pauli, scripta quidem Hebræo sermone tanquam Hebræis, sed a Luca in Græcum interpretata.

Eusebius quoque in eandem sententiam ivit, 3. lib. historiæ Ecclesiasticæ. Ubi cum dixisset, Clementem Romanum Episcopum in epistola ad Corinthios nomine Pauli testimonio hujus epistolæ usum, continuo subjicit: Unde constat, quod Apostolus hanc epistolam tanquam Hebræis mittendam, patrio eam sermone conscripserit: & (ut quidam tradunt) Lucam Evangelistam, alii autem Clementem interpretatum esse: quod & magis verum est: quia & stylus ipse epistolæ Clementis cum hac concordat, & sensus nimirum utriusque scripturæ plurimam similitudinem ferunt. Hætenus Eusebius. Et c. 3. ejusdem libri, Pauli manifeste 14. sunt epistolæ. Dies me deficiet, si velim enumerare auctores Græcos, qui hanc epistolam Paulo tribuerunt. Nec minus si commemorarem etiam Latinos.

Quid enim referam Athanasium in epistola ad Episcopos Africanos, & lib. 11. de fide Trinitatis; Quid Cyrillum 12. lib. Theauri? Quid Chrysostomum infinitis prope locis? Quid Ignatium? Quid Irenæum? Quid Damascenum? Quid Anacletum in epistola de ordinatione Episcoporum? Quid Higinium in epistola ad omnes Christi fideles? Quid concilium Laodicenum? Quid tandem concilium Ephesinum? cum omnes Græci scriptores (ut auctor est Hieronymus ad Dardanum) hanc epistolam Apostoli Pauli esse una voce fateantur. Theophylactus certe miratur eorum impudentiam, qui hanc epistolam Pauli esse inficiantur; affirmatque eos non secus peccare, quam si a Paulo abesse Christum negarent. Quid Latini? Nempe fateantur etiam. Fateatur Ambrosius super Psalmum, Beati immaculati: & libro de his, qui my-

Cap. 11.

Cap. 14.

Cap. 15.

Cap. 9.

Concilium Ephesinum expressit doctorem Apostoli in testimonio probant, quod Christus est fides Patris, & Apostolus confirmavit Concilium Ephesinum dicit, quia illa epistola Cyrilli sit, præfidebat tamen Synodo, & est a Synodo approbata. Cassiodorus in Psalmo, Adrianus in epistola ad Conventum beatus.

Cap. 16.

Respon.
ad 7.

Amicus negavit hanc epistolam esse Pauli, ut auctor est Epiphanius. lib. 69.

Sec.

ferius initiantur, cap. 8. Augustinus insuper 2. lib. de doctr. Christian. cap. 8. & sæpe alias. Item Gregor. 5. lib. Moralium cap. 3. Gelasius cum concilio septuaginta Episcoporum: Innocentius Papa: Concilium Carthaginense, Florentinum, Tridentinum. Quid moror? mille quingentos ab hinc annos Ecclesia legit hanc nomine Pauli Apostoli: & audemus nos in dubium vertere, quod omnes catholici tot retro seculis sine ambiguitate tenuerunt? Omitto quod Petrus, nisi me valde opinio fallit, testatur Paulum Hebræis epistolam scripsisse. Nam primam Petri Hebræis scriptam esse, salutatio ipsa adeo aperte docet, ut ne Cajetanus ipse quidem negare poterit. At secunda Petri eisdem quoque scripta est. At enim: Ecce jam vobis hanc secundam scribo epistolam. In hujus vero fine sic Petrus inquit: Sicut & charissimus frater noster Paulus scripsit vobis, sicut & in omnibus epistolis, &c. Vobis scilicet Hebræis, ad quos scribebat Petrus. Unde facta distinctione subiungit, Sicut & in omnibus epistolis: ut non obsecure intelligeres, quod Paulus Hebræis de longanimitate & salute Christi, idem & in aliis epistolis scripsisse. Non est ergo, cur de auctore hujus epistolæ quicquam dubitet.

At Hieronymus dubitat. Certe, ut dubitasset, non proinde nostram hanc certam indubitatamque fidem, ambiguum efficere potuisset. Sed negamus, Hieronymum ancipitem hoc loco (quod illi falsissime impingitur) habere sententiam. Nam, ut innumera loca silentio prætereamus, quibus refert Hieronymus ex hac epistola nomine Pauli testimonia; ut illud etiam dissimulemus, quod de viris illustribus in Paulo, cum quorundam contrarium sensum expressisset, eorum argumenta recellit: ille protecto locus Hieronymianæ sententiæ clarissimus & stis est, qui habetur in epistola ad Dardanum de terra promissionis, in hæc verba: Vas electionis loquitur ad Hebræos, fide qui vocatur Abraham, &c. Nec me fugit, quod perfida Judæorum hæc testimonia non suscepit. Illud nostris dicendum est, hanc epistolam, quæ inscribitur ad Hebræos, non solum ab Ecclesiis Orientis, sed ab omnibus retro Græci sermonis scriptoribus, quasi Pauli Apostoli, suscepti: & ni-

hil interesse cuius sit, cum Ecclesiastici viri sit, & quondam Ecclesiasticum lectione celebretur. Quod si eam Latinorum consuetudo non recipit inter scripturas canonicas, nec Græcorum Ecclesiæ Apocalypsim Joannis eadem libertate suscipiunt: & tamen nos utramque suscipimus, nequaquam hujus temporis consuetudinem, sed veterum scriptorum auctoritatem sequentes, qui utriusque testimonii utuntur, non ut interdum de apocryphis facere solent, sed quasi canonicis & Ecclesiasticis. Hactenus Hieronymus. Et in epistolam ad Titum, Lege (inquit) ad Hebræos epistolam Pauli Apostoli, sive cuiuscunque alterius eam esse putas, quia jam inter Ecclesiasticas est recepta.

Ad primam igitur rationem, quam in relectione de penitentia accerate sane ac diligenter illa Apostoli loca explicata sunt, non est necesse modo respondere.

Ad secundam respondere necesse est, & quidem eo ordine, quo aditum constitutum veritatem objectionis singulæ particulæ fuere proposita. Nam, quod prima particula obijciatur, facile dicitur: cum contingere poterit, ut interpres reliquerit quidem in textu verba Hebraica, sed in margine, quod fieri solet, addita fuerit interpretatio, quam librariorum textui deinceps inferuerit. Quod etiam idem in Matthæo u'u fortasse venit in verbis illis, Eli, Eli, &c. Quod autem, quæ expositio fortasse quispiam in margine apposuerit, ea scriptorum vitio textui nonnunquam inserantur, Nicolaus Liranus recte 2. Reg. 8. animadvertit. illa enim verba, De quo fecit Salomon omnia vasa aurea in templo, & mare aneum, & columnas, & altare, in hunc modum & adjecta, & inserta esse constat.

Potuit & alia ex causâ proficiscit: ut Apostolis vel Evangelistæ Hebræice scribens, quorundam vocabulorum interpretationem adjecerit, quod apud Judæos erant verba quædam, vel Chaldaica, vel Syriaca, quæ potuerunt commode in linguam Hebræicam verti: ut Golgotha, & Epheta.

Ecce duas causas, quibus interim argumentum illud Cajetani posset eludi. Quo ne librum quidem Genesios Hebræico sermone scriptum sibi Cajetanus suaderet. Nam ibi legitur,

Cap. 2.

Respon.
ad rationes 7.
argum.
ment.

Cap. 12.

Joan. c. 19.
videtur ad
hoc verum
esse Hebræ-
icæ. Sed
quia vocet
Chaldæe
etiam Hebræ-
icæ quædam
verba, idcirco
Epheta
dicit: He-
braice autem
Golgotha:
quædam
enim
est
eius
verba
Hebraice
etiam
Golgotha
dicitur.

Pauli cam
esse certū
est pro ap-
pōsitōis
nōtationem.
Cap. 11.

Cap. 11.

Rachel vocasse filii sui nomen Benoni, id est, filium doloris mei: nomen vero ei a patre inditum Beniamin, id est, filium dextrae. & in Exodo, Est enim phase, id est, transitus Domini. Respondeant nobis isti, qui simili arguta negotium nobis exhibere volunt: & si non valuerint: tertiam causam nos reddemus: Videlicet, sunt nomina composita ex multis simplicibus, quae nonnunquam integra in compositione manent, interdum corrupta, ea si aliis verbis eadem etiam lingua explicare voluerō, nihil absurdum oritur: ut si verbi causa dicam Deicola, interpretatur Dei cultor: patrifamilias, hoc est, domus gubernator & parens. Quod idem in nominibus Benoni & Melchisedech evenire potuit.

Sed ne ad hanc tanquam in aram confugiamus, illa causa & praestantissima & verissima est, Interpretem ad iure suo facere potuisse: cum videlicet necessarium fuit Hebraica verba manere. Si enim interpres transulisset, Deus meus, Deus meus, ut quid dereliquisti me, non fuisset a Latinis perceptum, quorum astantes dixerint, Heliam vocat ille. Quare verba Hebraica retinere coactus, eorum interpretationem apposuit, quod facere aequè poterat verbis Hebraicis non retentis. Certe Genesios 31. & Exodi 15. in Hebraeo nominum interpretatio non habetur: sed interpres adiecit de suo.

Quod si objicias, illam particulam non esse sacram scripturam, si hoc verum est, ut quae ab officina interpretis prodierit: Primum conceditur conclusio; nec ego video cur perhorrescere debeamus. Deinde, negatur illa collectio. Si ab interprete proficiscitur, extra sacras literas est. Nam particula quae ad servandam vel congruitatem, vel intelligentiam in sacrarum litterarum interpretatione additur, non censetur a sacris literis aliena. Unde Hieronymus in commentariis epistolae ad Galatas, Hanc consuetudinem, inquit, in pluribus locis scriptura conservat, ut Hebraicum verbum cum interpretatione sua ponat; Bartimeus filius Timei, Afer, divitiarum, Tabita, Dorcas, & Melch, vernaculus. Ecce scripturam Hieronymus vocat etiam eam particulam quam interpretem addidisse compertum est,

Cap. 4. In illud, abba pater.

Atque id in epistola ad Hebraeos vel maxime locum habet; cuius interpres fuit vel Lucas, vel Clemens; quod Apostolo & vivente & vidente factum esse, ad veritatis similitudinem videtur esse propensius. Verum esse asseverarem, nisi academice temperamentum in causa conjecturali placeret. Nihil ergo prima illa causa moveat nos debet, ut credamus hanc epistolam Hebraice scriptam non fuisse. Sed ne secunda quidem causa movet. eadem enim in Apostolum torqueretur, qui in Actorum lib. Judaeis loquens citat scripturam veterem iuxta translationem Septuaginta. Itaque interpres aut Lucas, aut Clemens, licet Hebraeos Hebraice Paulus fuerit allocutus, versionem tamen septuaginta interpretum magis reddere voluit, ne Graeci litterae novitate turbarentur. Quam etiam obrem Apostolus Romanis scribens abutitur testimonio Abacuch iuxta translationem septuaginta; ne Romanis auribus inlucetam orationem afferret: ut Hieronymus auctor est in commentariis super Abacuch.

Jam vero, tertia illa causa, quae in postrema hujus rationis parte nobis opponitur, nulla est. Audivi equidem ab Hebraeo, cui Hebraei Carpentoratenfes primas ex suis hominibus descerebant, epistolam hanc Hebraicam hodie etiam, Matthaieque Evangelium extare. Sed ut Judaeus ille nos irridere voluerit, aut etiam ex alicuius Hebraei versione illi habeant nunc Hebraicam epistolam Pauli, Evangeliumque Matthaie, perierint vero legitimum Matthaie ad Hebraeos Evangelium, & epistola Pauli ad Hebraeos, Judaeorum cura id verisimilimum est accidisse.

Ad tertiam rationem, quae etiam id agitur, ut Paulus auctor hujus epistolae non credatur, prius respondeatur testimonium illud in sensu literalis ad Christum referri. Nec obstat, sensum etiam literalem ad Salomonem etiam pertinere; cum eadem litera plura simul literalia sensa contineat; ut D. Thom. & ante hunc D. Augustinus tradidere. Quemadmodum igitur nomine David Christus interdum ad litteram significatur, ut Pzech. 34. Suscitabo super ea pastorem unum, servum meum David: & Hieremias 30. Servient Domino Deo suo, & David regi suo, &c. Sic & per nomen Salomonis Christum Dominum eo loco scri-

Autor. 12.

Cap. 11.

Cap. 11.

Ante paucos annos Sebastianus Munsterus dedit Evangelium Matthaie Hebraice in Latinarum linguarum versionem.

2. part. 2. tit. 20.

1. de doct. Christ. c. 12. & 11. conf. c. 10. 11. & 12.

scri-

scriptura signavit. Id ne nos præteriret, adiecit, Stabilitam thronum ejus usque in sempiternum. Quod apud Lucam Angelum ad Christum retulisse, notius est, quam ut explicandum sit; Filius, inquit, altissimi vocabitur, & super domum David sedebit. Augustinus porro auctor est, Psal. 71. licet in Salomonem inscribatur, Judæos tamen de Christo esse prophetiam invictissime defendere, quia nonnulla ibi ita dicta sunt, ut in Salomonem convenire non possint. Quæ eadem profecto causa, ut de Psalmo 44. idem sentiamus, cogit.

Posterior, ut in sensu allegorico hoc testimonio Paulus abuteretur, nihil a suo more faceret alienum; qui cum sæpe alias, tum maxime in priori ad Corinth. epistola, ex sensu allegorico argumentatur. Aliud est enim ex sensu spirituali certum & efficax argumentum trahi, quod Augustinus, Dionysius, Hieronymusque negarunt; aliud vero argumentum inde probabile duci, id quod nemo sane doctus negare potest. Quod enim Rhetores argumenta verosimilia certis & exploratis adiungunt, id Apostolus quoque facit. Potuit autem hoc loco multo & commodius & vehementius facere, ubi Hebræi intelligebant ea, quæ David in Salomone Deus promiserat, in Christo esse complenda. Intelligebant autem, eisdem sacris literis sæpius admoniti, ut Mich. 4. Dan. 7. patet.

Ad quantam rationem non oportere respondere, si oratio Pauli colo & comitate aptius distingueretur. Itaque lectio in hunc modum habere debet; Quæ cum initium accepisset enarrari per Dominum ab eis qui audierunt, in nos confirmata est: ut illa verba, Ab eis qui audierunt, non ad participium sequens, sed ad infinitivum antecedens referantur. Sed cui hæc displicent, is tale habeat responsum: Quod Paul. ait, In nos confirmata est, non ad se peculiariter refert, sed ad Judæos generaliter, ut Glossa interlinearis admonuit. Præterquam quod Paulus non ait se accepisse doctrinam ab eis qui audierunt, sed salutis confirmationem: accepit enim & Sacramenta ab illis, & doctrinæ confirmationem: tum quia Ananias dixit illi, quid oporteret eum facere: tum quia ascendit ad antecessores apostolos, ne

forte in vanum curreretur, &c.

Ad quintam veto respondere oportet in hunc modum: nomen Testamenti apud Latinos interdum significare pactum, & promissionem, ut Hieron. in Hierem. 31. cap. & in Malac. 1. cap. scriptis, & Innocentius in capite, cum Marthæ, de celebratione missæ, eruditè postea docuit. In quam significationem illud tradidit accipiendum, quod in canone dicitur, Hic est calix novi & æterni Testamenti, id est, novæ ac æternæ promissionis: & illud etiam ad Hebræos, Novi Testamenti mediator est, ut promissionem accipiant qui vocati sunt, hereditatis æternæ. Illud etiam exploratum est, apud Græcos nomen *διαθήκη*, interdum proprie testamentum, nonnunquam pactum, fœdus, & pollicitationem significare; ut ex Actorum Apostolicorum capite tertio Bidez in commentariis probat. In qua etiam posteriori significatione & Genesios nono, & Psal. 14. & 88. & 105. nomen *διαθήκη* legitur.

Vocabulum quoque Hebraicum *ברית*, quod Exodi 24. & Hierem. 31. habetur, licet frequenter pactum insudque significet, quandoque tamen ad testamenti significationem flectitur. Nam & Hieron. Zachariæ nono, & Psalmorum interpres Psal. 44. nomen *ברית*, in testamentum vertit. Imò licet Aquila nomen illud semper pactum interpreteetur, at 70. tamen sere testamentum, ut Hieron. in 1. cap. Malac. testatur. In nomine igitur Hebraico Paulus ludere potuit Rhetorum more, & vocem a proprio ad improprium significatum flectere: quod idem, si aut Græce, aut Latine loqueretur, facere potuisset. Idque eo magis, quod instrumentum a sanis ob-signatum, testamentum dicitur: quævis codicillo postea vel murentur aliqua, & aliqua inducantur, vel etiam totum omnino, quod testamento semel cautum erat, antiquetur. Quocirca & vetus illud legatum, testamentum quidem erat signatum a vivo: sed a pertum moriente Christo, ut velum scissum ostendit, ac per evangelicam legem velut per codicillum abolitum. Id quod Lactantius de vera sapientia videatur mihi intellexisse. Nihil igitur obstat, quo minus Exodum loquentem de veteri fœdere, loquens etiam proprie de testamento Paulus

Cap. 9.
Augusti ad
Vicen. Do-
nar. statim
epist. 8.
Dionys. in
epistol. Tit.
Hieron. in
13. Matthe.

Cap. 9.

Cap. 9.

Berich.

Cap. 10.

ad.

addueat. Quintimo consentaneum argumentum est, ut perfectum testamentum, scilicet novum, sanguine confirmatum sit & morte testatoris: quandoquidem imperfectum illud vetus non sine sanguine firmatum est: ut figura figurato congrueret. Atque hæc quidem responsio argumento Cajetani satis facit; etiam si nomen Hebraicum non testamentum proprie, sed fadus solum significet. Quod & Hieron. in 31. cap. Hierem. & Hebræi docti contendunt.

Ad postremam vero rationem ipsæ, qui posuit, respondet; illa tria quidem in arca fuisse omnia, ut Paul. dicit; sed urnam & virgam foris pendentes a latere; tabulas vero intus, ut 3. lib. Regum habetur. Rursum etiam forte post illa Salomonis tempora, sacerdotes euentes virgam, & manna in secretis tutorique esse custodia, intra arcam cum tabulis posuerunt. Cujus rei Paulus non erat infens, nos sumus, qui Hebræorum traditiones ignoramus. Theoph. in epistol. ad Hebræos, cap. 9. asserit Paulum optime institutum in rebus Judaicis a Gamalie ex traditione hoc habuisse, hodieque Phariseorum sectam asseriri rem ita se habere. Admonuerat scire idem prior Chrysostom. hom. 18. De septimo itaque argumento, & huic adjunctis rationibus satis est dictum. Nam quod ex illis verbis, Celerius autem videbo vos, Cajetanus argumentatur, alienum a ratione videri, ut postquam appellaverit Casarem, spondeat se Paulus daturum Judæis; adeo leve est, ut referre pigeat, nedum recellere.

In octavo vero principali argumento, quo quarta conclusio coarguitur, Cajetanus quidem non negat epist. Jacobi esse canonicam: sed auctorem asserit incertum esse. Erasmus addit, eam non sapere apostolicam auctoritatem. At cum Hieron. de viris illust. Urbanus Papa in Epist. de communi vita, Alexan. quintus a Petro in epist. ad omnes Episcopos, Anacletus in epist. de oppressione Episcoporum, Marcellus Papa ad Episcopos Antiochenæ provincie, Gelasius cum concilio septuaginta, Innocentius I. concil. Milevitanum c. 7. concil. Laodiceen. Carthagin. Florent. Trid. hanc epist. Jacobi Apostoli, Jacobi, inquam, Apost. esse affirmaverint, idque ecclesiæ universalis usu confir-

maute: temerarium est, ne dicam erroneum, hujus epistolæ certitudinem velle aut ex incerto auctore, aut ex stylo salutationis infirmare: idque argumento leviori, quam cui respondere debeamus.

Ad novum argumentum sic respondeo. Erroneum est, ne dicam hereticum, secundam illam epistolam Petri Apostoli esse, negare. Adversatur enim in primis omnibus sanctis: Deinde Innocentio & Gelasio: Præterea, conciliis Laodiceo, Carthaginensi, Florentino, Tridentino: Denique usui catholice Ecclesiæ, quæ legit eam in festo transfigurationis nomine Petri Apostoli.

Contineret etiam aliquid falsi, si Petrus Apostolus ejus auctor non fuisset. Nam licet argumentum ex salutatione ipsius epistolæ forsitan eluderetur, quod a falsario quopiam esset adjecta: at quod capite primo illius epistolæ legitur, ejus nulli ratione potest. Hanc vocem (ait) nos audivimus de celo allatam, cum essemus in monte sancto cum ipso. Quod si Petrus non scripsit epistolam, Joanni autem Jacobove tribuere, futiliter manifestatur est, falsum epistola continet. Quod est hereticum. Argumentum vero illud, quod Erasmus movit, imo plerosque olim ante Hieronymum (ut refert idem de viris illustribus in Petro) infirmum est: cum eundem auctorem sæpe contingat non aliam modo, verum eandem quoque sententiam stylo scribere differenti. Quod (ut reliquos prætereamus) in D. Gregorio videre licet: Cujus epistolas si cum aliis ejusdem operibus conferas, judiciumque seras ex diverso dicendi charactere, ab alio auctore scriptas esse judicaveris. Hieronymus tamen ad Hedebiam, qu. 11. aliter respondet, inquit: Dux epistolæ, quæ feruntur Petri, stylo inter se & charactere discrepant, structuraque verborum: ex quo intelligimus, Petrum pro necessitate rerum diversis fuisse usum interpretibus. En Hieronymus ex dissimili stylo non diversos auctores colligit, sed interpretes diferentes. Apostoli enim in aliena lingua malebant per interpretem scribere, quam dono linguarum abuti: quod non ad elegantiam & luxum, sed ad usus necessarios acceperant. Nec me fugit, quod Erasmus hunc locum Hieronymi detorquet: sed more suo facit, ut pro sua libidine inturbet omnia.

Propter decimum argumentum Erasmus

Respon.
ad 9.

Cap. 11.

Respon.
ad 8.

Orig. he.
in Lev.

Clem. Alex.
7. U. Siro.
Glaucum
tradit fuisse
Petri inter-
pretem
Sic epist.
ad Cyr. &
super epist.
ad Hedib.

Respon.
ad 10.

mus & Cajetanus duas illas posteriores epistolas negant esse Joan. Evangelistæ. Quam ego sententiam non tueriamur modo, sed etiam erroneam esse crediderim. Quoniam si Joannis, cognomento Senioris, asserunt, non sunt profecto canonicæ. Nec enim quisquam Joannem presbyterum auctorem sacrum existimavit. Sunt autem sine dubio, ut ante a nobis demonstratum est, epistolæ canonicæ: non ergo sunt Joannis presbyteri, sed Evangelistæ. Quod Origenes in 1. Psal. apud Eusebium 6. lib. Ecclesiast. hist. cap. 13. Clemens lib. 2. Strom. Damascen. 4. libro, Isidorus sexto etymolog. August. 2. de doctrina Christiana, Hieronymus ad Evagrium, Innocentius primus, Gelasius, Concilium Laodicenum, Carthaginense, Florentinum, Tridentinum, quæ testantur. Sed & tempore paschali universalis ecclesia duas has epistolas nomine Joannis Apostoli populo legit. Ecclesiæ autem, concilii, & sanctis antiquis tutius nos commitemus, quam novitiis istis auctoribus. Quorum argumentum cum imbecillum sit, alia confutatione non eget.

Respon.
ad 11.

Undecimum vero argumentum indignum esset, quod in aliorum numero conferretur, nisi ob illud Cajetanus asseruisset, hanc epistolam minoris esse auctoritatis, quam alias, quæ sunt certo scripturæ sacræ. Nam hujus epistolæ auctoritatem expresse negare non audeat, ne quid invidiæ subeat, aut criminis. Cum autem Hieronymus asserat, auctoritatem jam vetustate & usu meruisse, & inter canonicas computari: miror equidem, cur Cajetanus aliorum opinionem sub Hieronymi censuram non redegerit: quem pro certa regula sacrorum librorum habendum existimavit. Cajetanus igitur assertio hoc loco periculosa est, si vis comparati- vi teneatur: Minoris (inquit) auctoritatis est iis, quæ sunt certo scripturæ sacræ. Non est igitur certo scripturæ sacræ: quod est erroneum. At quidam ante Hieronymum hanc epistolam non probarunt. Fateor, sed fuerunt nonnulla ante Hieronymum in controversia, quæ modo in dubium vertere, hæreticum est. At, citat librum apocryphum. Forsitan apocryphus apud Hebræos non erat. Quod si esset, ut & Hieronymo, & plerisque aliis placet, nihil mirum, si ab Apostolo Juda refutatur; cum testimonia referat Paulus

ex Arato, Menandro, Epimenide, ethnicis prophanisq; poetis. Vide Hieronymum in epist. ad Epiphani. cap. 5. & ad Tit. 1. At coarguit hoc responsum Cajetan. Non abs re, inquit, hæc epistola a multis refutata est: quoniam etiam citare apocrypha multo magis licet, quam poetas: auctoritati tamen sacræ scripturæ derogat, ut apocrypha Prophetia, ut simpliciter & absolute Prophetia, inducatur. Hæc ille. Verum aliud est, totum librum apocryphum esse, quod Hieron. ait: quia scilicet quædam in eo libro continerentur, quæ essent ambigua: Aliud, particulam illam, quam Judas exciavit, apocrypham esse, quod nec Hieronymus, nec alius ex catholicis dixit. Nam licet ex alio loco non haberemus eam esse Prophetiam: at auctoritas Judæ satis est, ut illam verissime a Spiritu sancto exitisse sentiamus: Sicut credimus illa verba, Beatius est magis dare, quam accipere, Jesu Christi esse, quia Paulus dixit. Sed stultus ego sum, qui hujusmodi argumenta conor refellere.

Ad postremum argumentum, ubi Erasmi Lutherique conjecturæ ponuntur, ut Apocalypsicæ auctoritas infirmetur, post ea, quæ diximus, non fuerit opus respondere: tantum satis fuerit admonere discipulos. Manifesta enim percurramus, ut in obscurioribus immoremur. Atque Franciscus Titelmannus in hac causa accuratissime elaboravit; ediditque peculiarem controversiam, unde lector petere ea poterit, quæ huic responsioni nostræ deesse videbuntur. Nam ratio postulat, ut secundæ hujus controversiæ finem aliquando faciamus.

Respon.
ad 12.

CAPUT XII.

Ubi eorum argumenta ponuntur, qui suadere volunt, in sacramentum intelligentia scripturarum, ad fontes Hebraicum, & Græcum recurrendum.

IN tertia vero questione magna diffensio est, eaque nisi dijudicetur, in summo errore necesse est nos, atque in maximarum rerum ignorationem versari: An in sacramentum literarum intelligentia ad Hebraicum Græcumque fontem sit recurrendum: An potius editio ipsa Latina tam magnæ sit auctoritatis.

ritatis & ponderis, ut nec ab originali scriptura pendeat, nec per eam aut corrigi oporteat, aut limari.

Primum argum.

Prior autem hujus controversiæ pars suadet ante omnia D. Hieronymi testimonio, qui in libro adversus Helvidium hujus assercionis primus auctor esse creditur: ea ratione vel maxime, quod multo purior credenda sit manare fontis unda, quam rivi. Idem etiam in epistola ad Marcellam, cujus initium, Post priorem, cum fateretur aliqua sese in vulgata editione Evangeliorum Latinorum emendasse, atque ad Græcam originem revocasse Latina, obrectatores suos contemnens: Si displicet (inquit) fontis unda purissimi, cænosos rivulos bibant, & diligentiam, qua avium sylvas, & concharum gurgites norunt, in scripturis legendis abiciant. Idem confirmat in epistola ad Damasium de verbo Osanna, cujus initium est, Multi, & in commentariis super Zachariam dicens, Cogimur ad Hebræos recurrere, & scientiæ veritatem de fonte magis, quam de rivulis querere. Nempe, ut Cicero de oratore etiam ait, tardi ingenii est, rivulos consecrari, fontes rerum non videre. Et in epistola ad Vitalem docet, se ad Hebraicam veritatem, tanquam in præsidium & arcem, solum esse confugere.

Postrema
2. sumi e
pistola.

5. tomo.

Cap. 2.

2. Argum.
Pr. 9. ca.
v. veter.

Huc adde Augustini testimonium ex 2. de doct. Christi cap. 15. & 18. de civit. Dei, quibus locis Hieronymi sententiæ subscribit.

Præterea, Damasus coegit Hieronymum, ut novum Testamentum ad Græcam reduceret veritatem: quemadmodum Hieronymus idem in præfatione super quatuor Evangelia testatur. Id vero Damasus non jussisset, nisi intelligeret novi Testamenti veritatem a Græco fonte petendam.

3. Argum.

Hieronymus quoque ipse in commentariis veterem interpretem sepe vellicat, ut qui interpretando frequenter errat. Non igitur veteri editioni Latinæ fidem habere necessum est: nisi Hieronymum aut malevolentiam velimus arguere, si dedita opera; aut imperitiæ, si ignorans ea quæ bene conversæ erant, reprehendit. Aliundè igitur, quam ab editione Latina, querenda est sacrarum literarum firma intelligentia. Quod quod Laurentius, Faber, Erasmus, Eusebius, alique nonnulli juniores, veteris interpretis nunc

oscitantiam, nunc negligentiam, nunc imperitiā, nunc superstitionem coarguere idoneis causis rationibusque videntur? Nec animus est tamen omnia eorum argumenta referre, qui Latinam editionem, quæ Ecclesiæ utitur, solent reprehendere. His enim argumentis reiutandis aliud & temporis, & operis dandum est. Illas solum reprehensiones afferemus, quibus veterem editionem falsitatis accusant. Primum autem Num. ultim. ca. Latinum ajunt interpretem sensum reddidisse non Hebraicæ modo veritati, verum etiam sacris omnino literis repugnantem. Illius enim editio præceptum non obsecrum habet, ut nullus vir feminam ducat, nisi de tribu & familia sua: nec ulla femina viro nubat alterius tribus & familia. Id autem tantum abest a scripturæ fide, ut nihil illi magis possit esse contrarium. Moyses quippe primus hoc neglexit: nec usque de sua ille tribu duxit uxorem. Aaron uxorem accepit Elisabeth de tribu Juda. Exo. 6. Soror regis Judæ nupsit Jojadh Pontifici. 2. Paralip. 21. & 4. Reg. 11. Elisabeth, cum esset de filiabus Aaron, cognata erat Beathæ Maria, quæ sine dubio erat & tribu Juda. David Michol duxit filiam Saulis de tribu Benjamin. Undecim tribus non legem, sed juramentum prætexunt, quo minus filias suas Beniaminitis collocent, cum interim tamen eos, qui non jurant, nulla lege prohiberi apertissime præ se ferant. Judi. 21. Subdititium ergo est, adulterium, & falsum, quod interpretis solum auctoritate redditum est. Deinde Michæ 5. Latina vetus editio hunc in modum habet: Et tu Bethlehem Ephrata parvulus es in millibus Judæ, ex te mihi egredietur, &c. At Matthæus contrarium penitus sensu verba eadem allegavit, inquit: Et tu Bethlehem nequaquam minimes. Præterea Psalm. 7. vers. 12. nostra editio habet: Nunquid irascitur per singulos dies ubi Hebraica veritas contrarium sensum habet, cui Hieronymus omnino consentit. Contendit etiam Calvinus, locum illum, Ecclesiastes 9. Nemo scit, utrum odio vel amore dignus sit, mendose esse ab interprete redditum, falsamque esse sententiam interpretis, cum plerique sciant se odio dignos esse, & nonnulli scierint se fuisse amore dignos. Ac sunt, qui credant interpretem Michæ.

Deut. 17.
Dan. 14.

D. 2.

24.

24. falsam reddidisse lectionem, dum pro, Fulgore, reddidit, Fulgur. Quod utique non pertingit ab oriente in occidentem, sed solus fulgor est, qui pertingit. Atque illud quoque urgent, quod Jonæ 4. vertit interpret, Dominum hederam præparasse, ut esset umbra supra caput Jonæ, &c. cum, ipso quoque Hieronymo auctore, *kikajon* nec hederam sit, nec cucurbita, sed quoddam genus fusticis, Latins & Græcis incognitum, quod Syris familiare est. Non ergo Dominus hederam præparavit, nec Jonas sub umbra hederæ requievit, quod interpretes falso transulit.

4. Argu. Ad hæc, si veteris latini interpretis editioni adlici esse debemus, compellemur adeo historiam Sufannæ recipere: atque etiam Bel draconis narrationem: quam quoniam Hebraica veritas non habet, Hieronymus fabulam vocat, non eam sacris libris additurus, nisi apud imperitos (ut ipse ait) videretur magnam partem voluminis detruncasse. Item cogemur etiam Marci postremum caput accipere, quod Hieron. ad Heb. quæ. 3. non credit esse necessarium, cum in raris feratur Evangelis, & omnibus pene Græcæ libris hoc capitulum non habeatur. Necessarium quoque erit historiam adulteræ mulieris venerari, quæ Joannis 8. c. nunc habetur. Cum eam tamen nec Eusebius cognoscat, nisi in Evangelio secundum Hebræos: nec Hieronymus eam prioris agnoscat: sed ne Chrysostomus quidem eam interpretatione sua dignatus est, quamvis illius alias fecerit mentionem. Atque Euthymius, licet eandem enarrat, paulo tamen superius ait, in exactioribus exemplaribus non haberi, eo quod illegitima videatur.

5. Argu. Rursum, si Latini interpretis sequenda esset editio, fateri oporteret, omnes esse resurrecturos, ac proinde mortuos, juxta id, quod in priore ad Corinthios epistola dicitur: Omnes quidem resurgemus, sed non omnes immutabimur. At huic sententiæ stare non cogimur, ut D. etiam Thom. in commentariis super eundem locum asseruit. Quin probabilissima opinio est, homines, qui reperiuntur in die iudicii vivi, nulla interveniente morte vivos esse iudicandos. Quod Apostolus certe videtur asserere in priore ad Thimotheum epistola. Adde huc, quod inter-

pres non erat Propheta, auctore facer: sed humano spiritui, & intelligentia sacras literas ex aliqua lingua in propriam transerebat. Errare igitur fallique interpretando potuit. Quamobrem interpretis sensum non tenemur amplecti: sed ipsum textum, quemadmodum ab auctore sacro, vel Hebraice, vel Græce traditus est. Aliud quippe fuerit (ut Hieronymus ait) vatem esse, aliud interpretem: ibi enim spiritus ventura prædicit, hic eruditio & verborum copia, quæ intelligit, transfert.

Præterea, si non licet ab interpretis Latini translatione discedere, damnamus juniorum omnium in vertendis sacris literis diligentiam, linguarumque peritiam, tanquam videlicet otiosam ad sacras literas intelligendas. Nimirum, etiam si alium sensum habeant verba vel Hebraica, vel Græca, hic scilicet contemnendus est: ille vero omni ratione tenendus, quem Latina vetus litera præstat. Nec his argumentis satis fieri ea responsione potest, quod Hieron. hujus editionis auctor, multo fuerit linguarum peritior, quam alius quisquam, ac proinde illius auctoritas, ingenium, & eruditio, majora sunt, quam cuiusquam alterius interpretis junioris. Hæc (inquam) responsio non facit satis. Primum, quoniam præstat oculis tuis videre, quam alienis. Satis igitur erit, ut quisque linguas ipsas calleat, & videat ipse potius, quam credat interpreti. Deinde etiam, quoniam cum septuaginta interpretes, viri doctissimi, atque Hebraice Græcæque lingue peritissimi interdum lapsi interpretando fuerint: non est, cur existimemus, unum Hieronymum nusquam a vero dum interpretaretur errasse. Ut illud prætereamus, quod editio hæc vetus, an Hieronymi sit, an alterius, summa virorum doctissimorum disensione certatur. Novum certe testamentum (ut de veteri taceam) aut Hieronymus non vertit: aut si vertit, ejus versio non extat. Quod si extaret, manet semper integrum argumentum, quod modo posuimus: Hieronymi uque sensum, ut qui sacer auctor non fuerit, non oportere semper amplecti.

Præterea, in Clementina prima, titulo de magistris, Viennense concilium statuit, in Universitatibus Bononiensis, Parisiensis, Salmaticensis parandos esse trium linguarum doctores, qui earum

In præf.
super Ier.
tatachi.

Hieronym.
in epist.
ad Anan.
cyprian.
Tres finis
de de Vita
Euthym.
in fine
mendatio-
nem agno-
scit, non in-
terp. ratio-
nem.

In præf.
super Ier.
& Abacuch.

Cap. 17.

cap. 4.

CAPUT XIII.

peritiam studiosa instructione in alios transfundunt. Id quod nisi esset ad sacras literas intelligendas magnopere necessarium, nulla ratione synodus statisset.

Insuper non videtur hoc divinæ scripturæ negandum, quod humanis scripturis omnibus concedere necesse est: ut cum de aliqua scriptura scilicet ambigatur, ad archetypum, unde translata est, recurratur.

His argumentis, & iis quidem non levibus, sed (ut plerique judicant) sane firmis novarum rerum studiosi sibi primum persuaserunt, ad veritatem novi ac veteris testamenti cognoscendam, duarum linguarum Græcæ & Hebræicæ peritiam esse necessariam. Inde rursus in eam opinionem descenderunt, ut non se exsultent sacras literas exponere, si interpretationem Latinam vulgarem sequantur. Id enim (inquiunt) est non auctorem scripturæ sacre, sed ejus interpretem explicare. Denique & eo progressi sunt, ut aisciant, non oportere Latini interpretis auctoritatem amplecti; sed ipsius textus Hebræi in veteri testamento, Græci autem in novo: Quo fieri, ut Latina editio nostra per exemplaria Hebræica & Græca sit omnino limanda ac corrigenda.

Hanc vero persuasionem (Lector optime) si forsitan induisti, exue rogo tantisper, dum tibi, quæ sunt veniora certioraque, proponimus. Nos siquidem hanc sententiam a plerisque receptam refellere tentabimus. Resellemus autem (ut spero) illo ferente opem, cujus tueri causam cupimus, adversum impugnatores veritatis. Ego enim si aut ostentatione aliqua adductus, aut studio certandi ad hanc potissimum disputationem me applicui, non modo stultitiam meam, sed etiam mores & ingenium commendandum puto. Nam si in minimis rebus pertinacia reprehenditur, calumnia coercetur; ego ne de maximis & quæ ad Ecclesiæ unitatem continentem magnopere pertineant, aut certare cum aliis pugnaciter, aut frustrari cum aliis, cum etiam me ipsum velim? Causa igitur veri rependi disputare cupientes, controversiam hanc quatuor conclusionibus brevissime definimus.

In quo veteris vulgata editionis auctoritas demonstratur, & quod non est nunc ad Hebræi Græcæque recurrendum.

Prima conclusio, quæ maxime rem, causamque continet, nam ceteræ sunt quasi consecrariæ: editionem hanc veterem atque vulgatam, quam post tempora D. Hieronymi Latina Ecclesia usurpavit, fidelibus esse retinendam in his omnibus, quæ ad fidem & mores spectabunt.

Secunda. Si qua morum & fidei questio inter catholicos exoriatur, eam definiri oportere per latinam hanc veterem editionem: cujus videlicet si aliquod testimonium alteram quæstionis partem confirmaverit, ea sit catholicis amplectenda: sin contra reprobaverit, rejicienda.

Tertia. In fidei ac morum disputatione non esse nunc temporis ad Hebræicæ Græcæque exemplaria provocandum, nec ex iis certam controversiarum fidem esse faciendam.

Quarta. In his, quæ ad fidem & mores pertinent, non esse Latina exemplaria per Hebræica, vel Græca corrigenda.

Primum, sive axioma, sive pronuntiatum, sive propositionem scholasticam more vocare velis, Concilium Tridentinum sessione 4. in hæc verba definit: Sacra synodus considerans non paucum utilitatis accedere posse Ecclesiæ Dei, si ex multis Latinis editionibus, quæ circumferuntur, sacrorum librorum, quænam pro authentica habenda sit, innotescat; statuit & decrevit, ut hæc ipsa vetus & vulgata editio, quæ longo tot seculorum usu in Ecclesia probata est, in publicis lectionibus, disputationibus, prædicationibus, aut expositionibus, pro authentica habeatur, & quod eam nemo rejicere quovis prætextu audeat vel præsumat, Hactenus Concilium.

Ne autem Concilii solum auctoritate adversarios obruamus, causas eorum id definiat, subjiciemus: nec enim synodo rationes deesse potuerunt, quibus ita judicaverit.

Primum enim, vel in hæc scriptura Latina aliquid falsum continetur, quod ad fidem moreque pertineat: vel e contrario

trario verum est, quod nobis ubique erudit. Si verum est, id confirmare nitimur: si falsum, jam Ecclesia Romana atque Latina, in qua vel sola nunc temporis fides catholica perseverat, circa ea, quæ fidei sunt, graviter aberraret. Falsam enim aliquam scripturam, tanquam ab Spiritu sancto revelatam nomine vel Prophetæ, vel Apostoli, vel Evangelistæ proponeret. Quam nare auctoritatem sibi admeret in religionis proponendis. Quo nihil aut absurdius, aut incommodius posset accidere.

Deinde, ut exempli causa ponatur aliquid, quod latius pateat; si forte modo vocetur in dubium, An historia mulieris adulteræ vera sit, neget autem quispiam veram esse, tunc aut hic error satis exploditur ex codicum Latinorum unanimi consensione; & id profectus est, quod quærimus: aut non satis exploditur, impuneque licet eam historiam contemnere, quæ Latinorum omnium consensu celebratur, quæque nomine Joan. Evangelistæ quotannis in Ecclesia legitur; & jam Romanæ, Latinæque ac Catholicæ Ecclesiæ fides & auctoritas infringitur, violatur, enervatur: dum errare in cæteris posse simili ratione existimabitur. Quod quoniam absurdum penitus erat, iure idem Concilium Tridentinum eadem sessione decernit, ut si quis libros ipsos canonicos integros, cum omnibus suis partibus, prout in Ecclesia Catholica legi consueverunt, & in veteri vulgata Latina editione habentur, pro sacris non susceperit, anathema sit. Conficitur itaque, editionem Latinam tot annorum centenariis usu Ecclesiæ comprobata in his, quæ ad fidem & mores attinent, esse inconcusse tenendam.

Præterea, cum scholastici auctores abhinc fere quadringentos annos in dogmatis theologicis confirmandis, aut etiam in hæresibus refellendis, solam Latinam editionem tenuerint: id peto, An quicquam in suis disputationibus confecerint, necne? Quod si nihil certi confectum est, o microscopos homines, qui ter centum annos, atque eo amplius, & oleum & operam perdiderunt. Quippe linguæ Græcæ atque Hebræicæ non habuerunt peritiam: sed solo interprete Latino contenti, scholæ quidem dogmata confirmabant; rejiciebant autem universa, quæ illis adversarentur, Romana atque adeo Latina Ec-

clesia tacente, vidente, probante. Sin vero confectum est a Theologis scholasticis quippiam, credendum est certe, suis stabilendis conclusionibus tutos esse Latinæ editioni commisisse. Ea igitur editio est a fidelibus retinenda.

Postremo, Hæreticæ praviratis inquisitores in resutandis hæreticis atque puniendis, rogo, an hanc editionem Latinam sæculo tenere debeant? an potius necesse est illis, ad Græcam & Hebræicam, quam minime noverunt, recurrere veritatem? Quod si indignum est, a re prorsus incognita gravissimi tribunalis pendere iudicium, si absurdum, e nostratibus ad alienos, id est, Hebræos & Græcos appellare: si impium, ad Judæorum & schismaticorum tenatium referre catholicæ fidei consultationem, haud equidem intelligo, quorsum Theologus huic errori contentiar, ut non existimet, editioni Latinæ certam fidem habendam. Intelligo autem, nostra hæc dilemmata versutos homines & impudentes cum plautis etiam elusuros. Nam & irrident scholæ universos auctores, & totum negotium cognitionis fidei cavillantur. Sed nos his argumentis sane nolumus hæreticos penitantes tanquam adversarios convincere, sed Theologis modestis veritatem suadere.

Enimvero, qui hanc nostram editionem infirmare cupiunt, videntur mihi nihil aliud moliri, nisi quoddam occultum hæreticorum patrocinium. Nempe inquisitores despicient, qui scripturam Latinam tanquam certam regulam teneant, cum veritatis Græcæ atque Hebræicæ ignorantia teneantur: Scholasticos auctores despicient, qui vulgari Latino interpreti fidem suam alligant, cujus tamen (ut ajunt) intelligentiam sequi non cogitur. Despicient sanctos etiam patres, qui Hebræicæ linguæ peritia canere. Nam ex Græcis Dorotheum, Origenem, & Eusebium Hebræicas literas legimus calluisse, ex Latinis autem, præter Clementem, & Hieronymum, vix alius quisquam Hebræas literas novit. Quocirca, fere sanctos in veteri testamento hallucinari necesse erat, imo adeo ejusdem instrumenti sacramenta omnia cæcis oculis attrectare. Ea si Christianæ aures merito perhorrescunt, consentiamus prorsus Latinam vulgatam editionem a fidelibus esse tenendam. Sane (quod Frater Franciscus Titel-

Lutheran
de terra
ingratu
lopho
veteres
Theolog
conveni
re. Quod si
quæ novita
tibus eam
corradice
ret. peten
di hinc sta
tim lecto
em Græ
cam, vel
Hebræicam,
decursum
in Græc
cum & He
bræicam
literarum
ignarus ple
nis convi
torum
patris in
sequitur.
Cicilius
auctor est.

mannus, vir literis & eruditione præcipuus, moribus & pietate insignis, præclarissime dixit) dum providam Dei dispensationem advertimus, facile videmus, quemadmodum cum fidei rectitudine connexa semper fuerit scripturæ veritas, & cum illa solita fuerit emigrare. Donce enim apud Iudeos solos firmatas persistit recte fidei, apud eos quoque solos scripturarum soliditatem cognoscimus latuisse. Postea vero quam veritas a Iudeis repulsa a gentibus suscepta est, digna Ecclesia gentium est habita, quæ proprio suo idiomate, id est, Græco, quod & vulgatilimum erat inter eos, qui ex gentibus crederant, & latissime cognitum, scripturam novi testamenti acciperet in stabilimentum fidei salutaris. Porro autem, cum ad Latinos devolvi jam fidei veritas caput, Græcis maxima ex parte vel ob inuicem levitatem, vel ob contentiosis studium ab Ecclesiæ corpore disjunctis, certe dignam aliquam, divino munere, scripturæ stabilitatem Latinos accepisse consequens fuit. Nec quoquam pacto illud fieri verisimile potest, Latinam Ecclesiam, apud quam jam inde a multis annis Christianæ fidei veritas fuit, nullam adhuc scripturam Latinam habuisse, cui suis stabilendis dogmatibus tuto inniti, suæque fidei adversarios condigna posset auctoritate revincere.

Aliud quoque gravissimum incommodum in Ecclesiam mihi videntur inferre, qui Latina editione postposita, aliunde consentem puram firmamque veritatem hauriendam: Quod Latini fideles, Græcas videlicet Hebraicasque literas ignorantes, cum scripturam sacram in suo idiomate Latino legerint, semper incipiti sententia pendebunt. Sequidem nesciunt, num, quæ Latine legunt, sic, an aliter apud Græcos & Hebræos habeantur. Vacillabit itaque omni loco legentium fides, nec poterit alicubi firma consistere. Quo quid perniciiosius esse potest? Latinam igitur vulgatam editionem tutam esse legentium fideliū anchoram, sine dubio teneamus: eisdemque argumentis etiam secundam conclusionem: quæ (ut antea diximus) hujus primæ quammodo confirmavimus, corollaria est.

Tertiam vero primum ostendimus ex eo, quod plures scripturæ particulæ nobis subtrahantur, quæ scilicet in Græcis aut Hebræis hujus temporis

exemplaribus non leguntur: ut historia puerorum & Susannæ apud Danielem: & historia mulieris adulteræ apud Joannem: Imo & illud eptegium de Trinitate testimonium, Tres sunt qui testimonium dant in cælo, Pater, Verbum, & Spiritus sanctus, &c. Verborum mendis ante aliquos annos nobis fuerat detractum, atque & Marci extremam coronidem, & hæc alia item multa ex Latino exemplari novi ita interpretes expunxerunt. Non igitur in Græca, vel Hebraica exemplaria fidei controversia resolvenda est: alioqui eas scripturæ partes rejiciamus oportet, quas Concil. Trident. atque adeo ecclesia una voce & consensu recipit.

Deinde tertia illa conclusio hoc etiam argumento monstratur, quod si est ad Græca exemplaria veritas expendenda, in Psal. 13. octo versus nos habemus, quos Hebræicus textus minime habet. Ita merito a nobis expungerentur: cum eos tamen auctoritate Apostoli nos habeamus.

Hinc vero argumento nec Origenem, nec Hieronymum fecisse satis, ecclesia demonstravit, quæ usque ad hoc temporis octo illos versus in Psal. 13. servandos credidit: non servatura, si (quod illi asserunt) errore ignorantium fuissent inserti.

Item Hebræorum doctores, nostri videlicet inimici, multo studio tenderunt textum Hebraicum corrumpere, ut vetus testamentum nostris exemplaribus faceret esse contrarium, ut Euseb. l. 4. Eccl. hist. c. 18. refert. Græci quoque eadem contentione multis locis, ut scripturam ad suum sensum traherent, novum testam. violarunt: ut Tertull. 1. lib. adversus Marcionem testatur, & Euseb. lib. 1. eccl. hist. cap. ult. & Iren. advers. hæres. lib. 1. cap. 19. & Basil. l. 2. contra Eunom. D. quoque Ambros. in comment. super epistol. ad Roman. & in præmio primi libri super Lucam, & Hieron. in præmio super epistol. ad Philemonem, & Origenes in commentariis super epistolam ad Romanos. Nam in plerisque Græcis exemplaribus deest tota illa clausula, Ei autem qui potens est, &c. Quam ne Theophylactus quidem habuit. Nec in sacris literis solum, sed in sanctorum codicibus fecere idem. Nam & in sexto Concilio Constanti-nopolitano Macarius, ejusque discipuli convicti sunt, quod in confirmatione

Dan. 1. & 11

Joan. 8.

1. Joan. 5.

Hæc ad Hebræos qui 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

Ad Ro. 2. in comment. Joher epistol. ad Ro

In præmio super. ad Ro. comment. in Euseb.

Cajetan. in illius Psal. hom. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

Adion. 8.

tionem sui erroris sanctorum testimonio aut truncarint, aut depravarint, & in 7. Syn. Actio. 4. ostenditur. Ikonomachos ex testimonio beati Nili depravato nonnullis imposuisse, & Act. 5. ostensi sunt synodo libri quidam ab Hæreticis depravati. Quin sub nomine Vigilii Romani Pontificis duos libellos productos, & epistolam nomine Menæ ad eundem Vigilium scriptam, titulos ementitos & supposititios habuisse, eodem Concilio palam factum est. Et Leo in epistola quadam ad Palæstinum queritur epistolam, quam ad Flavianum scripserat, a Græcis depravatam. Atque hunc Græcorum morem fuisse, Nicolaus in Epistola ad Micha. Imperatorem testatur. Exilimiat Gregorius epistola decima quarta, 5. lib. Calcedonensem Synodum, sicut & Ephesinam, esse a Græcis depravatam. Unde monet Narsum, ut non novis codicibus passim credat. Romanos autem codices veriores esse affirmat, quam Græcos. Dionysius quoque Corinthiens. episcop. apud Euseb. lib. 4. cap. 23. Quid autem mirum, inquit, si dominica verba sanctæ scripturæ falsare conati sunt, qui vilia hæc, quæ nos scripsimus, corrumperunt? Hæc Dionys. cum quereretur suas epistolas esse ab hæreticis adulterinis detractionibus additionibusque corruptas. Extat epist. Cyrilli ad Successum Diocesariens. Episcopum: ubi refert se seiscitatum a Budo, Emesæ civitatis Episcopo, an consentiret epistolæ Athanasii ad Epictetum Corinthiorum episcopum, respondisse: Si hæc apud vos scripta non sunt adulterata, nam plura ex his ab hostibus Ecclesiæ deprehenduntur esse depravata. Et cum consulissent epistolam cum antiquis exemplaribus, depravatam invenerunt &c. Quo loco admonendi sunt omnes boni, ut a Calvini, Philippi, ac cæterorum similium fraude cavendum intelligant, quoties sanctorum veterum sententias ad causam suam accommodabunt. Id verum magis, cum nec librum, nec locum annotaverint; ibi enim eorum fides in veterum sententiis proferendis suspectior est. Proferunt autem multa huiusmodi loca, nisi esset lectori molestum, nec nunc alias res nos ageremus. Non igitur ad Hebraica & Græca exemplaria, ut quæ depravata sint, est recurrendum. At Hieron. in

Esa. 6. cap. non credit esse verosimile, ut Hebræi scripturam suam depravarint. Quid Hieron. ætate fuerit, ego non disputo: quamvis Iustinus Triphonem evicerit, quod a Judæis multa Prophetarum loca detruncata fuissent. Illudque inter cætera refert, Dicite in nationibus, quia Dominus regnavit a ligno. E quo versu illa verba A ligno, detracta fuisse contendit. Post ea certe tempora a Judæis scripturas contaminatas Hieronymus, si viveret, non negaret. Præterea, qui Hebraicis exemplaribus adhærescunt, necesse est eos sequi Rabbiorum expositiones, & non catholicorum. Nam catholici vel septuaginta interpretum, vel Latinam editionem exposuere. Indignum autem est, ut nunc denuo ab Hebræis nostræ fidei oracula petantur. Christiana quippe veritas ab Ecclesiæ viris querenda est, non a Rabbis Synagogæ.

Ad hæc, ut ex multis unum aut alterum exemplum in medium proferatur, Geneleos octavo capite, nostra editio Latina habet, quod corvus a Noe dimissus egrediebatur, & non revertebatur. Sic Hieronymus habet in dialogo contra Luciferianos, & in Epistola ad Oceanum. Sic Cyprianus in epistola ad Novatianum hæreticum, quod lapsus non est spes veniæ deneganda: sic Ambrosius de Noe & Arca, cap. 17. sic Augustinus tractatu sexto in Joannem: sic Isidorus & Chrysostomus in commentariis super Genesim: sic Euseb. in chron. sic breviter omnes doctores catholici tam Græci, quam Latini, tum vetusti, tum juniores ex 70. interpretibus habuere: contra nunc Judæi legunt, Corvum egredi & reverti. Quos sequuntur novi interpretes Lutherani, Pelicanus & Munsterus. Quibus ergo putas potius credendum esse? Num Judæis hostibus Christi? Num hæreticis inimicis Ecclesiæ? Nonne magis septuaginta interpretibus? Nonne magis Hieronymo? Nonne magis sanctis antiquis, viris Ecclesiasticis? Qui omnes inter se concinentes eadem asserere nullo modo possent, nisi uno divino spiritu continerentur. Symmachi, Theodotionis, Aquilæ translationes, quod vel Iudaismo infecti, vel hæreses nota essent infames, parum auctoritatis habere Hieron. non semel testatur. Irenæus etiam apud Euseb. lib. 5. eccl.

in præfat.
super Job.
& in p. o.
log. I. l. i. a.

clef. hist. cap. 8. hoc argumento Theodotionis & Aquilæ translationem infirmat, quod Judæi essent ambo, & Profelyti, eosque Hebronitæ sequerentur. Et nos Judæos atque hæreticos Judæorum interpretes, & in errores focios admittimus? ita ne omnia exemplaria nostra tam Græca, quam Latina, tam antiqua, quam nova a librariis corrupta sunt, sicque mille annis permanserint minime vero gentium. Quod si recentiores aliud sentiunt, quam veteres Hebræi, quis non malit veterum sententiæ subscribere, quam horum magis adherere? præsertim cum tot exilis agitati, tantaque cæcitate sint percussi, ut amissa suæ linguæ & omnium bonarum disciplinarum cognitione, nullam in Deum fidem, hominum vero vix communem sensum obtineant. Quo loco mirari satis non possum, Augustinum Eugubinum, virum aliqui egregie doctum & pium, maluisse Judæis & hæreticis, quam Catholicis consentire. Nam Cajetanus eisdem semper vestigiis inhaerendo, per omnia in veteri testamentis Hebraicos, in novo Græcos codices prorsus amplectitur, vix ulla Latini interpretis habita ratione. Non est autem vel a se ipso admonitus, qui cum in Luc. 3. cap. scriberet, consentaneum rationi esse dixit, ut potius novi textus Hebræi manci & corrupti sint, quam ut 70. interpretes, viri boni & insignes, studuerint commento & mendacio fingendo. Hæc nimirum apud viros doctos vehementer idoneaque ratio est. Nam quas illi ratiunculas addunt ad compurgandam incredibilem novitatem, non est quidem dici locique hujus refutare. Satis enim modo est, adversarios suis quoque argumentis refellere. Quoniam his de gradu dejectis, abunde sententiæ nostræ veritas comprobatur. Ut igitur eo, unde digressa est, recurrat oratio, si vocetur in questionem, an corvus reversus fuerit ad Arcam, rogo an impune libereque a catholico negari possit, etiam si in Hebraicis omnibus exemplaribus (quod isti dicunt) contrarium habeatur. Si negari potest, profecto evicimus Hebraica exemplaria nec firma, nec apta esse ad catholicas controversias finiendas. Si non potest, jam dicito, si ita libet, nec Hieronym. nec Ambros. nec Cyprian. nec August. nec Chrysost. nec reliquos hujus ordi-

nis viros catholicos esse, nos vero hæreticos etiam dicito: corvum namque ad arcam reversum, inficiamus. Hoc dicere quoniam insolentissimæ velantæ est, illud dicamus, potius Hebræorum nova ista exemplaria in Theologiæ questionibus nihil virum habere ad faciendam fidem.

Præterea, magna est dissensio saepe numero Græcorum eodum, qui nunc habentur in manibus. Unde & quoniam nostris temporibus ad Græcâ dicunt se expendere Latina, haud raro inter se dissident, non in verbis modo, sed in sententiis quoque. Quid, quod interrim eadem exemplaria novi isti interpretes non eodem sensu interpretantur? Nam verum quartum Psalm. 109. aliter Lutherus, aliter Pomeranus, aliter Pelicanus, aliter Bucerus, aliter Munsterus, aliter Zuingsius, aliter Felix, aliter Pagninus, traduxerunt, ut jam mihi videantur Theodotionis, Symmachi, Aquilæ, quinta, item sexta, & septima editio, ac vulgata quoque septuaginta numero paucissime, si ad horum innumeras conferamus. Quid, quod Erasmo cum seipso non convenit? Extat enim quinta, extaret & sexta editio, nisi vel inconstantiæ notam inurendam sibi metuisset, vel morte fuisset interceptus. At certe hæc varietas versionum semper fuit hæreticis quasi gentilis & propria. Id enim Acetemonitis olim a viris Ecclesiasticis objectum est, quod ne ipsa quidem exemplaria sibi ipsis concordarent, si priora cum posterioribus conferrent; semper, inquit, emendant, quibus semper displicet quod emendant, & nova quoque perquirunt, cum eis, quæ in usu sunt, videbuntur adversa. Et Lutherus primum quidem novi Testamenti veterem editionem, Germanica sua versione mutavit, quo persuaderet populo scilicet, majores nostros usque ad id temporis verum Evangelii textum non habuisse. Ipse tamen idem non post multos annos suam editionem ita correxit, ut ex solo Matthæi Evangelio annotaverint viri docti tringenta, & eo amplius locos immutatos. Itaque homines leves non tam ex fontibus sacras literas vertunt, quam circa fontes ipsi vertuntur: doctrinisque variis & peregrinis additi, parvuli fluctuant, & circumferuntur omni vento doctrinæ. Et re vera, cum novitas quolibet quasi novus ventus ebullit,

Papirus
quorū Ju-
dæi in nova
se iuven-
tū.

Enclib. lib. 1.
Enclib. huius
cap. ult.

statim

statim cernitur frumentorum gravitas, & levitas palearum, tuncque sine magno molimine id excutitur ab area, quod nullo pondere intra aream tenebatur. Quorsum hæc (inquit) tam longo repetita principio? Nempe, ut intelligamus, novitos istos interpretes vel exemplarium, vel interpretationum discrepantia, varietatem in Ecclesiam inducere magnopere suspectam, & pios omnino mentibus formidandam. Ac novitas ipsa quidem primum timenda est, quæ sine Reipubl. perturbatione esse non potest: ob eam enim causam Hebræis regem petentibus, si Gregorio credimus, Dominus succensuit: quod omnem in Reipubl. novitatem habeat exotam. Metuenda quoque rerum mutatio est, nam & parva momenta tantum valent ad communem statum civium perturbandum, ut mutatis, quod Plato ait, mixtis modis, & Reipubl. morumque necesse sit mutationem fieri. Quamobrem qui gravissimos legis divinæ modos, novis aliis, acutis illis fortasse quidem, sed levibus tamen commutare pergunt, videant illi, num religionis caeremonias, sacramenta, sacerdotium, versionum prætextu, simul invertant. Adeo hæc enim inter se connexa copulatæque sunt, ut ex his nullum a cæteris nec divelli, nec distrahî possit. Ita qui unum horum quodlibet versarit, reliqua etiam verset oportet: Id quod Lutheranorum exemplo didicimus, qui novis inventis universa illa pariter mutaverunt. Porro autem varietatem, ut ante dixi, ac multo etiam magis respuere ac formidare debemus, quæ nimirum constanter atque unitatis inimica est. Quas Ecclesiæ virtutes habere nequit, si scripturæ non sit unitas eadem & consensus. Quæ in parte feliciora nostra sæcula sunt, quam antiqua. Nam olim tot pene vulgabantur exemplaria, quot codices. At vero nunc sancti Spiritus sine dubio peculiari providentia, Damasi sollicitudine, Hieronymi summis laboribus, Ecclesiæ sancta concordem Scripturarum unitatem accepit, omnisque sublata de medio varietas est, unica Latina editio omnium confessione recepta. Quapropter qui ad Græcæ exemplaria nos revocant, eandem varietatem inferre volunt, a qua olim Hieronymus libros nostros asseruit: immo eandem salubritatem, a qua ille codices nostros expurgavit. Nam varietas

codicum facilis depravationis occasio esse solet. Atque ut nulla depravatio sit, ipsa tamen varietas noxia est. Nec enim potest unquam verum asseri, quod diversum est: ut Hieronymum ad Donemonem, & Rogatianum scripsit, & ad Damasum: Verum, inquit, non esse quod variat, etiam maledicorum testimonio comprobatur. Si enim Latini, ait, exemplaribus fides est adhibenda, respondeant illi, quibus tot sunt exemplaria pene, quot codices. Varietas igitur exemplarium Latinorum, quæ tunc erat, fidem ejusmodi exemplaribus derogabat. Atque hujus quidem argumenti tanta vis & efficacia fuit, ut vel refractariam illam Lutheri procacitatem retuderit. Is si quidem (referente Cochleæ in libro de Canonice Scripturæ auctoritate) sic ait: Si dicitur steterit mundus, iterum erit necessarium, ut propter diversas Scripturæ interpretationes, quæ nunc sunt, ad conservandam fidei unitatem Concilii decreta recipiamus. Providentissime igitur a sacra Synodo Tridentina constitutum est, ut ex multis Latinis editionibus sacrorum librorum, una vetus & vulgata editio, longo totæ seculorum usu recepta, in publicis disputationibus pro authentica habeatur. Non est itaque nunc temporis in fidei ac morum disceptatione ad Hebræicæ Græcæque exemplaria provocandum: quippe cum fidei dogmata per discrepantes aut Hebræorum, aut Græcorum codices male confirmari possint, aut Ecclesiæ unitas contineri.

Atque eisdem fere argumentis quanta illa postremaque conclusio persuaderi potest. Nec enim sunt Hebræorum aut Græcorum codices modo emendatiore, quam Latini; imo plerumque aliter habent, quam ratio ipsa & veritas postulant; quemadmodum Frater Franciscus Titelmannus & in Collationibus super Epistolam ad Romanos, & in Apologia pro veteri interprete, doctissime copiosissimeque disseruit. Unde duo solum ex innumeris loca desumere placuit, ut in his Theologos discant, quam parum novis istis interpretibus sit fidendum.

Unus locus est ad Rom. 12. Ubi enim nostra editio habet, Domino servientes, novi iere interpretes reddunt, Tempori servientes, & tamen nostra litera præferenda est. Quam & olim Græci emendati codices habuere. Chry-

Cicero, a de
legibus.

Cap. 11.

softomus fiquidem, & Theophylactus non legunt τῶ χωρὶς διὰ λόγου, sed τῶ πρὸς. Quam etiam lectionem habuit Origenes. Atque adeo Hieronymus in epistola ad Marcellam, cujus initium est, Post priorem epistolam, cum lectionem aliam reprehendisset, asseruit, secundum Græcam veritatem legendum esse, Domino servientes.

Alter habetur prioris ad Corinthios sepe. Nam, ubi nos legimus, Qui cum uxore est, solicius est quæ sunt mundi, quomodo placeat uxori, & divitiis est; isti ex Græco (ut ajunt) fonte sic vertunt: Qui cum uxore est, cogitat quæ sunt mundi, quomodo placeat uxori, divitiis est uxor & virgo. Quam posteriore lectionem D. Hieron. in priori adversus Jovinianum libro docet, non esse Apostolicæ veritatis. Quamquam fateatur se aliquando illum locum in eum sensum edulcerasse, &c. Sic igitur quedam exemplaria, tum Hebraica, tum Græca, olim Hieron. nactus est, multo emendatiora, quam ea, quibus juniores interpretes & expositores fidem suam alligant. Cumque nobis opponunt codices quosdam ante annos sexcentos aureis literis descriptos (hos enim fontes appellant) Hieronym. pro nobis illis respondet, inquit, Habeant qui volunt veteres libros, vel in membranis purpureis auro argenteoque descriptos, vel uncialibus (ut vulgo ajunt) literis, onera magis exarata, quam codices: dummodo mihi meisque permittant pauperes habere schedulas, & non tam pulchros codices, quam emendatos. Quamobrem hominibus his, qui novandis rebus student, illud sepe accidit, ut dum eodicum, vel Hebraicorum, vel Græcorum, quos penes se habent, exempla sequuntur, nihil aliud agant, quam ex non correctis emendata corrigere.

Quo quidem in loco Isidorus Clarus ferendus non est, ejus emendatio nihil est aliud, quam interpretis veteris reprehensio. Pollicetur enim in operis fronte veterem editionem correctam: postea vero quam pollicitatione hac depellit invidiam novitatis, multa inserit, adjicit quedam, nonnulla mutat: ut lector non aliud possit in locis mutatis intelligere, quam aut veteris interpretis errorem, aut veterum codicum depravationem. Quam bellum erat potius novam editionem

confiteri, quam veterem emendam: ne lectores simplices verbis ambiguis deciperentur. Nota sunt ejusmodi plurima loca apud Isidorum Clarum & in veteri & in novo Testamento: proferremque illa, nisi ad alia properaret oratio. Illud tantum admonico, hujusmodi vel mutationes, vel detractiones, vel additiones, quæ curiosos homines sepe delectant, parentibus nostris, si nunc viverent, futuræ esse molestissimas. Id quod ex primo libro Historiarum, quam vocant Tripartitam, colligere licet. Cum enim (ut ibi dicitur) multi Episcopi convenissent, & quidam eorum rogatus esset, ut faceret sermonem populo, vir scilicet eloquio & sapientia præditus, ille locus venit in medium, Tolle lectum tuum, & ambula: ubi pro lecto, Cubile dixit. Tunc Spiridon Cypriorum Episcopus vir sanctissimus indignatus in eum, & exiliens de cathedra sacerdotali, Tu melior es (inquit) eo, qui, lectum, dixit, quia ejus verbis uti confunderis? Hoc autem fecit populo conspiciente, mediocritatem docens eum, qui eloqui supercilio prætumebat. Erat enim idoneus ad pudorem incuriendum, cum esset venerandus, & operibus gloriosus, simulque presbyter ævo atque sacerdotis officio. Quid hic faceret, si Isidori Clarii, quid si Erasmi, quid si Cajetani, quid si reliquorum tam varias & multas versiones & inversiones audiret? Quo putas animo ferret, cum in aliis libris, tum maxime in Davidicis Psalmis, Cajetani lectionem & textum usque adeo a nostro discrepantem, ut vix possis agnoscere, an idem liber facer, an alius sit? Quid Hieronymus? Psalmos ad verbum translatos patere? Qui in libro de ratione interpretandi Horatianum præceptum illud, Nec verbum verbo curabit reddere fidus interpres, etiam in sacris litteris interpretandis magnopere commendat? Et in epistola ad Augustinum asserit Hieronymus sensum potius veritatem, quam verborum se ordinem conservasse. Et ad Suniam & Fretellam boni interpretis regulam ponit, ut non verba verbis quasi paria & demens respondant, sed sensus sensui. Quid, quod Cicero in lib. 3. de finibus ait, verbum et verbo exprimere indifferens interpretes solere? Fallitur ergo præteris Cajetanus, qui hujus præcepti immemor, Psalmorum versionem dum

Cap. 18.

In præfata
super Job.

fidam

fidem voluit reddere, reddidit ad Ecclesiam quidem usum proflus inutilem.

CAPUT XIV.

*In quo argumenta capitis duodecimi
refutantur.*

Respon.
ad 1.

AC primum quidem, cum Hieronymi auctoritas nobis obijcitur, haud difficile erit respondere. Duabus enim ex causis tunc erat ad fontes recurrendum. Una quod non tam turbidi fontes erant, nec primarij scripturarum scaturigines conturbatae. Altera, quod tunc varietas Latinorum codicum & dissonantia magna erat. Nec tolli commodè poterat, nisi ad exemplaria Graeca atque Hebraica Latina referrentur. Has vero causas sustinet Hieronymo, ut in eam sententiam induceretur, manifestè patet ex proemio super quatuor Evangelia ad Damasum, & ex epistola ad Simiam & Fretellam. At modo cum exemplarium Latinorum una apud omnes concordia sit, potius Graeca variantia per nostram Latinam editionem sunt limanda, atque in pristinam unitatem reducenda. Saniorique consilij est, limpida aquam & lacunulis defaecatis, quam ex turbato fonte liquorem obscurum bibere. Porro, ut ab scholastica disputatione interim excurrere annuente lectore liceat, nos, qui Abraham secundum promissionem filij sumus, puteos fodimus in aliena Palaestinarum regione. At vero Palaestini alienae felicitati invidentes, puteos inventos conantur obscurare. Quos tamen Isaac multa diligentia refodit, ac repurgavit: donec aqua viva reperta est. Ibi pastores Geraræ cum pastoribus jurgantur Isaac, dicentes, Nostra est aqua. Quamobrem nomen putei Isaac, ex eo, quod acciderat, vocavit Calumniam. Profectus inde fodit alium puteum, pro quo non contenderunt: itaque vocavit nomen ejus Latitudo. Fodit in hunc omnino modum Ecclesia Romana atque Latina puteos aquarum viventium, hoc est sacrarum literarum: invenit autem aquam sapientiae salutaria: venas vitæ (inquam) invenit: sed in aliena veluti regione Judæorum & Græcorum. At illi puteos oblimere, obscurareque nituntur. Qui etiam jurgantur contra nos, & inquit,

Genes. 20.

unt, Nostra est aqua: fons noster est. Qui Hebraicus Graecusque non fuit, in alieno solo fodere non debet. Nostrum idiomate, ajunt, locus est Christus, locuti Prophetae, Apostoli, & Evangelistae. Vos Latini hospites estis: & has literas a nobis emendicare debetis: nostra opera, nostraque castigatione restituendi sunt in genuinum veritatem vestri codices. Sic puteos nostros Judæi, haeretici, curiosi novarum rerum amatores humo opplere contendunt, certantque nobiscum: sed mera calumnia est. Qui enim sunt alieni a corpore, quo pacto illustrabunt ipsum? Qui sensum Christi non habent, quomodo sensa Christi interpretabuntur? Qui adversum nos pugnant, num arma nostra sunt instructuri? nequam. Fodiamus igitur alium puteum, quem Latitudinem nuncupemus: Ecclesiam scilicet longe lateque dispersam, pro quo nulla controversia excutitur. Iste enim Ecclesia columna & firmamentum veritatis: est civitas Dei, quam luminis impetus latificat. Hæc potavit filios suos mille abhinc annis hujus luminis aqua. Hanc nos aquam & probare & tenere debemus, nec alios fontes veritatis exquirere.

1. Tim. 3.
Psal. 45.

Sed prima argumenta vidimus, jam Respon. reliqua videamus. Nam, quod Augustini ac Damasci auctoritas obijcitur, post ea, quæ dicta sunt, nihil ponderis habet. Sive enim Augustinum, seu Damascum nobis opponas, de suo tempore ambo loquuntur. Innocentius vero 30. dist. cap. de quibus, quem nonnulli etiam nobis adversum esse volunt, quod sibi velit, equidem non intelligo, nisi locus depravatus sit. Exillimo enim non Graeca, sed Canonica esse legendum. De qua re alio libro fortasse latius.

L. 1. c. 5. q. 3.

Nam illud quidem, quod Erasmus gravissime urgere existimavit, levissimum est. Multa siquidem quæ Hieron. primum & in novi testamenti editione veteri & translatione 70. errata esse crediderat, ea post majori diligentia perpendens, aut etiam vel ab amicis, vel certe ab inimicis admonitus, compertit, non esse corrigenda: id quod Franciscus Titelmannus in Apologia declaravit. Certe Hieronymus in Hebraicis questionibus 70. interpretes notat, quod contra Hebraicam veritatem, pro Amico, Opilionem verterint. Et ipse tamen postea 70. secutus est. Nec me

Respon.
ad 3.

preterit Augustini Engubini sententia. Sed eam esse commentitiam patet. Quid enim ineptius dici potest, quam 70. Interpretum errorem vitio librorum in Hieronymi editionem irrepsisse? Quid rursum improbabilius, quam 70. Interpretes viros clarissimos in re apertissima, quæ vel vulgo facilis erat, fuisse hallucinatos? Jam vero quam indigne a Laurentio, Fabro, Erasmo, vetus editio passim reprehendatur, in una epistola ad Romanos Franciscus Tirelmannus liquido ostendit. Ex qua re satis intelligitur, quantum fidei Aristarchis istis sit habendum.

At illud primum: quo falsitatis nostra vetus editio insinuitur, Osiandri est in Harmonia Euang. argumentum. Arque eandem ante notam veteri interpreti inusserant Nicolaus Lyranus, Judicum 10. & Burgen. Num. 36. Sed Hieronymus iectus est 70. Quibus consentiunt Damasc. lib. 4. cap. 35. Euseb. lib. 1. Ecclesi. hist. cap. 6. Epiphani. Hæres. 78. Ambrosi. lib. 3. comment. in Lucam. Hieroph. lib. 1. cap. 11. Beda lib. 1. in Lucam cap. 10. Quorum libertas ego emulor negligentiam. Igitur, cum in lege ratio huius habeatur, lex intelligenda est de saminis illis, quæ ex delectu masculorum paternam hereditatem sortiuntur. Quæ causa fuit Divi Thomæ, 1. 2. quest. 105. art. 2. ad secundum, & 4. Sentent. distin. 30. quest. 2. art. 1. quest. 3. ad quartum, ut filius Aaron liberum matrimonium concederet: in quibus scilicet ratio huius legis decessit. Et Levitici 21. jubetur pontifex ducere uxorem virginem de populo suo: non de familia aut tribu sua. Et Judicum 10. constat, Tholaa & Abimelech consanguineos fuisse, quorum alter fuit ex tribu Issachar, alter ex tribu Manasses. Et vir Levites de sorte Ephraim uxorem duxit de tribu Juda, Judic. 19. Josephus libro quinto annal. cap. 6. Non ergo falsa est editio nostra, sed est tamen litera sane interpretanda. Quid ergo (nam hoc dicit aliquis) pertinet ad Dominum generationis ordo deductus usque ad Joseph? Certe pertinet mul-tum. Nam quando Evangelista scribebat, Judæis erat exploratum, Joseph ex eadem tribu esse, ideo enim ambo in Bethleem censentur, ut de una videlicet stirpe generati. At Beatam Virginem nullos fratres habuisse, historie omnes consentiunt. Itaque viro

contribuli nupserat. Quod ergo populo tunc Judaico notum erat, non erat opus, ut Evangelista scriberet: id docuit, Joseph a David descendisse. Quæ una res & servavit consuetudinem scripturarum, quæ mulierum in generationibus ordo non texitur: & vere docuit id, de quo poterat esse controversia. Nam quod Maria ex eadem familia esset, ut quod eo tempore plebi notissimum erat, non putavit Evangelista admonendum.

Argumentum etiam alterum ejusdem Osiandri, est in Harmonia. Euangel. ubi tradit Hebræos in dictionum inflexionibus neutrum genus non habere. Ex quo efficit, ut voce masculina vel feminina pro neutra abutantur. Ut ubi nos dicimus, Non est bonum hominem esse solum, imperitus interpret redderet. Non est bonus esse Adam solus. Ad eundem quoque modum, loco ejus, quod Hieronymus vertit, Parvulus es, perspicue, & vere convertendum est, Parum est, ut sis inter Chiliarchos, seu principes Jude. Cujus axiomatis causa aptissime redditur, Ex te enim, &c. Quæ ratio ineptissima est, si ad præcedens pronunciatum juxta Hieronymi versionem accommodetur. Quod autem posterius membrum prioris ratio sit, sermonis natura prodit, sensus communis judicat, & Spiritus Sanctus per os Evangeliste testatur. Hæcenus Osiandri verba retulimus. Sed miranda est hæretici insolentis impudentia. Chaldeæ paraphrasæ, recentiores Judæi omnes, Septuaginta Interpretes cum Hieronymo sentiunt, & hic unus sibi solus sapit. Sed cum Hebraicus textus conjunctionem non habeat, potest quidem sic tota oratio accipi, ut secundum membrum causa sit primi. Quem sensum pontifices, & scribæ habuerunt, quorum verba hæc qua oportuit Matheus retulit. Potest autem sic etiam accipi, ut posterior pars quasi adversative intelligatur, quousque accepit Hieronymus, ut patet ex commentariis in Michæam. Ac si rem ipsam diligentius animadvertas, parum certe interest, utro modo accipitur oratio. Quocirca ridiculus est Osiander, qui in re nihili tantas tragedias excutit.

Illud est facile, quod tertio loco additur, Nam Codices 70. Interpretum interrogandi notam habuere: ita converterunt, Numquid irascetur per singulos.

62 dies? Et Augustinus quidem, licet sine interrogatione legerit, nos-
trum tamen sensum expressit, inquit: Longanimitas, & non iram adducens per singulos dies. Itaque 70. Interpretes optime sensum illius versiculi videntur expressisse, si antecedentia consequentibus herere debeant. Quod vero Calvinus cap. 5. Instituit, objicit, frigidum id languidumque est. Tum quoniam, ut quibusdam placet, de amore, & odio prædestinationis, & reprobationis loquitur Salomon: idque suaderi putant ex eo, quod subjungitur, Sed omnia in futurum servantur incerta. Tum quoniam secundum communem legem loquitur, atque ad communem etiam loquendi formam orationem accommodat, qua cum ignorat homo an amore dignus sit, vere dicit: Nescit homo, utrum odio, vel amore dignus sit. Tum quoniam, ut alias in eo libro sæpe, argumentantis locum affinit, æque personam, non definitis. Itaque eo capite argumentatur a principio statim, multa mala consequi ex eo, quod omnia æque eveniant iustis, & impiis in hoc mundo. Utrum autem, ex absurdis, quæ proponit, est, quod sint in domo Domini servi differentes, alii boni, alii pravi, & tamen Dominus non declaret, quem amet, quem odio prosequatur: sed ita benigne se erga impium, ut erga piū gerere videatur; nec minus gravis & severus sit erga bonos servos, quam erga improbos. Omnia enim bona, malaque hujus vite utrique sunt communia. Nihil ergo falsi nostra edicio continet, sive primum, sive secundum, sive tertium hunc sensum amplectamur.

Nam quod suspicantur quidam Matthæi 24. interpretem falso pro Fulgore, Fulgur reddidisse, ideo quod non fulgur exit ab oriente, & protenditur usque in occidentem, sed fulgor: periculum argumentum est. Primum enim, si quis hoc in loco error inest, hunc non interpretis, sed librarii fuisse, ad veritatis similitudinem videbatur esse propensius. Voces quippe illæ, Fulgur, & Fulgor, usque adeo similes sunt, ut proclive sit unam pro altera substituere. Quare parum æque ca in interpretem culpa rejicitur, quam librariis assignare æquius erat. Deinde interpretis peccatum hic nullum omnino esse potuit: ubi græca omnia exemplaria & vetera, & nova consentiunt,

nec alium, quam ὁρίζων legunt quæ utique vox non fulgorem, sed fulgur sonat. Sed ne de fulgore quidem accipi potest, etiam si græca vox utrumque sonaret. Sol namque paulatim oritur, ejusque adventus diu prætenetur, antequam appareat. Illius itaque fulgor non inexpectatus advenit. Dominus autem sine dubio significat, adventum suum subitum, & inopinatum fore. Id quod fulguris similitudine aptissime exprimitur, quod prorsusquam expectes, jam emicuit & abiit. Et quauquam fulgur non pertingit ab oriente usque in occidentem, si ad Philosophiæ rationem expendas, sed ad exprimendum subitum & inexpectatum quidem, sed conspicuum omnium oculis adventum Christi, satis est accommodare id, quod oculis nostris apparet. Alioqui arguatur D. Thom. quasi perspectivæ facultatis indoctus, qui explicaturus, quemadmodum res divinæ in humanis eluceant, exemplum ponit speculi, in quo, ut ait, rei imago conspicitur. Quod licet revera ita non sit, nobis tamen ita videtur. Quinetiam arguatur Moyses tanquam Astronomiæ imperitus, qui duo luminaria magna posuit, cum sint alia multo majora: Sed sensui nostro illa duo maxima apparent. Nec alienum est a sacra Scripturæ auctoribus se se populo rudi attemperare, loquique, ut vulgus solet. Hisce vero rebus exempla plura ego adjungerem, nisi de hoc argumento satis superque esset dictum. Hæc certe juxta hanc rationem illud dixit, Ab interioribus egredietur tempestas, & ab arcu frigus: Job trigésimo septimo. Ad eundem modum Propheta ait: Qui fundavit terram super aquas: quasi aquæ inferiores sine, cum tamen emineant, ut decimotertio libro ostendimus. Simili quoque lege tres Angeli, qui Patriarchæ apparuerunt, comedisse dicuntur, non quod revera comederint, sed quod comedere visi sunt. Quamquam Justinus figurate accipit, perinde ut ignis devorare & exedere dicitur, quia consumit. Est autem locus in Dialo-
go cum Triphone. Jam vero illa non longam orationem desiderant, quomobrem existimant interpretes non oportere semper easdem omnino res, quæ in Hebræo sunt significare sermone, in Græco, Latinumque transferri; sed satis esse quandoque, si proximæ, æque simillime ponantur. Illud enim in fa-

ter. At nec
Græcum no-
men idem
quomobrem
figurat
nec voces
quæ Græcæ
fulgor, ful-
goremque
designant,
similes, con-
gruæque
sunt, sed
valle di-
versas.

Origenes a
fulgore, de
quo. primi
locus est,
in fulgore
de quo. secun-

tequam quod arbores illæ a Propheta Chaldeo sunt nominatæ sermone; nec opus est, scilicet nos esse, si in Hebræo nec illæ, nec similes habeantur.

Argumentis igitur, quibus editionis nostræ veritas impugnari solet, abunde, in fallor, responsum est. Quamquam nesciam de industria prætermis-
ses scilicet faciliora vita fore, quam quibus resistendis deberem aut eleum, aut operam sumere. Quare illud est, quod Faber Stabulensis ait, Ecclesiam interpretis errore versatam in pie pio Deo angelos legere. Nam lectionem illam impiam credit, Ministi cum pau-
lo minus ab Angelis. Quia in re quam iudeis & inconstitute, quam tenere & insipienter erravit, non esset difficile ostendere, nisi ante nos Præfatus magna argumentorum vi eandem causam evicisset.

Certe interpres epistolæ ad Hebræos vel Clemens, vel Lucas fuit, eorumque modum autores gravissimi prodere. Horum utrumlibet impietatis in simula-
te, piculum erit. Ecclesiam quoque aculeare, quæ eam probavit epistolam, in qua error impius est, an sine im-
pietate fieri possit, ignoro, Sed de his iatis. Jam reliqua persequamur.

Respon.
ad 4.

Enimvero cum historia Susannæ pessi-
ca tempora Ecclesiasticis utilis appro-
bari, & Danielis prophete nomine
populo legeri, eamque Tridentinum
Concilium sua quæque id definitione
firmaverit, ea certe historia nunc a
fidelibus recipienda est. Africanus quid-
em Origeni objectit, quod historia Sus-
annæ ficta videatur, & aliena a scri-
ptura prophetica, ut Eusebius testis est
lib. 6. cap. 23. At illi tamen, ut idem
Eusebius ait, Origenes manifestissime
relicens asserit, nequaquam Iudæo-
rum commentis, & fabulis auscultan-
dum, sed hoc solum pro vero haben-
dum in scripturis divinis, quod 70. In-
terpretes translulissent. Nam id esse so-
lum, quod auctoritate Apostolica con-
firmatum sit. Hæc Eusebius. Idem vero
refert Hieronym. in catalog. de Ju-
lio hoc Africano loquens, & Hierony-
mus ipse lib. 1. Apol. adversus Rufin.
quæ in præfationibus dixerat, ea pur-
gat, inquit: Quod autem refero,
quid adversus Susannæ historiam, &
hymnum trium puerorum, & Belis dra-
conis fabulas, quæ in volumine Hebræo
non habentur, Hebræi soleant di-
cere; qui me criminatur falsum, &

scophantam probat: non enim quid
ipse sentirem, sed quid illi contra nos
dicerent, explicavi. Hactenus Hiero-
nymus.

Ad aliud ergo argumentum, quo-
niam nolumus esse longi in singulis
explicatis, breviter responderetur, cum
locum ex priori epistola ad Corinthus
bisariam apud Græcos lepi: & ut vul-
gata habet editio, & in tunc modum:
Omnes quidem non dominum, sed
omnes inmutabimur. Cuius rei auctor
est Didymus, & Hieronymus in epi-
stola ad Minerum, & Alexandrum.
Neutra autem lectio a viris Ecclē-
siæ reprobata est. Quin admonere
semper lectorem dubiam, & variam
esse; nec alterutram ex eis ut certam
& exploratam amplexi sunt. Neutram
igitur lectionem recipere copimur;
quia neutram partem Doctores Ecclē-
siæ tanquam exploratam & catholicam
asseruere. Quod idem in alia particu-
la qualibet Latine editionis fieret, si
idem penitus contigisset. At ubi Do-
ctores catholici unam, & eandem le-
ctionem sine varietate tenuerunt, nec
ancipitem assertionem libraverit senten-
tiam, nobis non licet Latinam editio-
nem in quæstionem vertere. Sed ne
in hoc quidem loco, Erasmi, Jabri,
& Cæteram sententia probari potest;
qui in re, ubi nihil integerat, utro
modo diceretur, eam lectionem deli-
gere maluerunt, quam novitatis ratio
redderet plausibilem. Id quod gen-
tile his est, qui curiosi sectari volunt
magis, quam solida. Nos autem Ori-
genem, Didymum, Athanasium, Au-
gustinum, Cyprianum, Tertullianum,
communemque Latinorum consensum
sequi malumus. Nam & Acacius Cæ-
sariensis civitatis Episcopus apud Hiero-
nymum in pluribus Græcis exempla-
ribus lectionem nostram haberi dicit,
aliam vero in paucioribus. Nec me ta-
men illud præterit, quod Chrysostomus,
& Theophylactus in commenta-
riis, Hieronymus quoque in epistola
quodam ad Marcellam scribere. Sed,
quod ante dixi, me male habet, in
rebus, quæ in utramque partem con-
trovertantur, nova delectat Theolo-
gos magis, quam vetera, eaque usu
parentum nostrorum comprobata. Ac
de quinto argumento satis.

Ad id vero, quod sequitur, hoc
habeto responsum. Magnus error eo-
rum est, qui sine Spiritu sancti pe-
culia-

Respon.
ad 5.

Lib. 20. de
crit. Dur.
c. 10.
Ad Miner.
& Alia.

In lib. 20.
de crit. Ma-
gis non
provocat.

Immo
plurimum
edidit
at, quoniam

divinitus
tradita fac-
it. non nisi
notam
Deorum in-
terpretante
intelligi
posse. Itaq.
invocandi
esse Deum
a discipulo
cum Deo
auxilio e-
geat.

Cap. 1.

Eliazo.

Loc. cit.

culiari dono Scripturam sacram existi-
mant se posse vel intelligere, vel in-
terpretari. Quod utique donum, quan-
to magis sacris literis intelligendis at-
que interpretandis opus est, tanto ra-
tius difficultiusque contingit. Nam eru-
ditionem, verborum copiam, multa-
rum linguarum peritiam, hominum di-
ligentia præstat: At si spiritus quidem
peculiaris, non tam ob ipsius, quiper-
cipit, quam ob Ecclesiæ utilitatem,
gratuita Dei miseratione donatus, sa-
crorum librorum interpreti desit, je-
juna erunt & frigida omnia, quamli-
bet elaborata, & diu ante excogitata
& inventa fuerint. Imo falsa erunt in
interpretatione pleraque humano sen-
su intelligentiaque traducta. Nam in-
terpretationem Scripturæ, prophetiam,
& inspirationem Dei credit Clemens
Alexandr. lib. 1. Stromat. & Apostolus
in priori ad Corinthios epistola, in-
ter reliqua Spiritus sancti dona com-
memorat: nec philosophiam, sed prophe-
tiam vocat. Videlicet, quod sac-
ris literis explicandis eodem spiritu
opus sit, quo ipse sunt conditæ, di-
vino utique atque prophetico. Id quod
Petrus posteriori sua epistola confir-
mans inquit, Habemus firmiorem pro-
pheticum sermonem: cui bene facitis
attendentes tanquam lucernæ lucenti
in caliginoso loco; hoc primum intel-
ligentes, quod omnis prophetia scri-
pturæ propria interpretatione non sit.
Non enim voluntate humana allata est
aliquando prophetia: sed Spiritu San-
cto inspirati locuti sunt sancti Dei ho-
mines. Hoc autem, quemadmodum an-
te nos viri clarissimi intellexerunt, cum
habet sensum: Bene quidem facitis pro-
phetis attendentes: sed id primum in-
telligite, divinas prophetias humana
& propria interpretatione non intelli-
gi. Spiritu enim sancto locuti sunt san-
cti Dei homines, & animalis homo
non percipit ea, quæ sunt spiritus Dei.
Quis enim cognovit sensum Domini?
Atque idipsum Esaias significavit in-
quiens, Dominus dedit mihi linguam
erudicam, ut sciam sustentare eum,
qui lapsus est verbo. Erigit mane,
mane erigit mihi aurem, ut audiam
quasi magistrum. Et apud Lucam, a-
peruit Dominus discipulis sensum, ut
intelligerent scripturas. Quo testimo-
nio probat Hilarius in Psalm. 115. scri-
pturarum intelligentiam donum Dei es-
se. Quod si scripturarum intelligentia

donum Dei est, scripturas autem in-
terpretari, nemo, nisi qui intelligit,
potest: conficitur utique, sacrarum li-
terarum in aliam linguam versionem
sine Dei peculiari gratia nemini posse
contingere. Alioqui si D. Hieronym.
sufficere existimat verborum copiam,
eloquentiam secularem, trium lingua-
rum peritiam, rerum multipagam co-
gnitionem, cum his omnibus abunde
se noverit instructum, cur in epistola
ad Desiderium deprecatur alienarum
orationum alyutorium, ut eodem spi-
ritu, quo scripti sunt libri, in Lati-
num eos possit transferre sermonem?
Cur item in epistola ad Paulinum Scri-
pturas sanctas interpretaturus, Reve-
la, inquit, oculos meos, & confide-
rabo mirabilia de lege tua? Lex enim
spiritualis est, & revelatione opus est,
ut intelligatur. & rursum: Quanti,
inquit, hodie putant se nosse literas,
& tenent signatum librum, nec aperire
possunt, nisi illi referaverit, qui
habet clavim David. Et in illud ad
Galat. 1. Sunt aliqui, qui vos contur-
bant, & volunt convertere Euange-
lium Christi: Omnis, ait, qui euan-
gelium alio interpretatur spiritu, quam
scriptum est, credentes turbat, & con-
vertit Evangelium Christi: ut id, quod
in facie est, post tergum faciat, & ea
quæ post tergum sunt, verat in fa-
ciem. Si quis tantum litteram sequi-
tur, posteriora ponit in faciem: Si
quis Judæorum interpretationibus ac-
quiescit, post tergum mittit ea, quæ
ex natura sua in faciem constituta sunt.
& posterius eodem quoque cap. in il-
lud, Notum vobis facio Evangelium,
quia non est secundum hominem, &
cetera, Marcion, & Basilides, ait,
& cetera Hereticorum peites, non
habent Dei Evangelium, quia non ha-
bent Spiritum sanctum, sine quo hu-
manum sit Evangelium quod docetur.
Nec putemus in verbis scripturarum
esse Evangelium, sed in sensu: non in
superficie, sed in medulla: non in
sermone solis, sed in radice ratio-
nis. Hæcenus Hieronymus. Qui si ve-
ra dicit, cogit nos profecto credere,
aut veterem interpretem Spiritus san-
cti peculiari dono sacras literas con-
vertisse, aut Ecclesiam Latinam mul-
tus retro seculis non Dei habuisse Eu-
angelium, sed hominis. Cum igitur
obiciis, interpretem non fuisse Pro-
phetam: Sane vero propheta non fuit,

1. cor. 13.
Marcion.

hæ-

habuit tamen (ut Titelmanus recte asseverat) spiritum quandam prophetico vicinum & proximum; qualem necessarium esse ostendimus sacris literis interpretandis. Imo qualis erat necessarius, ut Ecclesia Latina editionem sacrorum librorum haberet, quam tuto in fide & moribus sequeretur.

Jam ad postremum argumentum facile respondemus. Quod si Latinorum ad Græcæ Hebraicæque collatio a nobis negligetur, exemplo D. Ambrosii tueri nos utcumque possemus. Qui cum Græce sciret, & commentarios in sacras literas ederet, sæpe tamen non est dignatus Græcæ consulere, etiam ubi diversitatem aliquam lectionis esse constabat. Videre hoc est in commentariis super caput duodecimum epistolæ ad Romanos. Quod si interpretum etiam magis varietate turbamur, quam juvaremur, Sophronii nos excusare exemplum, qui id de se apud Hieronymum fatebatur. Nos vero nec versiones novorum interpretum, nec linguarum peritiam, nec ad Græcæ & Hebraicæ exemplaria Latinorum collationem damnare volumus; quin potius magnopere commendamus. Nam si Augustinus de doctrina Christ. lib. 2. cap. 11. vulgarium etiam & parum doctorum interpretum versiones adjuvare inquit intelligentiam, quam impedire, ego varias doctissimorum hominum editiones jure reprehendere nec possum, nec debeo. Arque ut invidiam eorum deprecet, qui nos aut miseros & barbaros, bonarumque literarum expertes, aut etiam laborum alienorum invidos reprehensores calumniari possunt; ego in linguarum cognitione plura etiam commoda ad sacras literas intelligendas esse fateor, & id quidem peringenue: tantum abest, ut linguarum peritiam infecerit.

CAPUT XV.

De linguarum Hebraicæ & Græcæ utilitate.

Pincipio enim sunt linguæ utilissimæ, ubi differtur cum infidelibus: vel etiam ubi infideles alienarum linguarum ad fidem instituuntur. Quæ

causa vel sola redditur in illa Clementina 1. de magistris, propter quam linguæ sunt in academiis perdiscendæ. Alioqui, quorum attinebat Arabica lingua, quæ ibi doceri præcipitur? Qua de re, leviter motus videtur Erasmus, ut Clementinæ hujus argumento assereret, ad sacras literas intelligendas, Hebraicam, Græcamque linguam esse necessarias. Altera linguarum commoditas est, in his disquisitionibus explicandis, quæ magnam emphasim habent, aut aliquam innotam proprietatem apud Hebræos & Græcos, quam Latinus sermo exprimere non valet. Hujusmodi disquisitiones multas cum in Hebræis questionibus, tum in commentariis annotavit Hieronymus. Nos unam aut alteram exempli causa ponemus. Ut Marc. 6. interpres reddidit, Et cum dimississet eos: ubi verbum tamen Græcum ἀποστέλλων non significat simpliciter dimittere, sed dimittere benigne ac grato, quemadmodum amicis celebrato convivio benevole valedicimus. Quæ in re Evangelista Græce scribens, Jesu Christi etiam erga rusticos summam comitatem & gratiam commendavit. Id quod Latina voce exprimi vix potest. Et in epist. ad Ephes. pro eo, quod nostra editio habet, A constitutione mundi, Græce habetur ἀπὸ βασιλῆως, cuius vocis Emphasim Hieronymus in commentariis explicare volens, Non idipsum (inquit) ἀπὸ βασιλῆως, quod constitutio sonat; unde & nos propter paupertatem linguæ & rerum novitatem, & (sicut quidam ait) quod sit Græcorum sermo latior, & lingua felicior, conabimur non tam verbum transferre e verbo (quod impossibile est) quam vim verbi quoddam explicare circuitu. ἀπὸ βασιλῆως, proprie dicitur cum quid deorsum jacitur, vel cum aliqua res sumit exordium. Unde & hi, qui ædium futurarum faciunt fundamenta, ἀπὸ βασιλῆως dicuntur. volens itaque Paulus ostendere, quod Deus universa sit machinatus ex nihilo, non conditionem, non creaturam atque facturam, sed ἀπὸ βασιλῆως, id est, in ædium fundamenti ad eum retulit. Hactenus Hieronymus. Et 1. libr. adversus Jovinian. tractans illum locum, 1. Corinth. 7. Non ut laqueum vobis injiciam, Sed & proprietatem, ait, Græcam Latinus sermo non explicat. Quibus enim verbis, quis pos-

In præf.
super Lave-
rentii an-
notat.

Hieron. in
ad. ad So-
phronium.

sic dicere, &c. unde & in Latinis codicibus ob translationis difficultatem hoc penitus non invenitur. Cujusmodi sunt & alia exempla plurima, quae nos causa brevitas omittimus. Legat multa qui volet apud Hilarium in expositione Psalmorum, pluribus in locis afferentem, Latinum sermonem plenam Graecae litterae intelligentiam non reddere. Ambrosius quoque in explanatione Psalm. 118. Lantos, ait, non posse in omnibus vim Graeci sermonis exprimere: quod in Graeco plerumque major sit vis & pompa sermonis. Quia in re plurimum Theologos juvare possent Erasmi in novum Testamentum annotationes: nisi eas tam multis erroribus aspersisset.

Est alia quoque utilitas, ad accipiendos plures sensus catholicos ex eadem scriptura, praesertim cum apud Graecos & Hebraeos est aequivoca. Sic enim dictiones polytemas & ambiguas dialectici nostri vocare solent. Nam interpres unam solum vocabuli significationem reddere potuit. Ut Eccles. 2. ubi nostra editio habet, Cogitavi abstrahere a vino carnem meam, alii verunt, Trahere in vinum carnem meam, alii, Attrahere in vino carnem meam: Cujus quidem contrarij omnino versionis contrarij verbi Hebraici significatus causa fuit. Quod & Hieronym. ipse in commentariis admonuit. Atque 1. li. Apologiz adversus Rufinum, tractans illud 1. Psalm. Apprehendite disciplinam, pro quo ipse interpretatus est, Adorate filium, vel etiam, Adorate patrem. Nisi (inquit) & prolixum esset, & redoleret gloriolam, jam nunc tibi ostenderem, quid utilitatis habeat magistrorum lumina terere, & artem ab artificibus discere: & videres quantae sylva sit apud Hebraeos ambiguum nomen atque verborum, quae diversae interpretationi materiam praebuit, dum unusquisque inter dubia, quod sibi consequenter videtur, hoc transfert. Hactenus Hieronym. Ambrosium item vide, in Psalm. secundum de verbo, Beseit. Ambiguitas etiam in aliena lingua festivum: quandoque vocis usum lusumque praebet, qui in nostra non solum conservari nequit, sed ne sensus quidem permanens sine magna licentia reddi. Ut Hieron. primo, pro eo, quod nos habemus, Vigilantem, in Hebraeo est. vocabu-

lum, *Soced*, quod ambiguum est, necumque & vigilas significat. Ut Hieronymus ibidem & in Ecclesiastes cap. ult. disserit. Cum itaque Propheta in visione virga nucem seu amygdalinam fuisset ostensa, rogatus a Domino quid videret, Hebraea lingua virgam *Soced* se videre respondit. Tunc ergo Dominus sermonis occasione ludens, Bene, inquit, vidisti: quia vigilabo ego, &c. Ita quamquam Hieremias in una significatione nomen accepit, at Dominus ad alteram flexit, fecit ex sermonis ambiguitate concentum sententiae elegantissimum, ut si sydus quoddam celeste videns, canem le videre diceret, scire illi diceretur, bene vidisti, Canis enim lacerabit te, &c. Jam vero si interpres Latinus *Soced* in nucem transulisset, quod 70. fecerant, absurde sane subjungeretur, Bene vidisti, quia vigilabo, &c. unde coactus fuit nova: quadam, insolitaque interpretatione licentia, virgam vigilantem Latinis auribus reddere. Quae ego asserere non audeam, nisi auctor gravissimus Hieronymus alluxisset.

Quarta utilitas in linguarum eruditione est ad cognoscenda idiomata, phrasas, & proverbialia linguae alienae: ut sunt illa, Ne respicias post tergum: &, Neminem salutaveris in via: Quibus maxime quadam itineris celeritatis quasi proverbialiter & figurate significatur. Illud etiam per proverbialem figuram apud Hebraeos atque Hispanos dicitur, Omni habenti dabitur, ab eo autem, qui non habet: & quod habet auferetur ab eo. Sic apud Ecclesiasticum de consiliario infido & traditore dicitur: A consiliario serva animam tuam, ne forte mittat sudem in terram, & dicat tibi, Bona est via tua. sic Hebraea phrasi, filii excursorum robusti & expediti dicuntur. Qua de re Hieronym. lege in epistola ad Marcellinum, cujus initium, Beatus Pamphilus. Sic filix carnis, Ecclesiast. 12. aures intelliguntur. Sic Saul filius unius anni dicitur, cum regnare cepisset, id est, innocens. Nisi, quod Eucherio visum est, ita intelligas: Saul enim electum a Samuele uno anno domi tacuisse. & expleto anno cepisse regnare. Sed de hoc exemplo alias. Nam vitio scribentum forte pro 22. anni unius anni indicitur. Sic Nemrot robustus venator coram Domino, id. est, sub caelo, quasi robustissimus.

h. 2. omnium.

In Psal. 67.
& in illius
v. 11. Ps. 118.
O unitus com-
munitatis
nisi vide &
peris & in
illius, Vig
mandatoris
tu tunc cu-
cunt, cum
dilatate
morum &
in illius,
Tudie me
in sententia
mandatoris
tuorum.

In 12. cap.
Ecc. & in
21. c. Hier.

Gen. 19.
Luc. 10.

Hispane,
Noveat
do in mibis,
id est, mibis
moram fac-
cias.
At dico
donc le don
ecc. ne pou-
bre ann lo
que tunc le
qui tunc.

Cap. 12.

Habla con
nos, y cote
piedras con
piedras.

omnium hominum, qui sub cælo erant. Seio quosdam ita interpretari, ut venator coram Domino dictus sit, quasi Dei venator: quod significaretur civilem unius monarchiæ potestatem vindictam esse a Deo approbatam, ut quæ Dei administra sit. Sed id, quod prius dixi, Hebræorum doctissimis placet. Vel certe venator coram Deo vocatur, id est, sub dio. Homines enim ferarum more palantes in agris ad civilem societatem coegit.

Sic pluisse Dominam a Domino, Hebraïsum esse quidam existimant, id est, desuper: sed solum a patre intelligunt, Euseb. lib. 1. Ecclesiast. Hist. cap. 1. Hieronym. Osæ 1. Irenæus lib. 3. cap. 6. Basilus lib. 5. contra Eunom. Marcellinus ad Salomonem Episcopum, Concil. Symiensi. canon. 75. Ac eerte, ut alios libros veteris Testamenti prætermittamus, Salomonis Proverbia, nisi habita ratione Hebræicæ consuetudinis & sermonis, vix ullo pacto explicari queunt. Nam quod apud Hebræos proverbiali figura dicitur, id apud Latinos nullum quandoque proverbium est: quod plerique ignorantes, in proverbiorum expositione aut ad allegorias confugiunt, aut varia etiam deliramenta fingunt: multoque melius fuerat, simpliciter inscitiam confiteri, quam imperitiæ suæ alios hæreses facere. Horum ego Latinorum errata facile commemorarem, nisi aliud huius temporis ratio postuleret: & nos aut reverentia, aut benevolentia causa neminem. Illud certo nomine volumus lacerare. Illud constat, Parabolas aliud in metalla, aliud in superficie polliceri, neque hoc sonare, quod scriptum est. Ex quo, ut Hieronym. in Ecclesiast. cap. ult. ait, manifestum sit, Proverbiorum librum non, ut simplices arbitrantur, patentia habere præcepta: sed quasi in terra aurum, in nucis nucleus, in hirsutis castaneorum operculis absconditus fructus inquiri, ita in eis divinum sensum altius percrutandum. Id quod sine Hebrææ lingue peritia difficulter, ne quid amplius dicam, faciemus. Juvaret autem Hieronymus vehementer Latinam intelligentiam, si commentarios in libros Proverbiorum edidisset. Nam, qui circumferuntur, quamquam Hieronymo in Decretali, tit. de constit. tribuuntur, Hieronymi tamen non esse liquido deprehenditur.

Quinta commoditas est ad mendæ ex corrigenda, quæ ex incunâ videlicet typographorum, aut eorum, qui exscribere, imperitia obrepserunt. Ut Josue 11. cap. Non fuit civitas, quæ se non traderet: ubi secunda negatio superfluit, ut ex consequentibus manifeste colligitur. Sed quia fortasse 70. interpretes negationem illam in exemplari habuerunt, coacti sunt verbum Tradidit, ad suppositum aliud referre, & pronomen, Se, vel expungere, vel omittere. Item Psalm. 26. Ut videam voluntatem Domini: pro, Voluptatem, Græce τρυφή. Et in tit. Psalm. 62. Idumææ, pro, Judææ, ut Græca omnia Hebræaque exemplaria demonstrant. Et Psalm. 65. Et exultavi sub lingua mea, pro, Exaltavi, id quod tam ex Græcis, quam ex Hebræis manifestum est. Sunt qui putent, etiam subesse mendum Psalm. 19. Ipsi obligati sunt, & ceciderunt: pro, Obligati sunt; sic enim Hieronymus vertit, Incurvati sunt: & consentiunt ceteri interpretes. Ac Psalm. rursus 124. Declinantes autem in obligationes, pro, Obligationes, Hieronymus reddidit, pravitates; Felix, perverſa; alii, iniquitates. Consentit hic Tietlmannus. Verum hæc duo loca incorrupta sunt. In priore siquidem Græce habetur συνποδίζω. Συμπόδίζω autem est, obliſco, nexu impedio, & implico. In posteriore vero Græce legimus τραγυγλίζω, quæ vox Latinis est, obligatio, nodus, & nexis implicatus. Quemadmodum & Nazianzenus in orat. usurpavit. Ac Hieronym. in Isaïæ cap. 58. obligationes nobiscum legit. Unde & nodus gutturis, & locus strangulationis, τραγγύλη Græcis dicitur: & τραγυγλίω, strangulo, suffoco. Illud sane corruptum est in Psalm. 106. Effusa est contentio super principes: pro, Contemptio, Græce, ἐξουδένωσι. Quam eandem vocem, Psalm. 122. in Despectionem vertit interpres. Rufinus autem libro 8. Hist. Eccle. cap. 1. illud ita convertit, Effusa est contumelia super principes. Et Job. 19. Vel celæ sculptantur in silice: pro, Certe. & Lucæ 10. Suscipiens, pro, Suscipiens, ὑπολαβὼς; tamen auctor libelli de vera & falsa penitentia, qui nomine Augustini circumfertur, communem errorem secutus est. Et Lucæ decimo quinto, Everrit, pro, Everrit, εταροί. & primæ ad Corinthios 2. Spiritualiter

vid. Job. 19.

ter examinatur : pro , Examinatur , *ἐξετάσθαι* . & capitulo 10. Omnes , qui de uno pane , pro , Omnes quidem . & cap. 15. Quotidie morior propter gloriam vestram ; pro , Per gloriam . Jurat quippe ibidem Apostolus , & particula *ἵνα* adverbium jurantis est apud Græcos . Et ad Hebræos cap. 5. interpretabilis sermo , pro , ininterpretabilis , hoc est , ineffabilis , explicatuque difficilissimus , quemadmodum ex Hieronymo in epist. ad Evagrium liquet . Atque idem Hieron. inquisition. Hebr. Genes. 3. legendum ait , Ipse conteret caput tuum , non Ipsa . Cum enim apud Hebræos neutro genere ad semen referatur , interpretes rem significatam pendens , in masculino genere transiit , Ipse . Quod imperiti non intelligentes , vitiumque scriptoris existimantes , substituerunt , Ipsa . Ut illa prætereamus , quæ Augustinus Eugubius commemorat . Sicut cervus deliderat umbram : pro , Servus . & , solis ardore : pro , Salis . & , Sitivit anima mea ad Deum fontem , pro , Fortem . Et , intersecta est terra a sanguinibus , pro , Infecta . Nam & Psal. 70. pro eo , quod nos habemus , Qui diligit iniquitatem , odit animam suam , Divus Hieronymus legendum credit , Anima sua , hoc est , ipsius . reuertur enim , anima sua , ad Deum , non ad peccatorem . Sensus autem nunc hæc convenit , ut Deus scilicet intelligatur utrumque quidem interrogare , & iustum & impium : sed impium tamen reprobare : odium enim Dei reprobatio est . Nos autem Græca 70. interpretum exemplaria , quæ nunc quidem extant , sequi possumus . Non enim illa habent , *τῆς ψυχῆς* , sed , *τῆς ψυχῆς* . Arque fortassis hinc illud apud Tobiam acceptum est , Qui autem faciunt iniquitatem , hostes sunt animæ suæ . Similiter & in epistola ad Suniam & Fretellam , pro eo , quod in psalm. 5. legitur , Dirige in conspectu tuo viam meam , legendum contendit , Dirige in conspectu meo vitam tuam . Sic enim ipse verterat , Dirige ante faciem meam viam tuam . At in hoc etiam nos Græcorum exemplaria sequimur : & vulgatam lectionem , cum fieri sane potest , approbamus . Simile illud est ad Philippen. 3. Qui spiritu Deo servimus , ubi spiritui , legendum efficit credit Ambrosius lib. 2. de Spiritu Sancto , cap. 6. Nec solum in Latina lin-

gua huiusmodi errores accidunt : sed eos etiam in Hebraica & Græcaprehendimus . Deprehendit Cajetan. ac vere ille , meo iudicio quidem , 2. Regum 21. vocem Michol , falso ab Hebræis pro , Mcrob , fuisse substitutam : ut patet 1. Reg. 12. Deprehendit quoque Hieron. in Psal. 131. septuaginta interpretes non *χῆμα* , id est , viduam , sed *ἡρώα* , id est , venationem transulisse , sed propter vocum similitudinem pro , *ἡρώα* , id est , venatione , *χῆμα* , id est , viduam , esse suppositam , maxime quia in sequenti versiculo Pauperes sequuntur . Nisi forte Latinus interpretes Viduam , aut Venationem , reddidit , & error obtinuit , ut , Vidua , legeretur . Nam vox Hebraica nullo modo viduam , sed venationem , victum , viaticumque significat . Huiusmodi menda gravi ratione , prudentique consilio corrigi possunt . Nam illos quis serat , qui , sicut est apud Quintilianum , dum librariorum insectantur incitiam , produnt suam ? & dum libros sacros mendis (ut ajunt) scatenes purgare volunt , contaminant . Fateor siquidem proclive fuisse & facile indocto , & negligenti librario , præsertim in verborum & rerum nonnulla similitudine , ea , quæ recta erant , explodere , & quæ erant depravata substituere . Fateor etiam tantam fuisse olim in sacras literas reverentiam , ut quæ menda quamlibet dilucida semel irrepserant , religio fuerit attingere . Sed video quoque hujus temporis improbam temeritatem , quæ adeo nihil non audet sacris codicibus corrigendis , ut Manichæi olim parum in hac re immodesti fuisse videantur , quos August. ad Hieron. scribit , multa divinarum scripturarum loca vitiosa esse contendere solitos , non ab scribentibus Apostolis , sed a quibusdam , nescio quos , codicum depravatoribus . Verum hæc hæcenus . Illud tamen non est prætereundum , quod D. Hieron. in 40. e. Ezechielis scribit , omnia prope verba Hebraica , & nomina , quæ in Latina translatione sunt posita , nimia esse venustate corrupta , scriptorumque vitio depravata . Ut igitur hæc emendaretur , Hebraicæ linguæ cognitio necessaria est . Nam etsi nomina adhuc integra & illibata manerent omnia , sed ipse tamen nominum interpretationes , quibus multa Scripturæ sacra mysteria aperiuntur , sine huius

Apost. 2.
de doctr.
Christ. c. 12.

Vide Ang.
lib. de bono
priest. c. 12.

Linguae peritia non habentur; ut August. 1. de doct. Christ. cap. 16. auctor est. Quo etiam loco illud agnoscit, non parum beneficii eos Latinis hominibus contulisse, qui Hebraica nomina separatim interpretati sunt.

Sexta utilitas fuit ad intelligenda quaedam loca, scilicet quae vel apertius ab interprete reddi poterant, vel etiam quae sine linguarum cognitione nequeunt explicari, ut apud Joannem: *Cap. 4.* Erat quidam regulus: pro quo Graece, βασιλικός, hoc est, de aula regia, seu Palatinus, ut Hieron. in Esaiam annotavit. Videtur interpretes Graece legisse, βασιλικός, Graeca vero exemplaria habent omnia βασιλικός, id est, regalis, seu regius. Quae ex re conjectura sit, interpretem, regalem, vertisse, sed a sciolo, Regulum, esse suppositum. Et Joannis primo: Qui post me venturus est, ante me factus est: quod evidenter verteretur, Mihi praepositus, seu, ante latius est, ut August. super Numeros, quæst. 51. & super Joannem homil. 3. subnotavit. & Actor. 27. Cum non esset tuta navigatio, eo quod jejuniium jam præterisset: pro eo, Quod ultra tempus sustinuissem mediam. & ad Roman. 12. Non voluistis pios defendentes: pro Uelicientes. Nam numerum bestiae, qui Apoc. cap. 13. scribitur, sine alphabeti Graeci secundum ordinem arithmeticum intelligentia, aut vix, aut certe nullo modo exponere possumus. De qua re 13. libro Iulius differemus.

V. denotam
in fine libri
21.

Septima utilitas, ad evitandum errorem ex Latini sermonis amphibologia. Ut, filius hominis in Evangelio dicitur Christus. Ubi cum genitivus apud Latinos communis generis sit, apud Graecos articulo masculino definitur: ut non, filius virginis, sed filius Adam intelligatur. Filius liquidem hominis juxta Hebraicam phrasim dicitur, ut filius terrae, homo obsecutus & contemptibilis: quia utique nomenclatura Dei filius identidem in Evangelio gloriatur. Tanta sunt Verbi incarnati modestia. Quanquam, ut Augustinus ait, commendat Christus frequenter nobis, quod misericorditer dignatus sit esse pro nobis. Hujusmodi etiam exemplum est ad Romanos ultimo; Salutat vos Cajus hospes meus, & universae Ecclesiae. Ubi, Universae Ecclesiae casus gignendi est, non nominandi, ut Cajus intelligatur, non

Paulum modo, verum etiam totam Ecclesiam hospitio excipere. Et Lucæ 12. Quod superest, date elemosynam. Ubi Latinus sermo anceps est. Potest enim intelligi, Quod superest, pro eo, quod unum illud vobis restat, seu reliquum est: vel, Quod superest, id est, quod superfluum est. Quam utramque intelligentiam Latinus quidem sermo recipit: Graecus tamen excludit. Habetur enim & ὑπερῆκ, id est, quae insunt, seu quae habentur, ut & Theophylactus, & Cyrillus lib. 2. in Leviticum, & Augustinus super Psalm. 125. & Chrysost. homil. 33. ad populum, & super epistol. ad Hebræos, hom. 9. exponunt. Nam hunc postremum sensum Graeca lectio habet, primum & secundum non videtur habere: tamen secundus ille D. Thomae placuerit: qui quidem in ea re & Bedam sequitur super Lucam, & Gregorium in epistola ad Augustinum Anglorum Episcopum: referturque 12. quæ. 1. cap. Quia tua.

Alia denique utilitas est, ad quaedam vocabula vel Hebraica, vel Graeca percipienda, quae in editione Latina remanserunt, vel propter sanctiorem antiquitatis servandam auctoritatem, vel quia in linguam alienam transferri commode non potuerunt, quod Augustin. lib. 18. de civitate Dei, c. 11. tradit. ut Matthæi 21. Pauperes evangelizantur: id est, bonum accipiunt nuncium. Cum enim in humano principatu regum mysteria secreta ad pauperes per divites deriventur, in Christi regno e contrario nuncia celestia ad divites per pauperes sunt delata. & 1. ad Corinth. ult. *Anathema, Marana a-ba.* Quorum illud prius Graecum, hoc posterius non tam Hebraicum, quam Syrum est. Quae de re Hieronymus dixerit in epistola quodam ad Marcellam, cujus initium est, Nuper: & in epist. ad Damasum de verbo Osanna. In qua Hilarius notat, quod ob linguae hebraicae imperitiam, verbum illud male fuerit interpretatus. Sunt & aliae forsitan in peritia linguarum utilitates. Nec enim ego omnes enumerare potui: sed quae satis erant, ne hujus rei invidia labeis daretur disputatio mea. Isthuc autem melius ab aliis copiosiusque tradentur, qui linguarum patrociniū sorte susceperint. Quia in causa quae volent, omnia poterunt dicere, ac nos quidem libenter audie-

mus,

mus, si intra præscriptos modo religionis modestiæque terminos se contineant; nec aut veras linguarum utilitates fallaci vanitate, aut etiam veterem Latini interpretis editionem novis aliis quasi elegantioribus melioribusque permittunt. Sunt enim nonnulli, quibus, quoniam novi Testamenti antiqua versus parum elegans & culta est, placeret maxime, ut illa summo, in illius locum Latinior alia succederet. Scilicet artis coloribus Dei volunt sapientiam pingere, & quasi puellam rhetorum stolis exornare. At illa modesta cum sit, non ambit ornatum: cum sit gravis, sicum ignorat: cum virilis, nundo muliebri non capitur. Sine phaleris est, ait quidam, omne quod dicitur affectu. Amor itaque phaleras nescit. Dicendi ornamenta, alius inquit, non sunt negotii, sed otii; nec militæ sunt picta verba, sed quietis. Igitur quæ bellicum canit, quæ exultat quasi tuba vocem suam, quæ irruentes hostes, mortem præsentem intonat, ea horridum nescio quid & barbaricum sonat, non tanquam lyra citharæ cæmen musicum suavi dulcique sono canit. Quid Theopompo acciderit in Scriptura sacra rhetorum more ludenti, memoræ proditum est. Sed dimittamus externa, ad nostra veniamus. Non in persuasibilibus, ait, humanæ sapientiæ verbis, sed in ostensione spiritus & virtutis. Et rursum, O Timothee, devota, inquit, prophanas vocum etiam novitas, tenenda est antiquitas: & si prophana novitas est, vetustas sacrata est: quemadmodum Vincent. Lirinen. dixit. Item, Eloquia domini, eloquia casta, argentum igne examinatum. Scilicet ab spiritu puro & simplici, pura, simplexque oratio expectanda erat. Nec lætinam gravem, honestam, seniore decebat, nisi castus ornatus. Vide Aug. lib. de doct. Christi. 4. cap. 6. Quamobrem ingenue dicam, ne illos quidem probare unquam potui, qui paraphrases quamlibet Latinas & elegantes in sacras literas ediderunt. Cum enim personam Christi, Paulive loquentis assumunt, quo elegantius nitidiusque eloquuntur, eo minus illorum spiritum & maiestatem servant, arque adeo rei quodammodo sunt læsi spiritus, & maiestatis. Certe, quod olim puer magno assensu virorum sapientium dixi,

Si aut Christus, aut Paulus istorum mihi lingua loquerentur, nec Christus mihi, nec Paulus essent. Non est nitidulus Christus, mihi crede, non est compulvus, non elaborate ornatus: Paulus vero non scientia ille quidem, sed sermone imperitus est tamen. Permittit Christo igitur linguam suam, linguam suam permittit Paulo: utraq; enim calamus est scribæ velociter scribentis, non ad singula verba & apices elaborantis. Novi ergo testamenti vetus editio, id namque agebamus, quamvis simplex & inculta sit, non est propter hoc minoris faciendi. De tertia igitur questione satis dictum est.

CAPUT XVI.

Ubi ponuntur argumenta eorum, qui sunt epinati, sacros auctores in libris Canonicis non semper Divino Spiritu fuisse locutos.

Quarta consequens sit, An auctores sacri in libris Canonicis spiritu interdum humano sine divina & supernaturali revelatione loquantur. Fuerunt enim viri Ecclesiastici nonnulli (ut Hieronymus in proœmio super epistolam ad Philemonem testatur est) qui crederent, non semper auctores sacros Spiritum in se loquentem habuisse. Quia nec humana imbecillitas unum tenorem sancti Spiritus tam longo orationis decursu ferre potuisset: Nec dignum est (inquiunt) ut ad huius corpusculi naturales & evidentes necessitates Spiritus sancti maiestatem sine causa deducamus. Adhibent vero huius rei exempla ex epistola ad Timotheum 1. Penulam, quam reliqui Troade apud Carpum, veniens. affer tecum. Et illud, Lucas est tecum solus: & Trophimum reliqui infirmum, & alia huiusmodi, quæ passim in epistolis Pauli humanitus scripta inveniuntur. Non igitur scriptores sacri Spiritum sanctum semper manentem, & in ipsis loquentem habuere. Nam & hoc Christo Domino peculiare fuit, ut Joannis 11 cap. dicitur: Super quem videris (inquit) Spiritum descendentem, & manentem super eum, & cæc. Confirmatur autem idem hoc argumento, maxime quod sicut Deus non deficit in necessariis, ita non redundat in superfluis, quemadmodum Aristoteles demonstravit. Ad ea vero, quæ natura-

Controversia 4.

1. Argu.

Euseb. de temporat. Ev. 2. li. 2. c. 1.

Cor. 1. 1.

Tim. 6.

E. 4. li.

li lumine nota erant, non erat supernaturalis revelatio necessaria. Quæ igitur scriptores sacri viderant, & manibus atrectaverant, non divino lumine infuso, sed humano locuti sunt.

a. Arg. Deinde, Apostolus in priori ad Corinthios epistola quædam ponit, de quibus asserit, quod domini sunt mandata. Præcipio (inquit) non ego, sed Dominus. Mox vero subdit, Cæteris ego dico, non Dominus. Quod si Paulus ex interna revelatione Spiritus sancti omnia scriberet, profecto non diceret, Ego dico, non dominus. Quoniam ejusmodi consilia, quæ Deo revelante dantur, Domini sunt: quemadmodum quæ a prophetis per revelationem dicebantur, Dei verba erant. Non enim Propheta asseruisset, Hoc ego dico, non Dominus.

Hanc vero argumentationem non leviter, sed haud scio an gravissime Basilus confirmat lib. 1. contra Eunomium capite penultimo, in hæc verba: Quæcumque spiritus loquitur, Dei verba sunt: & propterea omnis scriptura divinitus inspirata, & utilis est, quam locutus est spiritus. Nam vere id monstrat, spiritum non esse creaturam: Quoniam omnis rationalis creatura est, quando ea, quæ Dei sunt, loquitur: ut cum dicit Paulus, De virginibus autem præceptum non habeo; consilium autem do, tanquam misericordiam consecutus: his autem, qui matrimonio conjuncti sunt, præcipio, non ego sed dominus. Et propheta, O domine, judicia loquar ad te. Quid, quoniam impii prosperantur? Et rursus, Heu me mater, ut quid me peperisti? Nonnunquam autem dicit, Hæc dicit dominus. Et nonnunquam Moyses, Ego sum tenuis voce, & tardæ lingue. Aliquando vero is ipse, Hæc dicit Dominus, emittas populum meum, ut mihi sacrificet. Spiritus autem non sic. Non enim aliquando sua, aliquando quæ Dei sunt, loquitur: id namque creaturæ dicit: verum omnia spiritus verba Dei verba sunt. Hæcenus Basilus. Sed & Origenes homilia 16. super Numeros, Sermo (ait) qui apud Jonam scriptus est, & non est factus, a Jona potius, quam a Deo prolatus esse videtur. Non enim semper ea, quæ per prophetam dicuntur, quasi a Deo dicta suscipiantur oportet. Nam per Moysen multa quidem locutus est Deus, aliquanta tamen & Moyses pro-

pria auctoritate mandavit. Quod Dominus in Evangelis evidentissima distinctione fecerit, cum dicit de repudio mulieris interrogatus: Ad duritiam cordis vestri permisit vobis Moyses dimittere uxores vestras: ab initio autem non fuit sic, &c. Ostendit hæc & Paulus in litteris suis, cum dicit de quibusdam: Dominus dicit, & non ego, & de aliis: Hæc autem ego dico, non Dominus. Et iterum in aliis, Præceptum Domini non habeo, consilium autem do. Et iterum, Quæ loquor, non loquor secundum Deum. Unde similiter etiam in cæteris Prophetis aliqua quidem Dominus locutus est, & non Prophetæ, alia vero Prophetæ, & non Dominus. Hæcenus Origenes. Qui eandem quoque sententiam in præmio commentarii in Joannem amplexus est. Et Ambros. lib. 8. in Lucam, c. 60. explicans illud, Ad duritiam cordis vestri, &c. Ostendit, ait, locus hic, quæ propter fragilitatem humanam scripta sunt, non a Deo scripta. Unde & Apostolus: Denuncio, inquit, non ego, sed Dominus, uxorem a viro non discedere: sed infra: Cæteris, inquit, ego dico, non Dominus: Si quis, &c. Hic Apostolus negavit legis esse divinæ, ut conjugium quæcumque solvatur. Tantum Ambrosius. Cum igitur Basilus, Ambrosius, & Origenes viri clarissimi, non in ea modo sententia fuerint, verum etiam scripturæ sacræ testimoniis confirmaverint, nihil erit absurdum, si nos etiam asseramus, non omnia quæ sacri auctores scripserunt, Spiritus sancti assensu scripta fuisse.

Addo quod Apost. in posteriore ad Corin. epistola, affectum se penitentia dicit, quod illos prioris epistolæ reprehensione vexarit. Rei autem semel scriptæ, non alium penitere potest, nisi cum, qui scribendo crediderit se errasse. Non igitur Paulus, quæcumque ad Corinthios scripsit, divino ea spiritu se scripsisse existimavit. Adde rursum, quod in hac etiam epistola posteriore, In quo quis audeat, inquit, in insipientia dico, audeo & ego. Ministri Christi sunt (ut minus sapiens dico) plus ego. At blasphemum est, verba Spiritus sancti in insipientia dicta affirmare. Spiritu igitur hominis Paulus ibidem locutus est. Adde etiam quod in eadem epistola, cum dixisset Apostolus, se plus omnibus

Marib. co.

1. Cor. 7.

2. Cor. 13.

3. Arg.

Cap. 7.

Cap. 11.

Mittitur Origenes illo Deut. testimonio: Quod si in nomine Domini prophetia quævis pronuntiaverit, & non venerit, hoc Dominus non est locutus.

laborasse, correctione mox adhibita, docet parum se caute fuisse locutum. Non autem ego, inquit, sed gratia Dei mecum.

Argu. 4. Præterea, si quæcunque Apostoli præscripserunt, ex divina auctoritate ac revelatione exstunt omnia, certe illud Pauli præceptum, quo jubet, ut Episcopus sit unus uxoris vir, divinum est, non humanum. Ita fieret, ut summus pontifex in eo dispensare non posset. Nam, ut Aug. ad Januarium ait, quæ Christus præscripsisset, ea nemo auderet variare. At, ut qui bigamus fuisset, is fieret episcopus, summus pontifex, orbe etiam probante, aliquando fecit. Non ergo Apostoli decreta omnia Spiritu sancto auctore præscripta sunt.

5. Argu. Matth. 12. Marc. 1. Matthæus insuper memoria lapsus est; nam pro Zacharia Hieremiam posuit, & Marcus item, cum in Esaia scriptum affirmet, quod in Malachia scriptum est. Et cum rursus hora tertia narret Dominum crucifixum, qui hora fere sexta a Pilato judicatus est, ut Joan. c. 19. dicitur. Quæ ex re fit, ut non semper in omnibus Evangelistis scribenti Spiritus Sanctus assuerit.

6. Argu. Præterea, Lucas capite Evangelii 3. dicit Cainam filium fuisse Arphaxad, Salec autem filium Cainam. Constat vero Genes. cap. 11. Salec non Arphaxad nepotem fuisse, sed filium, nullamque inter hos mediam generationem intercessisse. Superflua igitur est in genealogia Christi una generatio, atque adeo non est instinctu Sancti Spiritus apposita.

7. Argu. Lucas denique idem act. 7. multa refert, quæ spiritu affante referri non poterant. Ut est illud primum, quod Joseph accersivit omnem cognationem suam in animabus 75. At bene 46. & Exod. 1. septuaginta filium animæ enumerantur. Nec vero dici potest, Stephanum Josephi eos etiam filios suspicari, qui nati sunt postea: Et per anticipationem aut proleptim hos cum illis simul 75. dicere. Eos enim Josephus accersire non potuit. Dicit autem Lucas, Joseph 75. animas accersisse. Illud gravius est, quod deinde subjicitur, Jacob & Patriarchas translatos fuisse in Sichem, cum Josephus 2. antiq. lib. c. 8. fratres Josephi affirmet conditos esse in Hebron. Quæ in re non aliud scribere credendus est, quam quod a majoribus per manus tra-

ditum vulgo etiam tenebatur. Præterquam quod Lucas hic aperte dicit, Patriarchas sepultos esse in sepulchro, quod emit Abraham. Atqui certum est, Abraham in Hebron emisse sepulchrum, Genes. 13. Tertium vero multo difficilius est, quod rursum addit, Abraham sepulchrum emisse a filiis Emor, filiis Sichem: Jacob siquidem a filiis Emor partem agri emit, ut Gen. cap. 33. scribitur: Abraham autem non a filiis Emor, sed ab Ephron filio Sohac, speluncam emit duplicem, quod Gen. cap. 23. non obscure traditum est. Quid? quod Emor Lucas dicit filium fuisse Sichem, cum Gen. 33. contra dicatur, Emor patrem Sichem fuisse, non filium. Frustra ergo, ut videtur, asserimus, nihil in sacris esse libris, quod non idem spiritus astatu scriptum sit. Verum a contraria parte illud facit, quod si in libris Canonici aliqua humano more & spiritu vel scripta, vel commemorata fuissent, nihil obitare videretur, quominus in iis aliquod mendacium esset. Jam si errorem aliquem in scripturis sacris agnoscimus, earum auctorem Spiritum sanctum esse quis crederet?

CAPUT XVII.

Ubi ostenditur, singulas particulas librorum canonicorum Spiritu Sancto assensu scriptas fuisse.

IN hac questione & controversia non defuisse, qui priorem illam partem amplecterentur, auctor est D. Hier. non in eo solum loco, quem paulo ante retulimus, sed in Commentariis etiam super quantum Michæ caput. Cujus erroris nota Erasmo quoque, ut alios dissimulem, iniusta est. Is autem error quam sit impius, illo primum argumento demonstro: quod sacrarum scripturarum magna ex parte labefactatur auctoritas, si hæc opinio vera est. Nam, ut Augustinus ait, si in sacro quovis libro iniquitas salutaris reperitur, totius libri certitudo interit. Quo uno argumento Augustinus de consensu Evangel. lib. 2. cap. 12. satis ostensum ac patefactum esse credit, Prophetarum & Apostolorum scriptæ nullam omnino habere falsitatem, non solum eam, quæ mentiendo promittitur, sed ne eam quidem, quæ obliviscendo. Levibus, inquam, in rebus, & nihil.

In annot. in
c. 12. Marc. &
Matth. cap.
17. Matth.

Epist. 8. &
13. ad Hier.
ron. Dist.
9. c. 51 ad
scripserunt.
& c. 1. Ego
solus.

nihil ad salutem nostram pertinentibus, auctores sacri & falluntur, & fallunt. Ea igitur in dubium vocare possumus, quæ maxima, & gravissima sunt. Non eadem, autem, causa est: Quoniam si ecclesiam, cuius erudiende gratia spiritum sacri auctores habuerunt, spiritus ipse in parvis destituit, non mox destituit in magnis. Consequenter enim Theologi gravissimi, ecclesiam errare in minimis posse, in maximis non posse. Quid igitur obstat, inquirunt, cur non ad eundem quoque modum asseramus, Apostolos, & Evangelistas in rebus parvi momenti interdum lapsos, cum in rebus necessariis lapsi non fuerint? Nam, si superis placet, huiusmodi errores in Apostolis maxime & Evangelistis agnoscunt, quod si dicimus, spiritus suggerit Apostolis & Evangelistis omnia. Ajunt, non omnia simpliciter, sed quæcumque Christus dixisset illis. Hæc autem erant maxima. Si addimus, docuit spiritus eos omnem veritatem. Respondent, non absolute omnem quidem, sed quæ esset ad salutem necessaria. Sic elabi conantur isti. Sed frustra conantur tamen. Principio enim ecquid, rogo, isti facturi sunt, si cum homine differant, qui multa Evangeliorum miracula commentitia esse, Evangelistarum Herodoti, Xenophontis, ac Platonis exemplo, confictis narrationibus abusus dicat, aut Christi illustrandi gratia, aut fidelium in Christum affectus excitandi? Nempe hoc facere, ut homines, sine Dei spiritu potuerunt.

Deinde quam facile erit cuicque res vel graves, vel leves pro suo arbitratu ingenioque æstimare? Jam hic dicit tibi, tres unius substantiæ prædicari personas leviculum esse, nec ad salutem nostram pertinere. Jam contendet alius, duas in Christo & operationes & voluntates e rebus esse non gravibus. Nam & spiritus a patre & filio procedentis unicum esse principium, tanquam rem levem quidam contemnendam arbitrabitur. Quin, quod tertia die an quarta Christus resurrexerit, cum non valde ad salutem attineat, pro nihilo quispiam habebit. In his itaque Evangelistas, Apostolos, Prophetas errare, labi, hallucinari potuisse. Porro ut reliquias scripturæ partes prætereamus, in sacris historiis distingui discernique non posset, quid ex Deo, quid ex homine, sit. Quid

author ex revelatione divina, quid contra ex spiritu humano & ingenio proferat. Quocirca fluctuaret passim & legentium & audientium fides, dum ignorarent, quoniam spiritu, hominis, an Dei, unaquælibet chronicorum sanctorum particula fuisset scripta. Quis est autem tam perficte frontis, ut pro Evangelistis nonnihil humano more loquamur, ut si quid in publicum scribere velle de rebus, quarum memoria sit recentissima, quasque lectores fere suis non auribus audierint, sed conspexerint oculis; ea sponte inserat, quæ cum ad rem nihil faciant, tum narrationem totam falsam & incertam efficiant? Adeone stulti erant Evangelistæ, ut ea, quæ omittere sine periculo poterant, aut attingerent, aut etiam pro certis assererent eum manichæo discrimine causæ, quam peritua-derdam accepterant? Quod si tales fuissent, certe Judæi, quibus tanto erant opere invisi, omni vi & arte contenderent, atque adeo efficerent, ut huiusmodi vel fragmenta vel errata deprehenderentur. Sed humana loquimur. Nam si in subitis concionibus Spiritus sanctus Apostolorum linguas attemperabat, quid in scriptis, quæ iutura erant æterna? Et si novi testam. idonei administri Apostoli & Evangelistæ facti sunt, illorum profecto sufficientia non ex illis, sed ex Deo est. Illorum proinde error Dei est, non illorum. Nos enim ab Apostolis Christi testamentum accepimus: & cum illos audimus, Christum audimus. cum eorum Evangelium legimus, Christi legimus Evangelium. At cum lex Moysis, quod est ministerium mortis, tanta exacta diligentia scripta sit, ut iota, unum aut unus apex ex ea præteriri non possit, multo certe magis Evangelium Christi, quod est ministerium spiritus ac vitæ, scriptum erit tanta cura & Dei assistentis assatu, ut non modo verbum, sed ne apex quidem illius sit, qui non sit a spiritu divino suppeditatus. Quid? quod Apostolus officiosum mendacium, quodque ad Dei laudem maxime pertinere videretur, penitus horret, inquires: Si autem Christus non resurrexerit, inanis est prædicatio nostra: inanis est & fides vestra. Invenimus autem & falsi testes Dei: quoniam testimonium diximus adversus Deum, quod suscitaverit Christum, quem non suscitavit, si mortui non.

non resurgunt. Quod si falsitas hæc, quæ cum Dei potentiam commendaret, tum populum in officio contineret, a sacris auctoribus excluditur, certe quæcumque alia ac multo etiam magis rejicietur. Nulla enim in sacris literis levis, sed gravis esset; per quam scripturæ auctoritas elevaretur.

Jam si in hujus rei confirmationem arcanarum literarum nos testimonia referre velimus, verendum sane est, ne, qui oppositum errorem tueri cupiunt, illa se ratione tueantur, quod auctor scripturæ sacræ eo etiam loco, qui a nobis afferretur, non de spiritu divino, sed de suo fuerit locutus. Ita fieret, ut vix ullum e sacris literis testimonium adversum hæreticos firmum esset. Quamobrem hos quidem ab hoc sermone removeamus, qui erronea sententia omnem scripturæ & vim minuunt, & elevant auctoritatem. Ipsi vero lætamur, singula quæque sive magna, seu parva a sacris auctoribus Spiritu sancto dictante esse edita. Id a patribus accepimus, id fidelium animis inditum & quasi insculptum est, id itaque & nos, & ecclesia præsertim ipsa magistra & duce, retinere debemus.

C A P U T XVIII.

Ubi reselluntur argumenta capituli decimi sexti.

Respon.
ad 1.

Confirmanda atque tuenda veritate ea rationum ac testimoniorum præsidia satis sunt, quæ capite superiore sunt posita. Nunc vero argumenta ea confutanda sunt, quibus adversarii contra pugnant. Atque a primo quidem argumento, quo veritas impugnabatur, facilis est & expedita defensio. Fateor enim, non singulas scripturæ particulas, ut a sacris auctoribus scriberentur, propria, & expressa revelatione indiguissæ, sed singulas tamen scriptas ex peculiari Spiritus sancti instinctu assaturque, vere & jure contendit. Ille, Christus aut, vos docebit omnia, & suggeret vobis omnia, quæcumque dixerit vobis. Alias etiam oblitæ suggeret, alias etiam vestris auribus audita suggeret, quæ alias natura sponteque sua in mentem venire poterant, ea quoque suggeret, non supernaturalia modo, sed & naturalia suggeret, & quæ alias humano more scriberentur. Omnia, inquit, quæcumque

dixi vobis. Atque Apostolus, Nos, ait, non spiritum hujus mundi accepimus, sed spiritum qui ex Deo est, ut sciamus quæ a Deo donata sunt nobis: quæ & loquimur, non in doctus humanæ sapientiæ verbis, sed in doctrina spiritus, spiritualibus spiritualia comparantes. Spiritualis enim judicat omnia, sicut scriptum est: Quis cognovit sensum Domini? Nos autem sensum Christi habemus, Ecce Apostoli, in quorum nomine Paulus loquitur, ad doctrinam spiritus edendam spiritum accepere, per quem in Christi sensu omnia judicabant. Nimirum animalia illa oculis undique plena ad expressionem quatuor Evangelistarum posita, per scriptores omnes sacros transferre merito & optimo jure possumus. Nihil ergo auctores sacri cæcis oculis scribebant: sed scribentium calamus spiritus ipse attemperabat, ne scribendo laberentur. Inde enim, cum in secunda ad Cor. epistola quadam dixisset Apostolus, quæ humano more ab ecclesiis prædicto dici possent, subjecit prætinus, an experimentum ejus quæritis, qui in me loquitur Christus? Spiritu igitur sancto inspirati, quasvis scripturæ partes scribere sancti Dei homines. Nolite, inquit, cogitare, quomodo, aut quid loquamini: dabitur enim vobis in illa hora quid loquamini. Quod idem prædicto sacris auctoribus præceptum erat, ut non cogitarent scilicet, quomodo, aut quid scriberent: dabatur enim illis in illa hora quid scriberent. Hoc vero Spiritus sancti donum toto vitæ decursu non habebant: sed tantisper dum lingua eorum calamus erat scribere velociter scribentis. At Christus nullum unquam verbum locutus est, quod non idem ab Spiritu sancto exirent. Erat enim, ut scholæ verbis utar, Christi Jesu sacratissima lingua perpetuum divinitatis instrumentum. Et hinc apparet ejus argumenti certa ruina, quo deinde contrariam partem confirmabamus. Non enim asserimus, per immediatam Spiritus sancti revelationem, quæ quidem proprie revelatio dicenda sit, quamlibet scripturæ sacræ partem fuisse editam. Quin Lucas, quæ ab Apostolis accepit, ea scripto ipse mandavit, ut in Evangelii sui præmio testatur. Et Marcum, quæ a Petro didicerat, rogatum a discipulis scripsisse, auctores sunt Clemens in 6. dis.

1. Cor. 2.

Cap. 11.

Math. 10.

Joan. 14.

dispositionum libro, apud Eusebium lib. 2. Eccles. hist. cap. 15. Papias apud eundem eodem lib. &c. & lib. 8. cap. ult. & Orig. 1. lib. comment. in Matth. eodem Euseb. referente, lib. 6. cap. 18. & Euseb. quoque ipse, lib. 3. cap. 4. & Hieronymus de viris illustribus in Marco, & Irenaeus lib. 3. adversum haereticos, cap. 1. Sive ergo Matthaeus & Joannes, sive Marcus & Lucas, quamvis illi vii, hi audita referrent, non egebant quidem nova Spiritus sancti revelatione, egebant tamen peculiari Spiritus sancti directione. Primæ igitur argumentationi hoc modo satisfecerimus.

Respon.
ad 2. Secundæ vero sic responsum esto, Paulum Domini seu præceptum, seu consilium eo sane loco vocare, quod Christus Dominus ore proprio vel præcepit in Evangelio, vel consuluit.

1. Cor. 7.

Nam, quod consilium suum Paulus Spiritus sancti consilium existimaret, satis ipse indicat, dicens: Beatior erit, si sic permanserint secundum meum consilium: puto autem, quod & ego Spiritum Dei habeam. Hujus vero argumenti confirmatio ex his maxime eliditur, quæ primæ sunt argumentationi responsa. Etenim, quæ sacri auctores scripserit, hæc in duplici sunt differentia. Quædam, quæ supernaturali solum revelatione cognoscebant: & ea Basilus tradit a Spiritu sancto esse. Alia vero naturali cognitione tenebant, quæ scilicet aut oculis viderant, aut manibus etiam attingebant. Atque hæc quidem, ut paulo ante diximus, supernaturali lumine & expressa revelatione, ut scriberentur, non egebant, sed egebant tamen Spiritus sancti præsentia & auxilio peculiari, ut licet humana essent, & naturæ ratione cognita, divinitus tamen sine ullo errore scriberentur. Hæc vero illa sunt, quæ juxta Basilum Paulus & Propheta de tuo loquebantur. Solent etiam nonnulli veterum, Origenis non sententias modo, sed verba referre, non aliter certe accipienda, quam Origenes ipse acceperit. At Origenes eam rem significavit potius, quam asseruit. Nec enim in ea sententia persistit. Sed & Ambrosius in priorem epistolam ad Corinthios, ubi locus proprius erat, nobiscum apertissime sentit.

Respon.
ad 3. Ad illud vero, quod tertio loco obiectum est, brevis & non difficilis

est responsio. Non enim ibi, penitere, relinquere est, sed tristari. Tristatur autem pater, cum filios dolentes videt: sed lætatur, cum dolorem ad salutem fuisse intellexit. Nam quod additur, id facillimum etiam est. Quo enim modo Paulus sit intelligendus, Paulus ipse explicat, inquit: Quod loquor, non loquor secundum Deum, sed quasi in insipientia. Et paulo ante: Iterum dico, ne quis me putet insipientem esse, alioquin velut insipientem accipite me. Et capite ejusdem epistolæ duodecimo, Si voluero gloriari, non ero insipiens: veritatem enim dicam. Et paulo post, Factus sum insipiens, vos me cogistis. Quid ergo, sapiens & insipiens? Nempe sapiens re vera, sed quasi insipiens: qui tanquam insipientis personam assumere, & seipsum jactare videretur. Laudare quippe se insipientis hominis nota est. Verum hæc, quæ stultitia esse videbatur, Dei erat sapientia, ut Apostolus non sponte, sed coactus, non ex vanitate, sed ex charitate gloriaretur. Ab ipso igitur sancto erat hujusmodi quasi stulta gloriatio. Sed ne illud quidem est difficile, quod deinde subijcitur: Non enim, quod ait quidam, incaute Paulus fuerat locutus. Sed ne quis in ea laude aut arrogantiam, aut vanitatem aliquam subesse interpretaretur, docet se non in se, sed in Domino gloriari. Non ego, inquit, sed gratia Dei mecum. Simile fere illud est, quod cum Dominus doctrinam Evangelii suam appellasset, subiecit protinus, Mea doctrina non est mea, sed ejus qui misit me patris: Hunc igitur in modum cum Paulus vere dixisset, se plus omnibus laborasse, addit, & vere etiam addit, se non plus omnibus laborasse, &c.

Ad quartum vero argumentum sunt qui respondeant, Ecclesie auctoritatem tantam esse, ut quædam etiam de scripturis sacris immutaret. Hujus generis exempla ponunt, Sabbatum, ejus iussocari, & sanguinis, Baptisma in nomine Jesu, & quod Christus cænatibus dedit Eucharistiam, Ecclesia jejuniis: Christus sub ambabus speciebus, Ecclesia laicis sub una; quod Paulus denique permisit dispares in fide conjuges, Ecclesia improbat. Ita quamvis lex scripturæ sit, ut is non ordinetur Episcopus, qui duas habuerit uxores: Ecclesia tamen eam legem po-

Respon.
ad 4.

terre vel ex parte solvere, vel etiam omnino abrogare. Hoc autem responsum hanc quidem habet viam, quæ deducit ad convenientiam conservationemque Ecclesiasticæ auctoritatis, quam si sequemur, nunquam aberrabimus, sequemurque & id quod certum & tutum est, & id, quod ad fidelium confectionem accommodatum, & id, quod vehemens atque forte. Sed cavendum sane est, ne, si in argumentorum confectione ad Ecclesiam tanquam in aram confugimus, rustici potius, quam theologi esse videamur. Mihi itaque aliud responsum multo & doctius videtur, & verius, quod duplici partitione subnixum est. Una est huiusmodi: Scripturæ præcepta quædam temporaria erant, id est ad tempus, ex loci, temporis, personarum, aliarumve rerum & causarum ratione servanda. Atque huiusmodi ipsa ex se in præfinito tempore antiquabantur, nulla etiam Ecclesiæ interveniente auctoritate. Quod enim pro necessitate temporis statutum est celsæ necessitate, debet cessare pariter quod urgebat, 1. qu. 1. Quod pro necessitate. Eius generis fuit Sabbatismus, & reliqua omnia, quæ proprie ad legem veterem pertinebant. Talis etiam lex illa fuit de immolatis, sanguine, & suffocato. Talis quoque usus Apostolicus de baptismo in nomine Jesu. Alia vero præcepta æterna sunt, quorum servandorum ratio non brevis & temporalis, sed perpetua & sempiterna est. Sempiternum autem scripturæ more voco, quod semper erit, non quod semper fuit. In hoc genere sunt omnia naturæ præcepta, quæ tam in veteri, quam in novo Testamento continentur. In hoc etiam lex illa, Nisi quis renatus fuerit, &c. & altera similis de penitentia Sacramento. Præcepta rursum Apostolorum, quæ in sacris literis scripta sunt, quædam a Christo ipsi acceperunt gentibus evangelizandi, juxta illud, Baptizate omnes gentes, docentes eos servare omnia, quæcunque mandavi vobis. Altera vero non fuerunt quidem a Christo Apostolis injuncta; sed ipsi post Christum in cælos assumptum ea populis tradiderunt. Quæ tamen Christi Dei quæ præcepta dicuntur, non ob eam modo causam, quod per acceptam a Domino potestatem lata sunt: verum etiam quia Dei Spiritu peculiariter

suggestente edita fuerunt. Vñum est; inquit, Spiritu sancto, & nobis, nihil ultra imponere, &c. Quæ verba Basil. 5. lib. contra Eunomium referens, Spiritui, ait, vñum est quidem, a quo ut Domino Ecclesiæ leges datæ sunt: Apostolis vero tanquam ministris, per quos decreta sunt edita. Quod autem præcepta hæc Christi quoque dici possint, Christus ipse docet, inquit: Qui vos audit, me audit; & qui vos spernit, me spernit. Inter hæc autem scripturæ mandata non leve discrimen est, quod priora illa a Domino Apostolis tradita, ut propria sunt legis novæ præcepta, ita ea Ecclesiæ nec solvere, nec remittere ulli potest, sicut ne legem nature quidem. Cujus rei causam nos in relectione de penitentia dedimus, quod legis auctor Evangelicæ Christus Dominus non alia præcepta per se ipse edidit, quam quæ essent summopere ad salutem necessaria. At posteriora mandata proprie quidem humana & Ecclesiastica iure: quæ videlicet ab Apostolis Ecclesiam gubernantibus edita sunt, non alter atque alia fuerunt postea a prædictis Ecclesiæ subsequen-
tibus, dispari tamen auctoritate. Nam Apostolorum nemo in præceptis suis errare poterat: sed a Spiritu sancto peculiarissime eorum quisque dirigebatur in ferendis Ecclesiæ legibus. Posteriores vero antistites hanc peculiarrem Spiritus sancti præsentiam non habent, nisi cum in nomine Christi & Ecclesiæ congregantur. Quod utique fit in conciliis generalibus. Quæ de re libro postea quinto sensus differemus. His autem præceptis, licet Apostolica fuerint, & in sacris etiam literis scripta, Summus Pontifex subditos suos liberare, vel ex parte, vel omnino potest. Qua etiam ratione, ut alia non esset, lex illa Apostolica de abstinendo a sanguine & suffocato, per Ecclesiæ potestatem abrogari potuit. Quamquam, ut diximus, ea lege admoniti sunt gentes, ne sua libertate in fratrum offensionem abuterentur. Prescribunt autem Apostoli quatenus pro tempore expediebat, quibus illæ rebus in fratrum offensionem possint incurrere. Quia igitur lex a fine suo abstinenda est, tunc hæc intelligitur abrogata, cum ab illius offensionibus ac dulidiis, quibus occurrere voluerunt Apostoli, nihil amplius pe-
riculi.

Ad. 17.

364. ult.

Die Thom.
in Addit.
66. a. 3. ad
1.

riculi fuit. Quibus positis, facile, ut opinor quantum illud argumentum refelleretur; Nam Pauli præceptum de non ordinando Episcopo, qui bigamus fuerit, secundi generis est, id est, humanum & Ecclesiasticum: cuius proinde vinculum solvere Ecclesia iure suo potest. Sed id tamen, nisi semel aut iterum, & gravi etiam urgente causa non fecit. Nec id nisi summo Pontifici permissum in Ecclesia est: nam Episcopus contra Apostolum dispensare cum bigamis non licet: ut Lucius & Innocentius tradunt. Divus vero Augustinus de legibus primi generis loquebatur, quas si Christus ipse intulerit, ut quæ vere & proprie divina & Evangelicæ sunt, nemo aut possit, aut ausummutare. Quare igitur argumento diluendo satis, dixisse mihi videor. At quantum sic refellitur.

Respon.
ad 1.

Primum, sunt qui velint, aut impiorum malicia, aut librariorum errore pro Zacharia Hieremiam scriptum esse. Cujus sententiæ fuit Enlebius lib. 10. demonstr. Evang. demonstr. 4. Id quod nec Origenes displicuit, & Cæteranus vero simile existimavit. Nec Hieronymus. certe ab hac opinione alienus est. Quin in Psalm. 77. errore scriptoris dicit pro Zacharia Hieremiam esse suppositum. Sunt alii, qui opinentur, eandem sententiam & apud Hieremiam olim scriptam, reperi: sed non omnia Hieremix vaticinia nunc extare. Opinatur quoque Augustinus lib. de consens. Evangelist. 3. cap. 7. quoniam eodem spiritu Hieremias & Zacharias scribere, nihil referre, si unius sententiam alteri tribuas: imo peculiaris Spiritus sancti consilio id factum esse, ut ab eodem autore scripti libri omnes sacri crederentur.

Illud vero, quod Marco Evangelistæ obiectum est, frivolum his videri solet, qui Latinam editionem passim ad Græca exemplaria expendunt. in quibus quoniam non legitur, sicut si ripitur est in Esaja, sed sicut scriptum est in Prophetis: argumentum esse infirmum ajunt, ut quod librorum depravatione nititur. Huic vero sententiæ Theophylactum subscripsisse, facile profecto suaderi potest. Non enim in Esaja, sed, in prophetis, legitur. Atque Hieronymus in comment. super 3. Matthei caput, huic quoque opinioni sub-

scribit inquit: Nos nomen Esajæ putamus additum scriptorum vitio, quod & in aliis locis probare possumus: aut certe de diversis testimoniis scripturarum unum corpus effectum. Existimat ergo Hieronymus, sive hoc, sive illud accipias, locum esse depravatum. Id quod & de Psal. 13. credidit. At Erasmus, tamen fatetur Græca exemplaria omnia, quæ videre quidem ipse potuit, in se optine habere: lectionem nostram probat tamen, Græcamq; assensit a Græcis fuisse immutatam. Hieronymus etiam ipse in epistol. ad Pammach. de opt. gen. inter. solam hanc, quam habemus lectionem, probat: alterius autem colloco ne meminit quidem. Et Porphy. 14. li. Marcum Evangelistam eo nomine accusat, quod homo imperitus & rudis vel suas literas nesciat, idque quasi ab uno eodemque propheta scriptum referat, quod non ab uno, sed a duobus scriptum est. Cui calumnix Chrysostomus respondens non cavillatur, aut codices mendosos esse, aut certe ab impio locum depravatum: sed plane consentit, eo prorsus modo lectum iri, quo Porphyrius in objectione legit. Quæ ex re perspicuum sit, ante Chrysostomi & Hieronymi tempora in editionem nostram omnes & Græcos & Latinos codices consensisse. Ubi non possum novitios illos interpretes non ridere, qui tanta facilitate & confidentia e pravis Græcis Latina emendant non prava. Nimirum enim patientur huc, si de ipsis ludimus: quibus in usu est ludere de nobis. Imo patientur potius, ut quod hoc loco eorum antesignanus Erasmus summo jure magnæque ratione facit, idem nos alius quoque locis faciamus, & Græcis exemplaribus posthabitis, Latinam editionem veneremur. Sed ut eo revocetur, unde huc declinavit oratio, cum argumentum illud non sit tam facile, quam istis est visum: majore omnino vi & arte refellendum est. Illa igitur verba, sicut scriptum est in Esaja, non referuntur ad omnia ea, quæ loquuntur: sed ad id tantum, Vox clamantis in deserto, &c. Illa vero, Ecce ego mitto Angelum meum, &c. tanquam de suo Evangelista addidit, quod facere jure potuit, quamvis eadem in alio propheta reperiantur. Non enim, si Aristotelem reiero, opus est, sequentia verba omnia Aristotelis esse. Quin licet mihi nonnulla de meo

In hom. de
Innot.
Evangel.
proculum
Mare.

ad dicere, præsertim si ad explicationem Aristotelis conducunt maxime. Sic quoniam Evangeliste illa verba, Ecce ego mitto Angelum meum, & verborum Esajæ erant expositio quædam: nihil Marci derogat fidei, si Esajæ testimonium verbis ejusmodi adjectis & exposuit, & ornavit. Nisi infidelis servus est, qui apposito verborum ornatu heri sui minus amplificat. Hoc respondet Chrysostomus; Hieronymus autem Evangelistas fuisse ait non de verbis, sed de sensu sollicitos: omnia vero illa, quæ in Marco sequuntur, ab Esajæ scripta, non secundum verba quidem, sed secundum sensum esse. Qui enim vocem clamantem, &c. aperte dixit, is Angelum eundem esse sensit, qui viam Domino præpararet. Atque hæc responsio à Beda vel maxime probatur in commentar. super Marcum. Jam, quod falsitatis etiam Marcus arguitur, qui Christum scripserit hora tertia crucifixum: de hac re quatuor video sententias ferri, quarum nulla est, in qua non major adhuc probabilitas desideretur. Prima eorum est, qui animadvertunt, Joannem non scribere, Pilatum hora ferme diei sexta pro tribunali sedisse: sed parasceves hora ferre sexta. Aliunde vero diem, aliunde parascevem initium sumere. Nam Judæos ante diei principium, hoc est, ante solis ortum, præparationi paschali operam dare solitos, rationi consentaneum est. Si enim Christiani in hujusmodi festorum vigiliis multo ante diluculum incipiunt quædam necessaria præparare, Judæi, ac multo etiam magis, idem secus credendi sunt, qui non modo azyma in multos dies, verum complura quoque alia erant paraturi, non solum ad festum diem, sed ad vesperam etiam Paschæ. Sunt & alii, qui Augustinum secuti, putant, Marcum non de crucifixione militum locum esse, sed de crucifixione Judæorum. Hi enim vel maxime Christum crucifixum: quemadmodum Asterum cap. 4. illis Petrus edixit. Ut ergo ostenderet Evangelista, Dominum Jesum non tam a multis, qui simplex ministerium prædici tribuere, quam a Judæis crucifixum: posteaquam militum ministerium expressit inquit, Et crucifigentes eum dividerunt, &c. non vero ad vocem, quæ sanguinem justis petiit, auctorisque flagitiu cru-

cem Domini revocavit in hæc verba, Erat autem hora tertia, & crucifixerunt eum. Horam quippe crucifixionis militum, ut quæ vulgo nota erat, non credidit exprimendam. Alii credunt huic se abilitati satis occurrere, si dicant, Christum intra horam tertiam, & sextam crucifixum: & ab utroque extremo, quemadmodum media solent, horam mortis Christi esse nominatam: ab uno videlicet tertiam, ab altero sextam. Sed hæc responsio patentem habet scrupulum. Quod enim hora quinta fiat, hoc si quis vel quarta, vel sexta fieri ab utroque extremo dicat, quamvis improprie id quidem dicat, sed ferri tamen utcumque potest. At quod in quinta hora sit, hoc in tertia, vel secunda fieri, nec usus profecto, nec ratio fert. Ponunt igitur alii hoc, quod quemadmodum nox in quatuor vigilas, ita dies in quatuor stationes, & partes divisus à Judæis est. Quarum prima incipiebat à diluculo, & durabat usque ad horam diei tertiam, vocabaturque prima, eo quod ab hora prima initium sumeret. Secunda autem incipiebat ab hora tertia, & durabat usque ad horam sextam: vocabaturque hora tertia, quod ab hora tertia principium haberet. Tertia vero diei pars incipiebat ab hora sexta, & durabat usque ad horam nonam: appellabaturque similiter ab hora, unde principium acceperat, hora sexta. Quarta demum statio, parique diei incipiebat ab hora nona, & durabat usque ad occasum solis, vocabaturque vel hora nona, vel vespéra. Quæ si vera sunt, jam pulchre consentient Evangeliste. Nam in secunda statione, quæ hora tertia dicebatur, circa finem Christum crucifixus est, hora scilicet illa nondum elapsa. Aliquanto vero prius, in eadem hora tamen stationeque diei, Pilatus pro tribunali sedit: nempe hora quasi sexta. Vere siquidem tertia erat, sed erat proxima sexta. Quæ nimirum opinio longe erit probabilissima, si probetur ad eum modum diem à Judæis dividi solitum. Atque in historia passionis quidem nominatim diluculi, tertie, sextæ, & nonæ horarum mentio fit; de reliquis autem interfluentibus omnino tacetur. At parabola de patrefamilias operarios in vineam suam conducente, quam isti etiam asserunt in hujus rei confirmationem,

non

non solum nihil juvat, sed etiam officit. Quoniam ibi Dominus non tantum primæ, tertiæ, sextæ, & nonæ, sed undecimæ meminit. Id quod absurdum esset, si quarta diei pars, hoc est, hora nona, reliquum omne ejusdem diei tempus complederetur. Ac re vera, ut breviter, simpliciterque dicatur, qui undecimæ horæ, quæ inter nonam, & duodecimam interfluxit, expressam mentionem fecit, cum certo certius constat diem non ad eummodum in stationes, & horas quatuor, sed, ut moris est nostris, in partes, & horas duodecim divisisse. Verum ut hæc cunque habeant, huic nos responsioni libentissime subscribemus, si illa diei in stationes quatuor partitio, illæque rursus ab initio denominationes quatuor, aut idoneo testimonio, aut probabili ratione constent.

Nec etiam desunt, qui existiment hæc a recentioribus Judæis esse constituta omnia. Nam secunda diei statio, cum tres solum horas complecteretur, quartam, quintam, & sextam, non hora tertia, a fine scilicet stationis proxime elapsæ, sed hora quarta ab initio stationis ejusdem nominanda erat. Equus autem ferre possit stationem, quæ a decima usque ad duodecimam finem protenditur, nonam horam appellari? Certe sicut prima hora, si verum est, quod isti dicunt, a principio suo nomen accipit, sic & stationes ceteræ a suis propriis principiis nominarentur. Mihi simplicissima ratio hujus loci explicandi esse apparet, si cum Theoph. & Cajet. diverimus, Marcum ita scripsisse, *ὡς δὲ ἦν* ε, id est, erat autem hora sexta. Sed indoctos, oscitantēve librarios notam illam senarii ε in γ, quæ est nota ternarii, mutasse. Quod & hoc loco ob nonnullam litterarum similitudinem factu proclive fuit, & in his auctoribus, quorum libri hujusmodi numeros & notas habent, sæpe fieri notius est, quam ut indicandum sit. Nec Theoph. solum & Cajet. auctoritas, sed ratio quoque me, ut ita tenerem, impulit. Nam sexta hora Dominum vere ac proprie crucifixum, ut omittam quod & vulgo Christianorum perusum est, & passim in crucis officio ac precibus celebratur, certe ex Joannis Evangelio colligitur. Tradit enim, Pilatus hora ferme sexta pro tribunali sedisse. Erat igitur

propemodum elapsa quinta. Alioquin talio hora fere sexta diceretur. Incredibile autem est id, quod reliquum erat horæ quintæ, cum esset breve, & perexiguum, in sententia ferenda, in suscipiendo Jesu & educendo, in cruce usque ad Calvarie locum bajulanda, non esse insumptum. Etenim nec locorum intercapedo parva erat, nec tantum fuit celeritatis in via, ut non potuerit interea & Simon angariari Cyrenensis, & a Christo oratio haud momentanea ad mulieres haberi. Itaque sine dubio, si proprie & vere Marcus loqui voluit (cur autem noluerit, nulla est causa) non scripsit hora tertia sed sexta Dominum crucifixum. Id quod Hieronymus, si is tamen horum commentariorum est auctor, in Psalm. 77. aperte docet. Sed quisquis illum Psalmum exposuit, si non fuit Hieronymus, certe eruditus fuit. Atque Erasmus in annotationibus super hunc Marci locum nomine Hieronymi hunc commentariorum refert. Accedit, quod non alia fere scribit Marcus, quam Mattheus, idque maxime in historia passionis Christi. Itaque dum confidero, Marcum in historia passionis non solum eadem eodem ordine cum Mattheo, sed eisdem etiam pene verbis scripsisse: facile adducor, ut sentiam ipsum non notam ternarii, sed senarii, ut est apud Mattheum, posuisse. Quod autem huic sententiæ objicit auctor commentariorum in Marcum, quæ Hieronymi titulo circumferuntur, hoc facillime refellitur. Si sexta, inquit, hora Dominus fuit crucifixus, cum a sexta usque ad nonam tenebræ suffunderint terram, non potuissent prætereuntes in eum movere capita, quem per tenebras omnino non cernebant. Cui ergo respondeo brevissime, Christum in sextæ horæ principio crucifixum. Hora autem eadem habente, convicia in eum facta sunt. Sed crucifixum horæ finem tenebræ orbem circumiuderunt. Quod Marcus apposituissime significare videtur his verbis. Et facta hora sexta. Quid enim expeditius est, quam factam intelligere, non incipientem, sed expletam? Id quoque factum, & vulgo, & Philo-ppus vere dicitur, non quod inchoatum, sed quod consummatum est. Quæ ex re, velut nolit Osiander, satis plane intelligitur, omnia Evangelistæ dicta coherere, si legamus, Erat autem hora

hora sexta, & crucifixum eum. Qua hora interfuit quoniam ea gesta sunt, quæ Evangelista subiicit, idcirco ait tandem; Et facta hora sexta tenebræ, &c. ut expleta jam hora, nisi valde essemus tardi, tenebras factas acciperemus. Ac de quinta objectione facis abundanter, ut arbitror, disputatum est.

Respon-
ad 6.

Eam vero objectionem, quæ sexto loco posita est, quia via Cajetanus nosse repellere tentaverit, invitus quidem facio, ut dicam, sed dicam tamen, ne evangelii veritate tuenda nostris videar pepercisse. Significat certe ille primum, nam deinde in ea opinione non perstat, Lucam Evangelistam 70. interpretum errorem in hac parte, sine proprio tamen errore fecutum. Id quod ego non solum intelligere, sed ne cogitatione quidem informare possum. Si enim Evangelista imprudens 70. Interpretes errantes in historia Evangelii sequitur, licet imprudens, sed errat tamen. Sin autem videns prudensque, ut dicitur, sciam a 70. narrationem suo evangelio inserit, errat quoque, & eo magis, quod dedit opera Evangelii sinceritatem fabulæ commentitia contaminat. Breviter, si Cainam non fuit filius Arphaxad, nec Salec filius Cainam, falsa est profecto evangelica historia, in qua non obscure dicitur Cainam filius Arphaxad fuisse, Salec vero filius Cainam. Quod autem Lucas auctores habuerit gravissimos, quos in errore sequeretur, id Evangelistam culpam liberare fortasse poterit, evangelium certe errore non poterit. Quo magis Engubinum reprehendendum censo, qui aperte, constanter, & sine ullo aut modestiæ aut reverentiæ temperamento asserit, errasse 70. eoique Lucam in errore secutum. Jam, quod Hieron. adversus Helvidium ait, Evangelistas opinionem vulgi quandoque exprimere, quæ, ut inquit, vera historiarum lex est: id recte dicitur, si ad voces spectes. Non solum enim historici, sed omnes omnino sapientes, ut Aristot. monuit, licet aliter ac vulgus sentiant, cum vulgo sepe loquuntur: nec loquuntur falso tamen. Sic scriptura eos fratres appellat, qui juxta Philosophiæ regulas proprie & vere fratres non sunt, sed qui vulgo, ac sine falsitate id quidem, fratres vocantur. Sic etiam Evangelistæ Joseph patrem domini vocaverunt, nec re- ta-

men ipsa falsam opinionem vulgi secuti sunt, quamvis sint locuti cum vulgo. Pater namque Christi Joseph sine mendacio dicebatur, & quia iuricus erat, & quia vir matris Christi erat: utrique enim patres vocari solent. Quid ergo facturi sumus, qui, ut in proverbio est, lupum utraque aure teneamus? Si enim veteris instrumenti versionem, quæ ecclesia utitur, asserere & vindicare nitimur: arguimus non solum 70. interpretes commentis frigidissimi, sed apertiissimi etiam erroris Evangelistam. Sin Lucam descendere tuerique volumus, versionem scripturæ sacræ ecclesiæ usu decretoque probatam improbamus. Incidit in scyllam cupiens vitare carybdom.

Nobis autem illud in primis vitandum est, ne Lucam evangelistam, atque adeo Christi evangelium suum, hoc est, divina auctoritate fraudemus. Tueamur itaque illam in genealogia Christi generationem, quam Lucas ex 70. interpretum editione posuit. Et enim hanc quoque editionem ecclesiæ suo usu probavit. Græci certe scriptores omnes hanc generationem cum 70. interpretibus agnoscunt, & August. 16. de civit. Dei cap. 10. nec quoniam pacto sit vero simile, 70. interpretes viros probos, vane frigideque generationem illam unam confirmasse.

Quid? quod ut Origenes ait, hoc pro vero habendum in scripturis divinis est, quod 70. interpretes transulerunt. nam id esse, quod auctoritate Apostolica confirmatum sit. Nostra igitur testamenti veteris editio immutata est, Exemplaria vero, quæ Hieron. nactus est, non fuerunt integra. Itaque sine culpa & errore potuit unam generationem omittere. Nam & Evangelista Matthæus plures omisit, & sine errore omisit, quum Christi genealogiam texeret. Alioqui nostram nos editionem a falsitate quidem omni, sed non ab omni imperfectione vindicamus. Necne illud lateat, quod ab Hermanno Joanne Nauclero, & Lucido dictum est, Lucæ evangelium esse depravatum, ac pro verbo, Fuit, particulam, Et, substituendum hoc modo, Qui fuit Sale, qui & Cainam. Ut Sale hominum intelligatur. Sed hi non videntur editionem 70. legisse, unde Cainam nomen ab Evangelista acceptum est. In editione quippe 70. interpre-
rum eundem fuisse Sale & Cainam, ne

Passet L. 6.
Et. hulla
c. 23.

Id vero si
multis esse
etiam Cuius
in 3. Loc
6. Argue
Hieron. in
comment.
ad Gal. 1. 6.
sentit esse
absolutum.
si dicatur
aut lib. a
Hebraice et
aliter ante
Christi ha-
buisse, aut
Hebraeorum
per boanai
ab ipso vel
deus, ille
vel adhibe-
re.

R. fin.

fingi quidem potest. Sed & aliter, ac fortasse melius hæc controversia dirimitur, si dicamus, exemplaria Hebraica vera & emendata non habere quidem generationem illam Cainam: sed a septuaginta interpretibus fuisse adjectam. Nec adjecta est falso tamen. Quin vel ex majorum traditione, vel ex historiis fide dignis habitum est, Arphaxad genuisse Cainam, Cainam vero genuisse Sale. Septuaginta igitur interpretes non vere solum, sed forte etiam prudenter illam inam generationem poluere: id videlicet meruentes, ne Ethnici aut Hebræorum antiquas traditiones, aut sacras certe litteras falsitatis arguerent: si in his legerent, Arphaxad genuisse Sale: ex illis acciperent, non Arphaxad, sed Cainam Sale genuisse. Spiritus autem Dei occultis nobis ratione Moysis mentem manumque permovit, ut in ea patrum serie uiam illam generationem præteriret. Quemadmodum divino consilio Matthæus plures etiam in Christi genealogia prætermisit. Eandem vero causam Moysi Matthæoque fuisse, non abiurde hæc conjectura assequemur. Matthæus ubi primum Christi majores recensuit, Omnes, inquit, generationes ab Abraham usque ad David, &c. ut ne quis suspicaretur, aliquem ex majoribus memoriæ lapsu, & non potius de industria fuisse silentio præteritum. Et quamvis multas rei hujus fortasse causas Evangelista posset reddere: eam magis tamen in eplogo videtur præ se ferre, quæ testatæ decadis commendationem habet. Ob id quippe tres generationum ordines numero aequales esse voluit, ut numerus 14. ter etiam in Domini stemmate consecraretur. Quod Moyses ut fecerit, subest omnino causa eadem. Ab Adam enim ad Noe decem generationes attingit, A Noe autem ad Abraham decem item alteras. Ut in denario numero, in quem majorum utramque seriem redeperat, mysterium aliquod subesse intelligeremus. Cur autem numerus quartusdecimus ad legem evangelicam, decimus vero ad naturæ legem referatur, non est hujus diei locique disserere. Ubi id tantum dicimus, nec sine causa septuaginta interpretes Cainam generationem addidisse, nec sine mysterio eandem Moysen prætermisisse. Utinamque vere, utinamque prudenter factum esse. Alie-

rum & vere, & prudenter Lucam esse secutum. Nec vero quis tragædias nobis excitare debet, quod editionem nostram imperfectam esse in quibusdam locis dixerimus. Possunt enim verba Hebraica nonnulla in medium adduci, quæ Hieronymus ipse in commentariis taceat significantius & melius potuisse transcribi. Quin etiam in illa cap. 19. In eo, inquit, quod nos translinimus, Iucarvatem & reirzanantem, possumus dicere, Incurvum & laeivientem. Nos autem verbum Hebraicum, *Akam*, * dum celeriter quæ scripta sunt, verimus, ambiguitate decepti, Reirzanantem diximus. Quod significantius Aquila translulit *εἰσβάδων*, &, id est, qui nihil recte agit, sed omne perversum. Hæcenus Hieronymus. Qui & cap. 9. ejusdem Prophetæ vocabulum idem in depravantem verterat. Ac certe nec sentis, nec verba Hebraica patuntur, ut, Reirzanantem, admittamus, quod alio loco explicandum erit. Nam de sexto argumento dictum est satis, ut arbitror, diligenter.

Ad illud vero, quod sepeimo demum loco sequitur, multa quidem & varia sunt virorum doctissimorum responsa, sed adeo tamen improbabilia, ut nec doctus, nec pius faciant satis. Nam primum objectionis particulam Augustinus Eugubinus ita repellit, ut in editione 70. interpretum, & Genes. 46. & Exod. 1. libranorum vitio dicat pro 70. annibus, scriptum esse 75. Eandem quoque corruptelam a librariis Actor. 7. accidisse. Vel etiam Lucam, ut qui Hebraice nescierit, locum, ut se haberet ea tempestate, corruptum citasse: aut certe si 70. interpretes ita converterint, Evangelistam eorum editionem, quæ ubique erat receptissima, fuisse secutum. At Hieronymus in questionibus Hebraicis librorum negligentia nihil imputat: sed docet reclamare quidem Hebræam veritatem: 70. autem interpretes per prolepsin, 75. animas posuisse. Lucam vero non debere contrarium aliquid scribere adversus eam scripturam, quæ jam fuerat gentibus divulgata. Majoris enim opinionis illo duntaxat tempore 70. interpretum habebatur auctoritas, quam Lux, qui ignotus, & vilis, & non magnæ fidei in nationibus ducebatur: licet plerique, inquit, tradant Lucam Evangelistam, ut profelythum, Hebræas.

compositum
cum melius
certe signi-
ficum trans-
tulisset
quemad-
modum apud
Matth. 27
inter-
pres vere
conversus.

* Akmoe.

Respon-
ad 7.

In Zachar.
11. c. 1. pro
plade, Hie-
ron. dicitur
que Hicron,
Babyloniam
olim inter-
pretatus ad
verbum an-
tiquitate

bras literas ignorasse. Tantum Hieronymus. Principio autem, ut a capite exordiamur, omnia exemplaria, tum nova, tum vetera, Græcæque & Latina tribus simul locis fuisse corrupta, vix credibile est. Nullum vero auctorem ante Eugubinum, quum & in ea loca, & in hanc quæstionem incurrisset plurimi, rem apertissimam animadvertere potuisse, mihi quidem non fit vero simile. Atque si huiusmodi solvendis nodis libriorum injuria prohibidine abutimur, verendum sane illud est, ne, dum alienam prodere conamur inscitiam, prodamus nostram. Alioquin si ita placet, omnes ambiguas quæstiones, & quæ in scriptura sacra videntur esse pugnantes, ad istum modum explicemus. Id quod passim Eugubius facit. Nam & postrema objectionis parte pellenda asseruit, scribentium vitio pro Jacob, positum esse, Abraham, & Patris, positum esse, pro Filii. Certe si Div. Hieronymus, quum ipsi 70. interpretum obijceretur auctoritas, hac se defensione tueri posset, ea libentissime abuteretur. Sed quum videret exemplaria universa mirifice consentire, Expositorisque omnes animi idemque sonare: non mendosos codices censatus est, sed confessus est plane 70. interpretes ita vertisse, quos Lucas Evangelista sequeretur. At enim Lucam Evangelistam locum ex veteri testamento, ut ea erat ætate, depravatum citasse: multo absurdum invenio, cum ad veritatem cepti revocare rationem. Aut enim ignorantem facimus Evangelistam, si eum latebat depravatio; aut timidum facimus, si divina auctoritate polens, non est ausus depravata restituere, quod sine ulla auctoritate Eugubius est ausus. Imputum est autem, quod Spiritus sancti consilio scripsit Lucas, id Hebraicarum litterarum ignorantioni tribuere. Cum ergo singulas scripturæ particulas divina inspiratio & assensu scriptas esse causis necessarius adhiberimus, nulla earum profecto potest a linguarum ignorantia proficisci: nisi Spiritus sanctus, qui Evangelistæ regebat & mentem & manum. Hebraicas litteras ignoravit. Dicamus igitur id, quod præsentis loco satis est, 70. interpretes, 75. animas Genes. 46. & Exo. 1. posuisse. id quod ex contextu manifeste colligitur. Cum enim Genes. 46. filios Manasse & Ephraim,

hoc est, Nachir, Galaad, Suralam, Taam, Edem, interpretes 70. annumeraverint, necesse fuit, ut numerus 75. constaretur. An vero Hebraicæ exemplaria, quæ 70. interpretes converterunt, nepotes illos Joseph in illa genealogia supputarint, an potius ipsi 70. interpretes per anticipationem addiderint, incertum est. Illud certum, quæ detraxerint, bona fide hæc, & prudenti fortasse consilio detraxisse: quæ adjecerint, ea sine dolo adiecisse. Constat enim, eos nonnullis locis magis paraphrasim, quam interpretationem edere. Lucas vero, ac ceteri Apostoli & Euang. 70. interpretatione usi sunt, quoniam eo tempore illa erat præstantissima. Nec alienum sequuntur errorem, quod nonnulli imprudenter asserunt, sed in eo, quo illi vere locuti sunt, eorum testimonis utuntur. Nec me illud terret, quod quidam obijciunt, historię hujus veritatem nonnisi per figuratam dictionem defendi posse. Nam & editio nostra eadem defensionem eget. Quum enim 70. animæ ingressæ in Ægyptum dicuntur, necesse est quoque Ephraim & Manasse ad explendum numerum supputari, qui tamen ipsi in Ægyptum non sunt ingressi. Nec mirum est, si in 70. interpretum editione anticipatio sit: quos etiam in nostra admittimus postpositionem. Genesios liquidem c. 12. post mortem Thare præceptum Domini scribitur, quo jubet Abraham exire de terra ac cognatione sua. At Actor. 7. Stephanus non obscure docet, præceptum illud datum esse in Chaldea prius, quam Thare moreretur, & veniret in Charran. Id quod & D. August. acute vidit 16. lib. de civit. Dei. Et ratio quoque ipsa demonstrat. Cum enim jubeatur Abraham exire de terra & cognatione sua, Chaldeam cogimur intelligere: quæ propria erat terra Abraham, ubi etiam habebat cognationem suam. Si autem de Charran juberetur exire, certe nec de terra sua exiret, nec de cognatione. Nam licet Charran pars Mesopotamiæ esset, non erat tamen Chaldeæ pars, quod quidam parum docte asseruerunt. Nec clam me est, Hieronymus in Ezech. 30. cap. scripsisse, in libris historicis præpositam narrationem nullam reperiri, sed in Palsmis, & Prophetis. Quod mirari magis equidem, quam rescilire debeo, cum

Cap. 18.

March. 10.

in Euangelii constat anticipationes uturpari. Quia de re alio loco diligenter. Sed ne illud quidem movet, quod Joseph dicitur 75. animas accersisse: eadem enim difficultas flet, si 76. solum animas posuisset: Cum Ephraim & Manassiem nunquam omnino accersierit. Non igitur, ut Hieron. ad Pammach. de opt. gen. interp. recte dixit, in scripturis verba sunt consideranda, sed sentus. De prima ergo 6. argumenti particula haecenus.

Jam secunda, licet difficilior esse videatur, facilius tamen rescilietur. Nam 12. Patriarchas sepultos esse non in Hebron, sed in Sychem, non solum ex Stephani narratione, sed etiam ex Hieronymi testimonio cognoscimus. In epitaphio namque Paulæ ad Eustochium, quum Paulæ peregrinationem scriberet, sic ait: Transiit Sychem, & circa puteum Jacob extructam intravit ecclesiam. Aequè inde divertens, vidit 13. Patriarcharum sepulcra. Ad Pamma. autem de opt. gen. int. duodecim, inquit, Patriarchæ non sunt sepulti in Arboch, sed in Sychem. Quam eandem sententiam Beda sequitur, a quoque viri ecclesiastici. Quantum vero fidei Josepho sit in historia habendum, undecimo postea loco demonstrabimus. Atque de 2. argum. 6. parte tantum dictum sit.

Tertia vero, eademque postrema, indissolubilem videtur habere questionem. Nam quod August. Eugubinus & hunc secutus Aloysius Lippomanus dicunt, locum esse depravatum, & pro Abraham, legendum esse Jacob, pro, Fili, esse substituendum, Patri: consistere hoc nullo modo potest. Tum quoniam omnia exemplaria Græca atque Latina jam inde ab Apostolorum ætate fuisse corrupta, non vero simile quidem est. Tum quoniam non est probabile, Hieronymum, Rabanum, Bedam, alioque item Ecclesiæ auctores, qui in hunc locum & questionem incidere, hujusmodi deiectionis præsidium neglecturos; si vel tantillum probabilitatis in ea inesse existimassent. Nec viri prudentes & graves difficultatam questionem esse dixissent, quæ nunquam quidem negotio, ut junioribus istis vilius est, explicaretur. Quid, quod in vocibus adeo dissimilibus nulla depravationis occasio erat? Si enim librarii pro, Everit, scribant, Everit: pro, Fortem, Fontem, vo-

cum scilicet magna similitudine fallentur. At pro Jacob, Abraham: pro Patris, scribere Fili, in tanta nimirum nominum discrepantia nullæ depravationis causæ fingi possunt, nisi librorum aut ebrietas, aut amentia. Quid, quod in exemplari Græco nec Fili, nec Patris expectium est, sed post vocem, Eñor, iohis genitivus τῷ Σωτῆρι scriptus legitur? Ubi Latinus interpret, quoniam propensius clerici, filium subintellexit, non patrem. Ad quem omnino modum Sanctus quoque Pagninus interpretatur. Nec me fugit, in epistola ad Pamma. de opt. gen. int. Patris legi, non Filii. Sed latum fortasse lectio illa est, non Hieron. Verum de voce patris nihil moror. Nam si Græca phrasîs permittit, quod permittit certe, ut vel fili, vel patris nomen subintelligatur, Stephanus, qui Græce locutus est, nihil patitur in hac parte calumnix. At in voce Abraham locum non habet Eugubini responsum, pro qua si Lucas Jacob scriptis dicitur, nihilo scilicet accusabitur. Jacob enim non pretio argenti sepulchrum emat, sed centum novellis ovibus: ut Josue cap. ult. scriptum est. Scio autem, quæ noviti interpretes hoc loco differant: sed scriptura, quam Ecclesiæ probat, editio quoque 70. Centum novellas oves habent, non, Nummos argenteos centum. Maneat igitur, excusparia non esse corrupta. Et quoniam eadem facilitate reliquæ aliorum responsiones coargui possunt, nihil video esse causæ, cur eis rescilendis immoremur. Sed ne libenter quidem aliorum sententias reprehendimus.

Hoc igitur loco mihi Bedæ opinio placet, cui & Rabanus assensus est. Verba illius in hunc modum habent: Beatus Stephanus, vulgo loquens, vulgi magis in dicendo sequitur opinionem. Duas enim pariter narrationes conjungens, non tam ordinem circumstantis historix, quam causam, de qua agebatur, attendit, &c. Eadem fere Rabanus. Quibus verbis verecunde quidem ac modeste significatur, Stephanus, id quod vulgo fere solet, accidisse, ut in longa videlicet narratione, eademque præsertim subita, confuderit nonnulla & miscuerit, in quibusdam etiam memoria lapsus fuerit, aut his duntaxat, quæ ad rem parum, aut nihil omnino attinerent. Nam causæ,

Vel Eugubinus in recog. Gen. nec.

Hieron. de
ap. non int.
provenit,
& non sol-
uit.

de qua potissimum agebatur, erat intentus. Lucas vero historix veritatem retinere volens, ne jota quidem immutavit, sed rem, ut a Stephano narrata erat, exposuit. Nos autem non Stephanum ab omni lapsu, sed Evangelistam vindicare debemus. Solis quippe Apostolis, Prophetis, & Evangelistis hunc honorem deferre Catholica fide docente didicimus, ut nullum eorum vel memoria lapsum esse credamus, nullum nec in magnis, nec in parvis errasse. At Stephanus plenus erat Spiritu sancto. Fateor. At Spiritus loquebatur in eo. Et id equidem fateor. Sed aliter in Christo Spiritus loquitur, aliter in Prophetis & Apostolis, aliter in Stephano & Ambrosio. At certe per hos omnes loquebatur. Per Concilium generale Deus Ecclesie loquitur, per Ecclesie Pastores Deus Ecclesie loquitur, per veteres Sanctos Deus Ecclesie loquitur. Et hi omnes tamen in parvis labi possunt, memoria præfictum, ubi lapsus facilius est. Scriptorum ergo sacrorum hoc privilegium est, ut eorum nullus in scribendo erret. Apostolorum privilegium est, ut nullus eorum in docendo erret. Stephano privilegium hoc nec ratio concedit, nec auctoritas. Nec vero a sacris auctoribus alienum est, errantium quoque verba referre. Sic enim Jephthe Judic. 11. trecentos annos possessionis prætendit: cum revera trecenti non fuissent. Et sacer tamen historicus trecentos retulit. Sic etiam Matthæus, si Hieronymo credimus, prophetiam Michæ, non ut a Michæ scripta erat, sed ut a scribis erat enuntiata retulit: Scribere autem, quam vanis & frivolis argumentis hanc Hieronymi sententiam Erasmus reprehendit, non est huius aut loci, aut temporis. Illud dicendum est, Hieronymi & Augustini verba in eum tor-

quere sensum, ut credantur asserere, Evangelistas esse aliquando lapsos, nisi parum prudenter fieri non posse. Cum enim Hieronymus in epistola de opt. gen. intrer. quedam loca a sacris auctoribus retulisset, quæ lapsui memorie assignari possent, subdit: Hæc replico, non ut Evangelistas arguam falsitatis. Hoc quippe impiorum est, Celsi, Porphyrii, Juliani. Id tamen ita Erasmus accipit, ut falsitatis crimen abominetur in Evangelistis Hieronymus: memorie lapsum non item. Quasi falsum non sit, nisi quod mendacio de industria confictio scriptum est. Certe si memoria, seu ignorantia lapsi Evangelistæ a veritate discesserint, jure falsitatis arguentur. Cumque etiam Augustinus libro de consensu Evangelist. 3. cap. 7. non lapsui memorie, non errori tribuerit, quod Evangelista Matthæ. cap. 27. nomine id Hieremias citaverit, quod apud Zachariam reperitur: sed tribuerit Spiritus sancti consilio, directioni, constitutioni, præcepto, quamobrem contenderit illud sine falsitate esse factum: At Erasmus errorem & lapsum Evangelistæ, ex Augustini sententia interpretatur. Ea quam falso viris sanctissimis impingantur, facillime judicari poterit cum ex iis ipsis locis diligenter evolutis, tum ex aliis eorundem auctorum testimoniis, quæ nos capite superiori citavimus. Nam quartæ controversiæ jam tempus est, ut finem faciamus. Hic autem primus etiam locus concluditur, non paucis ille quidem (nam id fieri non poterat, quod amplissimus esset, & iusti voluminis copiosam materiam suppedicaret) sed quam paucissimis fieri licuit, ut loci firmissimi auctoritas constaret, quem neque humani ingenii temeritas, neque Hæreticorum labefaceret injuria.

In annot. in
2. c. Matth.

In annot. in
27. Matthæ.

Matth. 2.
Mich. 1.

In annot. in
2. c. Matth.

DE TRADITIONIBUS APOSTOLICIS,

Quæ secundo loco positæ sunt.

LIBER TERTIUS.

CAPUT I.

*Ubi eorum argumenta referantur,
quæ Apostolicas traditiones
impugnant.*



Ene habet. Scripturæ divinæ auctoritatem primo jam loco constitutum. Ad secundum deinceps aggrediamur: Apostolicarumque traditionum quanta sit & vis & auctoritas, via, & ratione explicemus. Et quidem hunc locum Lutherani imbecilliores esse credunt, quam ut ductis inde argumentis dogmata fidei confirmentur. Nam, quod Ecclesiæ traditiones a Christo & Apostol. descenderint, existimant nullo modo posse probari. Non enim adeo sunt stupidi, ut verba Christi, quæ modo Christi esse constaret, infirmare pergant, quod non fuerint ab Evangelistis scripta. Sed quoniam quid Christus, quidve Apostoli fuerint locuti, eos solum nosse putant, qui Christum & Apostol. audire, colligunt, apud nos nunc ne unum quidem dogma posse traditione probari. Quin oportere omnes fidei & religionis controversias sacrarum literarum testimonio componere: fuisse vero nihil, nisi quod sacris literis sit expretum. Erasmus etiam cum sepe alias, tum in epistola nuncupatoria operum Hilarii, hoc demum asseruit eruditionis vere Theologicæ esse, nihil ultra, quam sacris libris productum est, definire: cetera omnia esse problemata in illud rejicienda tempus, quam sublimi speculo videbimus Deum de facie. Nec hi tamen aut primi, aut soli pestem huic loco asferre tentarunt. Tentaverat idem prior Uvilefius, ut Thomas Uvaldenſis scribit lib.

doctr. fid. antiq. 2. cap. 19. Tentarant hoc aliis ante sæculis hæretici quidam, quos Bernardus homil. 66. in Cantica commemorat. Sed & Arianis hanc heresim tribuit Augustinus in consiliu contra Maximinum, Thom. Uvaldenſe referente libro de Sacramental. doctr. 2. Ariani certe, qui in Synodum Seleucianam conveniunt, non obſcure testati sunt, se in fidei questione præter divinas scripturas nihil omnino recepturos, ut auctor est Epiphanius, heret. 73. qui & ipse Arianis hunc errorem assignat, heret. 75. Basilus Eunuomum dicit in eodem errore versatum. Tertullianus lib. de præscripte. heret. & Irenæus 3. lib. adversus hæreses, cap. 2. his adjungunt Valentinum ac Marcionem. Basilus vero quidam Anciranus Episcopus in confessione, quam exhibuit septima Synodo, Anathematismo septimo, non solum Iconomachorum, sed Arii, Nestorii, Eutychis, Dioscori sententiam hanc communem fuisse confitetur. Quamquam autem error hic communis fuit hæreticis pene omnibus, Lutherani tamen quasi proprium usurparunt, quantæque maxima potuerit vi asserere nisi sunt, nihil præter scripturas sacras Apostolicam habere auctoritatem.

Infidelis, inquit, est, & incerta illa per manus traditio, quod is, qui accipit, vel non satis accurate auscultat, vel morbi, ætatis, naturæque injuria nonnunquam obliuiscitur, vel certe interdum moritur, antequam tradat accepta. Ea etiam, quæ de aure in aurem tranſeunt, aut in dies majora fiunt, aut non eadem profecto perveſcant, sed mutatis auriſus permittantur. Quin etiam pereunt, nisi ea literarum monumenta conſervent. Pythagoræ quam pauca extant? Druidarum eorumque

1. Arg.

rele-

reliqui. Nemp̄ traditionibus illi confisi, nihil ad memoriam eternitatem litteris prodiderunt. Quomobrem, quæ Christus Dominus ad salutem fidelium vidit esse necessaria, & quæ in Ecclesia certa esse voluit, atque perpetua, ea litteris consecrari vel iussit, vel suggestit.

1. Arg. in Jo. 17. 43.

Lib. 2. de
Pec. mor. &
rem. c. ult.
Id. in epist.
Orat. de
orig. au.

Augustinus item testis est, multa quidem Dominum & iecisse, & dixisse, quæ scripta non sunt: electa vero esse, quæ scriberentur, quæ credentium salutis fuissent. Augustinus etiam idem docuit, quod ubi de re obscurissima disputatur, non adiuvantibus divinarum scripturarum certis, clarisque documentis, cohibere se debet humana præsumptio, nihil faciens in alteram partem declinando. Et mox: Illud credo, inquit, quod divinarum eloquiorum etiam hinc clarissima auctoritas efficit, si homo illud sine dispendio promissæ salutis ignorare non possit. Nihil ergo creditu necessarium extra sacras litteras est.

3. Arg. 1. Tim. 2.

Paulus quoque scripturam idoneam esse docet, ut per eam perfectus sit homo Dei ad omne opus bonum instructus. Si igitur quæ erant latius, ut fideles essent ad omne opus bonum instructi, ea scripta sunt omnia, quorum istæ non scriptæ traditiones moribus formandis necessariæ singuntur.

4. & 5. argum. Deut. 17.

Mo. 22. in
Matth.

Enchiridion.
eccles. hist.
c. ult.

Lib. 1. cap. 19.
& 40.

Quid? quod non iubemur credere quæcunque nos docuerint sacerdotes, sed quæ docuerint iuxta legem Domini? Si ergo quicquam illi præter legem docent, fidem eis habere non est necesse. Cum enim ex ipsius veris Ecclesiis frequenter exeant seductores, quod auctor Imperfecti arguebat, ne doctoribus quidem credendum est, Ecclesiarum traditionem quamlibet præferentibus, nisi ea dicant, quæ scripturarum congruente veritati. Nam & Papias mille ille suos post resurrectionem futuros annos tanquam Apostolicis tradentibus inferens, Irenæum, aliosque multos Ecclesiæ viros, non tam veritate disputationis, quam Apostolicæ traditionis auctoritate commovit. Et Irenæus quoque ipse Joannis Evangelistæ, aliorumque Apostolorum traditione docet Christum Dominum, quod die mortuus est, annos quadraginta fuisse natum. Quod tantum abest a veritate, ut nihil veritati magis possit esse contrarium.

Ita Theophilus Alexandrinus scripsit, 6. 7. & 8. Arg. demoniaci spiritus esse, aliquid extra 8. Arg. scripturarum auctoritatem putare divinum. Et Hieronymus dogmata condemnavit, quæ absque auctoritate & testimonio scripturarum ex traditione Apostolica præferuntur. Et rursum: Sine auctoritate, ait, scripturarum garritas non habet fidem. Et iterum: Eorum sententiam, qui traditione veteris historie tenerunt, Zachariam illum, qui occisus fuit inter templum & altare, patrem fuisse Joannis Baptistæ, ea solum ratione reprobavit, quod de scripturis non habet auctoritatem. Unde eadem facilitate contemni, quaprobat. Atque Origenes, Necesse est, inquit, nobis scripturas sanctas in testimonium vocare. Sensus quippe nostri, & enarrationes sine his testibus non habent fidem.

Confirmat autem hoc maxime ratio illa, qua in Nicæna Synodo usum fuisse Constantinum, reiecit Theodoretus. In disputationibus, inquit, rerum divinarum habetur sancti Spiritus doctrina præscripta. Evangelici enim, & Apostolici libri, cum Prophetarum antiquorum oraculis, plene nobis ostendunt sensum numinis. Proinde sumamus ex dictis divini Spiritus explicationes questionum. Cui orationi, Calvinus ait, nemo tunc fuit, qui resistaretur. Quod silentium pericula non crebar, si verum est, præter scripturas sacras Evangelistarum, Apostolorum, & Prophetarum traditiones esse tenendas, in fidei ambiguis questionibus. Cum igitur Theodoretus scribat, Episcopos libenter amplexos esse id, quod dixit Imperator, constare novum esse traditionum dogma, illique seculis omnino incognitum. Traditiones igitur istæ seniorum parum valent ad dogmata fidei comprobanda. Quin cum humanæ sint, non divine, non sunt nobis magnificiendi: ne quod Pharisæis, idem nobis obijciatur. Sine causa colunt me, docentes doctrinam, & mandata hominum.

Quid, quod hæreticis semper gentile fuit, mysteriis, & traditionibus suis discipulos imbueret? Id quod a Christi doctrina alienum est, qui patram locutus est mundo, & in occulto locutus est nihil. Ac si quid in tenebris dixit, profecto iussit Apostolis, ut dicerent ipsi in lumine, & quod unum aurem audierunt, ut prædicarent.

abcondito
et utineci-

super tecta. Non ergo habemus Christiani occultas mysteriorum traditiones.

11. & 12.
Arg.

Quod si veterum traditionibus fidem & religionem nostram asserimus, id Pagani, id Iudei, id Saraceni faciant, &que præsertim nomine sectas suas retineant, quod quemadmodum nos, ita ipsi quoque majorum institutis inhererent: eoque longissimi temporis possessione tuerentur, iustumque pro illis bellum suscipiunt. Non est autem disciplina nostra Pythagorica, ut traditionibus quasi vestigiis insistamus: literis cit Christi doctrina prodita, illas in omni fidei & religionis questione amplecti debemus. Hæc Lutherani argumentantur.

Ioh. 11.

CAPUT II.

Supervacaneam videri cum Lutheranis non de hoc solum loco, sed de quibusque aliis disputationem.

EGo vero cum Lutheranis quotiescunque me comparo ad differendum, repente a me avertitur oratio mea, & omnis statim mihi disputandi ratio tollitur. Quo namque consilio adversum hos disputare aut debeam, aut possim, qui cum omnia Theologiæ principia tollunt, tum una fere sola asseverandi audacia utuntur, quæ illis perpetua est pro locis Dialecticis Theologicisque omnibus? Quid ego contra hos scribam, qui nullam in Ecclesia legem esse volunt, per quam scripturæ sentia finiuntur; sed suo cuique ingenio esse utendum, nec id sentire oportere, quod alii senserint, sed quod ratio propria præscripserit? Quid autem stultius, quam cum eo disputare, qui nihil admittit nisi scripturæ verba, sed hujus interpretationem sibi uni reservans, reliquos omnes existimat miris modis hallucinari? Machinatus, ne, si res esset via & ratione explorata, in male suscepta causa cedere cogeretur, omnem disputationis aditum lege suis edita præcluse. Et Lutherus differendi principia suis universa tollens, si disputationem infirmat, nec aditum, nec exitum poterit reperire. Perinde enim est, scripturas solas sine lege & pro cuiusque interpretationis arbitrio accipere: ac si nullum fixum certumque differendi principium accepimus. Quapropter mi-

seri Lutherani, haud secus atque Saraceni, nec suas, nec magistri possunt ineptias deprehendere: nec nos cum iis differendo aliud possumus, quam tempus & operam ludere. Qui tamen haberent jus suum disputandi, si principiorum aliquem delectum reliquissent, ut ad veritatis inventionem aditus esset. Nunc autem nulla principia relinquunt. Vana igitur cum eis erit, & inutilis disputatio. Omnia enim meminisse debemus, id quod ab Iohannis Baptistæ sapientissimè usurpatum, jam quasi in proverbii consuetudinem venit: Contra negantem principia, quoniam frustra id fiat, non esse disputandum.

Accedit eodem, quod paradoxa cum communi sensu pugnantia assentire, quæ si vis argumentando refellere, res minime dubias argumentando dubias facis. Cum enim illa, quæ in syllogismo antecedit, ut fidem aliquam faciant, certiora notioraque esse oporteat his, quæ ex antecedenibus consequuntur, verendum sane est, quando Lutheranorum placita coarguimus, ne res maxime absurdas minore evidenter refellentes, peccatum hoc ratiocinationis vitiosæ ineptæque peccemus.

Nec vero hujus rei explicandæ gratia longe exempla petenda sunt, cum habeamus in manibus. Etenim, ut hanc quam modo dixi, opinionem Lutherani tueantur, ponunt primo sacras literas non habere plures sensus. Falso autem illud ponunt: sed demus hoc eis liberaliter. Assumunt deinde, in scripturis sensum illum unum certissime familiarissimeque doceri: Nec esse eas, velut ceræ quendam nasum, in sensum omnem flexibiles: sed potius esse per se expositas, & in promptu cuique sine magistro & docente patere. Quibus egregie sciteque positis, jam facile consuevit, sacris libris intelligendis, nec veterum traditionem, nec Ecclesiæ iudicium expectandam. Quæ omnia cum & per se sint falsa perspicue, & scripturis ipsis vehementer repugnante, si contendam ego ex adverso refellere, aqua mihi, ut dicitur, hærebit: qui scilicet intelligam, quam sit ridiculum confutare velle vanas commentitialesque sententias, portenta non differentium Theologorum, sed hominum somniantium; quam stultum cuiuslibet opponenti contraria respondere; quam inutile faces in meris-

dis-

diānam solis lucem inferre; quam denique otiosum in re manifesta periclitari. Petrus ait, in Paulinis epistolis esse quædam difficilia intellectu, quæ indocti homines & instabiles depravant ad suam ipsorum perditionem. Hi vero contra ajunt, omnes Pauli epistolas esse intellectu facilissimas. Paulus perfectis sapientiam loquitur in mysterio absconditam, parvulis autem lac potum dat, quoniam fete aliud non possunt. Isti sine discrimine omnes, ac si Deo placeat, inter pocula universa scripturæ sacramenta devorant, & solidum etiam cibum struthiorum more concoquant. Sapientibus & prudentibus quædam pater abscondit, istis omnia revelavit. Filius discipulis suis aliquando in parabolis est locutus, his palam semper loquitur, & proverbium nullum dicit. Liber in Apocalypsi septeni sigillis signatus ostenditur, quem cum dederis homini scienti literas ut legat, respondebit tibi, Non possum: signatus est enim. At his librum agnus aperuit, aperuit item oculos, ut viderent, quæ nos miseris & cæci videre non possumus: Imo quæ Origenes, Basilus, Gregorius, Chrysostomus, Ambrosius, Hieronymus, Augustinus, Hilarius non viderunt. Eunichus ille actorum Apostolicorum tam religiosus, ut relicta aula regia de extremis mundi finibus veniret ad templum, tam divinæ legis amator, ut etiam in vehiculo sacras literas legeret: non poterat Esaiam intelligere, nisi aliquis cum doceret: & ab istis prophete omnes sine magistro & interprete intelliguntur. Breviter, ut Hieron. ait, nulla ars sine præceptore percipi potest, sola scripturarum scientia est, quam hi passim sibi omnes vendicant, præsumant, doceant, antequam discant.

Sunt in libris sacris loca plurima, in quibus tanta difficultas & obscuritas inest, ut post veterum omnium interpretum vigilas, studia, operas, adhuc vix a doctissimis & optimis quibusque intelligi posse videantur. Et multitudo imperita, in qua nec ratio inest, nec judicium, universos scripturæ locos facile expedit atque interpretabitur? Itane facile est expedit, ut reliqua taceam, Hebræi sermonis ambiguitatem, tropos vel vetustate obscurissimos, phrasæ alienas ab hæcæ linguis, quibus aduevimus, no-

stris inaudita proverbia, parabolas peregrinas, translationes interdum etiam longissime petitas? Expone mihi facile, si potes, Proverbia Salomonis & Cantica: Ezechielis, Danielis, Esau, Hieremias prophetas: Davidicos Psalmos exponere: & si exposueris, tum vero libri sacri nec sunt difficiles, neque obscuri. Quis sapiens, ait Oseas, & intelliget ista: intelligens, & sciet hæc? Et Salomon: Quis talis, ut sapiens est? Et quis cognovit solutionem verborum? Atqui sapientes sunt omnes isti, & summa facilitate difficillimas scripturæ quaestiones solvunt. Quod si scripturæ in varium sensum torqueri scilicet non queunt, quomodo hæreses omnes ex prava intelligentia scripturarum ortæ sunt? At hoc non solum tradentibus Hilario 2. lib. de Trinit. Hieronym. ad Galat. 1. Irenæo lib. 1. advers. hæres. cap. 1. Augustin. in Joannem, tractat. 18. Vincentio Lirinens. contra prophet. nov. Septima Synodo, act. 6. sed manifeste etiam experimento cognovimus. Unde vero inter ipsos quoque Lutheranos de rebus maximis controversiæ, si scripturæ in varios sensus non flectuntur? Nam illa verba, Hoc est enim corpus meum, alii proprie, alii per tropum accipiunt. Quæ cum ita sint, alia ratione, atque isti dicunt, scripturæ divinæ investiganda tenendaque intelligentia est. Si enim ad privatam hæc regulam dirigatur, unde evincetur Helvidius de perpetua Mariæ virginitate? Unde Arius de vera Dei in Christo natura? Imo vero unde constabit, hujus ne, an illius intelligentia vera sit, si scripturas cuique liceat pro suo ingenio interpretari? Cum enim varix erunt, ut sit, de eodem scripturarum loco sententia, quæ certa sit, eam nemo præstabit. Si enim omnes, qui inter se dissentient, pari ratione suum quisque sensum tuebuntur. Hoc enim morbi fere innatum est hominum ingenium, ut cedere nesciant, simul atque res in contentione vocata est. Quæ postquam incaluit, hoc cuique videtur verissimum, quod temere etiam tuendum suscepit. Aut igitur sensum quisque suum certum habet, & redibit insania veterum, quam Arist. 4. Metaph. lib. manifestis argumentis exposcit: Aut nullus sententia certa erit, & præterquam quod dissidiorum nullus erit finis, nullum habebimus certum fidei Christianæ judicium,

Ternul. dicitur car. Hæreses, ait, esse non potest, si non de perpetua virginitate sit: sign. positus.

Vide Hieron. ad Paulin. & August. in præsent. lib. de div. vit. Christi.

dicium, sed ex sua opinione quisque suam fidem sibi affingit. Ita fides catholica nulla erit. Ac re vera ridiculi Lutherani sunt, qui postulent, ut ipsis sacras literas interpretantibus, ac novo quidem mirabilique more interpretantibus, certa fides habeatur. Non est creditum Apostolis, ut falsè ridet Erasmus, donec multa magnaque miracula fidem adstruissent doctrinæ; & nunc quilibet sibi postulat credi, quod affirmet se habere spiritum intelligentiæ, cum nullus eorum tamen ne equum quidem claudum sanare potuerit. Multa præterenda sunt, ne quid habeat injucunditatis oratio: & tamen multa dicuntur, quæ aperte horum insaniam resistent.

Sane nisi Cochleus in epistolis ad Germaniæ Principes & ad Bernenses anteverisset, exemplis positum periculum facerem, & in illis varie in utramque partem luderem, ut vel hoc ipso periculo compertum esset omnibus, quam non sit difficile unumquodlibet thema e sacris literis aut probari, aut improbari, si pro suo eas quisque ingenio interpretetur. Quamquam fateor, nonnulla sunt scripturæ loca, quæ in alium atque alium sensum trahi, ne a contentiosis quidem possunt. Quis enim illud torqueat, quod Paulus ad Corinthios scripsit, alii per spiritum dari sermonem sapientiæ, alii sermonem scientiæ, alii interpretationem sermonum? At isti omnia ecclesiastici corporis munia confundunt, istis totum corpus est oculus. Omnes siquidem Spiritu doctores intelligunt scripturæ universa mysteria. Sed bene habet, quod vel Lutherus ipse quædam in Psalmis loca se non intelligere confitetur. Bene habet, quod doctores in Ecclesia Christus dedit, non omnes, sed quosdam, ad consummationem sanctorum in opus ministerii. Verum de his & multa in secundo libro disserui, & plura adhuc in septimo differuntur. Non quo adversum Lutheranos pugnam inire velimus, qui clausi, ut dicitur, oculis more Andabatarum pugnant. Sed quo videant catholici, cum omnes locos ratione animoque instraverint, nullum esse certiorum, nullum stabiliorum, nullum denique sacris literis exponendis magis necessarium, quam is est, quo Ecclesiæ traditio continetur. Quo est detestabilior Lutheranorum impudentia, qui hunc locum la-

befactare, ac funditus delere nituntur. Sed ut hæc omnis questio semel hic, ubi proprius est locus, constitutur, aliquot fundamenta jacienda sunt, quæ Theologiæ fideique simul nervos, ac vires continent.

CAPUT III.

In quo quatuor fundamenta ponuntur, ad traditiones Christi & Apostolorum confirmandas.

Primum fundamentum.

Ecclesiam esse antiquiorem scripturæ, fidemque proinde ac religionem suæ scripturæ constare. Nam vetustissimi illi primorum sæculorum patres, qui in lege naturæ ante Moysen veri Dei cultores sunt habiti, sacrificiorum ritum, veramque de rebus divinis sententiam non scriptis legibus, sed more & instituto majorum servare. Circumcisionem quoque a Deo primum acceptam, Abraham deinceps familiæ prodidit. Proles vero illa hominum Hebræorum, ejusmodi sacramentum non aut membranis, aut tabulis inscriptum, sed in animis consuetudine imbutis quasi impressum conservavit: multoque annos in Ægypto citra ullam scriptam legem, unus Dei veram fidem & religionem tenuit. Christus etiam Dominus librum nullum scripsit, imo, quantum legimus, ne præcepit quidem, ut scriberetur. Eunt, non ait, scribite, sed prædicare evangelium omni creature. Mar. ult. Et per Hierem. cap. 30. Dabo, inquit, legem meam in visceribus eorum, & in corde eorum scribam eam. Et Apostolus 2. Cor. 3. Epistola, ait, estis Christi, administrata a nobis, & scripta non atramento, sed spiritu Dei vivi, non in tabulis lapideis, sed in tabulis cordis carnalibus. Lex ergo evangelica, quæ lex spiritus est, non literæ, non est a principio literis exarata, sed in animis fidelium insculpta. Nam & ceteri Apostoli prius viva voce evangelium docuerunt, deinde mandarunt literis, ut testes fatis graves & idonei sunt, Irenæus. 3. adversus Valentinum libro. Euseb. cum alius locis non obsecut, tum Iulicenus in 3. histor. Eccl. lib. 24. Chrysof. Homil. 1. in Matthæum, Theophylactus.

Joseph e. 4. i. Antiquitatis, serm. & posteros duas columnas edifice, utamur latericium, albetam lapideam, in qua bus dicitur pinnam resum colledum conspiciunt, ne que ab ipso invenit, tunc erant, deperissent. Sed de inventis loquuntur, non de his que a majoribus acceptantur sed ne de his quidem, quæ ab nostris perierint. Has forte vocat pinnas clavis aut quas memorat columnas, quas Platonem, quamquam & Pichoniam, citat, se vidisse. Platonem phantasma comitauerunt.

lib. 2. Eccl. lib. 2. c. 15 de 13 c. 4.

Iactus in initio comment. in Matth. Hieron. in catalogo scri. Eccles. in Matth. & in Joan. breviter, ne omnes sigillatim enumerem, universi Ecclesiastici auctores. Nolo enim in apertis rebus multus lectori videri: eo maxime, quod Lucas Evangelista huius rei certissimum testimonium præbet, inquit, Quoniam multi conati sunt ordinare narrationem, quæ in nobis completa sunt, rerum: sicut tradiderunt nobis qui ab initio ipsi viderunt, & ministri fuerunt sermonis: visum est mihi assensu tuo omnia, a principio diligenter ex ordine tibi scribere, optime Theophile, ut cognoscas eorum verborum, de quibus eruditus es, veritatem. Constat igitur doctrinæ fidei jam vulgatæ scripturam Evangeliorum accessisse. Accessisse, inquam, non præcessisse. Constat item, Christianam Ecclesiam & religionem non literis primum, sed traditione substituisse. Constat rursus, fidei doctrinam in Ecclesia primitiva non a scripturis habuisse auctoritatem, sed contra scripturas a traditione. Sicut tradiderunt, ait, nobis, qui ab initio ipsi viderunt, & ministri fuerunt sermonis. Constat denique, aliquando in Ecclesia Christi fuisse catholica dogmata, quæ sacris nullis literis continerentur. Quare per motus Irenæus, ait: Quod etsi Apostoli nullas nobis scripturas reliquissent, tamen & oportebat nos sequi ordinem traditionis Ecclesiæ, quam fideles scilicet antea scriptum Evangelium sequebantur.

lib. 3. c. 4.

Secundum fundamentum.

Non omnia, quæ ad doctrinam Christianam pertinent, esse etiamnum in sacris literis expressa. Nam perpetuam beatæ Mariæ Virginitatem, descensum Christi ad inferos, Baptismum parvulorum, conversionem panis & vini in corpus & sanguinem Christi, processorem Spiritus sancti ex Filio, trium personarum in una substantia æqualitatem, earundemque per relativas proprietates distinctionem, non ita expressa in libris canonicis invenies, sed adeo tamen certa in fide sunt, ut contrarium dogmatum auctores ecclesiæ hæreticos iudicavit. Quemadmodum igitur articulus resurrectionis continebatur in illo, Ego sum Deus Abraham & Isaac, quod postea Christus Domi-

nus minus intelligentibus exposuit: ita nonnulla per spiritum veritatis explicuit ecclesiæ, quæ in sacris literis habentur obscura.

Tertium fundamentum.

Multa pertinere ad Christianorum doctrinam & fidem, quæ nec aperte, nec obscure in sacris literis continentur. Id primum Innocentius probat de celebr. missæ c. cum Marthæ. Verba enim, quibus in calicis consecratione utitur, quibusque Christum dominum usum esse profitemur, scilicet, Mysterium fidei, & æterni testamenti, in Evangelistis non habentur. Ac ne illud quidem, Elevatis oculis ad Deum patrem suum. Sententiam quoque illam, Beatius est multo dare, quam accipere, Christum dixisse nesciremus, nisi Paulus in Actis docuisset. Quemadmodum ergo non omnia gesta Jesu Evangelica scriptura complexa est; ita ne omnia verba quidem, sed quædam per traditionem accepta sunt. Rursus, sanctorum Martyrum auxilium precibus implorandum, eorumque memorias celebrandas, imagines venerandas esse, in sacrificio Eucharistiæ simul cum corpore sanguinem sacerdotibus esse & conficiendum & sumentibus, sacramenta confirmationis & ordinis non iteranda, sacræ literæ nusquam forte tradiderunt. At ejusmodi atque alia pleraque id genus, ita firmiter ecclesiæ catholica retinet, ac si sacris codicibus fuissent inscripta. Quatuor demum evangelia, quæ nunc ecclesiæ recipit, quatuordecim epistolæ Pauli, breviter, ut in summa dicam, utrumque & vetus & novum testamentum, firmissime retinemus: nec tamen ea tenere possumus scripturæ auctoritate. Multa igitur sunt fidei catholicæ dogmata, quæ sacris literis non habentur.

Cap. 10.

Joan. 8. 12.

Quartum fundamentum.

Apostolos maximis de causis alia quidem literis, alia autem viva voce prodidisse. Sed quæ illæ causæ sint, repetendum altius videtur. Morem porro hunc tradendi quædam discipulis non scripto, sed verbo, olim quoque scimus a Philosophis observatum, Pythagoram certe hunc in modum discipulos instituisse, posteriorum omnium

scri-

fl. ar. super
2. P. 2.
Orig. hem.
5. in Num.

P. 7. 11.
P. 11. 27.

Deut. 17.

scripta testantur. Qui & ipse, ut i. sitom. Clemens. Alexan. refert, circuncitus fuit, ut adyta ingrediens Aegyptiorum mysticam disceret philosophiam. Galenus lib. 2. de anatom. admin. veteres Physicos, ait, artes a maioribus quasi per manus traditas conservasse. Cicero lib. 1. de legibus, ferendos in Republica mores existimat, nec scriptis omnia facienda: Et eodem rursus libro, sacra putat melius in Republica conservari, si a patribus accepta deinceps familiis prodantur. Cæsar de bello Gallico lib. 6. Druidas scribit disciplinæ præcepta nefas existinasse, ut literis mandarentur. Scribunt item, non modo celebres Hebræorum doctores, sed ex nostris Hilarius & Origenes, Moysen non legem solum, sed secretiorem legis enarrationem in monte divinitus accepisse: præceptum autem ei a Deo, ut legem eundem populo scriberet, legis autem occulta mysteria ipse ministro suo Josue, hic deinceps succedentibus sacerdotum primoribus, magna silentii religione revelaret. Anatolius quoque apud Euseb. lib. 7. eccle. hist. cap. 28. 70. interpretes refert Ptolemæo regi percontanti, multa ex Moysis traditionibus respondisse. Atque illud etiam auctor 4. Libri Esdræ, cap. 14. non obicure testatur. Epiani vi, inquit, Moysi mirabilia multa, & præcepi ei dicens, Hæc in palam facies verba, & hæc abscondes. Quod idem præceptum Dominus Esdræ lege instauranda dedit, inquit, Quedam palam facies, quedam sapientibus absconsc trades. Ad huiusmodi vero traditiones Propheta videtur spectasse, cum ait: Deus auribus nostris audivimus, patres nostri annuntiaverunt nobis. Et rursus, Quanta mandavit patribus nostris, nota ea facere filiis tuis. Ad similes quoque veterum traditiones Moyses ipse revocat, ubi dicit, Interroga patres tuos, & dicent tibi: majores tuos, & annuntiabunt tibi. Quedam igitur non scripto, sed verbo tradere, non philosophorum modo, verum Moysis, imo Dei etiam consilium fuit. Hujus ergo optimi consilii rationem Jesus Christus vitæ magister habuit, habuerunt Apostoli. Multa enim a domino illis tradita scribere noluerunt. Quibus vero rebus adducti id ipsum fecerint, breviter explicandum est. Cæsar de bello Gal. lib. 6. duabus de causis

Druidas instituisse dicit, ne disciplinæ præcepta li eris proderetur: quod neque in vulgum disciplinam efferri velint, neque eos, quidiscunt, literis confisos minus memorie studere. Quod ère plerisque accidit, ut literarum præsidio diligentiam in perdiscendo ac memoriam remittant. Nimirum, ut Joanni Pico in Apologia placet, prior illa causa Pythagoræ ac Platonis precipua fuit, ut mysteria quedam occulta verborum traditione discipulis commendarent. Nec enim aliter existimantur Philosophiæ dignitatem se posse tueri. Aegyptios, Clemens Alexand. s. Stromat. refert, non quibuslibet mysteria commisisse, nec rerum divinarum cognitionem ad profanos deiectione solitos, sed ad eos solos, qui erant ad regnum perventuri: & ex sacerdotibus iis, qui iudicari fuerant probatissimi & educatione & doctrina & genere. Extat Lyfide Pythagoræi epistola, in qua Hipparchum reprehendit, quod publice, contra ac magister instituit, philosopharetur. Nec enim fuisse, ea omnibus porrigere, quæ paucis & iis quidem disertis & laborantibus communicanda sunt. Qui autem Pythagoræ præcepta passim vulgo traderent, eque eos impios haberi, ut qui profanas hominibus Eleusinarum dearum arcana patefacerent. Eis etiam esse similes, qui in prælarum puteum ceno plenum aquam puram atque nitentem effuderint: quos nihil aliud, quam cenum turbare & aquam amittere. Nec solum a Lyfide Hipparchus reprehensus est, sed accusatus a discipulis aliis, & expulsus e schola, & propter ipsum tanquam propter mortuum facta columna est: quemadmodum Clemens Alexand. s. Strom. scripsit: Non licet, inquit quoque Pindarus, apud omnes veterem aperire orationem, præterquam fidelissimis silentii viis: Amat enim natura celari, ut Porphyrius scripsit, nec divina mysteria Deus patitur in aures vulgi introire pollutas. Aurum & gemmas in altissimis terræ lacubus natura condidit. Ita magno habentur in pretio: viscerent, si essent exposita. Basil. in lib. de Spiritu sancto, cap. 29. & Origenes homil. 5. in Num. ob id asserunt Moysen non esse passum, ut omnia, quæ erant in templo, omnibus essent pervia, quod sciret res usu tritas, expositas esse contemptui: quod vero leprosum est, &

Li. 7. bid.
c. 2.

rarum, huic conjunctam esse summam admirationem & reverentiam.

Plato scribens Dionysio de quibusdam sacris mysteriis monet, ut epistolam e vestigio conceperat, ne in manus indigni vulgi perveniret: Tante sunt olim vel ethnicis curæ, disciplinarum mysteria & a contemptu, & a prophano abusu deludere. Id vero maxime, si ad res sacras mysterium pertineret. Tarquinius rex Marcum Tullium dumvirum, quod librum secreta factorum continentem, hujus fidei custodiaque commissum, Petronio Sabino scribendum dedidit, culeo insitum in mare abijci iussit. Quod sup-
plicii genus multo post particidis irrogatum est: Ac iustissime id quidem, ut Valerius ait, quia pari vindicta parentum, ac Dei violatio expianda est. Quæ videlicet causa Apostolis fuit, ut secreto quædam ex animo in aunum solo intercedente verbo transfunderent. Consistenti enim erat, mysteria quædam, præsertim sacra clam populo rudi habere, periculis & majoribus foris communi-
canda. Non judicavi, inquit, me scire aliquid inter vos, nisi Jesum Christum, & hunc crucifixum. Sapientiam autem loquimur inter perfectos. Et rursum, Formam, ait, habes sanorum verborum, quæ a me audisti. Bonum depositum custodi, & quæ a me audisti per multos testes, hæc commenda fidelibus hominibus, qui idonei erunt & alios docere. Quod si Apostoli, quibus formis sacramenta efficitur conficienda, quibusve ritibus administranda, aliæque id genus religionis secreta, passim vulgo tradidissent, quid esset aliud, quam adversus Christi legem sanctum dare canibus, & inter porcos spargere margaritas? Imo vero quid esset aliud, quam omnia mysteria Christianæ religionis abolere? Nec enim mysterium est, quod ad populari-
tatem aures efflatur. Hæc itaque primario est, cur Apostoli quædam sine scripto traderent. Nempe ne aut ab ethnicis sacra nostra triderentur, aut vulgo etiam fidelium venirent in contemptum. Secunda est, quoniam habet nescio quid latentis energie viva vox, & in aures discipuli de auctoris ore transfusa fortius sonat, quemadmodum Hieronymus ad Paulinam ait. Indignum ergo erat, ut tota Evangelii doctrina, quæ lex est spiritus & vitæ, mortuis ubique literis committeretur,

nec ulla ex parte committeretur cordibus, cum de ea peculiariter scriptum esset, Dabo legem meam in visceribus eorum, & in corde eorum scribam eam. Servorum & rudium est, omnia ex præscripto agere. Judæorum ergo sit scripta hæc lex, quæ univèrsam minimam præstantur. At filii perfecte jam viri, & in libertatem gratiæ vocati, habeant legem inculptam in cordibus. Quamobrem, qui Evangelium omni ex parte in characteribus & membranis includunt, nihil illius verbo, nihil cordibus relinquentes, hi Evangelio multum adimunt & dignitatis, & virum. Papias apud Eusebium, si quando, ait, adventisset aliquis ex his, qui secuti sunt Apostolos, ab ipsis scilicet explicabar, quid Andreas, quid Petrus dixerit, quid autem Philippus, vel Thomas, quid vero Jacobus, Joannes, Matheus. Nec enim tantum mihi librorum lectiones prodesse credebam, quantum vivæ vocis, præsentique magisterium. Hadenus Papias. Ubi vero gentium est verbum, quod tantopere Lutherani facere solent? Nam scriptum verbum, si vere ac proprie loqui volumus, non est verbum. Apud nos autem, qui Christi & Apostolorum oracula vocæque tuemur, verbum Domini vere & proprie manet in æternum. Verbum, inquam, vivum, quod ex doctorum ore in discipulorum transfusum aures fortius resonat. Verba, inquit, mea, quæ posui in ore tuo, non recedent de ore seminis tui amodo, & usque in sempiternum.

Adde, quod ad confutandos hæreticos major vis in traditione, quam in scriptura est. Egesippus apud Eusebium refert, virginem mundam & immaculatam ecclesiam permansisse, donec discipuli Domini extiterunt, corruptoribus veritatis, si qui forte fuerunt, in oculis terræ hiatus delitescerentibus. Ut vero omnis illa ætas, quæ a Domino susceperat vivæ vocis auditum, de hac luce discessit, tum hæreticos, nudato, ut ajunt, capite, Apostolicam veritatem oppugnasse. Et Ignacius apud eundem ea maxime ratione docet, hæreticorum vitæ contagia, si diligentius ac tenacius Apostolorum traditionibus inhæreatur. Tertullianus quoque adhuc apertius monet, ut adversum hæreticos magis traditionibus, quam scripturis differamus. Scripturæ enim

1. l. eccl. hist. c. 12.

2. l. eccl. hist. c. 12.

Montanus per nos tradidit novam doctrinam in qua dicitur discipuli huius eccl. l. 5. c. 16. l. eccl. hist. c. 12. in. l. b. de pres. heret.

1. l. eccl. hist. c. 12.

2. Cor. 2.

3. ad Tim. 2. c. 2.

Vide Hier. ad Gal. n. illud velle ap. vos monuisse, & monere vos committat.

in varios sensus facile trahuntur, traditiones non item. Nemo hæreticorum est, ut Hilarius ad Constantium Augustinum tradit, qui se non secundum scripturas predicare ea, quibus blasphemam, mentiat. Omnes scripturas sine sensu loquuntur. Et Irenæus 1. lib. 1. cap. Hæretici, inquit, scripturis nituntur sua dogmata confirmare, ne sine teste esse videantur. Sed deformant eloquia Dei, atque ex figura hominis, vulpis aut ursi figuram reddunt. Hætenus ille. Faciunt porro hæretici, quod patrem suum fecisse vident, ut Vincentius Lirinensis eleganter ait, & auctoris sui callida machinamenta sectantur. Nam quid ille non faciet missis hominibus, qui ipsum Dominum majestatis scripturarum testimonio appetit? Si filius, inquit, Dei es, mitte te deorsum: Scriptum est enim, &c. Ita, quodcumque dogma hæreticus proferat, statim ait, Scriptum est enim, & non unum, sed mille testimonia, mille exempla parat de Lege, de Psalmis, de Apostolis, de Prophetis, quibus novo more interpretatis, sententiam suam approbare conatur. Quorsum hæc tam longo sermone repetita? Nempe, ut intelligas non modo adversum hæreticos plus habere traditionem, quam scripturam verum, sed etiam omnem ferre cum hæreticis disputationem ad traditiones a majoribus acceptas esse referendam. Nam cum utrique & catholici, & hæretici pro sua sententia quicquid sacras literas referant, in sensu & interpretatione discrimen est. Quis autem verus ac legitimus scripturæ sensus habendus sit, nisi ecclesiæ traditione cognosci certo non potest. Quemadmodum & paulo ante docuimus, & 7. lib. sumus multis, magnæque argumentis demonstraturi. Atque hinc patet causa gravissima, cur traditiones Apostolicæ fuerint necessariæ. Sensus enim scripturarum Apostolicarum non erat ab Apostolis scripturis aliis explicandus, nisi ipsi in opera sua ederent commentarios, quod a viris gravissimis semper alienum fuit. Intelligentiam ergo scripturæ sacræ discipulis suis viva voce tradiderunt: ut illud Deus omni tempore in suis ecclesiis impleteret. Dabo legem meam in visceribus eorum. Lex liquidem Evangelica, ut Hieronymus in commentar. ad Galatas scripsit elegantissime, non in scripturis est, sed in sensu: non

in superfluitate, sed in medulla: non in verborum foliis, sed in radice rationis. Ex quo magis emergit, per hujusmodi traditiones, ecclesiasticos ordines suo quæque loco divinitus contineri: dum & majores, qui regni celorum claves habent, sacrosancta scripturæ sacræ misteria, quibus quoque & tempore, & loco dignum visum fuerit, aperiant: & minores ab ecclesiæ magistris libri clausi sacramenta percipiunt. Alioqui nulli essent ecclesiæ doctores, sed quisvis, quamlibet plebejus, & rudis, earum per se rerum sine præceptore quæreret intelligentiam, quas Apostolorum interpretatione, & literis obvias expositæque haberet. Nunc autem traditiones Apostolicæ non quibuslibet commendatæ sunt, sed juxta Paulum, sapientibus & prudentibus, fidelibus quoque, ac religiosis depositi sacramenti custodibus, qui etiam idonei sint & alios docere. Qua de re Dionysius Timotheum diligentius admonet, ne sancta sanctorum efferat, ea passim rudibus exponens, sed sanctis foliis sacrarum rerum intelligentias secretus pandat. Ob hanc enim causam primos illos nostros duces necessario lumina, & supersubstantialia partim scriptis, partim non scriptis institutionibus, juxta quod sacræ definiunt leges, tradidisse. Quid quod, ut Cicero ait, suavius mores in republica traditione servantur, ne si scripto sanciantur omnia, & molesta illa fiant, & legum, ac doctrinæ codex sua mole & magnitudine terreat. Quid? quod hac via, vel maxime ecclesiæ commendatur auctoritas: quam ut sponsæ charissime, Christus tantopere commendavit. Cum enim sponsi sui non verba modo, sed sensum etiam in corde servaret: vere, quod Apostolus dixit, columna est & firmamentum veritatis. Et equum erat, ut aliquis quasi lydius lapis in manu ecclesiæ relinqueretur, quo falsas, veracem doctrinam exploraret: verumque item scripturæ sensum a falso dilceret. Sed de causis hætenus.

Nunc fundamentum illud confirmandum est, ostendendumque Apostolos Evangelii doctrinam partim scripto, partim etiam verbo tradidisse. Cujus rei primum testes sunt Dionysius lib. de ecclesiast. hierar. cap. 1. Clementis Alexandrinus in lib. de pasch. apud Eusebium lib. 6. eccles. hist. cap. 11. Et in 1. Strom.

1. Strom. & Marcion.

2. Tim. 1. & 2.

De ecclesiast. lib. 6. c. 11.

ad 1. concil. 3. & 6.

ad Gal. 3.

Joñ. mart.
9. 110. & 111.
lib. postea.

Hier. 76.
& 61.

2. Thefa.

3. Cor. 1. r.

1. Tim. 1.

2. Tim. 2.

1. & 5. Origenes homil. 1. in Numer. Papias apud Eusebium lib. 6. Ecclesiast. hist. cap. 39. Eggeppus, eodem Eusebio auctore, li. 4. eccl. hist. cap. 8. Ignatius, eodem Eusebio referente, lib. 3. cap. 26. Irenæus lib. 3. cap. 3. & 4. quem etiam Eusebius retulit, lib. 4. eccl. hist. cap. 14. & lib. 5. cap. 6 & 10. Tertullianus in libro de corona militis. Cyprianus de ablutione pedum. Epiphanius de hæresibus cum alias sæpe, tum ibi maxime, ubi Arianorum, & Apostolicorum dogmata coarguit. Hieronymus adversus Luciferianos, Augustinus lib. 2. de Bapt. contra Donatistas cap. 7. & lib. 4. cap. 24. & lib. 5. cap. 23. & 26. Damascenus lib. 4. cap. 13. & 17. Basilus lib. de Spiritu sancto, cap. 27. & 29. Refert autem ex his unum, & item alterum Gratianus 11. distinct. cap. ecclesiasticarum, & 12. distinct. cap. illa autem. Potest igitur quicquam verum esse, quod sit huic talium virorum choro contrarium? Sed si tanta nubes testium hæreticorum corda non movet, vel divinis testimoniis moveantur. Quanquam quod uno eodemque consensu tot, tantique viri testati sunt, id non humanum, sed divinum est. At suppetunt etiam scripturæ divinæ præclara testimonia: Stare, inquit Paulus, & tenete traditiones, quas accepistis, sive per epistolam, sive per sermonem. Et rursum: Laudo autem vos fratres, quod, sicut tradidi vobis, præcepta mea tenetis. Et eodem cap. postea: Ego accepi a Domino, quod & tradidi vobis. Et paulo post: Cætera, cum venero, disponam. Atque ad Timotheum: Formam habet sanctorum verborum, ait, quæ a me audisti: bonum depositum custodi. Et deinceps: Quæ audisti a me per multos testes, hæc commenda fidelibus hominibus, qui idonei erunt & alios docere. Ac Joannes in epist. 2. Plura, inquit, habens vobis scribere, nolui per chartam, & atramentum: spero enim me futurum apud vos, & ore ad os loqui. Quid multa? Duas Petri epistolas habemus, & credimus mutum annis septem Antiochie sedisse, elingvem Romæ annis viginti: quinque? Num nihil aliud verbo docuit, quam quod epistolis duabus scriptum reliquit? Quid, Andreas, Thomas, Bartholomæus, Philippus, nonne fide scriptura solo intercurrente verbo ecclesias sibi destinatas & fundarunt in fide, & in religione continuerunt?

Consentiamus igitur, quod negari non potest, fidei doctrinam non scripto totam, sed ex parte verbo ab Apostolis esse traditam

C A P. IV.

Ubi sternuntur viæ ad traditiones
Christi, & Apostolorum
investigandas.

His igitur cognitis, restat illud explicandum, ubi totus orationis cardo verisat, quonam modo Theologo constare possit, hoc aut illud dogma ab Apostolis esse traditum. Verbi causa ponamus aliqua, quæ pateant latius. Si in quæstionem veniat, Num minores Ordines, Jejunium quadragesimæ, Baptisma parvulorum, Imaginum venerationem, Symbolum fidei, ex traditione Apostolorum habeamus: id nunc explicandum esse dicimus, aune sit via aliqua plana & expedita, quæ ad certam earum rerum intelligentiam valeat perveniri. Non enim sumus ii, qui Pharisæorum instar traditiones nostras velimus quasi divinas & Apostolicas vendicare, sed ubique gentium cupimus, ut vera a falsis, ita ubi humanis divina seceret: eo vero in loco maxime, ubi de dogmatis fidei Catholicæ agitur. Quo in loco quidem rerum illiusmodi permixta confusio perniciosissima est. Sunt igitur viæ quatuor apertæ, quas si sequamur, traditionibus Apostolorum vestigandis minime aberrabimus.

Primæ viæ ab Augustino aperitur cum aliis locis, tum lib. 4. contra Donatist. in hæc verba: Quod universa tenet ecclesia, nec concilii institutum, sed semper retentum est, non nisi auctoritate Apostolica traditum rectissime creditur. Est autem ratio hujus in promptu. Si enim consuetudinis cuiusquam diu in tota ecclesia observatæ originem & principium, nec ad summos Pontifices, nec ad concilia episcoporum referre possumus, sed ea consuetudo ad Apostolorum usque tempora retro trahitur, conficitur plane illam ab Apostolis esse profectam. Ut si in dubium vocetur, An minores Ordines, subdiaconatus, lectors, & cæteri, ex Apostolorum traditione in ecclesia sint, hunc in modum pervestigabitur. Si horum ordinum initium vel a Damaso sit, vel a Symmacho, vel ab illo alio seu Pontifice, seu

Cap. 24.

seu:

reū Concilio, certe Apostolorum traditio non fuit. Sin ante quemcunque Pontificem, ante quodcunque etiam concilium, mentio hujus rei apud priores habetur, donec ad Apostolorum tempora perventum est: tunc demum intelligimus, minores Ordines ex Apostolica traditione fuisse, ut & re vera fuerunt. Quoniam non posteriores modo, sed Ignatius epist. 8. ad Antioch. Dionys. 3. cap. eccles. hierar. Clem. in epist. ad univers. Anaclet. in decretis suis, ejus rei tanquam in ecclesia jam accepta meminere. Eadem quoque ratione docebis, Jesum legem traditionis Apostolicæ fuisse: Cujus videlicet mentionem fecisse constat August. ad Casulanum epist. 86. & ad Januar. epist. 418. & 119. Hieron. ad Latian de institutione filix, & lib. 2. advers. Jovinianum, & in Esaiam cap. 58. Ambros. serm. 25. & 38. Chrysost. ad popul. Antioch. ho. 3. & 16. Basil. cum in aliis concionibus, tum in ejus initio, quam in ebriosis habuit, & in posteriore de jejunio. Concil. Nicæn. reuerturque 18. dist. cap. Habeatur. Concil. Laodic. multis capitibus. Sozomenum hist. tripart. lib. 1. cap. 10. Origenem hom. 10. in Levit. Irenæum apud Eusebium ecclesiast. histor. lib. 5. cap. 24. Telephorum in epist. ad universos, qui jejunii nostri auctor salio a quibusdam exaltatur. Quoniam Ignatius in epist. 4. ad Philip. ejus rei prior meminit: atque habemus etiam canonem Apostol. 68. probatum etiam a Trulla. Synod. canone 9. & canone 20. Quamobrem vere ac jure Theophil. Alexan. lib. Paschali 1. & 3. non solum legem jejunii a majoribus traditam esse prescribit, sed affirmat fuisse evangelicam traditionem. Et Epiphanius hæresi 80. ubi doctrinam ecclesiæ docet, & fidem, quæ traditione ecclesiastica servatur, cum meminit jejunii quadragesimæ, tum dixit aperte Apostolos tradidisse jejunia 40. & 6. iteræ. Atque Leo Papa in concione de Petecost. cujus initium, Menissime, jejunium quatuor temporum Trinitatis ab Apostolis dicit esse institutum. Hieron. autem ad Marcellam adversus Montanum non obicere tradit, quadragesimam nos secundum traditionem Apostolorum jejunare. Quod vero in hoc exemplo fecimus, id facere per multa possumus: & hac eadem ratione parvulorum baptismi, consecrationem virginum, mon-

nasticam professionem, lucernam in templis, cerepque lucentes, imaginum venerationem, & alia id genus multa, ab Apostolis tradita comprobare. Sane quod in moribus diximus, idem in fidei dogmate servandum est, si unumquodlibet novum esse hæretici calumniarentur. Hujus rei illustre exemplum habes apud Eusebium lib. ecclesiast. histor. 5. cap. ult. Sed nos pergamus ad reliqua.

Secunda itaque via huic proxima, & ea quidem expeditior, est: Si quod fidei dogma patres ab initio secundum suorum temporum successionem concordissime tenuerunt, hujusque contrarium ut hæreticum reitaurant, quod tamen e sacris literis non habetur, id nimirum per Apostolicam traditionem habet ecclesia. Exempla sunt, Perpetua B. Mariæ virginitas, Descensus Christi ad inferos, ut animam Adæ & reliquorum patrum, qui ibi tenebantur, erueret, Certus euangeliorum numerus, & cætera id genus, quæ, ne longum faciam, non sunt annumeranda. Omnia siquidem fidei dogmata ab Apostolis accepit ecclesia vel scripto, vel verbo. Quoniam illi munisti fuisse sermonis, nec ullas in fide novas revelationes ecclesiæ habet: sed eas servat, quas Apostoli per Spiritum sanctum fidei populo reliquerunt, quemadmodum postea sumus demonstraturi.

Tertia via: Si quicquam est nunc in ecclesia communi fidelium consensione probatum, quod tamen humana potestas efficere non potuit, id ex Apostolorum traditione necessario derivatum est. Ut vota dissolvere, & remittere juramenta, non erat humanæ potestatis: Tum quia jure naturæ vota nuncupata Deo reddere, & juramenta servare tenetur: humana vero facultas ea, quæ jure naturæ debita, & constituta sunt, condonare, ac tollere non potest: ut Gratianus 13. distinct. statim a principio docet: Tum etiam, quia in his, quæ superiori ex conventionem debentur, interioris potestatis nulla est. Eademque est ratio de matrimonii rati diremptione per monasticum solenne votum. Cum enim matrimonium etiam non consummatum ante Evangelicam legem jure esset naturæ indissolubile, nec esset in republica humana facultas ulla hujusmodi matrimonii dirimendi, consequens fit, hunc ecclesiæ morem ex Christi, & Apostolorum instituto

▼ Falsè de
temporib.
Fuisse ante
hæc tradito-
na jejunium
more ab Ap-
ostolis accep-
tum fuisse
est: a Tele-
phoro tamen
primæ le-
ge prescri-
ptum, ac
perceptum
est.

descendisse. Nec enim credi potest, Ecclesiam Dei aliquam sibi potestatem generaliter usurpasse in his, quæ ad jus naturæ pertinerent, nisi quam Christo & Apostolis tradentibus accepisset. Jam enim hic error esset gravis in moribus, in quibus ecclesiam errare non posse, suo loco ostendimus. Nec me clām est, quod Alexander Tertius aliter in postremo illo exemplo docere videatur. Cum enim illi esset obiectum, non posse per solenne religionis votum matrimonium dirimi, quoniam scriptum esset: Quod Deus coniunxit, homo non separet; respondit, hoc scripturæ testimonium de matrimonio consummato esse interpretandum. Quo videlicet responso significavit, matrimonium ratum, si consummatum non esset, licere humanitus separari. Verum, ut omittam, quod verba illa Adæ, Hoc nunc os ex ossibus meis, & caro de carne mea, &c. e quibus Dominus collegit, quod coniunxisset Deus, id hominem leparare nec debere, nec vero posse, eo tempore fuisse in Paradiso dicta, quo nondum erat matrimonium consummatum: utque illud etiam præteream, quod matrimonii ipse contractus, adeo natura sua firmus ac perpetuus est, ut ne voluntate quidem contrahentium dissolvi possit, quæ tamen hominum conventionibus dirimendis valere solet plurimum: certe Theologis gravissimis semper absurdum visum est, matrimonium ullum per hominem separari. Quanto gravius Innocentius Tertius aliorum quidem, sed ad hunc etiam locum apostolice dixit, non hominem, sed Deum id solvere, quod summus Pontifex non humana, sed divina auctoritate dissolveret. Nimirum quod Dominus Petro dixit, Quodcumque solveris super terram, &c. quousque, & quatenus vel amplificandum esset, vel etiam contringendum, id ab Apostolis ecclesiam accepisse consentaneum est: qui ejusmodi res ad ecclesiæ gubernationem necessarias sine dubio tradidere. Atque tradunt nonnulli, Joannem Evangelistam jubente Christo a sponsa sua Evangelii gratia fuisse sejunctum. Hieronymus certe 1. advers. Jovinian. libro Joannem affirmat & virginem fuisse, & maritum. Teclam quoque Epiphan. hæc. 78. tradit a Paulo nuptiis exsolutam, cum sponsum haberet primarium urbis formosissimum: & virginem sanctam con-

tempisse terrena, ut celestium potens efficeretur. Sed contra Alexandrum dicimus. Nam hoc forte dicit aliquis. Minime vero gentium. Nec enim statim Pontifici contrarius est, qui argumento, quo Catholici urgentur, aliam responsionem parat. De tertia igitur via dictum est satis.

Quarta via, eademque & mollior, & tritior, est hujusmodi: Si viri ecclesiastici aliquod dogma, vel unam quamlibet consuetudinem uno ore testentur nos ab Apostolis accepisse, sine dubio certum argumentum est, ut ita esse credamus. Ut imagines ab Apostolis esse traditas, Patres in septima Synodo generali, actione sexta dixerunt. Et symbolum fidei, quo vulgus fidem suam proferret, Ecclesiam Apostolis tradentibus habuisse, auctores sunt Rufinus in expositione symboli, Hieronymus ad Pammachium de erroribus Joannis Hierosol. Ambrosius in ser. 38. de jejunio, & quadragesima, Cassianus lib. 6. ad Leonem Imperatorem, Ilidorus lib. 6. etymol. cap. 18. Leo Papa in epist. 8. & 13. ad Augustinam, Clemens in epistola prima ad Jacobum, si Clemens tamen illius epistolæ auctor est. Sed de his hæcenus. Nam plura exempla ponere longum esset, nec ad rem, quam institutum, necessarium. Satis autem fuerit, quatuor vias demonstrasse, quibus traditionem aliquam esse Apostolicam investigetur.

CAPUT V.

De variis generibus Traditionum Apostolicarum.

Aſt vero, priusquam hujus loci auctoritatem confirmo, illud animadvertendum cenſeo, præcepta, & instituta Apostolorum esse in duplici differentia. Quædam enim temporaria fuere, quorum ratio brevis & ad tempus fuit. Aliæ fuere perpetuæ, utpotè quæ causam habuere sempiternam, ut in ecclesia servarentur. Illius generis exempla sunt, de baptismo in nomine Jesu, de abſtinentia a sanguine & ſuſſocato: Hujus autem posterioris exemplum est, de aqua permiscenda calici. Atque etiam alia diviſio est Apostolice traditionis. Nam alteras Apostoli a Christo domino acceperunt, ut Matrimonium, Confirmationem, Extremam unctionem, esse sacramenta no-

De conc.
con. cap. 24
publicæ.

De trans.
conc. cap.
quanto.

Proem. in
Jo. Evang.
quod Hier.
nonnulli
tribuant.

1. deſ. cap.
Canon.

va ledis, quæ ipse quidem instituit Christus, suorum sacramentorum primus idemque solus auctor, sed Apostolis tradidit, Christiano populo administranda. Alteras vero traditiones Apostoli ipsi Spiritu sancto suggerente, ad ecclesiæ utilitatem ediderunt. Quas tamen ei Christus Dominus, dum in terra deperet, nusquam edidit: Ut quadragesimæ jejunium, quod licet Hieronymus in secundum Jonæ capit. Ambrosius eone. 36. Chrysostomus hom. 1. in Genes. ad Christum auctorem referre videantur, at revera, ut equidem sentio, Apostolicum institutum fuit. Quod Christo tamen assignatur, vel quia ad Christi jejunantis exemplum ab Apostolis institutum est, vel quia Apostolica edicta Christi esse censentur, qui per Apostolos Ecclesiæ loquebatur, atque adeo per Spiritum Sanctum Apostolis, juxta illud, quod Joannis 16. cap. scriptum est: Adhuc multa habeo vobis dicere, sed non potestis portare modo. Cum autem venerit ille Spiritus veritatis, docebit vos omnem veritatem: non enim loquetur a semetipso, sed quæcunque audiet, loquetur, quia de meo accipiet, & annuntiabit vobis. Et Apost. cum quoddam de suo consilium dedisset: Puto autem, ait, quod & ego spiritum Dei habeam. Et rursum: An experimentum ejus queritis, qui in me loquitur Christus? In his autem traditionum generibus illa eadem consideranda sunt quidem, quæ in superiore libro de scripturæ etiam legibus admonuimus: sed discrimen illud maxime, quod de scripturarum præceptis ibi posuimus, transferri huc ad traditiones debet. Ex traditionum quippe vinculo, quas a Christo acceptas Apostoli fidelibus servandas reliquere, ecclesiæ fideles eximere non potest, nec illas contraria aliqua consuetudine abolere. Si enim, exempli causa, materias & formas sacramentorum Confirmationis, Ordinis, Extreme unctionis a Christo Apostoli, nos ab Apostolis accepimus: si ad eundem quoque modum matrimonia non consummata, per solennem castitatis professionem dirimi, consummata vero per conversionem ad fidem, conjuge infideli discendente, Christus Dominus Apostolis, illis nobis edixerunt, in his tanquam in divinis institutis ecclesiæ nihil habet potestatis.

In quem sensum explicanda sunt duo

illa capita, Sunt quidam, & Contra statuta, 25. quest. 1. Nec hujusmodi traditiones possunt per contrariam consuetudinem antiquari: sed tali adversæ consuetudini jure obijciuntur, cap. Veritate, & cap. Si consuetudinem, & cap. Frustra, 8. distinctione. In aliis vero, quæ videlicet Apostoli constituerunt tanquam ecclesiæ pastores, poterit quidem summus Pontifex, ut in cæteris Ecclesiæ legibus dispensare, sic enim schola loquitur, poteritque item contrarius populi mos instituta hujus generis abrogare. Ut trina immersio, quam ex Apostolica traditione in Baptismi sacramento ecclesiæ habuisse, Canon Apostolorum 49. ostendit, per contrariam consuetudinem abolita est. Eiusdem quoque ordinis est Quadragesimæ jejunium, ac poenæ rursum ab Apostolis pro criminibus præhærit, quæ 82. distinctione, capite Presbyter, ex Concilio Gangrensi referuntur. Ad hoc genus illud reuertur, quod ex Anacleti prima epistola hæretici urgere solent, Peracta consecratione omnes communicent, qui noluerint Ecclesiasticis carere liminibus: sic enim Apostoli statuerunt. Quamquam de ministris, qui Episcopo sacrificanti in diebus sollemnioribus inserviebant, Anacletus loquitur. Quare inde colligi non potest, omnes eos, qui missæ intererant, oportere etiam tunc communionem Eucharistiæ sumere, in his præsertim diebus, qui sollemniores non essent: Sed ut antiquo more, Apostolorumque instituto, communio totius etiam populi a principio statim nascentis ecclesiæ exigeretur, ætate tamen Chrysostomi præceptum relaxatum esse constat, & communionem altissimi voluntati permissam, ad quam eos Diaconus alta voce invitabat, non cogebat. Hæc enim & alia hujusmodi, tametsi ab Apostolis tradita sunt, non sunt tamen ita fixa, ut moveri non queant: cum Christi ipsius præcepta & instituta, quemadmodum diximus, adeo stabilia rataque sint, ut convelli nullius hominis auctoritate liceat. Cujus ratio loco superiore reddita, frustra hic a nobis resumetur. Atque illud de institutis ad gubernationem populi pertinentibus intelligi volo. Nam dogmata fidei sive Christus ipse per se Apostolis revelavit, seu Spiritus sanctus post Christi ascensionem in cælum, mutari non possunt: sed firma hæc in veritate

De conf. d. 4. c. 5. quæ presbyter.

1. Cor. 7.

2. Cor. 13.

cap. 19 in
scip. ad 4.
116.

ma-

manent, perinde atque illa, quæ Christi sunt ore prodita.

C A P. VI.

De firmitate & certitudine Traditionum Apostolicarum.

Quibus rebus expositis, non erit difficile ostendere, id quod in hac parte maxime quaeritur, ex Christi & Apostolorum traditionibus certissima posse argumenta elici, & ad ecclesiæ consuetudines, & ad fidei dogmata comprobanda. Si enim Apostolus Paulus ecclesiæ consuetudinem Corinthiis contentiosis opponit, cur nos iidem ecclesiæ morem ab Apostolis usque receptum, totque sæculorum usu ac gentium consensione probatum, non opponemus hæreticis, cum a nobis scripturam in cuiusque rei confirmationem efflagitant? Certe Paulus, cum & per scripturas, & per naturæ rationem satis dixisse videtur ad ejus rei fidem faciendam, quam Corinthiis persuasum esse cupiebat; considerans tamen inter Corinthios fore quosdam, qui illiusmodi sorte & testimoniis & rationibus repugnarent: non aliud potius argumentum ad causam evincendam habuit, quam si eos ad ecclesiæ morem revocaret. Si quis, ait, videtur contentiosus esse, nos talem consuetudinem non habemus, nec Ecclesiæ Dei. Quod dicit, tale est: Si quis adeo est durus & pertinax, ut argumentis positus non adducatur, sed adhuc contendat, seminam apertò capite orare oportere, hunc ego non aliter resello, quam quod ecclesiæ Dei talem consuetudinem non habent. Tanta vis in traditione est, ut quos nec scripturæ, nec naturæ ratio movisset, eos Paulus existimarit, Ecclesiæ more & instituto resellendos. In priore rursus ad Timoth. epistola, Si quis, ait, aliter docet, & non acquiescit sanis sermonibus. Non dicit, Scripturis. Et ad Galat. Si quis, inquit, vobis evangelizaverit præter id, quod accepistis, anathema sit. Quibus ex locis recte Origenes in commentariis epistolæ ad Titum definit hæreticum eum, qui se Christo credere profiteatur, & aliud de veritate fidei Christianæ credit, quam habeat traditio ecclesiastica. Et lib. 1. Periar. Sicut multis, inquit, apud Græcos & Bar-

baros pollicentibus veritatem, defuimus apud omnes eam quaerere, qui eam falsis opinionibus asserbant, postquam credidimus filium Dei esse Christum, & ab ipso hanc descendam esse persuasi sumus: ita cum multi sint, qui se putant scire quæ Christi sunt, & nonnulli eorum diversa a prioribus sentiant, serveatur vero ecclesiastica prædicatio per successionis ordinem ab Apostolis tradita, & usque ad præsens in Ecclesiis permanens: illa sola credenda est veritas, quæ in nullo ab Ecclesiastica traditione discordat. Hæcenus Origenes. Ignatius quoque in epistola ad Heronem, Omnis, ait, qui dixerit præter ea, quæ tradita sunt, tametsi fide dignus sit, tametsi jejundet, tametsi virginitatem servet, tametsi signa faciat, tametsi propheta, lupus tibi appareat. Si igitur anathema, hæreticus, & lupus habendus est, qui ecclesiasticæ traditioni repugnat, ex illa profecto certissima argumentatio promitur, ad fidei dogmata & ecclesiæ mores comprobandum. Præterea auctores gravissimi aperte confirmant, hujusmodi instituta etiam sine literis accepta eandem vim habere, ac si scripta ab Apostolis fuissent. Irenæus lib. 3. advers. hæreses, cap. 4. & lib. 4. cap. 43. Tertull. item, quamvis ipse postea ab ecclesiæ traditione discesserit, in lib. tamen de corona militis eandem sententiam habet. Cujus verba licet in præsentia referre: nec enim solum quid sentiat, tradit, sed cur etiam sentiat. Antiquas, inquit, observationes ecclesiæ, si nulla scriptura determinavit, certe consuetudo corroboravit, quæ sine dubio de traditione manavit. Et statim cum quarundam traditionum meminisset, quarum in scripturis mentio nulla est, istarum, ait, & aliarum disciplinarum si expostulas legem, nulla tibi legis traditio prætendetur. Auctrix est consuetudo, confirmatrix est, & fidei observatrix, idonea est testis traditionis veteris. Consuetudo autem etiam in civilibus rebus pro lege suscipitur: nec differt, scripturæ, an ratione consistat. Hæcenus Tertullianus. Ac præclare ille quidem: Quoniam si legem ratio commendat: mos, qui ratione constat, non minus, quam lex habet commendari. Dist. 1. cap. consuetudo. Basilii insuper, in libro de Spiritu sancto, cap. 27. ac magno quidem ar-

G 2 gu-

1. Cor. 11.

Cap. 4.

Cap. 1.

Hic commentarius sed referre licet in Apostolica Pontifici

gumento eandem rem confirmat, in-
quiens : Dogmata, quæ in ecclesia
prædicantur, quædam habemus e do-
ctrina scripto prodita, quædam rursus
ex Apostolorum traditione in myste-
rio occulto receperimus. Quorum utra-
que parem vim habent ad pietatem.
Nec in his quisquam contradicit, qui
fane vel tenuiter expertus est. Nam
si consuetudines, quæ scripto prodite
non sunt, tanquam non multum habentes
momenti, contemur rejicere, &
ea damnabimus, quæ in Evangelio ne-
cessaria ad salutem habentur: imo po-
tius ipsam fidei prædicationem ad nu-
dum nomen contrahemus. Hactenus
Basilius. Cujus ratio, si auctoritas ne-
gligitur, certissimam rei hujus faciet
fidem. Cum enim scripturas ipsas ec-
clesiæ auctoritate recipiamus, nec cer-
tiore argumento Evangelium Matthæi
nomine inscriptum ipsius vere esse
probemus, quam quod sic a patribus
accepimus, simili profecto ratione ex
reliquis institutis, quæ videlicet ab
Apostolis retinemus, firma argumenta
derivabimus. Quod si quis novum li-
brum sacrum ingerat, quem patres no-
stri minime receperunt, ut Basilides,
qui prophetas sibi nuncupavit atque
constituit, is non alio certiore argu-
mento refelli potest, quam traditione
majorum: ut secundo jam libro latius
explicatum est. Sic quippe apud Eu-
leb. libr. 6. cap. 10. Evangelium no-
mine Petri ab hæreticis prolatum,
Serapion gravissime exclusit. Atque,
ut Basilius idem argumentatur, etiam
in reipubl. judiciis, ubi scripturæ deest
instrumentum, testibus habetur fides.
Et sicut in rebus humanis oculatos tes-
tes, ita in sole auritus accipimus,
quia fides ex auditu est. Eset autem
ridicula respublica, quæ in judiciis
scripto omnia, nihil sine scripto pro-
baret. Scripturas enim propter liti-
giosos facimus. Alioqui boni viri so-
lo verbo in veritate & officio contin-
entur.

Præterea, multa ad Christianos mo-
res & doctrinam pertinent, quæ & sa-
cris literis non habentur, ut ante no-
bis constitutum est: stultum ergo fue-
rit in omnibus scripturam postulare.
Traditione: itaque opus aliquando est
ad fidei dogmata comprobanda. Rur-
sus, cum traditiones non scriptas,
Polycarpus, Tertullianus, Irenæus, Mar-
cioni ac Valentino: Epiphanius Mel-

chisedechianis, Apostolicis, Aerianis:
Hieronymus Vigilantio, Augustinus
Donatistis: denique (ut in summa di-
cam) omnes sancti adversariis Catho-
licæ fidei fidenter objecerint, earum-
que vi, perinde ac si fuissent scriptæ,
hæreses sui quisque temporis deturba-
verint: certe non minori efficacia per
hujusmodi traditiones nos hæretico-
rum, qui aut nunc sunt, aut etiam
sunt futuri, quæcunque dogmata refe-
lere ac deturbare poterimus. Absur-
dissimum quippe fuerit, ut Hierony-
mus adversus Vigilantium colligit,
unum Lutherum, aut Oecolampadium
in ecclesiæ angulo obloquentem audire,
universos autem majores nostros
usque ab Apostolis contemnere. Quo-
rum traditiones si negligamus, diffi-
cile dictum est, quantum religio detri-
menti sit latura, quemadmodum di-
stinct. 11. cap. Ecclesiasticarum, di-
citur. Qualis enim rerum omnium fa-
cies erit, qualis præsertim erga Deum
pietas, cultus, exæmoniz, non in ec-
clesia dico, cujus & mysteria, & sa-
cramenta maxima ex parte traditione
constant, sed in una qualibet republi-
ca, vel mediocriter instituta, si mores
illi, qui a principio statim cum re-
p. adoleverunt, contemnuntur, labefac-
iuntur, evertantur?

Longiores hoc loco sumus, quam
necesse est. Quis enim est, cui non
perspicua sint illa quæ pluribus verbis
a quibusdam commemorantur? Com-
memoratur ab his Augustinus in epi-
stola ad Januarium, & in altera quo-
que ad Casulanum, in quibus scriptis
insolentissimæ iustitiæ esse disputare,
an ejusmodi consuetudines servandæ
sint: nec minus esse eos coercendos,
qui has contempnerint, quamvis hu-
manæ aliquæ illarum sint, quam si di-
vinas leges prævaricarentur. Comma-
morare & alios auctores possumus,
sed utemur in re non dubia testibus
non necessariis. Paulus enim usus ab-
unde rei hujus facit fidem in 2. ad
Thes. epistola, cap. 2. inquiens: Te-
nete traditiones, quas accepistis sive
per epistolam, sive per sermonem.
Parem ergo vim habent Apostolica
dogmata, pariterque retinenda sunt,
sive scripto, sive verbo ad ecclesiam
per venerint, ut D. Basilus in l. de Spir.
sancto cap. 29. ex hoc ipso Apostoli
testimonio argumentatur. Quia Apo-
stolus ipse ad Hebræos, & ex scri-
pturis,

Infra lib. 7.
Ecclesiæ hist.
cap. 3.

Cap. 7.

Dist. 17. c. 1.
in his reb.

peris, & ex traditione argumentatus est, quemadmodum Chrysostomus homilia 18. in Epistola ad Hæbreos admonuit.

Ex quibus omnibus, multisque aliis perspicuum est, qui traditiones contempnunt, eos tanquam hereticos jure ac merito ab ecclesia fuisse semper explosos: Ita enim hæretici illi sunt habiti, qui solemnia quadragesimæ jejunia ab Apostolis accepta pro nihilo habere, ut apud Augustinum de hæ. cap. 13. & apud Concil. Grangren. in epist. ad Episcopos Armeniæ videre licet. Ita qui distinctionem Episcopii & Presbyterii negarunt, etiam hæreticos sunt damnati: ut apud Augustinum eodem lib. 3. cap. 75. & apud Concilium Constantiense reperies: ita breviter, sive Violettissas, sive Lutheranos, sive alias quasunque antiquiores pestes non minus exhorruit Ecclesia in eo, quod hujusmodi traditiones iniecti sunt, quam in eo, quod scripæ dogmata rejecerunt. Inde adeo venit, ut septima Synodus generalis action. 7. doctrinam nostræ orationi maxime consecrante ediderit in hæc verba: Factum nos Ecclesiasticas traditiones sive scripto, sive consuetudine valentes retinere velle, quarum de numero est imaginum effiguratio. Catholice igitur Ecclesiæ traditionem observantes, de huiusmodi sanctas imagines venerandas. Qui ergo ausi fuerint aliud sentire, aut more impiorum hæreticorum Ecclesiasticas traditiones contaminare, si Episcopi fuerint, deponuntur: si laici, communionem privantur. Et in fine ejusdem sessionis: Si quis, ajunt patres, traditiones Ecclesiæ sive scripto, seu consuetudine valentes non curaverit: anathema. Et Concilium Tridentinum sessione 4. idem definiit his verbis: Sacrosancta Tridentina Synodus propiciens veritatem Evangelii salutarem, & morum doctrinam contineri in libris scriptis, & sine scripto traditionibus ipsius Christi, quæ ab Apostolis acceptæ, aut ab ipsis Apostolis Spiritu sancto dictante quasi per manus traditæ, ad nos usque pervenerunt: traditiones ipsas tum ad fidem, tum ad mores pertinentes, tanquam vel ore tenus a Christo, vel a Spiritu sancto dictatas, & continua successione in Ecclesia catholica conservatas, pari pietatis affectu, ac reverentia cum libris sacris su-

scipit, ac veneratur. Et posterius: Si quis autem traditiones prædictas sciens & prudens contempserit, anathema sit. Ne plura. Reverti enim deest ad ea, quæ capite tertio posui fundamenta, ex quibus, ut nihil aliud adiceremus, id ipsum, quod hoc nunc capite persequimur, satis exploratum esset. Verum ut singula persequi, est operis infiniti: ita quædam explicare superius, est necessarium. Nec tamen quæ huic loco explicando dedimus, nimis multa videri debent. Quod enim huic loco vis ab hæreticis major inferatur, eo nobis magis elaborandum erat, ut is quam diligentissime & explicaretur, & muniretur. Atque quemadmodum supra diximus, ex decem partibus, in quas loci Theologici naturam, vique divisimus, secunda hæc, quæ in Traditione consistit, maxime Theologiam, & fidem attingit. Et res tanta paucis absolvenda non erat. Sed jam argumenta ea tandem diluamus, quæ capite primo adversum traditiones opposuimus.

CAPUT POSTREMUM.

In quo refelluntur argumenta Capituli primi.

ILLud vero argumentum, quod est a principio possum, non est difficile refutare. Ridiculum est enim credere, Apostolicas traditiones non eadem fide ac diligentia posse in fidelium cordibus asservari, ac si in papyro scriberentur. Nam nec scriptura Spiritus Dei vivi facilius quam amententi deletur, & sunt pleraque traditiones, quas more & non facillime videas retineri. Quod si Christo providentia ecclesiæ Christianæ deest, tum vero nec traditiones asservatas ego deinde, nec certam scripturæ auctoritatem. Utraque enim juxta res sine Dei procuratore non constat, quam si tollas, neque traditio, nec scriptura vindicatur. Sed si Christo curæ Ecclesiæ sua est, jam non erit ambiguum, quin quemadmodum Evangelium illa in sensu potius, quam in littera custodit, ita & externas custodiat traditiones, quas ei Apostoli tantopere commendaverunt. O Timothee, inquit Paulus, depositum custodi, devianas prophanas vocum * novitates, oppositiones falsi nominis scientiæ. Quem locum miror

Respon.
ad 1.

* ad Tim.
6. igitur
3. 14. nollet

legit inter-
fectum, quem
admodum
de Anb. &
Christi. It-
aque viden-
tur. Certe
Latina ec-
clesi. Novi-
tatem legit,
non inveni-
tatem. Sic
etiam Bys-
tanque legi-
tur, ut audire
est Theodor.
2. Tim. 2 in
istud, Prop-
heta autē
de vana lo-
quens in dila-
ta, de in hunc
apostolum loquens
L. T. 1. 6.

a Cajetano de gregis commissi depo-
sito, non de commissa doctrina esse
intellectum: præsertim cum alterum
similimum in posteriore ad Timo-
theum epistola non de grege, sed de
doctrina interpretetur. Debuerat au-
tem Cajetanus admoneri, Paulum de
verbo Dei fuisse locutum, ex iis, quæ
evangelio subdit, Devians prophanas
vocum novitates, & oppositiones falsi
nominis scientiæ. Utraque enim harum
traditioni Apostolicæ adversa est, &
vocum prophana novitas, & falsi no-
minis scientia. Traditio quippe vetu-
stas commendatur: & si quid audie-
ris in Ecclesia novi, tum vero id scias
esse, ut antiquitati, ita quoque Apo-
stolicæ fidei contrarium. Cum autem
legis, voces esse vitandas, non tibi vo-
cum sonus venit in mentem, sed vo-
cum significatus. Dogmata enim sen-
tentiarumque novitas vitare jubet Aposto-
lus, non verborum sonitus inanes aut
novos. Tamen novitas quoque verba,
quoad licet, vitare in fidei, mo-
rumque disciplina debemus. Scientiam
vero falsi nominis, vel Sophisticen,
vel artem Cabalisticam intellige. Nam
traditionibus Apostolicis occultæ illæ
Cabalarum traditiones, non aliter op-
ponuntur, ac fabulosa veris, sacris su-
perfluitio. Quanquam adversus Gnosti-
cos Apostolus differens, ut vere Theo-
phylactus affirmat, falsam illorum scien-
tiam traducit, quam tamen illi rudi-
plici magno pretio vendebant. Quod
si nihil est tam contra tradita ab Apo-
stolis antiqua dogmata, quam opinio-
nes in ecclesia tum novæ, tum prophæ-
tæ: vetera enim, eademque sacra
mysteria fides Apostolica probat, as-
pernaturque contraria, nihilque tam
est secundum Apostolos, quam non
recedere ab his, quæ olim accepimus,
nimirum de verbis, non de gregis de-
posito Apostolus loquitur: Itemque si
falsi nominis scientia, vel Sophistica
intelligitur, ut quibusdam placet, vel
Cabalistica, ut etiam Cajetano est vi-
sum, vel illa Gnosticorum, ut Theo-
phylacto, mihi quoque etiam probatum est:
necesse est, cum veræ falsæ scientiæ
adversetur, contrariorum eundem esse
sermonem. Quæ quanquam ita sunt in
promptu, ut res confirmatione nonegeat,
sunt tamen nobis Vincentii Lirinen-
sivi gravissimi auctoritate confirman-
da. Deposito, inquit, id est, quod
tibi creditum est: non quod a te in-

ventum: quod accepisti, non quod ex-
cogitasti: rem non ingenii, sed do-
ctrinæ: non privatæ usurpationis, sed
traditionis publicæ: rem ad te perdu-
ctam, non a te prolata: in qua non
auditor esse debes, sed custos: non in-
stitutor, sed sectator: non ducens, sed
sequens. Aurum accepisti, aurum red-
de: nolo mihi pro aliis alia subijcias.
Custodi propter inimicos, propter fu-
res: Custodi etiam diligenter, sedulo,
fideliter, ut suo tempore, cum
oportuerit, quibusque oportuerit, red-
das. Devians prophanas vocum novi-
tates, id est, sententiarum, dogma-
tum, rerum, quæ sunt vetustati con-
trariæ. Nulla quippe hæresis nisi sub
certo nomine, certo loco, certo tem-
pore emerit. Nec quisquam hæresim
instituit, nisi qui se prius ab ecclesiæ
catholicæ & antiquitatis consensione
discreverit. Hoc ergo apud omnes
hæreses legitimum fuit atque solemne,
ut prophetis novitatibus gaudent, an-
tiquitatis seita assidiant. Contra vero,
Catholicorum hoc proprium, deposita
sanctorum Patrum & commissa servare,
damnareque prophanas novitates.
Ita enim in concilio Ephes. omnium
patrum una fuit vox, ut, quod erat
antiquitus traditum, teneatur: quod
adinventum nuper, exploderetur. Ha-
ctenus Vincentius. Hujus vero Aposto-
lici testimonii tanta vis adversum Hæ-
reticos fuit, ut Clemens Alexan. 2.
strom. lib. scribat Hæreticos, quoniam
eo testimonio evincebantur, episto-
las Pauli ad Timotheum, explosisse.
Ut eo igitur, unde digressa est, se
referat oratio, non fuerunt majores
nostri in re tam necessaria negligentes,
sed quod Apostolus Timotheo,
& in illo magna cura commisit omni-
bus, id magna etiam illi cura serva-
runt. Itaque in primo illo argumento
Lutherani haud secus ratiocinantur,
ac si non divinitus res Ecclesiasticæ
gererentur. Quod si ita pergunt, pari
ratione suadebunt, nec canonicos
libros eisdem eisdem mansuros semper,
sed, si placet, etiam perituros.
Nam quot libri tinea pascunt blata?
que diſerti? Quot auctorum monu-
menta hominum incuria intercederunt? Ni-
mirum enim Pythagoras quoque ipse,
ut Lyfias Pythagoricus ad Hipparchum
scribit, commentariolos quodam Da-
mæ filix testamento reliquit: qui ta-
men, ac multo etiam magis quam tra-
di-

ditiones, interiere. Quæ cum ita sunt, verendum non est, ne Apostolorum instituta, quæ digito Dei non in tabulis lapideis, sed in Ecclesiæ visceribus scripta sunt, humana oblivione delectantur. Ac de primo quidem argumento satis multa diximus: vereor etiam ne nimis multa.

Respon.
ad 2.

At secundo ita respondeo. Non vult Augustinus, dicta, factaque Jesu ab Evangelistis scripta, ad salutem fidelium & doctrinam esse satis. Alioquin epistolæ Apostolicæ, Apostolorum acta, liber Apocalypsis, totum etiam legis veteris instrumentum, supervacanea esse, non necessaria viderentur. Sed hoc vult, non fuisse opus ad fidelium salutem, ut ex dictis, factisque Jesu alia scriberentur, quam quæ scripta sunt. Hæc enim scribere satis fuisse, reliqua ab Evangelistis sine culpa prætermissa. Nam quod rursum nobis August. obijciatur, facilis est & prompta defensio. Quæ enim ulu & more Ecclesiæ tenemus, ea non modo non sunt obscura, sed adeo sunt aperta, ut de iis disputare insolentissime insanix esse idem August. existimavit: Cum ergo, ait, tibi de re obscurissima disputaret, &c. Satis indicat, se de his loqui nullo modo, quæ Ecclesiæ instituto & traditione constant. Alioquin illud nobis adversarii expediant velim. quod August. idem lib. cont. Crescon. 2. c. 33. discrete tradit in hæc verba: Quamvis hujus rei certe de scripturis canonicis non proferatur exemplum, earundem tamen scripturarum etiam in hac re a nobis teneretur veritas, cum hoc facimus, quod universæ jam placuit Ecclesiæ, quam ipsarum scripturarum commendat auctoritas. Ut quoniam sancta scriptura fallere non potest, quisquis falli metuat, eandem Ecclesiam consulat, quam sine ulla ambiguitate sancta Scriptura demonstrat.

Respon.
ad 3.

Jam vero Apostoli testimonium perverie nobis opponitur. Nam hominem Dei ecclesiæ doctorem hic Paulus appellat, qui per litteras sacras ad omne ministerii sui opus instruitur. Quatuor quippe sunt res, quas verbi sacri ad ministerium præstare debet: nempe docere, arguere, corrumpere, erudire. Quæ utique omnia doctoribus Evangelii scriptura divina suppeditat. Quod si quisquam contendit, generaliter hunc locum intelligendum, huic non maximo

equidem opere repugnaverim: concedar mihi modo, scripturas non singulatim & in specie semper de rebus universis præcipere. Si enim specialiter scripta sunt omnia, quid illud est, Cætera cum venero, disponam? Quid illud rursum, Plura habens vobis scribere, nolui per chartam & atramentum: spero enim me futurum apud vos, & ore ad os loqui? Scriptura itaque divina non de iis solum instruit, quæ scripta sunt: sed de iis etiam, quæ non sunt scripta. Tenete, inquit Paul. traditiones quas accepistis, sive per epistolas, sive per sermones. Et in hoc ipso 3. cap. posterioris ad Tim. ep. cupis nos testimonio impetitur, cum dixisset Apostolus, Tu autem asscucus es meam doctrinam & institutionem: quibus verbis utrumque genus disciplinæ complexus est, & quod scripta, & quod inscripto continetur, mox subiungit. Tu vero permanc in his, quæ didicisti, & credita sunt tibi. Dedicat enim sacras litteras Tim. ut ibid. tradit Apost. & præterea mysteria Evangelicæ doctrinæ concedita acceperat, ut cap. 2. dictum erat, & cap. 6. prioris ad eundem epistolæ. Non ergo eo loco traditiones excludit Apostolus, sed potius commendat.

1. Cor. re.
Joan. in
2. ep. 6.

2. Thes. 2.

Sane vero quod argumentum ex Deut. 17. cap. Lutherus addit, hoc nullius propemodum est momenti. Legem enim nos non in chartis solum papyraceis scriptam accepimus, sed etiam magis, quæ in visceribus inscripta est. Nec adeo rudes sumus, ut apud nos lex verbo tenus tradita legis nomen minus habeat, quam ea, quæ literis editur. Fateamur ergo sacerdotes non esse audiendos: nisi docuerint juxta legem domini. Sed qui instituta Apostolica Ecclesiæ tradunt, ii vel maxime docent nos juxta legem domini. Qui vero contra ecclesiasticas traditiones pugnant, hos cum lege domini pugnare contendimus. Quia ex re Calvinii calumnia facile oberitur. Accusatur enim Ecclesiam, quasi traditiones contra sacras litteras invexerit. Dicitur enim Deut. 12. ne requiramus alias in colendo Deo ceremonias præter eas, quæ lege præceptæ sunt, nec his quicquam vel addamus, vel minuamus. Et Salomon: Ne addas, inquit, quicquam verbis Dei, & arguaris, inveniarique mendax. At

Respon.
ad 4.

Prov. 30.

vero quamvis traditiones Ecclesiae quaedam essent scripturae sacrae additamenta, non tamen sunt illae verbo Dei additae. Quin potius divina verba sunt, non aliter, ac illa, quae sacris libris scripta sunt. Non enim in praesenti de traditionibus discernimus, quae a posteris Ecclesiae praescriptis prodierunt: quas alterius loci & temporis est deicendere: sed de Christi & Apostolorum traditionibus disputatio est, quas hic nos, ut divina oracula, jure, vereque tenemus. Nec traditiones etiam hujusmodi divinarum scripturarum sunt additamenta: sed complementa sunt potius, & earum quasi commentaria. Alioquin accuseretur propheta, quod legi Moysi quidpiam adiecerint. Accuseretur Apostolus, qui epistolae addiderint Evangelis, aliaque & pulli simplicitatem suis apposite vestimentis ornare. Accusa item, si placet, eodem, qui decretum de idololatriis, sanguine, & suffocato sanxerint, ac canones quoque alii quot ediderint, qui in sacris libris scripti non sunt. At non sunt illae, ut diximus, scripturae additiones, sed interpretationes: Quemadmodum adversus Graecos in Concilio Florentino sess. 4. §. 6. & 7. latius explicatum est. Qua etiam ratio Ecclesiasticis & doctrinam & leges, institutaque salutaria deicendimus. Non enim Ecclesia his edendis aut nova fundamenta jacet, aut novas fabricas addit: sed superadificat super fundamentum Apostolorum & Prophetarum aurum, argentum, & lapides pretiosos: regnique calorum semina reddit non a ia, sed eodem auctora, ut Euf. 3. lib. eccl. hist. c. 37. dicit. Atque nos itidem hanc eandem doctrinam lib. 7. capite postremo, si vita superest, locupletabimus. Nunc de 4. argumento dictum est satis.

Respon.
ad 5.

Ad quantum respondeamus. Chyso-
stomus porro, siue quis alius est
auctor, non ait, scripturarum veritati,
quod haeretici citare solent, sed
nisi ea dixerint, quae convenientia sunt
veritati. Quamquam, qui traditiones
Apostolicas docere, si revera ea dicunt,
quae congruunt scripturarum etiam
veritati. Quod vero de Papae traditione
nobis opponitur, id ab Eusebio
reicellitur 3. lib. Eccl. hist. cap. ultum.
Ubi ait Papiam, ut qui exiguus sentus
vir & nimis capax esset, spirituales
& mysticas Apostolorum traditiones
corporaliter & secundum litteram su-

sepe. Non ergo si unus aut item
alter traditionum Apostolicarum prae-
texeit auctoritatem, fidem nos statim
habere debemus. Nam & nonnulli
sacras litteras praeserunt, quos jure ac
merito explodimus, quoniam sacrarum
litterarum testimonis abutuntur. Eodem
queque modo Irenaeus potuit a
Papae, & aliis discipulis Joannis decipi
in aetate Domini salvatoris: credit
enim, nec disculsiit, an vera dicentibus
crediderit. Sed de hac re discere
mus postea diligentius.

Theophilus autem, Hieronymus, O-
rigenes testimonium non est cur
pluribus respondeamus. Nam adven-
tum eos loquuntur, qui vel humana
commenta sacris etiam litteris adversa,
vel historias quidam apocryphas, tan-
quam res divinas & certas, posteris
venditabant. Alioquin si Hieronymus
(hujus enim testimonium urgentius
premiunt) non existimabat quicquam
fidei credendum, nisi quod sacris literis
esset proditum, qua fronte adver-
sus Luciterianos, Vigilantem, Helvi-
dium, traditionum auctoritate argu-
mentatur?

Calvini porro confirmatio quam si-
vola sit, & plane ridicula, faciam ut
nullo negotio intelligantur, qui me-
cum eam paululum expendere volent.
Eadem enim quoque hortaret, ut huc
animum serio adverteret, si quid docendo
proficere me apud illum possem
considerem. Sed quando Lutheranis
omissa veritatis ratione, hoc unum
propositum est, quacunque possint viam
suam agere, pauca tantum dicam,
quibus seise boni ac veri Theologi ab
eorum captionibus expedire queant.
Primum autem Joachimus Camerarius,
non plane, sed, plane, habuit in hunc mo-
dum Evangelia enim, &c. plane instruite
nos de sensu numinis. Deinde, ut
quem in modum Calvinus citat, nos
quoque legeremus: nihil asserit tamen.
Nam cum scripture ipsae & Ecclesiae
magisterium, & traditionum auctorita-
tem non obscure commenderent, pro-
fecto de sensu numinis plene nos in-
stituunt. Docent enim sensum numinis
siue scripto, seu verbo traditum juxta
esse tenendum. Quid? quod concita-
te & menditae censionis esset,
statim in proaemio verba dicentis re-
tundere, ems praeterit, qui bona fi-
de loqueretur? An mox cieri turbas
aequum esset, & id impudenter ante-

Respon.
ad 6. 7.
& 8.

vec-

vertere, quod erat in Concilio magna vi, & contentione transigendum? Illud enim Ariani præscripserant, ut capite primo ostensum est, se se in fidei questione præter scripturas nihil omnino recepturos. Consueverunt autem Synodi Patres, quæ obiter ab unoquoque dicuntur, qui non sit fidei sacrum Concilio, ea prudentissime dissimulare: quo res, de qua potissimum agendum est, suo & loco & tempore commodius agatur; quemadmodum nobis libro postea quinto explicandum est. Nec Nicæni Patres omnia ea, quæ Constantinus dixerat, amplexi sunt, sed cum monuisset, ut hostili polita discordia questiones explicarentur, & omnes cuperet confiteri Apostolorum dogmatum unitatem: His, inquit Theodoretus, assensus maxime partis accessit, inrerque se concordiam & sanctam dogmatum constituerunt. Pauci tamen &c. ex Constantini igitur testimonio, Synodique silentio nihil omnino conficitur. Præterquam quod etsi literis sacris disputatio esset instituenda, sensum earum tamen non ex ipsis literis mortuis, sed ex vivæ vocis traditione oporteret accipere: ita traditionis semper usu, & auctoritate indigeremus: De octavo igitur argumento hætenus.

Respon.
ad 9.

Traditiones autem Apostolorum, de quibus agimus, humanæ non sunt, sed divinæ. Itaque qui eas docent, hi non docent doctrinas hominum. Quæ omnino doctrinæ vel Dei præceptis contrariæ intelliguntur, juxta illud, quod Dominus Marci decimoquinto dicit: Quare vos transgredimini mandata Dei propter traditiones vestras? vel otiosæ quædam, & vanæ traditiones: qualis est illa de manibus a prandio abluendis, quæ ad manuum quidem purificationem utilis esse fortasse poterat, ad Dei certe cultum non poterat. Quam ob causam recte per Etiam Dominus dixerat: Sine causa autem dolunt me. At Cyprianus in ea epistola eos reprehendit, qui morem novum Christi instituto repugnantem miserere conabantur.

Respon.
ad 10.

Decemum vero argumentum instantius equidem pressi, ut in hac responsione explicaretur, inter hereticorum, & Catholicorum traditiones maximum esse discrimen. Hæretici enim mysteria sua mulierculis, & idiotis hominibus produnt. At Catholici my-

sticæ, & sacras Ecclesiæ traditiones muliercularum, hominumque vulgo prodere, præculi loco habent. Cujus rei causæ quoniam capite tertio sunt redditæ, illuc lector assumeret, quæ ad hunc locum pertinebant. Hæretici rursum secretas illas traditiones suas a viris doctis, præsertim his, qui Ecclesiis catholicis præfunt, abscondere solent. Catholici contra, juxta quod Apostolus præcipit, Christianæ disciplinæ mysteria his solum committunt, qui idonei sunt & alios docere. Quare doctrinæ depositum publicum est, utpote quod Reipublicæ magistratibus commendatur. O Timothee, inquit, o Episcopo, qui Ecclesiæ & præfectus, & doctor es, depositum custodi. Et rursum: Quæ audiisti a me, hæc commenda fidelibus hominibus, qui idonei erunt & alios docere. Atque illud animadvertendum est diligentius, quod non clam in angulo, & privatim hoc depositum Timotheo commissum est, sed coram multis testibus, ut res non privæ usurpationis, non clandestinæ, surreptivæ doctrinæ, sed publicæ traditionis, discipulis manifeste, si neque dolo intelligeretur. Quod qui parum perspicunt, hi non satis expectant, quemnam sensum loci ille habeat: Ego in occulto locutus sum nihil. Doctrina quippe Christi, in qua nihil fictum, nihil fictum, nihil fraudulentum est, sed omnia sincera, vera, simplicia, nihil habet omnino tectum, penetrabile, tenebrosissimum. Hoc quoniam hæretici habent, eorum doctrina occulta recte dicitur. Quemadmodum civis quique tum quicquam reipublicæ occultare dicendus est, quam quæ magistratibus revelanda sunt, ea non illis plane, sed privatis hominibus furtim prodit. Nam qui, quæ populo vulgata sunt, ea populo invulgat, quæ contra solis reipublicæ magistratibus expedit aperiri, solis quidem magistratibus, sed aperte tamen manifestat, hic nihil prorsus occulte gerit. Non itaque nos hereticorum more mysteria occultamus, sed Apostolorum instituto ea vulgo celamus, majoribus aperimus, quæ majores scire decet, vulgus scire non decet. Quid igitur sibi vult, inquit: Quæ in aure auditis, predicare super tecta? Quod enim super tecta prædicatur, id in vulgus effertur. Enimvero quo tempore Dominus hoc discipulis præcepit

1. Tim. 6.

2. Tim. 2.

Matth. 5. 23.
& 24.

edit.

edidit, nondum eis aperuerat sensum, ut intelligerent scripturas: nondum per dies quadraginta locutus illis fuerat de regno Dei, id est, de reipublica Christianae administratione: nondum spiritum miserat, qui doceret ea, quae viuenti Christo portare non poterant: eam partem Evangelicæ disciplinæ tradiderat, quæ ad omnes fideles pertineret: eas leges, quas vulgo etiam notas esse expedit. Huiusmodi igitur præceptum dominicum est. Quod audistis in mysterio, apertius prædicare, quod didicistis abscondite, publice loquimini: quod vos erudiri vel in monte, vel intra domum, in urbibus audacter dicite. Sed temporis rerumque ratio habenda est. Nam habeo multa vobis dicere, quæ non potestis portare modo. Ea cum vobis edixero, alia videlicet lex erit. Nolo illa prædicetis super tecta, nolo vulgo annuncietis. Eadem enim vobis celandi causa tunc erit, quæ mihi nunc est: quod vulgus portare non poterit. Scio Clement. Alexand. 1. Strom. lib. de arcanis traditionibus, quæ in aurem editæ sunt, hunc locum intelligere. Quas exponit super tecta prædicandas, id est, excellentes & excellentes. Sed mihi id, quod dixi, multo probabilius apparet. Nam & nostrum hunc sensum illud habet, Ego semper docui in Synagoga & in templo, quo omnes Iudei conveniunt, & in occulto locutus sum nihil. Decimus igitur argumentum confutatum est satis.

Respon.
ad 11.

At undecimum, quoniam tertio decimo huius operis libro est nobis diligenter explicandum, non est animus in præsentia rescindere. Tantum sunt lectores admonendi, id quod Lucianus martyr apud Euseb. 9. lib. eccles. hist. cap. 6. fuisse eruditeque persequitur, nos Christianos non humane alicuius persuasionis errore contrahi, nec induci, ut alios, parentum traditione decipi: sed auctorem nobis institutionis & doctrinæ Deum esse, quo magis

stro jure ac vere gloriamur. Sed de his plura alias. Nunc postremum argumentum diluendum est.

Sed & ejus argumenti confutatio, ut quæ ad 13. quoque lib. referenda est, brevissima hoc loco erit. Sane Julianus Apostata Christianis objecit irrationalitatem & rusticitatem, sapientiamque, ubi nihil esset aliud, præterquam credere. Huic vero objectioni Greg. Nazianz. respondet in 1. adver. Julianum Stelitentica, non alienum esse a suis Philosophis, quos ille tantopere admiratur, ut hæc specie doctrinæ utantur. Siquidem primum & maximum Pythagoræ præceptum erat, ut si quis discipulos suos de dogmatibus interrogasset, aut eorum rationem aliquam exegisset, nihil aliud responderent, quam quod ita visum fuisset Pythagoræ: essetque illa dogmatis ratio inculpabilis. Ita ergo, ac multo etiam magis, exigit ratio, ne fidem nos denegemus iis, quæ a divinis dicta sunt hominibus, habeamurque pro rationis demonstratione fide digna illorum relatio omni vi rationabili & irrationabili validior. Hæcenus Gregor. Ubi certe non videtur Gregor. horrere, id quod in argumento quasi absurdum refellitur, disciplinam nostram esse similem Pythagoricæ, aut hanc potius nostræ esse similem. Sed esto, dissimilima sit, cur magis argumentum illud contra doctrinam verbo traditam, quam adversum eam pugnet, quæ licetis prodita est? Nimirum enim utranque credimus, & utriusque, si possumus, conabimur reddere rationem. Reddemus autem, si Dominus vitam concesserit, multas maximas, atque gravissimas, quo firmus loco positi. Nam locus hic concludi jam potest. Ac de secundo quidem argumentorum fonte diximus. De octo autem reliquis latissime patet disputandi ratio: sed nos, quoad poterimus, & licebit, in breves angustias contrahemus.

Respon.
ad 12.

Ilud piam
tonum 13
mro sed
non pueri
ut deum
filii hdes
non habet
tur, etiam
abique ne
cessariis de
cant de
monibus.
huc etiam
refert Cle
ment Alex.
in Strom.
Ac certe a
Parr. vides
tur Gregor.
hanc sen
tentiam
d'p'p'ch
p'p'ch.

DE ECCLESIAE CATHOLICAE AUCTORITATE,

Quæ tertio loco continetur,

LIBER QUARTUS.

CAPUT I.

*Quibus argumentis Ecclesiæ auctoritas
impugnatur.*



Tertia hujus operis pars perfecta est, quam Theologis cupio esse notissimam. In quarto nunc libro auctoritatem Ecclesiæ explicare ac tueri debemus: de qua ita copiose a viris Ecclesiasticis disputatum est, ut una hac de re magna etiam volumina ediderint. Quorum consilium quale fuerit, nihil sane ad hoc tempus. Illud autem est hujus instantis descriptionis ac temporis, de Ecclesiæ auctoritate in fidei judicio differere, atque adeo id docere breviter, an ex fidelium communi sensu firma duci argumenta possint ad dogmata Theologiæ comprobanda. Ac Montanus quidem discipulis suis primus suasit, ut nihil reverentiæ deferrent Ecclesiæ, quæ per orbem terræ est, quemadmodum Apollinaris, Eusebiusque testati sunt. Nestorius deinde totam Ecclesiam errare affirmavit, quæ ignaros, sic enim aiebat, erroneosque doctores sequeretur, ut Vincentius Lirinensis retulit. Et Iconomachi post asseruere, Ecclesiam adorandis imaginibus diu ac multum in turpi errore versatam, quod Synodus septima in actione sexta tradidit. Nam & Donatistas, & Rogatianos Ecclesiæ catholicæ auctoritatem, non voce illos quidem, sed re ipsa tamen contempnissimè, Augustinus scripsit cum alias sæpe, tum in epistolis, 40. ad Vincentinum, 50. ad Bonifacium, 161. ad Honoratum. Et, ne omnes commemorem, Lutherus demum suum Vvicleff, secutus est, ecclesiamque cum

in aliis, tum in eo errare dixit, quod sub una specie, contra Christi legem, communionem tribuit laicis. Quin astruxit aliquando, si vera Cochleus perhibet, errasse illam mox ab initio, ut quæ Paulo repugnante senserit, legem & opera esse necessaria ad salutem. Breviter, hæreticis omnibus hoc gentile est, simulatque sese Ecclesiæ auctoritate urgeri vident, aut illam spernere, aut Ecclesiæ rem ad se nomenque transferre, & eam in illis esse negare, in quibus revera est. Utrumque horum, quoniam ambo in unum idemque recidunt, plurimis argumentis hæretici persuadere conantur.

Primum est hujusmodi. Aaron summus ipse Sacerdos, alique ex plebe, sive majores, sive minores, vitulum constabilem adorantur, eique obtulērunt hostias pacificas & holocausta: Ecclesia ergo Christi ad eundem modum poterit sculptile & imagines adorare. Id si faciat, ut facit, errabit sine dubio in fide ac religione turpissime.

Rursum. Ecclesia Isaia, Hieremique temporibus in unius veri Dei cultu lapsa est: quid igitur prohibet, quo minus & nunc in Deo uno veroque colendo erret? Eadem quippe Ecclesia est, nec in hac re ullum reperitur populi novi veterisque discrimen. Quod vero est hujus argumentationis antecedens, id eorumdem Prophetarum clarissimis testimonio existimant se ostendere. Cognovit bos, prior ille inquit, possessorem suum, & asinus præcepit domini sui, Israel autem me non cognovit, &c. A planta pedis usque ad verticem capitis non est in eo sanitas. Et posterior: Confusi sunt, ait, domus Israel, ipsi, & reges eorum, principes & sacerdotes, & Prophetæ, disci-

Ad. 17. ubi præcipitur est, abstinere a sanguine & iuramento necessario esse.

1. Arg.

Exod. 31.

2. Arg.

Esa. 5.

Hiet. 2.

ccu-

In lib. 2. de
Propriet.
notæ.

1. Eb. adv.
Cathar.
2. lib. 2.
vict. hist.
c. 16.

centes ligno, Pater meus es tu, & lapidi, Tu me genuisti. Et paulo post: Quid vultis mecum iudicio contendere? Omnes dereliquisti me, dicit Dominus. Item, Circumite vias Hierusalem, & querite, an inveniat virum facientem iudicium, & querentem fidem: & propitius ero ei. Ego autem dixi, forsitan pauperes sunt & stulti, ignorantes viam Domini, iudicium Dei sui. Ibo igitur ad optinates, ipsi enim cognoverunt viam Domini. Et ecce magis hi confregerunt iugum, &c. Tota igitur Ecclesia eo tempore errabat.

9. Arg. Præterea Ecclesiam non oportet digito demonstrari: quin nulla apparente forma consistere in occulto potest. Frustra autem ejus iudicium expectes, quam, quæ sit, penitus ignores. Illud suadent, quoniam in populo Iudeorum sic sepe Ecclesia deformata est, ut nulla ejus species extaret. Quam enim putamus formam emnississe, cum Hehas solum se relictum deploraret? Quam cum populus ille apud Babylonios, Persas, & quosvis dispersus sine sacerdote, sine templo, sine secepero, geribus ac diis alienis in terra aliena serviret? A Christi ergo adventu delirus etiam latere Ecclesia poterit: bellicæ, seditionibus, & hæresibus ita opprimi, ut nulla parte resurgat.

4. Arg. Et sane suo jam sæculo Hilarius latentem Ecclesiam potius credebat, quam cernebat. Adeo Ariana factio omnia miicuerat. Male, inquit, vos patrum amor cepit: male ecclesiam Dei in tectis ædificiisque veneramus: male sub his pacis nomen ingeritis. Anne ambiguum est, in his Antichristum esse seculum? Montes mihi, & sylvæ, & lacus, & carceres, & voragines sunt tutiores: in his enim Prophetae aut manentes, aut demersi prophetabant. Quibus ille verbis modelæ ac veracundæ significat, Ecclesiam Christi non in episcopis, non in sacerdotibus, non in templis, non in populi frequentia, sed in piis esse querendam: qui interdum Prophetarum more, vel in agro locisque desertis errant, vel in sylvis abstrusi sunt, in speluncis & in cavernis terræ.

5. Arg. Quid, quod sub diversis Pontificibus diu schismate perdurante, nulla integram Ecclesiæ facies apparuit? Manifestam porro ecclesiam, si ejus seculi fideles requisissent, nec aliam crederent,

quam quæ oculis cernebatur humanis, nullam profecto invenissent. An vero tunc nulla fuit, quoniam occulta fuit?

Atque ut antehæc ecclesia diducide claresque resplendisset, qui scimus tamen, an posthæc veram semper genuinamque formam sit habitura? Numquam enim, si præteritis sæculis ita Dominus populi sui facinora vindicavit, ut cum & absurdissimis mendaciis ludi, & altissimis tenebris ostendi passus sit: cur non timeamus, ecclesiam Christi etiamnum cæca nocte, crassaque caligine adeo occultari & circumdandi potest, ut nulla ejus vera facies effulgeat? Quasi vero jam nulla sint Domini iudicia, ut eodem paucæ genere mundum hodie puniat, quo populi veteris ingratitude aliquando ultus est. Neque, ut pastores atque oves stupore ac excitare percutiat, ecclesiæque suæ exteriorem notitiam ab hominum aspectu auferat. Hic videlicet hæretici quasi re confecta insultant, notique miris modis irrident, qui gloriamur in verbis illis, Templum Domini, templum Domini est. Translata, inquam, Samaria est: & cum Hierusalem externis larvis inherens templum, carceronias, sacerdotum, sacramenta, scripturaque jactaret: & ipsa quoque translata est. Ita, quod de orientali ecclesia accidit, idem occidentali potest: ut forma ejus vel in fumos abeat, vel certe omnino delitescat. Equis autem fidem fecit, aut peccata nostra, quam illorum, esse leviora, aut Deum in nos, quemadmodum in illos, non esse animadvertitur? Præsertim cum non obscure vaticinetur Apostolus, venturam in Ecclesia delectionem: quæ utique venire non potest, dum vera Ecclesiæ forma & facies exterit. Qualis autem hæc illo erit tempore, de quo Dominus ait: Veritatem filius hominis veniens, putas, inveniet fidem in terra? Qualis, inquam, erit, cum deficient hostia & sacrificium? Qualis deum, cum, ut Joannes scribit, putei sumus solem & ætrem obscurabit? Quia ex re nihil sane aliud intelligitur, quam ecclesiam usque adeo nostra hæc ætate obsecrandam, ut nisi in tenebris inveniri non queat. Quid autem externam ecclesiæ faciem fulgoremque descendimus, cum omnis gloria filæ regis ab intus? Quod si invisita & occulta ecclesia est, inexploratum quoque

6. Arg.

Hierem 2.

2. Thess. 2.

Luc. 11.

Daniel 9.

Apocal. 9.

Psa. 44.

& incertum erit, quod sumetur ex eius auctoritate argumentum.

7. Argu.

Præterea ecclesia est solo prædestinatorum numero constituta: soli autem Deo notus est numerus electorum in superna felicitate locandus; ecclesia igitur nobis abdita omnino & incognita est. Prior illa propositio, in qua difficultas tota inest, suadetur in primis Augustini testimonio, diversis versus allentens, ex numero solum prædestinatorum, qui in occulto sunt intus, conitare hortum conclusum, fontem signatum, puteum aquæ vivæ, paradisi cum pomorum fructibus. Nemo vero fidelium dubitat, Ecclesie Christi hæc proprie esse attributa omnia. Sed ne ambigi quidem potest, quamvis non ita Augustinus exponeret, in horto conclusio & fonte signato non alios intelligi, atque eos, de quibus scriptum est, Firmum fundamentum Dei stat, habens signaculum hoc, Novit Dominus, qui sunt ipsi. Probat quoque eandem rem Augustinus ex eo, quod Petrus aream ecclesiæ typum esse dixit, in qua octo animæ salvæ factæ sunt per aquam. Non ergo nisi illi, qui servantur, intra aream esse existimandi sunt. Nam Christus non est altarius ecclesiæ caput nisi ejus, cujus salvator est, & quam fidei exhibet gloriosam, ut ad Ephesios docet Apostolus. Si ergo, qui nec salvati, nec gloriosi futuri sunt, non sunt ejus ecclesiæ partes, cujus Christus caput est. Deinde, e filius Dei ecclesia conficitur, mater cum non aliorum fit ecclesia ipse aut eorum, quorum Deus pater est. Hos autem vere filios Dei esse liquet, qui paternam hæreditatem percepturi sunt. Si filii, inquit, & hæredes, hæredes quidem Dei, coheredes autem Christi. Ovis enim Christi, nonnisi ex Christi ovibus constituitur: at oves Christi illæ modo sunt, de quibus ipse ait, Oves meæ vocem meam audiunt, & ego vitam æternam do eis, & non peribunt in æternam. Joannes denique Evangelista de quibusdam, qui ab ecclesia exiisse videbantur, cum re vera nunquam fuissent in ecclesia, Ex nobis, ait, prodierunt: sed non erant ex nobis. Quid ita? Quia fuissent, inquit, ex nobis, permansissent utrique nobiscum. Non igitur ex ecclesia sunt, nisi qui in scripta gratia permanent. Atque hunc locum, quoquam in promptu erat. Au-

guft. in libro de corre. & gra. cap. 9.
& de bono perfev. cap. 8. de præde-
ftinatis intelligit, ſcilicet Hieronymum
ſecutus in dialogo adverſum Lucife-
rianos.

Ad hæc veram Christi ecclesiam perfectam esse & immaculatam oportet. Totam enim pulchra est, & macula non est in ea. Et rursum, Una, ait, est columna mea, perfecta mea. Et Apostolus quoque ipse sine macula eam ac ruga describit. Et istas, Non adiacet, inquit, ut pertransit per te incircuncisus & immundus. Ecclesiam vero immaculatam censere, cujus membra nonnihil impuritates habeant omnia, quam inane ac fabulosum est. Nulla igitur ejusmodi nunc temporis extat ecclesia. Ilo solum tempore extitisse videtur, cum vere a Joanne scriptum est: Omnis, qui peccat, non cognovit eum. Et, Omnis, qui natus est ex Deo, peccatum non facit. & Non potest peccare, quoniam ex Deo natus est. In hoc manifesti sunt filii Dei, & filii diaboli. Quod si universos, qui ecclesiasticæ societatis participes sunt, necesse est sine peccato & macula existere: aut nulli profecto sunt, aut oculi nobis & incogniti sunt. Quod Apostolus videtur affirmare, cum ecclesiam Christi a Synagoga discernens, non eam sensilem & tractatam, sed spiritualein intratamque describit, nempe ex solis perfectis, predestinatisque constantem. Non accessit, ait, ad tractabilem montem, & accubilem ignem, sed ad Sion montem & civitatem Dei viventis, Hierusalem-cœlestem, & ecclesiam primitivorum, qui conscripti sunt in cælis, & spiritus iustorum-perfectorum.

De Punit.
d. 4 c. si ex
homo.

8. Arg.

Cont. 4

Cant. 6.

Ephed. 5.

11a1.52a

1. JORDAN, J. H.

¹ Heb. 11.

9. Arg.

Eccle 3:1-

Lth. f. cont.
Dum. C-12.

Cont. 4

2. Tim, 2,

Lib f. c. 18

1000

Figure 6.14

Figure 2.

joan. 10v

19/09/2017

boli. Quo quid absurdius audire, aut excogitari potest? Nisi forte societas est luci ad tenebras, conventio Christo ad Belial. Membra certe corporis ejusdem sibi vicissim contraria esse non queunt: ac contra bonum, malum est, contra vitam mors, & contra virum justum peccator, ut Sapiens ait: non ergo justus & peccator ecclesiastici sunt corporis membra. Docet item Aristoteles auctor sentiendi gravissimus, cui etiam Divus Thomas adentit, membra mortua non aliter esse membra, arque ea, quæ dicta & figurata sunt: Peccator ergo, cum mortuus sit, membrum ecclesiæ, & pars vere ac proprie non est, sed æquivoce ac figurate. Præterea unus panis & unum corpus multi sumus, quemadmodum in prioræ ad Corinthios epistola Apostolus tradidit: constat autem, ut acute Cyprianus ad Magnum argumentatur, panem ex multorum granorum admixtione congestum: Peccatores ergo, qui paleæ sunt, sic ut nec in panis, ita nec in corporis ecclesiæ compositionem veniunt. Id quod Augustinus non obscure testatur, arque ita multis in locis, ut de judicio ejus dubitari non possit, quin hanc habuerit firmam perpetuamque sententiam. Libro enim contra Peilianum secundo: Nec putandi sunt mali, ait, in Christi corpore esse, quod est ecclesiæ, quamvis sacramentorum ejus corporaliter participes fiant. Item libro contra Cresconium secundo: Qui mente, inquit, perversa videtur intus esse, cum foris sit, ab ipso Christo jam judicatus est. Et posterius, Etiam nesciente ecclesiæ propter malam polutamque conscientiam damnati a Christo jam in corpore Christi non sunt, quod est Ecclesiæ, quoniam non potest habere Christus membra damnata. Proinde & ipsi extra ecclesiam baptizant. Omnia quippe ista monstra absit omnino, ut in membris columbæ illius unice computentur. Loquitur autem dubio procul de fidelibus peccatoribus, ut ex antecedentibus & consequentibus liquido apparet. Item libro de unitate ecclesiæ affirmat, malos in ecclesiæ minime deputari. Item libro quarto de baptismo contra Donat. & libro sexto diserte etiam affirmat, qui contra Christi mandata faciunt, eos ad illam ecclesiam non pertinere, quam Christus mundat lavacro aquæ, & de qua scriptum est: Una

est columba mea. Et libro septimo ait, malos non pertinere ad compagem domus, quæ est ecclesiæ, atque haud scius in domo esse, quam palea dicitur esse in frumento. Sed & in eodem libro Cyprianum refert in epistola ad Magnum, hujus sententiæ non solum auctorem, sed etiam confirmatorem. Confirmat autem eam illo prophetico testimonio: Qui habitare facit unanimes in domo. Quibus igitur nec una anima, nec unum cor in Domino est, hi in Ecclesiæ, quæ domus Dei est, nullo modo habitant. Et Hieronymus. Ecclesiæ, ait, Christi non habet maculam, nec rugam. Qui ergo peccator est, & aliqua sordemaculatus, de Ecclesiæ Christi non potest appellari. Possibile est autem, ut peccator currat ad medicum, & curentur vulnera ipsius: & fiat de ecclesiæ, quæ corpus est Christi. Quod si ecclesiæ, cujus auctoritati deterimus, sanctam esse necesse est, arque adeo ex piis solum iustisque constare: nusquam porro faciet certam in Theologia fidem, quousque certo indicio demonstret se sanctam esse. Id quod nullo modo potest, siquidem solus Deus novit corda filiorum hominum.

Querunt etiam a nobis, cur in censenda ecclesiæ insaniamus, cum eam minime dubio symbolo designari Christus? Ego, inquit, sum pastor ille bonus: & cognosco oves meas, & cognoscunt me meæ: Oves meæ meam vocem audiunt, & ego cognosco eas: & sequuntur me. Qui ergo vocem Christi non audit, is ad Christi ovile non pertinet: ac proinde ne pars quidem ecclesiæ Christi est.

Præterea si ecclesiam boni simul ac mali constituerent, qua ratione propter justos pauculos sancta dicitur, eadem ac multo etiam majore propter iniquos plurimos iniqua ecclesiæ diceretur. Quamobrem idem omnino cætus & Christi esset ecclesiæ & synagoga Sathanæ. Non igitur nisi boni Christi ecclesiam constituunt. Quocirca invisæ hominibus illa est, arque adeo minus cognita, quam ut ejus testimonium certam & exploratam faciat fidem.

Dux insuper ecclesiæ sunt, Græca & Latina, quarum utri credendum sit, non satis, ut ajunt, expeditum est. Responderi solet, Græcos esse schismaticos: ideo apud eos ecclesiam perit-

Cap. 79.

Cap. 80. & 81.

In epist. ad Ephes. c. 5.

1. Par. 6.

10. Arg.

Joan. 10.

11. Arg.

12. Arg.

perisse. Quo iure? Quia a Romano Pontifice desciscendo, privilegium ecclesiasticum nominis amiserunt. Quid vero? an non multo magis amiserunt, qui a Christo vero ecclesie capite deficiunt? Atque ante Christi nativitatem una priorum omnium ecclesia fuit, nec in ea tamen fuit unus pastor aut rector. Non ergo ex uno Pontifice ecclesie nomen ac veritas pendet. Ecclesia igitur Græca erit, quamvis Episcopo Romano non pareat. Quo videlicet mortuo, nihilo secius una ecclesia est, eademque & columna, & firmamentum veritatis. Non ergo ex hoc capite ecclesie veritas unitaque existit. Sed si unum Dominum habet, unam Christi fidem, unum baptisma: si unum Filium agnoscit, unum Spiritum colit, unum Deum & patrem omnium suscipit, una Christi ecclesia erit. Iis enim rebus unam Christi ecclesiam definiit Apostolus. Nihil itaque causæ est, cur Græci, in quibus ea omnia insunt, in quibusque multi etiam boni sunt viri, ecclesiam Christi non faciant. Arroganter igitur ecclesia Latina in fidei iudicio Ecclesie Catholice sibi nomen usurpat. Quapropter nisi idem cum Græca sentiat, ecclesie universalis auctoritate caret: non tenemurque perinde ejus judicium revereri, ac si catholica vere esset.

Præterea, catholica ecclesia ideo vocatur, quia per omnes gentes, perque totum orbem diffusa est: ut Augustin. lib. 1. cont. Petilian. patefecit: hæc vero sola est, quæ suo nos iudicio ligat & astringit, quoniam hanc & non aliam quamlibet sacræ nobis litteræ commendaverunt, quemadmodum plurimus in locis idem August. ostendit: non ergo ecclesia, quæ modo est, si qua demum est, certam auctoritatem habet, ut quæ catholica, id est universalis esse desierit.

Præterea, ex universalis ecclesie sententia nullum omnino argumentum sumi potest. Quomodo enim fidelium omnium sensum in fidei questione requireremus? Vanum est igitur ab ecclesia catholica velle argumentum ducere. Forsitan quispiam dixerit: Pastores ecclesiam repræsentant, atque adeo ipsissima ecclesia sunt. Eorum itaque sensum querere satis esse, quippe cum idem omnino sensus ecclesie sit. At erat Isaia temporibus ecclesia Hierosolymis: de pastoribus vero sic loquitur:

Speculatores ejus erant omnes, nescierunt universi: canes muti non valentes latrare, videntes vana, dormientes & amantes somnia. Ipsi pastores ignoraverunt intelligentiam. Omnes in viam suam declinaverunt a summo usque ad novissimum. Durabat quoque ecclesia ad tempus Hieremix: audiamus quid de pastoribus dicat, Quomodo dicitis, sapientes nos sumus, & lex Domini nobiscum est? Vere mendacium operatus est stylus mendax scribarum. Confissi sunt sapientes, verbum enim Domini proiecerunt, & sapientia nulla est in eis. A minimo usque ad maximum omnes avaritiam sequuntur: a propheta usque ad sacerdotem cuncti faciunt mendacium. Cur autem secundum hanc rationem ecclesiam non referrent 400. prophetae illi, qui Achab mentiebantur omnes? At ecclesia Dei vera, id est, quicumque in populo erant pii, a partibus Michæ stabant. Certe, si res ad eum modum habet, ecclesie imaginem præ se ferrent prophetae & sacerdotes, cum adversus Hieremiam omnes ad unum fiderent sane iactarent, non posse fieri, ut periret lex a sacerdote, consilium a sapiente, verbum a propheta. Adversum omnes tamen unus Hieremias mittitur, qui a Domino denunciaret fore, ut lex periret a sacerdote, consilium a sapiente, verbum a propheta. Quod si sacerdotes & pastores ecclesiam Dei constituunt, cujus revereri testimonium oporteat, sequitur, ab ecclesia Dei alienos fuisse, cumque illa etiam pugnasset: In Israele quidem Heliam, Michæam, & similes: in Juda autem Isaiam, Hieremiam, & reliquos ejus notæ, quos sui seculi sacerdotes, pastores, & prophetae non a se modo abalienarunt, sed diris etiam execrati sunt. Illud, si absurdum & impium existimandum est, ut ne dicam etiam stultum: maneat, sacerdotes & pastores ecclesiam Dei non fuisse: sed impiam adversus Deum conspirationem, cæcumque hominum pessimorum, a quorum necesse fuit consensione desciscere. Cum itaque pastores etiamnum similes veterum esse possint, nec Christi ecclesiam profecto reserunt, nec ex eorum iudicio dogmata fidei probantur. Atque si ex pastoribus & episcopis Dei ecclesia constat, ubinam gentium ecclesia residet, ex quo Basiliense concilium Eugenium Pontificatu deiecit, subrogato in ejus locum

Hier. 1.

Reg. 1. & 2.

Hier. 12.

Eph. 4.

12. Arg. Cap. 12.

cont. Petil. lib. 1. cont. Cresc. l. 1. de unit. eccles. lib. 1. ep. 4. & 50. 106.

14. Arg.

cum Amedeo? Concilium siquidem, quantum ad externos ritus atinet, legitimum fuit: nec ab uno solum pontifice, sed a duobus indictum. Damnatu est illic Eugenius schismatis, rebellionis, pertinaciz, cum toto cardinalium & episcoporum grege, qui concilio refragabantur. Ex illorum schismaticorum, rebellium, pertinacium gremio prodit, quicquid postea Paparum, cardinalium, episcoporum, abbatum, presbyterorum fuit. Utram igitur in partem ecclesiz nomen conferetur? Negabimus ne generalem synodum eam fuisse, quæ præfidente Romanæ sedis Legato consecrata est? An fatebimur schismaticum Eugenium cum tota sua cohorte, a qua omnes succedentes episcopi sanctificati sunt? Aut ergo pastores in concilio etiam generale coacti ecclesiam Dei minime repræsentant, aut quotquot sunt, ab hæreticis & schismaticis ordinati sunt. His potissimum argumentis Lutherani abutuntur? Nam, quod Calvinus addit, duo esse ecclesiz symbola, verbi sinceram prædicationem, & sacramentorum administrationem rectam: in catholico- rum vero cœtu pro verbi ministerio mendacius constaret regnare doctrinam, in locum cœnæ Domini foetissimum sacrilegium subisse, publicos in templo conventus idololatriæ & impietatis scholas esse: quamobrem veram apud nos & germinam Christi ecclesiam non esse, sed Sathanz exitialem & sacrilegam conjugationem: Id quoniam imprudenter, turpiter, & maledice obijciunt, non est in præsentia referendum.

CAPUT II.

Quid Ecclesia voce significetur.

EGo vero pergam, & id faciam, quod in principio fieri, cum in omnibus disputationibus, cum in hac magis oportere censeo: ut quid illud sit, de quo disputatio sit, explanetur: ne vagari & errare cogatur oratio, si ii, qui inter se dissentiant, non idem esse illud, de quo agitur, intelligent. Ecclesia ergo Græcum nomen est, & si verbum verbo reddas, Latine convocatio dicitur, sive quod omnes ad se vocet, ut Julio & Rabano visum est, sive quod quicumque in eam conveniunt, hi non meritis & iustitia sua, sed Dei gratia & vocatione conven-

iant. Nam & hanc nominis etymologiam spero lectoribus placituram. Ecclesiz quippe Romanæ scribens Paulus, Omnibus, ait, qui sunt Romæ vocatus sanctis, &c. Acque in priore ad Corinthios epistola: Ecclesiz Dei, inquit, quæ est Corinthi, vocatis sanctis, &c. Et paulo post: Fidelis Deus, per quem vocati estis in societatem Filii ejus Jesu Christi: Quæ sine dubio societas cum Christi Ecclesia sit, qui titulum sibi illum arrogat, hi videant, an hæreticorum more penes le ecclesiam existere mentiantur. Verum de nominis ratione nihil moror, ecclesia certe concio est: unde ecclesiastes, concionator. Et licet generaliter vox illa quandoque usurpata sit pro quacunque concione sive impiorum, sive piorum, infidelium atque fidelium; sed in novo testamento, quantum memoria repetere possum, nusquam infidelium concio ecclesia vocata est. Qui quidem usus adeo in Christianis invaluit, ut, in nulla nunc multitudine ecclesiz nomen agnoscat, nisi quæ Christi fide & vocatione coaluerit. Est autem ecclesia & locus ipse, quo multumdo constituit, & ipsa proprie multumdo. Cujus utriusque rei exempla sunt in sacris literis plurima. Illud vero discrimen inter Synagogam & Ecclesiam scriptores sancti observarunt, quod populus ille vetus æque & Ecclesia & Synagoga nuncupatus est: at Christianam plebem nec scriptura sacra, nec ullus unquam probatus auctor Synagogam appellavit. Id porro aut discernende utriusque reipubl. causa factum est: aut quod inter congregationem, quod Synagoga notat, & convocationem, quod sonat ecclesia, nonnihil intersit. Congregari enim pecora solent, unde & greges dicimus, non hominum proprie, sed pecudum & bestiarum, at convocari nisi homines non solent. Tantum Christi ecclesia Synagogam excellit. Et quamvis societas angelorum & hominum interdum vocetur ecclesia, nonnunquam vero regnum caelorum, quod ex hominibus comprehensoribus viatoribusque constituit; nobis tamen in præsentia non est animus discernendi, nisi de ecclesiâ militante, hoc est, cœtu fidelium viatorum. Nec necesse est, hos vocis significatus exemplis adhibitis ostendere, cum ea passim & in literis sacris, & in sanctorum hominum libris occurrant. Sane vero,

Rom. 1.

Cap. 1.

In Placem.
ecclesia
dicitur,
&c.
ecclesia
multum-
quanti-
um.

Deut. 33.
Jud. 18.
1. Cor. 11.
Num. 20.
Galat. 1.
Eph. 1.

Augusti in
Pist. 77.
B. d. in 5.
cap. 1. 1. 1. 1.
Eym. c. 2.

Eph. 1.

Eph. 5.

Eph. 1.

Julian. Dec.
cap. 1. 1. 1.
B. d. in 5.
cap. 1. 1. 1.
Eym. c. 2.

quemadmodum infideles nondum baptizatos in ecclesie Christi voce intelligere, non cum veritate solum, sed cum sensu etiam communi pugnat: ita hæreticos partes ecclesie non esse, constitutum est. Id quod commune est quidem omnium Theologorum, non eorum modo, qui nuper scripserunt, fed eorum etiam, qui vetustate ipsa habentur nobilissimi. Testantur hoc Cyprianus, Augustinus, Gregorius, duoque Concilia Lateranense & Florentinum. Recte igitur Nicolaus Papa desinit, ecclesiam esse catholicorum collectionem. Certe nervosus qui ecclesiam finiunt, illi non dubitant eam fidelium tantum numero constari: qui autem remissius, hi tamen non audent, quos catholicos esse non vident, eos ecclesie homines appellare. Absurdum est enim, qui catholicæ ecclesie partes non sint, hos ecclesie Christi partes asserere.

Epist. 1. 1.
lib. ad Cor.
ne & 6. ad
Magen. De
hæres. Fir-
missime ch.
Morg. cap.
de som.
Tri. Firmi-
ter de con-
diti. Eccles.

Object.

At Papa etiam hæreticus, donec ab ecclesia deponatur, cum suam retineat semper auctoritatem, caput adhuc ecclesie erit: hæretici itaque in ecclesie partibus numerabuntur. Apostolus quoque cum dixisset Hymenæum & Philetum a veritate excidisse, & subveruisse quorundam fidem, subjunxit, In magna domo non solum esse vasa aurea & argentea, sed & lignea & fictilia: & quædam quidem in honorem, alia vero in contumeliam. Quibus verbis, ut August. ait, eos etiam, qui a fide aberrant, in magna domo esse significat, scilicet non ut vasa in honorem, sed ut vasa in contumeliam. Quam omnino sententiam Cypriani quoque testimonio confirmat. Sed enim ad ea, quæ promissimus exolvenda properantibus, non est consilium diluendo necesse erat explanare. Quid nec brevitas nostræ est, nec ad opus institutum pertinet. Et si quid de hisce rebus dicendum erit, alio loco opportunius dicetur. Atque illam questionem quidem in libro sexto nos explicaturi sumus, de hac autem in libro de Auctor. Papæ & Conc. Cyprianus noster longe lateque disseruit.

2. Tim. 1.

L. 1. de Ba-
ptismo. c. 1.
lib. 4. de Baptis-
mo. c. 15.
Ad An-
thim. lib. 4.
epist. 22.

Ne autem argumenti huius difficultate deterrii dare terga videamur, intelligendum est, dupliciter ecclesiam posse dici. Primum eam, quam fidelium omnium ab initio mundi usque in finem congregatio conficit, quomodo Divus Thomas de ecclesia loquitur 3. parte, questione 8. articulo 3. illique omnes, qui esse nunc eandem ecclesiam dicunt, quæ fuit & in populo Iudæorum sub lege Moysi, & in hominibus piis sub lege olim naturali. In quem sensum Catechumeni sunt membra Ecclesie verissima. Non enim hæc baptismi sacramento fecerunt, sed fide, quæ omni tempore populum Dei ab infidelium cæcibus discernnavit. Deinde & ea ecclesia dicitur, quæ in Christi nomine per baptismum cogitur, qui & fidei sacramentum est, & propriæ ecclesie membra partemque facit, & Christi ecclesiam a Synagoga distinguit. Hujus Ecclesie nec Catechumeni partes sunt, & illi omnes sunt partes, qui a baptismo Christi characterem habent, nisi post hæresim exteriorem publico ecclesie iudicio fuerint excisi. Quamdiu enim aliquis reipublicæ minister est, ejusque auctoritate & potestate fungitur, tandiu illius pars dicitur & potest, & debet. In hoc igitur sensu quemadmodum ecclesia, hoc est, Respub. Christiana, non interiore solum fide constituitur, sed baptismi etiam exterioris sacramento: sic ejus partes non interior modo infidelitas, sed schisma, externique iudicii divisio separat. Itaque si in illa Nicolai fuitione ecclesia hoc secundo modo accipitur, fideles dicantur oportet non a Christi fide, sed a fidei sacramento. Verum de hoc in cap. huius libri postremo plura. Argumento vero posteriori ita respondeo. Apostolus si ad Hymenæum & Philetum verba illa retulit, non ad id tempus spectavit, quo jam de domo fidelium communi per scdam privatam exierant: sed ad illud potius, quo per susceptam fidem ac baptismum in magna domo continebantur. Quæ sententia est Augustini his ipsis, quos attulimus, locis. Quamquam propter Cyprianum, cuius se dicit auctoritate urgeri, fatetur etiam hæreticos in magna domo quodammodo esse, propter eadem sacramenta, quibus administrandis cum ecclesia conveniunt. Verum id Augustinus, ut dixi, invitus addidit: nam illud prius libenter

H

sc-

sequitur. Ego vero, ut, quemadmodum sentio, loquar, non intelligo, quid causæ Augustino fuerit, ut verba Cypriani in eum sensum acceperit, qui mihi sane tam apparet a Cypriani mente alienus, quam cælum a terræ natura alienum est. Nam, ut omittam, quod in locis paulo ante a me citatis Cyprianus ipse hæreticos non obicere ab ecclesia excludit, certe in epistola ad Antonianum, cuius Augustinus testimonio abutitur, non solum non ab ea sententia discedit, sed eandem apertius confirmat, inquit: Quod vero ad Novatiani personam pertinet, seias nos curiosos esse non debere, cum foris doceat. Quisquis ille est, & qualiscunque est, Christianus non est, qui in Christi ecclesia non est, &c. Nec alia Cypriano causa fuit hæreticorum baptismi negandi, nisi quia eos extra ecclesiam & esse, & baptizare, perpetua illi fuit firmæque sententia. In verbis autem, quæ Augustinus refert, nihil aliud Cyprianus significat, quam Novatianorum arrogantiam & tumorem, qui putarent se posse facere id, quod ne Apostolus quidem concessum est, ut zizania a frumento discernent, paleas separarent a tritico, vasque ligneæ & fictilibus eiectionis, aurea argenteaque seligerent. Ubi per vasa ligneæ & fictilia non eos Cyprianus accepit, quorum sermo ut cancer serpsit, sed eisdem prorsus, quos & zizania, & paleas vocaverat, hoc est, fragiles & imbecillos, qui firmis perfectisque erant, suntque semper in ecclesia permixti. Quos Novatiani quoniam serre non poterant, humilitatis ac lenitatis oblati, ab ecclesia ante tempus ejicere conabantur. Quamquam vasa ligneæ fictiliaque ad solos improbos referre, quod Cyprianus facit, non Augustino solum, sed mihi etiam parum probatum est. Sensus igitur Apostoli planus est. Cum enim dixisset, quosdam a veritate excidisse, &c. ne omnes fragiles existimarentur, ac proinde ecclesiæ fidei timeremus, subiicit, Sed firmum fundamentum Dei stat, &c. Quia vero quæreret fortasse quispiam, cur Deus in ecclesia sua alios firmos, alios infirmos haberet: hos stare, illos excidere pateretur: huic respondet Apostolus, in magna domo non solum esse vasa aurea & argentea, sed lignea & testacea, &c.

Est & altera hujus Apostolici testi-

monii intelligentia, ex qua Manichæorum, Pelagianorum, Catharorum, Donatistarum, Begardorum, & Beguinorum pariter eluuntur errores: in quos Hymenaus forte & Philetus incurrant. Non enim verosimile fit, in eam hos amentiam incidisse, ut aliter corpus resurrectionem esse jam faciam. Sed quoniam falsæ absolute sanctimonie perivagatione imbuti, vitam in carne mortali aletabant similem ei, quam iusti cum angelis post resurrectionem immortales habituri sunt, ab omni scilicet fragilitate & imperfectione alienam: idcirco vas electionis Apostolus eos aliteruisse ait resurrectionem esse jam factam. Horum igitur vanam futilemque sententiam paucis refutat Paulus inquit: Sed firmum fundamentum Dei stat, &c. Quæ verba, ni fallor ego, hunc sensum habent: Electio fidelium ex parte Dei quidem certa atque immutabilis est. Hanc enim ille vocat fundamentum, quoniam primum est humanæ salutis initium. Nam quos prædestinavit, hos & vocavit: & quos vocavit, hos & justificavit: quos autem justificavit, illos & glorificavit. Firmum igitur fundamentum Dei stat, habens signaculum hoc, Novit Dominus qui sunt sui. Electio quippe nostra nobis ipsis obscura & incognita, solius Dei notitia quasi signaculo quodam obsignata clauditur, ut hinc & apud nos incerta & occulta sit, & apud Deum statæ & fixa. Sed quia salus nostra a nostro quoque arbitrio pendet, nemo ex electione Dei certam sibi stabilemque justitiam polliceri debet: nemo sensu inflatus carnis suæ angelorum religionem in carne mortali prædicare, nemo impeccantiam & virtutem omnibus numeris absolutam sibi assumere, nemo reliquorum fidelium aperiari consortium, in quibus humanum adhuc aliquid subesse cernat. Hoc est autem, quod subiungit: Descendat ab iniquitate, &c. Satagat, inquit, in primis per bona ipsæ opera certam facere vocationem suam, nec tantum munditiæ suæ fidat, ne timeat iniquitate se posse contraminari & pollui. Intellegat deinde, in magna domo non solum esse vasa aurea & argentea, sed lignea & fictilia. Ac quædam quidem in honorem, alia autem in contumeliam. Ita si vasa aliqua frangi cognoverit, reformet ea pro sua virili & consolidet,

Cem. ad
Iulianum de
Hæsi.

Roma. 8.

1. Pet. 3.
Vide item
lib. 4. cap. 1.

con-

considerans seipsum, ne forte & ipse transgredatur. Atque si vas in honorem sibi videtur esse, ferat patienter vasa in contumeliam: nec horum abominacione a magna domo discedat. Nam & vasa ista inhonorata & ingloria, quemadmodum libero arbitrio versa sunt in contumeliam, sic verti eadem libertate poterunt in honorem. Quibus ex rebus non modo argumentum illud eliditur, verum etiam id constat, quod in hac finicione vel maxime queritur, Ecclesiam omnium fidelium, & fortium & imbecillium, & iustorum & iniquorum collectione constitui. Id quod si plane ac breviter confecerimus, nec nos indultrix nostræ, nec sui lectorem laboris penitebit.

CAPUT III.

Quinam sint fideles illi, & quibus vasa & propriæ Ecclesiæ constituitur.

ENimvero in partibus ecclesiæ censendis tres errores fuisse, animadvertimus. Primus eorum fuit, qui non putarunt illic ecclesiā habere partem, ubi non est solida vitæ puritas, & integritas. Quales olim fuere Cathari, & qui ad horum vesaniam accedebant, Donatistæ; Hodie sunt ex Lutheranis Anabaptistæ, qui cum Pelagianis perfectam omnino in hac etiam mortali vitæ fidelium esse iustitiam volunt; cum Cathariis & Donatistis nullam in Ecclesiā infirmitatem ferunt. Fuere alii, qui solis prædestinatis ad gloriam locum in ecclesiā concesserunt. Cujus erroris auctores præcipui reperiuntur Joannes Wicleff, & Joannes Hus, damnati in Concilio Constantiensi. Postremi solos probos ad Ecclesiā pertinere arbitrati sunt, improbos autem nullo modo. Id quod post veteres quosdam modo assuerunt Lutherani non omnes, sed qui in eis habentur nobilissimi. Verum non est animus, quæ adversum hos errores a catholicis disputata sunt, ex hoc exquisite resumere. Summam ergo argumenta referemus, quibus singuli confutantur.

Primus itaque error ante omnia refellitur eisdem omnino testimoniis, quibus Pelagiani olim & Donatistæ resu-

tati sunt. Si dixerimus, quod peccatum non habemus, ipsi nos seducimus, & veritas in nobis non est. Item, Dimitte nobis debita nostra. Quam orationem Christus Apostolos suos docuit, qui ecclesiæ nimirum partes erant. Item, In multis offendimus omnes. Item, Omnis pontifex ex hominibus assumptus pro hominibus constituitur, ut offerat sacrificia pro peccatis: qui condolere possit iis, qui errant, quoniam & ipse circumdatus est infirmitate: & propterea debet quemadmodum pro populo, ita etiam pro semetipso offerre pro peccatis. Item, Non intres in iudicium cum servo tuo, quia non iustificabitur coram te omnis vivens. Item, Non est homo, qui non peccet. Item, Quis potest dicere, mundum est cor meum, mundum sum a peccato? Item, Non est homo iustus in terra, qui faciat bonum, & non peccet: ceteraque similia, quæ ex Job & Daniele referri solent. Si igitur ecclesiā in singulis etiam membris, omni prosus labe & culpa vacare oporteret, nulla profecto in terris esset ecclesiā: quoniam nemo unquam mortalium est, ut prædicta testimonia comprobant, qui omni ex parte perfectus & immaculatus sit. Præterea, Cephas ecclesiæ sine dubio pars erat, qui ecclesiæ columna erat: at ei tamen in faciem Apostolorum restitit, quia reprehensibilis erat, nec recte ambula- bar ad veritatem Evangelii. Non ergo opus est Ecclesiæ membra adeo pura esse, ut nulla in eis macula, nullus nervus residat.

Ad hæc, in Thessalonicensibus ecclesiā agnoscebat Apostolus: in his vero iisdem quosdam etiam notabat ambulantes inquiete, & curiose agentes, quos docet non quasi alienos & inimicos exultandos, sed corripiendos ut fratres. Christi igitur confraternitas & societas aliquos habet fratres & socios imperfectos. Quid plura? Nonne Apostolus parvulos quosdam & imbecilles in Ecclesiā esse affirmat? Tanquam parvulis in Christo, ait, lac potum dedi, non escam. Et rursum: Infirmum in fide assumite. Quid illud? Quosdam quidem dedit Apostolos, quosdam autem Prophetas, alios vero Evangelistas, alios autem pastores & doctores, ad consummationem sanctorum in ædificationem corporis Christi, donec occurramus omnes in vi-

H 2 RUM

1. Joan. 2.

Matth. 5.

1. Jacobi 1.

Hebr. 5.

Psalm. 143.

1. Reg. 8.

Prov. 16.

Ecclesi. 7.

Job. 9 & 10

Dan. 9.

Gal. 2.

2. Thes. 2.

2. Thes. 1.

1. Cor. 1.

Rom. 16.

Ephef. 4.

Aug. lib. 1.
cont. Parm.
cap. 2.

Sessio. 15.

Conc. Mil.
c. 7. & 8.

rum perfectum, ut jam non simus parvuli & fluctuantes. Et statim: Creiscamus, inquit, in illo, ex quo totum corpus compactum & connexum, augmentum corporis facit in mensuram unicujusque membri. Non igitur omnia ecclesie membra undique consummata sunt, expletaque suis omnibus numeris & partibus. Sed otiosum erit amplius in erroris hujus consuetudine versari, præsertim cum Augustinus & Hieronymus in hac ferme eadem causa diligentissime elaboraverint. Pergamus itaque ad reliqua.

Secunda porro hæresis à nostris majoribus primum explosa est, quoniam nexu necessitatis illi coherent alix pestilentissimæ in eodem Concilio damnatae. Si Papa fuerit præfatus, non habet potestatem super fideles, nisi forte à Cælere. Item, nullis sine revelatione potest rationabiliter de se asserere, quod sit caput particularis ecclesie. Item, præiens iustitia & gratia non facit aliquem esse aut Christi membrum, aut ecclesie. Item, prædestinati etiam infideles, semper sunt Christi ecclesieque membra. Quare nec Paulus unquam fuit membrum diaboli, nec Judas Christi. Quæ omnia & per se sunt falsa perspicue, & catholica fidei vehementer repugnantia. Res certe Christi publica fuisset insipientissime constituta, si magistratum in ea potestas tantis esset tenebris circumiuta, ut nulli prorsus fidelium eluceret. Cum enim universi fideles dubitent, an summus Pontifex, Episcopi, sacerdotes, ac ceteri ecclesie ministri prædestinati sint, neene dubitent etiam oportet, num decretis judicis eorum astringantur. Ita fiet, ut ecclesie ac Conciliorum dogmata ambigua sint omnia, & leges cunctæ incertæ, sineque vi ad coercendum idoneæ. Quid autem stultius dici potest, quam civem civitatis suæ magistratus cognoscere, qui sint, omnino non posse? Qui igitur ita sentiunt, ii cum stultum Christianæ Reipublicæ auctorem faciunt: tum omnia scita, præcepta, sanctiones evertunt, omnemque funditus ecclesie potestatem. Quæ apud eos sane vacillet & cadat necesse est, quibus occulta, incerta, atque infirma est. Nec argumentis à ratione ductis opus est irrationalem, non opinionem dicam, sed insaniam coarguere: cum ad eam reicellendam,

manifestissima sint scripturæ testimonia. Vos, inquit, etis lux mundi. Non potest civitas abscondi supra montem posita, nec accendunt lucernam, & ponunt eam sub modio, &c. Item: Si non audierit eos, dic ecclesie: si autem ecclesiam non audierit, &c. Ecclesiam igitur manifestam & cognitam fidelibus esse necessum est. Item, ad regnum colorum familiamque suam Christum eum quoque servum pertinere docuit, quia, quoniam consensu sui non est miseris, tortoribus traditus est. Non ergo in Christi familia, quæ ecclesia est, soli servi prædestinati continentur. Item, Simile factum est regnum colorum homini regi, qui fecit nuptias filio suo, in quas intravit etiam ille, qui missus est in tenebras exteriores. Item, Simile est regnum colorum decem virginibus, quarum quinque erant satux, & quinque prudentes. Non ait quinque simile esse, sed decem. Et tamen quinque ex illis clausa est janua. Item, ecclesiam esse ex prædestinatis præfictisque permixtam, illa Christi parabola demonstrat, in qua reti comparatur, quo pisces omne genus colliguntur, nec seliguntur, donec in litore sint expositi, ubi angeli separabunt de medio iustorum malos, & mittent eos in caminum ignis.

Illà quoque idem ostendit, in qua agri dicitur similis, qui bona fruge confusus, zizanias inimici fraude inficitur, quibus non expurgatur, donec in aream advecta fuerit messis, cum colligenda zizanias sunt, & alliganda in fasciculos ad comburendum. Et quoniam omnia persequimur, ecclesia area illa est, in qua sic collectum est triticum, ut sub palea delitescat, donec vano & cribro repurgatum in horreum tandem reconditur: paleæ autem comburantur igni inextinguibili. Præterea non ex præsentia, sed ex præfentia iustitia Dei populum, civitatem, familiam nominari, illud demonstrat: Qui aliquando non populus Dei, nunc autem populus Dei. Illud item, Eratis illo in tempore alienati à conversatione Israel, & hospites testamentorum. Jam autem non estis hospites & advenæ: sed etis cives sanctorum, & domestici Dei, &c. Quod nisi ita sit, beatus & iustus est omnis ille, qui est prædestinatus ad gloriam, tum etiam cum miser & impius est. Non igitur

Math. 5.

Math. 23.

Math. 22.

Math. 22.

Math. 27.

Math. 13.

Aug. cont. Parm. parabolam hæc intelligit explicat.

Math. 2.

1. Pet. 2. Ephes. 1.

In lib. de perfect. iustit. lib. 2. cont. ioh. n. In epist. ad Creiphon. l. 1. & 2. adv. Pelag.

Conc. Constantin. Scilicet.

Joan, 1.

Ephed. g.

1. Cor. 3.

1. Jean 5.

V de Orl

in foam.
can form

Norm. 12.

uCor 13.

Frith, J. L.

20 2. lib. 6.
21 2. lib. 6.

serian.

cont. Petil.
L. 0 1 1 0

11. &c 18.

cont. Farm-
lib. & c. 2. Ac

11485.

de unit.
Ecol. ca. 13.

37. & 46.

cont. Do-
nat. post

coll. lat. C-4

CC 0.
 1000 00

Apoc. 1-8a

Galat. 1. &

1. Cor. 3.

a praesentia, sed a praesenti iustitia
proprie denominantur. Dedit eis po-
testatem, ait, filios Dei fieri. Qui-
bus? Num his, quos praesentive cre-
dituros? Non, sed his, qui credunt
in nomine ejus. Item, Eratis aliquan-
do tenebrae, nunc autem lux in Do-
mino: ut filii lucis ambulate. Item,
An neficis, quia corpora vestra mem-
bra sunt Christi? Tollens ergo mem-
bra Christi, faciam membra meretri-
cis? Item, Qui facit iustitiam, iustus
est: qui facit peccatum, ex diabolo
est. In hoc manifesti sunt filii Dei &
filii diaboli. Item, Multi unum co-
pus sumus in Christo, singuli autem
alter alterius membra: Quod nisi se-
cundum iustitiam praesentem nullo mo-
do sumus. Item, In uno spiritu omnes
in unum corpus baptizati sumus.
Per baptismum ergo, & non per praed-
estinationis gratiam in Christi corpus
transimus. Sed in hujus erroris con-
futationem satis multa diximus. Jam
tertium eundemque postremum refe-
temus.

Et quod in primis eadem omnino Evangelii parabola conficiunt, quibus ante usi sumus. Et quibus hoc idem Cyprianus, Hieronymus, Augustinus argumentantur. In agro quippe dominico inter nitentia culta, lappaeque & tribuli, et steriles dominantur avenae. In area palae frumentum operitur. In reti pisces & boni concluduntur & mali. In magna domo varia sunt lignea & scitilia, honorata quoque & inhonorata. In regno colorum cum sapientibus virginibus fatuae sunt. In Christi familia servus nequam invenitur non ille solum, qui conservo negavit misericordiam, sed is etiam, qui super familiam constitutus, cum moram Domini causaretur, pristinumque timorem abiecerit, cepit percutere seivos & ancillas, & edere, & bibere, & inebriari. Quid? an non ecclesias in Apocalypsi legimus, quarum angelos & ministros Deus ad potentiam admitti criminis cohortatur? Nonne Apostolus ad Galatas eas etiam ecclesias vocat, quas ipse idem errore arguit depravatas? Inter Cœnœ, quoque non una erat peccati species, sed plurimæ: neque levia erant, errata, sed flagitia. Et tamen Apostolus eos non solum ecclesias, sed sanctam Christi societatem & agnoscit, & prædicat. Si inter Corinthios ma-

ner Ecclesia, ubi fervent contention-
es, sectae, amulationes: ubi lites vi-
gent & jurgia, ubi favetur sceleris,
quod gentibus ipfis foret execrabile:
ubi profunditur Pauli nomen, quem
eius patrem colere debeuerant: ubi di-
vina dona ambitioni, non charitati ser-
viunt: ubi quidam mortuorum resur-
rectionem ludibrio habent, ubi per-
muta demum indecenter & inordinat-
geruntur: equis audit Ecclesiae titu-
lum eripere isti, quibus decima pars
istorum criminum impingi non queat?
Qui tanta morositate serviunt in prae-
sentes ecclesias, quid quaeso Galatis,
Corinthiisque fecissent, tantum non Eu-
angelii deler. oribus? Habet igitur ec-
clesia carnales suos, quos non esse a
[spiritualibus] defendens monet Aposto-
lus. Habet suos xgrotos & infirmos,
quibus parata a Christo Sacramento-
rum remedia medici administrant. Iis
quippe, qui incus sunt, penitentiae sa-
cramentum paratum est. Quod frustra
esset in ecclesia, si nulli essent in ea
peccatores. Atque Lutherani, quoniam
eludere ecclesiae judicia volunt, ne fa-
cti cogantur, improbos habere eccle-
siasiticam potestatem, hos ecclesiae par-
tes esse negant: sibi quae proinde eccl-
esiam fingunt, quam nullus hominum
videre potest, ut quae tenebras habitat
inaccessibiles. Ecclesiam certe, quam
ego non intelligo. Paderet me dicere
non intelligere, si ipsi intelligerent,
qui defendunt. Ad involvere isti, &
obfcurare id volunt, quod in clara lu-
ce a Christo positum est, ne a catholi-
ca ecclesiae unitate recessisse videan-
tur. Nulla est autem, ut Augustinus ait,
securitas unitatis, nisi apud eccl-
esiam, quae supra montem posita ab-
condi non potest: & ideo necesse est
ut omnibus terrarum partibus nota sit.
Recte etiam est ab eodem Augustino
dictum, ubi ecclesia manifesta non est,
ibi ne Christum quidem manifestum esse
fieri posse: qui per Ecclesiam non solum
hominibus, sed principibus & potesta-
tibus in caelestibus innotescit. Nobis
itaque ecclesia lucerna est, super can-
delabrum posita, quam videant omnes,
qui in domo sunt. Quales nimirum An-
tiochemis fuit, cum disceperationis cau-
sa finiende Hierosolymam ascende-
runt. Qualem praescripsit Dominus,
ubi ait, Dic Ecclesiae, &c. Alioquin,
quibus ecclesia occulta est, quid ha-
bent illi facere, cum in graves inci-
dunt

Galat. 4.

cont. Param.

March 5.

ad Vincent.

1

Echec. 1.

Math. 5.

Act. 35

Matth. 23.

Aut de lege, ac religione controversias? Num animi pendere usque, & nullo firmo loco consistere? incerta nempe erunt omnia, si apud solos pios ecclesia est. In quocunque enim ecclesie iudicio excipiet is, contra quem sententia dicitur, quod iudices non sunt pii. Quamobrem qui ecclesiam iustum solum numero definiunt, si cum a malis ecclesie pastoribus omnem potestatem auferunt, tum iudiciorum ecclesiasticorum vires infirmant, nec ulla habere possunt ecclesie firma dogmata. Ac nisi Christus intelligeret, malos ecclesie suae non partes quasi haberet, sed primas etiam aliquando futuros, nisi quam illud profecto admoneret: Super cathedram Moysi sederunt scribae, & pharisaei: quaecunque dixerint vobis facite, secundum autem opera eorum nolite facere. Quid vero Paulus? Hic jam quaeritur, ait, inter dispensatores, ut fidelis quis inventatur. Mihi autem pro minimo est, ut a vobis iudicer, &c. Quod si necessarii essent boni mores, ut quis ecclesie pars, & admittere esse posset: non utique pro minimo haberet Apostolus ab hominibus iudicari: quippe ejusmodi iudicium cum Apostolica potestatis ruina cernebat esse conjunctum. Nunc autem videns ad dispensatoris potestatem illud non esse necessarium, quod Corinthii nonnulli requirebant, Mihi, ait, pro minimo est, &c. Jam, quot, quamque vehementes scrupuli, quanta confusio, atque perplexitas ipsis etiam dispensatorum animis injicerentur, si ex peccato ab ecclesia fierent protinus alieni, omnemque adeo ecclesie potestatem amitterent? Bene igitur subdit Apostolus: Sed nec incipimus iudicare, &c. Humanorum autem iudiciorum quanta temeritas, si ab animi virtute ecclesie partes, officiaque penderent? Ea propter adjunxit: Itaque nolite ante tempus iudicare, &c. Quantum vero schismatum quotidie in ecclesia videremus, dum unus alteri diceret, Tu non es de ecclesia, quia malus es: ego de Ecclesia sum, quia sum bonus? Dumque etiam quem hic damnaret, cum ille defenderet: quantum putas fore litium, iurgiorumque materiam? Praeclare itaque concludit Apostolus: Haec autem transfiguravi in me & Apollo, ne unus adversus alterum infletur pro alio, &c. Maneat igitur, ecclesie nomen fideles univer-

fos, probos, improbosque comprehendi. Quod in hoc capite suscepimus explicandum.

CAPUT IV.

Quanam sit ecclesie catholicae in fidei dogmate auctoritas.

DE Ecclesie nomine ea dicta sunt, quae cum necessaria viderentur, praeteriti a nobis nec poterant, nec debebant. Nunc ad rem ipsam, quae est in manibus, aggrediamur: ostendamusque Ecclesie auctoritatem tantum habere ad faciendam fidem virium, ut firmissima etiam theologiae argumenta suppediet. Hoc priusquam facio, admonere operae pretium est, ecclesiam non ipsam modo catholicorum concionem esse, quae per baptismum Christo & nomen dedit, & peculiaris, novaeque respublica consecrata est, verum etiam principes, ac praefectos ipsos ecclesiasticos, in quibus scilicet respublica hujus auctoritas potissimum residet. Nec id nos aut recenti opinione confingimus, aut fide scripturae testimonio asserimus. Praeclarum est Aristotelis illud: Civitatem id maxime esse, quod est in ea principale. Inde enim, quae principes, ac gubernatores, civitatis faciunt, & sentiunt, ea civitas facere, sentireque dicitur. Cujus rei in sacris illud exemplum est, Congregati sunt omnes majores natu Israel cum principibus tribuum, & duces familiarum in Hierusalem. Et inferius, Convertitque rex faciem suam, & benedixit omni Ecclesie Israel: omnis enim Ecclesia Israel stabat. Illud est etiam simile huic: Venit Moyses, & convocans majores natu populi, exposuit omnes sermones, quos mandaverat Dominus, Responditque omnis populus simul: Cuncta, quae locutus est Dominus, faciemus. Non est igitur, cur in hac significatione Ecclesie vocabulum fideles perhorrescant: quod haeretici facere solent in odium ecclesiasticae potestatis: quam Christus non penes populares, sed penes ecclesie sacerdotes, ac pastores esse voluit: ut alio & loco, & tempore, si facultas erit, explicabitur. Nunc scholae morem totam, quae hujus libri caput est, quatuor conclusionibus absolvemus. Sit ergo prima conclusio.

Ecclesie fides deficere non potest. 1. Conc. E.R.

Math. 23.

1. Cor. 4.

E. h. 9. c. 9.

1. Reg. 1.

E. sed. 19.

Oiez 1.

Oiez 1.

Cant. 1.

Matth. 11.

Psalm. 114. & 115.

Psalm. 47.

Luc. 1.

Isaie 59.

Psalm. 118.

Psalm. 131.

Hierem. 17. & 18.

Matth. 7.

1. Cor. 13.

Matth. 16.

Est enim sponsa Christi per fidem, sicut scriptum est: Desponsabo te mihi in fide. Quod si Ecclesie fides deesset, jam sponsi, sponsaque matrimonium dirimeretur: quorum tamen est indissolubilis, perpetuaque conjunctio. Sponsabo, ait, te mihi in sempiternum. Et Sponsa: Tenui, inquit, eum, nec dimittam. Et ille rursum: Ecce ego vobiscum sum, ait, omnibus diebus, usque ad consummationem seculi. Quo testimonio ad id probandum utitur Leo ad Augustam & Theodorum. Probate etiam Iudaei in decretis suis illo Psalmi testimonio: Circumdate Sion, & complectimini eam, quoniam hic est Deus noster in seculum: ipse reget nos in secula. Quod de Ecclesia Christi intelligi oportere, quicumque Psalmum legat, etiam me non demonstrante, intellectus est. Idem quoque ostenditur ex eo: Regnabit in domo Jacob in aeternum, & regni ejus non erit finis. Si ergo in aeternum ecclesia Christi manustinetur, Christi praesidio armatur, Christi virtute fulcitur, Christi sapientia regitur, fides protectio in ea permanebit, sine qua regnum Christi in terris nullum est. Confirmat autem hoc clarissima illa Isaie vaticinatio: Hoc factus meum cum eis, dicit Dominus, spiritus meus qui est in te, & verba mea quae posui in ore tuo, non recedent de ore tuo, & de ore seminis tui, amodo & usque in sempiternum. Huic & illa similis est, Dispositus testamentum electis meis, juravi David servo meo, Utique in aeternum praeparabo sementem tuam. Item, Elegit Dominus Sion, elegit eam in habitationem sibi. Haec requies mea in seculum seculi. Illa vero Hieremae est longe simillima, Ecce dies veniunt, dicit Dominus, &c. Praeterea vir sapiens describitur a Domino is, qui edificavit domum suam super petram. Christus igitur domum suam super petram fundavit. Quare nec pluvia, nec flumina, nec venti obstruere illam possunt. At fide stamus, ut ait Paulus: ecclesia igitur fidem semper habebit. Nam alias non stabit, sed ruet. Quod quod apertis verbis hanc fidei firmitatem ecclesiae suae Dominus pollicetur, inquit, Super hanc petram aedificabo ecclesiam meam, & portae inferi non praevalent adversus eam? Ecclesia igitur fidem non poterit vel infernus adimere.

Conclusio secunda. Ecclesia in credendo errare non potest. Nonnulli enim ecclesiae perpetuam fidem sic interpretantur, ut intelligant, Deum Ecclesiae esse praesentem itaque ad seculi consummationem: ne unquam vera illi fides, & charitas desit. Sed posse tamen probabiliter ignorare, rem unquamquamlibet, quae scilicet ignorata, non proinde ecclesiae fidem amitteret. Faciamus enim disputationis gratia, non esse a Deo revelatum, Divam Virginem ab originali peccato immunem extitisse. Nihil enim prohibet rem fictam exempli loco ponere, quod facilius res intelligatur: quamquam exemplum verum est, ut posterius ostendamus.

Ajunt ergo, quod quamvis ecclesia crederet, Sanctam Virginem fuisse sine peccato conceptam, idemque desiniret ab omnibus esse credendum: non tamen in eo fidei iacturam facere existimaretur. Nam licet falleretur, at error probabilis, & inculpatus fidem ecclesiae non excluderet. Cuius sententiae, si de facie consideres, videntur esse Glossa interlineares, sic enim vocant, in illud: Postea inferi non praevalent adversus eam: & D. Thom. in 4. dist. 6. quaest. 1. artic. 3. quaest. 2. ad 3. & Cardinalis Turrecmazata lib. summae ecclesiae 2. cap. 91. Et Alphonsus a Castro Zamoren. de iusta h. r. puni. lib. 1. cap. 11.

At re vera id nos superiore propositione constitutum, nempe Ecclesiam semper fidem habituram. Verum est hoc, quis negat? Sed praeterea Ecclesiam in fide errare non posse, sic a fidelibus accipiendum est, ut quicquid ecclesia tanquam fidei dogma tenet, verum sit: nec quicquam falsum, quod illa ait credit, aut docet esse credendum. Cum enim Corpus Christi sit, ut ad episcopos docet Apostolus, a suo certe capite movetur, ac regitur. Ecclesiae igitur error ad Christum auctorem refertur. Nullo itaque pacto errare in fide potest. Nam spiritus veritatis est huius corporis anima. Unus, inquit, spiritus, & unum corpus. Quod si spiritu veritatis ecclesia agitur, ad nullum errorem ne incipiens quidem, moveri poterit. Praeterea deinde promissionem habet ecclesia, quod nunquam sit a Christo deserenda, quin etiam spiritus ipsa omnem ducatur veritatem. Ego ro-

1. Concl.

Ephes. 4.

Ephes. 4.

Joan. 14.

H. 4.

Gibbo

gabo patrem, ait, & alium paracletum dabo vobis, ut maneat vobiscum in æternum, spiritum veritatis, quem vos cognoscetis, quia apud vos manebit. Et postea, Paracletus autem Spiritus sanctus ille vos docebit omnia, & suggeret vobis omnia, quæcunque dixerò vobis. Item, cum autem venerit ille spiritus veritatis, docebit vos omnem veritatem. Nec me fugit, quod hæretici argumentum hoc duobus modis eludere conantur. Primum enim, ejusmodi verba, ajunt, de solis Apostolis intelligenda, neque ad posteriores in ecclesia pertinere: mox affirmant, Christum non tantum numero duodenario conjunctum, sed Apostolis quoque seorsum singulis spiritum veritatis promississe. Imo ahis similiter discipulis, vel quos jam assumpsérat, vel qui postea accessuri erant. Nam si ejusmodi promissiones sic interpretemur, quasi nemini Christianorum data sint, sed universis simul ecclesie, nihil nos aliud, quam Christianis omnibus consolationem tollere, quæ inde ad ipsos redire eximia debuerat. Sed utraque juxta in re rustice, indocteque nigrantur. Principio enim, verba illa non modo ad Apostolos, sed ad successores etiam reterri oportere, ex eo ante omnia patet, Qui maneat vobiscum in æternum. Quod illi simile est, Ecce ego vobiscum sum omnibus diebus usque ad consummationem sæculi. Rursum ex eo quoque patet, Sanctifica eos in veritate: sermo tuus veritas est. Pro eis ego sanctificabo meipsum, ut sint & ipsi sanctificati in veritate. Non pro eis autem ego rogo tantum, sed pro eis, qui credituri sunt per verbum eorum in me: Atque promissionis hujus Isaias mihi videtur illustris non vates modo, sed interpres: Spiritus meus, ait, qui est in te, non recedet de ore tuo, & de ore seminis tui amodo & usque in sempiternum. Quem igitur spiritum veritatis Christus promissit Apostolis, ecclesie item post eos futura promissit: nisi velimus ecclesiam defunctis Apostolis fuisse a Domino destinatam: Imo vero ad eam nec concilia, nec præcepta evangelii pertinere. Siquidem quæ Dominus Apostolis loquebatur, hæc ad illos duntaxat, non ad futuros in ecclesia post eos spectare dicuntur. Quo quid stultius dici potest?

Jam secunda illa tergiversatio quam

vana etiam, & ridicula est? Si enim hoc ita communiter fidelibus dictum esse volumus, ut seorsum quadret in singulos, sequitur, cuicumque fidei spiritum veritatis sempiternum adesse, qui cum doceat omnem veritatem, suggeratque ei omnia quæcunque dicta in evangelio sunt. Sed cito, spiritum sapientie, intelligentie, lucis, veritatis omnes polleant: num inficias ire possumus, quicquid particulatim membrorum unicuique tribuitur, id penitus, & ad plenum corpori convenire? Quid ad hoc respondeat Calvinus, audiamus: Hoc, ait, tamen habet nonnullam veri speciem, verum tamen esse nego. O stultum hominem, & repugnantem manifestæ veritati. An ignorat, quæ Spiritus sancti dona singulis membris distribuuntur, in communi conferri omnia? An videt oculis, & non magis homo videt? An non lucerna corporis est oculus? Quid vero absurdius, quam membrum posse quicquam, quod corpus nequeat efficere, partem habere, quod non habet totum? Unicuique, ait, nostrum data est gratia secundum mensuram donationis Christi. Et ipse dedit quoddam quidem Apostolos, &c. ad consummationem sanctorum in opus ministerii, in ædificationem corporis Christi. Et posterius, Crescamus in illo, qui est caput Christus: ex quo totum corpus compactum, & connexum secundum operationem, in mensuram unicuique membri augmentum corporis facit in ædificationem sui in charitate. Membrum igitur, quoniam id, quod est, totius corporis est, nihil sibi vendicat proprium: sed ita in corpus omnia consert, ut magis corporis, quam membri actiones, perfectionesque esse videantur. Quocirca illud absurdum est, quod in scilicet, quibuscum nunc differitur, eam curam, quam debeat capere, non capiunt: eam capiunt, qua debent carere. Non enim probant, verba Christi minime ad ecclesiam attingere, probant attingere ad singulos: quod contra oportebat, si propositum illis erat argumenti vires infirmare. Nos sane, quemadmodum scimus animam actum & perfectionem esse maxime quidem corporis physici organici, secundo autem loco membrorum etiam singulorum: in quibus varias licet edat functiones, sed omnes illæ & corporis propriæ sunt, & pro-

Ephæ 4.

Joan 24.

Joan 24.

Matth 28.

Joan 17.

Isaïa 59.

pter corpus ipsum membris a natura tributa: Ita spiritum veritatis ad corpus primum ecclesie referimus, deinde propter ecclesiam ad singulas etiam ecclesie partes, non ex æquo, sed analogia, & proportionem quadam, juxta mensuram uniuscujusque membri. Unum corpus, inquit, & unus spiritus. Unicuique autem nostrum data est gratia secundum mensuram donationis Christi. Quenam vero hæc mensura Christi est? Secundum operationem, ait, in mensuram uniuscujusque membri. Spiritus ergo suo quidem modo singulis promissus est: ut magis doceat, doceat & parvulos. At parvulis lac potum dat, majoribus solidum cibum. Illis Christum loquitur, & hunc crucifixum; his loquitur sapientiam in mysterio absconditam. Verum singulis membris sic spiritus veritatis adest, ut non solum corpori universi non desit, sed corpori, quam membris prius, potiusque intelligatur adeste. Quin etiam, si veritas omnium membrorum donum est, tunc nimirum illa erit & firmior & certior, cum in eam omnia simul membra concurrerint. Quamobrem, si quid falsi haberet ecclesia tanquam fidei catholice dogma, nec spiritus Christi æternum cum fidelibus permaneret, nec eos omnem doceret veritatem: Quæ, nisi Christi sollicitationes vanas, & irritas facimus, vera rataque esse non possunt. Ac si dogma falsum ecclesia crederet, credendumve proponeret, quamlibet ex ignorantia id faceret, quomodo columna, & firmamentum esset veritatis? Certe si veritas in ecclesia humeris innixa est, deesse illi omnino non potest, nisi & Ecclesie sue Christus, & Christo ipsa veritas desit. In summa, si ecclesia posset in fidei questione falli, librum quoque ut divinum recipere posset, qui tamen a Deo non fuisset. Cum sit eadem ratio de uno libro, ac de unoquoque dogmate. Quare non valeret argumentum, Ecclesia habet evangelium Matthæi pro canonico, ergo canonicum est. Quod quoniam impiissime & absurdissime diceretur, illud nos dicamus potius, recte fideles ecclesiam catholicam credere, non solum in eo sensu, ut ecclesie catholice fides deficiat nunquam: sed in eo etiam, ut nihil ipsa credere aut docere possit, quod sit veræ fidei contrarium. Subdole autem atque ver-

sute mentem nostram Calvinus, Bucerique interpretantur. Quasi in eum sensum ecclesiam negemus errare posse, quod spiritus favore, ac presentia freta, quocunque volet pergere, tuto etiam sine verbo incedat. Proinde, si quid præter Dei verbum errasset, statuerit, finierit, id habendum esse non alio loco, quam certum Dei oraculum. In hoc igitur discrimen esse ajunt, quod nos ecclesie auctoritatem extra verbum Dei collocamus: ipsi verbo annexam volunt, nec patiuntur ab eo separari. Laborat autem Calvinus vehementer in iis locis colligendis, in quibus Propheta, Apostoli, atque adeo Christus ipse nihil ex se attulisse, sed de ore Domini locuti fuisse memorantur. Constat multo æquius esse ecclesiam Christi discipulam, ab eis ore assidue pendere; nec ex se sapere, & cogitare quicquam, sed statueret sapientie sue terminum, ubi loquendi finem ille fecerit. Sanctissime enim Chrysostomus: Multi, inquit, Spiritum sanctum jactant, sed qui propria loquuntur, falso illum præterdunt. Ut Christus non a seipso loqui se testabatur: ita si quid præter Evangelium sub titulo spiritus obtrudatur, ne credamus. Sane Christus nihil plus de suo spiritu denunciat expectandum, quam ut mentes illuminet ad percipiendam doctrinæ sue veritatem. Spiritus, ait, ducet vos in omnem veritatem. Sed quomodo? Quia suggeret omnia, quæcumque dixero vobis. Hæc omnia Calvinus. Nam Bucerus dixit multo etiam indoctis, tunc esse ecclesie credendum, cum pronunciat sonandum scripturas recte intellectas. Sed hoc cum dicit, omnia facit ambigua, quæ sint ab ecclesia definita. Si enim aliter potest pronunciare, quam scriptura sane intellecta exigat: excipimus semper, ecclesiam in eo falli, quod falso scripturam intelligit. Eoque vero iudex erit, an ecclesia scripturam rite an secus interpretetur? Nihil igitur asserunt, qui ecclesie auctoritatem non absolvent, sed ex conditione ponunt. Si namque ad eum modum res habet, & mihi quoque fides habenda est, quando pronuncietur secundum scripturas recte intellectas. Id enim est non mihi, sed scripturæ credere. At absolute, non ex conditione populus Domino credidit, & Moyse servo ejus. Absolute etiam Pro-

Ephes. 4.

1. Cor. 3.

1. Cor. 3.

1. Tim. 3.

1. Tim. 4. 5.
& adorando Spiritum

Joan. 16.

Evangel. 146

Hierem. 41.

Matth. 18.

Libro 7.

phetis & Apostolis populi crediderunt. Quale vero effect Prophetis Apostolorum loquentibus fidem ea exceptione detrudere, quod perperam Dei verba intellexerint? Quale item effect, si illa quoque exceptio adiceretur: Mandatum tu loqueris, non misit te Dominus Deus noster? Ac valde mirum est, tam nihil esse fronteis istis nebulonibus. Quid enim tandem auctoritatis in ecclesia erit, si in omni dogmate, lege, definitione, dupliciter eludi potest, quod aut sermonem ipsi suum effecerat, aut, si sermo Domini sit, non sane intellectum? Sed redco ad Calvinum, qui cum sibi vulgatum illud Domini testimonium objecisset, Si ecclesiam non audierit, sibi tibi sicut ethnicus & publicanus, facetur demum ecclesiam audiendam esse, ut quæ nunquam nisi in veritatem Dei consentiat, nihil nisi ex verbo Domini pronunciet. In hoc se iustificare, non licere ecclesie novam doctrinam concedere, & plus pro oraculo tradere, quam quod Dominus verbo suo revelavit.

Verum enimvero inter suos huc mirifice garrit, & vel stulte ignorat, vel malevole mentitur, cum dicit, nos id pro oraculo fidei habere, quod homines sine Dei revelatione censuerint. Nos sane fidem nostram indivisio nexu cum verbo Dei conjunctam esse volumus, nec ullum ecclesie assensum fidei utique hincque sustinemus, nisi quem a Deo existisse habemus cognitum, & firmo conceptum animo. Sed illud quoque certo nobis persuasum est, Dominum ecclesie lux perpetuo ac continenter adesse, & eam spiritu suo regere, ne quicquam pro fidei doctrina tradat, quod non idem fuerit Apostolis a Deo traditum. Ita omnes prophanas novationes execramur, omneque illud in fidei iudicio respicimus, quod non Apostoli ecclesie traderint. Non ergo in hoc, sed in eo potissimum cardine questio versatur, quod Lutherani negant ecclesiam quicquam sine scripto ab Apostolis accepisse: nos contra plura esse accepta asseveramus. Quod de multis alias sepe diximus, & dicemus multa posterius. Quamquam in superiore lib. adeo plene ac copiose questio hæc explanata est, ut nihil prætereā desiderandum esse videatur. Ipsa mihi veritas manum iniecit, & pauper consilire & cominorari coegit: dum priores conclusiones, explico. Ce-

lerius proinde in posteriores incurrendum.

Sit igitur tertia conclusio. Non solum ecclesia antiqua in fide errare non potuit, sed ne ecclesia quidem, que nunc est, quæve futura est usque ad consummationem seculi, errare in fide aut, potest, aut poterit. Hæc conclusio partim ostensa est in libri secundi capite septimo: partim ex his, quæ dudum diximus, comprobatur. Nam pollicitationes Christi de præsentia sua, de spiritu veritatis, de regno ipsius sempiterno, de corpore cuius ipse erat futurus caput, non ad ecclesiam modo, quæ fuit tempore Apostolorum, verum etiam ad Ecclesiam catholicam, quæ futura erat in seculi finem, pertinere necessum est. Id quoniam ex argumentis, quæ prioribus conclusionibus confirmandis posita sunt, manifeste colligitur: vanum profecto erit, aut adu agere, si eadem argumenta repetimus, aut, si nova ponimus, uti in re non dubia rationibus minime necessariis. Certe qui ecclesie presenti spiritum veritatis negare prætenderit, is negabit eidem potestatem ligandi atque solvendi, negabit sacramenta & sacerdotium, omniaque adeo spiritus sancti elisamata. Ita nunc ecclesia Christi adnatum nomen contrahetur, erique sine re vocabulum conimentum. Verum de tertia conclusione hæcenus.

Quarta conclusio. Non solum ecclesia universalis, id est, collectio omnium fidelium hunc veritatis spiritum sempiternum habet: sed eundem habent etiam ecclesie principes ac pastores. Diximus enim, ecclesie vocem & pro populo fidei, & pro ecclesie pastoribus usurpari. Priores itaque conclusiones illud astruebant, quicquid ecclesia, hoc est, omnium fidelium consilio teneret, id verum esse. Hæc autem illud affirmat, pastores ecclesie & doctores in fide errare non posse; sed, quicquid fidelem populum docent, quod ad Christi fidem atineat, esse verissimum. Hanc conclusionem max ostendam, si prins adnumerato, pastores nuntius & alterius, item errorem pastorum omnium, fidei non derogare: Sicut ne paucorum quidem fidelium error fidei derogat populi Christiani. Pastores igitur ac doctores omnes a fide nunquam posse aberrare contendimus. Sic est sane.

Id primum, mea sententia quidem, ma-

3. Concl.

4. Concl.

Epheſ. 4.

manifeſte demonſtrat illud Apoſtoli teſtimonium, Et ipſe dedit quosdam Apoſtolos, quosdam autem Prophetas, alios vero Euangeliſtas, alios autem paſtores & doctores ad conſummationem ſanctorum, in opus miniſterii, in ædificationem corporis Chriſti: donec occurrant omnes in unitatem fidei, & agnitionis filii Dei, in virum perfectum: ut jam non ſimus parvuli fluctuantes, & circumferamur omni vento doctrinæ in nequitia hominum, in altitudo ad circumventionem erroris. Sane ſi paſtores ac doctores hinc atque illuc errant, a recte fidei tramite diſcederent, oves perfecti ipſæ etiam errarent, nec aliter, quam ſine paſtore diſperſæ vagarentur. Cum paſtor enim per abrupta gradiatur, necelle eſt, quod Gregorius ait, ut per præceptum grex ſequatur. Nec fieri poſſit, niſi ut membra reliqua eo deleantur, quo & oculi ſuam vim atque aciem intenderint, & caput ſcie inclinaverit atque deſlexerit. Bene ergo Paulus, ne populus variis doctrinæ ventis circumeratur, divinæ procuracionis eſſe aſtruit, doctores & paſtores eccleſiæ dare: quorum videlicet auctoritate, plebs ſua natura concitata atque mutabilis, in fidei conſtantia ſuperno munere contineatur. Quod ſi nullum eccleſiæ ſux paſtorem daret Chriſtus, jam ſine dubio ovile ſuum paſtor bonus ille deſereret. Atqui multo melius eccleſiæ eſt nullos habere, quam errantes habere. Si igitur paſtores adunum omnes a veritate diſcederent, oves ſuas Chriſtus vel maxime deſtituiſſet. Præterea, ſi paſtores omnes in errore aliquo verſarentur, iſdem omnino populum aut de ſtatu ſuo, & ſede moverent, aut certe nutare facerent, vacillare, fluctuare. Ita domus Chriſti non eſſet columna & firmamentum veritatis. Faciamus inſuper omnes ſimul episcopos in eamdem ſententiam convenire, hancque populo rudi credendam proponere: tunc rogo, an populus hos ſequi debeat, an non? Si debet, cum errantibus ergo ſacerdotibus & episcopis plebs quoque erret neceſſe eſt. Quare ſacerdotum omnium error, totius erit error eccleſiæ. Sin autem populo omnium paſtorum doctrinam levem exiſtimare licet, vide quæſo, an hac ſententia abſurdior alia dici, aut exiſtimari poſſit. Si enim hinc paſtores, inde oves in contrarias par-

tes ſeparantur: corporis compachi ac per omnem juramentum connexi diſjunctio, omnem eccleſiæ diſtrahet unitatem; & non ſolum inter optimates & populum conſtitutum a Chriſto ſocietatem evertet, ſed communem etiam inter ſe fidelium conſociationem dirimet, cujus conſociationis arctiſſimum vinculum fidei eſt conſpiratio eadem & conſenſus partium non diſſuſus. Divulſus autem omnium erit, ſi populorum membra a ſuis capitibus diſſellantur. Atque ubi ſemel plebs rudis a doctorum ſuorum communi ſententia declinaverit, quorum doctrinam poſtea ſecutura eſt? Si ſalem abjecerit, in quo ſalietur? Si a luce mentis aciem abduxerit, quid niſi tenebras intuebitur? Si oculus eſt malus, nonne & corpus tenebroſum erit? Ubi vero illud, Super cathedram Moysi ſederunt Scribæ & Phariſæi; quodcumque dixerint vobis, facite? Anne meliore ſtatu & conditione Scribæ & Phariſæi erunt, quam eccleſiæ Chriſti paſtores ac doctores? Certe, ſi præſentibus ſolum, & non item futuris Dominus loqueretur, ut auctor impericuli argumentatur, dicta illa fuiſſent, non ſcripta. Dicta ſunt autem propter illos, ſcripta propter iſtos. Ad hæc, veritas fidei in catholicorum controverſis, quemadmodum in ſecundo libro conſtituimus, librisque etiam quinto & ſepſimo confirmandum eſt, non eſt a populo quærenda: Tum quoniam id eſſet operis infiniti, ut ad quæſtionem unamquamlibet decernendam, omnium ſententia fidelium rogaretur: Tum etiam quoniam, ut fieri id commodiſſime poſſet, non deceret tamen aut ceerdonum, aut muliercularum ſigillatim inquirere & expectare judicium. Sive enim unumquemque ſeorſum interroges de quæſtione, quæ in dubium venit, ſeu univerſos velis in concilium cogere, ridicula ſane ſitura ſit hujus generis inqueſtione. Ita per eccleſiæ auctoritatem nulla penitus controverſia finiretur, ſi ad eam finendam totius conſenſum plebis requirere deberemus. Addendum eodem eſt, quod jam pridem diximus, quædam ad doctrinam fidemque eccleſiæ pertinere, quæ populares præſors ignorant. Ut, Patrem & Filium eſſe unum principium Spiritus ſancti, Animam intellectuale eſſe formam ſubſtantialem humani corporis, Librum Eſther eſſe canonicum, aliaque ſimilia. In quibus

Matth. 5.

Luc. 11.

Matth. 23.

Hom. 62.
in Matth.

1. Tim. 3.

sententiam populi requirere tam est absurdum, ut non in sapientium modum animos, sed ne in stultorum casum sit: Nec enim placere cupimus potest, tantas res imperiti vulgi calculis iudicari. Præterea in epistola Ephesini concilii ad Nestorium, id a Nestorio, si facere satis ecclesiæ vellet, exigitur, ut iure jurando fateatur, sentire se & docere, quæ universi per orientem & occidentem episcopi præfidesque populorum crederent ac docerent. Quæ eadem epistola comprobata etiam est a sexta synodo, actio. 11. In concilio item Triden. sessio. 3. definitum est, ecclesiæ esse judicare de vero sensu & interpretatione scripturarum. At totam fidelium congregationem de re ejusmodi velle iudicium ferre, insanum esset. Pastores igitur ecclesiæ ac doctores illi sunt, ad quos id genus iudicia pertinent. Atque Egesippi diligentissima fidei inquisitio Eusebii Cæsariensis literis celebrata est, qui cum Romam pergeret, non popularium sententiam de fide requisivit, sed satis sibi fecisse ad fidei suæ confirmationem visus est, si cum episcopis per loca singula in sermone congressus, omnes ejusdem fidei prædicatores doctoresque reperiret. Irenæus rursus cum ecclesiæ auctoritatem hæreticus objicit, episcoporum tantum sententiam objicit, secundum seriem ab Apostolis succedentium, horumque sensum & fidem, ecclesiæ sensum & fidem existimat, & illis qui refragetur, cum ecclesiæ refragari. Cyprianus item in lib. de simplicit. prælat. An esse sibi, inquit, cum Christo videtur, qui adversus sacerdotes Christi facit? qui se a cleri societate fecernit? Arma ille contra ecclesiam portat, contra Dei dispositionem repugnat, &c. qui contemptis episcopis, & Dei sacerdotibus derelictis audet, &c. Et in ep. ad Papiam, Christus dicit ad Apostolos, ait, ac per hos ad omnes præpositos, qui Apostolis vicaria ordinatione succedunt, Qui vos audit, me audit, & qui vos rejicit, me rejicit. Et posterior asserit, ecclesiam non esse multitudinem contumaciam, sed plebem sacerdoti adunatam, & gregem suo pastori adhaerentem. Unde qui cum episcopis non sint, eos in ecclesia non esse, frustra que sibi eos blandiri, qui pacem cum sacerdotibus non habuerint: cum ecclesia, quæ catholica una est, scissila

non sit, sed connexa, & cohærentium sibi invicem sacerdotum glutino copulata, &c. Augustinus deinde, quoniam longum est omnes commemorare, cum adversum hæreticos ecclesiæ auctoritate nititur, episcopos Apostolis ad sua usque tempora succedentes plane intelligit.

Lib. 18. c. 61.
Falsum
est & 1. 11.
cap. 6.

CAPUT V.

Adversus hanc postremam conclusionem objectiones quædam.

Atque in harum conclusionum & explicationem & confirmationem abunde hæc dicta sufficerent, nisi huic postremæ illud a quibusdam Theologis objiceretur: quod tempore dominicæ passionis Apostoli omnes Christi fidem amiserunt, quo fieri, ut & episcopi omnes Apostolis succedentes possint Christi fidem amittere. Nam quod eo temporis in sola beata virgine fides permanerit, candela, inquit, illa significat, quæ in officiis eorum dierum sola non extinguatur, unde discipuli lumen, quod amiserant, receperunt. Quoniam autem ratio hæc infirma illis etiam videbatur, eandem omnino rem & sanctorum veterum, & scripturæ sacræ testimonium confirmant.

Primum ergo argumentum ex illo trahitur, quod per Matthæum Dominus dicit: Omnes vos scandalum patiemini in me in ista nocte: scriptum est enim: Percutiam pastorem, & dispergentur oves gregis, id est, ab unitate fidei solvantur. Sic enim glossa interlinearis exponit.

Secundum, ex eo, quod apud Lucam legitur, verba mulierum nuntiantium Christi resurrectionem viis Apostolis esse quasi deliramenta.

Tertium, ex eo, quod Marcus tradit, Christum exprobrasse omnibus Apostolis incredulitatem, & duritiam cordis.

Quartum ex August. in illud Psalmi: Deiecerunt oculi mei, Omnes, inquit, discipuli desperaverunt, quod ipse esset Christus. A latrone Apostoli victi sunt, qui tunc credidit, quando ipsi deiecerunt. Refert etiam Cardinalis Turrecremata in hoc idem Ambrosii, Hieronymi, Gregorii, Isidororum.

Verum difficile est, de eorum faci-

Cap. 61.

Cap. 14.

Cap. 16.

Psalm. 68.

Lib. 1. summa
c. 61.

Resp. ad
Argu.

Psalm. 118.
eccl. lib.
c. 12.

Lib. 1. c. 1.
lib. 4. c. 41.
& 61.

Non lib. 4.

Psalm. 118.
lib. 1.

litate, perinde ut causa postulat, dicere: qui huiusmodi argumentis permoti, Apostolos in universum omnes fidem perdidisse ajunt. Id quod non cum ratione solum, sed etiam cum sacris literis pugnat. Nam, ut de Petro raceamus, cujus fidem non desecisse, posterius demonstraturi sumus, adhuc opinio illa de cæteris Apostolis non modo non certa, sed ne probabilis quidem est. Discipuli, inquit, abierunt in Gallilæam in montem, ubi constituerat illis Jesus: & videntes eum adoraverunt, quidam autem dubitaverunt. Quidam, ait, non omnes. Video autem hanc dubitationem a nonnullis non ad Apostolos, sed ad alios nescio quos discipulos referri: sed mihi semper Theophylasti magis ac Remgii sententia placuit, qui illam docent ad tempus, quo Christus ante discipulis apparuerat, referendam. Id quod Marcus, ut opinor, intellexit, cum ait, Increpavit incredulitatem & duritiam cordis, quia iis, qui viderant eum resurrexisse, non crediderant. Sive enim apparatus hæc, quam Marcus scribit, in die Ascensionis fuerit, ut multis placeret, sive antea, quemadmodum nonnullis etiam videtur, dubitandum non est, quin eas increpationes hic Marcus recapitulando pertrinxerit, quas sparsim alii Evangelistæ conscripserunt. Quia iis, inquit, qui viderant eum resurrexisse, non crediderant. Constat autem ex aliis Evangelistis, incredulitatem & duritiam cordis ex ea scilicet causa, quia his, qui viderant Christum surrexisse, non est creditum, non ad omnes Apostolos pertinere. Petrus namque & Joanne audito nuntio cucurrerunt ad monumentum: ac Jacobus juxta Hebræorum evangelium ab hora, qua biberat Domini calicem, juravit se non comesturum panem, donec Christum videret resurgentem: ut auctor est Hieronymus in catalogo scriptorum ecclesiasticorum. Non igitur omnes Apostoli fidei jacturam fecisse credendi sunt: nisi, quod absurdum est, omnes infideles fuisse credideris. Non enim fides semel a Christiano suscepta, nisi per infidelitatem tollitur. Illud absurdum, hæreses notam Apostolis universis inurere. Quod qui faciunt, idque sine idoneis & urgentibus causis, hi non solum illis, sed Christo etiam & ecclesiæ injuri sunt. Jam argumen-

ta illa infirma esse quis non vider, quæ auctores illius opinionis subjecerunt? Quæ quidem partim a nobis ante constituta sunt, partim uno nunc verbo constitutabuntur. Si enim quicquam probant, id solum probant, Apostolos in fidei confessione desecisse, aut etiam in fide viva, quæ per dilectionem operatur. Huc vero referri potest consuetudo illa ecclesiastica extinguendi omnes cereos, præter unum. Quanquam Rupertus libro de divinis officiis & asserit, extinctos cereos priores significare Prophetas a Judæis interemptos: ac cereum illum, qui ad breve tempus absconditur, significare Christum. Sane vero etiam si Apostoli tunc temporis fide caruissent, nihil tamen contra conclusionem haberetur. Nam, ut Augustinus adnotavit, tunc Apostoli desecrerunt, cum nondum erant duces ecclesiæ: nec illud impletum fuerat: Ego confirmavi columnas ejus: Unus ergo tunc erat pastor Jesus Christus. At Petrus ac reliqui Apostoli posteaquam a Christo pastores constituti sunt, sine controversia fidem semper Catholicam tenuere. Ceterum, quod hæretici calumniantur, pastores ecclesiæ homines esse, fallereque proinde, ac falli posse: argumentum exiguum sane atque mendicium est. Aliud quippe fuerit de humanæ naturæ imbecillitate disputare, aliud de divina gratia & providentia, qua homines in veritate fidei continentur. Tota namque simul fidelium concio homines sunt: Prophetæ item, Apostoli, & Evangelistæ homines erant, sed quoniam spiritum veritatis accepere, in falsam fidei doctrinam venire non poterant. Sic ergo & ecclesiæ doctores universi homines quidem sunt, sed quoniam divino spiritu gubernantur, & aguntur in vera dogmata, nequeunt in falsa declinare.

Illud autem, quam ineptum, quam frivolum, quam ridiculum? quod quidam interpretantur, ideo nos in ecclesiam non credere, quia homines sunt: omnis vero homo mendax. Non est hæc illa profecto causa, quæ gravissimos viros adduxerit, ut in ecclesiam credendum esse negarent. Sed antiquior & pulchrior, & ab auctoribus ipsis protecta alia causa est. Augustinus quippe, Credimus, ait, Petro, credimus Paulo, in Paulum aut Petrum non credimus: credere enim in eum,

Lib. 6. c. 10.
Ritmo.

Matt. ult.

Ann. eusebii
de hist. eccles.
lib. 3. c. 61.

In Psal. 113

In Psal. 113
de trad. 113
in Joan. de
pen. dñi 3.
de ex. pñe
m. 113.

eum, est credendo amare, credendo in eum ire. Hactenus Augustinus. Et Ruffinus: Non dicitur, inquit, in sanctam ecclesiam, sed sanctam ecclesiam credendam esse, non ut Deum, sed ut ecclesiam Deo congregatam. Hac itaque præpositionis syllaba creator a creaturis secernitur. Hæc ille. Ob id igitur auctores hi non admittunt, ut in ecclesiam credamus: quia ecclesia fidei nostræ finis non est.

Existit autem hoc etiam loco quædam quæstio subdilectis. Cum enim a Hieronymo dupliciter ecclesia dicatur: & ea quæ non habeat maculam aut rugam, & vere corpus Christi sit: & ea, quæ in Christi nomine, absque plenius virtutibus, imo cum vitis quibuidam admixtis, congregetur: unde nobis constare poterit, utronam modo nomen ecclesie capiat, cum dicitur columna & firmamentum veritatis? Heretici siquidem quicquid in scripturis proditum est, quod ad ecclesie vel auctoritatem spectet, vel veritatem, id totum non in posteriore sensu, sed in priore accipiendum cavillantur. Concedunt itaque spiritum veritatis ecclesie sanctorum: ecclesie, quæ malos habeat permixtos, non concedunt. Nec ea se solum ratione tuerent, quod in voce ambigua liberum est utralibet significationem eligere: sed argumentis aliis in id etiam incumbunt, ut hoc loco & quæstione, ecclesie nomen non aliter usurpandum esse persuadeant. Illud primum est, quod Hieronymus sentit, ecclesiam in secundo significato abusive dici: ut fortis, inquit, prudens, castus, iustus & temperans, interdum plene pro his, qui perfectæ virtutis sunt, interdum abusive pro his, qui sunt incipientes, accipiuntur. Si ergo prior significatio propria est, posterior impropria: commodius sine dubio ecclesie vocem in illa priore, hoc est, pro iustorum concione usurpabimus. Rursus cum Apostolus illa dicat: Ecclesia subiecta est Christo: & Christus dilexit ecclesiam, &c. & Christus caput est ecclesie, ipse salvator corporis ejus: vox illa pro sanctorum congregatione accipitur, ut Hieronymus, Augustinusque interpretati sunt: quid igitur cause erit, cur alter accipiamus, cum ecclesiam scribit Apostolus columnam esse ac firmamentum veritatis? Præterea, encomio illo nobilitavit Paulus non ecclesiam quamvis

bet, sed eam, quæ esset domus Dei. At domus Dei soli iusti esse creduntur, ut etiam Augustinus ait: non ergo columna veritatis est, nisi ecclesia sanctorum. Præterea, Augustinus disserte docet, domum ecclesiamque Dei, quæ in bonis solum fidelibus est, & sanctis Dei servis, eam esse, quæ edificata est supra petram, quæ etiam claves accepit ac potestatem solvendi & ligandi. Eadem ergo domus Dei est, quæ est columna & firmamentum veritatis. Quamobrem, si pastores, qui ecclesie sibi nomen vendicant, mali sunt: non ad eos hæc & alia similia pertinent. Quod & Augustinus idem multis aliis locis confirmat. Quæ si vera sunt, non solum conclusio illa postrema, quæ nunc expenditur, sed reliquæ omnes funditus everuntur: & quicquid omnino hoc nobis loco constitutum est. At vero, quamquam in eam sententiam hæc & alia plura ab hereticis disputantur, nos tamen ecclesiam sequi oportet, & ab omni, quod abhorret ab ipsius approbatione, fugere. Primum autem hoc intelligendum puto, quæ nunc ab illis defensionis ratio viaque tentatur, eam non modo nostras rationes evertere, sed ad id etiam deducere, quod fidei catholice rerumque omnium publicarum nature dissonum atque inimicum sit. Si enim spiritus veritatis solum bonis a Christo est in Evangelio promissus: ceteræ quoque promissiones ad ecclesiam, quæ ex solis iustis constituitur, pertinebunt. Quocirca, dicendum est enim sepius, nec legum ferendarum auctoritas, nec clavium potestas, nec peccatorum remissio, nec doctrinæ vis, nec sacerdotii religio, nec ulla omnino publica Evangelii facultas, nisi in ecclesia omni ex parte bona invenitur. Cum vero in Ecclesia catholica, quæ inde ab Apostolis fuit, semper fuerint mali bonique permixti: in ea nimirum nulla fuisse firma fides, nulla certa veritas, nulla expressa potestas, nulla solida auctoritas. Ita omnia, quæ vel pontificum, vel conciliorum, vel totius etiam ecclesie consensione decreta ac definita sunt, nullas omnino haberent vires. Sive enim excipias, eos non esse iustos, sive, ut iusti sint, esse tamen nobis incognitos: utralibet via & modo illorum dogmata, scita, leges eludes: Erutque quemadmodum supra diximus, res Christi publica

omnium

In comm.
ad Galat.

Lib. 7. cont.
Donat. c. 56.
24. 3. 1. 0.
minibus.

ibidem.

Li. 6. 1. 1. 0.
Donat. c. 18. de
1. 5. 2. 1. 0. &
2. 1. 6. 2. 1.
1. 5. 1. 1. 0. 1.
remissio-
nem. de
con. d. 1. 1.
Quomodo
exadit.

omnium, quæ fingi possunt, stultissime, atque absurdissime constituta.

Itaque sit verum illud, quod initio dixi, spiritum veritatis, fidei catholice fulcrum, ceteraque Spiritus sancti charismata ei ecclesie esse & promissa, & data, quam Apostoli sua doctrina, miraculisque fundarunt, ad quam iidem suas conscribere epistolas, quam in terris semper habuit Christus, quam sacre literæ apte, prudenterque describunt ex bonis ac malis piscibus, ex frumento & zizaniis, ex tritico & palea, ex fatuis sapientibusque virginibus, & servis probis improbisque constantem. Hæretici ergo ecclesie nomen sibi habebant invidiosum, & obscurum, eamque ecclesiam interpretentur, quam adhuc nemo est mortalium intuitus: nos autem ecclesiam ex consuetudine tum divini sermonis, tum etiam vite nostræ interpretemur. Nec metiamur eam, ut superbi, & arrogantes, verborum magnificentia: sed ecclesiam eam, quæ habetur, existimemus, illam autem omittamus, quæ omnino nusquam reperitur. Homines enim sumus, remque proinde publicam, quæ est in hominum usu vitæque communi, non eam, quæ fingitur, sperare debemus. Quæ omnia sic a me dicta existimari velim, non ut nulla in terris sit coram Deo honorum multitudo, atque collectio, quæ & ecclesia, & sponsa, & amica Dei in sacris literis nuncupetur: sed ut eos nos a malis in domo & ecclesia Dei minime separemus, ubi vasa aurea & argentea sunt, lignea quoque & fictilia: non in honorem omnia, sed quædam vel in contumeliam. Verum hæc explanata sunt ante satis, ut arbitror, diligenter. Jam argumentis illis respondeamus, quæ modo suggestimus: nam iis, quæ a principio libri huius sunt posita, capite sequenti, eodemque postremo respondebimus.

In voce, inquit, ambigua licet & multis unum quolibet significatum accipere. Minime, inquam, gentium. Sed antecedentia primum, & consequentia spectanda sunt: deinde considerandum, quæ natura rerum sit, quid cohereat, quid repugnet, multaque omnino alia, quæ nos in tertiodécimo libro accuratius, & exquisitus persequemur. Quod si, ubi dona ecclesie Christus pollicetur, continendis in officio ac veritate fidelibus necessaria, ea nos ad latet

tia solum & invisa membra referimus: inaniam profecto essent dona illa, parumque ad communem utilitatem accommodata. Quin, ut supra ostensum est, noxia essent, ac perniciosæ valde, quippe quæ perditissimis quibusque civibus & dissidiis præberent perpetuas causas, & in omnibus omnino flagitiis impunitatem ac licentiam tempernam. Jam vero si ratione duce, ac magistra cum injurium principi bono & sapienti censemus, qui illius privilegia sic interpretatur, ut non solum frustra, sed in perniciem concessa esse videantur; quanto magis ille, erit Christi iniquus, pravus, & malitiosus interpres, qui gratias & favores, quos reipublicæ suæ promissit Christus, in eum sensum acceperit, qui non modo vanitatem præ se ferat, sed afferat vel exitium? De ecclesia igitur, quæ bonos simul, malosque complectitur, locus ille Pauli, extrenque similes intelligendi sunt. At talis concio ac cæus abusive ecclesia dicitur. Id primum nego. Nec enim de forti, prudenti, iusto, ac temperanti eadem est causa. Fateor siquidem cum Hieronymo, ejusmodi virtutum vocabula ad incipientes atque imperfectos, non nisi per abusum traduci posse. Quoniam vera virtutis definitio non illas inchoantes, & ut ita dicam, informatas dispositiones, sed habius plane absolutos atque perfectos exprimit; quemadmodum Aristoteles, D. Thomas, ac reliqui viri Philosophi tradiderunt. At ecclesie vox nihil tale indicat, quale isti fingunt, unde malos ab eo cœni excludamus, qui ecclesie sibi nomen proprie vendicat. Quamobrem nulla est improprietas, nullus abusus, si ecclesia etiam nuncupetur, quæ in uno baptismo, una fide, una religione, improbos habeat probis admixtos.

Quoniam aliter deinde respondere possumus, Hieronymum de Ecclesia Christi in eum sensum fere loqui, in quo populum Dei, domum Dei, servos Christi propemodum usurpamus. Fit enim nescio quomodo, ut casus gignendi additus, ad bonos potissimum vocum illarum intelligentiam deducatur. Ita si ad ecclesiam vitio depravatam referantur, abusus fortasse nonnullus est; qui mente magis concipi, quam verbis significari potest. Nam & populus Dei ille in sacris literis dicitur frequentissime, qui Deo peculiariter di-

cat

Dupliciter
homo Dei
dicitur. S.
Tho. 1. p. q.
44. a. 4. ad 1.

camus est, in quo scilicet Dei fides viget, ac cultus; quamvis in eo sint aliqui peccatores. Sed ad Hieronymi testimonium satis.

Ad id vero, quod subjunctum est, capite frequenti respondebimus, ubi explicabitur, quoniam sensu ad Ephes. 5. Apostolus ecclesiam nominavit. Quod autem domus Dei etiam illa sit Domus magna, in qua sunt vasa aurea, & argentea, lignea quoque & fictilia, non est necesse demonstrare. Id tamen, etsi perspicuum est, ad suum tempus reservamus, cum primi capitis argumenta diluentur. Jam, quod postremo loco ex verbis Augustini obijciatur, id caute & legendum, & audiendum est; quemadmodum ante nos viri ecclesiastici admonuerunt. Possunt enim verba illa duplicem sensum ingerere. Unum, ut soli iusti intelligantur Christi & ecclesie administrari esse, soli remittere peccata, soli ecclesiasticam habere & auctoritatem & potestatem. Quem sensum constat non rationi solum, sed ecclesie, fidei, sacrisque etiam literis repugnare. Sed de hac re non est hujus aut loci, aut institui differere. Alter ergo sine dubio Augustini sensus est; ut soli iusti dicantur claves regni caelorum, potestatem ligandi ac solvendi, spiritum veritatis, & reliquas spirituales gratias accepisse; quod universa dona hæc non propter malos, sed propter bonos & promissa & collata sint. Sic enim quæ œconomis, ac dispensatoribus paterfamilias tribuit in familie commoditates distribuenda, non œconomis hæc, sed familie ipsi tributa esse intelliguntur.

Sic quæ episcopis, & clericis populus dedit in pauperum expendenda usus, ea non episcopis, & clericis, sed pauperibus dicitur contulisse. Sic etiam, si princeps homini ignoto quicquam ob amici sui preces meritumque donarit, id jure ac vere dicit se non homini ignoto, sed amico, donasse. Ad quam omnino legem illa quoque explicanda sunt, quæ ex Augustino contra Petri, & successorum ejus auctoritatem afferuntur. Claves non unus homo Petrus, sed unitas accepit ecclesie. Item, potestatem ligandi, ac solvendi Petrus cum omnibus tanquam personam gerens ipsius unitatis accepit. Item, ecclesie claves datæ sunt, cum Petro datæ sunt: & cum ei dicitur, ad omnes dicitur, Pasce oves me-

as. Quæ omnia, ut opinor, nihil aliud significant, quam Petrum ac ceteros ecclesie ministros, nec sibi, nec ob sua merita, sed ecclesie, obque ecclesie causam, claves reliquaque Evangelii publica munera accepisse. Quanquam priora illa scio aliter ab aliis interpretari. Sunt enim qui ea referant ad usum potestatis, quem mali, quia legitimum habere non possunt, dicuntur non habere. Alii referunt omnino ad gratiam, non illam sacramentalem, quæ etiam per malos ministros dari solet, sed quæ precibus ministri respondet, ut de consec. dist. 4. quomodo Augustinus videtur significare. Alii tandem existimant Augustinum de publicis raptoribus, usurariis, concubinariis, sacrilegis loqui. A quibus olim, perinde ut si essent ab ecclesia præcisi, non licebat sacramenta percipere. Ideoque illiusmodi ministri gratiam sacramentorum non dabant. Verum hoc disputare, ut sæpe jam diximus, non est hujus diei ac temporis. Et Valdensium insania jam pridem explosa est: nec in eo negotio nos nunc oportet elaborare. Itaque de his dictum est satis. Nunc argumenta, quæ a principio contra ecclesie auctoritatem posita sunt, quam brevissime possumus, refellamus.

con. Donat.
l. 5. c. 14.

CAPUT POSTREMUM.

In quo argumenta primi capitis confutantur.

Primum vero argumentum promptissimum est refellere: nec uno tantum, sed multis etiam modis. Tum, quod nec Moyse, nec Josue, in quorum gubernatione tempus illud erat positum, in populi fireorem & insaniam inciderunt. Tum, quod nec certum est quidem, eos, qui in castris remanserint, in flagitium omnes consensisse: quin vero simillimum est, nonnullos etiam repugnasse. Nam ubi primum Moyse illam vocem edidit: Si quis est Domini, jungatur mihi: Congregati sunt ad eum omnes filii Levi, consecraruntque manus suas Domino, unusquisque in filio & in fratre suo. Ex quo intelligitur, qui ad unam Moysi vocem se illi conjunxerint, qui a Domino steterint, quos Dominus justitiae administratos in ultione fecerit, hos in eo scelere exterorum socios & confortes non fuisse. Quid? quod Aaron non?

Respon.
ad 5.

Levit. 11.

Inscr. Apo.
Petri, &
Pauli.

Item. Jo. Jo.
Joan.

In lib. de a.
go. Christi.

nondum sacerdotio fuerat initiatus, nec adhuc ei fuerat superhumeralis impositum, rationalique adstrictum & aptatum, in quo erat doctrina & veritas. Nihil ergo mirum, si Aaron, filiusque ejus, nec pastores populi constituti, nec sacerdotes consecrati, in fide ac religione errarunt. Quanquam Aaron, quod & Petro & Marcellino postea accidit, metu peccavit, non infidelitate. Nihil ergo contra nos affertur, qui asserimus, sacerdotes pastores jam ecclesie a Christo institutos, errare omnes in fide ac religione non posse. De argumento itaque primo tantum.

Respon.
ad 1.

Secundum autem videtur esse gravius, quo non Calvinus modo, sed Donatistæ etiam adversum catholicos usi sunt: quemadmodum in libro de unit. Ecclesie, cap. 11. Augustinus tradit. Sed non est necesse nova nunc responsa meditari: quando huic argumento egregie ab Augustino responsum est. Plerumque, ait, sermo divinus impias turbas ecclesie sic redarguit, tanquam omnes tales sint, & nullus bonus omnino remanserit. Inde quippe admonemur, in suo quodam numero eos dici omnes, id est, omnes filios gehennæ. Illi ergo vel imperite, vel fallaciter agentes, colligunt de scripturis talia, quæ vel in malos bonis usque in finem permixtos, vel de visitatione prioris populi Judæorum dicta reperiuntur: & volunt ea detorquere in ecclesiam Dei, ut tanquam defecisse ac periisse de toto orbe videatur. Hactenus Augustinus. Hujusmodi ergo Prophetarum oracula hunc in primis sensum habent, ut, quoniam in comparatione malorum adeo pauci boni sunt, ut nulli esse videantur, scriptura totum una comprehensione populum reprehendat, quamvis in eo nonnulli sint boni. Deinde, prædictiones propemodum illæ erant, non reprehensiones. Describitur enim populus ille non qualis tunc erat, sed qualis post Messie adventum futurus erat. Uterque sensus, ne hæretici nostrum esse caudentur, exemplis scripturæ manifestis comprobandus est. Ezechiel eodem, quo & Hieremias, tempore vaticinatus est. Quid dicat ei Dominus, audiamus. Domus Israel nolunt audire te, quia nolunt audire me. Omnis quippe domus Israel attrita fronte est, & duro corde. An putas in tota hac depravata domo partem aliquam superesse, cui

Ezech. 1.

generalis illa sententia non conveniat? Audi quid etiam dicat Dominus: Signa Thau super frontes virorum gemenum & dolentium super cunctis abominationibus, quæ sunt in medio ejus. Non ergo omnes in populi flagitium consenserant: non omnes attrita fronte & duro erant corde. Esto aliud exemplum. Salvum, inquit, me fac, quoniam defecit sanctus. Vana locuti sunt unusquisque ad proximum suum. En unus totius generis humani culpas voce magna & queribunda deplorat, perinde ac si relictus sit solus. Sed quid dicit illi divinum responsum? Propter miseriam inopum, & gemitum pauperum nunc exurgam. Intelligens ergo jam suæ querimonie se plures habere consortes: Tu Domine, inquit, servabis nos a generatione hac in æternum. In libro autem contra Donatistas post collationem, cap. vigesimo, idem quoque Augustinus, Ne forte, ait, arbitrentur Prophetarum tantummodo moris fuisse, & non ad novum Testamentum, sed ad veteris consummationem pertinere, sic arguere reprehensibiles, quasi omnes in eo populo arguantur, & sic alloqui laudabiles, quasi omnes ibi laudentur: ecce sic ad Corinth. Apostolus loquitur: Paulus Ecclesie, quæ est Corinthi sanctificatis in Christo Jesu, vocatis sanctis, cum omnibus, qui invocant nomen Domini, gratia vobis & pax a Deo Patre nostro, & Domino Jesu Christo. Gratias ago Deo meo semper pro vobis in gratia Dei, quæ data est vobis in Christo: quia in omnibus divites facti estis in illo, in omni verbo, & in omni scientia, &c. Quis hæc audiens credat in ecclesia Corinthiorum esse aliquos reprobos, quandoquidem verba ista sic sonant, velut ad omnes directæ sit ista laudatio? Et tamen paulo post dicit: Obsecro autem fratres, ut non sint in vobis schismatici, &c. Et in hoc horrendo vitio tanquam omnes incerpens dicit, Divisus est Christus? Numquid Paulus crucifixus est pro vobis, aut in nomine Pauli baptizati estis, &c. Hactenus ille. Poterat & ea commemorare, quæ in eadem epistola subiecta sunt: Tanquam parvulis in Christo lapotum vobis dedi, non escam: nondum enim poteratis. Sed nec nunc quidem potestis, adhuc enim carnales estis. Cum enim sit inter vos zelus & contentio, &c. Item, & vos inflati estis,

Ezech. 2.

Paul. 11.

Rom. 11.
1. Reg. 19.

1. Cor. 1.

1. Cor. 1.

Galat. 2.

estis, & non magis luctum habuistis, ut tollatur de medio vestrum, qui hoc opus fecit. Item ex epistola ad Galatas: O insensati Galatæ, quis vos fascinauit non obedire veritati, &c. Et postea tamen ait: Fratres, si præoccupatus fuerit homo in aliquo delicto, vos, qui spirituales estis, huiusmodi instruite spiritu lenitatis, &c. Item ad Philippenes: Omnes quæ sua sunt querunt, & non quæ sunt Jesu Christi, &c. Quas res in ea disputatione, & multas alias similes a summo Theologo præteritis arbitror, quod essent faciles: sunt certe ad præsens institutum utiles, easque sere in epistola ad Vincentium attigit. Jam quod pleraque ejusmodi prophetarum testimonia ad populi Judaici statum & mores post Messiam referenda sunt, & sequenti libro multa exempla cognoscuntur, & nunc satis in uno exemplo demonstrabitur. Aggæus Zorobabelem, ac Jesum sacerdotem magnum, totumque omnino populum, ut domum Dei ædificarent, his verbis admonuit: Et nunc confortare Zorobabel, dicit Dominus, & confortare Jesu sacerdos magne, & confortare omnis populus terræ, & facite: quoniam ego vobiscum sum, & Spiritus meus erit in medio vestrum, nolite timere. At eodem postea capite subjunxit Aggæus: Si tetigerit pollutus in anima, ex omnibus his nunquid contaminabitur? Et responderunt Sacerdotes, contaminabitur. Et respondit Aggæus: Sic populus iste ante faciem meam dicit Dominus, & sic omne opus manuum eorum: & omnia, quæ obtulerunt ibi, contaminata erunt. Quem omnino locum convenientius de populi statum post Testamenti veteris consummationem intelligimus, tametsi Augustinus ad formam quoque superiorum hoc exemplum interpretatus est. Sed, ut dixi, & ad populi conditionem post Messiam adventum aptius hoc congruentiusque refertur, & plura alia præsertim apud Isaiam huic proposito inferre, lib. proximo ostensuri sumus. Itaque de Isaiæ, Hieremiasque testimoniis dictum est satis.

Respon.
ad 3.

De unitate
Ecc. c. 24.

Illud vero, quod tertio loco subjicitur, ecclesiam occultam esse posse, Donatistæ etiam olim posuere. Quibus tamen Augustinus occurrit in hæc verba: Non est Ecclesia nobis aperta, quia non est sub modio, sed super candelabrum: ut luceat omnibus, qui in domo sunt.

Et de illa dictum est: Non potest civitas abscondi super montem posita. Donatistis aperta est, &c. Tamen August.

Primum autem illud falsum est, veterem populum aliquando nullam ecclesiæ speciem habuisse. Nam cum se solum relictum quereretur Helias, septem millia virorum scriptura commemorat gentia sua non curvasse ante Baal; quibus sane illud perspectum & exploratum erat, non hæc & unitatem, sed regnum esse divinum; extarcque proinde in Hierusalem templum Dei, summum sacerdotem, veram de lege ac religione doctrinam. Eujinodi Tobias erat, qui, cum tribules reliqui irent ad virtulos aureos, quos fecerat Hieroboam, ipse pergebat ad templum Domini, & ibi adorabat Dominum Deum Israel, decimas fideliter offerens, & cætera his similia secundum legem Dei puerulus etiam observans.

Deinde, non sequitur, si populus ille ita vacillavit, ut pene cecidisse videatur; si ita dispersus est, ut prope modum formam & speciem amiserit, Christi quoque Ecclesiam usque adeo obscurari posse, ut nulla ejus species effulgeat. Plebs enim illa vetus, ut quæ casura esset, nunquam sæpe minabatur. Et quoniam futurum erat, ut illi reipublicæ tanquam sempiterna nox esset offusa; nihil mirum, si sensim obscurata est, & evanuit. Quid autem, si quandoque etiam vix apparuit, cui tam parva lux tenuisset noctis splendor affulsit? nempe lucerna lucens in caliginoso loco. Sed hæc explicabuntur in sequenti libro diligentius.

Nam Hilarii auctoritatem, qua nos Calvinus urgendos existimat, Vincentius Augustino quondam opposuit; sed hic loca omnia, quæ ille ex Hilario collegerat, tanquam meras calumnias contudit, & obtulit sere in hæc verba. Ecclesia aliquando obscuratur quidem multitudine scandalorum, sed etiam tunc in suis firmissimis eminet. Aliquando tentationum fluctibus operitur atque turbatur; & tale tunc erat tempus, de quo scripsit Hilarius, unde putasti insidiandum contra testimonia tot divina, &c. Potes hoc modo dicere, nec ecclesias Galatæ tunc fuisse, quando dicebat Apostolus: O stulti Galatæ, quis vos fascinauit? Sic enim calumniaris docto viro, qui tardicordes & timidos graviter increpabat. Quis enim nescit, illo tempore obscu-

Tab. 1.

2. Pet. 1.

Respo.
ad 4.

In epist. ad
Vincent.
num 48.

ris verbis multos parvi sensus fuisse delusos, ut putarent hoc credi ab Ariano, quod etiam ipsi credebant; alios autem timore celsisse, & simulate consensisse? Quamquam & illi, qui tunc firmissimi fuerunt, & verba hereticorum insidiosa intelligere potuerunt, pauci quidem erant in comparatione ceterorum, sed tamen etiam ipsi quidam pro fide fortiter exulabant, quidam toto orbe latrabant. Hilarium ergo decem provinciarum Asianarum aut zizaniam non triticum arguebat, aut ipsum etiam triticum, quod defectu quodam periclitabatur, quanto vehementius, tanto utilius arguendum putabat. Habent enim etiam scripturæ canonice hinc arguendi morem, ut tanquam omnibus dicatur, & ad quosdam verbum perveniat. Hæc enim Augustinus.

Adversus Lucifer.

Ac Hieronymus, Ingenuit totus orbis, inquit, & Arianum se esse miratus est. Periclitabatur navicula Apostolorum, urgebant venti, fluctibus latera tundeabantur, nihil jam supererat spei, Dominus excitatur, imperat tempestati, bestia moritur, tranquillitas rediit. Manifestius dicam, omnes Episcopi, qui de propriis sedibus fuerant exterminati, ad Ecclesias redeunt. Tunc triumphatorem suum Athanasium Ægyptus excepit, tunc Hilarium de prælio revertentem Galliarum ecclesia complexa est, tunc ad reditum Eusebii lugubres vestes Italia mutavit. Hæc Hieronymus, multaque alia, quæ brevitate studio prætereo. Sed hæc satis sunt, ut omnes intelligant, navem Ecclesiæ in alto hæretum, seditionum, discordiarumque procellis fluctantem, fuisse jactatam quidem, ac pene operam fluctibus; sed non fuisse tamen in tanta etiam tempestate demersam. Quin in suis licet paucis fortissimis emnuit, qui quo magis in remigando laborant, eo aspectabiliores clarioreque fuerunt. Nec hoc loco opus est Ecclesiæ Romanæ fidem lucemque proferre, quæ nunquam omnino ipsa lanuit, sed toti semper orbis manifesta fuit, quemadmodum sexto postea libro accuratius ostendetur.

Respons. ad 5.

Nec vero sub diversis pontificibus fides ecclesiæ aut solvitur, aut occultatur. Quin eo etiam tempore ecclesiæ catholica fides manifestum argumentum edit. Judicia tunc pastorum periclitantur, quæ sine certo ecclesiæ capite infirma atque incerta erunt.

De qua re alio libro differemus.

Jam, in sexto argumento Calvinus & multum operæ ac verborum sumit, & vano se labore frangit. Poterat brevius ac facilius dicere, quoniam synagoga extincta omnino & deleta est, ecclesiæ quoque Christi funditus esse delendam. At discessio, quam prædixit Apostolus, venire non potest, dum vera ecclesiæ facies existerit. Id Calvinus dicit, non probat. Itaque falsum est. Quin posteaquam Germania non solum a Romano Pontifice, sed a Romano eodemque suo Imperatore majore ex parte desecit, illa fortassis Pauli prædictio impleta est, instantque proinde antichristi infelicitissima tempora. At filius hominis veniens fidem non inveniet in terra. Sed huic argumento respondet Hieronymus, illam hic fidem nominari, de qua Dominus agebat, Fides tua te salvam facit. Et alibi de Centurione, Non invenit tantam fidem in Israël. Et rursum ad Apostolos, Quid timidi estis modici fides? Nec non & in alio loco, Si habueritis fidem, sicut granum sinapis, &c. Nec enim Centurio, aut illa mulercula in Trinitatis sacramenta crediderant: sed simplicitas mentis, & devota Deo suo anima commendata est. Hæc est fides, quam raro inventam Deus pronuntiavit. Hæc est fides, quæ etiam apud eos, qui bene credunt, difficile perfecta invenitur. Eodem quoque modo Augustinus respondet, Dominum de perfecta fide loqui, quæ ita difficilis est hominibus, ut in ipsis admirabilibus sanctis invenitur aliquid, ubi trepidaverint. Addit rursum, propter iniquorum abundantiam & paucitatem bonorum, quæ illa potissimum ætate erit, Dominum ita loquutum. Propterea enim non dixit, Filius hominis veniens non inveniet fidem in terra: sed quasi dubitans, Putasne, ait, inveniet fidem. Non quod ille cuncta sciens de aliqua re dubitaret, sed ut sua dubitatione figuraret nostram: quia propter multa scandala circa finem sæculi pullulantia, hoc erat infirmas humana dictura. Illorum autem error eripiendus est, qui vanissimis argumentis adducti sunt ut putarent fidem in solo uno manere posse. Cum enim ecclesiæ nomen collectivum sit, si unus tantum crederet, non crederet ecclesiæ. Adde quod Dominus per Matthæum dicit, Ecce ego vobiscum

Respons. ad 6.

In Dialog. advers. Lucifer.

De unitate Eccl. c. 13.

Matth. ult.

1. cor. 14. &
16.

sum omnibus diebus usque ad consummationem seculi. Vobiscum, ait. Et per Joannem, cum pollicetur spiritum veritatis fidelibus sempiternum, pluribus illum pollicetur, non tantum uni.

1. Cor. 12.

Ephes. 4.

Adde etiam, quod corpus non est unum membrum, sed multa, ut Apostolus ad Corinthios docet. Sed corpus Christi, quod est ecclesia, ut idem ad Ephesios ostendit, usque in finem permanebit. Non ergo unquam multi fideles in ecclesia decerunt.

Præterea criticum simul cum zizanis in agro, bonique pisces cum malis in reti, usque ad consummationem seculi durabunt. Non ergo solum in uno manebit fides. Sed deficiet hostia & sacrificium. Equidem hanc Danielis vaticinationem non ad finem seculi, sed ad Synagogæ consummationem existimo referendam. Quod si quis ad tempus Antichristi referre velit, cum hoc ego non magnopere contenderim: modo sic interpretetur, ut propter crudelissimi tyranni sevitiā sacerdotes a publico & solemnī sacrificio deficiant. Quod vero ex Apocalypsi Joannis obijciatur, quoniam valde obscurum est, nihil contra nos habet ad faciendam fidem virum: tamen hoc oraculum in Luthero fateor esse completum: cui data est clavis putei abyssi, ut errores penitus demersos atque deosofos eruendo, tanta caligine orbem obduceret, ut vel lucem ipsam tenebris circumfudisse videretur. Sed affulget adhuc ecclesiæ lumen his, qui oculos habent ad videndum. Nam Lutherani cæci sunt, & dures excoarim. Si autem omnis gloria filie regis ab intus, nihilque in ea externi splendoris est: qui fieri potest, ut illa cohareat, Atrox regina a dextris suis in vestitu deaurato, circumdata varietate? Item, Sic luceat lux vestra coram hominibus, ut videant opera vestra bona. & Non potest civitas abscondi super montem posita: neque accendunt lucernam, & ponunt eam sub modio, sed super candelabrum, ut qui ingreditur, lumen viciant: cæteraque similia, quæ sunt, ne longum faciam, prætercunda. Planum est igitur, in sponsa Christi, in qua nihil fictum, nihil fucatum, nihil simulatum est, sed omnia vera, sincera, solida, omnem etiam externam gloriam ab interiore virtute & splendore procedere. Ac de sexto argumento na-

mis multa diximus.

Reliquis vero argumentis diluendis illud admonere operæ pretium est, per figuratam dictionem multa, quæ parti conveniunt, in totum solere transferri. Id nobis in usu est, cum peripse alias, tum magis cum de civitate, populo, regno, omnique omnino cætu loquimur, de quibus ea in universum dicimus, in quæ non omnes reipublicæ partes, sed interdu paucæ etiam concurrunt. Populum enim robustum, gentem bellicotam appellamus, non quod omnes in ea reipublica aut robusti aut bellicosi sint, sed quod viri ex ea ad rem bellicam selecti ejusmodi soleant esse. Nec enim aliter de humana reipublica, ac de humano corpore loquimur. Dicitur autem homo agere vel pati, quæ manus perique vel agit vel etiam patitur. Dicitur mundus immundusve, si facies aut munda aut immunda sit: eodemque omnino modo similiter in reliquis. Inde adeo venit, ut vocabula, quæ quibudam ecclesiæ partibus convenire videmus, ecclesiæ ipsi attribuantur. Ad hanc enim legem ecclesiæ dicitur amica, pulchra, immaculata, sancta, videlicet ratione bonorum: hortus conclusus, fons signatus, ratione electorum. Qui cum prima atque optima pars sint ecclesiæ Christianæ, imo vero regni cælorum cum sint principes, quamvis in terrena reipublica despiciatissimi ac contemptissimi, vere ac jure ea, quæ in eos conveniunt, in totam ecclesiā transferuntur. Quoniam, ut ex Aristotele etiam ante docuimus, id civitas aut esse aut facere dicitur, quod in ea primarii aut optimates aut esse dicuntur, aut facere. Neque hoc loco, ubi a Lutheranis vel maxime petimur, Lutheri testimonium nephendum est, quo intelligant hæc rem esse tam apertam atque dilucidam, ut eam ne Lutherus ipse quidem negare poterit. It igitur cum in concione quadam ad populum explicaret, quemadmodum ecclesiā sancta diceretur, per synecdochen docet Mattheum scripsisse, latrones blasphemasse: cum unum eorum id fecisse Lucas scribat. Sic unus & idem populus, ut ait, arguitur in Prophetis, cum multi sint inter eos boni: rursus laudatur, cum multi sint inter eos mali. Et pulcherrimæ charitatis ea est figura, quæ communia faciat omnia bona, communia

Item

item omnia mala : Ut alter aliterius opera portet , & sic impleat legem Christi . Sic civitas , vel regio , vel domus fecisse , aut passa esse dicitur , quod aliqui in ea fecerunt , aut passi sunt . Hactenus Lutherus . Hic ego hereticos universos appello , ut jam vel ipsi sint iudices , num prudenter nobis opponant ecclesiam hortum conclusum esse , fontem signatum , puteum aque vivæ , paradysum cum pomorum fructibus , sanctam , pulchram , perfectam , sine macula , & ruga gloriosam : ut in ea nullum præciturum , nullum infirmum , nullum improbum esse constent . Sed respondeamus ad singula .

Respon.
ad 7.

In septimo argumento Canticorum de ecclesia encomium ponitur , cui abunde , ut reor , satisficimus . Additur deinceps , in arca solos eos fuisse , qui salvi facti sunt : arcam autem ecclesiæ imaginem extitisse . At ne quis in hunc errorem incideret , ut putaret omnes , qui per baptismum in ecclesiâ transeunt , esse salvos : idcirco Petrus caute , & sapienter adjecit , Quod & vos nunc similis formæ salvos facit baptismus : non carnis depositio sordium , sed conscientie bonæ interrogatio , &c . Alioqui etiam , quod Hieronymus adversum Luciferianos ait , ut in arca omnium animalium genera , ita & in ecclesia universarum gentium , & morum homines sunt : Ut ibi pardus & hædi , lupus & agni : ita & hic iusti & peccatores , ideò , vasa aurea & argentea cum ligneis & fictilibus commorantur . Arca igitur in eo potissimum ecclesiæ typus est , quod extra eam nullus servatus est : non in eo , quod omnes intra illam facti sunt salvi . Sed arcæ Sacramenta e Hieronymo in dialogo illo petantur . Nos pergamus ad reliqua .

Christus , ajunt , non est alterius ecclesiæ caput , nisi ejus cujus salvator est . Hoc primum non est adeo expeditum . Est enim caput Angelorum Christus : nec constat tamen , an eorum sit proprius servator . Certe ego non puto , quamvis contra sit a nonnullis disputatum . De qua re non est hic locus differendi . Deinde , ea conexio infirma est . Christus est ecclesiæ salvator , ergo omnes , qui sunt in ecclesia , servat . Est enim salvator omnium hominum , maxime fidelium : nec omnes tamen reipsa salvos facit .

Atque ut Christus corpus sumum , quod est ecclesia , servet : servet , inquam , rei efficientia & exitu : adhuc non sequitur , cum omnes qui sunt in ecclesia servare . Tum quoniam jam factus ostensum & patefactum est , quædam de ecclesia vere dici , quæ ei non omnium , sed quarundam partium ratione conveniunt . Tum quoniam totius partiumque vocabula latius fusa sunt , quam voces corporis , atque membrorum , quemadmodum paulo post explanaturi sumus . Ita non fit , ut si corpus Christi , omniaque ejus membra servantur , partes ecclesiæ servantur omnes . Nec vero Paulus ait , Christum exhibere sibi gloriosam ecclesiam : solum astruit seipsum tradidisse , ut eam exhiberet gloriosam . Quemadmodum autem mortuus ille est , ut omnes viveremus , nec vivunt omnes tamen : sic se tradidit pro ecclesia , ut eam mundaret & glorificaret : nec tamen omnes , qui in ecclesia sunt , mundantur & glorificantur . Tamen si vere ecclesiam suam sibi exhibet gloriosam : sed nec in omnibus partibus , nec in hoc fortasse tempore .

Porro id , quod sequitur , facillimum est . Nam , quanquam filii Dei aliquando secundum prædestinationem nominentur : at propria , eademque frequens denominatio a præsentis iustitia fit , ut capite tertio explanatum est . Videmus autem vere filios exheredari , ac iuste aliquando quidem . Non itaque colligitur : filius est , igitur percipiet hæreditatem : nisi illud simul ponas : & jus quod accepit , non amisit . Quoniam autem filius Dei non semper probus intelligitur , sed is quoque interdum , qui paterna bona prodegerit : etiam hoc distinguendum puto , Ecclesiam e Dei solum filiis constare . Nam si filios voces , qui per baptismum sunt Christo & ecclesiæ geniti ; id nos asserimus . Sed in his sunt improbi quidam & stulti filii , quos patris , matrisque cura parturire iterum gestit , donec formentur in eis Christus . Sin filios Dei juxta frequentiore scripturæ usum eos tantum appelles , qui probi & sapientes sunt ; certe ecclesia non ex his modo constituitur , sed ex illis etiam , qui paternæ & probitatis & sapientiæ effugium eluerunt . Nam & in hos nomen filii quandoque diffunditur . Nonne , inquit , ipse est pater tuus ? At generatio perversa erat ,

Joan. 3.

Deut. 32.

1. Tim. 5.

Iſa. 1.

Hier. 1.

Capt. 2.

De unitat.
Eccles. 13.

Matth. 25.

Joan. 10.

Pſal. 117.

Iſa. 51.

Pſal. 48.

Pſal. 72.

Matth. 18.

Luc. 15.

Matth. 10.
& 13.

& infideles filii. Item, Filios enutri-
vi, & exaltavi, ipſi autem ſpreve-
runt me. Item, Convertimini, filii,
revertentes, & ſanabo averſiones ve-
ſtras. Item, Sicut liliū inter ſpinas,
ſic amica mea inter filias. Quod de
ſanctis eccleſiæ viris dictum eſt, om-
nes Chriſti fideles agnoſcunt. Unde
autem appellat ſpinas, niſi, ut Augu-
ſtinus ait, propter malignitatem mo-
rum? Et eadem unde filias, niſi propter
communioneſ ſacramentorum? Bona
ergo filia in medio malarum eſt, in
eandemque paterna domo. Sed ovile
Chriſti non niſi ex Chriſti ovibus
conſtituitur. Quid tum? quaſi non alias
pecudes habeat paſtor. Habet ſane ca-
pras, habet & hædos. Paſtori itaque
non modo ovile eſt, ſed & caprile, &
hædile. Hædi porro, & agni in Dei
cognitione, intelligentiaque diſcreti
ſunt, in hominum ſcientia, & cogita-
tione conſuſi. Dum hic vivitur, di-
verſi licet greges, in una tamen con-
gregatione ſunt: adeoque permixti, ut
ſegregari non poſſint, donec ille veni-
at, qui ſeparabit eos ab invicem, ſic-
ut paſtor ſegregat oves ab hædis: &
ſtatuet quidem oves a dextris, hædos
autem a ſiniſtris.

Sed ut argumento huic ſcholæ mo-
re preſſius diſtinctiusque respondeam,
illud conſiderandum cenſeo, quod ut
nomen ovis non in eo ſolum loco, ſed
in ſacris fere literis pro bonis ac ju-
ſtis accipitur: ſic ovile eccleſiam in
bonis juſtiſque designat. Quales ſunt,
quemadmodum ſupra diximus, voces
aliæ nonnullæ, ut exempli cauſa, ami-
ca, columba, immaculata, hortus con-
cluſus, ſons ſignatus, paradīſus cum
pomorum fructibus, quæ nimirum vo-
ces eccleſiæ vel propter juſtos, vel et-
iam propter electos tribuntur. Quo-
circa non fit, ut ſi in ovili non ſunt
niſi oves, in eccleſia non ſint hædi,
quos ſponſa paſcere juſſa eſt, quoad
eos ab agnis paſtor ille ſummus ſegre-
gaverit. Nomen etiam ovis malos non-
nunquam in eccleſia ſignificat, nedum
probos. Hinc enim illa ſunt, Erravi
ſicut ovīs quæ perierat. Et, Omnes
nos quaſi oves erravimus. Et, Sicut
oves in inferno poſiti ſunt. Et, Iratus
eſt furor tuus ſuper oves paſcens tue.
Et in Euangelio ovem errantem legi-
mus. Et, Oves, quæ perierunt, do-
mus Iſrael. Atque cum Dominus Petro
commiſit oves; ſi nomen hoc pro ſo-

lis bonis uſurpatum cenſeamus: vore-
dam eſt utique, ne mali a Petri cura
exiſtent ſe exemptos. Sane vero qui-
cunque fidei ſacramentum habent, Petro
intelliguntur eſſe commiſſi: nec ab
eo modo requirendum, ſi gregem bo-
norum paverit; ſed illa etiam, an,
quod infirmum fuit, conſolidarit; &
quod ægrotum, ſanarit; & quod con-
ſtrictum, aligarit; & quod abjectum,
reducerit; & quod perierat, requiſie-
rit. In quem ſenſum ovile Chriſti non
eſt anguſtius, quam eccleſia: ſed pe-
rinde ut illa, cum ſanis morboſis eti-
am oves continet. Dominus autem Jo-
annis capite decimo in illum alterum
ſenſum vocem ovis uſurpavit. Jam
quod in hoc ſeptimo principali argu-
mento denum objicitur, id in prom-
ptu eſt reſellere. Nam ſi ex diſcipulis
pſeudoprophetæ exierunt, intus ergo
prius domique erant: nec enim aliter
exire poſſuſſent. At non erant, inquit,
ex nobis. Hoc duobus modis exponit-
ur. Initio ſignificat Joannes ſictos il-
los, & ſimulatos Chriſti diſcipulos fu-
iſſe; qui quaſi amici ad tempus, & ſo-
cii menſe, in die neceſſitatis reſeſce-
runt. Inter nos verſabantur, ait ean-
dem nobiſcum menſam, cæteraque om-
nino ſacramenta habebant commu-
nia, ſed ſimulatio virtutis erat, ven-
ditatio, oſtentatio. Ideoque, quod non
erant ex animo, & vere noſtri, non
erant ex nobis. Nam ſi fuiſſent tales,
quales nos ſumus ex animo Chriſtiani,
permaſſiſſent utique nobiſcum. De-
inde de viris forte Apoſtolicis lo-
quitur, cum ait, Ex nobis exierunt,
ſed non erant ex nobis. Nonnulli ſi-
quidem ſtatim a principio naſcentis ec-
cleſiæ, nomine ſe Apoſtolos vendita-
runt, cum non eſſent Apoſtoli Chri-
ſti veri, ſed pseudoapoſtoli. Quod i-
gitur dicit, tale eſt: Ex nobis exie-
runt, hoc eſt, a noſtra ſchola, & ſo-
cietate: ſed non erant ex nobis, id
eſt, non vere erant Apoſtoli: ſi enim
ii fuiſſent, nobiſcum præcioſo perman-
ſiſſent. Veri enim Apoſtoli, quos ad
Euangelii munus delegit Chriſtus, non
tum hoc, tum illud, ſed idem dice-
bant ſemper: eratque illi conſtans ac
perpetua ratio & veritas, & vitæ.
Hoc enim ad auctoritatem Euangelii
pertinebat, ut ejus primi adminiſtri,
quibus ſcilicet illud eſt creditum, o-
dorem, ſaporemque Chriſti ſemper, &
in omni loco ſervarent. Contra ve-

Eccleſ. 6.

1. Cor. 11.

2. Cor. 2.3
& 14.

1. Tim. 1.

ro operarii subdoli, quamvis aliquando se transfigurarent in Apostolos Christi, sed insipientia tandem eorum manifesta erat omnibus, & finis secundum opera ipsorum. Quanquam, si de predestinatis, ut Hieronymo, & Augustino visum est, Joannes loqueretur, nihil adhuc hæretici conficerent. Nam quæ rerum consequentia est, Non sunt ex nobis, id est, non sunt ex electis: non igitur sunt in domo Dei, quæ est ecclesia? Quasi vero in domo Dei non sint cum vasis electis in honorem, vasa etiam non electa, nempe in contumeliam. Sed ad argumentum septimum diximus multa. Nunc octavum diluamus.

Respon.
ad 8.

Et ad testimonia quidem ex Canticis postea, quæ dicta sunt, nihil est necesse respondere. Illud autem, quod ex Apostolo objectum est, Divus Augustinus in libro secundo Retractationum ita interpretatur, ut ecclesiam describat Apostolus, non quæ jam sit, sed quæ præparatur ut sit, quando apparebit etiam gloriosa. Et in libro de perfectione justitæ: Cum enim, ait, non tantum Apostolus dixerit, ut exhiberet sibi ecclesiam non habentem maculam, aut rugam, sed addiderit gloriosam: satis significavit: quando erit sine macula, aut aliquid hujusmodi, tunc utique, quando gloriosa. Non enim modo in tantis malis, in tantis scandalis, in tanta permissione hominum pessimorum, in tantis opprobriis impiorum, dicendum est eam esse gloriosam. Nam si Dominus ipse non sit glorificatus, nisi resurrectionis gloria, quomodo dicenda est, ante resurrectionem suam, ecclesia ejus esse gloriosa? Mandat ergo eam lavare aquæ ablens peccata præterita, deinde perficiens ejus sanitates, facit eam occurrere in illam gloriosam sine macula, & ruga. Hactenus Augustinus.

Joan. 7.

1 p. 482. 3.
ad 1.
in Hier. ca.
11
in 1. 1. 1. 1.
3. d. 1. 1. 1.
1. 1. 1. 1.

Cujus sententia fuit non solum D. Thomas, sed etiam Hieronym. ac Bernardus. In quem omnino sensum Eusebii testimonium idem Augustinus interpretatus est, in lib. cont. Donatist. post collat. capit. 8. Quanquam altera est ejus loci commodior intelligentia, ut incurcimus & barbarus populus non sit ecclesiam Dei oppressurus, quem admodum opprimit qui pede calcatur. Et cap. 9. docet, distinguenda esse tempora ecclesiarum: & pro diversitate varia scripturæ loca, quæ partim ec-

clesiarum puritatem, partim majorum permutationem enuntiant, esse concilianda. Memini me tamen sic Pauli verba aliquando exponere, ut ad efficientiam baptismi præsentem illa omnia referantur: Quod enim ait, Ut eam sibi exhiberet sine macula, & planum & expeditum esse: cum sine controversia omnes omnino macule baptismi deleat: Quod vero subjungit, Sine ruga, id certum est ad baptismi novitatem attinere, qui veterem hominem sustulit & absumpsit. Renovatur quippe, ut aquæ juvenis nostra per lavacrum regenerationis, & renovationis Spiritus sancti, quem effudit in nos abunde, &c. At, quomodo ecclesia per baptismum gloriosa? Nempe tunc gloriosa sponsa sponso suo exhibetur, cum illi virgo genere ac virtute clara, pulchra, munda, veste pretiosa, auro gemmisque ornata exhibetur. Non autem regia illa, quæ assistit a dextris regis in vestitu deaurato circumdata varietate, non Hester regio fulgens habitu, & circumdata gloria sua, non in omni gloria sua Salomon ita gloriosi descripti sunt: quin gloriosior ecclesia sua Christo sit recens baptismi initiata sacramento. Nec enim minus in ecclesia, quam in synagoga illa quadrant: Lavi te aqua, & emundavi sanguinem tuum ex te: & unxi te oleo. Et vestivi te discoloribus, & calceavi te hyacintho, & cinxi te bysso, & indui te subtilibus. Et ornavi te ornamento: & dedi armillas in manibus tuis, & torquem circa collum tuum. Et dedi in aurem super os tuum, & circulos auribus tuis, & coronam decoris in capite tuo. Et ornata es auro & argento, &c. Quæ singillatim in baptismi efficientia explanare, erat facile id quidem, sed hujus temporis non est. Non ergo cogimur ad futurum tempus ea efficienda referre, quæ in presenti baptismi ecclesiarum præstat. Omnia siquidem illa in duo hæc Apostolus contrahit, ut ecclesia sit sancta & immaculata. Ut exhiberet, inquit, sibi gloriosam ecclesiam non habentem maculam, aut rugam, aut aliquid hujusmodi, sed ut sit sancta & immaculata: Qualem certe nunc etiam credimus esse: non in omni sua parte quidem: nam id, quem admodum ante diximus, non est necesse: sed in multis membris, quorum sanctitas & puritas facit, ut ecclesia ipsa

Tib. 1.

Ezech. 16.

Ad ecclesiam
p. 1. 1. 1. 1.
omni tempore
fere videtur
falsum.
P. 1. 1. 1. 1.
ad 1. 1. 1. 1.
Gethio de
dicti de a-
poc. 1. 1. 1. 1.
Tol. 1. 1. 1. 1.

Sigt. 1. ep.
unic. cap. 1.
Hieron. in
ep. ad Eph.
cap. 5.

De perfect.
just. cont.
Catholica.

ipsa sancta vere immaculataque dica-

Sane in parvulis adultisque, nunc primum per baptismum locis, nulla prorsus questio est, quin ecclesia sancta & immaculata sit. sed esse sine macula, ut Augustinus docuit, non absurde etiam ille dicitur, qui & criminibus caret damnabilibus, & ipsa peccata venialia non negligit mundare elemosynis. Hos enim immaculatos scriptura vocat: Ero, ait, immaculatus cum eo. Quomodo? Observabo me ab iniquitate mea. Item: Beati immaculati in via, qui ambulant in lege Domini. Non enim qui operantur iniquitatem, in viis ejus ambulaverunt. In his ergo, qui ab iniquitate & crimine mundi sunt, sunt autem plurimi, ecclesia immaculata est, quamvis impuritatis nonnihil, hoc est, culpæ venialis ex levi inconstanteque natura contrahant omnes.

Secundum hanc interpretationem, quæ mihi, & verbis, & sententiæ Pauli magis consentanea videtur, patet, ecclesiam etiamnum extare, in quibusdam suis membris quidem prorsus immaculatam, hoc est, sine omni omnino macula: in quibusdam vero ita puram, ut quiddam maculæ, levis illius tamen, possit habere. Sic in quibusdam columba est, in quibusdam perfecta. Perfectos autem pingui, ut ajunt, Minerva appellamus eos, quibus vita mortalis contenta est, qui affequantur, quantum homines possunt, optatam in terra vivendi rationem & viam, tametsi in rebus minimis quandoque deficient. At omnis, qui peccat, non cognovit Deum: & omnis, qui natus est ex Deo, peccatum non facit. Hunc locum D. Bernardus in Concone de Septuagesima, cujus initium, Magna mihi consolatio, accipit de filiis Dei secundum prædestinationem, quos interpretatur non peccare, id est, non permanere in peccato. Divus autem Augustinus Homilia quarta in hanc Joannis epistolam, & secundo libro de baptismando parvulorum, cap. 8. & lib. 2. contra Parmenianum, cap. 7. & multo fufius in lib. de perfect. just. exponit filios Dei non peccare ex hoc, quod filii Dei sunt; eos vero, qui peccant, non cognoscere Deum, quia ratione peccant. Peccatum enim non a fide & scientia, sed ab ignorantia proficiscitur. Fides contra & charitas, quibus

filiis Dei sumus, non agunt perperam, sed reituant omne peccatum. Quam sententiam Divus Thomas cum familia sua sequitur, secunda secundæ, questione vigesima quarta, articulo undecimo ad primum. Eandem secuti sunt cum Augustino alii Episcopi Africani, ut patet in epist. quinque episcoporum ad Innocentium.

Quemadmodum enim Paulus dicere potuit: Si autem quod nolo, illud facio, jam non ego operor illud, sed quod habitat in me peccatum: Ita homo justus, si ex lege alias naturæ repugnanti leviter aliquando deficiat, illud quoque vere dicit: Jam non ego operor illud, sed quod habitat in me peccatum. Quam interpretationem, quoniam ei & hujus epistolæ quædam loca, & viri clarissimi consentiunt, non audeo equidem improbare. Sed ut dicam ex animo quod sentio, mihi magis Hieronymi sententia placet, qui non putat Joannem in genere de peccato loqui, sed tantum de mortali. Id quod in toto quasi contextu epistolæ facile cernitur. Hoc enim Apostolus ibidem agit, ut ostendat nullam esse communicationem lucis ad tenebras, Christi ad Belial, nec misceri posse justitiam & iniquitatem, crimina & charitatem, Christum & Antichristum, non plus certe, quam noctem & diem. Nam fuere quidam hæretici, quales nunc sunt ex Lutheranis plurimi, quibus satis fuit, si semel baptismo suscepto fidem haberent etiam sine operibus. Quem errorem a primo statim cap. Joan. cepit depellere, in hæc verba: Deus lux est, & tenebræ in eo non sunt ullæ. Si dixerimus quoniam societatem habemus cum eo, & in tenebris ambulamus, mentimur. Item cap. 2. In hoc scimus, quoniam cognovimus eum, si mandata ejus observamus. Qui dicit se nosse Deum, & mandata ejus non custodit, mendax est. Item eodem cap. Qui dicit se in ipso manere, debet, sicut ille ambulavit, & ipse ambulare. Qui dicit se in luce esse, & fratrem suum odit, in tenebris est. Item, Si quis diligit mundum, non est charitas Patris in eo, &c. Item cap. tertio: Omnis qui facit peccatum, & iniquitatem facit. Scilicet, ne quis putaret de quolibet peccato etiam levi futurum esse sermonem. Iniquitas enim grave peccatum est. Tunc ergo subiungit: Omnis qui in eo manet, non peccat:

Rom. 7.

In 2. l. ad
verbi Joann.
de pecc. di.
2. l. enim.

Simon Sc
lenen quæ
dam quæ
stionem su
bi conjun
xit, & di
scipulos
sine docuit
libere ap
pe re quæ ve
lunt: secun
dam enim
gravinu sal
vari huma
ritas, & non
secundum o
pera Julia.
Irenæus au
tem est l. 2.
cap. 10.
Gnostici
quoniam in
cognitione
& scientia
quoniam mor
taliu facti
sunt, adven
tariu quon
iam ad Tim.
scripserunt
epi Jude de
Per. 2. & de
Joan.

* Præter-
rem, pro
praesent.

cat: & omnis qui peccat, non vidit eum, nec cognovit eum. Nam est cognitio quædam scientiæque de Deo iis familiaris, & propria, qui spiritum intellectus, scientiæ, sapientiæ, consiliique habent: quo nimirum spiritu omnes improbi carent. Itaque nec vident, nec cognoscunt Deum: quamlibet visiones & revelationes Dei habere se prædicent. Item, filioli, nemo vos seducat. Qui facit iustitiam, iustus est. Qui facit peccatum, nempe mortale, ex diabolo est. Omnis qui natus est ex Deo, peccatum non facit: videlicet quamdiu filius Dei est, quoniam semen ipsius, hoc est, Charitas, in eo manet: & ut arbor bona, nisi vitietur, non potest malos facere fructus; sic filius Dei crimen & flagitium committere non potest, nisi filius Dei esse desierit. In hoc manifesti sunt filii Dei, & filii Diaboli. Qui iustus est, filius Dei est: qui non est iustus, nec diligit fratrem suum, filius est diaboli. Item in fine epistolæ: Omnis qui natus est ex Deo, non peccat: Hoc est, non violat charitatem, sed servat mandata, quoniam generatio Dei conservat eum, & malignus non tangit eum: Nimirum quando semen ille conservat, generatio Dei conservat eum, & malignus non tangit eum. At si volens semen illud abjecerit, ex quo semine natus est, tunc profecto filium Diaboli effectum, jam malignus non solum tangit, sed uteretur eo, etiam pro suo. Quem Hieronymi sensum Augustinus etiam amplectitur, homilia in hanc epistolam quinta. Atque utinam hæc Apostoli doctrina nostri seculi hominibus non esset necessaria. Sed videmus esse multos, qui cura fratrum suorum & charitate neglecta, aliisque Evangelii & naturæ præceptis omissis, præculis, medicamentis, non enim contemplationes dicam, die nocturne vacantes, mentiuntur se & nosse, & diligere Deum. At in hoc scimus quod cognoscimus eum, si mandata ejus observamus. Qui enim non diligit, non novit Deum. Hæc est autem charitas Dei, ut mandata ejus custodiamus. Sane qui tum secundam, tum maxime tertiam epistolam ejusdem Apostoli legit, intelliget evidenti, totum Apostoli sermonem eos coarguere, qui bonos, iustos, amicos & filios Dei se esse sine proximi charitate mentiebantur.

Id vero gravius, quo majori simulationis artificio fingebant se cognitioni Dei, & contemplationi vacare. Verum de hoc argumento plura dicta sunt, quam fortasse ratio instituti operis postulabat.

Itaque ad illud ex epistola ad Hebræos testimonium, ne molestum sit plura dicere, dicemus nihil. Nec necesse est tamen aliquid dicere, cum in ejusmodi argumentis diluendis nostra opera, & studium minime desiderentur.

Illud etiam est facile, quod in nostro argumento primum opponitur. Jam ad 9.

enim demonstratum est, ut ecclesia sancta sit, non oportere omnes eos sanctos esse, qui illius partes esse dicuntur. Non autem, quamvis id Hieron. fecerit, ecclesiam dupliciter usurpamus, & eam, quæ undique sancta & tota corpus Christi sit: & eam, quæ cum sanctis malos habeat permixtos. Sed id docemus, populum Christianum vere sanctum dici: licet non omnes, qui in hoc populo numerantur, sancti sint. Nam arguitur illas elegantissimas, quibus hoc impugnatum est, consilium est negligere: Sophistarum quippe sunt meræ nugæ, gerris, ut ajunt, Siculis vaniores. Præterquamquod forsitan ecclesiam sanctam credimus, quia populus est Deo per baptismum dicatus, consecratus, sanctificatus: hos enim scriptura sanctos appellare solet. Illud vero, quod statim additur, diligenter expendendum est. Aliud porro est partes ecclesiæ esse, aliud esse ecclesiæ membra. Nomen siquidem partis latius diffunditur, nomen membri contractius est. Pars ad totum refertur, membrum ad animantis corpus. Ita pars sine vita invenitur ut in lapide, ligno, ac cæteris ejusmodi. Membra autem vere & proprie sine vita ne intelligi quidem potest. Quamobrem improbi, partes quidem ecclesiæ sunt, membra Ecclesiæ aut Christi non sunt: Sunt autem diaboli membra: at in ecclesia esse censentur, civesque civitati huic & annumerati & adscripti: cives mali & flagitiosi tamen. Quo vero pacto probi atque improbi eundem omnino populum consent, nec sit tamen societas lucis at tenebras, conventio Christi ad Belial, D. Augustinus egregie explicat contra Donatist. post colla. cap. 6. Qua una ex cæteris hujus argumenti confirmationes

In comm.
pp. ad Ga.
III.

D. Th. 1. p.
q. 1. n. 1 ad
secund.

ex.

extremis, quod ajunt, digitulis eveniuntur. Sive enim d.eas corpus, sive panem: sive granum, sive triticum, seu alia similia quævis: nomina sunt, quæ bonis per se conveniunt quidem, sed per bonos illi etiam populo, cuius boni primariæ sunt partes. Hunc vero sensum omnia quoque Augustini verba præ se ferre notius est, quam ut indicandum sit. Negat enim malos in corpore Christi esse, nec posse habere Christum membra damnata. Negat in columbæ membris computari. Negat ad illam ecclesiam pertinere, quæ non habet maculam nec rugam. Negat spectare ad compagem domus Dei, aut in ea etiam habitare, in qua unanimes solum habitant. Etenim hæc universa, ut perscpe dictum est, tantum probis ex se attribuantur, & horum ratione attribuantur ecclesiæ. Quemadmodum ratione partis in toto ipso insignis atque præcipue, quedam de toto enuntiarî solent, quæ partibus singulis non perinde conveniunt. Quamquam Augustinus illam fortasse Hieronymi partitionem secutus est, ut ecclesiæ bifariam distribueret: & eam, quæ omni ex parte bona Christi que corpus sit: & eam, quæ ex bonis malique confectur. Qua vero fronte nobis Augustinum obijciunt, qui in libro retract. 2. cap. 18. & in Psalmum 24. ac 25. & libro contra Petil. 3. cap. 12. & de unitate ecclesiæ cap. 17. & contra Donatist. post collat. 2. 4. usque ad undecimum cap. nostram habet aperitissime constantissimeque sententiam? Nec dubium est, Cyprianum atque Hieronymum eadem nobiscum conceivisse: illum in epistola ad Maximum, hunc in comment. epistolæ ad Galatas, & in dialogo adversum Luciferianos. Ac de nono argumento hæcenus.

De eodem dli.
ad Cl. Cl. c.
24.

1. lib. Ep. 1.

Cap. 1.

Respon.
ad 10.

Respon.
ad 11.

Decimo vero argumento ex his, quæ in 7. dicta sunt, satis, ut arbitror, responsum est.

At undecimo argumento hoc habet responsum: non abhorret a sacramentis literarum consuetudine, si eundem omnino populum nunc propter justos scilicet beatumque dicamus, nunc propter improbos milerunt & infelicem. In Moyse Israelicum modo vocat populum electum, beatum, gentem sanctam, populum Dei peculiarem: modo durissime cervicis populum, stultum, & insipientem. Atque Isaïas interdictum populum Gomorrahæ, interdum

etiam populum Dei appellat. Et revera si scripturæ ulus est, quemadmodum in consutatione secundi argumenti multis exemplis patefecimus, perinde populum reprehendere, ac si omnes mali essent, atque ita consolari, ut si omnes essent boni: consociatum est quoque, ut populus idem & in reprehensione vituperationeque vocetur iniquus, & in consolatione ac laudatione sanctus. Nec August. dubitavit, ecclesiam nigram in malis, formosam in bonis interpretari in 3. lib. de doct. Christ. cap. 32. Quin Origenes ecclesiam propter eos, qui columbas in illa vendunt, speluncam latronum appellavit, tract. in Mat. 25. Quod si hoc nos præsidium deficeret, habemus alterum: quod in hujusmodi major quædam vis boni, quam mali est: pliusque omnino valent pauci boni, ut plebs bona sit, quam multi mali, ut nominetur mala. Ecclesiam præterea sanctam dicimus, quod Deo peculiariter sacra sit: quæ ratione, quamvis mali in ea sint plurimi, Synagoga Sathanz appellari nec debet nec potest: Hunc enim in concilio Constantiensis ejus impudens maledicentia damnata est, qui Romanam ecclesiam, Synagoga Sathanz appellavit. De undecimo autem argumento dictum est satis.

Duodecimum vero infirmum & nugatorium est, tamen si Calvinus inde exultare non dubitet, unde erubescere debuisset. Ratiocinatur ille quidem interdum argute, sæpius eleganter: sed quandoque adeo incepte, inulise, frigide, ut vix eum credas, non dico eruditionem acumenve, sed aut rationem omnino ullam, aut sensum etiam communem habuisse. Tantum hæreticus error & cæca pertinacia potest, ut omnem prorsus doctrinam admittat, intelligentiæ lumen extinguat, & universam ingenii retundat aciem. Sed ad rem. Illud est verum, Græcos ejus schismaticos, ideoque apud eos ecclesiam non esse. Credimus enim unam catholicam ecclesiam. Quare necesse est, ut qui ab unitate se separavit, quoniam non est in una ecclesia catholica, ne in ecclesia quidem ille sit. Nec Græci solum schismatici sunt, sed sunt etiam hæretici: tum propter alia, tum hæc præcipue causa, quod negant unum totius ecclesiæ patrem esse a Christo in B. Petro institutum. Sed hæc importune hoc lo-

Respon.
ad 12.

co, alibi opportune differentur. Quod si qui a Christo vero ecclesie capite ita deficiant, ut ei abrogent fidem: hos fateor, ac multo etiam magis privilegium ecclesiastici nominis amittere. Mortuo autem summo pontifice, una sine dubio ecclesia manet, & manet in ea spiritus veritatis: sed manet & immutata sine Christi vicario, & ecclesie catholice uno pastore relinquitur. Quocirca licet veritas tunc etiam in ecclesia sit, at si controversie fidei & religionis oriantur, ecclesie judicia sine capite in terris non adeo cetera erunt. Quæ persequi, hujus loci non est. Atqui Apostolus, cum eo loco dedita opera ecclesie unitatem definire vellet, ejus rei prorsus oblitus est, a qua re nos dicimus unitatem ecclesie pendere. Sed mirari satis non possum istorum hominum stultitatem, qui cum non ferverint unitatem spiritus in vinculo pacis, sed ab ecclesia se corpore sejunxerint, Paulum eo loco nobis obijciunt, qui illis vel adversissimus est. Nam si unum corpus, & non duo Christus habet, quo modo nos duas ecclesias admitemus? Et si una est fides: qui in fide & religione discrepat, hic quomodo in una ecclesia est? Qui autem Christi vicarium contemnit, is ne unum filium agnoscit? Certe qui cultum Dei pro suo sibi arbitrio fingit, is nec spiritum unum colit, nec patrem unum suscipit, nec in una proinde ecclesia est: Quæ sine recta & catholica fide Deum unum nec colere, nec habere potest. Verum isthæc, quæ extra causam, præterque institutum invitis occurrunt, paucis resellenda sunt. Reliqua itaque persequamur. In Græcis, ajunt, viri boni sunt aliqui. Sanè, si sunt aliqui, tantum erunt, qui cum catholica fide consentient, qui ab schismate alieni sunt, qui unum unius corporis tenent caput, unumque unius ovilis pastorem, non in celis solum, sed etiam in terris. Sic enim Christo capiti nostro ac pastori visum est, unum loco sui ecclesie relinquere: quem simul atque fidelis abjiceret, & corporis & ovilis deserere unitatem. Quemadmodum in Israël sub Hieroboam quidam erant viri pii, sed illi tantum, qui in divisione regni nullam fidei, religionis, sacerdotum divisionem meditabantur. Verum hæc alias. Nunc illud admodum puto, Apostolum eo loco ec-

clesie perfectam unitatem communionemque describere: nimirum qualis in bonis sanctisque viris reperitur. Meminisse enim opus est, corporis nomen proprium esse ecclesie iustorum. Unum igitur corpus uno primum spiritu definitur, qui illud non modo quasi anima vivificet, sed tanquam spiritus membra ejus singula ad finem situm quodque agat, moveat, instiget. Deinde unum corpus unam quoque ipem vocationis requirit: Ubi spei vox pro re gloriaque sperata usurpatur, ut illo etiam loco, Spes autem, quæ videtur, non est spes. Unum igitur finem, sicut cetera, hæc etiam respub. habet: ad quem omnes ejus cives vocati ac destinati sunt, in quem proinde spectant omnia hujus corporis membra. Tertio loco una resp. unum Dominum, unum regem, unum caput desiderat. Nam si duo habeat capita, monstrofa erit. Exigit præterea unam fidem. Nisi enim hujus reip. cives fideles sint, Dei populum non conficiunt. Populus autem Dei intelligitur divino cultui ac religioni dicatus. Quod nisi una sit omnium communis fides, ne una quidem religio erit: atque adeo nec una Dei ecclesia. Quid, quod si diversa credimus, cum fides sit quasi hujus corporis oculus, eundem scopum & finem habere non possumus? Una ergo fides necessaria est. Necessaria est denique præter hæc, baptisma unum, in quo inest cæterorum sacramentorum communicatio. Plebs quippe Christiana non interiore solum fidei communionem ac charitatis vinculo, sed exteriora etiam fidei testatione, sacramentorumque consociatione constat. Ex quo fit, ut nisi in eodem baptismo, eisdemque omnino sacramentis membra exterioris colligata sint, in unum Christi corpus, quod est ecclesia, coire non queant. Fecit autem apostolus solus baptismi mentionem, tum quoniam inter omnia sacramenta vel maxime est unum: tum quoniam hoc sacramentum Christianæ gentis proprium signaculum est: quo videlicet non consignamur modo, sed etiam sacramur. Id quod Synagoga circumcisio præstabat. Jam in verbis, quæ addit Paulus, Unus Deus, unus pater, &c. eo, ut mihi videtur, respicit: ne in uno hujus reip. domino tyrannidem ac dominationem subesse putaremus. Unum itaque dominum cum duxisset, blandioribus vocibus

bis dominatum molli ac mitigat. Ne-
te, inquit, terreat unus Dominus: u-
nus enim Deus idem est, unusque et-
iam pater. In Dei porro nomine bo-
nitate, suavitatem, providentiam nu-
minis intellige. Beatus, ait, populus,
cujus Dominus Deus ejus, sed ille
multo beator, cujus Dominus pater
ejus: in patre siquidem singularis amor
& cura minime vulgaris delinatur, ut
non tam regnum, quam patris unam
filiorumque familiam intelligas. Sed ne
scio quo pacto, dum Pauli verbis in-
stitit atque hæsit oratio, a proposito
longius excurri, instituitque mei pene
immemor factus sum. Dicebam, Apo-
stolum perfectam corporis ecclesie
unitatem causis suis omnibus definire.
Ecclesie vero unitas latius extensa est,
& in eis invenitur, qui non servant u-
nitatem spiritus in vinculo pacis, nec
inter se per amorem adherescunt, nec
alii alios apprehendentes capiti suo
conneſcuntur. Quin etiam partes qua-
dam in hoc toto sine fide insunt, ut
hæretici occulti, quandiu ab ecclesia
non sunt exclusi. In quibus satis est
unum baptisma, sacramentorumque ead-
em societas & communio, ut in una
ecclesia esse dicantur. Nam summum
pontificem, episcopos, ceterosque Ec-
clesie ministros, potestate ac jurisdi-
ctione per hæresim abditam interio-
remque privari, non modo non cer-
tum, sed ne probabile quidem esse,
maxima auctoritate Theologi affirmant.
Rectores vero ac magistratus, & reip-
sæ omnino administratos illos esse, qui reip-
sæ hujusmodi partes non sint, ne cogita-
tione quidem informari potest. Ex quib-
us magna significatio fit, non esse a-
quam in omnibus Ecclesie partibus u-
nitatem: sed in quibusdam valde im-
perfectam. Id si minus intelligitur,
ex corpore naturali percipi potest: in
quo sic spiritus & anima existit, ut
partibus quibusdam vim sentiendi tri-
buat, quibusdam vim crescendi, aliis,
ut videtur, ne ullam quidem aut
animalem, aut spirabilem facultatem:
perinde ut si partes illæ nec animam,
nec spiritum in se haberent. Quin et-
iam videmus, cum membrum aliquod
sensu & vita carens arescit in corpore,
quoniam reliquis omnino parti-
bus continuatur, motum quemdam ex-
ternum ab spiritu participare: quamquam
spiritus illi nihil interius vitaleque
communicat. Quem profecto modum

spiritus Christi in corpore Ecclesie te-
net ac servat. Quasdam enim partes
ita animat, & vivas facit, ut nihil
illis deesse vitalium motionum videat-
ur: in quasdam sic influit, ut non vi-
tam eis quidem, sed interiorem quan-
dam spirationem quasi vitale conferat:
aliis autem exteram vim suam fa-
cultatemque dimittat: Ut quamvis mor-
tua prius & arida membra sint, quia
non sunt tamen a corpore excisa, a
spiritu cum corpore moveantur. Quæ
partium affectionum mirabilis continua-
tio ac series, licet tenuis illa quidem
& modica sit, at tantum in Ecclesia va-
let, ut propter locum, quem habent in
corpore, nonnullæ partes vel capita Ec-
clesiastici corporis appellentur. Væ,
inquit, vobis, qui opulenti estis in Sion,
optimates, capita populorum: Mem-
bra videlicet aliquando, non ex vita,
quam sua sponte & natura vendicant,
sed ex situ, quem sortita in corpore
sunt, per metaphoram transferri solent.
Ita qui locum primum in Ecclesie
gubernatione tenet, caput Ecclesie
ille dicitur: tamen propriæ ac vere
membrum corporis Ecclesie non est.
Sed de his, quæ ad Ecclesie unitatem
spectabant, quantum huic loco satis e-
rat, dixisse videmur. Nunc de univer-
sitate Ecclesie dicamus: nam id in
tertio decimo argumento queritur.

Καθ' ὅσον Græce, si verbum verbo red-
das, secundum totum interpretabere:
καθ' ὅσον enim totum est. Unde catholica,
ut Augustinus ait, nomen accepit:
quod in toto orbe juxta prophetarum
prædictiones diffusa est. Quia vero in
toto orbe universæ etiam gentes intel-
liguntur: inde adeo venit, ut Eccle-
sia catholica, id est, universalis no-
minetur: quoniam in omni gente, po-
pulo, natione, sexu, conditione, lon-
ge lateque patet. Cujus utriusque rei
extat insigne illud oraculum, Postula
a me, & dabo gentes hæreditatem tuam,
& possessionem tuam terminos terræ.
Atque hoc discrimine non solum a Syn-
agoga, sed ab hæreticorum etiam con-
venticulis congregationibusque distin-
guitur. Sunt etiam qui dicant, Eccle-
siam propter communem fidem, uni-
versalemque doctrinam, catholicam ap-
pellatam. Fides autem Ecclesie acque
doctrina mulisariam communis & uni-
versalis est. Primum ratione hominum,
juxta illud, Prædicare Evangelium om-
ni creaturæ. Deinde ratione loci,
quem-

Amos 6.

Respon-
ad 13.Mala p.
Daniel.
Esa. 19.
Psa. 12.
Mica. 1.
Ador. 1.
Genes. 12.
Psa. 171.
& 116.
Luc. 24.
Apoc. 1.
Colo. 3.Psa. 1.
Ad Tit. 2.

Matth. ult.

Mat. ult.
& ad Rom.
Ro.

1. Cor. 1.

Phil. ult.

quemadmodum scriptum est, Prædicaverunt ubique, & in omnem terram exiit sonus eorum. Præterea ratione temporis. Quoniam Apostoli non tum hoc, tum illud, sed idem dixere semper. Fidelis, inquit, Deus: quia sermo noster qui fuit apud vos, non est in illo: Est & Non: sed est in illo, Est. Item: Narraverunt mihi iniqui fabulationes, sed non ut lex tua. Omnia mandata tua veritas. Et posterius, In æternum Domine permanet verbum tuum, in generatione & generationem veritas tua. Quod igitur ab omnibus in omni & loco & tempore certo atque constanter creditur & docetur, id vere dogma catholicum nuncupatur. Et quæ huiusmodi dogmata ac disciplinam habet, ea vere Ecclesia catholica. Nam hæreticorum conciones, privatas habent, peregrinas, inconsistentes, clandestinæque doctrinas. Bene ergo & prudenter Vincen. Lirin. de proph. noy. In ipsa, inquit, catholica Ecclesia, ad quam non una natio, non unus angulus, sed maris multitudo convertitur, id teneamus, quod ubique, quod semper, quod ab omnibus creditum est. Hoc est enim vere propriæque catholicum, quod ipsa vis nominis ratioque declarat: quæ omnia hæc vere universaliter comprehendit. Quæ cum ita sint, ille est verus germanique catholicus, qui, quicquid universaliter antiquitus Ecclesiam catholicam tenuisse cognoverit, id solum sibi tenendum credendumque decernit. Quidquid vero ab aliquo deinceps uno præter omnes, vel contra omnes novum & inauditum libinduci tentaret, id non ad religionem, sed ad tentationem potius intelligat pertinere. Hæcenus Lirin. Scio causas proferri alias solere, cur Ecclesia catholica sit: sed hæc mihi vise sunt cognominis huius asserendi gravissimæ. Quibus postitis illud argumentum facile diluitur. Primum enim Ecclesia non ita modo contracta est & adducta in angustum, ut in orbe diffusa non sit. Quin nostra memoria novus orbis apparuit multo maximus atque latissimus, in quem discipulorum Christi sonus exiit, ne quispiam dicat, Hispanos, Gallos, Italos, Germanos, cæterasque nationes, in quibus Christi nomen aut vivit, aut non omnino deletum est, minorem partem orbis occupare. Deinde satis est, Ecclesiam semel in totum

mundum esse fusam, ut etiamnum vere catholica dicatur. Nempe eadem Ecclesia est, eandemque fidem tenet, quam Apostoli in universa terra vulgaverunt. Sane vero fidei præsentis universalitas ad eam universitatem referenda est, quæ tempore antea in Ecclesia fuit: & hæc ad illam tandem, quam Apostoli in totum orbem ediderunt, quemadmodum in secundo libro demonstratum est. Ex quo efficitur, ut quamvis Christiana fides in unius forte provincie angustias redigeretur, nihilominus catholica esset, & provincia item, quæ eam fidem haberet, Ecclesia esset etiam catholica. Nam & Ecclesie singule sub universalis comprehensione, catholicæ vocitantur, quoniam eam fidem habent, quam universalis tenet, teneantque semper Ecclesia. Sed hæc, & ea quoque quæ restant, perspicua sunt omnia. Brevis itaque expedienda sunt.

Obijciunt ergo in quarto decimo argumento, frustra omnium fidelium sensum expectari. Cui ego argumento hæc brevissime retulerim. Duo sunt rerum genera, ut alias dictum est, quæ ab Ecclesia creduntur. Unum, quod ad omnes æque pertinet: ut Deum esse hominem, animum nostrum esse immortalem. Et in hoc genere non est valde difficile, omnium fidem sensumque cognoscere. Non dico autem, ut seorsum regentur singuli, quod & per molestem esset, & oppido quam ridiculum, sed singulorum fidem in huiusmodi statim se se proderet: satisque mediocri adhibita diligentia cognitam nobis & perspectam esse posse, præsertim si res in contentione veniat, & vulgus suo more caleseat. Alterum est genus earum rerum, quas cognoscere non rudium & imperitorium in ecclesia, sed majorum & sapientium interest. Ut epistolam ad Hebræos esse canonicam, ac reliqua similia quam plurima. Quo in genere si vulgarem plebis sententiam roges, perinde erit, ut si a cæco sensum colorum postularis. Causa igitur atque prudenter, cum huiusmodi tortasse res in sermonem popularem incidunt, qui in vulgo paulo modestiores sunt, nihil omnino asserere astringenterque pronuntiant: sed id se credere ac sentire in hisce rebus proficuntur, quod ecclesia credit, ac sentit. Quo profecto nomine sapientes ecclesie maioreque designant. Porro live in hoc,

Respon.
ad 14.

live

sive in illo genere quaestio versetur; populus quasi de tribunali sententiam dicere nec debet, nec vero potest. Quoniam, ut hic pro certo & probato sumimus, ligandi, solvendi, iudicandique potestas in singulis fidelibus non est, sed in ecclesiae praefectis, atque pastoribus. De qua re alio loco differemus. Nunc illud dicimus, in communi omnium controversia certum argumentum ex communi fidelium sensu depromi: quamvis non oportet sifillatim omnium sensum perscrutari. In fide autem earum rerum, quae propriae sunt doctorum, atque sapientum, solam horum sententiam expectandam: vulgi ne expectandam quidem. Nam illi certam fidem faciunt catholici dogmatis: hi faciunt nullam. At vero in utrarumque rerum decretis ac legibus, nec vulgus, nec sapientes omnes habent locum: sed ii tantum, qui sint ecclesiae pastores, quemadmodum libris sequentibus explicaturi sumus. Ea vero argumenta, quibus pastorum veritates atque auctoritates impugnata est, in librum huic proximum differantur, ubi haec, multaque id genus alia longe opportunius resurabimus.

Ceterum, quod duo symbola ecclesiae internoscendae Calvinus ponit, nempe ordinem in verbo, & sacramentis a Christo commendatum, ad quas omnino notas ceu ad lydium lapidem omnino congregatio exigenda sit, quae ecclesiae nomen obtendat: bene profecto haberet, nisi hunc lydium lapidem in manu habere ipse vellet, ceteris negaret omnibus. Nos asserimus, Lutheranos nec sinceram Evangelii doctrinam, nec legitimam sacramentorum administrationem retinere. Illi contra, nobis utramque notam inurunt. Equis erit iudex? Negant apud nos ecclesiam esse: apud se, ut nos dicimus, existere mentiuntur. Equi sunt ii tandem, quibus lapis iste lydius est certus, solidus, germanus ad veram ecclesiam explorandam? Arrius, Nestorius, Macharius, Donatus, Pelagius, ceterique omnes haeretici, tum etiam cum Ecclesiae bellum facient, eadem omnino insolentia se habere praefertunt duas illas Ecclesiae quasi tesseras. Quapropter in quacunque de fide cum haereticis controversia Ecclesiae notio periclitabitur. Excipient enim protinus, nos aut in fidei errore versari, aut Christi sacramenta non perinde gerere,

ut a Christo nobis institutum, atque praescriptum est.

Notior est ecclesia, mihi crede, notior est, quam ut quibuslibet motis quaestionibus ejus non solum auctoritas, sed res omnino & nomen in dubium revocentur. Verum hoc loco Calvinus sic insulsius exitit, ut nihil aliud ejus, nisi ipsa insulsius rideatur. Ecclesiam enim apud nos esse, modo ait, modo negat. Nunc ecclesiam dicit nunquam fuisse intermortuam, nunc contra verbi puram praedicationem asserit aliquot jam seculis evanuisse. Tum affirmat sub Romano Pontifice, quem Antichristum vocat, non esse ecclesiae nomen abolitum, sed sub ejus quoque tyrannide ecclesias manere: tum astruit, praesentes omnes catholicorum coetus idololatria, impiae doctrina contaminatos esse, claviumque proinde non habere potestatem. Quod si ita est, Christi ecclesiae qui sunt? Nempe, si Christi ecclesiae sunt, ecclesiae catholicae membra erunt. Porro si membra sunt verae catholicaeque ecclesiae, nequeunt vel idololatria probare scelus, vel errores Evangelio contrarios docere: Item nisi stultum mihi quoque videretur, exigerem ex illo, cogeremque ut responderet; num viros aliquot probos in catholicorum concione esse arbitretur. Si nullos, quoniam, ut ait, omnes ad unum sunt idololatrae, & in impietate esse pius nemo potest, eadem profecto causa ante Lutherum vir bonus in catholicis nemo esset, quippe cum ejusdem criminis rei essent omnes, in eodemque errore versarentur. Ecclesia ergo Christi catholica jam ante Lutherum nulla in orbe erat. Et ubi nam sunt illae de aeterno Christi regno promissiones, quas, quoniam aperte, clare, perspicue sunt, nulla iste interpretatione potuit eludere? Sin autem vere pii inter nos sunt aliqui, non est certe apud nos ecclesia impia, sed pia. A qua cum se contentiosis studio Lutherani separaverint, exploratissimum est, a vera eos Christi ecclesia defecisse.

Quid? Anne ambiguum est, Ambrosium, Hieronymum, Augustinum, Basilium, Chrysostomum, ceterosque optimos, ac praestantissimos viros, quos catholici & veneramus & agnoscimus, vera ecclesiae Christi membra fuisse? At illi stant a nobis universi, Lutherani universi repugnant. Quod facillimum

limum est ostendere. Sed quid ego stultus, qui suadere velim, Lutheranos hæreticorum more cum ecclesia Christi bellare? Quasi vero difficile esset, causis evidentibus, ac necessariis addicere, hos neque in Apostolica, neque in catholica, neque in sancta, nec in una ecclesia esse. Nihil sane facilius esset, nihil explicatius, nihil promptius, si hujus esset aut loci aut temporis. Nimirum quibus omnino rebus cum Donatistis Augustinus egit, ut eorum animos ad veram notionem ecclesiæ unius, sanctæ, Catholicæ, atque Apostolicæ revocaret, iisdem nos Lutheranos vincere nullo negotio & labore possumus. Atque si res ipsæ, quæ tamen in manu nostra sunt, in hac nos pugna desererent: at cognomina Catholici, ac Lutherani apertissime, planissimeque demonstrant, veram germanamque ecclesiæ notam & characterem habere nos, illos non habere: quamvis ecclesiæ no-

men singant, simulent, obtegant. Sicut ubi, ait Hieronymus, audieris eos, qui dicuntur Christi, a quoquam alio nuncupari, ut puta Marcionitas, Valentiananos, Pelagianos, &c. scito non ecclesiam Christi, sed Antichristi esse synagogam. Quo eodem discrimine Augustinus, atque Epiphanius hæreticos a Catholicis distinguendos esse docuerunt. Cum itaque Lutherani cognomen ex Luthero traxerint, planum & expeditum est, eos a communi fide, atque ecclesiâ catholica, in privatam, & singularem hæresim abiisse. Nobis autem super terram nullus fidei magister est, unus cælestis est Christus: a quo Christianorum cognomen est, quod habemus ex illo hæreditarium. In Christi igitur ecclesia sumus. De qua hæc ut brevissime dici potuerunt, ita a me dicta sunt. Nunc ad reliquos locos ex ordine instituto progrediar: meque ad medium munus, pensumque revocabo.

Adver. Luc. cæstian.

Lib. 2. cont. Cæstian. Hæ. 70. Audianor.

Finis Libri Quarti.

DE AUCTORITATE CONCILIORUM,

Quæ quarto loco est posita.

LIBER QUINTUS.

CAPUT I.

*Argumenta continet, quibus hæretici u-
nuntur, ad huius loci auctori-
tatem labefactandam.*

1. Arg.



Ost ecclesiæ auctoritatem, auctoritas Conciliorum sequitur, quam hæretici plurimis argumentis oppugnant.

Illud primum est, quod ecclesia columna est, & firmamentum veritatis. At in Synodum soli cardinales, & episcopi veniunt, qui & numero pauciores sunt, nec auctoritatis pondere, hoc est, nec virtute, nec sapientia graviore: non ergo Synodus regula credendi ecclesiæ est: sed contra, ecclesia synodo.

2. Arg.

Deinde Pontifices & Pharisei collegerunt concilium, cujus sententia impia fuit, ut Joannis 11. capitulo legitur: non ergo semper synodi sacerdotalis iudicium probandum est. Sicut enim principes sacerdotum, & omne concilium quærebant falsum testimonium contra Jesum, Matth. 26. & omnes principes sacerdotum, & seniores populi adversum Jesum consilium iniecerunt, Matth. 27. ita & episcopi ac pontifices nostri contrariam Jesu Christo sententiam ferre possunt.

3. Arg.

Præterea, si veritatem episcopi tenent, & falsi non queunt, id ex divino aliquo pacto proficiscitur. At pactum hoc nusquam apparet. Atque ut appareat, haud aliter interpretandum est, quam illud, quod cum Levi olim & posteris ejus Dominus inquit. Pactum, inquit, meum cum Levi. Lex veritatis fuit in ore ejus, & iniquitas non est inventa in labiis ejus: in pace & quietate ambulavit mecum, & multos

Malach. 1.

avertit ab iniquitate. Labia enim sacerdotis custodiunt scientiam, & legem requirunt ex ore ejus, quia angelus Domini exercituum est. Vos autem recessistis de via, & scandalizastis plurimos in lege: irritum fecistis pactum Levi, dicit Dominus exercituum. Item: Obsecro, Domine, custodiens pactum custodientibus mandata tua. In quorum verba Hieronymus, Non ergo, ait, quod pollicetur Dominus, statim futurum est, sed in eos sua promissa complet, qui custodiunt mandata illius. Unde constat: pactum retinendæ veritatis quondam cum sacerdotali tribu initum, per posterorum culpas irritari. Quo fit, ut ad eundem quoque modum, si Apostolis, & succedentibus omnino Pontificibus veritas a Christo promissa est, eandem tandiu sint servaturi, quamdiu id non suis peccatis egerint, ut veritate destitui mereantur. Alioqui, ut Hieronymus in hunc Malachiz locum ait, Ad sacerdotum quidem pertinet disciplinam, interrogatos respondere de lege, sed si ignorantiam in ceteris diligenter, in scripturis sanctis obtulerint negligentem, frustra jactant dignitatem, cujus opera non exhibent. Atque idem etiam Hieronymus scribit, falso sacerdotes illa jactare: Non peribit lex a sacerdote, nec consilium a sapiente, nec sermo a Propheta, cum scriptura dicat, In perveriam animam non intrabit sapientia. Et per Ezechiel Dominus: Quærent, ait, visionem de Propheta, & lex peribit a sacerdote, & consilium a senioribus. In quæ verba idem ipse Hieronymus: Hæc autem, inquit, non solum eo tempore, quando Babylonius contra Hierusalem veniebat exercitus, a Prophetis, sacerdotibus, & senioribus quærebant-

Dana.

Hieron. 18.

Cap. 7.

bantur, sed quotidie in ecclesiis requiruntur. Quæ si visionem, legem, consiliumque perdidierint, frustra Prophetas, & sacerdotes, & seniores habere se jactant. Adde huc illud Hieronimi testimonium, Sacerdotes non dixerunt: Ubi est Dominus, & tenentes legem meam nescierunt me; & pastores prævaricati sunt in me, & Prophetæ prophetauerunt in Baal. Quibus verbis utendum esse adversus nostri ordinis magistros, Hieron. in commentariis auctor est. Adde illud etiam Speculatorum ejus cæci omnes, nesciunt universi; canes muti, non valentes latrare, videntes yava, dormientes, & amantes somnia. Ipsi pastores ignoraverunt intelligentiam, omnes in viam suam declinaverunt. Quibus ex rebus facile intelligitur, non esse fidendum pastorum sacerdotumque judicium, præsertim si illis Dominus iratus est. Si ergo illi solum in concilio coguntur, concilium profecto errare potest.

4. Arg.

Marth. 11.

August. de
trip. conti.
D. lxxv. lib.
cap. 18.Rufin. lib.
eccl. hist. 10
cap. 22.Leo ep. 11.
11. 11. 12. 13.
14. 15.5. Arg.
Tho. Vm.
lib. 1. doct.
2. an. c. 9.
V. an. in spe.
lib. 14. c. 11.
Turr. lib. 1
c. 17. septi-
ma synodus
ubi illa
Constanti
niana
est.

Præterea, conciliorum auctoritas illo potissimum testimonio probari solet: Si duo ex vobis consenserint super terram, de omni re, quæcumque petierint, fiet illis a Patre meo. Ubi enim sunt duo vel tres congregati in nomine meo, ibi sum in medio eorum. At hoc testimonium probaret æque, provincialium synodorum certa esse judicia: quod a recta fide alienum esse cum ex aliis, tum vero magis ex Concilio Carthagenensi sub Cypriano constat, in quo non duo vel tres, sed octoginta episcopi congregati, contra orthodoxam de unico baptismo doctrinam errare. Synodorum ergo veritas infirma, aut nullo potius fundamento nititur. Atque in eo testimonio histant concilium se assitutum promissit Christus, quæ in nomine ipsius conveniunt. Primum ergo fidem faciant se eire in Christi nomine: nam fieri potest, ut improbi episcopi adversus Christum conspirent. Deinde nihil verbo Dei addant, aut detrahant, illis enim hæc lex præscripta est.

Ad hæc, concilium Ariminense sexcentorum episcoporum erravit cum Ario, Ephesinum secundum etiam frequentissimum cum Dioscuro, Constantinopolitanum vero trecentorum pontificum cum Leone Imperatore. Concilia igitur quælibet generalia nullum argumentum firmum Theologis subministrant.

Sexta item synodus apud Trullum celebrata non unum, sed multa peccavit, ut videre est canone secundo, tertio, decimotertio, quinquagesimo quinto, & sexagesimo septimo. Errare igitur in fide & moribus concilia possunt.

Albertus insuper Pighius vir doctus & pius multis argumentis ostendit, acta, quæ nomine sextæ, & septimæ synodi circumferuntur, varios errores continere. Non igitur conciliorum etiam generalium fides adeo certa est, ut in dubium vocari non debeat.

Præterea, Concilium Constantense definiit, Concilium esse supra Papam, Florentinum autem sub Eugenio IV. & Lateranense sub Leone X. contrarium dogma finierunt: conciliorum ergo auctoritas infirma est.

Rursum Concilium Basiliense definiit, esse hæreticum qui negaverit, Concilium esse supra Papam, aut assenserit Papam transire in alium locum posse Concilium, aut in aliud tempus prorogare. Et tamen nemo tam infans post ea tempora fuit, ut sententiæ contrariæ auctores hæreticos excommunicaverit: conciliorum ergo judicia incertiora sunt, quam ut certam fidem facere possint.

Præterea, Augustinus lib. 2. de baptismo contra Donatistas, cap. 3. Plenaria concilia, inquit, sæpe priora a posterioribus emendari. Id quod certe non fieret, si semper veritatem assequerentur. Sed & Iulidorus quinquagesima distinctione, capite, Domino, Quoniescumque, inquit, in gestis conciliorum discors sententia invenitur, illius sententia concilii magis teneatur, cujus antiquior & potior extat auctoritas. Non igitur conciliorum decreta certa sunt omnia, sed interdum varia sunt, æque adeo inter se pugnantia.

Præterea, cum concilium dicitur errare non posse, aut intelligitur mutilum sine capite, aut integrum interveniente etiam capitis auctoritate. Si mutilum, erravit aliquando, ut catholici ultro ipsi fatentur: si integrum, frustra ad hæci quæstionem finendum congregabitur, cum Romanus pontifex sine generali concilio rite de fide pronunciet, quemadmodum loco proximo sumus demonstraturi. Aut igitur conciliorum dogmata incerta sunt, aut vane profecto congregantur. Id quod Gregorius Nazianzenus in epistola ad

6. Arg.

7. Argu.

8. Arg.

Sess. 4. & 5.
Sess. ult. a.
dia. 14.

9. Arg.

Sess. 1. 1.

10. Arg.

11. Arg.

Procopium, quæ est numero centesimo secundo, plane testatur in hæc verba: Quodcumque episcoporum concilium figio, propterea quod hæcenus nullus omnino Synodi finem aliqua utilitate prædixit, & unde res male habentes non magis exacerbant, quam curant fuerint, videre licuit.

12. Arg.

de concilio.
3. Eius Be-
nignitas

Postremo, Oecolampadius argumentatur ex Concilio Romano sub Nicolao, ubi Berengarius, ut inquit, coactus est adjurare in verba falsissima, quæ nec Rossensis libro tertio contra Oecolampadium cap. 12. nec Cajetanus in libello de Cœna Domini ab errore liberare potuerunt. His atque aliis argumentis contra hujus loci auctoritatem hæretici pugnare solent. Lutherus autem more suo, rem nulla argumentatione, sed sola assertionione conficit inquit: Sæpius erraverunt concilia, præsertim Constantiense, quod omnium impiusse erravit. Et in quadam ad populum concione concilium primum, cui Apostoli & eorum discipuli interfuerunt, errasse ait, eo quod senserint legem & opera necessaria esse ad salutem. Sed enim hunc nos locum & confirmare, & tueri semper oportet, nec ex vera ecclesiæ sententia falsa ulla ratione moveri.

In libro de
capt. Bab.

CAPUT II.

*Duces, quidam nomen aut Synodi,
aut Concilii hoc sane loco
significet.*

Nihil dubium erat, quin synodi vel concilii nomine, eadem quippe res est, pares semper nostri intellexerint sacerdotes, præsertim episcopos, in locum unum congregatos, ut causas eas scilicet definirent, quæ ad ecclesiæ sive fidem, seu mores pertinerent. At Lutherani novum concilium volunt omnibus retro seculis inauditum, ubi de fidei questione judicent, non episcopi & sacerdotes, sed rhetores, & laicorum turba, qui non via & ratione, sed verbis & clamore prævalent. Verum hujusmodi errorem facillimum est eripere.

Tota enim fidelium ecclesia congregari non potest: & ut posset quidem, non expedit tamen, ut ad indisciplina- rum vulgus disciplinæ nostræ controversiæ referantur. Quod si ad rem publicam vel in pace, vel in bello

continendam stultum esset, concitate & ineruditæ plebis consilium requirere, stultum quoque est, ac multo etiam magis velle, ut in gravissimis de fide questionibus populi consensionem æque judicium requiramus. Ac si populus in rebus temporariis tuto & prudenter magistratum curæ, diligentie, consilio scite tradit, nec ferendis legibus quæcumque sibi aut consili aut auctoritatis vendicat; cur plebem hi Christianam incitant, ut suis nolit rectoribus se committere, sed pergat in consilium illum admitti, ubi causæ omnino publicæ, non a privatis hominibus, sed a publicis ecclesiæ magistratibus transigendæ sunt? Non sumus, inquit, adeo rudes & tardi, ut velimus aut totam plebem in concilium cogi, quod esset amentie, aut doctrinæ questiones ad indoctum vulgus referri, quod esset stultitiæ. Sed id cupimus, quod & merito & optimo jure cupimus, ut nec sacerdotes imperiti in concilium veniant, & si qui laici sacrarum literarum periti sint, sunt autem plurimi, hi ad synodum evocentur: & sive sacerdotes, sive laici, delegantur viri prudentia ac sapientia celebres, quorum consilio res omnes ecclesiæ, publicæque negotia gerantur. Quoniam non decet, ut in his, quæ religionis sunt, irreligiosus episcopus laico pio anteferatur: aut in his, quæ sunt doctrinæ, laico docto antefertur sacerdos indoctus.

Sed quod de ignavis episcopis calumniantur, id in confutatione argumentorum explicabimus: nam & hoc primo jam capite inter cætera obiectum est. Quod vero dicunt, selectos & plebe viros in synodum cogendos esse, errant in eo turpissime, nec intelligunt, qualis sit reipublicæ Christianæ facies & forma a Christo instituta. Quæ de re satis abundanter multis voluminibus ab Alberto Pighio, aliisque Catholicis disputatum est. Nunc vero cum Lutherani ego non pugno, utrum omnes fideles sacerdotes sint; non, utrum semina a Christo sine ad ecclesiæ munia & sacrorum administrationem admittantur: quoniam hujusmodi questiones non sunt præsentis operis & instituti. Tantum dico, non feminas, non laicos, sed solos sacerdotes & episcopos oportere in concilium cogi. Veniam, inquit Dominus Moysi, ad te in caligine nubis, ut audiat me populus

Exod. 19.

lus loquentem ad te, & credat tibi in perpetuum. Descende, & contestare populum, ne forte velit transcendere terminos, & pereat ex eis plurima multitudo. Sacerdotes quoque, qui accedunt ad Dominum, sanctificantur: & ascendentes tu & Aaron tecum, &c. In hanc ergo formam Christus per Episcopos & Sacerdotes populum Christianum instituit: nec plebei ascendere ad consultandum cum sacerdotibus debent, sed præscriptis terminis contineri.

Sed ais, Moyses sacerdos non erat, & tamen ille docebat populum, religionisque quaestiones hincbat. At primum, nego Moysen sacerdotem non fuisse. Moyses, inquit, & Aaron in sacerdotibus ejus, Psalmo nonagesimo octavo. Item non modo obtulit Deo munera & immolavit: verum etiam Aaron & filios ejus consecravit. Sacerdos igitur erat. Illud Levitici octavo discrete explicatum est. Deinde dato mihi legislatorem alium, dato ducem & prophetam a Deo constitutum, dato hominem, cujus verbis Deus tantum auctoritatis dederit, & tunc ego fortasse dicam, ejusmodi virum, etiam si laicus sit, cum sacerdotibus consultandum. Sed illud uni Moyfi concessum est. Transferri itaque passim in alios non debet. Nam quid proptie in controversiis finiendis legislator ipse præscripserit, planum in lege & expeditum est. Si difficile, ait, & ambiguum apud te judicium esse prospexeris, venies ad sacerdotes Levitici generis, &c. sequerisque sententiam eorum: nec declinabis ad dextram, nec ad sinistram. In ambiguis ergo quaestionibus ad sacerdotes populus habet currere, in eorumque judicio requiescere. Adde huc illud Aggæi, Interroga sacerdotes legem. Adde etiam illud Malachiæ: Labia sacerdotis custodient scientiam, & legem requirunt ex ore ejus: quia angelus Domini exercituum est. Nec in veteri Testamento solum ea præscripta forma est in controversiis finiendis præcipienda quæ doctrina: sed in novo etiam aservatur, ut in utraque juxta re populus ab episcoporum sacerdotumque laicis & judicio pendeat. Nam, quod ab episcopis percipienda evangelii doctrina sit, testis est Paulus ad Ephes. 4. inquit: Et ipse dedit quosdam quidem Apostolos, quosdam autem Prophetas, alios vero Evangelistas, alios

autem pastores, & doctores, &c. Quo loco Paulus, cum Apostolos, Prophetas, Evangelistas, quasi in tres classes distribuisse, pastores tamen & doctores severe sane atque prudenter re ipsa confusos, sola cogitatione distinguit, ut iidem esse in ecclesia, qui & pascunt & docerent, intelligerentur. Sed in his verbis lapsa confusio deflectit de via, sensimque eo deducta est, ut alios pastores, alios doctores intelligeret, quæ nulla perniciæ major Christianorum vitæ ponit asseri. Apostolus autem penes Episcopos ut regendi, ita quoque pascendi ac docendi auctoritatem esse voluit. Attendite, inquit, vobis & universo gregi, in quo vos Spiritus sanctus posuit episcopos regere ecclesiam Dei. Et rursum ad Timotheum, & Titum, non alios episcopos, alios doctores, sed eundem episcopum doctoremque præscripsit. Ac per Hieremiam Dominus, Dabo, inquit, pastores, qui pascunt vos scientia & doctrina. Doctrina igitur evangelica a pastoribus ecclesiæ expectanda est, quos & episcopos esse, & doctores tradidit Paulus. At vero, quod episcoporum ac Sacerdotum etiam sit de fidei controversiis decernere, Act. 15. cap. tradit Lucas. Cum enim venissent Paulus & Barnabas, & quidam alii Hierosolymam, suscepti quidem sunt ab ecclesia, quæ erat Hierosolymis, sed cum proposita esset quaestio, conveniunt, ait, non semina, non juvenes, non laici, sed Apostoli & Presbyteri videre de verbo hoc. Quod si Petrus, ut mentes Antiochenorum dubitantium Synodi auctoritate firmarentur, non fideles omnes, sed solos presbyteros cum Apostolis congregandos existimavit, quid est, quod nos in ecclesiæ gravissimum cætum mulierculas, lanios, coquos, fartores convenire cupiamus? Scimus enim, apud Lutheranos hujusmodi multos sacrarum sibi literarum scientiam assumere. Præterea, cum in dubium venit, quænam pascunt sint ovis permittenda, quæ contra vitanda, pastorum ea consultatio est, non ovium. Ecclesiæ igitur pastoribus hujusmodi causas Dominus de mandavit. Præterea, claves regni cælestis Christus non vulgo passim, sed Apostolis, eorumque successoribus concessit, ut in cap. Firmiter, de sum. trin. dicitur: nec enim quæ alterius & loci & temporis sunt, ea nunc probare debemus: in clavium

Ad. 10.

1. Tim. 5.
1. Tit. 1.

Cap. 1.

Deut. 17.

Cap. 2.

Cap. 2.

antem potestate eadem res sunt, aperire & solvere, & claudere & ligare, quemadmodum vel ipse Christus Matt. 16. cap. explicuit. Solvere ergo questiones circa fidem exortas, ligareque fideles expleto jam iudicio ad credendum, non quorunlibet est, sed eorum tantum, qui ut claudendi & aperiendi, ita ligandi solvendiue auctoritatem habent.

Confirmat autem hoc vel maxime, quod ea impedimenta tollere, quibus janua regni celorum clauditur, clavium munus est proprium. Ignorantiam igitur fidei, quæ sine dubio in ejusmodi impedimentis est, ii proprie tollent, quibus claves concessæ sunt. Accedit ad hæc, quod Apostolus ad Rom. 10. celos esse intellexit Apostolos, cum eis illud aptavit, In omnem terram, &c. Apostolorum ergo, & eorum, qui Apostolis succedere, proprium erit illustrare cæteros, ac vi sua populum continere. Quod si cæli illustrationes tollis, quibus omnia, quæ terra parit, maturata pubescunt: intercedenda hæc maneat necesse est, ac vere juxta nomen suum arida. Atque etiam si tenebræ operient terram & caligo populos, non has alii discutient, quam quibus a Christo dictum est: Vos estis lux mundi. Qui vero, quod superiorum est munus, inferioribus in ecclesia tribuunt, hi similes sunt, ut si qui aut in terra vini illustrandi ponant, aut in pedibus vini cernendi. Sed quoniam de his fusus & accuratius ab aliis disputatum est, satis fuerit hæc nos pauca breviter attingisse. Nec est profecto cur majorem in hac re lucem desideremus, quam non ratio modo, sed perpetuus etiam ecclesiæ usus fecit esse perspicuam. Non enim patrum memoria, nisi episcopi & presbyteri in concilio vocantur. Nec hi omnes, sed qui pastores ecclesiæ, & rectores sunt. Episcopi enim, quos anulares nostri vocant, sine causa aliquando in synodum sunt admissi. Sed nihil mirum. Nam & sine causa in Ecclesia sunt. Verum hæc alias.

Nunc complectar quod proposui brevi. Sane, nisi me opinio salit, sicut nec simplices presbyteri, ita nec anulares isti episcopi quidem in synodum cogendi sunt. Totum quippe Ecclesiastici concilii negotium non vultus, sed jurisdictionis potestate

transigitur: Ferre namque sententiam, solvere aut ligare, abique jurisdictione nemo potest. Constat autem, patres in synodo aut leges de moribus dare populo, aut de fidei questionibus judicare: quorum neutrum sine ligandi, solvendiue jure sacerdos facit. Sed uterque hæc habeant, errant certe in media luce Lutherani, qui synodum aliter quam episcoporum & sacerdotum collectione definiunt. Errat quoque turpiter pueriliterque Bucerus, cum ait, in synodum ecclesiæ non debere cogi, nisi Dei filios. Primum enim, si solum Dei filii synodum ecclesiæ faciunt, quæro an convenire debeant illo non vocati, an potius futurus sit aliquis, ejus vocentur imperio. Si vocati in concilium veniant, equis, rogo, ille futurus est, qui veros Dei filios internoſcat? Sin alio venient, quisque ergo de se iudicium feret, & lux bonitatis opinione fretus in concilium sese ingeret? Sed ut de se conjecturam habeat, quomodo reliquos iustos esse & sanctos intelliget? Atque ut huiusmodi hominum insaniam aperitius deprehendas, sige in rep. unqualibet cives, qui sua & ipsoe de auctoritate se congregat ad censendum de legibus, de magistratibus, de religione, idque eo quisque audacius, quo magis virtuti suæ & studii fidit. Num talis Reipub. forma & species, non a Solone dico, aut Lycurgo, sed ab ullo omnino cordato homine probaretur? Non igitur ea consilio ac perturbatio in ecclesiæ synodum inferenda est, quam ne in vicis quidem & oppidulis homo sanæ mentis admitteret. Nisi forte in illam insaniam redeamus, ut putemus, hominem, simulatque Dei filius esse desit, potestate quoque regendi, pascendi, iudicandi, ligandi, solvendi esse destitutum. Quod quidem quale sit, non est huius operis ostendere, sed in Repub. prophana animadverti potest, ubi civium tamen vel probitas, vel improbitas non adeo obscura est, ut non queat aliquando facile deprehendi, id quod in Christiana repub. non perinde facile est, cuius scilicet præcipua virtus, quæ filii Dei & nominantur & sunt, occultissima est. Non enim qui in manifesto Judæus est, nec quæ in manifesto in carne est circumcisio, sed qui in abscondito Judæus est, & circumcisio cordis in spiritu, non lucra,

cujus

enjus laus non ex hominibus , sed ex Deo est . Quamobrem si charitate amissa , potestas item publica amitteretur , dici non potest , quantis tenebris ecclesia esset circumfusa . De quo argumento & nos superiore libro disseruimus , & alii plerique disseruerunt multo copiosius : nos quasi prætereuntes hæc diximus , ut lectores intelligant , quod ad præsentem locum satis est , episcopos etiam malos in synodum congregandos , ut qui potestatem paciscendi , judicandi , ligandi , solvendi non amiserint . Lutheranos itaque ab hoc quidem sermone removeamus : ipsi autem intelligamus , synodi ecclesiasticæ nomen , non quovis , sed pastores , & pontifices ecclesiæ completi in unum locum congregatos , ut de causis ecclesiasticis , hoc est de moribus , fide , religione pronunciant .

C A P . III.

In quo Synodorum varia genera ponuntur .

QUORUM hominum conventum synodus ecclesiastica præferat , satis explicatum arbitror capite superiore . Nunc vocabulum partiendum est , ut singula conciliorum genera quidam veritatis & auctoritatis habeant , videamus . Et quidem Gratianus 3. dist. c. Regula , Synodos bisariam paritur , in generales & provinciales . Hac autem divisione , cum præterire aliquid , maximum vitium in dividendo sit , unum prætermisum est . Nec enim solum generales & provinciales synodi sunt , sed etiam episcopales . Ita si placeat nominemus , fabricemurque si opus erit , verba . Sunt enim rebus novis , ut Cicero tradit , nova ponenda nomina . Quamvis hoc recens quidem illud , sed perceptum tamen usu a nostris , tritumque non a barbaris modo , verum etiam a Latinis . Concilia e quidem generalia voco , quæ omnium Christianorum pontificum convocatione celebrantur . Inter multos autem sæpe disceptatum est , an generalis convocatio satis sit , an etiam sit necessaria congregatio generalis . Si enim summus pontifex concilium generale indiceret , non congregarentur tamen nisi soli decem ex Italia pontifices , hujusmodi profecto synodus non est cur ge-

neralis videatur . At contra , si necesse est , episcopos omnes congregari , primum nullum forte in Ecclesia tale adhuc concilium fuit , in quod Episcopi universi convenirent . Deinde , pessimus quisque Episcopus , dum non solum per negligentiam , sed per malitiam synodo adesse contempnit , generale non esse calumniabitur . Et princeps in republica , quilibet , si illi synodus displicuerit , interturbare eam minimo negotio poterit , causarique Episcopos suos vel morborum , vel tumultuum causa concilio interesse non posse . Verum , quoniam omnes hujusmodi controversias persequi non est operis instanti , huic questioni breviter respondemus . Non satis est quidem ad concilium generale , si evocatio generalis est , quando adeo pauci congregantur , ut major meliorque provinciarum pars relicta esse videatur : præsertim si causa legitima sit , cur Episcopi synodo non assuerint . At si per malitiam hominum pessimorum una & item altera provincia desit , non propterea concilii generalis nomen amittitur . Sed ne si per negligentiam quidem , aut aliam occasionem quamlibet episcopi aliquot desint , nominis sui jacturam generale concilium faciet . nisi in dubium vertimus , an Concilia illa quatuor , Nicænum , Ephesium , Constantinopolitanum , Chalcedonense , generalia sint . Quamobrem , ut fideles , ita nos hoc loco loquimur , ut synodum generalem omnium episcoporum evocatione legitima finiamus , licet non sit omnium congregatio . Communi enim fidelium sensu agendum est , cum de rebus vocabusque ecclesiæ loquimur . Idque eodem modo fecerunt sapientes . Nec satis est tamen ad generale concilium evocatio generalis , nisi sit etiam generalis congregatio . Sed ad generalem congregationem omnium Episcoporum congregatio non requiritur . Neque hic desinamus nisi id , quod frequens in ecclesia est . Scimus enim concilia generalia sine evocatione celebrari aliquando posse , sed id peccatum atque adeo præter artem est . Verum de his postea diligentius . Nunc ad reliquas partes propositæ divisionis revertamur . Provincialia concilia sunt , cum a Metropolitano , vel Primæ omnes unius provincie aut etiam regni Pontifices evocantur . Episcopalia sunt , synodi fa-

cerdotum, quæ ab episcopis singulis in sua diœcesi haberi modo solent, ob privatas singularum ecclesiarum causas. Nam synodi huiusmodi, præsertim in Hispania, non erant in usu olim, nisi ob eam causam, quæ decimo-clava distin. cap. postremo exprimitur.

Hac divisione posita, & omnium assensu approbata, altera assumitur, Conciliorum sive generalium, sive provincialium, seu episcopialium, quædam esse congregata Romani Pontificis auctoritate, alia vero non item. Rursus alia confirmata ab eodem Romano Pontifice, alia vero non ab eo confirmata. Nam Concilium Ephesinum secundum, auctore Leone, coactum est quidem, sed non est a Leone, aut alio quovis summo Pontifice comprobatum. Basilienſe quoque Eugenius Quartus indicxit, nec tamen confirmavit. At Constantinienſe, quamvis a principio nullius Romani episcopi auctoritate congregatum fuerit, confirmavit illud tamen Martinus Quintus, Pontifex maximus. Concilium item Milevitanum, quod & Innocentius, & Cælestinus probaverunt, sine auctoritate summi Pontificis coactum fuit. Cum ergo, quam Gratianus duplicem putavit esse rationem, in tres partes distribui debere reperitur, & singulæ trium his distribuuntur in duas: primum est de generali Concilio, sed dupliciter: tum pari ratione de provinciali, post de episcopali distribuendum.

CAPUT IV.

Ubi conclusiones ponuntur, quibus loci hujus auctoritas continetur.

1. Conc. **H**is sumptis, prima conclusio sit, Concilium generale, quod auctoritate Romani Pontificis nec congregatum, nec confirmatum est, errare in fide potest. Hanc conclusionem manifeste probat error Concilii Ariminensis, & Constantinopolitani sub Leone Imperatore: quem hujus loci auctoritati in quinque argumentis capitis primi objicimus. Id ipsum quoque ostendit Gratianus decima septima distinctione, capite Regula, & capite Multis, Julii, & Pelagii clarissimis testimoniis. Idem definit Damascius in epistola ad Stephanum Archiepiscopum, & tria Concilia Africana, quæ

in epistola ad eundem Damascum hoc ipsum confessi fuerant. Non est quippe verum, ratumque Concilium, quod auctoritate Episcopi Romani caret: quemadmodum non ii solum Pontifices, sed Concilia etiam ipsa tradiderunt. Tradidit septima synodus, actione sexta, tomo primo, & octava synodus, actione prima & septima, & synodus Romana sub Symmacho, 96. distinctione, cap. Bene, & synodus nonaginta Episcoporum sub Damasio: historia tripartita libro quinto, capite vigesimo nono, & Concilium Lateranense sub Leone Decimo, sessione undecima, ubi eadem res dicitur in synodo Alexandrina definita: Ita Socrates libro quarto historiarum tripartitarum, capite nono tradit, regulam ecclesiasticam jubere, ut concilia ejusmodi præter sententiam Romani Pontificis non celebrentur. Id quod Julius in epistola ad Orientales dixit fuisse a Nicæna synodo definitum, & Marcellus in epistola ad Antiochenos, hoc ait Apostolos ita tulisse. Videlicet ejusmodi Concilia non solum infirma in ecclesia fuisse semper ad fidem veritatis faciendam, sed conventicula propemodum fuisse iniquitatis, & tristes atque adeo exitiales exitus habuerunt. Mentiri vero ait Bucerius eos, qui affirmant, non licere sine Romani Pontificis assensu, concilia cogere. Id autem primum Eusebii & historiarum tripartitarum testimoniis confirmat. Deinde est Canon, inquit, Nicæni Concilii de synodis habendis. Sunt quoque Canones Apostolici, qui quotannis duas synodos in provincia qualibet præcipient. Asserit autem firmum ac ratum esse quicquid in hujusmodi Conciliis statuitur pro veritate contra mendacium, ita ut ne a summo quidem Pontifice rescindi possit.

Sed hujus hominis impudentiæ, quis poterit sine stomacho respondere? Principio namque illud impudentiæ quantum est, quod historiam Eusebii, & Tripartitam nobis objicit, in quibus contra nos refertur nihil, pro nobis multa? Quid illud alterum? quod Nicænum Concilium, & Canones Apostolicos opponit, in quibus de Synodis provincialium sermo est, quas summi Pontifices pro recta ecclesiarum institutione, & administratione præscripserunt. Nos autem de synodis generalibus loquimur, quas fide summi Pontificis assensu cogere non aliter accipi-

piendum est, ac si regni primarii sine principis assensu, atque adeo illo repugnante cogerentur. Illud vero quale est? firmum esse velle quicquid in his synodis statuitur? Pro veritate, ait, contra mendacium. Scilicet, si pro veritate est, ubicunque statuatur, accipiendum est. Sed quis nos certiores reddet, pro veritate esse quacunque a synodis provinciarum decreta sunt? Verum de his hætenus. Nam in quarta conclusione fufius iſthæc explicabuntur.

1. Conc. Secunda conclusio. Concilium generale, etiam congregatum Romani Pontificis auctoritate, errare in fide potest. Hæc demonstratur aperte exemplo Concilii Ephesini secundum, ubi Legatus Leonis repugnantibus Episcopis ferme omnes Dioſkori hæresi subscripserunt. Confirmat hanc luculentius Leo Papa, in epistolis retro citatis, ad quintum argumentum, & synodus octava actione septima, & Nicolaus ad Michaellem Imperatorem, & Eugenius Quartus, in decreto super unionem Jacobitarum, in quo posteaquam Ephesinam secundam synodum sub Leone congregatam condemnavit, quæ videlicet Eutyichiano errori consensit: Suscepit, ait, sancta Romana ecclesia omnes universales synodos, auctoritate Romani Pontificis legitime congregatas, ac celebratas, & confirmatas. Non dixit congregatas solum, sed celebratas, & confirmatas. Eadem res ostenditur exemplo quoque Basiliensis synodi, cujus errorem in nono argumento capituli primi opponebamus. Sed de hac re in responsione ad hoc argumentum latius. Præterea nullum Concilium ratum est, aut fuit, quod Romani Pontificis non fuerit sulcitum auctoritate, ut Julius, Damasus, Pelagius, alique Patres in prioris conclusionis confirmationem allegati, non obscure tradiderunt: at quamvis Concilium sit edicente Pontifice summo actum, si tamen non sunt ab eo Concilii dogmata confirmata, sed potius vel is, vel ejus Legati pugnarunt, tum certe synodus non est sulcita Apostolica auctoritate: non igitur rata, & firma erit, ac proinde ne idonea quidem, ut ex ea fidem faciamus. Sed hæc conclusio capite proximo fufius explicabitur.

3. Conc. Tertia conclusio. Concilium generale confirmatum auctoritate Romani

Pontificis certam fidem facit Catholicorum dogmatum. Quam quidem conclusionem ita exploratam habere opus est, ut ejus contrariam, hæreticam esse credamus. Primum, quoniam redibunt alias hæreses universæ Conciliorum generalium auctoritate damnatæ: & symbolum quoque Nicænum erit ambiguum, Concilii generalis auctoritate sublata. Deinde, si Concilium hujusmodi errare in fide posset, nulla proſectio certa via esset reliqua, ut in fidei controversiis Catholicum dogma exploraremus. Qui enim summi Pontificis ac reliquorum omnium ecclesiæ pastorum judicium detrectat, is nullum vivum judicem inventurus est, a cujus tribunali non liceat discedere. Volunt Lutherani judicem in concilio scripturam esse, quæ nec sentit, nec intelligit, nec eloqui ipsa judicium valet. Lutherus ipse clamat illa verba, Hoc est corpus meum, proprie accipienda, Zuinglius contra figurat: Quis sententiam dicet? Num scriptura ipsa? an potius iudex ecclesiæ summus cum concilio sacerdotum: quemadmodum Deuteronom. 17. cap. scriptum est? Quod si in judiciis humanis vivos iudices quis recularret in Republica constitutos, & ad literas mutas, & inanites confugeret, omnibus omnino modis exploderetur. Se de his & divinus multa alias, & multa sæpe dicemus. Nunc ad propositum revertamur. Sane Concilio in fide rejecta, scripturæ quoque bonam partem amitteremus. Nam si quis epistolam Jacobi cum Luthero a literis Canonicis expunxerit, per scripturam hæc certe questio definiri non potest: Vivi ergo iudices constituantur oportet. Quod si pastorum detrectato iudicio ad aliud tribunal provocet, nihil aliud proſectio facies, quam Christi & ecclesiæ declinare iudices, & pro divinis humanos substituere. Quoscumque nimirum præter pastores ecclesiæ delegeris, humana illi incertaque auctoritate pollebunt. Ad hæc vel populus fidelis tenetur stare definitioni Concilii, vel potest etiam repugnare. Si tenetur, jam errante Concilio populus in eodem errore versabitur. Sin. repugnare potest, ubinam illud est, Qui vos audit, me audit? Ubi illud rursus, Super cathedram Moysi sederunt Scribæ & Pharisei, quæcumque dixerint vobis, facite? Ajunt, Si quæcumque dixerint nobis, ea facite

Luc. 10.
Matth. 23.

Matth. 17.

re juhentur: cur alio loco Chriftus cavere voluit a fermento Pharifeorum? Nam illud Matthæus Pharifeorum doctrinam interpretatur. Cur rursum eorum traditiones exemplo etiam proprio contemnere docuit? Aliquid ergo doctrinæ propriæ puritati Evangelii adinfcere poliunt: in quo non folum non funt audiendi, fed etiam funt refutandi. Id ergo præcavit Chriftus, ne plebs inalis docentium exemplis ad contempTIONem veræ doctrinæ inducatur. Tunc ergo quæ dixerint nobis Pharifæi, eadem facere jubet Chriftus: cum fuper cathedram Moysi federint, hoc eft, legem Dei enarraverint, doceant, propofuerint. Nam fi fuâ doceant, eos negligere non folum poffimus, fed debemus. Quemadmodum

Trad. 46.

Auguftinus in Joannem non obfcure interpretatus eft. Nihil ergo pastores Evangelicæ illæ fententiæ juvant. Quia cum de fuo loqui poffint, poffunt a nobis vel fperni. Unde Hieronymus in Matthæi decimo feptimo capite, fuper illis verbis, Non omnis qui dicit mihi, &c. Sic ut fupra, inquit, dixerat, eos, qui haberent veftem vitæ bonæ, non recipiendos propter dogmatum nequitiam: ita nunc econtrario affert, ne his quidem accommodandam fidem, qui cum polleant integritate fidei, turpiter vivunt, & doctrinæ integritatem malis operibus deftruunt. Sed ifti quod de mercenariis ab Auguftino dicitur, id ad veros Ecclefiæ pastores valde malitiofe traducunt. Nec intelligunt, inter mercenarios veros femper in ecclefia pastores efle, quorum vocem audire oves oportet, præfertim fi omnium eadem fit. Tunc enim pastorum vox, Ecclefiæ quoque vox, æque adeo Chrifti eft. Alioqui, quidnam illud fibi vult, Obfecro vos, ut idipsum dicatis omnes, & non fint in vobis fchismata? Divifus eft Chriftus? Abſe. Non eft difcenſionis Deus, fed pacis. Ac revera, ut hoc argumentum conferamus in pauca, fi oves omnium pastorum unam eandemque doctrinam fequantur, nihil culpæ in ovibus erit. Sequantur ergo; fac ita, & errantibus pastorebus univerſis oves item omnes errabunt. Quod fuperiore libro fieri non poſſe demonſtratum eft. Jam vero Hieronymus quid fibi velit, ſtatim indicat. Docet enim utrumque Dei ſervis neceſſarium efle, quo eis fides accommodetur: ut & o-

pus ſermone, & ſermo operibus comprobetur.

Præterea Martinus Quintus in Concilio Conſtantiſi inter reliquas interrogationes, quibus ſuſpecti in fide ſunt examinandi, eam etiam proponit, Utrum credant, quod quodlibet concilium generale univerſalem eccleſiam repræſentet. Si igitur concilium generale univerſalis eccleſiæ habet auctoritatem; qui illam de medio tollit, totius eccleſiæ auctoritatem eadem opera diſſolvit. Præclarum igitur illud Auguſtini eſt libro primo de Baptiſmo contra Donatiſtas cap. decimo octavo, plenarum concilii ſententiam, totius eccleſiæ concenſionem efle. Præterea, Paulo non alia via commodior viſa eſt ad veritatem in quaſtione exorta veſtigandam, quam ſi ad concilium Hieroſolymitanum controverſia referretur. Eam igitur viam, quam Paulus ad fidei quaſtione terminandam aptiſſimam exitumavit, nos ingredi & tenere debemus: eamque modeſtiam imitari, quæ & in Judæis, & in Gentibus a Luca Actuum quindodecimo capite deſcribitur. Poterant enim Gentiles cum concilio illo Hieroſolymitano expoſtulare, quod libertatem ſibi a Chriſto datam eriperent quodque caeremonias nonnullas humeris diſcipulorum tanquam neceſſarias imponerent, quæ minus neceſſariæ efle videbantur, cum Chriſti fides eſſet ad ſalutem idonea. Sed ne Judæi quidem repugnare, qui tamen concilii deſinitioni ſcripturam poſſent opponere dicentem: Homo cujus caro præputii, &c. Tantum itaque honoris concilio deferentes, formam futuris ſervandam ſeculis exhibuere, ut ſynodus Petri, ſucceſſorumque ejus auctoritate firmatis ſcripta fides haberetur. Viſum eſt, inquit, Spiritui Sancto, & nobis. Concilium ergo ſententia, Spiritus Sancti ſententia ipſiſſima eſt. Accedit illa quoque cauſa, quod eccleſiæ catholica conciliorum generalium decreta ſemper accipit, ab ipſique habitos hæreticos, tales etiam eſſe ſine dubio exiſtimavit. Neceſſarium eſt igitur conciliorum tenere fidem, ſi eccleſiæ fidem tenere volumus. Quæ res libro etiam ſuperiore magnis argumentis confirmata eſt.

Quarta conſeſio. Concilium provinciale non confirmatum a Summo Pontifice errare in fide poteſt. Cujus rei

4. Conc.

rei

rei exemplum habes in concilio Mediolanensi libro 10. histor. eccles. cap. 20. & in Concilio Antiocheno 90. Episcoporum lib. 4. hist. trip. cap. 9. & in Seleuciano lib. 1. tripart. cap. 14. & in Carthaginiensi, cuius inter arguendum mentionem fecimus. Hæc quoque conclusio non exemplis modo, sed testimonio etiam Symmachi comprobatur, iniquientis, Concilia sacerdotum ecclesiasticis legibus per provincias decreta, quia præsentiam Papæ non habent, valetudinem perdidit. Ita leges aut nimis duras, aut parum rationi consentaneas a conciliis provincialibus interdum editas non est negandum. Qualis illa fortasse fuit apud Aquigranum, quæ refertur triplex sexta questione secunda, cap. Placuit. Illa rursus non imprudenter modo, verum etiam impie a Concilio Elibertino lata est de tollendis imaginibus. Quod si generale concilium, cui auctoritas episcoporum Romani deest, errare in fide potest, errabit aliquando, ac multo etiam magis synodus provincialis.

17 d. c. Concilia.

Cap. 36.

5. Conc.

Quinta conclusio. Concilium provinciale Summi Pontificis auctoritate firmatum, in fide nequit errare. Multorum autem hæreticorum damnatio esset incerta, si hæc conclusio certa non esset. Plerique enim hæretici non per concilia generalia, sed per provincialia sunt damnati.

Primum confirmat est a Leone 1. a Siricio 1. & a 26 Innocentio & Gelasio.

Ut, Pius Iulianus in concilio Tolentino primo, Helvidius in Concilio Thelensi, Pelagius in Concilio Milevitano & Carthaginiensi. Quamquam Pelagium in synodo etiam Ephesina damnatum, de hære. c. Fraternitatis, Gregorius tradit. Sed hæc sententia hodie apud Ephesium concilium non extat. Deinde nec expedit, nec tolerabile est, singulis hæreticis condemnandis singulas generales synodos cogere. Cum ergo ecclesie sue Deus prospexerit in necessariis, nimirum ad hæreses privatas in provinciis reitandas, concilia provincialia satis erunt, si eorum modo Summi Pontificis auctoritate roborata. Præterea, quoscunque ejusmodi concilia damnare, ecclesie eos semper expolit: errare igitur illa in fide nequeunt. Quod si possent, vel unum certe exemplum proferretur. At nullum omnino est, Nam quod Ocolampadius adiit & Romana synodo sub Gelasio, ubi definitum esse ait,

substantiam panis in Eucharistia Sacramento manere, id commentitium esse loco proximo demonstratur sumus. Nullius enim synodi illa sententia est, sed ne Gelasio quidem.

Præterea, Symmachus Papa tradit concilia provincialia quotannis per ecclesie leges decreta, quia præsentiam Papæ non habent, valetudinem perdidit: ergo si præsentiam habent, valida erunt. In 7. item synodo, adione 3. cum Theodorus concilia generalia receperet, statim subdit: Locales synodos non averfamur, sed magis amamus, amplectimur, & recipimus. Earum etiam divinitus inspiratas canonicas constitutiones, correctiones, & leges summæ observantia colimus. Hanc autem epistolam Theodori & orientalium probat ipsa 7. synodus. Atque 8. synodus sessione postrema Canone 1. Regulas, inquit, quæ ecclesie sanctæ, tam a sanctis Apostolis, quam ab orthodoxorum universalibus, nec non & localibus conciliis traditæ sunt, servare ac custodire profitemur. Sed & omnes, qui Christiano censentur vocabulo, damnationibus & justificationibus, quæ per illas prolatae sunt, canonicè subijci decernimus. Hæcenus 8. Synodus. Cujus verba in iis maxime conciliis locum habere intelligenda sunt, quæ a summo Pontifice sunt confirmata. Summus enim Pontifex, ut sequenti Loco demonstrabitur, in fidei judicio errare non potest. Conciliorum ergo provincialium decreta ad fidem pertinentia firma & certa sunt, si a Romano Pontifice confirmantur. Id quod Actorum 15. capite explicatum est. Quod enim ibi congregatum legitur, hoc non generale, sed provinciale concilium fuit. At non minor fides habita est Petro præsidenti, quam si esset Synodus generalis. Quæ ex re Erasmi calumnia reatunditur. Cum enim in annotat. super epistolam ad Romanos capite 5. dixisset, se non usque adeo astringi synodo Milevitana, aliisque similibus conciliis provincialibus, subdidit: Alioqui si quis urgeat, esse servanda quæcumque in illis decreta sunt, proferam ex illis dogmata quedam, quæ nunc ecclesia damnat pro hæreticis. Hæcenus ille. sed, ut diximus, Milevitanum Concilium confirmatum est, ideo illo Christianus urgetur. Illa vero, e quibus dog-

17. d. cap. Concilia.

Localeshæ vocantur Provinciales.

dogmata hæretica proferentur, confirmata non sunt. Ac de his aliam conclusionem adijcimus.

6. Conc. Sexta Conclusio. Ex conciliis provincialibus, licet eis auctoritas episcopi Romani desit, probabile quidem argumentum sumitur ad fidei dogmata suadenda. Hujus rei vel illud abunde magnum argumentum est, quod ex innumeris conciliis ejusmodi vix quinque aut sex reperiuntur, quæ a recta definiendi ratione ac via declinarint. Si ergo hujusmodi concilia rectam ut plurimum fidem tenent, raro deficiunt: probabilissimum sine dubio est, quod ex id genus conciliis argumentum promittitur. Atque certe, nisi sint peculiariter reprobata, communie ecclesiæ vel silentio, vel etiam implicito consensu commendantur, si ad ecclesiæ communem notitiam pervenerint. Non enim fit aliquo pacto vero simile, ut concilium provincialis toto orbe vulgati hæresim ecclesiæ diu dissimulaverit. Error enim, cui non resistitur, approbatur, 83. dist. c. Error. Nec mihi concilium Elbertinum obijcias. Nam in ea parte qua erravit, semper a Catholicis explosum est. Hæc ergo causa est vel maxima, cur Toletana, Arelatensis, Hispanensis, & alia similia antiqua concilia, licet non expresse, implicite tamen probata ab ecclesiâ videantur. Nam Ancyritanum, Neocaesariense, Gangrense, Sardicense, Africanum, & Carthaginensis a Leone 4. confirmata sunt, 30. dist. cap. de libellis. Trullana quoque synodus quædam concilia provincialia probavit: sed quantum hæc Trullana approbatio valeat, postea sumus fusc disputaturi. Nunc illud solum asserimus, concilia, quæ a summo Pontifice comprobata non sunt, non certum quidem illud, sed probabile tamen argumentum suppeditare ad fidei dogma corroborandum. Id quod ex Innocentio colligitur, 30. dist. c. de quibus.

7. Conc. Septima conclusio. Concilia Episcopalia, si a Romano Pontifice in decretis fidei confirmantur, certum argumentum veritatis exhibent. Si enim Toletana synodus, præsidente & confirmante Petri successore, in fide errat, non videtur causa esse, cur Romana synodus errare non possit. Item concilium provinciale a Summo Pontifice confirmatum, certæ auctoritatis est: ergo & synodus episcopalis. Sed non

venit in mentem, alia episcopalis synodus in judicio fidei a Romano episcopo confirmata, præter Complutensem sub Alphonso Carrillo Archiepiscopo Toletano, ubi damnatus est magister quidam Oxomensis, qui falso de clavibus ecclesiæ, & penitentiae sacramento sentiret.

Postrema Conclusio. Synodus episcopalis per se quidem in judicio hæresis probabilem fidem facere potest, certam non potest: Illud prius expedire debemus, nam hoc posterius satis expeditum est. Illud ergo ostenditur ex cap. Ad abolendam, de hæreticis, ubi a Lucio tertio, vinculo perpetui anathematis innodantur ii, quos vel Romana ecclesiâ, vel singuli episcopi per dioceses suas cum concilio clericorum, vel etiam, si oportuerit, vicinorum episcoporum, hæreticos judicaverint. Non ergo levis conjectura accipietur ex hujusmodi synodorum judiciis, quæ Lucius tanti fecit, ut pro excommunicatis habendos esse decreverit, quos eadem synodi hæreticos definierint. Nec me clam est, quod quidam viri docti hanc Lucii decretalem de deprehensis in manifesta hæresi interpretantur. Alioquin negant concilio episcopali, atque adeo provinciali de hæresi judicandi. Id probant, quod fides res est omnibus communis, quare potestas censendi de fide hæresique contraria, non penes privatas ecclesias, sed penes universalem ecclesiam erit. Item suadent id ex cap. Majores, de baptis. & ex cap. Quoties, 24. quæst. r. ubi ejusmodi causæ ad solam sedem Apostolicam dicuntur esse referendæ, cum illi speciali privilegio a Domino reservatæ sint. Ac post verba citata idem Lucius hoc videtur confirmare, iniquens: Præsentî nihilominus ordinatione sanctimus, ut quicumque manifeste fuerit in hæresi deprehensus, &c. Loquitur ergo Pontifex in casu, quo hæresis est manifesta. Sed mihi semper longe probabilior illorum sententia visa est, qui putant, eos plane & simpliciter anathematis vinculo per hanc Lucii decretalem alligari, quos vel Romana ecclesiâ, vel synodus provincialis, aut etiam episcopalis, hæreticos judicaverint, quamvis non sit hæresis omnibus manifestâ. Primum enim non dixit textus, Quos hæreticos declaraverint, sed, judicaverint. Alio-

Postre.
Concl.

quī, si declaratio illa rei manifeste erat, non verum in causa fidei iudicium, quorum eam rem ad episcopum eum concilio clericorum, & non magis ad Theologos Lucius retulit, ut scilicet eos anathemate percelleret, qui a Theologis eruditus heretici declararentur? Deinde, si Lucius non proprie verbum illud, iudicaverint, usurpavit, sed improprie, pro eo quod est, rem manifestam exponere: cum idem omnino verbum simul & ad ecclesiam Romanam, & ad episcopum cum clericis suis referatur, consequens fieret, ut etiam pari modo per ecclesiam Romanam non hereticos iudicatos, sed declaratos excommunicari a Lucio intelligeremus. At constat, vocem illam de ecclesia Romana proprie & simpliciter intelligi: non est igitur, cum ad synodum episcopi refertur, in alium sensum detorquenda. Adde, quod multisariam causa ejus, qui hereses infumabatur, ad id genus synodos referri poterat. Primo ex sedis Apostolicæ commissione peculiari, ut de causa Priscilliani cognovit concilium Toletanum primum: & de causa Magistrī iussu Oxomensis cognovit synodus Complutensis, sub Domino Alphonsio Carillo Archiepiscopo Toletano. Mox sine commissione pontificis speciali, id quod inquisitores modo faciunt, in heresi quidem manifesta, sed ubi non erat manifestum, an reus esset hereticus, vel quia non erat probatum & notum, eum propositionem hereticam asseruisse, vel certe quia, etsi asseruisset, nondum erat comperta pertinacia, sine qua hereticus nullus est. Postremo in heresi non perinde manifesta, ut omnibus passim esset exposita, sed tali tamen, ut non esset necesse, aut ad concilium generale, aut ad Apostolicam ecclesiam referre eam: quod periti Theologi heresim esse consentirent. Et in his omnibus casibus jus & olim habebat Synodus, & nunc habent ii, quibus fidei cognitio est mandata, pronunciandi ac iudicandi de causa fidei. Tamen huiusmodi tribunalium iudicia non adeo explorata sunt, ut falsa esse non possint, non in re dubia solum, interque viros doctos controversa, quo calu synodi locales non habent de heresi pronunciare: sed etiam in re, quæ omnibus provinciarum Theologis videretur manifesta,

quo calu sine crimine usurpati iudicii de causa fidei pronunciant. In his ergo tribus casibus, licet iudicia hæc certa & firma in ecclesia non sint, expedit tamen, ut, quoniam sunt valde probabilia, maximi a fidelibus habeantur. Nec enim erit parum ecclesie noxium, si non interm ab his perinde ut ab excommunicatis caveat, quos non ecclesia Romana modo, verum etiam synodus aut provincialis, aut episcopalis hereticos iudicavit. Sed primam objectionem videamus. Causa, inquit, fidei omnibus communis est, atque adeo privatus iudicium non licet de ea sententiam ferre. Et læsæ maiestatis, ac proditæ reipublice crimen cives universos tangit, & privati tamen iudices de eo censere solent. Nam capitula illa, quæ asserunt, intelligenda sunt, cum res inter ipsos episcopos & viros Theologos est ambigua: quemadmodum Pelagius explicuit 17. distinct. cap. Multis. Qui etiam sensus ex Deut. 17. cap. manifestus habetur: Si difficile, inquit, & ambiguum apud te iudicium esse prospexeris, & iudicium intra portas tuas videris verba variari, surge & ascende ad locum, quem elegerit Dominus, &c. Nam illud quidem, quod Lucius addit, nihil militat adversum nos. Non enim dixit: Quicunque fuerit in manifesta heresi deprehensus: sed, Quicunque manifeste fuerit in heresi deprehensus. Vult autem, quod ibidem perspicuum est, ut nemo tradatur brachio seculari, nisi hereticum esse constiterit. Epulmodi enim pænæ, ut executioni mandentur, probationes exigunt licet meridianæ clariores. Sed de conciliorum auctoritate dictum est satis.

CAPUT V.

Ubi notū quidam solvuntur, quibus interdu homines etiam docti illigari solent.

Quibus rebus expositis, nihil aliud superesse videbatur, nisi ut argumenta reicerem, quæ a principio sunt posita. Sed paranti mihi eas objectiones repellere, objecerunt se scrupuli aliquot, quos prius convenienter excutere, quam ad alia pergamus, ne in via, quam superiore capite aperuimus, sint Theo-

Leo com-
m. tit.
Sicut &
conmuit.

1. quæst. logis impedimento. Primum igitur dubium illud excitandum est, an concilium per legatos summi Pontificis celebratum, firmam certamque habeat auctoritatem: an potius episcopi Romani confirmatio expectanda sit, ut certa habeantur decreta concilii. Ac Cajetanus quidem, qui sine controversia de auctoritate Papæ, & concilii accuratissime disputavit, quemque nos correctione quadam adhibita potissimum secuti sumus, multa hæc discrete dicit, quæ a præsentis instituto videntur esse aliena: sed asseruat denique, id quod ad præsentem locum, & questionem attinet, concilium per legatos Pontificis actum, errare in fide posse. Superest enim adhuc ille, pro cuius fide rogavit Christus, ille inquam, ad quem fidei summa tandem referenda est. Quare nisi definitiores conciliorum per summos Pontifices & probeantur & confirmentur, certas firmasque esse non oportet. Idem etiam Cardinalis Turrecremata sensu libro tertio, cap. sexto, octavo & trigésimo octavo, quibus locis summissime ostendit, omnia retro antiqua concilia a summo Pontifice confirmari dogmatum petuisse: non id profecto actura, nisi existimassent necessarium. Nam quod confirmatio Pontificis ad fidei quoque dogmata referatur; liquet ex epistola Nicænæ synodi ad Sylvestrum papam. Quicquid, ajunt, constitutum, precamur ut vestri oris consortio confirmetur. Et Sylvester eidem synodo rescribens, Confirmo, inquit, figoque ad doctrinam vestram reclamantes de unitate Trinitatis. Et paulo post: Probo, ait, vera fuisse, quæ in vestrum nostrumque innavere mysterium, &c. Et patres concilii Chalcedon. in epist. ad Leonem: Omnem, inquit, vobis gestorum vim insinuavimus, ad probationem nostræ sinceritatis, & ad eorum, quæ a nobis gesta sunt, firmitatem & consonantiam. Et Leo Papa in epistola ad concilium Chalcedonense, quæ est in ordine 59. Ne ergo, ait, dubitabile videatur, utrum quæ per unanimem vestram de fide statuta sunt, approbem &c. postea dicit se approbationem gestorum synodali in sola causa fidei mittere, propter quam scilicet concilium congregatum est. Idem patet ex epistola Leonis hujus nominis tertii, quæ confirmat sextam synodum

Vide etiam
epist. 11. ad
Pulcheriam.

generalem. Adde hæc, quod ecclesia ante ipsius pontificis confirmationem, nunquam firmum habuit & ratum, quod a legatis concilio præsentibus definitum est. Hinc enim Martianus August. a Leone contendit, ut concilii Chalcedonensis de fide judicium approbaret. Et Leo ob hanc quoque causam Martiano commendavit, ut confirmatio approbatioque concilii ad omnes ecclesias perferretur, quemadmodum epistola 57. ad eundem Martianum scribitur. Præterea concilium sine legatis errare potest: at summus Pontifex non transit in legatos sine fidei soliditatem, quam scilicet sibi soli privatim vendicat, eo quod Christi vicarius est, pastor ecclesiæ universalis, & petra, supra quam Christus suam fundavit ecclesiam. Legati ergo simul cum concilio errare poterunt. Non enim pro legatis Petri, sed pro Petro rogavit Christus, &c. Ad hæc, concilium provinciale, cui legati summi Pontificis adsint, errare in fide potest: non autem si a summo Pontifice confirmatum est. Non igitur Legati eam habent in fidei dogmatis auctoritatem, quam summus ipse Pontifex habet. Quocirca infirma adhuc erunt decreta concilii, quamvis per legatorum judicium confirmata. Præterea concilium Ephesinum secundum erravit in Dioscoro, & tamen legitime; auctore Leone, congregatum est: non ergo firmum & ratum est concilii decretum, nisi sit a summo Pontifice confirmatum. Nec valet dicere, legatos pontificis, & paucos quosdam alios, repugnare. Non enim oportet omnes patres synodali sententiæ subscribere, ut generale concilii judicium habeatur: quoniam ne omnes quidem episcopi judicio Nicænæ synodi subscripserunt. Ac si legati ipsi, ut docti omnes consentiunt, errare possint, nihil obstat, quo minus alii episcopis errantibus consenserint. Legatus nemini pontificis adest, cum in secunda & tertia sessione concilii Basilienis vehementer erratum est; errorique cæterorum Legatus ipse subscripsit: non ergo satis est concilium esse coactum pontificis auctoritate, & legatos concilii sententiam approbasse, ut firma & certa esse in ecclesia existimetur.

At contra viri quidam doctissimi sentiunt, concilium generale legitime congregatum, etiam absente Papa, solidam

cer-

certamque habere auctoritatem, priusquam a summo Pontifice confirmetur. Cujus sententia duas potissimum causas reddere possunt. Unam, quod ejusmodi concilium per legatos episcopi Romani celebratum, ecclesiam universalem repræsentat, quoniam est concilium ecclesie generale: non ergo errare in fide potest, sicut ne ecclesia quidem universalis. Quod autem omne concilium generale ecclesiam universalem repræsentet, definitum est a Martino quinto in fine concilii Constantiensis. Altera causa est, quod concilium generale legitime congregatum, in spiritu sancto congregatum est: quare habet spiritum assistentem, cujus præsentia freti, possunt utique patres, cum aliquid definiunt, dicere: Vultum est spiritui sancto, & nobis. Confirmat autem hoc vel maxime testimonium Julii ad Orientales episcopos inquisitis: Regula vestra nullas habet vires, quoniam Romanæ ecclesie legatus non interfuit; canonibus præcipientibus, sine ejus auctoritate concilia fieri non debere: nec ullum ratum est concilium, quod ejus non fuerit fulcrum auctoritate. Hæcenus Julius. Sentit ergo sine dubio, concilium habere vires, ratum esse, Romanæ ecclesie nisi auctoritate, si Romanæ Ecclesie legatus interfuit.

Hæc difficultas quaestione explicanda illud ponimus, quod rerum gestarum experimento constat: summi pontificis legatos non solere ad concilium accedere, ubi questio de fide agenda est, nisi instructos prius & monitos de ecclesie Rom. fide circa ea, quæ sunt in concilio finienda. Solere, inquam, non item oportere. Nam legati in concilium Tridentinum non potuerunt commode de quaestionibus differendis ante instrui, quoniam erant propemodum infinitæ. Sed externa sere concilia ad unam aut alteram fidei tractandam causam coacta sunt: adeoque legati de Apostol. ecclesie fide prius instructi accesserunt. Principio igitur illud statuo, posse concilium legatorum doctrinæ & instructioni repugnare, atque e contrario legatos posse repugnare concilio: quo casu decreta concilii non solum non erunt decreta Apostolica auctoritate, sed erunt potius refutata. Sicut enim congregatio concilii, reclamante vero, certoque ecclesie Pontifice, vacua est & irrita; sic doctrina, cui vel

præsens pontifex per se, vel absens per legatos suos contradicit, incerta est & imbecilla: idque eodem prorius argumento, quoniam utrique auctoritas episcopi Romani deest, sine qua nec concilium, nec concilii decreta rata sunt. Quod si qui existimant, concilium semel rite ac legitime congregatum errare tum etiam non posse, cum legati Pontificis repugnant, respondeant illi argumento velim, quo secundam conclusionem cap. 4. probabamus, concilii Ephesini secundi exemplum proferentes, ubi ab omnibus pene episcopis erratum est. Non fuit liberum concilium, inquit, sed sententia a Dioscoro, arte, minis, & terroribus extorta est. Video, sed si secundum hominem loquimur, qui metu frangitur, is cupiditate etiam frangatur necesse est. Quocirca, si per metum veræ & legitima synodus errat, causabimur hæretici, reliquas etiam omnes pontificum & imperatorum cupiditatibus infervisse. Ita fiet ut nullius synodi explorata auctoritas habeatur. Quanto gravius illud nos asterimus, concilium Apostolica auctoritate firmatum nullis humanis affectibus a vera posse fide discedere: Ut nem ecclesia quidem, quamvis descendat pluvia, veniant flumina, irrumpant venti, cedere loco potest, fideique statione deserere. Sed concilii reliqua pars quamlibet maxima, si pontifex & legati pugnent, infirmari affectu potest. Huc enim illud pertinet: Tu, o Petre, confirma fratres tuos!

Sed ais, Quid si legatus doctrinam, quam a pontifice accepit, deserat, & multitudinis sensum amplectatur? Primum, nullum hujusmodi exemplum proferetur, nisi forte ex concilio sub Michaele Imperatore, ubi Radoaldus & Zacharias Michaeli & Phocio consenserunt adversus Nicolai instructionem atque mandata: ut videre est in epistola Nicolai ad Patriarchas, Metropolitans, ac reliquos Episcopos. Deinde si legatus contra instructionem agit, non censetur ex potestate delegata agere, atque adeo non est, nisi eo modo acta superioris auctoritate probata esse credantur. Inde enim Agatho papa, ut patet actione 4. sextæ synodi, Auctoritatem, inquit, eis, hoc est, legatis dedimus, in quantum eis dumtaxat injunctum est, ut nihil præsumant augere, minuire, vel mutare, sed

Fig. 4. in
dicteo
nionis ja-
cubinerum
Et Leo Pa-
pa epi-
ad Marti-
num Augu-
stinum.

Ad. 17.

17 dist.
Regia.

sed traditionem hujus Apostolicæ sedis sinceriter enarrare. Et Leo episc. 43. ad Pulcheriam Augustam, Lucentium, inquit, episcopum, & Basilium presbyterum dirigere præparavi, qui dispositiones meas secundum eas, quas acceperunt, regulas, exequantur. Decreta igitur, si quæ a legato contra sedis Apostolicæ traditionem approbentur, non habent Romanæ ecclesiæ auctoritatem: nec aliter se habent, quam si a concilio sine legatis prodissent. Quid vero, si legati sine Apostolicæ sedis instructione ad synodum accesserint? Num synodi judicium firmum erit & certum, prius quam a summo Pontifice comprobetur? Certe in his, quæ ad fidem non attinent, sed ad ecclesiasticam gubernationem, ejusmodi synodorum decreta non oportet a Spiritu sancto proficisci. Quare non sunt omnino valida, nisi Romani episcopi consensione firmantur. Ut videre est in epistola 51. Leonis ad Anatholium, 52. ad Martinum, 53. ad Pulcheriam, & 59. ad Concilium Chalcedonense. Sed ne in causis fidei quidem adeo exploratam auctoritatem habent, ut qui ea in dubium vocet, hæreticus sit. Tum quia auctores nobilissimi, quos ante diximus, Cajetanus, & Turrecremata, non solum citra hæreseos crimen, sed probabiliter etiam consentiunt, nihil firmi dogmatis ab ejusmodi synodis proficisci, quousque per Christi Vicarium approbentur. Tum quia, ut ante dictum est, solidam auctoritatem, quam in confirmandis & fratribus, & dogmatis Petrus habet, in legatos transferre non potest. Tum quia si legati, qui instructionem ab Apostolica sede acceperunt, discedere ab illa possunt, illi etiam, qui ad concilium sine instructione accedunt, poterunt cum sedis Apostolicæ doctrina pugnare. Quare eorum confirmatio infirma est. Quid, quod legatus Julianus concilii Basilienensis doctrinæ consensit, quam nullus Theologus ita solidam & certam existimat, ut hæreticos credat, qui ab ea doctrina dissentiant?

Nec contraria argumenta quicquam efficiunt. Nam primum sic refellitur: Factore equidem quodcumque concilium generale universalem ecclesiam representare, sicut omnes proceres & procuratores civitatum, cum de rebus publicis tractaturi conveniunt, regnum totum repræsentant. Sed dum urges ec-

clesiam errare non posse: verum est id in eo sensu, qui a fidelibus accipitur: intelligimus enim totam simul ecclesiam, hoc est, fideles omnes non errare. At nihil obstat, cur major ecclesiæ pars non erret. Sic igitur non ego admitto, ut totum concilium cum legatis errare possit. At errare poterit major pars concilii, & erranti illi poterunt legati subscribere. Atque id est, quod nos in præsentia dicimus, judicium majoris partis, etiam si legati sequantur, non esse certum: certum autem esset, si a summo Pontifice confirmaretur. Nec enim opus est, quemadmodum paulo ante docuimus, sententiam concilii omnes simul patres approbare. Secundo vero argumento hoc habeo responsum: Concilium utique generale, cui legati præsum, in Spiritu sancto congregatum esse, quoniam auctore Christi Vicario, eodemque legitimo ecclesiæ principe coactum est. Sed ecclesiæ quoque unum corpus est, cujus spiritus Deus est, qui ecclesiæ semper assistit. Quemadmodum ergo, quod toti pariter ecclesiæ visum est, id Spiritui sancto etiam visum est: sed non continuo quod major ecclesiæ pars judicavit, hoc Spiritus sancti judicium est: Ita, si quid omnibus quidem episcopis judicatum fuerit, a Spiritu profecto Dei judicatum est: at non statim si plures concilii Patres in unam sententiam convenerint, Spiritus sancti ea sententia credenda erit, nisi per summum Pontificem confirmetur. Ad quem nimirum spectat Patrum lites, dissidiaque componere. Jam Julii testimonium explicatu facillimum est. Tacet enim, quod manifestum erat, concilium illud summi Pontificis præsentia caruisse: ponit autem ne legatos quidem ecclesiæ Romanæ assuisse. Et quibus duobus altero tacito, altero expresse, colligit nullam prorsus ecclesiæ Romanæ auctoritatem in eo concilio intercessisse. Quare irritum & vanum esse. Alioqui, si quis rustice sane eo nos testimonio urgeat, is nullo negotio exploditur. Nihil enim valet illa collectio, si concilium legatos non habuit, infirmum ejus judicium fuit: ergo, si habuit, fuit firmum. Sed de prima questione dictum est satis.

Sequitur altera: An Patres concilii vere judices sint, an potius consilarii? Sunt enim auctores non omnino pessimi, qui conciliorum auctoritatem non in ju-

1. quæst.

in iudicanda, & finienda causa fidei, sed in querenda & investiganda veritate sitam esse velint. Omnem quippe iudicii vim ad unum ecclesie principem, eundemque Christi vicarium revocant, qui fidei causa decernenda eo vel plures, vel pauciores in consilium adhibet, quo causa vel gravior, vel facilius est. Hujus vero rei primum argumentum ponitur, quod in sex libris Decretalium & Clementinis, non Patribus, sed summo Pontifici sententia tribuitur, sacro tamen approbante Concilio. Unde Clemens Quintus concilio Viennensi præsicens, Nos, inquit, ad tam præclarum testimonium, ac sanctorum Patrum communem sententiam, Apostolicæ considerationis (ad quam duntaxat hæc declarare pertinet) aciem convertebam, sacro approbante concilio declaramus, &c. Solum ergo ad sedem Apostolicam iudicium pertinet; Patrum vero non iudicium, sed consilium est. Præterea, cum Pontifex ecclesie Romanæ presbyteros in conventum cogit, ut causa aliqua fidei iudicetur, De fratrum, inquit, nostrorum consilio, &c. Consulunt ergo, non iudicant. Ad hæc, Deuter. 16. Si difficile & ambiguum, &c. venies, ait, ad sacerdotes Levitici generis, & ad iudicem, qui fuerit illo tempore, &c. Et post: Qui autem superbiebit, inquit, nolens obedire sacerdotis imperio, qui eo tempore ministrat Domino Deo tuo, ex decreto iudicis morietur homo ille. Ecce imperium non omnibus, sed summo sacerdoti assignatur, & decretum non iudicium, sed iudicis esse dicitur. A consiliis ergo sunt reliqui sacerdotes, non sunt iudices. A coneraria vero parte facit, quod in concilio illo primo Hierosolymitano non solum Petrus, sed reliqui etiam Apostoli, & seniores iudices esse dicuntur. Propter quod ego iudico, Jacobus ait, non inquietari, &c. Actorum 15. Et postorius cap. eodem, præcepta concilii vocat Paulus præcepta Apostolorum. Et cap. 16. dicit, ea dogmata esse decreta ab Apostolis & senioribus.

Ad hanc questionem persacilis est, & expedita responsio, Episcopos concilii in fidei causa non modo consiliarios esse, verum etiam iudices. Alioquin non solum episcopi ad ferendam sententiam synodalem adhiberentur, sed etiam docti Theologi, & viri in ecclesia prudentes. Quod inaudium

est, contraque formam Actorum decimoquinto præscriptam, ubi Apostoli tantum cum presbyteris de fidei questione iudicaverunt. Cum igitur ecclesie perpetuo usu soli pastores in concilio sedeat, consequens sit, censores eos esse, non modo consultores. Nam si, ut consulerent, advocarentur, iis episcopis, qui Theologice rudis & imperiti essent, nullus esset omnino in concilio locus, quando Theologice questio veniret in dubium. Præterea, non Romanus Episcopus modo, verum reliqui etiam episcopi claves regni coelestis habent: ergo in causa fidei ligandi quoque ac solvendi potestatem. Visum est, inquit, Spiritui sancto, & nobis, nihil ultra vobis imponere oneris, quam hæc necessaria, &c. Omnes ergo episcopi onus, præceptumque imponunt, omnesque simul sententia synodalis auctores sunt. Atque consiliiarii, qui non sunt simul iudices, non solent iudicio, sententiaque subscribere. At in synodali sententia non Pontificis solum, sed cæterorum episcoporum subscriptiones adponuntur. Sunt igitur sine dubio iudices.

Verum scrupulus hic existit, qui male quosdam habet. Nam si omnes episcopi sunt iudices, summus nimirum Pontifex tenebitur in ferenda sententia maiorem partem iudicum sequi, eorumque doctrinam approbare. In omni enim recto, & bene instituto tribunali is, qui præsedit, plurimum iudicium confirmare debet, paucorum negligere. Hac solvenda questione Cardinalis Turrecremata lib. 3. summae Ecclesie capite sexagesimoquarto, & sexagesimoquinto, jurisperitos ipse sequens multa dicit: quæ mihi non probantur omnia. Nec est animas tamen singula persequi, & cuiusque opinionis resistere. Acute enim disputantis, ut Cicero tradit, illud est, non quid quisque dicat, sed quid cuique dicendum sit, videre. Quod igitur assumptum est, Patres concilii non modo consiliarios esse, verum etiam iudices, id inficias ire nec possumus, nec debemus. Nam Patres Nicænæ synodi a Sylvestro contendunt, ut quicquid constituerunt, confirmet, Et Leo, quæ a Concilio Chalcedonensi de fide statuta sunt, ea dicit se probare. Et Concilium ipsum ad Leodem, Decretis, inquit, tuis, nostrum honora iudicium. Et sexta Synodus, actione decima octa-

Ex eadem
gant multis
hoc patet.

92. Anathematizamus, inquit, Theodorum, Sergium, Cyrum, &c. & paulo post: His omnibus, ait, a sancto hoc concilio constitutis, & per subscriptionem nostræ fortitudinis confirmatis, sancimus, ut nullus aliud quicquam de fide sataget, &c. Num verba hæc consulentes sunt? An potius judicantis? Atque in cæteris Patres non ut consiliarii, sed ut iudices loquuntur. Caput enim tertium Nicænæ synodi sic habet: Interdixit per omnia magna synodus, &c. Scrupulum vero, qui nunc opponitur, facile eximo. Nego enim, cum de fide agitur, sequi plurimorum iudicium oportere. Nec hic, ut in humanis vel electionibus, vel iudiciis, ex numero suffragiorum sententiam metimur. Scimus frequenter usu venire, ut major pars vincat meliorem: scimus non ea semper esse optima, quæ placent pluribus: scimus in rebus, quæ ad doctrinam pertinent, sapientium sensum esse præterendum. Et sapientes paucissimi sunt, cum stultorum infinitus sit numerus. Quadringenti Prophætæ Achab mentiti sunt: ex ore vero Michæ solius quidem & contemptibilis veritas egressa est. Non sunt igitur divina iudicia humanis rationibus moderanda. In paucis aliquando citius, quam in multis salvat Dominus. Major quippe pars Ephesini concilii secundi in Dioscori sententiam venit, nec legati tamen plurimum iudicio subscribere. Quocirca summus Pontifex majoris partis sententiam non tenetur amplecti. Immo si pauci, si plures ad errorem deflexerint, munus est apostolici Antistitis ad veram eos fidem revocare: juxta illud, quod Petro dixit Christus: Ego rogavi pro te, ne deficiat fides tua, & tu, non unum, & item aliorum, sed si paucos, seu multos, confirmas fratres tuos. Ita Damasus scribens ad episcopos per Illyricum constitutos, numerum concilii Armeniensis magna libertate contempsit, illicque tantæ multitudinis unum Vincentium, & alios paucos opposuit, qui contra illius concilii sententiam dixerunt. Et Leo, cum Anatolius decretum Chalcedonen- sis synodi de ecclesiæ Constantinopolitane primatu, sexcentorum triginta patrum consensione præferret, Quasi, inquit, refutari nequeat, quod illicite voluerit multitudo. Nulla sibi met de multiplicatione congregationis concilia blandiantur: nec trecentis illis decem

arque octo copiosior numerus sacerdotum comparare se audeat, vel præferre, cum tanto divinitus privilegio Nicæna sit synodus consecrata, ut si per pauciores, si per plures ecclesiastica iudicia celebrentur, omni penitus auctoritate sit vacuum, quicquid ab illorum fuerit constitutione diversum. Hactenus Leo.

Non itaque, quod in humanis consensibus sit, plurimum apud nos sententia prævalet. Quod si semel fidei causam ad humanas conjecturas, prudentiamque deducimus, verendum esse sane, ne Ecclesiæ nepotum ex divitis humanum faciamus. Quin etiam certum est, qui probabili multorum iudicio nuntur, eos fidei nostræ firmitudinem labefactare. Secundum quippe concilium generale centum quinquaginta patrum numero constitit, quartum vero patres habuit sexcentos triginta: utrumque tamen pari veneratione suscepit ecclesia. Non enim numero hæc judicantur, sed pondere. Pondus autem concilii dat summi Pontificis & gravitas, & auctoritas: quæ si addit, centum patres satis sunt: sin desit, nulli sunt satis, sint quamlibet plurimi. Nec si major pars patrum vere sentiat, summus ecclesiæ pontifex repugnet. Id enim ad peculiarem Christi procuratorem pertinet, semperque pertinuit, ne ecclesia in factiones duas dividatur. Nec Romanus unquam episcopus, si exemplum quaerit, contra patres concilii vere sentientes dixit. Ad secundam autem questionem nihil est, quod addere debeamus: nam argumenta ex adverso posita ex his, quæ diximus, facile diluuntur.

Alia questio etiam existit, quæ non est ad exponendum facilis. Si enim concilium summi Pontificis auctoritate firmatum, Spiritu sancto regitur fidei causis iudicandis, ejus ergo definitiones ad sacram scripturam pertinebunt. Nam scriptura sacra vocatur, quæ Spiritu sancto astante scripta est.

Hujus vero argumenti conclusionem vir apprime doctus, & qui tantos habeat in Theologia progressus, ut cum excellentibus Theologis compararetur, non est veritus me præsentem concedere. Atque in hanc opinionem Gratianus quoque videtur descendisse, Divi Augustini testimonio confirmatus 19. distin. cap. In canonicis, ubi summorum Pontificum epistolæ decretales ca-

noni-

1. Reg. 21.

Ep. 19. ad Anatol.

3. quest.

1. Arg. in contr.

2. Arg.

3. Arg.

4. Arg.

Respon.
ad 1.

nonicas scripturas esse dicit: eadem igitur ratione concilii decreta in canonicis scripturis habebuntur. Sed & Innocentius de celebra. Miss. capite. Cum Marthe, eandem sententiam videtur amplecti. Ait enim scripturam sacram asserere, quod injuriam facit martyri, qui orat pro martyre. Hoc autem testimonium alicujus nimirum vel Pontificis, vel concilii est. Ratio item his testimoniis consentit. Fides enim catholica nihil credit, nisi quod est a Deo revelatum: quod si concilii decreta tenemur certa secundum fidem habere: ea sunt certe a Deo revelata, atque ex consequenti scriptura canonica.

At hæc opinio, quam sit inconsiderata, lector, vel me non docente, intellecturus est. Nam si symbolum Athanasii concilive Nicenæ inter sacras literas refertur, cur nec in codicem sacrorum biblicorum redigitur, nec cum libris canonicis annumeratur? Jam libros, qui decretales Pontificum epistolæ, synodorumque judicia continent, in sacris & canonicis habere, absurdum est. Duplex enim discrimen inter sacros auctores, & summum Pontificem patresque concilii reperitur. Unum, quod auctores sacri ex propria Dei vel revelatione, vel inspiratione scribunt catholica dogmata. Nec enim egent exteris ad scribendum incitamentis, aut humana rationatione & scripturis alius argumentantur, disquirunt, colligunt. At concilium & pontifex humana via incidunt, rationemque sequuntur: atque argumentando verum a falso discernunt. Non enim existimandus est summus Pontifex eam habere facultatem, quæ in Apostolis, Prophetis, & Evangelistis inerat, ut proposita unaqualibet de fide questione, protinus dignoscere possit, ultra questionis pars vera salasse sit. Sed adhibere prius consilium necesse est, & expendere utriusque partis argumenta: tum deinde sequetur auxilium Dei, quod videlicet opus est, ut summus Pontifex in reâ fide contineatur. In conciliis item non habent patres mox quasi ex auctoritate sententiam abique alia discussione dicere. Sed collationibus & disputationibus re ante tractata, precibusque primum ad Deum fuis, tum vero quæsitio a concilio sine errore finitur, Dei videlicet auxilio atque fa-

vore, hominumque diligentia & studio confluentibus.

Nam & Apostolis, & presbyteris in synodum Hierosolymitanam congregatis non statim revelatum est, quid esset in fidei causa decernendum: sed facta est prius, ut Lucas ait, magna conquisitio. Et in Nicæna synodo, ut Rufinus tradit, per singulos dies agitabatur conventus: nec facile aut temere de re tanta statuere audebant Patres. Evocabatur frequenter Arrius in Concilium, & assiduus tractatu assertiones ejus discutiebantur, & quid adversum hæc teneri deberet, aucturatur, summa cum libratione quærebatur. Ita post diutinum multumque tractatum firmissima omnium sententia Arius condemnatus est. Ex quo perspicuum est, non dormientibus & occisitantibus Patribus Spiritum S. assistere, sed diligenter humana via & ratione quærentibus rei, de qua discessit, veritatem. Alterum autem discrimen est, quod scriptoribus sacris, quemadmodum primo loco fufius explicuimus, Dei spiritus adest in singulis. Etiam ne in minimis rebus? Etiam. At patribus synodi Spiritus veritatis non est præsens in omnibus, sed in rebus solum ad salutem necessariis. Quod enim in symbolo Athanasii dicitur, carnem & animam unum esse hominem, id non oportet verum esse, quamvis cum Athanasio Concilium Nicænum consensisset. Nam utrum homo partes illæ complexæ sint, an non sint, ad Philosophiæ rationem pertinet, non fidei: quare Philosophorum quæstio est, non fidei. Synodus autem provincialis sub Stephano hujus nominis septimo, per errorem omnes ordinationes factas a Bonoso irritas esse decrevit, quod in Synodo Romana sub Joanne Nono jure reprobatur est. Sed judicium rerum gestarum erat, non religionis fideique decretum. Hujusmodi sunt ea, quæ in Clement. Pastoralis, de sent. & re judic. transiguntur. Non enim ad fidem & religionem attinent. Quocirca, licet errasset Clemens, quod Bucerus contendit, nihil inde concilii auctoritas labefactaretur. Tamest Clementina illa Clementis est, non concilii. Verum Pontificum & concilio- rum eadem causa est. Sixtus Quartus docuit, D. Catharinam Senensem signata non habuisse, non defuit qui contra judicavit. Neutrius Pontificis ju-

Ad. 15.
lib. 10. Hist.
Eccles. c. 2.

L. di.

dicium ad Christi ecclesiam spectat: utrumque ad probare aut improbare sine fidei discrimine possumus. Sed valeant stulti, qui de rebus nihili diligantur. Nos enim hic exempla ponimus, ut lector intelligat, aliter auctores sacros esse habendos, aliter conciliorum patres. Illos ubique vera dicere: hos posse in parvis errare. Ita, quod Christus ecclesie suae pollicetur est, Spiritum eam docturum omnem veritatem, hoc ad fidei veritatem referendum est, ut diserte Augustinus docet, & in commentariis super Joannem, & in actis contra Felicem libro secundo. Nec enim rogavit Christus, ne deficeret Petro aut Philosophia, aut rerum gestarum cognitio & veritas, sed ne deficeret ei fides:

Porritan quispiam dixerit. Nonne igitur concilii Hierosolymitani decreta sacra scriptura sunt? Facta est enim magna conquisitio: dictum est autem, scripturae sacrae auctoribus minime convenire, ut disquirant & humanitus ratiocinentur.

Item, nam & hoc dicit aliquis, Si summus pontifex & concilia, nisi diligentiam adhibeant, errare possunt: cum nobis non constet, an summus Pontifex patreque concilii praestiterint se diligentes, & industrius, ut via & ratione procederet inquisitio, ne constabit quidem an erraverint. Ita quaecunque desinierint, erunt incerta.

Ac primus quidem scrupulus facilius eximitur. Quemadmodum enim verba Pilati ad canonem pertinent, non qua Pilatus dixit, sed qua scripsit Evangelista: sic & concilii Hierosolymitani definitio sacra scriptura est, quod Lucas eam reliquis historiae suae partibus contextuent. Ut contrario verba Petri, quae refert Clemens, non sunt de canone, quoniam Clemens scriptor facer non fuit. Quae causa idonea est, ut canones Apostolorum, quos idem Clemens scripsisse fertur, in libris canonicis non habeantur, tamen Damascenus lib. 4. cap. 18. in catalogum, ut videtur, sacrorum librorum referat, & Epiphanius haeresi postrema refellenda, Apostolorum constitutiones divinarum scripturam vocet. Loquitur autem sine dubio de his constitutionibus, quae in sacris Bibliis scriptae non sunt. Sed alia est illa, cum veritas ipsa limatur in disputatione, subtilitas: alia cum obiter & in transeursu ad vulgarem

quandam opinionem accommodatur oratio. Quamobrem ut sapientes, ita nos hoc loco verbis ecclesiasticis utimur, ut eos solum, qui Spiritu dictante scripti sunt, libri, sacros & canonicos appellemus.

Alter vero scrupulus ita Sylvestri animo refectus, ut vix cum inde pellere posuerit. Meliusque fuisset occultere, quam stimulare ceteros, quo ipse scrupulo pungebatur. Ac sunt etiam, qui non obscure dicant, quod si quando Romanus Pontifex in definitione fidei erravit, inde evenire potuit, quod non tantam, quantam debebat, adhibuit diligentiam, antequam sententiam proferret. Quoniam vel rem non plene examinavit, vel non eos, quos oportebat, consuluit. Quibus si obijcias, Apostolicam Sedem errare in fide non posse: fatentur id quidem, sed ajunt, Sedes Apostolica nomen non solum Summum Pontificem significare, sed ipsum, ut facit ea, quae ad cathedram spectant: hoc est quatenus non ex suo, sed ex consilio bonorum virorum & doctorum procedit. Ita Sedes Apostolicae judicia intelligi, non quae occulte, malefice, inconsulte, per solum Romanum Episcopum, aut etiam cum paucis sibi latentibus proferantur: sed quae ab eo ex consilio plurimorum virorum sapientum plene prius re examinata prodeunt. Quae res ut de concilio quoque dicatur, subsunt omnino causae eadem, quas dixi paulo ante. Non enim exilimare debemus, summum solum Pontificem, cum dormierit, errare: cum non dormierit, verum dicere: Patres autem, si dormiant, siue vigilent, semper recta ingredi, & claudis, quod ajunt, oculis vel in tenebris obscura cernere. Commune est, crede mihi, omnibus ecclesiae iudicibus, ut, si decreta ediderint temeritate quadam sine iudicio, repentino quasi vento incitati, nihil omnino conficiant, quod solidum, quod grave, quod certum habeatur. Ea par est & gravior & certa in ecclesia haberi, quae iudicio considerate, constanterque edita sint. Quamobrem qui siue pontificum, seu conciliorum diligentiam Fidei causa finiendi in dubium vocant, eos necesse est omnia Pontificum iudicia, ac Conciliorum infirmare. Nos igitur scrupulum illum potestorem, si cui infixus est, alter ex animo evellemus. Nam Deus suaviter dispo-

In verbo 6. del. f. aut.

nā omnia, simulque prospicit & finem, & media ad finem necessaria. Si enim promitteret cuiquam æternam vitam, mox conferret etiam illi bonarum gratiarum actionum, quibus eam vitam consequeretur. Videlicet quos glorificavit, eosdem & iustificavit, & vocavit, ut ad Romanos octavo capite dicitur. Sic omnino, cum ecclesiæ fidei firmitatem fuerit pollicitus, deesse non potest, quo minus tribuat ecclesiæ preces, ceteraque præsidia, quibus hæc firmitas conservatur. Nec vero dubitari potest, quod in rebus naturalibus contingit, idem in supernaturalibus quoque ulu venire; ut qui dat finem, det consequentia ad finem. Quod quoniam Philosophorum pronuntiatum est, & Theologorum etiam ore tenetur, permitant mihi, obsecro Latiniore, intercum cum nostris nostra loqui. Nam etsi ornatus, quam hi solent, nos plerumque differimus, sed nonnunquam quas sententias a scholasticis acceperimus, eisdem verbis efferre volumus: ne dicendi forma penitus immutata, discedisse a schola videamur.

Itaque præstat semper Pontifex, quod in se est, præstare Concilium, cum de fide pronuntiat: caditque causa, si quis e nostris aliter existimat. Quemadmodum enim, si Christus Petro diceret, Ego rogavi pro te, ne deficiat charitas tua; certo certius intelligeretur, diligentiam, curam, vigilas, preces, ceteraque auxilia opportuna illi impetrasse, quæ sunt ad charitatis conservationem necessaria: ita cum dixit, Ego rogavi pro te, ne deficiat fides tua, procursudubio intelligimus id a Patre suo consecutum, ut quæ ad rectum de fidei questione iudicium oportere, ea adessent Petro omnia, sive a Deo, sive ab homine expectarentur. Quod si Deus in sequentem annum frugum abundantiam polliceretur, exquid stultius esse posset, quam dubitare, an ne homines semina terræ mandaturi sint? Certe si fuerint, metent: si non fuerint, non metent. Sed ex Dei pollicitatione colligimus, non solum propitias cæli conversiones, quibus omnia, quæ terra gignit, uberiora proveniunt, sed agricolarum etiam curas, operas, diligentiam. Non enim frugum abundantia illa promissa nisi arantibus, seminantibus, laborantibusque continget. Quibus ex re-

bus facile comprehenditur, cum spiritum veritatis Christus Apostolis, eorumque successoribus in fidei iudicio promiserit, nihil omnino illis defuturum, quod fidei contrarius finem finis fuerit necessarium. Ac si semel hereticis hanc licentiam permittimus, ut in questione vocent, num ecclesiæ iudices eam diligentiam & curam exhibuerint, quæ opus erat, ut questio via, & ratione finiretur: equis adeo cæcus est, qui non videat, omnia mox Pontificum, Conciliorumque iudicia labefactari? Porro si illud in questione veniat, nec certis argumentis confirmari possit: at hæc res tamen Theologis constituta sit ac definita, concilia, quoquo modo se habeant, si a summo Pontifice confirmata sunt, errare in fide non posse. Quanquam, me quidem iudice, absurdum est, ad finem aliquem nisi per consentanea media perveniri. Ita nunquam ego admitam, aut Pontificem, aut concilium diligentiam aliquam necessariam questionibus fidei decernendis omisisse. Id, quod privato cuiusque alteri homini accidere potest, ut nec diligenter navet operam ad disquirendam veritatem, & ut navaverit, integrumque se in ea re præsterit, erret adhuc tamen, quamvis error sine culpa sit. Error autem, vel inculpatus, ab ecclesia Dei longissime abest, quemadmodum libro superiore constitimus. Quæ res abunde magno argumento est, ut nec Pontifex, nec Concilia necessarium quicquam in deliberando prætermiserint. Fac enim, quidpiam ex necessariis omissum esse: tum rogo, an fideles his, qui de fidei questione iudicaverunt, tantisper parere debeant, dum illorum negligentia innotescit ecclesiæ? Parere debent, aunt. Jam igitur eo tempore, errantibus iudicibus, errabit ecclesia. Sine vitio suo, inquis, ecclesia tunc errabit. Agnosco. Sed, ut dictum est, ne hunc quidem errorem admittere in Dei ecclesia debemus. Quid quod si semel de diligentia iudicium dubitamus, novum examen, iudiciumque semper recens postulabitur, ut de diligentia adhibita, vel non adhibita censeatur. Concedamus ergo iudicibus a Deo in ecclesia constitutis nihil eorum deesse posse, quæ ad rectum, verumque iudicium sunt necessaria. Quibus explicatis facile intelligitur, ut ad tertiam huius questionis ca-

put recurramus, nec Pontificum, nec Conciliorum decreta, sacre scripture partes esse: id quod in primo argumento objiciebatur.

2. refellitur.

Dicamus igitur ad ea, quæ in secundo argumento sunt dicta. Ubi Gratianus Augustini sententiam non est assecutus. Cui errori causam fortasse præbuit codex quipiam depravatus. Augustini enim vera lectio sic habet: In canonicis scripturis ecclesiarum catholicarum quamplurimum auctoritatem sequatur. Inter quas, scilicet ecclesias, sane illæ sunt, quæ Apostolicas sedes habere, aut epistolas accipere meruerunt. Est autem sensus huiusmodi: in iudicio librorum canonicorum primum videndum esse, quid ecclesiæ catholicæ sentiant. Sed inter catholicas Ecclesias illarum esse testimonium præterendum, quæ vel siue sedes Apostolorum, ut Hierosolymitana, vel ab Apostolis aliquam epistolam acceperunt, ut Corinthia, Galatia. Non itaque Augustinus loquebatur de epistolis Pontificum Decretalibus, ut Gratianus falso existimavit. Id quod autem nos quidam etiam alii viri diligentissimi deprenderunt.

3. dissolvitur.

Tertio vero argumento occurri potest in hunc modum: Leges pontificias quandoque sacras appellari, ut a legibus principum discriminentur. Atque hoc sensu sacram scripturam vocavit Innocentius. Sic forsitan divina lex vocatur Canonica, humana vero civilis, de iuram. calum. cap. 1. ut Hostien. Andreas, Siculus, Cardinalis. Barba, & alii jurisperiti notaverunt, & Glossa cap. Ex diligenti, de Simonia. Atque adeo Innocentius Quartus cap. Cum de diversis, de privil. in 6. non obscure ius canonicum divinum vocat, civile autem humanum. Et legem Canonicam, sacram ac divinam appellat Justinianus in Anthen. ut clerici apud proprios episcopos, & si vero. Quam rem scilicet fortasse quispiam ignorans 20. dist. cap. De quibus, ubi lectio vera habetur, Ad divina recurrite scripta canonica, loco hujus postremæ vocis substituit græca. Nihil enim minus Innocentius eo capite agebat, quam in ecclesiasticis causis judicandis, ad Græca Bibliorum exemplaria iudices mittere. Alioqui cur non etiam ad Hebræos? Nec vero simile est, in causis Ecclesiæ decernendis scripta canonica esse ab Innocentio prætermissa.

Quin post divinam scripturam secundo ea loco posuit etiam ante Sanctorum scripturas. Et hoc erat Gratiani in ea distinct. proprium institutum. Nihil igitur nobis mirum est, si scriptura canonum, sacra & divina quoniamque nuncupetur. Sed nos alio sensu de scriptura sacra loquimur. Quamquam ab Innocentio testimonium citatum quidem Augustini est, de verb. Apost. inquentis: Injurie est pro martyre orare, cuius debemus precibus commendari.

At postremum argumentum sic facillime refutatur: Duplex conclusio-
genus posse in concilio definiri. Unum earum, quæ sunt propriæ Theologicæ facultatis, quoniam vel ex duobus principiis per fidem creditis, vel alio credito, alio lumine naturæ cognito colliguntur. Alterum autem genus est earum, quæ Spiritus sanctus ipse revelavit quidem Apostolis, Evangelistis, aut Prophetis, sed quoniam non erat id perinde manifestum, a synodo declaratur. Quæ sunt prioris generis, ad fidem spectant secundario, & ut ita dicam, mediate. Quare, quod suo postea loco fuisse sumus explicaturi, qui eas negaverit, hoc hæreticus erit, quod ex consequenti negat principium, unde illæ conficiuntur. Quæ vero sunt posterioris generis, propriæ, & per se ad fidem pertinent: nec hæc a Pontificibus, aut Conciliis novas expectare debemus. Id enim etiam atque etiam asserimus, nullas alias scripturas sacras ecclesiam authabere nunc, aut deinceps habituram, præter scripturas populorum, & principum horum, quæ fuerunt in ea. Non sunt, inquam, aut erunt, sed fuerunt. Omnia siquidem, quæ Pater Filio suo unigenito ecclesiæ declaranda commisit, primum ipse Filius Apostolis revelavit, deinde eadem ut invigilarent, iussit. Vos, inquit, dixi amicos, quia omnia, quæ audivi a Patre meo, nota feci vobis, Joan. 15. Et rursum, Ille vos docebit omnia, & suggeret vobis omnia quæcunque dixerō vobis, Jo. 14. Et iterum, Cum venerit spiritus veritatis, docebit vos omnem veritatem, Joannis 16. Hi enim fuerunt novi Testamenti ministri, qui revelata facie gloriam Domini speculati sunt, secundu-
ad Corinthios 3. Hi fuerunt ministri sermonis, ut Lucas capite Evangelii primo testatur. His quoque dictum est, Docete omnes gentes ea servare, quæ-

Uti, refutatur.

cun-

cunque præcepi vobis, Matthæi ultimo. Omnem ergo Fidei veritatem vel a Christo dum in terra deſeret, vel a Spiritu ſancto Apoſtoli poſtea acceperunt, eamque juxta præſcriptam legem aut ſcripto, aut verbo eccleſiæ tradiderunt. Hinc enim eſt, quod Irenæus, Hieronymus, Auguſtinus adverſum hæreticos ſemper id agunt, ut videant, an illorum nova dogmata congruant cum antiqua traditione & fide. ſi ſi quas ſcripturas novas hæretici proferant, ſi ſe Apoſtolos, aut Prophetas conſignant, ſtatim novitatis odio explodantur. Itaque poſt Apoſtolos, & eos, qui ab Apoſtolis probati ſunt, nullos auctores ſacros expectamus. Sed ſive ſummus Pontifex ſeu concilia, primum de vero ſenſu, & interpretatione ſcripturarum judicant, ut in Concilio Tridentino ſeſſione tertia deſinitur. Et abſurdum eſt ſane, ut Eccleſia auctoritatem habeat diſcernendi verba Dei a verbis hominum, ſenſum Dei ab humano ſenſu non habeat. Id igitur ante omnia conciliis tribuamus. Deinde & illud, quod veras & legitimas Chriſti, & Apoſtolorum traditiones via, & ratione inveſtigant. Rurſum, quænam conſuſiones hiſ cohereant, quæ contra diſſideant, certa complexione, & connexione conſiciunt. Conſulunt autem in hujusmodi rebus ſeniendis non ſaceras literas modo, verum etiam Apoſtolorum inſtituta, priora Concilia, ſummorum Pontificum decreta, Sanctorum veterum ſcripta, Scholaſticorum Theologorum dogmata, rectam Philoſophiæ rationem. Breviter, cauſam, de qua diſſeritur, in eos locos conſiciant, de quibus liber hic noſter inſtituitur. Nec enim ex aliis ſonibus argumenta derivare poſſunt ad Fidei Theologiæ ſolvendas quæſtiones. Novas autem revelationes & ſcripturas ſacras querere, Judæorum eſt, qui recentes etiam num Prophetas præſtantur.

+ quæſt.

Alia etiam quæſtio valde diſſicilis eſt hiſ, quæ diximus, oritur. Si non omnia in conciliis certa ſunt, nec enim in ſingulis Spiritus ſanctus conciliis aſſiſtit, ecqua via & ratione veſtigabimus Conciliorum certa in fide decreta? Principio namque in Clementina unica de ſumma Trinitate, & ſide catholica ea opinio tanquam probabilior eligitur, quæ habet, in baptiſmo gratiam, & virtutes inſundi. Pari ergo

cauſa & in aliis conciliorum decretis dicere poſſumus, probabiles opinionem eligi, non res exploratas deſuiri. Deinde in cap. Firmiter, de ſumma Trinitate & fide catholica, Patres Concilii Lateranenſis, Firmiter, inquit, credimus, & ſimpliſter conſitemur, quod unus eſt ſolus verus Deus creator omnium, viſibile & inviſibile, ſpirituum & corporalium, qui ſimul ab initio temporis utranque de nihilo condidit creaturam ſpiritualem & corporalem, angelicam videlicet & mundanæ. At non eſt fidei adverſum, Angelos ante mundum corporum creatos. Id enim aſſerunt Gregorius Nazianzenus in prima oratione de natali Domini, Baſilius in exam. conſeſſione prima, Damascenus 2. lib. cap. 3. Ambroſius in exam. lib. 1. cap. 5. Hieronymus in comment. ſuper 1. cap. epiſt. ad Tit. Caſſianus collat. 8. cap. 7. Unde nec Auguſtinus libro de civit. Dei 11. cap. 32. nec D. Thomas 1. par. qu. 61. artic. 4. hanc opinionem Fidei eſſe contrariam putaverunt. Ac Concilium illud Lateranenſe Thomas viderat, imo in illud ipſum caput ediderat commentaria: non ergo conciliorum aut definitiones, aut Fidei conſeſſiones certæ ſunt, ſed Patres, etiam cum aſſerunt ſe firmiter quicquam & profiteri & credere, nihil omnino deſuunt, quod fideles ſequi teneamur.

Huic quæſtioni illud primum dandum eſt, non ſat eſſe, ut conciliorum, & Pontificum judicia firma eſſe credantur, in divino officio publice a tota etiam eccleſia celebrari. Nec enim hiſtoriæ, quibus martyrum & conſeſſorum geſta narrantur, quamvis per ſummum Pontificem, aut Concilium approbata ſint, fidei decreta ſunt: ſicut ne opuſcula quidem doctõrum eccleſiaſticorum, quæ probantur a ſynodo Gelatii Papæ, decimaquinta diſtinctione, cap. Sancta Romana.

Item illud damus, ac libenter quidem, non ſtatim ſi quicquam juris Canonici volumine continetur, Fidei dogma eſſe credendum. Nam, ut libro huic proximo apertius oftendemus, nonnulla habentur in epiſtolis decretalibus, quæ fidei catholicæ decreta non ſunt. Idque ipſum nunc nunc ex Clementina unica de ſumma Trinitate diſſerte oftendebamus. Quod non in hac ſolum Clementina exiſtimandum eſt interveniſſe, ſed idcirco hic admoneri

nos,

nos, ut in aliis quoque locis simile quippiam credamus posse contingere. Id vero tum maxime cum aut verbis opinandi utuntur iudices, aut responsa non ad totam universalem ecclesiam, sed ad privatas ecclesias, & episcopos referuntur. Intelligendi sunt enim eo tantum casu de fide pronunciare, ubi iudicium in omnes Christi fideles spectat, omnes ligat. Certitudo quippe Fidei iudiciis a Deo constitutis, non propter ecclesias privatas promissa & concessa est, quæ singulæ errare possunt, sed propter ecclesiam universalem, quæ errare non potest. Itaque summorum pontificum conciliorumque doctrina, si toti ecclesie proponatur, si cum obligatione etiam credendi proponatur, tum vero de fidei causa iudicium est. Sed animadvertendum est diligentius, & quæ natura rerum sit, de quibus iudicium est, & quæ verborum proprietates & pondus. Nimirum enim ecclesiasticæ doctrinæ, quam amplecti etiam tenemur, non idem est gradus, nec omnia iudiciorum decreta eodem loco habenda sunt. De qua re quoniam in duodecimo libro sumus longe lateque disputaturi, nunc dicere non est operæ pretium. id dicimus, nec omnia, quæ aut juris, aut conciliorum volumina continent, doctrinæ Christianæ esse iudicia, nec omnia rursus doctrinæ iudicia, Fidei censuras esse. Multa siquidem ad famam ecclesiæ disciplinam attinent, quæ Fidei decreta non sunt.

Nonne igitur, dixerit quis, erit aliqua nota, qua conciliorum de fide iudicia internosci queant? Erit plane. Prima, & ea quidem manifesta, si contrarium asserentes pro hæreticis judicentur. Cujus rei exempla habes cap. Damnamus, de summa Trinitate, & cap. Unico, de summa Trinitate in 6. & Clement. unic. de summa Trinitate, §. 1. Altera nota est, cum in hanc formam synodus decreta præscribit, Si quis hoc aut illud senserit, Anathema sit: qualia permulta sunt in concilio Toletano primo, & in syno. Trident. Tertia est, si in eos, qui contra dixerint, excommunicationis sententia ipsa jure feratur. Exemplum est, de hæreticis, cap. Cum Christus, &c. Ad abolendam. In concilio tamen Trident. sessi. habita 11. Octobris Anni 1551. de Eucharistiæ Sacramento definitum est, confessionem Sacramenta-

lem Eucharistiæ præmittendam esse, si conscientia peccati mortalis gravat. Et protinus, Si quis, ait synodus, contrarium docere, prædicare, vel pertinaciter asserere, seu etiam publicam disputando defendere præsumpserit, eo ipso excommunicatus existat. Sed hoc propter periculum cautum est: erat enim opinio contraria perniciofa. ideoque excommunicatio illa ad publicam doctrinam vel maxime refertur. Nam quod sententia Cajetani non fuerit pro hæretica condemnata, & nos testes sumus, qui Concilio interfuimus, & contextus ipse demonstrat. Habet enim Canon 11. idemque postremus in hunc modum: Si quis dixerit, solam fidem esse sufficientem præparationem ad sumendum sanctissimæ Eucharistiæ Sacramentum, Anathema sit. Evestigio autem adduntur mutata dicendi forma hæc verba, Et ne tantum sacramentum, & cæt. Ubi vides Cajetani sententiæ Anathema non dici, sed quoniam non solum falsa, sed noxia etiam erat, reprobari: & propter periculum, publicam præsertim predicationem & disputationem interdici. Quarta, si quicquam exprimeat & proprie a fidelibus firmiter credendum, aut tanquam dogma Fidei Catholicæ accipiendum dicatur, vel aliis similibus verbis aliquid esse Evangelio doctrinæ Apostolorum contrarium. Dicitur, inquam, non ex opinione, sed certo & firmo decreto. Sic enim opinio Durandi reproberetur, c. Gaudeamus, de divitiis: Sed qui dixit, Verum absolum hoc videretur & mimicum fidei Christianæ, is noluit hæreses illum condemnare. Verbum enim, Videtur, iudiciorum infirmat certitudinem. Porro autem, quæ in conciliorum vel pontificum decretis, vel explicandi gratia inducuntur, vel ut objectioni respondeatur, vel etiam obiter & in transcurso præter initium præcipuum, de quo erat potissimum controversia; ea non pertinent ad fidem, hoc est, non sunt catholicæ fidei iudicia. Exempli causa ponamus aliquid, quod positum in una re, transferri per multas possit. Quod in capite Firmetur, de summa Trinitate dicitur, angelos esse incorporeos, id non Fidei decretum est, cum post decretalem illam nonnulli & philosophi & Theologi falso quidem, sed citra hæreses notam contrarium asseruerint.

At

At enim, ut explicaret synodus, id quod fides catholica tenet, Deum esse creatorem omnium visibilium & invisibilium, adjecit, corporalium & incorporealium. Quas particulas exponendi, non definiendi gratia adjectas esse constat. Ac quemadmodum concilium fumpfit id, quod & verum, & longe, longeque plurimum probabile erat, angelos ut invisibiles, ita quoque incorporeos esse; sic forte & illud accepit, Angelos & mundum simul esse congenitos. Non enim eo temporis hoc agebatur, ut Gregorii Nazianzeni, & aliorum hunc sequentium opinio damnaretur. Nec ego tamen is sum, qui opinationem hanc tueri in praesentia velim. Non enim dubito, eam hoc sane tempore temere & inconsiderate, ne quid praeterea dicam, defendi. Sed id ago, quia in re operæ pretium me Theologis facturum existimo, non omnia, quæ etiam absolute & simpliciter in conciliis affirmantur, Fidei decreta esse. Cujus rei exempla, si opus esset, permulta facile promerem: sed nolo esse longus in singulis explicandis. Nam de quarta quaestione satis.

5. quæst. Postrema vero quaestio animum pulsât: An concilia in moribus errare possint. Nam, si quis ait, habet imprimis argumentum illud, quod Dominus solum rogavit pro Petro, ne decideret fides ejus: in aliis ergo, quæ non ad fidem, sed ad mores attinent, errare ecclesia poterit.
1. Arg. Deinde nihil à Catholicis certa fide creditur, quod non sit idem divinitus ecclesie revelatum: quicquid ergo definit synodus, si non ad fidem, sed ad mores attinet, non oportet certa fide credi.
2. Arg. Præterea in canonizatione sanctorum, si enim nostri vocant, fidem ecclesie detrachere sine fidei discrimine possumus. Compertum est autem, eam rem ad mores spectare: errare igitur ecclesia in morum judicio potest. Illud vero Thomæ & Antonini testimonio comprobatur, qui non ajunt certo & firmiter, sed pie credendum esse ecclesiam in re hujusmodi non errare. Nam, quod absolute possit, illa ratio confirmat, quod in id genus judicii ecclesia, hominum eorum testimonio innititur, qui & fallere & falli possunt. Jam si concilium, cum de Theologice dogmate censet, non certis

& exploratis argumentis, sed probabilibus niteretur, fidem certe dogmatis illius indubitatam non faceret. Fides ergo ambigua summo pontifici habebitur, ut qui cum hominem quævis in divorum numerum refert, incertis modis & argumentis nititur.

Ordinum approbatio tandem, in quibus sub diversis institutis & regulis varia hominum genera Christo militare dicuntur, ad mores haud dubie pertinet. At dubium non est, aliquos ordines non modo inutiliter, verum noxie etiam approbatos. Etenim in tam multis & ordinibus & institutis, usque adeo religioni incommodatum est, ut inter reliqua malorum remedia, hoc etiam a synodo generali jure ac merito expectarent viri pii, ut paucis quibusdam selectissimis retentis ordinibus, ceteri omnes exploderentur. Falsum est ergo aliquando & imprudens de moribus ecclesie judicium: siquidem id quandoque approbat, quod non approbasse oportuisset. His argumentis quidam auctoritatem ecclesiasticam infirmare pergunt, tantum in judicio morum; nam in fidei decretis firmam esse nobiscum etiam consentiunt. Sed quoniam quædam ecclesie de moribus judicia sine dubio certa sunt, quæ sint illa, repetendum altius videtur.

Omnis de rebus Theologicis duplex est quaestio. Unum genus est, quod ad contemplationem & rerum cognitionem pertinet: Alterum, quod positum est in morum præceptis, quibus in omnes partes usus vitæ confirmari possit.

Atque etiam alia divisio est Theologicæ quaestionis. Nam & una est, cujus cognitio & explicatio ad salutem est necessaria: est & altera, cujus ignoratio sine pietatis salutisque jactura esse potest. Non enim in Theologia semper de necessariis agitur, sed interdum etiam de his, quæ utilia esse videantur, quamvis non sint adeo necessaria.

Multa sunt autem & in superioribus libris, & in hoc etiam adversum eos disputata, qui de ecclesie auctoritate in fidei judiciis parum recte sentiant; atque in sequenti libro nonnulla quoque disputabuntur. Ecclesie vero auctoritatem eam nunc appello, quæ synodorum etiam generalium ac summi pontificis est. Hæc enim est una res prolixa, ut non differat multum inter eccle-

4. Arg.

Quodlib. 9.
art. ult.
1. p. tit. 12.
c. 1.

ecclēsiæ, conciliorum, sedisque Apostolicæ iudicia: propterea quod connexa hæc & colligata sunt, quemadmodum esse videmus humanum corpus & caput. Itaque quæ erant ecclesiasticæ auctoritatis in fidei decretis propria, locis suis aut dicuntur, aut dicta sunt. Quæ autem pertinent ad iudicium morum, de quibus jam diu loquimur, nunc dicenda sunt.

1. Conclus.

Sit igitur prima conclusio. Ecclesia in morum doctrina eorum, qui ad salutem necessarij sunt, errare non potest. Exempli causa ponatur aliquid, quod pareat latius. An fideles laicos Eucharistia sacramentum sub utraque specie accipere oporteat, an panis potius species sola satis sit, questio est eorum rerum, sine quibus salus esse non potest. In hac ergo & alijs id genus controversijs ecclesiæ decretum certum est. Itaque si quid necessario vel agendum vel vitandum firmo iudicio definit, in hoc errare nequit, sicut ne in fide quidem. Deus enim non deficit in necessarijs, ut sæpe ante dictum est: in doctrina ergo morum, eorum qui sunt ad salutem necessarij, iudices, & doctores ecclesiæ a Deo dati errare non queunt. Confirmat autem illud vel maxime, quod Dominus Petro inquit: Pæce oves meas: & Paulus dedisse Deum pastores & doctores ait, ad consummationem sanctorum, ut non circumferamur omni vento doctrinæ. At si errarent in moribus ejusmodi, non pascere salubriter oves. Non enim moralis doctrina minus exigitur ad pastum ovium Christi salutem, quam fidei disciplina. In his igitur ecclesiæ pastores errare non possunt.

Joan. ult.

Ad Eph. 4.

Joan. 15.

Adde, quod Dominus apud Joannem pollicitus est, Spiritum docturum Ecclesiæ omnem veritatem, scilicet ad vitam æternam consequendam necessariam. At utraque veritas necessaria est, & quæ ad contemplationem pertinet, & quæ ad actionem: in utraque ergo definienda Spiritus docet ecclesiæ.

Præterea Apostolus in priore ad Timotheum epistola cap. 3. Hæc, inquit, scribo tibi, ut scias, quomodo oporteat te in domo Dei conversari, vixit ecclesia Dei vivi, columna & firmamentum veritatis. Ea autem, quæ tibi scribebat Paulus, ad morum veritatem magna ex parte spectare perspicuum est. Est ergo ecclesia firmamentum, non tantum veritatis solum, quæ in

contemplatione cernitur, sed illius etiam, quæ aliquid molitur ut faciat. Nimirum, ut sciamus, quomodo oporteat nos in domo Dei conversari.

Præterea, si ecclesiæ pastores, in concilio præsertim congregati, leges & præcepta vitæ sinistre interpretarentur, ut videlicet, quæ essent ad salutem necessaria, ea non necessaria dicerent, aut quæ contra minime essent necessaria, hæc esse necessaria definirent: cum Christus dixerit, Super cathedram Moysi sederunt Scribæ, & Pharisei: quæcunque dixerint vobis facite: & rursum, Qui vos audit, me audit: ecclesia certe pastores errantes sequens, juxta quod illi præscriptum est, hujus erroris Christum præcipuum haberet auctorem. Ad hæc, si lex Evangelica manca & imminuta non fuit, ut revera non fuit, eos omnino mores præfinivit, qui essent ad salutem necessarij. Imperfectus enim legislator est, nisi ea præscribat, sine quibus reipub. finis constare non potest. At Spiritus veritatis Apostolis, eorumque successoribus suggerit, quæcunque Christus dixit nobis: in præceptis ergo vitæ necessarijs errare illi non possunt. Item Matthæi 16. Tibi, inquit Dominus Petro, dabo claves regni celorum. Regnum autem celorum utraque ignorantia clauditur, & fidei & morum. ecclesia ergo utraque questiones aperire Christo auctore potest, utroque nodos solvere, sive ad fidem, sive ad mores atineant. Huc enim illud accedere credendum est, Quæcunque solveris super terram, erunt soluta & in cælis. At, inquis, intelligitur clave non errante. Bene volo. Sed aliud est de privatis pastorum judiciis disserere, quæ negligere etiam aliquando possumus, aliud de ecclesiæ communibus, quæ perinde, ut ecclesiæ decreta habemus amplecti. Et quidem cum Pontifex, quicumque ille sit tandem, quicquam privatim agit, solvitque aut ligat, errare per ignorantiam, aut etiam malitiam potest, & abuti clavium potestate. At cum publica sunt totius ecclesiæ iudicia, eaque in rebus ad salutem necessarijs, ecclesiæ totius communes iudices, quales sunt concilij patres, errare nequeunt, ne per hujusmodi errorem Christiana tota plebs in ignorantia veritatis ad vitam instituentiam necessariæ veniat.

Præterea, Concilium Constantense, scilicet.

festi. 13. condemnat ut hereticos eos, qui dixerint, ecclesiam errare in consuetudine administrandi populo Eucharistiam sub una specie tantum. Et Martinus Quintus in literis, quibus concilium approbavit, qui hoc ecclesiam institutum damnant, eos definit tanquam hereticos, vel sapientes heresim, coercendos. Ecclesia igitur in morum huiusmodi iudicii non errat, atque ex consequenti ne concilia quidem summi Pontificis auctoritate firmata.

a. Cœl.

Hujus vero conclusionis & altera contestaria esse videtur, ecclesiam, cum in re gravi quidem, & quæ ad Christianos mores formandos apprimè conducit, leges toti populo dicit, non posse jubere quicquam, quod aut Euangelio, aut rationi naturæ contrarium sit. Non ego hic omnes ecclesiarum leges approbo: non universas penas, censuras, excommunicationes, suspensiones, irregularitates, interdicta commendo. Scio nonnullas ejusmodi leges esse, in quibus si non aliud præterea quicquam, aut prudentiam certe, modumque desideres. Id ergo dico, summorum Pontificum, Conciliorumque præcepta, scita, sanctiones, omnibus nobis probatum iri, si moribus fidelium instituendis sint necessaria. Si enim ecclesiarum consuetudo, quod modo ex Concilio Constantiensi asserbamus, Euangelio adversari non valet, ergo ne ecclesiarum quidem lex Euangelio adversabitur.

Deinde ecclesia non potest definire, quippiam esse vitium, quod honestum est, aut contra honestum esse, quod est turpe: ergo nec sua edita lege probare quicquam, quod Euangelio, ratione inimicum sit. Si enim Ecclesia vel expresse iudicio, vel lege lata turpia probaret, aut reprobareret honesta, hic jam nimirum error non solum fidelibus pestem ac perniciem asferret, sed hæc etiam quodammodo adversaretur, quæ omnem virtutem probat, universa vitia condemnat. Accedunt illa, Quæcumque dixerint vobis, facite: & Qui vos audit, me audit. Quibus præcipimur ecclesiarum legibus obtemperare. Ita si errat illa, Christus nobis erroris auctor est. Quæ cui videat, non modo indocte, verum etiam impie faciat, si ecclesiam in morum doctrina errare contendat: præsertim si mores & præcepta vivendi sint ad salutem necessaria. Quæ aut-

tem ratio id de Ecclesiâ convincit, eadem convincit de Concilio, in quo universalis Ecclesiæ auctoritas residet. Quare quemadmodum concilium falsâ plebi credenda proponere nequit, sic nec mala potest proponere facienda. Proponere, inquam, firmo, certoque decreto, quo omnes & ad credendum, & ad faciendum, sub æterna pena obligentur.

Sed an sit hæreticum asserere, vel aliquam Ecclesiæ consuetudinem esse malam, vel aliquam ipsius legem injustam, non aulam definire. Nam licet Concilium Constantiense sessione 13. statuerit, eos pro hæreticis condemnandos, qui affirmarint, ecclesiam errare in more communicandi plebem sub una specie tantum: at eo tempore statuit, quo sine capite erat. Contendit autem Cajetanus in opusculo de auctoritate Papæ, & Concilii & in Apologia cap. 10. & 21. Turrecremata item tertio libro, cap. 32. & 33. Concilium mutilum sine capite in decretis fidei ferendis nullam habere certam auctoritatem. Et quamquam id multis quidem argumentis suadere nituntur: sed apud me illud est maximum, quod fuit Deus non deficit in necessariis, ita non abundat in superfluis. Cum ergo sola auctoritas deponendi Pontificem hæreticum, & aut eligendi, aut decernendi catholicum, sit Ecclesiæ necessaria in casibus, quibus Ecclesia concilium sine capite cogere jure suo potest; nihil cause est, cur amplius potestatem concilio imperfecio tribuamus. Reliqua siquidem per integrum concilium expediri possunt, vel electo Pontifice catholico, qui non erit, vel definito certo, cum inter multos quisnam esset verus Pontifex, dubium erat. Adde, quod, ut supra dictum est, concilii dogmata non sunt firma, nisi a Romano Pontifice confirmentur. Quando ergo Concilium sine capite est, non habet dogmatum certitudinem. Præterea Martinus Quintus in literis, quibus concilium probat, non simpliciter probat illum articulum: sed solum definit, eos, qui docuerint, ecclesiam in consuetudine ejusmodi errare, esse vel ut hæreticos, vel ut sapientes heresim condemnandos. Quod ergo Martinus Concilio præfatus non est ausus nomine hæreseos condemnare, id ego graviore censura accusare non audeo, nec debeo. Quod si

in mo.

in more ad salutem necessario, quæ ille videtur esse, de quo in concilio Constantiensi erat controversia, tanta fuit Martini modestia, quanto nos modestiores esse oportet in aliis erroribus condemnandis, qui consuetudini ecclesiæ minime ad salutem necessariæ refragantur? Morem circumgessandi solenni processione, per vias publicas, Eucharistiæ sacramentum Lutherani reprobant. Si originem erroris & principium species, hæresis tibi erit. Nam ideo illi morem hunc circumferendi Sacramenti ridet, quia veram Christi præsentiam in Sacramento negant. Sed si ipsum in se errorem contempleris, hæresim sapit, temeritas & impudentia est. Quamvis enim multis nominibus hic error est notandus, non tamen est hæresis, cum eam in hac consuetudine errare ecclesiæ, non proinde in gravioribus rebus ejus periclitaretur auctoritas. Quæ causa concilio Tridentino fuit, ut canonem sextum de Eucharistiæ sacramento causæ format in hæc verba: Si quis dixerit, in sancto Eucharistiæ sacramento Christum non esse cultu latræ etiam externo adorandum, atque ideo nec festiva peculiari celebritate venerandum, nec in processionibus secundum laudabilem ecclesiæ consuetudinem solemniter circumgessandum, anathema sit. Non enim eos anathemate simpliciter percussit synodus, qui ritum illum ecclesiæ reprehenderint, sed qui idcirco hoc faciunt, quia nec præsentiam corporalem Christi in Eucharistiæ admittunt, atque adeo ne ipsius quidem adorationem & cultum. Atque hæc eadem fortasse causa Martinum quantum impulit, ut qui reprehenderent ecclesiasticam illam consuetudinem impatiendi Eucharistiæ populo sub una specie, eos non ut hæreticos, sed ut sapientes condemnaret. Cum enim sub utraque olim specie, plebs sacramentum Eucharistiæ acceperit, idque Apostolorum auctoritate & usu confirmata, non erat hæreticum in dubium vertere, an vetus ille ecclesiæ mos novo esset præferendus. Sed quoniam Uvilexistæ idcirco asserabant ecclesiæ errare, quia existimabant necessarium esse plebi ad salutem, utramque Sacramenti speciem sumere, huc detorquentes illa Domini verba, Nisi manducaveritis, & cætera, prudentissi-

me Martinus quintus vituperationem ecclesiasticæ novi moris, non dixit hæresim esse, sed hæresim sapere. Est quoque illud argumentum grave, cur hujusmodi erroribus hæreticos nota non inuratur: quod, ut postea dicemus, non est hæreticum credere, ecclesiæ hominibus in divos referendos errare posse. At jubet ecclesiæ interdum divos, quos hujusmodi honore afficit, peculiari die festo, & cultu colere: non est igitur hæresis astruere, in hac de uno, aut altero divo colendo lege ac consuetudine ecclesiæ errare. Sed intelligendum est, ecclesiæ mores quosdam a Christo & Apostolis ecclesiæ traditos, in quibus qui ecclesiæ errare diceret, hic erroris ejus Christum & Apostolos auctores faceret. Quamobrem hæreticus censetur: Ut Iconomachi, qui ecclesiæ in veneratione & cultu imaginum errare asseruerunt. Alii vero mores sunt post Apostolos inducti, in quibus quamvis ecclesiæ erraret, non propterea fides periclitaretur. Sine periculo igitur hæreticos teneri potest, ecclesiæ in aliqua lege & more posse errare. Sed de secunda conclusione hætenus. Sic tertia conclusio.

In moribus non toti ecclesiæ communibus, sed qui ad privatos homines vel ecclesias referuntur, errare per ignorantiam ecclesiæ potest, non in iudicio solum rerum gestarum dico, sed in ipsis etiam privatis præceptis & legibus. Cum quis enim occulte una uxore habita, alteram ducit publice, jubet illi ecclesiæ, ut priore relicta, posteriorem accipiat. Qua in re sine dubio fallitur, & id præcipit homini: quod rationi Evangelioque adversum est. Hujus vero conclusionis veram & idoneam causam Innocentius tertius reddidit in cap. A nobis, de sententia excom. in hæc verba: Iudicium Dei veritati quæ non fallit, nec fallitur, semper innuitur: iudicium autem ecclesiæ nonnunquam opinionem sequitur quam & fallere sæpe contingit & falsi: propter quod contingit interdum, ut qui ligatus est apud Deum, apud ecclesiæ sit solutus: & qui liber est apud Deum, ecclesiastica sit sententia innodatus. Hætenus Innocentius. Hæc autem, quæ perspicua esse videntur, breviter & sine disceptatione dijudicanda sunt. Nec enim omnia nos, ut queramus, exponimus: sed ut

Concl.3.

et

explicemus. Hoc itaque loco non tam conclusio, quam conclusionis causa consideranda est. Nam inde liquet, id quod est animadversione dignissimum, certa & firma ecclesiæ decreta esse non posse, quæ non certis & firmis principibus ac fundamentis innitantur. Quocirca, si vel unum ex his, a quibus ecclesiæ iudicium pendet, incertum est, certum ecclesiæ decretum esse non potest: siue questio speculativa sit, seu practica: sic enim nostri loqui solent. Conclusio quippe, ut in dialecticorum proverbio est, debiliorem partem sequitur, & si unum quodlibet principiorum claudicat, eam quoque ex illa parte debilitari necesse est: Quæ ex re facile intelligitur, ecclesiæ iudicia, quæ ab incertis hominum testimoniiis proficiuntur, infirma esse ad certam & exploratam faciendam fidem. Quale illud est, quo sanctum aliquem divorum catalogo adscribendum censet. Nec tamen impune licet huiusmodi decreta in dubium revocare. Quin temerarium & irreligiosum est, in divis consecrandis ecclesiæ abrogare fidem. Injuriam enim facit Martyri, qui orat pro Martyre, ut capite, Cum Marthæ, de celebr. miss. Innocentius tradit: injurius ergo est, ac multo etiam magis, qui Martyrum catalogo ascripuit e divorum numero rejicit. Id quoniam temere & inconsiderate faciet, jure profecto ab ecclesiâ punietur.

Mox etiam si unum aliquod hujus generis decretum in questionem veniat, certe Hieronymi, Ambrosii, Augustini, ac reliquorum sanctitatem, sine crimine in questionem vocare poterimus: atque adeo asserere, illos cum demonibus condemnatos. Ita posses eos maledictis condicere, ac vexare contumeliis: quæ omnia aures sane fidelium perhorrescunt. Quod si viris iustus in divorum catalogum reponendis ecclesiâ errat, nimirum non esset valde absurdum, divorum omnium cultum ab ecclesiâ explodere, eorum qui post Clementem consecrati sunt. Quo quid aut stultius, aut impudentius dici potest? Item multum refert ad communes ecclesiæ mores, scire, quos debeas religione colere: quare si in illis erraret ecclesiâ, in moribus quoque graviter falleretur. Nec differt diabolus colas, an hominem condemnatum. Atque si ecclesiâ abstinentiæ legem ro-

garet, quæ vel rationi vel Evangelio adversa esset: turpiter ab illa profectio erraretur: turpiter ergo etiam errabit in doctrina morum, vi legem ferat de colendo divo, quem colere, si divus non est, & cum ratione & cum Evangelio pugnat. Ne igitur tantus error in ecclesiâ sit, Deus peculiariter providere credendus est, ne ecclesiâ, quamlibet hominum testimonia sequatur, in sanctorum canonizatione erret. Cujus peculiarissimæ providentiæ abunde magnam argumentum est, quod nunquam infirmata est fides ab humanis testibus semel in hujusmodi iudiciis suscepta. Quod in casibus civilibus sæpe accidit. Quæ si singula forte non movent, universa certe tamen inter se connexa atque conjuncta movere debent, ut qui fidei in his ecclesiæ detrahunt, eos non hæreticos quidem, sed temerarios, impudentes, irreligiosos esse credamus. Quibus rebus expositis, primum, secundum, ac tertium argumentum facile reselluntur.

Nam quæ de postremo disputari possunt, illa nobis alio tempore atque ad aliud institutum, si facultas erit, explicabuntur.

Nunc illud breviter dici potest, qui summi Pontificis omne de re quacunque iudicium temere, ac sine delectu defendunt, hos sedis Apostolicæ auctoritatem labefactare, non fovere: evertere non firmare. Nam ut ea prætereamus, quæ paulo ante in hoc capite explicata sunt, quid tandem adversum hæreticos disputando ille proficiet, quem viderint non iudicio, sed affectu patrociniū auctoritatis pontificiæ sulcipere, nec id agere, ut disputationis tux vi lucem ac veritatem eliciat, sed ut se ad alterius sententiæ voluntatem convertat? Non eget Petrus mendacio nostro, nostra adulatione non eget. Ordines igitur vel probare vel resellere, quoniam non e scientia id solum, sed etiam e prudentia pendet, non ad ea pertinet, in quibus summus pontifex errare nequit. Atque jam vel in concilio Lateranensi advertebatur, religionum nimiam multitudinem, quam nunc esse videmus, valde ecclesiæ Christi incommodare. Concilium quoque Lugdunense ratetur, quod importuna petentium inhiatio contra synodi decretum aliquarum religionum confirmationem ex-

Respo.
ad 4.

De re dol.
cap. ult.

De re dol.
in 4.

Anonimus
1 P. Tit. 12.
c. 8. Capite
cruciat de m-
dicant iudic.
e 8 D. Tho.
in quod.

CAPUT POSTREMUM.

In quo reselluntur argumenta
capitis primi.

In extra.
Sancta Ro-
mana de
re. de. Vile
etiam ex-
tra. Quia
quorundam
de reb. G.
romae ejus-
dem Joan.
22.

torit. Unde quosdam ordines per se-
dem etiam Apostolicam approbatos,
tanquam ecclesie vel noxios, vel inutiles
abolendos esse ita decrevit, ut nullum
deinceps ad eorum professionem ad-
mitterent. Et Celestinus quintus statum
vitamque fratricellorum suo privilegio
confirmavit: quod tamen confirma-
tionis privilegium Joannes XXII. aperte
infirmitur esse dixit: quod Bonifacius ex
certis rationabilibus causis ea, quae Cele-
stinus concesserat, viribus penitus e-
cussisset. Paulus item tertius ordinem,
quem in Italia frater Baptista Cremen-
sis instituit, hieris suis probasse dicitur:
at nuper & ordo ille a Venetis est e-
dicto publico explosus, & Baptista do-
ctrina, cui illius ordinis homines in-
hærebant, Romæ est condemnata.
Imbecillum itaque eorum argumentum
est, qui ex hujusmodi privilegiis,
quæ his facile temporibus vel conce-
duntur, vel potius extorquentur, no-
vas religiones non aliter ac de cælo
lapsas excipiendas esse confirmant: eas
quoque, quæ nullam regulam ex ap-
probatis habent, nullam vel a suis edi-
tam profertur. Nec ejus generis pri-
vilegia certa sunt sedis Apostolicæ ju-
dicia, quibus scilicet omnes fideles
astringantur. Sanis fuerit, si eam ha-
beant auctoritatem, quam epistolæ de-
cretales: Quarum nonnullas constat a
posterioribus meliore consilio refuta-
tas: quoniam non ex firmo decreto.
sed ex pontificum opinione prodierunt.
Et quidem ante D. Thomæ tempora,
adeo restrictæ & gravatæ novi ordines
admittebantur, ut ex tam gravi angus-
toso judicio probabile argumentum
prudentis consilii sumeretur. Nostro
vero hoc seculo tam multæ sunt re-
ligiones a pontificibus confirmatæ, ut
qui eas omnes tueri voluerit tanquam
ecclesie vel utiles vel necessarias;
hic imprudens, ne dicam stultus
nomine jure optimo summisque rationi-
bus arguatur. Sed jam liber de con-
ciliorum auctoritate concludendus est:
Si prius tamen eorum conatum refute-
mus, qui in hujus loci firmitatem so-
liditatem impetum facere, & incur-
sionem voluerunt.

PRIMUM igitur adversariorum ar-
gumentum ex his, quæ superio-
re libro dicta sunt, promptissime re-
sellitur. Ostendimus enim, ecclesie no-
men principibus & majoribus solere
tribui: & in illis reipublicæ suam esse
auctoritatem, quos Spiritus sanctus
posuit episcopos regere Ecclesiam Dei.
Ac si ecclesia columna est & firma-
mentum veritatis, Apostoli etiam sunt
ecclesie fundamenta, ut ad Ephes. cap.
2. & Apoc. 21. dicitur, corporis, quo-
que robur & firmitas a capite pendet,
quod si tollas, cadat corpus necesse
est. Episcopi vero populorum capita
sunt, & Petrus ecclesie caput est; quem-
admodum sequenti libro demonstratu-
ri sumus. At sunt idiotæ episcopi.
Valentinus olim & similes imperitiam
sanctorum presbyterorum arguerunt,
non contemptantes, quanto pluri sit
idiotæ religiosi a blasphemio & impu-
dente sophista: quemadmodum Irenæus
ait lib. 5. Sabinus quoque idem objecit
concilio Nicæno, ut lib. 2. hist. trip.
cap. 8. scribitur. Sed & Apostoli idio-
tæ erant: per quos tamen Deus sapien-
tes hujus mundi confudit. Videte,
inquit; vocationem vestram, fratres,
quia non multisapientes, &c. Sed quæ
stulta mundi sunt, elegit Deus, ut
confunderet sapientes. Non propter
sapientiam majorem pastores ecclesie
firmi in fide & doctrina sunt, sed
propter peculiarem Christi procuratio-
nem, ne pastoribus & doctoribus va-
cillantibus populus fluctet, circum-
feraturque omni vento doctrinæ. Quid
vero, si sancti episcopi non sunt? An
solvendi & ligandi potestatem amittunt?
Num pascendi auctoritate carent?
Super cathedram, inquit, Moysi se-
derunt Scribæ & Pharisæi: quodcum-
que dixerint vobis, facite: secundum
autem opera eorum nolite facere. Quo-
niam vero, cum ab aliis plerisque, tum
ab August. maxime ostensum & pates-
tum est, per malos etiam administratos
Christi radios in ecclesiam fundi: su-
pervacaneum erit ei nunc argumento
pluribus respondere, cui ante per nos
abunde responsum est.

Ad id quoque, quod deinceps sequitur,
non

Respon-
ad 1.

Ad 2.

v. Cor. 1.

Matth. 23.

Respon-
ad 2.

non est difficile respondere. Nam sacerdotum veterum acta quidem Christi adversa fuerunt, at sententia hominum alioqui pessimorum non solum verissima, sed reipubl. etiam utilissima fuit. Quin divinum oraculum fuisse Joann. Evangelista testatur. Cum enim post longam variamque concilii deliberationem Caiphas, qui ut summus Pontifex concilio præsidebat, sententiam illam, cui omnes ferme consenserunt, dixisset: Expedi nobis, ut unus moriatur homo pro populo, & non tota gens pereat: mox Evangelista subjicit: Hoc autem a semetipso non dixit, sed cum esset pontifex anni illius, prophetauit. Quæ ex re fit, ut & nostrorum pontificum vita quidem & opera contraria forte sint Domino Jesu; sed eorum judicia, quæ videlicet a summo Pontifice comprobata sint, & vera erunt, & Christianis utilia, ut quæ ad populi salutem sine divinitus instituta. Imo adeo a Spiritu sancto erunt ob eam causam, quam ab Evangelista didicimus, quia scilicet ecclesiæ Christi pontifices sunt. Ac de secundo argumento satis.

Respon.
ad 3.

Tertium vero argumentum sic refellitur. Nego, nullum Christi pactum cum ecclesiæ sacerdotibus esse. Est enim primum cum Petro cæterisque qui illi in pontificatu succedunt, ut Matth. 16. & Luc. 22. videre est. Promisit item Apostolis, eorumque proinde successores Christus Spiritum veritatis, Joan. 14. 15. & 16. Pactum quoque veritatis cum ecclesia initum, ad Ecclesiæ tandem pastores & doctores referendum est. Non enim ecclesiam suam Deus aliter, quam orbem administrat, ubi infima per media, media per suprema geruntur, quemadmodum Dionysius admonuit. Pacta vero & conventa illa vetera longe alia ac nostra sunt. Illa enim temporaria erant, sicut & lex & sacerdotium. Ablatum est quippe a Judæis regnum, ablata lex, translatum sacerdotium.

Ezech 14.
& 17.

Sacerdotalis autem & veritas & auctoritas paulo ante adventum Christi labefactari cœperunt. Nam quod antiquatur, & senescit, ac prope interitum est, id debilitetur oportet, atque infirmum hæc. Prophetæ igitur ii vel maxime, qui Christi adventum proximiores fuerunt, identidem hanc legis, veritatis, auctoritatis, sacerdotii, sceptrique ruinam judaico popu-

lo annunciabant: Eorum hæc de re oracula si quis ad Christi ecclesiam referre, nisi ex parte velit, illa profus ignorat: Tu es sacerdos in æternum secundum ordinem Melchisedech. Item: Hic est Deus noster in æternum, & in seculum seculi, ipse reget nos in secula. Item, In misericordia sempiterna misertus sum tui. Dixit redemptor tuus Dominus: Sicut in diebus Noe istud mihi est, qui juravi, ne inducerem aquas ultra super terram: sic juravi, ut non irascar tibi. Montes enim commovebuntur, & colles contremiscent: misericordia autem mea non recedet a te, & fœdus pacis meæ non movebitur. Isaïæ 54. Item, Feriam domui Israël & domui Juda fœdus novum, non secundum pactum, quod pepigi cum patribus vestris: quod irritum fecerunt, &c. Et paulo post: Hæc dicit Dominus, qui dat solem in lumine diei: Si defecerint leges istæ coram me, tunc & semen Israël deficiet, ut non sit gens coram me cunctis diebus, &c. Item, Feriam ei pactum sempiternum, & timorem meum dabo in corde eorum, ut non recedant a me. Item, Percuriam illis fœdus pacis, pactum sempiternum erit eis: cæteraque in novo testamento similia: Regnabit in domo Jacob in æternum, & regni ejus non erit finis. Ecce ego vobiscum sum omnibus diebus usque in consummationem seculi. Ego rogabo Patrem, & alium Paraclætum dabit vobis, qui maneat vobiscum in æternum, spiritum veritatis. Super hanc petram ædificabo Ecclesiam meam, & portæ inferi non prævalebunt adversus eam. Hic est sanguis novi & æterni testamenti. Reprehensiones igitur comminationesque illæ Prophetarum generales ad tempus Dominicæ passionis potissimum referendæ sunt, ut Hieronymus ipse non semel testatur. Quid ergo sibi vult cum quæ adversum antiquos sacerdotes dicta sunt, ea in nostros torquet omnia? Nempe omnia in figura contingebant illis: scripta sunt autem propter utilitatem nostram. Ea igitur, quæ Prophetæ in illo populo reprehendunt, ad nos quoque pertinent, servato tamen synagogæ ecclesiæque discrimine, ut illa ad tempus, hæc perpetua esse intelligatur. Comperit est autem, sine lege & doctrina, sine sacerdote & doctore, sine Christo &

Psalm. 109.

Psalm. 45.

Hebr. 13.

Hier. 32.

Ezech. 123.

Luc. 1.

Matth. ult.

Joan. 14.

Matth. 24.

In Ezech. 9.
& 17. 19.
& 41. cap.

spi.

spiritu veritatis, ecclesiam nullo posse modo consistere. Quod quoniam aliis locis abunde satis explicatum est, non est frustra hic repetendum. Nam & novæ legis sacerdotibus conferre veteres, scripturam ignoratio est. Hier. 3. & 13. Ezech. 34. secunda ad Corinth. 3. & 4. Cui autem aliquando veterum dictum est, Super hanc petram ædificabo ecclesiam meam, & portæ inferi, &c. Et rursum, ego rogavi pro te, ut non deficiat fides tua. Quibus vero synagoga sacerdotibus & pastoribus spiritus veritatis promissus est, qui cum ipsis in æternum maneret, & in omni institueret veritate. Hieronymus itaque nec de sacerdotum concilio loquitur, nec de omnibus simul ecclesiæ pastoribus. Ad singulas ecclesias, privatioque & pontifices & sacerdotes, verba Prophetarum refert, in ecclesiam catholicam, ejusque aut sacerdotium aut veritatem nihil dicit.

At vero illud movere quempiam poterit, quod Esaiæ 22. cap. scriptum est: Expellam te de statione tua, & de ministerio tuo deponam te. Et vocabo servum meum Eliakim, & induam illum tunica tua, & cingulo tuo confortabo eum, & potestatem tuam dabo in manus ejus, & erit quasi pater habitantium Hierusalem, & domus Juda. Et dabo clavem domus David super humerum ejus, & aperiet, & non erit, qui claudat; & claudet, & non erit, qui aperiat. Et figam illum paxillum in loco fideli, & erit in folio domus patris sui, &c. Quæ de translatione sacerdotii veteris legis in novum Christi sacerdotium prophetata esse, in dubium vocari non potest. Quod autem sequitur, videtur sensui nostro esse contrarium. Auferetur paxillus, qui fixus fuerat in loco fideli, & frangetur, & cadet: & peribit, quod pependerit in eo, quia Dominus locutus est. Si enim Christus Dominus, qui tanquam paxillus in ecclesia fixus est, auferatur, & qui ex eo fide ante pependerant, postea peribunt & cadent, quomodo nos ecclesiæ in fide firmitatem perpetuam pollicemur?

Quomodo etiam asserimus, Christum ecclesiæ semper pastoribus assuturum? Hoc Hieronymus in commentariis ita solvit, ut ad dies novissimos referat, cum, refrigeret charitas multo-

rum, & locum habebit illud, Putas filius hominis veniens inveniet fidem super terram? Quod, quemadmodum libro superiore diximus, non sic intelligendum est, quasi nulla tunc ecclesiæ futura sit, nulla Christi fides, nullum mysticum fidelium corpus, nullus veritatis in eo corpore spiritus: quæ omnia sacris ipsis literis adversarentur: sed usu scripturarum, quod in comparatione aliorum minimum est, nullum esse dicitur. In tantum ergo in illis diebus fidelium numerus minuetur, ut Christus de medio ecclesiæ sublatus esse videatur. Sed non avolabit a paucis illis, qui rescituri erunt, doctor suus: dabit eo quoque tempore Christus pastores & doctores, qui dat eos, donec occurramus omnes in unitatem fidei & agnitionis filii Dei, in virum perfectum, in mensuram ætatis plenitudinis Christi. Occurremus enim nos, qui vivimus, qui relinquimur in adventum Domini, & simul cum Domino erimus. Ecclesiæ igitur, ejusque species & forma in finem usque sæculi permanebit, permanebitque adeo cum ea & Christus & spiritus veritatis, sine quibus constare illa non potest. Atque Hieronymus illam Esaiæ vaticinationem ad Christum secundum anagogam refert. Nam sensum historicum & literalem libro Commentariorum quinto explicuerat. Ex sensu autem anagogico nullum certum argumentum trahitur. Sane vero illud etiam considerandum est, Propheticas illas reprehensiones non sic in omnes ejus temporis pastores & sacerdotes convertendas, ut nullus intelligatur exceperis. Concinatoribus siquidem hoc permixtum est, ut quod plerisque tangit, id ita enunciet, quasi tangat omnes. Sic aliquando totus ille populus ab Esaiæ reprehenditur, tanquam in eo a planta pedis usque ad verticem capitis non sit inventa sanitas: & tamen idem Propheta viros aliquos justos relictos esse fateatur, inquit: Nisi Dominus Sabaoth reliquisset nobis semē &c. Sic Helias in omnes invenitur, quasi relictus sit solus: ad dicit illi divinum responsum: Reliqui mihi septem nulla virosum, qui non curvaverunt genua sua Baal. Sed de tertio argumento satis multa diximus. Nam & ex his, quæ superiore libro responsa sunt, poterat abunde constare.

Ad quartum vero respondeo primum: con-

Esai. 10.

Ephes. 4.

1. Thes. 4.

Esai. 1.

L. 7. com. in
Ila.

Matth. 24.

Respon.
ad 4.

conciliorum auctoritatem illi testimonio non inuiti. Nihil enim de ecclesiæ conciliis præfinire videtur eo loco Christus, sed unitatis consensionem commendare, cuius ad impetrandum magna vis est. Quod si propter Innocentium, 10. d. cap. de quibus, & propter synodum 6. action. 17. & propter synodum Chalcedonensem in epistola ad Leonem, de synodis locus ille intelligatur, aliter deinde respondere possumus, quod quemadmodum in nomine principis concilium aggregatur, cum ejus auctoritate indicitur, sic synodus ecclesiastica in Christi nomine cogitur, cum indicente Christo, vel ejus vicario cogitur. Concilia itaque, quæ præter auctoritatem Romanis pontificis sunt, non oportet Christum in medio habere. Talis autem synodus illa Cypriani fuit. Tamen ne omnes quidem viri iusti, qui in nomine etiam Christi congregantur, quamvis Christum in medio habeant, ad hunc semper effectum habent, ut veritatem questionis propositæ decernere & tenere possint. Sed si fuerint res ad salutem necessaria, hoc fiet illis a patre cælesti, ut vel ab eo, in cuius nomine & auctoritate congregati sunt, probetur, si veradixerint: vel doceantur, si vera non dixerint. Id enim satis est, ut preces illorum exaudite dicantur juxta præscriptum Matthæi testimonium. Illæ vero, quæ sequuntur, frivole sunt Calvinæ calumniæ: quibus non est operæ pretium respondere. Nam priori quidem nunc iustificasse mihi videor, posteriori autem & in capitis superioris tertæ questione, ad postremum argumentum, & in tertii libri capite ultimo ad quartum respondimus. Sed de quarto argumento hæcenus.

Respon.
ad 5.

Porro ad quintum responsio ante oculos est ex his, quæ dicta sunt. Nam concilium Ariminense invito Liberio papa hæreticorum opera coactum fuit, ut & in historia ecclesiastica, & in epist. Damasi ad Africanos episcopos, & in 15. dist. c. Sancta Romana, ex Gelasio refertur. Ephesinum quoque secundum, licet auctore Leone congregatum fuerit, sed Dioscori tum minus, tum favoribus corruptum est, pontificis legatis, & quibuldam aliis bonis viris repugnantibus. Ita nusquam fuit confirmatum, sed damnatum potius a Leone & synodo Chalcedonensi.

Constantinopolitanum denique illud repugnante ecclesiæ pontifice coactum est, reprobaturque postea in 7. synodo generali 367. patrum, qui apud Nicæam conveniunt. Quo ex loco manifeste refelluntur ii, qui concilii auctoritate retenta, summi pontificis existimant non esse tenendam. Quid enim causæ est, cur concilium Constantinopolitanum primum 150. patrum tanquam unum ex Evangelis habeatur, hoc autem alterum Constantinopolitanum, ubi multo plures fuerunt episcopi, habeatur pro nihilo? nempe conciliorum robur ab illo est, pro quo rogavit Christus, ne deficeret fides ejus, quo fratres suos posset in fide firmare. Sed de his sequenti libro diligentius.

Respon.
ad 6.

Nunc sextum argumentum diluamus. In quo non parva questio est, num canones Trullani ecclesiasticam habeant auctoritatem. Nam quod habeant, his argumentis suadetur. Primum, quod Gratianus nomine sextæ synodi hos canones perpetuo citaverit, ut patet 26. dist. cap. placuit, & cap. Quoniam, & de cons. dist. 1. cap. Jacobus, & de cons. dist. 2. cap. didimus, & 27. qu. 1. cap. Si quis episcopus. Sexta vero synodus sine dubio ecclesiæ auctoritatem habet, ut paulo post demonstraturi sumus. Trullanos ergo canones catholici probare debemus.

11. dist. c.
Quoniam
11. dist. ca.
si quis. 91.
dist. c. 44.

Deinde id suaderi potest ex Innocent. 3. de stat. & qual. ord. cap. A multis, qui in 6. synodo constitutum esse dicit, ut si quis *coram*, qui ad clerum accedunt, nuptiali jure mulieri voluerit copulari, hoc ante subdiaconatus ordinem faciat. Constat vero hunc esse canonem 6. inter Trullanos.

Præterea Adrianus papa hos canones, & synodum, a qua sunt editi, probat & recipit, ut cernere est 16. dist. cap. Sextam: & de cons. dist. 3. cap. Sextam. Non igitur de Trullanis canonibus dubitare catholico licet.

Quarto loco id ipsum demonstratur ex 7. synodo, act. 3. ubi Tharastius, ejusdem, inquit, sextæ synodi recte & divine decreta edita, tradiditque canones recipio. Et actio. 4. Petrus episcopus dixit: Habeo codicem sextæ sacre synodi canones continentem. Sanctissimus autem patriarcha Tharastius

dist. 16. c.
Habeo.

his subiecit : Quæ est hæc ignorantia, qua plerique laborant circa hos canones? Scandalum enim est dubitare, num sint sextæ synodi. Et action. 6. Epiphannus, qui loco synodi respondebat Ieonomachis, Sacra, ait, sexta synodus, posteaquam sententiam suam de una voluntate Christi sub Constantino pronuntiasset, iterum unanimiter omnes divina voluntate post 4. aut 5. annos congregati, duos & centum canones edidit. Quod si divina voluntate unanimiter illi canones a patribus sunt editi, probati utique sunt septimæ etiam synodi testimonio. Atque eadem 7. synodus, Definierunt, inquit, sextæ synodi sancti patres, conventum per singulas provincias semel in anno fieri. Hunc ergo canonem & nos renovamus. Auctoritatem ergo finiendi patres illi habuerunt, & si sancti fuerint, ut hic dicitur, nihil sibi usurparunt contra ecclesiæ regulas. At si præter sententiam Rom. Pontificis coactum illud concilium est, adversum ecclesiasticas regulas coactum esse constat: habet igitur Trullana hæc synodus solidam auctoritatem, si septimæ synodo credimus. Accedit his, quod 7. synodus, act. 5. & 6. Nicolaus in epist. ad Michaelæm Imperat. concil. Florentinum scilicet 5. horum canonum auctoritate utuntur.

Sed nihil rem hanc diligentius consideranti contraria opinio & probabilior, & gravior videri solet. Cujus sententiæ auctores habeo Anastas. apostolicæ sedis bibliothecarium in proœmio in 8. synodum, ad quam Iulius Adriani secundi venit: nam erat utriusque linguae Græcæ & Latine peritissimus, ut 63. dist. cap. 2. dicitur. In eadem opinione est Theophaues Græcus historicus, & Humbertus Sive Candidæ episcopus Apocrisarius Leonis noni, in libello contra epistol. Michaelis patriarchæ Constantinopolitani. Qui liber citatur a Gratiano, ut liber Leonis noni, contra epistolam Nicetæ abbatis. Sed & a Latinis non recipi hos canones, referunt Theodorus Ballamon, & Mattheus monachus, maximi Latinorum detractores: ille in interpretatione eorundem canonum, hic in historia conciliorum & virorum illustrium. Sunt autem argumenta, quæ hanc sententiam confirmant, irrefragabilia. Primum, quod sexta synodus sub Constantino Imperatore, contra Mo-

nothelitas ab Agathone congregata, a Leone secundo comprobata, nullos ediderit canones. Illa vero synodus, quæ sub Justiniano Imperatore postea coacta est, cur sexta synodus appelletur, nulla est causa. Sed de nomine nihil moror. Hoc solum assero, ei concilio nec Romanum pontificem, nec ejus legatos interfuisse. Subscriptiones episcoporum videntur, & res fiet manifesta. Justinianus primum subscripsit, deinde episcopi qui sextæ synodo affuerant, sed nec numero pares, nec nominibus omnino similes, ut Theophaues & Anastasius evicerunt. Romani vero pontificis, & legatorum ejus nulla subscriptio est.

Alterum argumentum est, quod Justinianus his synodum apud Constantinopolim coegisse legitur, prius sub Sergio Rom. Pontifice, posteriori sub Joanne septimo eodem quoque episcopo Romano. Et de priore quidem Beda de natura rerum, cap. 67. ait: Justinianum Romanæ ecclesiæ pontificem Sergium, quia erratice suæ synodo, quam Constantinopoli fecerat, favere, & subscribere noluisse, jussisse Constantinopolim deportari, qui tamen ob culpam perfidie regni gloria postea privatus, exul in Pontum secessit. Hæcenus Beda. Et Platina in vita Sergii: Justinianus, inquit, synodum habuit, in qua nonnulla approbata sunt orthodoxæ fidei nequaquam congruentia. Eadem quoque Sergii apocrisarius, qui tum Constantinopoli erat, subscriptione sua stolidè nimium confirmavit. Verum cum postea Romam delata a Sergio exploderentur, ira percitus Justinianus Zachariam misit, qui Sergium ad se vincum traheret. Hæcenus Platina. De posteriore autem idem Platina in vita Joann. VII. ita scribit: Justinianus eadem stultitia vexatus, quia fuerat ante amissum imperium, Sergio pontifici duos metropolitanos Romam misit, qui Joannem adhortarentur, ut habita synodo, quæ de hominibus crederent orientales, eadem etiam occidentales affirmarent, præpositis libellis, in quibus ei subscribendum erat. Homines tamen re infecta ad Imperatorem pontifex remisit. Hæc ille. Ac si quis Trullani concilii verba velit expendere, statim deprehendet, quale illud concilium fuerit. Sic enim habent: Quoniam sanctæ universales synodi quinta & sexta, de mysterio fi-

Idem Paul. diaconus & d. Rom. pontificis 6. & 9. scribit.

18. dist. ca. 2. Quoniam.

18. dist. ca. 2. Clementis.

18. dist. ca. 2. Quoniam.

va. dist. c.
Mabeo.

dei plenissime disputantes, capones non fecerunt, propterea nos convenientes in hanc imperialem urbem sacros canones conscripsimus. Oportebat enim, ut synodus universalis canones ecclesiasticos promulgaret. Hactenus concilium. Principio autem, si in Constant. urbem convenistis, dicite mihi, equo evocante convenistis? Anne Romanus aliquis episcopus vobis concilium induxit? Minime id quidem. At Romanus Pontifex eo tempore certus erat, catholicus erat, addo etiam, probus erat. Primates autem ecclesiarum sine principibus ecclesiasticis & veri & Catholici & pii voluntate cogere, hoc non est synodum velle facere, sed adversus ecclesiarum principem conspirare. Quemadmodum si regni proceres ad res publicas pertractandas sine regis arbitrio conveniant, conjuratio illa potius, quam congregatio existimabitur. Justinianus, inquit, eos fecit convenire. Bene profecto narras: nam istum improbum fuisse, & ecclesiarum Rom. inimicum, memoris proditum est. Qualem autem synodum a tali viro profectam esse arbitramur? Sed audiamus causam conventus faciendi. Quoniam sanctæ universalis synodi quinta & sexta canones non fecerunt, propterea nos in hanc imperialem urbem convenientes, canones conscripsimus. Oportebat enim, ut synodus universalis canones ecclesiasticos promulgaret. Itaque hæc Trullana synodus supplementum duarum esse dicitur, & quod deerat quinta & sexta, id nimirum addidisse. Ideo enim nec sexta, ajunt, proprie nominatur, sed *παραπληρυντική*, id est, quinisexta. Scilicet nomine sexta synodi Trullana se prius venditare volebat. At nunc nec sexta, nec quinta, nec septima est, sed monstrum quoddam, quinisexta. Illud vero quis fecit, quod insimulant patres hi duo gravissima concilia tanquam mutua & imminuta, ut causa congregationis necessaria videatur? Enimvero concilium generale ecclesia ne unum quidem habuit, ubi causa aut hæresis, aut schismatis nulla esset. Trullana hæc synodus sola est, quæ non ad profligandam hæresim, non ad tollendum schisma, sed ad canones edendos cogitur. Ecquid autem erat opus, pastores ecclesiarum omnium suis sedibus cieri, ut post innumeros fere canones Apostolicos, Nicænos, Ancyranos, Neo-

cæsarienses, Antiochenos, aliorumque plurimorum & martyrum, & consensuum, qui canone secundo Trullano comprobantur, alii centum duo ab his patribus ederentur? Quanto vero gravius sexta synodus egit, quæ, causa fidei, ob quam convenerat, absolutâ, noluit ecclesiarum canonibus onustâ discedere. Non igitur necesse erat canones condere, sed si verum lateri vultis, alia Justiniano causa vestræ congregationis fuit, nimirum ut Latinos, sedemque præsertim Apostolicam infestaretur, utque, quod Platina ait, aliqua vestra auctoritate probaret orthodoxæ fidei nequaquam congruentia. Nam si, ut ipsi dicitis, post quatuor aut quinque annos a sexta synodo exacta, sub Justiniano, filio Constantini Constantinopoli convenistis, certe (computate tempora) hæc illa est erratica synodus, cui auctore Beda, Sergius noluit subscribere. Sed jam videamus, ut reliqua, quæ nunc non extant, dissimulentur, cur his centum duobus vestris canonibus subscribere Sergius nec voluerit, nec vero debuerit.

In canone secundo superscriptis & confirmatis 85. canones Apostolorum: hos sedes Apostolica non recepit, ut auctor est Ildorus 16. dist. cap. canones. Id quod cum ex Leone IX. c. Clementis, eadem dist. ostendi potest, tum vero magis ex Gelasio 15. dist. cap. Sancta Romana. Cur autem sedes Apostolica probet 84. canonem, quem vos probatis, ubi tres Machabæorum libri contra omnium consensum ecclesiarum admittuntur? Atque in eodem secundo canone synodum Cypriani, de rebaptizandis hæreticis comprobatis, quasi secundum traditam Afris consuetudinem lex illa constituta sit, & non magis adversetur omnibus ecclesiis Dei. Nec enim decretum illud Cypriani explicari potest ad normam 95. canonis Trullani, & 19. Nicæni. Quoniam canon Cypriani de omnibus in universum hæreticis præscriptus est, maxime Donatistis, quos constat in nomine Trinitatis baptizasse. Decretum ergo Cypriani ab universali ecclesia simpliciter reprobatum, Sergius approbare non debuit, quod Trullana synodus fecit. In canone tertio ecclesiarum Romanæ legem de bigamis non ordinandis summum jus appellatis, & ex rigore austerum: sedis autem Constantinopolitanæ mollicies ac dissolutio be-

Theophan. postea a 6. synodo ad hoc editos Canon 16. ann. inter. hæc.

nignitas vobis est . Mediam quasi ex duabus componitis , sed talem ecclesia Latina semper explosit . Jure igitur hanc vestram Synodum explosit Sergius .

Canon 13. jubet , ut hypodiaconi , diaconi , presbyteri , a suis legitimis uxoribus non separentur . Ea consuetudo apud Græcos quidem invaluit , sed synodus generalis eam toti ecclesie contra Latinorum usum male præscripsit . Bene ergo Sergius vestros canones reprobat .

Canone 36. decernitis , ut thronus Constantinopolitanus æqualia privilegia cum Apostolica sede obtineat , & Alexandrinus , Antiochenus , ac Hierosolymitanus præferatur . Scitis , adversum hunc canonem olim a sancto Papa Leone pugnatum . Et quamquam ratione pugnatum est , at sequentes Romani Pontifices Constantinop. huic ambitioni , & vanitati contradicere noluerunt . De privil. Antiqua .

Canone 62. præcipitis , in omnibus diebus quadragesimæ , præter sabbatum , & dominicam , nullas novas hostias consecrari , sed ut apud nos in die parasceves , fieri præsanctificationum sacrificium . Hoc vestris Græcis præcipite , si vultis : Romanus enim Episcopus hoc in totam ecclesiam decretum non probaret .

Jam Canon 55. nulla nostra constitutione eget : absurdus enim per se est , & manifeste in Romanam Ecclesiam injurius . Ipsum audiamus . Quoniam intelleximus in Romanorum civitate , in sanctis quadragesimæ diebus , in ejus sabbatis jejunare præter ecclesiasticam traditam consuetudinem : sanctæ synodo visum est , ut in Romanorum ecclesia , si quis fuerit inventus sabbato jejunans , clericus deponatur , laicus segregetur . Num tibi videtur a Romano aliquo Pontifice hunc canonem probatum iri ? Minime vero gentium . Quid 67. ? Vide ne probandus sit . Sacra , inquit , scriptura nobis præcipit , ut abstineamus a sanguine & suffocato . Merito igitur damnamus eos , qui cusuque animalis sanguinem arte aliqua condunt , & sic comedunt . Ecqua autem major scripturarum ignorantio esse poterat , quam existimare , præceptum illud Apostolicum ad ea usque tempora perdurasse ? Quanto verius Latini decretum Hierosolymitanum , quo ad sanguinem & suffocatum atti-

nebat , ad breve tempus tantisper manere interpretati sunt , quamdiu Judæorum & Gentium consuetudo coalesceret : quamdiq; synagoga ecclesia cum honore quodam sepecliret . Abeat nunc Gratianus , & sextæ synodo canones Trullanos tribuat . Innocentius vero decretum Gratiani eodem nomine retulit , quo erat a Gratiano citatum : id quod & Divi Thomæ , & aliis quoque viris doctis aliquando accidit , ut Gratiani diligentia fusi , capita decreti eminentis auctoribus , & titulis referant . Idem quoque Gregorio Nono contigit , qui titulo de constit. nomine Hieronymi commentaria in proverbis retulit , quæ Hieronymi non esse certum est . Caput autem illud , quod Innocentius citat , habetur 32. dist. cap. Si quis eorum , nomine sextæ synodi . Adrianum vero Trullanos canones recepisse , tantum abest a veritate , ut nihil magis veritati possit esse contrarium . Verba siquidem illa reperiuntur in epist. Tharasilii ad Adrianum , non , sicut Gratianus memoria lapsus existimavit , in epistola Adriani ad Tharasium . Tharasius itaque recepit illos , non Adrianus : ut patet actione secunda & tertia septimæ synodi . Adrianus siquidem verba Tharasilii refert , ut Constantinopolitanos proprio mucrone confodiat . Si enim , inquit , vos faciemus canones illos divinos & legales esse , canone autem 82. imaginem Christi venerandum esse conceditis , quid nunc contra sacras imagines depugnatis ? Quod si septima synodus uno canone utitur , ut ipsorum Græcorum testimonio imagines esse venerandas comprobet , ecquid inde argumenti promittit , ut ceteros item canones approbat ? Quasi totum Menandrum , Aratum , aut Epimenidem confirmat Paulus , quod horum aliquando sit testimonii usus . Nec verba illa , quæ ex septima synodo retulimus , ipsius synodi sunt , sed Tharasilii , Petri episcopi , Epiphani . Quæ non erat ejus temporis & instituti expendere . Non enim id tum agebatur , an Trullana synodus probanda esset , sed an essent imagines venerandæ . Quamobrem , quæ obiter , & præter institutum a privatis hominibus in Concilio dicebantur , ne novæ lites suborirentur , illa sapienter a Patribus dissimulata sunt : eo vel maxime , quod in causa præcipua , de qua ibi erat controversia , Trullanæ synodi auctoritate libenter utebantur . Id ne

cont.

communisci videamur. Nicolaus nimirum est auctor adhibendus, qui in epistola ad Michaelē Imperatorem, cum ad quandam causam suadendam synodi hujus Trullanæ canone quodam vellet uti, in hunc modum disserit: Provide hoc Constantinopolitana synodus canonum suorum sexto dignoscitur prohibere capitulo. Quod tamen non apud nos invenitur, sed apud vos haberi perhibetur. Verum novimus nos Apostolicis imbuti documentis, etiam sententias uti paganorum, quanto magis Christianorum, & contra ipsos, quorum nec vitam sequimur, nec mentem erroneam imitatur. Denique Apostolus Paulus de libris Paganorum aliqua in suis scriptis posuit: nunquid ideo etiam cuncta recipienda sunt, quæ cum his pariter sunt prolata? Hactenus Nicolaus. Non itaque si aut Innocentius, aut septima synodus, aut Nicolaus, aut concilium Florentinum horum auctoritate canonum abutantur, probato uno, aut item altero, reliquos probaverunt. Quanquam Patres synodi Florentinæ hos 102. citasse canones, me omnino præterit. Nam quod actione quinta relictur, id non ex synodo, ubi hi canones sunt editi sub Iulianiano, sed ex sexto concilio universalis sub Constantino illius patre deproptum est, ut actione 17. ejusdem sexti concilii patet. Sed quoniam & hæc synodus apud Trullum regium palatium scilicet celebrata est, quod de hæc dicitur, hoc per errorem ad Trullanos canones creditum est pertinere. Quorum auctoritas ideo a nobis labelata est, ne quisquam falso errore deceptus, eos veris, legitimisque conciliis opponeret. Video autem dubitari posse, cur inter reliquos canones ecclesiæ Romanæ contrarios non & 82. notaverimus, ubi prohibitum est, ne Christus deinceps sub figura agni pingetur. Sed nolui equidem has Trulli regulas inimice infectari. Nego itaque in 82. canone secundum veram lectionem tale aliquid prohiberi. Quin potius in eo pictura illa vengeranda, qua agnus digito præcursoris demonstratur, & suscipitur, & deinceps conservari in ecclesiâ jubetur. Id quod colligere licet ex epistola Adriani ad Tharasiū, septimæ synodi actione prima, & ex actione quarta ejusdem septimæ synodi. De Trulli igitur canonibus, atque adeo de sexto argumento hæctenus.

Respon.
ad 7. In argumento vero septimo, Pighii

contentio permax coarguenda est, qui ut opinionem, quam semel induerat, tueretur, synodos ecclesiæ decreto susceptas, vanis conjecturis infirmare perrexit. Tantum studium certandi, ubi semel esserit, & dura pertinacia potest. Mihi vero non est hoc loco opus, pro sexta synodo, unde emerit certamen, depugnare, quam & Agatho egit, & Leo II. confirmavit, quam & Beda lib. de temp. rat. cap. 61. & cæteri post eum catholici probaverunt, quam & concilium Florentinum sess. 7. recipit, & Eugenius IV. in decreto super unione Jacobinorum venerat. Alii pro sexta & septima synodis apologiam edant, si diligentia illis Francisci Turrensis non adhuc facit satis. Nos enim in dogmate fidei, & decretis ad salutem fidelium necessariis conciliorum auctoritatem asserimus, in rerum gestarum judicio & ordine non asserimus. Nec in his, quæ parum vel certe nihil ad nos attinent, tempus & operam sumimus.

Ad octavum ergo argumentum Cajetanus in opusculo de auctor. Papæ, & Concil. ep. 8. respondet, Concilium Constantien. quo tempore illud decretum edidit, non fuisse universale & integrum. Erat enim tum schisma in ecclesiâ sub tribus Pontificibus, Joanne XXIII. Gregorio XII. & Benedicto XIII. Unde asserere, quod id temporis illud concilium erat generale, nihil aliud est, quam revocare antiquum schisma, aliosque damnare, qui Benedictum & Gregorium sequebantur. Quod tamen fuit, estque semper ambiguum. Quod si obijcias, Martinum V. in ultima sessione approbasse omnia, & singula decreta in materiis fidei, quæ prius a Concilio Constantien. prodierant: respondet idem Cajetanus, id proprie ad fidem pertinere, & tanquam fidei decretum a Martino probari, quod adversum hæreticos fuisset definitum, ut in octava, 15. & 21. sessione factum est. Quod autem Martinus V. ea solum probet, patet primum; quoniam ad petitionem Oratoris Regis Poloniæ illa approbatio facta est, qui hoc tantum exigebat, ut acta in Concilio contra hæreticos confirmarentur. Patet etiam, quia Martinus dicit, se omnia sic conciliariter facta approbare, & non aliter, nec alio modo. Supponebat enim quædam non conciliariter acta. Nam in illa quarta, & quinta sessione, ut idem Ca-

Respon.
ad 8.

jecanus admonet, nec disputatio, aut disquisitio aliqua intercesserat, nec delecti fuerant adhuc viri docti ad discernendum, & tractandum ea, quæ in fidei doctrina essent constituenda: sed id cautum postea a concilio fuit in sessione sexta. Ita si quis tradita in sessione quarta diligenter expendat, inveniet ea non formam habere decreti, quo videlicet aut fideles obligentur, aut contrarium sentientes explodantur. Patet demum ex literis Martini Quinti, in quibus errores Joannis Vvicelli, Joannis Husli, & Hieronymi Pragensis expresse damnantur: nulla de ea re, an Concilium sit supra Papam, facta mentione. Sed quoniam quæ de Concilio Constantiensi in dubium verti solent, ea pielectissime explicantur a discipulis D. Thome, maxime a Cajetano viro in nostra familia excellentissimo, nos de hac re ne verbum quidem ullum præterea faciemus. De octavo igitur argumento tantum.

A. R. G. T. R.
10. & in a-
pol. c. 11. &
inor habu-
ri de diffi-
cili in Cōc.
Later.

Respon.
ad 9.

In nono vero, miror equidem illorum cecitatem, qui concilium Basiliense tueri volunt: cum manifestum sit, illud, licet a principio Eugenio Quarto consentiente fuerit congregatum, postea tamen ab eodem primum Ferrariam, deinde Florentiam translatum, ubi Basilienses conatus publica ecclesiæ auctoritate repressi sunt. Nam & unio Armenorum, & Græcorum populi Christiani consensione approbata, non in Concilio Basiliensi, sed in Florentino facta est. Eugenium ecclesiæ etiam post illam depositionis Basiliensis sententiam, pro vero Pontifice habuit: Felicem autem illum in synodo electum contempsit. Quorsum ergo attinet mordicus Concilium Basiliense tenere? Quorsum favere hæreticis, qui concilio sunt in hæreticos judicia infirma esse contendunt, quod Concilium Basiliense eos hæretici nomine damnavit, qui etiam non catholici judicantur? Quæ qui non sentiat, is nihil omnino sensurus esse videatur. Quocirca non dubito, esse nunc grande piculum, pro Concilio Basiliensi stare velle, eum schisma illud jam extinctum, non alia ratione magis denuo possit accendi. Et Nicolaus Quintus aperte sentit, Felicem illum non fuisse verum ecclesiæ pastorem, sed nominatum. Nec verum concilium & generale, sed congregatum vocat nomine Concilii generalis. Eugenium vero felicis recordationis prædecesso-

rem suum honorificentius appellat. Ita in literis suis non prebat, nisi beneficiorum collatores, sic loqui solent: & hujusmodi cætera, quæ si irrita haberentur, populus mutatis aut pastoribus, aut officialibus multum incommodi acciperet. Atque Leo Decimus in Concilio Lateranensi sessione 11. place deſinit, Concilium Basiliense non fuisse legitime congregatum. Et postea, cum de quadam sanctione ageretur a concilio Basiliensi edita: Sicut Leo, inquit, ea, quæ in secunda Ephesina synodo temere contra iustitiam & catholicam fidem gesta fuerunt, pestinotum in Chalcedonensi Concilio fecit revocari: ita nos a tam nefaria sanctionis revocatione retrahi, salva conscientia, & ecclesiæ honore non possumus: Cum ea omnia, post translationem ejusmodi Concilii Basiliensis per felicis memorie Eugenium Papam IV. prædecessorem nostrum factam, a Basiliensi conciliabulo, seu potius conventiculo facta extiterint, ac propterea nullum robur habere poterint: Cum etiam solum Romanum Pontificem, tanquam auctoritatem super omnia Concilia habentem, Conciliorum indicendorum, transferendorum, ac dissolvendorum plenum jus, & potestatem habere, nedum ex sacræ scripturæ testimonio, dictis sanctorum Patrum, ac aliorum Romanorum Pontificum decretis, sed propria etiam eorundem conciliorum confessione manifeste constet. Hactenus Lateranense concilium. Probat autem ea, quæ dixerat, multis & testimoniis, & exemplis, quæ nos, ne sit longum, prætermittimus. Sed provocaverunt Dodicoes Parisienses a Concilio Lateranensi, & appellatio nomine Academiæ circumfertur. Quorum illa fuerit, ego hic non disputo: illud altius, non sine ecclesiæ scandalo, atque perniciæ circumferri. Extat anathema Pii Secundi in eos, qui ad futurum Concilium appellaverint. Et sine Pii causis, quas multas suis literis reddidit, manifestum est, rem hanc & hæreticorum omnium summum patrocinium esse, & senectam vel maximam aperire ad obedientiam ecclesiasticæ jurisdictionis, ac perniciem veræ pietatis. Sed de his non est hujus loci, remporisque differre. Verum obijci ea, quæ in secunda sessione concilii Basiliensis decreta sunt, a legitimo concilio esse decreta, ut patet ex literis Eugenii,

quæ

que lecte sunt 16. sess. ejusdem concilii. Sed nos huic quaestioni breviter respondemus, non approbasse Eugenium decreta edita, sed solum concilium generale Basilienae a tempore inchoationis suae legitime continuatum fuisse. Deinde, concilium in secunda sessione non erat plenum, quia major pars episcoporum decerat, imo paucissimi aderant. Quare inchoatione quidem generale erat, sed nondum erat vere & perfecte recipia generale. Praeterea, Legatus sine commissione processit ad ea decreta ferenda, ut ex literis Eugenii ad Julianum colligitur. Adde, quod cum gravis atque difficilis semper fuisset inter catholicos altercatio, quibusdam dicentibus, Papam supra concilium esse, aliis contra asserentibus concilium esse supra papam, nulla consensione rãta, nullo examine praecedenti, positum est id quod erat ambiguum. Quare non fuit decretum Fidei, sed simplex quaedam commemoratio ejus doctrinae, quae erat in Concilio Constantensi tradita. Id quod videntes hujus synodi patres, rursus in sessione 33. rem eandem aliter tractaverunt, definientes ea tanquam Fidei decreta esse deinceps amplectenda. Sed tunc omnis legatorum potestas erat abolita, & synodus Florentiam translata. Quare nihil mirum, si turpiter & pueriliter erraverit, eos pro haereticis condemnando, qui nunc sine controversia fideles habentur.

Resp. ad 10.

Ad decimum vero argumentum responsio est facilissima, plenaria concilia a summo Pontifice minime confirmata, per alia legitima & probata emendari. At quod plenarium concilium summi Pontificis auctoritate firmatum, per aliud posterius emendetur, exemplum ne unum quidem proferri potest. Nam & hujusmodi concilia Augustinus non infirmat, sed tuetur ejusdem libri c. 4. Quanquam Augustinus non videtur loqui de emendatione Fidei, sed de emendatione legum, quae ad res scilicet vel gestas, vel gerendas referuntur. Ipsa plenaria, inquit, concilia priora posterioribus emendantur, cum aliquorum experimento aperitur, quod clausum erat. Quod ad fidei veritatem reiciri vix potest, quae non rerum experimentis innotescit. Leges ergo nonnullae, in quibus per imprudentiam

falli concilia possunt, nihil obstat quo minus a posterioribus conciliis emendantur. Isidoro autem ex his etiam respondetur. Non enim sunt nobis explicanda singula.

Ad undecimum, diximus saepe concilia integra & capituli auctoritate perfecta ea esse, quae nos ab errore vendicamus. Nec si summus pontifex firmus in fidei causa iudex est, concilia frustra coguntur. Primum enim, ut capite superiore admonuimus, Romanus pontifex non temere & stulte, sed considerate atque sapienter habet fidei controversias definire, advocando scilicet consiliarios, vel plures, vel pauciores: juxta rei, de qua deferitur, gravitatem. Juvant enim patres concilii summi Pontificis fidem atque doctrinam. Unde in concilio Hierosolymitano, cum facta esset magna consensio, Petrusque sententiam dixisset nullo sacrarum literarum testimonio fulcitam: Jacobus probavit eam quidem additis testimoniis prophetarum. Adjecit item quasi de suo legem maxime necessariam, de abstinentia ab idololatriis, fornicatione, suffocatis, & sanguine. Ita enim divina procuratio in ecclesiam se fundit, ut membra praecipua, tamen si a capite ipsa pendeant, caput tamen niantur & juvent. Facit quoque concilium plausibiliorem populo fidem, propter acceptissima multorum testimonia atque judicia. Nam & leges, quae communi optimatum consensu & rogantur, & feruntur, libentius populus accipit, quam si a rege solum ederentur. Quamobrem Beda libro retra. in actus Apostolorum prudenter sane monuit, Paulum contulisse cum Apostolis aliis Evangelium, quod praedicabat in gentibus, solerter in concilio disquirens, an recte de legalium cessatione doceret. Non quod ipse de hac re, inquit, aliquid dubitaret, sed ut mentes dubitantium Apostolica synodi auctoritate firmarentur. Gregorius autem de synodis provincialibus locutus est, quae in causa fidei vix quicquam obtinere potuerunt, nisi essent summi pontificis auctoritate roborata. Illa expertus est Gregorius, hae non est expertus. Quanquam & illo tempore concilii Niceni utilitas nondum erat satis explorata.

Respon. ad 11.

Respon. ad ult.

De postremo argumento difficile dictu est. Quid Theologi fere opinentur, videq. Hoc tamen vere licet dice-

de conf. d. 2.
P. 10. Beren-
garius.

re, Romanum illud Nicolai concilium locutum esse multo ad sensum fidelium accommodatius. Concilii verba prius audiamus: posterius expendemus, verane an falsa sint. Profiteor, inquit Berengarius, non solum sacramentum, sed verum etiam corpus Christi manibus sacerdotum tractari, frangi, & fidelium dentibus atteri. Hæc Berengario præscripta a synodo confessionis forma. Ubi alterum potest habere dubitationem, An corpus Christi ratione sacramentalium specierum, vere & tractari dicatur, & frangi. Alterum dubitari non potest, quin in seipso Christus nec tractetur a sacerdotibus, nec frangatur. Arque alii dicent forte pro suo arbitratu quisque: nos autem hoc quidem tempore, & in hac quæstione sequemur potissimum Thomam Vvaldensen, qui in libro sacramental. tit. 4. cap. 42. docet, ejusmodi loquendi formulas & esse verissimas, & esse etiam olim a Patribus usurpatas. Refert in hoc Dionysium cap. 3. lib. de ecclesiast. Hierarch. refert quoque Chrysostomum in Matth. homil. 81. retulerat autem & cap. superiore Paschasium in lib. de corpore & sanguine Christi. Fideles sane cum species sacramentales viderint, Christum se vidisse testantur, eundemque, cum illas tetigerint, tetigisse. Quod magnum profecto argumentum est, cur ita esse credamus. A fidelium vulgo, inquis, ista sumis. Metuebam ne a leonibus diceres. Christiani rudes differunt isto modo. Bene profecto narras. Nam in quæstione fidei communis fidelis populi sensus haud levem facit fidem. Quæro enim ex te, quando de rebus Christianæ fidei inter nos contendimus, non de philosophiæ decretis, utrum potius querendum est, quid philosophi, atque ethnici, an quid homines Christianæ & doctrina & fide instituti sentiant? Præsertim cum huic sententiæ consenserint Patres etiam vete-

res, quemadmodum paulo ante demonstratum est. Præterea motis speciebus sacramentalibus, id quod inter doctiores fere convenit, Christus item per accidens quidem, sed moveatur tamen: nihil igitur obstat, quin visis, tactisque speciebus, Christi corpus & videatur, & tangatur. Nam nec ipsa substantia sensibilis, nisi per accidentia, sentiri potest. Ad hæc, cum species panis viniq. miscetur, ecclesia fateatur, corporis & sanguinis Domini mixtionem fieri: ergo cum videntur & tanguntur species, corpus Christi & videtur, & tangitur. Quid multa? Sic mihi persuasi, sic sentio, Christi corpus in locum panis ita successisse, ut præter ea, quæ fidei hujus sacramenti repugnant, omnia sibi vendicet, quæ panis ante ratione accidentium vendicabat. Alioqui qui species panis manducaret, is Christi corpus non ederet, nec ille biberet sanguinem, qui vini specie potaretur. Atqui scriptum est: Accipite, & comedite: hoc est corpus meum; & rursum, Qui manducat meam carnem, & bibit meum sanguinem, &c. & iterum, Qui manducat indigne, judicium sibi manducat, non dijudicans corpus Domini. Quod si caro Christi in sacramento editur, certe frangitur, dentibusque fidelium atteritur. Utrunque enim ei cibo, quem edimus, est & conjunctum, & proprium. Quid quod per Lucam, si Græci sermonis habetur ratio, Dominus ait, Accipite, hoc est corpus meum, quod pro vobis frangitur? Nec vero nobis Divus Thomas in 4. sententiarum objici debet, cum in tertia parte, quæstione 77. artic. 7. ad tertium argumentum, nostræ hujus sententiæ auctor fuerit vel præcipuus: quem quis non præferat sexcentis Oecolampadiis? De postremo igitur argumento diximus satis, satisque proinde de quarto loco diximus. Ad sequentem deinceps trans-

Finis Libri Quinti.

DE ECCLESIAE ROMANÆ AUCTORITATE,

Quæ quinto loco continetur.

LIBER SEXTUS.

CAPUT I.

Ubi ponuntur argumenta, quibus hujus loci auctoritas impugnatur.



N eum locum incidimus, quem longe, lateque patientem Theologi, præsertim juniores, copiose tractare solent, propterea quod sedis Apostolicæ non auctoritas modo, & gravitas, verum etiam omnis omnino vis & facultas, cum semper ab hæreticis impugnata est, tum multo magis hoc tempore a Lutheranis impetitur, quorum in Romanam ecclesiam contentio pertinax, & odium æternum est. Sed non ego persequar quæstiones infinitas de Romani Pontificis potestate: tantum de auctoritate dogmatum videamus. Nolo autem agere confuse, ut id explicemus hac disputatione, quod queritur. Itaque eorum imprimis argumentationes exponemus, qui locum impugnant. Deinde loci nos vim & auctoritatem cum catholica ecclesia conferabimus. Posthæc adversariorum argumenta diluemus. Quæ si longior fuerit oratio, cum magnitudine utilitatis comparata, fortasse etiam brevior videbitur. Qui igitur locum hunc infirmare pergunt, his argumentis, ut sibi videatur, efficiunt.

1. Arg. Primo, Joannes vigesimus secundus publice docuit, justorum animas non videre Deum usque ad judicii diem: cavitque, ne Parisiis Theologiæ gradum quicumque consequeretur, nisi prius in hanc sententiam jura visset. Errare igitur summum Pontifex, atque adeo sedes Apostolica in fide potest.

2. Arg. Secundo, Cælestinus Tertius defini-
vit, quod cum alter conjugum labitur

in hæresim, dissolvitur matrimonium; ut patet de divortio, cap. Quanto. Super quo affirmat Hostiensis, Cælestini epistolam decretalem habitam olim in corpore juris. Erravit igitur in fide Cælestinus, nam definitio illa Evangelio contraria est.

Tertio, Alexander Tertius de sponsa duorum, cap. Licet, asserit, quosdam suos prædecessores judicasse, quod si post matrimonium contractum per verba de presenti, non consummatum tamen, aliud novum matrimonium consummetur, primum dirimitur, secundum est validum. Hic autem error est sine dubio in fide, & moribus manifestus.

Quarto, idem Alexander Tertius, cap. Cum esses, de testament. definit, alienum esse, & a generali eccles. consuetudine, & a divina lege, & sanctorum Patrum institutis, ut testamenta, nisi quinque, vel septem testium fuerint subscriptione firmata, penitus rescindantur. Constat autem, civilem legem, quæ ejusmodi testamentis minus solennia irritat, a viris hodie ecclesiasticis comprobari. Falsus est igitur in fide Alexander, ut qui pronuntiet, legem aliquam esse divinæ contrariam, quæ re vera contraria non est.

Quinto, Innocentius Primus in epistola ad Rufum, & Eusebium, cap. 1. Quæ viduas, inquit, acceperunt uxores, ad summum Sacerdotium agnoscimus pervenisse. Quod contra legis esse præcepta nullus ignorat: cum Moyses clamiter, Uxorem virginem sacerdos accipiat; contra quod præceptum divina auctoritate subnixum, nulla defensione opponitur, nisi consuetudo vestra, quæ ex ignorantia profecta est. Et Innocentius Tertius, cap. Per venerabilem, Qui filii sint legitimi, cum

quamdam legem Deuteronomi renūscit, Sane, ait, cum Deuteronomium secunda lex interpretetur, ex vi vocabuli comprobatur, ut quod ibi decernitur, in novo testamento debeat observari. At decreta veteris legis debere a nobis observari, sacris etiam literis, non modo Concilio Florentino advertitur.

6. Arg. Sexto, Nicolaus Tertius in extravaganti, lxiit, qui seminat, de verborum significatione, decernit, abdicatorem proprietatis omnium rerum tam in specialia, quam in communi Christum Dominum & verbo & exemplo docuisse. Quod erroneum esse Joannes Vigenianus docet in extravaganti, Cum inter nonnullos

7. Arg. Septimo, Nicolaus ad consulta Eucharorum, referturque de consecratione dissentit. 4. cap. A quodam Judæo, dicitur, quod si in nomine Christi aliquis baptizetur, rebaptizari non debet: Cujus oppositum Pelagius Papa determinat in epistola ad Gaudentium episcopum; referturque eadem dist. cap. Multi, & cap. Si re vera, quæ ambo capitula ex eadem epistola sunt deprompta. Constat & cum Pelagio Zacharias Papa, cap. In synodo, eadem distinctione. Aut Nicolaus igitur, aut Pelagius falso de fidei questione decrevit.

8. Arg. Octavo, Div. Gregorius in epistola quadam ad Augustinum Cantuariensem Archiepiscopum, Gregorius quoque tertius in epistola ad Bonifacium episcopum, ex Apostolica, Romanaque Ecclesie auctoritate pronunciarunt, quod si mulier infirmitate aliqua fuerit correpta, nec voluerit debitum marito suo reddere, maritus quidem aliam uxorem ducere potest, ea lege tamen, ut subsidii opem conjugi priori non subtrahat: Quod autem vir ab uxore, quæ per infirmitatem debitum reddere non valet, discedere possit, atque ad secundas nuptias transire, doctrinæ Evangelicæ, Apostolicæque adversum est, ut Gratianus 33. quæst. 7. dixit.

9. Arg. Nono, Gelasius contra Eutychen, & Nestoriam desinit, in altaris sacramento, facta etiam consecratione, panis, vinique substantiam manere. Id quod a fide catholica alienum est.

10. Arg. Decimo, Romani Pontifices literas fæ sacras falso exposuerunt. Nam ut ea loca prætermittam, quæ Cajetanus gessit in opusculo 17. questionum, q.

ult. certe Gelasius Papa cum concilio septuaginta episcoporum, & refertur sub nomine Pelagi, 21. dist. cap. Quamvis, atque Anacleus 22. dist. cap. Sacrosancta, probant, Romanam Ecclesiam exteris esse prælatam, illa Evangelica voce Domini salvatoris, Tu es Petrus, & super hanc petram ædificabo ecclesiam meam. Quod idem plures etiam alios Pontifices sensisse constat. Ridiculum autem videtur esse Evangelicum testimonium in eum sensum velie flectere. Ad eundem quoque modum plerique summi Pontifices ad probandum, majores ecclesie causas ad sedem Romanam esse referendas, inducunt illud ex Luca, Ego rogavi pro te, Petre, ne deficiat fides tua. Quod quam ineptum sit, vel ex eo liquere aunt, quod ibi Dominus Petro solum, non item posteris loquebatur. Subdit enim, Et tu aliquando conversus, confirma fratres tuos. Quæ verba si ad posteros referantur, nimirum Romanos Pontifices, prius aversos fuisse oporteret, ut aliquando conversi confirmarent fratres suos. Cum itaque Romani Episcopi sacras literas falso interpretentur, falli & fallere in fidei dogmate possunt. Nam ex sacrarum literarum recta intelligentia vera dogmata, ex obliqua vero falsa trahuntur.

Undecimo, Si Apostolica sedes in fide errare non possit, id maxime ex privilegio Petri Luc. 22. Ego rogavi pro te, Petre, ut non deficiat fides tua. At Petri fides defecit, juxta id, quod Ambrosius ait, Fidelior factus est Petrus, postquam fidem se perdidisse descevit. Multo ergo magis ceteri successores errare in fide poterunt. Ut erravit certe Anastasius 19. dist. cap. Anastasius. Erravit quoque Honorius, ut in Concilio sexto Constant. actione 13. & 18. desinitur.

Postremo, Hieronymus in epistola ad Evagrium, cum illi objiceretur Romanæ Ecclesie consuetudo, Si auctoritas, inquit, queritur; orbis major est urbe. Ubique fuerit episcopus, sive Romæ, sive Constantinopoli, sive Alexandria, ejusdem meriti, ejusdem est & sacerdotii. Potentia divitiarum, & paupertatis humilitas vel sublimior, vel inferior episcopum non facit. Ceterum omnes Apostolorum successores sunt. Quid ergo mihi proferis unius urbis consuetudinem? quid paucitatem, de qua ortum est superfluum,

11. Arg.

Dist. 2. & 6. de elec. Ex sermo 27. de fide Petri.

12. Arg. q. dist. can. legimus.

CAPUT II.

*In quo redditur causa, cur Sedes
Apostolica quinque locum
obtrineat.*

Itum, in leges ecclesie vindicatas? Hactenus Hieronymus. Et Ambrosius lib. 3. de Sacram. capite primo, cum Romanam consuetudinem sibi opponeret, In omnibus, ait, cupio equi ecclesiam Romanam sed tamen & nos homines sensum habemus: ideo quod alibi rectius servatur, & nos recte custodimus. Ipsum sequimur Apostolum Petrum: ad hoc eccles. Romana quid respondet? Uti que ipse auctor est nobis hujus assertionis Petrus Apostolus, qui sacerdos fuit eccles. Romanæ. Quod si Hieronymus & Ambrosius eccles. Romanæ instituta facile rejiciunt, certe non est cur Apostolicæ sedis præscriptam in moribus regulam sequi debeamus. Eo vel maxime quod Trull. synodus can. 55. asserit, Romanam ecclesiam præter ecclesiasticam traditam consuetudinem Sabbatis quadragesimæ jejunare: corrigique hunc ecclesie Romanæ morem, qui contra Apostolorum canonem 65. inoleverit. His potissimum argumentis hunc locum quidam infirmum esse contendunt. Credunt enim sedem Apostolicam errare posse, etiam cum de fidei quæstione judicat. Inter Parisienses Gerson & Almain hujus sententiæ præcipui auctores habentur. Eandem sequitur Adrianus in 4. sentent. de consir. quæst. ultima. Ac Thomas quidem Vval. l. 2. doctri. fid. anti. c. 19. eandem videtur sequi, tametsi in lib. de sacramentalibus, doctrina 10. longe aliter sentit. Gratianus 19. distin. 5. Hoc autem intelligendum est, eidem opinioni videtur etiam assentiri. Nec ab hac, ut apparet, alienus est Cardinalis Turrecre. lib. 4. par. 2. c. 16. Quamvis in l. 2. c. 109. 110. contrariam sententiam & tenuerit & ostenderit. Hanc Erasmus libenter amplectitur super epistol. Hieronymi ad Damasum de nomine Hypostasis. Quin in libro de ratione veræ theologiæ fenestram dicit aperire ad perniciem veræ pietatis eos, qui doceant, Romanum Pontificem errare non posse, quoties de moribus aut fide pronunciat. Huic Lutherus subscribit, huic Uviclesistæ, atque adeo omnes hæretici subscribunt libentissime.

Horum ego opinionem ex academico theologicis explosurus sum. Efficaciusque ut spero, vi argumentorum meorum, si integris animis expendantur, semotis contentione & odio quibus omne judicium excolari solent. Ut autem evidentius intelligatur, quam sit magnus hujus opinionis error, fingamus animo unum esse Lutherum, in quem stylus hic noster acuat. Nam errantium multitudo non parit errori patrocinium. Sic ergo primus idemque solus qui audeat affirmare, summum pontificem ecclesiasticæ Romanæ in fidei controversiis decernendis posse contra evangelium errare. Nisi ego probavero certioribus argumentis, id esse erroneum, quam probent catholici aut purgatorium esse, aut indulgentias pontificis divina auctoritate constare, auctoritas hæc una, quantula ea cunque est, apud lectores periclitabitur. Illud vero melius ostendo, si ad locum hunc firma ratione constabundum, altius hujus rei fundamenta jacio. Sed ante tamen, cur hunc locum quintum fecerimus, paucis explicandum est. Erunt enim fortasse quidam, quibus aptior ordo videretur, si priorem, quo conciliorum auctoritas continetur, hic locus antecederet. Qui etiam si aberraret a conjectura, video tamen quid sequantur. Nempe sedis Apostolicæ auctoritate sublata, concilia quæcumque non solum vacillare, sed cadere: ac sedem Apostolicam per se etiam sine concilio suam habere auctoritatem. Priorem itaque esse ecclesie Apostolicæ, quam conciliorum auctoritatem. Rebus autem suum cuique servare locum natura jubet. Quemadmodum locus elementis suis est cuique proprius, ut terra infimum teneat, hanc inundet aqua, superior æther, ignibus altissima ora reddantur. Quibus breviter respondemus, nos humani ingenii habita ratione, naturæ ordini sæpe negligere. Est autem hominibus comparatum, quod Aristoteles non semel admonuit, ut a notioribus ad ea, quæ minus sunt nota, proficiantur. Quamobrem,

obrem, cum conciliorum auctoritas plenius sit & acceptior, & notior, nihil mirandum est, si naturæ ordinem anteverimus. Præterquamquod concilia ecclesiam repræsentant, & ab Ecclesia catholica Concilia catholica sejungere, non erat satis ex ordine. Merito igitur Ecclesiæ Concilia hærese fecimus. Sed de his hæcenus. Jam id, quod erat institutum, persequamur.

CAPUT III.

Tria pronuntiata continet, quibus efficitur, Petri in fide firmitatem ad successores quoque derivari.

ETSI non sum nescius, quam sit scholastica disputationis forma quibusdam invidi: sed non debeo tamen aham inire disputandi rationem, præter eam, quam & viris clarissimis probatam esse intellexi, & ad errores omnes refellendos semper aptissimam existimavi. Certe quæ Augustinus contra adversarios ecclesiæ dixerit, tametsi & inventa sunt acutius, & dicta subtilius, quam ut quis ea possit agnoscere, ad evincendos tamen hæreses eo aptiora judicantur, quo tenuius ad vivum rescata sunt. Demonstraturus igitur Apostolicam eandemque Romanam sedem errare in fide non posse, Scholæ more tres propositiones habeo ponere, in quibus hujus questionis cardo vertitur.

I. Propositio.

Prima propositio, Petrum Apostolum fuisse a Christo institutum pastorem ecclesiæ universalis.

Cap. 32.

Hanc probat aperte illud apud Joannem testimonium, Pasce oves meas. Qui enim non distinguit inter has oves & illas, alienam a suo demonstravit ovili, quæ Petrum pastorem non recognosceret: ut Innocentius de majoribus & obediens. cap. Solitæ, & Bernardus lib. de cons. ad Eugen. cap. 6. evidentissime argumentantur. Nec dubitari potest, ad Petrum eam curam specialiter pertinuisse, quem Dominus priusquam oves illi committeret, interrogavit, nec id semel ait his, sed tertio etiam, Simon Jona diligis me plus his? Ubi non expressit solum Simonis proprium nomen, sed patris etiam nomenclaturam adiecit, ne ulla posset ambiguitate Petri potestas eludi, aut perverte in alium torqueri. Atque idem rursus

ex altero apud Matthæum testimonio declaratur: Beatus es, inquit Dominus, Simon Bar-Jona, quia caro & sanguis non revelavit tibi, sed Pater meus, qui in cælis est. Et ego dico tibi, quia tu es Petrus, & super hanc petram ædificabo ecclesiam meam, & quodcumque solveris super terram, &c. Ubi notandum in primis illud, quod cum omnes discipuli rogati fuissent, cæteris tacentibus, unus Petrus respondit. Deinde & illud advertendum, quod & nomen Petri antiquum Christus servavit, inquit, Beatus es Simon, & patris etiam nomen addidit, ne ad Cananæum possent verba referri. Nomen quoque novum indidit, quod Petro non commune cum reliquis Apostolis esset, sed proprium. Et ego dico tibi, ait, non Joanni, non Jacobo: sed tibi tu es, non solum vocaris, sed es, Petrus, hoc est, saxum. Unde & Joannis primo cap. Cephas, id est petra ingens, seu rupis magno ferendo ædificio idonea, a Domino vocatus est. Et super hanc petram, inquit, ædificabo ecclesiam meam, id est, super te o Petre; ut exponit Hilarius super Matthæum, Ambrosius sermone 47. de fide Petri, Cyrillus in epistola ad Quintum, Hieronymus 1. l. contra Jovinian. & super Matth. & in epistola quadam ad Marcellam, & in Epistolæ 1. & 16. c. quamvis in concione quadam de Pentecoste aliter exposuerit. Chrysost. hom. 55. in Matth. Cyrillus lib. 2. in Joann. c. 12. Origenes hom. 1. in Matth. & hom. 1. super Exodum, Theophylactus Lucæ 22. Gregorius in quadam epistola ad Mauricium Augustum, & in alia ad Eulogium Alexand. episcop. 6. lib. epist. 37. Leo concione 2. de Apostolis Petro & Paulo. Sed & in epistola ad Flavianum, Petrus, inquit, a principali petra soliditatem & virtutis traxit & nominis. Atque in Epist. 67. ad Episcop. Viennens. id apertius exponit, 19. dist. cap. Ita Dominus. Tertullia. lib. de præser. hære. Epiphanius in lib. Ancoratus, Dionysius item in epist. ad Timoth. Petrum dicit a Paulo vocatum fundamentum ecclesiarum. Et Concil. Chalcedon. vocat Petrum petram & crepidinem catholicæ ecclesiæ; atque ex consequenti fitur, ecclesiam catholicam super Petrum ædificatam. Nec me lazet, August. super Joannem homin. ultimarum, & de verb.

12. dicit, c. præcepit.

Do-

Homi. homi. 13. id verum esse concedere. At lib. 1. retract. cap. 21. hunc communem sanctorum sensum non reprobatur. Nec reprobari sane is poterat, quem non summi modo Pontifices, verum Concilia quoque probarunt, quemadmodum ex his, quæ postea dicemus, periculum erit.

Cap. 6.

Sed non est opus, rem aliqui lucidissimam externis admotis luminibus illustrare. Quorum enim dicit Dominus Simoni filio Jonæ, Tu es Petrus, hoc est, saxum, nisi ut intelligeremus, cum evestigio addit, Et super hanc petram ædificabo ecclesiam meam, ipsissimum Petrum esse, super quem esset ecclesia ædificanda? Cum vero idem sit secundum metaphoram domus fundamentum, quod servata corporis analogia caput; manifeste colligitur, Petrum ut ecclesie caput, ita etiam fundamentum esse. Cur autem nomen capitis in Petro vereamus, si rectorem omnium Christi eum negare non possumus? Nam populi rectores, capita dicuntur, Amos 6. & Saul quoniam rex erat, caput populi dicitur, 1. Regum 15. Sed testimonia patrum Bucerius quærit, negatque Petrum ab ullo unquam caput ecclesie vocatum. Impudentissime vero negat. Quoniam Evaristus, Alexander hujus nominis primus, Pius etiam primus, Calixtus primus item, Gregorius, Athanasius, Chrysostomus, Patres Concilii Chalcedonensis. Constant. septimæ synodi, Petrum ac successores ejus caput ecclesie non obscure appellaverunt. Quorum testimonia paulo post adscripturi sumus. Fateamur igitur, Petrum & caput & fundamentum & rectorem pastoremque esse a Christo constitutum ecclesie universalis. Hæc enim omnia adeo sibi coherent, ut si unum ex illis tollas, reliqua tollere necesse sit. At Clemens 6. dispo. lib. Petrus, Jacobus, & Joannes, inquit, quamvis a Christo fuerint omnibus pene prælati, tamen non sibi vendicabant primatus gloriam, sed Jacobum, qui dicebatur Justus, Apostolorum episcopum statuunt. Non igitur Clementi Petrus erat pastor ecclesie universalis. Hujusmodi scilicet testimonia hinc inde venantur hæretici, ut luci tenebras offundant. Dionysius 3. c. de Div. Nomin. Petrum dicit supremum fuisse deum, & Theologorum columen. Euseb. lib. 2. eccles. hist. cap. 14. Petrum scri-

bit, probatissimum omnium Apostolorum & maximum, fideique magnificentia primorum principem. Epiphanius hæres. 51. affirmat, Christum elegisse Petrum, ut esset dux suorum discipulorum. Leo in epist. ad Episcopos. Venerabili. Evangelici muneris sacramentum, ait, ita Dominum ad omnium Apostolorum officium pertinere voluisse, ut in beatissimo Petro omnium Apostolorum summo principaliter collocaret. His, nam alios enumerare longum est, his inquam, tam multis & idoneis testibus non credunt hæretici, & volunt nos uni Clem. credere, qui dicat Jacobum Apostolorum episcopum institutum esse. Hierosolymorum episcopus Jacobus agnoscitur. Apostolorum episcopus non agnoscitur. Quamquam Apostoli ædificationis gratia, cum erant Hierosolymis, Jacobo sane plurimum deferrebant: quo posteris episcopis exemplo essent, ut tanquam subditos in aliena ecclesia se gererent. Sed bene habet, quod non asserit Clemens Dominum statuisse, sed Apostolos modestæ causæ. Nos vero hæc prima propositione asserimus, Petrum a Domino pastorem ecclesie catholice institutum. Quod quoniam Cajetanus in libel. de auctoritat. Pape & Concilii, & fufius adhuc in altero de eccles. Romanæ primatu plurimis maximisque argumentis ostendit, nos breviter demonstrasse sufficit.

Secunda propositio, Petrum, cum ecclesiam docebat, aut oves in fide firmabat, errare non potuisse. Hæc primum ostenditur ex illo testimonio Lucæ 22. Simon, Simon, ecce Satan expetivit vos, ut eribraret eccle triticum: ego autem rogavi pro te, ut non deficiat fides tua: & tu aliquando conversus, confirma fratres tuos. Ea cum dixisset Dominus, Satan expetivit vos, non ait, Ego rogavi pro vobis, sed, pro te: nec dixit, Et vos aliquando conversi, sed, Tu aliquando conversus, confirma fratres tuos. Cum autem oratio Christi, ut auctor est Paulus, semper fuerit exaudita, quod Christus oravit, id certe consecutus est, ne Petri fides deficeret, ut iratres posset in fide firmare. Deinde hanc etiam demonstrat illud Matthæi 16. Super hanc petram ædificabo ecclesiam meam, & portæ inferi non prævalebunt adversus eam. Quæ verba explicans hom. 1. in Matth. Ori-

Vide etiam
Turret. l.
2. summa
eccles. 213.

3. Pro-
positio.

His Simon
est nomen
in Greco
repetitur,
& sic legit
Agatho. 2.
c. 10. 4.
secundæ sym-
boli.

sec. 5.

genes ait: Manifestum est, etiam non exprimitur, quod nec adversus Petrum, nec adversus ecclesiam praevalere poterunt interiorum. Nam si praevalerent adversus petram, in qua ecclesia fundata erat, contra ecclesiam item praevalerent. Petrus ergo firmus stabat in fide, ne fabrica super ipsum fundata rueret. Præterea si Petrus peculiariter ratione & privilegio, Claves non unius ecclesie, sed eorum daretur, quemadmodum homil. 6. in Matth. annotavit Origenes, Claves autem caelos aperiant, consequens fit, ut omnia eorum impedimenta tollant. At ex parte intellectus ingressum in caelos impedit ignorantia fidei, sicut ex parte voluntatis auctio prava: data est igitur Petro potestas non minus ad tollendam ignorantiam, quam ad tollendam peccata. Quæcumque itaque solvitur, & quæcumque ligasset, sive spectaretur ad intellectum, sive ad affectum, ea ligata fuissent solutæque in caelis. Quamobrem quæstiones in fide difficilesolvere jure suo Petrus poterat, ligareque promissio suo iudicio, ut id tenerent fideles, quod ipse decerneret. Atqui falso de fide iudicio Fideles ligari non queunt. Quod si divinatio in labiis regis, & in iudicio non errabit os ejus, ut Proverb. 16. c. dicitur, cur nos existimabimus, Petrum regni eorum principem a Deo constitutum, in gravissimo de fide iudicio errare potuisse? Et si Caiphas, vir in synagoga impius, cum eiset pontifex anni illius, quia pontifex tamen erat, prophetavit, nonne magis Petrum summum a Christo Pontificem ecclesie datum, divino Spiritu ad veritatem finiendam agi credemus? Si pastor denique omnium Fidelium Petrus est a Deo constitutus, doctor ergo, & magister ecclesie supremus effectus est. Quod si pascua doctrinæ salubris ovibus Christi non daret, sed posset eas erroribus falsis ac perniciosius pascere, nimirum non esset a Christo ecclesie provisor. Provisorium est autem sine dubio, nisi Petrus ipse nos seclerit, iniquis: Viri fratres, vos scitis, quoniam ab antiquis diebus, Deus in nobis elegit, per os meum audire gentes verbum evangelii & credere. Petrum ergo peculiariter inter ceteros elegit Christus, ut eum gentes in fidei controversia non audirent solum loquentem, sed etiam crederent. Ita enim

cum Petrus sententiam edixisset, tacuit omnis multitudo, Petro definiti contentens, ut Act. 15. a Luca refertur.

Tertia propositio, Petro defuncto, divino jure esse, qui illi succedat in eadem auctoritate & potestate. Nam cum oves Christi essent usque ad consummationem seculi futuræ, desipiet profecto, qui Christum existimabit ovili perpetuo pastorem temporarium insensibile. Quod igitur Dominus instituendo pastorale ecclesie munus primo pastori contulit, id ordinare cuilibet successori intelligitur contulisse, ut Cajet. de prim. Eccles. Rom. cap. 12. eruditissime comprobavit. Præterea, regnum Christi futurum erat æternum: ergo & ecclesie principatus non fuit temporalis, quod libro etiam superiore probatum est. Alioquin si Petri potestas ad posteros non est translata, ne ceterorum quidem Apostolorum potestatem ad succedentes episcopos transmissam agnosceremus. Ita nunc in ecclesia nulla aut episcoporum aut sacerdotum potestas erit. Qui est error in fide manifestus. Utitur etiam Bernardus ad Eugen. lib. 2. cap. 6. in hujus rei confirmationem, illo Exod. testimonio, isto tu populo in his, quæ ad Deum pertinent, ut ostendas populo carennias, & ritum colendi, viamque per quam ingredi debeant. Provide autem de omni plebe viros sapientes, qui judicent populum omni tempore. Quidquid autem majus fuerit, referant ad te, & ipsi minora tantummodo judicent. Si hoc feceris, implebis imperium Domini. Quibus auditis, Moyses fecit omnia, quæ Jetro suggesserat. Quod si Jetro consilium & optimum fuisse constat, & Synagoga maxime necessarium, ut unus esset summus iudex, ad quem majores causæ & quæstiones referrentur, nullo pacto verisimile fit, Christo Domino hujusmodi consilium dedisse, quod ecclesie erat similiter necessarium. Non ergo Petro solum ea potestas collata est a Domino, sed ad posteros quoque transit, nisi Deus majorem synagoga curam habuerit, quam ecclesie. Confirmat eam rem vel maxime alterum legis veteris testimonium, quo usus est Innocentius III. cap. Per venerabilem, qui filii sunt legitimi. Si difficile, inquit, & ambiguum apud te iudicium esse prospexeris, & iudicium intra portas tuas videris verba

3. Propositio.

Joann. 20.

Cap. 12.

Similis iudiciorum forma capitula vltima co

mi in Cefar
audire vid
de bell. Gal-
lico, lib. 6.

variari, surge & ascende ad locum, quem elegerit Dominus Deus tuus, venesque ad sacerdotes Levitici gentis, & ad iudicem, qui fuerit illo tempore, quarefque ab eis, qui iudicabunt tibi iudicii veritatem. Et facies quacunque dixerint, qui præsunt loco, quem elegerit Dominus, & docuerint te juxta legem ejus, sequefisque sententiam eorum, nec declinabis ad dexteram, neque ad sinistram. Qui autem superbiert, nolens obedire sacerdotis imperio, qui eo tempore ministrat Domino Deo tuo, ex decreto iudicis morietur homo ille, ut nullus deinceps intumescat superbia. In quibus verbis illud primum advertendum est, non quasilibet causas ad metropolitanum iudicem summumque sacerdotem esse referendas, sed difficiliiores, quam ut minorum iudicum auctoritate absolvi possent. Deinde & illud admonendum, supremum illud tribunal, a cuius sententia juxta legis normam, nulla prorsus erat appellatio, senatum suum habuisse quidem Levitarum & sacerdotum, sed unum esse primum iudicem summumque unum sacerdotem, qui in sententia ferenda vel solus si significat habere auctoritatem. Qui autem superbiert, inquit, nolens obedire sacerdotis imperio, qui eo tempore ministrat, vel præsidenti ad ministrandum, ut septuaginta transulerunt. Et rursum: Ex decreto iudicis morietur homo ille. Non ait, Sacerdotum & iudicum, sed Sacerdotis & iudicis. Nec illud prætereundum, quod non jubet Dominus concilium ex tota synagoga congregari, sed concilium adhiberi jubet sacerdotum & Levitarum, qui senatus loco summo sacerdoti in civitate matricia semper adessent. Quia enim in promptu erat, ut id genus questiones & controversie identidem orirentur, paratum, & aditu facile oportebat esse tribunal: id quod non esset, si frequens cogendum esset ex omni synagoga concilium, ut universas controversias definirent.

Sed ne id quidem negligendum est, legislatorem absolute præcibere, ut post sacerdotis præsidentis iudicium omnes suis opinionibus cedant. Facies, ait, &c. sequefisque sententiam eorum, nec declinabis ad dexteram aut sinistram. Nec injuria id quidem præscribit legislator, quoniam ante, ut securos discipulantes redderet, fue-

rat pollicitus, iudicium illius senatus, ad quem consultatio referretur, verum esse futurum. Qui iudicabunt, inquit, tibi iudicii veritatem. Sed, ait Buccerus, vera erunt hæc, si protulerit secundum legem. Sic enim habet Moyses: Facies quacunque docuerint te juxta legem ejus. Hic primum, quod isti saepe contra nos faciunt, revocare eos libet ad Hebraicam veritatem. Septuaginta quippe hoc modo vertunt: Facies secundum verbum, quod nunciaverint tibi ex loco, quem elegerit Dominus Deus tuus. Et custodies valde, ut facias secundum omnia quæ sancita fuerint tibi, secundum legem, & juxta iudicium, quod dixerint tibi, facies. Et Sandes Pagninus ita reddidit: Facies secundum sermonem verbi, quod annuntiabit tibi, & custodies faciendo juxta omnia, quæ docebunt te. Juxta sermonem legis, quem docebunt te, & secundum iudicium, quod dicent tibi, facies. Ubi non præcipit Moyses, ut sacerdotibus credant, si iudicant secundum legem, sed potius, ut quæ sacerdotes docuerint, ea pro lege habeantur. Alioqui si de legis ac religionis controversia ad senatum recurrentibus hanc consameret arripere, nulla unquam ejusmodi quæstio finiretur. Semper enim ille locus dubitandi esset reliquus, an sacerdotes proferrent juxta legem: cujus dubitationis nullus esset iudex institutus. Sed de his disputatum est alio loco satis, ut arbitror, diligenter. Nunc autem id solum agimus, Deum post tempora etiam Moysis, quamdiu synagoga futura erat, instituisse maximi pontificis unum tribunal summum, e cuius iudicio privati omnes cives ac iudices etiam minores penderent. Quid ergo? Moyses providit synagoga, & Christus non providit ecclesiæ? An volumus, ut his diebus non sit iudex in Israel, sed unusquisque quod sibi videatur bonum, id & faciat & sentiat? Volumus, inquit, Evangelii libertatem. An ne est libertas civitati, nullum habere, a quo regatur? Est libertas navi, sine gubernatore undis ventoque permitti? Libertas ergo erit, ut quidam ait, nullum esse in schola præceptorem, nullum in humano corpore caput, nullam mentem in homine, sed solis cupiditatibus turbari ac misceri omnia, pro libidine. Id vere ne pecudes quidem cupere-

judic. 17

qua-

quarum interest pastores habere, a quibus deducantur in pascua; atque in eis defendantur ab injuria ferarum. Non itaque, ut ad propositum revertamur, domus una sine parrefamilias, una civitas sine rectore, ovile unum sine pastore, uno mortuo Petro relinquitur, sed est aliquis, qui illi in regendi ac pascendi oves, auctoritate succedat.

Quod si objicias, ex typo & figura non sumi idoneum argumentum, memineris, quæ in veteri populo illo quasi delineata ad illius speciem & ordinem pertinerent, ea ad speciem ecclesiæ & ordinem reitri oportere. Nec nos ex figura argumentamur & typo, sed a minori ad majus argumentamur, evidenti sane ratione. Incredibile est enim, synagogam componendis de fide, lege, & religione controversis judicem & senatorem Deo autore habuisse, ecclesiam non habere: præsertim cum ecclesiæ id sit multo etiam magis necessarium. Quæ cum ex tam variis nationibus, linguis, ingenis, institutis emergerit, necesse est, ut plures gravioreſque habeat de fide & religione controversias. Quas nisi hujus Reipubl. princeps valeat componere, ecclesiæ protectio forma & species turpissima est, & fors multo, quam synagoga deterior. Sed ecclesiæ ac synagoga omiſſa comparatione, ex fine certe præſcribitur auctoritas, quæ principi in unaquaque societate congruat. Non enim aqua est auctoritas cuilibet imperanti: sed alia patrifamilias, alia præfecto, alia regi convenit: unicuique vero horum tanta, quanta ad ejusque societatis finem necessaria erit. Ut eam patrifamilias præstemus auctoritatem necesse est, quam ad finem domestici convictus necessariam esse, ratio recta & doctrina præſcripſerit: Quoniam in una domo eodemque recto, ubi varia est hominum natura, & officium cujusque diversum, non aliter vivi omnino potest. Tantam ergo habet summus a Christo institutus pontifex in ecclesia auctoritatem, quanta ad continendos Christianæ Reipubl. cives in fide, religione, officio est necessaria. Suboriri autem inter nos necessum est de fide ac religione controversias, quibus componendis si nullus est a Christo datus iudex, ad quem referretur tandem ejusmodi questio omnis, sine fine eſſet, perpetuaque discen-

sio, torque tamque dissonantes de fide ac religione sententiæ, quot sunt in ecclesia, & quam sunt diversa capita. Quas ob res si ecclesiæ unitatem, charitatem, confociationem conservare oportet: necesse est proſecto, ut unus sit relictus a Christo princeps, qui non aliter ac Petrus dissidentium lites dirimere, solvereque questiones possit. Videmus enim principi cujusque alterius societatis id convenire, ut si inter socios aliquæ controversiæ oriantur, præsertim quæ ad finem illius societatis proprie pertineant, dirimere eas valeat, cum adjuncto sibi seniorum prudentiumque consilio. Atque hæc demum propositio tertia definita est in concilio Constantiensi. Nam 8. sess. ille error vvicelli damnatur: Papa non est proximus & immediatus vicarius Christi. Et 27. sess. 15. septimus error damnatus est hujusmodi: Petrus non fuit, nec est caput sanctæ ecclesiæ catholicæ. Et tertius decimus: Papa non est manifestus & verus successor Petri. Et 27. error: Non est scintilla apparentiæ, quod oporteat esse unum caput in spiritualibus regens ecclesiam, quod semper cum ipsa militanti ecclesia converteretur & conservetur. Et in Bulla Martini quinti eidem concilio præſidentis, Utrum credat, quod Papa canonice electus, qui pro tempore fuerit, sit successor B. Petri, habens supremam potestatem in ecclesia Dei. Neque hoc novum sane fuit. Quin ecclesia semper unum summum pontificem, ac totius ecclesiæ pastorem Petro succedentem agnovit. Quod si reliqua omnis potestas Petro concessa, sive ad remittenda peccata, sive ad quæcunque alia reipubl. Christianæ necessaria munia, non ad Petrum solum, sed ad successores pertinet: certe quod dictum est: Super hanc petram ædificabo ecclesiam meam, & portæ inferi non prævalerunt adversus eam: illud rursum, Tibi dabo claves regni cælorum: Illud item, pascere oves meas: illud denique, Ego rogavi pro te, ut non deficiat fides tua, ad summos pontifices, qui Petro in Ecclesia succedunt, est referendum. Privilegium quippe in fide non errandi, ob ecclesiæ utilitatem, Petro concessum est. Ideo enim cum dixisset Christus, Ego rogavi pro te, ut non deficiat fides tua, subdidit protinus: Et tu confirma fratres tuos. Verum hæc

Vide Pl.
ghium l. 1.
de ecclesi.
Hist. c. 2.

in genere dicta sint : jam in specie, quæ ad hanc controversiam pertinent, ea evidenter explicabuntur.

CAPUT IV.

In quo ostenditur, quod Romanus Episcopus ille sit, qui Petro & in fidei firmitate, & in componendis religionis controversiis, divino jure succedat.

Sequitur, ut doceamus Romanam sedem eam esse, ubi Petri & soliditas & auctoritas, Deo auctore, collocata sint. Quod quoniam non hæretici modo impudenter, verum etiam catholici nonnulli imprudenter inficiati sunt; diligentissime est nobis corroborandum. Tam enim diligenter, estimamus vere, sed tamen accurate non modo fundatam, veram etiam extrusam opinionem, non est facile diruere: Si opinio tamen dicenda est, quæ adeo certis argumentis rejiceretur. Et quidem hæc de re quamvis plura dicta sint a Cajetano, cum aliis in locis, tum in libello de Romanæ ecclesiæ primatu; quia tamen vel ob styli quasi ingeniam obscuritatem, vel ob id forsitan, quod minus attente a plerisque legitur, nihil etiamnum viris doctis & ingeniosis persuasit: oportebit nos de rebus eisdem iterum disputare. Explicabuntur autem hæc fortasse jejuniis: his enim ubertas orationis adhiberi vix potest. Veruntamen de rebus grandioribus, atque ad exponendum difficilibus omne, quod dilucide dicitur, egregie & præclare dicitur. Locum igitur arduum explanaturi, testibus primum id faciemus, quorum audita testimonia locum dubitationi non relinquant. Nolo autem quam plurimis possum testimoniis lectorem onerare: sed gravissima & apertissima solum adferibam. Ordiam autem ab ipsis summis Pontificibus, quorum de hac re clara judicia & certa sunt. Simpliciter autem adscribentur, ne, inquit & ait, sæpius interponantur.

Anacletus in epist. 1. de oppressione episcoporum. Difficiliores questiones & majores causæ ad sedem Apostolicam referantur: quoniam Apostoli hoc statuerunt jussione Salvatoris, ut majores & difficiles questiones semper ad sedem deferantur Apostolicam, super quam Christus universam confluxerit ecclesiam, dicente ipso ad

beatum principem Apostolorum: Tu es Petrus, & super hanc Petram ædificabo ecclesiam meam. Et in 3. epistola de Patriarchis & Primatibus explicat, quidnam per sedem Apostolicam intellexerit in hæc verba: Hæc sacrosancta Romana & Apostolica ecclesia, non ab Apostolis, sed ab ipso Domino Salvatore nostro primatum obtinuit, & eminentiam potestatis super universas ecclesias, ætotum Christiani populi gregem affecta est, sicut ipse beato Petro Apostolo dixit: Tu es Petrus, &c.

Evaristus. Ad sedem Apostolicam tanquam ad caput sunt dubia referenda. Id vero dixit Evaristus episcopus Africanæ regionis, cum illum de fidei questione consulerent. Dixit etiam eos in hoc normam patrum secutos. Ab ineunte igitur ecclesia Romanus Pontifex magister fidei est agnitus. Quod erat Petri proprium munus.

Alexander hujus nominis primus in epist. ad omnes orthodoxos. Hujus sanctæ & Apostolicæ sedis apici summarum dispositiones causarum, & omnium negotia ecclesiarum ab ipso Domino tradita sunt, quasi capiti. Probat vero hoc eodem Marthæ testimonio: Tu es Petrus, &c.

Sixtus primus ad Gallicanas ecclesias, & Eleutherius ad easdem affirmant, & a sanctis Apostolis esse institutum, ut episcoporum judicia ad sedem Apostolicam referantur. Scilicet, quia majores ecclesiæ causæ, &c.

Pius primus in epist. ad omnes ecclesias. Hanc sanctam sedem Apostolicam omnium ecclesiarum caput Dominus esse præcepit, dicens principi Apostolorum Petro: Tu es Petrus, &c.

Victor in epist. ad Theophilum, ad Romanum episcopum, episcoporum omnium causas ab Apostolorum tempore pertinere definit. Probatque illo testimonio, Quæcunque ligaveris, &c. Citat etiam in hoc institutum Apostolorum, in quo Romana sedes vocatur universalis Apostolica ecclesia. Eundem quoque Apostolicum canonem nomine ecclesiæ refert in hoc ipsum Sixtus II.

Zepherinus in epistola ad episcopos Sicilianos. Majores ecclesiæ causæ a sede Apostolica, & non ab alia, sicut Apo-

22. dist. c. sacrosanct.

quarum interest pastores habere, a quibus deducantur in pascua; atque in eis defendantur ab injuria ferarum. Non itaque, ut ad propositum revertamur, domus una sine patrefamilias, una civitas sine rectore, ovile unum sine pastore, uno moituo Petro relictum est, sed est aliquis, qui illi in regendi ac pascendi oves, auctoritate succedat.

Quod si objicias, ex typo & figura non sumi idoneum argumentum, memineris, quæ in veteri populo illo quasi delineata ad illius speciem & ordinem pertinerent, ea ad speciem ecclesiæ & ordinem referri oportere. Nec nos ex figura argumentamur & typo, sed a minori ad majus argumentamur, evidenti sane ratione. Incredibile est enim, synagogam componendis de fide, lege, & religione controversiis judicem & senatum Deo autore habuisse, ecclesiam non habere; præsertim cum ecclesiæ id sit multo etiam magis necessarium. Quæ cum ex tam variis nationibus, linguis, ingenis, institutis emergerit, necesse est, ut plures gravioreque habeat de fide & religione controversias. Quas nisi hujus Reipub. princeps valeat componere, ecclesiæ profecto forma & species turpissima est, & fors multo, quam synagogæ deterior. Sed ecclesiæ ac synagogæ omnia comparatione, ex fine certe præscribitur auctoritas, quæ principi in unaquaque societate congruat. Non enim aqua est auctoritas cuilibet imperante: sed alia patrifamilias, alia præfecto, alia regi convenit: unicuique vero horum tanta, quanta ad cuiusque societatis finem, necessaria erit. Ut eam patrifamilias præstemus auctoritatem necesse est, quam ad finem domestici convictus necessariam esse, ratio recta & doctrina præscripserit: Quoniam in una domo eodemque tecto, ubi varia est hominum natura, & officium cuiusque diversum, non aliter vivi omnino potest. Tantam ergo habet summus a Christo institutus pontifex in ecclesia auctoritatem, quanta ad continentendos Christianæ Reipub. cives in fide, religione, officio est necessaria. Suboriri autem inter nos necesse est de fide ac religione controversias, quibus componendis si nullus est a Christo datus iudex, ad quem referretur tandem ejusmodi questio omnis, sine fine esset, perpetuaque discul-

sio, totque tamque dissonantes de fide ac religione sententiæ, quot sunt in ecclesia, & quam sunt diversa capita. Quas ob res si ecclesiæ unitatem, charitatem, consociationem conservare oportet: necesse est profecto, ut unus sit relictus a Christo princeps, qui non aliter ac Petrus dissidentium lites dirimere, solvereque questiones possit. Videmus enim principi cuiusque alterius societatis id convenire, ut si inter socios aliquæ controversiæ oriantur, præsertim quæ ad finem illius societatis proprie pertineant, dirimere eas valeat, cum adjuncto sibi seniorum prudentiumque consilio. Argue hæc demum propositio tertia definita est in concilio Constantiensi. Nam 8. sess. ille error Vvicleffi damnatur: Papa non est proximus & immediatus vicarius Christi. Et sess. 15. septimus error damnatus est hujusmodi: Petrus non fuit, nec est caput sanctæ ecclesiæ catholicæ. Et tertius decimus: Papa non est manifestus & verus successor Petri. Et 27. error: Non est scintilla apparentiæ, quod oporteat esse unum caput in spiritualibus regens ecclesiam, quod semper cum ipsa militanti ecclesia converteretur & conservetur. Et in Bulla Martini quinti eidem concilio præsentis, Utrum credat, quod Papa canonice electus, qui pro tempore fuerit, sit successor B. Petri, habens supremam potestatem in ecclesia Dei. Neque hoc novum sane fuit. Quin ecclesia semper unum summum pontificem, ac totius ecclesiæ pastorem Petro succedentem agnovit. Quod si reliqua omnis potestas Petro concessa, sive ad remittenda peccata, sive ad quæcunque alia reipub. Christianæ necessaria munia, non ad Petrum solum, sed ad successores pertinet: certe quod dictum est: Super hanc petram ædificabo ecclesiam meam, & portæ inferi non prævalebunt adversus eam: illud rursum, Tibi dabo claves regni celorum: Illud item, pascere oves meas: illud denique, Ego rogavi pro te, ut non deficiat fides tua; ad summos pontifices, qui Petro in Ecclesia succedunt, est referendum. Privilegium quippe in fide non errandi, ob ecclesiæ utilitatem, Petro concessum est. Ideo enim cum dixisset Christus, Ego rogavi pro te, ut non deficiat fides tua, subdidit protinus: Et tu confirma fratres tuos. Verum hæc

Vide Pl.
ghium l. 1.
de eccles.
Hist. a. 2.



in genere dicta sint : jam in specie, quæ ad hanc controversiam pertinent, ea evidenter explicabuntur.

CAPUT IV.

In quo ostenditur, quod Romanus Episcopus ille sit, qui Petro & in fidei firmitate, & in componendis religionis controversiis, divino jure succedat.

Sequitur, ut doceamus Romanam sedem cam esse, ubi Petri & soliditas & auctoritas, Deo auctore, collocata sint. Quod quoniam non hæretici modo impudent, verum etiam catholici nonnulli imprudenter inficiantur, diligentissime est nobis corroborandum. Tam enim diligenter, etiam minus vere, sed tamen accurate non modo fundatam, veram etiam extructam opinionem, non est facile diruere : Si opinio tamen dicenda est, quæ adeo certis argumentis reuelletur. Et quidem hæc de re quamvis plura dicta sint a Cajetano, cum aliis in locis, tum in libello de Romanæ ecclesiæ primatu ; quia tamen vel ob styli quasi ingentiam obscuritatem, vel ob id forsitan, quod minus attente a plerisque legitur, nihil etiamnum viris doctis & ingeniosis persuasit : oportebit nos de rebus eisdem iterum disputare. Explicabuntur autem hæc fortasse jejunijs : his enim libertas orationis adhiberi vix potest. Veruntamen de rebus grandioribus, atque ad exponendum difficilibus omne, quod dilucide dicitur, egregie & præclare dicitur. Locum igitur arduum explanaturi, testibus primum id faciemus, quorum audita testimonia locum dubitationi non relinquant. Nolo autem quam plurimis possum testimoniis lectorem onerare : sed gravissima & apertissima solum adscribam. Ordiam autem ab ipsis sumptis Pontificibus, quorum de hac re clara judicia & certa sunt. Simpliciter autem adscribentur, ne, inquit & ait, sæpius interponantur.

Anacletus in epist. 1. de oppressione episcoporum. Difficiliores quæstiones & majores causas ad sedem Apostolicam referantur : quoniam Apostoli hoc statuerunt jussione Salvatoris, ut majores & difficiles quæstiones semper ad sedem deferantur Apostolicam, super quam Christus universam construxit ecclesiam, dicente ipso ad

beatum principem Apostolorum : Tu es Petrus, & super hanc Petram ædificabo ecclesiam meam. Et in 3. epistola de Patriarchis & Primatibus explicat, quidnam per sedem Apostolicam intellexerit in hæc verba : Hæc sacrosancta Romana & Apostolica ecclesia, non ab Apostolis, sed ab ipso Domino Salvatore nostro primatum obtinuit, & eminentiam potestatis super universas ecclesias, ac totum Christiani populi gregem assensu est, sicut ipse beato Petro Apostolo dixit : Tu es Petrus, &c.

Evarestus. Ad sedem Apostolicam tanquam ad caput sunt dubia referenda. Id vero dixit Evarestus episcopus Africanæ regionis, cum illum de hæc quæstione consulerent. Dixit etiam eos in hoc nomina patrum secutos. Ab ineunte igitur ecclesia Romanus Pontifex magister fidei est agnitus. Quod erat Petri proprium munus.

Alexander hujus nominis primus in epist. ad omnes orthodoxos. Hujus sanctæ & Apostolicæ sedis apici summarum dispositiones causarum, & omnium negotia ecclesiarum ab ipso Domino tradita sunt, quasi capiti. Probat vero hoc eodem Marth. testimonio : Tu es Petrus, &c.

Sixtus primus ad Gallicanas ecclesias, & Eleutherius ad easdem affirmant, & a sanctis Apostolis esse institutum, ut episcoporum judicia ad sedem Apostolicam referantur. Scilicet, quia majores ecclesiæ causæ, &c.

Pius primus in epist. ad omnes ecclesias. Hanc sanctam sedem Apostolicam omnium ecclesiarum caput Dominus esse præcepit, dicens principi Apostolorum Petro : Tu es Petrus, &c.

Victor in epist. ad Theophilum, ad Romanum episcopum, episcoporum omnium causas ab Apostolorum tempore pertinere denuit. Probatque illo testimonio, Quæcunque ligaveris, &c. Citat etiam in hoc institutum Apostolorum, in quo Romana sedes vocatur universalis Apostolica ecclesia. Eundem quoque Apostolicum canonem nomine ecclesiæ refert in hoc ipsum Sixtus II.

Zepherimus in epistola ad episcopos Sicilianos. Majores ecclesiæ causæ a sede Apostolica, & non ab alia, sicut Apo-

22. dist. c. sacrosanct.

Apostoli sancierunt, sunt terminandæ, juxta illud: Quæcunque ligaveris, &c.

Marcellus ad episcopos Antiochenæ provinciæ, idem confirmat ex illo: Tu es Petrus, &c. Afferit etiam, ex divina jussione, & Apostolorum traditione ad ecclesiam Romanam, tanquam ad caput, referenda majora ecclesiæ negotia.

Eusebius ad episcopos Campaniæ & Tusciæ, cum affirmasset Romanam ecclesiam Petri privilegio esse dotatam, subjicit: Prima salus est, rectæ fidei regulas custodire, & a constitutis patrum nullatenus deviare. Nec potest Domini nostri prætermitti sententia, dicentis: Tu es Petrus, &c. Et hæc, quæ dicta sunt, rerum probantur effectibus. Quia in sede Apostolica extra maculam semper est catholica servata religio.

Melchisedes in Epistol. ad Hispaniarum episcopos. Privilegium episcopo judicandi, Dominus beato clavigero Petro sua vice solummodo commisit. Quod ejus prærogativam suæ concedit sedi futuris hæreditandum temporibus. Quod utique privilegium a temporibus Apostolorum statutum est servare: & illud manet usque in hodiernum diem: Ne quando membra a suo discrepent capite, & schismata oriuntur.

Marcus ad Athanasium. Sancta Romana ecclesia, quæ semper immaculata mansit, & Domino providente, & beato Petro Apostolo opem ferente, in futuro manebit sine ulla hæreticorum insultatione firma & immobilis. Hæc Apostolorum viva traditio. Hæc sancta & apostolica mater omnium ecclesiarum Christi ecclesia, quæ omnipotentis Dei gratiam, a tramite Apostolicæ traditionis nunquam errasse probatur, sed illibata finitæ manet, secundum ipsius Domini pollicitationem: Ego pro te rogavi, Petre, ut non deficiat fides tua. Quo eodem testimonio probat idem Lucius ad consulta episcoporum Gallorum & Hispanorum: & Felix ad Benignum.

Julius in epist. ad orientales episcopos. Conciliorum convocandorum jura, & majores causas ad sedem Apostolicam evangelicæ apostolicæque institutis referri oportet. Id a sanctis Apostolis & successoribus eorum: id a

Nicænâ synodo definitum est. Afferit vero hic pontifex ad illud confirmandum, testimonium Christi a cæteris repetitum, Tu es Petrus, &c. illam quoque rationem, ne membra a suo capite dissideant.

Idem quoque Julius in epistola ad episcopos congregatos Antiochiæ. Sanctam Romanam Ecclesiam & Apostolicam ipse Dominus decenter allocutus est, inquit: Tu es Petrus, &c. Habet enim potestatem singularem privilegio sibi concessam, & Domini ore sacrata atque desuper exaltata est. Et sicut beatus Petrus primus fuit apostolorum omnium, ita & hæc ecclesia suo nomine consecrata Domino intituente prima & caput est cæterarum, ut ad eam, quasi ad matrem & apicem omnium, majores ecclesiæ causæ referantur. Astringit vero in Nicænâ synodo esse definitum, non debere præter sententiam Romani pontificis ullo modo aut concilia celebrari, aut episcopos damnari, cui majora ecclesiarum negotia ab ipso Domino speciali privilegio tradita sunt. Citat vero in hujus rei confirmationem 18. capit. Nicænæ Concilii in hæc verba: Omnes episcopi in gravioribus causis libere Apostolicam appellent sedem, atque ad eam quasi ad matrem confugiant: cujus dispositioni omnes majores ecclesiasticas causas antiqua Apostolorum auctoritas reservavit. Citat rursum 19. capit. ejusdem Nicænæ concilii in hæc verba: Quanquam accusati pontificis causam cõprovincialibus episcopis scrutari liceat, non tamen inconsulto Romano pontifice desinare: cum beato Petro Apostolo, non ab alio, quam ab ipso Domino dictum sit. Quæcunque ligaveris super terram, &c. En Nicænæ concilium non obscuræ, quæ potestas beato Petro a Domino data est, eam in Romanum pontificem transferit esse transmissam. Nec obstat sane, quod hæc capitula in notis nunc exemplaribus non habentur. Tum, quoniam Julius ipse sub gravi juramento testatur, ea in scriptis Romanæ sedis haberi. Fuit autem Julius hujus nominis primus, qui hoc testimonium perhibet, vir integra & incorrupta fide. Tum, quoniam adversus eos scribebat epistolam, quorum plerique Nicæno concilio ipsi interfuerunt: nec ullo pacto fieri potest verosimile, quod canones iis objecerit, qui tacite probare

Vide totam
epistolam,
in qua Ro-
man. epis-
copi co-
muni do-
ctrinae do-
ctrinae.

15. dist. c.
separatim.

bare possent fuisse a pontifice confectos. Tum, quoniam id etiam testantur Athanasius, & Pontifices Aegyptiorum, Theodorus & Libius in epistola ad Felicem, qui concilio quoque eidem praesentes fuerunt. Scimus, inquit, in Nicæna magna synodo ab omnibus concorditer esse roboratum, non debere absque Romani pontificis sententia concilia celebrari, nec episcopos damnari. Tradunt autem in eadem epistola eufimodii capitula, & alia plura necessaria ab haereticis incensa, nobisque sublata. Eundem item canonem nomine Nicæni concilii protulerunt in sexta synodo Carthaginensi Faustinus, Philippus, & Asellus; Apostolica sedis legati ex literis Zozimi Rom. pontificis. Testatur etiam Athanasius in epistola ad Marcum papam, fuisse 70. capitula Nicæni concilii, id quod Marcus ipse eidem rescribens plane confirmat. Et Felix papa in epistola ad episcopos Aegyptios queritur, ea capitula, de quibus nunc agimus, haereticos expunxisse. Sed & Pelagius 17. distin. cap. Multis, id quod nos probare nitamur, dicit sanctam synodum statuisse, Nicænam videlicet intelligens. Quod expressit Innocent. I. ad Victorium seu Victorium cap. tertio, & Leo ad Theodosium Juniorum. Non ergo dubitari potest, quin nostra hæc sententia fuerit a Nicæno concilio descripta, quemadmodum Julius pontifex asseruerat.

Damasus ad trium conciliorum Africanorum Episcopos. Summas causarum definiri abique Rom. sedis auctoritate non licet, Synodumque sine ejus auctoritate fieri, non est catholicum. Nec ulla concilia rata leguntur, quæ non sunt fulta apostolica auctoritate. Est enim firmamentum a Deo fixum & immobile omnium episcoporum, Apostolica sedes, & vertex ecclesiarum: supra quam Christus universaliter construxit ecclesiam: ait enim: Tu es Petrus, &c. Vide eundem quoque in epistola ad Prosperum, & ceteros Numidæ orthodoxos episcopos.

Innocentius primus in epistolis ad concilia duo Carthaginense & Milevitanum. Congruè Apostolicæ sedis arcana consultis, antiquæ regulæ formam secuti, quam toto semper ab orbe nostris esse servatam, præsertim quoties ratio fidei ventilatur. Breviter, quo-

niam omnium verba referre molestissimum esset, idem omnino confirmant Leo epist. 54. ad Anastasium, & epist. 67. ad episcopos Viennensis provincie, Gelasius ad Anastasium Augustum, & in decretis, quæ cum 70. episcopis tulit, & in epistola ad episcopos Dardanix, Vigilius in decretis suis capit. ult. Pelagius II. ad episcopos, qui convenerant in civitatem Constantinopolitanam, D. Gregorius in epistola ad August. Anglorum episcopum, alique multi pontifices, quorum testimonia habes 12. dist. & 17. & 19. & 20. & 21. & 22. & 80. dist. cap. urbes, & 96. dist. ca. bene, & 24. qu. 1. per multa capita, & 25. quest. 1. & de electione capit. Significasti, & de Privilegiis capit. Antiqua, & de Baptis. cap. Majores, & de elect. in 6. cap. Fundamenta, & in Extravag. Unam sanctam. Quam extravagantem innovavit, & approbavit concil. Lateranense sub Leone decimo.

Cum ergo omnes episcopi, Petro in ecclesiæ Romanæ sede succedentes, unanimi consensione asseruerint, fidei soliditatem Petro collatam, ad Romanos pontifices, tanquam ad legitimos successores pertinere, certe si Irenæi Canon verus est, qui hoc negaverit, ecclesiæ auctoritatem ipse negat. Quæ causa idonea fuit, ut si quæ ecclesiæ a Romana sede defecerint, non aliter a summis pontificibus ad unionem ecclesiasticam fuerint receptæ, quam sub hujusmodi confessionis forma.

Prima salus est rectæ fidei regulam custodire, & a constitutis patrum nullatenus deviare. Et quia non potest Domini nostri Jesu Christi prætermitti sententia dicentis: Tu es Petrus, & super hanc petram ædificabo ecclesiam meam, & hæc quæ dicta sunt, rerum probantur effectibus, quia in sede apostolica extra maculam semper est catholica servata religio: anathematizamus omnes, qui contra sanctam Rom. & apostolicam ecclesiam suas erigunt cervices, sequentes in omnibus apostolicam sedem, in qua est integra & vera Christianæ religionis & perfectæ soliditas: Proferimurque sequestratos a communione ecclesiæ Catholicæ, id est, non consentientes sedi apostolicæ, eorum nomina inter sacra recitanda non esse mysteria, qui videlicet sanctæ Rom. & Apostol. ecclesiæ privilegia cassare nituntur. Hanc

19. d. c. Ita
Damasus.

Lib. 1. c. 10.
Valens.

confessionis normam præscripsit Bonifacius II. in epist. ad Eulaliū Carthaginensē. episcopum: hanc Joannes Constantiopol. episcopus fecit, cum ecclesia Constantinopolitana Romanæ, a qua Acacio auctore desecerat, uniretur. Eandem Hormida Papa ad episcopos Hispaniæ misit, ut si qui ex schismate venientes ecclesiasticam communionem ab eis exposcerent, secundum illam professionis formam admitterentur. Hanc demique Adrianus Papa dedit ad 8. synodum generalem. Satis igitur persuasum esse debet, nisi valde sumus pertinaces, in Romana sede Petri auctoritatem & firmitatem esse sitam.

CAPUT V.

*Ubi conclusio eadem ostenditur sancto-
rum veterum testimonio ma-
nifeste.*

Nec vero audiendi sunt illi, qui reprehendunt & irrident, quod eorum hic testimonia referamus, quorum tanquam in propria causa iudicium merito & optimo iure detectare adversarii possunt. Non enim pontificum Romanorum causa isthæc propria erat, sed ecclesiæ gentiumque omnium communis. Atque in iis testibus quidam Latini erant, alii Græci, partim Hispani, partim Africani, partim Galli & Germani, quibus fere hominibus ecclesiæ Rom. causa non solum propria non erat, sed erat etiam aliena. Fuerunt quoque in his viri plurimi adeo graves integrique doctrinæ, vitæ, moribus, ut eorum fides suspecta esse nec debeat, nec vero possit. Accedit, quod nonnulli ex his vel Apostolorum fuere discipuli, vel illi ecclesie seculo proximi, cui nullam fictionis notam iniret, nisi impius, & perfidus frontis hominibus permixtum est. Sed ne ullus tergiverlandi locus relinquatur, liber quoque sanctorum veterum, qui Romani pontifices non fuerunt, testimonio uti. Nam si causam curant ignorarent, aut fingerent, nullam profecto habuerunt. Irenæus lib. 3. advers. hæres. cap. 3. Sed quoniam omnium ecclesiarum numerare successiones valde longum est: maximæ & antiquissimæ, & omnibus cognitæ, a gloriosissimis duobus Apostolis Petro & Paulo Romæ fundatæ ecclesiæ, eam quam

habet ab Apostolis traditionem & annunciatam hominibus fidem, perveniunt usque ad nos, indicantes, consundimus omnes eos, qui præterquam oportet, colligunt. Ad hanc enim ecclesiam propter potentiorē principatū, necesse est omnem convenire ecclesiam, hoc est, eos qui sunt undique fideles, in qua semper conservata est ea, quæ est ab Apostolis, traditio. Hactenus Irenæus. Quæ re persuasus Augustinus contra epistolam Manichæi, cap. 4. Multa sunt, ait, quæ in ecclesiæ gremio me iustissime tæcent. Tenet ab ipsa sede Apostoli Petri, cui pascendas oves suas Dominus commendavit, usque ad præsentem episcopatum, sacerdotum successio. Hanc etiam apostolicam cathedram & principatum in Romana ecclesia agnoscit idem Augustinus in epist. 162. ad Glorium & Eleusum, & in epist. 106. ad Paulinum, & in Joann. tract. 56. & lib. 2. contra Pelag. & Cælest. & lib. 2. contra Donatist. cap. 1.

Cyprianus lib. 1. epist. in epistola ad Cornelium, & lib. 4. in epist. ad Papiam, & in tract. de simpl. prælat. eandem sententiam aperissime tenet. Ambrosius quoque ejusdem rei testis est clarus, in lib. de excessu fratris sui Satyri ca. 7. & serm. 47. de fide Petri.

Cyrillus apud D. Thom. in libello contra errores Græcorum multo evidentius, quam auctores ceteri huius veritatis testimonium perhibet. Nec mireris, quod in libris Theauri, e quibus loca illa a D. Thom. referuntur, ea nunc reperire non licet. Detruncant enim hæretici librum illum, & quæ in eo ad Rom. pontificis auctoritatem pertinebant, hæc erant omnia. Quod idem in commentariis Theophylacti super Joann. hæreticos secisse, a viris hodie catholicis & deprehensum & patefactum est. Quamquam non omnes libris Theauri latini facti sunt: Nam in synodo 6. citatur 32. liber, qui nobis non est redditus.

Maximum quoque refert D. Thom. eandem sententiam non afferentem modo, verum etiam eo argumento confirmantem, quod Paulus Apostolus ad Petri magisterium venit, tormani videlicet futuris præstans, ut ad Petri successores Romanos pontifices in simili causa recurrerent.

Hieronymus insuper in epistola ad

2. q. 7. cap. 1.
Petr. 12. q. 1.
cap. 1. ad-
denda.

24 q. 1. cap. 1.
Locutus
Dominus.
& 91. d. ca.
Quæ catho-
licis

24 q. 1. cap. 1.
cap. 1. d. 1.
c. 1. c. 1.

Joan. 22.

Da-

Damasum de nomine Hypostasis, huius rei testis locupletissimus est. Cujus verba retulit Gratianus 24. quæstione prima, capite. Quoniam vetusto. Nam quod ea causa, & quæst. cap. Hæc est fides refertur, ex explanatione Symboli ad Damasum, consulto prætereo: quoniam Eralinus eam epistolam Hieronymi esse negat. Sed bene habet, quod illa ad Damasum de nomine hypostasis Hieronymi sine controversia est. Adde, quod lib. 1. apolog. adversus Rufinum, pro eodem habet, quoniam Romanam fidem tenere, & catholicum esse.

Bernardus quoque a nobis facit in epist. 131. ad Mediolanenses, & 166. ad Innocentium, & 189. ad eundem, & 237. ad Eugenium, & 242. ad Romanos. Referret alios, nisi hi satis abunde essent ad ejus rei faciendam fidem. Quid enim? tot tantorumque patrum consensens, conspirans, continuataque sententia, quem non coget ea, quæ dicuntur, comprobare? Præterquam quod ea sentiunt, quæ sanctarum etiam synodorum testimonia confirmant, id quod cap. sequenti demonstrabitur.

CAPUT VI.

Ubi Conciliorum clarissima testimonia refertur, quibus Ecclesie Romana vis & auctoritas comprobatur.

His duobus capitibus superioribus nec summorum omnium verba pontificum, nec veterum sanctorum adscriptum, ne longior atque adeo molestior fieret oratio. Tantum loca indicavimus, quæ quum videat lector, tum plane intelligat, nihil nos obscurum, nihil ineptum, aut quod ad rem non faceret, attulisse. Nunc synodica hac de re non judicia solum, sed verba quoque referemus: ut adversarii nube etiam horum testimonium gravius opprimantur.

Primum igitur sit Concilii Nicænæ testimonium, quod quoniam capite quarto adscriptum est, non est operæpretium hic resumere.

Alterum sit Concilii Chalcedonenfis, quod retulit Div. Thomas in opusculo contra errores Græcorum, in hæc verba: Veneramur secundum scripturas & canonum definitionem, sanctissimum antiquæ Romæ episcopum, primum esse & maximum episcoporum. Et infra: Si

quis episcopus prædicatur infamis, liberam habeat sententiam appellandi ad beatissimum episcopum antiquæ Romæ: quia habemus Petrum petram reliquit, & ipsi soli libera potestate loco Dei situs discernendi, secundum claves a Domino sibi datas: & omnia ab eo destituta teneantur, tanquam a vicario apostolici throni. Ac re vera in hujus synodi act. 1. Leo dicitur Apostolicum gubernare thronum, & sedes Romana caput omnium ecclesiarum. Et act. 2. cum esset lecta epist. Leonis, Patres clamaverunt, anathema, qui ita non credit: Petrus per Leonem locutus est. Et in actio. 3. Romanum episcopum dominum nostrum vocant, eique acclamantes apostolicum & universalem appellant: & ejus doctrinam, ut beati Petri amplectuntur, atque universæ concilii dogmata optant sedis Apostolicæ auctoritate confirmari. Et cum Leo Dioscorum condemnasset, synodus ait, Sanctissimus archiepiscopus magnæ Romæ una cum ter beatissimo Petro, qui est petra, & crepido Catholicæ ecclesiæ, & ille, qui est rock fidei fundamentum, nudavit eum episcopatus dignitate. Et in epistola synodali ad Leonem gratulantur patres, quod tantum antistitem Apostolicæ sedis, unde religionis nostræ fons & origo manat, Dominus dederit. Atque hæc in concilio Chalcedon. quidem: ea vero, quæ Divus Thomas refert, in hujus temporis exemplaribus non habentur. Sed ab hæreticis erasa Gregorius queritur, lib. 5. epist. epistola 14. ad Narsem comitem.

Tertium testimonium extat in synodo quinta generali, apud Constantinopolim celebrata. In sententia siquidem illa, quam contra Anthimum pronuntiavit Mennas Constantinopol. archiepiscopus, cui videlicet omnes concilii patres subscripserunt, hæc verba ipse idem Mennas adjecit: Nos apostolicam sedem sequimur, & obedimus, sicut charitas vestra scit, & ipsius communicatores, communicatores habemus, & condemnatos ab ipsa & nos condemnamus. Synodus ergo quinta generalis, Mennæ judicio subscribens, apostolicæ sedis decreta tanquam certa amplectitur. Non enim aliter eos in universum Catholicos haberet, qui Romanæ apostolicæque fidei communicassent, nec illos damnaret omnes, quos apostolica sedes damnavisset.

Aliud testimonium gravissimum ha-

bes in sexta synodo generali, actione quarta: Ubi scribitur professio fidei, quam Agatho Romanus episcopus ad concilium misit. Quam etiam repetit Agatho idem in suggestione synodica, sic enim ibi appellatur: cui innumera- biles episcopi subscripserunt. Atque hæc suggestio, ne quis calumnietur, probata est ab omnibus concilii Patribus, actione 8. 13. & 17. Verba autem professionis synodice hoc modo habent: Beati Apostoli adnitente presidio, hæc Apostolica ejus ecclesia nunquam a via veritatis in qualibet erroris parte deflecta est. Hujus auctoritatem, utpote Apostolorum omnium principis, semper omnis catholica Christi ecclesia, & universales synodi fideliter amplectentes in cunctis secutæ sunt: omnesque venerabiles patres Apostolicæ ejus doctrinam sunt amplexi, per quam & probatissima Christi luminaria clauerunt, quam & sancti doctores orthodoxi venerati & secuti sunt: hæretici autem falsis criminationibus ac derogationum odiis insecuti. Hæc enim Apostolica Christi ecclesia per Dei gratiam a tramite Apostolicæ traditionis nunquam errasse probatur, nec hæreticis novitatibus depravata succubuit: sed ut ab exordio Christianæ fidei percepit ab auctoribus suis Apostolorum Christi principibus, illibata finctenus permanet: secundum ipsius Domini salvatoris divinam pollicitationem, Petre, Petre, ecce Sathan expetivit vos, &c. Ego autem pro te rogavi, ut non deficiat fides tua. Et tu confirma fratres tuos. Quod apostolicos pontifices, meos prædecessores, consilienter fecisse semper est cognitum. Hærenus Agatho Rom. episcopus. Et actione 13. ipsa synodus aperte proficitur, Romanum episcop. Agathonem successorem esse in sede principis Apostolorum.

In septima etiam synodo generali actione 1. lecta est epistola synodica Adriani primi, qua decessit, ecclesiam Roman. caput esse omnium ecclesiarum. Recepta vero epistola est atque probata a concilio generali, ut patet ead. act. 1.

In octava quoque synodo generali habetur libellus Adriani hujus nominis secundus, ab ipsa synodo acceptus & confirmatus, qui illam fidei confessionem continet, quam in capitis quarti fine posuimus. Patres vero hujus 8. synodi, Romani pontificis doctrinæ in hæc ver-

ba consentiunt. Sequentes in omnibus Apostolicam sedem speramus, ut in una communione, quam sedes Apostolica prædicat, esse mereamur: in qua est vera & integra Christianæ religionis soliditas. Quare non contentientes sedi apostolicæ, eorum nomina inter sacra mysteria non sunt recitanda. Hæcenus Patres. In eadem rursum synodo approbata est epist. Ignatii Constantinop. Patriarchæ ad Adrianum, ubi eadem hæc res aperte docetur. Approbatus quoque est libellus ecclesiæ Romanæ, & synodus item Nicolai, in quibus eadem doctrina est. Sed & in postrema sessione canone 21. Romanam sedem vocat synodus sedem Petri principis Apostolorum.

Synodus Romana insuper sub Symmacho assentitur, Romanæ sedis præfulem, merito beati Petri Apostoli per universum orbem primatum obtinere sacerdotii, & statutus synodalibus solere tribuere firmitatem.

Præterea, synodus alia universalis, cui Nicolaus præfedit: Si quis, ait, dogmata, vel decreta pro catholica fide aut ecclesiastica disciplina, a sedis apostolicæ præfule promulgata contempserit, anathema sit. Quam sere sententiam Lucius III. accepit c. Ad abolendam: de hæreticis.

Leo quoque hujus nominis IX. in epist. Synodica ad Petrum Antiochenum patriarcham asseruit, sanctam Romanam & Apostolicam ecclesiam caput esse omnium ecclesiarum, ad quam majores causas esse referendas. Concilia, inquit, omnia, & sanctus sanctorum, rex regum confirmant. Præterea, concilium Lateran. sub Innoc. 3. sic habet: Nolumus quicquam Abbati Joachim derogari, cum omnia scripta sua assignari mandaverit, Apostolicæ sedis iudicio approbata, vel etiam corrigenda, firmiter consentiens se illam fidem tenere, quam Romana tenet ecclesia, quæ disponente Domino eundem fideliorem mater est & magistra. Quod idem concilium Lugdunenſe sub Gregorio docuit. Ex Domini itaque institutione Romana ecclesia fidelium magistra est, ac proinde Romanus episcopus Petro succedit in ecclesiæ magisterio. Idem tradit concilium Lugdunenſe sub Innoc. IV. Idemque omnino tradit Concil. Trident. sess. 7. in hæc verba: Si quis dixerit, in ecclesia Romana, quæ omnium ecclesiarum mater est & magistra, non esse ve-

Hæc libellus in manu duntaxat. hb. 2. c. 109.

Ad. 1. synod. 8.

cf. d. cap. 109.

17. 2. cap. 1. quæ.

De synodo Trin. cap. Damiani.

De synodo Trin. in 6.

De homil. cap. 109.

rum de baptisimi sacramento doctrinam, anathema sit.

e. tibi periculum, de elect. m. 6.
Concilium vero Lugdunense sub Gregorio dicit Romanum pontificem esse vicarium Jesu Christi, successorem Petri, rectorem ecclesie universalis.

Crem. unigen. de sum. Trin.
At concilium Viennense sub Clemente assensit, dubia fidei declarare ad sedem Apostolicam duntaxat pertinere.

Præterea, patres concilii Florentini, Definimus (inquit) sanctam Apostolicam sedem, & Romanum pontificem in universum orbem tenere primatum, & ipsius pontificis Romanum successorem esse B. Petri principis Apostolorum, & verum Christi vicarium, totiusque ecclesie caput, & omnium Christianorum patrem ac doctorem existere, & ipsi in B. Petro pascendi & gubernandi universalem ecclesiam, a Domino nostro Jesu Christo plenam potestatem traditam esse: sicut in ipsis œcumenicorum conciliorum continetur. Hactenus concilium Florentinum. Sed conciliorum testimonia satis multa retulimus. rationibus modo Theologicis ea, quæ posuimus, corroboranda sunt: idque maps, Romanum pontificem, cum de fide iudicat, errare non posse.

CAPUT VII.

Rationibus Theologia probat, Romanum Pontificem fidei controversis sententiis errare non posse.

Romanum pontificem in Petri locum, fidem, auctoritatemque succedere, ecclesia ab Apostolorum tempore semper agnovit. Quod, quoniam totius orbis confessione utique firmatum erat, ne Ariani quidem negare poterunt, ut Sozomenus lib. 4. histor. trip. cap. 15. & 16. prodidit. Ad Romanam porro sedem episcopos ecclesiarum in causis quibuscunque gravissimis provocasse, ab illius ore fideles fidei semper oracula petisse, illius officium catholicos omnes in religionis controversis expectasse, illius denique & vim & auctoritatem sacra omnia efflagitasse concilia, adeo certum & manifestum est, ut sim ego ineptus, si velim offendere. Quibus ex rebus, quoniam negari non possunt, constat & efficitur id, quod querimus argumentum, quo ex multis magnisque haud facile quis dixerit aliud aut evidentius, aut certius. Si enim legum Christi inter-

pres nullus sanior est, quam perpetuus ecclesie ilius, ecclesia vero in fidei religionisque questione ac ceteris gravissimis controversis non ad Antiochenum, Alexandrinum, Constantinopolitanum, Ephesium, Mediolanensem, Parisiensem, Colonicensem, Toletanum, aut Bracharensem episcopos, sed ad Romanum omni semper ætate recurrit: quis dubitet, hunc esse, quem ut successorem Petri, ita quoque doctrinæ Apostolicæ magistrum questionumque de fide iudicem habemus? Nam si aliquem ejusmodi post Petrum, ecclesia instituenda atque in veritate continenda reliquit Christum, nimirum aut hic est, aut nullus est: Quippe cum de aliarum ecclesiarum episcopis nulla questio sit, quin non fuerint loco Petri, universales ecclesie doctores pastoresque a Deo dati. Romanus igitur episcopus, ecclesie usu interpretante, ille est, cui Dominus in Petro ait, Super hanc petram ædificabo ecclesiam meam: & Tibi dabo claves regni caelorum: &, Quodcumque solveris, &c. ac rursum, Pascere oves meas: & iterum, Ego rogavi pro te, ut non deficiat fides tua: & tu confirma fratres tuos.

Quid? quod ipso etiam rerum experimento comperimus, Christi de Petro & successoribus vaticinia in ecclesia Romana manifestius impleri? Hanc enim constat, fixam & immobilem, orbe etiam toto omni illam machinarum genere quatiente, in fide & auctoritate Petri permanisse. Et cum exteræ Apostolorum ecclesias, vel ab infidelibus occupatas, sine fidei vestigio, vel ab hæreticis aliquando affectas viderimus: at adversum hanc unam Romanam sedem nec Pagani, nec hæretici prævalere potuerunt. Pugnatum est siquidem vehementer, non a Græcis solum, sed ab aliis plerisque totius orbis episcopis, ut hoc Romanæ ecclesie privilegium lahesceretur. Atque habebant pro se illi quidem & imperatorum arma, & majorem ecclesiarum numerum: nunquam tamen efficere potuerunt, ut aut Romani pontificis potestatem abrogarent, aut in alium transferrent episcopum. Quinimo, qui a Romana quidem sede defecerunt, hi schismatici semper in ecclesia sunt habiti: qui vero hujus sedis de fide iudicia decretauerunt, hæretici. Quæ profecto omnia satis ostendunt, non humano, sed divino decreto ecclesiam Romanam, & exteris esse præpositam,

& Petri privilegia jure suo sibi vendicasse, & eam demum petram esse, supra quam Christus universalem construxit ecclesiam, adversus quam porta inferi prævalere non possunt. Quod ni ita esset, qui potuisset Ecclesie Romanæ tot, tamque magnis principibus repugnantibus, tam multis hæreticis contradicentibus, tam variis ecclesiis defectionem molientibus, obistere? Quod si commentitia, vanaque opinione hoc Romani Episcopi privilegium Theologi asseruissent, non tam stabili sententia permaneret, nec confirmaretur diuturnitate temporis, nec una cum sæculis, ætatibusque hominum inveterasset. Etenim videmus opiniones fictas, atque vanas, viris præsertim eruditissimis adversantibus, diuturnitate extabuisse. Opinionum enim commenta delet dies, fidei judicia confirmat. Adde, quod Apostolicarum traditionum sinceritas non possit ad nos usque servari, alias ecclesiis hæreticis episcopis toties occupantibus, nisi una sedes Apostolica, inter tot orbis tumultus, fixa, intemperateque consisteret. Ad hæc cum concilia & provincialia & generalia, sine Romani pontificis auctoritate nonnunquam erraverint, nunquam autem, si Romani pontificis auctoritate firmata sunt, satis persuasum esse debet, conciliorum, atque adeo totius ecclesie firmitatem a Romano pontifice derivari. De quo, quoniam in loco superiore multa diximus, illinc lector assumet, quæ ad hujus argumenti explicationem pertinebunt. Atque si definienda fidei questione Romanus episcopus errare posset, redditor statim incerta nobis multarum hæresum condemnatio: pleræque enim non sunt damnatæ per generalis Concilii, sed per Romanæ Ecclesie judicium & decretum.

Præterea, si inter Patres concilii est controversia, vel de intellectu sacrarum literarum, vel de unoquoque libro, an canonicus sit, necne, vel de alia hujus generis questione, ad hanc hanc componendam judicem ponere necesse est: cuius tamen, si errare possit, incertum judicium erit. Index autem inter Patres concilii dissidentes nullus in Ecclesia, nisi Romanus episcopus est agnitus.

Præterea, Ecclesie consuetudo hoc manifeste declarat. Nunquam enim admissa est appellatio in causis fidei a sede Romana, sed hæreticos, ab ea judica-

tos, Ecclesia semper hæreticos etiam judicavit. Et certe, si Romanæ sedis judicium fallax esset, concilii vero esset verax & certum, naturæ, rationi, veræque Theologiæ is adversaretur, qui appellationem a Pontifice ad concilium denegaret. Quo uno argumento offendit Gelasius, Sedem Apostolicam de tota Ecclesia judicare, ipsam vero ad nullum pertinere judicium. Jam illiusmodi appellationes, in Fidei præsertim dogmate, ecclesia nescit: nam iis hæretici solum utuntur. Quod si ad singulos hæreticos condemnandos opus esset congregare generale concilium, cum id sæpenumero non modo difficile, verum etiam impossibile sit, licebit profecto interim hæreticis inipune vivere, donec synodus a tota Ecclesia cogatur. Id si alienum esse constat a Christi providentia, sciamus potius, Romanæ sedis auctoritatem satis esse ad hæreses revincendas. Ita fiet, ut hujus tribunalis de fide judicium certum omnino habeatur. Quid, quod non solum ecclesiam catholicam credimus, sed etiam Apostolicam? At Ecclesia Romana Patrum, fideliumque consensu Apostolica dicitur: cum reliquæ omnes jam inde a multis annis hoc cognomen amiserint.

Sed quæris, Erit ne hæreticum asserere, Romanam Ecclesiam degenerare quoque ut ceteras posse, & Apostolicam etiam sedem a fide posse Christi deficere? Huic questioni breviter respondemus. Nolumus hic nos ecclesie sententiam prævenire, sed si ad generale concilium reteratur, hæreses nota errori illi inuretur. Nec enim video, cur, quid ipse sentiam de hac re, non audeam dicere. Quam eo melius cernere mihi videor, quod & eam propius diligentiusque contemplor, & sine affectu, perturbationeque contemplor. Quod si in hoc erro, quod Romanæ sedis privilegia a Christo illi concessa & tueri, & contradicentes hæreses nomine condemnandas esse credo, non solum tuto, sed libenter erro: nec mihi errorem utilem, quo etiam delector, sine rationis præsertim vi extorqueri volo. Nam me non solum ratio, ac disputatio impulit, ut ita crederem, sed nobilitas etiam summorum Theologorum & auctoritas. Hieronymus prophetaum esse, & perjurum dicit, qui cathedræ Petri, & Romanæ sedis fidem non fuerit secutus. Cyprianus alienum ait esse, prophetaum esse, hostem esse, qui universalis Ecclesie

De nomine Hypothasis ad Damasum.

De simpliciter, p. 1. 3.

ecclesie non tenet unitatem, hoc est lumen unum, unde multi radii: radicem unam, unde multi rami: fontem unum, unde multi rivi: petram unam, supra quam Ecclesia edificata est: unum Pontificem, qui ceteros omnes sua & vi, & auctoritate contineat. A quo si radium tollas, extinguatur: si frangas radicem, intereat: si praeindas rivum, arescat. Sic enim ille declarat. At qui in fidei controversia Apostolicæ sedis fidem, iudiciumque detestatur, is nec unitatem tenere potest, nec lumen, nec radicem, nec fontem. Atque Cyprianus idem, Qui cathedram, inquit, Petri, supra quam fundata est ecclesia, desecrat, in ecclesia esse non confidat. Ambrosius pro eodem penitus habet, catholicum esse, & cum Romana Ecclesia convenire. Gregorius sic Sedis Romanæ auctoritatem in religionis, fideique causa exultant esse amplectendam, ut qui noluerit, ab episcopo petreæ, supra quam Christus universalem fundavit Ecclesiam, soliditate convellantur. Leo exortem divini mysterii eum esse affirmat, qui ausus fuerit a Petri soliditate recedere, & impiam præsumptionem, quæ Petri istius firmitatem Deo edificante constructam nititur violare.

Nicolaus finit, quod qui Romanæ Ecclesiæ privilegium ab ipso summo omnium Ecclesiarum capite Christo traditum auferre conatur, hic procul dubio in hæresim labitur. Nam fidem, inquit, violat, qui adversus illam agit, quæ est mater fidei. Hanc vero Nicolaus sententiam noli quæso lector contemnere. Quæ scilicet actione prima, & septima synodi octavæ confirmata est. Ubi & condemnati sunt Phocius, & Michael, qui hoc sedis Romanæ privilegium quæstare nitentur. Quod si in hæresim labitur, qui Romanum Episcopum Petro successisse negat, & Ecclesiam proinde Romanam ceteris esse præpositam: ecquid de illo sentendum est, qui privilegia Petro ob Ecclesiæ utilitatem a Christo dato, privilegia, inquam, quæ Petro ut Pontifici, Doctori, & Pastori concessa sunt, ea ad successores quoque pertinere negaverit? At enim, doctrina sana oves pascere, fratres in fide confirmare, universas gentes per os illius audire verbum Evangelii, & credere, supra illum edificare Ecclesiam, ut portæ inferi non prævalerent adversus eam, non Petro ut privato

homini, sed ut reipublicæ Christianæ præfecto congruebant. Quocirca ambigi inter Catholicos nec debet, nec vero potest, quin Romanæ sedis de Fide, & Religione iudicia certa sint. Præterea, qui negaret, in ligando atque solvendo eandem potestatem in Romano nunc Episcopo inesse, quam Petro Christus contulisse credidit, is iure ac merito haberetur hæreticus: qui ergo firmitatem Petri ad fratres in fide confirmandos, his, qui Petro succedunt, denegaverit, hic hæreticus iudicandus erit. Ad hæc, faciamus, ambiguum esse aliquam inter fideles de religione controversiam. Tum quærimus, si Romana eademque Apostolica sedes, ut dissidentium ecclesiarum lites, disceptationeque componat, e Petri cathedra, tribunali que pronunciet, an sequi illius sententiam debeamus, an non? Si sequimur, Romana sede errante, Ecclesia tota in illius errore versabitur. Si non sequimur, ubinam illud est, Quodcumque ligaveris super terram, erit ligatum & in caelis? Ubinam rursus illud, Deus elegit in nobis per os meum audire gentes verbum Evangelii & credere? Quod igitur, saltem in rebus ambiguis, ligaverit successores Petri, id ligatum erit, & quod in questione de fide proposita docuerit, hoc gentes non audire habent modo, verum etiam credere. Non hic refero, quæ Leo in huius rei confirmationem dicit 10. distinct. cap. de libellis, non quæ Damasus & Adrianus 25. quæst. 1. cap. Violatores, & cap. Generali. Illud referam, quod in Concilio Complutensi confirmato a Sixto Quarto condemnatus est Petrus Oxomenis nomine etiam hæresis, in eo quod asserit, Ecclesiam urbis Romæ errare posse. Quem item errorem eodem quoque hæresis nomine damnavit Sixtus idem, in extravapanti adversum Petrum Oxomeni edita. De qua, quoniam in relectione de penitentia satis multa diximus, eo lector revocandus erit. Coactus est igitur ille sententiam recantare in hanc formam: Consentio sanctæ matri Ecclesiæ Romanæ, & sedi Apostolicæ, & ore, ac corde confiteor illam nec fidem tenere, quam dominus Sixtus Papa auctoritate Apostolica, & Evangelica tenet. Et omnes, qui contra hanc fidem venerint, dignos externa damnatione pronuncio. Hactenus ex Conc. Compl.

Lib. 6. ep. 9.

Lib. de enc.
Eccles. in
Syst. 6. 7.
11. dist. cap.
Præcepta.

19. dist. c. 12.
Dominus.

21. dist. c. 15.
Quintus.

Martinus vero quintus in fine concilii Constantiensis, Sacro, inquit, approbante Concilio mandamus archiepiscopis, episcopis &c. ut qui de sacramento corporis & sanguinis Domini, vel de baptismo, seu peccatorum confessione, penitentia pro peccatis inunctione, vel reliquis ecclesie sacramentis, seu Fidei articulis aliter sentit ac docet, quam sacrosancta Romana ecclesia docet, & observat, eum tanquam hæreticum judicetis. Concilium ergo Constantien. illos esse hæreticos judicavit, qui Romanæ ecclesie Fidei & doctrinæ refragarentur. Illud postremo addam. Cum ex traditionibus Apostolorum ad evincendam hæresim argumentum firmiter certumque trahatur: constet autem, si testimonia rationesque hoc loco positas eum iis regulis conferas, quas in 3. lib. posuimus, Romanos episcopos Petro in totius ecclesie pontificatu & Fidei magisterio successisse, ab Apostolis esse traditum; cur non audebimus assertionem adversam tanquam hæreticam condemnare? Sed, ut dixi, nolo ego ecclesie iudicium antevertere. Quamquam non video antevertere: cum jam ipsius ecclesie sermo nostram omnem comprobaret de Romanæ sedis auctoritate sententiam. Sed hoc vix ægre dico propter viros quosdam & doctos & pios, qui nos contradixerunt. Illud assero, ac fidenter quidem assero, pestem eos ecclesie ac perniciem asferre, qui aut negant Romanum pontificem Petro in Fidei doctrinæque auctoritate succedere, aut certe asserunt summum ecclesie pastorem, quicumque tandem ille sit, errare in Fidei iudicio posse. Utrumque scilicet hæretici faciunt: qui vero illis in utroque repugnant, hi in ecclesia catholici habentur.

Quamobrem non equidem intelligo, quoniam consilio Fideles quidam hæreticorum, quam catholicorum opinionibus favere malint. nam hæretici video quid sequantur, nempe vivendi docendique licentiam, & in his omnibus impunitatem. Volunt sine capite corpus, ut neque pes, neque mens suum officium faciant. Volunt sine pastore ovæ, ut cum lupi ipsi sint, pastores tamen esse videantur. Volunt sine iudice lites, ut dissidiorum nullus finis sit: Atque ita cum amoto arbitro adversus doctos dimicent, victores a turba judicentur. Turbari demum o-

mnia volunt, quoniam, ut in Hispanorum proverbio est, Turbatum flumen piscatorum est lucrum. Nos autem communem catholicorum sententiam sequamur: tuto enim sequimur, quoniam communis catholicorum est. Præterquamquod ea sentiunt, quæ sacrarum etiam literarum testimonia confirmant, pontificum decreta finiunt, veterum sanctorum chorus concinit, conciliorum patres affirmant, Apostolorum traditio probat, perpetuus ecclesie usus observat. Quapropter si ea quæ dixi, sole ipso illustriora & clariora sunt, si omnia dixi hauri ex ecclesie scripturæque fontibus, si tota oratio nostra certis Theologiæ rationibus, integrisque & incorruptis testimoniis omnem sibi fidem confirmat, assensum tandem, ex Apostolicæ sedis auctoritate, firma Theologos argumenta sumere, ad fidei Theologiæque dogmata comprobanda. De quæriti igitur loci firmitate tantum dixerimus. Nunc ad veriorum argumentationes refellamus.

C A P. VIII.

Ubi argumenta capituli primi versantur.

Atque in illis argumentis, quæ a principio sunt posita, Theologi nonnulli, minime mali illi quidem, sed non satis acuti, quoquo modo possunt, tergiversantur. Romanam quippe ecclesiam a Romano pontifice discernunt: ajuntque hunc in fide errare posse, illam non posse. Sic sibi videntur omnia propemodum argumenta diluere. Nam pleraque ex illis non ecclesie Romanæ, sed summi Pontificis fidem impugnant. Atqui ecclesiam Romanam isti, non Romanum Episcopum ab errore vindicant. Verum si de errore in Fidei iudicio atque decreto loquimur, ut vere loquimur, nullum ego discrimen inter Apostolicam sedem & Apostolicæ sedi insidentem invenio. Primum, quoniam, cum ad sedem Apostolicam accedimus Fidei oracula postulaturi, non singulos Romanæ ecclesie Fideles interrogamus, nec ecclesiam ipsam Romanam in concilium cogimus, sed Pontificis maximi iudicium querimus, ejusque sententiam expectamus.

Rursum quoniam non Romanus popu-

pulus est, qui ecclesiam universalem docet ea, quæ ad fidem attinent, sed Romanus episcopus. Nec potestis iudicandi de causis Fidei, ligandi, solvendi, pascendi, in populo Romano est, sed in Romano pastore, vicario Jesu Christi. Concilia quoque non exigunt confirmationem & robur ab ipsa Romana plebe, sed a plebis Romanæ antistite.

Luc. 22.

Matth. 16.

Præterea, privilegium firmitatis, ut ante probatum est, Petro fuit peculiariter datum. Ego, inquit, rogavi pro te Petre, ne deficiat fides tua, & tu confirma fratres tuos. Et iterum, Tu es Petrus, & super hanc petram ædificabo ecclesiam meam. Quocirca si verè Theologiæ rationem loquimur, quæ capite tertio explicata est, in Petro & successoribus primum firmitatem certantque doctrinam asseremus, mox vero in ecclesia Romana, cujus Petrus cum successoribus & caput & fundamentum est. Acque illud etiam animadverto, quod sicut omnibus simul episcopis docentibus errores falsos, necesse esset sanè totam ecclesiam vario errore veritari: ita si pastor eccl. Romanæ errorum Fidei contrarium decerneret, oves quoque errante pastore dispergerentur. Testimonia demum, quæ retulimus, id sere probant, summum ecclesiæ pontificem, Petri successorem & Christi vicarium, cum de fide pronunciat, errare non posse. Quo magis illos reprehendendos iudico, qui se dirempturos controversiam putaverunt, si Apostolicam sedem ab Apostolico præfule secernerent. Non recipit istam responsionem ratio, aspernatur, repellit. Illud potius sumit, errorem esse duplicem: alterum personalem, alterum iudicalem. Nec enim scholæ propria vocabula, etiam minus Latina sint, aversari debemus, sed malle, quod Augustinus ait, apertos, quam nitidos habere sermones. Error itaque personalis privatus est cuiusque error, iudicialis est publicus. Edidit Innocent. hujus nominis IV. in libros decretalium commentaria, si in his quicquam errati est, hominis nimirum est, non pontificis, quamvis ea commentaria a pontifice edita sint. At si idem Innocentius in iudicio de fidei questione deficiat quippiam, quod revera falsum esset, jam hic error a publico Ecclesiæ censore proficeretur, essetque proxime iudicialis.

Vide lib. 5. c. 1. q. 1.

et. d. 2. c. 2.

Qua ex re primum argumentum facile refellitur. Nec enim historia facile docet, Joannem XXII. post summum adeptum pontificatum, de ejusmodi re aliquid definisse, quin potius quum ad hujus rei definitionem se pararet, ut Benedictus XI. in extravag. sua ait, morte præventus definire nequivit. Nec, si, antequam esset pontifex, errorem illum habuerit, hæreticus censendus est: sicut nec Irenæus, nec Chrysostomus, nec Theophylactus, nec Bernardus, quos re nondum expresse per ecclesiam definiat, illius opinionis fuisse, sunt qui contendunt, vere ne, an falso contendant, non est diei locique hujus disputare.

Respos. ad 1.

Ad secundum etiam eodem modo respondetur. Non enim Cælestinus quicquam definivit. Verba quippe Innocent. III. sic habent: Licet quidam prædecessores nostri sensisse alter videntur. Sensisse, ait, non definisse. Sed ne Innocentius quidam definit quicquam, sed explicat sententiam & opinionem suam, inquit, Non credimus, quod in hoc casu is, qui relinquitur, possit ad secundas nuptias transire. Quod profecto verum est, quamquam per illam Innocent. decretalem non firmiter definitum. Nec enim statim, si aliquid juris volumine continetur, fidei dogma esse credendum est. Quod penultimo superioris libri capite latius explicatum est.

Respos. ad 2. c. Quarta, de divo.

Tertio vero argumento nullum negotium est respondere. Nam verbum, iudico, frequenter in ea significatione usurpatur, ut idem sit, quod sentio, seu opinor. Quomodo Alexander accipit, cum ait, quoidam prædecessores suos aliter judicasse.

Respos. ad 3.

At quartum argumentum longe difficillimum est, nec potest ita breviter expediri. Aperte enim Alexander docet, consuetudinem illam civili etiam lege confirmatam, quæ testamentum minus solennia rescindit, & a divina lege, & a patrum institutis, & a generali ecclesiæ consuetudine alienam. Quod autem ex auctoritate pontificia hoc sanè loco pronunciat, illud est evidens argumentum, quod sub interminatione anathematis prohibet, ne quis ejusmodi audeat rescindere testamenta. Unde & capite proxime sequenti iudeis mandat, ut in id genus causis tres duove solummodo testes exigant, nec civiles leges, sed canonica decreta sequantur. Si ergo

Respos. ad 4.

iussit ecclesie pontifex, & anathematis interminatione iussit, ut nemo ea irritet testamenta, quæ duorum, vel trium testium sunt testimonio firmata: humilium non ut privatus quisvis homo, sed ut publicus ecclesie iudex eam questionem definivit. Atqui non est Dei Evangelique præceptum, quod tamen Alexander videtur astruere, ut omnes causæ tribus duobusve tantum testibus absolvantur. Alioqui non solum Leo quartus, sed Sylvester etiam in Synodi Romanæ cap. 3. legem Evangelio Deoque contrariam edidissent. Deceperunt enim, ut nisi in 72. testibus, non damnaretur episcopus. Quæ ex re intelligitur, legem civilem, quæ tollendis & repub. fraudibus cavet, ut testamenta non valeant, nisi quæ septem fuerint testibus obsignata, non esse legi Evangelicæ adversam: quemadmodum ne illa quidem, quæ, ut consistat in Episcopos invidiæ occurreret, statuit, ut ad Episcopi condemnationem duo solum testes non sufficerent. Atque si mortalium vita esset medioeriter instituta, moresque ad naturam, non ad avaritiam compositi, duorum hominum testimonium idoneum profecto erat, ut quæcunque in iudicio causa finiretur. Sed sicut juramentum a malo est, non illius, qui jurat, sed ejus, qui verum dicenti non credit: sic plures, quam duos testes requirere, a malo quidem fuit non requirentis legis, sed hominis defraudantis. Sed hæc differere non est hujus aut loci, aut temporis. Illud proprie huc pertinet, an Alexander erraverit.

Et quidem in decretis pontificiis duo cum primis distinguenda sunt. Unum est, tanquam intentio conclusioque decreti: alterum quasi ratio & causa a pontifice reddita ejus rei, quam constituerit. Atque in conclusione pontifices summi errare nequeunt, si Fidei questionem ex Apostolico tribunali decernant. Sin vero pontificum rationes necessariz non sunt, ne dicam aptæ, probabiles, idoneæ, in his nihil est videlicet immorandum. Non enim pro causis nos a Pontificibus redditus, tanquam pro aris & focis depugnamus. Alexander igitur non definit, consuetudinem illiusmodi esse divinæ legi contrariam, sed, quod juris peritis scire placere video, jubet, ut in legatis prius duo, vel tres solum testes a judi-

cibus exigantur. Hæc decreti hujus conclusio est, hic finis: nec dubium est, quin rem eam pontifex jure quodam suo potuerit præscribere. Sed si in ejus præscripti confirmationem Deuteronomii lege utitur, hanc quippe divinam nuncupat, si ad canonum statuta revocat, si ecclesie morem asserit non est operæ pretium rationes illas ad vivum refutare. Quemadmodum si concilia quædam definiant, duas esse in Deitate personas, patrem & filium, asserantque in hoc illud quoque Genes. testimonium, Pluit Dominus a Domino, non protinus in Fidei judicio errant, quamvis ex illo loco parum apte Trinitas comprobetur. Extat item synodus, ubi de perpetua Mariæ Virginitate pronuntiatur est. Ea re sua deinde referunt patres portam apud Ezechielem clausam. Irrideat si quis vult, sed ridebit tamen frustra. Non enim semper patres in Fidei questione causas asserunt necessarias, sed interdum vero similes. Quod si etiam pontifices hujusmodi ponendis causis quandoque falluntur, ne calumniandi sunt quidem: tantum abest, ut inde loci hujus auctoritas infirmetur. Porro autem, si valere quicquam iudicium meum potest, neque in conclusione Alexandri, neque in causis erravit. Nam suis in utroque sensu subditis ferebat leges, Hostiensibus in eoque civibus ac iudicibus Vellenen. Non ergo legem civilem, qua Imperatores in regionibus suæ ditioni subjectis utuntur, improbare voluit Alexander: sed voluit iudices etiam laicos in ecclesiæ patrimonio non secundum Imperatorum leges, sed secundum statuta canonum de testamentis judicare: Nec enim æquum esse censet, ut in rebus temporariis adjudicandis tam sint solliciti sacri canones, quam sunt leges civiles; honestiusque esse credit, in civitatibus & oppidis, quæ in ecclesiæ jure ac dominio sunt, non legis civilis, sed canonum consuetudinem observari. Quo fit, ut, si decretalis hujus ratio pressius teneatur, non solum in terris Romanæ ecclesiæ subjectis, sed in quibuscumque aliis, quæ sub episcoporum ecclesiarumque dominio sunt, lex hæc Alexandri debeat fervari: non in his modo, quæ pietatis causa ecclesiæ relinquuntur, verum etiam in aliis quibusque legatis. Honestæ ergo Alexandri lex est, sancta, legitima. Sed ne

in causis erravit quidem. Nam licet non sit necessaria, non sunt tamen profus incepti. Consuetudo, inquit, quæ plures, quam tres duosve testes postulat, primum aliena est a divina lege, veteris scilicet instrumenti, quæ duos solum tresve ut plurimum testes exigebat: aliena etiam a patrum institutis, hoc est, a more, jureque canonico, ubi in rebus præsertim temporariis duo testes sufficiunt: aliena denique a consuetudine ecclesiæ generali, quæ in ejusmodi causis duobus, vel tribus testibus est contenta. Aliena autem, non quasi contraria, sed tanquam nova & extranea: ob idque parum in ecclesiæ judicio probanda. Quod si hanc animi sinceritatem dexteramque de testibus opinionem, si hanc veteris legis ac juris canonici consuetudinem principes seculi in tribunalibus suis læqui nolint, sed, ut fraudes tollant, majorem testium numerum in testamentis civium suorum exigant, suo quidem iudicio libere possunt uti: nihil enim Alexander impedit per illam epistolam decretalem, quæ nimirum eos solum ligat, qui ecclesiæ in utroque foro fuerint subiecti. Sed de quarto argum. satis superque dictum est.

Respon.
ad 5.

Quantum vero facilius diluitur ex his, quæ in quarti argumenti reiteratione sunt dicta. Causas enim pontifices quandoque adierunt, non quæ cogant, sed quæ suadeant. Nam quia leges quasdam synagoga olim a Deo habuit, non modo ad gubernandum utiles & accommodatas, verum etiam ad plebis cujusque mores ac religionem instituendam propemodum necessarias, ecclesiæ eas Christi in suum usum vendicavit. Quamobrem & summi pontifices, & juris periti horum auctoritate confirmati, leges aliquot veteres probatas rursus ac de novo restitutas ab ecclesiæ, divinas vocant: Non quod Dei nunc præcepta sine, cum lex illa vetus sit abolita, sed quod Dei præcepta fuerint, servanda etiamnum a nobis, non ex vi quidem veteris legis, quod falso pontificibus doctissimis impingebatur, sed ex ecclesiæ nova institutione. Quæ tamen nova ecclesiæ institutio seu restitutio potius, ex veteri divina lege probabilius suadetur.

Respon.
ad 6.

Ad sextum argumentum Turrecremata respondet lib. 2. c. 112. nullam esse inter pontifices illos pugnam. Quin Joannes exponit Nicolaum. Nam post

verba prædicta Nicolaus subiunxit: Nec his quicquam putet obistere, quod interdum Christus loculus dicitur habuisse: infirmorum enim personam Christus suscepit in loculis. Id vero est, quod Joan. vigesimus secundus definiit, nempe hæreticum esse, negare, Christum & Apostolos aliquid habuisse in communi, quod contrarium ex Luc. 22. Joan. 4. & 13. Actor. 4. constaret.

Ad septimum primo dicitur, quod neiter ibi pontifex definiit ejusmodi controversiam. Respondent enim sæpe Pontifices ad privatas hujus, aut illius episcopi quæstiones, suam opinionem de rebus propositis explicando, non sententiam ferendo, qua Fideles obligatos esse velint ad credendum. Certe, ut de Pelagio taceamus, Nicolaus nihil eo loco, quod ad hanc quidem quæstionem attineat, decrevit. Non enim illi proposita fuerat quæstio, An baptismus in nomine Christi collatus esset validus: sed an baptizatus a Pagano, vel Indeo verum baptismi sacramentum suscepisset. Obitur autem & in transcurso, cum huic quæstioni propositæ responderet, de suo non interrogatus, adiecit, baptismum in nomine Christi conferri. Qua in re falli sine dubio potuit. Imo adeo falsus est, ut in 4. sentent. libro magnis argumentis ostendimus.

Deinde duo hi Pontifices fortasse non pugnant. Nam Nicolaus intelligitur docuisse, quod in simili necessitate, qualis Apostolorum tempore fuit, si cætera paria sint, baptismus in nomine Christi nunc etiam ratus erit. Pelagius autem definit, citra ejusmodi necessitatem non valere: Quemadmodum si nunc deesset balsamum, aut liber & calix qui tangeretur, & confirmationis & ordinis sacramenta manu solum imposita conficerentur, ut etate Apostolorum a principio statim fieri consuevit. At ubi non esset similis necessitas, nec ordinatio forte nec confirmatio sine ejusmodi sacramentorum materia valeret. Hæc autem de baptismo in nomine Christi communem secuti opinionem diximus. Primum enim nusquam, ut ego quidem sentio, baptismum in eam formam administratum est: Ego te baptizo in nomine Christi. Quod & divus Ambrosius & plerique alii videtur intellexisse. Sed si qua ejusmodi forma Apostoli usi sunt,

Respon.
ad 7.

sunt, ea fuit: Ego te baptizo in nomine Jesu Christi. Act. 2. 10. & 19. Deinde, non necesse est Apostolos sub alterutra illarum forma, Baptismi sacramentum contulisse. Nec si scriptura dicit, quidquam in Christi nomine fuisse gestum, statim cogimur existimare, his conceptis verbis rem gestam administratamque fuisse. Exempla sunt in divinis litteris plurima. Illud est in promptu: In te inimicos nostros ventilabimus cornu, & in nomine tuo spernemus insurgentes in nos. Item, Cæsis denunciaverunt ne omnino loquerentur in nomine Jesu. Act. 5. Item, Paulus dicitur fudicialiter episcopi in nomine Jesu, Act. 9. Hebræis porro id in alicujus nomine fit, quod auctoritate ac virtute cujuspiam transigitur. Quare qui regis loco, & tanquam illius minister quidpiam agit, hic in nomine regis eam rem dicitur agere. Recte igitur qui tanquam Christi administrum, in aqua & spiritu homines sanctificabant, eos in nomine Christi baptismi gratiam exhibuisse interpretamur. Non ergo necesse est sentire, quod Apostoli baptismi formam a Christo præscriptam immutarunt. Nam & hodie nos vere in Christi nomine, hoc est, loco, vi, & auctoritate, baptismum conficimus. Ac si præscripta illa formula neminis Jesu Christi Apostoli baptizarunt, non putandi sunt tamen Spiritus sancti patrisque nomen omisisse: sed in nomine patris & filii ejus Jesu Christi, & Spiritus sancti baptizasse. Quod alterius loci est demonstrare. De septimo igitur argumento satis.

Respon.
ad 8.

In octavi argumenti explicationem multa quidem dici possent, sed nos in pauca conferemus. Sane Gratianus 32. qu. 7. audacius sane multo, quam desertus ait, illam Gregorii sentent. Evangelicæ, & Apostolicæ doctrinæ esse contrariam. A quo ego longe dissentio. Nam, ut Romanorum pontificum auctoritatem negligamus, non possumus tamen utriusque Gregorii & primi, & tertii, continere definitionem, eum fuerint ambo tum doctissimi, tum etiam sanctissimi. Itaque non errarunt, quod Gratianus falso existimavit, sed locuti sunt potius de ea, quæ ante matrimonium per infirmitatem inepta erat ad copulam conjugalem, hoc est, ut scholæ verbis utamur, quæ erat impotens ad solvendum debitum. Cujus si-

mile exemplum habes de frigidis, cap. Consultationi. Atque ipse idem Gregor. hoc modo sententiam suam explicat, in epist. ad Ravennatensem archiepiscopum, referturque a Grat. 33. q. 1. ca. Requisisti. Nec desunt huic argumento alix etiam responsiones, sed hæc & planior & expeditior est. Quam quoque Gloss. sequitur 20. d. c. De libellis, in verbo Junioris.

In nono argum. nobis Lutherani, Respons. præsertim Oecolampadius, Zuerius, ad 9.

& Calvinus insulant. Sed pueriliter tamen. Quoniam librum illum Gelasii Rom. pontificis non esse, magis argumentis a me & animadversum & patet factum est. Primum enim auctor opusculi dicit, esse recentem altercationem de veritate duarum naturarum in Christo. Non autem erat recens tempore Gelasii, sed olim profligata a Leone & concilio Chalcedon. ubi Eutychis & Nestorii explosa sententia est. Rursum in toto lib. nec Leonis, nec concilii Chalcedonensis meminit. Id quod maxime fecisset, si auctor esset Gelasius. Nam in epistola ad Eutychem, hujus concilii auctoritate libenter utitur, libentius hic uturus, ubi adversarios posset tanta synodi testimonio revincere. Ac certe cum Damasum contra Arium elevavit, citaret ac multo magis etiam Leonem contra Eutychem, si post tempora Leonis scripsisset. Atque Gelasius multis annis fuit Leone posterior. Quid? Quod auctor ille Damasum nomine episcopi Romani nullo alio honoris titulo retulit: quod a more posteriorum pontificum, cum priorum testimonia referunt, valde est alienum. Præterea ejus operis auctor ad probandum utriusque naturæ in Christo veritatem, inter magistros ecclesiæ catholicos censet Eusebium Pamphilum, ejusque testimonium utitur. Quem tamen apertissimum impietatis Arianz propugnatorem fuisse, Hieronymus affirmat in epist. ad Pammachium & Oceanum, cujus initium est, Schedula. Quin etiam tanquam Arianus, Eusebius hic cum suis operibus damnatus est, adio. 5. & 6. septima synodi generalis. In asserenda item Christi utraque natura, e patribus Latinis auctor ille solum Ambrosium refert: qui si esset Gelasius, Hilarii, Hieronymi, Augustini testimoniis uteretur, nec quosdam Græcos ibi scriptores excitasset, qui latini demortui semper & sunt & fuc-

fuerunt. At Gelasius scripsit de utraque Christi natura adversus Eutychem & Nestorium. Non incipiamus, sed quinque libros scripsisse legitur, non hoc parvum opusculum, quod ementito titulo circumcitur. Gennadius quoque contra Eutychem scripsit: cur magis hoc opus Gelasii, quam Gennadii fateamur? Fuit etiam Gelasius quidam episcopus Cæsareæ Palesthinæ, quem Hieronym. tradidit quidam eo tempore scripsisse, sed classe. Huic ego opusculum tribuerem, nisi quod purum & solutum sermonem dicit eum Hieron. habuisse, qualem in hoc libello equidem non agnosco: nisi bono & eleganti auctori contigit malus & impurus interpres. Falluntur autem, qui opus hoc Gelasio pontifici Rom. tribuunt, ex verbis illis, Cum sedem Apostolicam vestra dilectio unanimiter teneat, constanter prædicet, sapienterque defendat; quo loco legendum esse, fidem Apostolicam, vel me non demonstrante lector probaturus est. Nec novum est sane, ut nomine pontificum Romanorum libri ejusmodi proferantur. Nam actione 5. synodi 7. Iconomachi duos libellos prodiderunt auctore Vigilio Roman. pontif. Sed falso tamen. Atque, ut opus constaret esse Gelasii, nihil tamen asseritur. Cum enim edunt libros de re qualibet Romani pontifices, sententiam suam, ut homines alii docti, exprimunt, non tanquam ecclesiæ iudices de fide pronuntiant. Nonum igitur argumentum satis, ut arbitror, evidenter confutatum est.

Resp. ad
10.

Vide Cale.
de jmnata
re: licta
Rom. c. 13.

Decimo autem refutando, quæ Cæjetanus in illo 17. questionum opusculo dixit, non sunt hic ea nobis resumenda, ne acta agamus, quod vetatur veteri proverbio. Quod nunc instat, id diligenter explicandum est, quid videlicet consequentiz sit, ut si super Petrum Christus ecclesiam ædificavit, Romana statim sedes cæteris esse præposita divino jure intelligatur. Inde enim plana quoque erit illa collectio: Si Petri fides juxta Christi orationem non deficit, majores ecclesiæ causæ ad Romanum episcopum sunt referendæ. Video autem, ejusmodi res plane & perspicue expedit non posse, nisi doctum & intelligentem virum. Cujus rei tantæ tanque difficilis facultatem consecutum esse me non proficor, secutum esse præ me scro. Ea enim ex-

ponenda in hoc me opere suscepisse constat, non quæ essent pervia, & omnium sermone trita, sed quæ vix adhibita etiam diligentia a doctissimis quibusque intelligerentur. Quod si succedat conatus, jure est laudandus: sin vero non succedat, non est certe reprehendendus. Sed hæc hæc. Rem jam ipsam explicemus. Primum autem illud commemorandum est, quod alias sæpe diximus, quæ Petro dicta in Evangelio a Christo sunt, non ut homini privato, sed ut ecclesiæ præfæcto, ea ad successores quoque suæ vi aliqua, aut literæ inversione pertinere. Quemadmodum quæ Dominus Apostolis commendavit æque congruentia fidelibus universis, eadem futuris Christianis omnibus in sensu literali commendata sunt: juxta id, quod Christus ipse Marci 13. explicuit, inquit: Quod vobis dico, omnibus dico: vigilate. Vigilare quippe ad omnes æque pertinet: quare, etiam si Christus id non adeo diserte fuisset interpretatus, ut ille explicuit, ita nos quoque necessario explicaremus. Pari item ratione, quæ Dominus Apostolis locutus est, ad ipsos quidem ipsantia quatenus ecclesiæ sacerdotes, hæc non ad fideles omnes, sed ad reliquos futuros in ecclesiâ sacerdotes catholici referimus. Quale illud est Luc. 22. Hoc facite in meam commemorationem. Cum enim Dominus pane & accepto & fructo, elevatusque in cælum oculis Deo gratias egerit, calicemque simul & acceperit & levaverit, sine dubio Eucharisticum sacrificium, hoc est, gratiarum actionis, Judæorum ritu obtulit: nisi stultus fuit & ingratus, qui, cum referre patri summam gratiam posset, quæ ab illo nobis acceptæ summa dona eidem referendo, minime retulisset. Jubens itaque Apostolis suis Christus, ut hoc ipsi facerent, quod scilicet illum videbant facere, nimirum id præcepit, ut hostiam Eucharisticæ & gratiarum actionis offerrent. Quod & Cyprian. ad Cæcilium, & Irenæus lib. 4. cap. 31. divine exposuerunt. Quia ergo sacrificium facere, sacrificiorum & sacerdotum proprium munus est, quod eo loco Dominus Apostolis commendavit, id proprie ad futuros ecclesiæ sacerdotes spectat, non ad vulgus etiam muliercularum, quod hæretici credidere. Porro, quæ videm Christum, quia pastores ecclesiæ

De cons. &
l. c. scrip

fu-

futuri erant, mandasse legimus, hæc ipsa episcopis, & pastoribus succedentibus ad litteram credamus esse mandata. Hujus rei exemplum est illud Matthæi 18. Quæcunque alligaveris, &c. Et illud item Joan. 20. Sicut misit me Pater, & ego mitto vos: accipite Spiritum sanctum, &c. Hanc vero regulam si sacris literis explicandis tenuerimus, vitabimus procul dubio permixtam illam, & tenebrosam confusiohem, quam in scripturæ intelligentia hæretici patiuntur. Quorsum hæc? nempe, ut ea, quæ Petro in Evangelio dicta sunt, apte ac prudenter distinguamus: & si quid illi, ut privato, congruit, hoc ad singulos fideles spectare existimemus. Cujusmodi illud est: Si peccaverit in te frater tuus, eorripe illum inter te, & ipsum solum, &c. Sin vero quicquam illi convenit, ut Apostolorum principi, & Ecclesiæ pastori, hoc citra controversiam putemus ad succedentes in Ecclesiæ pontificatu esse referendum, idque in genuino literæ sensu. Nam & quæ legislator civilis suis delegatis præscribit, non ad eum solum, cui viva voce loquitur, sed ad ceteros, qui illi in eodem officio succedunt, referuntur.

Matth. 18.

Decide illud quoque magnopere advertendum est, Romanum Pontificem Petro succedere, non esse per se quidem in sacris literis revelatum, sed aliunde constare: ex eo scilicet, quod historię gravissimæ prodidere, Petrum Apostolum suam cathedram Romæ deum collocasse, ibique cum esset episcopus, fuisse desinatum. Hoc Velenus, hoc Sebastianus Francus, hoc hæretici quidam alii negant: quin etiam ajunt, Petrum ne Romam quidem invisisse. Quod tamen, cum historici omnes graves prodiderint, malitiose negatur. Non enim existimandi sunt isti, quod verbis negant, id mente sentire, nisi pueri, & pueri stulti esse creduntur. Quid enim tam stultum, tamque puerile dici potest, quam si ea non esse olim in republica gesta negemus, quæ gesta esse vir quique ante nos gravissimus affirmavit? Quod si ejus rei, de qua disserimus, auctores queris, Dionysius unus est in epistola ad Timotheum. Dionysius Corinthiorum episcopus alter est apud Eusebium lib. 2. ecclesiast. hist. cap. 25. Tertius testis est Clemens in epistola prima. Quartus est Anacle-

tus in epistola de ordinatione episcoporum. Quintus est Marcellus, 24. qu. 1. cap. Rogamus. Sextus est Leo in concione prima de festo Petri & Pauli. Septimus est Gelasius cum concilio 70. Episcoporum. Octavus est Innocentius III. in cap. Per venerabilem: Qui filii sunt legitimi. Nonus est Nicolaus III. cap. Fundamenta de elect. in 6. Decimus est Leo IX. in epistola synodica ad Petrum Antiochenum Patriarcham. Undecimus, Constantinus in edicto ante Nicenam synodum, 96. distin. cap. Constantinus. Duodecimus, Epiphanius hæresi 27. quæ est Carpocratæ. Tertiusdecimus, Ireneus lib. 3. contra Valens. cap. 3. Quartusdecimus, Tertullianus lib. 4. adversus Marcionem, & lib. de præscript. hæret. Quintusdecimus, Ambrosius in oratione contra Auxentium de Basil. trad. Sextusdecimus, Hieronymus in lib. de viris illust. in Petro. Decimusseptimus, Egeppus 3. lib. de exci. Hierosol. cap. 2. Decimuloctavus, Augustinus lib. 1. contra Julianum Pelag. Postremus, Eusebius lib. 2. ecclesiast. hist. cap. 14. & 15. libro quoque tertio, capit. 2. & 25. Quibus locis etiam refert Origenem, Cajum, Papiam. Tam vero multis & incorruptis testibus qui non credit, is aut stultum, aut hæreticum certe se esse demonstrat: ut publicam Romanæ urbis vocem, loca item ipsa urbis prætereamus, quæ etiamnum vitæ, mortique Petri testimonium perhibent. His itaque positis, difficilis, & perobscura questio facile explicatur: quæ quidem, ut dixi, doctissimos viros ita implicuit, ut se expedire non valuerint. Quod enim pastor post Petrum a Christo in Ecclesia succedat, potestatem Petri ordinariam habeat, ac cætera privilegia propter Ecclesiam Petro concessa, ex Evangelio habetur: juxta ea, quæ primo documento animadversa nobis, & demonstrata sunt. Quod vero ille, quem Christus Petro mortuo succedit, Romanus fuerit episcopus, & re gesta colligitur. Nam si Petrus semper Antiochiæ sedisset, ut capit, sine dubio episcopus Antiochenus illi legitime in pontificatum successisset.

2. qu. 7. cap. Beati.

Sed & id postremo considerandum: est enim res magna, ac diligenti contemplatione dignissima, non illud modo ad doctrinam catholicam pertinere, quod Apostolis expresse revelatum est, verum

verum hoc etiam, quod ex altera propositione revelata, & altera certa in lumine naturali, syllogismo, collectio- neque evidenti conficitur. Ut Christus Dominum habere voluntates duas, duosque intellectus, utriusque item actiones, & creatam, & increatam, aut Christum etiam ridere suapte natura, ut homines ceteros posse, in sacris forte literis non habetur expressum. Sed quoniam traditum in illis est, Filium Dei esse hominem, & naturali ratione constat, omnem hominem habere voluntatem, intellectumque creatum, operationisque utriusque potentiam etiam creatas, omnem item hominem, ut flere, ita quoque ridere posse: qui unumquodlibet horum negaverit, is hæreticus iudicabitur: propterea quod negando consequens, scilicet Filium Dei habere intellectum intellectionemque creatam, negat proinde antecedens, ex quo illud colligebatur, hoc est Filium Dei esse hominem. Esto aliud exemplum. Concilium Nicænum in fide non errasse, aut Chalcedonense, aut Ephesinum, nec in sacris libris, nec in Apostolorum traditionibus explicatum est: sed id solum, Concilia in Spiritu sancto legitime congregata errare non posse. At, quod Concilium Nicænum, Chalcedonense, Ephesin. legitime fuerint coacta, ex divina revelatione non creditur: Creditur tamen ex humana fide & traditione historiarum fide digna, per quam habemus, eas synodos, & confirmantibus veris Ecclesiæ pastoribus, ex universo orbe convenisse. Unde licet earum rerum certitudo ac veritas, quæ in ejusmodi Conciliis definitæ sunt, ex duobus quasi principiis pendere videatur, quorum alterum revelatum a Deo est, concilia videlicet legitime congregata certissime veritatis esse; alterum vero sola certitudine naturali creditur, per ea, quæ scriptores graves & incorrupti memoriarum prodidere: at hæreticus erit, qui negaret earum synodorum scita atque decreta, non aliter ac si negaret Evangelium. Esto quoque aliud exemplum apertissimum. Quod sacerdotes nostræ hujus ætatis a veris episcopis rite fuerint consecrati, non est sacris literis proditum: sed res gestita potius est, quæ ex verbis & annuo consecrantium pendat. Ex hoc igitur principio, quod humana certitudine tenemus, videlicet hos sacerdotes rite

initiatos esse, illud pendere necesse est, an in ecclesiâ nunc sit verum Eucharistiæ sacramentum. Quod qui inficiaretur, hunc ecclesiâ existimaret hæreticum. Tamen illa solum enunciatio universalis per revelationem accepta sit, omnes veros sacerdotes, si rectam intentionem habeant consecrandi, verum Eucharistiæ sacramentum conficere. Sed, quod ii, qui modo vivunt, sine ejusmodi, non Evangelium solum, sed gravis, & constans naturæ ratio simul cum Evangelio probat. Ad eundem profecto modum, qui negaverit Romanum Pontificem eandem habere potestatem, quam Petrus a Christo accepit, Fidei adversarius censendus est: quamvis ex Evangelio nihil aliud proxime colligatur, quam Petri successores eundem habere cum Petro principatum. Quia si huic Evangelicæ conclusioni illam addas, episcopum Romanum esse Petri successorem, quam ex historicis a traditione virorum gravissimorum accepimus, manifeste colligitur, Romanum episcopum & ceteris episcopis superiorem esse, & eandem habere in ecclesiâ potestatem & auctoritatem, quam habuit Petrus. Aptè igitur summi Pontifices, atque prudenter testimonia illa Evangelicæ ad Romanum Episcopum, sedemque Apostolicam retulerunt.

Quod si sententia hæc nostra minus viris doctis fuerit probata, quanquam haud scio, cur probetur minus, habemus tamen adhuc aliam hujus rei explicandæ formam: unde liqueat, Pontificem Romanum ex divina institutione fuisse Petri in Ecclesiâ totius Pontificatu successorem, atque adeo Romanis Episcopis ea testimonia convenire, quæ Petri probant & primatum, & fidem. Diximus quippe retro, fidem nostram non solum scripto, sed etiam traditione contineri. Ita, licet Romanos Episcopos Petro succedere, in sacris libris non habeatur scriptum, ab Apostolis tamen ecclesiæ, quasi per manus, traditum est. Jam, quod hæc fuerit Apostolorum viva traditio, ex his scilicet viis manifeste constat, quas in tertio libro nos vel aperimus, vel indicavimus. Non enim singillatim sunt nobis explicanda omnia, ne longa oratione negotium lectori facessamus. Certe hujus rei illud est evidens argumentum, quod non ante Phocam modo & Constantinum, non ante Nicænam solum syno-

V. Innoc. I.
ad Const.
Constantin.
Milevan.
Et Galat.
Anath. Aug.

synodum, verum etiam ante quemcumque post Neronem imperatorem, ante quodcumque ecclesie concilium, ante quoscunque post Petrum pontifices maximos, semper a viris ecclesiasticis Romanis Episcopus Petri successor est agnitus. Atque Apostolicam traditionem fuisse, non obicere tradit Anacleus Petri discipulus, in epistola prima de oppressione episcoporum, Sixtus primus ad Gallicanas ecclesias, Eleutherius ad eandem, Victor in epistola ad Theophilum, Sixtus Secundus in epistola ad Gratianum episcopum, Zepherinus in epistola ad episcopos Sicilianos, Marcellus ad episcopos Antiochenae provinciae, Melchisedech ad episcopos Hispaniarum, Marcus in epistola ad Athanasium, Julius ad Orientales episcopos. Nec verisimile sit, ut rem tam necessariam ad ecclesie unitatem continentem, Christus Dominus Apostolis suis non revelaret. Si enim Moyse locus ille revelatus est, quem Dominus elegerat, ut inde a Iudeis divina oracula peteretur, quanto magis credendus est Christus Petro manifestasse, quoniam esset ille locus, ubi constitueret regni sui & principatus, & sedem collocare. Atque si, ut transferretur ecclesia Hierosolymitana in civitatem Pellam, voce Domini sunt Apostoli admoniti, ut Eusebius 3. lib. eccles. hist. cap. 5. & Euphrasianus lib. 3. cont. hær. cap. ult. referunt, multo magis credemus, ut civitate Antiochena Romam emigraret Petrus, cathedramque inde transferret, Dominicus oraculis fuisse commonitum. Quod si ita est, ut revera est, nec aliud nisi absurdissime credi potest, jam hinc fideles intelligent, unde illa vox Lutheranorum fuerit, qua inter ceteros articulos Vivormatæ propositos, hunc etiam posuere, ut abrogaretur Romani Pontificis potestas, quam sibi imit supra ceteros episcopos: intelligent rursum, quidnam illi moliantur, qui Romani Episcopi monarchiam asserunt fuisse post D. Hieronymi tempus exortam. Nam qui Phocam scribunt instituisse, Romanam Ecclesiam omnium esse Ecclesiarum caput, pie quid moris talis id, nullius enim animum ego judico, sed imprudenter tamen scripserunt: intelligant etiam unde D. Th. lib. quarto adversus gentes, capite septuagesimo sexto asserit, eorum præsumptuosum errorem esse, qui se iudicare nituntur ab obedientia & subjectione

ne Petri, successorem ejus Romanum Pontificem, universalis Ecclesie pastorem non recognoscences: intelligant demum qua ratione Leo X. Lutheri articulum vigesimum quintum condemnaverit in hæc verba: Romanus Pontifex Petri successor, non est Christi vicarius super omnes totius mundi ecclesias, ab ipso Christo in beato Petro institutus. Decimo igitur argumento, quoniam in eo exponendo difficultas erat maxima, non potuit a nobis verbis paucioribus responderi.

Ad undecimum vero sic respondeo. Respond. Non est profecto admittendum, fidem ad id. etiam personalem Petri defecisse. Nam Petri iudicium in fide publicum falsum asserere, hæresis est manifestæ. Sed cum Apostolorum nemo in fidei doctrina errare posset, id peculiare Petri privilegium fuit, ut ejus ne personalis quidem fides defecere posset.

Quod enim quidam asserunt, Christum Dominum recumbentium undecim exprobrasse incredulitatem, &c. hoc Petrum Apostolum ne tangit quidem. Nam cum Lucas cap. 24. scripserit, Mulieres undecim Apostolis, ea quæ a Domino audierant, annuntiante, nec illos credidisse mulieribus, sed earum verba deliramenta iudicasse, protinus subdit: Petrus autem cucurrit ad monumentum. Non enim cucurrisset nisi credidisset. Et conjunctio adversativa, quæ Evangelista usus est, satis ostendit, Petro verba mulierum non esse viâ deliramenta. Atque oratio Christi pro Petro iuxta id aperte demonstrat, Petri fidem non defecisse. At exponunt adversarii, orasse Dominum, ne fides Petri deficeret finaliter, sic enim loquuntur, sed nullius discipuli fides hoc modo defecit. Ita oratio Christi non in singulare Petri privilegium cederet, quod non solum Chrylologo, Theophylacto, Ambrosio, & Bedæ, sed contextu etiam contrarium est. Cum vero Ambrosius Petrum fidem amisisse ait, nomen fidei pro fidelitate accipit, quam scilicet amico suo Christo non servavit. Quamquam illud etiam est frequens, ut fides pro fidei confessione usurpetur. At ridiculum est, ut si Christus collegium Apostolicum increpasse dicitur, singulos increpasse intelligatur: Quasi vero non a Prophetis iuxta populus arguatur, in quo multa essent, ad quos reprehensio nullo modo attingeret. De qua re libro quarto uberius disputatum est. Id vero,

Mar. 16.

Contr. 20. q. 1.
qui Hieron.
dicit circum-
feruntur in
Ibid. 1. 1. 1.
per fidei
cum contra-
fione.

Luc. 22.

Erasmus in
eras. epist.
Hieron. que
inferuntur,
de obitu
ali. Beana
Hier. in li.
Tertull. de
prola hær.
Marc. 16.
morum. &
Hieron.

vero,

vero, quod de Anastasio & Honorio additur, non parvam ingerit quæstionem. Quoniam si oratio Christi non ad Petrum modo, verum ad posteros quoque Romanos episcopos referenda est, qua ratione Petri fides nec publica nec privata deficere potuit: eadem etiam nullius successoris deficiet fides, nec in iudiciis publicis, nec in colloquiis, aut consensione privata. Sin vero cum ad posteros oratio illa refertur, intelligenda solum est de fide publica, scilicet in quæstionibus fidei deecernendis: temere profecto & inconstanter eo testimonio videmur Petri fidem, etiam personalem, vindicasse.

Huic loco Albertus Pighius Campensis non aliter potuit occurrere, quam omnes Romanos Pontifices erroris nota liberando. Ita contendit nullum unquam in hæresim incidisse. Acque ut Anastasium in libertatem assereret, Gratianum vexavit contumeliosissime, Jurisperitum turpissime maledixit. Ut vero Honorium tueretur, sextæ generalis synodi exemplaria falsarios corruptisse, multis conjecturis suadere nisus est. Denique etiam in eam opinionem inclinavit, ut crederet epistolam Honorii ad Sergium à Græcis de more fuisse vitiatam: Synodum autem in eo iudicio deceptam. Quin adeo duorum conciliorum sexti & septimi acta omnia calumniatus est, ac pro sua certe virili amborum labefactavit & auctoritatem & fidem. Hæc vero Alberti opinatio, nova quidem in ecclesia est, sed ea etiam ratione confirmari potest, quod non est verosimile, ut homini, qui hæreticus esse possit, Fidei summam Dominus commiserit. Rectum enim est regula sui & obliqui, ut Aristoteles docet. quare si Fides Romani pontificis dirigere ipsum non valet, multo minus, ut videtur, alios in fide rectos efficiet. Quid, quod imbecillus in fide, fratres in fide confirmare nequit? Si igitur Romanus episcopus juxta Christi pollicitationem fratres suos confirmaturus est, firmum ipsum esse oportebit. Quamvis autem multis in locis dicat Pighius, sicut hic dicit, satis probabiliter de summi pontificis auctoritate: tamen non id spectandum est, quid dicat, sed quid sententiam sit ei dicere, cui veritatem tueri ac retinere sententia est. Dicit itaque ille multa multis locis de hac re quidem, sed aqua hæret, ut ajunt. Defendat Liberium Pighius, quem tradidit

vidum exili in pravitatem hæreticam subscripsisse, auctor est Hieronymus in Chronicis. Excuset Marcellinum, quem timore fractum idolis sacrificium obtulisse, memorie prodium est. Viclorem vindicet, quem Paulianistæ suum esse privati sunt, ut scribit Euseb. 1. lib. eccl. hist. cap. 2. Anastasium liberet, quem sine certo & probabili testimonio Gratianus hærescos insinulavit. Ac Honorium quomodo ab errore vindicabit, quem hæreticum fuisse, tradit Pfellus in carmine de septem synodis, Tharsius ad lummos faciedotes Antiochiæ, Alexandriæ, & sanctæ urbis, ut 7. synodo actione 3. scripsum est, Theodorus cum synodo sua Hierosolymitana in confessione Fidei, quæ habetur eadem actione tertia, Epiphanius respondens hæreticis in conspectu concilii ejusdem actione 6. tomo 2. tota demum ipsa 7. synodus actione ultima, & in epistola ad omnes sacerdotes & clericos. Adrianus quoque Romanus pontifex in actione 1. Synodi octavæ generalis, De Romano (inquit) pontifice quemquam judicasse non legitur: licet enim Honorio ab orientalibus post mortem Anathema sit dictum, sciendum tamen est, quod fuerat super hæresi accusatus: propter quam solum licitum est minoribus majorum suorum motibus resistere. Hæcenus Adrianus. Ubi etiam addit, sententiam in Honorium latam ex Romani pontificis consensu fuisse. Id quod exploratum est in 6. syno. generali, actione quarta. Ubi Agatho in epistola ad concilium, Honorium ipsum anathematizat. Beda item, de natura rerum c. 67. in sexta synodo (ait) Macharius cum suis sequacibus simul & præcessoribus, Ciro, Sergio, Honorio, Fyrrho, anathematizatus est. In libro præterea pontificali refertur Leo secundus sextam synodum suscepisse, in qua condemnati sunt Cirus, Sergius, Honorius. Atque in fine sextæ synodi ponitur epistola Leonis ad Constantinum, ubi post susceptum confirmatumque concilium, Anathematizamus (inquit) Cirus, Sergium, nec non & Honorium, qui hæc apostolicam ecclesiam non Apostolicæ traditionis doctrina illustravit, sed profana proditione immaculatam fidem subvertere conatus est.

Præterea illud caput, Si Papa, 40. distin. quod pro nihilo habet Campensis, nos maximi habere debemus. Quoniam

h. li. eccl.
lib. c. 1.

In d. tribus
di. 28. 16.
de 7. Syno.

niam ille unus casus, in quo oves pastorem suum judicare possunt, scilicet cum fuerit hæreticus, habetur, ut alia loca præteream, in quanta synodo Romana 118. episcoporum, in hæc verba: A multis antecessoribus nostris synodali-ter decretum, atque firmatum est, ut oves pastorem suum nec reprehendere, nisi a fide exorbitaverit, præsumant. Idem tradit Anacletus in epist. 3. de patriarchis, & primatibus, inquit: Pastor ecclesiæ, si a fide exorbitaverit, erit a fidelibus corrigendus: sed pro reprobis moribus magis est tolerandus, quam distinguendus, quia rectores Ecclesiæ a Domino sunt judicandi. Idem Eusebius docet ad Episcopos Ægyptios, referturque 2. quæst. 7. cap. Oves. Idem Joannes Papa in epist. ad Zachariam. Idem in octava synodo traditum est, ut nunc referebamus. Refert etiam Burchardus lib. 1. cap. 13. 138. 139. Calixtus, Clementem, Gagum in hanc eandem sententiam.

Non est igitur negandum, quin summus Pontifex hæreticus esse possit, cujus rei exemplum unum & item alterum forsitan proferetur: at quod in Fidei judicio contra fidem definierit, ne unum quidem proferri potest. Itaque objectioni positæ hoc responsum habeto: Aliud est in Petro, quod spectat ad hominis privatam excellentiam: aliud, quod pertinet ad communem Ecclesiæ utilitatem. Quod negarit Christum, hominis erat; quod confirmarit fratres, erat Ecclesiæ. Illud proprium, hoc commune erat. Similiter, quod fides Petri propria semper interius servaretur, hominis privilegium erat; quod vero aliis confirmandis solidam fidem proponeret, nec in Fidei judicio deficeret, Ecclesiæ publicum privilegium erat. Romanus igitur Episcopus non fuit hæres aut privilegiorum, aut culparum Petri propriarum, quæ videlicet ex accidenti publicæ Petri potestati conjungebantur, sed successit in his, quæ spectabant ad Ecclesiæ communes, & necessarias commoditates. Nam privilegia Apostolis a Christo concessa, aliter ad ipsos, aliter ad successores referuntur. Quippe in Apostolis fuerunt etiam privilegia personalia amplioris gratiæ, quam in posteris. Ut, verbi causa, per illa verba, Quæcunque ligaveritis super terram, &c. & per illa, Sic ut misit me Pater, & ego mitto vos, &c. intelligimus, potestatem generalem

in universum orbem Apostolos suscepisse. Ita pares Petro dicuntur 11. dist. cap. In novo, & 24. quæst. 1. cap. Loquitur. Sed episcopi posteriores non succedere Apostolis in potestate generali extraordinaria, sed in ordinaria, quam singuli in suis ecclesiis Apostoli habuerunt: Ut Simeon Jacobo in ecclesia Hierosolymitana, &c. Est aliud exemplum: Ex verbis illis, Ego rogo Patrem, & alium Paraclenum dabit vobis, ut maneat vobiscum in æternum, spiritum veritatis; recte quidem Theologi colligunt, Apostolos post Spiritus sancti adventum in gratia confirmatos. Cæterum non ita transit hic Spiritus in episcopos succedentes, ut in eis æternum maneat per gratiæ confirmationem, quod Apostolis ex privilegio personalis donatum est, sed id solum transit ad posterum ecclesiæ pastores, quod necessarium erat ad ecclesiæ communem utilitatem. Sic omnino privilegium Fidei indeficientis, quod in Petro personale etiam fuit, ad Episcopos Romanos transmissum est, non in eo, quod Petri erat peculiare, sed in eo, quod commune erat Ecclesiæ: Unde & aliz objectiones repelluntur, quæ pro Alberti sententia positæ sunt. Non enim fides interior Romani Pontificis Ecclesiæ est necessaria: nec illius occultus & privatus mentis error Ecclesiæ Christi nocere potest. Quapropter non est necesse, ut interioris Fidei conservatione Romanus Pontifex Deus semper assistat. At, quod, dum ea decernunt, quæ fidelibus credenda sunt, dumque Ecclesiam Christi in fide dirigunt, non deficiant, sed divina manu teneantur, id Ecclesiæ opus est, idque proinde Romanis Episcopis etiam imbecillis, & alias privatim errantibus non negabitur: ne videlicet per publicæ potestatis errorem, Ecclesiam faciant in communi veritatis ignoratione versari. Undecimum igitur argumentum abunde, ni fallor, confutatum est.

At postremo argumento refutando illud non sunt leæores admonendi, est enim in promptu, malos urbis mores, si quos forte urbs malos habeat, non esse hujus loci defendere. Non sumus tam rudes & stupidi, quam Lutherani nos esse calumniantur. Oculos etiam nos eruditores habemus, sed modestos tamen. Scriptum est enim, quod Petrus nudata verenda boni filii averſi veniendo texerunt. Averſari autem id dicimur,

Respon-
ad ult.

Gen. 9.

cimur, quod reprobamus. Quid autem est, filios vei enda patris superjecto dor-
sis pallio avertis operuisse, nisi, ut Gre-
gorius ait, bonis subditis sic præposi-
torum suorum mala displicere, ut ta-
men hæc ab aliis occultent? Operimen-
tum, inquit, avertis deferunt, quia ju-
dicantes factum, & venerantes magi-
sterium, nolunt videre, quod regunt.
Sic magistrorum vitam discipuli probi-
jura apud se taciti reprehendunt, &
eos, etiam cum displicent, venerantur.
Super cathedram, inquit Christus, se-
derunt Scribæ & Pharisæi, quæcunque
dixerint vobis facite, secundum vero
opera eorum nolite facere. Sed hæc
hactenus. Illud est potius lector admo-
nendus, ut animadvertat, Romanas
consuetudines alias esse Romæ cum to-
ta ecclesia communes, quas videlicet
ex Apostolorum Petri & Pauli tradi-
tione creditur accepisse. De quibus Au-
gustinus in epistola ad Januarium, nu-
mero 118. multa: sed plura fufius In-
nocentius Primus in epistola ad Decen-
tium tradit. Aliæ vero sunt consuetu-
dines, quas Ecclesia Romana vel a se
habuit privatim institutas, vel a Petro
quidem Apostolo accepit, non tamen
in universum orbem promulgandas. De
quibus Augustinus diserte loquitur in
epist. 86. ad Casulanum, & in epistola
118. 119. ad Januarium. Priores igitur
consuetudines, quas Ecclesia Romana
non modo tenet, verum etiam ab uni-
versa ecclesia docet esse servandas, o-
mnino tenere debemus: ut Julius 11.
dist. cap. Nolite: & Innocentius ead.

dist. cap. Quis nesciat: & Calixtus 12.
dist. cap. Non decet: & Gregorius ead.
dist. cap. Præceptis, docuerunt. Poste-
riores vero Ecclesiæ Romanæ consue-
tudines non oportet privatas ecclesiæ
sequi, ut D. Augustinus locis positus
tradidit, & Nicolaus 12. dist. cap. Scit
& Gregorius ead. dist. cap. Novit. I-
demque omnino traditur 31. dist. cap.
Quoniam, & cap. Aliter. In una enim
fide nihil officit sanæ ecclesiæ con-
suetudo diversa: ut habetur de con-
dist. 4. cap. De trina. Atque de hujus-
modi consuetudinibus & Ambrosius &
Hieronymus intelligendi sunt in iis lo-
cis, quæ sunt objecta. Illud vero, quod
ex Trullana synodo affertur, facile di-
luitur. Quoniam, ut superiore libro
latius explicatum est, synodus hæc nul-
lam habet in ecclesia auctoritatem, in
his præsertim, in quibus contra Ecce-
siam Romanam Græca se contentione
erexit. Nec conciliorum conatus de
legibus aut ferendis, aut abrogandis
quicquam valet, nisi summi Pontificis
decreto & sententia confirmetur. Et
consuetudinem illam de jejunio sabbati
ex his esse constat, quas in poste-
riore genere collocavimus: ut etiam
Ambrosius dicit, duodecima distinctio-
ne, cap. Illa. Quocirca vane de hac
re a Concilio Trullano Ecclesia Roma-
na reprehenditur. Sextus igitur liber
hunc in modum absolutus sit, quem
plus fortasse nimio longum fecimus:
tamen non sunt longa, quibus nihil est,
quod demere possis.

Finis Libri Sexti.

DE S A N C T O R U M A U C T O R I T A T E,

Quæ sexto loco continetur.

LIBER SEPTIMUS.

CAPUT I.

*Argumenta complectitur, quibus San-
ctorum Patrum auctoritas
impugnatur.*



1. Arg.

Auctorum auctoritas sexto jam loco nobis constituenda est, quam hæretici, maxime Lutherani, de gradu dejicere moliantur. Ac primum quicquid antiqui Sancti asserunt, incertum esse suadent D. Augustin. plurimis testimoniis, quæ retulit universa Gratian. 9. distin. de cr. ex prom. lib. 3. de tri. ex lib. ad Vincen. Viñt. 1. ex epist. ad Hier. 19. ex epist. item altera ad Marcellin. 7. ex epistola rursum ad Vincen. 48. ex epistola quoque alia ad Fortunat. 117. ex lib. denique 1. de baptis. cont. Donat. cap. 3. His enim locis omnibus sui Augustinus similis idem dicit, hoc est, præter auctores sacros, qui libros scriptoræ Canonicos, alios omnes ita legendos, ut quantalibet sanctitate, doctrinaque polleant, non ideo verum sit putandum illud, quod asseruerint, quia ipsi ita senserint, sed quia nobis vel auctorum sacrorum testimonio, vel probabili ratione id persuadere poterunt: licereque proinde contra atque illi sentire, & salva honorificentia, quæ illis debetur hominibus, aliquid in eorum scriptis improbare atque respuere. Hoc autem Divi Augustini testimonium tam constans, tamque multis locis non obscure repetitum, si verum esse credimus, fateamur necesse est, nullum omnino a sanctis auctoribus firmum argumentum sumi posse ad fidei Theologicæ dogmata corroboranda. Id quod D. Thomas D. Augustini auctoritate confirmatus 1. par. quæst. 1. art. 8. ad 1.

arg. plane testatur in hæc verba: Auctoritatibus canonicæ scripturæ utitur sacra doctrina ex necessitate argumentando: auctoritatibus autem aliorum doctorum ecclesiæ probabiliter arguendo. Atque ejus rei causam etiam subdit, quod innixit fides nostra revelationi factæ iis, qui canonicos libros scripturæ, non autem revelationi, si qua fuit aliis doctoribus facta. Quod si duo hi testes clarissimi continentur, si ratio quodam D. Thomæ contemnitur, rationibus certe aliis minime contemnendis id ipsum confirmari potest. Nam si in libro canonico una quælibet falsitas inveniretur, quemadmodum superiore quoque loco argumentabamur, totius libri certitudo mitteret. Cum ergo in libris sanctorum scriptorum unam & item alteram falsitatem liceat reperire, vel in his etiam, quæ ad fidem pertinent, sit consequens, ut sanctis scriptoribus certam fidem habere non sit necessarium: Scio, inquit Hieronymus, nec aliter habere Apostolos, aliter reliquos tractatores: Illos semper vera dicere, istos in quibusdam ut homines aberrare.

*In eisd. ad
Theophyl.
advers. hæ-
reticis.*

Præterea, ne de singulorum auctoritate dissetur, quam incertam esse satis exploratum haberi potest, majus aliquid adversari consicere argumentando volunt: nempe sanctos scriptores, etiam si plerique in eandem sententiam conveniant, probabilem quidem fidem facere posse, certam non posse.

2. Arg.

Nam plurimi ex eis asseruere, mundi hujus partes omnes non eodem simul die, sed multis potius fuisse editas, ornatas, absolutas. Asserunt certe id Basilus in hom. 1. Examer. & aliis sequentibus, Eusebius in principio suæ chronograph. Chrysostomus homil. 1. super Genesim, Damascenus lib. 1. suæ theolo-

lopiæ, Ambrosii lib. 1. Exameron. cap. 7. Gregor. 32. moral. cap. 10. Sed & Magist. sentent. in 2. distinct. 12. & 17. Hieronymum in hanc sententiam citat. Possit autem facile tum Bedam, Rabanum, Serab. tum alios hujus ordinis viros commemorare, qui communi sensu opera illa, quæ Genesios 1. cap. enarrantur, sex diebus succedentibus condita esse intellexerunt. At communis hic Sanctorum consensus nullum argumentum certum theologis subministrat, quin unius Augustini opinio ceteris omnibus adversa, probabilis semper in ecclesia est habita. Non itaque ex communi Sanctorum sententia firmum argumentum promitur, quo conclusiones Theologice, aut etiam fidei dogmata confirmetur. Atque hujus rei, ut in eodem versemur, aliud quoque exemplum proferre possumus. Plurimi namque ex Sanctorum scriptorum numero tradiderunt, Moysen Dei naturam, dum in hoc mortali corpore viveret, aperire, & quod dici solet, ad faciem non vidisse. Tradit ita Hieron. ad Damasum Papam in 6. cap. Isaïæ, Gregorius Nazianzenus 2. lib. sue Theologiæ, Div. Greg. 18. moral. cap. 36. Chrysost. hom. 14. in Joannem, Cyrillus li. 1. in Joannem, cap. 22. Evaristus Papa in prima sua epist. decret. Dionys. in lib. de myst. Theol. cap. 1. Origen. lib. 1. periar. cap. 4. At opinio Augustini contraria non modo non est rejecta, verum etiam habetur apud Theologos probabilissima. De communi igitur Sanctorum consensione nihil certi in Theologia conficitur, id quod hoc etiam argumento confirmari potest.

Aug. secut.
et Basilium
lib. 1. c. 1.
& Ambrosii
lib. 1. c. 2.

3. Arg.

Sancti namque omnes, qui in ejus rei mentionem incidere, uno ore asseverarunt, beatam Virginem in peccato originali conceptam. Hoc videlicet Ambrosii, asstruit super Psal. 118. concione 6. Hoc August. super Psal. 34. in illum versic. Ego autem cum mihi molesti essent, &c. & lib. 2. de baptis. parvulor. cap. 24. & 10. super Gen. ad lit. cap. 18. & lib. 53. cont. Julian. cap. 9. hoc Chrysost. super Matth. hoc Euseb. Emis. in 2. concio. Nativ. Dom., hoc Remigius super Psal. 21. & Maximus in serm. de Assumpt. B. Virginis asstruxere. Idem quoque asstruit Beda in homilia super Missus est. Anselmus in libro cur Deus homo, cap. 16. Bernardus in epist. ad Lugdunenses 174. Erardus episcopus, & martyr in concione quadam de

Nativit. B. Virg. S. Antonius Padian. in concione etiam de Nativit. ejusdem sanctæ Virginis, S. Bernardus in sermone suorum opere tertio, in tractatu de B. Virgine, concione quarta. Div. Bonaventura 3. sentent. dist. 3. quæst. 1. art. 2. Div. Thomas 3. par. quæst. 27. art. 2. Div. Vincentius in serm. de Conceptione B. Virginis, Div. Antonin. 1. par. tit. 8., Damas. lib. 3. sententiarum suarum, Hugo de sancto Victore de sacram. par. 2. cap. 4. & cum nullus Sanctorum contraveniret, infirmum tamen ex omnium auctoritate argumentum ducitur: quin potius contraria sententia & probabiliter, & pie in ecclesia defenditur. En argumentum illud Achillicum, quo Eranius omnium etiam Sanctorum testimonio non se existimare obruendum, si quando universis repugnaverit.

4. Arg.

Cujus sententiæ ratio etiam illa suffragatur, quod Sancti universi, præter auctores sacros, qui libros scribere Canonicos, humano spiritu libros suos ediderunt. Nam si Spiritu sancto inspirante ipsi etiam locuti sunt, nihil videtur obstare, quo minus eorum libri in canonicis habeantur. Infimus igitur hic locus est, quo Sanctorum auctoritas continetur. Humana enim veritas firma, & certa esse non potest. Omnis quippe homo mendax. Ostander vero 1. lib. annot. in harmoniam Evangelicam, illud argumentum addit, quod omnes veteres commentatores a tempore Apostolorum, id quod Matth. de Christo asserit, Ex Ægypto vocavi filium meum, in genuino literæ sensu ad Israelitam referunt, juxta allegoriam vero ad Christum. Cum tamen, ut ait, allegoria, utcumque fingatur, constare non queat: quoquo enim te veritas, nihil simile videtur esse, præterquam quod utrique fuerunt in Ægypto. Ita contendit literæ sensum a principio capituli de Christo Domino esse, qui Rex Israelis est, & auroræ merito comparatur. Quod si in sacrarum literarum expositione Sancti omnes erant, horum certe auctoritas firmum argumentum Theologis exhibere non potest. Ecce argumenta, quibus adversarii nostri locum hunc aggredi, & expugnare contendunt.

CAPUT II.

*Varios modos exponis, quibus de Sancto-
rum Patrum auctoritate potest
dispensari.*

Ang. secon-
tus est Ori-
gen. i. Peri.
Origenes
vero Clem.
Alexand. 6.
Seronat.

Nobis autem pro ejus defensione vehementer pugnandum est, illudque in primis ponendum, de auctoritate sanctorum trifariam disputari posse. Primum de unius aut alterius proprio placito, quale fuisse videtur Augustini de opere sex dierum. Rursum de communi plurium sanctorum consensu, a quo tamen unus aut alter sanctorum desciverit. Postremo de omnium unanimi concordique sententia: nam de his omnibus facta in argumentis mentio est.

Id rursum considerandum est, sanctorum testimonia referri posse, vel ad philosophiæ confirmanda dogmata, vel ad assertiones aut fidei, aut Theologiæ comprobandas. Erant enim ex sanctis scriptoribus quidam non in sacris literis modo, & aliis, quæ ad Christianam pertinebant disciplinam eruditi, verum etiam in his, quæ philosophum de natura, tum de moribus docuere.

Illud demum & quidem diligentissime est advertendum, inter auctores etiam ecclesiasticos duo esse disputationum genera: Alterum earum rerum, quæ vere ad fidem spectant doctrinam, quæ catholicam: Alterum earum, quæ citra facturam pietatis ignorari non ab imperitis modo, verum a doctis etiam possunt, quod nec fidei dogmata sunt, neque ex illis derivantur.

Hæc autem duo rerum genera non est facile discernere, quoniam etiam nonnulla, quæ alioqui per se quidem ad fidem pertinebant, ut Apostolis, Prophetis, atque Evangelistis revelata, in dubium venire possint, antequam sint ab ecclesia definita: sed id tamen per ignorantiam fit, quæ videlicet excusantur, qui ea verunt in questionem, quæ alias divinitus sunt tradita: Ut processionem Spiritus sancti a Patre & Filio tanquam ab uno principio, ante ecclesiæ definitionem Græci quidam negare sine culpa potuerunt, tametsi Evangelium id Apostolique tradiderunt. At hæc nos sub priori genere completimur: quippe cum fidei catholice dogmata non ex accidenti impruden-

tium hominum ignorantia, sed ex divina revelatione hoc sane loco metimur. Illud ergo asserendum esse difficile ad discernendum, equæ res sub illud primum genus, eoque autem sub hoc secundum sua quasi sponte, & natura veniant. Et quidem generaliter, unaque comprehensione in promptu definire licet, in illo primo rerum genere omnia ea contineri, quæ Apostoli vel scripto vel verbo ecclesiæ tradiderunt; illa rursum, quæ inde certa connexionem probantur existere. Quemadmodum in secundo genere ea sunt, quæ neque a Christo, neque ab Apostolis accepimus: neque ex iis certo colliguntur, quæ Christi & Apostolorum auctoritate retinemus. At omnia hæc speciatim & definitione præscribere vix possumus, quanquam exemplis peculiaribus quedam horum indicare possumus. Ut verbi causa, An gratia, qua justificamur, qualitas quedam sit animo impressa, quæ ipsi præstet & esse & vivere, unde qualitates aliæ consequantur, hoc est, virtutes quedam tum Theologiæ, tum morales insusæ, per quas animus divinas & supernaturales habeat actiones, inter scholasticos quidem disputatur. Item, An Sacramenta, quæ causa gratiæ & virtutum esse dicuntur, hujusmodi effecta vi quadam, & qualitate inexistente divinitus indita efficiant necne, magna multorum dissensione certari solet. Hujus generis vero questiones in posterius ego numerum redigo, neque sacrarum literarum testimonia de his qualitatibus intelligenda esse existimo: neque controversiam catholicorum cum Pelagianis de gratia ad credendum, ad sperandum, ad mandandum, ad implendum legem, ad perseverandum, de qualitatibus potissimum esse, sed de Dei auxilio gratuito & speciali. Rursum, si quis forte curiose disserere voluerit, An Evangelista Joannes e vita jam excesserit, an potius cum Eliæ & Enoch maneat vivus, utque jam mortuus fuerit, an caro ejus viderit corruptionem, an proxime fuerit suscitatus, utrinque rationes asserere poterit: & salva fide utrumlibet vel probare vel improbare. Nam tametsi statutum sit omnibus hominibus semel mori, sed unum aut alterum ex illa generali lege per privilegium eximere, non perinde sacris literis adversatur, ut non queat in du-

dubium revocari. Tria vero hæc principia, quoniam per se ipsa rationi consentiunt, non est opus diligentius persequi: nam si quæ sunt perspicua, in quibus non est controversia, viri docti argumentari non solent: perspicuitas enim, ut ait Cicero, argumentatione elevatur. His itaque omnium assensu approbatis, prima conclusio est.

CAPUT III.

Certis conclusionibus Patrum auctoritatem definit atque defendit, simulque satisfaciæ argumentis capituli primi.

1. Conclusus.

Sanctorum auctoritas, sive paucorum, sive plurium, cum ad eas facultates affertur, quæ naturali lumine continentur, certa argumenta non supeditat: sed tantum pollet, quantum ratio naturæ consentanea persuaserit.

Primum quidem, quoniam sancti auctores non erant adeo solliciti in philosophis dogmatibus perscrutandis: quin philosophorum libros, ut totos sese divinx sapientiæ dederent, aut valere sinebant, aut etiam interdum a limine salutabant. Gregorius quippe Nazianzenus & Basilus tredecim annos, omnibus libris secularium remotis, solis divinæ scripturæ voluminibus operam dedidit, referuntur a Rufino, libro ecclesiasticæ histor. suæ secundo, cap. 9. Et Hieron. in proœmio commentariorum 3. libro super epistolam ad Galatas, Plusquam quindecim anni sunt, inquit, ex quo in manus meas nusquam gentilium literarum quilibet auctor ascendit: & si quid forte inde, dum loquimur, obrepit, quasi antiqui per nebulam somni recordamur. Et de studiis nostrorum paulo post, Quotusquisque, ait, nunc Aristotelem legimus? quanti Platonis vel libros novere vel nomen? vix in angulis otiosi eos senes recolunt. Rusticanos vero & piscatores nostros totus orbis loquitur, universus mundus sum. Hactenus ille. Plura exempla non quaero, cum manifestum hoc sit, quam ut pluribus indigeamus.

Accedit, quod ex sanctis antiquis nonnulli Physicæ & Metaphysicæ vel non habere quidem, vel certe leviter attigerunt. Alii vero magna ex parte fuere Platonici, priusquam converterentur ad fidem. Quamobrem cum in philosophiæ quæstiones incidunt,

aut vulgi & Rhetorum opiniones sequuntur, aut etiam quas a Platonici acceperant, in Christianorum scholam invehunt. Ita viri docti errores forte quosdam (quod ad philosophiam quidem humanam attinet) in sanctis antiquis deprehendunt. Atque huius rei exempla proferre facillimum esset, sed non libet etiam in his parvis majores nostros designare.

Secunda conclusio. Unius aut duorum sanctorum auctoritas, etiam in his, quæ ad sacras literas & doctrinam fidei pertinent, probabile quidem argumentum subministrare potest, firmum vero non potest. Ita despiciere & pro nihilo habere, impudens erit, suscipere & habere pro certo, erit omnino imprudens. Atque hanc conclusionem demonstratio ratio illa manifesta, cui nulla prorsus via occurrit potest: quod cum sanctorum quicumque, his dumtaxat exceptis, qui libros canonicos ediderunt, spiritu fuerit humano locutus, & aliquando vel in eo errarit, quod ad fidem spectare postea demonstratum est; aperte constat, ex huiusmodi auctoritate exploratam fidem fieri non posse. Quo in loco admonendi sunt hi, qui præceptis Theologiæ nullis acceptis, post bonas, quas vocant, literas, statim ad sanctorum veterum lectionem appellant animum.

Non enim quæcunque ibi legerint, ea sunt probanda omnia. Nec quemquam hoc errore duci oportet, ut si quid Ambrosius aut Hieronym. contra morem doctrinamque huius temporis fecerint, locutivæ fuerint, idem sibi arbitretur licere.

Primum, quoniam res nonnullæ non erant tunc adeo in ecclesia definitæ, ut nunc esse videmus. Deinde, quoniam magnis illi & divinis bonis quandam licentiam facienti dicendique afsecuti sunt, quæ non est passim cuilibet permittenda. Atque etiam si nostra hæc ætate illi fuissent, quædam profecto aliter & sicerent & loquerentur. Quid quod, ut ante dicebamus, in rebus quoque ipsi, quæ ad fidem attinent, sancti nonnumquam errarere? a quibus si ne transversum quidem angulum discedendum sit, necesse est sane in magnos quandoque errores, fidei etiam adversos, incurere.

At Gelas. 15. dist. decret. cap. Sancta Romana, probat opuscula Cypriani,

O. 4. Chry-

2. Conc.

Chrysostomi, Gregorii Nazianzeni, Basilii, Ambrosii. Nihil ergo in his fidei catholicæ contrarium reperitur. Alioqui cur Rufini opera non eodem modo sibi probata sunt, sed potius reprehensa? quod Hieronymus eum in quibuldam de arbitrii libertate notavit? Cur item Origenis libri damnantur, non etiam Ambrosius, aut Cyprianus, si hi quoque in nonnullis fidei orthodoxæ contraxerunt? Aut igitur damnantur omnes, in quibus error aliquis doctrinæ sanæ contrarius invenitur, aut prohibentur omnes, quamlibet uno, & item altero errore sint aspersi. His videlicet argumentis Glossi. 9. distin. decret. docet, ea Divi Augustini testimonia, quibus certa fides veteribus derogatur, intelligenda esse secundum illa tempora, cum scripta sanctorum Patrum authentica non erant: libet enim verba Glossæ usurpare. Sed hodie, inquit, jubentur omnia teneri usque ad ultimum jota. Verum hic error ab aliis consutatus non desiderat orationem meam. Quid enim? An hoc agere Gelasius voluit, in veterum libris non esse quicquam erroris? Atqui laterem, ut ajunt, laverit quisque isthuc conetur. Hanc siquidem felicitatem Deus in solis divinis voluminibus inesse voluit, quemadmodum Augustinus gravissime, ac verissime tradidit. Ceteroqui nemo quantumvis eruditus & sanctus, non interdum hallucinatur, non alicubi cæcuit, non quandoque labitur. Sanctus vero is fuit, qui credidit ab hæreticis baptizatos esse rebaptizandos. Sanctus fuit, qui in Christi corpore & sensum peccatorum, & dolorem fuisse negavit. Sanctus fuit, qui in Chiliarum dogma descendit. Sanctus fuit, qui viro ob adulterii culpam uxorem repudiantem alterum matrimonium concessit. Sanctus fuit, qui animus piorum usque ad judicium veram felicitatem ademit. Sanctus fuit, qui animam hominis ex traduce esse putavit. Sanctus fuit, qui animam Adæ ante corpus fuisse editam opinatus est. Sancti fuerunt, qui angelos multos ante mundum corporeum æternitatibus creatos esse existimaverunt. Atque horum opuscula a Gelasio comprobata sunt. Hos ego tamen reverentiæ causâ propriis nominibus non appello. Malo enim antiquitati, sanctitatisque parere, quam otioso lectori facere satis. Legentur itaque a nobis Patres vete-

res cum reverentia quidem, sed ut non omnes, cum delectu, atque judicio. Quod si quis aliter sapit, nec sanis consiliis acquiescit, hic jam non sanctorum religione, sed sui ipsius aurore capietur; & sub veterum nomine novas opinionationes invehere conatur. Quare Vincentius Lirinensis: O rerum, inquit, mira conversio! Auctores ejusdem opinionis catholici, confectatores vero hæretici judicantur. Absolvuntur magistri, condemnantur discipuli. Quod quidem mihi divinitus promulgatum videtur esse judicium, propter eorum maxime fraudulentiam, qui cum sub alieno nomine hæresim concinnare machinentur, capiant plerumque veteris cuiuspiam viri scripta paulo involutius edita, quæ pro ipsa sui obscuritate dogmati suo congruant, ut illud, quod proferunt, nec primi, nec soli sentire videantur. Quorum ego nequitiam odio dignam judico: quod sancti cuiusque viri memoriam, tanquam sepultos jam cineres, prophana manu ventilant, & quæ silentio operire oportebat, rediviva opinione distillant: sequentes omnino veligia auctoris sui Cham, qui nuditatem venerandi Noe non modo opere neglexit, verum quoque irridentem ceteris enunciavit. Longe aliter fratres illi sui, qui nuditatem ipsam reverendi patris nec suis temerare oculis, nec alienis patere voluerunt: sed averfi, ut scribitur, tlexerunt eum. Quod est, erratum sancti viri nec approbasse, nec prodidisse. Hactenus ille. Ac rursum: Quid, inquit, si in ipsa veste duorum, aut trium error deprehendatur? Curabimus omnino, ut paucorum insectæ universalis Concilii decreta præponantur. Quæ si debeat, collatas inter se majorum silentis lector consulat eorum, qui diversis licet temporibus, & locis, in unius tamen Ecclesiæ catholicæ communione ac fide permanentes, magistri probabiles extiterunt. Et quicquid non unus aut duo tantum, sed omnes pariter uno, eodemque consensu, aperte, frequenter, perseveranter tenuisse, scripsisse, docuisse cognoverit: id sibi quoque intelligat abique ulla dubitatione credendum. Hæc Vincentius Lirinensis non minus prudenter, quam vere dicit. Quibus ex rebus Calvini calumnia facile retunditur, qua apud regem Galliarum Franciscum, ut Lutheranos impuden-

puidentiam excusaret, Catholicorum innocentiam traduxit. Cum enim Lutherani verissime ac gravissime obijceretur, quod Patrum essent ubique & contemporores & adversarii, Multa, ait Calvinus, ignoravit sancti illi viri: saepe inter se conflictantur, interdum etiam secum ipsi pugnant. Tum deinceps, quotquot patrum errores colligere potuit, falso etiam illis affictos, enumerat, quæritque, Cur nos item a Patribus discedamus? Nos autem divi Augustini partitione primum utimur, qui libro adversus Julianum 1. capite 2. Alia sunt, inquit, in quibus inter se aliquando etiam doctissimi atque optimi regulæ Catholicæ defensores, salva fidei compage non consonant: alia vero, quæ ad ipsa fidei pertinent fundamenta. In prioribus illis a Patribus nos quandoque discedimus, in posterioribus Lutherani. At nos quidem modeste ac reverenter oculos a Patrum errore avertimus. Lutherani autem Patres aut irridendos, aut certe despicendos propinant. Deinde nos ab uno interdum, aut altero Patrum dissentimus, at Lutherani ab omnibus contententibus saepe dissentiunt. Aliud est autem unius, aut duorum sanctorum privatum dogma repellere, quod hæc secunda conclusio aliquando licere dicimus, aliud vero contra omnium communem fidem & doctrinam dicere, quod quatenus liceat, & quomodo, sequentibus conclusionibus demonstrabitur. Si prius tamen explicatum fuerit, quid sibi ecclesia velit, cum sanctorum Patrum libros approbat. Id namque a nobis in hac sorte disputatione desideratur. Nondum enim argumenta diluimus, quæ illius Glossæ opinionem confirmabant.

Ecclesiastici auctores etiam probatissimi, non eodem gradu & loco sunt omnes. Nec magnopere conandum est eorum hic fluctuam resellere, qui libris canonicis Hieronymi aut Augustini opuscula æquarunt. Quemadmodum autem res a Deo conditæ, probatæ quidem fieri universæ (vidit enim Deus cuncta, quæ fecerat, & erant valde bona) sed rerum varæ differentesque naturæ non eundem locum, vim, stabilitatem accipere: Nam sunt corpora cælestia, & corpora terrestria: Sed alia quidem cælestium gloria, alia autem terrestrium: Alia claritas solis, alia lunæ, alia stellarum. Scella enim

a stella differit in claritate 1. Corinth. 15. Sic sane scriptores ecclesiastici probati sunt, qui scilicet Spiritus sancti illustrati luce ecclesiæ ipsi illustrarunt. Sed alia tamen claritas Matthæi, alia Hieronymi, alia Ilaix, alia Ambrosii. Atque auctores canonici, ut superni, cælestes, divini, perpetuum stabilemque constantiam servant. Reliqui vero scriptores sancti inferiores & humani sunt, deficientque interdum, ac monstrum quandoque pariunt, præter convenientem ordinem institutumque naturæ. Quin ergo probatur Eusebius Cæsariensis, episcopus? Quin Rufinus? Quin Origenes? Nam & hi ecclesiæ Christi suis literis illustrarunt. Nempe aliud fuit errare in rebus obscuris, & quæ non erant eotempore explicate ac definitæ: aliud in apertis, & quæ tunc etiam in ecclesiâ firmissime credebantur. Illud aut Cypriano, aut Ambrosio, aut Augustino accidit: hoc Origeni, Eusebio, ac Rufino. Cyprianus item, Ambrosius, Hieronymus in nullo a sanctæ Romanæ ecclesiæ consortio deviarunt, nec ab ejus fidei predicatione & conjunctione sunt, sed communionis ipsius gratia semper fuere participes, ut Gelasii verbis etiam utamur: ut Origenes deseruit unitatem, & fons Arianæ jure ac merito existimatus est. Hinc schismaticus est Gelasio dicitur. Hinc etiam Eusebius Origenis laudator nimis, Arii fautor acerrimus reprehenditur. Nam Rufinus vir aliqui religiosus, præterquam quod in libero arbitrio re videlicet manifestissima erravit: Origeni, Origenique discipulis vehementer fassive convincitur. Fuit autem ecclesiæ semper non solum cauta, sed etiam acris & severa in Origenistas, ut a quibus grandem in doctrinâ ecclesiastica petitem fuerit experta. Sed de secunda conclus. satis. Jam pergamus ad reliquas.

Tertia conclusio. Plurium Sanctorum auctoritas, reliquis licet paucioribus reclamantibus, firma argumenta Theologo sufficere & præstare non valet. Id quod ex secundo argumento ante posito satis ostenditur. Angelos quoque esse corporeos, August. ac pauci quidem alii inter veteres sanctos asseruerunt: & quamvis opinio hæc falsa sit; sed tanquam Fidei adversa ex communi veterum sententia evinci non potest. At Thom. Vvalden. in processu

3. Conc.

mio

mio doctrinalis Fidei antiquæ docet, quod major pars patrum ab Apostolis senserit, id esse catholicæ ecclesiæ fidem. Id quoque Vincen. Lirin. tradit in libro advers. prophan. novationes. Vera sunt hæc, non inficior. Sed tunc, cum unus aut paucorum contrariam sententiam ecclesiæ penitus exposuit: ut illorum, qui putarunt ab hæreticis venientes esse iterum baptizandos: illorum etiam, qui Melchisedech non hominem quempiam, sed Spiritum S. esse dixerunt: Utrumque enim horum post ea tempora ecclesiæ semper exhorruit. Porro autem si unus, aut paucorum opinio non fuerit ab ecclesiæ rejecta, tum plurimorum auctoritas, quemadmodum diximus, nihil certum firmiterque conficiet. De tertia igitur conclusione hæcenus.

4. Conc. Quarta conclusio. Omnium etiam sanctorum auctoritas in eo genere questionum, quas ad fidem diximus minime pertinere, fidem quidem probabilem facit: certam tamen non facit. Quam ego conclusionem postremo illo argumento abunde probatam existimo. Quod enim ea controversia non sit ex illarum numero, quæ catholicam fidem aut promovere, aut immovere possint, vel ex eo perspicuum est, quod beatam Virginem a peccato originali fuisse penitus liberam, e libris sacris juxta germanum literæ sensum nusquam habetur. Quinimo lex generalis in eis traditur, quæ universos filios Adam, carnali scilicet propagatione creatos, sine ulla exceptione complectitur. Nec vero dici potest, per traditionem Apostolorum id in ecclesiā descendisse: cum hujusmodi traditiones non per alios, quam per episcopos illos antiquos & sanctos auctores Apostolis succedentes, ad nos usque pervenerint. At constat, prius illos scriptores non id a majoribus accepisse. Traderent enim bona fide & ipsi posteris suis. Non igitur ad fidem illud attinere potest, quod neque in sacris litteris, aut Apostolorum traditionibus invenitur, neque ex eis certa valet connexion confici. Cæterum, quod opposita etiam assertio, hoc est D. Virginem peccatum originale a parentibus contraxisse, non sit in numero dogmatum catholicorum, manifestissime colligitur ex eo, quod a lege universali per singulare privilegium unam Dei matrem excipere, sacrarum liti-

rarum Fidei nullo pacto adversum est. Alioqui cum sacre literæ in universum clament, Non videbit me homo & vivet, Deum nemo vidit unquam; qui Paulum aut Moysen excepisset, sacras litteras contra pugnavisset. Atque ea causa est, nisi toto celo animus meus errat, quomobrem nec Sixtus IV. nec concilium Lateran. sub Leone X. nec synodus Trident. sub Paulo & Julio tertis inchoata, eam questionem definierunt. Neutræ enim ex illis opinionibus poterant tanquam dogma catholicum approbare. Ita is erravit, qui asseruit, erroneum esse, aliquem præter Christum a lege illa originalis peccati liberare. Erravit ac multo etiam magis Basiliense concilium, cum definivit, doctrinam illam, quæ docet beatam Virginem Mariam nunquam originali subjacuisse peccato, tanquam consonam scripturæ sacre ac Fidei catholicæ, amplectendam fore, nullique de cætero licitum esse in contrarium docere. In pari quippe errore versantur, qui alterutram partem ad catholicam fidem attinere posse credunt. Difficile est hoc dicere. Credo, si in eacone queratur: at hoc loco & disputatione facillimum. Non enim hic cum vulgi imperitia certamus, sed eos institumus, qui veræ germanæque Theologiæ solidam & expressam effigiem tenere cupiunt, nec fugientes umbras persequi. Propositum est autem, veri rependi causa, & contra nostros & pro alienis etiam dicere: & cum res postulat, utroque nullius accepta persona reprehendere. Atque in eo opere maxime, quod ad ecclesiæ publicam utilitatem cudimus, privatis non debemus affectibus inservire. Nec deerunt post hæc etiam ex viris plane doctis, qui me objurgent: erunt etiam, qui vituperent, quod in questione multis nominibus invidiosam consulto & cogitato inciderim, ut rem alias gravissimam nullius in Christiana religione esse momenti asseverarem. At ego & bene volos objurgatores placare, & invidiosos vituperatores confutare possum, ut alteros reprehendisse peniteat, alteri didicisse se gaudeant. Non mihi, fateor ingenuè, alia via parat ad illud Erasmi argumentum eludendum, quo sanctorum auctoritatem acute ille quidem tentavit eludere. Nec fuit integrum, quod hæreticis semper proprium fuit, antiquorum patrum li-
bros.

bros corrumpere, & bonam etiam partem voluminum detruncare, ut ore iactem, reclamante licet conscientia, possem, Bernardum, Augustinum, Ambrosium, aliosque item patres in eam fuisse opinionem, negare. Quid enim prodest, si verum icire cupis, sanctorum testimonia membranis miscripta radere, cum animo insculpta abolere non possis? Porro, si, ut sanctorum auctoritatem in doctrina catholica tueamur, quod erat ecclesie Dei apprimè necessarium, quorundam opiniones, ne dicam faciones, asserimus non esse ad fidem & mores necessarias; quid est, per Deum obsecro, quod nos eade re valeat quicquam aut admonere amice, aut iniunice inieciari? Atque hæc quidem hæcenus in quattuor conclusionibus confirmationem dicta sint. In qua etiam causa habemus testem satis idoneum & gravem Vincent. Lirinensem in libro adversum prophanas novationes. Ubi, antiqua, ait, sanctorum patrum sententia non in omnibus divinæ legis quæstionibus, sed solum in fidei regula, magno nobis studio & investiganda est, & sequenda: id quod quinta conclusione explicandum est. In qua, quoniam hujus loci cardo vertitur, etiam multa prætereunda, multa tamen dicenda sunt, & ad cognitionem sacrarum literarum utilissima, & ad scholæ utim necessaria.

3. Conc. Quinta igitur conclusio est. In expositione sacrarum literarum communis omnium sanctorum veterum intelligentia, certissimum argumentum Theologo præstat, ad Theologicas assertiones corroborandas: Quippe cum sanctorum omnium sentius spiritus sancti sentius ipse sit. Quam ego conclusionem magnis quidem argumentis confirmaturus sum, & quæ, nisi me fallit animus, controversiam decernere ita possint, ut inter catholicos ultra referri quæstio nequeat. Aggrediar autem ad eam rem, si prius pauca quasi de fama Cajetani dixerim. Ego virum hunc, ut sæpe alias testatus sum, semper feci maximè. Plurimum enim ecclesiam Christi suis litteris juvit. Longum est autem hominis commendare sive eruditionem sive ingenium: molestum etiam universis ipsius opera commemorare. Illud breviter dici potest, Cajetanum summis adificatoribus ecclesie parem esse potuisse, nisi quibuidam erroribus doctrinam suam, quali cuiusdam lepræ admix-

tione scedasset, & vel curiositatis libidine affectus, vel certe ingenii doctertate confusus, literas demum sacras suo arbitratu exposuisset, felicissime quidem fere, sed in paucis quibuidam locis, acutius sane multo, quam feliciter. Nam & vetulæ traditionis parum tenax, & in sanctorum lectione parum quoque versatus, libri signati mysteria ab his noluit dicere, quoniam suo sensu illa, sed majorum traditione, vera scilicet verbi Dei clave, aperuerunt. Ita quum plurima scripsisset egregie, vertit ad extremum omnia, & novis quibuidam scripturæ expositionibus aliorum, quæ vel gravissime dixerat, aut elevavit, aut imminuit certe auctoritatem. Invitus quidem facio, ut doctissimum virum nomine etiam expresso reprehendam, sed, cum nominis ac gloriæ celebritas hoc loco a Lutheranis objiceretur, notandam temeritatem putavi.

Atque erior, in quem incidit, est ejusmodi, ut cum ego submovere omni ratione debeam, nec sine lumen tamen viri aperta reprehensione possim. In initio, siquidem commentariorum in Genesim, Si quando, inquit, occurrunt novus sensus textui consonus, quamvis a torrente doctorum sacrarum alienus, æquum se præbeat lector censorem. Et paulo post: Nullus, ait, detestetur novum iacrarum scripturæ sensum, ex hoc quod dissonat a præcis doctoribus: non enim alligavit Deus expositionem scripturarum iacrarum præcorum doctorum sentibus, sed scripturæ ipsi integræ sub catholica ecclesie censura: Alioqui spes nobis & posteris tolleretur exponendi scripturam iacram, nisi transferendo, ut ajunt, de libro in quaternum. Hactenus ille. Ac revera sequi majores nostros per omnia, & in illorum vestigiis nos quoque pedes nostros figere, ut pueri faciunt per lulum, nihil videtur esse aliud, quam ingenia nostra damnare, judicio nos privare nostro, & facultate inquirendæ veritatis. Sequamur veteres, bene habet: sed ut duces, non ut dominos. Non enim Fidei nostræ dominaturi sunt, nec illis ita debemus clivæ addicere & mancipari, ut iacris litteris exponendis nullum habeamus arbitrium. Hoc scilicet argumentum: Cajetanum moveri potuit, ut quinte conclusioni adversaretur. Nam Lutherus crassioribus conjecturis commoveri solet. In prologo siquidem assertionis suorum ar-

Si novus sensus esset, sed non a sanctorum in iacris de his bene habere forte. At novus sensus qui ita præcorum sententiam abigere, ut sit vere contrarius, erroris sit necesse est. De hoc autem Cajetanus loquitur ut patet.

ticulorum, patrum auctoritate dicitur neminem esse cogendum; quod in omnium scriptis multi inveniuntur errores, sæpe sibi ipsis pugnent, sæpe invicem dissentiant, & scripturas torqueant. Leves autem interpretandi verbi Dei nullas patitur, quod verbum Dei non debeat esse alligatum, sed liberum, quodque ejusdem sit leges condere & interpretari. Quare homines legum quidem humanarum certos interpretes esse posse, divinarum autem nullo modo. Hanc eandem sententiam tenuit Vvicleffus apud Thomam Vvalden. lib. doct. fid. anti. doctrin. 3. eandem quoque Petrus Abailardus tenuit in ipso statum suarum disputationum exordio: ut auctor est Divus Bernardus in epistola ad Innocent. numero 190. Ecclesiasticorum doctorum, inquit Bernardus, unam omnium de hac re Petrus Abailardus dicit esse sententiam, & ipsam ponit ac spernit, & ploratur se habere meliorem, non verius contra præceptum sapientis transgredi terminos antiquos, quos posuerunt patres nostri. In eadem etiam erroris navicare Arius, Nestorius, Eutyches, Dioscorus, ut septima synodo act. 1. Anathematismo 7. Basilii ipse fatetur. De Ario certe, ejusque discipulis habes testem Alexandriæ episcopum, lib. 1. hist. trip. cap. 14. Nestorius autem dum eloquens fuisset, & se putaret doctum, libris antiquorum interpretum dedignabatur incumbere, omnibusque se meliorem putabat esse, ut lib. 11. hist. trip. cap. 4. refertur. Eadem etiam via ingressus est Paulus Samosatensis, Eusebio auctore lib. 7. ecclesiast. hist. cap. 16. Severiani quoque eadem via inpresti sunt, ut idem Euseb. lib. 4. ecclesiast. hist. cap. 19. testatur. Quid vero Vincentius Lirinensis adversus prophanas novationes de Origene refert, non pigebit adscribere, ut vel hoc uno exemplo viri pii sacris literis exponendis dicant esse modum. Cum ipse sit auctor Origenis ingenium, eruditionem, eloquentiam, virtutisque alias admirabiles extulisset: Hic idem, ait, tantus ac talis, dum gratia Dei insolentius abutitur, dum ingenio suo nimium indulget, sibi que satis credit, cum parvipendit antiquam Christianæ religionis simplicitatem, dum se plus cunctis sapere putavit, dum ecclesiasticas traditiones & veterum scripturarum capitula novo more interpretatur, inruit

ut de se quoque diceretur: Si surrexerit in medio tui propheta, &c. Deuter. 13. Hæreticorum itaque, & schismaticorum communis fuisse videtur Cajetani illa sententia. Nec ego hic tamen hæreticos volo argumentando revincere. Quid enim illis facias, qui eadem impudentia & apostolice sedis judicia, & conciliorum dogmata, & Apostolorum traditiones, & sanctorum omnium doctrinam contempserunt?

Adversus Cajetanum omnis oratio suscipitur a nobis, qui ut erat ingeniosus, nostras rationes expenderet: urque erat pius, auctis gravissimis testimoniis minime refragaretur. Atque nobis unum sat erat, ita nobis majores nostros tradidisse. Sed Cajetanus auctoritatem contemnit, ratione pugnat: patitur igitur rationes meas cum sua ratione contendere. Quamquam a Philosophis omnem rationem philosophicæ conclusionis jure forsitan postularis: in sacrarum autem literarum intelligentia majoribus nostris debes, nulla etiam ratione redita, credere, & quas sententias de lege, de fide, deque religione ab illis accepisti, defendere. Ego vero eas defendendam, semperque credendam. Nec me ex eo sensu, quem a patribus accepi, ullius unquam ratio aut docti, aut indocti movebit. Sed age, ratiocinemur, ostendamusque, in expositione sacrarum scripturarum concordem antiquorum sententiam esse tenendum, si volumus esse catholici. Sed prius tamen quid majores nostri de ea re senserint, explicemus. Quando enim me in hunc locum deduxit oratio, docebo quid dixerim, non modo Theologorum ratiocinationibus, verum etiam testimoniis antiquitatis.

Clemens in primis ad discipulos Hierosolymitanos. Relatum est, inquit, quosdam docere, non secundum traditionem patrum, sed juxta sensum suum. Multas enim ex his, quæ legunt secundum ingenium hominum versimilitudines capiunt. Ideo diligenter observandum est, ut lex Dei non secundum propriam intelligentiam doceatur. Sunt enim multa verba in scripturis divinis, quæ possunt trahi ad eum sensum, quem sibi quisque sponte præsumpit. Quod fieri non oportet. Non enim sensum, quem extrinsecus attuleritis, alienum & extraneum debetis querere, sed ex ipsis scripturis sensum capere veritatis. Et ideo oportet ab eo intelligentiam disce-

Epist. 7. 17.
ad. c. Re-
latum.

re scripturarum, qui eam a majoribus secundum veritatem sibi traditam servat: ut & ipse possit ea, quæ recte suscepit, competenter asserere. Hæc Clemens. Qui & lib. 10. recognit. (si liber hic modo recipitur) documentum hoc a Petro Apostolo se accepisse testatur.

Dionysius item 1. cap. lib. de celest. Hierar. Ad sanctissimarum, ait, scripturarum intelligentias, prout illas a patribus accepimus, contendas pro viribus pergamus. Accedit eodem testis Irenæus. qui etiam scribit lib. 4. cap. 63. expositionem legitimam scripturarum per traditionem majorum accipiendam.

Item, 61.

Epiphanius rursus, cum hæreticos, qui se vocabant Apostolicos, refutat, Scripturæ, inquit, speculatione indigent, ad cognoscendam uniuscujusque argumenti vim & facultatem. Oportet autem & traditione uti: non enim omnia a divina scriptura accipi possunt. Hæc Epiphanius. Traditionem aut in fine dubio vocat intelligentiam & sensum a patribus acceptum. Illam enim clavem verbi Dei esse, auctor est Petrus apud Clementem lib. 10. recogn. Hanc autem legisperiti habuisse dicuntur, ad quos scilicet traditiones Moysis & seniorum quasi per manus venerant.

Clemens vero Alexandrinus Strom. lib. 7. qui adversus ecclesiasticam traditionem scripturas interpretantur, hos regulam veritatis amisisse affirmat. Et postea eodem quoque lib. de hæreticis disserens, Gloriæ, inquit, tenentur desiderio, qui ea, quæ ex sua natura conveniunt, sermonibus divinis inspiratis tradita a beatis Apostolis & magistris, sua sponte fallaci sapientie simulatione corrumpunt per alias tractationes, humanis doctrinis resistentes divinx traditioni. Nam inter eos viros, qui tacebant in ecclesiastica cognitione, quid restabat dicendum a Marcione, Prodicō, & similibus, qui non suam ingressi recta via? neque enim eos, qui præciserunt, superare poterant sapientia, ut aliquid adinventirent iis, quæ ab illis vere dicta sunt. Sed bene cum eis actum esset, si scire possissent ea, quæ prius sunt tradita. Atque Origenes tractatu in Math. 19. Quoties hæretici, inquit, canonicas proferunt scripturas, in quibus omnis Christianus convenit & credit, videntur dicere: ecce in domibus verbum est veritatis. Sed nos illis credo-

re non debemus, nec exire a prima & ecclesiastica traditione, nec aliter credere, nisi quemadmodum per successiōnem ecclesiæ Dei tradiderunt nobis. Hæc Origenes.

Ambrosius quoque tertio ad Gratianum de fide libro, Servemus, ait, præcepta majorum, nec hæreditaria signacula ausrudis temeritate violemus, librum sacerdotalem quæ nostrum * resignare audeat, signatum a confessoribus, & multorum jam martyrio consecratum?

Cap. 3.

* Illi legendi dicuntur.

Hieronymus insuper in epistol. ad Evgagium, Revolve, me, inquit, ad veterum libros, ut viderem, quid singuli dicerent, ut tibi quasi de multorum consilio responderem. Et deprehendi, horum omnium opiniones ad unum computum pervenisse, ut dicerent Melchisedech hominem fuisse Chanaanum; & post multa, quæ narrare longissimum est, Habes, ait, quæ audivim, quæ legerim de Melchisedech. Meum sunt recitare testes, tuum sit de fide testium judicare. Quod si omnes repuleris, tuum certe illum spirituale interpretem non recipies, qui tanto supercilio, & auctoritate Melchisedech spiritum sanctum pronuntiavit, ut illud verissimum comprobaret, quod apud Græcos canitur: Imperitia confidentiam, eruditio timorem creat. Et in Danie. 12. c. Scripturæ, inquit, sanctæ intelligentiam absque Dei gratia & doctrina majorum sibi imperitissimi vel maxime vendicant. Et in epistola illa ad Paulinum celebri, multis & testimoniis exemplisque & rationibus elegantissime docet, neminem in scripturis sacris sine prævio & monstrante semitam posse ingredi. Id quod Clemens Alexand. 5. Strom. lib. docuerat. Et Cicero, In universum nulla ars, inquit, literis sine præceptore & interprete percipi potest. Is autem ad sacras literas sine doctore aggreditur, qui neglecto sensu antiquorum patrum, arcanam scripturam ex suo interpretatur.

His etiam similia concinit Augustinus in libro de utilita. cred. ad Honoratum cap. 7. Cum enim sacros iste libros sine aliena ope & legere & intelligere se posse arbitrareretur; Ita ne est, Augustin. ait? Nulla imbutus poetica disciplina Terentium sine magistro attingere non auderes. Asper, Cornutus, Donatus, & alii innumerabiles requiruntur, ut quilibet poeta possit intelligi: tu in sanctos libros sine duce irruis,

Vide etiam eundem Augustinum in prologo. lib. de doctrina. Christi.

& de his sine præcepto audes ferre sententiam? Et capit. 17. Si unaquæque disciplina, inquit, quamquam vilis & facilis, ut percipi possit, doctorem aut magistrum requirit, quid temerariæ superbix plenius, quam divinorum sacramentorum libros ab interpretibus suis nolle cognoscere? Hætenus Augustinus. Gregorius etiam lib. 28. Mor. cap. 9. hanc etiam conclusionem confirmat, exponens de sanctis doctoribus illud, Super quo bases illius solidatæ sunt.

Unum hic Cassiodorum adiciam in præmio lib. divinæ institut. differentem in hæc verba: Ad divinam scripturam ascendamus per expositiones probabiles patrum, velut per quandam scalam visionis Jacob, ut eorum sensibus provecti, ad cognitionem domini efficaciter pervenire mereamur. Et lib. eod. c. 11. Sunt nonnulli, ait, qui putant esse laudabile, si quid contra antiquos sapiant, & aliquid novi, ut periti videantur, inveniant. Et cap. ejusdem libri 29. Cuncta, inquit, quæ antiqui expostores probabiliter dixerunt, sollicita mente tenenda sunt: illa vero, quæ ab eis intacta sunt relicta, ne instructuoso labore fatigetur, primum rimanda sunt, quas virtutes habeant, aut ad quæ nos iniquitas perducant.

Adde huc quoque Gregor. Nazian. & Basil. qui, ut libro 11. Eccles. histo. Rufinus tradit, divinæ scripturæ intelligentiam, non ex propria præsumptione, sed ex majorum scriptis & auctoritate secuti sunt, quos & ipsos ex Apostolica successione intelligentiæ regulam suscepisse constabat. Hætenus ibi. Atque hæc satis erant homini modesto, ut in nostram sententiam induceretur. Nam clarissimis monumentis contestata cõsignataque antiquitas quem non moveat? Certe cum Clementem, Dionysium, Irenæum, Epiphanium, Nazian. Basil. Ambr. Hier. August. Cassiod. Bernard. audio nunc idem proferentes, non existimo totidem hominum doctissimorum quidem & sanctissimorum, ætatem hominum, me audire sententiam, sed Catholicæ Ecclesiæ, cuius illi fuere columnæ præcipuæ. Nec enim aliud viri illi omnes tanto consensu sensisse credendi sunt, quam quod communiter ecclesia catholica sentiebat. Sed habemus præterea graviores testes ad hujus rei fidem plenam & integram faciendam. Dixerit enim fortasse quisquam, testimonia fere illa, quæ recula-

mus, adversum Lutheranos magis, quam Cajetanum facere. Non enim hic adeo sunt insolens, ut aut omnino veterum magisterium contemneret, aut eorum in sacras literas commentaria. Negavit solum, communem antiquorum intelligentiam certam esse lineam, ad quam intelligentias nostras semper dirigere debeamus. Id quod nondum adhuc vide-mur rescivisse. Verum, utcumque hæc habeant, placet mihi jugulum causæ perere, ac propius conferre pedes, ut Cajetani error certissimis argumentationibus refutetur.

Primum autem in synodo sexta generali sess. 11. ob id damnati sunt Origenistæ, quod easdem expositiones, quas hic novas Cajetanus inserit, conati fuerint contra majorum traditionem invenire. Multa alia, ait Sophronius, extra Apostolicam atque paternam traditionem afferuerunt, paradisi plantationem projicientes, in carne Adam formatum fuisse nolentes, ex eo Evam formatam fuisse vituperantes, serpentis formam resistentes. Hætenus ille. Est autem probata hæc Sophronii epistola synodica actione 13. ejusdem textu concil. generalis.

Deinde Canon 19. Synodi Trullan-sie habet: Oportet eos, qui præsumt ecclesiis, clero & populum docere, ex divina scriptura colligentes, intelligentias & judicia veritatis, & non trans-gredientes jampositos terminos, vel divinorum patrum traditionem. Sed etsi ad scripturam pertinens controversia, aliqua excitata fuerit, ne eam aliter interpretentur, quam quomodo ecclesiæ luminaria & doctores suis scriptis exposuerunt, & majorem ex his laudem assequantur, quam si ea, quæ a se dicuntur, componant. Ne, dum quandoque ad id hæsitant, ab eo, quod convenit, excident. Hætenus Conc. Trullan.

Ad hæc, cum de intelligentiâ illius testimonii Joannis Evangelistæ, Ad Jesum autem cum venissent, ut viderunt eum jam mortuum, &c. inter fideles questio esset exorta, etque ad Viennæ. Conc. referretur, Clemens concilio præ-sidens ita loquitur: Nos ad sanctorum patrum & doctorum communem sententiam. Apostolicæ considerationis a-ciem convertentes, sacro approbante concilio declaramus, &c. Sedes ergo Apostolica, & Viennæ. concilium, cum de fide & intelligentiâ sacrarum literarum pronunciant, sanctorum commu-

Joan. 39.

Clem. 1.
De in m.
Kria.

nem sensum tanquam Thesi filium tenent, eosque quasi duces intelligentiæ sequuntur.

Concilium quoque Lateran. sub Leone decimo, acti. 11. præcipit omnibus, qui Evangelicam veritatem populum docuri sunt, ut sanctam scripturam juxta interpretationem doctorum, quos ecclesia, vel usus diuturnus approbavit, explanent. Nec quicumque eis proprio sensu contrarium aut dissonum adjiciant, sed illis semper insistant, quæ a præfatorum doctorum interpretationibus non discordant.

Est præterea idem definitum apertius in synodo Trident. sess. 4. in hæc verba: Decretis sancta synodus ad coercenda petulantia ingenia, ut nemo suæ prudentiæ innoxius, in reb. fidei & morum ad ædificationem doctrinæ Christianæ pertinentium, sacram scripturam ad suos sensus contorqueat, aut contra eum sensum, quem tenuit & tenet sancta mater ecclesia, aut etiam contrā unanimem consensum Patrum ipsam scripturam sacram interpretari audeat. Hactenus Concil. Triden. Poteram hic addere decretum quintæ synodi ex Ivone titulo 11. libro 3. cap. 14. Alterum etiam simile concilii Melden. cap. 11. ex Burch. libro 1. cap. 61. sed multa præterimus, ne disputatione longa negotium lectori facessamus. Sed enim e sacris quoque literis ad ejusdem rei confirmationem habemus testimonia non pauca. Ac primum illud ex Ecclesiastico cap. 8. Non te prætereant narratio seniorum: ipsi enim didicerunt a patribus suis: quoniam ab ipsis dulces intellectum, & in tempore necessitatis dare responsum. Deinde illud Apostoli ad Rom. 12. Non plus sapere, quam oportet sapere, sed sapere ad sobrietatem, & unicuique sicut Deus divisit mensuram fidei: Habentes donationes secundum gratiam diferentes, sive prophetias secundum rationem fidei, &c. Illud vero constat, prophetæ vocabulum Apostolo usurpari non modo pro eo, qui futura videt atque prænunciat, verum etiam pro eo, qui Spiritus sancti dono Prophetarum, Christi, Apostolorum oracula intelligit & exponit. Jubet autem Paulus, ut qui ejusmodi munus in ecclesia susceperit, primum quidem non plus sapiat, quam oportet, id est ad modestiam & temperantiam sapiat: deinde, ut prophetiam habeat secundum rationem fidei. Hoc est: Ne sa-

cris literis exponendis humani acumen ingenii, aut naturæ vim rationemque sequatur, sed eas juxta fidem a majoribus acceptam, & hujus fidei proportionalem rationem interpretetur. Nam philosophos quidem poteris forsitan exponere juxta rationem scientiæ, nulla etiam adhibita fide: at sacros libros sobrie sine majorum fide & doctrina non poteris. Sed & qui explicando Aristotele veteres omnes Peripateticos pro nihilo haberet, & his magna consensione reclamantibus, ex philosophi sententia paradoxum nunquam auditum nova nobis interpretatione præciberet, parum ille sobrius haberetur. Multo vero etiam magis, qui in Apostolorum libris suoapte ingenio novas quasdam sententias communiatur, easque Apostolorum discipulis & antiquis omnibus interpretibus adversas, hic non est profecto, cur satis sanus habeatur. Sed de secundo testimonio satis.

Tertium 1. ad Cor. 14. habes: Prophetæ, inquit Apostolus, duo aut tres dicant, & ceteri judicent. Ne quis autem a reliquis temere dissentiat: Non est autem, ait, dissensionis Deus, fed pacis; id est, non ejus, qui a consentiendi unitate defecerit; sed eorum, qui in consentiendi pace permanserint, ut Vincent. Lirinens. exposuit. Sicut in omnibus, inquit, ecclesiis sanctorum doceo, hoc est, catholicorum. Quæ ideo sanctæ sunt, quia in sanctorum communione persistunt. Ac ne quis tandem harum rerum judicium ad se unum despectis cæteris revocaret, paulo post addit: An a vobis verbum Dei processit? aut in vos solos pervenit? Si quis videretur esse propheta, aut spiritualis, cognoscat quæ scribo vobis, quia Domini sunt mandata. Mandatum utique est, ut si quis est spiritualium rerum magister, summo studio unitatis cultor exilat: ut nec opiniones suas communibus reliquorum omnium præferat, & ab universorum sensibus non recedat. id fiet autem, si duo præcepta teneantur. Unum, ut sacrarum literarum interpretes semper in priores spectet, a quibus verbum Dei processit in posteros. Hujus enim rei Apostolus Corinthios monet, inquit, An a vobis verbum Dei processit? Alterum, ut ne sensum suum tenaci contentione dicendi, sed prius reliquos ecclesiæ doctores consultat, ut si viderit omnibus id probari quod sentit, tuto jam teneat: sin repro-

bari,

bati, tuto jam deferat. Hoc enim significat Apostolus dicens: Aut in nos solos pervenit? Sic enim mihi plane videtur Pauli sententiam interpretari. Quod si hoc Apostoli testimonium videbitur cuiuspiam ad suadendum magis, quam evincendum idoneum; cum illo non existimari equidem contentiola disputatione certandum. Nec enim vel ipsi credimus, omnia argumenta, quibus utimur, esse palmaria.

Quartum porro eiusdem Apostoli testimonium gravissimum est. Habetur autem ad Ephes. 4. in hæc verba: Et ipse dedit quosdam quidem Apostolos, quosdam autem Prophetas, alios vero Evangelistas, alios autem pastores & doctores, ad consummationem sanctorum in opus ministerii, in ædificationem corporis Christi, ut non simus jam parvuli fluctuantes, & circumferamur omni vento doctrinæ in nequitia hominum, in astutia ad circumventionem erroris. Quæ quidem Pauli verba, quoniam in tertio loco uberius explicata sunt, levi nunc brachio attingemus. quantumque satis erit ad id, de quo nunc agimus, confirmandum. Ex his itaque verbis plane intelligitur, divinæ providentiæ fuisse, ut non solum Prophetarum, Apostolorum, & Evangelistarum codices haberemus, verum etiam sanctorum doctorum in illos commentaria. Ob eam enim certe causam, post Prophetas, Apostolos, & Evangelistas, ecclesiæ a Christo doctores dantur, ut illorum sacros hi libros interpretentur. Hos ergo in ecclesiæ Dei divinitus per tempora & loca procuratos, quique in scripturæ sensum eundem convenientes contemperit, non hominem contemnit, sed Deum: a quo in id illi fuere destinati, ut populum Christianum sacras Prophetarum, Apostolorum, Evangelistarumque literas edoceret. Quod si sancti omnes, dum illas interpretarentur, errarunt, Deo auctore erraret ecclesiæ; cum doctores sibi a Christo datos sequeretur, & in sacrorum codicum intelligentia eorum vestigiis insisteret. Nec me clam est, Paulinum, Augustinumque in epist. 58. & 59. Prophetas in hoc Apostoli testimonio non eos accipere, qui ante Domini adventum futura prædixerant, quorum nos scripturas ut canonicas ac divinas retinemus, sed illos, qui in ecclesiæ Christi tempore Apostolorum prophetandi gratia eminuere. At, quoniam utroque ecclesiæ a Chri-

sto datos negare non possumus: nihil mirum videri debet, si neutros ab Apostoli verbis excluderimus.

Sed quærat hic forsitan aliquis: Cum sit perfectus scripturarum canon, sibi que ad omnia satis superque sufficiat, quid opus est, ut ei sanctorum & intelligentia iungatur, & auctoritas? Quæ videlicet scripturam sacram pro ipsa sui & altitudine & obliquitate, non uno eodemque sensu omnes accipiunt, sed aliter atque aliter, alius atque alius interpretatur, ut pene quot homines, tot illinc sententiæ erui posse videantur. Aliter namque illam Novatus, aliter Sabellius, aliter Arius, aliter Donatus exponit. Quocirca necesse est, ut prophetiæ & Apostolicæ interpretationis linea propter tam varii erroris anfractus, secundum normam aliquam dirigatur. Ob id ergo post Prophetas, Apostolos, & Evangelistas, sanctos quoque Doctores accepimus: quo eorum catholicam, hoc est, universalem intelligentiam, tanquam ecclesiæ regulam a Deo præscriptam sequeremur. Præclare igitur illud adjectum est: Ad consummationem sanctorum, in ædificationem corporis Christi, ne simus parvuli, &c. Ac de verbis quidem Apostoli hæc tenemus. Nunc Salomonis unicum testimonium addemus, quod si diligentius expendatur, multum conteret ad eam rem, de qua differimus, corroborandam. Verba sapientum, ait, sicut stimuli, & quasi clavi in altum defixi. Quæ per magistrorum concilium data sunt a pastore uno. His amplius, fili mi, ne requiras. In quem locum Hieronymus, Exceptis, inquit, his verbis, quæ ab uno pastore sunt data, & a concilio atque consensu probata sapientum, nihil tibi vindices: maiorum sequere vestigia, ab eorum auctoritate non discepes. Hæc Hieronymus. Nos vero, quis ille unus pastor sit, per Ezechielem intelligimus: Suscitabo, ait, super ea pastorem unum, qui pascat ea: ipse erit eis in pastorem. Ne autem existimares, quod ipse per se Christus hoc tempore esset facturus, per Hieremiam monet inquires: Dabo vobis pastores iuxta cor meum, & pascet vos scientia & doctrina. Quod autem verba sanctorum data fuerint ab illo pastore uno, talis tantumque omnium consensus ostendit: nec enim intelligere idem omnes una mente possent, nisi uno eodemque Christi spiritu in ea unitate continerentur. Unde divi-

Vulg. Liv-
nensis &
quærit &
respondet.

Adversum
non solum
sed recalci-
trare.

Ezech. 34.

For. sancti
pudores in
ecclesia da-
ti sunt.

divine ait Salomon, per magistrorum concilium data esse a pastore uno. Sanctos quippe antiquos sapientes fuisse, nemo negat; ecclesiarum fuisse magistros, certo constat; a Deo fuisse ecclesie datos, Christi erga ecclesiam providentia manifestat: datos esse ut Apostolorum, Prophetarum, Evangelistarumque oracula exponerent, Paulus innuit: ab uno pastore tam multos, atque adeo diversis & loco & tempore fuisse procuratos, sententiae unitas & concordia monstrat: Ut nihil aliud, quam magistrorum concilium liceat intueri, quod ab uno veritatis spiritu fuerit congregatum. Certe, ut Angustinus lib. adversus Julianum 2. dicit, si episcoporum synodus extoto orbe congregaretur, ut controversiam decernerent circa sacros lib. exortam, nec tales possent facile sedere, nec tot. Quia nec sancti uno tempore fuerunt.

Tenunc, Cajetane pater, si filio patrem appellare licet, appello, te Cajetane, inquam, appello, te in concilium voco, te non in lyceum aut academiam induco, sed in sanctorum patrum pacificum honorandumque conventum. Pone tibi ob oculos, rogo te, tam numerosam seriem eruditissimorum virorum, quos in hunc usque diem tot seculorum consensus approbavit: quos praeter admirabilem sacrarum literarum peritiam, vitae quoque pietas mira commendat: Aspice illos, obsecro te, quodammodo alpicientes te, & mansuete ac leniter dicentes tibi: Itane nos, fili Cajetane, in sacrarum expositione literarum simul omnes erramus? Itane nobis omnibus, quos ecclesiae Christus praeceptores dedit, spiritus intelligentiae deliuit? Itane tu unus adversum nos pugnare audes, & ecclesiam credis unius sensum hominis secuturam, hujus vero gravissimi sanctissimique senatus commune iudicium deseruram? Utrum plus tribuendum esse iudicas tot eruditorum, sanctorumque praedictis, an tuo singulari privatoque iudicio? Respondebis ne ad haec, aut omnino hic scire audebis? Videre mihi video, Cajetane pater, modestiam tuam, ingenii candorem, atque adeo in sanctos religiosam reverentiam & pietatem, & quasi coram ipsis, audio vocem tuam aures meas circumsonantem: vicinus utriusque. Uterque nostrum palmam refert: tu mei, & ego erroris. Sed nescio, bone lector, quo me impetus a-

nimi & nimis differendi calor evexit. Nam & Cajet. eo jam diu loco est, ubi omnes sine mea disputatione vicit errores: & ego non consuevi eorum insultare erroribus, quorum miror ingenia. Sed nos, ut coepimus, persequamur, & Theologiae quoque rationibus hunc errorem consutemus. Licet enim ad fidem in Theologia faciendam auctoritas plus polleat, quam ratio; quippe cum ea sine ratione satis habeat momenti, ratio sine auctoritate non multum valeat; sed auctoritati tamen ratio conjuncta, quantum valeat habebit ad faciendam fidem virum. Et nos jam inde a principio polliceamur hanc cum Cajetano causam ratione magis, quam testimonio transacturos.

Primum autem, qui novam hanc exponendi sacras literas rationem suscitant, hi praeterquam quod veteres obtulerunt majorum laudes, cum vanis hominibus, tum magis haereticis exemplo sunt, ut novis falsisque commentis sacrarum literarum vera sensa contaminent. Quod si semel admissa fuerit haec licentia, ut libros sacros pro suo quilibet arbitrio interpretetur, horreo dicere, quantum abolende religionis periculum consequatur. Etenim iniqua libet particula sanctarum scripturarum humanorum ingeniorum libertati permissa, alia quoque atque alia & omnes jam quasi ex more reliquae humanitus tractabuntur. Porro autem si totam scripturam divinam, hominum quorumlibet ingenio arbitrarique exponi liceat, nihil firmum relinquetur. Sed sit ibi deinceps errorum lupanar necesse est, ubi erat ante castra & incorruptae sacrarium veritatis, quemadmodum Vincentius Lirinensis non minus vere, quam eleganter asseruit. Quin etiam praeter incommoda & multa & magna, quae futuris in ecclesia fidelibus haec opinatio afferet, ecclesiam, quae nos antecessit, erroris gravissimi nota liberare nequit. Cum enim sive concionatores, sive scriptores omnes, qui sanctis antiquis succedere sacrae scripturae sensum populo tradiderint, juxta doctrinam a sanctis acceptam: populus autem sensum eundem fidenter acceperit: mirum qui concordem sanctorum veterum expositionem rejicit, intelligentiam quam haecenus ecclesia habuit, rejicere convincitur. Exempli causa ponatur aliquid, quod patet la-

p. tatus.

tius. Sancti omnes exposuere, Evam e costa Adæ, ut liberationat, fuisse conditam. Id quoniam sacerdotes sequentes ita invenere a sanctis expositum, populo Christiano sedulo significarunt, & populus ipse bona utique fide credidit. Ita efficitur, ut sanctis antiquis errantibus in illius loci interpretatione, tota ecclesia in eodem iuerit errore versata. Atque sanctorum & ecclesie ignorantem esse conjunctam, Nestorius plane intellexit, a concilio Ephesino damnatus in hæc verba: Inveci sumus in Nestorii sceleratam presumptionem, quod sacram scripturam se primum & solum intelligere, & omnes eos ignorasse jactaret, quicunque ante se magistrum munere præditi divina eloquia tractavissent; totam etiam nunc ecclesiam errare, quæ, ut ipsi videbatur, ignaros Doctores sequeretur. Hactenus Ephesinum concilium: refertur autem a Vincentio Lirinensi, in libello illo vere aureo, adversum phanas novationes.

Adde, quod, ut jam pridem dicebamus, in his, quorum cognitio non pertinet ad populum, Ecclesie fides fides majorum est. Cum igitur & scriptura sacra veram & sinceram intelligentiam accipere non speciet ad plebem, nisi Lutheranos insaniam sequi volumus, patrum certe nostrorum in libris sacris intelligentia, ecclesie intelligentia ipsissima est. Quamobrem si sancti omnes antiqui divinis literis intelligendis errarunt, ecclesia dubio procul erravit: idque Deo præcipiente. Peccaret enim populus, si scripturæ juxta sanctorum omnium sensum expositæ repugnaret: in his præsertim, quorum judicium non ad plebem, sed ad majores spectat.

Præterea, ab omnibus sanctis, communi unaque mente idem sentientibus, non potuit Dei verbum recedere: Ut videlicet omnes simul haberent aliquam scripturam pro canonica, quæ canonica non esset, aut e diverso aliquam communi consensu exploderent, quæ canonica esset. Ergo nec vera intelligentia verbi Dei potuit simul ab illis recedere. Utrumque enim ecclesie promissum est, & spiritus, & verbum: & si utrumlibet omnibus sanctis doctoribus desuisset, Ecclesie quoque pariter desuisset. Illud autem, quod priore loco assumptum est, si minus intelligitur, ex alius fidei dogmatis

percipi potest: in quibus sanctos simul omnes errare non posse, magnus argumentis ostensuri sumus: nec ita multo post, sed pauca ante dicenda sunt. Quod vero & verbum & spiritus intelligentie in ecclesia conjuncta sint, quemadmodum posteriori loco assumebamus; per Isaiam Dominus in hæc verba testatur: Spiritus meus, qui est in te, & verba mea, quæ posui in ore tuo, non recedent de ore tuo, & de ore seminis tui amodo usque in sempiternum. Semen vero Christi, fidelium ecclesiam esse negabit nemo, qui vel parum fuerit in sacris literis exercitus. Quis est igitur, qui res a Christo in ecclesia copulatas ad errorem divellere, & aut verbum, aut verbi sensum sanctis omnibus ac proinde ecclesie tollere?

Præterea, ut Hieron. in comment. super 1. cap. epist. ad Galat. ait, ecclesia Dei, quæ a posteris Apostolorum fidem andivit, non accepit hominis evangelium, sed Dei: Doctores enim ecclesie, inquit, non tam ipsi docent, quam in ipsis Deus, qui ad sanctos loquitur: Ego dixi, dii estis, & filii excelsi omnes. Qui autem dii sunt, tradunt Dei Evangelium, & non hominis. Marcion & Basilides, & ceteræ hæreticorum pestes non habent Dei evangelium: quia non habent Spiritum sanctum, sine quo humanum fit Evangelium, quod docetur. Hactenus Hieron. Et eodem loco statim: Nec putemus, inquit, id in verbis scripturarum esse Evangelium, sed in sensu: non in superficie, sed in medulla: non in sermonum solis, sed in radice rationis. Alioquin & diabolus, qui loquitur de scripturis, & omnes hæreses inde sibi consuunt cervicalia. Grande periculum est in ecclesia loqui, ne forte interpretatione perversa de evangelio Christi hominis fiat Evangelium: aut quod pejus est, diaboli. Hæc quoque Hieronymus. Quæ ut confiteramur in pauca, hanc rationem habent: Si a sanctis antiquis Apostolorum successoribus fideles sensum scripturæ saltem accepere, certe non receperunt Dei evangelium, quod non est in verbis scripturarum, sed in sensu: non in littera occidente, sed in spiritu vivificante: non in membranis, sed in cordibus. Id quod non Hieron. modo, verum etiam Hilar. in lib. ad Constant. Augustum tradidit. Et si lex ipsi-

ita 19.

Pist. 11.

ritua-

ritualis est & spiritu indiget, ut intelligatur, quod in primo jam loco abunde monstravimus, eequa rogo tanta dementia est, Spiritum sanctum mihi uni assidue dicere, sanctis omnibus defuisse? Age enim, ut a divinis ad humanas rationes nostra defluat oratio, si in scripturæ interpretatione quicquam tribuitur ingenio & eruditioni, quid Græcorum ingenii aut acutius, aut perspicacius? Quid in literis sacris exercitatus? Nec vero Latinis Sanctis defuit ingenium, nec literarum sacrarum peritia defuit. Nolumus enim modo aut Latinos Græcis, aut Græcos Latinis antepondere. Utroque constat & ingenio & eruditione valuisse. Quod si in hoc iudicio magis spectatur vitæ sanctimonia, quis homo recens veteres illos ecclesiæ primarios viros excellet? Verum, ajunt, sed homines erant. At ego & novitos istos interpretes homines esse reor. Audio, quid multitudo facit ad sensum spiritus? Respondeo; quid facit paucitas? sed & in his, quæ vel apud homines fide creduntur, non nihil facere solet testium multitudo, maxime seniorum. Nam veterrimi quique solent esse gravissimi. Juniores autem quasi pueri, si speciem afferant veritatis, non est illa quidem protinus repudianda: vetustas tamen suo loco conservanda est. Maxima enim est vis & auctoritas vetustatis, & ubi cum novitate ceter, est illa sine dubio præferenda. Sed nescio quo modo a rationibus gravissimis ad has leviores oratio nostra delapsa est. Jam ad illas redeamus, easque ipsas concludamus aliquando. Illud ergo urgentius & instantius premebamus, qui sanctos veteres in numerum omnes, sacræ uno quolibet scripturæ loco exponendo errasse affirmant, cum catholicæ ecclesiæ hunc ipsum errorem attribuerent. Id quod hoc etiam argumento confirmari potest. Ubicumque est enim ecclesiæ corpus, ibi etiam est spiritus veritatis, ut Irenæus docet, imo Christus Dominus inquit, Ego rofabo Patrem, & alium Paracletum dabit vobis, ut maneat vobiscum in æternum, spiritum veritatis. Docet quoque idem aperte Paulus ad Ephesios 4. & 1. Corinth. 12. Spiritus autem in corpore non eadem omnibus corporeis partibus tribuit functiones, quemadmodum Apostolus ad Romanos 12. & prioris ad Corinthios cap. duodecimo, elegantissime persequitur. Alii

namque datur per spiritum sermo sapientie, alii prophetia, alii interpretatio sermonum, &c. Nec enim in ecclesiâ omnes Apostoli, nec omnes Prophetæ, nec omnes interpretantur, &c. Certe est autem, quod sacrarum literarum intelligentia sanctis doctoribus, si quibus, maxime per spiritum data est. Qui ergo spiritum veritatis sanctis omnibus in scripturæ sacræ interpretatione negat, hic sine dubio eundem spiritum ecclesiæ tollit. Quemadmodum qui ab oculis videndi munus aufert, hic reliquas etiam omnes corporis partes obscurat: Nam si oculus non fuerit lucidus, totum corpus tenebrosum erit. Atque hæc sunt quinque conclusionis causæ gravissimæ. Possunt enim esse alie leviores. Certe Patrum optimorum & sapientissimorum exemplum non omnino leve est: qui quamquam erant acerrimo ingenio, scripturæ tamen sanctæ interpretationes ita illi reserunt, ut a majoribus didicisse, non ut ex se reperisse videantur. Ad quam legem nos non docti, sed facti, non instituti, sed imbuti esse debemus. Ac de quinta conclusione dictum est satis.

Loc. 12.

Sexta Conclusio. Sancti simul omnes in fidei dogmate errare non possunt. Hanc primum ostendit D. Augustinus libro adversus Julianum primo, cap. 2. Cum enim Julianum vellet sanctorum testimoniis in dogmate fidei, de quo erat controversia, revincere, Non omnium, inquit, de hac re sententias commemorabo, sed ponam pauca paucorum, quibus tamen nostri contradictores coguntur erubescere, & cedere, si ullus in eis vel Dei timor, vel hominum pudor tantum malum pervicaciz superaverit; & posterius, Alia sunt, ait, in quibus inter se etiam doctissimi atque optimi regulæ catholicæ defensores salva fidei compage non consonant, & alius alio de una re melius aliquid dicit & verius. Hoc autem unde nunc agimus, ad ipsa fidei pertinet fundamenta. Et lib. 2. adversus eundem ita loquitur: Hoc probavimus catholicorum auctoritate sanctorum, ac per hoc non est consequens, ut falsum sit. Tales quippe ac tanti viri secundum catholicam fidem hoc verum esse confirmant, ut vestra fragilis & argutula novitas sola auctoritate coneretur illorum. Præterquam quod ea dicunt, ut se per eos loqui veritas ipsa testetur.

6. Conc.

Lib. 1.

Joan. 14.

tur. Sed nunc auctoritate primus eorum vestra est contumacia comprimenda, ut dum tales homines Dei in fide catholica errare potuisse non creditis, ausus precipites refrænetis. Et paulo inferius, Ego te, inquit, ante istos iudices constituo, quos non amicos meos, & inimicos tuos in hac nostra disceptatione constitui cognitores, nec quorum sententia de hoc, quod inter nos disputatur, incertæ sunt, inani cogitatione confixi: sed sanctos, & in sancta ecclesia illustres antistes Dei, non Platonici & Aristotelici & Zeronici (quantum & in his nonnulli ex eis docti fuere) verum omnes sacris literis eruditius nominatum sicut oportebat expressi, ut in eistimæ non ipsos, sed illum, qui sibi eos utilia vana formavit. Qui tunc de ista causa iudicaverunt, cum ab odio, amicitia, inimitia, ira vacui erant, quod inveniuntur in ecclesia, tenuerunt. Et posterius: Uique adeo, ait, permiscuit imis summa longus dies, ut videant Pelagius, Celestius, Julianus, & ceteri sint Hilarius, Gregorius, Ambrosius, Cyprianus? Sed qualicumque homo sis, tamen quia homo es, videre mihi videor verecundiam tuam (si tamen non in te ipse est omnis emortua sanitas) & quodammodo audio vocem tuam, qua respondes: Absit, ut audeam cæcos istos viros vel cogitare, vel dicere. Et in fine libri tandem, qui sanctos rejiciunt, eos univariam Christi ecclesiam rejicere testatur. Et Vincentius Lirinensis, Necesse est, inquit, omnibus catholicis, qui se se ecclesie legitimos filios probare student, ut sanctorum Patrum fidei inhaereant, adglutinentur, immoriantur: prophanas vero novitates detestentur, horrescant, persequantur. Concilio enim Ephesino divinitus placuit, nihil aliud posteris credendum decernere, nisi quod sacra sibi consentiens sanctorum Patrum tenuisset antiquitas. Hactenus ille. Nec Ephesina solum synodus ita sentit, sed Constantinopolitana sexta, actione 12. in hæc verba: Et dixit sancta synodus: Omnino necesse est non solum secundum sensum sequi Sanctorum Patrum dogmata, sed eisdem vocibus uti cum illis, nihilque penitus innovari. Et iterum, Sanctorum Patrum dogmata tanquam lepem sanctæ Dei suscipiunt ecclesie. Nec obstat, has sententias Sergii esse, non synodi. Tum, quoniam si

hereticus ipse Sergius, publica ecclesie confessione victus, hanc nostram conclusionem negare non potuit, certe inimici nostri sunt iudices. Tum, quoniam syrodox actione 17. & 18. sanctos ipsos Patres tanquam regulam sequitur, & synodus Lateranensis sub Martino Quinto can. 12. & 13. quæ omnes consonantes ecclesie Patres respuunt, ea Catholica, & Apostolica Ecclesia respuere dicit, & quæ credunt, credere. Id quod non modo Augustinus. Vincent. conciliorumque gravissimis testimoniis, verum etiam invictissimis rationibus confirmari potest. Nam si Sancti in aliquo fidei dogmate falsi sunt, & populi, qui eos secuebantur, falsi fuissent. Constat enim, populum Christianum ante nos fidei sanctorum doctorum acquisivisse. Neque enim aliter fidem in Jesum habere poterat, nisi haberet etiam in sanctos ejus. Gratias ago Deo meo, ait Paulus ad Philemonem, audiens fidem quam habes in Domino Jesu, & in omnes Sanctos ejus. In quæ verba Hieronymus, Quicumque, inquit, Deo credidit, aliter ejus fidem recipere nequit, nisi credat & in Sanctos ejus. Non est enim in Deum perfecta fides, quæ in ministros ejus infidelitatem tenuatur.

Præterea, cum quidam ad fidem pertineant, quod etiam sæpe dictum est, dicendum est tamen sæpius, quæ plebs penitus ignorat, si sancti omnes in fide rerum hujusmodi decepti fuissent, ecclesia certe fuisset decepta. Ad hæc, Sanctorum omnium fide repulsa, magna ex parte Christi, & Apostolorum traditiones repellentur. Non enim aliunde apertius, quam ex Sanctorum veterum testimoniis, pleraque Apostolicas traditiones agnovimus. Unde in septima synodo generali, actione 1. Anathematismus 7. Basilii præsentis sic habet: Qui doctrinas sanctorum Patrum, & traditionem Catholicæ Ecclesie continent, quique caventur, & voces Arij, & Nestorii, Eutychis, & Diocorij jactant dicentes, quod nisi iatis ex veteri, & novo Testamento instructi essemus, sanctorum Patrum, & Catholicæ Ecclesie traditiones sequeremur, execratio. Hæc igitur duo ita sunt connexa atque conjuncta, ut divelli ac dissociari non possint, doctrina sanctorum Patrum, & Ecclesie traditio. Quicquid unum ulorum teneat labefactare, alterius quoque fidem con-

Qui Deo credit & in sanctos ejus credere necesse est.

concurrit necesse est. Atque ejusdem synodi actione 6. tomo quinto, Epiphanius pro synodo sic ait: Quod si is, qui hanc expositionem contra venerandas imagines edidit, asserit se a sanctis patribus, qui circa ea tempora floruerunt, non fuisse receptum, quomodo ea, quæ sancti patres non probaverunt, nos qui indigni sumus, ut discipuli eorum nominemur, recipiamus? Neque synodus hæc modo, verum reliqua concilia omnia, omnes pontifices ac sancti doctores, hac via & ratione universas hæreses refutarunt. Non enim commode aliter poterant, nisi & in scripturis ipsis canonicis, & in reliquis fidei decretis majorum sententiam, ut acceperant, tenuissent. Qua de re liber prorsus verba Vincentii Lirinenfis adscribere: Sacra, inquit, vetustatis auctoritate prophetæ novitatis conteremus audaciam.

Neque hoc sane novum, siquidem nos ite semper in ecclesia vixit, ut quo quique floreret religiosior, eo promptius novellis adinventionibus contraret. Exemplis talibus plena sunt omnia: Sed ne longum fiat, summam nonnulla ac breviter perstringemus, ut omnes luce clarus videant, beatorum Apostolorum beata successio, qua via semper ingressa novas doctrinas resistit. Intelligebant enim viri sancti atque prudentes, nihil aliud rationem pietatis admittere, nisi ut omnia, qua fide a patribus suscepta forent, eadem filius consignarentur. Idque esse proprium Christianæ modeltæ ac gravitatis, non sua posteris tradere, sed a majoribus accepta servare. Ducatum quippe præbet nobis religio, non nos religioni: Nec majorum secula qua volumus trahemus: sed potius qua illa trahunt retrahuntque, sequemur. Hactenus ille. Unum vero idemque præcipuum ejus rei, quam dixerat, exemplum asserit ex Ephesino concilio, ubi cum de sancendis fidei regulis contra Nestorium disceptaretur, decretum est, ut sanctorum patrum in medium sententiæ proferrentur. Quod cum ita factum esset, Nestorius tanquam catholicæ vetustati contrarius, damnatus est. Cyrillus vero tanquam sacrosancitæ antiquitati consentaneus, est probatus. Sed, ut ipse idem dixerat, exemplis talibus plena sunt omnia. Sic enim Hieronymus Helvidi dogma revocavit. Sic Basilus ad Amphilochoium

spiritus sancti divinitatem asseruit. Sic Aug. Donatist. & Pelagianos refellit. Sic Paulus Samosatenus a celebri quodam scriptore superatus est. Sic Theodorus Alexandrini concilii definitiones comprobavit. Sic Leo Papa apud Leonem imperatorem Eutychem hujusque sedatores confudit, altruxitque, a sanctis doctoribus consentientibus nullos nisi ampios & hæreticos discrepare, Sic Agatho Papa ecclesiasticum dogma de duplici Christi voluntate & operatione firmavit, nempe sanctorum scriptorum consentientibus testimoniis: Quibus ea solum ratione hæretici respondere se posse extimarunt, si libros depravassent, & alia ex eisdem sanctis testimonia vel mutua, vel etiam conficta in confirmationem erroris adduxissent. Neque enim negare sanctorum auctoritatem integrum vel hæreticis videbatur. Quorum autem post vetera exempla nunc novitia proferamus? ex Bernardo epistola 77. ad Hugonem, ex Innocen. De presbytero non baptizato. Apostolicam, ex concilio Florentino, ex multis quoque aliis, quos ne longum sit, misiss in præsentia facimus. Satis enim nobis, si modo in philosophia Christiana aliquid proficimus, positus exemplis rationibusque & testimoniis, persuasum esse debet, sanctorum omnium communem sensum certam fidem facere catholicorum dogmatum, ac proinde ex omnium auctoritate certa argumenta depromi Theologicis conclusionibus confirmandis.

Id quod sexto hoc demum loco erat nobis constitutum. Constitutum autem longa oratione id quidem: quomodo enim rem tantam verbis paucioribus explicaremus? sed adeo præclare tamen, ut tenebræ, quas adversarii veritati offundere suis argumentationibus conati sunt, jam superioris disputationis luce fugatæ esse videantur. Certe primum, secundum, & tertium argumentum, post ea, quæ dicta sunt, nulla responsione egent. Sed ne ratio illa quidem deinceps apposita. Eadem enim non magis contra veteres sanctos, quam contra patres conciliorum omnes, atque adeo contra totam ecclesiam valet. Ita nos antea duobus illam locis refutavimus. Osiandri ergo & Cajetani scrupuli modo restant, qui si fuerint exempti, nihil profecto erit amplius, quod texto loco explicando dedideretur.

Enf f. 100
d. h. 1. c. 1. d.
l. 6. h. 1.
sup. c. 2. d.

f. Synod.
ad 4.

Satisfit
argum.
capitis
primi.

CAPUT IV.

*Nonnullos Osiandri & Cajetani
scrupulos eximis.*

CUm igitur contendit Osiander, expositores usque ab Apostolis universos, in prophetiæ illius intelligentiæ errasse, primum nihil nobis contrarium asserit. Nam, ut Vincentius Lirinensis recte dixit, antiqua sanctorum patrum consensus non in omnibus divinæ legis quæstionibus, sed solum in fidei regula nobis certo est sequenda, atque in his præcipue quæstionibus, quibus catholici dogmatis fundamenta nituntur. Quod etiam capite superiore paulo latius explanavimus. Porro autem Osiæ Prophetia an in sensu literali, an in allegorico ad Christum referenda sit, ad fidei quætionem non pertinet: Ita quamvis sancti in hoc falsi fuissent, non in re gravi, sed quæ parvi momenti in ecclesia est, fuissent falsi. Deinde falsum est, omnes auctores, usque ab Apostolis locum illum in sensu solum allegorico ad Christum retulisse. Referunt quidem omnes ad populum Israël, & ad Christum quoque referunt, sed non omnes asserunt per allegoriam id fieri. Quia nonnulli affirmant, eundem scripturæ locum plures habere interdum sensus literales. Postremo, si dicamus sensum esse allegoricum, nullus est error. Nam objectioni Osiandri Hieronymus in comment. super Oseam docte respondet. Vana igitur ista ratio apud eos valet, qui ipsi decipi falsique volunt. Gravior constantioresque admonendi sunt, ut animadvertant, ne callida altera ratione capiantur. Aperte enim sophisticantem nemo non videt, nisi qui admodum est indoctus: Callidus ille & occultus sophista, ne veritatis specie fallat, studiose cavendum est. Nec enim facile agnoscitur. Nec vero existimari velim, Cajetanum aut in sophistis esse censendum, aut asserere, valde maleficiose quempiam fallere voluisse. Sed vir ingeniosus & doctus non falleretur, nisi specie quadam obicurræ rationis. Quocirca quoniam vim habet majorem, quam ceteri ad decipiendum, majori cura & diligentia hic sane cavendus est.

Argumentatur itaque Cajetanus: Non

alligavit Deus expositionem scripturæ sacræ priscorum doctorum sensibus, &c. Imo vero alligavit, si omnes ad unum in eandem sententiam concurrerint. Tenentur enim universi catholici sensum ecclesiæ sequi. Sensum autem ecclesiæ fuisse, qui idem fuit doctorum ecclesiasticorum omnium, explicatum est paulo ante satis, ut arbitror, diligenter. Nec ecclesia nunc de scripturarum sensu judicat divinando, sed ex traditione majorum eas interpretatur. Quemadmodum enim, si qua alia fidei quæstio occurreret, ecclesiæ judicium nihil novi auribus Christianæ plebis inseri, sed majorum antiquam in eare fidem & inquiri & sequitur: ita cum de sacrarum literarum sensu existit aliqua controversia, nullam novam intelligentiam a censura ecclesiastica expectare debemus, sed eam, quæ magna facta disquisitione patrum nostro communem esse conspiceret. Spes, inquam, nobis & posteris tollitur exponendi sacras literas, nisi transferendo de libro in quinternum. Minime vero gentium. Nam, ut illud præteream, quod in sacris Bibliis loci sunt multi, atque adeo libri integri, in quibus interpretum diligentiam ecclesia desiderat, in quibusque probe juniore possent & eruditionis & ingenii posteris ipsi quoque suis monumenta relinquere; in illis etiam, quæ antiquorum sunt ingenio ac diligentia elaborata, nonnihil nos Christiano populo, si volumus, præstare & quidem utilissime possumus. Possumus enim vetustis novitatem dare, obsoletis nitorem, obscuris lucem, falsiditis gratiam, dubiis fidem, omnibus naturam suam & naturæ suæ omnia. Sed quoniam huic Cajetani argumento Vincentius Lirinensis doctissime elegantissimeque respondet, verba nos ipsius attribuemus, digna illa profecto, quæ aureis literis scriberentur. Esto, inquit, o Doctor, quati Beteleel, & pretiosas divini dogmatis gemmas exculpe, fideliter coopata, adorna sapienter, adice splendorem, gratiam, venustatem, intelligatur te exponente illustris, quod antea obscurus credebatur. Eadem tamen, quæ didicisti, doce: ut cum dicas nove, non dicas nova. Sed forsitan dicet aliquis: Nullusne ergo in ecclesia Christi profectus habebitur intelligentiæ? habeatur plane & maximus. Sed ita tamen, ut vere profectus sit

Exodi 35.

sit ille fidei, non permutatio. Siquidem ad profectum pertinet, ut in semetipsa inaquaque res amplificetur: Ad permutationem vero, ut aliquid ex alio in aliud transvertatur. Immutetur animarum ratio rationem corporum: quæ licet annorum processu numeros suos evolvant & explicent, eadem tamen, quæ erant, permanent. Parva latentium membra, magna juvenum: eadem ipsa sunt tamen. Quot parvulorum artus, tot virorum. Et si quæ illa sunt, quæ avi maturioris ætate pariuntur, jam in feminis ratione præserta sunt: ut nihil novum postea profertur in senibus, quod non in pueris jam ante lataverit. Quod si humana species in aliquam deinceps non sui generis vertatur effigiem, aut certe addatur quippiam membrorum numero vel detrahatur, necesse est, ut totum corpus vel prodigiosum fiat, vel etiam intercidat, vel certe debilitetur: Ita etiam sacrarum literarum intelligentia sequatur has decet progressuum leges, ut annis scilicet consolidetur, dilatetur tempore, sublimetur ætate: incorrumpita tamen, illibataque permaneat; &

paulo post: Quodcumque igitur, ait, in ecclesiæ paradiso, Dei agricultura, patrum labore satum est, hoc idem filiorum industria colatur, floreat, manurescat, proficiat, perficiatur. Et præca illa cælestis philosophiæ dogmata a posteris excurentur, limentur, poliantur. Sed nefas est, ut commutentur, detruncantur, mutilentur, humanorumque ingeniorum quasi extranea addimenta recipiant. Accipiant licet evidentiam, lucem, distinctionem, sed retineant necesse est plenitudinem, integritatem, proprietatem. Hactenus ille. Cujus tota oratio eo mihi videtur probabilior, quo magis ex Apostolo ad Ephes. 4. videtur esse deprompta. Ubi illam corporalis augmenti similitudinem adeo & aperte, & copiose profectus est, ut nulla mea oratione opus sit. Tantum fuerunt lectores admonendi. De sexto autem loco hactenus. Jam ad septimum transeamus, hoc est, scholæ novæ auctoritatem. De qua etiam nonnihil fortasse novi dicturus sum, ea tamen, quæ pios lectores probaturos esse confidam.

Finis Libri Septimi.

AUCTORIT. DOCTORUM SCHOLASTICORUM.

Quæ septimo loco posita est.

LIBER OCTAVUS.

CAPUT I.

*Lutheranorum in Theologiam furor: qui
nam veri nominis Theolo-
gi censendi.*



Equitur locus huic disputationi vel maxime necessarius, qui Scholæ Theologicæ continet auctoritatem: quam heretici juniores non modo elevant, & extenuant, verum etiam explodunt, & exhibitant. Ac signiter impietatis Germanicæ Lutherus, VViclefii in hoc, ut in aliis, discipulus, in libro quidem adversus Jacobum Latomum asserit, Theologiam scholasticam esse nihil aliud, quam ignorantiam veritatis, inanemque fallaciam, quam ad Colossenses cap. 2. Apostolus præcavet. In libro autem de abroganda Missa privata, Academicas dicit esse Antichristi lupanarias, Philippus vero Melanchthon in Apologia contra Parisiensem Lutetiam natam esse, ait, prophanam scholasticam, qua admissa, Evangelium obscuratum, ac fidem extinctam. Breviter, Lutherani omnes ad unum scholæ nostræ auctoritatem & misericordie contemnunt, & inimice insectantur. Atque hinc fortasse tanquam ex primo fonte, reliquæ istorum hæreses derivatæ sunt. Principio namque, quod erat facile, scholæ auctoribus contemptis, scholæ quoque judicia contempserunt. His neglectis, mox necesse erat, Hieronymus, Augustinus, Gregorius, Ambrosius, Basilus negligenter, quos Theologi recentiores dogmatum suorum auctores habebant. At antiquis Sanctis posthabitis, despectui quoque habitæ sunt eorum concilia. Unde consecutum est, ut &

libros quosdam canonicos, & ecclesiasticam auctoritatem Lutherani conciderent. Adeo verum illud est, qui minima negligit, paulatim desinit. Absit invidia verbo. Nec enim minima scholæ auctoritas esse potest, quam parvi facere nemo sine huius discrimine potest. Connexæ quippe sunt, ac siuere semper, post natam scholam, scholæ contemptio & hæresum pestes. Quamobrem tuear etiam hunc locum, neque facile, ac breviter, ut mihi videtur, expediam. Nam etsi facultatem distendi, a Dialecticis exercitationibus acceptam, scholastica in nobis Theologia amplificavit: neque enim mediocrem a primo tempore ætatis in eo studio operam, curamque consumpsimus, at hic sane quanquam in loco proprio versamur, non ad copiam nostram nos in utramque partem exercere volumus: sed ad nostrum morem tenuiter angustique disserere. Sed in omni oratione memento, Lector, eam me defendere scholæ doctrinam, quæ sacrarum literarum fundamentis constituta sit. Ex quo id efficitur, quod ego magno cum assensu omnium dicere me video, miseram esse scholæ doctrinam, quæ seculis magisterii descendat: miseram etiam, atque haud scio an inuito magis, quæ detracta scripturæ sacræ auctoritate, syllogismus contortis de rebus divinis philosophatur: Imo ne de rebus divinis quidem, sed nec de humanis, verum de his, quæ nihil ad nos attinent. Intellego autem, fuisse in schola quosdam Theologos ascriptitios, qui universas quaestiones Theologicas frivolis argumentis absolverint, & vanis, invalidisque ratiunculis magnum pondus rebus gravissimis detrahentes, ediderint in Theologiam commentaria, vix digna lucubratione ancillarum, Et cum

in his sacrorum Bibliorum testimonia rarissima sunt, conciliorum mentio nulla, nihil ex antiquis Sanctis oleant, nihil ne ex gravi philosophia quidem, sed fere ex puerilibus disciplinis; scholastici tamen, si superis placet, Theologi vocantur, nec scholastici sunt, nedum Theologi, qui sophismatum fœces in scholam intercentes, & ad risum viros doctos incitant, & deliciores ad contemptum. Quem vero intelligimus scholasticum Theologum? aut hoc verbum in quo homine ponimus? Opinor in eo, qui de Deo, rebusque divinis apere, prudenter, doctè & literis, institutisque sacris ratiocinetur. Quod etsi ita esse pluribus verbis postea disendum est, illud tamen nunc brevi confitendum est, nisi quis is sit, esse Theologum scholæ neminem.

Intelligo etiam in schola fuisse nonnullos, quasi ad discordiam natos, qui tum optime disseruisse se putant, cum contra doctores dixerint, ut non tam verum invenisse velle videantur, quam adversarios convincere, concertationibusque & rixis totas chartas implere. Atque hos, sunt in ecclesia multi, qui tanquam multes auctoritati vel timentur, vel impugnant, & tota eorum de re Theologica disputatio, partium studium est, contentio, atque dissidium. Quos ego probare nec debeo, nec possum. Nam quamvis dissentientium inter se reprehensiones non sint vituperandæ, concertationes tamen in disputando pertinaces indignæ philosophia prophana, nedum sacra doctrina, mihi videri solent. Nec enim, quod Cicero disertissime dixit, disputari sine reprehensione, nec cum pertinacia rectè disputari potest. Atque illud vere a Publio dictum est, veritatem nimium altercando amitti. Minime vero assentior iis, qui ex circulatorum scholasticorum disputationibus ortam esse pertinaciam volunt, irrationemque scalpentem omnia. Quin istiusmodi malorum existimo in moribus esse culpam, non in schola. Moderati enim, nec contentiosi homines, nec pertinaces, quascunque res sobrie, ad temperantiamque deferunt. Quod cum omnibus est faciendum, quo discipulam quamlibet profitentur, tum nemini potius quam Theologo. Fuere autem sine dubio in schola multi, qui his vitis declinatis, rem Theologicam graviter sane ac modeste tradiderunt. Nam quos isti pertinaces

vocant, omniaque scalpentes Theologos, paucos, si vere loqui volunt, significare possunt. Qui etiam mihi, si cui maxime displicent: sed propter paucorum vitia non est omnium corona traducenda. Quod & si plerique Theologi in his vitis essent, iniqua esset adhuc ista calumnia. Quemadmodum enim nemo iustus & prudens universos adolecentes accusat, quamvis plurimum sint libidinosi, quoniam libido non est omnium adolecentium, sed non proborum: sic quoniam ista scholastica pertinacia Theologorum levium est, non omnium; inique profecto, ut modo dicebam, schola traducitur propter ea vitia, quæ non sunt scholæ, sed inertis, vanæ, contentiosæ scholæ. Theologos itaque scholasticos, qui modo hoc cognomine digni sunt, asserere quidem, & vindicare volo, idque faciam, si prius scholæ proprium institutum, & rationem docendi propositam ostendam, qua minime intellecta, nihil rectè aut pro illis, aut contra illos dici potest.

CAPUT II.

*Multiplex Theologiæ Scholasticæ
munus exponitur.*

Theologiæ scholasticæ proprium munus, quantum & a maioribus accepimus, & hujus facultatis alumni quotidianis fere congressibus experimur, illud primum est, ut quæ in sacris literis & Apostolorum traditionibus abditæ continentur, ea in lucem quasi ex tenebris cruantur. Colligit enim Theologus ex principiis fidei a Deo revelatis conclusiones suas, atque in principiis ipsis implicitas per argumentationem naturæ consentaneam explicat. Quemadmodum enim Musica facultas ex iis, quæ sunt in Arithmetica posita, ea ratiocinando connectit, quæ sunt in numeris sonantibus aut consona, aut dissona: ita scholæ Theologia ex his, quæ fides posuit, ea quæ sunt consequentia, naturæ ratione conficit, de Deo, rebusque divinis. Quod si Astrologia, Musica, perspicendi facultas, atque alia id genus disciplina, tametsi ex alienis facultatibus quasi medicæ, sed habentur in pretio tamen, tanquam utiles & necessariæ: cequinam iste malus genius est, scholasticam disciplinam profligare velle, quæ
non

Ex Augustino
per sententiam
super his
rebus.

non ex Arithmetica, non ex Geometria, non ex Physica, sed ex sacris divinisque & literis & institutis docet, quid consequens sit, quid contra repugnans? Nec vero audiendi sunt, qui scholasticas quaestiones, ut curiosas reprehendunt, & scholae temeritatem insultant, quod de rebus longe remotis a capite nostro audeat pronuntiare, & tam multa definire, quae citra salutis dispendium vel ignorari poterant, vel in ambiguo relinqui. Huius generis exempla ponunt: Quid discernat Patrem a Filio, Quid ab utroque Spiritum S. Quid intersit inter Filii naturam & Spiritus processionem, Utrum Spiritus sancti a Patre, & Filio proficiscens unicum sit principium, an duo. Ita censent id praclarum & magni Theologi esse, nihil ultra quam sacris literis productum est, definire, hoc est, in Theologiae principiis haerere, mentem a consequentibus, & repugnantibus sevocare. Quorum sententia quid sibi velit, non intelligo. Porro enim quicquam esse absurdius, quam sola disciplinae principia habere definita, conclusiones vero, quae certo atque evidenti syllogismo ex illis consurgunt, atque ignorare velle, aut in ambiguo relinqui? quod si in Geometria, Physica, Astrologiae quisquam assereret, vere & jure stultissimus haberetur. Sed de his haecemus. Non libet enim mihi rem exploratam suadere, quod multi, & hi docti saepe fecerunt: Itaque pergamus ad reliqua.

Habet rursum haec differendi in schola saculas alium propositum scopum, fidei nostrae adversus haereticos defendendae. Est quippe doctoris scholasticus, ut Magister sententiarum in proemio ex Augustino tradit, scire, quemadmodum fides catholica & piis optulatur, & adversus impios defendatur. Quod si scholae doctor non possit docere fideles doctrinam sanam, & eos qui sanam non habent redarguere, apud vulgus theologus esse aliquando poterit, re vera nunquam erit. Atque ob eam causam scholasticorum disputationibus adeo sunt haeretici insensu, quod intelligunt, catholicam fidem, quam expugnare moluntur, horum studio doctrinae quae munitur. Agnoscunt sane lupi canes, eosque odio prosequuntur: & scholae nomen istis invisum est, quae lupos arceat a gregibus, & eorum insidias porro caveret. Atque in hoc ge-

nere nihil est quidem admirandum: illorum autem hominum genus mirari non desino, qui cum catholici & habeantur & sint, his planius tamen excitare solent, qui nesciunt juvenentem ad linguarum studium adhortari, nisi prius Theologos scholasticos maledictis figant, totisque concitant voluminibus. At suavissime maledicunt. Venenum animi linguae mella regunt, eoque perniciosius paratum, quos suavius obibitum. At sunt morosi & prolixo scholastici theologi, si quærimus, anxie etiam superstitiosi. Sed haec, ut dixi, morum vitia sunt, non scholae. Atmosphaerae tamen, & ea vitia, quae theologis obijciuntur, habent aliquid excusationis, vel iustae, vel quæ probari possent videatur. Nam de rebus multis & variis non solum in genere, sed singulatim etiam differentes, non potuerunt haec brevioratione conficere. Hinc autem myriades articulozum, quas isti reprehendunt, quæ si essent adagiorum, non reprehenderent, sed suspicerent. Accedit, quod perspicuitas non solet esse conjuncta brevitati. Obscuri namque sunt, qui breves esse laborant. Ita perspicui Theologi esse cupientes, longiores aliquando fuere. Adde, quod res difficiles & obscurae, quas plurimas Theologi edisserunt, paucis explicari non queunt. Rudibus quoque & imperitis schola sese attemperat, atque adeo plura & quærit & definit, quæ doctis hominibus, iis etiam qui ingenio multum valent, supervacanea videntur. Scholastico demum more in utramque partem Theologi differentes, necesse est, ut quæcunque docent, longiore ea sermone complectantur. Anxia vero superstitio quæ dicitur, religio est, non superstitio. Nempe non licet apud nos iusque deque omnia ferri, sed scholae norma decretoque universos, qui aut disputare aut scribere de re theologiae velint, certis oportet limitibus ac prae scriptis lineis contineri. Hinc illa laetitia. Illis libertas placet, imo vero licentia dicendi scribendique: nos cum de rebus theologicis disputamus, licentiam omnem & temeritatem perhorrescimus. Sed totum hoc scholasticum differendi genus spinosum est: & pes spinis confusus, gressum deinde figere non valet. Scilicet tenerimus istorum pedes sunt: & quos errores non pungunt, pungit disciplina. Quam, ut ante dicere coeperam, ob id odio isti pro-

16. de Tri-
nit. cap. 7.

proſequentur, quod ars eſt, quæ doceat
tum propugnare fidem, tum hæreſes ex-
pugnare. Id quoniam poſtremo libro
ſumus ſiſe ac diligenter explicaturi,
breviter & ſine diſceptatione modo po-
nendum eſt. Nec enim decet omnia
eodem loco demonſtrare.

ſpectat denique ad ſcholæſticorum
functionem, Chriſti eccleſiæque doctri-
nam, quantum fieri poteſt, ex diſci-
plinis humanis, aut illuſtrare, aut etiam
confirmare. Nam, quod Auguſtinus do-
cuit, vaſa argentea & aurea, exteram-
que Ægyptiorum ſupellectilem, etiam
ſi commodatam acceperimus, jure qua-
ſi noſtra facere poſſumus, inque fide-
lium uſus vendicare: & alienigenam mu-
licrem, ut Hieronymus admonet, raſis
cimbis, rejecitque ſuperfluis, ad Dei
populum introducere. Id quod ſi, quo
decet, temperamento gravitateque hat,
nemo, ut opinor, tam ſtultus futurus
eſt, qui reprobet, niſi horum nihil un-
quam reputaverit. Diſcunt theologi a
David extorquere de manibus hoſtium
gladium, & Goliz ſuperbiſſimi caput
propriis microne truncare. Diſcunt a
Paulo, vel inſcriptionem fortuitam arte
torquere in argumentum fidei, & quæ
in alium uſum ſcripta ſunt, ea ad emu-
lumentum eccleſiaſticae doctrinæ
convertere. Diſcunt cum Daniele ac Moy-
ſe Chaldeorum Ægyptiorumque ſapientiam,
ſi non ut ſequantur, at ut indi-
cent atque convincant. Nec æquum eſt,
ut ſi adverſum philoſophos diſputant,
ignorent dogmata philoſophorum: nam
& ſi quiſpiam adverſus Mathematicos
velit ſcribere imperitus Matheticos, ri-
ſui patet. 37. d. capit. Qui de menſa.
Poſſem perſequi multa huius rei argu-
menta: ſed ea ipſa, quæ dixi, ſentio
ſuiſſe longiora. Ignolcet autem Lector.
Nam & ſtudio rerum noſtrarum prove-
ctiſſimus, & ſchola eſt paulo loquacior,
ne ab omnibus eam vitius videar vindicare.
De his igitur hæcenus. Egi enim
ſecus, atque initio dixeram: & in
loco preſſo atque anguſto ſpatia dicen-
di vidcor quaſiſſe. Sed difficile erat
rem & ab alienis conſciſſam, & a qui-
buſdam & noſtris male tractatam, ne-
vi quidem ratione ſarcire.

Tres itaque fines veræ theologiz con-
ſtituendi ſunt. Nec enim tantum de ſcho-
laſtica, ſed de omni omnino theologia
diſputo. Lutheranorum autem hæreſis,
ſi ſibi conſentanea eſſe velit, de ſchola
inſtituto nihil queat dicere, in qua nun-

quam ſe exercuiſſe vel ipſa fateatur. Ne-
mo autem audiendus eſt, qui de ea re,
quam nec uſu nec ratione habet cogita-
tam, diſputabit. Quod ſi tria illa veræ
theologiz ſunt communia, ea vero ſcho-
la omnia præſtat, certe in his pernicio-
ſus eſt error, qui ſcholam negligendam
eſſe exiſtimant. Hæc eſt enim vera theo-
logia, in qua omnia inſunt, quæ ſunt in
theologo requirenda, ſcientia Dei, ex-
ceſſum rerum cognitio, humanarum
prudencia & uſus: Ut cum hæc adiunt,
perfecta doctoris Chriſtiani diſciplina
ſit, & ſine his eſſe non poſſit. Quod
cum optimum maximumque ſit, ſi id
volumus adipiſci, theologiz ſcholæſti-
cæ opera danda eſt, ſine qua nullam
omnino perfectam in eccleſia doctrinam
conſequi poſſumus. Ea vero neglecta,
qui ſe Theologos eſſe arbitrantur, tum
ſe denique erraſſe ſentient, cum eos aut
diſputatio cum hæreticis, aut gravis a-
liquis & perplexus conſcientiæ caſus ex-
periri coget. Nec vero quicumque ſcrip-
turæ ſanctæ ſtudioſus vereri debet, ne
ex ſcholæ ſtudio, ſacrarum literarum
ſtudium retardetur. Nam & ad hunc
ſuatum ferendum non modo non re-
tardat, verum etiam invitat atque al-
lectat ſchola. Noſque ipſi quicquid ad
ſacras literas attulimus, ſi modo aliquid
attulimus, a doctoribus atque doctrina
ſcholæſtica inſtructi adeas & ornatu ac-
ceſſimus. Sed jam tempus eſt, ut do-
ceamus, quod eſt nobis hoc loco præ-
cipuum inſtitutum, an ſcholæſticorum
auctoritas firma argumenta theologo
præſtet, an infirma.

C A P. III.

*Præcipua Lutheranorum in Schola au-
thoritatem argumenta comple-
ctitur.*

Infirma autem ea omnia argumenta
eſſe, quæ ab ſcholæ auctoritate de-
rivantur, illa primum ratio ſuadet, quod
nec e ſacris literis, nec ex Apoſtolo-
rum inſtitutis, neque ex eccleſiæ defi-
nitione, ſcholæ auctoritas comprobatur.
Cumque ſcholæſticis auctoribus Spiritu
veritatis nuſquam Dominus fuerit
pollicitus, errare ut homines poſſunt,
atque adeo nullum argumentum ex eo-
rum auctoritate firmum erit.

Item nullum eſt in ſchola certum dog-
ma, ſed partium factionibus plena ſunt
omnia. Nihil igitur certi ex ſcholæ au-
cto-

Lib. 1. de
doct. Chri-
ſtiani cap. 4.
Deut. 32.

In epist. ad
Mar. non
exantem.
& ad the-
ophilum de
ſilio prod-
go.

1. & reg. 17.

Ad 12.

1. Arg.

2. Arg.

3. Arg.

Auctoritate confici potest.

Præterea, theologi scholæ omnes asserunt, matrimonium etiam sine ecclesiæ ministro contractum, esse vere ac proprie novæ legis sacramentum. At hæc omnium communis sententia non solum non facit certam fidem, sed ne probabilis quidem videtur esse. In nulla igitur re alia scholæ testimonium certum erit.

At nos & quid sentiamus, & cur etiam sentiamus, paucissimis quam fieri potest, exponemus: pugnabimusque pro scholæ auctoritate, non affectu, sed ratione. Quanquam non sumus ignari, multos studiosè contra esse dicturos. Quod vitare nullo modo potuimus, nisi nihil omnino scriberemus.

CAPUT IV.

Scholæ auctoritatem certis finibus circumscriptam suamque defendit.

Quod fuerit Academiæ theologicæ initium, quis progressus, quos institutores habuerit, quosve auctores, tametsi ad scholæ commendationem attinet, non est tamen hujus loci dicere: ubi hoc solum conamur explicare, quantum habeat virum ad faciendam fidem argumentum ex scholæ auctoritate depromptum. Ea igitur re explicanda, sit prima conclusio.

1. Conclusio.

Theologorum scholasticorum etiam multorum testimonium, si alii contra pugnant viri docti, non plus valet ad faciendam fidem, quam vel ratio ipsorum, vel gravior etiam auctoritas comprobabit. Videlicet in scholastica disputatione plurimum auctoritas obstruere theologum non debet: sed si paucos viros modo graves secum habeat, poterit sane adversum plurimos stare. Non enim numero hæc judicantur, sed pondere. Hanc vero conclusionem probare argumentis non debeo. Nam si quid est evidens, de quo inter omnes conveniat, argumentari non soleo: perspicuitas enim, ut ait Cicero, argumentatione elevatur. Certe ubi varix sunt doctrinarum hominum discrepantesque sententiæ, academicorum temperamentum imitari, & a rebus incertis certam assensionem cohibere debemus. Quid enim tam temerarium, tanque indignum sapientis gravitate atque constantia, ut idem Cicero elegantissime tradit, quam quod non fa-

ctis explorete percipere: ut sit & cognitum, id sine ulla dubitatione defendere? Quo loco sane arguendi sunt scholastici nonnulli, qui ex opinione, quas in schola acceperunt præjudiciis, viros alias catholicos notis gravioribus iniurunt, idque tanta facilitate, ut merito rideantur. Nobis autem schola nostra magnam quidem licentiam dat, ut quodcumque maxime probabile occurrat, id nostro jure liceat defendere: sed non licet tamen eos, qui nobis sunt adversi, temere ac leviter condemnare. Alia sunt scholæ placita, de quibus mox dicturi sumus, alia sunt præcepta scriptæ, de quibus modo loquimur. Quæ ab illis dissident, ea notam habent; quæ ab his, non habent. Nec enim si quid aut Scoticis aut Thomisticis pronuntiatur contrarium est, error illico est. Sed hæc hæcenus.

Secunda conclusio. Ex auctorum omnium scholasticorum communi sententia, in re quidem gravi, usque adeo probabilis sumuntur argumenta, ut illis refragari temerarium sit. Nam in quacunque arte peritis credendum esse, ratio monstrat. Nec enim sanus haberetur, qui nautis in navigandi ratione non crederet. Qui igitur in arte hæc de Theologiæ dogmatibus differendi, experientibus & exercitiis nullam fidem habet, aut parum sanus, aut certe temerarius est. Deinde in Clement. uni. de summa Trinit. Patres concilii Vienne. Opinionem illam, inquit, quæ dicit, tam parvulis, quam adultis conferri in baptismo informantem gratiam, & virtutes; tanquam probabiliorem, & doctorum modernorum Theologiæ magis consonam & concordem, fore a catholicis eligendam. Si ergo in re, quæ olim inter ipsos etiam scholasticos theologos controversa fuerat, opinio concors juniorum tanti apud patres in concilio fuit, quanto magis nos res omni tempore ab schola præscriptas tenere ac revereri debemus? Et si opinatio ipsa theologorum recentiorum communis fidem facit concilio, illudque inclinat, ut definit hujusmodi opinionem esse tenendam; quid si non ex opinione, sed ex certo & minime circumductili animo quicquam theologi omnes præfuerint? An non existimas, concilium Vienne. se pro ejusmodi dogmatis firmiter in schola receptis graviore censura iudicaturum? Scholæ igitur communem consensum non nisi impudenter & temere

2. Conclusio.

mere

mere rejiciemus. Præterea, cum inter ipsos theologos scholasticos magna fere ubique diffensione ceteretur, ita ut in hac parte jure forsitan reprehendantur, certe non idem omnes assererent, nisi eodem divino spiritu permoverentur. Nec minus mirandum est, varias scholæ factiones doctoresque, tam inter se discrepantes in unam eandemque sententiam concurrisse, quam septuaginta interpret. diversis (ut ferunt) cellulis inclusos, in unam eandemque convenisse interpretationem. Non igitur poterit esse verum illud, quod scholasticorum theologorum choro idem concinenu fuerit contrarium.

Gregorius,
Pascbas,
Epiphanius,
Augustinus,
Clementis,
Alexand.
Justinus
martyr.

3. Conc. Tertia conclusio. Concordem omnium theologorum scholæ de fide aut moribus sententiam contradicere, si hæresis non est, at hæresi proximum est. Scholæ porro placita, si ita vocare libet, in duplici ratione differentia. Altera ad philosophiæ magis rationem expediunt, quam fidei: Altera ad fidem pertinent, moresque Christiano populo necessarios. Quæ ab illis dissonant, ea scholastico theologo non sunt hæretica: Quæ vero huic posteriorum rerum generi sunt adversa, ea nos hic tanquam venena relinimus. Nam iis hæreticos crimen, ut quod sit ipsum per se atrocissimum, impingere aperte & simpliciter non audeamus. In quo equidem sæpe theologorum requiro prudentiam. Absurdum est enim, ut crimen gravissimum nisi rebus quoque gravissimis impingatur. Sed ad rem. Illa conclusio, ut est a me posita, primum ostenditur, quod nullum dogma reperietur, quod eadem mente oreque scholastici omnes certo ac firmiter asseruerint, quin idem in universum ecclesiâ teneat, eorum auctoritate mota. Nam si aliquid invenire hæretici possunt, proferant, & tacebimus. Quod si nullum proferri potest, sine dubio, velint, nolint, id, quod scholæ totius auctoritate firmatur, verum est, si ad fidem, ut dixi, morisque pertineat. Adde quod nullum tam proprium scholæ decretum est, quod vel ex sacris literis, vel ex Apostolorum traditione, vel ex conciliorum, aut pontificum definitionibus non habeat certam originem. Ita qui scholæ decreta resistunt, hi semper inventi sunt & fontem, unde illa manant, repudiasse. Atque, ut uno verbo dicam, nemo qui in catholicis habeatur, omnes suæ discrimine theologos expli-

fit. Quod abunde satis magnum argumentum est, sine fidei discrimine hujusmodi scholæ placita negari non posse.

Præterea, si qua in questione universi Theologi eadem inter se concinunt, profecto si in eo errant, ecclesiâ item errandi periculo exponunt. Sive enim qui confessiones audiunt, sive qui ad populum habent conciones, utrique plebem institunt, ut a Theologis acceperunt. Ita fit, ut Ecclesiâ eorum in fide communem errorem dissimulando, Christi fideles suo silentio deciperet. Error enim, cui non resistitur, approbatur: & veritas, cum non defenditur, opprimitur, ut Innocentius ait 83. dist. c. Error. Atque Deus impiè si Theologorum omnium errorem non aperiret, in necessarius Christiano populo deesset. Quid enim facturus est populus imperitus, nisi eos sequi, quos pro illo tempore ecclesiasticæ doctrinæ magistros accepit? An post hæc omnia scholæ Theologia contemnenda est? Cederem, nisi ejus auctoritate ecclesiâ res plurimas decesset. Quippe trecentos ab hinc annos, si quas ecclesiâ hæreses condemnavit, si qua de fide & moribus decreta tulit, in utrique scholasticorum subsidio & diligentia vehementer adjuncta est. Id quoniam constat inter omnes, quibus vel conciliorum pectus, vel negotia cognitionis fidei sunt cognita, fateamur necesse est, doctores scholasticos simul omnes in fide & moribus errare non posse.

Præterea, cum Dominus dixit, Qui vos audit, me audit, & qui vos spernit, me spernit, non modo ad primos Theologos, hoc est, Apostolos verba illa referebat: sed ad doctores etiam in ecclesiâ futuros, quamdiu pascendæ essent oves in scientia & doctrina. Quemadmodum igitur qui Theologos Christo succedentes contemnebat, Christum is etiam Dominum contemnebat: ita qui Theologos juniores antiquis succedentes despiciat, hic Christum quoque ipsum despiciat necesse est. Unde Chrysost. sive quis alius fuerit, in commentariis super Mattheum imperfectis, hom. 42. Cum audieris, inquit, aliquem beatificantem antiquos doctores, proba qualis est circa suos doctores. Si enim illos, cum quibus vivit, sustinet & honorat, sine dubio illos, si cum illis vixisset, honorasset. Si autem suos contemnit, si cum illis vixisset, illos contempsisset. Hactenus ille in ea verba Chris-

Christi, Vx vobis, qui ædificatis sepulcra prophetarum, & ornatis monumenta iustorum, & dicitis, Si fuisset in diebus patrum nostrorum, non effemus focii eorum in sanguine prophetarum. Itaque testimonio estis vobismet ipsis, quod filii estis eorum, qui prophetas occiderunt. Et vos implete mensuram patrum vestrorum. Nimirum Pharisæorum imitatorum hæretici ratiocinantur. Si essent scholastici doctores, quales erant Hilarius, Hieronymus, Basilus, sequeremur eos: si in diebus Augustini, Ambrosii, Hieronymi fuisset, non essemus socii Manichei, Novati, Vigilanti, Pelagii, Joviniani. Itaque testimonio sunt, quod filii sunt eorum, qui sanctos antiquos contempserunt, cum iuniores scholæ Theologos pro nihilo putant. Postremo, ut ad Ephes. 4. Apostolus docet, Alios dedit Christus in ecclesia Apostolos, quosdam Prophetas, alios vero Evangelistas, alios autem Pastores & Doctores, ad consumptionem sanctorum in opus ministerii, in ædificationem corporis Christi, donec occurramus omnes in unitatem fidei in virum perfectum: ut jam non simus parvuli fluctuantes, & circumferamur omni vento doctrinæ. Quamdiu igitur Christi corpus, hoc est, ecclesia fuerit, ad divinam procuracionem pertinebit, ut ii, qui in ecclesia sacre doctrinæ doctores habentur, tanquam a Deo dati veritatem in fide teneant, ne populus parvulorum more circumferatur. Nec vero si hoc Apostoli testimonium æque pro antiquis & junioribus facere dicimus, iuniores Theologos precis illis mox æquamus: (scimus enim, quantum antiquitati deferendum est, quantum etiam sanctitati:) sed firmum esse hunc etiam locum, tum ex multis aliis, tum ex hoc Apostoli testimonio, pro nostra quidem virili contendimus. Recte ne, an secus, aliorum esto iudicium. Nos enim in argumento novo, ubi nullum, quem imitaremur, habebamus, quæ nobis probabilissima visa sunt, ea lectioribus exposuimus. Si quis vero sic nostra rejiciat, ut adluat meliora, volentes ac libentes amplectemur. Nihil autem necesse est, de me ipso dicere mihi. Quamquam non est verendum, ne vera & aperta de me prædicans, nimis videar aut insolens, aut loquax. Sed utcumque hunc scholæ locum ego tractavi, gratissimum, ut puto, Theologus feci. Quoniam cum expli-

catissime de ea re differuerim, discere hodie a me, quibus facillime rationibus scholasticæ Theologiæ afferere & gravitatem possint, & auctoritatem. Atque hæc hæc hactenus. Nunc objectiones a principio contra positas repellamus.

CAPUT V.

*Respondet Argumentis Capitis tertii; de-
cetque, quid de variis Theologorum
placitis statendum.*

AC primo quidem argumento rel-
lendo non est opus quicquam præ-
ter ea, quæ sunt dicta, adicere: O-
stendimus enim, ut opinor, scholasti-
cæ Theologiæ asserendæ non deesse ec-
clesiæ scripturæque sanctæ testimonium.
Quæ testimonia nos habuimus, ea jam
protulimus: ab aliis forte post & plu-
ra & graviora proferentur.

Secundum etiam argumentum nihil
minus confutatum est. Diximus enim
id, quod etiam sæpe dictum est, dicen-
dum est tamen sæpius, factiones in
scholâ, quasi juratas, studium contra-
dicendi, & si quæ sunt similia mala,
non scholæ, sed hominum vitio conti-
gisse. Alioqui decreta multa sunt inter
scholasticos certa & firma, eoque magis,
quo nulla unquam factio ea in qua-
stionem revocavit.

At tertium argumentum difficillimum
est, egetque disquisitione non parva.

Quare si longiorem orationem huius
argumenti difficultas exigit, non
debet Lector molestum esse: nam &
orationis longitudo magnitudine utili-
tatis pensabitur. Principio autem Theo-
logos omnes admonitos esse velim, ut
scopis non affectibus modo, sed o-
pinionum etiam præjudiciis, de cau-
sis fidei prudenter graviterque decer-
nant. Non enim si quicquam in scho-
la bonis etiam temporibus inveteravit,
mox fidei dogma existimandum est.
Sunt autem nonnulli, qui per eas per-
suasiones, quibus a principio sunt im-
buti, de rebus gravissimis sententiam
serunt, temeritate quadam sine iudi-
cio, repentino quasi vento incitati,
quæ longe alia esset, si iudicio confi-
derate constanterque lata fuisset. Hi
autem in eo primum errant, quod scho-
læ opiniones a certis constantibusque
decretis non separant. Deinde errant
in eo, quod duo rerum genera con-

Respon-
ad 1.

Respon-
ad 2.

Respon-
ad 3.

e. 1. & 3.

fundunt, unum earum, quæ ad religionem attinent, earum alterum, quæ hanc ne attingunt quidem. Ac si sanctorum veterum consensus, ut libro superiore definitum est, non in omnibus legis questionibus sequenda nobis & tenenda est, sed solum in fidei regula: nec quævis illorum etiam in re gravi communis opinio fideles attingit, sed firmum constanterque iudicium: æquid de recentioribus scholæ Theologis dicere oportet, quos veteres illi longe & vitæ merito & scripturarum usû & auctoritatis pondere superarunt? Verum his de rebus non necesse habeo dicere ea, quæ me viri multi pii cupiunt commemorare, tametsi causa postulat, tamen quia postulat, non flagitat, præteribo. Quoniam vero utriusque erroris exempla, cum alias sæpe posui, tum in duodecimo libro varia etiam adjuncturus sum: uno nunc exemplo contentus ero; quod satis erit tamen, ut ii, qui in censuris Theologicis præcipientes esse solent, suæ temeritatis admonerentur.

4. d. 1.

Magister ergo sententiarum dixit, baptismi sacramentum fuisse ante Christi mortem, & a Christo ipso institutum, & ab Apostolis ministratum. Huic D. Thomas, cæterique scholæ Theologi assensu sunt. Nimirum Divum Augustinum Magister secutus est, cuius opinioniones schola libenter amplectitur. At enim si quispiam forte contra fuerit opinatus, baptismi novæ legis verum & proprium, idemque primum sacramentum non prius a Christo editum, quam in cruce passus sit, non statim vexare eum gravi Theologiæ censura debemus: sed primum illud expendere, num Theologi hoc loco, quasi re certa & confecta, quicquam plane suo iudicio definiant, an potius re nondum satis ad liquidum explorata probabiliter opinentur. Deinde ad etiam vestigare, pertineat ne ad catholicam fidem, Christum sacramentum hoc ante passionem suam edidisse, an non. Ac Magister sententiarum quidem nihil certo statuit, sed probabiliorum opinionem elegit. Commodus, inquit, dicitur, &c. Augustinus quoque, baptizabat Christus, inquit, non per se ipsum, sed per discipulos suos. Quos intelligimus jam fuisse baptizatos, si ve baptismi Joannis, sicut nonnulli arbitrantur, si ve quod magis credibile est, baptismi Christi. En Augusti-

nus non certo pronunciat, Apostolos prius esse baptismi Christi baptizatos, quam illud baptismi administrarent, cuius Joannis tertio & quarto capite mentio fit. Quin ubique docet, nos ignorare, quando Apostoli fuerint baptizati. Nullo autem pacto sit verisimile, si Apostoli veri sacramenti baptismi jam inde administrati erant, eos non prius idem sacramentum accepisse. Quo fit, ut utrumque juxta in opinione, non in firmo constante decreto situm sit.

Præterea, & in forma baptismi illius Scholastici dissident. Nam Magister & Adrianus existimant, Apostolos tum etiam in nomine Trinitatis baptizasse, id quod ego mihi persuadere non possum. Alii vero tradunt, eos baptizasse in nomine Jesu Christi, id quod verosimilius est. Sed hæc in baptismi forma tanta dissensio a certitudine dogmatis aliena est. Non itaque statum quippiam Theologi de hac re statuere voluerunt. Nec Divi Thomæ verba, si quis attente legat, aliud præ se ferunt. Videtur, inquit, quod baptismus ante Christi passionem fuit institutus, &c. Quo scilicet verbo Divus Thomas uti fere solet, cum res non est plana & definita. Itaque existimo, Divum Thomam cum dixerit, Videri, hoc ipsum sensisse, quod dixerit, videri modo, non etiam oportere. Quid autem definitivisset vir aliqui prudens, & gravis in ea re, quam rem ad fidem nihil attinere intelligeret? Non enim aut e litteris sacris, aut ex Apostolorum institutis colligi certo potest, baptismi, quod Apostolis statim a conversione sua in usum erat, peccata remittere, gratiam conferre. Nam quod Augustinus refert, Quilolus est, non indiget, nisi ut pedes laveret, sed est mundus totus; id non oportet de baptismi mundicie intelligi, sed de ea, de qua postea, Jam vos mundi estis propter teimonem, quem locutus sum vobis. Quod vero a quibusdam refertur, Ego nesciebam eum, sed qui misit me baptizare in aqua, ille mihi dixit, Super quem videris Spiritum descendentem, & manentem super eum, hic est, qui baptizat Spiritu sancto, id nihil etiam cofere ulterio quoque ipsi fatentur, qui eo testimonio abutuntur. At constat Apostolos baptizasse, Joannis 3. & 4. cap., & non baptismi Joannis, ut notum est:

De Orig. a. 1. n. 1. ad Vincent. Videt. l. 1. c. 3.

Joan. 13.

Joan. 35.

ergo

Tract. 5. & 6. in Joan. & in Epist. ad Seleucian.

In Epist. ad Seleucian.

ergo baptismo Christi. Sic enim Magister argumentatur. Sed hoc argumentum infirmum & incertius est, quam ut quid firmum certumque conficiat. Baptismus enim Joannis dupliciter vocari potest, aut Joannis instituto & auctoritate exhibitus, aut baptismus aquæ, quale baptisma Joannis erat, qui videlicet nihil aliud esset, quam meditatio quædam & præparatio ad novæ legis sacramentum. Baptismus item Christi aut sic vocari potest, quia Christo jubente & auctore ministratus est, aut quia institutus a Christo ad abluenda peccata. Dicitur ergo, nec absurde id quidem, illud Apostolorum baptisma, cujus Joann. 3. & 4. capite mentio fit, non fuisse Joannis Baptismæ in priore sensu, sed in posteriore tantum. Fuisse autem baptismum Christi, quoniam illius præcepto & auctoritate Apostoli baptizabant. Unde si quis colligat, jam tum illum fuisse verum novæ legis sacramentum, pari ratione argumentabitur, Unditionem, qua Apostoli ante passionem usi sunt, jam inde a principio fuisse verum & proprium extreme unctionis sacramentum. Quod tamen nonnulli Theologi asseruerint, non tamen expeditum est. Apud veros sane gravesque Theologos, Unditionem extremam sacramentum esse, fidei dogma est: an ante Christi passionem, an post fuerit institutum, nihil ad rem existimant pertinere. Quod idem & de sacramentis Confirmationis & Pœnitentiæ sentiunt. Nec video, cur de baptismo nos aliter sentiamus, putemulve fidei quætionem esse, num ante passionem Christi hoc sacramentum fuerit institutum. Institutum enim esse, dictu quidem est proclive. Itaque fere Theologi loquuntur: sed quis est tandem, qui hoc esse verum idoneis argumentis offenderit? Quid? quod Theophylactus in cap. Joann. tertium, & Chrysostomus homilia in Joann. 18. diserte negant, illud baptisma, de quo agimus, sacramentum esse, quod peccata remitteret, gratiamque conferret? Quid? quod Hieronymus in dialogo adversus Luciferianos, cum duplex baptisma distinxisset, perfectum & imperfectum, non obicere docet, nisi in cruce & resurrectione, nullum baptismi perfectum esse? quamobrem Joannis baptisma fuisse imperfectum. Quid? quod Leo in epistola ad Episcopos Si-

cilix inscripta, eorum omnino videtur sententiæ subscribere, qui contendereut baptismi sacramentum, non quando Christus a Joanne baptizatus est, sed post resurrectionem editum & constitutum? Quæ non eo dixi, candide Lector, quo scholæ communes opiniones improbarem. Nos enim ea Theologia plus utimur, in qua dicuntur ea, quæ non multum discrepant ab opinione communi. Quid ergo est? Primum opinionem a dogmate fecerim & inter-nosci volumus: deinde Theologos admoneri, ne affectu animi, qui præsumptus brevis est & ad tempus, sed maturo judicio de rebus hinc pronuncient, in quibus præsertim non ita facile expediri potest, ad fidem pertineant, nec ne. Nam si in exemplo, quod modo posuimus, eas rationes scripturæque testimonia liberet adjungere, quibus a contraria parte adversus communem scholæ opinionem pugnari potest, quæsitio forte in utramque partem adeo ambigua redderetur, ut difficile esset judicare, utra cum fide magis & religione consentiat. Sed, ut dixi, non disputo nunc, scholæ communis opinio verane an falsa sit: quanquam ab instituto nostro non adeo fortassis alienum: sed id apud scholasticas opiniones oportere a decretis sejungere, fideique quæstiones ab his, quæ modo huc, modo illuc transferuntur, & sine pietatis jactura possint in utranque partem disputari. Decreta arcte tenere debemus, accuratèque defendere: opiniones non item, sed si non cum Academicæ, at cum Christianæ modestiæ temperamento. Pro fide etiam cum vite discrimine pugna sit: pro his, quæ fidei non sunt, sit pugna, si ita placet, sed incurta sit raimen. Hæc præscripta servantem licet magnifice, graviter, animoseque disserere, licet judicare constanter, vere, doctèque & indoctis utiliter. Quorum hæc, inquit, non solum longe, sed longis etiam ambagibus repetita? Nempe ut explicaremus, id quod cap. superiori in conclusionibus breviter significatum est, nos non in scholæ opinione, sed in certa constantique de fide moribulque judicicia jurasse. Hæc hujus loci est deicendere, illas alterius & loci & temporis. His igitur expostis, facile, ut opinor, tertium illud argumentum retelli potest. Nego enim scholæ certo constan-
de-

decreto finitum, Matrimonium sine ecclesie ministro contractum, esse vere & proprie sacramentum. Nego eam rem ad fidem & religionem attinere. Nego omnes scholæ Theologos id asseruisse. Hæc tria cum docuero, argumentum positum omni ex parte retutatum erit.

Ostendam ergo primum opinionem communem illam esse, non scholæ dogma firmumque iudicium. Qui hoc intelligi potest? Quia de hac re Theologi videlicet ita differunt, ut nihil fuisse velle videantur. Lege Magistrum, Div. Thom. Scotum, Bonaricam, Palud. Duran. ceterosque scholæ Theologos, & nisi statim eorum pendentes ac vacillantes animos deprehenderis, tum vero me aut stultum, aut temerarium iudicato. Nam & cum quæriunt, an Matrimonium conferat gratiam, id quod eo loco maxime finendum erat, non definiunt tamen: sed in his rebus, quæ in hominum opinione sunt posita. In materia item & forma huius sacramenti statuenda, adeo sunt inconstantes & varii, adeo incerti & ambigui, ut ineptus futurus sit, qui in tanta illorum varietate ac discrepantia rem aliquam certam, constantem, exploratam conetur efficere. Quod si in forma & materia sacramenti, quæ res in sacramentorum translatione vel gravissima est, ambigue Theologi inconstanterque loquuntur, nec definiunt omnino quicquam: cur in ea questione, quæ & levior est, & minus ad sacramenti huius constitutionem necessaria, aliquid eos certi præscripsisse fateamur? Concilium certe Florentinum de materia, forma, ministro sacramenti Matrimonii præstitit nihil: id quod sine dubio faceret, cum hoc in ceteris omnibus ecclesie sacramentis fecisset, si de us rebus videret quippiam esse a Theologis in schola definitum. Præterea nunc Matrimonium sine ecclesiastico ministro novæ legis sacramentum esset, nec proprie & expresse in questione Theologi vocarunt, nec via & ratione, ut solent, vestigarunt, nec argumentis ullis concluderunt. Qui igitur vult, eos sine disquisitione attenta, sine diligenti tractatu, sine idoneis argumentationibus, certo de rebus Theologicis pronunciasse, hic videat, ne eadem opera illis & injurius sit, & in rebus quoque gravi-

simis deroget fidem. Adde, quod in conciliorum scriptis, ac summorum Pontificum epist. decretalibus id observandum est, ut non quævis simplex aut affirmatio aut negatio certum sit exploratumque iudicium, sed sunt notæ quædam peculiæ, quibus certas conciliorum Pontificumque definitiones internoscimus: quemadmodum libro 5. latius explicatum est. His ergo notis, ac multo etiam magis scholæ quoque decretis secernendis uti debemus. Alioqui si quæcumque scholasticorum simplex assertio dogma fidei certum est, major est proleto horum, quam Pontificum & conciliorum auctoritas. Quod si probari nemini potest, illud certe probari omnibus necesse est. Theologos hoc loco & quæstione nihil omnino definisse. Etenim nec sententiam adversam hæreticam erroneamve dixerunt, nec quod dixerunt, id firmiter catholicis amplectendum: breviter, nullam notam interponere earum, quæ certa constantique iudicia indicare solent.

Quæ cum ita sint, id quod primum conciliandum erat, conciliandum est: Theologos ea de re, quam modo versamus, nihil certo & constanter decrevisse, sed incerta inconstanteque opinione probabilem unius sensum ceteros esse insecutos. Ita casu quodam communis forte consensio facta est: Cum contra usu quoque venire poterit, ut si primus asseruisset, non omne fidelium Conjugium sacramentum esse, sed quod religiose sacræque fuisse constitutum; secundus, tertius, ac demum reliqui, quoniam probabile etiam id esset, eandem sententiam sequerentur. Sequitur ut ostendam, quicquid Theologos opinari contigerit, nihil tamen ad fidem spectare, an ejusmodi Matrimonium ecclesie sacramentum sit, an non sit. Quod ut mihi videor, uno hoc argumento facile & evidenter expedo. Tres sunt res, quibus efficitur aliquid ad fidem pertinere: aut enim in sacris libris habetur scriptum, aut apostolicis institutis est traditum, aut ex utrislibet plane certa complexione & consecratione colligitur. Nulla autem harum rerum efficere potest, Matrimonium sine ministro prophane contractum, esse novæ legis sacramentum. Ubi ergo, si Thomistæ omnes cum Scotistis exstant, si cum antiquis juniores volent

Cap. I.

Q

con-

contra me pugnare, tamen superior sim necesse est. Non enim, quemadmodum nonnulli putant, omnia sunt in Theologorum auctoritate. Est quaedam tamen ita perspicua veritas, ut eam infirmare nulla res possit. Experiantur hic quantum possunt vires suas, si qui forte contra voluerint dicere, & cum in hac eos causa sacrae literae, Apostolorum traditiones, Scholae syllogismi destituerint, tum vero, nisi rudes & tardi sunt, mecum omnino intelligant, eam quaestionem minime ad fidem pertinere.

At argumentabitur quispiam, fidelium Matrimonium esse novae legis sacramentum, non autem esse majorem rationem de uno, quam de alio: omne igitur fidelium Matrimonium esse sacramentum. Appellatur vero hic Theologus, aut hoc etiam nomine dignus putetur? Dum quidem ita argumentabitur, non modo Theologus, sed Philosophus, aut etiam Dialecticus omnino habendus non erit. Anne ad hunc modum graves Theologi ratiocinantur? Anne huc argumentis adducti de rebus Fidei pronunciant? Equidem Baptisma sacramentum esse scio, sed si formam sacramentumve non habeat, baptismus erit, sacramentum non erit. Undionis quoque sacramentum agnosco: sed sine sacra forma, sine ecclesiae ministro, unctio quidem esse poterit, sacramentum vero esse non poterit.

Poenitentiae demum sacramentum amplector, at sine forma sacra & ministro poenitentiam reperio, sacramentum reperire nec debeo, nec vero possum. Sic igitur, tametsi Matrimonium sacramentum est, non ideo tamen conjugium quodcumque venerari cogimur, sed id, quod formam sacramentum habeat, & a vero ecclesiae ministro consecratum sit. Alioqui, si quolibet fidelium conjugium Theologis necessario sacramentum est, quis Scotum tuebatur, qui conjugia, quae solis nubibus contrahuntur, negat esse sacramenta? Ac nisi me fallit animus, recte negat. Etenim non Magister & Divus Thomas modo, verum etiam Concilium Florentinum docet, omnia sacramenta verbis constare, quae si desint, nullum omnino confici sacramentum. Quod si semel admittimus, formam sacramenti esse posse aliquando nutus verborum loco substitutos, nullo pacto effugere

poterimus, quin & mutus sacerdos a peccatis absolvere, & mutus episcopus sacris initiare possit. Arque Matrimonium non aliis quandoque nubibus contrahitur, quam carnali copula. Cum enim post sponsalia sponsus & sponsa affectu maritali coeunt, facientur omnes & jurisperiti & Theologi verum matrimonium confici. At carnis commixtionem novae legis proprie sacramentum dicere absurdum est. Spiritus quippe sanctus, & sacramenti gratia per coitum non datur, 32. quaest. 2. cap. Coenobia. Non igitur ecclesia docet, quodlibet fidelium matrimonium sacramentum esse. Nisi quis adeo desipit, ut Cajetanum damnet, qui & probabilissime, & me quidem iudice verissime, Matrimonium, quod inter absentes per literas procuratoresque contrahitur, Sacramentum esse inficiatus est. Nam qui in hoc Cajetanum errasse clamant, hi non intelligunt nec quae loquuntur, nec de quibus affirmant. Quod si nullo idoneo & necessario argumento, sed stultis turbulentisque clamoribus alienas rescellere sententias pergunt, atque adeo damnare quae probabiliter & vere dicta sunt, tum nos in quiete & silentio taciti illorum stultitiam amentiamque ridebimus. Concedant illi, inum pro altero sacramentum sumere, cum pro altero contrahit. Concedant, sacramenta Christi absentibus administrari, eisdemque & gratiam conferre & peccata remittere. Nos enim quoniam haec absurda sunt, concedere potius volumus, ejusmodi contrahit, qui inter absentes transiguntur, matrimonium quidem verissima esse, vera sacramenta nullo modo. Quibus ex rebus breviter disputatis intelligi potest, non solum non esse dogma fidei, omne fidelium matrimonium sacramentum esse, sed etiam contrariam omnino sententiam probabiliorum esse. Quod si licuit Scoto ac Cajetano, ut vere licuit, matrimonia, quae vel non verborum, sed rerum notis, vel per procuratores conficerentur, ab ecclesiae Sacramento eximere, equa religio nos astringit, ut matrimonium, quod civiliter & prophane Judaeorum, Saracenorum, Ethnicorum more, sine sacris caeremoniis, sineque ecclesiae ministro contrahitur, sacramentum esse proprie sacramentum praesertim cum contraria sententia non

non modo probabilior, sed & ad catholicam fidem tuendam facilius, & ad Lutheranorum tela depellenda solidior sit.

Age vero, quando me in hunc locum deduxit oratio, quibus ego argumentis persuasus sum, eisdem Lectori persuadere conemur, Matrimonium ejusmodi sacramentum proprie non esse, quod scilicet & signum sanctificationis sit, & ejusdem sanctificationis in fumentibus digne causa sit. Quem laborem spero me non frustra susceperum, cum videam mecum & rationes & testimonia, & sacramentorum dentum naturam totam misceere consentire. Illud vero mihi persuasi primum, quoniam sacramenta proprie dicta, sacra sunt religionis caeremoniae. Sacrorum enim usus ad religionem, qua Deum colimus, pertinet. Quocirca Sacramentum opus est religionis. In Sacramentis quoque profitemur, nos salutem a Deo salutari quaerere: haec vero professio, quae Fidei interioris externa testatio est, ad eam virtutem attinet, qua Deo cultum exhibemus. Atque peccata, quae in sacramentorum abusu sunt, virtuti religionis adversantur. Et Augustinus non quodlibet signum rei sacrae definit esse sacramentum, sed quod sit sacrum signum. Quibus rebus efficitur, ut sacramenta divini cultus ac religionis sacra quaedam opera sint. Cum igitur Matrimonium solis verbis viri & foeminae civiliter prophaneque contractum, licet rei sacrae signaculum sit, non sit tamen opus religionis sacrum, certe non est proprie sacramentum. Alioqui si rebus sacris est significationem asfigere, ut sacramenta dicantur, serpens aeneus, atque manna proprie sint sacramenta, atque adeo in universum omnia, quae gratia significandi res sacras instituta sunt. Id quoniam absurdum est, consentiamus verum illud esse quod posuimus, con nubia sine sacro ministro, sineque aliqua religionis sacra caeremonia inita, non esse Christianae religionis sacramenta.

Deinde, concilium Florentinum, enumeratis septem novae legis sacramentis, Haec omnia sacramenta, inquit, tribus perficiuntur, videlicet rebus tanquam materia, verbis tanquam forma, & persona ministri conferentis sacramentum. Quorum si aliquod deficit, non perficitur sacramentum. At in ma-

trimonio, quod modo versamus, nullus est sacramenti minister: nullum ergo conficitur sacramentum. Nec vero audiendi sunt illi, qui putabant, virum ac foeminam esse sibi vicissim sacramenti ministros. Quos ego manifestis argumentis evincerem, nisi ad alia graviora festinaret oratio.

Præterea, fideles non se existimant esse sacrilegos, si non sunt in gratia, quo tempore sic prophane contrahunt in animis ergo fidelium inscriptum est, ejusmodi contractum non esse ecclesiae sacramentum. Nam si sacramentum esset, sacrilegium haud dubie committeret is, qui in peccato mortali conjugem duceret. Atque si excommunicatus matrimonium hujusmodi contraheret, sacrilegus quoque bis esset, utpote qui sacramentis ecclesiae se indigne ingereret, quibus privatus per ecclesiam est. Quae omnia quam abhorreant a Fidelium communi sensu, facile, etiam si ego non admoveam, intelligitur. Ad haec, Augustinus in epist. ad Bonifacium tradit, oportere res ipsas corporeas, quibus sacramenta constant, imaginem & similitudinem gerere ejus sanctificationis, cujus signa & causae esse dicuntur. Ut baptismus lotionem externam administrata, spiritualis ablutionis, quam efficit, imaginem & figuram habet. Eucharistia refectione potus cibique visibilis, invisibilem refectionem adumbrat. Eodemque omnino modo in ceteris sacramentis, externa quadam actione & representatione sanctificatio interior delineatur, & quasi ob oculos ponitur. Matrimonium autem hujusmodi civile & prophanum, nec sanctificationis imaginem gerit, nec ad sanctificandum sub quadam exteriori sanctitatis specie exhibetur: Non est itaque proprie sacramentum.

Præterea, Concilium Florentinum docet, idque Theologorum omnium decretum est, omnia sacramenta verbis constare tanquam forma, qua perficitur sacramentum. Incredibile est autem, nisi a forma sacra sacramentum perfici. Quemadmodum enim humana forma hominem efficit, & albedo facit album; ita prorsus necesse est a forma sacra quodcumque sacramentum existere. Atqui in matrimonio, quod civili more prophaneque contrahitur, nulla verba sacra sunt: nulla igitur est ibi sacramenti ne facies quidem. Nec

Epil. 13.

l. 10. de Civ. Dei c. 5.

vero dici potest, verba, quibus utuntur contrahentes, nempe, Ego te accipio in meam, &c. esse hujus sacramenti formam. Primo, quia verba ejus, qui suscipit sacramentum, materia sacramenti esse possunt, forma esse non possunt. Forma siquidem ab agente existit in passum, medianibus causis administris. Sacramentorum ergo formæ a Deo per sacrorum ministros in eos produnt, qui sacramenta recipiunt. Id quod inductione manifestissima liquet in omnibus sacramentis, quæ sine controversia sacramenta sunt. Tum quia in omnibus sacramentis, licet materia sit res aliqua naturalis, & quæ ante in humanos usus conferri soleat, forma tamen supernaturalis sit oportet, cujus scilicet & vis & significatio non a natura, sed a causa quadam superiore oritur. Cum enim sacramentum quiddam supernaturale sit, forma, qua constituitur, per fidem accipienda est, non item per naturam. At illa verba, Ego te accipio in meam, undique naturalia sunt, atque omnibus usurpata gentibus, quæ etiam sine fide contrahunt. Adde, quod forma sacramenti significat eum spirituales effectum, cujus causa sacramentum esse dicitur. Nam sacramenta, ut in scholæ proverbio est, efficiunt quod figurant. Significatio autem sacramenti in forma vel maxime elucet. Illa vero verba, Ego te accipio in meam, nullius effectû spiritualis signa sunt. Verba insuper, quæ sunt sacramentorum formæ, divina institutione præscripta & determinata sunt, neque possunt hominum arbitrio immutari, quemadmodum D. Thomas in tertia parte demonstrat. At verba, quibus matrimonium contrahendum sit, nulla sunt omnino definita: sed innumeris verborum formis, non synonymis, sed variis & dissimilibus ejusmodi contrahus fieri potest. Non ergo verba illa, quibus utuntur sponsus & sponsa ad contrahendum, forma sacramenti Christiani sunt. Præterea, quando verba aliqua sunt forma sacramenti, si natus vel scriptura, vel aliud unumquodlibet signum, eorum loco verborum substituitur, inanis nimirum actio est. At si contrahentes loco verborum natus vel scripturam supponant, æque consiciunt matrimonium, ac si verborum nullius uterentur. Quod profecto, si quis recte consideret, non leve argumentum est, cur verba contra-

hentium hujus sacramenti materia sint. Nam præterquamquod materiam sacramentis, qui suscipit, administrare potest, formam non potest, cum in idem forte sacramentum verba loco materix formæque recurrunt, pro verbis, quæ materix vicem habent, natus aliaque signa poni possunt, pro verbis autem quæ formæ vice sunt, poni non possunt. Quæ res in Penitentix sacramento facile cernitur. Verba igitur contrahentium, pro quibus omnino verbis signa quævis alia substituere licet, materia sacramenti esse forsitan queant, forma non queant. Id quod hoc etiam argumento confirmari potest. Nomen enim sacramenti pro materia accipi solet, pro forma non item: quemadmodum D. Thom. egregie diseretque docet 4. sen. d. 1. q. 1. a. 1. q. 5. ad 1. & d. 3. q. 1. art. 1. q. 1. ad 2. Baptismus enim, id est, ablutio, sacramentum est, non illa verba, Ego te baptizo, &c. Unctio, Confirmatio, Penitentiaque similiter. Verba autem contrahentium sunt sacramentum, ut idem auctor testis est additionum quest. 44. artic. 1. ad 1. Dicimus namque matrimonium esse sacramentum. Matrimonium autem contrahus ille est, qui ex amborum verbis constituitur. Verba igitur contrahentium materia sacramenti sunt, forma non sunt. Jam illa falsa & commentitia esse quis non videt, quæ juniores Theologi confinxerunt, ut civilem hunc humanumque contrahum Christi & Ecclesiæ sacramentum esse tuerentur? Quæ quidem pleraque infidelibus valde nugatoria sunt, fidelibus autem parum solida. Hic tibi dicit, contrahentes ipsos esse materiam sacramenti, hic, non ipsos, sed consensum; alius, gestus, & natus, qui a viro sœminaque exceptis verbis adhibentur; alius, prioris loquentis verba materiam esse affirmat, posterioris formam. Quæ intan graviter, vere, probabiliter dicerentur, ne jure ab hæreticis rideremur. Quorsum autem atinet, in re gravissima tenuiter, ne dicam ridicule, philosophari? Quorsum in re ad fidem & religionem necessaria tanta varietas & inconsistentia? Non enim, ut Hieronymus ait, potest unquam verum asseri, quod diversum est. Et rursum, Verum, inquit, non esse quod variat, etiam maledicorum testimonio comprobatur. Quid? quod materiam nos & formam sacramenta-

que-

quarimus, hoc est, res quasdam religionem sacras, hi vero de forma materiaque contractus prophani naturalisque respondent. Nam, si apud Ethnicos de pacti illius conventionisque materia & forma controversia esset, non aliter profecto illi ac nostri Theologi loquerentur. Ita Lutherus more suo Theologos satis jocosè luse, quod religionis nostræ sacramentum ex his vel integrum & perfectum constituerent, quæ penitus omnia in matrimonio paganorum reperirentur. Ac certe materiam & formam civilis naturalisque contractus, quibus in omni semper lege omnes usi sunt, quæque perpetuo & fidelibus & infidelibus fuere communes, eisdem omnino esse materiam & formam, quibus integra & perfecta nostræ religionis constituentur sacramenta, non Luthero dicam, sed vix cuiquam perhiacri poterit, nisi ei, apud quem tantum opinio præjudicata potest, ut etiam sine ratione valeat. Equidem cum ad respondendum argumentis Lutheri me comparo, quibus ille multipliciter sacramentum hoc conatur evertere, non id defendendum sumo, matrimonium ejusmodi sacramentum esse, in quo nulla sacri facies appareat, quodque univoce cum exteris sacramentum esse, ne cogitatione quidem informari posse videatur. Sed sive nostra opinio vera, sive falsa sit, nihil enim moror: si Lutherani de hoc matrimoniorum genere disceptare voluerint, intelligant se in scholæ disceptationibus incurrisse. Nec oportere catholicum ad eorum argumenta respondere. Sin vero argumententur, Matrimonium cum sacris caeremoniis, cum sacra materia, cum sacra forma, a sacro ministro administratum, quemadmodum in Ecclesia Romana semper usque ab Apostolis administratum est, si hoc, inquam, argumententur, sacramentum Ecclesiæ non esse, tunc catholicis respondeat fidenter, animosè defendat, secure contrapugnet. Poterit enim consentaneas causas omni poscenti reddere de ea, quæ est in Ecclesia, firma, perpetua, constantque doctrina. Poterit fidem quoque nostram & suaviter insinuare fidelibus, & graviter ab infidelium calumniis vindicare. Quam ego cum Lutheranis disputationem libentissimo nunc animo aggrededer, si id hujus libri institutum pateretur. Video autem me

plus, quam ratio argumenti positi postulabat, digressum esse: Si digressio tamen dicenda est, ubi, quod in utranque partem adeo probabiliter disputari potest, hoc nos contendimus non ad catholicam fidem, sed ad scholæ opiniones referendum. At ea res verbis paucioribus addici poterat. Poterat sane. Verum difficile est, ut in omni loco verba rebus quasi paria & dementia respondeant. Et libuit tandem quam plurimis argumentis addicere, sine ecclesiæ ministro conjugii sacramentum nullum esse, ut inde pateret, eam questionem nullo modo ad fidem atinere, quod secundo loco perlicitum fuit.

Attende nunc Lector, dum illud, quod postremum erat, absolvimus. Non omnes, inquam, scholæ Theologi in eam sententiam convenerunt, quemadmodum in argumento sumitur. Quin etiam nonnulli graves auctores nobiscum sentiunt. Atque in primis Guilelmus Parisiensis, in libro de Sacramentis, tract. de Matrimonio, capit. 9. quæst. 1. negat, matrimonium veri nominis sacramentum esse, & sacramentalem virtutem habere, nisi sacerdotali ministerio consecratum fuerit. Nam Magistrum & Durandum non refero, qui in universum opinantur, matrimonium gratiam non conferre. Qui profecto hoc loco non errassent, nisi communis opinio in extremo posita eis vehementer improbareretur. Patres item concilii Colonienfis aperte inficiantur, clandestinum matrimonium esse proprie sacramentum: atque idem quoque non obscure asserunt, aliud esse verbum, quo contrahitur matrimonium; aliud, quod efficit matrimonii sacramentum. Nec satis esse ad sacramentum ea verba, quibus mutus consensus exprimitur, sed aliud verbum requirendum, quod, ut in cæteris sacramentis, accedens ad elementum faciat sacramentum: quod utique verbum fidei sit, non naturæ. Quorum in hoc sententiam difficile est factu non probare. In eo non probro, quod verbum illud, quo sacramenti forma continetur, non inde petunt, unde semper catholicis petitum est. Enimvero quibus ritibus, quibusque omnino verbis sacramenta ecclesiæ consuecenda sint, non aliunde verius, tutius, constantius peti potest, quam ab ecclesiæ Romanæ perpetua consuetudine. Sed

Vide, etiam
quædæm
de baptismo.

de his non est hic locus differendi. Alio forte, opportunitus propriam huius sacramenti materiam & formam explicabimus. Nunc ad id, quod institutum. Non ita solum, quos diximus, nostræ sententiæ assentiuntur, sed Petrus Palud. 4. sent. dist. 5. quæst. 2. imprudens in eam quoque descendit. Nam quum vir & femina civiliter contrahunt, etiam si peccatores sint, nec penitentiam agant, non credit eos esse reos sacrilegii. Id quod nullo modo probabile esset, si ejusmodi matrimonium esset verum ecclesiæ sacramentum. Omnes quippe sine controversia sacrilegi sunt, qui post peccatum mortale sine penitentia Christi sacramenta percipiunt. D. vero Thomas licet in scriptis communes fere opiniones sequeretur, sed a veritate tandem rationeque coactus nostræ opinioni subscripsit. Cum enim in 4. dist. 1. qu. 1. art. 3. docuisset, verba in omni sacramento necessaria esse, quinto id argumento impugnavit in hunc modum: Penitentia & matrimonium sunt sacramenta; sed de integritate eorum non sunt verba aliqua, &c. Cui argumento ille quidem respondit, quod matrimonium secundum quod est in officium, & penitentia secundum quod est virtus, non habent aliquam formam verborum. Sed secundum quod utrumque est sacramentum, in dispensatione ministrorum ecclesiæ consistens, utrumque habet aliqua verba. Hactenus D. Thom. Et 4. lib. adversus gentes, cap. 78. non aliter docet nuptias sacramentum esse, nisi ad modum, quem diximus, per ecclesiæ ministros populo dispensentur. Ea, inquit, quæ per ministros ecclesiæ populo dispensantur, sacramenta dicuntur. Matrimonium igitur, secundum quod consistit in conjunctione maris & feminae intendentium prolem ad cultum Dei generare & educare, est ecclesiæ sacramentum. Unde & quædam benedictio nubentibus per ministros ecclesiæ adhibetur. Hæc ille. Ac patrum quidem memoria matrimonium proprie esse sacramentum, ita demum proditum est, si sacerdotis ministerium interveniat. Sic Calixtus in epist. ad omnes Galliarum episcopos prodit. Sic Cyricius ad Cumerium Tarraconens. episcopum, cap. 4. Sic Nicolaus 31. quæst. 1. c. Lotharius. Sic Hormisdas, Evaristus, Isidorus, quos refert Gratian. 30. q. 6. prodide-

re. Sic concilium Carthagenense 4. c. 13. referturque 30. q. 5. c. Sponsus. Sic concilium Lugdunense, & refertur 35. q. 3. ea. Nulli. Sic concilium Lateranense de Sumo. c. Cum in ecclesiæ corpore. Sic concilium Constantiense sub Martino V. in fine concilii. Sic Clemens de privileg. Religiosi. Sic Ambrosius lib. 1. epistolarum, epist. 1. quæ scribitur ad Vigilium. Quorum ego testimonia nec adscribo, nec expendo, quoniam, ut dixi, alterius & loci & temporis est disputatio. Certe Evaristus matrimonium clandestinum sine sacerdote contractum, tantum abest, ut sacramentum ecclesiæ faceret, ut adulterinum etiam contubernium appelleret. His adde, quod nostræ etiam opinioni subscribunt jurisperiti prope modum universi. Qui, quum negant matrimonium gratiam conferre, sine dubio id intelligunt de contractu civili, quem sacramentum latius usurpato vocabulo appellant. At eum administratio sacerdotalis accedit, non obscure jurisperiti tradunt, per actum sacerdotis consecrantis conjugum gratiam conferri. Ideoque non licere pro eo pecuniam accipere: quia sacramentum ecclesiasticum est. Ubi jureconsulti probabilis, ut equidem sentio, quam theologi loquuntur Tamestis Theologi etiam quidam docti sane & graves inventi sunt, quibus communis illa reliquorum sententia displicet. Pro qua si qui adhuc contra nos steterint, non habent statim nostra placita damnare, sed idonea aliqua argumentatione refellere. Ego enim etsi non is sum, qui nihil unquam falsi approbem, sed ea, quæ dissero tamen, non arroganter præjudico, nec revoco ad arbitrium meum, sed vel sanctorum testimonio, vel ratione probabilis consentaneæque confirmo. Sic jure ac merito possum a viris doctis postulare, ut de me non nisi causa cognita judicent. Quod si rationibus, quibus ego ducor, falsam me habere sententiam doceant, gratissime accepturus sum. Ut vero sine argumentis quisquam sola me asseveratione vincat, heri certe vix potest. Sed de scholæ auctoritate dictum est satis.

in epist. 1.
sorum de
dictorum.

CAPUT VI.

De auctoritate juris Pontificii pruden-
tium.

ATque hic quidem liber concludi jam poterat, nisi Theologiæ juris pontifici prudentia jungeretur, elsetque proinde hoc etiam loco explicandum, quantum juris hujusmodi prudentium auctoritas Theologo ad argumentandum conferat. Sunt enim quidam usque adeo in ea facultate doctis infensi, ut illorum auctoritatem ab usu prorsus Theologiæ remotam esse arbitrentur. Nos vero, hujusmodi doctorum auctoritas quanti sit Theologo faciendæ, paucis ostendemus, illo principio sumpto, Theologis, qui Pontificum canones ignorent, nimis multa deesse ad usus Theologiæ necessarios.

Principio enim, si a Theologis animarum cura non est aliena, sed potius animas regere, eorum quasi peculiare munus est, procul dubio canonici juris scientia est illis necessaria. Nam quemadmodum non est in Abbatem eligendus, nisi qui ante fuerit in regula competenter instructus, ut e. Offici de elect. Inno. tradit: ita ne cura quidem Ecclesiam gubernandi est ei committenda, qui ecclesiasticas regulas nescit. Theologus igitur, qui vel episcopus vel parochus futurus est, nisi canones ante didicerit, quibus fideles debent in Christiana religione & ecclesiæ ceremoniis institui, non habebit profecto ad rem hanc publicam gerendam Theologiæ officinam satis instructam. Atque hinc illa sunt ex Cælestino, Leone, Augustino, septima synodo, concilio Carthaginiensi, concilio Toletano 4. concilio Aurelianen. 4. quæ partim a Gratiano, partim a Burchardo referuntur. Quibus omnibus locis idem omnino præscribitur, hoc est, sacerdotes Canonum ecclesiasticorum oportere esse peritos. Episcopus item juris canonici intelligentiam esse necessariam, facile ostenditur ex c. Accedentibus, de excess. prælat. Ubi definit pontifex, ad episcopum pertinere de causis matrimonialibus cognoscere; publicas penitencias vel injungere, vel tollere, indulgentias concedere. At hæc omnia nisi sciat, quomodo & quatenus per jus liceant, nul-

la ratione rite agere potest. Quæ de re quoniam late differunt in notem. Hostien. Anton. de Butri. Cælin. Abbas, & cæteri jurisperiti in cap. Cum in cunctis, de electio. & in cap. Nisi cum pridem de renun. & in cap. 1. de consanguinit. & affinit. Gratianus quoque 21. dif. Cosmus in pragmat. sanctione Gallicana, tit. de collatio. 5. taliter. Joan. de Anania in cap. Quia nonnullis, de magistris. Augustin. de Anco. in lib. de potestate eccles. quæst. 108. art. 3. Anton. 3. part. tit. 5. cap. 2. nos hic nil superaddemus. Solum argumentabimur, canonici juris cognitionem Theologo esse pernecessariam. Cum enim Theologi propria functio sit, exhortari fideles in doctrina sana, idem quippe Theologi, qui magistris animarum esse dicuntur: doctor vero ecclesiæ non divinas modo leges, verum etiam ecclesiasticas populum docere debeat, absurdum sane est, auferre a Theologi munere canonum disciplinam. Nam licet in scriptura sacra præcepta vivendi majori ex parte tradantur, sed, ut Cardinal. Turrecremat. in præmio decreti docet, doctrina morum in specie, secundum gradus singulos & ordines officiorum ecclesiæ, sine juris ecclesiastici cognitione non habetur. At sermones morales absoluti esse nequeunt, si generatim & non speciatim habeantur, ut Aristotel. in ethicis suis monet. Ad disciplinæ igitur ecclesiasticæ cumulum Theologus nimirum sacras ecclesiæ leges debet addicere. Confirmat autem hoc vel maxime Concil. Lateranens. sub Innocent. III. in cap. Quia nonnullis, de Magistris. Præcipit enim, quod theologus in Ecclesia Cathedrali ad docendum constitutus, sacerdotes doceat in sacra pagina, & in his præsertim informet, quæ ad animarum curam spectare noscuntur. Atqui in canonibus plurima sunt instituta, quæ ad animarum pertinent curam: canones igitur non habet theologus ignorare.

Præterea, omnis doctrina divinitus inspirata, utilis est ad docendum, arguendum, & corripiendum, ut perfectus sit homo Dei ad omne opus bonum instructus. 2. Timoth. 3. At canones ecclesiastici instituti Spiritus sancti sunt editi, ut Damasus ait 25. questione prima, cap. Violatores.

Præterea, Theologi a summo pon-

Q 4 uisc

Gratian.
dist. 18 &
61. & Burch.
cha. d. 1. &
c. 113.

D. Anton.
m. 1. p. 118.
M. C. 2. p. 6.

tificæ & episcopis asciscuntur, tanquam adjutores & comministri, non solum in predicationis officio, verum etiam in audiendis confessionibus & penitentibus injungendis, ac ceteris ejusmodi, quæ ad salutem animæ pertinent: ut ex cap. Inter cetera, de offi. judi. ordina. tum etiam rerum experimento docemur. Confessiones autem audire, ac penitencias injungere sine juris peritia vix quisque possit. Nam quod Caceranus dicit, penitentes in excommunicationibus, suspensionibus, irregularitatibus, aliisque ejusmodi penis ad jurisperitos remittendos esse, ne confessor ipse alterius facultatis onere pregraveretur, id ignoro proflus quemadmodum sine magis incommo- dis fieri queat.

Primum enim interdum in penas juris incurrunt feminæ, quas pro conscientie remedio jurisperitorum adire domos absurdum erit, ac certe parum muliebri verecundie consentaneum. Deinde etiam cum jurisperiti & scientiam & verba locare soleant, ad confessionis sacramentum non nisi prius data pecunia erit accessus. Adde, quod homines vel sacerdoti verentur sua peccata detegere. Quod si ad jurisperitos etiam relegeretur, sacramenti hujus onus gravius efficitur, quam ut seiri ab imbecillis possit. Sed quid ego incommoda numerare pergo, in quæ confessores incidunt necesse est, atque adeo penitentes, si confessores ipsi canonum sunt ignari? cum manifestiora sint, quam ut indicare debeamus. Fatendum est igitur, juris peritiam theologis magno usui futuram. Nec adeo longe repetita argumenta conquirere opus est, cum passim ipsi videamus, quanta canonum multitudine theologorum sint repleta volumina, illorum præsertim, qui indices questionum scribere, quas summas nuncupare consuevimus. Ubi quantum jus canonicum theologis conferat, vel ipsi judices esse possunt, qui, quantumvis eximia doctrina polleant, has & lepunt, & amant epitomas. Sed & summa ipsa Cacerani, si, quæ ex jure canonico multa continet, demas, magna ex parte imperfecta reperitur.

Præterea, cum ad theologum nullæ causæ frequentius referantur, quam matrimonii, si non respondeat, indoctus habebitur, sin citra juris peritiam respondet, ne dicam impudens, erit im-

prudens: nam, ut Alexan. cap. 1. de con. & aff. tradit, causæ matrimonii non sunt tractandæ per quoslibet, sed per viros discretos, & qui statuta canonum non ignorent. Ad hæc, summorum pontificum decreta a jure divino, hoc est, a libris utriusque testamenti dimanasse creduntur, id quod habes de transla. episc. cap. 1. & de accusa. cap. Qualiter & quando, secundo. Cum ergo Theologia ex eisdem fontibus suos rivulos ducat, incepte nimirum theologus faciet, nisi opera summorum pontificum velit uti: qui cum imitatorum consiliis exquisitis, tum Spiritu sancto suggerente, ex divinis oraculis dogmata & leges, sive ad fidem, sive ad fidelium mores, & ecclesiasticos ritus, & ceremonias collegerunt. Item theologica facultas non est ejusmodi, ut tantummodo animo rem cernat; sed etiam aliquid molitur & facit. Est enim, ut scholæ verbis utar, partim speculativa, partim practica, quemadmodum Divus Thom. prima part. quæst. prima, articulo quarto demonstrat. At juris canonici disciplina Theologia quædam practica est, ut Alvarus Pelagius docet lib. de planctu eccles. secundo, art. 10. tum quia ejus facultatis finis est, dirigere animas per canonicas leges in salutem æternam: tum etiam, quia in solo volumine decretalium multi casus & articuli continentur, utiles & necessarij tam in consiliis animarum, & penitentiarum foro, quam in regendis & disponendis ecclesiis, & rebus ecclesiasticis. Agit enim liber ille de baptismo, de sacra unctione, de celebratione nuptiarum, de Matrimonio, de ordinibus, & ceteris sacramentis: de statu Monacho, de clericorum honestate, de voto, de jurejurando, atque aliis ejusmodi, de Simonia, de perjurio de usuris, de furtis, & reliquis id genus criminibus, de irregularitate, suspensione, excommunicatione, interdicto, penisque similibus. Quæ omnia si theologus ignoret, non solum idiota erit, ut cap. Ex multa, de voto Innocen. vocat, sed in multis, præsertim quæ ad actionem pertinent, & ad mores Christianos, hallucinabitur. Atque minam theologus, qui juris canonici sunt penitus ignari, vel a decernendis conscientiarum casibus absterneant, ne imperiti risu haberentur, cum de his nonnunquam respondent

In feminis,
V. confessor
et necessa-
ria.

Y. Innocen.
sup. processu
Decretal.

ut magistri, quæ nunquam ut discipuli didicerint, vel certe ea essent modesta prædita, uti jurisperitos consulere, ne divinando de sensu proprio responderent. Quod si docere vellemus, in quot errores Theologi nonnulli ob juris pontificii ignorationem incurrerint, facillimum quidem esset, nisi esset longum, & alio nostra oratio properaret. Sentiamus igitur, id quod positum est, juris canonici doctrinam theologo esse valde necessariam, eo vel maxime, quod summi pontificis, & conciliorum auctoritas, quæ hujus doctrinæ voluminibus continetur, theologis argumenta subministrat propria theologicæ facultatis, ut abinde duobus aut libris demonstratum est.

CAPUT VII.

Quis usus Juris Canonici in Theologica facultate.

Sed enim hoc positum non adhuc apparet, cuinam usui juris interpretes & professores theologis discernentibus esse possint, quæve argumenta & qualia eorum auctoritas: theologicis disputationibus administret. Id quoniam nemo vel leviter attingit, dicam ego, ut potero, incondite iortasse, sed tamen ut res possit intelligi. Juris pontificii volumina circa varia rerum genera versantur. Primum enim catholicam fidem & profitentur & explicant, ut in tit. de sum. Trinit. Deinde de moribus deservunt, & religione Christiana, quantum aut ex evangelica lege, aut naturæ ratione definire licet: ut vid. re est in tit. de u. rura, de jurejurando, de divortio, de simonia. Præterea differunt quoque de moribus ecclesiasticis, deque religionis caeremoniis, & officiis ministrorum ecclesiæ, quatenus hæc omnia disponuntur legibus positivis, nam scholastico verbo libenter utimur: nec Grammaticorum censuras pertimescimus: Alioqui, ut Aristoteles ait, res gravissimæ interdum nitore verborum atque ornamenti immodicæ diligentie deformantur. Atque hæc mihi causa est, cur sermone eo quantoque utar, qui scholæ notus est, ne, ut quidam latissime loquentes, a scholæ theologis jure optimo irridat. Quoniam vero scio, graves sententias inconditis verbis elatis, delicatiorum præsertim aures offendere,

adhibere soleo sermonis munditiam non odosam, nec exquisitam nimis, tantum quæ fugiat agrestem quorundam negligentiam. Sed ad rem. Humanas ego leges de ritibus & moribus ecclesiasticis, quoniam sic vocant, positivas appellavi: Quales sunt multæ in tit. de celebra. Miss. de cleri. peregr. conjugatis, &c. de ætate & qualitate ordi. de obfer. jeju. & brevier in lib. 1. de re. de officiis judicum, & in 2. de ordine judiciorum. Postremo autem hujusmodi pontificia jura præscribunt penas his, qui leges vel evangelicas, vel naturales, vel etiam ecclesiasticas perurperant, ut in tit. de exco. de ræpeo, de apost. de hæreticis licet cernere.

Hoc igitur fundamentum positum, sit prima conclusio. In his, quæ ad fidem pertinent, jurisconsultorum auctoritate theologus non eget. Quin potius eorum titulorum expositionem, qui de fide discernunt, legisperitus a theologo mutuari debet. Ratio vero in promptu est. Nive enim pontifices, seu concilia, quæ in volumina juris coguntur, quicquam desiniant, quod ad fidem spectare videatur, id certe, ut alio jam loco explicavimus, non ex sensu suo, sed ex facris literis, atque Christi & Apostolorum traditionibus colligant necesse est. Cum ergo principia, unde pontifices & concilia ad quæstionem fidei decernendam proficiuntur, propria sint Theologicæ facultatis, cujus est cognoscere, quæ a Deo sunt revelata, quæque his sunt vel consequentia, vel repugnantia: plane conficitur, in ejusmodi rebus canonum sacrorum intelligentiam, non a jurisperitis, sed a theologis esse petendam. Id quod pares, quibus est fidei cognitio mandata, libenter agnoscunt. Non enim prius quoniam hæreticos crimine damnaat, quam theologos definierint, quod in judicium veniunt, id hæresim esse.

Quæ cum ita sint, non video equidem, quoniam consilio nunc apud nostros in negotio cognitionis fidei partes potestem, ne dicam nullæ, theologis permittantur, jure consultis vero vel primæ, vel etiam omnes. Cumque præcipuus sit in hoc negotio labor decernere, quid hæresis sit, quid hæreticum faciat, quid fides teneat, quid contra cum fide pugnet, quantum & quatenus doctrinæ sanæ ac catholicæ adversetur id quod reus asseruerit: ad reorum quidam

I. Concl.

dem pœnas decernendas, quod posterius est, decreti sunt in republica iudices; ad illud autem, quod & gravius est, & in fidei negotio prius, nullos habet respublica theologos patres conscriptos, quorum de culpis iudicium, cum de pœnis iudicant, jurisperiti sequantur. Faxit Christus, ejus hæc causa est, ut principes Christiani, qui huic operi, quo fides & religio continetur, libentissime favere solent, rem, quam semel ceperunt, absolvant, & gravissimo tribunali theologos probatissimos, probatissimos inquam, adjungant, ad hujus divini negotii absolutissimam moderationem. Id enim si fuerit ecclesiæ præstitum, nihil erit, quod in sanctissimo & maxime necessario inquisitionis officio desideretur. Sed de prima conclusione satis. Jam pergamus ad reliqua.

2. Conc.

Secunda Conclusio. In his etiam, quæ ad mores pertinent, quatenus vel lex evangelica, vel ratio Philosophiæ de hujusmodi præscribit, jureconsultorum auctoritas parum, aut certe nihil Theologo conferre potest. Quin rectam & sanam earum rerum cognitionem jurisperiti a theologis mutuam accepturi sunt. Nam quemadmodum Musicus ab Arithmetico conclusionum suarum rationem sumit; quod hæ conclusiones a principiis Arithmetice derivantur: ita & si quæ dogmata de moribus jus Pontificum vel ex evangelio, vel ex philosophia colligit, ea sane tanquam a propriis principiis accepta theologus agnoscat, rectiusque & intelliget, & interpretabitur. Qua ex re facilis conjectura est, jurisperitos quosdam in summo errore, & magna veritatis ignoratione versari, cum asserunt in materia usurarum, simoniarum, & aliis ejusmodi, in quibus de peccato mortalitatur, ad jurisperitos potius, quam ad Theologos recurrendum. Quo in errore fuerunt Ancharanus in disputatione, ejus initium est, Antiquis & modernis temporibus, & Joannes de Anania, in cap. in civitate, de usuris, & Alexander in concilio primo, & Alvarus Pelagius lib. 2. art. 20. & Hostiensis in cap. penult. de atat. & qual. ordin. Quos tamen non est difficile refellere. Nam cum Theologo sacrarum literarum cognitio propria sit, quæcunque de moribus vel in sacris literis continentur, vel ex eisdem per certam connexionem consueverunt, ubi Theolo-

gus invenerit, ea tanquam sua vendicabit; jurisperitus autem ut aliena mutabitur. Cumque rursum philosophia principia a theologis etiam habeantur, ut qui de virtutibus & vitiis, de fine humanæ vitæ, deque actionibus, quibus ad hunc finem pervenitur, longe lateque differant, & super harum rerum jactis fundamentis morum fabricam extruant: certe quæ in jure de moribus ex principiis naturæ ratione constitutis præscribuntur, ea theologus quasi suo sibi jure assumet, jureconsulti exposita & enucleata tradet.

Tertia Conclusio. In tertio illo genere rerum, ubi scilicet de moribus ecclesiæ & religionis institutis per leges tantum pontificias decernitur, in illo etiam postremo, ubi pœnæ juris præstuntur, jurisperitorum omnium communis consensus, concorsque sententia Theologo magnam fidem facere debet, si quando incidat questio circa res hujusmodi. Ut si exempli causa veniat in dubium: An hic aut ille homo sit vel irregularis, vel excommunicatus, vel interdictus, vel suspensioni obnoxius. Item an delegatus possit subdelegare, an episcopus in his, illi se possit dispensare (scholæ verbis liceat uti) an ecclesiæ pastor rite sit electus, num iudex ecclesiasticus causam in iudicio legitime definierit. In his, aliisque sexcentis hujus generis, theologus insolentissimus erit, si, quod ignorat, judicavit: insolentior, si, postea quam jurisperitos consuluerit, omnium auctoritati resistatur. Etenim, ut alias sæpe diximus, cujusque rei peritia non aliis certius, meliusque contingit, quam ejusdem rei peritis hominibus. Ita, doctissimis quibusque in arte sua habere opus est. Juris ergo Pontifici prudentibus in his, quæ propria sint illius facultatis, non credere, erit profecto temerarium.

Deinde in ejusmodi canonum interpretatione Ecclesiæ iudices & administri, concordem omnium jureconsultorum sententiam amplectuntur. Qui enim in actionibus vel iudiciis Ecclesiasticis, suo sensu & non communi jurisperitorum omnium diceretur, sine dubio suo illum iudicio ecclesiæ coerceret. Ita ecclesiæ usum iudicium approbando, eorum quoque videtur intelligentiam approbare, quos hi in ecclesiæ administratione sequuntur. Nec alienum est a vera conjectura, Christum Domi-

3. Conclus.

De ecclesiæ cap. 1.

DOMI

num juris hujus pericis quodammodo etiam adesse in legum ecclesiasticarum vera interpretatione. Cum enim sacri canones instigante Spiritu sancto, ad ecclesiæ sint utilitatem editi, ut Damasus Papa definivit, consentaneum est, ut ecclesiæ, cui canones illi sunt necessarii, quò in religione & moribus ecclesiasticis contineatur, interpretes a Deo sanos acceperit earum legum, & institutorum, quibus est administranda. Parum enim profuisset leges mortuas in membranis scriptas habere, nisi haberet quoque respublica Christiana vivos interpretes, qui rectum earum legum sensum assequerentur. Deus itaque, quoniam non deficit in necessariis, non in theologos solum, sed in juris Pontificii peritos spiritum veritatis effudit. Quapropter ex concordia omnium sententia

probabilissimum argumentum sumere theologus potest, ad eas quæstiones discernendas, quæ circa illa duo rerum genera posteriore loco posita exorientur. Exorientur autem in utroque genere plurimæ, quarum definitionem theologis ignorare fas non est: his vel maxime, qui aut laicorum & clericorum confessiones audiunt, aut etiam Theologiam in Academiis profitentur. Hi enim, quoniam de multis, quæ ex jure pendent, magnum munus respondendi sustinent: si responsa, atque decreta jurisconsultorum negligant, periculose nonnunquam, ac turpiter errabunt. Quæ autem cum viris in sua quibusque arte peritis consuluntur, ea aut minimo, aut nullo certe periculo respondentur. Ac de septimo quidem loco satis dixisse mihi videor.

Finis Libri Octavi.

DE OCTAVO LOCO,
QUI
RATIONIS NATURALIS
Argumenta continet.
LIBER NONUS.

CAPUT L.

*Primus error in hujus loci usurvatus,
ne plus aequo in re Theologica ra-
tioni naturali tribuatur.*



Equitur, ut doceam, quidnam argumentorum rationis naturalis Theologo suppediteat, quod in octavo loco me adurum pollicebat. Agam autem quantum res ipsa patietur, brevissime. Est enim hic locus late patens, & quamquam non est theologiæ proprius, sed alienus, magnus tamen est, & cum ab scholasticis reliquis, tum a D. Thomæ familia exculius uberrime. Non quod de loci hujus aut vi, aut usu quisquam adhuc scholæ theologus disputaverit, sed quod universi philosophiam, externasque naturali ratione partas disciplinas, vel in scholam Christianam invexerint, vel certe ab aliis invecas excoluerint, pro sua quidem facultate quisque, sed in theologorum, ut ita dicam, grege sine controversia D. Thomas excelluit. Principio autem in hujus loci tractatione duos errores contrarios fugere debemus. Unum eorum, qui usque adeo argumentis a ratione ductis addixerunt se, ut sive disputent, sive scribant, scripturam sacram, sanctorumque Patrum libros ne legisse quidem videantur. Qui parum illis dissimiles sunt, quos Eusebius s. lib. hist. eccles. postremo capite commemorat, in tantum stultitiæ prolapsos, ut si quis sermonem de scripturis proposuisset, illi e contrario proponerent, utrum ille sermo, de quo agebatur, conjunctum an separatum genus syllogismi faceret. De quibus rursum Eusebius, Derelinqentes, ait, sanctas scripturas Dei, geometriam tra-

ctant, & qui vere de terra sunt, de terra loquuntur: & ideo eum, qui de sursum est, & de cœlis venit, ignorant. Denique Euclides apud eos vel maxime in Geometriæ disciplinis viget. Sed & Aristoteles, & Theophrastus ab his in admiratione habentur. Galenus vero a nonnullis eorum adoratur etiam. Ac fuisse olim in ecclesia nonnullos, qui rationem auctoritati præferentes, rein theologicam syllogismus absolverint, Augustinus in epistola ad Dioscorum numero 56. Bernardus quoque epist. 189. testes locupletissimi sunt. Hoc vero seculo fuisse etiam in Academicis multis, qui omnem ferme theologiæ disputationem iohannisticis, ineptique rationibus transegerint, utinam ipsi non fuissetis experti. Egit autem diabolus, quod tunc lachrymis non queo dicere, ut quo tempore adversum ingruentes ex Germania hæreses oportebat scholæ Theologos optimis esse armis instructos, eo nulla prorsus haberent, nisi arundines longas, arma videlicet levia puerorum. Ita irriti sunt a plerisque, ac merito irriti, quoniam veræ Theologiæ solidam effigiem nullam tenebant, umbris utebantur, easque ipsas utinam sequerentur. Peruntur enim e scripturæ sacræ principis, cujus illi vel umbras non sunt assecuti. Quocirca homines verbo tenus in Theologia magistri, pugnare illi quidem adversum ecclesiæ inimicos, sed valde tamen infelicitate. Male enim se res habet, cum quod ingenio & eruditione effici debet, adtentatur a viris, qui & ingenio parum valent, nec sunt admodum eruditi. Errabant illi autem a principio statum studiorum suorum. Cum enim facultates eas, quæ linguam expoliunt, unum in modum neglectissent, cumque se in sophistica arte torquissent du-

rius, tum demum ad Theologiam aggressi, non Theologiam, sed sumum Theologæ sequuntur. Quod si vituperandi sunt, qui per ignorantiam erraverunt, quid de iis existimandum est, qui volentes & prudentes in errorem inciderunt? Nam cum rem perditam & collapsam suam restituere auctoritate deberent, temporis, ut inquit, servientes, non modosophisnata non profligant, verum etiam auxerunt. Quæ nimirum cum a philosophia, tum vero magis a Theologia tollenda sunt, eaque arguendi ars, quæ vult illa quidem videri se esse Dialecticam, sed abest ab ea distatque plurimum. Dialectica enim est locata in peritis usque partiendi, finiendi, argumentandi, id quod Theologo est per necessarium: Sophistice autem nihil habet nisi argumentationes vanas, quarum nullus in Theologia fructus est. Quin adeo nulla perniciēs Theologiæ major inveniri potest, quam in sophismatum hæc simulatio Theologiæ. Ex quo illa absurda nascuntur, ut sophistæ Theologi esse videantur. Quod si quem etiam ista delectant, ne bellum omnino indixisse videar sophismatibus, quorum est etiam fortasse quidam modus, non intelligo, quid causæ fuerit viris doctis, ut sub Dialecticæ nomine exponibiles, obligationes, insolubiles, reflexivas, aliæque id genus monstræ in scholam intulerint, de usu autem Dialecticæ non fecerint ne verbum quidem ullum. Nonne ipsæ illa sunt pueris utilia? sint. Nam nos quoque sophistæ fuimus aliquando: sed obsecro, ita utilia habeantur ista, non ut ornamenta virorum, sed ut exercitamenta puerorum. Atque vel ipsi pueri intelligant, sophismatum brevem quandam ludum esse oportere, aliumque usum a Dialectica requirendum, Philosophiæ, Theologiæque maxime necessarium. Verum hæc hæcenus. Jam ad propositum revertamur. Qui ipsius Theologiæ dogmata humanis metiuntur argumentis, nec ea, quæ a ratione ducuntur, volunt præponderari auctoritate, hi primum omnem vim Theologiæ & gravitatem amittunt, deinde iaciunt, ut Theologia detracta auctoritate non solum condemnatur, sed ne Theologia quidem sit. Nam si vera & legitima Theologia est, a fide descendat oportet, ubi huius facultatis propria principia resident, quemadmo-

dum in huius operis initio constitimus. Fides autem tota scripturarum & ecclesiæ auctoritate continetur. Quamobrem satis exploratum habere possumus, quam male valeant ii de re Theologica aut scribere aut disputare, qui sacros libros, Apostolorum traditiones, conciliorum dogmata, juris pontificii decreta, sanctorum veterum doctrinam vel rejiciunt vel ignorant. Itaque hoc quidem opinantium genus pellatur e medio, est enim totum improbabile & impium, qui opinantur apertior theologo ea argumenta esse, quæ ex ratione, quam ea, quæ ex auctoritate ducantur. Rebus enim ante dictis aperte intelligitur, cum de Deo præsertim, divinitusque mysteriis disputatio incidit, argumentis philosophiæ præponenda esse argumenta, quæ continent ad Dei fidem, quæ nihil Theologo debet esse antiquius. Sed prioris huius erroris levitas, quoniam facileprehenditur, non est pluribus retutanda.

CAPUT II.

Extremum aliorum errorum percontes, qui a natura rationibus prorsus abhorrent; quorum etiam argumenta proponit.

Alter autem error illorum est, qui solis sacrarum literarum testimonio aut interdum etiam scriptorum veterum, omnia definiunt, ab argumentis naturæ haud aliter abhorrentes, quæ si essent Theologiæ adversa & inimica. Hunc autem errorem plurimis testibus suadent. Ac primus testis citatur Gregorius Nazianzenus, orat. 1. in Julianum, ubi ait, disciplinam nostram esse Pythagoricam. Acqui apud Pythagoræos tantum auctoritas præjudicata poterat, ut sine ratione valeret. Alter est Hieronymus in 10. Matthæi caput, quo loco non vult Evangelii doctores humanæ rationis præsidio niti. Quia huiusmodi, ut inquit, virga & baculus arundineus est, quem si paululum preffris, frangitur, & manum perforat incumbens. Et in 31. caput Hieronymi, de verbis Dei humano sensu argumentari, dicit esse sacrilegium. Tertius est Aug. lib. 1. de actis cum Felice Manichæo, capit. 10. Cum enim Felix Manichæum esseret, quod do-

1. Arg.

cuius discipulos suos initium, medium, & finem, & quomodo, vel quare factus sit mundus, de cursu solis, & lune, deque aliis huiusmodi rebus physicis; Augustinus contra ait, quod Spiritus paracletus non docet has veritates. Christianos enim vult facere, non Mathematicos. Sufficere autem, ut homines de his rebus propter humanos usus noverint id, quod in schola didicerunt, scilicet priusquam ad Christi religionem converterentur. Propter humanos usus, inquit: ad usum igitur Theologie, humanæ ratio doctrinæ nihil catholico proderit. Referuntur etiam a Gratiano trigesima septima distinctione duo testimonia, unum ex Ambrosio, alterum ex quarto Concilio Carthaginensi, quibus suaderi videtur, humanas disciplinas, ut perniciosas, vel certe ut inutiles, a Theologia repellendas. Concilium quippe Carthaginense quartum vetat episcopis, ne libros gentilium legant. Ambrosius autem dicit, Astrologiam, & alias huiusmodi disciplinas nihil valere ad salutem, sed in errorem mittere. Epiphanius quoque hæresi septuagesima sexta adversus Actium disserens, ait, quod non revelat Deus Patrem & Filium per Spiritum sanctum his, qui de ipso per syllogismos ratiocinantur. Qui ergo in Theologiam humanas rationes invehunt, hi divinæ revelationis non possunt esse participes.

1. Arg. Nec solum testimoniis Patrum, sed sacrarum etiam literarum abutuntur in sui erroris confirmationem. Principio enim asserunt illud Ecclesiastes primo. Proposui in animo meo quærere, & investigare sapienter de omnibus, quæ sunt sub sole. Hanc occupationem pessimam dedit Deus filiis hominum, ut occuparentur in ea. Vidi quæ sunt cuncta sub sole, & ecce universa vanitas, & afflictio spiritus. Si ergo occupatio pessima est studium humanæ literaturæ, si vanitas, & afflictio spiritus, non est profectio a Theologis expectanda.

3. Arg. Deinde argumentantur ex illo Proverbiorum quinto: Ne intederis fallacix mulieris: fatus enim distillans labia meretricis, &c. Et postea, Quare seduceris, fili mi, ab aliena, &c. Hanc autem humanam sapientiam interpretantur, quam nimirum esse fallacem ad Colossenses secundo testatur Apostolus in hæc verba: Videte ne quis

vos decipiat per philosophiam, & inane fallaciam.

Addunt illud primæ ad Corinthios primo: Perdam sapientiam sapientium, & prudentiam prudentium reprobo. Ubi sapiens? ubi scriba? ubi inquisitor huius seculi? Nonne stultam fecit Deus sapientiam huius mundi? Addunt etiam illud ex eodem Apostolo, primæ Corinthiorum octavo: Scientia inflat. Aliud quoque primæ ad Timotheum sexto: Si quis non acquiescit sanis sermonibus, & ei, quæ secundum pietatem est, doctrinæ, superbus est, nihil sciens, sed languens circa quæstiones. Quo loco volunt Apostolum significare, disciplinas humanas morbos esse, solamque Christi doctrinam esse sanam: hanc secundum pietatem, idest, religioni conformem & consentaneam esse, illas non esse.

Præterea, Apostoli non habuerunt Philosophiam: non est igitur Theologia necessaria. Si enim Spiritus sanctus docuit Apostolos omnem veritatem, juxta Domini pollicitationem Joannis decimosexto, & has disciplinas non docuit; sequitur non esse Christiano doctores utiles, atque adeo ne versari quidem circa veritatem. Præterea, vel Philosophia est Theologia necessaria, dum imperfectos in ecclesia instruit, vel dum perfectos alloquitur. Imperfectis lac Apostolus dat, nec existimat se quicquam inter huiusmodi scire, nisi Christum, & hunc crucifixum. Perfectis vero sapientiam loquitur, non huius seculi, neque principum huius seculi, hoc est, Philosophorum. Non ergo Theologus Philosophia eget, five cum parvulis, seu cum provecioribus sermones divinos conferat.

Pergunt etiam argumentari, quod si utilis, & necessaria esset Theologo philosophia, hoc esset ob id maxime, quod non alia via, & ratione melius Philosophi Christo repugnantes evincerentur. At hoc constat esse vanissimum. Primum, quoniam evacuaretur crux Christi, ut Apostolus ait, si de philosophis, & sophistis per humanam sapientiam triumpharet. Rursus, quoniam, ut idem Apostolus secundæ ad Corinthios capite decimo auctor est, arma Christianæ militiæ non carnalia sunt, sed potentia Deo ad destructionem munitionum: consilia destruentes, & omnem altitudinem extolentem se ad-

4. Arg.

5. Arg.

6. Arg.

1. Cor. 2.

adversus scientiam Dei, & in captivitate redigentes omnem intellectum in obsequium Christi.

Non ergo Theologus, Christi miles, humanarum disciplinarum præsidis eget, ut fidei adversarios possit evincere. Id, quod exemplo Nicæni Concilii facile demonstratur, ubi Philosopho superando plus valuit simplicis hominis sincera fides, quam omnes omnium Dialecticorum, & Philosophorum argutix. Certe Hieronymus ad Pammachium adversus Joannis errores, argumenta a ratione ducta, & de gentiliū fonte manantia, tanquam gentiliū arma, Christiano dicit esse deponenda. Postremo etiam argumentantur, Christi doctrinam perfectam esse: non itaque philosophiæ subsidium indigere.

C A P. III.

Memorati erroris architectos, ac sectatores persequens.

His argumentis nituntur illi, qui in hoc errore fuerunt. Nam iussit quodam testatur Clemens Alexandrinus primo Stromatum libro in hæc verba: Non me autem latuerunt ea, quæ ab aliquibus imperite ininvolutantibus jactantur, qui dicunt oportere in his versari, quæ fidem continent, externa autem, & quæ sunt supervacanea transire, quæ nos frustra continent, & detinent in us, quæ ad fidem nihil conferunt. Alii autem etiam philosophiam ex malo ad hominum perniciem existimant in vitam esse ingressam, ut quæ profecta sit a maligno aliquo inventore. Et rursus eodem libro, Nonnulli, ait, qui se putant esse ingeniosos, nec Philosophiam attingere volunt, nec Dialecticam, sed nec contemplationem discere naturalem, sed solam & nudam fidem requirunt, perinde ac si cum nullam vitis curam gesserint, velint ab initio statim botros accipere. Dicitur autem dominus vitis allegorice, a quo cum diligentia & agri colendi arte, quæ sit ratione, ac sermone, fructus est vindemendus, &c.

Lutherus etiam, qui omnes omnium hereticorum hæreses in unam fecit Camerinam conflueret, non modo asseruit Philosophiam esse Theologo inutilem & noxiam, verum etiam omnes

speculativas disciplinas errores esse. Scilicet morum Philosophiam novus hic Socrates mirifice complexus est: quæ in contemplatione versatur, eam solum damnat. Cornelius quoque Agrippa vir post hominum memoriam vanissimus, in suo illo libro, qui de vanitate scientiarum inscribitur, non sicut Zethus ille Pacuvianus, Philosophiæ solum, sed omnibus humanis disciplinis, atque adeo divinis bellum indixit. Atque horum hominum ingenium quale esse soleat, non est necesse disputare: est enim in promptu. Facile siquidem intelligitur, quare obrem isti discipulos suos a facultatibus, quæ ratione constant, alienos esse velint.

Quomodo enim Epicurus rejicit Dialecticam, Alquiui etiam Machiaveteris Saracenos procul ab omnibus disciplinis abducunt, quoniam intelligent disciplinas, atque omnes rationales doctrinæ perverit esse contrarias: ita Lutherani, nequando a discipulis errores sectæ absurdissimi deprehendantur, cupiunt eos ab omni cognoscendi ratione sevocare. Sed enim cum veritas veritati nunquam adversetur, consentiat semper, & subserviat, jure ac merito scholæ nostræ auctores nobilissimi humanas omnes scientias, tanquam ancillas, ad arcem & ministerium veræ sapientiæ advocarunt. Id, quod Julianus invidens, Christianis lege interdixit studiis bonarum artium, Socrates libro tertio historiæ ecclesiasticæ capite 12. & 16. Sozomenus libro sexto historiæ tripartitæ, capite 37. Quapropter mirari non desino, morem epicuri humanas rationes, cum in Theologia differitur, in quibusdam etiam catholicorum Gymnasiis inferum esse, haud parva certe jactura ecclesiasticæ disciplinæ, si illa consuetudo invalescat. Erunt enim ii, si ita res procedit, optimi, præstantissimi que Theologi, qui plurima loca memoria tenuerint, &, quod jurisperitis obicitur, qui Elenchi fuerint librorum & indices. Id, quod in Germania, regnante Lutero, accidit, ut futores, qui novum Testamentum memoris mandarant, magni, & præclari Theologi haberentur: atque adeo mulierculæ, quoniam Evangelia, & Paulinus epistolæ memoriter recitare poterant, omnium Academiæ Theologos ad disputandum provocarent, auderentque

*Plutare, de
fac. philol.
Euseb. II. 1.
Papa: Euse-
ang. c. 3.*

viris

viris concurrere non virgines, sed mulieres corruptissimæ.

Talis scilicet est Lutherana Theologia, in qua quoniam nullum acumen, nullum ingenii specimen est, optimo quique, splendidissimoque ingenio, quamlibet acie mentis, & veri perspicacia polleat, quamlibet rerum & divinarum, & humanarum ordinem ac connexionem teneat, quamlibet omnium causas, effectus, antecedentia, consequentia non animo solum perstrat, sed etiam comprehenderit, nullo tamen apud istos habeatur in pretio. Sed hæc alio loco forte tempestivius dicentur. Nunc ad id, quod erat institutum, revertamur.

CAPUT IV.

In quo recensitur error vellellianus.

Aures itaque ad naturæ rationes occludere, si quando a Theologis afferantur, id nos in errore maximo ducimus. Si enim cadit in Theologum aliquando, ut de rebus humanis philosophetur, quod profecto cadit, nisi ex eo extirpatam humanitatem arbitremur, quænam rogo causa est, cur naturales argumentationes a Theologia pellamus, ne, ut quæ divina sit, humanis adminiculis eguisse videatur? Non egeat his, esto: cum suis, hoc est, divinis quasi lineis continetur. At volumus ne nos Theologum, qui solum divina calleat, in humanis erret, labatur, cæcuet, hallucinetur? Quid autem interest, ratione animi sublata, non dico inter rusticum & Theologum, sed inter Theologum & pecudem, aut saxum etiam, aut truncum, aut quidvis generis ejusmodi? Quæ vero ista sit mens, vel quæ hominis ratio potius, si nec philosophiam, nec Dialecticam habeat, nec ullam omnino humanæ rationis disciplinam? Intelligendum est autem, Christianæ doctrinæ professores duabus quasi indutos esse personis. Quarum una est communis, ex eo, quod omnes participes sumus rationis, a qua omnis argumentatio naturæ trahitur, & ex qua ratio inventiendi argumenti naturalis exquiratur. Altera autem, quæ proprie Theologis est attributa, unde argumenta expe-

stantur, quæ propria sunt Theologicæ iaculantis. Deponat igitur Theologus personam hominis, si ita placet, cum divina tractat; cum vero tractat humanam, quænam rogo stulticia erit, hominem ex homine tollere? Quamquam in quacunque disputatione, sive de humanis, sive de divinis discutatur, utramlibet personam deponere, stultissimum erit. Quid enim stultius esse potest, quam vel pedem adicere, cum caput munus suum explet, vel caput tollere, cum pes munere suo fungitur? Nam nec pes capiti officit, nec caput pedi. Quin etiam, ut Apostolus monet, non potest caput dicere pedibus. Non estis mihi necessarij. Sic nimirum, cum nec humanarum rerum intelligentia divinarum cognitioni obstat, nec divinarum cognitio humanarum intelligentiæ, neutram debemus in alterius propria functione abjicere, nisi volumus esse stulti. Porro qui Theologiam sic instituit, ut nihil habeat cum naturæ ratione conjunctam, omniaque egregiæ disciplinæ dogmata sola scripturarum fide metitur, hic, si in ea opinione persistat, & non interdum naturæ bonitate vincatur, nec Theologiam colere, tuerique possit, nec fidem, nec humanitatem. Non humanitatem, sæpe enim dicendum est, quia sine ratione humanitas extirpatur: qui autem rationales disciplinas Theologo auferunt, hi suam illi rationem eripiunt. Quoniam si veritatem, quæ in disciplinis cernitur & hominis intelligentia, a ratione tollas, jacebit profecto, vel nulla erit potius. Nec fides rursum se ipsa sola sine doctrina, & ratione tutari potest. Nam philosophia, & omni ratione disputandi sublata, cum fide sancta rusticitas manet, quæ, ut Hieronymus ad Paulinum scribit, quantum prodest vitæ merito, tantum simplicitate nocet, si adversariis non resistat. Itaque vacillabit fides, nisi fides, quod Petrus ait, paratus sit reddere rationem, id quod sola fide sine ratione fieri non potest, Theologia denique citra naturæ rationem non constat. Cum enim sit homo rationalis, est illi ingenta ratiocinatio, sive agat secum quid, sive cum altero, sive veli humana, seu divina cognoscere. Quare ubi ubi homines differunt, rationem naturalem repellere nec debent, nec vero possunt, nisi homines esse desierint. Ratio enim

1. Cor. xiv.

rcs

res omnes continet, quoquo te verte-
ris, prælo est, nulla disputatione ex-
cluditur. Quamobrem qui naturalem
rationem ab usu Theologiæ remotam
esse volunt, si omnem a Theologia
disputationem excludunt: sine qua ta-
men, quid in unaquaque re verum
sit, discerni & comprehendi non va-
let. Quocirca hoc quidem constat,
ut opinor, Theologis inter Theologos
necessariam esse rationem: quæ est di-
sputationis cuiusque fons a natura con-
stitutus. Quid? quod gratia non tol-
lit naturam, sed perficit, nec natura
gratiam repellit, sed suscipit? sacra
igitur Theologia, humanæ naturæ ra-
tionem non abjiciet. Multa etiam in
Theologiæ principis continentur, ut
alio quodam loco diximus, quæ nisi
naturalis ratione, & discursu interveni-
ente, intelligi, & explicari non pos-
sunt: In principis vero ipsis hæc er-
e, a consequentibus, & repugnantibus o-
culorum aciem sevocare stultum erit.
Rationem rem si a Theologia submo-
veas, Theologia ipsa & rem amittet: &
nomen. Nec enim quicquam aliud est
Theologia, si interpretari velis, quam
sermo, ratioque de Deo. Si autem
rem ipsam quæras, est, ut a veteri-
bus Theologis definitur, rerum divi-
narum scientia. Scientia vero, ut A-
ristoteles demonstravit, non nisi per
syllogismum quaeritur. Quod si etiam
illud addimus, quod recte addi potest,
nihil esse scire, cujus in scriptura sa-
cra mentio non fiat, non angelum,
non animam, non aerem, non ignem,
non aquam, non cælum, non terram;
concedatur profecto verum esse, si or-
nate, & erudite hæc Theologus ex-
plicare velit, Philosophiam, hoc est,
eius huiusmodi intelligentiam cum
habitu. Maximum itaque ornamen-
tum Theologiæ tollit, qui ex ea tol-
lit Philosophiam, quæ scriptura etiam
ipsa divina, nedum humana ratio ex-
colitur. Ac mea quidem sententia, o-
mnis institutio Theologiæ humanæ ra-
tionis adjuncta desiderat, sed illa in
primis, in qua de rebus naturæ dis-
seritur. Dissertur autem de huiusmodi
sæpenumero. Atque ut illud omittam,
quod sacra doctrina mores naturæ mo-
derationi consentaneos præscribit, vi-
tia rationi contraria reijtat: quo lo-
co sive in schola de hisce definiat
quicquam, sive populo in concione per-
suadeas recta, prava dissuadeas, natu-

ra, rationis, Philosophiæ opem con-
temnere, amentis erit: hoc tamen ex-
peditum est, multa in sacris literis ha-
beri, quæ sine Philosophiæ, Arithme-
ticæ, Geometriæ, Geographiæ, As-
tronomiæque subditiis expediri non
queunt. Pleni exemplorum sunt sacri
libri, cum sæpe alias, tum maxime,
ubi rerum naturalium quasi miracula,
quæ in disciplinis humanis explicantur,
a Salomone, Davide, Job, & cæte-
ris Prophetis, in divinæ vel potentis,
vel sapientiæ commendationem effertur.
Quod quoniam in tertio decimo li-
bro fuisse sumus ac diligenter persecu-
turi, non libet in præsentia exponere.
Nunc enim satis est fuisse demonstra-
tum, rationes humanas homini Theo-
logo non solum utiles, sed etiam ne-
cessarias esse. Homo quippe, rationem
omnem tollens, Theologus, ex aucto-
ritate omnia statuens, esse certe nullo
modo potest. Quo etiam magis viru-
peranda est re imaxime necessariæ tam
noxia reprehensio. Una est enim Phi-
losophia in rebus humanis, de cuius
utilitate Ecclesiæ scriptores eodem om-
nes ore consentiunt, quamquam a Lu-
theranis ipsa contemnitur, & fallacia
quædam atque ostentatio esse dicitur. Qui
autem hoc dicunt, aut nihil contra ra-
tionem rationem existimant se dicere, aut
censent se gigantum more bellare cum
diis, id est, naturæ repugnare. Si ni-
hil existimant dissonum rationi se do-
cere, quid cum illis differas, qui ra-
tionem naturalem homini theologo ex-
cipere, non intelligunt rationi esse con-
trarium? Sin adversari quidem rationi
putant: errant in eo turpiter, quod
homini rationali errore rationi adver-
sum suadere se posse credunt. Abeant
igitur, & quoniam cum hominibus ho-
mines nec ratiocinari, nec philosopha-
ri volunt, ei qui sit ex pecudum gene-
re, sunt enim quidam homines non re
(sed nomine) se suamque Theologiam
insinuant.

CAPUT V.

*Philosophiam Theologo necessariam
ostendit.*

Porro ut ad illud, quod de eccle-
siasticorum auctororum consensu di-
ximus, revertamur; Clemens Alexan-
dro.

R.

litro.

2. stro. lib. & a nobis stat, & multas etiam causas affert, cur Philosophia sit Theologo necessaria: Unam ad philosophos edocendos. Simili enim edocemur simile. Sicut ergo Apostolus Hebrais Hebraus factus est, atque adeo omnia omnibus, ut omnes lucrifaceret: ita Theologus professor fiat necesse est Philosophus Philosophus, ut hos convenientius faciliusque lucratur. Exhibenda enim cuique sunt, quæ ei convenient, & quæ sunt familiaria, ut per propria ad fidem veniat veritatis. Atque hanc etiam causam 4. lib. Sermon. resumit. Alteram affert, ad repellendos sophistas. Nam quo pacto fallaces Philosophorum argutias refutare possumus, nisi arguendi & repellendi artem persequamur? Tertiam, quod varia ac multiplex præceptoris doctrina & delectat, & admirationem adfert, atque adeo auditores capiat. Quod varie item multiformi argumento suadet, id firmius hæret animis discipulorum. Apostolus quoque docere se ait in omni sapientia, ut exhibeat omnem hominem perfectum in Christo: In omni, inquit, sapientia, hoc est, divina & humana, ut cuiusvis generis homines afficeret perficeretque in Christo. Alitit præterea Regina a dextris Christi, circumdata varietate. Ad hæc, quomodo ferri ac siliis concussione ignis, sic hominum doctissimorum consiliu, & disputatione veritas elicitur. Quam ob causam Peripateticorum morem de omnibus rebus in utranque partem disserendi Cicero sibi dicit placuisse. Disputationes autem inter homines humane discipline imperitos solent esse ineptissimæ. Quod si nullis est sapienti philosophia, quorsum Deus Salomoni philosophiam indidisset? Dedit autem illi Deus hominum, quæ sunt, scientiam veram, ut sciret dispositionem orbis terrarum, & virtutes elementorum, divisiones temporum, stellarum dispositiones, naturas animalium, vim ventorum, differentias virgultorum. Si igitur Dominus harum rerum scientiam docet, est vero Deus, qui utilia docet, ut Esai. ait, certe illa non potest esse Theologo noxia, sed erit potius accommodata. Et si hæc scientia vera est, ut dicit Salomon, quid dicit Lutherus, qui speculativas omnes disciplinas errores esse affirmat, inanesque fallacias? Pergit Clemens argumentari ex eo etiam,

quod athleta, qui non se prius instruxit ad certamen, iure contemnitur. Qui ergo ad certandum cum fidei adversariis multiformibus, non essetiam multiformi disciplina instructus, is non est dignus, qui in perfectis Theologis habeatur. Insuper dividere, inquit, voces, quæ in scriptura effertur antepites, Theologo necessarium erit, ne ex amphibolia & eludat & eludatur. Hoc autem præstare, sine Grammaticæ artis auxilio non poterit. Quod si Grammatica semel admittitur, quid ni Dialectica? quid ni Philosophia? An volunt Grammatici sibi solis Theologiam vendicare, ceteros omnes, Dialecticos, Physicos, Astronomos, Geometras, ab illius participatione secludere? Id quoniam constat esse vanissimum, fateamur necesse est, humanas disciplinas Theologo esse perennes. Quod si non sunt, inquit Clemens, adhuc necesse est illas addiscere, ut rite valeant damnari. Quia enim fronte de his sententiam ferimus, quæ perpecta, & cognita non habemus? Hæcenus Clemens. Alex. securi sumus, non ut interpretes, sed, ut solemus reliquos, iudicio arbitrioque nostro quantum quoque modo videatur, e fontibus eorum haurientes.

Origenes autem, ut Eusebius auctor est lib. sexto ecclesiast. hist. cap. 15. philosophiæ studia detestantibus respondet, se huic quidem operam navasse diligentem, sed non absque virorum gravissimorum exemplo: Panthæni, Heraclæ, aliorumque similium, qui cum essent doctores Apostolici, nihil tectus Philosophorum libros legere, & in Philosophiæ studiis exerceri solebant. Retert etiam Eusebius Origeni morem istum fuisse, ut si quos nostrorum adolescentulorum ingeniosos videret, tradcret eis etiam ea, quibus Philosophi discipulos suos velut primis elementis imbuerent solent: Dicere vero solum, non parum ad intelligentiam scripturarum emolumentum fidelibus conferri, si in liberalibus & philosophicis literis exercerentur: Nostræ enim philosophiæ partes Græcos antevertisse; nec debere partes suas omittere veritatem, quia eas sibi præveniens falsitas vindicasset. Vide etiam Eusebium lib. 4. cap. 7. & Sozomenum lib. 3. hist. iux. c. 15.

Theodoretus quoque lib. 8. hist. tripart. c. 8. Didymum refert Gramma-

Coloss. 1.

Philos. 44.

8. p. 7.

in versione
Motelii
beati lib.
c. 11. & 12.

CAPUT VI.

*Apostolos, aliosque sanctos viros,
naturæ etiam rationibus
nisi evincis.*

ticam, Rhetoricam, Arithmeticam, Geometriam, Astronomiam, syllogismosque Aristotelis didicisse, quod adversus mendacium arma veritatis extiterent. Fortiter enim expugnantur hostes, quando adversum eos ipsorum armis utimur. Socra. 3. lib. c. 16. & Damascus 4. lib. c. 18. Neque statim prava opinione fallaris, contra hostes hoc esse licitum, in aliis disputationibus dissimilandum? quia, ut Hieronymus ad Magnum ait, omnes pene omnium doctorum ecclesiæ libri ejusmodi eruditionis plenissimi sunt. Quod autem ibidem Theodoretus ait, hujusmodi disciplinis veritatem, nempe fidei, non erudiri, id significat, non his Evangelium quasi tignis fuscari, aut inde catholice veritatis probationem pendere. Alioqui viri gravissimi ad ea etiam suadenda, quæ fidei nostræ ac religionis propria sunt, naturalia argumenta interruerunt. Exemplo nobis sunt Eusebius libro tertio hist. ecclesiæ. cap. 15. & lib. 9. cap. 8. Melito rursum apud eundem lib. 4. cap. 16. Justinus quoque, eodem Eusebio referente lib. 4. cap. 8. Tertullianus præterea in Apolog. id quod Euseb. etiam reulit lib. 2. cap. 14. Lucianus denique Martyr, & summa eruditione vir, eodem Eusebio auctore, lib. 9. cap. 6. Non hic refero Damascenum 4. lib. cap. 4. non Epipha. hæresi 76. non Aug. lib. 1. de mo. ecclesiæ. & toto primo adversus Cresconium libro, qui ut Grammaticus Dialecticam in Augustino damnavat. Et de utili. ere. c. 67. & contra epist. Funda. c. 4. & 18. de civi. c. 41. Non Bedam 37. d. c. Turbatur. non Hiero. ea. d. c. Si quis artem, &c. Qui de mensa. non Syn. Eug. Papæ, cap. De quibusdam, non Clem. c. Relatum. Hæc inquam, & alia plura non refero, quoniam libris sequentibus hujusmodi argumentum sum diligentius persecuturus. Id modo constat, clarissimos viros, non solum ad ea suadenda, quæ rationi naturæ consentiunt, sed etiam ad ea, quæ lumen naturæ superant, humanis rationibus ulos esse: eademque ab Ethnicis calumniantibus Christianam religionem asseruisse.

Sed quoniam hæreticis proclive est veterum patrum usum auctoritatemque contemnere, ostendam deinceps, ipsorum quoque apostolorum doctrinam, & exemplis rationes naturales in Theologiam invecitas: His adductos externos ad fidem, confirmatos fratres, invitatos dociles, repullos repugnantes. Adducuntur primum ratione exteri ad fidem, & quasi præparantur. Deus quippe, fide in mortalium mentes inducenda naturæ incitamentis utitur, ut primo loco susus explicatum est. Hinc etenim & resurrectionis suæ oculatos testes protulit, & miracula doctrinæ conjunxit. Nimirum, ut Apostoli non solum per verbum, sed etiam per ipsum opus persuaderent fidem audientibus, ut Epipha. lib. 2. hære. 51. docet, & Ambrosius in comment. epist. ad Rom. cap. 1. Testis, ait, doctrinæ virtus est, ut quia quod prædicatur, incredibile mundo est, gestis fieret credibile; & Beda lib. 3. in Luc. c. 7. Concessa, inquit, primo potestate signorum, misit prædicare regnum Dei, ut fidem verbis daret virtus ostensa. Signis ergo & miraculis via fidei, per sensus & rationem sternitur. Sic enim Sergius Paulus vir prudens, cum vidisset factum, credidit admirans super doctrinam Domini. Sic Centurio videns quod factum fuerat, glorificavit Deum dicens, Vere filius Dei erat iste. Petrus etiam ac Paulus quo suavius audientes ad fidem resurrectionis allicerent, ratione naturæ ostendunt, locum illum scripturæ, Non dabis sanctum tuum videre corruptionem, de David intelligi non posse, ac proinde de Christo intelligendum. Ac Petrus ipse alio iterum loco, Christi resurrectionem insinuat audientibus, primum testium oculatorum certissimo testimonio, deinde evidentia miraculi editi. Nos, ait, testes hujus sumus. Et mox, In nomine ejus, inquit, hunc, quem vos videtis & nos, Deus confirmavit, & dedit integram sanitatem istam in conspectu omnium vestrum. En Petrus, sensus ipsos citando testes clarissimos veritatis, Christi resus-

Cle. Alex.
lib. 1. de 7.
Socra. c. 16.

Ado. 1. 1.
11.

Ado. 17. 1;
Matt. 27.
Luc. 1. 1;
Ado. 1. 1;
& 11.

Ado. 1.

reñtionem suadere conatur. Nec frustra tamen, multi enim audientium crediderunt.

Confirmantur deinde ratione naturæ fratres. Non enim ait, præcedentibus, sed, sequentibus signis: nec, Sermone inferente, sed confirmante, Marci ultimo cap. Ita Hieronymus in octavum Matthæi caput annotat, Dominum, post sermonem illum montis, egregium miraculum edidisse, ut per hoc præteritis apud audientes sermo firmaretur. Petrus insuper persuasurus fidelibus conclusionem illam de legibus, de qua in concilio erat controversia, Viri fratres, inquit, qui novit corda, Deus, testimonium perhibuit, dans illis Spiritum sanctum, & cæc. Et protinus tacuit omnis multitudo, & audiebant Barnabam & Paulum narrantes, quanta Deus fecisset signa in gentibus. In quæ acciderant res externæ & sensuum testimonia referuntur, in controversiæ etiam fidei apud catholicos dirimenda. Atque in concilio isto, legem de abstinendo a sanguine & suffocato, stolochyto & fornicatione, Apostoli nullo modo tulissent, nisi rationem naturæ sequerentur. Testimonia siquidem nulla suppetebant, quæ ea lege probanda idonea viderentur. Non modo igitur ad externos, qui naturam ducem solum habent, sed etiam ad eos, qui intra ecclesiam sunt, humanis rationibus Theologo licet uti. Id vero eo loco magis, ut ante jam diximus, ubi res naturæ summe cognoscibiles, sive alienis seu nostris persuadere cupit.

Hæc enim via Barnabæ & Paulus ingressi sunt, ut Acto. 14. legitur. Nam cum sacerdos & populus Barnabæ & Paulo sacrificare vellent, quod erat naturæ rationi contrarium, naturali quoque ratione ipsi contradixerunt. Viri, inquit, quid hæc facitis? & nos mortales sumus, similes vobis homines, annunciantes vobis converti ad his vanis ad Deum vivum, qui fecit cælum, & terram, & mare, & omnia, quæ in eis sunt, &c. Et quidem non sine testimonio semetipsorum reliquit, bene faciens de cælo, dans pluvias & tempora fructifera, &c. Quia ergo res naturales testimonium perhibent Deo, quemadmodum hoc loco Apostolus asserit, non est absurdum, quin etiam est maxime consentaneum, ut Theologus de divinis quoque differens, humani modi etiam naturalium rerum testi-

monii utatur. Nam & Act. 17. Paulus idem probat, Deum non indigere aliquo, quod cæli & terræ sit dominus, & det ipse omnibus vitam & inspirationem & omnia. Probat item, Deum non esse longe ab unoquoque nostrum, quoniam in ipso vivimus, movemur, & sumus. Ac Propheta Psal. 138. ostendit Deum cognoscere nos & intima nostra, qui formavit nos, & posuit super nos manum suam. Quod idem naturale argumentum habes & Pl. 93. Quibus ex verbis breviter disputatis intelligi potest, id quod ante ponebamus, dociles quidem, si infideles sunt, ratione allici invitarique ad fidem, sin vero fideles, confirmari: utroque autem in his, quæ naturalia sunt, persuaderi. Quod si infideles sunt & repugnantes, ut evincantur, ratio quoque naturæ valet, Principes enim & seniores videntes Petri constantiam & Joannis, comperto quod homines essent sine literis & idioxi, admirabantur: hominem quoque videntes stantem cum eis, qui curatus fuerat, nihil poterant contradicere. Cæcus quoque ille apud Joannem Inducos Christo adversos, naturæ ratione eludit inquit: In hoc mirabile est, quia vos nescitis unde sit, & aperuit meos oculos. Dominus item Mart. 12. eos, qui calumniantur, quod in sabbato curasset ægrotum, naturali & ratione & exemplo rejellit; & Mart. 22. Sadduceos refutat duobus principis positus. Quorum unum erat Exodi testimonium illud, Ego sum Deus Abraham, Isaac & Jacob: quo posito, & adversariorum consensu approbato, alterum Christus e ratione naturali assumpsit, nempe non esse Deum mortuorum, sed viventium. Quo syllogismo colligit, Abrahami, Isaaci, & Jacobi animas vivere, quod Sadducei repellentes, resurrectionem mortuorum ex consequenti negabant. Rationes itaque naturales contra fidei adversarios multum valent. Nec sunt arma Saulis, quæ pugilem Christi magis gravent, quam juvent, ut quidam inepte per allegoriam argumentantur: sed si allegoris agendum est, sunt potius gladius Goliath, quem cum ipsi e manibus extolleris, suo illum gladio jugulas. Sed ajunt, Si credo quod traditum est, quid opus est operosa disputatione? Si non credo, nullis humanis rationibus persuadetur. Egregio

Acto. 15.

Acto. 4.

Tom. 9.

Erod. 1.

vero dilemmate rem aliqui lucidissimam obscurare volunt. Non iteodo, adducor: credo, confirmor. Repugno: confundor. Ratione non domina, sed administra, syllogismo non præfidente, sed subserviente. Quid multa? Nonne videmus, cum reliquorum apostolorum, tum vero maxime Pauli epistolas, & adversarios concidere, & fidei domesticos instruere, non scripturarum modo testimonius, verum etiam naturæ rationibus? Id quoniam dubium non est, maneat, hunc discendi morem a Christo Domino profectum, ab Apostolis repetitum, a Sanctis auctoribus confirmatum, Theologis non solum utiliter, sed etiam necessario usurpári.

CAPUT VII.

Extrema quorundam Theologorum vitia in usu Philosophiæ castigantur.

IN hoc tamen disciplinarum genere Theologicæ professoribus & honesto & necessario, duo illa vitia maxime vitanda sunt, quæ Cicero commemoravit. Unum, ne incognita pro cognitis, incertaque pro certis habeamus. Qua in re etiam in Theologia multa peccantur: Ut illi, qui D. Thomæ Scotique opiniones vel indiscussas amplectuntur, proque his non aliter pugnant, ac pro aris & focis. Quamvis autem qui nihil certo comprehendere existimant, multa illi absurde dixerint, hoc præclare tamen, debere sapientem ea, quæ sibi probabilia viderentur, sequi, quæ contra, improbare, atque affirmandi arrogantiam vitantem fugere temeritatem, quæ a sapientia dissidet plurimum. Sed hoc vitium effugere qui volet, non satis est, si ad res considerandas adhibeat & tempus & diligentiam, nisi ad ea etiam, quæ ignorat, a doctissimis quibusque interroganda adhibeat & eorum, & modestiam. Qui vero in Academiis Christiani orbis insignibus literas discunt, hi & eruditissimorum virorum frequenti disputatione instructi, & juvenum exercitissimorum quotidiana consuetudine vexati, vitium huiusmodi vitare facilius possunt. Præclare autem cum eo agatur,

cui præceptor contigerit & eruditus & pius: qui cum certa ab incertis separaret, tum vanis questionibus declinatis, utiles & necessarias seligat, doceatque discipulos esse quandam doctrinam, ut ita dicam, ignorantiam, sapientiusque esse, quædam nescire, quam scire. Alterum enim est vitium, quod quidam nimis magnum studium multamque operam in res obscuras atque difficiles conferunt, easdemque non necessarias. Quo in genere multos etiam e nostris peccasse video; ut eas quoque questionibus latissime persequerentur, quibus Porphyrius abstinet, homo impius, sed in hac re prudens tamen, ut Platonis Aristotelisque discipulum possis agnoscere, Qui ne quicquam nisi opportunis & loco & tempore tractare, nec questionibus ultas persecuti sunt, quæ juvenum ingenia obtruerent, non juvarent. Nostri autem Theologi, importunis vel locis, longa de his oratione differunt, quæ nec juvenes portare possunt, nec senes ferre. Quis enim scire possit disputationes illas de universalibus, de nominum Analogia, de primo cognito, de principio individuationis, sic enim inscribunt; de distinctione quantitatis a re quanta, de maximo & minimo, de infinito, de intensione, & remissione, de proportionibus & gradibus, deque aliis huiusmodi sexcentis, quæ ego etiam, cum nec essem ingenio nimis tardo, nec his intelligendis parum temporis & diligentie adhibuissem, animo vel informare non poteram. Puderet me dicere non intelligere, si ipsi intelligerent, qui hæc tractarunt. Quid vero illas nunc questionibus referamus? Num Deus materiam possit facere sine forma, num plures angelos ejusdem speciei concedere, num continuum in omnes suas partes dividere, num relationem a subiecto separare, aliasque multo vaniores, quas scribere hic nec libet, nec deceat, ne, qui in hunc forte locum inciderint, ex quorundam ingenio omnes scholæ auctores æstiment. Illis igitur vitiis declinatis, quod in rebus naturalibus & cognitione dignis operæ curæque ponetur, id non modo, ut inquit ille, jure laudabitur: verum ut id fiat, erit etiam summopere necessarium, si Theologi perfecti pleneque sapientes esse volumus. prudenter enim Hieronymus Pammachium admonet, ut si

adamarit capivam mulierem, id est, sapientiam seculari, decalvet eam, & illecebras criminum atque ornamenta verborum cum emortuis unguibus amputet. Multos enim tunc latus captiva dabit, & de Moabitide efficietur Israelitis.

CAPUT VIII.

Qua sit hujus loci firmitas in Theologica disciplina.

Quibus rebus expositis, superest, ut doceamus, an hic locus in Theologia firmus, an potius infirmus sit. Ubi nihil nobis immorandum esse video, cum naturæ argumentationes constet unas certas, alteras incertas esse. At certæ quidem sunt, quas Dialectici demonstrationes vocant, hoc est, quæ ex perspicuis exploratæque principiis aliquid certo evidenterque conficiunt. Incertæ vero, quæ licet probabiles sint, conjecturis tamen huc atque illuc trahuntur: nullam habent suadendi necessitatem. Firmissimum argumentum illud est: Non longe est Deus ab unoquoque nostrum: in ipso enim vivimus, movemur, & sumus, Act. 17. illud item: Qui plantavit aurem non audit? aut qui finxit oculum, non considerat? Psalm. 93. Atque illud etiam: Edentes & bibentes, quæ apud illos sunt: dignus est enim operarius mercede sua. Lucæ 10. & 1. Corint. 9. Probabile argumentum hoc est, quo Petrus Actorum 1. utitur: Non enim ebrii sunt hi, cum sit hora diei tertia. Ita patet, naturæ argumentationes, quæ in usum Theologiæ veniunt, interdum infirmas, firmas nonnunquam esse. Nam qui omnium rerum infinitam volunt esse questionem, & nullo loco veritatem fixam constantemque persistere, ii & in naturam ipsam, & in Deum impii sunt. Sapienter siquidem Apostolus, cum rationes a natura profectas manifestas esse dixisset, tum demum ad Deum eas auctorem revocavit. Quod notum est Dei, inquit, manifestum est illis. Deus enim illis manifestavit. Num per angelos? Num per prophetas? Num per Apostolos? Minime id quidem: Sed invisibilia Dei, ait, a creatura mundi per ea, quæ facta sunt, intellecta conspiciuntur. Conspiciuntur igitur & certæ sunt quandoque naturæ ratio-

nes. Vani namque sunt omnes homines, in quibus non subest scientia Dei, neque operibus attendentes cognoverunt, quis esset artifex. A magnitudine etiam speciei & creaturæ cognoscibiliter poterit creator horum videri. Evidentes itaque sunt, atque adeo firmæ naturales quædam argumentationes. Non ergo speculativæ disciplinæ, quæ ex hujusmodi argumentationibus constantur & efficiuntur, errores sunt, inanesque fallaciæ. Quod Lutherus non stulte modo, verum impie etiam asseruit. Quod enim humana scientia atque sapientia omnis a Deo sit, non solum illo Apostoli testimonio, quod modo posuimus, ostenditur, sed alius etiam, quæ a Clemente Alexandrino referuntur. Unum est illud, Omnis sapientia a Domino Deo est. Alterum illud, Vocavi ex nomine Bescleel, & implevi eum sapientia & intelligentia ad excoctandum quicquid fabrefieri potest, &c. Fabrilis igitur ars, atque omnis proinde humana disciplina ad Deum tanquam ad fontem, & primum sapientiæ cuiusque principium referenda est. Ex quo, & multis aliis intelligi debet, qui philosophiam errorem esse inaneque fallaciam ajunt, eos non solum stultitiae, sed etiam impietatis esse damnandos. Deus quippe veritas est, & ab eo error est nullus. Quæ ex re facile etiam intelligitur, cum Philosophi rationes a divina veritate sint sumptæ atque petite, qui illas rejiciunt, hos Dei veritati, quæ illæ subsistunt, resistari. Nec quod tali fundamento nititur, inbecillum esse aut infirmum potest. Quocirca frustra homines vani conabuntur philosophiæ, naturæque rationes evertere. Utrumque enim lumen & naturæ & fidei, quorum altero naturalia, altero supernaturalia videre dicimur, a Deo est. Illa enim, Erat lux vera, quæ illuminat omnem hominem: & Signatum est super nos lumen vultus tui Domine, ad naturalem etiam mentis illustrationem referuntur. Ita non minus a Deo falleremur, errantes in naturæ lumine, quam si per fidei lumen erraremus. Luminis igitur naturalis datus, investigationem, argumenta repellere, non modo stultum est, quod August. 4. de Trinit. docet, verum etiam impium, quod hoc nos loco abunde docuimus. Qui quidem locus concludi jam poterat, nisi prius argumen-

s. 13.

Eccl. 1.

Exod. 17.

Joan. 1.
Psalm. 4.

Cap. 4. 3

Rom. 1.

tis illis respondendum esset, quæ hæretici contra posuerunt: Prima igitur videamus, deinceps ordine reliqua.

CAPUT IX.

Satisfacit argumentis Capite secundo propositis.

Respon.
ad 1.

P Rincipio itaque veterum nobis auctoritatem opponunt. Quod diu faciunt, veteribus sunt injurii. Quid enim est aliud humanarum scientiarum omnes a patribus condemnari, quam eos fuisse non modo imperitos, verum etiam alienos ab humanitate? Nam, quoniam homo rationis est particeps, consequentia cernit, principia & causas rerum videt, earumque progressus, & quasi antecessiones inquirat, similitudines comparat, & rebus visibilibus adjungit atque annectit invisibiles. Qua mentis inquisitione investigationeque efficiuntur naturales in homine disciplinæ, quarum studium qui vituperat, haud sane intelligit, quidnam sit, quod laudandum putet. Quia vero longum esset alia loca ex eisdem ipsis patribus adducere, in quibus humanæ doctrinæ commendantur, non libet nisi unum solum ex Augustino referre, in illo etiam ipso libro contra Felicem Manichæum, cujus testimonium nobis ubi vel maxime objiciunt. Augustinus igitur, quamvis eos hæreticos reprehendisset, qui audenter auctoritatem ecclesiæ rationis pollicitatione superare, naturales tamen rationes suo loco & gradu commendat, inquit: Fidei imperator clementissimus, & per conventus celeberrimos populorum, atque gentium, sedesque ipsas Apostolorum, arce auctoritatis munivit ecclesiam, & per pauciores pie doctos copiosissimos apparatus etiam invictissimæ rationis armavit. Verum illa rectissima disciplina est, in arcem fidei recipi infirmos, ut pro eis jam in tuto positos fortissima ratione pugnetur. Ex quo loco quid Augustinus placeat, lectores vident. Cum enim apud illum ratio cum auctoritate conertur, jacet quidem rationis species, valet auctoritas. Sed nulloquam illi tamen has duas argumentandi virtutes ita sejungit, quasi possit quisquam, qui non idem simul & ratione & auctoritate natus, esse theologus. Indoctum quippe armat fide, doctum etiam ratione.

Non igitur humanas disciplinas, naturalesve earum ratiocinationes damnant doctissimi viri, sed illos, qui cum in unitate catholica non sint, & Christiano tamen nomine gloriantur, audent imperitos quasi ratione trahere: quia jacere se abjectissime sentiunt, si eorum cum auctoritate catholica auctoritas conferatur, ut ab Augustino ad Dioscorum scriptum est. Illos etiam damnant, qui Philosophiam Evangelii præferunt, quibus Averrois Paulus est, Alexander Aphrodisæus Petrus, Aristoteles Christus, Plato non divinus, sed Deus, cujusmodi nos ipsi præsertim in Italia vidimus multos, qui scriptura sacra neglecta, ad horum Philosophorum doctrinas tanquam ad Syrenum scopulos ad hærebant, postque galeros etiam & insulas, non Prophetas, non Apostolos, non Evangelistas, sed Cicerones, Platones, Aristoteles personabant. Eos quoque sacerdotes patres nostri reprehendunt, qui plus nimio philosophorum libris indulgent. Noluerunt enim illi, quos occupationibus & gravissimis, & maxime necessariis oportebat esse districtos, eos philosophiæ studiis præpediri. Basilii certe ac Gregorius tredecim annis, ut literis sacris totos se dederent, sapientiæ secularis libris omnibus valedixerunt. Testatur etiam de se in epistola, ad Galat. Hieronymus, annis quindecim nullum sapientium Gentilium librum ne in manus quidem ascendisse. Clemens porro Alexandrinus, hujusmodi viris, qui in ecclesiâ doctores perfecti & absoluti esse debent, Philosophiæ studia, causâ solum relaxandi animi, in otio permittit. & quoniam ancillas, ut vocarent ad arcem sapientiæ misit, admonuere patres, disciplinas, quas vocant liberales, Theologiæ subservire oportere, non dominari. Curaturus itaque illarum studiorum, ne ancillarum amatoris delectatus, dominam, hoc est, veram sapientiam negligat. Quin etiam curaturum, ut si Agar Aegyptiæ Abrahami complexibus insolescit, ejiciatur foras atque exulet, nec sinatur aut Ismael Isaac simplicitatem irridere, aut Agar Saræ bonitatem contemnere. Affligat ancillam domina & corrigat, habeat in manibus, utatur ea ut librum fuerit. Sic enim modesta, erit utilis: quæ, cum ei præter modum indulgetur, est etiam perniciofa. Fugax est enim.

Tib. hist. sup. cap. 9. Rufinus.

Lib. 6. Strom.

Prov. 8.

Clementis Strom. Genes. 16. & 11.

Hieronymus in Prophetia Isaiæ quando non placet.

enim vita nostra, & quod plus temporis studiis humanis impartitur, id divinis adimamus necesse est, quibus nos Christi religio consecravit. Qui doctrinis item liberalibus nimium vacant, ii fere errores imbibunt, qui vix elui possunt. Qua de re lege quoque cautum est in Concilio Lateranensi sub Leone Decimo, sessione decima. Est etiam lex apud nostros sanctissima, quæ in huiusmodi disciplinis solum adolescentem, neque omnes, sed ingeniosos exercet. Grandioribus autem natu, ingenioque tardiore studia hæc interdicit. Quod si legem perumpunt quidem, aut in philosophia & dialectica plus temporis & curæ sumunt, quam æquum est, non est propter istorum vitium aut Philosophia speculativa, aut scholastica Theologia, quæ illam in usum suum vendicat, contumeliose vexanda. Nam ne illa quidem nos fugiunt, quæ vulgi etiam sermone tenentur. Nequid nimis, Modus omnibus in rebus est optimus, & quod versibus persecutus est Horatius, Est modus in rebus, sunt certi denique fines: cæteraque gravissime. Notum enim lectoribus carmen. Utrumque itaque vitium reprehendimus, & eorum, qui Aristotelis Platonisque libros diu nocturne versant, & eorum, ac multo etiam magis, qui cum omni rerum naturalium cognitione vacui sint, ubi primoribus, quod ajunt, labris sacras literas degustarint, tum se Theolopos absolutissimos profitentur, tum Philosophiam quasi rebus Theologicis tractandis ineptam negligunt. Sed ad sanctorum testimonia satis dixisse videmur.

Respon.
ad 2.

E sacris vero literis Ecclesiasticis primum testimonium objicitur. Cujus tamen veram germanamque intelligentiam facile assequemur, si libri totius quasi scopum & mentem teneamus. Salomonis autem eo libro præcipuum institutum est, declarare, quænam sit hominis ille finis, gratia cuius sit conditus, hoc est, quænam loco humana felicitas sita sit. Nam cetera, quæ Ecclesiastes ea concione distulit, hæc demum pertinent & revolvuntur omnia. Ponit igitur a principio statim generale pronuntiatum illud: Vanitas vanitatum, & omnia vanitas, quo significat, nulla hujus sæculi bona ea esse, quæ finem homini suum exhibere possint, veramque illi præstare se-

licitatem. Hoc enim sensu res omnes vanas Sapiens vocat. Nec absurde id quidem. Vanum namque id defini solet, quod sine caret, seu ad finem, qui quæritur, otiosum est. Jure itaque res illæ vanæ vocantur, in quibus quietem homo si quærat, non inveniat: felicitatem si expectet, frustra expectet: finem suum si persequi ac tenere cupiat, vanus fiat. Thematice igitur in hunc sensum ab initio concionis posito, quo universa hujus mundi bona Salomon complexus est, tum deinde syllatim omnia persequitur, ostenditque non sapientia, non opibus, non divitiis, non voluptate, hominis beatitudinem esse locandam. Monstrat autem primo capite, per humanas disciplinas hominem non beari. Id quæ apte & divine probet, non est hujus loci exponere. Tantum sunt lectores admonendi, ut ne Aristotelis vario versentur errore, qui in contemplatione rerum supremarum summum hominis bonum collocavit. Qui si loqueretur de mentibus corpore solutus, & vitæ futuræ felicitatem quæreret, nobis, id est Divi Thomæ familiæ, aliquid profecto diceret. Sed cum de immortalitate animi tum hoc, tum illud, nec idem dicat semper, quidque potissimum sentiat, difficile sit intelligere, de altera profecto vita, quam vel non habebat exploratam, vel penitus ignorabat, ecquid dicturus erat homo aut impius, aut certe varius & anceps, sensumque præsilio destitutus, quibus ille administris in judicio rerum omnium utebatur? De felicitate igitur præsentis vitæ loquitur. Hinc enim in Ethicis & Politicis opes, divitiis, amicos, salutem, cæteraque hujusmodi caduca etiam & temporaria bona, quasi felicitatis adjumenta requirit. Et in lib. de bona fort. sine exterioribus bonis, quorum fortuna, ut ait, est domina, negat aliquem felicem esse. Quam ob rem de judicio Aristotelis dubitari non potest: recte ne autem dixerit an secus, de eo fortasse dubitari potest. Verum qui Ecclesiastes hoc primum caput intellexerit, is jam sine dubio poterit Aristotelis errorem facile deprehendere. Nam cujusmodi felicitatem habebit superna illa ac supercaelestia contemplando, animus tanta mole corporis non onustus, sed obrutus? Cogitationes, inquit Sapiens, mortalia timidæ, & in-

l. Physicæ
Arist.

10. Ethic.

Hieron. in
e. Eccl. 10.
Legit. lo-
qui. Plur.
Ar. flot. res-
olve. res-
solutus: 7.
Carnendi:
de ingenuis
interiore, &
prohibet
verum esse,
quod dicitur
Labor
hominum
utiliter esse.
Veritatem
illi quidem
amissam
quæritur
sed quia non
habuerunt
ducent, &
parvum a-
liumque
& humani
servitium
si sunt se
compho-
dore esse
sapiens.

ccr.

ad elevat
minime
peccant
De qua in
Psalmo di-
citur: Dile-
xit eum
sua imagi-
nem ipsius
discipulis.
Omnes e-
nim qua-
brat, & di-
vinitas in-
gressa atque
peccata
quas ubi in
vultu dog-
matus in-
durent, in
urbe sua
Domini
disponit.
pag. 9.

certe providentiae nostrae. Corpus enim, quod corrumpitur, aggravat animam, & terrena inhabitatio deprimit sensum multa cogitantem. Et difficile aestimamus quae in terra sunt, & quae in prospectu sunt, invenimus cum labore: quae in caelis sunt autem quis investigabit? Ecclesiastes quoque primo, Cunctae, ait, res difficiles: non potest eas homo explicare sermone. Miranda sane, & digna Salomone sententia, quae declarat id, quod Aristoteles quoque ipse severe atque prudenter dixit, mentis nostrae aciem non aliter ad ea quae maniciatissima sunt caligare, quam nocturnis oculis ad fulgorem solis. Quo magis Aristoteles consilium nonnulli, ac recte illi quidem, admirantur, quod cum non ignoraret, quam infirmæ essent ingenii nostri vires, memoria angusta, fluxa, infidelis: acumen retusum, impedimentum, debile: segnis diligentia & tarda: in eo constituerit felicitatem, quod adeo in hac vita tenue est & exiguum, adeo obscurum & imperfectum, adeo infirmum & instabile, adeo non per se idoneum ad beatitudinem, adeo denique paucorum hominum, ut nihil propemodum habere videatur ex his, quae veræ felicitatis definitio continet. Qualis enim felicitas est, quae frequentissime intercipitur, & rebus abjectissimis cedit? Quæ non est commune bonum humani generis, sed quod paucissimi consequi ac tenere possint? Ad quam si omnes homines, ut par est, ad finem suum conarentur, respública omnis interiret? Quæ aucta hominis requiem non augeat, sed laborem? quæ hominis desiderium non satiet, sed excitet? humana quippe mens, quando hic vivitur, rerum cognitione torqueri potest, satiari non potest. Maneat igitur, vitæ hujus felicitatem, in primis Philosophiæ usu, hoc est, in rerum immaterialium contemplatione non consistere, ut quam morbus tollere valeat, dolor intercideret, inopia interturbare. Nam si ad hanc Aristotelicam felicitatem necessarius est aliorum etiam bonorum quasi concentus, talem nobis felicem Aristoteles fingit, qualis, ut arbitror, nemo unquam erit: & ut confirmare possum, nemo certe fuit. Quid, quod ut idem Aristoteles in libro de bona fortuna tradit, ubi plurimus intelledus, ibi minima fortuna, ubi autem

plurima fortuna, ibi minimus intelledus? Ecclesiastes cap. 9. Vidi, ait, nec sapientium panem, nec doctorum divitias, nec artificum gratiam, sed esse tempus calumnie in omnibus. Quæ igitur ratione fortunæ bona ad felicitatem necessaria esse dicemus, quæ casui subiecta insipienti, quam sapienti magis obveniunt? Quanto sapientius Salomon hominis finem, qualis in hac mortali vita quæri potest, in Dei timore & amore constituit! Deum time, inquit, & mandata ejus serva, hoc est omnis homo. Atque sententiæ huic reliqua omnis divina scriptura consentit. Beatus vir, ait, qui timet Dominum, in mandatis ejus vult nimis. & Beati omnes qui timeant Dominum, qui ambulant in viis ejus. Et, Beati immaculati in via, &c. Et apud Matthæum Dominus, Beati, inquit, qui esuriunt & sitiunt iustitiam. Et, Beati mundo corde. Nimirum in presenti seculo aut hæc beatitudo est, aut nulla omnino est. Per hanc enim veram & perfectam felicitatem assequimur, per hanc etiam summe beato, hoc est, Deo maxime appropinquamus. Quemadmodum autem quo quidque est maxime calido propinquius ac similis, eo calidius est: ita quo quis Deo est in hac vita proximior, ac similior, eo beator ac felicius erit. Paulus etiam Apostolus, non modo D. Thomas, dixit, dilectionem Dei in hac vita cognitioni scientiæque præferre. In dilectione itaque Dei hujus vitæ felicitas sita est, non in cognitione. Nec si rerum terrestrium atque cælestium cognitio, quam naturales in homine discipline pariunt, neminem facere felicem potest, statim est a Salomone damnata. Sed studium humanæ scientiæ, occupationem vocat pessimam, quod molestissima sit. Malum enim in scripseris interdum non pro culpa, sed pro pœna usurpatur. Idem quoque studium vanitatem nuncupat, quod nec homini finem suum præstat, & ad veram felicitatem consequendam otiosum est. Hoc vero testimonio si adversum liberales scientias abutimur, vituperemus simul opes, divitias, regna, artes, omnia denique, quæ sub sole sunt. Nam eadem de his quoque Sapiens dixit. Illud quoniam stultissimum est, fateamur omnino ex verbis Ecclesiastis nihil contra disciplinas humanas confici posse.

Mul-

Ecclesi. 7. Alta
profectus,
quis super-
met, cano?
Liberius u-
niversum
mox, ut
que enim
sapientiam,
Dei & pul-
vium de
mille, deo.
Et p. 8. Ap-
pulsus cor-
nem ut
sonum, de-
de pul, Et
intellecti,
quod omni-
um deo.
Ecclesi. 1.
Qui addit
de, mutam,
adit & la-
borem.
Ecclesi. 2.
Non satia-
tur oculus
visu, nec au-
ris auditu
inmensum.
Et 7. divi-
sapientia effi-
ciat, & ipsa
sanctum fe-
ciat a me-

1. Cor. 13.
1. 2. 3. 4. 21.
2. 6. ad 1.
Nam quod
Cajet. ait
dilectione
Dei natu-
ralem vir-
tutem non
esse, abusu
est.

161. 49.
Amos 4.

Respon.
ad 3.
Cic. 1. At.
in Cat.
Major.

Multo vero minus ex proverbii conficitur: nam verba illa plane de cæca voluptate intelliguntur. Quam apud Ciceronem Plato escam malorum appellat, quod ea videlicet homines capiuntur, ut hamo pisces. Non est Philosophia meretrix illa vaga, & garrula, quietis impatiens, procax, blanda, adulatrix, preparata ad decipiendas animas, sed, si quid tale est, est illa Thamar, quæ causa proles sedit in trivio, ad quam studiosus, & fidelis Judas declinavit, indeque genuit Phares & Zaram, qui in Evangelii memorantur. Non sunt musæ Sirenes, ut est apud Pythagoram: castæ sunt, non meretrices: veraces sunt, non fallaces. Qui Sirenum cantibus delectantur, hi sunt in vitio: qui Musas amant, in vicio non sunt. In epistola autem ad Colossenses, eodem Clemente auctore, non reprehendit Apostolus Philosophiam veram, hoc est, quæ de naturæ rebus vere sentit, sed Epicuream, quæ videlicet tollit providentiam, & in Deorum numerum refert voluptatem, & præter res corporeas nihil esse credit. Hujusmodi ergo, aliasque similes Philosophorum doctrinas condemnat Paulus, quæ ab ipsis auctoribus Philosophiæ nomine venduntur, cum nihil re vera minus sint, sed ignorantium hominum traditiones, quemadmodum eas vocat Apostolus. Vera autem, & naturalis Philosophia non hominum traditione, sed Dei revelatione habita est, ut supra ejusdem etiam Apostoli testimonio ostendimus. Cum vero eodem ipso capite scriptum sit: Hoc autem dico, ut nemo vos decipiat in sublimitate sermonis, mirum est, cur Lutherus, Philippus, & alii, quos, quoniam adhuc Catholicis habentur, nolo hic nominatum cum hereticis lacerare, eloquentiam, & omnem sublimem dicendi characterem non reprehenderint. Absurdum est enim, ut quibus verborum disciplinæ placent, his rerum cognitio displiceat: Sed periculosa curiositas (nam hoc dicit quidam) & nimia in definiendis rebus obscuris audacia, & Philosophiæ studio sunt nobis natæ. Atque idem excusatione summæ stultitiæ, summæ improbitatis odium deprecans adjicit, se non in totum Philosophiam damnamus putare. Hoc autem calumniansi genus, quale sit, & ejus hominis, quis non videt? Cer-

te non aperti, non simplicis est, non ingenui, non iusti, non viri boni: sed versuti potius, obscuro, astuti, fallacis, malitiosi, callidi, veteratoris, vafri. Non nascuntur, mihi crede, & studio Philosophiæ vitia, sed ex errore, & ignorantia nascuntur. Quid enim Philosophiæ magis contrarium esse potest, quam aut vana, periculosaque sectari, aut quod non satis exploratum sit & cognitum, id sine ulla dubitatione definire? Quid vero sibi vult oratio illa, se non in totum philosophiam damnamus putare? Quam igitur partem philosophiæ damnat? An, ut Lutherus, eam, quæ contemplatur, & cernit? Explicet, atque excutiat intelligentiam suam, ut videat, quæ sit in ea species, forma, & notio philosophiæ. Nos enim non more vulgi doctrinam Stoicam, aut Platoniam, aut Ithagoricam, aut Aristotelicam, philosophiam appellamus: sed, ut homines definiendi periti, si interpretari volumus, studium sapientiæ, si rem ipsam querimus, rerum humanarum, ac divinarum, terrestrium atque cælestium scientiam. Quam non dico in totum, sed ne in partem quidem damnare, vel insignis stultitiæ est, vel malitiæ manifestæ. Augustinus porro libro primo de morib. ecclæ. cathol. cap. 17. curiosam naturæ inquisitionem, & nimium quandam amorem terrenæ sapientiæ cavendum intelligit, non veram philosophiam, quæ est amor sapientiæ moderatus.

Jam vero quod ex priore ad Corinthios epistola opponitur, nihil illud ad 4. movere potest. Nam quod ait: Perdam sapientiam sapientium, id perinde est ac si duxisset, sapientiam sapientum obscurabo. Quomodo? Nempe illustrando mundum majori doctrinæ lumine, ad quam doctrina Philosophorum omnis nulla esse videatur. Sicut etiam sol fulgore suo stellarum, lucernarumque lucem dicitur perdidisse. Prudentiam autem prudentium Deus reprobavit, quia non elegit, sed quæ stulta sunt mundi, ut conlunderet sapientes. In quem sensum fortes, & potentes reprobasse dicitur, quia infirmos, & ignobiles elegit Apostolos, ut Dei virtus magis in Evangelii prædicatione claret. Quamquam Clemens primo libro & quinto Stromatum docet, non esse hic forte sermonem de vere sapientibus & prudentibus, sed

Id sentit Hieron. in Ep. cap. 19. Quæ tradit ibi, non de quibusque prophetis esse sermonem, sed de sapientibus & magnis judic-

1. & 6. lib.
Hieron.

Coloss. 2.

non, quos
in ad-rem
Cura dei
silio ex-
carnalis
hat. Perit
atque sapientia
a sapientibus
etiam de
intellectus
prudens
eius abic-
ditur.

de his, qui sibi sapientes & prudentes viderentur. Sicut non vocatur Evangelium stultitia, quod stultitia sit, sed quod ita hujus mundi sapientibus visa sit. Nam illud, Scientia inflat, facilitum intellectus est. Non enim magis scientiam hic damnat Apostolus, quam opes, regna, pulchritudinem, vires, abstinentiam, virginitatemque damnaret, si hæc omnia inflare testaretur. Clemens vero Alexandrinus secundo Stromatum libro de illis hoc exponit, qui se sapientes existimant, cum tamen superbi sint, nihil re vera scientes, sed languentes circa quaestiones. Quæ intelligentia ex eo probabilior efficitur, quod statim Apostolus subdit, Si quis autem se existimat scire aliquid, nondum cognovit, quemadmodum oporteat eum scire. Non itaque vera Scientia inflat, sed quæ videtur esse, nec est tamen, ea inflat. At primo Stromatum libro, nove exponit inflare, pro eo, quod est, facere ut magnifice sentiant, qui eam habuerint. Revert vero in hoc illud Ecclesiastici quarto capite, *et sapientia filios suos inflavit*: sic enim veritatis interpretes. Quod alii, exaltavit, Hieronymus vero, vitam inspiravit. Verbum autem *inflavit*, elevare, & tollere est. At vero illi testimonio ex prioribus ad Timoth. cap. 6. Divinus Hieronymus in commentariis super epistolam ad Titum 1. cap. respondet in hæc verba: Queritur, quare ad id, quod Apostolus ait, Secundum fidem electorum Dei, & cognitionem veritatis junxerit, quæ juxta pietatem est, utrumnam sit aliqua veritas, quæ non in pietate sit posita, & nunc ad distinctionem illius interatur cognitio veritatis, quæ juxta pietatem est. Est plane veritas, quæ non habet pietatem. Si quis Grammaticam artem noverit, vel Dialecticam; ut rationem recte loquendi habeat, & inter falsa & vera judicet. Geometria quoque, & Arithmetica, & Musica habent in sua scientia veritatem: sed non est scientia illa pietatis. Scientia pietatis est nosse legem, intelligere Prophetas, Evangelio credere, Apostolos non ignorare. Absque pietate vero noticia veritatis delectat ad præsens: sed æternitatem non habet præmiorum. Hæcenus Hieronymus. Sanos ergo sermones vocat Apostolus eos, qui salutem animæ præstant, pios vero, qui pios

& religiosos homines faciunt. Hæc humana scientia non exhibet: sed non proinde est Theologo inutilis.

At Apostoli non incurrunt humanis literis eruditi. Fateor: Christus non docuit eos Geometriam, Astrologiam, Physicam. Et hoc item fateor: Spiritus sanctus docuit eos omnem veritatem, nec Philosophiam, Arithmeticam, aut Geographiam docuit. Verum est & id quidem. Christus nobis & Apostoli non Dialecticam artem, sed nudam sententiam, quæ fide ac bonis operibus custoditur, tradiderunt. Non repugno. Non igitur sunt disciplinæ illæ Christiano doctores utiles. Id vero est, quod ego constantissime pernego. Apostolus siquidem, ut ait Clemens, Spiritus sanctus omnia plene fuggerebat, quæ erant & ad scripturnam sacram intelligendum, & ad docendum cujusvis generis homines necessaria. Nos autem, qui Spiritus hoc peculiare donum non habemus, si humanarum simus literarum rudes & ignari, nec divinas percipere sane possumus, nec perfecti esse in ecclesia doctores. Christus etiam & Apostoli non docuerunt nos humanas disciplinas, ut fides nostra non esset in sapientia hominum, sed in virtute Dei. Doctræ etiam nihil voluerunt, nisi quod esset ad salutem necessarium. Alioqui, si exemplum placet, ignoremus Grammaticam, quoniam Apostoli Grammatici non fuerunt. Simus barbari, quia non fuerunt eloquentes Apostoli. Nihil consulto, ac cogitato meditatum, & præparatum inferamus, quod Apostoli hæreticis, Philosophis, Tyrannisque evincendis repente, atque ex tempore sapientissime loquebantur. Quomodo autem docti sint omnem veritatem, Augustinus in Joannem declaravit. Sunt autem sine dubio humanæ quedam veritates, quas tamen Apostoli non sunt edocti, nos tamen utiliter addiscimus.

Quod enim disciplinis humanis subiecta sit veritas, quam tractent, & in qua versentur, adeo est manifestum, ut stultum sit & me probare velle, & alios negare. Quo vero tempore, quo loco, quo cum hominum genere disciplinis humanis Theologo sit utendum, nam & hoc in argumento queritur, alio libro sumus fuisse, ac diligenter explicaturi. Itaque nunc res eas prætermittimus, quarum ratio & major est, & in aliud tempus differenda.

Respon.
ad 5.

Sec. lib. 1.
hujus Ecclesiæ
cap. 6.

1. Strom.

Lib. post.

Tan.

1. Tim. 6.

Respon.
ad 6.

Tantum ergo postremum illud argumentum restat, cui respondere debeamus. Id quod argute Clemens Alexandrinus primo Stromatum libro facit, inquit: Non per ablationem Philosophiæ perimitur veritas, sed ad eam cooperatrix, & adiutrix invenitur: sicut primus & secundus gradus ei, qui ascendit in cœnaculum, & Grammaticus ei, qui est philosophaturus. Nam & visus, & auditus confert ad veritatem, mens autem est, quæ eam apposite & naturaliter cognoscit. Perspicuitas etiam opem fert ad tradendum veritatem: & Dialectica, ne prosternamur ab hæresibus. Et est quidem perfecta Servatoris doctrina, & aul-

lius indiga, cum sit Dei virtus, & sapientia. Accedens autem philosophia non veritatem facit potentior, sed debilem adversus eam efficit sophisticam argumentationem: & propulsans dolosas adversus veritatem insidias, vineæ est sepes, & vallum. Et quæ est quidem ex fide veritas, tanquam panis necessaria est ad vivendum. Quæ autem præcedit disciplina, est obsonio similis, & bellariis. Desinente cœna, suavis est placentula, ut ait Pindarus Thebanus. Hactenus Clemens. Hactenus etiam nos de octavo loco dixerimus. Ac si quæ sunt forte reliqua, ea in nono, qui statim sequitur, differantur.

Socr. etiam
vult lib. 1.
Ecclesiæ hist.
c. 16.

Finit Libri Noni.

DE PHILOSOPHORUM

Naturam ducem sequentium
AUCTORITATE,
Quæ nono loco posita est.

LIBER DECIMVS.

CAPUT I.

Hujus loci pertractandi necessitatem exponit.



Quemadmodum argumenta Theologo ducerentur a Philosophia, atque ab omnino ratione naturæ, satis explicatum arbitror loco superiore. Sequitur, ut cætera persequar, quæ pertinent ad Philosophorum & historiarum humanarum auctoritatem. Hi namque soli duo restant ex locis, qui sunt in initio propositi: de quibus dicere aggrediar, si pauca prius de instituto, ac judicio meo dixerim. Quamvis enim libri nostri non modo in scholastica pugna, & concertatione versentur, sed multa etiam alia contineant iis utilissima, qui interiores scrutantur, & reconditas literas: tamen interdum vereor, ne quibusdam bonis viris scholæ nomen sit inuisum, mirenturque, in ea illustranda tantum me operæ & temporis ponere. Ego autem quamdiu res scholastica per eos gerebatur, qui juventutem ad scholæ Theologiam incitare sunt soliti, meas curas, cogitationesque omnes in id conferebam, ut me quavis via, & ratione a scholasticis constitutionibus liberarem. Non enim existimabam, meam operam scholæ Theologis quoquo modo necessariam. Cum autem Academia viros illos summos amiserit, & quidam ex reliquis, qui hujus rei tuendæ socii esse deberent, studia hæc vel tan-

quam arida, contentiosaque dimiserint, vel certe ut laboriosa, & molesta declinaverint, Lutherani vero quasi novitia quoque reprehenderint, indignum judicavi illi me otio dare, quod multis ante mihi, magnisque desideriis optaram. Itaque in his studiis ab initio versatus ætatis, existimavi honestissime me Christianæ Reipublicæ intervenire posse, si animam in schola meum vel reputantem continerem. Cui cum multum adolelescens, discendi causa, temporis tribuissim, posteaquam Theologiam publice profiteri cepi, meque ipsum discipulis tradidi, tempus fere totum consumebatur in docendo, scribendo otium non erat. Sustinebam enim magnum onus, non discipulos modo quotidianis & lectionibus, & disputationibus instituendi, verum etiam de multis & verbo, & scripto respondendi. Accedebant etiam non infrequentes ad populum conciones, quibus me vel necessitas adjudicabat, vel voluntas. Plures autem res, præsertim magnas, eodem simul tempore non modo agere, sed ne cogitare quidem possumus. Quamobrem de hoc opere absolvendo, in quo tantam difficultatem inesse videbamus, ut viro indigeret non solum egregie docto, sed nullis aliis negotiis prædedito, omnem omnino spem laxius abjecimus. Sed partim discipulorum precibus essagitati, partim amicorum convitiis evicti, tuo vero iussu potius, Pater optime, cujus studiis, præsertim in re tam iusta, cum difficile est, tum ne æquum quidem oblitere, subcivis, ut ajunt, horis, opus hoc informare decrevimus, ut si quo

quo forte casu nequeamus absolvere, certe instituisse videamur. Eo vero minus instituti mei pœnitet, quod facile sentio, ut nihil aliud agam, excitare me homines non fœciores ad rei magnæ investigandæ cupiditatem. Nos enim si non assecuti, at id secuti profecto sumus, ut ea his libris explicaremus, quæ nec satis erant nota nostris, & erant cognitione dignissima. Sed jam ad instituta pergamus. Danda enim opera est, ut etiam si ad alia aberrare aliquando tæperit, ad hæc revocetur oratio.

CAPUT II.

*Ubi argumenta proponuntur, quibus
Philosophorum auctoritas
elevatur.*

1. Arg.

2. Arg.

3. Arg.

Fuisse olim in Ecclesia nonnullos, qui Philosophorum auctoritatem a schola Christiana rejecerint, Clemens Alexandrinus perhibet, gravis in primis auctor. Tradit etiam hanc illos persuasionem induisse, quod Dominus apud Joannem dixerit, omnes quotquot ante se venissent, fures fuisse & latrones: nec audisse eos oves. Fures autem vocatos ajunt, quod fuerint sophistæ fallaces. Nam sophisticen, quandam furandi artem, ipse quoque Aristoteles dixit. Et Justinus, cum docuisset Philosophos similes esse latronibus, & tanquam deceptoribus redarguisset, per insidias Creicentis Philosophi interemptus est, ut Eusebius scribit lib. 4. Ecclesiast. histor. cap. 16. Non sunt igitur Philosophi audiendi, præsertim cum nostræ semper doctrinæ repugnarent. Nam ut Rustinus lib. 1. Ecclesiast. histor. cap. 2. refert, Arrio favebant viro in questionibus callidi, & ob id simplicitati fidei adversi. Atque Epiphanius lib. 2. adversum hæreses, cap. 19. eo nomine taxat Arrianos, quod fuerint novi Aristotelici, & ab hoc Philosopho veneni jaculationes sibi ipsis affricerint, reliquæque Domini mansuetudine, Aristotelem induerint. Ita nec spiritus donum in se habere digni facti sunt. Ex Hieron. adversum Luciferian. Arrianam dicit hæresim argumentationum rivos de Aristotelis fonte mutuari.

Paulus denique ait, Philosophos dicentes se esse sapientes, stultos factos esse, traditoseque in reprobum sensum.

Eorum igitur auctoritas nullius apud nos momenti esse debet. His, & similibus argumentis vetulus error ille utebatur. Quem tamen jam diu sepultum sine ullo etiam argumento Lutherus fuscitare conatus est, damnareque subinde cum scholasticis cæteros, tum magis D. Thom. quasi auctor fuerit regnantis Aristotelis, vastatoris piæ doctrinæ: sic enim loquitur contra Latronum. Videlicet Domitiani exemplo, philosophos non urbe solum, sed orbe pellendos esse credit. Nos autem quid Fides Catholica, ratioque sana teneat, breviter, & sine disceptatione doceamus.

CAP. III.

*Qui Philosophi sint Theologis
utiles.*

Philosophorum auctoritas eorum, qui Italia senserunt, nostram non potest adjuvare doctrinam, & latentia cognita facere, ut Augustinus ad Dioscorum vere, & sapienter scripsit: Quid enim nobis est, ait, propter descensionem Christianæ religionis, quare quid senserint Anaximenes, Democritus, Epicurus, Parmenides, & Melissus, alique similes hujus famæ philosophi, quorum doctrina erroribus naturæ rationi contrariis plena fuit? Non itaque omnes Philosophi scholæ nostræ probati sunt, sed illi, de quibus apud Platonem Socrates, Sunt, inquit, in mysterium multi quidem, qui gestant ferulam, pauci vero Bacchi. Magnifica vero vox, & magno viro, ac sapiente digna, qua docemur, multos utique barba, & pallio tenus, sed paucos re vera fuisse Philosophos. Paucos igitur hos, qui scilicet naturæ vim & cœcæ, morum ac vitæ normam via & ratione investigant, magnæque ex parte consecuti sunt, Theologis esse utiles, hæc nos oratione contendimus. Nec video equidem, cur ejusmodi Philosophos tanto Lutherani odio prosequantur, nisi quod auctores obscuros, intellectuque difficiles perdisceere nec volunt, nec vero possunt. Etenim optimi cujusque Philosophi commentaria, præsertimque Aristotelis, discipulum non modo ingeniosum, sed amantem etiam laboris ex gunt. Illi vero enim parum ingenio valent, tum in laboribus & vita

etiam

etiam Christiana pellendis occupati & sunt & fuerunt. Quamobrem, quod in philosophorum libris difficile atque arduum esse vident, id & horrent ipsi, & ab eo juvenum animos alienant. Quid autem sibi Theophilus Alexandrinus velit, penitus non intelligo, cum in secundo paschali libro Origenem carpit, quod Philosophorum argutias tractatibus suis miscuerit, atque ita ex malo exordio in fabulas & deliramenta processerit, ac Theologicum dogma ludum & jocum fecerit. Quantum illud apud Porphyrium, quamquam ab impro Philosopho dictum est, verius tamen & luculentius dictum est, Origenem Graecorum divitias omnes ad Christianum dogma locupletandum convertisse. Sed haec forte obscura sunt, cum lente argumentis nullis appositis explicantur. Factis primum illustranda sunt summuorum virorum haec, Deinde patrum nostrorum testimonis, Tum rationibus apertissimis illis quidem, sed quam paucissimis. Cum enim in hujusmodi causis, quae scholae propriae sunt, verear equidem, ne cum ex scholasticorum disputationibus, non ex ecclesiae sensu deprompta nostra videatur oratio, interdum argumenta ducta a ratione perstringimus, & veritatem, quam sequimur, majorum potissimum auctoritate suademus. Intelligendum est autem, cum proposita sint genera decem, e quibus argumenta ratiocinationisque manarent, splendidissimum videri, quod veterum traditione exemplisque consistit. Atque si bono loco res essent, quae more aguntur & institutis ecclesiae, de his nihil erat argumentandum: illa enim ipsa certissima argumenta sunt. Lutheranorum vero oratio tota mox erat ejicienda. Est enim inimica ecclesiasticae regulae, sine qua nihil rectum esse potest, nihil constans, nihil verum. sed haec alias. Nunc quod instat agamus. Porro olim ecclesiae Doctores summi fuere, qui iudicium fuere philosophi, Didymus, Justinus, Origenes, Gregorius Nazianzenus, Basilus, Gregorius Nissenus, Damascenus, Augustinus. Tales enim, cum habebantur, ecclesiasticae scholae praefici solere, Eusebius libro 5. ecclesiast. hist. cap. 10. scribit his verbis: Consuetudo antiquitus tradita servabatur, ut divinarum scripturarum doctores in schola ecclesiastica habeantur, vin duntaxat scientia, & eruditione probatis-

simi. Hujus officii auctor & dux tunc sacris illustris habebatur Panthenus, qui in Philosophis Stoicis prius nobiliter florisset. Tradit quoque Origenes apud Eusebium, lib. 6. capite 15. non solum a Panthano, sed ab Heracla, aliisque plerisque doctoribus Apostolicis Philosophorum libros legi solitos. Quod si sanctorum loca recte voluerimus, quibus illi philosophorum testimonis utuntur, non eorum modo, qui de moribus, sed eorum etiam, qui de natura scripserunt, verendum nobis est, ne in caula parum dubia testibus utamur minime necessariis. Legant illi omnia eorum commentaria, quibus de opere sex dierum disputatio instituta est; atque in his vel ipsis videre poterunt, & quanta fuerit majorum nostrorum perlegendis philosophis diligentia, & quantus sit Philosophorum explicandis sacris literis usus. Vide autem etiam Hieronymum, in 17. cap. Hierem. Et lib. 2. adversus Jovinianum. Ubi etiam cum haeretico differens, variis philosophorum testimonis utitur: multisque philosophorum commentariis, rerum naturalium exemplis editis, plane docet, quantum hominum auctoritas Theologo ad argumentandum conferat. Sed de hac re paulo post. Nunc id, quod erat institutum, persequamur. Sane ut reliquos praetercam, quos stare a nobis adversarii nostri non dubitant, Epiphanius certe ipse, quem nobis objiciunt, Philosophorum auctoritatem haud semel usurpat. Doctrinus enim haeresi 51. quam ratione essent haeretici fugandi, Ajunt, inquit, hi, qui haec in consuetudine habuerunt, ordine Didamni, Styrcis, Libanotidis, Abrotoni, Bituminis, Thymamatis, Lapidis Gagae, aut cornu cervi fugari repulsi, & venenum jaculantia. Item haeresi 78. cum multis argumentis suffisset, Beatam Virginem post partum virginitatem conservasse, subdit: Si vero etiam ab alia quadam speculatione ipsas res accipere convenit, attingemus quoque rationum naturae cognitiones. Ajunt, leenam non parere praeterquam semel & unum. Cumque subjecisset causam, quam ejus rei Philosophi naturales redderent, colligit Beatam Virginem, quae Leonem peperit de tribu Juda, non nisi semel atque unum peperisse. En Epiphanius, & Christianos instruens, & cum haereticis de fide certans, Philosophorum testi-

Vid. A. 1. 6. animal. & Gen. 1. 13. c. 2. & Hieropo. 1. 1.

Hoc illorum
nona & ad
Tantum & c.
ad Epistolam
Memorandum
rebus &
Clementem
vero Alex.
Eusebium.

simonia refert. Quin etiam Paulus non solum cum ethnicis pertinet, sed etiam cum fideles instituit, Poetarum & Philosophorum testimonia referre solet, ex quibus argumenta sumere. Nam ad Aethiopes loquens ex Arati Astronomi Phenomenis usurpat illud, Ipsius enim & genus sumus: ad Corinthios vero ex Euripidis Poetae tragædus illud, Corrumunt bonos mores colloquia prava: ad Titum autem ex oraculis Epimenidis Philosophi illud, Cretenses semper mendaces, male bestiae, ventres pigri. Ac subiicit hic protinus: Testimonium hoc verum est. Si igitur quæ dicit Apostolus, ea Philosophorum testimoniis confirmat, Pauli etiam, non modo aliorum sanctorum exemplo facere nos idem & possumus & debemus.

Alter erat locus, a patrum testimonio ostendere Theologos Philosophos esse utiles, ubi nihil laboris esse video, cum testentur hoc plerique quidem non obscure, sed apertissime, Augustinus lib. de doctrina Christiana 2. cap. 40. Socrates lib. 3. histor. eccles. cap. 16. Num locupletiores queris auctores? Citarem alios, nisi alio nostra festinaret oratio. Certe Hieronymus in epistolâ ad oratorem Magnum non testatur hoc modo, sed magnis etiam argumentis confirmat. Tertium est propositum, rationibus illud ipsum demonstrare. Id quod faciam plane, & faciam brevius, quam res tanta fieri possit.

Multa a Philosophis prudenter fuisse & graviter disputata, multa etiam breviter, & commode dicta, multa denique ingeniose & luculenter exposita, qui negaverint, si non sunt verbi & ratione, sed vinculis & carcere fatigandi. Atque si etiam hoc naturæ ratione præscribit, ut quæ viri graves, ingeniosi, eruditi, acute diligenterque tradiderint, ea juvenes memoriæ mandent, fierique studeant illorum & scientia, & prudentia docti, necesse est, Philosophorum doctrinam non juvenibus solum, sed his etiam omnibus esse utilem, quibus utilis aliquando communi: cum humana sapientia & prudentia futurum est. Quod si ita est, idcirco nos superiore loco satis ostendimus, Theologos ad res multas huiusmodi commercium habuit, nimirum quoad poterunt & licebit, ab eorum latere non discedent, qui recte

de moribus & natura sentiunt. Idcirco ipsum si ita est, Philosophorum ceteris Theologi dare operam debent: non enim alios hodie reperire, qui de rebus huiusmodi aptius & sapientius philosophentur. Verum autem primum, verum igitur & extremum. Nam illud quidem absurdum est, quod quidam dicunt, omnia esse sacra literis prodita, quæ ad rationem hominis instituendam videntur esse opportuna & necessaria. Quorum error, quoniam abunde ex iis, quæ supra diximus, exploditur, non est hic pluribus recensendus. Quid enim stultius esse potest, quam aut in scriptura sacra liberales omnes disciplinas traditas credere, aut huiusmodi disciplinis existimare hominis rationem non bene & utiliter institui? quod si philosophia Theologo utilis & bona est, eam autem nisi philosophorum libris aditus consequi non potest, non utique sunt ei philosophi neglegendi. Cum autem herdarum, lapidum, animantium, arborum, elementorum, aliarumque rerum terrestrium celestiumque cognitio, saceris literis intelligendus sit magnopere necessaria, quemadmodum August. 2. de doctrina Christiana li. docet, nosque etiam sumus idem in 17. huius operis libro fuisse demonstraturi, insanus profecto erit, qui in harum rerum cognitione paranda eos auctores neglexerit, qui & summo ingenio, & magna perquisitione, & multo temporis experimentis, in his cognoscendis elaborarunt. Cum igitur hic locus nihil habeat dubitationis, quin Philosophi plurimum Theologis prosint, illud, de quo dubitari a doctis etiam potest, iam statuendum est, argumenta & philosophorum auctoritate petita, certa ne, an potius incerta sint.

Lib. 1. & c.

CAPUT IV.

Quam habeat in re theologia certitudinem Philosopharum auctoritas.

Philosophorum omnium una eademque consensio certam fidem facit Philosophici dogmatis. Quod enim in aliis aribus valet, ut auctores probati tantum apud eos, qui eam artem sequuntur, auctoritatis habeant, ut inde non

l. ii. de con.
Greg. 216.

non nisi temere discendi soleat, id in Philosophia, ac multo etiam magis valere debet, ne in rerum naturalium cognitione vario discipuli verentur errore, nec habeant unquam quos sequantur. Bene, inquit Aristoteles liboscundo de cælo, sese habet quemque sibi persuadere, veteres, & majorum maxime nostrorum sententias veras esse. Atque si in omni disciplina, & arte oportet adfidentem credere, ut & Aristoteles idem prudenter admonuit, & Theodoretus magna exemplorum vi ostendit, & patet, in Philosophia certe perdiscenda scientia hujus professoribus, in eandem præsertim sententiam concurrentibus, si eam habeamus oportere. Quanta vero arrogantia est, quanta temeritas, non cum Platone dicam, Aristotele, Hippocrate, Galeno, Theophrasto, Themistio, Alexandro, Dioscoride, ceterisque hujus chori Philosophis, unum idemque concinentibus dissentire, quorum scripta, & magna cura, studioque elaborata, & posterorum non examinatione modo expensa, verum etiam confessione probata sunt: sed contra sui temporis homines doctos dicere, & singularia placita communibus antepone? Nempe id est, ut ille inquit, bellare cum diis, id est, naturæ repugnare: major enim pars eo deferri solet, quo a natura ipsa deducitur. Ex quo intelligitur, non esse alienum Theologicis institutis ad ea coniectanda, quæ in natura dubitationem afferunt, adhibere doctos homines, & si morum questio est, usu peritos: & quid his de unoquoque questionis genere placeat, exquirere. Quod si pictores, & ii, qui signa fabricantur, & veri etiam Poetæ, summi quique opus a vulgo etiam considerari vult, ut si quid reprehensum sit a pluribus, corrigatur: quanto magis Theologo prudenti non vulgi, sed sapientium Philosophorum judicio, permulta de rebus naturæ sententiæ mutandæ & corrigendæ sunt, licet illi veræ esse videantur? At enim in rebus, quæ ad mores pertinent, non doctissimorum Philosophorum modo, sed virorum quoque optimorum, nulla etiam causa reddita, valebit auctoritas. Nam, quod Aristoteles docet, ut omnia ferre, tradidit, quemadmodum de saporibus palatum sanum recte judicat, infectum non item: sic vir bonus & ju-

stus bonum a malo, rectumque a pravo egregie discernit, contra autem omnis affectus animi perturbati tollit judicium veri, idque adulterat. Adeo illud verum est, qualis unusquisque erit, tale etiam judicium proferet. Atque ipse idem Aristoteles plane sentitur, non minus eorum, qui sunt experti, & seniorum, prudentiumque sententiis, quam ipsis demonstrationibus adhibere animum oportere. Tanquam oculum enim, ait, per experientiam, habentes principia ipsa rerum agendarum cernunt, & ab his perinde atque a natura acti recte discernunt. Quamobrem sancte, ac prudenter Innocentius, in morum judiciis sanctorum exempla non sequi voluit. Gravissime quoque Plato in Timæo. Fieri, inquit, non potest, ut deorum filius fides non habeatur, etiam si absque probabilibus, & necessariis dicant demonstrationibus. Et Ecclesiasticus, Cor, at, boni consilii tate tecum. Anima enim viri sancti enunciat aliquando vera, melius quam septem circumspectores sedentes in excelso ad speculandum. Quæ causa mihi semper fuit, pater sanctissime, atque optime, ut in rebus hujusmodi gravissimum judicium tuum non minus expectarem, quam alterius cujusque eruditissimi Philosophi, atque Theologi. Intelligebam enim virtutes illas omnes, quas expertus fueram in te, nullo etiam Dialectico syllogismo interveniente, id quod rectum esset secuturas, declinaturasque contrarium. Mihi autem hæc oratio suscepta non de te est, sed de proborum genere toto. Neque illam de scientiæ dogmatis, sed de prudentiæ judiciis potissimum intellectam velim. Judicia quippe prudentiæ, mutatis moribus permutantur, scientiæ vero decreta non item. Ab his autem longe dissentio, qui decernendis conscientiæ casibus (sic enim vocant) relictis doctissimis Philosophis, ac Theologis, spirituales nescio quos homines consulunt, qui visionem cordis sui loquuntur, non de ore Domini. Multa quoque perfectione, exercitationeque virtutum opus est, quemadmodum ait in 4. cap. Joannis Origenes, ut bona & mala, vera & falsa judicare possimus. Rari autem illi sunt, qui, quod Apostolus ait, exercitatos habeant sensus ad discretionem boni & mali. Sed hæc hæcenus. Nunc eo redeamus, unde huc digressi sumus.

6. Eth. c. 11.

d. 20. c. de quibus.

Cap. 32.

Hier. 36.

Constitutum est igitur, Philosophorum iudicium, eorum scilicet, qui magna doctrina excellentique ingenio valuerunt, in magno pretio esse nobis habendum, si nolumus haberi temerarii.

Omnino si quicquam est probabile, nihil est profecto magis, quam naturæ principem naturalis disciplinæ doctores aliquos mortalium generi providisse. Quis enim adeo esset insipiens, ut academiam unamquamlibet suæ præceptoribus institueret? Certe, quoniam notus in Judea Deus, quasi divinæ scientiæ Gymnasium erexit, Rabbinos ibi etiam procuravit. Et quoniam apud Christianos Evangelicæ doctrinæ academias esse voluit, Apostolos quoque, Prophetas, Evangelistas, Doctores dedit, qui eam in Christi reipub. doctrinam proferrentur. Quapropter, cum universis gentibus edocendis naturæ leges ac disciplinas ediderit, non sit verosimile, nullos huiusmodi legum ac disciplinarum magistros instituisse. Atque etiam, si ab alia similitudine argumentari convenit, Clemens Alexan. Philosophiam, ait, Græcis a Deo veluti proprium testamentum esse daram. Quamquam ergo nec Iudeorum, nec Christianorum testamenta, ita ut Græcorum testamentum quidem absque interprete dereliquit. Quocirca divinæ hic quoque procurationis erat, ut non omnes simul Philosophi aut in Dei cognitione, aut in morum & vitæ regula, aut etiam in rerum naturalium intelligentia, quæ quidem esset ad illa duo priora necessaria, hallucinarentur. Quæ res effectus, ut iuxta Pauli sententiam Græci fuerint inexcusabiles. Qui tamen excusari possent, si eorum præceptores non ad veritatem bonitatis instructi satis, informatique essent, auctore naturæ optimo duce atque magistro. Id vero scripturæ etiam divinæ testatur. De Deo enim in Psalmis scriptum est: Qui docet hominem scientiam. Et rursum in libro Job, qui docet nos super jumenta terræ, & super volucres cæli erudit nos. Nimirum sicut quibuldam animantibus, qui tanquam principes, & duces reliquorum a natura dati sunt, concessi sunt quidam instinctus, quibus ad gregis quisque sui ducatum rectum utilemque serantur, ab obliquo retrahantur & noxio: ita in hominum eorum mentibus, qui natura duces sunt cæterorum, inditas esse notiones credendum est,

quibus in illa, quæ ad imperitorum & rudium populorum doctrinam spectant, inducantur. Nec enim melior est belluarum conditio, quam nostræ. Atque Boetius magno vir ingenio, in primisque doctus, communes sapientum conceptiones (sic enim appellat) non minoris facit, quam si communes essent omnium hominum. Nosque ipsi 6. ac 7. loco, ad eandem quoque rationem ostendimus, communia doctorum ecclesiasticorum præjudicia non aliter esse accipienda, ac si omnium fideliū essent communes, conspirantesque sententiæ. Quamobrem id quidem non est dubium, quin verum & exploratum illud sit, de quo omnium philosophorum ratio consentit. Quomodo enim homines & ambitiosi honoris & gloriæ, & cæci fere aviditate carpendi, & plurimis sæculis maximeque locorum intervallis sejuncti, in unam sententiam convenient, nisi in hanc quasi conspirationem naturæ impulsu quodam agerentur? Ex quo rursum intelligi peripicique licet, id quod paulo ante dictum est, Philosophos ab uno aliquo mortalium magistro excepisse ea, quæ populis ac gentibus universis communi consensione conscripserint. Verissima ergo sunt communia philosophorum placita, nec ab illis licet, si omnes ad unum idem sentiant, dissentire. At Hieronymus lib. 1. adversus Pelagianos, cum adversarius eam Philosophorum communem sententiam objecisset, qui unam habeat, eum omnes habere virtutes: respondet eam quidem Philosophorum fuisse sententiam, sed non Apostolorum, neque quæ illi curæ, quid Aristoteles, sed quid Paulus doceat. Sane quis sit Hieronymi in dialogo mos, quæ in argumentis eludendis figura, ne longum faciam, hoc loco præteream. Huic enim argumento facile respondetur, Hieronymum sententiam hanc eandem & veram consensisse, & Philosophorum auctoritate probasse: ut in Esa. cap. 16. Philosophorum, ait, sententia est, & apostoli Jacobi, habere sibi virtutes, ut cui una deieuerit, huic omnes desint. Et in 56. caput ejusdem Prophetæ, Virtutes, inquit, invicem se sequuntur, ita ut qui unam habuerit, omnes habeat, & qui una caruerit, cunctis careat. In dialogo igitur illo non vult Hieronymus se in dogmate fidei auctoritate philosophorum argere,

6. Strab.

psal. 93.

Job. 35.

ri, quam tamen ipse idem aliis locis usurpat.

CAPUT V.

Quibus finibus Aristotelis auctoritas circumscribenda.

Cum vero de unius aut alterius philosophi secta dissetur, longe diversa questio est. Atque quo quisque doctor & gravior est, eo est illius quidem & probabilior auctoritas, & si de dignis testimonium. Sed nulli Theologus ita seie adjudicare debet, ut ab eo ne latum quidem unguem putet discedendum. Non enim æquum est, ut apud Christi discipulos tantum Ethnicus unius auctoritas possit, ut etiam sine ratione vincat. Refert certe in quacunque arte plurimum, unum in illa excellentem auctorem legere, cui potissimum te addideas. Nullus tamen quamlibet eruditus, sentiendi tibi ac dissentendi auctor futurus est. Nemo enim fuit omnium, qui non, ut homo, interdum hallucinaretur. Enimvero quis primas inter Philosophos habeat, quisve proinde ille sit, cui præcipuam dare operam operæ pretium sit, variæ sunt doctrinæ hominum discrepantesque sententiæ. Nam, ut alios præteream, in hujusmodi causa aliud D. Aug. videri solet, cui cave quam anteponas: nec enim doctor vir fuit Augustino quisquam, nec clarior. Aliud autem videtur D. Thomæ maximo gravissimoque theologo atque Philosopho. D. Augustino Plato summus est, D. Thomæ summus est Aristoteles: sic fere res habent, ut id doctrinæ genus quisque maxime probet, cui a teneris annis assuetus est. Exoritur Augustini ratio ex altera parte, nullos esse omnium Christianæ magis doctrinæ concordēs, quam Platonicos. Plato siquidem fuit ex Hebræis philosophus, ut Clemens Alexand. auctor est. Imo vero, inquit Thom. Peripateticorum doctrina Christiano dogmati consentit plurimum. Clemens enim Alexand. lib. 1. Serom. etiam refert, Aristobulum multis libris probasse philosophiam Peripateticam ex lege Mosæica & aliis dependisse Prophetas. Ac D. Thomæ sententia quidem, & omnium pene gentium & multorum seculorum usui probata est. Platonem enim jam inde a multis annis vix in

angulis homines otiosi legunt. Aristot. vero magno consensu orbis academæ resonant. In Aristotelem quoque illud elogium unicum universe consentiunt gentes, per anonomaliam philosophum, hoc est philosophorum primum fuisse. Jure ergo illum amplectimur, cuius de laude omnium sit fama consentiens. Divo etiam Thomæ ita sunt Theologi scholastici assensu, ut in schola Theologiæ Plato ne locum habeat quidem, ita eam Aristoteles occupavit. Illud constat, neminem in rebus naturalibus plene eruditum esse posse, si solum Platonem legat. Solus autem Aristot. abunde sat est, ut sit homo in Philosophiæ tribus omnino partibus eruditus. Sane, ne quis caueat, miliero seculo Aristot. Theologis, Platonem autem meliore ecclesiæ statu placuisse, sciat is, quicumque est tandem, scholam Aristotelicam Alexandriæ tum etiam vigere solitam, eum ibi doctores Apostolici vigerent plurimum. Sed enim ut mihi quidem videtur, nec Augustini, nec Thomæ contemnenda est sententia. Nam & iis concedendum est, qui Aristotelem amant, & iis forsitan, qui Platonis amici sunt. Quorum judicium, in eo quod de animi immortalitate, de Dei providentia, de rerum creatione, de finibus bonorum & malorum, deque alterius vite vel præmio vel pœnis, Platonem apertius constantiusque locutum asserant, difficile factum est non probare. Probanda vero magis est Divi Thomæ opinio, sed ita tamen ut adhibeatur moderatio quædam, sine qua probari illa non potest. Placet enim quoque nobis Aristoteles, & recte placet, modo ne repugnantem etiam illum ad Christi velimus semper dogma convertere. Id quod interpretes fere solent. Qui vim contextui sæpe asserunt, atque Aristotelem cogunt, ut velit nolit pro fide catholica pronunciet. Periclitemur autem, si placet, & in iis quidem exemplis, in quibus errasse Aristotelem vulgus Theologorum fortasse non putat. Nec enim hoc loco de æternitate mundi, mentiumque præfixito numero differendum est. Sed ne de animi immortalitate quidem. Nam illa priora obvia sunt omnibus, hæc autem questio in his commentariis, quos de anima scripsit, accuratissime est a Cajetano disputata. Verum hæc consideremus, quæ difficultiora sunt, & quæ Aristoteles

Enseb. l. 2.
Ecol. hist.
cap. 12.

1. Serom.

vase, verbiſque de induſtria ad imponendum compoſitis, obſcure videtur e-
nuntiaviſſe: ut ſi a doctis forte viris
jure quandoque & vere reprehenderetur,
haberetur quo pollet elabi, atque ab
amicis excuſari. Nec ego hic tamen
adverſus Ariſtotelem accuſationem in-
ſtituo virum doctiſſimum, & deque hu-
manis literis omnibus bene meri-
tum. Sed cum plerique ab illo nunc
non aliter atque ab oraculo pendere
videantur, ſecureque omnia illius o-
pera legere, minuenda eſt hæc opi-
nio, ne ab hujus Philoſophi placitis
diſſentire, piaculi loco ſit. Audivimus
enim Italos eſſe quosdam, qui ſuis &
Ariſtoteleſ & Averroi tantum tem-
poris dant, quantum ſacris literis il-
li, qui maxime ſacra doctrina delectan-
tur; tantum vero fidei, quantum Ap-
poſtoliſ & Evangelistiſ il, qui maxime
ſunt in Chriſti doctrinam religioſi.
Ex quo nata ſunt in Italia peſſima
illa dogmata de mortalitate animi, &
divina circa res humanas improviden-
tia, ſi verum eſt, quod dicitur. Nihil
enim præter auditum habeo: cum ho-
mines Ariſtoteleſ inflati opinionibus
turpiter ſibi blandiuntur, & inde in
maximo verſantur errore. Sed hæc
hactenus. Nunc ad propoſitum rever-
tamur.

Primus igitur locus, ubi contra ſcri-
pturam fidem erraſſe Ariſtotelem
exiſtimo, habetur de ſomno & vigi-
lia, quo loco negat Deum immittere
ſomnia, redditiſque ejus rei cauſam,
quod ſi Deus eorum eſſet auctor, ſa-
pientibus ſibi maxime, & hiſ quidem
vigilantibus ea immitterentur.

Alterum exemplum eſt in tractatu
de bona fortuna, ubi res fortuitas di-
vine gubernationi ac directioni ſub-
trahit, duobus argumentis perſuaſus:
Uno, quod res ſecunda pravis obve-
niant, quorum Deum habere curam
non ſit vero ſimile: Altero, quod Deus
potius dirigeret in effecta fortunæ ho-
mines ſapientes, cum contra ſere vi-
deamus, imprudentiſſimos quoſque eſſe
fortunatiſſimos.

Tertius locus eſt libro primo de
cælo, ubi quicquid genitum eſſet, id
corruptibile aſſeruit: nec incorrupti-
bile quicquam, quod non eſſet ingeni-
tum. Poſuerat vero ante omnia varias
harum vocum ſignificationes, ut res
verbi ignorantia clauderetur. Ratus
itaque ſe adverſus Platonem bonam ha-

bere cauſam, certamque proinde ſibi vi-
ctoriam pollicitus, contra morem ſuum
non obſcure, ſed quam fieri potuit ap-
pete docuit, quicquid incorruptibile
eſſet, id ingentum eſſe ac perpetuum
oportere, hoc eſt, nullo unquam mo-
do incepiſſe. Sic enim vocem ille in-
terpretatur. Qua ex re fieret, ut ani-
ma rationalis aut corruptioni eſſet obno-
xia, aut eſſet certe ingenta ac ſem-
piterna.

Quartus locus eſt libro quinto, rur-
ſumque duodecimo Metaphyſi, quibus
locis deſinit, Deum animal eſſe perpetuum
& optimum. Vocat autem Deum
communi nomine ſubſtantiam quæcum-
que cœleſtem, & divinam. Nam poſt
hæc incipit inquirere, an illa ſubſtan-
tia ſempiterna una an plures ſint.
Acque eodem lib. 12. conſentit bene,
antiquos res illas præſantiſſimas deos
appellaſſe. Ludit autem per amphibolia
nunc enim mentem ipſam
Deum vocat, nunc cœlum, cujus a-
nima mens eſt, id quod libro etiam
ſecundo de cælo videre licet. Sed ne
quis ſit admiratus, quod cœleſtes ſub-
ſtantias animalia hic Ariſtoeles nunc-
cupet: nam veterum more ſubſtantiam
animatam ſive anima ſenſitiva, ſeu in-
tellectiva vocat animal. Itaque arbitra-
tur Deum illum unum principem cæ-
terorum, extremo cælo aſſixum, per
e move ſp'um, quomodo exte-
ra mentes ſuos orbes movent, ſuntque A-
riſt. ipſorum orbium animæ: ut & D.
Tho. 2. con. gent. c. 70. admittit. Nec
Ariſt. aut 8. Phyſi. aut 12. Metaph.
hominis intelligentiam ad aliud prin-
cipium revocat, quam ad illam primam
mentem, quæ vi ſempiterna primum
mobile ciet.

Quintus locus eſt eodem quoque li-
bro, ubi ſubſtantias intellectualibus cæ-
lorum moribus virtutem tribuit in-
ſtantiam, quod infinito tempore mo-
veant.

Sextus locus eſt eodem etiam libro,
ubi, ut mihi quidem videtur, Dei
providentiam, præmiaque & ſupplicia,
quæ probos & improbos in futura vita
manent, fabulas eſſe ſignificavit, gra-
tia vulgi continendi in officio hu-
ſas. Reliqua, ait, fabuloſe jam ſunt
allata ad perſuaſionem vulgi, atque ad
uſum legum, vitæque humanæ utilita-
tem. Ecquæ enim rogo illa ſunt ve-
teribus tradita, in quibus hæc ambo
convenient, ut ſint & ad uſum legum,
&

Ter. 13.

Cic. de nat. d.
9. 16. ar. 1.

& ad vitæ humanæ utilitatem tradita nisi ea, quæ nos explicare volumus, Aristoteles noluit, ne proborum hominum, eorum vel maxime, qui Reipublicæ curam gererent, invidiam sibi omnique consisteret? Nam, quod Aristoteles Deo rerum humanarum providentiam adimat, maxima auctoritate Theologi affirmant, Clemens Alexand. lib. 5. Strom. & Epiphanius 3. lib. adversum hæreses, cap. ultimo. Quos autem locupletiores auctores querimus, quam sanctos eruditos, in Græcorum quæ doctrinis apprime versatos? Anne ipsius etiam Aristotelis de se testimonium expectamus? Nimirum 12. Metaphysicorum libro verbis artificiose excogitatis, ne in hoc etiam a more suo discederet, absurdum esse docuit, Deum de quibusdam intelligere, quod præstet videre aliqua, quam non videre. Ubi non dicit absurdum esse Deum quædam intelligere, sed de quibusdam intelligere, aut meditari, ut vetus interpres reddidit: Ut non tam simplex rerum vilius intelligentia, quam providentia earum, & cura significaretur. Sentit itaque Deum magnam curare, parva negligere. Atque in libello de mundo, si modo ejus est hoc opus, Deum facit similem magno Persarum regi Xerxi, vel Cambyli, vel Dario, qui ipse per se maxima & pulcherrima regni obeat munia, minora, & sordida mandet aliis. Ac 10. Ethicorum libro, Quod si dii, inquit, curam habent aliquam humanarum rerum, quemadmodum existimatur & creditur, rationabile est, eos amantibus mentem honorantibusque favere, tanquam rerum sibi charissimarum curatoribus ac bene agentibus. Nota, ut existimatur & creditur, & cæc. Jam Diogenes Laërtius aperte tradit, Aristotelem Dei providentiam ad cælestia usque perstringere. Jam, quod libertatem Deo in naturæ rebus Aristoteles neget, viri docti & graves ita magnis argumentis suadeant, ut supervacaneum sit, eas hic a me rationes repeti, quos in promptu est ex illorum libris cognoscere. Certe ubi de mundi æternitate velis equipos, ut aiunt, cum Platone certat, si naturæ auctorem liberum faciat, ridiculus esse videatur. Quid de indignatione ob prospera impiorum eventa, quam ad bonos mores pertinere secundo Rhetoricorum libro affirmat? Quid, quod 7. Po-

liticorum libro præscribit, nihil mutuum, & inmutuum orbaturumque naturæ educendum? scilicet, ne nimia filiorum multitudine res sua illa publica formam speciemque congruentem amitteret? Propter quam etiam causam prævertendos sætus existimat, abortumque ante animationem faciendum. Nam postquam vitam acceperint, nefas putat attingere. Quid de animarum infinita multitudine? quam admittat necesse est, ne in Pythagoræ *μετεμψύχων* incidat. Illa vero admitti, cum infinita corpora esse non possit existimet demonstratum, resurrectionis articulum non admittit. Quid quod duo principia Aristoteles posuit, Deum & materiam? nec enim rerum creationem ex nihilo agnovit. Cujus quidem rei testes non mediocres, sed haud scio an gravissimos, Clementem Alexandrinum, Epiphaniumque noli lector contemnere. Atque hæc quidem Aristotelis sensa fuisse, verendum assero propter D. Thomam, qui hujus Philosophi solet seire esse patronus: sed doctores doctissimi probant illum ita sensisse, quos ego in hac parte secutus sum. Si quis vero pro Aristotelis sensu apologiam adorneat, cum hoc ego non magnopere contenderim. Tantum a Lectore postulo, ut mihi concedat, si potest, Aristotelem in his locis errasse: sin hoc non licet per D. Thomam, at illud certe dabit, vel caute eum ut varium & lubricum esse legendum, vel certe esse in nonnullis placitis reprobandum. Mihi urrumvis satis est, & tum hoc, tum illud probabilius videtur, nec præterea quicquam probabile. Quantum ergo Philosophi vel simul omnes, vel separatim singuli, ad faciendam fidem habeant vitium, satis, ut arbitror, diligenter explicatum est.

CAPUT VI.

Ubi satisfit argumentis capite secundo positis.

NUllius vero negotii erit, objectiones contra a principio positas repellere. Primum enim facile intelligitur, non eos, qui missi sunt, sed illos, qui venerunt, vel Pleiostrophos, vel Pleudophilosophos a Domino reprobari. Non mittebam, inquit, & ipsi currebant. Veros autem Philosophos

Respon
ad 1.

Hic. 15.

S 3

phos

phos divinitus fuisse procuratos, satis supra, ni fallor, argumentati sumus. Deinde Græciæ Philosophos alia ratione fures esse dictos contendit Clemens, quod ultra quam a Moyse & Prophetis sapientiam subriperint, gloriæ aucupande, gratia quasi suam jactare sunt soliti. Pythagoras quidem discipulus fuit Judei cuiusdam Nazareti, ut Alexander in libro de symbolis Pythagorici scribit. Quin Divus Ambrosius Pythagoram genere fuisse Hebræum non obscure tradidit. Certe fuisse circumcisiſum Clemens Alexandrinus auctor est.

Vide Joſephum l.c.6. Apol. Ale. libro.

Clearchus autem Peripateticus in primo libro de ſomno, dicit ſe noſſe Judeum quendam, graviſſimum non ſolum eloquio, ſed etiam animo, cum quo verſatus eſt Ariſtoſeles. Nam Platonem non ſolum a Pythagora, ſed a noſtris etiam doctrinam accepiſſe, & Auguſtinus & Clemens teſtati ſunt, & Ambroſius multis argumentis ſuadet. Id quod Plato ipſe in Timæo ingenne ſatetur. Cum itaque ea, quæ a philoſophis recte & ſapienter dicta ſunt, noſtris nos diſtinctionibus inferuerimus, repetemus noſtra tunc, non aliena mutabimur. Ac de primo quidem argumento hæcenus. Nam cætera ſunt huiusmodi, ut negotium lectori faciuri ſumus, ſi ea modo reſutemus.

CAPUT VII.

De Juris civilis in Theologicis controverſiis auctoritate. Quibus impetatur argumentis.

Quoniam vèro pertinet quidem ad hunc locum juris civilis auctoritas, & ita pertinet, ut non recondita quadam ratione cernatur, ſed ſit in promptu: necesse eſt ut de illa quoque pauca dicantur. Eſt enim ſine dubio juris legumque peritia, recta morum & vitæ diſciplina: philoſophia autem vitæ lex eſt ac ratio. Quo ſit, ut legum civilium periti philoſophi cenſendi ſint, ſcilicet qui veram, ut ille ait, philoſophiam proſtentur. Jus vèro civile nulla in parte Theologis prodeſſe poſſe, ex eo primum ſuadet, quod huiusmodi jura diſcere, præbyteris atque adeo monachis eſt interdiciſum. Repugnat ergo Theologiæ illa facultas, a qua ut clerici abhorreant, lege canonica præſcribitur. Cum

que Theologia ruſſum de rebus divinis ſit, jus vèro civile in rerum humanarum earumque temporalium adminiſtratione veritetur, vix intelligi poteſt, quem uſum Theologo de rebus æternis differenti, ſcientia, quæ res temporarias adminiſtrat, præſtare queat. Ac Cyprianus ſatetur quidem pontifices legibus imperatorum uti, ſed pro curſu rerum tantummodo temporalium. Non igitur viri eccleſiaſtici, cum res Theologicas, hoc eſt, divinas ſempiternasque tractare volunt, leges imperiales uſurpare debent. Imperatorum quoque edicta, quæ jus civile continet, Dei quandoque legibus adverſantur.

Non ergo Theologus ex illis argumentum aliquod idoneum accipiet ad concluſiones theologiæ comprobandas.

CAPUT VIII.

Juris civilis ſtudium Theologo utiliſſimum probat.

Sed illud verius eſt, juris humani ſaculatem in multis theologo commodam eſſe poſſe. Si enim illi canonica ſcientia eſt neceſſaria, huic autem peritia legum adeo conjuncta, & colligata eſt, ut vix altera poſſit ab altera ſeparari, theologus ſane ut jus canonicum, ita quoque & civile cum illo connexum vendicare debet. Quod autem ſacrorum ſtatuta canonum principum conſtitutionibus adjuvantur, viciniſque illas juvent, teſtatur Lucius 3. de novi operis nun. cap. 1. Unde illud apud Italos, *ſi legiſta ſenſu capitulo vale poco, ma il canonista ſenſu lege val niente*, factum eſt jam tritum ſermone proverbium. Ruſſum, Pontificum jura plerumque civili auctoritate rationeque utuntur. A Theologo igitur, cui jus pontificum familiare eſſe oportet, non erit juris civilis cognitio aliena. Auguſtinus præterea non improbat, ſi terreni imperii leges in ſuum adiutorium hæretici aſſumant, id enim ſecit Apoſtolus. Probandum eſt igitur, ac multo etiam magis Theologus, ſi adverſum hæreticos, cum vel de rerum temporalium diſpoſitione recta differit, vel de moribus in republica aut conſtituendis aut conſtitutis, legum civilium auctoritatem adſciſcit. Id quod Auguſtinus idem con-

Diſt. 10. c. quoniam.

ſi quis c. 1. Imperator diſt. 10. c. lege v. 6. ca. Bened.

contra Donatistas sepe facit. Nec enim peculiarem aliquem locum referre libet, cum tam multis hoc sit a Divo Augustino usurpatum. Ad hæc, in disputationem de iustitia, & jure incidat Theologus aliquando necesse est. Quo loco sane ineptus erit, si ea, quæ graviter a viris clarissimis de jure dicta sunt, negligere voluerit. Præterea in pactis, stipulationibus, ceterisque contractibus: in rerum dominio, præscriptione, testamentis, donationibus, testibus, judiciis, aliisque sexcentis hujus generis, quoties Theologo opus est alium a nigro, æquumque ab iniquo secernere? Sæpe nimirum, si ejus munus esse creditur, animarum cavere periculis, earumque salutis consulere, injustitia quippe mortale peccatum est: quare nihil est mirandum, si qui & multorum confessiones audire debet, & de injustitia plurimus respondere, ab eo legum qualem cognationem ipse requiram. Quid cum ad restitutionis materiam apte, exacteque tractandam, de rebus hujusmodi Theologus disputaturus est? Nuni iustitiæ & æquitatis, in foro etiam conscientie, rectus arbiter esse poterit, nisi multa a jure consultis, & civili prudentia munietur? Minime id quidem. Nam licet justum, injustumque internoscere philosophorum, Divique Thomæ libris Theologus adjutus possit: at id solum faciet in genere, in specie autem sine juris aliqua peritia non faciet. Sed hæc vidcri possunt obscuriora, cum sine appositione exemplorum lentius disputantur. Exemplis illustranda sunt hæc, quæ rationibus subtilius quam satis est, disputari videntur. Proteram autem aliqua e multis exempla, nam omnia erit operis infiniti. Sit igitur primum: Si pauperis dicat se habere scrupulum super his aut illis bonis, quæ videlicet ex præscriptione longi temporis possidet, quæ ex donatione uxoris alienæ habet, quæ ex testamento minus solenni, quæve ab intestato obvenierunt. Sit secundum exemplum: Si ait pauperis se habere litrem super hæc, illave causâ, nequireque se an cedere debeat liti, an potius illam valeat juste profsequi. Sit tertium: Si quis primogenitus a Theologo quærat, an peccet mortaliter, nisi sorores justo matrimonio collocet, nisi xs alienum solvat, quod parens contraxerit, nisi protogenium curet, & tueatur. Quid

in donatario? An teneatur ad debita? Quid in domino? An a subditis possit solita quædam munera exigere, eoique ad consueta onera sive realia, sive personalia obligare? Placent enim nobis hoc loco quædam jurisperitorum illa voces. Nec semper nos oportet accurata dictione disserere. Quin satis est de nominibus parum esse sollicitos, esseque interdum faciles, & negligentes: quemadmodum Plato nos & in Theæteto, & in Politico admonuit. Verum hæc obiter. Jam ad illa redeamus. Sed quid opus est plura? Anne speciatim definire, quando in judiciis, in contractibus, in ultimis voluntatibus, ac nonnunquam etiam in delictis committatur injustitia, vires Theologi non excedit? cum casus occurrant innumeri, qui naturæ lege definiti non queunt. Id si ita est, ut est certe, insolentia erit maxime, in ejusmodi questionibus juris peritiam contemnere. Juris autem peritia non aut consultius investigari, aut inveniri certius potest, quam in juris voluminibus. Quæ non alia quæcunque philosophorum volumina, nec eloquentia, nec prudentia superant: de quinquaginta loquor pandectarum libris. Nam posteriores leges multum omnino utraque in re ab illis declinarunt. Quod si bibliothecas omnium philosophorum unus Cicero visus est duodecim tabularum libellu, & auctoritatis pondere, & utilitatis ubertate superare, quid nos credere oportet de illis quinquaginta libris, quibus non leges modo duodecim tabularum, verum multæ etiam aliæ continentur de hominum conventionibus, deque jure & æquo prudenter, sanctæque præscriptæ? Sanctum, inquam, volumen est, & iustitiæ templum merito illud Justinianus appellavit. Atque cum e sacra morum philosophia jus esse ortum civile constet, ut fontem, sic certe & rivulus Theologus colet, ne parum sit in philosophiam ipsi religiosus. Sane qui jus civile Theologo negligendum putat, is bonam partem philosophiæ moralis revellit: cuius subsidium si quis ille neget de moribus differenti, stultus esse videatur. Quia ergo sæpe utitur Theologus subsidio juris in disputatione Theologica, ideoque istam juris scientiam Theologiæ tanquam ancillulam, pedissequamque adjunxit.

C. de v. ju.
consul. 4.

CAPUT IX.

Qua vis ac potestas argumens ex iure civili desumpsit.

ET quamquam argumentum, quod a jure civili ducitur, nec certum fortasse, nec exploratum est: sed probatissimum est tamen, cum omne, tum illud magis, quod a legibus Christianæ Reipublicæ uti probatus Theologus accipiet. Non enim sine divino nutu huiusmodi leges Romanis esse datas credendum est. Quin divinitus per ora principum promulgatas fuisse, Joannes VIII. prædicat. Et Augustinus inquit, humana jura per imperatores & rectores seculi Deum humano generi distribuisse. Ac Demosthenes, leges inventum, munusque deorum esse putat. Et Cicero principis legem ad jubendum, & verandam aptam, rationem rectam esse ait summi Jovis. Et Salomon, Divinitus, inquit, in labiis repis, in iudicio non errabit os ejus. Ad Dei ergo procuracionem pertinuit, ut numine quodam legum Romanarum latores afflarentur, quo ad Reipublicæ moderationem ea fide præscriberent, quæ essent iusta atque legitima. Quamobrem si Theologus ex istis argumentum summat, nihil abhorrebit a protectionis suæ instituto, & si non certo, at probabiliter argumentabitur. Nec enim mihi Ludovicus Vives probari potest, in eo, quod universam legum Romanarum & vim nititur frangere, & elevare auctoritatem. Plus ille nimio interdum sibi indulget, dum corruptas disciplinas persequitur. Nec novitios solum errores, qui vel irreperunt, vel invaserunt, cogruere, sed antiquorum recepta placita convellere pertentat, maximo quidem semper verborum ambitu, sed vi quandoque argumentorum minima. Dixit ille quidem in libris de corruptis disciplinis multa vere, multa præclare. Aequi fidenter pronunciavit aliquando, tanquam & divorum concilio descendisset. Multo autem viris doctis probare tur magis, si qua diligentia, & disertitudine causas corruptarum artium expressit, eadem collapsas restituisse: sed in tradendis disciplinis elanguit, cum in carpendis erroribus viguisset. Nec mirum. Nam aliorum errata etiam pro-

babuliter reprehendere, facile est id quidem. Artes vero, quas jam inde a multis annis viri quidam & indocti, & barbari deflexerunt, ad rectam lineam revocare, scilicet hoc opus, hic labor est. Hucque erat omnino conandum, si quicquam magna laude dignum agendum erat. Aliud est autem leges civiles, præsertim in republica bene instituta, longo usu probatas reprehendere, aliud errorem interpretum increpare. Quamquam Ludovicus, quod ad jurisperitos attinet, eadem nobiscum sentit. Ait enim: Ac juris civiles veteres interpretes summo olim in honore fuisse, jure quidem merito magnique rationibus. Quoniam jus civile, ut a præclaris philosophis graviter, prudentique editum fuerat, ita illud etiam non nisi graves, prudentesque philosophi interpretabantur. Postea vero quam facultas hæc in eorum manu esse cepit, qui nulla philosophia, nulla gravi disciplina ante instructi ad eam, & orhasti accesserant, scientiæ hujus splendor omnis deletus est: neque ejus professores habentur in pretio nisi a vulgo, quod litibus plenum est omne. Quemadmodum autem Aegyptii sacerdotes mirifice colebantur, quod multam in mathematicis posuissent operam, Geometria vero Aegyptus tota indigeret, confusis per annos singulos agrorum limitibus ab inundante Nilo: sic cum lites inundatione sua orbis Christiani fines pervaserint, miscuerint, confuderint, necesse est, eos honore summo affici, qui jurgiorum componendorum dicuntur esse periti. Component nec ne, ipsi viderint, hoc nos certe videmus, minus ibi esse litium, ubi minus est hujus generis literatorum. Novitios itaque eos jure consultos ne ego quidem in usum theologiæ vendicare cupio. Nec enim mihi jure consultus est legulejus quispiam, cautus & acutus, cautor formularum, anceps syllabarum, injustitix æque ut justitix patronus. Sed id doceo, civiles leges, eas vel maxime, quæ Christiani populi usui & more observatæ diu sunt, theologo ad argumentandum esse utiles. Sed de his satis. Nunc de Historiæ auctoritate dicamus. Nam argumenta, quæ posuimus, ut juris civiles auctoritatem elevaremus, faciliora sunt, quam quibus refutandis nostra immorari debeat oratio.

1. *Ubi, &*
2. *Ubi leg. &*
3. *Ubi leg. &*
4. *Ubi leg. &*
5. *Ubi leg. &*
6. *Ubi leg. &*
7. *Ubi leg. &*
8. *Ubi leg. &*
9. *Ubi leg. &*
10. *Ubi leg. &*
11. *Ubi leg. &*
12. *Ubi leg. &*
13. *Ubi leg. &*
14. *Ubi leg. &*
15. *Ubi leg. &*
16. *Ubi leg. &*
17. *Ubi leg. &*
18. *Ubi leg. &*
19. *Ubi leg. &*
20. *Ubi leg. &*
21. *Ubi leg. &*
22. *Ubi leg. &*
23. *Ubi leg. &*
24. *Ubi leg. &*
25. *Ubi leg. &*
26. *Ubi leg. &*
27. *Ubi leg. &*
28. *Ubi leg. &*
29. *Ubi leg. &*
30. *Ubi leg. &*
31. *Ubi leg. &*
32. *Ubi leg. &*
33. *Ubi leg. &*
34. *Ubi leg. &*
35. *Ubi leg. &*
36. *Ubi leg. &*
37. *Ubi leg. &*
38. *Ubi leg. &*
39. *Ubi leg. &*
40. *Ubi leg. &*
41. *Ubi leg. &*
42. *Ubi leg. &*
43. *Ubi leg. &*
44. *Ubi leg. &*
45. *Ubi leg. &*
46. *Ubi leg. &*
47. *Ubi leg. &*
48. *Ubi leg. &*
49. *Ubi leg. &*
50. *Ubi leg. &*
51. *Ubi leg. &*
52. *Ubi leg. &*
53. *Ubi leg. &*
54. *Ubi leg. &*
55. *Ubi leg. &*
56. *Ubi leg. &*
57. *Ubi leg. &*
58. *Ubi leg. &*
59. *Ubi leg. &*
60. *Ubi leg. &*
61. *Ubi leg. &*
62. *Ubi leg. &*
63. *Ubi leg. &*
64. *Ubi leg. &*
65. *Ubi leg. &*
66. *Ubi leg. &*
67. *Ubi leg. &*
68. *Ubi leg. &*
69. *Ubi leg. &*
70. *Ubi leg. &*
71. *Ubi leg. &*
72. *Ubi leg. &*
73. *Ubi leg. &*
74. *Ubi leg. &*
75. *Ubi leg. &*
76. *Ubi leg. &*
77. *Ubi leg. &*
78. *Ubi leg. &*
79. *Ubi leg. &*
80. *Ubi leg. &*
81. *Ubi leg. &*
82. *Ubi leg. &*
83. *Ubi leg. &*
84. *Ubi leg. &*
85. *Ubi leg. &*
86. *Ubi leg. &*
87. *Ubi leg. &*
88. *Ubi leg. &*
89. *Ubi leg. &*
90. *Ubi leg. &*
91. *Ubi leg. &*
92. *Ubi leg. &*
93. *Ubi leg. &*
94. *Ubi leg. &*
95. *Ubi leg. &*
96. *Ubi leg. &*
97. *Ubi leg. &*
98. *Ubi leg. &*
99. *Ubi leg. &*
100. *Ubi leg. &*

PROV. 16.

Exod. 19.
PVL

DE HISTORIÆ HUMANÆ AUCTORITATE,

Quæ postremo loco est posita.

LIBER UNDECIMUS.

CAPUT I.

*Nuncius de morte Parentis, vix dum
finito superiori libro alla-
tus erat.*



Superiorem locum vix dum finieram, & ecce nuncius affertur, parentem meum charissimum Viennæ diem extremum obiisse. Eo vero audito nuncio, si motum me negem, quam id recte faciam, viderint sapientes, sed certe mentiar. Motus sum enim tali parente orbatus, qualis, ut arbitror, apud mortales reliquus nullus est. Cum autem ego illi meas has lucubrationes nuncuparem, scilicet a laboribus, quos ejus potissimum causa susceperam, aliquandiu cessatum est. Mihi enim ante ita jucunda hujus libri consectio erat, ut non modo omnes abstergeret laborum molestias, sed efficeret labores molles etiam & jucundos. At vero postea nihil omnino erat, quo tedium & cura levaretur. Etenim vivo patre, cum de locis theologicis aliquid vellem scribere, ille mihi occurrebat non eo solum dignus munere, sed in ejus etiam nomine vigilæ nostræ gratius apparerent. Nunc autem quem similem inventurus sum, ut patris loco substituum? Solebam mihi equidem charissimum parentis vultum sistere. Et quotiescunque scribendum erat, aut ego eram cum illo, aut ille mecum. Ille addebat aculeos, ille torquentem excitabat; ille ne oscitare quidem me sinebat. Tanta erat in abientem etiam patrem reverentia. At modo opus coeptum persequi cupienti aqua hæret, ut ajunt, nec quicquam

conor, ut non labascat animus victus quam cito. Longo enim a me ille spatio sejunctus, non munus mihi dereliquit moriendo doloris, quam assererat vivendo lætitiæ. Sed cum accepto vulnere otium mihi magnum, insperatumque contigerit, nihil autem agere animus nec deberet, nec posset, ad postremum locum omnino appellendus iuit: ne res bene & utiliter inchoata, ejus morte interciperetur, qui etiamnum e superis vigiliarum mearum munus exigit. Nec vero dubitem ego querenti, cui scribam, respondere: Patri meo scribo, qui me non ipsi hæc tantummodo dare voluit, sed etiam aliis prodere. Quanta igitur apud Theologos sit historiæ humanæ & utilitas, & auctoritas, explicaturi modo sumus. Orabit autem sine dubio Pater, ut quod iter illo in terris cogente carpsimus, eodem nunc e cælis favente peragamus.

CAPUT II.

*De Historia humana in Theologiam
utilitate.*

Emersi jam e vadis, & scopulos prætervecta est oratio mea. A rebus enim difficillimis ad res faciles delapsus sum, neque historiæ humanæ auctoritate explicanda potest aut ingenium, aut Theologia mea periclitari. Multo vero id minus, cum illud explico, quam sit Theologo humana historia utilis, & necessaria. Nullos quippe hic adversarios habemus, nulla contra veritatem argumenta sunt. Etenim viri omnes docti consentiunt, rudes omnino Theologos illos esse, in quorum lucubrationibus historia muta est. Mihi quidem non Theologi

lopi solum, sed nulli satis eruditi videntur, quibus res olim gesta ignote sunt. Multa enim nobis e thesauris suis historia suppetiat, quibus si careamus, & in Theologia, & in quacunque ferme alia facultate inopes sexnumero & indocili reperiemur. Cum vero pateat, quandoque in re quondam gesta Theologicæ disputationis cardinem verti, quis est hic, qui neget, interdum etiam in scholastica disputatione opus esse ex annalium monumentis testes excitare clarissimos veritatis? Equidem historiam esse Theologo discerni necessariam, cum sæpe alias, tum maxime in hoc opere animadverti: ubi quantus mihi fuerit historię humanę usus, qui superiores libros attigerint, ii facile iudicabunt. Nam quam magnus postea futurus sit, non audeo ego in præsentia dicere, ne montes aureos videar polliceri.

Certe quantum historię cognitione Theologus indigeat, vel illi abunde magno argumento sunt, quicquid ignorantie sunt in varios errores lapsi. Hujus generis quidam exemplum ponunt, quod Trajanum Gregorii precibus a gehena liberatum, non vulgo solum, sed Divo etiam Thomæ olim juveni persuasum est. Persuasum est autem Joannis Damasceni auctoritate, cui D. sanctus Thomas plurimum deferbat. Sed illius fabellæ, inquiunt, argumento nemo adlucetur, si ex temporum ratione intelligeret, Joannem Damascenum rei ejus auctorem esse non posse, ut qui plus uno seculo juxta horum sententiam Gregorium antecesserit. Nam Raphael Volaterranus, Vincentius Valvacensis, ac Divus Antoninus illum tradunt sub Theodosio floruisse. Sed hoc exemplum ineptum est, cum Joannes ille Damascenus, qui quatuor de orthodoxa fide libros edidit, sub Constantino & Leone floruerit, hoc est, Divo Gregorio jam defuncto. Nec in re aperta opus est aut Joannem Patriarcham Hierosolymitanum, aut rerum scriptorem Romanum lib. 21. & 22. aut alios etiam historicos excitare, ubi Joannes ipse Damascenus non obscure indicat, quo tempore extiterit. Primum enim Cyrillum sæpe refert, qui post Theodosium fuit. Synodi quoque Chalcedon. aliquando meminit. Quin lib. 3. cap. 10. Petri cuiusdam Gnaphæi fecit mentionem, qui sub Justiniano in quinta

synodo damnatus est. Sed & lib. 4. cap. 17. contra Iconomachos scribit, eisdemque in libro hæref. Iconoclastas & Thymoleontes appellat, a Leone scilicet, qui scilicet illius præcipuus & auctor & adiutor fuit. Eodem præterea hæref. lib. Monotheitas commemorat Cyrum, Sergium, & Eustathium, qui damnati sunt in sexta synodo sub Agathone Papa: adversum quos copiose etiam scripsit lib. 3. de orthodox. fid. cap. 14. & 15. Quæ omnia qui expendat, is facile intelligat, Joannem Damascenum post Gregorium extitisse. Nam quod Tritemus ait, duos fuisse hujus nominis, alterum sub Theodosio, qui libros illos Theologicæ composuerit, alterum sub Leone, qui pro imaginibus depugnavit, id commentum totum est, ut ex locis modo recitatis apparuit. Nec vero historiam ego illam probō. Mirum enim est, hominem Græcum rem nostram, & toto, ut ipse inquit, orbe vulgatam Græcis suis prodidisse, quam historia tamen omnis Latinorum ignorat. Sint ergo fabulæ, non repugno, ea quæ de Trajano & Gregorio referuntur. At non ob illam causam tamen, quia prior Gregorio Damascenus fuerit. Verum hoc in genere Hispanus noster Genesius Sepulveda nuper erravit, homo neque meo iudicio imperitus, & suo valde doctus, certe & eloquendi arte clarus, & a Theologicæ studio non abhorrens. Qui cum persuadere vellet, barbaris novi orbis oppugnandis justam esse belli causam, in eam argumentationem incubuit, quod Gregorius in epistola lib. primi septuagesima tertia, (id quod refertur 23. quæst. 4.) Si non. Gennadium commendat, qui tantum Christianæ dilatandæ causæ Reipub. bella suscepit, quatenus Christi nomen per subditas gentes Fidei prædicatione circumquaque discurreret. Hoc vero Gregorii testimonium quam sit ineptum ad rem propositam comprobendam, is quoque ipse Genesius facile judicasset, si ex historiis didicisset, eos, adversum quos bella Gennadius gessit, hostes non imperii Romani modo, verum etiam Ecclesiæ Christianæ fuisse. Id quod ex alia quadam ad eundem Gennadium epistola, quæ est in eodem lib. numero 71. luce clarius videre licet. Nec dubitari potest, Vandalos, quorum reliquæ eoque in Africana provincia supererant,

23. q. 1. c. Sicut.

Prop. in Caron.

Ar-

Arriana peste affectos : nec ignoratur Donatistas , quibus Africa tum etiam plena erat , præmissi , & vi contra Catholicos , non solum disputatione pugnavit . Sed de his exemplis non est hic locus differendi , ubi breviter & in transcursum Theologum admonemus , ut ne historiam Ecclesiasticam negligat , ejus & cognitio magnos fructus parit , & ignoratio parit errores .

Jam vero Augustinus lib. de doctr. Christ. 2. cap. 28. ethnicorum etiam historias ad intelligentiam scripturæ sacræ plurimum conferre tradit , ostenditque ex earum ignorance quosdam circa scripturas errasse . Videlicet Irenæus & Tertullianus circa ætatem qua Christus passus est , vario sunt quidem errore versati , sed ob eandem causam tamen . Historias enim humanas hoc loco neglexerunt , quibus cognitæ ea res facillime expeditur . Quamquam utrique erroris sui ex Evangelio quoque poterat admoneri . Atque Erasmus , * quas tenebras super universam terram factas plane scribit Evangelista , * eas ipse super Judæam tantum sulas intelligit , falsæque intelligentiæ causam ponit neque veram , neque si vera esset , satis idoneam , quod si hæ tenebræ tanto spatio contingerent per universum orbem , aliquis certe seu Latinus seu Græcus scriptor ejus rei meminisset . Nam epistolam , qua Dionysius astruit eclipsim illam se diligenter & vidisse oculis , & animo considerasse , quasi nomine Dionysii confidam deridendam propinat . At vero nec quæ Philosophiæ & doctrinæ laudem Dionysio Areopagitæ eripere conatur Erasmus , eam ego in hoc opere asserere instituo , nec id eam reprehendo , quod D. Hieronymus ejus interpretationis auctorem facit , cui non alius quisquam scripturæ interpres apertius contradicit . Illud ago , nisi humanas historias hic ignoraret Erasmus , tenebras profecto illas aliter , ac vere quidem , interpretaturum . Phegon enim Olympiadum egregius supputator , in quatuordecimo libro ita scribit : Quarto autem anno 207. olympiadis , magna & excellens inter omnes , quæ ante eam acciderant , defectio solis est facta . Dies hora sexta ita in tenebrosam noctem verius , ut stellæ celo visæ sint , terræque motus in Bithynia Nicænz urbis multas aedes subverterit , Quem

annum cum passione Dominica concurrisset Euseb. in chronico patefecit . Lucianus quoque presbyter Antiochenus , vir moribus & eruditione præcipuus , cum gentibus de fide Christiana disputans , Requirite , inquit , in annalibus vestris , & invenietis temporibus Pilati , Christo patiente , fupato sole interruptum tenebris diem . Auctor est Eusebius libro 9. eccles. histor. cap. 6. Tertullianus demum , Eodem , inquit , momento dies mediana orbem signante sole subducta est . Doliquum utique putaverunt , qui id super Christum prædicatum non scierunt : & tamen cum mundi casum relatum in archiviis vestris habebis . Hactenus ille in Apocalyp. cap. 21. Quibus ex rebus facile intelligitur , sacris literis exponendis historias etiam gentium esse necessarias . Quæ quamquam ita sunt in promptu , ut res disputatione non egeat , sunt tamen nobis in tertio decimo libro fusius explicanda .

Cum igitur ibi hæc sumus exemplis manifestissimis illustraturi , non est cur quæ ejus libri propria doctrina erit , hoc nos eam loco importune antevertamus . Atque ut Geometra solent non omnia argumentis ostendere , sed postulare , ut quædam sibi concedantur , quo facilius quæ velint , explicant : sic ego interim a lectore postulo , ut mihi concedat esse in libris sacris loca plurima , quæ sine historiæ humanæ cognitione expediri non queunt . Quod autem in dissertatione adversum fidei Christianæ inimicos rerum gestarum monumenta Theologo peropportuna sint , clarissimorum virorum usus apte confirmat . Tertullianus ex ipsis Romanorum historiis argumentatur , pessimos quoque sævos Christianis crudelisque fuisse . Bonum itaque esse id , quod mali homines insectarentur . In libro vero ad Scapulam , quot rerum gestarum exemplis usus est , ut persuaderet ob vexatos Christianos , multos gentilium præfides tristes exitus habuisse ? Quamobrem qui cum nostris pugnavissent , eos cum Deo quoque sine dubio certasse . Cyprianus idolorum omnia vanitatem qua epistoliarum scientia & commemoratione eorum arguit ? Hieronymus quot quæque varias adversum Joanninum historias in commendationem virginis calitatisque commemorat ? Lucianus presbyter , quemadmodum supra diximus , i-

In apologo-
tico.

In lib. quod
idola non
sunt dii .

I. I. advers.
Joannina

Iren. 1. lib.
c. 19. & 40.
Tertull. in
opere ad-
versus Jud.
V. d. Euseb.
l. 1. eccles.
hist. cap. 19.
Euseb. hie-
rocl. 11.
Aug. lib. de
doctr. Chri-
st. 2. lib.
c. 28.
Iren. in 2o
anno Clau-
dium passu
esse dicit.
Ter. ill. in
3o. secutus
Cle. Alex.
in 5. tom.
& Laetant.
lib. 4.
Marth. 27.
In annotat.
sup. Marth.
c. 17. & in-
per. ad Ae-
p. c. 17. §. 1.

v. li. ecclef.
hist. c. 6. &
11. lib. c. 3.
12. c. 7.

In Apolog.
L. 1. c. 104.
Jovinian.

psos gentium annales excitat, ut nostræ etiam fidei dogmata illorum testimoniis asserat. Eusebius Judæos, & Paganos sæpe ex historiis humanis refutat. Non ergo historia solum Ecclesiastica, sed ea etiam, quæ est ab ethnicis auctoribus scripta, theologo contra adversarios fidei utilisima est. Quapropter rudem esse omnino in historiarum gentium, aut inertissimæ segnitæ est, aut saluberrimæ delicatissimi. Enimvero quod commode ac prudenter, non in concionibus dico, sed etiam in disputationibus, Theologus exempla proferat, dum quippiam vel justum esse suadet vel injustum, quoniam a viris aut probis, aut improbis usurpatum est, Tertullianus, Hieronymus, aliique viri gravissimi satis ostendunt, qui non raro hujuscemodi persuasionis genere delectantur. At exempla probabilia sine historiarum cognitione proferri qui possunt? Quam late igitur historiarum utilitas fusa sit, apparet: siquidem quancunque Theologi ingredimur sive concionando, sive disputando, seu sacras literas exponendo, in aliquam historiarum vestigium ponimus. Itaque cum ad has multas res Theologo pertinentes sint historiarum libri, studiosè profecto ab eo legendi sunt, ne turpiter in rebus ad se maxime pertinentibus erret, eaque ignoret, quæ ignorari non sine imprudentia modo, sed ne sine imperitia quidem possunt. Historia quippe, ut Cicero verissime dixit, cum præcepta vitæ est, tum lux etiam veritatis. De historiarum ergo utilitate hæcenus dictum est, nunc de auctoritate videamus.

CAPUT III.

Argumenta continet, quibus auctoritas humane historiarum impugnetur.

QUanquam, ut paulo ante dicebamus, e locis scopulis enavigavit oratio, nec ea, quæ in hujus loci explicatione discedenda sunt, ingenuam vim aciemque desiderant, egent tamen quædam horum gravi maturoque judicio. Quæ ex re sit, id quod vix credibile est, ut in loco facili & explicato perdifficiles & lubricæ questionēs existant. In primis enim constituen-

dum est, qualis quantaque sit historiarum humanarum auctoritas, & quam faciat in Theologia fidem: quod non adco expeditum est. Deinde quis auctor probabilis ac fide dignus existimari debeat: quæ res est omnium difficillima. Cum enim non ex sermone hominum recenti, sed ex majorum memoria atque annalium vetustate eruenda sæpe sit veritatis explicatio ejus, quæ in Theologica disputatione velatur, oportebit sane de historiis præsertim veteri judicare, historicos omnes inter noscere, mendacesque a veracibus lecernere. Quam facultatem quoniam mihi nec arrego, nec debeo, fateor me non sine metu ac pudore quodam hanc provinciam suscepisse munere necessitatis, non voluntatis opere persequutus: Non quod mihi in tanto officio, tamque gravi causâ cura defuerit, sed quod video judicium esse, eo vel maxime loco judicem velle fieri, ubi vir ille nimirum exigitur, qui & antiquitatis memoriam in numero habeat, & prudentia summa gravissimoque judicio sit præditus. Sed quo citius hoc, quod suscepimus, non mediocre munus conficere possimus: ommissa aut ignorationis meæ, aut temeritatis, aut utriusque etiam deprecatione, ad earum rerum, quas proposuimus, explicationem disputationemque veniamus.

Principio itaque historiarum humanarum auctoritatem argumentis oppositis impugnabimus. Mox docebimus ex ejusmodi historia qualia in Theologia usum argumenta ducantur. Tercio loco ostendemus, quinam illi auctores sint, quos in historia Theologi probare debeant. Postremo argumenta opposita refutando finem hujus libri faciemus.

Primum ergo argumentum, quo historiarum humanarum fides labefactari potest, est hujusmodi. Joseph secundum naturam filium fuisse Jacob, secundum legem fuisse filium Eli, Africanus in epistola ad Aristidem, Justinus martyr questione ad Orthodoxos 66. Eusebius libro 1. Ecclesiast. histor. cap. 7. Nicephorus lib. item primo cap. 11. Ambrosius lib. in Lucam 3. Hieronymus in primum Matthæi cap. August. lib. 1. de concord. Evang. cap. 3. & 2. retractat. lib. cap. 5. & 16. Damascenus lib. 4. cap. 15. Beda lib. prim. in Lucam cap. 10. Theophylactus in Lucæ tertium caput, omnesque fere

Pa-

patres scripserunt. Neque illis subito, reperta hæc, aut sine auctoribus conficta sunt, sed ab ipsis Salvatoris nostri propinquis & contanguineis tradita, quemadmodum Africanus affirmat. Hæc vero multis argumentis commentata elie probat libro primo harmoniæ Evangelicæ Osiander, atque, ut sibi quidem videtur, ita probat, ut non modo D. Thomæ, externique Theologis, quasi portenta somniantibus, insulset, verum etiam eos infanos appellet, qui hæc primi in lucem ediderunt.

1. Arg.

Secundum argumentum est, quod Joseph virum Mariæ alteram prius uxorem habuisse, ex qua filios suscepit, qui fratres Domini in Evangelio dicuntur. Eusebius libro secundo Ecclesiast. histor. cap. 1. Nicæphorus lib. 2. cap. 3. ubi etiam refert Hippolytum ejusdem sententiæ auctorem, Ambrosius in libro de instit. virgin. cap. 6. Epiphanius lib. 2. cont. hæc. cap. 51. & 78. Hilarius can. 1. in Matth. aperte consentiunt. At historiam hanc Hieronymus in Matthæi duodecimum caput tanquam apocryphorum deliramenta contemnit: quin etiam adversus Helvidium asserit, audaci eam temeritate confictam.

3. Arg.

Matth. 14.

Tertium argumentum. Hieronymus scribit, veterem historiam narrare, quod Herodias, cujus Matthæus meminit, filia fuerit Archæ regis: idem quoque asserit Beda libro com. in Marcum secundo, Eusebiusque Rufino interprete, libro Ecclesiast. histor. primo, cap. 13. At illud esse falsum & Josephus lib. 18. antiq. cap. 5. & Egeppus lib. 2. de exci. Hier. cap. 12. testes locupletissimi sunt. Quibus etiam assentitur Nicæphorus lib. 1. cap. 20. Nihil igitur ex rerum veterum publicæ commemoratione, non certo dicam, sed ne probabiliter quidem suadere possumus. Nam si historias, quæ in his tribus argumentis referuntur, explodere, & pro nihilo putare licet: nulla profecto humana historia reperietur, quæ quicquam habeat ad faciendam fidem virum.

4. Arg.

Quartum argumentum. Magos, qui Christum adoraturi ex Oriente venerunt, reges fuisse, nedum philosophos, tradunt, Cyprianus in sermone de Baptismo Christi, & manifesta Trinit. Athanasius questione secunda ad regem Antiochum, Hieronymus in Psal. 71. Augustinus sermone quadragesimo tertio

ad fratres in eremo, & de mirabilibus factis scripturæ, si tamen hæc opera Augustini sunt, Chrysofostomus homilia sexta in Matth. Tertullianus contra Judæos, Doctor quidam antiquus, nomine Christianus, in cap. Matth. 2. Isidorus in præfatione Misse, quæ vulgo dicitur *Adcarave*. Divus Thomas in Matth. cap. 2. & in Joannis 11. cap. nam & tertia parte, questione trigesima sexta, articulo tertio, ait, non solum fuisse sapientes, sed potentes. Eiusdem sententiæ fuerunt Albertus Magnus, D. Vincentius, Nicolaus Liræus, Dionysius Carthusianus, Simon de Cassia, Doctor incognitus in Psal. 71. Titelmanus, Joannes Echius, D. Antoninus, alique ex junioribus, quos longum est enumerare. Ac certe historia esse videtur per manus a majoribus nostris accepta. Sed hæc tamen communis traditio nullam prorsus in Ecclesia facit fidem. Quin probabilissime a Baptista Mantuano, aliisque recentioribus asseritur, Magos reges non fuisse. Non enim id silentio prætermittendum Evangelistam, quod ad rem magnopere pertinebat; nec Herodem, si reges essent, eos adeo imperiose, & incivilter excepturum.

Quintum. Magos venisse Hierosolymam diebus a Christi nativitate tredecim, non Hieronymus modo, & Augustinus, verum etiam omnes prope auctores & veteres, & recentes memorix prodiderunt. At Epiphanius hæc si quinquagesima prima constanter affirmat, post duos annos a nato Christo Magos ex Oriente advenisse. Cujus opinionis dux causæ sunt non omnino pestiæ. Una, quod in die Purificationis non agnum, sed turtorem, aut columbæ pullum Christi mater obtulit: non ergo potuit invenire manus eius pretium agni, atque adeo ne thesaurum quidem a Mapi accepit. Altera causa est, quod Herodes occidit omnes pueros a bimatu, & infra, secundum tempus quod exquisierat a Magis. Non est autem verosimile, Herodem bimos pueros interfectorum juxta tempus stellæ, cujus apparitionem diligenter a Magis exquisierat, si ab ortu stellæ ad Magorum adventum non nisi tredecim dies interfuxissent. His adde, quod ipsi quoque testati sunt, se stellam in Oriente vidisse. Quæ profecto verba plius aliquid significant, quam regionem, unde profecti sunt, comparatione tan-

5. Arg.

Id. Tscham
Chrysofost.

Levit. 12.

tan

tum ad Hierosolyma Orientalem fuisse. Si igitur, ut plane scribit Evangelista, ab Oriente venerunt, cum non sit obscurum, Hierosolyma longissimo intervallo ab Oriente distare, intra tam paucos dies & stellam vidisse, & consilium de protectione communicasse, & adornasse iter, & ab Orientis partibus per tot regiones ac populos ad Palæstinam accessisse, prorsus abhorret ab humane judicio rationis.

6. Arg. Sextum. Miraculum nuptiarum in die anniversaria Epiphaniæ fuisse editum, posteritati suæ, quod ait Maximus, fidelis mandavit antiquitas. At Epiphanius contra docet, eodem die, quo Christus natus est, compicto jam anno trigesimo, filium cum matre convivio nuptiali interfuisse. Nihil igitur certum ex temporum publica commemoratione accipere possumus.

7. Arg. Septimum. Lex veræ historię est, ut Hieronymus sæpe dixit, ea scribere, quæ vulgus existimat, quamvis re ipsa falsa sint. Sic enim Joseph ab ipsa quoque Maria appellabatur pater Jesu, & Herodem Evangelista contritum esse ait, non quod re vera aut Joseph pater Christi esset, aut Herodes esset animo contritus: sed quod illud eo tempore sic vulgo ab hominibus putaretur, hoc autem discumbentes existimarent: cum potius illud credendum sit, dissimulasse mentis suæ malitiam artificem homicidam, cum trinitatem in facie, & læticiam haberet in mente. Ob quam causam vulpes est a Domino appellatus. Unde & Josephus 18. antiq. lib. cap. 7. assent, ab Herode Joannem esse occisum, quia timebat ne auctore Joanne defectionem populus moliretur. Ambiguum igitur omne argumentum est, quod ex historia petitur. Nam vulgi ferme opinio falsa est: & poterit omnis ejusmodi argumentatio retelli, quod historicus non veritatem rerum, sed vulgi opinionem exprefferit.

8. Arg. Octavum. Augustinus sermone 71. de immolatione Isaac, Antiquorum, ait, relatione refertur, quod Adam primus homo in ipso loco, ubi crux fixa est, fuerit sepulchus. Et Cyprianus in sermone de resurrectione Christi, Adam, inquit, sub loco, quo crux Domini fixa est, humatus traditur ab antiquis. Arque Paula & Eustochium in epistola ad Marcellam, eandem hi-

storiam tanquam habitantium ore celebratam narrant. Ita eam refert quasi minime dubiam Epiphanius lib. 2. cont. hæres. cap. ultum. At Hieronymus in Matth. 27. cap. & in 5. cap. epistol. ad Ephes. quasi fabulam irridet, quod Josue 24. cap. Adam in Canaan Arabe dicatur esse conditus. Opinione vero Hieronymi Isidorus sequutus est.

Nonum. Clemens Alexandrinus, Eusebius Cæsariensis, Theodoretus, Hieronymus, & Augustinus ex annalium ratione colligunt, septuaginta deolationis annos in secundo Darii Histaspis fuisse completos. At hoc non modo falsum & commentitium est, sed falsis etiam literis adversum, quæ non implicite & abscondite, sed parentius, & expeditius continent, septuaginta illos annos statim ab initio regni Cyri absolutos. Nullum ergo idoneum argumentum ex temporum ratione promittitur.

Decimum. Hieronymus auctor gravissimus historię prodit, quod in secundo Darii anno templum edificari coeptum est. At vero explorate perceptum est & cognitum, Zorobabeli sub Cyro templi fundamenta jectis. Imbecillum ergo est quodcumque argumentum ex historia humana depromptum, quamlibet historię auctor gravis sit.

Undecimum. Plerique historici & ii nobiles tradiderunt, Artaxerxem edificationem templi impedisse. At contra scriptura tradit, templum edificationem esse præcipiente Cyro, Dario, & Artaxerxe.

Duodecimum. Josue post mortem Moyse 40. annos imperasse, auctores sunt Josephus lib. 5. antiq. cap. 1. Sabellicus Aenea. 1. lib. 4. Naucleus Chronographiæ suæ generatione 28. Nam Eusebius in chronicis, atque hunc secuti Isidorus, Severus Sulpicius, & Joannes Carion. 27. annos Josue imperio tribuerunt. Quæ si vera essent, non esset vera summa 480. annorum, quæ ab exitu filiorum Israel de Aegypto ad templi edificationem 3. Reg. lib. cap. 6. colligitur.

Tertium decimum. Si quæ historia Theologo probanda est, ea erit maxime, quæ omnium ecclesiarum ore celebratur. At ejusmodi multæ nullam faciunt prorsus in Theologia fidem. Etiam, ut ea prætereamus, quæ ridi-

9. Arg. Clem. in 1. Strom.
Euseb. in Chron.
Theodor. in 1. Zach. cap.
Hieron. in proem. sup.
Agg. & in 1. Zach. cap.
Aug. lib. 18. de civ. Dei c. 16.
Dan 9. & 2. Paral. 36. & 1. Esdras.

10. Arg. In 2. c. Dan.
11. Arg. 1. Esdras.

11. Arg. Josue lib. 1. c. 1. Achil. 1. pa. 10. 4. c. 1.
Hieron. in Chron.
1. Esdras 6.

12. Arg.

13. Arg.

Fuseb. 1. 1.
Eccl. lib. 1.
c. 11.

dicule & falſe de Cirico & Julita, de Gregorio, de Catharina martyre, de quibus undecim mille Virginius referuntur, certe hiftoria Thomæ Apollonii apocrypha & commentitia eſt, non ſolum Geſſio 15. diſt. cap. Sancta Romana, ſed etiam Auguſt. lib. 22. contra Fauſt. cap. 79. & lib. unico adverſus Adimantum, cap. 17. & lib. 1. de ſerm. Dom. in mon. cap. 38. His adde Marthæ & Mariæ Magdalene fabulani, qui narrat ad Mariam quendam Magdalum ad Martham vero Bethaniam forte hereditaria perveniſſe: cum contra ſcribat Joannes, Bethaniam caſtellum Mariæ Marthæque fuiſſe.

Joan. 38.

14. Arg. Quantum decimum. Ea historia re-
liquas videtur excellere, quæ a sum-
mis pontificibus probata est. Confiten-
tini vero donatio, lepra, baptismus,
sanitas, non modo historis celebrantur
ecclesiæ, verum etiam per summos
pontifices approbantur. At hæc fidei
esse omnia nulli viri doctissimi con-
tenderunt. Nulla igitur Ecclesiastica
historia Theologo idonea argumenta
ministrat.

15. Arg. Quantum decimum. Nemo in Ecclesiasticis viris est, qui historia probabilis auctor haberi queat. Non Philo in temporum breviori. Nam in eolibello quamvis exiguo, tot mendacia sunt, ut line numeratu difficillima. Non Josephus. Primum, quia multa tradidit literis vehementer repugnantia. Deinde, quia tertium Edix librum in hutoria sequitur, quem Hieronymus non aliter, quam somnia rejicit. Postremo, quia in temporibus rerum notandis vario fuit errore veritatis. Equi ergo in Ecclesia auctor hutorie certus habebitur? An Africanus? Sed hujus hitoria Gelasio Apocrypha est. An Eusebius? Sed hujus quoque hutoria

Theologus argumentum ad suas conclusiones corroborandas.

Sextum decimum. Innocentius 20. diff. c. De quibus, solas Ecclesiasticas historias in causis Ecclesie finendis approbat. Ethnicorum ergo de rebus gestis monumenta parum in Theologie usum valere possunt. Id quod concilium Florentinum sessione septima consummat in hæc verba: Romanorum aut Græcorum historia nequaquam in synodo uti debemus.

Decimus septimum. In Assyriorum monarchia Berosus commendari supra ceteros solet. At hujus auctoris nulla extat historia. Nam quæ Berosi nomine est ab Anno edita, eam sciam esse viri eruditi deprehenderunt. In Perfarum vero rebus gelis commemorandis præfertur Metathæes, qui veros & publicos Perfarum annales, ut fertur, lecutus est. At hujus etiam monumenta multo falsiore titulo Annianus edidit. Metathæes siquidem iste Annianus, octo solum Perfarum reges iussit tradit, cum tamen lucunt quatuordecim, quos ordine & Hieronymus in septimum Danielis caput, & Eusebius ceniet in chroniciis. Jam Græcarum rerum historia quid nisi fabulis continet, quas illi passim pro veris historici edunt? Cicero quippe auctor est gravis, quod testimoniorum religionem Græ-

16. Aug.

17. Arg.

In estrav.
pag. 86 n.
de pag. 86
e pag. 87
e pag. 88
e pag. 89
e pag. 90
e pag. 91
e pag. 92
e pag. 93
e pag. 94
e pag. 95
e pag. 96
e pag. 97
e pag. 98
e pag. 99
e pag. 100

In next pro
L. Flacco.

Dec. 1, 18.

Lih. 2, cont.
Inflib. C. A.

Juven. Sat.
10.

In c. 27. Ezech.
Vid. Ioseph
I. c. contra
Appionem,
Cicero de
lex. 1. apud
Herodotum,
Isaïr, hili-
oniz pa-
tem, & apud
Theopompum
sunt innum-
erabiles
Gibulæ.

Declar. O-
rales.

Y10

vio esse, quædam in Sallustio, quædam in Cornelio Tacito, quædam in Trogo, quorum fides manifestis testimoniis labefactari possit, Flavius Vopiscus * verissime dixit. Nihil ergo fidei ethnicorum historiarum habendum est, utpote quæ nullam habeant non modo certam, sed ne probabilem quidem auctoritatem.

In vitam
Aureliani.

18. Arg. Postremum argumentum historias omnes generaliter & Ecclesiasticas & prophanas impugnatur. Illud est huiusmodi. Fidem humanam idcirco Aristoteles virtutum intellectualium numero exemit, quod iuxta ad falsum & verum inclinatur. Theologia ergo, quæ tota veritate penditur, non accipiet ab humana fide adiutorium, nec verax cum fallaci ad argumentandum consociationem contrahet: quoniam tale argumentum ex ea patet, quia humanæ fidei innititur, æque falsitati ac veritati innititur. Confirmatur autem hoc vel maxime, quod homines mendaces sunt, fallereque & falli omnes ad unum possunt. Sive igitur pauci, seu plures historici quicquam affirmant, imbecilla ea omnis argumentatio erit, quæ in testimonia hominum inclinata recumbit. Quocirca argumentum quodcumque ex humana historia petitur imbecillius est, quam ut in Theologia ullam omnino faciat fidem. His argumentis loci hujus auctoritas impugnatur. Nam si quæ sunt alia, erunt autem fortasse plura, similia sunt, æque adeo similiter refellentur.

CAPUT IV.

*Quod auctoritas humana historia ali-
quando probabilis, quandoque
etiam certa sit.*

Sequitur, ut explanemus, qualis quantæque sit humanæ historiae apud Theologos auctoritas: nam hoc secundo loco nos acturos pollicebamur. Quod quo magis intelligi possit, illud principio ponendum est: Necessarium esse homines hominibus credere, nisi vita pecudum more degenda sit. Eam rem quoniam Theodoræus in opere de cura Græcæ affect. lib. primo, Augustinus item in libro de utilit. cred. ad Honorat. cap. 11. & de fide reum invisibilem, cap. primo & secun-

do diligentissime persecuti sunt, non erit nobis hic magnopere laborandum. Atque Augustinus quidem plane asserit, non amicitiam modo, verum omnem omnino humanam societatem interire, nisi amicus amico, maritus uxori, parentibus filii, fratres fratribus, civilis cives, sociis loci fidem habeant. Multa ille asserit, quibus ostendat, necessitudinem & pietatem duo generis humani sanctissima vincula violari æque dissolvi, nihilque prorsus in hominum contociatione incolumiter remanere, si nihil credere stauerimus, quod non idem possumus quasi manu tangere ac tenere perceptum. Humanæ itaque vitæ necessarium esse, hominum dictis homines sine ulla etiam dubitatione credere. Theodoræus vero fidem esse ceu primariam artium basim, disciplinarumque omnium credidinem probat etiam manifeste. Nec enim, ut cætera taceamus, pueri elementari ullam omnino possunt disciplinam puerilis facilitatem adipisci, nisi & nomina literarum & syllabarum nevus fide a præceptoribus acceperint: Ut illud Isaac in omni etiam & arte, & ætate verissimum comprobetur: Nisi credideritis, non intelligetis. Præclarum est igitur Aristotelis illud: in omni facultate æque doctrina oportere addiscentes credere. experimentis quippe quotidianis hoc nos nullo admonente discimus, quod cognitionem ac rerum intelligentiam præcedit fides, subsequitur autem fides scientia quæcumque veri. Quæ ex re fit, ut naturæ auctor in hominum mentibus inclinationem ad credendum naturalem impresserit: si quidem non minus fides necessaria est hominis & vitæ & disciplinæ, quam aut igni locus supremus, aut terræ imus, ut bene habeant, necessarius est. His autem propensiones quædam, & quasi appetitiones natura induit ad fines & perfectiones necessarias. Quamobrem, qui humanam fidem ex hominum animis evellere conantur, ii non solum stulti sunt, sed gigantum more cum diis bellant, hoc est, cum natura pugnant. An vero quicquam tam puerile & stultum dici potest, quam si ea, quæ viderunt alii, negemus esse, quia ipsi non vidimus? Credere igitur necesse est, nisi pueris sultioribus esse volumus. Quibus positus, sit prima conclusio.

In 2. hura
LXX in-
terpr.
1. Etenim

Præ-

1. Conc.

Præter auctores sacros nullus historicus certus esse potest, id est idoneus ad faciendam certam in Theologia fidem. Hæc, quantum cuique per se est obvia & manifesta, non est nostris argumentationibus comprobanda. Flavivus porro Vopiscus vere falsæque dixit, neminem historicorum non aliquid esse mentitum: unde fidenter se historiam aggredi, habiturus mendaciorum comites.

2. Conc.

Secunda conclusio. Historici graves ac fide digni, quales nonnulli sine dubio & in ecclesiasticis & in secularibus sive, probabile argumentum Theologo suppeditant, cum ad ea, quæ sua sunt corroboranda, tum ad falsas adversariorum opiniones refellendas. Quæ conclusio satis per se etiam videtur exposita. Nec enim est hominis bene instituti, & ad vitam humanam recte compositi, viro gravi rem credibilem asserenti non credere. Rem credibilem dixi, quoniam quædam à Plinio, aliisque historicis vel gravissimis referuntur, quæ cum vix credibilia sint, si ea fuisse negemus, non ideo historiarum auctoritatem labefecimus. Uterque igitur, & qui cito credit, & qui ad credendum nimium est tardus, jure reprehenditur. Multo vero hic magis si cum pluribus historicis probatis gravibusque dissenserit. Si namque in duorum ore, vel trium stat omne verbum, cur adversus hanc legem plurimis testibus rem eandem olim gestam testantibus fidem Theologus abrogabit? Præsertim cum testimonia ex vetustate desumpta hoc potentiora ad probandum sint, quod ea sola, ut Fabius ait, eriminibus odii gratique vacant. Nimirum Innocentius auctor est gravis, in humanis historiis nonnihil probabiliter inesse, cum lege edita præcepit, ut in causis ecclesiæ finiendis illarum auctoritate, quamvis cætera argumenta decissent, ecclesiastici judices uterentur. Sed plerique nostra hac ætate perverte, ne dicam impudenter, res, quas esse gestas gravissimi auctores testati sunt, in dubium vocant. Qui si idoneas causas probabileque redderent, audiendi fortasse essent. Cum vero reddant nullas, contemnendi sunt, ut qui communem hominum sensum exuerint, iudiciorum humanorum potissima instrumenta, hoc est, testimonia rejecerint, vitæ magistrum, prudentiæ sub-

sidium, lucem veritatis historiarum neglexerint.

Tertia conclusio. Si omnes probati ac graves historici in eandem rem gestam concurrant, tunc ex horum auctoritate certum argumentum promittitur, ut Theologix dogmata firma etiam ratione constituantur. Exempli sunt ejus rei multa, sed pauca subjiciam. Petrum Romæ & collocasse sedem, & pro Christo martyrii gloria coronatum esse, omnes graves historiarum tradunt: undenos certa in s. libr. argumentatione consecimus, Romanum episcopum Petro in pontificatu succedere. Item, concilium Nicenum tempore Constantini à Sylvestro vero ecclesiæ pontifice esse coactum, historici quique gravissimi prodidere. Ea nos et re colligimus, concilii Niceni definitiones certas esse: Quod certum sit, synodum ecclesiæ generalem Romano Pontifici comprobata errare non posse: certum quoque, Nicenam ejusmodi esse, cui nec universitas pastorum ecclesiæ defuerit, nec Romani Episcopi comprobatio. Plurima sunt ejusmodi, quæ communi historicorum consensione traduntur. Hæc non modo negare, sed in his etiam addubitare, stultissimum est. Quid enim stultius esse potest, ut eundem locum diutius urgeam, quam si ea genera belluarum, quæ in rubro mari Indiæ gignuntur, nulla esse dicamus, quia nunquam vidimus? Omnia tollamus ergo, si ita placet, quæ aut historia nobis, aut resiles graves & probati adserunt. Ita sit ut mediterranei mare esse non credant, nec in insula nati, in qua lepulescos vulpeculasque solum viderint, credant leones & pantheras esse: si vero de elephanto quis dicat: etiam rideri se putent. Historix igitur fides vel certa habenda est, cum in idem auctores universi consentiunt. Certa quippe apud homines ea sunt, quæ negari sine pervicacia, & stultitia non possunt. Præclare itaque Josephus 1. contra Appionem lib. illud veritatis historiarum signum certum esse dixit, si de iisdem rebus eadem omnes conferbant. Verum de his, licet breviter, diximus tamen quod satis est. Nam his paucis expositis, nisi ego fallor, qualis quantæque sit historiarum humanarum auctoritas, facile intelligitur. Historia nimirum est, ut Quintilianus ait scripta est non ad probandum, sed ad narrandum, ali-

3. Conc.

Burhardi
1. c. 118.
et dist. cap.
de quibus.

T quid

quid tamen sine dubio probat, probabiliter fere: nam aliquando etiam necessarie. Nunc argumenta contra historię fidem posita diluamus.

CAPUT V.

Ubi respondetur argumentis capituli tertii.

Respon.
ad 1.

Non est facile contrarias objectiones excutere: sed excutiendę sunt tamen. Atque in primo argumento quidem non Osiander modo, verum etiam Catholici quidam omni vi & ratione contendunt, id, quod de duobus patribus Joseph naturali & legali refertur, commentum, portentum, monstrum, somnium esse. His enim nominibus sententiam illam Africani notandam putant. Certe auctor lib. q. vet. & no. test. five August. is fuerit, seu quisquam alius, sententiam eam asserit nec probabilem esse, nec ad ullam rem proficere; ne sit qui existimet veterem historiam solis junioribus displicuisse. Utuntur autem hi ad Africani traditionem infirmendam argumentis huiusmodi.

Primo, quod nullum vel testimonium vel exemplum, nec e sacris, nec ex prophetis Hebręorum literis erui possit, quo talis primogenitus filius defuncti nuncupetur: non ergo mortuus ille pater primogeniti vocabitur.

Deinde, Ut demus, inquit, quantumvis iniqua conditione ejusmodi primogenitum, duos patres sortitum esse, adhuc tamen nihil faciet, ut Evangelicę discrepantię scrupulus eximatur. Nam legalem filium nemo poterat ex uxore defuncti procreare, nisi frater fuisset defuncti germanus, simulque cum eo habitaret, quemadmodum Deut. 15. evidentissime traditur. Illud vero non contingit nisi ex eodem patre natis: nam qui diversos habent patres, ii diversas etiam capiunt hereditates, atque adeo non habitant simul. Nunc autem Jacob & Heli nec tuerunt ex eisdem patribus, avis, aut proavis: nec simul habitare potuerunt, cum alter censetur in posteris Nathan. alter in posteris Salomonis. Nam, quod etiam argumentantur, Joseph non fuisse vocatum nomine patris legalis, quę res erat necessaria juxta illam Deuter. legem, id exiguum sane ac mendicium argumentum est, cui August.

& 5. lib. q. in Deut. q. 46. & lib. 2. retract. c. 12. nullo negotio respondet. Mihi vero opinio communis magis placet: quamvis illorum opinio non displiceat, qui asserunt, Heli Josephi socerum fuisse, eundem qui & Joakim parentem virginis Marię: ut Lucas genealogiam Christi per matrem atexuerit, Matthę vero per eum, qui pater putabatur. Nec proinde tamen genealogiam mulierum contra scripturę usum Evangelista tenuit. Nam cum ait, Qui fuit Heli, relativum ad Christum referendum est, ut sit sensus: Et ipse Jesus putabatur quidem esse Josephi, at re vera non illius fuit, sed Heli. Cum enim sine virili opera ex virginē matre natus sit, nullum habuit in terris, cujus filius vere dici posset præter Heli, qui avus scilicet ipsius maternus erat. Ne quis ergo miraretur, quod in texenda genealogia Christi ab nepote statim transiit ad avum, interjecit causam: quia Joseph, quem patrem Christi dicere debebat, non vere erat pater, sed putabatur. Quamquam & relativum ad Joseph quoque referri potest; ut intelligamus eum fuisse Heli non naturalem filium, sed ad eum modum, quo gener foceri filius esse dicitur. Itaque Josephum evangelicę ad parentes suos reverterentur, alter ad eos, quos ex se habuit: alter ad eos, quos ex conjugio sortitus est. Hujus opinionis Augustinus lib. questionum evangelicarum 2. q. 5. meminit. Hanc tenuit auctor libelli cujusdam de ortu virginis, qui Hieronymo falso tribuitur. Hanc Joannes Annianus, Joannes item Lucidus, Georgius Vvicius, alique nonnulli juniores amplexi sunt. Huic etiam nominum significatio consonat. Nam Joakim, Eliachim, Heli, idem fere significant, proque eodem fere usurpantur, 4. Reg. 23. 3. Para. 36. Probabilis opinio hæc sit. Quis negat? Sed ne ipsa quidem certa est. Osiander enim argumenta, quę ille firma esse existimat, sunt proposita infirmissima.

Obijcit primo, nusquam in sacris literis reperiri, quod ille primogenitus filius mortui nuncupetur. Id vero de more impudenter obijcit. Si enim Obed filius Noemi, illicque natus esse dicitur, cur non dicatur natus Maalon, hujusque proinde etiam filius? item, Accipiet eam, inquit, frater ejus, & suscitabit semen fratris sui, & pri-

De prob. G.
quę Nam
& Rex.

Phil. Ania
mus trad. 2.
Syria, & 2.
Egyptus Joa-
kim, & 2.
clima & 2.
Heli esse
Hieronymus.

Ruth. 4.

Deut. 25.
Matth. 22.
Luc. 20.

primogenitum ex ea filium nomine illius appellabit . Præterea cequid obsecro ? It suscitare semen fratris , nisi filium illi gignere ? Quid ? Nonne illud manifestum est , Ille sciens non nasci sibi filios , semen fundebat in terram , ne liberi fratris nomine nascerentur ? Gene. 38 . At hæc ipsa loca retulit Osiander . Retulit quidem , sed ita tamen , ut aperte intelligentiam respondere nequiverit , nisi hæreticorum ritu aut vulgaram editionem accusaret , aut etiam scripturæ & verba & sensum eluderet . Nam sanctorum omnium communem intelligentiam pro nihilo habere est illi familiare , & cum cæteris Luthranis gentile , ac proprium . Jam quod secundo loco accipit , fratres , de quibus lex loquitur , simul habitare oportere , id est in eadem hereditate patris , atque adeo germanos esse , ab eodemque patre genitos ; speciem sortasse veritatis habet , veritatem nullam profecto habet . Fratres quippe in illa Deu . lege non germani modo intelligendi sunt , verum etiam conanguinei , qui scripturarum usu fratres appellantur . Id quod non communi solum sanctorum omnium sententia , sed aperto scripturæ testimonio comprobari potest . Booz enim Maalonis non germanus erat , sed propinquus . Nec confundimus nos negotium redemptionis cum negotio leviri , quod Osiander calumniatur . Sed contendimus , summoque omnino jure contendimus , exemplum libri Ruth ad legem illam Deu . pertinere . Alioqui , si eos simul habitare interpretamur , qui in eadem hereditate paterna habitant , cur non magis , nam hoc simplicius est , eos , qui in eadem domo ? Ita quamvis fratres germani sint , nisi eandem domum habeant communem , ea lege minime tenebuntur . Quod ne Osiander ipse quidem , quamlibet perfricta fore nec , concessurus esset . Exponamus igitur , quod & Hebræorum mos , & legis ratio exigat , tum etiam fratres habitare simul , cum in eodem oppido , vel civitate habitarent . Id vero non diobus solum uteris , quales Jacob & Heli fuisse perhibentur , usu venire potuit , sed propinquis etiam aliis , vel remotis . Nihil ergo nos Osiandri argumenta movent , quo minus fidem Africano habeamus .

Ullud forte movere potest , quod in tertia conclusione capitis superioris as-

seruimus , communem scriptorum omnium traditionem , certo , nedom probabiliter pro vera historia habendam esse . Huic autem Africani traditioni historici omnes ecclesiastici testimonium perhibent . Igitur non modo probabilis , sed certa illa doctrina erit , quæ duos patres Joseph legalem & naturalem infert . Minime vero . Multum enim refert , res gestas quæ historici asseveratione narrent . Si enim ipse , qui primus auctor historię fuit , rem non ut visam ac certam , sed ut auditam & incertam scripserit , tunc qui simili temperamento rem ceu probabilem referunt , ii quamvis consentiant omnes , non faciunt tamen historię firmitudinem . Porro autem Africanus , unde cæteri hanc historiam acceperunt , nihil præter auditum habuit ; nec referentibus certam habuit fidem . Nam postquam rem perinde ut a Judeis quibusdam acceperat , ad Aristidem retulisset , hujusmodi verba , Musculo interprete , adjecit : Sive itaque ad hunc modum sive aliter habet res ista , non poterit quisquam , meo judicio , clariores illius , scilicet quæ objecta erant , Evangelistarum discrepantia , expositionem reperire . Quisquis autem æquo animo præditus est , idem quod nos curabit , etiam si certum desit testimonium : ob id videlicet , quod meliorem ac veriori expositionem potest non poterit . Evangelium sanc per omnia quæ vera sunt , tradit . Hactenus Africanus . Quibus verbis satis ille significat , si componendis Evangelistis ratio alia quæcunque probabilior appareret , eam se libenter amplexurum . Quæ omnino res & August. & Thom. videtur compulisse , ut præter hanc , alias quoque rationes tollendæ discrepantiæ investigarent . Sed de primo argumento satis multa diximus .

Ad secundum vero dicendum est , Respon. ad 2 . hujusmodi quoque res non tam ex fide historię , quam ex probabilis eorum conjectura pendere , qui sacras literas interpretantur . Non est enim aliquis probatus auctor , qui asserat se præter Mariam , aliam Joseph uxorem aut vidisse , aut certis testibus accepisse . Sed cum in evangelio fratres Domini legerentur , & religio vetaret filios Mariz suspicari , scripturæ expostoribus conjectandum fuit , quoniam id pacto fieri poterit : ut veritas evangelii cum Mariæ perpetua virginitate congrueret

E. pag. q. 18.
22.1.

Ita quidam filios Joseph ex alia uxore intulerunt, Christique proinde fratres non veros, sed qui putarentur, interpretati sunt: nam & Joseph non verus erat pater, sed putabatur. Neque horum conjectura vana commentitiaque fuit, nullave ratione tantum ad respondendam hæreticis excogitata; sed probabiles habuit causas, quæ scripturarum etiam testimoniis niterentur. Primum quia Jacobus Hierosolymitanus episcopus non peculiariter esset frater Domini cognominatus; si cognatione solum fratres Domini vocarentur: Cum & Jacobus Zebedæi filius, a quo ille cognomento distinguitur, ad eum quoque modum frater Domini esset. Deinde non simpliciter quidam in Evangelio diceret, Ecce mater tua & fratres tui foris stant querentes te alloqui, si generali sanguinis conjunctione fraternitatem designaret. Jacobus namque & Joannes tunc temporis cum Christo intra domum erant, qui illo modo erant fratres.

Matt. 12.

Marc. 6.

Luc. 6.

Accedit quod apud Marcum a quibusdam dictum est: Nonne hic est faber filius Mariæ, frater Jacobi & Joseph, & Judæ, & Simonis? Nonne & sorores ejus hic nobiscum sunt? Filii, inquit, Mariæ, frater Jacobi & Joseph, &c. ut non ex Maria, sed ex Josepho fratres intelligerentur. Unde & juxta Lucam interrogant, Nonne hic est filius Joseph & Atque sorores, filias Josephi Esther & Thamar intelligendas esse, Hippolytus ac Nicephorus graves in primis auctores asserunt. Fratres ergo similiter intelligendi sunt, Jacobus, Joseph, Simeon, & Judas: quos quatuor filios ex prioris conjugio, cui nomen erat Salome, Josephum suscepisse, idem auctores prodidere. Accedit etiam, quod Iosephum, cum Mariam uxorem accepit, 80. annorum fuisse senem, Epiphanius non semel astruit. At in tam longa ætate non est profecto verisimile illum sine conjugio extitisse. Hæc auctores illi sine fidei discriminare argumentari, atque adeo asserere potuerunt. Sed Hieronym. tamen rem diligentius animadvertens, ut erat in sacris literis apprime veritatis, probabiliorum multo rationem invenit, qua citra & Mariæ corruptionem & Iosephi bigamiam fratres Domini in scripturis intelligerentur. Quod enim Jacobus frater Domini vulgo cognominatus, Iosephi filius non fuerit,

ex Evangelis videtur manifeste colligi. Marcus siquidem quos capite sexto fratres Domini vocatos scripserat, eos capite quinto decimo filios Ioseph uxoris Mariæ scribit esse, quæ nimirum uxor Iosephi esse non poterat, nisi duas illum simul uxores habuisse contendas, Mariam Virginem, & alteram Mariam, quod nulla ratio probat, nulla prodit historia: Quin hominem pauperem, qui vix unam alere & sustinere posset, duarum conjugum onera sustinere, & impudentius, & incontinentius argumentum est. Ea vitia viro iusto tribuere quam sit stultum, ne dicam impium, non est opus longa oratione suadere.

Adde, quod hæc eadem a Ioanne Maria Cleophas cognominata est. Erat autem Cleophas frater Iosephi, ut Eusebius lib. 3. eccl. hist. cap. 11. ex Eusebio retulit: ob quam causam, nisi ine conjectura fallit, soror Mariæ Virginis appellatur. Nam & leviri fratres vulgo dici solent, & fratrum uxores sorores. Non igitur, ut sentio equidem, Maria illa tanquam mater, sed tanquam uxor Cleophas nomen accepit. Iosephi itaque conjux non erat, atque adeo nec hujus filii filii erant Iosephi, sed Cleophas. Verum quemadmodum Iosephus pater Christi existimabatur, sic filii Cleophas, Jacobus, Ioseph, Iudas, Simeon existimabantur Christi consobrini, Christi patris Cleophas. Qua ratione Maria ista Christi matertera nuncupari potest, non quod vere Mariæ Virginis germana fuerit, sed quod soror & habita & dicta sit. Atqui consobrinos fratres etiam dici, omnis scriptura demonstrat. Nec prioris opinionis necesse est argumenta refellere. Nonnulla enim assunt, quæ certis de causis a plerisque aliter existimantur. Ut filios Zebedæi Christi esse consanguineos, & proinde scripturæ usu fratres, item Iosephum 80. annos natum esse, cum Mariam uxorem accepit. Quæ res dici possunt, probari non possunt. Nam & Actor. cap. 1. Lucas cum Iacobum Alphæi, Simonem, & Iudam retulisset, subdit: Hi omnes erant peregrinæ in oratione cum Maria matre Iesu, & fratribus ejus. Constat autem, Iacobum Alphæi, Simonem, ac Iudam fratres Domini appellatos. Sed de his disputatum est ab aliis diligentius. Nos in præsentem non id agimus. Tanquam dicimus,

Act. 1. in
lib. 1. de or-
to de vi & o-
bit. sancti.
pater, dicitur,
Alphæi
fratrem fuisse
matris Domini,
unde &
fratrem
Domini.
vulgo dicitur.

citur,

eimus, ex diversis opinionibus, quas in scripturarum interpretatione orthodoxi sequuntur, minime historiarum fidem periclitari. Hæc quippe sola oratio erat secundo argumento confutando necessaria.

Respon.
ad 3.
L. 11. ad
tit. 1.

At tertium sic diluitur. Non fuit Herodias filia Arethæ regis, sed Aristobuli, sicut Iosephus multis in locis testatus est. Id quod nomen quoque ipsum indicat. Est enim quasi patronymicum ab Herode, nihilque promittit aliud significat quam filiam, vel nepotem, vel aliquam e posteris Herodis. Quamobrem cum Arethæ rege Arabum nihil videtur habere commune: cum Herode magno, cuius fuit nepotis, commune habet genus. Quod autem Hieronymus tradit ex vetere historia, pace tanti viri dixerim, in ea re sine dubio falsum. Apparet cum sane vel in historiis quamquam auctoribus incerti incidisse, ob id enim quidam veterem historiam appellatam volunt: vel certe in Eusebio Latinam incidit, quam Rufinus fecit sua traditione vitiosam. Quo autem res planior fiat, verba loci illius subscribimus. Concordi vero testimonio etiam Iosephus de hoc scribit nominatum, etiam de Herodiade commemorans, velut de conjugio fratris Philippi violentus violenter abstracta, & ius ab Herode incestis nuptis sociata: propria, & legitima uxore depulsa, quam Herodiadem filiam fuisse dicit Arethæ regis Arabiæ. Hactenus Eusebius, Rufinus interprete. E quibus verbis si tollas nomen Herodiadem posteriore loco positum, quod nec Eusebius habet, nec Iosephus, vera erit lectio, atque adeo germana Eusebii Græci in latinum conversio. Nam relativum, Quam, non ad Herodiadem, quod Rufinus falso intellexit, sed ad propriam & legitimam uxorem depulsam referendum est: quod recte Musculus in nova nunc interpretatione fecit. Verum de tertio argumento hæc nobis dicta sint.

Respon.
ad 4.

Ad quartum ita respondeo. Quicquid sit de Magis, an fuerint reges nec ne, quod in controversia est positum, certum illud est, non ex ea re historiarum fidem labefactari, quod plurimi auctores magos reges fuisse tradiderint. Nempe res hæc ejus generis est, quam nemo historiarum seculi asserit aut vidisse, aut ex viris fide-

dignis, qui viderint, audivisse. Nuncur itaque auctores illi non historiarum auctoritate, quam nullam probatam habuere, sed probabilibus conjecturis, quas porro habuere nonnullas. Quas est, quod in Magis videtur implementum illud, Reges Tharsis & insule munerum offerent, reges Arabum & Sabæ dona adducunt. Item illud, Ambulabunt reges in splendore ortus tui, &c. Quæ in Epiphania Domini non hodiecum vulgus, sed antiquus semper ecclesiæ chorus insonuit. Accedit quod, ut Tertullianus ait, Magos reges fere habuit Oriens. Accedit quod in reges illud maxime quadrat, Apertis thesauris suis, &c. Extat etiam Claudiani epigramma, ubi Magos appellat Chaldaeos reges. Quod si Claudiani non est, certe elegantissimi poete est. Hanc opinionem, ut quæ plausibilis sit ac popularis, Christi fideles jam olim libenter induerunt. Neque operæ pretium iudico, si quis in concione publica eam dissuadere conetur. Nam dissuadere nihil attinet: ac frustra nati, & nihil aliud, quam laborando odium quære, extremæ demeritis est. Quod si paucis forte quibusdam fidem argumentatione tua feceris, multas tamen in populo querelas, dissidia, ac lites induces. Sine ergo, plebem probabilissimam opinionem, præsertim quæ penitus insedit atque inveteravit, cum suis majoribus retinere. Quod si conjecturis aliis permotus contrariam sententiam habes, liceat per me, equidem non repugno. Illud ago, si hæc, sive illa opinio vera sit, non inde historiarum auctoritatem aut elevari aut imminui, cum neutra earum opinionum historiarum auctoritati, sed probabilis conjecturæ innitatur. Quod enim regum nomen Euangelista suppresserit, id omnino nihil est. Non enim existimavit euangelii testimonium regio apparatu cumulandum, quod Magorum sapientiam & gravitatem amplissime ornaverat. In veritate sane ocula confirmanda regia appellatio obscura, & otiosa erat, Magorum vox præclara & opportuna. Nam quod Herodes Magos parum honorifice exceperit, hoc aut Herodiani falsus indicium est, aut Romanæ gloriæ, & majestatis. Indignum vero est magni regis tumorem in minorum invidiam odiumque convertere.

Psal. 72.

Est. 60.

Math. 2.

§ 11. Eccl.
L. 11. ad
tit. 1.

De quarto igitur argumento hæc-
T 3
pus.

Respon.
ad 5.

nus. Nunc ad quintum respondeamus. Non Hicronymus modo, Augustinus, Thomas, ac ceteri fere omnes auctores, verum etiam antiqua ecclesiae traditio tenet, quod Magi Christum decimo tertio die, ex quo natus fuerat, adorarent. Cujus quidem rei cum causam quererem, quidnam esset cur tanta id confessione ab ecclesia receptum sit, quamquam veteri traditioni in hujusmodi rebus multum debetur fidei, ut ratio alia non sublit, has causas tamen inveniebam duas, easque ambas ex ipso Evangelio collectas. Unam quod Mattheus dicit, Cum natus esset Jesus, ecce Magi ab Oriente venerunt. Sane si quando Magi venerunt, Christus esset annulus aut bimus, ut Epiphanius, Zacharias, Faber, Oslander, exultant, non dixisset evangelista, Cum natus esset, ecce Magi. Quod non de re tam fera, sed de subita & improvisa, vel certe proxima, & quasi praesenti dici solet. Necdum, inquit, intra se verba compleverat, & ecce Rebecca egredebatur. Et Poeta: Audiat haec aliquis, vel qui venit, ecce Palemon. Hinc enim cum Mariae dixisset Angelus, Ecce concipies, &c. intelligens ipsa statim se concepturam ait: Quomodo fiet istud, quoniam virum non cognosco? Recens ergo natus erat infans, quando Magi advennerunt. Altera causa est haec, Magi invenerunt puerum in Bethleem: ergo ante diem purificationis accesserunt. Quia ultra id temporis Christus non fuit in Bethleem. Lucas enim iis descriptis, quae ad purificationem atinebant, subdit: Ut perfecerunt omnia secundum legem Domini reversi sunt in Galilaeam in civitatem suam Nazareth. Non ait, in Bethleem, sed, in Nazareth. Cur autem Bethleem reverterentur, ubi adeo nihil habebant suppellectilis, ut Virgini ad reclinandum infantem non alius, quam praesepe locus fuerit in divitio? Nec Evangelista docet, eos venisse ut morarentur, sed ut profiterentur in civitate sua. Manserunt itaque ibidem quantum necesse fuit adimplendam legem, quae jubet, ut post circumcisi infantulum maneat mulier triginta tribus diebus in sanguine purificationis suae. Intra quos dies Bethleem venisse Magos recte credimus, & puerum indicio stellae inventum adorasse.

In ea vero ratione, quae primum op-

ponitur, quidam liberalitatem ac beneficentiam Virginis animadvertunt, quae brevi aurum acceptum in pauperes erogavit: Alii prudentiam, quod viaticum paraverit in Aegyptum. Sive enim Joseph ante purificationem de fuga ab Angelo fuerit admonitus, juxta illud, cum Magi recessissent, ecce Angelus apparuit in somnis, &c. sive Magi oraculum de reditu per aliam viam Virgini communicaverint: credibile profecto est, seeminam prudentissimam jam inde illud quod ad fugam & peregrinationem opus erat, providere. Sunt qui modestiam advertant. Atque haec ratio mihi videtur sanctissime & providentissime constituta. Non decebat enim, ut quae pauper erat, ea divitum oblationem subito inferret. Ab omni saltu, & ostentatione erat virgo aliena, nec mutare conditionem illi erat animus, quam sciebat Dei filio placuisse. Quid, quod aurum Deo a Magis oblatum in sacros fortasse usus censuit consecrandum? Prima itaque adversariorum ratio his omnino modis facile diluitur. Secunda pressius videtur urgere. Si enim diligenter a Magis Herodes tempus stellae didicit, occidit autem omnes pueros a bimatu, & infra, securam tempus, quod exquirit a Magis, bimum ergo ante stellam Magis apparuit. Non igitur mox a Christo nato advennerunt. Nam statim recedentibus Magis, Herodes occidit pueros. Illa enim particula, Tunc, non minus rem praesentem proximamve significat, quam vocula, Ecce, cujus vim paulo ante expendebamus. Ait vero Evangelista: Tunc Herodes videns quoniam illusum esset a Magis, mittens occidit. Sed hic nodus bisariam solvi potest. Primum enim, quod Euthimus admonuit, illa oratio, Secundum tempus, &c. non refertur ad id, quod praecessit, a bimatu, sed solum ad particulam, Infra, cui proxime conjuncta est. Itaque continenter legendum est, Occidit omnes pueros, qui erant in Bethleem, & in omnibus finibus ejus a bimatu. Et ibi facta hypodiathe subjungatur: Et infra secundum tempus, quod exquirit a Magis. Non itaque intelligendus est peremisse bimulos secundum tempus exquiritum: sed tantum alios minimos, quibus videlicet solis tempus stellae accommodavit. Sed

Matth. 2.

Genes. 14.

Luc. 2.

ais, Cur bimos interfecit, si non secuit-

Joseph. l. 16
anti. c. 7.

eundem tempus stellæ? Respondeo, Cur in omnibus finibus Bethleem, si in Bethleem juxta prophetam natus est Christus? Quomodo ergo ex propria malitia amplavit locum, sic amplavit & tempus. Deinde probabile est id, quod mihi semper vero similis fuit, Herodem Romam evocatum, ut accusationi filiorum responderet, stragem illam puerorum edere distulisse: quam edidit postea cum Hierosolymam regressus est. Quod si necesse esset biennium Magis ad iter faciendum concedere, quod tamen absurdum est, non protinus necessario sit consequens, ut biennio post Christum natum adveniret. Multo enim facilius expeditiusque dicitur, quod Chrysostomo Augustinoque video placuisse, apparuisse stellam Magis tanto ante Christi nativitatem, quantum fuit opus, ut tot regionibus, ac provinciis peragratis puerum haud multo ante natum adorarent.

Gene. 11.

Moma. 21.

Gen. 12.

Cum vero demum quaeritur, Qui fieri potuerit, ut ab Oriente Magi tam paucis diebus pervenerint: huic quaestioni responsum facile, & promptum est. Non enim opus fuerit, quod benignius facit, cum rem natu pueri facultati viribusque tribuere, qui Magos ad se tam brevi dierum spatio perduxerit. Sed, Oriens, in sacris litteris frequenter accipitur pro terris, quæ Orientales ad illam sine, in qua sunt, qui loquuntur. Ut ibi, elegit sibi Loti regionem circa Jordanem, & recessit ab oriente. Item, De Aram adduxit me Balach rex Moabitarum, de montibus Orientis. Sive ergo Magi profecti fuerint Balaam, ac proinde ex Melopotamia Syriæ venerint, ut Chrysostomo, Hieronymo, & Ambrosio visum est; sive ex Arabia accesserint, quæ sententia Justini martyris perpetua fuit; seu sapientes ahi, vel Persæ, vel Chaldæi, quod Magorum nomen præ se fert: dubitari non potest, quin totum illud quicquid erat inneris, decem diebus conficere potuerint. Distat siquidem Hierusalem ab Aram centum septuaginta duabus parasangis Persicis & Hispanicis, ab Ur vero Chaldeorum ducentis duodecim. Atque cum Laban Jacob sigaretur a Melopotamia in Judæam insequeretur, septimo die consecutus est illum in monte Galaad, qui est principium Libani. Et ferebat tamen Jacob greges, & uxores, ac parvu-

Lib. 2.

Idem Zachar. c. 2.

los. At Laban non ante tertium diem fugamprehenderat. Quid? quod in regione illa abundant dronedarii, quos uno die stadorum mille iter conficere, scribit in vita Appollonii Philostratus? Aristoteles quoque lib. 9. hist. animal. cap. ultimo testatur, celerius eos currere, quam Nisæos equos. Nec te illud turbet, quod Hieronymus in Hieremix 25. capit. imo Hieremias ipse, Chaldæam, ait, in aquilonis parte juxta situm Hierusalem collocatam esse. Quia enim inter aquilonem & orientem sita est, modo aquilonaris, modo orientalis nuncupatur. Hæc fastidioso lectori scio molesta fore: sed erat ostendendum, quam temere quidam a sincera historici fide, & communis sanctorum opinione disenserint. Verum de quinto argumento satis. Nunc sequentia refellamus.

Respon.
ad 6.

Sane quidem, cum in sexto argumento Epiphanius sententia contra historici fidem ponitur, nihil prorsus movere nos debet. Primum, quoniam in rerum gestarum temporumque ratione nullo ille graves andores sequi solet. Atque adeo in earum rerum memoria interdum fallitur. Deinde, quoniam hoc saltem loco nulla argumentatione probabili, nullis prolatis veteribus monumentis, antiquo ecclesiæ uui contradicunt. Quod si verum est, ut verum est profecto, Christum passum esse anno ætatis sue trigesimo tertio, inchoato per tres menses ac decem sortasse dies; nam de hac re nullam modo quaestionem habere volumus; docuisse autem eum tribus annis, & Ignatius in epistol. 1. ad Trallianos, & Eusebius in Chronicis prodiderunt; certe Epiphanius opinio videtur vera esse non posse. A trigesimo namque anno expleto usque ad passionem, non nisi duo anni superiunt. Quamvis notandum hunc solveret Epiphanius, si tempus doctrinæ Christi non a nuptiis, sed a baptismo inchoaret. Quod nos quoque dicere oportet, qui Maximi sententiam, veteremque ecclesiæ usum propugnamus. Nuptias quippe anno post baptismum integro elapso factas esse credimus. Qua in re nobiscum dissentiant quidam, nec sine causa dissentiant tamen. Primum enim toto illo anno nihil, inquit, scriptum habemus de doctrina Christi. Quin eo anno nihil omnino docuisset. Quod est credibile nullo modo. In baptismo fi-

quidem filius, ac sapientia Dei, dux populi, atque magister, patris testimonio declaratus est. Nec post Evangelii munus evidentissima triadis commendatione, testificationeque susceptum, otiosus Christus tot diebus vitam in silentio degeret. Sed illud, ut par erat, protinus exequeretur. Id quod non conjectura nostra solum, sed Joannes etiam Evangelio comprobatur. Joannes porro ita diserte rerum gestarum post baptismum tempora notat, ut ad nuptias, non dicam annus, sed ne pauci quidem menses interfluxisse videantur. Altera, inquit, die vidit Joannes Jesum venientem ad se; & rursum paulo inferius, Altera die iterum stabat Joannes, & ex discipulis ejus duo, &c. Et postea: In crastinum voluit e-
xire in Galilæam, & invenit Philippum, &c. Denique statim in secundi capitis initio, Et die tertia nuptiæ factæ sunt in Cana Galilææ. En cum Joannes Judæorum leprosus respondisset, postero die vidit Jesum venientem ad se. Quo tempore Jesus nec notus erat, nec discipulos acceperat, ut ex hoc primo Joannis capite manifestissime liquet. Sed postero die, hoc est, tribus à legatione diebus, duo discipuli Joannis secuti sunt Jesum: ac proximo huic die exiens in Galilæam Jesus ipse Philippum invenit. Cum vero subjungit Evangelista, Et tertia die nuptiæ factæ sunt in Cana Galilææ, satis aperte indicat, quam breve tempus inter baptismum, vocationem discipulorum, ac nuptias fluxerit. Non itaque annus integer intercessit. Præterea post secundum adventum in Galilæam cœpit Jesus prædicare, ut Matthæi cap. 4. dicitur. Non ergo ante nuptias prædicaverat. Nam illæ factæ sunt, cum post baptismum primo advenit in Galilæam. Quod si annus integer à baptismo ad nuptias interfluxisset, jam tres anni prædicationis Christi nullo modo invenirentur. Adde, quod ex ea sententia consequens fieret, ut Christus anno ætatis suæ trigésimoquarto inchoato fuerit passus. Illud non obscure colligitur, quoniam si vera esset, quinque pascha à baptismo ad mortem intervenisset. Primum id esset, de quo nihil habemus in Evangelio scriptum, inter baptismum & nuptias. Secundum, quod Joannes statim post nuptias commemorat, cap. 2. ubi Christus euentes, ac vendentes de templo primum ejecit. Tertium, de

quo fit mentio Joannis quinto, cum sanavit paralyticum. Quartum, ejusdem Evangelistæ meminit, cap. 6. inquit, Erat autem proximum pascha, &c. Quintum, in quo passus est Christus, de quo Joannis 12. & 13. Nam quod tertium illud, de quo dubium esse potest, festum paschæ fuerit, non modo Rupertus, sed Irenæus etiam testatur. Ac re vera nomen festi simpliciter pro pascha solet in evangelistis accipi. Ut ibi: Non in die festo, Matthæi 26. Item, Secundum consuetudinem diei festi, Luc. 2. Item, Eme e2, quæ opus sunt nobis ad diem festum, Joann. 13. Cum itaque Christus baptizatus fuerit anno tricesimo ætatis suæ inchoato per tredecim dies; erat enim incipiens quasi annorum triginta, ut Lucas affirmat, si quinque festum paschæ intercessit, nimirum mortuus est anno ætatis suæ trigésimoquarto. Quod licet Bedæ, alique nonnulli juniores asseruerint, detendi tamen nulla ratione potest, ut Paulus episcopus Foroiemponiensis, lib. 9. 2. par., & lib. 4. ejusdem partis. Joannes item Lucidus in libro de vero die passionis Christi ostenderunt. At vero nullæ hujusmodi rationes, ab antiqua Patrum traditione, quam communis ecclesiæ consuetudo in divino officio, hymnis, antiphonisque confirmat, poterunt me movere. Non quod hæc ad fidem, religionemve magnopere attineant, sed quod in rebus vel ex utraque parte probabilibus, vel etiam ambiguis, veteris ecclesiasticæ historię fides communis me delectat.

Sed prima videamus. Anno, qui inter baptismum, & nuptias fluxit, nihil omnino docuit Christus: cessator ergo fuit maximus, qui post inunctum munus tam diu fuit otiosus. Sane quidem eo anno non est publice concionatus Christus, neque turbis Evangelium prædicavit. Sed non fuit interim otiosus. Quin & frequenter ad Joannem accessit, ut frequens etiam de ipso Joannes testimonium diceret, & privatim quod docuit quosdam, ne ecclesiæ concionator repente prodiret. Non enim discipuli Joannis illum Rabbi, hoc est, magistrum appellarent, nisi jam docere incepisset, quemadmodum Cajetanus noster diligenter advertit. Nam quod ajunt, ex Joannis evangelio colligi, paucos dies inter baptismum & nuptias intercessisse, id nullo modo verum est: Cum Joannes adventum Jesu ad baptis-

Lib. 5. com.
m. jo.
Lib. 1. c. 19.

Luc. 1.

L'ib. de tēp.
c. 47.
Annus 16.
nō fuit ap-
pōs passio-
nis Christi,
quia pascha
illō anno
fuit in die
Mariæ.

Ad 1. al-
terius o-
pin. 2. g.

Joan. 2.

Ad 2. ar.

nam

num nusquam omnino narraverit, ut idem Cajetanus manifestè argumentatione conficit. Quamquam in eo fallitur, quod pro certo asserit, ex quatuor Baptistæ testimoniis, quæ primo capite Evangelista refert, tertium datum esse de proximo post secundum. Secundum quippe, ut nihi videtur quidem, de futuro est; & licet scripturæ ordine sequatur, tempore tamen primum etiam testimonium antecessit, ut vel Cajetanus ipse confitetur. Illud enim, quod a Joan. legatis Judæorum impartitum est, idem omnino ipsum fuit, quod se ante dixisse Baptista meminerat. Estque multo vero similis, eo tempore nondum Christum a Joanne baptismum suscepisse. Medius, inquit, vestrum stetit, quem vos nescitis. Ipse est, qui post venturus est. Cum ergo Evangelista inquit, Altera die vidit Joannes Jesum venientem ad se, nec intelligit de adventu ad baptismum, nec scribit quid postero die a legatione Judæorum gestum sit: sed docet, tertium testimonium altero die post illud, quod primo loco scripserat, datum esse. Nam secundum obiter est utriusque, id est, primo & tertio ab Evangelista interpositum, ut explicaretur Baptistam semper fuisse sui in reificatione similem, nec aliud futurum ante dixisse, quam in præsentis testificaretur. Itaque temporis ordine, ut diximus, illud fuit primum, quod secundo loco Evangelista commemorat. Deinde secutum est id, quod a principio positum est. Post hoc proximo die tertium Baptista testimonium dedit, cum vidit Jesum venire ad se. Sæpe enim post baptismum, ut supra dictum est, ad Joannem veniebat. Postero autem die quartum testimonium addidit, cum interesset illi ex discipulis ejus duo, quorum unus erat Andreas. Cum igitur non confiteretur, quantum temporis inter baptismum, & tria illa testimonia de præsentis fluxerit, quamvis omnia illa post baptismum data sint, certe ex Evangelio Joannis non colligitur, paucos dies inter baptismum ac nuptias interfuisse. Quid? quod cum ait, In crastinum voluit exire in Galilæam, & invenit Philippum, non Christum fortasse Evangelista intellexit, sed Andream, quem primum dixerat invenisse Simonem, nunc dicit, postero die invenisse Philippum, cum ex habitaculo Christi in Galilæam exisset.

Ob id enim interpres latinus ait: Et dicit ei Jesus, scum nomen Jesus non reperitur in Græco. Quot autem dies intercesserint inter postremum illud testimonium Joannis, coram duobus discipulis tributum, & hunc diem, quo Andreas invenit Simonem, incertum est. Nam illud quidem apud Matthæum de publica ad plebem prædicatione intelligitur: cum perspicuum sit, in primo adventu Christi ad Galilæam, quem solus Joannes capite secundo narrat, jam Christum discipulos habuisse. Matthæus autem de secundo adventu loquitur, quum jam Joannes erat in carcere. Non igitur de privata doctrina, sed de publica & populari intelligi potest. At vero temporis prædicationis Christi quantum fuerit, non satis a veteribus expeditum est. Eusebius quoque ipse parum sibi in hac re constare videtur. Nam in Chronicis post quintumdecimum annum Tiberii tribus annis scribit Dominum prædicasse; idque attribuit a Joanne etiam in Evangelio conscriptum. Cæterum idem in libro demonstrat. Euangel. 8. demonstratione secunda, Joannis item testimonio confirmat, tribus annis, & sex mensibus Christum prædicavisse. Quod si ad passionem venit anno Tiberii decimo octavo, ut in Chronicis Eusebius ait, qui fieri potest, ut post annum Tiberii quintumdecimum, annis tribus, & sex mensibus prædicaret? Atqui post annum decimumquintum Tiberii, inchoatam esse evangelii doctrinam, e Luca 3. cap. patescit. Nos autem, si trium annorum doctrinam explorare volumus, unum doctrinæ private, duos vero publicæ doctrinæ impartiemur. Huic enim totum triennium dare nulla ratio cogit, nulla probat auctoritas. Negamus liquidem, probabiliterque negamus, festum, cujus Joannes cap. 5. meminit, pascha fuisse. Chrysostomus porro, ac Cyrillus asserunt, festum fuisse Pentecostes. Quod mihi, fateor ingenue, non fit vero simile. Primo, quoniam post Pascha Jesus moratus est in judæa cum discipulis suis, ut cap. 3. Joann. scribit: at mora juxta scripturæ usum in paucis his diebus, qui ad Pentecosten interfuxerunt, intelligi non potest: Et vel maxime, quod postquam Christus moratus in judæa est, abiit iterum illa relicta in Galilæam, quemadmodum Joannis cap. 4. dicitur. Ac rursum, e Galilæa venit Hierusalem, quod

Ad 3.
arg.

Ad 4.
arg.

stern. in p.
cap. 10.

Ad 5.
arg.

Chrys. ho.
11 in Jo.
Cyril. lib. 2.
127 c. l. v. in
alt. Loran.

quod habes cap. 5. Quæ omnia tam brevi tempore, nisi Christum cursum faciamus, expediri vix queunt. Cajetanus sane in quartum Joannis caput, haud absurda ratione computat, Christum in Judæa post pascha celebratum, in quo vendentes eiecit de templo, longam multorum mensium moram interposuisse. Non igitur festum illud, quod cap. 5. commemoratur, Pentecostes solenne erat.

Deinde, quod cap. 5. unum miraculum Evangelista narrat in Pascha patratum, & quod lexto statim capite ad alterum pascha transierit, omnibus & gestis, & dictis unius anni intermissis, non ita probabile apparet. Festum ergo illud, in quo paralyticus sanatus est, ut recte Cajetanus existimavit, hyemale fuit. Nihil autem interest, siue dicas fuisse festum dedicationis templi secundi sub Zorobabele, quod celebrabatur tertia die mensis Adar, hoc est, Februarii; siue potius festum sortium, quod Judæis solenne erat 14. & 15. die ejusdem postremi mensis. Tunc enim ordine egregio cap. 6. sequitur: Erat autem proximum pascha, &c. Sed in hujus argumenti confutationem nimis multa diximus.

Respon. Septimo vero argumento libri secundi cap. decimo octavo respondisse videmur. Sed ibi breviter: nunc ubi proprius est locus, longiore oratione argumentum illud refellendum est. Non sunt verba Hieronymi in eum sensum intelligenda, ut existimemus ad veritatem historię satis esse, si ea, quæ auctor affirmat, vera a vulgo esse credantur, tum etiam cum falsa sunt. Alioquin si ad eam regulamliceret scripturæ historias interpretari, diceremus, cum Apostolus ait, Sanlem regnasse 40. annis, eum vulgo loquentem hoc, quod fama crebrior haberet, dicere voluisse. Quod Beda in 13. cap. Actorum Apostolicorum asseruit: recte ne an secus, aliorum esto iudicium. De tanto quippe viro non libet in præsentem judicare. Diceremus rursum, Mattheum virum Maræ Josephum appellasse, non quod revera esset, sed quod vulgo esse crederetur: turbatum quoque Herodem, & omnem cum illo Hierosolimam non re quidem, sed opinione vulgi: mortuum denique, si ita placet, esse Christum, non vere, sed ad vulgi existimationem apparenter. Certe si consuetudinis scripturarum est, ut opinionem

multorum sic narret historicus, quomodo eo tempore ab hominibus credebatur; omnia quæ de Nabuchodonosoro, Dario, Cyro, Alexandro, Samione, Machabæis scriptura refert, poterit quis inficias ire, quod videlicet auctores facere ea narrarint, quæ vulgo erant persuasa, non quæ ipsi vera esse crederent. Quod quam sit auditu horribile ac pertimescendum, nemo fidelem non videt. Alius est igitur Hieronymi sensus multo & sanior & verior, quem ex subiecta partitione facile lector accipiet. Falsæ vulgi opiniones in duplici sunt differentia. Quædam quæ non nisi verbis falsis significari atque exprimi possunt: Ut Christum esse Joannem Baptistam, vel Hieremiam, vel unum ex prioribus Prophetis. Atque hujusmodi opiniones semper auctores sacri ita referunt, ut non ex se, sed ex vulgi nomine retulisse videantur. Aliæ sunt vulgi opiniones falsæ quidem, sed verbis his expressæ ac significatæ, quæ in sensu aliquo vulgari vera sint: Ut Joseph esse patrem Christi ad vulgi sensum falsum omnino erat, sed vere tamen pater, & sine falsitate dicebatur: Tum quoniam nutritius erat: tum quoniam vir matris erat. Et licet vulgi sermone, vere tamen privignus filius vocatur, mater noverca, vitricus pater. In quibus rebus, fateor, vera historię lex est vulgi opinionem exprimere. Nam si de priorum genere sermo sit, in historia profana absurdus est, in sacra etiam impius. Sapientes quippe cum vulgo loquuntur sere, sed non sentiunt cum vulgo. Nec mendacii tamen rei sunt, quoniam quæ loquuntur, ea secundum aliquem verbi significatum vera esse intelligunt. Sic Maria virgo dixit: Pater tuus & ego dolentes quærebamus te, sermone vulgi quidem, sed vere tamen. Sic etiam si nullam habuisset interiorum admirationem Christus, vere tamen admiratus dici posset, cum speciem admirantis exhibuit, quemadmodum Beda lib. 2. in Luc. cap. 24. exposuit. Sic contritum Herodem Mattheus, Marculque dixerunt, qui tristicum haberet in vultu. In quem sensum hypocrisis tristicum simulantes, tristes quoque appellavit Dominus. Vulgata enim dictione rerum vocabula pro rerum imaginibus usurpantur. Tamen in præscriptis exemplis & Christus, si divo Thomæ credimus, aliquo modo interius admiratus est, & Herodes etiam contritatus. Enim

In illud: autem quædam sunt, & nichil veni.

1. Reg. 6.

Eph. cap. 9.

Vide Bed. Lt. in Luc. cap. 7.

Matth. 6.

enim peccatores simul in vitis tristantur & exultant, gaudent, dolentque. At de hoc argumento satis. Jam pergamus ad reliqua.

Respon.
ad 8.

Non debuit sane tantopere ridere Hieronymus Adami in loco Calvarie sepulturam: nec nos, viri licet sanctissimi exemplo, historias ejusmodi ridere debemus. Vidgus, video eundem, hisce rebus credendis nimium est facile. Credulitas etiam in optimi cuiusque mentem facillime irripit. At viri quidam excellentes cum a vulgi facilitate & credulitate declinant, in adversum quandoque vitium incurrunt: suntque tum etiam increduli, cum in fide nihil est vitii, in incredulitate vitii nonnihil est. Testimonium autem, quod ex Josue cap. 24. historici veteri opponitur, nihil profecto uiget; utpote cum nomen Adam eo loco non proprium sit, sed commune.

Id est omnes
Iudei se
dicunt. Sed
Hieronymus
dicit, in He-
br. utroque
modo vocat
aez si possit
religiosus
in Latina lin-
gua rursus
Heb. vocat.

Reddit enim scriptura causam, cur quæ post Hebron, ea ante Cariath Arbah, id est, civitas Arbæ dicta sit: quod videlicet Arbah, quem Arbeam LXX. vocaverit, homo inter gigantes magnus ibi fuerit. Qui sensus præterquam quod scripturæ contextui aptissime jungitur, (quapropter a Chaldeo interprete, Pagnino, aliisque viris clarissimis expressus est) inde etiam facile probari potest, quod capite ejusdem libri decimo quinto Arbah pater Enach fuisse dicitur: ut promptum sit cuique intelligere, & Arbah nomen fuisse gigantis proprium, a quo Cariath Arbah nominata sit, & Arbah patrem primumque fuisse illius terræ gigantum. Omitto hic versionem LXX. qui tamen magnitudinem non ad Arbah, sed ad civitatem retulerunt, ut ea urbs Metropolis intelligeretur, satis tamen indicant, Arbah nomen esse gigantis proprium, unde civitas illa suum olim cognomentum acceperit. Itaque primi parentis in civitate Arbæ fuisse sepulchrum, nec ex eo loco, neque aliunde colligitur. Quin illud multo probabilius est, quod publica rerum veterum memoria prodidit, primum Adam ibi jacere conditum, ubi secundus etiam sepultus est. De octavo igitur argumento hæcenus.

Respon.
ad 9.

Nonum argumentum non solum in Chronographia, sed in scripturarum intelligentia difficillimam quætionem habet, quæ auctores nobilissimos in varias sententias traxit. Josèphus sane 70. illos annos Judææ captivitatis ad primum Cyri annum computavit. Quem secuti

Lib. 21. de
ant. Jud.
cap. 1.

sunt Africanus in quinto temporum volumine, Abulensis noster in secundum Mach. cap. quæstione 91. Annii cum Philone suo lib. 14. Joannes Lucidus libro 2. cap. 11. alique viri graves, & antiqui & juniores. Nituntur vero hi scripturæ sacræ clarissimis testimoniis. Primum est Hierem. cap. 25. inquentis, Servient gentes istæ regi Babylonis 70. annis. Cumque impleti fuerint 70. anni, visitabo super regem Babylonis, &c. Septuaginta ergo anni Judææ captivitatis jam tunc expleti erant, cum Babylon capta a Persis ac vastata est. At rem hanc primo anni Cyri gestam esse, nemo est qui ignoret. Item Hierem. 29. Cum cœperint impleri in Babylone 70. anni, visitabo vos, & suscitabo super vos verbum meum bonum, ut reducam vos ad locum istum. Quam vaticinationem primo Cyri anno fuisse expletam 2. lib. Paralip. cap. 36. & 1. lib. Esdræ, cap. 1. non obscure traditur. Atque Hieronymus ipse, quamvis aliis in locis aliter senserit, in hunc tamen Hierem. locum non potuit cum manifestâ veritate pugnare. Nisi, inquit, septuaginta anni expleti fuerint, Cyro rege Persiarum laxante captivos, nequaquam in patriam revertentur.

A contraria parte illud primum est, quod Angelus, qui in Zacharia loquebatur, Uiquequo, ait, non misereberis Hierusalem, & urbium Juda, quibus iratus es? Iste jam septuagesimus annus est. Istum autem annum Darii secundum eundem esse, Zacharias cap. 1. testatus est: non ergo 70. anni in primo anno Cyri, sed in secundo Darii completi sunt. Quo argumento Clemens, Theodoretus, Eusebius, Hieronymus, Augustinusque nituntur. Quod vero exponunt quidam, iste jam 70. annus est, scilicet jam diu transactus, vix audiri sine molestia potest: Cum pronomen abiceretur, ellet fortasse probabilis. Deinde 70. illi anni, quos prædixerat Hieremias, non transmigrationis Judæorum, sed desolationis templi ac civitatis intelliguntur. At 70. desolationis anni non sunt ad primum Cyri annum, sed ad secundum Darii referendi. Annus ergo 70. de quo est Hierem. vaticinatio, non in primo Cyri anno, sed in Darii secundo expletus est. Illud prius, quod in hac argumentatio-

Idem confirmant
verba illa
Com. Jerem.
nariis &
plangentis
per hos 70.
annos. &c.

Translat.
Babylonia
hæc dicit, eff
Joskim
ipote des-
dit se, trans-
latumque est
in Babylonia
ann. 2.
regni Nabu-
chodonosor.
Quomodo
Esch. 1. u-
lupardus est
accersit qui-

dem, ut
Hieron. in
Hier. li. c.
an. 17. 18.
Nun. tribu-
m. 1. 2. 3.
Nun. tribu-
m. 1. 2. 3.
Nun. tribu-
m. 1. 2. 3.

In prole
p. 1. 2. 3. 4. 5.

7. Hier. 2. 3.
11.

tatione sumptimus, ex 2. Paral. cap. 36. probari facile potest, ubi hæc verba scripta sunt: Cunctis diebus desolationis egit sabbathum, usque dum compleretur 70. anni, &c. Et Danielis 9. In anno 1. Darii filii Assueri de semine Medorum, ego Daniel intellexi numerum annorum, de quo factus est sermo Domini ad Hieremiam Prophetam, ut compleretur desolationis Hierusalem septuaginta anni. Et Hierem. 25. Et erit terra in solitudinem, & in stuporem, & servient regi Babylonis 70. annis. Anni ergo septuaginta non transmigrationis, sed desolationis intelligendi sunt: ut Josephus etiam testis est libro de antiq. 10. c. 10. & 11. & 12. cont. Appio. Desolationis autem annos non in primo anno Cyri, sed in secundo Darii fuisse completos, id enim posteriore loco sumptum est, Estdræ testimonio a Hieronymo, comprobatur. Estdræ quippe verbis minime obscuris testimonium perhibet, templum usque ad Darii tempora disturbatum persistisse. Septuaginta igitur everisionis annos non ad primum Cyri annum, sed ad Darii secundum computare debemus. Quibus ex rebus satis profecto intelligitur, quantis omnino tenebris questio præfens sacras etiam literas circumfundat. Sed in ratione quoque temporum adeo impedita, & complicata est, ut vix, aut nullo certe modo expediri atque extricari possit. Clemens porro Alexandrinus a desolationis initio, quod decimo nono Nabuchodonosori anno, & Sedechæ undecimo fuisse, 4. Regum 25. scribitur, ad primum annum Cyri, quo laxata captivitas Judæorum est, non nisi triginta annos computavit. Cui numero, ut dixi, Eusebius, Theodoretus, Hieronymus, Augustinusque consentiunt. Cujus rei etiam illud argumentum est, quod si ad imperium Cyri 70. anni interfluxerunt, Mardocheus certe ea ætate res tales ac tantas gessisse invenitur, quæ per summam senectutem, non deo Rempub. administrare, sed ne inter vivos quidem numerari possit. Fuit namque ex eorum numero captivorum, quos cum Jechonia rege Juda Nabuchodonosorus transtulit. Quare vel secundum illos, qui non a desolatione, sed a transmigratione 70. annos computare volunt, expleta captivitate, hoc est, primo Cyri anno, jam Mardocheus erat propemodum octogenarius. Nisi credamus illum bimum aut trimum in Chal-

deam esse translatum. Sed fac anniculum fuisse. Minimum ergo unum & septuaginta annos natum erat, quando laxata per Cyrum captivitas est. Cyrus autem, ut nobilissimus quisque tradidit historicus, aut triginta, aut triginta ferme annos imperavit: Cambyses, & Magi imperarunt novem. In principio itaque regni Darii Histaspis Mardocheus anni ætatis centumdecem accesserat. Ponamus igitur id, quod videtur eum ratione pugnare minus, Darium fuisse cum, sub quo res Mardochei gesta scriptura complectitur. Nam illas sub Artaxerxe Longimano, aut etiam sub Memnone contigit, ut qui multis annis Darii fuerint posteriores, longe incredibilius est. Nullo vero modo probabile ad Cambysen filium Cyri hæc ipsa traducere, qui octo solum annos tenuit imperium. At post duodecimum Assueri annum quædam Mardochei gesta historia sacra commemorat. Non ergo Assuerus ille Cambyses fuit, præsertim cum hujus acta actis illius nullo pacto cohereant. Manet ergo, Mardocheum eo etiam tempore, quo ad centesimum vigesimum secundum annum vitam perduxerat, non imbecillum, ingravescentem, seniove conlectum, sed solidum, robustum, ac valentem in rebus magnis præclarique gerendis fuisse versatum. Quod in illis seculis vix credi potest: Utpote cum multo antenondum hominum ætate adeo inclinata, illud Propheta dixerit, Si autem in potentatibus 80. anni, & amplius eorum labor, & dolor. Quas obres triginta anni, quos ad primum Cyri Augustinus, Hieronymus, Eusebius, Theodoretus, Clemensque Alexandrin. colligunt, historice libri Esther magis convenire, & quadrare videntur, quam numerus 70. qui aliorum opinione colligitur. Nisi Philonis Aniani fabulis delectamur, qui Mardocheum ait decem & octo annis ætatem Isaac superasse. Verum enim vero Josephus a decimo nono anno Nabuchodonosori, quo anno templum disturbatum eversumque fuisse sacre literæ produnt, ad finem regni Balchazar, cum Babylon a Dario, & Cyro capta est, non solum 70. annos, sed multo etiam plures enumerat. scribit enim Abilamarodachum, Nabuchodonosori filium annis 18. imperasse. Negligare deinceps annis 40. Labolordachum post mensibus novem; Balchazarem denique annis 17. Itaque præ:

Clem. Alex.
Euseb. Hieron.
Euseb. Hieron.
Euseb. Hieron.
Euseb. Hieron.
Euseb. Hieron.
Euseb. Hieron.
Euseb. Hieron.
Euseb. Hieron.
Euseb. Hieron.

Confer.
p. 1. 2. 3. 4. 5.
p. 1. 2. 3. 4. 5.
p. 1. 2. 3. 4. 5.
p. 1. 2. 3. 4. 5.
p. 1. 2. 3. 4. 5.
p. 1. 2. 3. 4. 5.
p. 1. 2. 3. 4. 5.
p. 1. 2. 3. 4. 5.
p. 1. 2. 3. 4. 5.
p. 1. 2. 3. 4. 5.

L. 1. 2. 3. 4. 5.

Euseb. Hieron.
Euseb. Hieron.
Euseb. Hieron.
Euseb. Hieron.
Euseb. Hieron.

præter
Joakim ad
primum
annum E-
vilmeroda-
chi filii Na-
buchodon-
osori 32.
anno in-
terfuisse
debetur &
Reg. II. c. 23.

præter annos, quibus a templo vasto Nabuchodonosor vixit, qui fuisse non pauci, septuaginta sex alii, si Iosephus vera dicit, ad primum Cyri intercesserunt. Berolus autem in 3. libro Chaldaeorum non nisi 48. annos a deolatione ad Cyrum supputat. Nabuchodonosor namque ait 43. annos imperium tenuisse. Hujus filium Evilmerodachum annos 45. Niglissar, quem maritum sororis Evilmerodachi fuisse tradit, annos 4. Labolordachum Niglissar filium nienies novem. Nabonidum ex eadem gente annos 17. cuius postremo anno Babylon a Cyro capta est. Quæ eadem ferme computatio ex Phœnicum huiusmodi habetur, quas Iosephus 1. cont. Appio. lib. retulit. At Metasthenes a visitatione Hierusalem ad primum annum Cyri septuaginta annos computavit in hunc modum. Nabuchodonosor, qui templum civitatemque vastavit, imperium tenuit 46. annis. Evilmerodach filius ejus, 30. Reg. Asar hujus filius 3. Lab Asar Dach hujus frater 6. Balt Asar, horum etiam frater 5. Si enim acceperis 26. annos, quibus post everitum templum * Nabuchodonosor vixit, & illis addideris 44. quibus Nabuchodonosori filius unus ac tres nepotes imperarunt, conficies dictum numerum 70. In ratione igitur temporum questio hæc valde implicita est, atque ita impleta, ut ne a viris quidem historiæ peritis explicari posse videatur.

Nam Iudæi, quippe qui Chronographæ penitus sint ignari, nihil hoc loco, & questione valent, nisi mera somnia fingere. In quibus etiam Liranus est, qui suo arbitrato 70. annos ab 8. Joakim patris Iechoniz ad quartum Cyri numeravit, tantum ut sententiam suam diceret, nullius gravis authoris testimonio subnixam, nulla annalium ratione probatam, nullis argumentis persuasam, a sacris etiam literis alienam. Sed hoc in re ambigua ferri potest. Illud quis ferat? quod nonnulli apud Eusebium a 13. anno Iosæ, ad primum annum Cyri septuaginta illos annos, de quibus est controversia, computandos esse astruxerunt. Quid? quod in hac etiam questione illud varium atque irremittum est, quod vel maxime erat explicatum necessarium, ut hujus questionis difficultas exponeretur: Nempe an Baltasar filius Nabuchodonosori fuerit, an nepos an pronepos: Nam si verum

est, quod Eusebius ait, Baltasar filium fuisse Nabuchodonosori, fratrem Evilmerodachi, nihil absurdum videtur dicere, cum negat a demolitione templi ad primum Cyri annum plures, quam 30. annos intercessisse. Sin autem idem Nabuchodonosori non filius, non nepos, sed pronepos fuit, tum vero inter everitionem civitatis, & primum annum Cyri non nisi triginta annos interfluxisse, nullo modo est credibile. At fuisse pronepotem, Hieronymus auditoribus Berolo ac Iosepho in 5. Danielis caput affirmat. Et refertur de verbis, significat. c. Nam & rex. Quamquam Iosephus libro decimo an. c. 13. Baltasar nepotem Nabuchodonosori fuisse scribit. Quod & Metasthenes Annianus asseruit. Quæ omnia idcirco a me tam prolixè sunt posita, ut lector intelligat primum, hujus argumenti questio quantis sit difficultatibus illigata: deinde ne in re perdifficili ac perobscura, quam explanare nemo adhuc potuit, sententiam a me expectet perspicuam, certam, constantem, sed probabilem, vero similem, minime absurdam.

Principio igitur illud pono, quod nisi ego fallor, satis abunde probatum est, septuaginta annorum initium a deolatione sumendum esse, non a transmigratione, hoc est, non ab 8. anno regni Nabuchodonosor, cum Joakim cognomento Iechonias ultro se dedit, 4. Reg. 24. sed ab undevigesimo ejusdem Nabuchodonosori, quando Nabuzardan templum, domos, murosque civitatis everit, 4. Reg. 25. Id quoniam, ut divi, ex 2. Paralip. cap. 36. primo Esdr. primo, & Hieremiz 21. ostensum est, supervacaneum existimo, si eadem iterum resumantur. At Cajetanus in 2. Paral. 36. caput, contra dicit, a Iechoniz transmigratione 70. annos computari oportere, quod Hieremias cap. 29. iis, qui cum Iechonia translati sunt, ait: Cum cœperit impleri in Babylone 70. anni, visitabo vos, & suscitabo, &c. Verum satis expeditum est, ea, quæ cap. 29. dicuntur, ad sensum capituli 21. esse referenda. Non enim inquit, Cum cœperit in vobis impleri 70. anni, sed, cum cœperit impleri 70. anni, illi scilicet, quos prædixerat. Perspicuum est autem, 70. annos capituli 21. deolationis intelligendos esse. Tum quoniam omni populo Iudææ loquitur, ut patet ex initio capituli. Tum quoniam per transmigrationem

tio-

* Sed non
mitem
Nabuchod-
osori 32.
anno post
everitum
templum
Nabuchod-
osori.

Ioseph. I. 10.
an. c. 2. terr-
am Iosæ
et annos
quos fuisse
a. 1. Reg.
16. Jo. ca-
pit. 4. Sol-
c. 2. 1. Na-
m. 1. dicit
ur, quod
anno tercio
a Jo. Iosæ
in venit
Nabuchod-
osor. Quod
autem
eodem an-
no ut ca-
pit. 1. Euse-
bius in
chronica
accipit.

tionem Jechoniz non est facta universa terra illa in solitudinem & stuporem. Tum quoniam statim subditur, Et servient omnes gentes istz regi Babylonis 70. annis. Si autem soli illi, qui cum Jechonia commigrarunt, 70. annis servierunt, quomodo omnibus dicitur, Et servient omnes gentes istz, &c. Nempe etiam vicinæ Hierusalem, &c. Quid? quod etiam si solitudinis fuisse 70. anni, desolationis tamen non fuerunt, si a transmigratione Jechoniz computamus? Aliud quippe est solitudo, aliud desolatio. Non ergo 70. anni a transmigratione Jechoniz numerandi sunt. Quamobrem qui vel a decimo tertio anno Josiz, vel etiam a octavo Joakim, aut a tertio quoque hujus computare 70. annos incipiunt, eos equidem ab hac disputatione multo magis removendos existimo.

Atti Hidas-
Pulcroratis.

Primum itaque fundamentum præclare jactum est. Deinde non mihi sane verosimile fit, a desolatione ad primum Cyri annum nonnisi annos triginta interfuisse, quos Eusebius, & qui Eusebio consentiunt, Theodoretus, Hieronymus, & Augustinus numerent necesse est, si ad secundum annum Darii Histaspis septuagesimi anni abolitionem trahant. Constat siquidem, Nabuchodonosorum patrem Evilmerodachi ad quadragesimum quintum annum imperium perduxisse. Quos illi vere Metasthenes Annianus tribuit. A transmigratione enim Jechoniz ad primum annum Evilmerodachi, triginta septem anni effluxerunt, 4. Regum 25. & Hieremix 25. Jam ergo Nabuchodonosorus hos triginta septem annos imperavit. His si addas octo annos, quos ante regnavit, 4. Regum 24. annos quinque & quadraginta conficies. Nec huic sententiz repugnat Hieronymus, qui in Daniel. 5. cap. Nabuchodonosorum ait annis tribus & quadraginta regnasse. Quam sententiam ex Josepho accepit, primo contra Apionem libro. Josephus vero a Beroio in tertio libro Chaldaicorum. Computat namque annos integros, non integros excludit. Qui mos est auctoribus profanis, sacrisque familiaris. Sic Hieremix 23. scribitur, primum Nabuchodonosori annum, eundem regis Joakim fuisse quartum: Cum tamen anno tertio Joakim regis Juda, Nabuchodonosor rex Babylonis in Hierusalem venerit, & obsiderit eam. Daniel primo. Eodem autem tertio anno

Joakim, Judæam captam a rege Babylonis, Eusebius etiam in Chronicis auctor est. Annus ergo tertius Joakim primus erat Nabuchodonosori, sed non integer: annus vero Joakim quartus, idem Nabuchodonosori primus integer fuit. Nos porro annos Nabuchodonosori 45. licet non omnes integri fuerint, numeramus. Sicque de annis non integris in tota hac disputatione loquimur. Unde error Eusebii coarguitur, qui non nisi 38. annos imperii Nabuchodonosoro assignavit. Ponit enim illius mortem anno a desolatione decimonono, cum in vigesimo sexto ponenda esset, si verum est, ut verum est certe, Nabuchodonosorum post desolationem 26. annos imperium tenuisse. Mam a decimonono anno, in quo templum vastatum est, ad 45. ad quem Nabuchodonosorus vitam, regnum perduxit, anni sex & viginti computantur. Item si a 37. annis, quos a transmigratione Joakim Nabuchodonosorus vixit, undecim ademeris, quibus regnavit Sedechias, 26. annos pariter supputabis. Atque hinc etiam error alter Eusebii rescinditur, qui Evilmerodacho, exterisque Nabuchodonosori posteris quatuor duntaxat annos imperii reliquit, aut plurimum sex, necque eos integros tamen. Certe si a desolatione ad primum annum Cyri triginta anni numerentur, cum vigintifex ex illis Nabuchodonosoro accesserint, quatuor solum aut quinque restant, quos Evilmerodacho, Neglisari, Labosordacho, Balthasari, impartiamur. Hos enim Nabuchodonosoro ordine successisse, non Josephus modo affirmat, verum & Hieronymus Berosum prodidisse consentit. Quæ res omnino mihi magnam admirationem movet. Quid enim causæ Hieronymo fuerit, equidem non intelligo, ut Beroso Josephoque consentiens Balthasar Nabuchodonosori pronepotem fuisse crediderit, & cum Eusebio tamen a fine regni Nabuchodonosori ad primum Cyri annum adeo paucos annos computarit. Eusebium enim excusari forte potest, qui Balthasar fratrem Evilmerodachi fuisse, filium vero Nabuchodonosori existimavit. Sed cur Eusebium excusent? Cum Marthus dicat, Jechoniam post transmigrationem Babylonis genuisse Salathiel, Salathiel autem Zorobabel. Hic autem in primo anno Cyri jam grandior erat, cum esset dux, & princeps Judæorum. At ne intel-

Dan 5.

intelligi quidem potest, Iechoniam in tam paucis annis ab Eusebio computatis, nepotem adeo aduultum habuisse. Non ergo a desolatione ad remigrationem triginta solum anni intercesserunt. His duabus conclusionibus illam adicio, A desolatione ad primum Cyri annum septuaginta annos intercessisse. Quam ego conclusionem negare non queo, cum 25. cap. Hieremix, & 36. 2. Paralipomenon diligenter expendo. Si quis autem his scripturæ testimoniis apte ac probabiliter respondeat, cum eo equidem non magno opere contenderim. Mihi profecto, ut dixi, nulla via explicandorum eorum testimoniorum apparet, nisi plane consentiendo, quod ad primum annum Cyri septuaginta desolationis anni interfuxerunt. Intelligo autem quosdam rei hujus summam ita distinguere, ut captivitatatis septuaginta annos a transmigratione ad primum annum Cyri computent: at in secundo Darii anno septuaginta desolationis absoluant. Quod si verum esset, discrepantium opinio non probabilis sane concordia esset inventa. Sed nihil falsius invenio, cum ad veritatem copii revocare rationem. Transmigratione enim fuit in anno Nabuchodonosori octavo, ut 4. Regum libro, cap. 24. scribitur. Desolatio vero in ejusdem Regis anno undevigesimo facta est, 4. Reg. 25. Vastatio ergo post undecim annos transmigrationis successit. A primo autem anno Cyri ad Darii secundum, sine controversia plures quam triginta interfuxerunt. Nullo ergo modo fieri potest, ut a transmigratione Iechonix ad primum annum Cyri septuaginta anni, a desolatione item ad annum Darii secundum, septuaginta alii numerentur. Quocirca variis dissentientium auctorum sententiis omnibus, ad argumenta cum tertia hac conclusione pugnancia respondeamus.

Obijcit primum, quod Angelus apud Zachariam, cum de secundo Darii anno loqueretur, Iste, ait, jam septuagesimus annus est. Cui nos argumento ante omnia respondemus, locum illum ab Interprete Chaldo Sancteque Pagnino multo aliter, atque ad scripturæ sensum fortasse aptius fuisse conversum. Horum porro versio sic habet: Uiquequo Domine non misereberis Hierusalem, & urbium Juda, quibus iratus es illis septuaginta an-

nis? Nimirum enim apud Hebræos interrogatio non in illius orationis metho rumpitur, sed ad finem continenti sermone producta potest. Qua ex re fit, ut in editione nostra, tametsi oratio divisa est, duz tamen interrogationes in una angeli querimonia intelligantur; quarum prior illa fit, Uiquequo Domine non misereberis Hierusalem, & urbium Juda, quibus iratus es? Posterior illa, Iste septuagesimus annus est? Quasi angelus in hunc modum conquereretur: Itane Domine promissionis tue oblitus es? Num iste est septuagesimus annus, quem scilicet & tu nobis tanta benignitate promiseras, & nos a te tam ardenti desiderio expectabamus? Ecquid nobis consert laxata captivitas, facultas concessa & templum extruendi, & civitatem, si illud eversum, hæc vastata perseverat? Nec vero insolitum est, ut quædam passim sine nota interrogandi prestantur, quæ rectius alter enunciantur. Habes exemplum, ut cætera omitam, in epistola ad Romanos capite octavo, cujus nos particulam sic pronunciare solemus: Quis accusabit adversus electos Dei? Deus, qui justificat. Quis est, qui condemnet? Christus Jesus, qui mortuus est, qui resurrexit, qui est in dextera Dei, qui etiam interpellat pro nobis. At Augustinus rectissime indicat, sic lepi ac proferri oportere: Quis accusabit adversus electos Dei? Deus, qui justificat? ut tacite respondeatur, non. Et item: Quis est, qui condemnet? Christus Jesus, qui mortuus est, qui resurrexit, qui est in dextera Dei, qui etiam interpellat pro nobis? Quasi dicat, absit. Quo in loco vides percunctationibus duabus duas interrogationes adiunctas cum multum habere venustatis, tum acrimonie plurimum. Quod ego idem in præfati de angeli querela sentio. Major quippe vis in illa inerit, si duabus interrogationibus continebatur. Sed fac, nihil hic percunctatione quæsitum. Anne idcirco nihil est, quod non dolore expressum videatur? Puto eundem, nec absurde puto, illa quasi dolentis, ac dejecti animi verba esse, quæ nihil minus conquestione depressa, quam sublata interrogatione significant. Id quo melius intelligatur, exemplis etiam scripturæ illustrandum est, quæ aperte mihi rem totam videntur exponere. Hieremias primum duas quoque querelas e-

Y. b. 1. 4.
Ach. Chit
c. 1.

Hier. 12.

V. Theodor.
rel. in 1. c.
Zachariæ.

iudicem partes facit: quarum una interrogationem habet, altera non habet. Quare, inquit, via impiorum prosperatur, bene est omnibus, qui pravari-
 caneur, & inique agunt? Plantasti eos, & radicem miserunt, proficiunt & faciunt fructum. Simillimum ex Habacuc exemplum proferam: Quare, ait, non respicis super iniqua agentes, & taces devorantur impio iustiores? Et faci-
 des homines quasi pisces maris, & quasi reptile non habens principem. Num Prophetæ hi aliud conquestionem, atque interrogationem denotarunt? Num quicquam asseruerunt, dum queruntur? Non certe plus, quam dum interrogant. Ad eundem ergo modum angelum in Zacharia duas suæ quærimoniæ particulas fecisse intelligo: quarum prior per interrogationem expressa sit, posterior per conquestionem. Non itaque asseritur, illum annum, in quo loquitur, septuagesimum a desolatione esse: sed istum tam promissum, tam desideratum, jam diu præterisse conqueritur. Nihil enim, ut modo diximus, conquerendo exprimit, nisi quod interrogando expressisset. Iram Dei, scilicet, ultra tempus præstitum trahi, illa in interrogatione quæstus est: Usquequo non misereberis. Misericordiam item plus nimio differti quæstus est, illam conquestionem adiciens. Iste septuagesimus annus est. Quod non vultu asserentis, sed stentis, voce videlicet queribunda, proferendum est. Verum de Zachariæ testimonio satis. Opponitur deinde, quod anni septuaginta non captivitatis, sed everisionis numerandi sunt. Id quod nos libentissime concedimus. Sed septuaginta everisionis annos non in primo Cyri, sed in Darii secundo expletos esse, id vero constantissime pernegamus, non nostra opinione nos, sed scripturæ testimonio freti. At, inquit, templum usque ad Darii secundum annum dejectum, everisumque permansit. Si nihil factum intelligis, falsum est: cum in primis Cyri annis altare fuerit extructum, templique fundamenta jacta, ut primo Esdræ libro cap. 3. & 5. scribitur. Sin templum ais non fuisse Cyro regnante perfectum: Ita est sane: Sed ne usque ad Darii sextum quidem annum perfectum est, quemadmodum primo Esdræ libro, cap. 6. legimus. Quin Josephus memoriz prodidit, templum usque ad annum novum Darii non fu-

isse omni ex parte expletum. Cui opinioni Iudei consentientes, quadragesimæ annis ajunt templum edificatum. Atque idem Josephus libro eodem, cap. 5. tradit, templum ne anno quidem Xerxis 25. esse suis numeris omnibus absolutum. Quocirca si demolitio templi tam diu perdurasse intelligitur, quando informatum illud, atque perfectum mansit, nimirum septuaginta anni non jam ad secundum, sed ad sextum, vel novum Darii, vel etiam 25. Xerxis numerabuntur. Quid, quod septuaginta anni vastitatis non modo templi, sed urbis etiam intelligendi sunt? Ego, inquit, intellexi numerum annorum, de quo factus est sermo ad Hieremiam prophetam, ut complerentur desolationis Hierusalem septuaginta anni. Si igitur ad eum modum annos vastitatis accipimus, cum Hierusalem in vigesimo etiam Artaxerxis anno adhuc deserta peristerit, muri dissipati, portæ consumptæ, ut 2. Esdræ cap. 2. habes, dicemus utique septuaginta illos annos ad Necem quoque tempora protrahendos, cum civitas ab eo est per Artaxerxis imperium instaurata. Nos ergo, tametsi in secundo, vel saltem tertio Cyri anno templi fabricam inchoatam esse credimus, septuaginta tamen everisionis annos tunc expletos arbitramur, non quando templum aut inceptum, aut consummatum est, sed quando Iudeis est laxata captivitas, dataque adeo facultas, ut in patrium solum remigrent, altare extruerent, fabricarent templum, civitatem reficerent, ruinas implerent. Quem omnino sensum, ut diximus, a sacris videmur literis accepisse, quæ verbum Hieremæ primo Cyri anno impletum esse tradiderunt.

At Mardochæi ætas, imo potius res præclaræ gestæ cum nostra opinione dissentunt. Nam si tanta fuit, quantum ex nobis adversarij colligunt, non modo summa, sed decrepita etiam ac caduca fuit, nec rebus ita magnis gerendis idonea. Cujus argumenti responsio illa, quæ a viris doctissimis accepta est, non est omnino contemnenda. Equid enim absurdum est, si illis adhuc sæculis homo unus aut alter ætate, temperamento, corporis, animique vigore, longe rebus suis temporis lenibus antecelluerit, cum etiamnum quidam sint, quorum in summa severitate nec ingenium, nec memoria, nec extera animi vires non modo labefa-

Jos. 2.

Dan 9.

In 2. anno
 Cylium
 factum
 polia, Jos.
 1. 2. 2. 2. 2.
 Cui egre
 benter ad-
 sensum.

2 Par. 34.
 1. Esdræ.

Don 1.
 2 Par. 4.
 1. Esdræ.

2. 2. 1. 2. 1.
 cap. 4.

fiat, sed ne extenuate quidem videantur? Atque hac responsione illud quoque argumentum diluitur, quod ex Aggae 2. trahi potest. Quis in vobis, inquit, est derelictus, qui vidit domum istam in gloria sua prima? &c. In secundo igitur anno Darii quidam supererant, annos nati 116. & eo amplius. Si enim 70. annis desolationis, 30. Cyri, Cambysis, & Magorum 9. Darii duos & quinque, vel etiam septem addas, quibus ante vastitatem vixerant, si templum videre, & glorie ejus post tot annos recordari potuissent, certe summam illam 116. annorum conficies. Atque hæc responsio quidem minus absurda judicabitur, si 30. Cyri anni non a capta Babylone, sed ab Astyge victo numerentur. Tunc enim primum Persarum ac Medorum regnum accepit. Denique hoc quoque respondendum censeto: Quod Mardocheus fuisse legitur de eo numero captivorum, quos transiit Nabuchodonosor cum Jechonias rege Juda, non sic accipi oportet, quasi is ipse tunc fuerit inter captivos numeratus: sed quasi ex illis extiterit, exque eis duxerit originem. Hoc vero in Mardochei laude scriptura posuit, quod non ex iis fuerit parentibus, qui Prophetis contradixerunt, sed ex eis, qui Hieremix obtemperarunt. Quæ hujus loci interpretatio ex primo Eisdæ libro, cap. secundo colligitur. Ubi numerantur illi, qui ascenderunt de captivitate, quam transulerat Nabuchodonosor, & in Judæam reversi sunt: cum ex ipsis quidam non in Babyloniā venerint, sed patres eorum. Compertum siquidem ex Matthæo est, Zorobabelem in Babylone genitum fuisse. Sed & 3. Eisdæ. lib. cap. 5. ita legis: Sunt autem hi qui ascenderunt ex Judæa, &c. Nullam ergo vim scripturæ afferimus, si interpretamur Mardocheum de Hierusalem translatus esse, quod pater ejus translatus sit. Quod si quis adhuc hanc intelligentiam violentam esse contendat, & sic quoque respondere possimus. Assuerus ille, de quo in libro Esther perpetua mentio fit, Astyages fortasse fuit pater Darii Medæ. Hunc enim Daniel cap. 9. Assuerum vocat. Vel certe Cyaxares hujus pater: quem primum Aiaz populos in provincias distinxisse, Herodotus tradit, fuisse etiam ait, cum ingenui se-

nebatur ira, peracerbum. Quæ omnia in Assuerum apprimè conveniunt, qui in libro Esther eisdem coloribus pictus est.

Nec refert, hi an alii Medorum reges ante Cyrum Aiaz imperitarent. Scimus enim Ctesiam Cnidium apud Diodorum in tertio, alios atque Herodotum scripsit, potuisse. Sed Herodotum Eusebius sequitur. Accedit, quod nusquam Assuerus iste rex Babylonis dicitur, sed Persarum atque Medorum. Ante Cyrum autem, & Darium avunculum una erat monarchia Medorum atque Persarum: Babylonii rex propriis imperabat, ut in primo libro Herodotus scribit. Accedit etiam, quod huic expositioni omnia consonant, nec ex ea quicquam absurdi emergit. Nam quod Mardocheus primum in Babylonem translatus sit, deinde in Susis appareat, nulla repugnantia est. Constat enim fieri potuisse, ut Babylonii quidam ex captivis Persis Medisque vendiderint: ut causas alias omittam, quæ ejus rei multæ esse potuerunt. Daniellem sane in Babylonem principio translatus, compertum est, at in Susis postea extitisse, capite ejusdem Prophetæ octavo legimus. Quanto illud urgentius adversarios premit, quod si tempore aut Darii Histaspis, aut Artaxerxis Longimani illa contigissent, quæ ipsius Esther narrat historia, nullo modo Eisdæ Necmiasque silentio præterissent? Nam hæc ad Artaxerxis Memnonis tempora referre, si Mardocheus cum Jechonia commigravit, somnio quam simillimum est. Nec me fugit, Susa regiam aliquando Medorum ac Persarum ætatem in qua Assuerus convivium illud instruxit, a Dario Histaspis filio conditam, Plinius lib. 6. cap. 17. scribere. Quæ res si vera est, illa de Astyge, aut Cyaxare sententia vera esse non potest. Sed Plinius nos auctoritas urgere nequit. Quin multo probabilius Strabo in libro 15. scribit, Susa Throni patris Memnonis ædificium esse. Atque Herod. l. 5. urbem Memnonis vocari solitam, ait, Non Artaxerxis Memnonis, sed illius præstantissimi juvenis, qui Priamo et Syria auxiliaturus venit, qui etiam in Susis regiam ædificavit, Memnoniam ab illo cognominatam, ut Diodorus scripsit in 3. Susa vero ante Cyrum fuisse condita, Daniel certissimus auctor est. Anno,

Hieronymus. Annus Mardochæi perperam exagitatur, & 30. anni Cambysis adduntur.

Narrat Hezeri, ut in 10. Zach. c. Hiero. refert, capivum populum Judæorum non solum in Medos & Persas, sed in Bosphorum quoque, & Septentrionem usque ad Chaldaeos translatus.

Ratio Bonfili.

Hier. commentum sententiam sequitur, Assuerumque illum Artaxerxem a Grecis appellatum, ait. At nec Astyages, nec Cyaxares Aiaz pater ejus transiit.

inquit, tertio regni Balthazar, cum eis-
sem in Susis, &c. Quam urbem Me-
tropolim esse regionis Elamitarum,
Hieronymus vere quidem interpreta-
tur, sed in ea Danielem turrim ex-
truxisse falso existimat. Josephus siquid-
em in decim. lib. postremo cap. Da-
nielem, ait, apud Ecbarana Medix tur-
rim eam ædificasse, apud Susa vero
primariam Persidis urbem illa vidisse,
quæ Daniclis 8. narrantur. Quanquam
Susa proprie nec Persidis, nec Me-
dix civitas est, sed Susæ Persis Me-
disque vicinæ. Quæ quoniam non dua-
bus his provinciis modo, verum etiam
Babyloni confinis erat, inque har-
um trium regionum medio collocata,
ideo reges Persarum atque Medorum
in ea sedem imperii locaverunt. Quod
Cyrus fecisse Strabo affirmat, nos al-
ios etiam priores fecisse credimus.
Jam si Susa principium regni Assue-
ri fuit, ut prim. lib. Esther cap. dici-
tur, non fuit autem aut Darii Histia-
pis, aut Longimani, aut alterius Ar-
taxerxis cognomento Memnonis Susa
regni principium, sed vel Thitoni,
vel alius regis, qui primus Susa no-
bitavit, atque inde exordium impe-
rii sumpsit; certe non est absurdum
Assuerum virum Esther Astyagem Cy-
xareneve hujus patrem intelligere. U-
terque enim Medis etiam ac Persis im-
peravit quemadmodum scribit in 1. li-
bro Herodotus. Restat ut illud tan-
dem exponamus, qui fieri potuerit ut
70. annos, quos prædixit Hieremias,
Josephus in primo Cyri anno exple-
tos dicat: cum multo plures ipse i-
dem in Nabuchodonosori posteriorum-
que hujus imperio computarit. Sed
in numeris Josephi libri menda habent
innumera. Quæ ego inenda viro dili-
gentissimo atque gravissimo assignare
nec volo, nec debeo. Librariorum er-
go vitio accidisse credendum est, ut
in Neglariis regno, pro 20. subiecta
fuerint 40. in Balthazaris autem, pro
7. posita fuerint 17. Hos enim duos
numeros si correxerit, 70. anni con-
stabant, quos Josephus a desolatione
ad 1. Cyri annum scripsit eluxisse.
Sic tamen 70. annorum summa con-
stabit, si post desolationem solos 25.
Nabuchodonosori tribuas; quod 26. in-
ceptus fuit, non absolutus; si exclu-
das item postremum Balthazaris, quod
in illius initio Babylon in Cyri ditro-
nem venit. Ac si 5. annos Balthazaris

dedit, sed ex scribentium vitio substi-
tuti sunt septendecim, tunc 70. anni
constantur; nec opus erit eos, qui in-
tegrum non fuerint, excludere. Verum
in his minutulis explicandis ego quo-
que mihi ipse displiceo. Sed harum re-
rum curiosis semel satisfaciendum fuit.
Et Gordianus iste nodus, quamvis mul-
to labore verbiusque etiam multis, e-
rat tamen explicare distinetque sol-
vendus.

Decimum argumentum facile est qui-
dem, sed ad scripturæ cognitionem ex-
plicatu necessarium. Non enim Hiero-
nym. solum, sed Aggeus etiam scribit,
in secundo Darii anno templi fide-
fundamenta jacta. Atque illud, quod
ex commentariis in Danielem objectum
est, nihil habet omnino questionis:
Cum Hieronymus ipse in Ita. 44. ca-
put sua verba fuerit interpretatus. Cy-
ro vivente, ait, templi jacta sunt fun-
damenta. Cæterum sub Dario anno
illius secundo, templum edificari cœ-
pitum est. Hoc itaque tacillimum, id
distinguis, quod Hieronymus, imo Ag-
geus ipse dicit in hæc verba: Ponite
corda vestra a die ista & in futurum:
a quarta & vicesima noni mensis, a
die, qua fundamenta jacta sunt tem-
pli Domini, &c. Et Hieronymus: A
die vicesima quarta noni mensis, in
qua templi fundamenta sunt jacta, &c.
Loquitur autem sine dubio Propheta
de nono mensis anni secundi sub Da-
rio. Huic argumento varie quidem a
multis responsum est. Liranus sentit,
fundamenta hoc sane loco appellari,
partem ædificii inferiorum, quæ ex-
terius sustentet ac seret, etiam si ima
non sit, sed fundamentis imis super-
posita. Beda credit, atque id rece-
ptum est, templi interioris fundamen-
ta vivente Cyro fuisse posita: atrii ve-
ro exterioris porucum, & gazophyla-
cii in secundo anni Darii. Illud quo-
que dici potest, sub Cyro fundamen-
ta mochoarta informatæque simile, sub
Dario perfecta & consummata. Adde,
a Cyro ad Darium 40. annis interflu-
entibus fundamenta & temporum in-
juria, & inimicorum opera fuisse pro-
pædum eversa & labelactata: sed
sub Dario recondinnata reiectæque sus-
cite. Unde & Josephus Rustino inter-
prete scripsit, quod sub Dario funda-
mentis reititutis superædificabatur. At-
que, ut quemadmodum sentio loquar,
non mihi Aggeus videtur asserere,
quod

Respon.
ad 10.

in Agge
7. cap.

Aggeus in
1. cap. 6.
1. 16.

Lib. 4. c. 4.

Procl. lib. 6.
c. 2. 1. 4.

Metaphisica.
Annis longis
ardens
invenit.

Darium nominaret: jubente, inquit, Cyro & Dario & Artaxerxe. Quæ eadem ratio vetat, ut Darius hic Medus per Artaxerxis vocem intelligatur. Quamquam septuaginta Interpretes Danielis septimo pro Dario Artaxerxem interpretati sunt, quemadmodum Hieronymus noster admonuit. Præterea nulla historia neque humana, neque divina Darium Hystaspis Artaxerxem appellavit. Nulla ergo causa est, cur hoc loco Darium Hystaspis Artaxerxis nomine intelligamus. Præsertim cum in toto libro per nomen Darii non alius unquam, nisi Hystaspis filius intelligatur. Quid autem scriptura nobis per nominis ambiguitatem illuderet, si in eadem etiam orationis clausula Darii nomen in varios significatus distrahatur? Edificaverunt, ait, jubente Cyro, & Dario, & Artaxerxe, & compleverunt domum Dei istam, usque ad diem tertium mensis Adar, qui est annus sextus Darii regis.

Mihi duæ viæ hujus questionis explicandæ apparent. Una est, ut tueamur id, quod nunc impugnatum est, Artaxerxem Longimanum hic accipi oportere, qui primus hujus nominis in historiis profanis invenitur. Quæ eadem sententia Bedæ fuit. Loquitur autem scriptura per anticipationem, id, quod sæpe alias sacri auctores faciunt. Non enim omnes illi tres intelligendi sunt templum & edificasse, & complexisse, usque ad sextum Darii annum. Sed tres illi opus complevere quidem, quos Judæis constat in opere faciundo explendoque favisse, ut edificatum est, atque aliqua ex parte completum usque ad sextum Darii annum, Cyro, & Dario jubentibus. Tamen eo anno templum non est omni ex parte absolutum. Quoniam, ut Josephus ait, Eldras ac Neemias sub Artaxerxe postea templi fabricam, ornatum, & cultum expleverunt. Hoc vero solum a Josephi opinione nostra discrepat, quod ea, quæ Eldras, ac Neemias gessisse in scriptura referuntur, ille Xerxe Darii imperante, nos Longimano jubente gesta esse contendimus. Illud autem sine controversia verum est, Cyrum, & Darium, & Artaxerxem eum, cui Neemias, atque Eldras placuerit, templum edificasse, absolvisse, & ornasse.

Alteræ quoque scrupuli hujus eximendi ratio est, si dicamus, duas illas par-

ticulas, & Artaxerxe, ab Hebræo quopiam adjectas esse in margine primum, deinde textui, ut fieri solet, insertas: nec aliunde, quam ex eodem libro exemplum hujus erroris petere necesse est. In capite enim quarto sic Latina editio habet: In regno autem Assueri, ipse est Artaxerxes, &c. ubi tres illæ voces, Ipse est Artaxerxes, non sunt scripturæ partes, sed ab expositore nescio quo in margine fortasse posita scribentium errore, textui nostro interjectæ sunt, cum nec in Hebræis exemplaribus, nec in Græcis septuaginta Interpretum haberentur: quemadmodum etiam ante nos Liranus admonuit. Idem quoque error accidit in Latinis codicibus, 2. Reg. cap. 8. ubi verba illa, De quo fecit Salomon omnia vasa ærea in templo, & mare æneum, & columnas, & altare, nec Hebræa exemplaria habent, nec Græca Septuaginta, &c. Quod autem vitium in Latinam editionem irrepsit, idem potuit accidere, ut in Hebræa quoque irrepsit exemplaria. Quæ de re & lib. 2. multa opportune diximus, & jamjam in sequentis argumenti explicationem quædam haud importune differemus. Illud nunc dico, me non levi conjectura ductum de hujus loci errore ita existimasse. Josephus siquidem undecimo Judaicæ antiq. libro, cap. 4. hunc ipsum Eldræ locum referens, sic ait: Magnis omnium studiis proficiebat templi edificatio, juxta mandata Cyri, & Darii, prophetaribus interim Aggeo, & Zacharia: absolutumque est intra septennium. Et lib. 15. cap. postremo, non alium templi autorem facit Herodes, præter Cyrum, & Darium. Non ergo alius tertius in Hebræis exemplaribus veris habebatur. Verum hæc hæcenus. Cætera diluamus.

Argumentatio duodecima usque eo difficilis, & obscura est, ut aut nullo modo, aut multo difficili me diui possit. Nimirum enim in historia cum sacra, tum prophana, ita sæpe librarium vitio numeri depravati sunt, ut qui eos ad veram rationem revocare voluerit, is non dico in scopolosis locis, arduisque versetur, sed in labyrinthum inexplicabilem questionum intret necesse sit, unde exire non queat, nec si Thesei quidem filium habeat. Hujusmodi autem errores in historiis humanis prodere supervacaneum erit: nam obviæ sunt passim plurimi. In sacris

I. E. 4.

Respon.
ad 12.

eris paucos quosdam commemorabo, qui satis sunt tamen, ut intelligant omnes quam libricum & facile libarius sit, vel in divina scriptura numerum pro numero substituere. Agedum ergo primum hujus rei exemplum proferamus, ex libri secundi Paral. cap. 15. ubi ita legimus: Bellum vero non fuit usque ad tricesimum quintum annum regni Aisa. Et evestigio in initio capitis sexdecimi: Anno autem tricesimo sexto regni ejus ascendit Baalza, &c. Quo utroque loco pro tricesimo, legere oportet, Viceesimum. Nam Baalza anno tertio regis Aisa regnare cepit, solumque regnavit annos quatuor & viginti, ut 3. lib. Reg. cap. 15. traditur: Non ergo ad tricesimum sextum annum regis Aisa regnum vitamque perduxit. Id quod perspicuum quoque fit ex 3. Reg. lib. cap. 16. Anno, inquit, viceesimo sexto Aisa regis Juda regnavit Hela filius Baalza super Israel, &c. Et posterius, Anno viceesimo septimo regis Aisa regnavit Zamri, qui scilicet occiderat Hela. Quem errorem Joannes Lucidus in secundo temporum libro animadvertit.

Cap. 9.

Ne vero imperitus quisquam hujus loci vitium in Latine editionis odium torqueat, æque sciat Græca Hebræaque exemplaria esse corrupta. Id quod 2. Paral. cap. 36. etiam contingit. Ubi in hæc verba exemplaria omnia, quæ mihi videre licuit, consentiunt: Octo annorum erat Joakim, cum regnare cepisset, & tribus mensibus, ac decem diebus regnavit in Hierusalem: fecitque malum in conspectu Domini. Quo loco, pro decem & octo, libarius aut indoctus aut negligens octo subjecit. Sic enim 3. Reg. 14. vere legis: Decem & octo annorum erat Joakim cum regnare cepisset, &c. Alioqui quomodo fecit malum in conspectu Domini? Quomodo egressus est ad regem Babylonis, & cum esset natura bonus, ne civitas periclitaretur, ultro se dedidit? 4. Reg. 24. Joisphus 10. antiq. Cap. 9. Atque hunc etiam errorem Cætanus prior deprehendit. Nolo enim quicquam aliorum aut industræ aut ingenio detrachere. Verum ego etiam ipse interdum conjectura ducor ad suspicandum, autores sacros quibusdam in locis alios numeros posuisse, quam nunc inveniuntur. Verbi causa ponamus aliquid, ubi conjecturæ hujus argumentum appareat. Primo Reg. lib.

cap. 13. scribitur, quod filius unius anni erat Saul, cum regnare cepisset. Quod si filius anni unius intelligitur, quasi puer unius anni innocens, qui nesciret inter dextram sinistramque discernere, quoniam pacto illud accipimus, Filius viginti & unius anni erat Sedechias cum regnare cepisset? Quid si hic etiam numerus ille viginti ex scribentium esset errore prætermisus? An non tibi videtur, si ita hi per incuriam negligentiamque fecissent, falsis interpretantium expositionibus locum esse daturos? Rursum, quale quæso illud est, Filius triginta annorum erat David, cum regnare cepisset, & quadraginta annis regnavit, si filium unius anni innocentem interpretamur? In simili ergo dicendi forma similis sit interpretatio. Sed similis esse non potest, si unius anni filius Saulus esse d.atur. Quamobrem verosimile est, authorem lib. Regum filium eum viginti & unius anni scripsisse: sed scriptorum vitio majorem numerum in Hebræis exemplaribus omisium. Quem deinceps errorem in Græca Latinaque exemplaria aut alii quilibet, aut etiam interpretes transfuderunt. Quod idem 2. Paral. c. 15. 16. & 36. accidit, sicuti paulo ante demonstravimus. Et quoniam non est animus singula loca discutere, unum solummodo ex Rabani opinionem adiciam, ut jam demum ea, quæ sunt hujus argumenti propria, expediantur. Hieremix 52. vulgata lectio sic habet: Ille est populus, quem transtulit Nabuchodonosor, in anno septimo Judæos tria millia & viginti tres. In anno octavo decimo Nabuchodonosor, transtulit de Hierusalem annas octingentas triginta duas. In anno 13. Nabuchodonosor, transtulit Nabuzardan magister militiæ animas Judæorum septingentas quadraginta quinque. Omnes ergo animæ quatuor millia sexcentæ. Quæ ex lectione subsdificiles & perobscuræ questionnes emergunt, quarum nonnullas Liranus movit, sed quam belle responderit, aliorum esto judicium. Rabanus in Hieremiam ter Judæos a Nabuchodonosoro captos scribit, harumque trium captivitatum numerum hic a propheta cenieri. Prima fuit, cum Nabuchodonosor Joakimum filium Josiæ victum catenis duxit in Babylonem, 2. Paralip. 36. Nec enim est verosimile, non etiam alios plurimos cum Joakimo

Hier. 52.

2 Reg. 5.

Joisph. 1. c. 10. App. Ale II. ex Beronio refert, Nabuchodonosorem per 13. mo anno regni suisque

Idem Jo-
decimus ca-
pitulum in
Babylone
notandum est.

In 16. c. a.
Patal.

Cap. 22.

a. Par. 4.

in Babylone transfuisse. Nam & Daniel capite primo verbis non valde obcuris significat, anno tertio Joakimi quoddam e Judæa in Babylone esse translatos. At Cajetanus negat, Joakimum in Chaldæam advenisse. Sane quidem: verum infirma ratione negat. Interfectus est, inquit, Joakimus in Judæa, & sepultura asini juxta Hieremias prædictionem sepultus est, ac projectus extra portas Hierusalem. Quid tum? Quasi vero fieri nullo modo posset, ut ductus primum in Babylone, deinde in Hierosolyma remitteretur, ubi, cum fidem regi Babylonio datam violasset, ingloria morte periret. Non itaque eamus inficias, Joakimum cum aliis multis in Babylone esse traductum. Id enim non Rabanus solum, sed divinæ etiam scripturæ tradunt.

Secundam captivitatem Rabanus ponit in transmigratione Iechonæ, quæ 4. lib. Reg. 24. habetur expresse. Tertia quoque in eodem lib. cap. 5. expressa est, cum Nabuzardan templum etiam, urbemque vastavit. Trium ergo harum captivitatum, ut Rabanus autumat, Hieremias hic singillatim scribit numerum. Quæ si vera sententia est, tres numeri mutandi sunt, ut pro septimo anno in prima captivitate scribatur, primo. Illa enim anno primo Nabuchodonosori contigit, qui idem Joakimi tertius fuit: quemadmodum paulo ante dicebamus. In secunda vero captivitate, pro Octavodecimo scribendum est, Octavo. Constat enim, Iechoniam in Babylone octavo Nabuchodonosori anno commigrasse. 4. Reg. 24. Pro viccesimo autem tertio in captivitate postrema legi oportet, Undevicesimo. Nam, ut 4. Reg. 25. scriptum est, Hieremias item 52. Sedechias in anno 19. Nabuchodonosori ductus est in Chaldæam. Nec huic sententiæ repugnat, quod lib. Reg. 4. cap. 24. decem Iudæorum millia cum Iechonia dicuntur esse translata. Quoniam Hieremias non vulgus promiscuum, aut milites quoslibet annumerat, sed principes Iudæ, & eos, qui erant in dignitate aliqua constituti, ut Iosephus decimo Iudaic. antiq. lib. cap. 8. animadvertit. Vel etiam eos hic supputat Hieremias, qui in libris Regum non fuerant numerati. Primæ siquidem ac postremæ captivitatis numerum auctor libri Regum omnino præ-

terierat. In secunda autem posuerat majorem quidem, hoc est, decem millia: prætermittens minorem, quem hic supplet Hieremias, id est, animarum octingentas triginta duas. Quod Iosephus intelligens in decimo antiq. Iudaic. lib. cap. 9. utrumque numerum complectitur, asseritque eos, qui cum Iechonia ducti sunt, fuisse decem millia numero, & amplius octingentos triginta duos. Quanquam primam captivitatem ad eum annum refert, quo rex Babyloni Joakimum interemit, insepultumque extra moenia jussit projici. Tum enim scribit, tria millia Iudæorum Babylone in captivitatem esse ducta. Qui annus procul dubio septimus Nabuchodonosori fuit. In octavo namque Iechonias pro patre est constitutus, 4. Reg. 24. quod si accipimus, numerus primæ captivitatis in Hieremia sine ulla correctione rectissime constet. Intelligo autem locum Hieremias totum posse a mendis nota vindicari, si dicamus secundam captivitatem anno 18. Nabuchodonosori fuisse, annis scilicet integris numeratis: Sicut & prima anno septimo est in hunc sensum adscribenda. Alioqui, si de annis non expletis sermo sit, prima in anno 8. secunda in 19. Nabuchodonosori fuit. At tertia sui anno 23. cum quinto post excidium Hierosolymitanum anno, qui fuit regni Nabuchodonosori 23. invasit Cælen Syriam, Ammonitas, Moabitæque subegit, Ægyptios perdomuit, ac repertos ibi Iudæos captivos Babylone abduxit, ut Iosephus auctor est 10. antiq. Iudaic. lib. cap. 11. Sed quoniam Hieremias eos numerare videtur, non qui de Ægypto, sed qui de Iudæa translati sunt: quia rursus eas videtur captivitates recensere, quæ e sacris historiis colliguntur: quia denique eam, quæ sub Nabuzardane fuit omnium celeberrima, templique, atque urbis incendio vel maxime nobilitata, tertio loco videtur scribere, ut eo redeat, unde est paulo ante digressus, ut numerum annorum in secunda, & tertia captivitate ad formam 4. lib. Reg. restituendum contenderet, ei ego non magnopere repugnam. Nam si in prima captivitate Iosephum, quam Rabanus sequi malis, non equidem improbabo. Ego autem, ut ingenuè loquar, nunquam mihi minus, quam in hac digressionem placui, quamquam magis adeo id argumenti difficilissimi

16 lib. ca. 8.

ex-

explicandi cupiditate, quam ulla alia culpa mea contigit: qui dum monere volo, numerorum quæstiones lubricas esse, acque difficiles, quod error in numeris facilis, ac lubricus sit, mei pene sum oblitus: fecique id repentino quasi motu percitus, quod ne meditatus quidem opere ad hoc instituto facturus eram: ut de iis rebus, quæ maximè sunt negotii, inter refellendum argumenta disputarem. Sed hoc tamen cecidit mihi peropportune, quod duodecimi argumenti difficultas omnis in eo numero annorum sita est, qui 3. Reg. lib. cap. 6. præscribitur, ab egressione filiorum Israel de Ægypto ad templum a Salomone inchoatum. Est autem in omnibus exemplaribus Græcis, Latinis, & Hebræis idem omnino numerus annorum quadringentorum octingenta. Quem numerum ex scribendo errore a vero esse immutatum, hisce argumentis suaderi potest. Primum, quod Iosephus lib. antiq. Iudaicæ. 8. cap. 3. scribit, Salomonem templi fabricam exoriturum esse annis quingentis nonaginta duobus, postquam Israelitæ ex Ægypto exelicerunt: mille vero viginti annis postquam Abraham in Chanaanam regionem e Mesopotamia migravit. Nam si quadringentis triginta, qui juxta Exodum a migratione Abraham ad exitum Israelitarum de Ægypto interfuxerunt, quingentos nonaginta addideris, ab exitu ad templi ædificium cæptum, summa illa Iosephi relinquetur annorum mille viginti, atque adeo & uterque sibi numerus, & inter se vicissim ambo constabunt. Deinde Iosephus idem lib. 11. antiq. Iudaicæ. c. 4. Ante Saulum & Davidem, inquit, tempus. Iudices administraverunt. Qui reipub. status plus, quam quingentis annis duravit post Moysen & Iosue imperium. Non ergo ab exitu Israel de Ægypto ad initium templi 480. solum anni intercesserunt.

Præterea, Moyses quadraginta annis imperavit. Erat enim annorum octoginta cum eduxit Israel, Exod. 7. & centesimo vicesimo ætatis anno mortuus est. Deut. ultimo.

Adde annos octo interregni, quibus Israelitæ servierunt post mortem Iosue regi Mesopotamiæ. Iudic. 3. Iosephus 6. lib. antiquitat. cap. 5. scribit hos fuisse duodeviginti. Quorum octo servitutis fuisse lib. 5. cap. 7. tradiderat.

Othoniel judicavit populum quadraginta annis. Iudic. 3.

Adde duodeviginti annos interregni, quibus servierunt regi Moab. Iudic. 3.

Aioth judicavit populum octoginta annis. Iudic. 3.

Adde viginti annos interregni, quibus servierunt regi Chanaan. Iudic. 4. Barac, & Debora judicant populum quadraginta annis. Iudic. 5.

Adde interregnum septem annorum sub Madian. Iudic. 6.

Gedeon judicavit populum quadraginta annis. Iudic. 8.

Abimelech tribus annis. Iudic. 9.

Thola viginti tribus annis. Iudic. 10.

Iair viginti duobus annis. Iudic. 10.

Interregnum decem & octo annorum sub Philisthæis, & Ammonitis. Iudic. 10.

Iepthe sex annis judicavit. Iudic. 11.

Abesam septem annis. Iudic. 12.

Helon decem annis. Iudic. 12.

Abdon octo annis. Iudic. 12.

Interregnum quadraginta annorum sub Philisthæis. Iudic. 13.

Samson viginti annis. Iudic. 16.

Heli quadraginta annis. 1. Reg. 4.

Saul regnavit quadraginta. Act. 13.

Nam Iosephus lib. 6. antiq. Iudaicæ. cap. postremo ait, illum regnasse vivente Samuele annis duodeviginti, post Samuelis mortem annis viginti.

David regnavit annis quadraginta. 2. Reg. 5. & 1. Paralip. 3.

Salomon quarto anno regni sui templi fabricam cæpit. 3. Reg. 6.

Qui in summam redacti faciunt numerum quingentorum septuaginta quatuor annorum. Quibus si adicias annos Iosue, Sangar, & Samuelis, Interregnum quoque, quod inter Samson, & Heli fuisse scriptura dicit, major utique summa, quam illa Iosephi constituitur. Plures igitur quam 480. anni ab excessu Israel de Ægypto, ad templi fabricam intercesserunt. Mensum itaque in hoc scripturæ loco inest, suntque proinde ad veram rationem codices Hebraici, Græci, & Latini corrigendi. Ad hæc, si Græca omnia exemplaria fidem aliquam faciunt, ut in ejusmodi rebus ambiguis, & numerorum ratione controversa æquum est, Paulus certe post terram Chanaan filius Israel sorte distributam, tempus Iudicis usque ad Samuel, quadringen-

Ador. 15.

Sic Gebennæque re-
tre ille qui-
dem trans-
iit. Num-
merum
qui quibus
beur in
verbis
Ruffini, ex
scribentis
error, ex
positus Ni-
h Iosephus
hic secum
pugnet lib.
11. cap. 4.
Unde patet
Sabe-
lii error. En-
nea 1 lib. 9.
ali vulgari
vitiis de-
cutis ad-
ma' annu-
templi in-
choat fuisse
se ab eo, a
quo filii I-
rael de Æ-
gypto sunt
egressi,
quadringen-
tis annis in-
tercedunt.

tis quinquaginta annis, non multo seculi defuisset. Sic enim Græca habent, *Καὶ πενήτην ἔτη ἔπειτα ἐκ τῆς Κωνσταντίας, κατεκλυσθέντων αὐτοῖς τῶν ἡνίων αὐτῶν. Καὶ μετὰ ταῦτα ὡς ἑπτα τετρακκισίους καὶ πενήκοντα, ἔδωκε πόλιν ἰσὺς Σαμὺὲλ τῷ Προφῆτῃ.*

Quæ Erasmus ita convertit : Et delectis gentibus septem in terra Chanaan, sorte distribuit eis terram eorum . Et post hæc annis circiter quadringentis quinquaginta, dedit Iudices usque ad Samuel prophetam . In eundem sensum Pagninus vertit, cæterique juniores omnes interpretes . Nec enim Græca illa aliter reddi possunt . Quod si quadringentis quinquaginta annis, quos Paulus Iudicibus a distributione terræ ad Samuelem impartitur, addamus Moysi quadraginta, Saul item quadraginta, David quoque alios quadraginta, & quatuor denique Salomonis : eandem proleto summam conficiemus cum ea, quæ paulo ante e certis scripturæ testimonio confecta est, quingentorum septuaginta quatuor annorum, ut novum testamentum veteri omnino consentiat . Sed ait Cajetanus, Græca omnia exemplaria, & Latina esse vitiosa : & Græce τετρακκισίους, non τετρακκισίους Latine Tercenis, non Quadringentis, esse legendum . Qui sic? Evincitur, inquit, quoniam alias non constabit numerus annorum, quem 3. lib. Reg. cap. 6. definit : Scilicet, quasi non in hoc controversia sit, an ille numerus, an hic scribentium errore sit inductus . Numero sane 3. lib. Regum reliquæ omnes scripturæ dissentiant . Numero Actonum Apostolicorum scripturæ consonant omnes . Non ergo hic, sed ille numerus vitio librorum est corruptus .

Confirmat autem hanc sententiam illud tandem, quod qui contrariam tueri volunt, numerumque illum quadringentorum octoginta annorum retinere, in tantum absurditatem in supputatione sua faciunt, ut vix audiri sine aurium molestia possint . Nicolaus porro & Aulensis, qui in scripturæ explanatione habentur insignes, ut summa illis 480. annorum iusta constituantur, primum adjunt, annos Josue minime computandos, sed in Othonielis quadraginta includendos . Eodemque modo de Samuele judicant, cujus annos similiter intra quadraginta Sanlis includunt . Mox addunt, annos, quibus Iudex serviebat regi Mesopotamæ, aliisque postea

sequenti tempore regibus, eis annis includi : quibus terra quiescisse dicitur, vel etiam Iudex hic, aut ille Israelitis præfuisse . Unum solum annorum duodeviginti interregnum in computationem adificiunt, ut cum tribus annis Salomonis summam 480. annorum suo belle arbitratu conficiant . Sed, ut dixi, hæc computandi ratio multum omnino absurditatis habet . Ut enim ostendam alia, ne in re neta, & perspicua multus & insolens sim, illud ante omnia expediri velim : ecquid pactum interregnorum anni in eos redigi valeant, & contrahi, quibus sub iudicibus terra a præliis dicitur quiescisse? Sane in interregnis aut perpetuum Iudex bellum contra inimicos fuit, aut servitus sine Iudice misera, res afflictæ, turbata omnia, nulla quies .

Præterea, ecquid de quadraginta annorum interregno isti dicuntur sunt, quod inter Abdonem & Samsonem scriptura commemorat? An 40. illos annos in Samsonis viginti includuri sunt? An potius in Abdonis octo? Præterea, cur unicum interregnum annorum decem & octo accipiunt, rejiciunt cætera? Quod si causam reddere ne unam quidem idoneam possunt, sane aut interregnum hoc cum cæteris abijciant, & summa erit minor : aut cum hoc, ut par est, admittant reliqua : & summa erit major . Ad hæc liber Judicum explicare docet, terram duce Judo, qui successit Josue, minime quiescisse, sed multis bellis fuisse agitatam, quibus Chananæ ac Pherezæi victi, oppressique fuerunt . Nam Ductum Josue præliis frequentibus turbulentum exiisse, Josue liber ipse manifestat . Cum vero rex Mesopotamæ, Josue, Judoque defunctis, filios Israel pugna vicerit, octoque annis servire coegerit, tunc tempora pacata, quietamque terram describere, prorsus est a sensu communi alienum . Quod si annos Josue, ac Judo illos quoque, quibus rex Mesopotamæ Israelitas expugnavit, & oppressit, in id temporis trahas, quo terra quiescisse dicitur, nonne turbidos, & inquietos annos cum tranquillis, quietique confundes? Nonne etiam scripturæ sacræ in aperta narratione vim asserere manifestam? Illam nimirum non obscure refert, post mortem Josue, post Chananæos, Pherezæosque devictos, post filios Israel per Othonielem a servitute liberatos, terram quadraginta annis

Nicol. 3.
Reg. 6.
Aulens. 2.
bid. q. 4. de
3. lib. jud.
q. 11.

Iudic. 1.

Ad. 11. annis quievit. Quid Paulus? An non post Samuellem quadraginta annos Saulis regno impartitur? Qua ergo ratione Samuelis annos in annis Saulis includemus? quos triginta octo fuisse Josephus prodit, fuisse quadraginta prodit Paulus.

Judic. 11.

1. Reg. 2.
Jote. lib. 3.
c. 1.
1. v. 1. regum
Samuelis
musa solus
pro fuit po-
pulo annis
duodecim.
D. unde
Saulis re-
gnante an-
nis 16.

Nulla ergo ratione, ut videtur, numerus ille quadringentesimus octogessimus defendi potest. Ab eo siquidem tempore, quo filii Israel terram promissionis incolere, habereque coeperunt, ad primum Jephthe annum trecentos interfuisse, testis est Jephthe ipse locupletissimus. Trecentis si addas quadraginta, quibus populus moram in deserto fecit, ac viginti annos Samuelis, qui ex primo lib. Regum a quibuidam colliguntur, illos demum, quos a Jephthe ad 4. annum Salomonis ante numeravimus: eadem omnino summa constituitur, quæ bis supra constituta est, quingentorum septuaginta quatuor annorum: Ut quoquo te veritas, & siue ex temporibus interregnum ac judicum singulorum, siue ex Pauli calculo, atque ratione, siue ex Jephthe testimonio & inculpate defensionis iudicio, verum, & certumque annorum numerum ab excessu Israel de Aegypto ad templi fabricam efficere pertinetes, semper eundem illum invenias quingentesimum septuagesimum quartum. Porro autem qui numeri cuiusque summam exigere nimis, & exiliter ad calculos revocare cupiunt, hi numerum cum verissimum ac rectissimum censent, quem plurimis coniectis rationibus undique constantem, coherentem, consentaneum sibi, ceterisque reperiunt, qui sæpe in unum collati eandem prorsus summam efficiunt. His argumentis numerus ille 3. lib. Regum infirmari potest: qui tamen non modo omnibus exemplaribus, sed universis auctoribus Latinis, Græcis, Hebræis consentientibus confirmatur. Verum enimvero in numeri hujus summa tucoda & conservanda vix reperias præsidium aliquod omni ex parte munum. Eusebius etenim, qui sine controversia in ratione temporum diligentissimus est, hanc summam 480. annorum deicendit quidem, sed ita deicendit tamen, ut defensionis ratio neglecta esse videatur. Principio namque 10. annos Helon & quadringentesimo octogesimo numero exemit, quoniam septuaginta interpretes ait illum Judicem omnium: quare coactus fuit viginti se-

prem annos Josue administrationi dare; ut quadringentesimus octogessimus expleatur. Quod si 10. annos Helon in 480. numero includeret, cum Josue viginti septem attribueret, 490. annorum summa conficeretur. Incidit autem in codices mendosiores. Nam Complutenses eum Judicem in Lxx. versione habent. Codex quoque fuit illi similiter depravatus in tempore, quo juxta Lxx. Heli populum judicavit. Scribit enim in Lxx. interpretatione viginti annos inveniri. Atqui in Hispaniensi *τρεκαίδεκα*, id est, quadraginta reperiuntur. Quem Eusebius errorem sæpe sum admiratus. Si enim Lxx. interpretationem sequi libuit, cur quemadmodum decem annos Helon, ita & Heli viginti non ademere? Quod si visum est Heli annos 40. retinere, cur decem Helon a numero exemit? Illud etiam incommodi Eusebio accidit, quod cum interregna omnia posteriorum Judicum temporibus includeret, videtique ex illis quædam accidentia ineptissime sequentibus copulari, eam rem traditionibus Hebræorum attribuit, ne ipse rei perabsurdæ primus esse auctor videretur. Circa annos vero Samuelis ac Saulis eodem in luto cum cæteris hæret. Ambobus enim non plures, quam quadraginta annos assignat. At totidem Paulus soli Sauli impartitur: Josephus autem Samueli soli duodecim, regnante Saulis duodeviginti: Sauli post Samuelis mortem viginti. Quo in loco Beda magna me admiratione afficit: Primum quod sermonem permittit Paulo cum vulgarem, tum etiam falsum: Deinde quod ante Samuellem trecentos nonaginta sex annos Judices præfuisse eorum librum indicare alserit, cum in Judicum libro non nisi trecenti triginta novem reperiantur. Quare ad explendam summam illam necesse est Moylis 40. annos apponas, Josue vero 17. At Josue septendecim non ex historiæ aut divitiæ, aut humanæ veritate, sed ex eorum opinione solum habentur, qui ad summam illam 480. annorum numeros quoslibet revocare pergunt: idque ut faciant, non dubitant historias omnes contravenire. Quid, quod Josephum Beda ait Samueli annos viginti, Sauli totidem alios impartiri? Cum quinquaginta ambobus sine dubio impartiantur, quemadmodum & locis ante citatis manifestissime constat. Cæteranus porro via longe diversissima

Ad. 12.

22.

ingressus est. Nam quadraginta annos quidem soli Sauli distribuit: sed ut summa illa 480. annorum constet, Josue annos decem, septem vero Samueli dispertit. Quod præter historię fidem suo solum arbitrio facit. Quid igitur? semper ego alienarum opinionum relator tantum? Nunquam ne reponam? sane, & de meo aliquid exolvere lectori debeo, si quid tamen probati nummi exolveri possit.

Primum autem non existimo, aut fidei, aut religionis questionem esse, Num 480. iste annorum numerus, qui in codicibus pervulgatis reperitur, libroriorum vitio scriptus sit, an potius idem ab auctore sacro in suo exemplari positus? Ostendimus enim, errorem in numeris promptissimum esse atque facilitum. Ostendimus numeros quosdam in libris sacris ex scribentium errore vitiatos. Ostendimus, denique multas esse causas, cur hic, de quo agimus 480. annorum numerus corrupte esse inductus videatur. Atque Josephus & Sabellicus, Hebræus unus, Latinus alter, cum locum illum ex l. 3. Reg. c. 6. referrent, non 480. annos, sed multo plures posuerunt. Incredibile autem videtur esse, Josephum, si omnia Hebræa exemplaria 480. numerum habuissent, ab illo certo ac præscripto numero discessurum. Nec Hugo Cardinalis, cum sententiam Josephi reclusisset, eam reprobandam censuit. Non igitur si quispiam dicat, ab egressione filiorum Israel de Ægypto ad templum inceptum, quingentos annos, & eo amplius, interfusisse, protinus refellendus est, quasi ea res ad fidem religionemve pertineat. Illud deinde sentio interregnum annos vere inter annos Judicium effluxisse: Itaque non esse, quod Hebræi falso tradunt, in temporibus vel priorum vel posteriorum Judicum computandos. Quocirca Josephus, quoniam non ea solum tempora, quibus Judices præfuerunt, computare voluit, sed illa etiam, quæ in interregnis sine Judice fluxerunt, vere summam quingentorum nonaginta consecit annorum. At auctor libri regum, interregnum annis omisis, eos tantum redegit in numerum, quos intellexit, dum Judices administrarent, intercessisse. Anni ergo plures ab eo, quo Israel excessit de Ægypto, ad templi initia fluxere. Sed dum, Judicum, & regum non fluxere, nisi qua-

dringenti octoginta. Advertendum quoque, ex iis, qui populo a Moyse ad Salomonem præfuerunt, quatuor esse, quorum tempora nulquam scriptura vetus denotavit; nemque Josue, Sangar, Samuel, Saul: nam reliquorum omnium certus annorum numerus in ipsis est testamenti veteris libris designatus. E quibus summa colligitur annorum 419. His si Salomonis adjungas tres, 4. enim anno templum fabricare cepit, reliqui erunt anni 58. quos Josue, Sangar, Samueli, Saulique dispertias.

Ac Sangar quidem, quoniam nondum veritatem anno munere simul ac vita defunctus est, merito ab hujus numeri summa eximitur. Cum vero Sauli Paulus impertierit quadraginta, dubium non erit, quin decem & octo sint inter Josue, & Samuelum distribuendi. At decem ne ex his Josue, reliquos autem Samueli assignare oporteat, an contra pauciores Josue, Samueli plures, de hac re dubitari possit? Cæterum illud placuit, mihi etiam idem visum est. Quoniam Josepho, aliique probatis historicis longior Ductus Josue fuit, quam Samueli Judicatus. Nec nostræ huic opinioni contrarium est, Arcam sub Samuelis tempora in Canaanitarum viginti annis permanisse. Non enim his viginti annis, quod quidam falso existimant, Samuel plebis Israelicæ iudex erat, sed propheta. Quia scriptura ipsa satis, nisi ego fallor, aperte significat, post viciesimum illum annum cepisse a Samuele populum judicari. In Josue autem tempore computando, ita magna auctorum varietas, & discrepantia est, ut nulla ex parte historię labefaceretur auctoritas; si ubi variz sunt historicorum, discrepantesque sententiæ, ibi nulla eorum premios, urgerique patiamur. Josephus Gelenio interprete, Josue viginti quinque annos annuerat. Eusebius viginti septem. Beda, Joannes Lucidus, alique nonnulli septemdecim impertunt. Cæterum decem. Quamobrem cum nos decem & octo Josue, Samuelique dispertendos dicimus, nihil sane absurdi dicimus. Quamquam ratio subest, ut sine scripturæ, veritatique discrimine octo, aut novem alios annos his duobus Judicibus adjungamus. Vel nota? Nonne hisce vel octo, vel novem adjunctis, anni plures, quam 480. efficiuntur? Efficiuntur utique. Falsum ergo erit, inquit, anno 480. ex eo,

Joseph. l. 7.
ant. ca. 8.

Tor. d. Aug.
l. 11. de civ.
Dei. ca. 20.
Nam quod
Fupolens.
Hebræi. ex.
p. 1. l. 10.
11. tantum
ponit, ad id
tempus re.
ferendū s. h.
quo n. 1000
anno n. 1000
regnavit.
Adm. 11.
l. 1. Reg. 7.

Abolens.

15 ant. c. 8.

VI. Ang. 16.
de con. lib.
c. 24.

quo Israel de Aegypto exiit, templum ædificari coeptum. Minime gentium. Quin utrumque verum esse nihil obstat: Scriptura enim minores numeros præterire aliquando solet. Cujus rei exemplum paulo ante posuimus ex 4. Reg. lib. cap. 24. ubi decem mille Judæi dicuntur esse translati, quibus tamen Josephus octingentos triginta duos adjecit, imo & Hieremias, quemadmodum est nobis supra explicatum. Atqui scriptura Jonæ post quadraginta dies, ait Ninive subvertendam, & tamen septuaginta interpretes 43. græcis literis prodiderunt, qui revera ab initio prædicationis Jonæ computantur: hos vero tres facit auctor omisit, qui a toto triduo illa semper verba intonabat, Adhuc quadraginta dies, &c. Quamvis ab initio, si Ninive subverteretur, 43. erant interfluxuri. Quod autem 43. dies septuaginta interpretes scripserint, auctor est Justinus in dialogo cum Tryphone. Quia vero Augustinus non 43. sed 3. solum legit, difficulter se ex hac quaestione extricavit, lib. 18. de civit. cap. 44. Quæ eadem causæ erroris Hieronymo fuit. Si enim in Septuaginta non triduum, sed 43. dies ipse levisset, omnis admirandi occasio cessasset. Sic ergo licet plures fuerint, quam 480. anni, quia tamen non ad 490. accesserunt, recte suo more scriptura dixit, annos 480. interfuxisse. Id si probabile est, ut est certe, jam viginti septem annos Josue, & Samueli poterimus impartiri, Samueli decem, septendecim Josue, quos huc Beda, alique viri graves impertierunt. Sed valeant istæ numerorum tetricæ, salebrosæque quaestiones, in quibus poteram ignorantiæ meam simpliciter confiteri, & omne curiosorum hominum desiderium contemnere. At levioris culpx arbitratum sum, in explicanda difficillima argumentatione tam multa fuisse, quam omnino nihil dicere.

Respon.
ad 13.

Tertiumdecimum argumentum parva difficultate nos implicat. Nec enim historias omnes tueri est animus, quæ passim in ecclesia læsitantur. Video tantum vulgi non solum in laicis, sed in ecclesiasticis etiam esse, ut eas quæque fabulas oppido quamlibenter accipiant, quas jam diu ecclesia explosit. In his certe pontificum non diligentia modo, verum etiam prudentia desideratur. Quidam namque dum reduriam curant, capiti incommodant. Vi-

delicet historias graves pro apocryphis reddunt quidem, sed divinum ecclesiæ officium usque eo præter solitum mutant, ut vix ulla antiquæ religionis forma in quotidianis precibus relicta esse videatur. Quæ ex re quam multa & magna mala ecclesiæ Dei accidant, non est hujus loci, & temporis dicere. Sed esto, quædam in publicis ecclesiæ precibus habeantur ambigua, quædam etiam falsa. Num ideo historias ecclesiæ omnibus fidem abrogare perges, quod nonnullæ earum sine vulgo jactatæ, & creditæ, in quibus præsertim quoties de miraculis incidit sermo, ficta reperias fortasse plura, quæ jure ac merito reprobentur? Mihi profecto illud Gelasii consilium placet, ut cum hujus generis historias catholici lægerint, beati Pauli sententia præcedat: Omnia probate, quod bonum est tenete. Atqui irridere episcopos, de Theologis scholæ ludere, in monachorum imperitiam insultare, quasi fabulas hujusmodi ventris gratia rudi vulgo inferant & intrudant, hæc non puto equidem hominis ingenui esse, qui ad bonitatem fuerit a natura compositus, nedum ejus, quem Christus simplicem sicut columbam ad legem Evangelii formaverit. Quod si ex quibusdam fictis, falsisque narrationibus historias gentium æstumemus, nulla omnino erit, quam non similiter illudamus. Id si hominum imprudentium, atque adeo stultorum est, maneat, divorum gesta, quæ in ecclesia legi solent, despici nullo modo oportere: quamquam nonnulla ex his incerta sunt, apocrypha, levia, falsa. Nam & pleraque credibilia, ac vera sunt, quædam etiam certa. De tertiodecimo autem argumento hæcenus.

d. 17. e. f. a. b. a. n. o. m.

In quarte decimi argumenti responsionem multa sunt brevissime animadvertenda. Primum in maximo illi errore versantur, qui rerum gestarum memorias tanquam ecclesiæ oracula accipiunt, si eas in epistolis, & decretis suis pontifices aliquando usurpant. Non est idem, mihi crede, historiæ approbatio & usurpatio. Utitur quidem interitum pontificis, si quicquam suaderet cupit, receptis opinionibus, sententiis, rebusque vulgaris: at non continuo quæcumque in hunc usum attulerit, ea sedis Apostolicæ judicio probat. Aliud quippe est suadentis munus, aliud definitivus. Qui pronunciat, res veras ille

Respon.
ad 14.

ille adfert: qui fuisse, nonnunquam etiam verosimiles. Audicbam de præceptore meo puer, nullum omnino argumentum esse negligendum, in quo aliqua significatio veritatis appareat: Amplectendum autem esse ita unumquodque maxime, ut quodque ad faciendam fidem erit aptissimum. Ad cuius præcepti formam non modo dialectici & oratores, sed veteres etiam Theologi suas disputationes effinxerunt. Nam in causam suam quisque, & quibuslibet argumentis quandoque abusi sunt, & vulgi etiam credulitate. Itaque imprudentium hominum erit, historias quasvis obiter etiam, & ad præsentem causam a pontifice adductas, non aliter amplecti, atque eas, quæ sint ecclesiarum certo iudicio comprobata.

Quod deinde ad Constantini donationem attinet, de eo non libet in præsentia disputare. Disputent alii, quibus cordi forte est Romanæ ecclesiæ maiestatem, amplitudinemque minuire. Laurentium Vallam scimus integro libro adversus receptam communi opinionem sententiam declamasse. Jurisperiti, quæ vulgo circumfertur ejus donationis formula, eam commentitiam esse satis indicant, cum Palæx inscriptione denotent. Eusebius, Rufinus, Theodoretus, Sozomenus, Sozomenus, Eutropius, Victor, cæterique probæ fidei auctores, qui omnia Constantini gesta scribere diligentissime, non modo nullam donationis ejus mentionem faciunt, sed tradunt etiam orbem Romanum sic inter tres illius filios distributum, ut Italia uni eorum tota contingerit. Ammianus Marcellinus lib. 15. Constantium urbis dominationem habuisse, & Leontium præfectum ibi constituisse, auctor est. Nonnullos deinceps Imperatores Italix, atque adeo Romæ imperasse, omnes historici memorix prodiderunt. Hæc & alia ejusmodi quis ignorat? Verum quid refert a Constantino facta ea donatio sit, an a principibus posterioribus? Fictam & commentitiam fabulam dicunt a Nicolo, Clemente prolata. Quasi vero pontifex aut factam eam donationem suo decreto designat, aut urbem eo solum titulo defendat. Negant donatam a Constantino urbem esse: quamquam nequeunt probare id quidem. Sed quæro, quod donatam negant, ea si non donata esset, quidnam facerent? An urbem Cæsari concederent? Urgent

rustice sane. Negant enim donatam esse, & in eo peritant. Nos vero tantum tormenta quædam adhibuimus, ut si responderint, quod donata a Constantino non est, idcirco ad jus nunc Cæsaris pertinere, stultos se esse fateantur. Potuit enim donare alius. Potuit quoque Romanus Pontifex urbem justo alio nomine possidere. Certe longi temporis præscriptione potuit. Sin negaverint jus omne Cæsari in urbem, omnia, quæ de Constantini donatione disputant, vanæ esse concedant. Sed jam, ne nos vane iudem simus, reliqua persequamur. Lepra Constantinum laborasse, apud idoneos auctores nusquam legi, sed ejus nominis alium, cognomen Copronymum. Unde fortasse ambiguitate vocis error inductus. Nisi rumor ille de lepra inde ortus videri possit, quod Byzantio ad aquas calidas valetudinis gratia cum egressum ferunt. D. Th. 3. p. q. 69. in 4. arg. historiam vulgatam sumit, atque, ut videtur, probat. Cæteranus non item. Habet hic auctores suos Platnam in vitam Marci, Ludovicum Vives lib. de cor. disc. 2. Alciatum lib. præter. 7. cap. 19. qui aperte negant. Habet scriptores omnes veteres ejus ætatis, qui tacuerunt: non omitti si scivissent, scituri omnino rem, si fuisset. Nam quod nomine Constantini circumfertur edictum, tamen Nicæno Concilio adjunctum est, non tamen habet Concilii auctoritatem. Hæc illi. Ego hæc nec pro certis affirmare ausim, nec pro falsis refellere. Silvestri acta, in quibus ea res gesta commemoratur, Gelasius non reprobatur. Refertur eadem in synodo Romana sub Silvestro cano. 1. in septima rursus synodo, actione 2. Eandem denique Nicephorus lib. 7. cap. 13. ut veram historiam refert. Quocirca Pontifices duos, Clementem, ac Nicolaum, aut Divum etiam Thomam in eo quod ea historia usi sunt, nec ridere jure possumus, nec arguere. Quamvis, ut dixi, lepræ Constantiniæ testis gravis & probatus ex veteribus nemo est. Itaque, si negemus, nec Pontificem, nec historicorum auctoritatem labellemus.

De baptismo historici quoque ipsi nobilissimi varie loquantur. Hieronymus in chronici, Eusebius libro 4. de vita Constantini, Sozomenus lib. 1. histor. sue cap. 39. Theodoretus lib. item 1. cap. 31. Sozomenus lib. 2. cap. 34. Cassiodorus, qui historiam ab his tribus ecclesiasticam

PIR 96 ca.
Constant.

11 d. 6. fam.
da Rom.

Hieronymus in
epist. ad
Cels. lib.
1. c. 27.

cam compilavit, Pomponius Lætus, alique scriptores hujus ordinis. Constantinum tradunt non Romæ a Silvestro, sed Nicomediæ ab Eusebio episcopo, & quidem Arriano, sacrum baptismum suscepisse. Contra Damasus in libro Pontificali tradit, illum Romæ a Silvestro sacris lustricis ablutum esse. Cui omnino contentium Marianus Scotus, Sabellicus, Platina in vitam Marci, Nicephorus lib. 7. cap. 31. & lib. 8. ca. 54. ne divum Thomam, Nicolaum, Clementem, duas denique synodos in hujus rei testimonium repetamus. Atque Nicephorus in hac re asseveranda, & contraria opinione refellenda, oratione sane quam acri utilis est. Ita enim suam de baptismo Constantini sententiam ecclesiæ confessioni tribuit, ut adversus Arrianorum commentus assignet. Qui in Oriente, inquit, olim Arrianæ sectæ fuerit, Constantinum Nicomediæ, ab Eusebio ejus urbis episcopo, jam mortuum baptismum suscepisse, prodiderunt: propterea eum sacrum lavacrum distulisse dicentes, quod in Jordane perficere voluerit. Id vero ex eo facile refellitur, quod ecclesiæ a Silvestro eum Romæ baptizatum esse certo prædicat. Quapropter testatum omnibus esse volo, ut hoc sic etiam tuto & opinetur, & credant. Arriani enim male sentientes animo, & consilio diabolico hoc confinxerunt, non Romæ baptizatum eum esse asseverantes, aut fortasse eadem cum illis sensisse astruentes, perinde atque ab ipsis propterea baptismi gratiam suscepisse. Quod absurditatis, & mendacii plenum est. Quod si nondum sacri lavacri particeps fuit, consequitur, eum neque in Nicænâ synodo eum patribus congressum esse, neque cum eis mysteria participasse, sicuti historia tradit. Hæc ille. Et paulo ante: Quod autem Romæ a Silvestro sacratum sit, satis ostendit baptisterium, quod ad hoc usque tempus ejus rei gratia in testimonium certissimum Romæ asservatur. Quæ duo profecto rationes efficiunt, ut non temere iis accedam, qui Constantinum Romæ sacro tinctum lavacro ferunt. Quod si baptisterium tam insigni structum apparatu, si rerum veterum publica commemoratio, non solum habitantium animis, sed lapidibus etiam insculpta, nullum nobis argumentum est, jam jamque non dico, quæ vetustatis in urbe monumenta sunt,

sed quæ sunt in orbe majorum traditione recepta, ire ea omnia inficias poterimus, quamvis indicia extent rerum, locorum, temporum manifesta. Ac nisi prius baptismi fuisset fonte sublatus, qui credi potest, Constantino episcopos aut culpam, & quærimoniarum libellos obtulisse, aut, ut synodo, & disputationibus intereisset, permisisse? Baptizatus ergo ante synodum Nicænâ fuerat Constantinus. Ubi hæreticorum industriam, ac diligentiam in propaganda secta mirari facis non queo. Omnia quippe illi suis deque miscant, ut viri pietate insignes, præsertim si Reges, aut Imperatores sunt, ipsorum partes fovisse videantur. Tanta vero arte id efficiunt, ut doctos etiam viros, nedum imperitos fallant. Eusebius porro Pamphili, vel quia Eusebio Nicomediensi, exterisque amicis credulum se præbuit, vel quia sectam, cujus apertissimus propugator erat, hæc laude, & gloria voluit ornare, ejus fabulæ primus auctor Christianus fuit. Hinc enim scribenti Hieronymus, ac reliqui auctores crediderunt. Sed de Eusebii fide plura postea. Non Constantium Constantino fratri Arrianum presbyterum insinuas, a quo vir religiosissimus seductus sit, hoc ut credam, quantum Constantiæ levitas, & inconstantia movet, tantum Constantini pietas, & gravitas remorantur. Ac si presbyter ille Arrianus pium alias imperatorem quidem, sed potestate, divitibus, honoribus, triumphis, meritis, secundis denique rebus omnibus insolentiorum factum deceperit, ut Arrianum revocaret, Athanasium repelleret: viris etenim bonis in rebus ejusmodi facile imponitur: non tamen adeo in errore processisse credendus est, ut Arriano ritu alterum baptismum Nicomediæ susceperet. Quanquam sunt qui existiment, qui per tororem falsum in fide Constantinum produunt, eos falsos nominis similitudine id patri attribuisse, quod filii scelere patrum est. Verum si hoc modo, sive alio res habeat, illud tenendum est, nervos, atque artus esse sapientie non temere credere, iis præsertim historicis, qui quoniam fidem divinam violaverunt, fidei humanæ auctoritatem amiserunt. Sed de his capite sequenti accuratius disseremus.

Ad reli.
arg. res-
pondet.
cap. ult.

CAPUT VI.

Qui sint probatae fidei auctores, qui contra non sint.

CAP. I.

Quatuordecim argumenta superiore capite sigillatim refutata sunt. Nunc quintumdecimum, 16. & 17. refelli oportet: quoniam hæc tria unum æque idem exquirunt, quod supra sumus quidem in quadripartita divisione polliciti, sed cogitationibus multis variisque dissentit, tertium ejus divisionis membrum voluntaria quadam obli-vione contrivimus. Quis enim auctor historiæ probatus sit, tertio loco me scripsi dicturum, nec exolvere quod promiseram. Quin operis instituti pe-nae inmemor factus sum. Eam quippe rem nititur fere homines aut ex memoria deponere, aut diu, multumque protrahere, quam non libentes & voluntarii, sed invite & repugnan-ter aggredimur. Atqui licet non consti-tuto tempore & loco, reddam tamen in præsentia, & cum senore fortasse red-dam id quod me debere non inficior. Antea vero, quæ de historicis utrius-que & ecclesiasticis & profanis senten-tiam meam dico, illud est operæ præ-tium querere, sinne regulæ aliquæ, & quidam historicæ quasi indices, qui-bus historici cuiusque fides ac veritas exploretur. Nam Joannes Annii tres regulas ponit, easque Metasthenis testi-monio confirmat, ad quas omnes Chronicorum libros expendere, & ex-aminare, haud secus atque ad Lydium lapidem debeamus.

Prima, inquit, regula est ista: Sus-cipiendi sunt absque repugnantia om-nes qui publica & probata fide scripserunt. Secunda, Gesta & annales quatuor monarchiarum non possunt ne-gari & rejici ab aliquo, quia solum publica fide notabantur; & in Biblio-thecis aut archivis servabantur. Unde & in Eldra legimus, quod controversiæ de reparando templo diffiniebantur ex annalibus Persarum servatis in bi-bliothecis. Tertia regula. Qui solo au-ditu, vel per opiniones scribunt, hi tanquam privati recipiendi non sunt, nisi ubi a publica fide non dissentiant. Ex quibus colligit, quod nemo in Chronicis suscipiendus est, nisi anna-libus quatuor monarchiarum concor-det. Et in monarchia quidem Assyrio-

rum, quia publica fide scripsit Berosus Chaldaus, consequens est, ut in tempo-ribus ejusdem monarchiæ ipsi detur palma: & hunc secutus item ex Per-sis Metastheni, ex Græcis Xenopho-ni in æquivocis, & Archilocho & Eu-sebio. Rejiciuntur a temporibus hujus monarchiæ ex Græcis Herodotus, Hel-lanicus, Acusilaus: ex Latinis Justi-nus, Gellius, & Orosius, qui contra publicam & probatam fidem scripe-runt.

In secunda vero monarchia Persarum & Medorum auctor publicæ fidei fuit Metasthenes Persæ, & Ctesias Gni-dius, ut in tertio libro Diodorus nota-vit. Rejiciuntur Josephus ex Hebræis: & Clemens, Tatianus, Africanus, & Eusebius ex Græcis. Quia privatas opi-niones secuti, contra publicam fidem notant reges & tempora, quæ in biblio-thecis, & annalibus non fuerunt: & contra omnem publicam fidem scribunt, Cyrum ante dedisse licentiam Hebræis in Babylone captivis, & mortuum, quam Babylonia Darius ejus patris po-tiretur. Proinde item Eusebius, quoniam in tertia monarchia Græcorum, & in quarta Romanorum publicam an-nalium fidem sequitur, in utraque recipitur. Recipitur & Philo Hebræus, qui solus habuit Chronographiam om-nium quatuor monarchiarum, & ideo solus ipse in temporibus ex Hebræo-rum scriptoribus recipitur. Qui non per opiniones, ut Josephus, sed etiam 70. seniorum testimonio usus certissima scribit. Hæc Annii in 11. & 14. li-bro, hoc est, in Metasthenem Philo-nemque suos censet: fidenter sane, ut solent isti, nihil tam verens, quam ne dubitare aliqua de re videretur. Sed videndum nobis, an in censura hæc quan-tum securitatis est, tantum sit etiam ve-ritatis. Nec vero libenter nos scripto-rum, præsertim familiarum nostræ vitia detegimus. Sed in publica studiorum causa nullo modo prævaricandum erat. Cum viderem itaque viros quosdam e-ruditos in his Anni præceptis, & e-xemplis hallucinari, necessarium exi-stimavi, & regulas vanas esse ostende-re, & falsa item regularum exempla. Principio igitur affirmare videtur An-nius, in quatuor tantum monarchiis scri-bas certos haberi solitos, quos respu-b. in id constituerit, ut pessa temporaque notarent. Horum annales in locis tutis asservari: Quemadmodum in bene in-

Nisi forte
Anniarum
et, peria de
annos qua-
tuor mon-
archiis, &
nos a pri-
vatis scrip-
toribus
habere. ١١٢

post satis abunde offendimus. Nunc de Romanorum quoque annalibus pauca dicantur. Quibus fuisse publicos annales olim, Cicero in 2. de Orat. lib. est auctor. Ab initio, inquit, rerum Romanarum usque ad P. Mutium Pontificem Maximum res omnes singulorum annorum mandabat literis Pontifex Maximus, efferebatur in album, & proponebat tabulam domi, poetitas ut esset populo cognoscendi, si qui etiam nunc annales maximi nominantur. Primo item de legibus libro inducit Atticum sic loquentem: Nam post annales pontificum maximorum, quibus nihil potest esse nudius, * sicut ad Fabium, aut ad Catonem, aut ad Pisonem venias: tamen quid tam exile, quam isti omnes? Annales igitur isti pontificum maximorum a tempore P. Mutii intermissi sunt, illique in historia Cato, Fabius Pictor, Pison, alique succedere, graves omnino auctores quidem, sed sine publica auctoritate tamen. Nec vero audiendi sunt, qui ejusmodi Pontif. Max. annales post Publium quoque Mutium continuatos asserunt, quod hoc loco apud Cicero nem Atticus eos se vidisse significet: videre autem nullo modo potuerit, nisi essent continuati, cum Livius priorum temporum pontificios annales in censâ a Galbis urbe interivisse dicat. Non enim interivisse dicit omnes, sed plerisque. Qua ex re non fit, ut si in Livii manus annales isti pontificii non venerunt, quoniam rari ex incendio relicti sunt, ne in manus quidem Attici pervenisse existimemus, qui his quarendis majorem forte diligentiam, & curam adhibuit, quam Livius. Quanquam codices ejusmodi non semper hominum diligentie obveniunt, sed fortunæ. Annalium igitur Pontif. Max. post Publium Mutium facta intermissio est. Etenim, si ea pontificum diligentia perseverasset, aut annales isti publici in bibliothecis, templisque deorum extarent, nec iam multis locis animi penderet Livius, & annalium incertitudinem causaretur, nec adeo sæpe in notandis consiliis, consulumque etiam annis erraret. Nam errasse Henricus Glareanus per quam diligenter ostendit: dubitalle de personis frequentissime Fabius Quintilianus ait.

Ac decadis primæ libro sexto, Livius ipse, quæ a condita urbe Roma ad capiam eandem a Gallis urbem, id est,

ad olympiadem 97. quinque libris exposuerat, ea obscura, & parum constantia queritur: tum quod perrare per eadem tempora literæ fierint, tum quod etiam, si quæ in commentariis Pontificum, aliisque publicis, privatisque erant monumentis, incensâ urbe pleræque intenerint. Et rursum in octavo libro posteaquam historicorum Romanorum varias, discrepantesque sententias posuit, Nec facile est, inquit, aut rem rei, aut auctorem auctori præterre. Vitiatam memoriam sinebribus laudibus reor, falsique imaginum titulis, dum famula ad te quæque famam rerum gestarum, honorumque salente mendacio trahunt. Inde certe & singulorum gesta, & publica monumenta rerum consula: nec quisquam æqualis temporibus illis scriptor extat, quo satis certo auctore stetur. In libris quoque nono & decimo, ut loca alia prætermittam, satis ille aperte docet, quam nullos habuerit certos, probatosque annales, quos in scribendo sequeretur. Diorysius etiam Halicarnassensis se ejusmodi annales publicos minime consecutum haud obicere significat. Cum enim historiae suæ fidem conciliare cuperet, & veteres scriptorum Romanorum historias se consulivisset, staretur, eorum vel maxime, qui gravissimi, & nobilissimi fuerint habiti: horum tamen annalium publicorum nullam omnino mentionem fecit, facturus sine dubio, si adeo magnam, ac certam auctoritatem suo posset operi adicere. Quid multa? Julius Cæsar, auctore Tranquillo, inito consulatu primus omnium instituit, ut tam senatus, quam populi diurna acta conficerentur, & publicarentur. Quo Satyricum illud atunet, Cupient & in acta referri. Plinianum item illud, Milone causam dicente lacrimis coctis pluisse, in ejus anni acta relatam est. Veterem ergo Pontif. Maxim. morem, qui jam diu fuerat interruptus, Julius Cæsar primus omnium renovavit. Nec me præterit, Romanis quondam libros quoque luteos fuisse, qui nihil fere præter consulum, & magistratum nomina continebant. Sed neque hos Livius vidit, quoniam incensâ urbe forte hi etiam perierunt. Neque ita horum auctoritate permotus est, ut non eos interdum ab aliis citatos neglexerit. Quin Marcum Licinium cum libris linteis suis aliquando coarguit. Imo

In vitam
Julii Cæsar.

veto

* Atti hoc
dixit, sed
non
est ad
tenum
Cicero
pau
sam, apud.

vero & Tiberonem, & Licinium refert in discrepanti opinione utrumque libros linteos protulisse: Ut intelligas, libris istis linteis quam tenuem, & exilem fidem habere Livius. Quibus ex rebus facile Annus refellitur, qui circa finem commentariorum in Philonem suum astruit, Titum Livium publicos annales Romanæ monarchiæ secutum esse, huiusque Philonem vestigiis instituisse. Ubi multum omnino de gradu Philonem suum deiecit; qui si publicos omnium monarchiarum annales habuit, ut paulo ante Annus dixerat, imprudenter sane, ac leviter Livium secutus est, quem constat, primum nullos publicos annales habuisse, deinde in plerisque dubitasse, denique errasse in multis, & ita errasse, ut errorum quorundam ab aliis evincatur, quorundam ipse etiam se arguat.

Nec pariter, ut quisquam mihi Flavium Vopiscum Syracensium opponat, qui in vitam Probi fateatur, se usum libris ex bibliotheca Ulpia, registris etiam scribarum porticus porphyreticæ, acis demum senatus, ac populi. In vitam vero Aureliani scribit, Aureliani in libris linteis, qui in Ulpia bibliotheca erant, qui quondam sua acta scriberentur præcepisse. Multo vero minus illud feram, ut mihi Diodorus opponatur, qui in primo libro asserit, ex veteribus annalibus gesta se ac duces Romanorum cognovisse. Flavius quippe nihil nisi libros linteos restituit, diligentiamque Pontificis Maximi non antiquam illam, sed a Julio Cæsare primum instauratam asserit: Diodorus autem non affirmat se publicos Romanorum annales natum esse, sed veteres. At hi in privatis monumentis esse potuerunt. Nihil igitur afferunt, qui in Græcorum, Romanorumque monarchiis publicos fuisse annales ajunt, ad quos ceteras oportet historias revocare, ut si iis consentiant, approbentur: reprobenentur, si dissentiant. Ostensum est enim, nullos neque e Græcis, neque e Romanis publicos annales extare: atque adeo nullos auctores esse, qui secundum ejusmodi annales Græcorum, Romanorumque scripserint aut res gestas, aut tempora. Nisi forte in uno, aut altero loco auctor quispiam affirmet, se eam rem, quam scribit, ex libris linteis, ut elephantinis, ætiusve publicis excepiisse. Atqui ex una parte de

tota historia judicare stultissimum erit. Præterquam quod si quis suam historiam dicat publicis hujus, aut illius monarchiæ annalibus continere; non continuo publicam ejus monarchiæ auctoritatem habet. Alioqui facile, ac promptum cuique erit, ad omnem etiam libulam, legendum conciliare uno mendacio dicendo fidem. Id quod Philo historicus apud multos obtinuit, qui in historiis suis omnia tempora quadrasse ad veros quatuor monarchiarum annales, plerumque sine omni & ratione, & testimonio persuasit. Historicum dixi; nam verus ille Philo gravissimus philotophs, idemque theologus eruditissimus, ut ab impudentia, & mendacio, ita quoque ab historia scribenda alienus fuit. Eusebius enim, Hieronymus, ac Suidas, qui Philonis opera diligentissime enumerant, nullum opus habent, in quo Philo res gestas regni cuiusquam temporaque notavit. Ita doctis omnino viris liber ille de temporibus, inscriptione plane eminenter videtur esse suppositus. Quæ res manifestis quoque argumentis evincitur. Primum illud est, quod libelli ejus auctor scribit, stirpem Salomonis in Ochozia decessisse, & Ioas, qui illi in regno successit, non de Salomonis, sed de Nathanis habuisse progeniem. Quod quam falsum sit, e sacris literis facile patet. Quarti enim libri Regum cap. 11. ita legitur: Athalia vero mater Ochozie videns mortuum filium suum, interfecit omne semen regium. Tollens autem Iosaba filia regis Ioram soror Ochozie Ioas filium Ochozie, circumcisit eum de medio filiorum regis, qui interficiebantur, & abscondit eum a facie Athaliæ, ut non interficeretur. Et capite duodecimo: Tulit Ioas rex Iuda omnia, quæ consecraverant Iosaphat, & Ioram, & Ochozias patres ejus, &c. Et capite 13. Anno vicessimotertio Ioas filii Ochozie regis Iudæ, &c. Item 3. Paralipomenon cap. 22. Nec erat ultra spes aliqua, ut de stirpe quis regnaret Ochozie, &c. Est denique in hanc rem præclarum illud testimonium, contra quod nullus est ad tergiversandum locus, e primi libri Paralipomenon, capite tertio, ubi in posteritate Salomonis, verbis nihil obiculis, recensetur Ioas filius Ochozie. Id quod Mathæus explicatè confirmat, inquit: Ioasaphat genuit Ioram, Io-

ram autem genuit Oziam, Ozias autem genuit Joathan, Joathan autem genuit Achaz, Achaz autem genuit Ezechiam: Generatione ergo & natura Ezechias filius erat Josaphat, ac proinde Salomonis, ut Mathæus ait, & non Davidis edicto in filium deputabatur, ut asserit Philo.

Equius igitur eos ferat, qui contra apertissima scripturæ sacræ testimonia, stirpem Salomonis in Ochozia descisse asseverant? Sed ne hic quidem *Ἰδοὺ φησὶ* ille Philo finem mentiendi facit. Tradit quippe & id, rursum, quos scriptura Josaphat, fratresque Joran appellavit, eos non vere filios Josaphat, germanosque Joram, sed Nathanis posteros fuisse. Quod ut mireris, imo execreris etiam, verba subscribenda sunt, quæ secundi Paralip. lib. cap. 21. leguntur: Dormivit, inquit, Josaphat cum patribus suis, & sepultus est cum eis in civitate David, regnavitque Joram filius ejus pro eo, qui habuit fratres filios Josaphat Azariam, & Jahiel, & Zachariam, & Azarian, & Michael, & Saphatiam. Omnes hi filii Josaphat regis Juda. Deditque eis pater suus multa munera argenti & auri, & pensiones cum civitatibus munitissimis in Juda. Regnum autem tradidit Joram, eo quod esset primogenitus. Surrexit autem Joran super regnum patris sui. Cumque se confirmasset, occidit omnes fratres suos gladio. Quo in loco quæ potest esse tergiversatio, quæ tanta interpretandi licentia, quæ tam magna comminiscendi libido, imo vero quæ tam insignis impudentia, ut eos filios Josaphat, verosque germanos Joram fuisse negemus, quos non sic modo scriptura vocat, sed reddit etiam causam, cur germanos fratres intelligi necesse sit? Joram, ait, fratres habuit filios Josaphat, ne aliunde fratres existimares. Idque etiam ne dubitare posses, iterum atque iterum repetit: Omnes hi filii Josaphat regis Juda. Deditque eis pater suus munera multa, regnum autem tradidit Joram, eo quod esset primogenitus. Quid autem illa commemoratio, quæ sine omni sacro & profano testimonio, sineque ulla rationis conjectura Philo iste falsus comminiscitur? Ortam item inter filios David ex Bethsabee, Davidis edictum de posteris in regnum quodam ordine successuris, a rege Joas omnes sequentes binominos trinomios-

que etiam fuisse, a desolatione ad carceres Joachum 10. annos interfluxisse, Mardocheum decem & octo annis ætatem Isaac superasse, Machabæos simul cum pontificatu etiam ducatum a domo David subripuisse, unde inimicitias exortas, multaque alia ejusmodi quæ partim commentitia sunt, partim sacris etiam litteris adversa. Quid? quod vel in humana historia Philo iste adeo sæpe delirat, ut facile dicenti ipsi credas, se in ultimo anno ætatis sue decrepitæ libellum illum scripsisse. Scribit siquidem, anno Cyri secundo Agæum & Zachariam prophetasse. Item ob mortem Darii Hystaspis opus esse impeditum, nec adiri potuisse Cyrum, qui bello Tamyrico erat implicatus. Item Cyro Alluerum Priscum Artaxerxem successisse, qui & plus, quam 12. annos imperarit, & Holoernem in Judæam miserit. Item hunc duos filios habuisse, qui de imperio contenderint, sed cum alter eorum, hoc est, Darius Longimanus, victoriam fuisset consecutus, in ejus primo anno Jesum hortantibus idem prophetis templi ædificium aggregulum. Quæ omnia ita esse, & historicis probatis omnibus vehementer repugantia, quis non videt? Itaque miror quid in mentem Anno venerit, ut cum librum, qui de temporibus inscribitur, in quo multa falsæ, pleraque absurde, nonnulla contra scripturam etiam dicuntur, Philoni attribuerit viro doctissimo & prudentissimo. Quis enim credat, Philonem Xerxem illum Persarum regem omnium apud Græcos celeberrimum ignorasse? Darium Hystaspis cum Vario Medo Cyri avunculo confudisse? Alluerum illum, qui opus templi impedivit, patrem Longimanus eximiasse? Nempe in eos errores solus ipse posset incurere, qui utrunque literaturæ & sacræ, & profanæ rudis omnino, & imperitus esset. Non ergo Philo Judæus, cujus ingenium, eruditionem, faciendam celebravit antiquitas, auctor illius libelli fuit: sed homo quispian sine ulla bona arte, sine eloquentia, sine ingenio, sine literis. Nullo certe loco Philo iste falsus Platonizat, sed ubique non modo indocte, & indistincte, verum inculte etiam, atque inornate loquitur.

Sed ut eo, unde digressa est, recurat oratio, cum monarchiæ Græcæ, atque Romanæ nulli nunc publici an-

nales extant, nullique omnino auctores, quorum historię ad illiusmodi annales conveniant, & quadrent, nimium in his duabus monarchiis, repulsi Annii nulli penitus usus futurę sunt. Sed & in prioribus duabus monarchiis mihi sane videntur otiosę, ad omnemque usum prorsus ineptę. Nam tamesi Medos, ac Persas publicos annales asservatos habuisse sacrę literę prodiderunt, Babilonius etiam publicę auctoritatis historias fuisse, non Iosephus modo testatus est, sed auctores alii nobilissimi; ejusmodi tamen annalibus nos hodie caremus, omnique etiam historico, quem hosce annales secutum esse certum, atque exploratum sit: Berosum sateor, quoniam valde probabile est, anchoritę publica Chaldeorum historiā edidisse. Metasthenem vero publicum Persarum historicum fuisse cur satear, non video, quem res Indicas scripsisse & in Plinio, & in Iosepho legi, res Persicas non legi. Sed quoniam non in hoc contentiones summa impendit, demus illud Anno gratis: Sicut & id quoque, Ctesiam Gnidium in Persarum & rebus gestis, & temporibus accipiendum esse. Videlicet apud Diodorum in tertio, Ctesias ipse testimonium perhibet, Gręcis se veros, certosque annales Persarum, ac Medorum attulisse. Hoc igitur quoniam Ctesias de se dicit, credamus illi. Nam Lucianus Ctesiam Gnidium ait de rebus Indicis scripsisse ea, quę nec ipse viderit, nec de alio narrante audierit: Itaque fabulas esse. At donemus hęc interim, nec enim de omnibus certandum est: illud agamus, quos libros Berosi, & Metasthenis nomine inscriptos Annii protulit, eos nec Berosi esse, nec Metasthenis.

Berosum porro Annianum non verum esse, sed fictum, Raphael Volaterranus libro Anthropologie decimo quarto animadvertit. Cui Ludovicus Vives, pluresque alii viri doctissimi assentiunt. Quę mihi res argumentis idoneis videtur confici posse. Primum, quod Berosus iste Annianus scribit, Noe præter tres primos filios, Sem, Cham, & Japhet, plures alios post diluvium genuisse: quod sacris literis videtur esse contrarium. Tres itaque, inquit, filii sunt Noe, & ab his disseminatum est omne genus hominum super universam terram. Non ergo alii filii Noe fuerunt, qui colonias orbis terrarum

pręcipuas, Noe jubente, constituerint? Resert deinde, cum Noe ebrus jaceret, Cham illius virilitate comprehendisse, ac tacite submurmurando carmine magico patri illudentem, sterilem cum perinde, ac calstratum effecisse. Scribit præterea, Noe in Italiam venisse, naturaliumque, & divinarum libros conscriptos Italici reliquisse: eundem quoque Noe Janum illum extitisse, qui primus in Italia imperavit. Item Nemrot magis studuisse paci, religionique deorum, quam opulentię, ideoque translatus a diis subito non comparuisse. Quę commentitia esse omnia facile ostenderem, nisi quod plus etiam nimio hujus voluminis magnitudo crevit. Item ait, hunc ipsum Nemrot Assyrium, Medum, & Magogum in Asiam misisse, qui regna condiderint Assyrium, Medum, & Magogum. At hi cum essent filii Japhet, vel patre, vel avo præcipiente, credibilis est colonias deduxisse: vel certe, ut Genesios capite undecimo dicitur, is ipse Deus, qui divisit linguas eorum in Babel, inde dispersit eos super faciem cunctarum regionum. Præterea narrat, Semiramidem Babylonem urbem maximam ex oppido iecisse, & magis illam adificasse, quam ampliassse. At verius e contrario Berolius apud Iosephum, in primo contra Appionem Alexandrinum libro, scriptores Gręcos reprehendit, qui falso tradiderint a Semiramide Babylonem adificatam, & mira opera ab illa circa hanc fuisse constructa. Ad hęc Berosus Annianus prodit, Cenchrem Aegypti regem Hebræorum magica in mari perisse. Quod utique nullo esset modo a Iosepho prætermisum, qui cum Hebręę gentis antiquitatem adversum Gręcos conaretur ostendere, nullum aut prius aut antiquius expressum testimonium potuit Berosi proferre, quam ex tertio libro Chaldeorum, ubi Nabuchodonosorus scripsit templum Judæorum, civitatemque vastasse. Berosus insuper Annianus nullam nec aperte, nec oblique Abrahami mentionem facit. At Berosus ille verus, ut Iosephus auctor est, Abrahami implicate meminit his verbis: Post diluvium autem decima etate, apud Chaldeos erat quidam iustitię cultor, vir magnus & syderalis scientię peritus. Præterea Berosus Sennacherib regis Assyriorum gesta commemoravit, quoniam

in 5.

in 5.

contra Appi. lib.

Lib. 1. ant. Jud. 1. p.

Esth. 1. & 2. & 3. & 4. & 5. & 6. cap.

Plin. in 6. c. 17. & in 7. c. 1. & in 10. c. 1. & in 11. c. 1. & in 12. c. 1. & in 13. c. 1. & in 14. c. 1. & in 15. c. 1. & in 16. c. 1. & in 17. c. 1. & in 18. c. 1. & in 19. c. 1. & in 20. c. 1. & in 21. c. 1. & in 22. c. 1. & in 23. c. 1. & in 24. c. 1. & in 25. c. 1. & in 26. c. 1. & in 27. c. 1. & in 28. c. 1. & in 29. c. 1. & in 30. c. 1. & in 31. c. 1. & in 32. c. 1. & in 33. c. 1. & in 34. c. 1. & in 35. c. 1. & in 36. c. 1. & in 37. c. 1. & in 38. c. 1. & in 39. c. 1. & in 40. c. 1. & in 41. c. 1. & in 42. c. 1. & in 43. c. 1. & in 44. c. 1. & in 45. c. 1. & in 46. c. 1. & in 47. c. 1. & in 48. c. 1. & in 49. c. 1. & in 50. c. 1. & in 51. c. 1. & in 52. c. 1. & in 53. c. 1. & in 54. c. 1. & in 55. c. 1. & in 56. c. 1. & in 57. c. 1. & in 58. c. 1. & in 59. c. 1. & in 60. c. 1. & in 61. c. 1. & in 62. c. 1. & in 63. c. 1. & in 64. c. 1. & in 65. c. 1. & in 66. c. 1. & in 67. c. 1. & in 68. c. 1. & in 69. c. 1. & in 70. c. 1. & in 71. c. 1. & in 72. c. 1. & in 73. c. 1. & in 74. c. 1. & in 75. c. 1. & in 76. c. 1. & in 77. c. 1. & in 78. c. 1. & in 79. c. 1. & in 80. c. 1. & in 81. c. 1. & in 82. c. 1. & in 83. c. 1. & in 84. c. 1. & in 85. c. 1. & in 86. c. 1. & in 87. c. 1. & in 88. c. 1. & in 89. c. 1. & in 90. c. 1. & in 91. c. 1. & in 92. c. 1. & in 93. c. 1. & in 94. c. 1. & in 95. c. 1. & in 96. c. 1. & in 97. c. 1. & in 98. c. 1. & in 99. c. 1. & in 100. c. 1.

Faber Strp. in 1. P. 1. & in 2. P. 1. & in 3. P. 1. & in 4. P. 1. & in 5. P. 1. & in 6. P. 1. & in 7. P. 1. & in 8. P. 1. & in 9. P. 1. & in 10. P. 1. & in 11. P. 1. & in 12. P. 1. & in 13. P. 1. & in 14. P. 1. & in 15. P. 1. & in 16. P. 1. & in 17. P. 1. & in 18. P. 1. & in 19. P. 1. & in 20. P. 1. & in 21. P. 1. & in 22. P. 1. & in 23. P. 1. & in 24. P. 1. & in 25. P. 1. & in 26. P. 1. & in 27. P. 1. & in 28. P. 1. & in 29. P. 1. & in 30. P. 1. & in 31. P. 1. & in 32. P. 1. & in 33. P. 1. & in 34. P. 1. & in 35. P. 1. & in 36. P. 1. & in 37. P. 1. & in 38. P. 1. & in 39. P. 1. & in 40. P. 1. & in 41. P. 1. & in 42. P. 1. & in 43. P. 1. & in 44. P. 1. & in 45. P. 1. & in 46. P. 1. & in 47. P. 1. & in 48. P. 1. & in 49. P. 1. & in 50. P. 1. & in 51. P. 1. & in 52. P. 1. & in 53. P. 1. & in 54. P. 1. & in 55. P. 1. & in 56. P. 1. & in 57. P. 1. & in 58. P. 1. & in 59. P. 1. & in 60. P. 1. & in 61. P. 1. & in 62. P. 1. & in 63. P. 1. & in 64. P. 1. & in 65. P. 1. & in 66. P. 1. & in 67. P. 1. & in 68. P. 1. & in 69. P. 1. & in 70. P. 1. & in 71. P. 1. & in 72. P. 1. & in 73. P. 1. & in 74. P. 1. & in 75. P. 1. & in 76. P. 1. & in 77. P. 1. & in 78. P. 1. & in 79. P. 1. & in 80. P. 1. & in 81. P. 1. & in 82. P. 1. & in 83. P. 1. & in 84. P. 1. & in 85. P. 1. & in 86. P. 1. & in 87. P. 1. & in 88. P. 1. & in 89. P. 1. & in 90. P. 1. & in 91. P. 1. & in 92. P. 1. & in 93. P. 1. & in 94. P. 1. & in 95. P. 1. & in 96. P. 1. & in 97. P. 1. & in 98. P. 1. & in 99. P. 1. & in 100. P. 1.

Lib. ro. ant.
Iud. ca. 11.
la. c. 12.

admodum Iosephus, Hieronymusque testantur. At in Beroso Anniano nulla Sennacherib commemoratio est. Præterea, si quis iste Berosus in Ascatade decimo octavo Assyriorum rege finem historię suę fecit. Post quem tamen viginti alii reges usque ad Sardanapalum Babylonis imperarunt. Sed hos tamen Berosus non omisit, quin eos etiam annumeravit, qui Nabuchodonosor Nabulassar filio usque ad Cýrum in imperio Babylónico successere, ut Iosephus contra Appio. libro primo, Divusque Hieronymus in Dani. 5. cap. affirmant. Atque Metasthenes Annianus, cum triginta octo Assyriorum reges a Saturno ad Sardanapalum numerasset, tempusque etiam regni cuiusque eorum subiiecit: in his omnibus se Berosum sequi, atque adeo ejus se verba excerpere testatus est.

Nec vero dici potest, libellum istum de antiquatibus fragmentum esse Berosi, non integrum opus, quoniam vel Annii ipse nobis tanquam integrum opusculum vendidit. Manethon quoque Annianus aperte dicit se inde historiam exordiri, ubi finem historię suę Berosus fecit. Ita in supplemento Manethon decem & octo regibus Berosi quatuordecim alios adiecit, quos si a Beroso accepisset, nullo pacto inficietur. Fictus est ergo Berosus iste Annianus, non mancis. Quid quod apud autores veteres Berosus non Ægyptiorum, non Lybcorum, non Celtiberorum, non Itolorum, non Germanorum, sed Chaldæorum scripsit historiam? Annianus vero iste æque horum omnium regnorum historicum se præbet. Nullum certe probatum auctorem invenies, qui Berosum, nisi in rebus Chaldaicis testem excitet veritatis. Aequi, si auctor gravissimus res alias scripsisset, sine dubio in eis ab aliquo vel Heoræo, vel Græco, vel Latino auctore aliquando citaretur. Sed nescio an Berosum istum satis fuisset nulla argumentatione conficere. Res quippe ita priscae memoriæ prodit, ut licet falsas intelligere per tu animi conjecturam possis, arguere tamen per illarum veritatem nimiam non possis. In rebus enim ejusmodi quo quisque improbius est, eo majorem habet fingendi licentiam, adeo ut de libris quidem totis, & auctoribus, quemadmodum ait Fabius, mentiatur tuto, quia inveniri qui nunquam fuisse non pos-

sunt: de rebus autem ipsis vel tutissime mentiantur, quia nulli testes produci queunt, qui non sint pueri, si contra veterimos proferantur. Qua in re cum Episcopus quidam nostras deprehensus esset sæpe peccasse: eos enim auctores citarat interdum, quos nulla unquam habuit ætas, eas res olim gestas scripserat, quas nulli homines ediderunt, respondit, referre nihil, in historia sic an aliter omnino sentias: quod omnia essent ambigua, nisi quæ sacris literis continerentur. Indigna quidem Episcopo, eoque Theologo sententia. Nam rusticus homo & vanus si hæc dicat, non est mirum. Sed ut eo revertamur unde discessimus, facilius dico esse, Berosum istum Annianum contemnere, quam reicellere. Nam viris doctis ipsa libelli lectio satis magna persuasio est, indoctis persuadere nihil atinet. Suo Beroso fruantur licet. Quem solum de temporibus inscriptionum quarundam, per annos quadringentos octoginta ante Ninum, & Phoroneum supputasse, Annii ait Plinium tetigisse: Cum Plinius tamen nihil aliud tradat, quam Berosum usque adeo Astrologia enituisse, ut Athenienses ei ob divinas prædictiones publico in gymnasio statuum inaurata lingua stauerint. Fruantur itaque, ut dixi, Beroso suo, sed Plinii auctoritate non fruantur: Immo ne probabili testimonio ullo quidem, aut ratione aliqua consentanea. Illa enim ridicula est, Hieronymum Berosi hujus verbis quandoque uti. Quasi verò commento locus esse posset, nisi Berosus iste fictus veri Berosi quædam verba compilasset.

Sed jam Annii Metasthenem, quam fieri poterit brevissime explodamus. Non autem persequar errata minuta, quæ in parvo volumine plura sunt. Tantum quæ sunt majora videamus. Scribit igitur monarchie Perficæ reges, & tempora in hunc modum: Baltasare interfecto, regnaverunt simul Cyrus, & Darius annis duobus, inde solus Cyrus duobus & viginti. Filius Darii Priscus Artaxerxes Assuerus annis viginti: ultione interea sumpta de factione Tamyrica, quæ per domum patrum tradiderat Tamyra, hujus duo filii Cyrus Artabanes, & Darius Longimanus, septem mensibus pro imperio dimicaverunt, & septimo mense Longimano victoria cecidit, regnavitque annis septem & triginta. Ejus filius

filius Darius Nothus annis decem & novem, magnus Artaxerxes Darius Memnon annis quinquaginta quinque, Artaxerxes Ochus sex & viginti, nostra ætate Arses annis quatuor, Darius ultimus sex. Hos quoque reges, & tempora, eodem ordine, eisdemque pene verbis Philo Annii notavit, ut eundem fuisse utriusque fabulæ artificem suspiceris, vel potius intelligas. Hoc solum addit Philo, videlicet ex Hebræorum officina, Assuerum istum Nabuchodonosorum esse, cujus res gestas Iudith scribit historia. Illud autem in primis rogo, ecquis iste est Priscus Artaxerxes Assuerus, qui patrem habuit Darium, parvum Cyrum, qui Cyro in imperio successit, qui viginti annos regnavit, qui & Nabuchodonosorus fuit, cujus exercitum, Principemque militiæ Holofernem mulier una decurbaverit, qui denique duos filios sortitus est, Cyrum Artabanum, & Darium, Longimanum? Sane Cambyen respondet esse. Id namque Metasthenes paulo ante scripserat, Cyrum & Darium sex annos prius, quam Babylonem caperent, bellum Tamyraz reginæ illaturos, regnum Persicum Cambyfi filio resignasse. Id etiam historicorum omnium consensione proditum est, Cambysem statim a Cyro Persarum imperium tenuisse. Assuerus ergo iste idem, qui & Cambyfes fuit. At vero, quæ in prisco Assuero sive adjuncta, sive antecedentia, consequentiaque ponuntur, adeo sunt a Cambyse aliena, ut etiam contraria esse videantur.

Primum enim Darius Cambyfis pater non fuit, sed Cyrus. Id quod non Herodorus modo, Iosephus, Hieronymus, sed universi Scriptores Græci, Latineque testantur. Cujus omnino rei illud quoque argumentum est, quod Cyri parenti Cambyfes nomen erat, ut historici uno ore dixerunt omnes. Darius autem nullum majorem habuit, qui Cambyfes vocaretur. Consentaneum est ergo, Cambysem filium Cyri fuisse, non Darii. Præterea, si Cambyfes Darii filius fuit, certe Dario mortuo in regnum patris successisset: at Dario mortuo Cyrus solus Persis, ac Medis vigintiduo annis imperavit, ut etiam Metasthenes, & Philo confessi sunt. Non ergo Darii filius Cambyfes fuit, sed Cyri, cui in imperio successit. Præterea, cum Monarchia a

Medis in Persas per Cyrum fuerit translata, æquo pacto verisimile sit, filium Darii Medi in Monarchiam successisse, filium Cyri Persæ non successisse? Sed quid ego demens, tam rem conor argumentis demonstrare, quæ cum ex historiæ fide pendeat, historicis omnibus consentientibus memoriz prodita sit? Nihil profecto necesse est, contra eum ratione pugnare, quæ omnium & ecclesiasticorum, & profanorum auctoritas vincit. Simile est, quod deinde subiicit, Cyrum patrum fuisse hujus Assueri. Fuerunt igitur Cyrus Persæ, ac Darius Medus germani fratres, quod cum ratione etiam pugnat. Atque authores universi alios parentes Dario Medo, alios Cyro Persæ fuisse scribunt. Quod rursum tertio loco addit, Assuerum istum viginti annos imperasse, illud historiis item omnibus adversum est. Apparet autem in hoc esse confictum, ut historia libri Iudith sub isto scripta videatur: id quod Eusebius in chronicis magis refert quam sequitur. Traditio quippe Hebræorum est, quæ nec idoneo testimonio, nec probabili ratione consistit. Iosephus sane repugnat, qui libro Judaicæ antiquæ undecimo, capite secundo, Cambyen ait septimo anno regni sui mortem oppetiisse. Sed & Eusebius Cambyfi octo solum annos imperii tribuit, Herodotus vero septem annos & menses quinque. At Nabuchodonosorus, qui in libro Iudith commemoratur, plures etiam, quam 13. annos imperavit, ut cap. 2. habes. Non ergo Cambyfes Nabuchodonosorus ille fuit. Præterea, omnes historiæ produnt & Cambysem, & Cyrum, cui ille in regno successit, reges Medorum, Persarumque fuisse. At Nabuchodonosorus libri Iudith nullam aut Medorum, aut Persarum rex, sed ubique & Assyriorum fuisse, & regnasse in Ninive civitate magna dicitur.

Ad hæc si Cambyfes Mediz rex erat, ut vere erat, quomodo Nabuchodonosorus is fuit, qui Arphaxat regem Medorum obtinuit? Nempe quamvis fingere nostro arbitratu libeat id, quod Philo Annii facit, Arphaxat factionis Tamyricæ fautorem Assyrios, Medos, ac Persas ad defectionem compulsi, at non proinde tamen regem eum Medorum scriptura appellaret. Pari etiam ratione Persarum, Assyriorumque rex Arphaxat iste

vocaretur. Quid? quod Nabuchodonosor tum etiam rex Assyriorum fuisse dicitur, cum Arphaxat regem Medorum superavit. Quale ergo Philonis commentum est, Arphaxat cum Persis ac Medis Assyrios quoque ad defectionem compulisse? Præterea, Arphaxat ille, contra quem Nabuchodonosor depugnavit, civitatem Medice florentissimam condidit, cui nomen Ecbatanis, ut Judith 1. capit. legitur. At civitas hæc multis ante Cambysem annis erat ædificata, a Diocle videlicet, quinto Medorum rege, quem admodum Eusebius testatur in chroniis, idemque in primo libro Herodotus. Nec excidit mihi scripsisse in tertio Diodorum, Ecbatana ante Semiramidem condita, in quibus regiam quoque illa ædificavit: Plinio vero in 6. c. 14. Seleuci ædificium esse. Verum, quoniam non consuko, sed casu in huius rei mentionem incidi, satisfactionem utrique quasi præteriens quam brevissime, Diodorus primum sæpe ac multum in historia nugatur. Eandem certe habuit, ut ceteri Græci, mentendi libidinem. Quid enim levius in mentiendo, quam Græciæ regio vana, & ad omnem impulsum mobilis? Nisi forte Diodorum defendit titulus libri ejus, qui nunc unus extat, de antiquorum fabulosis gestis inscriptus, qui quoniam inscriptioni suæ ipse respondet, neminem fallit. Quod enim promiserat, idem exolvit. Nam quod Plinius in proœmio totius operis asserit, Diodorum apud Græcos primum desuisse nugari, id facile ex orationis Plinianæ contextu intelligitur non ad historiarum falsitatem, sed ad inscriptionum vanitatem pertinere. Græci enim auctores inanes ventosæque inscriptiones libris suis passim præponebant. At Diodorus, ut Plinius ibi refert, librum suum nullo levi vanoque indice invidiosum fecit, ut priores, sed bibliothecæ historiam inscripsit. Non ergo Diodori nos urgebit auctoritas, si quæ de Semiramidis magnificentia, & in Ecbatanis extructa regia Græcis fabulis decantata sunt, ea ipse vel retulerit, vel etiam fuerit secutus. Plinius vero iis, qui urbes præclaras considerunt, nobilitandis sæpe fallitur.

Sed ad rem. Cum Arphaxat cum qui Ecbatana ædificavit, ante Cambysem fuisse certum exploratumque sit,

fieri non potest, ut Cambyfes Nabuchodonosorus ille intelligatur, qui ab Arphaxat Ecbatanarum conditore victoriam reportavit. Præterea, Ninive tempore regni Persarum a Babyloniis vastata fuerat, ut Naum variatio indicat. Nec Persis monarchiam occupantibus regem proprium hæc civitas habuit. At Nabuchodonosorus, cujus in libro Judith mentio est, regnabat in Ninive civitate magna. non igitur quæ Judith historia refert, ea sub Cambyse, sed, ut vere Carion sentit, ante Persarum imperium gesta sunt. Nec, ut ab hac sententia discedam, Achioris me verba movent, quæ cap. 5. referuntur. Quoniam ante insignem illam captivitatem Babylonicam afflixit aliquoties Dominus omne semen Israel, & tradidit eos in manus diripientium nunc Ægyptiorum, nunc Syrorum, nunc Assyriorum, nunc Moabitaram, & Ammonitarum, donec tandem projecit eos a facie sua. Quia vero in varias regiones captivi adducti sunt, sed brevi tempore reduxit eos Dominus in terram suam, idcirco in libris Regum ejusmodi minus celebres captivitates silentio premeunt. Nam & Judith. cap. 18. cujusdam captivitatis mentio fit, quam Cajeranus vere, ut ego sentio, dicit in libris Regum prætermittam. Non enim, ait, omnia scripta sunt. Non itaque Achior de captivitate illa insigni Babylonica loquitur, sed de alia quapiam. Judith porro ætate templum Hierosolymitanum non erat eversum, nec civitas ipsa vastata. Iterum, ait, possident Hierusalem, ubi sunt sancta Sanctorum. At regnante Cambyse, & eversum templum erat, & nondum civitas instaurata. Manet igitur, ea, quæ ipsius Judith narrat historia, non esse ad Cambysem referenda. Merito igitur Aituerum istum priscum Artaxerxem negant ullum fuisse quidam: quoniam vera, qualem Metasthenes Philoque describunt, nullus fuit. Qui etiam si fuisset, si a Cyro itam imperavit, Longimani profecto parens non fuisset. Equis enim dubitet, post Cyri & Cambyfis regnum Darum Histaspis Persarum dominationem adeptum, cui Xerxes filius in imperio succederet? Nimirum id Herodotus, Justinus, Orosius, ceterique scriptores profani tradiderunt, æque universi etiam veteres ecclesiastici Josephus, Clemens, Ap-
p-
p-
p-

phricanus, Hippolytus, Eusebius, Hieronymus. Hieronymus certe eam rem non tanquam dubiam & incertam, sed tanquam periculum atque constantem, prodidit in Danielis caput septimum, inquires: Tres ordines, qui erant in ore bellæ, quidam tres reges post Cyrum fuisse Persarum autumant, & quæ illis sunt nomina, reticent. Nos vero cum post Cyrum, qui regnavit annis triginta sciamus apud Persas regnasse Cambysem filium ejus, & fratres Magos, & deinceps Darium, cuius secundo anno captum est ædificari templum in Hierusalem: quintum, Xerxem filium Darii: sextum Arthabanum: septimum, Artaxerxem Longimanum: octavum, Xerxem: nonum, Sodgianum: decimum, Darium Notium: undecimum, Artaxerxem Memnonem: duodecimum, Artaxerxem Ochum: tertiumdecimum, Arsen Ochii filium: quartumdecimum, Darium Arsani filium, qui ab Alexandro superatus est: quomodo tres reges Persarum fuisse dicemus? Hactenus Hieronymus.

Sane si in Regum Persarum serie, aut fratres Magos, aut Arthabanum, aut secundum Xerxem, sive Thucydides, seu quisquam alius historicus præterierit, nihil mirum esse debet: quoniam illi vel brevissimo tempore imperarunt, vel certe eo quoque brevi tempore de imperio cum aliis contenderunt. At Darium Histaspis, & Xerxem filium ejus, qui potentissimus rex atque diutissimus, adversum Græciam innumerabilem duxit exercitum, & cægesit, quæ Græcorum & Latinorum gentium ac fidelium historiæ narrant, eos inquam duos tam excellentes ac præclaros reges silentio transire, extrema ignorantia, ne dicam impudentia est. Etenim hos in Persis regnasse si quis neget, negare etiam poterit, Constantinum Theodosiumque Romæ imperasse. Non enim plures graviore hoc historici hoc, quam illud affirmant. Atque Herodotus & Thucydides de his videlicet sui sæculi regibus ita loquuntur, ut non res auditas, sed visas narrare videantur. Nec si historiæ suæ Herodotus fabulas miscet, idcirco fides illi abroganda est in rebus sui temporis publicis & manifestis, in quibus nullus erat fictionis locus. Alioqui Plutarch. qui minimos quoque errores Herodoti persecutus reprehendit,

hunc est, hunc, quoniam erat maximus, potissimum infelaretur. Credamus itaque potius Herodoto, Thucydidi, Iustino, Orosio, Aphricano, Eusebio, Hieronymo, Joiepho, cæterisque auctoribus probatissimis, quam Metastheni huic, non veteri & erudito, sed recenti, rudi, sine sensu, sine sapore, ignorant, atque adeo impudenti: nempe qui polliceatur scripturum se regum Persarum tempora, ut in analibus publicis liquide & vere digesta sunt, Reges quoque, & nomina, quam apud eos splendidissime regnarum est: & tamen eos Reges omittit, qui in Persis magnificentissime atque amplissime regnaverunt.

Nec me fugit, Joannem Carionem operose etiam contendisse, ut inter Eusebium, Hieronymum, ac reliquos auctores graves, & Metasthenem Persam istum nulla esse repugnantia videretur. Ita in summa discordia ac dissensione pacem conciliare nititur, & quæ discrepant plurimum, ea facere ut consentiant vel maxime. Primum ergo ait Carion, Assuerum illum priscum, Darium Histaspis intelligi oportere. Qua una ex re totum disce Carionem. Quid enim stultius dici potuit, quam Darium Histaspis patrem habere Darium Medium, patrum Cyrum, filium Longimanum? His enim attributis priscum illum Assuerum Metasthenes cumulavit. Quid autem a Dario Histaspis alienius, quam publico edicto vetare, ne templum Hierosolymis instauraretur, quod Assuero illi prisco Philo Annianus assignat? Nam causæ a Carione redditæ, cur a Metasthene Xerxes fuerit omisus, usque adeo ridiculæ & ineptæ sunt, ut non sint a me in præsentia referendæ. Atque eas omnes sigillatim Joan. Vergara canonicus Toletanus, vir Græcæ ac Latinæ linguæ peritissimus in libro 8. quæst. Hispanæ edito accuratius refutavit. Cujus nos opera & diligentia multum hoc loco adjuvi sumus. Malumus enim, quod nos Plinius admonuit, mutuum omnino reddere, quam in furto deprehendi. Illud enim Basilii præceptum semper nobis probatum est, si quid ex alio discitur, minime celandum; more pravæ mulieris, quæ partus nothos clam supponit: Quamobrem sermonis & doctrinæ patrem ingenue manifestandum. Quibus rebus demonstratis, omni luce clarius apparet,

ret, id quod huius orationis institutum erat, Anni regulas in historiarum iudicio utiles esse non posse: Quando ne ex his quidem posterioribus Chaldaeorum, ac Persarum monarchiis annales ulli publici relicti sunt, nec auctoris cuiuspiam monumenta, qui historiam suam ad veram, certamque eorum annalium formulam composuerit. Quocirca Iosephum, Eusebium, Hieronymum, ceterosque probae fidei auctores, in Persarum aut rebus gestis, aut temporibus explodere, quod Metastheni huic, & iis, qui prætexitur, Sufianis annalibus non cohereant, magnum infirmitatis, imo vero etiam temeritatis argumentum est. Quo loco Johannes Driedonius vehementer erravit, homo, quod ad Theologiam diligentiam, pertinet, plane doctus; quod ad historiam humanam cognitionem, valde rudis. Qui cum in hac Annii volumina incidisset, & Berosi Chaldei, Metasthenis Persæ, Ctesiphonidis, Philonis Judæi, Diodori Siculi, Bibliothecæ Sufianæ, Septuaginta seniorum excitatio inani verborum sonitu illius complevisset aures; ad Eusebii, Iosephi, Hieronymi vocem oppido quam gravem obstrudit. Quanto prudentius ecclesiæ, quæ, cum Adam, Enoch, & Noe quidam libelli producerentur, eos noluit recipere. Quoniam, ut Augustinus ait, quo in auctoritate non essent, nimis fecit antiquitas, propter quam videbantur habenda esse suspecta, ne proferrentur falsa pro veris. Nam & proferuntur quædam, quæ ipsorum esse dicuntur, ab eis, qui pro suo sensu passim, quod volumine credunt. Hactenus indecimo octavo de Civitate libro cap. 38. Augustinus. Viro igitur prudenti, ut liber quisque sub antiquitatis nomine proferatur maxime, ita maxime debet illi esse suspectus. Quam non prudentiam secuti, Berosi hos, Metasthenisque libellos, vel nimia vetustate suspectos haberemus, etiam si nihil illi continerent, quod viris gravissimis contraveniret. Quibus rebus efficitur, ut prima Annii causa, quamobrem in Persarum monarchia Iosephum, Eusebiumque rejici oporteat, inutilis & vana sit. Nam altera falsissima est. Non enim ait Eusebius, aut quisquam alius probatus auctor scribit, Cyrum ante dedisse licentiam Hebræis in Babylone captivis, & mortuum, quam Babylonia Darius ille Medus potiretur. Eusebius porro Da-

rii Medi in chronicis nusquam meminit, nec sub eo nomine, nec sub nomine Ciaxaris, quo eum appellat Xenophon. Non ergo Eusebius scripsit, Cyrum ante interfectum esse, quam Darius Medus Babyloniæ cepisset, cum Darium omnino Medium in chronicis prætermiserit. Herodotus autem nihil ejusmodi scripsit, quale illi Annii impingit. Darium Histaspis filium Eusebii, Herodotusque commemorant: Ille, ut solet, breviter regni tempora notans, hic latius ejus gesta describens. In quibus illud refert, Darium Histaspis Babyloniæ, quæ a Persarum imperio deiecerat, iterum & obsidione cinxisse & expugnasse. Atque hinc turpis Annii error extitit. Cum enim audisset, Herodotum scribere, post Cyri mortem Babyloniæ a Dario captam, existimavit eum de Dario Medo intellexisse; cum Darium Histaspis sine dubio Herodotus expresserit. Nam a Cyro semel expugnata Babyloniæ primo libro dixerat. Deinde in tertio ea iterum capta Darium Histaspis potius affirmat, muros ejus circumcidisse, & portas omnes amolitam esse, quorum neutrum Cyrus fecerat prius eidem a se capto. Abest ergo nunc Annii, & dicat, Herodotum, & Eusebium somniasse. Annii ipse re vera potius somniat, qui e duobus hominibus Dario Medo, & Dario Persæ unum facit, exque duabus Babyloniæ expugnationibus item unam. Id quod proprie dormientium, & somniantium est.

Sed ais, Daniel cap. 11. post Darium Medium quatuor solum Persarum reges usque ad Alexandrum futuros vaticinatus est. Non ergo quatuordecim fuere, quemadmodum nos Eusebium, Hieronymumque secuti fuisset diximus. Huius argumenti ratio Tertullianum in eo libro, quem contra Judæos scripsit, videtur impulsisse, ut inter Darium Medium, & Alexandrum, quatuor duntaxat Persarum reges intermedios poneret, Ariarxerem, Ochum, qui & Cyrus, Argum denique, ac Darium ultimum, qui & Melas nominatus est. In quem errorem Nicolaus Liranus, licet a Hieronymo admonitus, videns prudentem incurrit, Hebræorum somnia sequens, qui historiarum humanarum penitus sunt ignari. Quoniam nulla externi regni monumenta in lingua sua habent: nec alios aut Persarum, aut Græcorum reges agnoscunt, nisi quos scriptura com-

In Isa. l. 22

In Philon. Joas.

Dan. g. &
11. ubi hos
4 reges ait
fuisse Cyri,
Cambyses,
Asternum
narium
Eber, &
Darium
scilicet
Alexandrum
atque
bellat. Darius
autem
ille postea
mors, postea
humum in-
teritiam.
Longina-
tus scilicet
g. sub
quo sunt
templum &
dicitur

com-

commemoratur. Quod qui parum perspicunt, hi Judæos in earum etiam scripturarum explicatione sequuntur, quorum intelligentia, si Gentilium ignorentur historia, aut vix, aut certe nullo modo haberi potest. Ita Hebræi rationes sæpe historiarum vertunt, & id, quod probare non possunt, fingere conantur. Quorum error eripendus est, omnisque opinio ad eam speciem traducenda, ut scriptura sacra interpretanda, in iis præsertim locis, quæ res externas gentium attingunt, gentium monumenta sequamur. Rectius igitur veriusque Hieronymus quartum illum regem, quem Propheta commemorat, Xerxem Darii Histaspis filium fuisse intelligit: talem enim hunc Ethnicorum historiæ narrat, qualem Propheta describit. Quod autem Daniel quatuor Persarum regibus enumeratis, novem, qui fuerunt post Xerxem, prætermiserit, hoc non solum contra nos, sed contra Metasthenem Anni, Philonemque etiam facit. Non autem curæ fuit, ut Hieronymus ait, spiritu prophetali historiæ ordinem sequi, sed præclara quæque perstringere. Ac si quis prophetarum transiitiones diligenter animadvertet, inveniet multa intermedia frequentissime pertransiri: quæ si ex vatum silentio nunquam fuisse iudicabit, in magno eum errore necesse est, & multarum rerum ignoracione versari. Hoc vero loco peculiaris causa fuit, cur in rege Persarum Xerxe spiritus prophetæ subsisteret. In eo siquidem Persarum monarchia maxime adversum Græcos eminebat: adeo ut ab innumerabili exercitus multitudine Græcia vel brevi momento vastanda atque exinanenda videretur. Itaque repente Danieli Alexander Græcis ostensus est, qui non solum Græcos posset a Persis eripere, sed de Persis etiam triumphare. Sed de regulis Anni, earumque regularum exemplis, ac de tota demum Anni censura satis, ut arbitror, diligenter disputatum est. Quid igitur? (Nam hoc dicit fortasse aliquis) nulla via ratioque erit, qua veraces historici a fallacibus distinguere atque internoscere valeamus? Erit nempe, & multiplex etiam erit.

Prima lex ex hominum probitate integritateque sumetur. Quæ omnino res locum habet, cum quæ narrat historici, ea vel ipsi se vidisse testantur, vel ab his, qui viderunt accepisse. Qua-

lia sunt pleraque in epistolis Ambrosii, Cypriani, Hieronymi, Augustini, in libris quoque hujus de civitate Dei, in dialogis Gregorii, breviter in omnibus sæpe doctorum ecclesiæ probatissimorum scriptis: in quibus mendacium suspicari, quod ad memoriam sempiternam transferre illi scribendo voluerint, piaculum est. Magnis quippe præclarisque virtutibus viri sanctissimi atque optimi id consequi meruerunt, ut in rebus ejusmodi, quas vel spectasse se, vel ab aliis fide dignis, qui spectarint, se audisse testati sunt, fides omnino illis habeatur. Quæ in re Erasinus Roterodamus, alique juniores quidam sæpe ac licenter errant. Quid enim liberius, licentius, immoderatus dici potuit, quam Hieronymum asserentem, Matthæi evangelium Hebraicum describendi sibi copiam fuisse, in eo virum gravissimum sanctissimumque mentiri? Jure itaque piis hominibus nimia hæc quorundam juniorum liberiorque licentia displicuit, jure etiam in crimen vocata est. Hæc autem prima lex in profanis quoque auctoribus locum habet. Quædam enim Julius Cæsar, quædam Svetonius, quædam Cornelius Tacitus, quædam Plutarchus, quædam Plinius narrat, quæ auctores ipsi partim oculis aspexerint, partim acceperunt ab his, qui eæ præsentibus aspexerant. In hisce vero auctoribus tametsi pietatem, absolutorumque virtutis officia spectare non licet, licet tamen probitatem quandam bonitatemque naturæ. Quidam enim eorum aut veritatis amore inducti, aut ingenui pudoris verecundia, usque adeo a mendacio abhorruerint, ut jam pudendum fortasse sit, historicis gentium quosdam veraciores fuisse, quam nostros. Doctissime hoc dico potius, quam contumeliose, multo a Laertio severius vitas Philosophorum scriptas, quam a Christianis vitas Sanctorum: longue in corruptius & integrius Svetonium res Cæsarum exposuisse, quam exposuerint Catholici, non res dico Imperatorum, sed Martyrum, Virginum, & Confessorum. Illi enim in probis aut Philosophis, aut Principibus, nec vitia, nec suspiciones vitiorum tacent, in improbis vero etiam colores virtutum produnt. Nostri autem plerique vel affectibus inserviunt, vel de industria quoque ita multa configunt, ut eorum me nimirum non solum pudeat, sed etiam

trahat. Hos enim intelligo ecclesiæ Christi cum nihil utilitatis attulisse, tum in commodationis plurimum. Nominibus parco, quoniam huius loci iudicium morum etiam est, & non eruditionis tantum, in qua liberior potest esse censura. Nam quæ morum est, hæc debet profecto esse & in vivos cautior, & in mortuos reverentior. Certum est autem, qui sic & fallaciter historiam ecclesiasticam scribunt, eos viros bonos & sinceros esse non posse, totamque eorum narrationem inventam esse aut ad quæstum, aut ad errorem, quorum alterum fœdum est, alterum perniciosum. Iustissima est Ludovici querela de historiis quibusdam in ecclesiâ confictis. Prudenter ille saue ac graviter eos arguit, qui pietatis loco duxerint mendacia pro religione fugere. Id quod & maxime periculosum est, & minime necessarium. Mendaci quippe homini ne verum quidem credere solemus. Quamobrem qui falsis atque mendacibus scriptis mentes mortalium concitare ad Divorum cultum voluerit, hi nihil mihi aliud videntur egisse, quam ut veris propter falsa adimatur fides, & quæ severe ab auctoribus plane veracibus edita sunt, ea etiam revocentur in dubium.

In Herodoti lucubratione rebus fictis & adumbratis quidem loci plurimum fuit. Verum inscriptuone ipsa ille præmonuit, non esse in eo libro historiarum rationem ad vivum reserendam. Musas videlicet inscripsit, quibus fabulæ interdum concessæ sunt, ut audientium animos jucundius & suavius allectent, quod severitate narrationis non perinde assequerentur. Xenophon, qui, ut Fabius ait, magis inter Philosophos, quam inter historicos reddendus est, optimi & absolutissimi Principis formam in Cyro periclam conatur effingere. Itaque non est ab eo expectandum, qualisnam Cyrus re vera fuerit, Rex licet excellens & eximius, sed qualis futurus sit in Republica Imperator, si ad normam exemplaris exactissimi componatur. At in historia Christiana, quæ tota, ut diximus, non voluptione, sed veritate penditur, quorum attinet historiarum nomen commentis fabulisque præterire. Quasi vero sancti Dei homines nostris mendaciis egeant, qui tam multa vera pro Christo fecerunt, ut falsa quæcumvis licet eruditæ simulationis artificio composita, ut noxia

non sint, quoniam inutilia sunt tamen, tanquam ignavi milites oneri sint magis, quam auxilio. Heroum porro nostrorum res vere gestæ, sicuti ego existimo, non solum amplè magnificæque fuerunt, verum multo etiam majores quam fama feruntur. Neque eorum qui fecere, virtus tanta habenda est, quantum eam verbis extollere potuerunt nostri: sed tanta potius, ut & præclara ingenia rebus ipsis, & ingenii præclaris verba quoque defuerint. Sed dum quidam affectui suo nimium indulgent, & ea scribunt, quæ animus scribentis dicit, non veritas, tales Divos quandoque nobis exhibent, quales Divi ipsi, etsi possent, esse tamen noluerint. Equus enim credat, Divum Franciscum pediculos semel excussos, in se ipsum solum esse immittere? Quod ad sanctitatem viri scriptor pertinere putavit, equidem non puto, qui paupertatem sciam viro sanctissimo placuisse semper, sordes nunquam. Illud item quàm ridiculum? Diabolum Dominico patri nostro semel obstreperem, a Divo esse coactum, ut lucernam haberet in manibus, quoad illa assumpta non molestiam solum, sed incredibilem dolorem etiam afferret. Non possunt huiusmodi exempla numero comprehendi, sed in his paucis pleraque alia intelligentur, quæ Divorum clarissimorum historias obscurarunt. Non autem decebat, veras sanctorum res gestas falsis & commentitiis fabulis contaminari. Quæ causa Gelasio fuit, ut hujus generis historias multas in concilio septuaginta Episcoporum reprobarer. Ejus Pontificis verba sunt, legi cognoscique dignissima: idcirco adscribenda sunt. Gestæ, inquit, Sanctorum martyrum, qui multiplicibus tormentorum cruciatibus, & mirabilibus confessionum triumphis irradiant, quis ita esse Catholicorum dubiet, & majora eos in agonibus esse perpessos, nec suis viribus, sed Dei gratia & adiutorio universa tolerasse? Sed ideo secundum auctoritatem antiquam, vel consuetudinem singulari cautela in sancta Romana ecclesia non leguntur quia eorum, qui scripsere, nomina penitus ignorantur: & ab infidelibus aut dicta superflue, aut minus apte, quam rei ordo fuerit, scripta esse putantur: sicut cuiusdam Quirici & Julite matris ejus, sicut Georgii, aliorumque passionis huiusmodi, quæ ab hæreticis proban-

De traden.
disciplin.
lib. 5.

Lib. 10. c. 1.

Cicero. ad
Quint. fra-
trem. Cyru
mle aquita
Xenophontem
non ad
historia
idem scri-
psit, sed ad
effrem in-
imperiis.

tur conscripser: propter quod (ut dictum est) ne vel levis subsannandi occurreret occasio, in sancta Romana ecclesia non leguntur. Nos tamen cum prædicta ecclesia omnes martyres & eorum gloriosos agones, qui Deo magis, quam hominibus noti sunt, cum omni devotione veneramus. Item vitas patrum Antonii, Pauli, Hilarionis, & omnium eremitarum, quas tamen vir beatissimus scripsit Hieronymus, cum omni honore suscipimus. Item actus beati Silvestri Apostolicæ sedis præfatus, licet ejus, qui scripsit, nomen ignoremus, a multis tamen in urbe Roma catholicis legi cognovimus, & pro antiquo usu multæ hoc imitantur ecclesiæ. Item scripta de inventione sanctæ Crucis dominicæ, & alia scripta de inventione capitis beati Joannis Baptiste, novellæ quidam revelationes sunt, & nonnulli eas Catholici legunt, sed cum hoc ad Catholicorum manus pervenerit, beati Pauli apostoli sententia præcedat: Omnia probate, quod bonum est tenete. Hactenus Gelasius.

Quod si prophetias, quæ numinis astatu edi solent, Paulus docet non sperandas quidem, sed explorandas tamen: æquus non accusare jam audebit, si historias humano sensu editas exploremus? Gelasius sane auctor est cum Concilio gravissimus, quod de prophetia ab Apostolo dictum est, hoc apte etiam in historiam quadrare. Jubet ergo imprimis Pontifex, ut eas historias nullo modo amplectamur, quæ sine certo auctoris nomine proferuntur. Olent enim aut quæstiosorum hominum imposturam, aut, quod Gelasius ipse ait, hæreticorum sortum. Quæ eadem omnino causa subest, ut historiarum illarum valde etiam suspiciose sint, quæ tamen si auctoris cujuscumque nomen præ se ferunt, sed quis ille qualisve sit, obscurum & incertum est: Cujusmodi ante hos paucos dies, quædam fabulæ prodire, quarum & auctores, & loca adeo longo intervallo distant, ut an mentiantur illi, non possit inveniri, an hæc sint, addubitari etiam possit. Sed bene habet, quod totum narrationis corpus commentum apparet, ut quod Hispanorum sermone tentur, id quoque in hæc res facile probes, De linguas vias, linguas mentiras. Sed ad Gelasium redeamus. Qui illius deinde eioris nos admonuit, in quo olim non vulgus solum, sed Gratianus etiam ver-

status est, ut librorum deceptus indicibus crederet, omnia, quæ Hieronymi & Augustini nominibus inscripta erant, Hieronymi Augustinique vere etiam esse. Sic librum, qui, de vitis patrum inscriptus est, Hieronymi nomine vulgus circumferebat, quum paucissimas tamen patrum vitas ille scripserit, quæ & hoc loco fere a Pontifice referuntur. Gelasii itaque testimonio eorum impudentiam retundemus, qui harum rerum auctorem Hieronymum pervulgant, quas nemo nisi rudis atque elinguis ederet. Hujus generis fabula etiam illa est insula æque ac barbara de Nativitate sanctæ Mariæ, ad Chromatium, & Heliodorum episcopos. Hujus generis sunt alia multa, quæ & diligentissime & rectissime Erasmus refutavit. Illud etiam in his Gelasii verbis eundem animadverto, novellæ revelationes (sic enim vocat) nos admirari & suspicere minime oportere. Jam enim passim non pro ecclesiæ necessitate, sed pro hominum affectu expromuntur, adeo ut in Conceptionis causa utrumque, si superis placet, revelationes vel contrariæ proferantur. Quæ res impiis quidem non levem subsannandi occasionem præbet, piis vero lachrymandi, Contemnuntur profecto necesse est Dei & dona & miracula, si nostris aut opinionibus, aut affectibus inserviant. Ecclesiæ igitur Christi hi vehementer incommoant, qui res Divorum præclare gestas non se putant egregie exposituos, nisi eas fictis & revelationibus & miraculis adornarint. Quæ in re nec sanctæ virginis, nec Christi domino hominum impudentia pepercit, quin quod in aliis Divis facitavit, idem quoque in Christi & matris historia scribenda faceret, & pro humani ingenii levitate multa vana & ridicula comminisceretur. Cum superioribus annis Tridentino concilio interfuissem, & quibuidam audivi, Aloysium Lippomanum episcopum Veronensem huic malo mederi, historia de vitis sanctorum constanti ac gravi ratione edita. Sed hanc mihi adhuc videre non licuit, nec aliam quamvis, quæ mihi quidem probari possit de his, quæ Veniunt in manus. Spissum sane erit opus & operosum, sed vehementer omnibus Christianis utile, si quis præstiterit dignum modo Divis, Ecclesiæ, Christo. Id quod haud dubie præstabit nemo, nisi vir probus, integer, incor-

ru-

ruptus : Ut ne quid falsi dicere audeat, ne quid veri non audeat, ne qua suspicio gratiæ sit in scribendo, ne qua simultatis. Quæ cum ad probitatis integritatisque officia pertinere notum sit, miror ab uno Suetonio servata esse omnia, a plerisque nostris omnia esse deserta. Qui autem res humanas a Divis, quorum historias scribendas sumunt, alienas fore censent, hi Divos ipsos, ne homines quidem fuisse, videntur credere. Quanto sapientius Evangelistæ faciunt, qui vel in ipsis apostolis, quos eramus vitæ totius exemplum habituri, nec affectus naturæ imbecilliores, nec casus etiam graviore dissimulant. Divina hæc sapientia quidem Evangelistarum fuit, sed bonitas quoque integritasque naturæ, ut nihil illis in scribenda historia deesset, quod in historia lege vel Ethnici requisissent.

Scriptoris autem probitas & integritas (nam hoc queret aliquis) in his, qui olim fuerunt, licet aliquando in scriptis ipsis eluceat, sed fama & gravi atque frequenti prætorum hominum testimonio cognoscitur. Sunt enim, ut dixi, in profanis auctoribus non pauci quorum ingenuitas & veracitas sic hominum sermone celebrata est, ut nemo illos unquam mendaces, & in fingendo impudentes existimaverit. Quales sunt Cæsar, Val. Max. Terentius Varro, Livius, Cornelius Tacitus, Seneca, Ammius Marcellinus, Eutropius, Flavius Vopiscus, Paulus Diaconus, Lucius Florus, Polybius, Dionysius Halicarnassensis, Julius Capitolinus, Cornelius nepos, Strabo, alique plures, Latini præsertim auctores. Nam Græcorum fides majori ex parte fracta ac debilitata est. Religiosus est Thucydides, & ut Josephus ait, inter omnes Græcos historicos in primis scrupulosus. Appianus Alexandrinus, Græcus licet auctor, sed quoniam hesternæ & civilia Romana bella memoriæ mandavit, in alienis rebus mendax non fuit, futurus in suis, si Græcorum morem & ingenium sequeretur. Quorum jactantia & vanitas impudentius est aucta, postquam certare cum Latinis de imperio, de rebus gestis, de doctrinæ veritate inciperunt. Latius siquidem fulgor & gloria Græciæ clantatem obscuravit, & adeo Græcorum præstrinxit oculos, ut vel Plutarchus scriptor aliqui verax, in rebus Græcorum illustrandis

& cæcutire & fingere interdum etiam videatur. Quod tum in opere de vitis illustrium Græcorum, & Romanorum, tum in parallelis Ludovici Vives animadvertit. At vero in nostris, hoc est, ecclesiasticis facilius est ratio virtutis & bonæ fidei cognoscenda. Optimos enim quosque apud nos non solum humanus sermo atque existimatio colit, verum etiam ecclesiæ decretum in concilio cælestium collocat. Hos itaque mendacii impudentiæque arguere, quemadmodum supra diximus, impietatis etiam, non modo temeritatis argumentum est. Cum his ego sanctis iustisque viris, Egesippum, Paulum Orosium, aliosque nonnullos ecclesiæ historicos annumerandos censeo, qui a me brevitatibus causa præterentur. Non enim hæc bibliothecæ excutimus, sed genera degustamus. Ne quis negligentie nos insimulet, si ullos aut laudando, aut vituperando transimus. Sed ais : Crispus Sallustius in perditis omnino moribus veridicus historicus scriptor est habitus. Sane quidem. At cum Sallustium objicis, hominem objicis : in quo si non honestatis pudor, at infamiae ejus timor fuit, quam Romanis cum primis declinavit, ne mendaces, quemadmodum Græci, in historicis haberentur. Deinde non mihi Sallustius videtur vitis caruisse & gratiæ & simultatis. Certe cum de Cicerone scribit, multa silentio præterit, quæ libenter in aliorum gratiam retulisset. Sed hæc duo vitia cum historicorum fere omnium communia sunt, tum quorundam quasi propria. In quibus Paulus Jovius est in quamlibet partem nimis odio & amore, gratia & similitate. Et quoniam pecuniam amabat, in historia quoque scribenda pecuniæ servus fuit. Postremo aliud est dicere, viros bonos veraces esse omnes, aliud improbos omnes esse mendaces. Illud nos diximus, hoc non diximus. Quanquam nescio quo modo fit, ut nunquam incurus animus nisi in viri boni testimonio quiescat. Ac officio veritas adeo conjuncta est, ut in homine vitioio esse illa fortasse possit : sed esse tamen credi vix possit. Quæ causa Chaldaei & Aegyptii fuit, quomobrem non alios historiarum auctores approbarent, nisi qui sacerdotio fungerentur : Quod sanctos religiososque viros mentituros esse nullo modo existimarent. Homo,

1. Mach. 7.

iniquit, ex Judeis quidam sacerdos venit : non decipiet nos . Verum de prima ad Historiam dijudicandam regula hæc dicta sint .

Lex vero secunda in historiz judicio sancitur , ut eos historicos reliquis anteferamus , qui ingenii severitati quandam prudentiam adjunxerunt & ad eligendum & ad judicandum . Quæ lex in iis rebus locum habet , quas res neque scriptores ipsi sunt intuiti , nec a viris fide dignis , qui viderint , audierunt . Quo in genere est operæ pretium levitatem eorum recordari , qui muliercularum more quod nimis miseri volunt , hoc facile credunt . Nam & ætas nostra sacerdotem vidit , cui persuasissimum esset , nihil omnino esse falsum , quod semel typis fuisset excusum . Non enim , ut aiebat , tantum facinus Reipub. administratos commissuros , non solum divulgari mendacia sinceret , sed suo etiam communi- nent privilegio , quo illa tutius mentes mortalium pervagarentur . Quo sane argumento permotus animum induxit credere , ab Amadiso , & Clariano res eas vere gestas , quæ in illorum libris commentitiis referuntur . At vero quantum illa adversum Reipublicæ administratos ratio valeat , non est hujus loci , temporisque discere : Certe hoc ego pro me ipso & animi sensu , ac dolore pronuncio , magna Ecclesiæ calamitate , atque perniciæ id solum in libris vulgandis præcaveri , ne erroribus fidei adversis aspersi sint , ne sint moribus exitiales , non item . Nec de fabulis istis potissimum excrucior , quas modo dixi , quamvis in- euditis , & nihil omnino conferentibus , non dico ad bene , beateque vivendum , sed ne ad recte quidem de rebus humanis sentiendum . Quid enim conferant meræ ac vane nugæ ab hominibus otiosis fictæ , a corruptis ingeniis versatæ ? Sed acerbissimus est dolor , & vix omnino consolabilis , quod dum quidem (utinam tam prudenter , quam serventer) incommodum hoc rejicere , ac devitare cupiunt , non pro fabulis veras , & graves historias edunt , id quod esset plebi utilissimum ; sed libros mysteriorum ecclesiæ ple- nos , a quibus arctandi profani erant : id quod est , mea quidem sententia , pestilensissimum , eo vero magis , quo vulgus eos libello securius legit , quia probatos non videt modo a civili ma-

gistratu , verum etiam ab iis , qui do- drinæ censors sunt in Christi Repu- blica defuncti . Sed hæc alias , nunc quod instat , agamus .

Miseranda sane hominis ignorantia potius quam ludenda , qui usque adeo aut bonus , aut stultus erat , ut omni narrationi statim crederet , si modo es- set literis prodita . Verum invenias alios non pari inscitia quidem , sed im- prudentia pene pari , qui veritatem re- rum non inde petunt , ubi ea reside- re sit solita , sed ex iis , in quibus ra- ro est eam invenire , nempe ex dissi- patis , pervagatisque rumoribus . Quæ res plerumque iis accidit , qui sunt in- constanti , levique natura . Nam homi- nes graves , atque severi non solent inanem vulgi sermonem aucupari . Quan- quam negare non possumus , viros ali- quando gravissimos , in divorum præ- sertim prodigiis describendis , sparsos rumores & excepisse , & scriptis etiam ad posteros retulisse . Quæ in re , ut mihi quidem videtur , aut nimium il- li sibi , aut fidelium certe vulgo in- dufferunt : quod vulgus sentiebat non tantum ea facile miracula credere , sed impense etiam flagitare . Itaque signa nonnulla , & prodigia sancti quoque memoriz prodiderunt , non quo ea li- benter credidissent , sed ne deesse fi- delium votis viderentur . Id vero eo magis sibi licere existimarunt , quod intellexerunt , auctoribus nobilissimis placuisse , veram historiz legem esse , ea scribere , quæ vulgo vera haberentur . Nec ego hic libri illius auctorem excuso , qui speculum exemplorum in- scribitur : nec historiz etiam ejus , quæ *Legenda aurea* nominatur . In illo enim miraculorum monstra sæpius , quam vera miracula legas : hanc homo scripsit ferrei oris , plumbei cordis , animi certe parum severi , & prudentis . Veteres excuso & sanctos & eru- ditos viros : quorum & libros & no- mina volentem adscribere pudor me ac religio vetaret , nisi contra vereretur , ne mea hæc taciturnitas plerique caus- sa esset , ut aut damnaverent , quæ non intelligerent , aut errore vario circum sanctorum omnium historias vagaren- tur . Atque Theologum etiam admo- neri operæ pretium est , ne id statim illi persuasum sit , omnia , quæ ma- gni auctores scripserint , undique esse perfecta . Nam & labuntur aliquando , ut illic ait , & oneri cedunt : & in- dul-

dulgent ingeniorum suorum voluptati, vulgoque, ut dixi, interdum etiam indulgent: nec semper intendant animum, & nonnunquam fatigantur, adeo, ut Ciceroni Demosthenes dormire, Horatio vero Homerus quandoque ipse videatur. Summi enim sunt, homines tamen. Quæ ego eadem de Beda atque Gregorio jure fortasse ac vere dicere possum. Quorum ille in historia Anglorum, hic in dialogis quedam miracula scribunt vulgo jactata & credita, quæ hujus præsertim seculi Aristarchi incerta esse sentiebunt. Equidem historias illas probare magis, si earum auctores juxta præstitam normam, severitati judicii curam in eligendo majorem adjunxissent. Sed quoniam modeste, & circumspiciente judicio de tantis viris pronunciandum est, ne in his quidem duobus rejicienda sunt plurima. Pauca enim in eis positis arguere, quamvis historiam ecclesiasticam revocare ad severiora judicia contendas. Ac si necesse est in alteram peccare partem, omnia eorum probari legentibus, quam multa reprobari malo. De Vincentio

Non est falsitas, quod Gelasius Vincentii laborem omnia commendavit. Memori enim sunt plerique doctores Nam eumque, & enervati juvenilibus, non Vincentii. Altoni Gelasii, qui multis seculis Vincentio prior fuit, propheta in eo cap. fuisse, non Julius.

Bellovacensi, & Divo Antonino liberius judicio, quorum uterque non tam dedit operam, ut res veras certaque describeret, quam ne nihil omnino præteriret, quod scriptum in schedulis quibuslibet reperiretur. Ita ad historiam unamquamque existimandam, momentoque suo ponderandam non artificum statera, sed ne populari quidem trutinæ usi sunt. Quamobrem boni licet ac minime fallaces viri, quia tamen nec auctores eos, a quibus suos exscripsere libros, diligenter examinarunt, nec res justis libratas ponderibus memorie prodiderunt, apud criticos graves atque severos auctoritate carent. Historicus autem, qui Theologie decreto probandus erit, nec omnes schedas lectione etiam indignas excutiat, nec a milibus fabulis accommodabit operam, nec prius lecta auditaque describat, quam ea prudenti accuratoque judicio expendat ac feligit. Sed in secundæ regulæ explicationem diximus satis.

Tertia regula sit. Si eni historico auctoritatem ecclesia tribuit, hic dubio procul dignus est, cui nos etiam auctoritatem adjungamus. Contra vero, cui ecclesia derogavit fidem, ei quoque nos fidei jure ac merito derogabimus. Gelasius porro historiam de vitis Antonii, Pauli, Hilarionis, ac ex-

teriorum eremitarum, quas tamen Hieronymus scripsit, cum omni honore suscepit. Acta rursum beati Salvestri, licet non pari veneratione, sed suscepit tamen. Collaudavit Orosium: Eusebii chronica, hoc est, de temporibus, quantum animi conjectura colligo, non rejecit.

Rejecit itinerarii Clementis libros octo, acta Andreæ, Philippi, Petri, Thomæ nominibus falso edita, librum de infantia Salvatoris, alterum item de ejusdem nativitate, librum Pastoris, acta Theclæ & Pauli, quæ Epiphanius usurpat interdum, revelationem Pauli, librum, qui Mariæ transitus inscribitur, libellos de penitentia Adæ, Origenis, Cypriani, epistolam Jesu ad Abagarum, passionem Georgii ac Quirici & Julitæ, & historiam demum Eusebii Pamphili. In qua recensenda Gelasius magna, ut mihi quidem videtur, prudentia est usus. Nam quod Rhenanus dixit, verba hæc postrema Gelasii non esse, sed esse potius ab alio quopiam adjecta, hoc insolenter, rustice, imperiteque dixit. Principio quippe pontifex ad hunc modum censuerat: Chronicon Eusebii Cæsariensis, atque ejusdem historię ecclesiasticę libros, quamvis in primo narrationis suæ libro tepuerit, & in laudibus atque exultatione Origenis schismatici unum conscripserit librum, propter rerum tamen singularem notitiam usquequaque non dicimus renuendos. Postea vero sic censet: Historia Eusebii Pamphili apocrypha. Quæ duæ sententiæ cum contrariæ non sint, tum sunt etiam verissimæ, & nimis quam graviter ac severe late. Cur autem Gelasius historiam Eusebii apocrypham pronunciarit, causæ sunt sane plures atque vehementes. Primum in primo libro refert Eusebius epistolam Jesu ad Abagarum scriptam, quam Gelasius eadem distinctione explodit. Fuit etiam altera causa Gelasio, quam obrem historiam Eusebii apocrypham definierit. Quod multa ibi Clementis Alexandrini testimonio confirmatur: cuius opuscula eadem distinctione apocrypha judicata sunt. Præterea & librum sextum Eusebius texiit in laudem & exultationem Origenis. Cum autem & discipuli Origenis magnas in ecclesia tragedias excitarent, & Origenes ipse tanquam schismaticus, deque fidei catholice via sepe decedens, fuisset ecclesiæ judicio condemnatus, jure il-

Hieron. ad Letam de Julio, fil. Casca, inquit, cum apocrypha. Et si quando ea non ad dignum veritate, sed ad feneratorum reventia legere non licet, sciat non eorum esse, quorum titulus perambulat.

hus

lius historia refellitur, qui Origenem non solum immodice prædicat, sed ad cælum, perinde ut si pater eiset ecclesie, extollit.

Præterea, in synodi septimæ actione quinta, cum Iconomachi pro se Eusebium testem excitassent, & lecta etiam esset ejusdem epistola, ubi Arrio consensiebat, Tharastius rogavit, Recipimus hoc? Sacra vero synodus dixit: Nequaquam. Hic reliquis est nobis majore odio prosequendus. Et legati Adriani Papæ dixerunt: Ipsa lectio indicat, quod Arrianorum sententiam sapiat. Habet enim ante lectus Eusebii liber & alias blasphemias, quas synodus audire respuit. Sanctissimus patriarcha dixit: Libros illius rejiciamus. Sancta synodus dixit: Rejicimus & anathematizamus. Et adhuc rursus sexta Epiphanius respondens testimonio Eusebii, Eusebius, inquit, ab illis in testem advocatur, qui tamen ab omni catholica ecclesia Arrianæ hæreseos defensor esse cognoscitur, quemadmodum in commentariis suis & omnibus a se editis libris manifestum sit. Et posterius: Quis fidelium, ait, in ecclesia dubitat, Eusebium Pamphili in reprobum seculum tradidum Arrii placitis consensisse? Nam in cunctis historicis suis libellis Filium creaturam vocat, subministrum, secundo loco adorandum. Id postquam ex multis libris Eusebii probavit, tandem asserit, Eusebium duplicis animi fuisse, inconstanterque synodo subscrispisse. Nisquam enim aut librorum suorum errores depulsi, aut apologiam pro se fecit: cum tamen Arrius non obscure testaretur, se sententiæ suæ Eusebium habere studiosum ac fautorem. Et Hieronymus ad Pammachium & Oceanum, Ecclesiasticam, inquit, pulchre Eusebii historiam texuit, sed impietatis Arrii appetitissimum propugnator est. Et ad Ctesiphontem, Eusebium Cæsariensem, ait, Arrianum fuisse, nemo est qui nesciat. In primo certe ecclesiastica historiae suæ libro, filium dicit paternæ voluntatis executorem, qui post patrem omnium sit causa & origo. Item, cum illum psalmi versiculum attulisset, Ipse dixit & facta sunt, ipse mandavit & creata sunt: subjecit: Quibus verbis propheta patrem inducit factorem, tanquam universalem principem regali suo nutu præcipientem: Sermonem vero Dei illi secundo loco addit, non alium

ab eo, qui inter nos prædicatur, paternis iussionibus obsecundantem. Et capite secundo primum affirmat, patri filium in omnium opificio administrasse: deinde patris ministrum in omnibus bonis fuisse, ait. Merito ergo Gelasius pontifex historicæ Eusebii Cæsariensis auctoritatem ademit. Quid? An non etiam absurdum est, ut qui infidelis Ecclesie fuerit, ei fidem ecclesiæ in rebus ecclesiasticis habeat? Experimur sane, hæreticos sedæ suæ non dogmata solum ac præcepta, sed res etiam gestas accommodare: Imo vero torquere atque adeo fingere, ut sciam undique & comprobasse, & ornasse videantur. Hinc enim, quemadmodum supra diximus, Constantinum finxit Eusebium ab Eusebio Nicomedensi baptizatum, quo Arrianorum factioni majorem & fidem & auctoritatem adjungeret. Hinc etiam, cum in synodi Nicænæ mentionem incidit, dogma fidei, quo damnatus est Arrius, altius dissimulavit, in Paschatis questionem repente digressus. Sed ne Arrii quidem unquam in historia sua meminit, callide hominis memoriam præteriens, quem synodi auctoritate obrutus laudare non est ausus, amicitie lege contritiús noluit vituperare. Quæ exdem omnino causæ subsunt, ut historiam Carionis omnes Christi fideles explodant. Quosdam enim summos Pontifices, viros quidem optimos, illius lacerat & cruciat oratio: quosdam vero Imperatores Germanos commendat & illustrat, qui Ecclesie Romanæ perduelles inimique fuerunt. Itaque ex unguibus leonem agnoscere, hoc est, ex laude & vituperatione Lutherum. Quamquam Carionem Lutheri erroribus adhærisse, non est opus conjecturis suadere. Multis quippe in locis aperte ille se prodit. Quocirca mirum est, cur ejus historia non sit cum exteris hæreticorum libris ab ecclesie judicibus explosa, cum plerique tamen cum securi legant, nulla prorsus nota atque animadversione promittit.

Sed ad Eusebium revertamur. In ejus historia ecclesiastica satis Gelasius ostendit, cætera sibi ac concilio placuisse, dum quædam displicuisse commonuit. Itaque si fabulam Abapari, laudisque Origenis ab Eusebio demeres, digna ejus historia esset, cui fides omnino haberetur: præteritum si in ecclesia contra Arrium pugna, non ab

Post scripta
hoc. Carionis
historia
Paulus IV.
condemnavit.

Censura huius
historia
Eusebiana.

Vide epist.
Arrii ad
Euseb. Nic.
commodat.
Euseb. huius
historiam,
Schedule.

Cap. 1. M.
Eusebii inter
picio.

Psalm. 32.

Arrio, sed ab ecclesia sterisset. Ac de ecclesiasticis historiis libris hæcenus. Nam in chroniis admiranda fuit hominis diligentia, magnus omnino labor, varia & pene incredibilis lectio, ac grave prorsus in lectionis varietate iudicium. Nec scio, an quisquam alius inter ecclesiæ sive Latinos, seu Græcos auctores, quavis summa vi, ope, atque opera enteretur, præstantiora nobis posset temporum monumenta relinquere. Tameñ describentium incuria, adeo multis locis vitiata sunt, ut dici sine animi dolore non queat. Sed ne illa quidem, quæ ibi Eusebius refert, vera sunt omnia. Quin reperias aliqua, quæ iure ac vere reprehendas. Cujusmodi illud est, quod eundem scribit fuisse Sennacherib, qui temporibus Ezechie Hierosolymam obsedit, & Salmanassar, qui Sannariam cepit. Id quod divinis literis esse contrarium, Hieronymus in Isaie 36. caput edocuit. Atque Tobie cap. 1. Salmanassar dicitur fuisse pater Sennacherib. At nihil est, ut ille ait, omni ex parte beatum. In opere, ut ita dicam, immenso raro peccatisse felicissimum fuit. Verum de iustis hæc satis.

Sozomenus sequitur, de cuius nos fide & auctoritate dicere Divus Gregorius cogit, qui historiam illius duabus præcipue causis improbavit. Una, quod sepe in ea nientius sit. Altera, quod Theodorum immodice extulerit, quem constat & hæreticum fuisse, & in quinta synodo ab ecclesia damnatum. Equidem Sozomeni mendacia non excuso. Græcus namque fuit, & natio hæc, ut diximus, est, sui que semper ad mentium promptula. Acqui in novem ecclesiasticæ historiæ libris, quos ante hos paucos dies Musculo interprete accepimus, nihil tale Sozomenus scribit, quale secundo loco illi Gregorius objicit. Tantum ait, Theodorum discipulum Libanii fuisse, ad quem prolapsus Chrysostomus epistolam dederit, qui etiam postea episcopus Mopsuestæ fuerit constitutus. Andreas certe in concilio Florentino, ubi pro ecclesia Latina responderet, huius historici testimonium non solum usurpat, sed etiam probat. Cum enim imperator Paleologus interrogasset, num congruum esset, ut synodus historiæ auctoritate niteretur, Andreas illi respondit, ad res gestas cognoscendas synodus historia uti debere. Tum Imperator, Histo-

riam illam, aut, in nostra religione debemus suscipere, quam majores nostri probaverunt, aliam vero minime. Cui Andreas, De Romanorum, inquit, aut Græcorum, aut regum bello historia nequaquam in synodo uti debemus: sed cum historia hæc, scilicet Hermii Sozomeni, ecclesiastica sit, in qua omnium synodorum acta & parum sanctorum defensiones explicantur, cur ei credendum non est? Hæcenus in concilio Florentino sessione 7. Non videtur itaque hoc concilium fidem Sozomeno abrogasse, sed habuisse. Sed huius argumentum responsum facile atque expeditum est.

Illi vero alteri non video quemadmodum responderi possit, nisi dicamus, aut Gregorium alios libros Sozomeni legisse, qui in manus nostras non venerunt, aut memoria lapsum, pro Theodorito, Sozomenum scripsisse. Nam Theodoriti verba illa sunt, quæ Gregorius retulit. Libro quippe historiæ tunc quinto, cap. 27. Theodorum istum doctorem præclarum fuisse scribit. Et cap. 40. Moritur, inquit, Theodorus episcopus Mopsuestias, cum omnium ecclesiarum doctor, tum hæreticæ cohortis profligator. Theodoritus ergo erat eo nomine damnandus. Qui & revera ob hanc causam damnatus est in quinta synodo generali action. 5. canone 13. & 14. At Theodorus canone 12. Meruit etiam Theodoritus ea ex causa damnari, quod impie adversum Cyrillum & primam Ephesinam synodum scripsit, duodecimque Cyrilli capita reprehendit, quæ rectam fidem continebant. Nec vero de Theodorito desperare quipiam debet. Nam, ut Bellarius in oratione, quam pro unione apud patres Florentiæ habuit, affirmat, iun postea cognovit errorem: & in concilio Chalcedonensi palinodium recantavit. Verum ut hæc omnia habeant, illiusmodi errantium patrocina historiæ elevant & auctoritatem & fidem. Quo mihi nomine, ut cetera omittam, Socratis scholastici minus historia placet. Et enim & Origenus ipse quoque patronus est, & Neitorum excusator, & Cyrillum mordet, & Alexandrum velicat, & in rejectione presbyteri penitentiarii homonisanorum innocentiam infamat. De tertia vero regula in historiæ iudicio servanda hæcenus. Ac peripicua sunt hæc quidem, & in vulgari prudentia sita. Nam in

Lib. c. 2.

Lib. 6. c. 12.
& 13. &
Lib. 7. c. 45.
Lib. 7. c. 12.
& 14.
Lib. 10. c.
13. & 14.
& 15. Lib. 1.
cap. 5. & 6.
lib. 3. c. 19.

quibus animi quædam major vis, ac-
torque in judicando prudentia est, ii
sine hisce regulis, exacuendo illam in-
genii aciem vera deligent, rejicient
que contraria. Mihi sane aliquando, &
verum ipsum in scribentis sinceritate,
candoreque relucet, & mendacium con-
tra auctoris quidam angor, & callidi-
tas patefaciunt. Sincera, mihi crede,
veritas est, & si animum purgatum
invenit, ipsa per se recte insuit.
Falsitas circuitiones quærit, & anfra-
ctus, seque verborum ambitu sollicitè
circundat, ac protegit. Atque etiam
cum in historiz ratione quid quemque
deceat, considero, facile intelligo, hi-
storicos non solum falso, sed impru-
denter res quasdam memoriz prodidisse.
Quis enim vel mediocriter pruden-
s ab Apostoli Thomæ, Joannisque
Evangelistæ persona illa non videat ab-
horrere, quæ in rebus eorum gestis re-
feruntur, ut aut illæ injuriæ vindictam
experierit, aut hic rupta veste, suum-
que ipsius caput tundens equum acceperit,
ex ecclesiâ, quantum potuerit,
properaverit, & senex adolescentem ju-
veniliter fuerit insecutus. Non itaque
prudentibus, & ingeniosis judicandis præ-
cepta diligenter elaborata dedimus,
sed, ut dicitur, crassa, pinguique mi-
nerva rudioribus. Nec vero adeo stul-
tus ego sum, ut existimem in has for-
mulas omnia historiz judicia conclusa,
& comprehensa. Sed si quæ fuerunt
præscribendæ formulæ, hæc videntur
potissimum consentaneæ, convenienti-
que fuisse.

CAPUT POSTREMUM.

In quo 15. 16. 17. & 18. argumenta
Capite tertio præposita
refelluntur.

Quamquam ex eis, quæ capite su-
periore diximus, argumentorum
eorum refutatio apparet, quæ 15. loco
16. 17. & 18. sita sunt: sed ordine tamen
refutanda sunt singula, ut scholæ etiam
minutus Theologus morigeretur. Et in
15. argumento quidem Philonis primum
auctoritas quæritur. Quæ sane magna
fuit: sed brevitarum illud temporum
Philonis non fuit, nec libellus alter de
antiquitatibus, quem constat ejusdem
esse farinæ.

Josephi vero in historia fidem non
Romani modo principes, sed viri quo-
que ecclesiæ celebrarunt. Egeßippus bo-
nus in primis auctor, vir probatæ fidei,
ac gravis omnino historicus, Josephum
egregie laudat: quod ad historiz au-
thoritatem pertinet quidem: nam quod
ad religionem, consortem cum facit
perfidiz Judæorum. Hieronymus non
dubitat locum illi inter ecclesiæ scri-
ptores dare, atque adeo ejus de rebus
gestis monumenta inter ecclesiasticas hi-
storias recensere. Eusebius Cæsariensis,
Sozomenus, Nicephorus, ut alios
omittam, miris modis Josephi histori-
am commendant. Quin & Josephus ipse
historiam suam gravibus, probabili-
busque rationibus commendavit. Quæ
non minore faciunt fidem, quam si
eandem ab Hieronymo, aut alio quopi-
am auctore posita fuissent.

At serpentis penam nimium crasse
interpretatur, vim ligni scientiæ boni,
& mali falsam, æstimationemque commemo-
rat: Herodiadem scribit non Philippi,
sed Herodis uxorem fuisse, qui Hero-
dis quoque Terrarchæ frater erat: tem-
plum in secundo anno regni Darii di-
cit esse perfectum: seniorum lamenta-
tiones, cum templi veteris amplitu-
dinem recordaremur, non ad novum
fundatum, sed ad jam consummatum
refert: aliaque demum ait partim scrip-
turæ sacræ, partim veris aliis ac pro-
batis historiis adversa. Plane ait: non
inficior. Sed errores suere ignorantis,
non mendacia fallentis. Neque æquum
est paucis e maculis labem toti narra-
tionis corpori aspergere. Egregius ita-
que historicus Josephus fuit, quemad-
modum Egeßippus affirmat, & verum
indagini, sobrietati que sermonum at-
tentus. Quod vero in temporibus to-
tandis eum quidam reprehendunt, id
jure, an injuria faciant, non facile di-
xerim. Equidem ejusmodi errata in-
doctis, negligentibusque librariis promp-
te, ac libenter assigno. Julii porro A-
fricani quinque de temporibus volumi-
na in manus nostras non venerunt. Quæ
de ejus historiæ fide ipsi per nos ju-
dicare non possumus. Sed extat Gela-
sii præjudicium, quod in argumento ob-
jectum est, idque sequi Theologos o-
portet de rebus ejusmodi judicatos.
Opuscula, inquit, Tertulliani sive A-
fricani apocrypha. Quo in loco an Ju-
lium Africanum voluerit Gelasius im-
probare, non satis expeditum est. Pri-
mum

In proc. 19.
de excid.
Hierosol.

De viris il-
lustr.

Euseb. ec-
cl. hist. c. 9.
Sozomen. l. 1.
c. 1.
Niceph. lib.
1. c. 18.
Lib. 14. cap.
c. 7 & 10.
Euseb. App.
Alex. l. 1. cap. 1.
Lib. 1. cap. 1.

Capit. ult.
fuisse bino-
menum, æs-
timationem
Philippi.
Herodis ux-
orem fuisse.
Sed ne Josephus
quidem ipsum
videtur.

Lib. 1. cont.
App. lib. 1.
cap. c. 1.
Euseb. 1. 1. 4.
& c. c. con-
traria refe-
rentur.

Furiis. In
Philonis
Veritatis
fuerit que
orat in so-
plex, salis
non exens
ambiguitas
quidem i-
psa per se
cogruit. At
sermo in-
iquus, quia
per se sit
morbidas,
medicatio-
na equili-
bria depol-
sit. Euseb.
l. 2. cap. 1.

Respon-
ad 15.

muni enim de Julio Africano nullus veterum malam opinionem habuit. Eusebius vero, & Hieronymus ubique ejus de rebus gestis testimonia colunt. Nec Julius hic est in fidei doctrina reprehensus. Nam quod historiam Susanæ fictam esse credidit, in eo virorum doctissimorum errorem secutus est. Atqui ob peccatum unum, cujus vel probabilis excusatio est, omnia Julii opuscula a Gelasio damnari, non sit mihi profecto verosimile. Eadem quippe culpa, si culpa fuit, Julio fuit cum Doctoribus Ecclesiæ communis. Vix enim reperitis quenquam, qui non in aliquo errarit. Deinde, quorsum Gelasius, quasi nihil interesset, utrum hic, an ille damnaretur, in eam formam censet? Opuscula Tertulliani, sive Africani apocrypha: Atque si duo auctores illi essent nominibus, reque etiam ipsa differentes, more suo Gelasius utriusque singillatim opera condemnasset. Cum autem Tertullianum, sive Africanum una comprehensione notat, non est existimandus auctores diversos, sed eundem intellexisse. Mihi sane hujusmodi conjectura suspicionem asserunt, locum esse corruptum, ut alia in hoc capite pleraque; & particulam, sive, scriptorum vitio additam. Legendum itaque esse, Opuscula Tertulliani Africani apocrypha. Nisi forte Africani cognomen quidam Tertulliano impertiebant: quocirca in eum modum sententiam Gelasius tulerit, ut sive nomine proprio, seu cognomine a quolibet vocaretur, intelligeremus esse damnatum.

Reliqui sunt Eusebius, & Sozomenus, quorum auctoritas quintadecima tandem argumentatione urgebatur. Verum de his auctoribus quid senserim, quid censuerim, capite superiore habes.

Resp. ad 16.

In quintodecimo argumento nullus scrupulus obijciendus est, qui non fuerit excusatus. In sextodecimo autem Innocentii decretum primum obijciatur. Sed ille, si ecclesiæ monumenta probat, non statim gentiliū historias improbat. Sunt hæc, fateor, usui ecclesiastici fori, litiumque vulgarium parum aptæ: quamvis & in hunc usum possint esse aliquando utiles: Sed quibus in locis, & questionibus, quoniam a præfenti instituto alienum est, non est operæ pretium dicere. In sacrarum vero literarum expositione, quod in capite hujus libri secundo fuit diximus,

historiæ profanæ multum omnino valent. Quamobrem si questio circa divinas literas incidat, & concula, & ceteri ecclesiastici judices ejusmodi historias negligere nec debent, nec vero possunt. Nec his solum scripturæ uibus gentium historiæ accommodantur. Quin sunt aliæ Theologis necessariæ, quemadmodum & nobis antea explicatum est, & sequentibus quoque libris explicabitur. Andreas porro in synodo Florentina nihil aliud docet, nisi Græcorum, aut Romanorum bella cognoscere nequaquam ad synodum pertinere. Poterat dicere, Trojanorum, aut etiam Florentinorum. Nam Græcorum, ac Romanorum bella quædam cognita, utilissima sunt prophetarum vaticinationibus explicandis. Sed hæc facillima sunt: cetera persequamur. Quæ & ipsa post ea, quæ retro disseruimus, nihil difficultatis habent.

Sane in responsum decimi septimi argumenti, ne verbum quidem unum adjiciendum censeo, quippe quod, nisi ego fallor, in cap. 6. accurate est, ac diligenter expeditum. Duodeviginti ergo idemque postremum, quam brevissime potero, expediā, quo jam sit tandem hujus loci finis.

Duo igitur argumentorum genera theologus usurpat. Unum est certum, alterum probabile. De utriusque proximo libro est latius differendum. Nunc in pauca restringam. Non est necesse, Theologus certa semper principia summat. Ex incertis, probabilia sint modo, argumentationes aliquando conficit, non ad vincendum quidem, sed ad persuadendum idoneas. Scultus vero Theologus ille erit, qui in omni suo syllogismo res necessarias velit rebus quoque necessariis addicere. Sunt enim nonnulla adeo implicata, & obscura, ut prudentiæ theologice sit, non ea demonstrare velle, sed suadere, non patentius illustrare, sed utcumque expedit.

In hujusmodi itaque argumentorum genere si quis humana fide probabiliter usus fuerit, falli nimirum aliquando poterit, reprehendi sine injuria non poterit. Atque etiam, quemadmodum supra diximus, quædam ita certo humana fides tradit, ut ea in dubium vertere stultitiz sit argumentum vel certissimum. Hæc si in unum suum Theologus vendicavit, nihil salax, nihil imbecillum, ineptumque conciet,

Resp. ad 17. & 18.

ficiet, sed rem veram, firmam, rationique tum humanæ, tum etiam divinæ consentaneam. Verum ab his historiæ partibus, quæ sunt expositæ, quemadmodum ducatur argumentum, satis expositum videtur: Omnia igitur argumenta theologica manare a fontibus decem, dictum est in primo libro. In decem autem sequentibus libris, cuiusmodi argumenta e singulis locis erui possint, ostensum est. Quæ dicta sunt fortasse longius, quam instituta causa postulabat: sed brevius certe, quam res tantas posse a me dici existimaram. In historiæ humanæ auctorita-

tæ explicanda, fateor, magna mihi longitudo orationis fuit. Sed nullus e locis Theologiæ erat, ubi aut latior occurreret discerendi materia, aut me oporteret magis cura, diligentia, industria elaborare. Quod etsi minus præstigi, quam rei magnitudo desiderabat, non tamen frustra elaboravi. Admonere enim reliquos potui, ut accuratius scribant, & res vel meliores addant, vel supervacuas detrahant, vel disperse, & diffuse dictas angustius, & contractius astringant: breviter, si quid norunt rectius istis, candidi imperiant.

DE
LOCORUM USU
IN
SCHOLASTICA DISPUTATIONE.
LIBER DUODECIMUS.

Ad Librum Duodecimum Proemium.



Ratrem Franciscum Vi-
ctoria, Lector optime,
cum quem summum theo-
logiz præceptorem Hi-
spania Dei singulari mu-
nere accepit, solitum di-
cere audiui, postquam
ab illius schola discessi, se ingenio meo
quidem egregie delectari; sed id veri-
ri, ne hujus excellentia quadam clau-
tus, & exultans immoderate jactaret,
& grandior effectus, non late modo,
& libere ingrederer, sed temere etiam,
ac licenter præceptoris vestigia concu-
carem. Audierat enim, me opinionem
ipsius unam, & item alteram non pro-
basse. Vellem autem de nobis ea vere
dicerentur, quæ ille pro nimia sua in
filium indulgentia dicebat. Sed si minus
imitatione tantam ingenii præstantiam
consequi possumus, voluntate certe pro-
xime accedimus, magistrumque cona-
mur exprimere. Nimirum si doctrinam
meam approbet quispiam, quæ utinam
eruditorum opinione digna esset: si in
rerum judicio prudentiam, quæ utinam
esset digna nostro cognomine, si ora-
tionis cultum, quem elegantiorum ad-
hibere soleo, quam consueverunt scho-
lastici in libris suis: in hoc sumus do-
cti, prudentes, & facundi, quod virum
hunc rerum earum omnium ducem o-
pinum sequimur, atque ejus præceptis,
monitisque paremus. Quod vero ad a-
nimi moderationem attinet, quam vir
in me modestissimus desiderabat, in eo
dedi operam, ut timorem illius ego fal-
lerem. Effecerim, an non, alii inco-
ruptius judicabunt. Sane si qua in me
temeritatis culpa est, vix eam excusa-
tione alicujus rei tegere, & adumbrare

possim, qui sciam, parum ingenium
valere quamlibet excellens, & eximi-
um posse, nisi prudentis intelligentiæ
freno, & definita animi moderatione
gubernetur. Quanquam illos probare
non soleo, qui velut sacramento roga-
ti, vel etiam superstitione constricti,
ut Fabii verbis utar, nefas ducunt a
suscepta semel persuasione discedere.
Theologo nihil est necesse in cuiusquam
jurare leges. Majus enim est opus, at-
que præstantius, ad quod ipse tendit,
quam ut magistri debeat vestigiis sem-
per insistere, si quidem est futurus Theo-
logiz laude perfectus. Memini de præ-
ceptore meo ipso audire, cum nobis
secundam secundæ partem cõpisset ex-
ponere, tanti Divi Thomæ sententiam
esse faciendam, ut si potior alia ratio
non succurreret, sanctissimi, & doctissi-
mi viri satis nobis esset auctoritas.
Sed admonebat rursus, non oportere
sancti Doctoris verba sine delectu,
& examine accipere; imo vero si quid
aut durius, aut improbabilius dixerit,
imitaturos nos ejusdem in simili re-
modestiam, & industriam, qui nec aucto-
ribus antiquitatis suffragio comproba-
tis fidem abrogat, nec in sententiam
eorum, ratione in contrariam vocan-
te, transiit. Quod ego præceptum di-
ligentissime tenui. Non enim ullam,
non Divi Thomæ dico, sed ne Magi-
stri mei opinionationem quidem revocavi
ad arbitrium meum: nec cordi tamen
fuit jurare in verba magistri. Nam &
vir erat ille natura ipsa moderatus:
at cum Divo etiam Thoma aliquando
dissentit, majoremque, meo judicio,
laudem dissentiendo, quam consentien-
do assequeretur: tanta erat in dissentien-
do reverentia. Sed hæc hæc. Multa enim sæpe laudandi præcepto-

De Lector. nſu in Schol.
ris noſtri gratia dicemus. Nunc ad reli-
quas partes propoſiti operis reverta-
mur.

De locorum uſu tres libros pollicitus ſum : Unum in ſcholaeſtica pugna : alterum in ſcripturae ſacrae expoſitione : poſtremum ſpeciatim adverſum fidei Chriſtianae ſingulos inimicos, Hæreticos, Paganos, Judæos, Saracenos. His enim rebus 12. 13. & 14. librum impartiri. Atque, ut ad præceptorem redeam, locorum uſum in ſcholæ con-
certatione, præſertim ſi tractare ille voluiſſet, graviffime, & copioſiſſime poſuiſſet ſcribere. Sed quoniam nulla ejus ingenii monumenta mandata literis, nullum opus eruditionis, nullum doctrinae munus extat, nos ad hujus rei ſcribendæ operam omne ſtudium, curamque convertimus. Cum enim tota Theologia frugiſera, & fructuoſa, nec ullâ pars ejus inculcata, ac deſerta ſit, nullus ſeracior in ea locus eſt, nec uberior, quam de locorum uſu & argumentis, quæ a locis Theologiæ ducuntur. Quare quantum conſecti animo poſſum, quantum labore contendere, ſi ſcribendi hæc labor eſt potius, quam voluptas, tantum ſciam, ut efficiam, ne cum omnia a præceptore mihi ha-
rum rerum principia ſuppeditata ſint, ipſe mihi præceptor item meo videar deſuiſſe. Hujus enim clariſſimi viri eruditionem memoriæ prodimus, atque ei, etſi nequaquam parem illius ingenio, at pio noſtro tamen ſtudio meritam gratiam, debitamque reſcribimus. Quanquam poſtulo ab iis, qui hæc in manus ſument, ut majus quiddam de magiſtro meo, quam quantum a me exprimi poteſt, ſuſpicentur.

CAPUT II.

*Quid Theologia ſit, quæ ei obſecta
res, quis ſinis.*

Propoſitum eſt nobis hoc libro de locorum Theologicorum uſu in ſcholæ diſputatione dicere. Id quo recte, atque ex ordine fiat, optimum fuerit initio deſignare, quidnam Theologia ſit : quæ illius quali ſubjecta materies ; quis ſcopus, in quem Theologo ſtudia diſtingenda ſint omnia. At Theologia quidem, ſi Græcam vocem in Latinam vertimus, ratio eſt, ſermoque de Deo. Omnis autem, quæ ratione & via de aliqua re ſuſcipitur inſtitutio, eſſentiam

Diſſ. Lib. XII. Cap. II. 341
& potentias, quas vocant, ac cætera omnia veſtigat, quæ illi rei ſunt peculiariter ac proprie tributa. In Theologia ergo facultas quædam intelligitur, quæ Dei naturam, vim, & proprietates inquirat. Nec vero Theologo latius eſt, quæ Deo in ſe absolute conveniunt, ea facultatis ſuæ viribus, juribusque tribuere, niſi etiam illa vendicet, quæ Deo quaſi accidunt in ordine ad creaturas. Dei enim notionem omni ex parte rimatur. Bipartita igitur eſt Theologiæ tractatio : una de Deo ſecundum ſe, altera de eodem, quia rerum eſt principium ac ſinis. Nec Theologus tamen ſumma & inſima, divina & humana miſcet, ſed adeo articulatæ, clare, artiſcioſe hæc componit illis, his illa jungit, ut non modo nullam ſibi viciffim obſcuritatem afferant, verum etiam utraque utriusque adhibeant lumen. Quid? quod ſicut ſolem in-
tueri nequimus adverſum, ejuſque radii acies noſtra, ſenſuſque vincitur : ſic ad divinae lucis obtutum mentis noſtræ oculi hallucinantur, & caligant. Quamobrem necesse eſt, ut Deum ſua natura inviſibilem in effectis ceu in umbra, in ſpeculo, in imagine, in ſignis, in veſtigiiſque cernamus. Inviſibilia enim iplius, a creatura mundi, per ea, quæ facta ſunt, intellecta conſpiciuntur : ſempiterna quoque ejus viuit, & divinitas. Cum vero inter omnia, quæ oculorum ſenſu percipimus, rationalis creatura ſimillima Deo ſit : ad imaginem quippe Dei factus eſt homo : nihil perfectio invenias, in quo divina bonitas, poteſtas, & ſapientia magis eluceant. Quare Theologiæ diſciplina, quamvis de Deo ipſa præcipue ſit, plurimum tamen circa homines, humanaque verſatur : & cum ex homine, tum ex iis, quæ Deus homini ſecit, atque effectiſ, Divinae naturæ cognitionem quærit. Quod ſi potentiam, benignitatem, & providentiam Dei indagare, & proferre proprium theologiæ munus eſt, de ſine, quem Deus non alium, quam ſeipſum hominibus comparavit, deque mediis ad hunc finem neceſſariis, virtutibus, legibus, gratia, incarnatione, ſacramentis, longiſſima licet Theologi diſputatio, non eſt ab inſtituto Theologiæ aliena, non ſolum eo eam cauſam, quam Divus ſane Thomas gravem reddidit, ne Theologia, quæ effectiva etiam eſt, non modo ſpeculativa, man-
ca, & immunda hac parte omiſſa lin-
que-

Rom. 1.

queretur: sed multo magis quod ex res Dei ipsius probitatem, æquitatem, virtutem, integritatem, beneficentiam, liberalitatem, misericordiam, patientiam, longanimitatem insigniter & præclare patefaciunt & illustrent. Cujus rei ignoratio causa quibusdam erroris illius fuit, ut existimarent, disciplinam hanc non esse contemplantam gratia inventam, sed agendi. At enim quibus argumentis utantur, videamus.

Primum contemplationis tractatus, inquit, longe minor est, quam actionis. Illi enim D. Thomas primam summæ suæ partem dedit, huic secundam & tertiam, quæ voluminis magnitudine illam singulæ etiam exuperant. De fine rursus ac mediis disputare, ad eam facilitatem sine dubio pertinet, quæ aliquid molitur & agit. Nimirum non ad mentem ea, sed ad effectum referuntur. Cum ergo de fine & mediis humanæ vitæ plurimam Theologus disputationem instituat, fieri videtur, ut Theologiæ vis non in cernendo potissimum, sed in agendo sita sit. Theologiæ insuper & divinarum scripturarum idem est finis. Nec enim finem alium disciplinæ ejusdem principia ac conclusiones habent. At divinarum omnium scripturarum finis dilectio est, ut Augustinus, Gregoriusque testantur. Non ergo Theologiæ præcipue ad contemplantum tendit, sed ad amandum.

Præterea, quæ doctrina cujuspiam est speculatrix venatrixque naturæ, oculos maxime ad cernendum postulat, non ad agendum vires. Nec stultitiam eos arguit, qui in actione torpent, sed qui sunt in speculatione tardi. At scriptura omnis a discipulis opera exigit, eoique cessatione torpentes tanquam vanos & otiosos reprehendit. Non igitur speculandi causa hæc doctrina potissime traditur, sed agendi. Ad hæc, fides in charitatem refertur, non e contrario in fidem charitatis: ut ex Math. cap. 22. & ex Apostolo 1. Corin. 13. colligitur. Notitia ergo principiorum Theologiæ, quam notitiam fidei vocabulo accipimus, diligendi causa primum omnium fidelibus data est. Causa quippe τελειωσις, quam finalem possumus interpretari, eadem & prima & principalis est. Quod si notio principiorum doctrinæ hujus actiua est, fides scilicet, quæ per dilectionem operatur, conficitur sane, doctrinam quo-

que ipsam ad mores primo, vitæque actionem attinere. Item si fides speculationi quædam est, non moralis disciplina, unde illud, Fides sine operibus mortua est? unde illud rursum? Ad dandam scientiam salutis plebi ejus in remissione peccatorum meorum? Nam scientia salutis corporalis in praxim maxime spectat, in contemplationem non item. Quid illa? Dedit illi scientiam sanctorum. Scientia sanctorum prudentia. Omnis scriptura divinitus inspirata utilis est, &c. ut perfectus sit homo Dei ad omne opus bonum instructus. Hæc autem scripta sunt, ut credatis, & ut credentes vitam habetis in nomine ipsius. Qui dicit se nosse Deum, & mandata ejus non servat, mendax est: aliaque hujus generis sexcenta, quæ in divina passim scriptura reperiuntur. Ex quibus omnino videtur effici, Theologiam non esse speculatricem, sed effectricem: atque adeo finem ejus præceptum non esse contemplationem, sed actionem. Id quod opinati sunt scholastici quidam Theologi in primis clari & nobiles. Qui in ea re Magistrum forte sequuntur, hanc disciplinam esse usû & fructione partientem. Nec intelligunt doctissimi viri (sic enim mihi modestissimum est vocare illos) alium esse finem doctrinæ, alium doctoris: vel, ut verbis differentibus rem fere eandem exprimamus, alium esse finem doctrinæ primarium, alium postremum: Ut si verbi causa dicimus, vini duos esse fines, unum ad bibendum, alterum ad medendum. Charitas ergo docentis Dei, atque ea re doctrinæ quidem hujus finis est: at non primus, sed secundus. Nam & cognitio contemplatioque naturæ, ut ait eleganter Cicero, manca quodammodo atque inchoata est, si nulla actio rerum consequatur. Vani sunt, Sapiens inquit, omnes homines, in quibus non subest scientia Dei, &c. & alius item: Quia cum cognovissent Deum, non sicut Deum glorificaverunt, sed evanescerunt in cogitationibus suis, &c. Quapropter si ex fine secundo naturam disciplinæ consideres, jam tibi physica inter actiua numerabitur. Quid? quod finis noster primus, ut Divus Thomas verissime sentit, visio Dei est clara & manifestata? Quia vero finem illum adipiscimur mente & voluntate, cognitione & amore, sit, non ut cognitio ex se amorem, sed

Jacob 1.

Lucæ 1.

Sapient. 10.

Prover. 9.

1. Tim. 3.

Joan. 10.

1. Joan. 3.

1. dist. 1.

1. de doct.
Ch. vit. cap.
13 & 16.
Rom. 10. in
Execu.

Math. 7.

Jacob 1.
Sap. 11.
& alibi in
proprio
modum lo-
qui.

Sap. 13.

ad Rom. 1.

12. de Trin.
c. 14. & 15.

sed ut utraque res ad visionem referatur. Quod si cognitio vix ex se non nisi ad patris cognitionem referenda est, quinvis illa non sit per se idonea, nisi ei affectus dilectionis jungatur, visio vero Dei, cuius fides seminarium est, contemplatio potissimum est, non effectio; sequitur Theologiam maxime speculativam esse, non practicam. Liceat enim, quando de scholæ disputatione habetur oratio, scholæ verba usurpare. Adde, quod Theologia Dei naturam, potentiam, & proprietatem inquirat. Est ergo Deus hujus scientiæ proprium objectum, atque adeo speculationis causa comparatur. Atque August. aperte docet, sapientiam, de qua Apostol. 1. Corinth. 12. loquitur, intellectualem notionem esse & contemplationem rerum æternarum. Sine dubio autem sacra doctrina sapientia est, eaque re speculativam esse constat. Quod, ut cætera taceamus, vel Theologiæ nomen præ se fert. Quemadmodum enim non solum asserere, sed etiam addubitare stultissimum est, num Physiologia Astrologiaque speculatrices sint, an effectrices, quod nomina ipsa insigniter egregieque declarant, contemplationem rerum ingeri, non mores & actionem; tamethi Medici, Nautæ, ac cæteri, qui rebus publicis addicti & destinati sunt, otiosam naturæ astrorum notionem aspernantur & fugiunt; quæ actuosa est, eam & amplectuntur & colunt, sic ambigere, Theologia speculatrix ne sit, an effectrix, a communi etiam mediocriusque intelligentia & sensu remotum est: utpote cum nihil aliud illa sit, quam ratio sermonis de Deo. Quamquam viri prudentes vacantem illam & otiosam esse nolunt, sed ad humanæ vitæ & usum, & finem accommodant. Præterea, Theologia omnem de Deo cognitionem tradit, sive ea per naturæ lumen, seu divino solum munere & illustratione habeatur. Cum igitur speculetur quicquid de Deo cognoscere humana ingenia possunt; nimirum aut speculativa est, aut scientia de Deo nulla esse speculativa potest. Quod licet nonnulli huic argumento dederint, adeo tamen absurdum est, ut retelli non debeat. Quid? quod Theologia nostra divinæ sapientiæ quædam impressio est, quæ eadem & speculandi vim habet & agendi: Nihil igitur obstat, cur non idem lumen vulnus Dei, quod signatum est super nos,

utraque ostendat, & quæ contemplari oportet, & quæ agere: Sicut anima rationalis, quod formatum omnium præstantissima sit, vires quidem excellenter habet & sentiendi & vigendi, sed in ea tamen vis intelligendi prima eademque præcipua est. Nec vires illa exercet reliquas, nisi ut proprio tandem intelligentiæ munere perfungatur.

In hunc itaque modum Divus Thomas scienter ac perite dixit, Theologiam muneribus utriusque fungi, & speculandi & agendi, quamvis magis speculetur, quam agat. Non enim agit, nisi quia agendo ad perfectam Dei cognitionem tendit. Quibus rebus breviter explicatis, illa tria perspicue satis, & plane intelliguntur, quæ a principio hujus capituli exponenda suscepimus: nempe quamvis sit Theologia propria notio ac definitio: quæ rursum illi subiecta materies, circa quam ipsa versetur: quis tandem illius finis tum primus tum secundus. Theologia scientia est, quæ docet, quidnam natura divina sit, & quæ naturæ ejus vires ac proprietates. Deus ipse est doctrinæ huic objectum subiectumque propositum, & quasi versanda materia: his enim modis res, quam facultas quilibet mente tractandam cognoscendæque proponit, a Philosophis appellatur: Finis primarius quidem naturæ divinæ notio, & contemplatio per Dei potentias, virtutes & proprietates explicata: postremus autem earum rerum actio, quæ ad mores sunt, ac bene beateque vivendum necessaria. Et quidem quævis loci Theologici habeant, vitæ moribus & actionibus accommodatum, non institui in præsentia dicere: quamvis magnus ille omnino sit, & qui nobis differendi præstaret valde utilem copiosamque materiam. Is tantum usus, ut supra dixi, nunc mihi expediendus est, quem Theologus capere e locis potest, si in scholæ disputationibus illos verset & tractet, cum scilicet, quantum potest, tantum cognoscere curat de Deo rebusque divinis. Non autem mihi excidit, scripsisse me in libro quinto, cum de ecclesiæ auctoritate in morum judicio dicerem, duplicem esse de rebus Theologicis questionem: unam, quæ ad contemplationem attineret, alteram, quæ in moribus atque usu vitæ sita esset. Quod a quibusdam sic accipi potest, tanquam hoc, quod nunc habeo institutum,

priori diversum sit. Id vero a me procul aberit. Namque aliud est locorum usum Ecclesiasten in concione docere, ubi de moribus aut hortando, aut dehortando agitur, aliud Theologum in usu locorum instituire, cum in morum questionem incidit, sive illa sit earum rerum, quas scire, ad salutem est necessarium, sive earum etiam, quæ fuerint opportuna. Atque concionatoribus, quemadmodum loca Theologica usurpare debeant, præscribere, id ego hoc tempore prætereundum censui.

At quoniam questiones fidei & morum a Theologo eadem via & ratione tractantur, quum in disputationem Theologiæ veniunt, id ambigendum non est, quæ superiorum questionum præcepta fuerint, eadem ad sequentes pertinere. Hæc enim est una responsio, ut non differat multum inter fidei decreta & iudicia morum; eaque est ex eisdem locis eademque propemodum forma tractanda. Nec vero velim, ut rursum me quispiam in tam frigida, tamque jejuna calumnia remoretur, quod Theologiam simpliciter, & absque ullo temperamento scientiam nuncupaverim: Quasi nescirem, Aristotelem in scientia evidentem, & claram conclusionis notitiam exigere: Cujusmodi quum in principis Theologia non habeat, ne in conclusionibus quidem habere potest. Pugnatur enim, rationis conclusionem discedam, apertam & manifestam effici, si res, e quibus illa colligitur, obscuræ, operæ, atque involutæ sunt. Porro autem si non ut Aristoteles, ut sacri auctores, sic nos certa loquimur, qui doctrinam hanc scientiam absolute vocarunt. Scire, Augustinus inquit, quemadmodum fides & piis opituletur, & contra impios defendatur, proprio appellare vocabulo scientiam videtur Apostolus. Illud autem sine dubio minus Theologiæ proprium & officium est. Et Hieronymus, ut alios omittam, scripturæ sacræ doctrinam, quam Theologi profitentur, scientiam sapientiamque passim appellat. Quin sacræ iterum, ubi res certa est, ibi nullo modo sciendi vocabulum reimportant. Nota sunt, Scio quod redemptor meus vivit, &c. Item, Scio, quod certissime regnaturus sis, &c. Item, Dedit illi scientiam Sanctorum. Item, Scientiam Dei invenies, quia Dominus dat sapientiam, & ex ore eius prudentia & scientia. Et Apostolus,

Alii quidem per spiritum datur sermo sapientiæ, alii autem sermo scientiæ. Præterea evidentiam Aristoteles in disciplinis flagitat, ut rerum cognitio nec fallere possit, nec mutari. Firmam enim immutabilemque notionem scientiæ vocabulum postulat. Cum igitur quæ res in fidem ac Theologiam incidunt, quæ ratione in eas incidunt, stabiles immobileque sint, nec in eis Theologus errare, labi, aut decipi queat, sit, ut sine perspicuitate etiam Theologia scientiæ proprie sibi appellationem vendicat. Quæ eadem causa subest, ut disciplina hæc circa res etiam contingentes, hoc est, sua natura minime necessarias, sine sui nominis impendio & iactura veritetur. Necessitatem quippe in doctrina idcirco Aristoteles requisivit, quod sine ea nec rerum nec cognitionis stabilitas & immutabilitas appareret. At causæ vel fortuito antegressæ, harumque effecta, suapte natura parum firma & constantia, ut sub Theologiam & fidem cadunt, non mobilia & quæ modo huc atque illuc transferantur, sed certa innutataque perinde ac perennia manent. Quamobrem utraque Deus proprio scire dicitur, & quæ necessario eveniunt, & quæ nobis in casu & fortuna sunt posita. Rite ergo theologiam scientiam dicimus, in qua certitudo immobilis, firma constantia, & ut ita dicam, infallibilitas cognitionis est. Quid quod Musica & Astronomia a plerisque scientiæ nuncupantur, & tamen vix unus aut alter eorum siderumque errantium conversiones, a quibus disciplinæ illæ nunc pendent, proprio vel instrumento vel experimento exploravit? Quin Astrologi fere juniores veterum experimenta, tanquam certa earum rerum præjudicia sequuntur, quas ipsi tractandas, judicandasque suscipiunt. Theologia igitur jure quoque scientia vocabitur, præsertim cum hujus doctrinæ principis accidat, ut obscure nobis sint cognita. Nimirum enim, si nobis perspicua ac dilucida forent, nihil secus suum hæc disciplina & nomen & rationem tueretur. Ac re vera, si modo Aristoteles viveret, non aliud nomen inveniret, quo Theologiam aptius & congruentius appellaret, Nam fidem dicere, quæ non auctoritati proxime, sed rationi & syllogismo innititur, absurdum est. Alioquin si prior propositio

24. de Tril.
cap. 4.

Job. 19.
1. Reg. 14.

Sap. 25.

proverb. 2.
1. Cor. 12.

cer-

certa ex fide sit, posterior autem ratione naturæ probabilis, conclusionis fides erit, non opinio. Quod plane falsum est.

Theologiam ergo, quando aliud melius non occurrit, scientiæ vocabulo nuncupemus. Firma enim & stabilis earum rerum perceptio & comprehensio est, quæ certis constantibusque principis manifesta connexionē nectuntur. Nec enim illud vere dici potest, theologiæ consequentias probabiles & obscuras esse, non evidentes & firmas. Cujus rei argumentum ponunt minime acutum, sed in primis hebes, quod si ecce esset, claraque connexio, conclusiones non jam ad theologiam, sed ad fidem attinerent. Verum hæc ratio ridicula est: juve itaque a plerisque reprehenditur. Est enim facile & apertum fidei theologiæque discrimen: quod fides proxime, & ut sic dicam, immediate auctoritate nititur; Theologia vero proxime & immediate ratione. Habent enim se, quemadmodum supra dixi, fides & theologia non alter, quam habitus principiorum & scientia conclusionum. Et sicut naturæ lumen absque ratiocinationis medio, principiorum naturalium notitiam efficit: ita lumen fidei nullo adhibito rationis argumento, earum rerum persuasionem facit, quibus fideles assentuntur, divina solum auctoritate nixi. Non igitur consecutionis evidentia & firmitas Theologiam tollit, sed facit: non aufert, sed infert. Quamquam sunt in hac, sicut & in aliis disciplinis, opinionationes quædam rebus incertis exploratisque permixtæ. Ac quemadmodum doctrina physica, naturæ licet ipsa congruens & consentanea, non omnes conclusiones explorete conficit; sed quasdam probabili argumentatione suadet: sic plurima Theologus pronunciat quidem constanter, certo, fidenter, in quibusdam tamen præclare agsecum putat, si verisimile quod sit, invenerit. Nec arbitratursese scire quod nesciet: aut perinde ut si omnia certa essent Theologiæ dogmata, nihil formidat, nihil ambigit: sed illud cavet & providet, ne universis temere assentiens, & valde cuncta asseverans, earum etiam rerum auctoritatem, quæ sunt certiores & illustriores, amittat. Sed ad rem. Cum incerta connexio est, vel altera propositio est incerta, quæ cum fidei principio sumitur, conclusionis opinio erit, Theologia pro-

prie non erit. At si ve ambo syllogismi principia fidei sunt, seu alterum ex fide certum, alterum ex natura evidens, conclusio ad Theologiam pertinebit: modo conscientio aut clara luce naturæ sit, aut fidei illustratione cognita. Haud enim secus, quod etsi dixi, sæpe ac sæpius dicturus sum, haud secus, inquam, ejusmodi conclusionis scientia refertur ad fidem, quam ad habitum principiorum naturales disciplinæ. Quæ quoniam ita sunt in promptu, ut res argumentatione non cgeat, his omisissis pergamus ad reliqua.

CAPUT III.

Quæ sint Theologiæ principia.

ENimvero cum disciplina omnis quosdam habeat fontes, quos scientiæ principia dicimus, quosdam deinde rivulos, quos quasi scientiæ fines, conclusiones appellamus: necesse est Theologo usum locorum paraturo discere, ante omnia, quænam facultatis suæ causæ & principia sine, quæ effecta causis illis principiiisq; connexa. Principia vero Theologiæ primum cognoscenda sunt: nam his cognitis, multo facilius extrema intelligemus. Sed quoniam decem locorum generibus propositis adjunximus causas cujusvis generis, easque res ante constitutum, quibus cuiusque vis & natura continetur: non deerit fortasse, qui tractationem hanc superfluum esse contendat, imo ea etiam omnia, quæ dicere de locorum usu instituiamus. Argumentabitur enim theologiæ non alios esse fontes ac locos ipsos, quos dispo etiam indicavimus: tamque aperte & clare singulorum vires & naturam explicuimus, ut facile ex quoque loco possimus, nisi sumus valde tardi, argumenta colligere. Quid? (nam & hoc dicit aliquis) nonne & ante nostram hanc artem, si modo hæc ars est, Theologi & argumenta invenerunt, & alia ex aliis necessitates rem theologicam via & ratione tractarunt? Num divus Thomas perfectus absolutusque Theologus, si hanc theologiæ partem necessariam judicasset, eam penitus intactam omisisset? A quo non verisimile est, cum cæteræ partes Theologiæ bene descriptæ sint, extremum acum tanquam ab inerti poeta esse neglectum. Quid i-

gitur laborare opus est, aut in quo evigilare curas & cogitationes nostras: siquidem nihil locorum usu explicandum parere tale possumus, nihil consequi, quod sit Theologis magnopere utile & necessarium? Sed non poterunt huiusmodi arguitur mentem meam, e sua sede & statim dimovere. Ego enim sic mihi persuasi, sic sentio, has nostras de locis præceptiones plurimas res continere: quoquo se Theologus verterit, præsto esse, nulla disputatione excludi. Nam siue argumentum quaeritur ad Theologiam probanda dogmata firmissimum, siue ratio ad sacras litteras explicandas aptissima quaeritur, aut hæc ars est, aut nulla omnino, per quam ea assequamur. Nullam vero dicere maximarum rerum artem esse, cum minimarum sine arte nulla sit, hominem est parum considerate loquentium, atque in maximis rebus errantium. Sed hæc, quibus ad locorum cognitionem & usum cohortamur, accuratius essent forsitan disputanda. Quod aliis quidem libris fecimus.

Hoc autem tempore tantum nobis declarandum fuit, cur D. Thomas diligentissimus absolutissimisque Theologus hunc de locis tractatum dereliquerit, si tam est, quam nos dicimus, theologo necessarius. Et quidem Div. Thomas in 1. part. quest. 1. artic. 8. ad secundum, restricte breviterque, ut solet, theologix locos indicavit, non omnes, sed plerosque. Quin etiam, ut homo minime ingratus illi me dedam, cui me tantopere debeo, & huius officii servitutem astringam testimonio sempiterno; Divus Thomas mihi & auctor & magister fuit huius operis componendi. Sed ille locorum sere naturam explicuit presse & anguste, ac suo denuo modo. Non enim dilatat argumentum, sed quasi punctis, quod proponit, efficit. Rationem autem tractandi locos ipsos, nec Divus Thomas, neque alius quisquam, quod equidem sciam, conatus est explicare. Quod idem Aristoteles in locis dialecticis fecerat, qui locos ipsos varie ac fute quidem complexus est, sed non ostendit, quomodo inveniendum sit ex ipsis, neque usum eorum demonstravit, qui in hac re ceter maximus & potissimus: sed usum nescio quem ad probabilium & communium argumentorum inventionem literis prodidit, quem ignorare eruditi possunt, nec magnam

eruditionis jacturam facere. Quanquam 1. Topic. lib. ambitiose forte magis, quam vere, quæ in Topicis a se traduntur, ea quatuor usus habere ipse Aristoteles jactat. Quid igitur? si divus Thomas locorum usum silentio præterivit, persecutus nisi aliquis casus aut occupatio consilium ejus prevenisset; aut si non res has consulto & iudicio persequi instituit; certe vel non omnia possumus omnes, vel divinæ procurationis fuit, ut priores aliquid posterioribus reliquerint, in quo elaborare quoque ipsi, & exercere utiliter non solum memoriam, sed etiam ingenium possent. Hanc igitur partem relictam explebimus nullius adminiculis, sed, ut dicitur, Marte nostro. Nec enim quicquam de locis Theologix post Divum Thomam explicatum est, quod mihi probaretur de iis, quæ in manus nostras venerunt.

Quemadmodum igitur in re militari solet, ubi dux non satis esse putat militibus arma dare, sed docet, quomodo sit ipsis utendum, manus illorum aptat, componit gradus, quando fugere adversarium debeant, præcipit, quando insequi, quando fidere viribus, quando arte uti, quando ferire hostem, quando ejus ictus eludere; ducit denique in aciem, præscribit ordinem, locum assignat, de quo injussu suo non liceat eis decedere: sic mihi videtur facturus, si discipulos meos & informare & instituire ad effigiem absolutæ cujusdam eruditionis volo. Nec verbis modo præfinire hæc habeo, sed arreptis etiam telis in ludicrum certamen descendere ad exemplum posterorum. Quæ tamen non ad vulnus, sed ad speciem valere videntur, non inutilia erunt tamen. Quidquid enim in his rebus ad aspectum venustum est, idem utiliter sit ad veram pugnam, si quando illa cum adversariis committatur. Quod si quis sine arte id quod artis est, effecit, permittat, obsecro, mihi, meique simulibus, ut artem & præcepta adhibeamus. Sunt prata, quibus natus & indigenitalis humor interius infusus est. Sunt, quæ nisi extrinsecus humore allapso irrigari non possunt. At disseruerunt Theologi nonnulli ante me valde feliciter. Primum, idem erant expeditus certissimè facturi, si hoc genus exercitationum nostrarum degustassent. Quamlibet ager fecundus sit, fecundiorum eum tam

men faciet agricola, si diligenter & studiose colat. Sic igitur etiam ingenius magnis præditi quidam, copiam in Theologia differendi sine arte consecuti sunt; ars tamen, ut Tullius ait, est dux certior, quam natura. Aliud enim est argumenta congerere, aut potius spargere ac dissipare, aliud eadem via & artificio premere. Nam qui sciet, ubi quidque positum sit, quaque eo veniat, is etiam si quid obrutum erit, poterit eruere, semperque esse in disputando suus. Non itaque si nulli fuerint, qui locos artificiose digestos generatim composuerint, nulli qui partem hanc Theologiæ dissolutam divulsamque conglutinarint, & ratione contrinxerint; statim nostrum hoc opusculum supervacaneum erit, imo vero eo magis necessarium doctis & ingeniosis fortasse, tardis & rudioribus sine dubio.

Deinde non mihi videntur scholastici Theologi: fatendum est enim quod sentio: admodum compositæ & ordinate disputationes Theologiæ distinxisse. Divum Thomam semper excipio, apud quem mirabilis est contextus rerum, summus questionum & articulorum ordo, & compositio disciplinæ incredibilis. Adeo respondent extrema primis, media utrique, omnia omnibus. Nam de argumentorum copia quid attinet dicere? cum de infinitis prope questionibus in utramque partem differendi tanta illi facilitas & abundantia fuerit, ut non contra omnia semper, sicut Archefilas, disputaret; & tamen, ut in omnibus rebus quicquid ex utraque parte dici posset, expresserit. Cæteri scholæ auctores, perturbatione rationis atque ordinis multum omnino peccaverunt: Magistrum videlicet secuti, in cuius quatuor sententiarum libris multa quidem lectio sanctorum apparet, & pro tempore illo haud mediocriter sane eruditio. Sed præter disfunctionum vocabula, in quas libri illi divisi sunt, nihil distinctum fere videas, recteque & ordine distributum. Testimoniorum congeriem dicas potius, quam dispositionem & rationem disciplinæ. De Trinitate prima est illi disputatio. Ita prius relata, quam absoluta persequitur. Nam de iustitia & misericordia Dei in 4. sentent. quasi præteriens disputavit. De virtutibus in tertio. De vitiis quibundam item in quarto. In-

numera sunt ejusmodi confusæ ab illo perturbateque tractata. Quam ob rem scholasticis, qui hujus vitiis inhaeserunt, consula etiam fere ac perturbata sunt omnia. Nec magistram ego volo fraudare suo veteri nomine, magnum utique, ut ætate illa, virum, & quem jure coluerint posterum. Nec scholasticorum laudi, quam multorum seculorum firmavit opinio, detrachere quicquam volo. Sed ingenue ac libere dico, quid in illis desideretur, quidque illi præstarent homines ingenio doctrinaque præstantes, nisi differendi artem neglexissent. Nam quod spectat ad argumenti inveniendi rationem, fontes quosdam videntur etiam ignorasse: adeo nulla ex quibusdam eorum fontium argumenta proferunt. Quotus enim quisque ex traditionibus Christi & Apostolorum argumentatur? Atque ex conciliis raro, ex sacris litteris non adeo frequenter, ex historia vix semel. At mea quidem sententia nemo poterit omni laude esse cumulatissimus Theologus, nisi & erit horum locorum omnium scientiam consecutus, & ex eis promptum, expeditumque paravit ad argumentandum usum. Nam de locorum natura & vi quidem satis fateor supra a me dictum.

Sed in eisdem nunc non frustra verfabimur, cum docebimus, quinam eorum locorum usus sit, & quemadmodum ex eis argumenta ducenda. Id quod non omnibus ita facile est, ut nec præceptis nec exemplis nostris indigeant. Sed hæc hæcenus. Jam ad instituta pergamus. Ac ne plura, quæ sunt pene innumerabilia, coniecter, comprehendam brevi, quæ sunt Theologiæ principia. Theologiæ naturalis & supernaturalis (hinc enim ordinandum est) facilis est & expedita distinctio. Theologiam naturalem voco Metaphysicam, ea parte, qua Dei naturam per naturæ rationes inquiri. Quæ est nobis, id est, Christianis cum philosophis gentium communis. Supernaturalem autem eam dico, quæ ejusdem Dei & naturam & proprietates per principia ea investigat, quæ sunt hominibus divinitus revelata. Revelationem porro Theologorum more hic accipio, quæ hominis & captum superat & ingenium. Nam Paulus ea etiam, quæ naturali ratione & lumine cognoscuntur, Dei revelationi & manifestationi tribuit. Atque hæc supernaturalis Theologia

Rom. 1.

logia propria est fidelium & Christianorum, tanto disciplinis ceteris melior, quanto divina auctoritas, in qua illa sustentatur, humana omni ratione potior & antiquior est. Recte igitur divus Thomas docet, quod argumentari ex auctoritate est maxime proprium huius doctrinæ, eo quod principia huius doctrinæ per revelationem habentur: & sic oportet quod credatur auctoritatem eorum, quibus revelatio facta est. Nec hoc derogat dignitati huius doctrinæ. Nam licet locus ab auctoritate, qui fundatur super ratione humana, sit infirmilimus; locus tamen ab auctoritate, qui fundatur super revelatione divina, est efficacissimus. Tantum ille. Ergo quoniam omnis oratio nobis de Theologia ea quæ est supra naturam, instituitur, ideo huius solum principia, quæ & qualia sunt, exponendum est.

I. Arg. Hoc vero ut scholæ congruenter fiat, nodos illos & proficiendos, & solvendos puto, qui rem totam istam illigant & impediunt. Primus est, quod divus Thomas paucis verbis multa peccare videtur. Unum, quod secum ipse pugnat. Modo enim ait articulos fidei esse theologiæ principia: nunc autem illa omnia, quæ in sacris literis continentur: imo aliquando universa etiam, quæ sunt divinitus revelata: in quibus traditiones profecto Apostolorum sunt, quamquam in libris canonicis non inveniuntur scriptæ. Potest ne magis secum ipse pugnare? Alterum peccatum, quod cum Paulus inter ea, quæ credere oportet, duo illa numeret, Deum esse, & esse remuneratorem inquirentium se; Divus Thomas contra docet, illa fidei articulis minime comprehendi, sed a fide potius supponi. Non sunt igitur D. Thomæ hæc theologiæ principia: siquidem non sunt propositiones revelatæ, quas fides credimus, sed naturæ lumine ab hominibus cognoscuntur: ob idque fidem ipsam antecedunt, cuius decreta ea demum sunt, quæ in propriis Theologiæ principis habere debemus. Nec Apostolo solum, sed rationi quoque illi Divus Thomas videtur adversus, quæ dilucide probat, Deum esse, proprium idemque primum censei Theologiæ principium. Est enim Deus, ut supra dixi, res huic disciplinæ proprie subiecta. Omnis autem disciplina ponit in primis, & rem sibi subiectam

esse, & quid etiam res illa sit. Deum itaque esse, proprium est Theologiæ principium, quia speculatrix est. Nam quia & effectrix, illud habet principium primum, Deum esse remuneratorem inquirentium se. Tertium Divi Thomæ peccatum commune cum plerisque Theologis, quod cum plurima sint a Deo revelata, non solum iis qui canonicos libros scripserunt, sed aliis etiam sanctis Dei hominibus, Martino, Nicolao, Benedicto, Dominico, Francisco: fidem & Theologiam asserit non quibuslibet Dei revelationibus niti, sed iis duntaxat, quas scripturæ sacræ auctores liabuerunt. Constat autem, & divinam revelationem generaliter esse fidei Theologiæque rationem formalem, & fidem quibusque Dei dictis assentiri: est namque virtus, quæ Deo dicenti credit. Atque hic nodus primus in verbis quidem Divi Thomæ est. Nam secundus non modo Divum Thomam, sed ceteros fere omnes attingit.

Nulla enim omnino disciplina sua principia ratiocinatione probat, sed ponit: idcirco enim positiones seu petitiones nuncupantur. At Theologia ea, quæ fides tenet, ratiocinatione concludit: non ergo eadem sunt huius disciplinæ principia, quæ & fidei decreta. Quod vero Theologia fidei dogmata argumentando comprobet, multifariam suaderi potest. Primum, quia Deum esse unum, immortalem, rerum humanarum procuratorem, & cetera ejusmodi per fidem a Christianis accepta claris Philosophiæ argumentis demonstramus. Tum rursus, quia Deum esse creatorem, fidei articulus est: id autem ratio quoque naturalis ostendit. Adde, quod Apostolus Petrus jubet nos esse paratos ad reddendam rationem de ea, quæ in nobis est, spe, atque ideo de ea, quæ in nobis est, fide. Adde etiam, quod huic scientiæ attribuitur illud, quo fides saluberrima gignitur, nutritur, descenditur, roboratur: id quod ex Div. Augustino acceptum omnium Theologorum ore teritur. Si ergo rerum naturalium cognitio, ut August. ait, fidem & gignit & nutrit & roborat: nimirum ea, quæ fidei sunt, ratione naturali Theologia pascitur. Non ergo fides Theologo principia tradit, nisi sua ipse principia probet: quod ab omni prorsus disciplina alienum esse, adeo

2. Arg.

1. p. q. 2. a. 7.
& 2. q. 1. a. 1.
2. 1. 1. a. 1.
2. 1. 1. a. 1.
2. 1. 1. a. 1.
2. 1. 1. a. 1.
& 2. a. 1. a. 1.

Hebr. 11.

1. p. q. 2. a. 7.
& 2. q. 1. a. 1.
ar. 5. ad 1.

1. Pet. 1.

16. de Trib.
cap. 1.

adeo explore perceptum est & cognitum, ut non sit a me in presentia confirmandum.

3. Arg.
1. p. quoniam 31
et 4.

Tertius nodus ex verbis quoque D. Tho. nectitur. Docet namque, ad fidem aliquid pertinere dupliciter: Uno modo directe, sicut ea, quæ nobis sunt principaliter a Deo tradita. Alio modo indirecte, ut ea, quibus negatis consequitur aliquid manifeste contrarium: ut si quis neget Samuelem esse filium Helicæ: ex quo sequitur divinam scripturam esse falsam. Hactenus non verbis quidem eisdem, sed sensu eodem ille ait. Et rursus alio

2. 1. 2. 3. 4. 5.

loco affirmat, omnia quæ sunt in sacris literis tradita, præter ea, quibus homo beatus efficitur, per accidens ad fidem spectare: ut Abraham duos filios habuisse, & David fuisse filium Isai. Quod si ejusmodi, licet in libris sacris expresse etiam conscripta sunt, indirecte tamen & per accidens ad fidem attinent, non sunt profecto Theologiæ principia. Nec enim cujusquam disciplinæ fundamenta fabricam illius discipline ex accidenti & indirecte constituent. Poteram & aliis argumentis hanc questionem implicare: sed verebar, ne & hæc quoque lectori delicato multa nimium viderentur. Atque hæc pauca licet, urgent tamen, & nihil remittunt, ut omnia ea explanemus, quæ Theologiæ initiis exponendis necessaria sunt. Expediemus itaque primum, quenam sit hujus doctrinæ ratio formalis: deinde quæ ejus nativa germanaque principia: atque in his, quæ capitalia sunt, quæ vero legitima quidem, sed secundaria tamen: postremo, quæ sint extranea & aliena, hoc est, adscita & accersita ab exteris disciplinis.

Formalis ratio Theologiæ, quoniam illud in primis suscepi explicandum, non est una & simplex, sed duplex & bipartita. Est namque ratio formalis rei objectæ, quia res est: quomodo Deitas Theologiæ ratio dicitur. Est item ratio rei, ut mentem ad assentiendum moveret, quemadmodum veritas Prima revelans Theologiæ habetur ratio. Sic rationes videndi intelligimus, & colorem & lucem: colorem quidem priore modo, lucem autem posteriore. Atque illam quidem vocant rationem quæ, hanc rationem sub qua. Puto nobis concedi oportere, ut scholæ verbis utamur, si quando minus oc-

current Latina. Quin Latina etiam interdum relinquenda sunt, ne in scholastica disputatione non tam explicasse res, quam verba affectasse videamur. Quia vero de ratione formali rei hujus doctrinæ subiectæ, quia res est, nulla esse potest inter viros doctos controversia; de ratione formali ex parte habitus & potentie cognoscens hujusmodi conclusiones statuo.

Prima est. Ratio formalis fidei non est ratio Theologiæ formalis. Nam si Theologiæ principia lumine prophetiæ cognoscerentur, aut lumine etiam gloriæ beatorum, conclusiones nihilo scius ad Theologiam pertinerent. Erant enim Christus Dominus longe omnium, quicumque fuerunt, Theologi divineque naturæ cognitione princeps, qui tamen sine fide conclusionibus Theologiæ assentiebatur. Exigit quippe fides in ratione sua formali obcurum quiddam & invisum, cum sit substantia rerum sperandarum, & argumentum non apparentium. Theologia vero evidens quoque & clara esse potest. Nam est ratio sermoque de Deo. Atque inter prophetiam & fidem, si Divo Thomæ credimus, nonnihil interest: nec lumina sunt eadem, quibus vates ad vaticinandum, & fideles ad credendum illustrantur. At si vates illustratione sua illa Theologiæ principia cognoscat, & ea, quæ consequuntur ac repugnant, ratiocinando colligat, Theologus profecto erit, tametsi Theologiæ ejusmodi ratio formalis non fidei lumen sit, sed prophetiæ.

Secunda conclusio est. Esse revelatum a Deo, lumenve divinitus infusum, est ratio Theologiæ formalis, sive illud lumen fidei sit, seu prophetiæ, seu gloriæ. Theologia namque supernaturalis, de qua nunc loquimur, lumen aliquod natura ipsa superius generaliter ad principia cognoscenda requirit: sed quale id in specie futurum sit, nec nomen Theologiæ, nec notio propria definit. Verum quia Theologi non de beatorum, sed de viatorum Theologia disputant, nec quaerunt quid discipuli ipsi, sed quid naturæ nostræ consentaneum sit, idcirco fere asserunt, Theologiæ principia per fidem a Theologo intelligi. Lumen quippe prophetiæ, vel quoniam rarum est, generali præceptioni nihil ob stare creditur, vel quoniam est, ut lumen fidei, obscurum, in lumine fi-

dei

dei communiter & confuse intelligitur. A qua nos consuetudine minime abhorrentes, Theologiæ nostræ principia per fidem accipi oportere sepe dedimus.

3. Conc. Unde illa tertia conclusio nascitur, Theologiæ nostræ formalem rationem eandem ac fidei esse: Tametsi aliter ad assentiendum principis movet, aliter ad assentiendum conclusioni. Illis, inquam, sine medio syllogismo & ratione, huic ratione & syllogismo intermedio. Quo discernimus, ut diximus, Theologia & fides non verbis & cogitatione, sed universa re & toto genere secernuntur, quamvis utriusque ratio eadem formalis sit. Sane D. Thomas multis in locis fidei nomen, ut videtur, existimat manare latissime, idque verari in omnibus, quæ a Deo sunt dicta & revelata, sive auctoribus sacris atque canonicis, sive aliis quibuscunque divino quodam spiritu afflatis. Quod si verum est, ratio fidei formalis longe etiam lateque patebit, ut non solum contineat revelationes Prophetis & Apostolis factas, sed eas etiam, quæ cæteris quoque Sanctis ecclesiæ Dei factæ sunt: imo illas etiam, quas viri interdum improbi divinitus habuerunt, ut Balaam & Caiphas, quorum prædicationes ad fidem attinere, ne dubitari quidem potest. Eadem ergo causa subest, ut cætera etiam, quæ quibuscunque aliis revelata a Deo sunt, ad fidei rationem referantur. At enim x. part. quæst. i. art. 8. ad secundum, ut inter argumentandum objecimus, verbis nihil obscurum docet, fidem nostram non enui revelationibus aliis præter eas, quas Apostoli & Prophetæ, auctores videlicet canonicorum librorum, ediderunt. Id quod Paulus confirmat, quo loco ait, fideles esse superedificatos super fundamentum Apostolorum & Prophetarum, ipso summo angulari lapide Christo Jesu. Nulla igitur alia nisi Prophetarum, Christi, Apostolorumque doctrina, fidem ecclesiæ fundat, nulla alia Theologiæ principia continet. Eadem enim sunt disciplinarum principia ac fundamenta. Adde, quod fides est virtus Theologica, cum religione ecclesiæ erga Deum conjuncta & sociata. Non ergo quæcumque a Deo revelata ad fidei virtutem pertinent, sed ea tantum, quæ ad ecclesiæ etiam religionem pertinebunt. Quia vero nihil ecclesiæ refert, ea credere, an non,

quæ Brigide Catharinæque Senensi visa sunt: nullo certe modo ad fidem illa referuntur. Adde etiam, quod fides, de qua hic sermo fit, non est privata virtus, sed communis. Ea enim re catholica dicitur, hoc est, universalis. Quocirca privatæ revelationes, cujusmodicunque & quorumcumque illæ sint, ad fidem catholicam non spectant, nec ad fundamenta & principia ecclesiasticæ doctrinæ, quæ vera germanaque Theologia est. Cujus rei illud item non leve argumentum est, quod quæ non per ecclesiam & ejus publicos administratos fidelibus proponuntur, illa non credere catholica fides. Videlicet æquum erat, ut quæ ad Rempub. generaliter attinerent, hæc non privati quivis homines ad eam retulissent, sed ejus communes omnino administrati. Fundamenta ejus, inquit, in montibus sanctis. Id quod explicaturus statim adjunxit: Dominus narrabit in scripturis populorum & principum horum, qui fuerunt in ea. Scripturæ ergo privatæ non sunt fidei ecclesiasticæ fundamenta, sed scripturæ populorum, quas nobis principes ecclesiæ tradiderunt. Quamobrem in principiis Theologiæ nostræ non ea sunt habenda, quæ privatæ & singulariter quibusdam hominibus significata a Deo sunt, sed quæ communiter & publice ecclesiæ suæ locutus est Deus. Id si consentaneum est, ut videtur certe: necessario fit consequens, ut ratio fidei Theologiæque formalis non sit tam diffusæ & amplæ, quam nonnullis apparet, sed multo strictior atque contractior: ut intelligatur esse veritas prima ecclesiæ revelans ea, quæ ad religionem attinent. Id, quod sine dubio fidei constantia, certitudo & firmitas requirebant. Nullo enim loco firma stabilisque ac fixa consisteret, si privatæ revelationes sequeretur.

Nec mihi quisquam angelorum in via fidem & religionem objiciat, quibus necinus an Deus, quæ credere illos oportebat, per se hæc, an per aliquem publicum administratum angelum superiorem proposuerit. Illud dico, in angelis quoque communem fuisse fidem, communem revelationem, quæ non privatæ usurpationis effet, sed publicæ religionis. Nam quod objiciebatur de Balaam & Caiphas prophetis, hoc facile rejicitur. Non enim illorum verba ad fidem spectant, quia dixerunt illi, sed

fed quia auctores facriscripserunt. Ac formalis Theologiæ ratio quænam illa fit, breviter quidem, sed non indiligenter expofui.

Sequitur ut explicem, quæ fuit hujus difciplinæ propria legitimaque principia. Qua in re video, nihil nos laborare oportere. Facile enim e rebus poffitis intelligitur, omnia, quæ funt per facros auctores ecclefiæ divinitus revelata, in propriis Theologiæ principijs habenda. Non ea folum dico, quæ auctores facri fcripturis fuis prodiderunt, fed quæ verbo etiam pofteris commendaverunt. Id quod explanatum eft in tertio hujus operis libro diligentiffime. Auctores autem facros appello, non eos modo, qui libros canonicos fcripferunt, verum etiam Chrifium Dominum, qui & vitæ & doctrinæ Catholicæ primus eft auctor, & Apoftolos, qui miniftri fuere fermonis. Nec fi conciliorum & Apoftolicæ fedis auctoritas fidem certam facit Catholici dogmatis, aut Sanctorum etiam omnium confenfus & confpiratio una, idcirco aut principia Theologiæ cumulamur, aut ejus formalem rationem extendimus. Quoniam, ut fæpe alias diximus, nec Concilia, nec fædus Apoftolicæ pontificis, nec fancti fcripturarum interpretes, novas fidelibus revelationes edunt, fed quas ad Apoftolis accepit ecclefia, aut pofteris integras & illibatas tradunt, aut illas exprimunt & interpretantur, aut certe confequentia & connexa colligunt, adverfa & repugnantia manifeftant.

Principiorum itaque Theologiæ numerus e libris facris atque Apoftolorum traditionibus integerrime conftituitur. Quamobrem duobus primis locis contenta funt omnia quæ in initijs Theologiæ veris & germanis numeranda funt. Sed his initijs tanquam feminibus ab ecclefia datis, quæ Chrifto Apoftolis, Apoftoli ecclefiæ dederunt, pastores & doctores ac Theologi in univerfum omnes ac rigant & excolunt, & quæ plantæ, traduces, propagines ex eis oriuntur, proferunt & ostendunt. Illa fundamenta funt Theologiæ ecclefiafticæque doctrinæ, quæ Chrifto per Apoftolos pofuit, cæteri five concilii patres, five Pontifices fummi, feu ecclefiæ doctores, fancti omnino fupergificant. Nam fundamenta alia nemo potelt ponere præter ea, quæ pofita funt, Apoftolorum & Prophetarum, in ipfo

fummo angulari lapide Chrifto Jefu. Enimvero difciplinæ principia non eodem gradu locata funt omnia. Quædam enim fimpliciter prima funt, quæ vi fua generali cætera continent: utia metaphyfificis illud, Impossibile eft fimul affirmare & negare: qualia in Theologia funt illa, Deus eft: & eft remunerator inquirentium fe, in quibus tanquam in primis credibilibus omnes fidei articuli implicite continentur, quemadmodum D. Thomas eisdem quoque verbis affirmat. Alia funt principia præcipua quidem & immediata, fed contraciorea tamen, quam illa communia, quæ erant cæterorum omnium quali fontes. Hujus generis m phyfics ea funt, Res naturales materiæ formæque conftare: naturam elfe principium motus & quietis: in Theologia vero articuli fidei capitales, qui, ut D. idem Thomas ait, primo & per fe credendi fidelibus proponuntur. Nimirum enim de Deo, qui eft res Theologiæ fubjecta, ea articuli enunciant, quæ vel ex perpetua æternitate in Deo infunt, vel humanæ falutis ergo difpofita in tempore ac difpenfata funt. Eundem quippe Deum, qui trinus & unus eft, qui creavit mundum, qui & impiofcit iuftos, & felices pios; eundem, inquam, credimus & hominem factum, & natum, & mortuum, & fepulchrum, & fufcitatum, & elevatum in caelos. Jure igitur hæc prima funt & propria Theologiæ pronunciata, quæ a nobis de fubjecto difciplinæ noftræ, vel maxime fupponuntur. Initijs enim his principalibus non conceffis, Theologus progredi ne digitum quidem potelt. Ac funt priora illa fimilia iis, quas Philofophus appellat dignitates. Accedenti namque ad Deum oportet credere, quia eft, & inquirentibus fe remunerator fit. Quicunque igitur difciplinam aliquam fupernaturalem difcere parat, eum necelfe eft duas illas generales prænotiones animo ante cepiffe. Quæ dignitatum nota propria atque insignis eft. At hæc pofteriora principia fuppoftiones Theologiæ non injuria vocabuntur. Eas enim Theologus difcipulo fuadere quodam modo aut explicare certe valet. Sed præter hæc duo principiorum genera, funt alia non propter fe potiffime petita, fed ut D. Thomas fentit, eorum, quæ funt potiffima, explicandorum gratia. Cujusmodi funt, inquit, præter articulos

1. Cor. 2.
Ephes. 1.

Hebr. 13.

2. 4. 1. 4. 2.

fidei omnia, quæ in sacris literis assumuntur, vel Dei natura & maiestate explicanda, vel exponenda ipsius in homines benevolentia, rerumque omnium procuratore, quæ illis essent utiles & necessariæ. Hæc vero tametsi non fidei sunt nec Theologiæ præcipua capita, sed his ex accidenti coniuncta, & quasi principia secundaria; accipit tamen ea Theologus, non aliter ac Philosophus principia per se nota, sine medio & ratione, perinde ut articulos fidei acceperat. Hæc enim quasi naturalis atque insita in animis fidelium notio inest, ut quicquid ab Apostolis scriptum traditumque est, verum esse sentiant. Ac Theologiæ legitima germanaque principia hæc sunt. Nam quæ vel a Metaphysicis, vel a Physicis, vel a Mathematicis, vel a reliquis demum naturæ disciplinis adsciscit, perspicua per se evidentiæque principia, non ex sua sumit vi atque natura, sed foris inventa in proprium usum mutatur, aut certe iure quodam suo vendicat. Forsitan quispiam dixerit: Nonne igitur multæ varietate erunt rationes Theologiæ formales? Siquidem multarum disciplinarum varia item principia sunt. Minime vero. Non enim ex adjunctis & extrinsecus attributis doctrinarum formalis ratio petitur, sed ex propriis naturalibusque principiis. Atqui in Theologia horum omnium una & eadem ratio formalis est, nempe lumen fidei supernaturale. Quæ igitur sint Theologiæ principia, tum germana, tum aliena, atque ex illis quæ prima, quæ secunda, ex primis vero quæ generalia, quæ quasi in speciem contracta, satis, ut reor, dilucide aperteque docuimus. Quibus ex rebus intelligitur, e decem locis duos primos propria & legitima Theologiæ principia continere, tres postremos externa & aliena: nam quinque intermediis aut interpretationem principiorum propriorum continent, aut eas, quæ ex his ortæ & profectæ sunt, conclusiones. Hæc cuiusmodi in Theologia sint, statim explicabo, si prius argumenta refello, quibus supra usus sum, quum de principiis eiusdem Theologiæ quererem. Ad quas ipsas argumentationes ex superioribus dictis satis multa responsa sunt, quibus perspicui possit, adversum D. Thomam, quem vel maxime impugnant, eas nihil habere virum. Tanta vis est veri, ut speciem falsitatis obscuraret, si modo id pate-

ctum & illustratum est. Sed singulis tamen respondere volumus, ut rudiorum ingenio morigeremur.

CAPUT IV.

Capitis superioris argumenta refellit.

PRIMUM ergo argumentum tria D. Respon. Thomæ falsa peccata obijcit, quorum unum jam omnino depulsum est: Ecce enim illa pugnant, articulos fidei primaria esse Theologiæ nostræ principia, sacras autem literas continere etiam secundaria? Quia vero non omnia continent, sed pleraque, illud etiam his valde consentit & congruit, divinam veritatem sine scripto quoque rationem esse fidei formalem. Sunt enim quedam verbo tenus ecclesiæ tradita, quæ in Theologiæ veris germanisque principiis habentur. Prima itaque calumnia adhibita nihil premit. Quæ secundo loco adhibetur, ea pressus urget. Sed si, cum animum attenderis, videas de Deo nos duobus modis loqui posse, tunc hæc etiam calumnia contumdetur. Intelligendum ergo, sermonem de Deo dupliciter haberi: Aut quia principium est finisque naturæ, aut quia supra naturam est, & principium, & finis. Sane quam diu præstantem, æternamque mentem intelligimus solutam a corpore & liberam, segregatam ab omni concretionem mortali, quæ omnia sentiat & moveat, quæ cælum ac terras tueatur ac regat, ad quam res universæ quoquo modo possunt, contendant & enitantur ut veniant; tamdiu Deum naturaliter intelligimus, tamdiu de eo naturaliter loquimur. At si consideremus Deum ipsum potiore quodam lumine nobis ostensum, quo apparet in una deitate trinus, in effectibus supra naturam admirabilis, omnium ejusmodi effectuum supernaturalium & prima causa efficiens & postremus finis, atque adeo creaturæ rationalis una & summa felicitas; tunc ratio Dei multo alia, sermo longe diversus est. Cum igitur Paulus inter ea, quæ credere necesse est, duo illa ponit, Deum esse, & esse remuneratorem inquitentium se, Deum intelligit, non ut naturæ oculis cernitur, sed ut illustratione superiore apparet supernaturalium rerum primum prin-

principium, ultimusque etiam finis. Quo sensu Divus Thomas secunda secundæ, questione prima, articulo septimo ait, omnes articulos in primis illis credibilibus contineri, scilicet, ut credatur, Ucnus esse, & providentiam habere circa hominum salutem. Cum autem aliis locis affirmat, duo illa in fidei articulis non esse, sed a fide potius supponi, de Deo juxta naturæ lucem loquitur. Quemadmodum enim gratia supponit naturam, ita cognitio gratuita cognitionem naturalem, ut idem Divus Thomas refert. Frustra vero cum fidei doctrina velis imbuiere, qui non habeat duas illas naturæ anticipationes, Deum esse, & habere hominum providentiam. Nulla porro gens tam fera est, ut ait Cicero, quæ non, etiam si ignoret qualem Deum habere deceat, tamen habendum sciat. Qui autem Deum non prænoverit procuratorem esse rerum humanarum, atque adeo hominum rectorem, & judicem, is longissime abest a nostra disciplina. Quod si judex hominum, & rector Deus est, si etiam alio modo intelligi non potest, nisi summa sapientia, justitia, & potestate præditus, sit, ut & præmia virtutibus parata habeat, & supplicia vitiiis. Nec enim ulla omnino Respublica, quod Solon verissime dixit, nisi duabus rebus contineri potest, præmio, & poena. Quæ causa Platonem movit, ut quoniam videbat optimos sæpe viros pro rebus præclare gestis nullo in hac vita præmio virtutis, nullo insigni honoris, nullo monumento laudis decoratos, assereret animos immortales officii præmium & fructum aliquando accepturos: Absurdum quippe esse, ut verus, justus, & honestus labor laboribus, præmiis, splendore carcat, si quæ est in cælo pietas, si quod numen, quod talia curet: Notæ itaque aut campos Elisios, aut Sisyphi saxum, Ixionis rotam, Tantali litum pocmatis solum esse, sed historię. Nam ut ficta sint a poetis isthæc omnia, veri tamen significandi græciæ ficta sunt, ut utilissima illa, venissimæque sententia in animis hominum inscriberetur: Recte factis præmia, peccatis supplicia deberi. Quo magis Cajetanum miror, qui in epistolam ad Hebræos multum omnino & a sensu Apostoli, & a veræ naturæ institutione descivit. Atque cum in errore secuti sunt quidam, non satis diligenter nec Pauli consilium, nec

vim rationis attendentes. Sed ut perpiciat Lector, vnde omnis iste natus sit error, totam rem aperiam, eaque ipsa verba subscribam, quæ ab inventore & quasi architecto hujus opinionis dicta sunt. Qui non credit Deum esse, ait, nunquam accedet ad eum.

At si objeceris hoc non congruere iis, qui evidenter cognoscunt demonstrativa scientia Deum esse; tales enim cum videant Deum esse, impossibile est, quod credant Deum esse, cum fides sit argumentum rerum non apparentium: Solutio est, quod doctrina hæc in communi datur, & propterea dicitur in communi, quod oportet credere, quia est. Longe autem melius esset, si non crederet, sed sciret, quia est. Sed hoc rari, aurissimum est. Alterum vero, quod Deus inquirantibus se remunerator sit, scilicet in futura vita, oportet fide teneri: quoniam nulla scientia speculativa ad hoc attingere potest, & sine hujus rei fide nullus accedit ad Deum. Hactenus ille. Quo in loco universa ratione mea cum illius tota confingendum puto. Primum ergo, si placeat, quæ de illo principio, Deus est, sunt a Cajetano dicta, videamus. Atque illud videns, prudensque prætereo, longe melius esse scire, quam credere. Id quod verum esset, si de humana fide loqueretur. At fides, quæ Deo decenti inquitur, multo certior, & potior est, quam ea scientia, quæ ingeniorum nostrorum ratione constat. Sed hæc ostendere non est præsentis loci & temporis. Illud proprie hujus disputationis est, si Pauli sententiam in communi, & de iis, quæ frequenter eveniunt, intelligamus, tunc totam nos Pauli argumentationem eludere. Conabatur siquidem Apostolus eo capite monstrare, veteres omnes, quotquot a Deo probati sunt, testimonio fidei probatos esse. Cum vero in enumeratione Enoch quoque inter cæteros induxisset, non aliter ostendit illum fide esse probatum, nisi quia ante translationem testimonium habuerat præcuisse Deo. Quæ propositione e sacris literis posita, evestigio assumptionem adjunxit: Sine fide autem impossibile est placere Deo. Credere enim oportet accedentem ad Deum, &c. Hoc vero argumentum, quo assumptionem illam probat Apostolus, vanum & imbecillum est, si demus non oportere semper credere accedentem ad Deum

De nat. De.
lib. 2.

z quia

quia est, sed aliquando, raro tamen, satis esse scire. Reuellemus enim argumentantem Apostolum ea responsione, quod fieri potest, idque melius esse, ut qui sciat esse Deum: quo casu non oportebit credere Deum esse. Itaque fiet, ut non sit impossibile sine fide placere Deo: Enoch autem unum ex eis esse, qui non credebant, sed sciebant esse Deum. Quemadmodum ergo cum Apostolus ait, sine fide impossibile esse placere Deo, non in comuni & ut plurimum loqui intelligendus est, sed semper ac de singulis hominibus viatoribus; sic quum causam ejus rei reddit, inquires, Credere enim oportet accedentem ad Deum, quia est, eodem modo intelligitur nullum omnino excipere, sed de omnibus, atque de omni tempore loqui, si illa ipsius argumentatio quicquam habitura est ad faciendam fidem virum.

Jam vero quod ad sequens principium attinet, Cajetanus in hoc defendendus est, quod dixerit, per nullam speculatricem scientiam cognosci evidenter posse, Deum esse remuneratorem inquirentium se, si deremuneratorem supernaturali intelligit. In nulla vero scientia ostendi primum aliquid iustos, sapientisque viros manere post mortem, hoc Cajetanus generaliter videtur asserere: hoc cogor ego improbare. Chrysostomus porro hom. 4. de provid. tradit, qui animi immortalitatem in dubium vocant, eos addubitare, num in meridie sit dies. Si enim, inquit, negant animos esse immortales, negant supplicia improborum post hanc vitam, negant premia justorum. Providentiam itaque Deo negant, atque adeo divinitatem, quæ sine providentia intelligi non potest. Nam si ii, qui Deum rite colunt, injuriis affecti migrant, impu contra injusta felicitate portiti; non ergo iustitia in Deo est, si suos non potest honoribus, præmiisque donare. Quod si Deo aut potentiam, aut iustitiam, aut oculos ad cernendum tollis, Dei vocabulum inane fit: Omni namque ratione concluditur, ut si nullo præmio afficit eos, qui inquirunt illum, ne Deus quidem ullo modo sit, nisi Deum aut cæcū, aut imbecillum, aut iniquum habeamus: cæcū, qui suos non videat: imbecillum, qui dare præmia non possit: iniquum, qui nolit. Qui igitur negat alterum, is utrumque tollat necesse est:

& si non habet remuneratorem inquirentium se, ne Deum quidem habeat oportet. Illud quoque vix intelligo, quid sibi Cajetanus velit, cum ait, nullam scientiam speculativam hoc attingere, an Deus sit remunerator inquirentium se: unde colligit oportere, ut de fide teneamus. Quid enim si nulla speculatrix scientia illud assequitur? Nonne satis erit, si aliqua effectrix assequatur? Mihi quidem illud persuasum est, quemadmodum Deum, hoc est, primam causam efficientem esse, speculatrix naturæ disciplina declarat; ita & effectricem quoque naturæ ejusdem disciplinam, Deum esse omnium postremum finem, ostendere. Neque hoc solum, sed illud etiam, naturæ leges aliquem habere & auctorem, & judicem: nisi forte sola hæc lex delicta sit, quæ nullum legislatorem habeat: aut si quis jura hæc mundo præscripsit, nulla juris hujus servandi cura tangatur. Quod si tam ignarus est, ut nesciat præmia, & honores virtutem alere, jaceretque eam semper, si præmiis, & honoribus destituta sit, indignis proscripto est, ad quem auctorem, & judicem sanctissimas naturæ leges referamus. Quocirca si de Deo, divinaque remuneratione sermonem facimus, quatenus naturæ lumen ostendit, utrumque in hoc lumine agnoscimus, & Deum esse, & esse remuneratorem inquirentium se. Quia vero ut Deo placere possimus, non sat est ipsum cognoscere principium esse, auctoremque naturæ, sed oportet in Deum ferri, quia finis est supernaturalis, atque adeo supra naturæ vires eminens & excellens; rectissime in universum dicit Apostolus, accedentem ad Deum, finem utique supernaturalem, oportere credere, quia est, &c. Nam quod naturalis ratio docet, id scire ad supernaturalem hunc accessum non est satis. Habemus quippe accessum ad Deum per fidem. Quod autem Paulus de accessu ad finem supernaturalem, de remuneratione quoque supra naturam loqueretur, illa manifeste demonstrat: expectabat fundamenta habentem civitatem, cujus artifex, & conditor Deus: & potius: Nunc autem maiorem patriam appetunt, idest, civitatem: ideo non confunditur Deus vocari Deus eorum: paravit enim illis civitatem. Et rursum: Aspiciebat in remunerationem: invidibilem enim

tanquam videns sustinuit . Et denique, Non suscipiens redemptionem, ut meliorem invenirent resurrectionem . Atque hi omnes testimonio fidei probati, non acceperunt reprimissionem, Deo pro nobis melius aliquid providente, ut non sine nobis consummarentur. Sed crimen illud, quod D. Thomæ secundo loco inferebatur, satis, ut mea fert opinio, dilatum est. Deterio vero peccato nihil est necesse illum purgare, quum jam explicare docuerimus, fidem Theologicam, de qua in præsentis differimus, non quibuslibet Dei dictis assentiri, sed iis, quæ duntaxat & ad fidelium communem religionem spectent, & communes ecclesiæ administri denuncient. Ac primum nodum solvimus quidem, secundum vero expeditur hoc modo.

Respon.
ad 2. Quæ sunt fidei, ea sunt in duplici differentia. Quædam enim simpliciter, & apud omnes fidei sunt, ut quæ rationem superant naturalem. Alia fidei dicuntur esse non per se quidem, sed quasi per accidens divinius revelata, propter eos, qui eorum demonstrationem, & evidentiam non habent, ut Deum esse, & esse unum, eundemque æternum, sapientem, justum. Quas res omnes licet in naturæ lumine videamus, populo tamen rudi Deus providentiissime revelavit, quemadmodum D. Thomas 2. 2. qu. 1. art. 5. & qu. 2. ar. 4. explicuit. De Deo rursus dupliciter loqui possumus, qua divisione primo argumento diluendo utebimur: vel quia principium, finisque naturæ, vel quia principium & finis est supra naturam. Priore modo Deum esse, esse unum, immortalem, sapientem, & hujus generis reliqua, naturale lumen ostendit: posteriore autem illa eadem sola fides tenet. Unde & D. Thom. 2. 2. qu. 1. ar. 8. cum in primo argumento opposuisset, Deum esse unum, non oportere in articulis fidei computari, quod sciri per demonstrationem posset: respondet, quod multa per fidem tenemus de Deo, quæ naturali ratione Philosophi investigare non potuerunt, puta circa providentiam ejus, & omnipotentiam, & quod ipse solus sit colendus. Quæ omnia continentur sub articulo unitatis Dei, hæcenus ille. Loquitur autem de providentia, & omnipotentia rerum etiam supernaturalium. Et qu. 2. ar. 2. ad 3. Credere Deum, inquit, non conve-

nit infidelibus sub ea ratione, qua ponitur actus fidei, &c. Quæ calumniam fortasse non effugient, nisi ad hujus distinctionis normam revocentur. Quibus rebus expositis, D. Thomas aperte docet, ea, quæ proprie, & per se fidei sunt, nulla posse naturali argumentatione patefieri. Quin prima parte, questione 32. articulo primo, illos arguit quasi fidei inimicos, religionique nostræ etiam noxios, qui ea, quæ fidei sunt, naturæ rationibus conantur ostendere. Quod si quæ argumenta fidei decretis comprobandis sancti Doctores afferunt, congruentia illa esse, non evidentia: probabilia, non necessaria: suadere, non cogere: adducere, non evincere. Lumen enim naturale id patefacit, & illustrat, quod naturæ congruens, ac consentaneum est. Cum ergo fides, ut sæpe diximus, rerum earum proprie sit, quæ hominum naturam, & ingenium exsuperant, sit, ut res ejusmodi nullo monstrari naturæ lumine, nulla confici naturæ ratione queant. Quod si fides substantia est rerum sperandarum, ut ad Hebræos Apostolus ait: spes autem, quæ videtur, non est spes, ut idem tradit ad Romanos: consequitur necessario, ut quæ creditur fides, quoniam & spes eadem sperat, hæc nec oculi cernant, nec aures audiant, nec in cor hominis ascendant, atque adeo ne rationibus quidem demonstrantur humanis. Nisi forte aut res divinas humanæ fulciunt, ac sustinent, aut certe Paulus fallit, & fallitur, qui fidem argumentum esse non apparentium astituit, nostramque sapientiam in mysterio absconditam nullum hujus sæculi principem cognovisse. Nostræ ergo disciplinæ principia philosophi ostendere probabiliter possunt, demonstrare necessarie non possunt. Quocirca metuere non debet quisquam, ut fidei meritum sit amissurus, si rationes quoque ad fidei veritatem & explicandam, & ornandam adhibuerit. Non enim, conetur licet quantum potest, rationes adhibebit ejusmodi, quæ præbeant experimentum sensuum, sed tales tamen, quibus & ii qui non credunt, ad fidem adducantur suavius, & ii, qui credunt, in fide contineantur libentius. Fides sane cum natura non pugnat, sed consentit; nec dissident humana, & divina ratio, sed cohercent. Utraque vera est, nec verum

1. p. qu. 2.
2. 8. & 2. 2.
quæ 2. 2. in
comp. de 2.
& 2. 10 ad
2. de con.
Gen. c. 6.
1. p. 9. 2. 2.
2. ad 2.
2. 2. 2. 2. 2.
ad 2. de 2. 2.
2. 10. ad 2.

vero adversatur: utraque est a Deo, nec Deus sibi contrarius est. Pervertunt itaque homines fundamenta naturæ, cum illam a fide sejungunt. Quin fidei dirigenda naturæ ratio est, & quidem sic, ut hæc duo verba inter se, non res discrepare videantur. Et cum divinis humana similia, & agnata sint, qui hominis officium Deo exhibet, & gratiæ naturam servire facit, is probe Theologi munere perfungitur. Quam omnino rem & D. Thomas sæpe probat, & nos cum alias multis lib. 8. p. & 10. & 11. tum in quartodecimo libro copiose differemus.

Nunc autem argumenta illa refutanda sunt, quibus id effici videbatur, ut Theologia fidei decreta comprobaret. Ac primæ quidem argumentationi responsum est satis. At secunda sic resistitur. Non est articulus fidei, mundum a Deo extitisse; sed Deum in principio temporis cælum, terramque creare, id vero articulus fidei est, qui demonstrari nulla ratione potest: quemadmodum D. Thomas 1. p. q. 46. ar. 2. diffinit. Nam quod tertio loco Petri testimonium objicitur, nihil aliud efficit, quam religionem, disciplinamque Christianam non esse omni ex parte similem Pythagoricæ, cujus alumnus nulla rationis antecepta informatione, nullaque omnino reddita causa, auctoritatem præceptoris arcte, mordicusque tenebant. Indoctorum est ista consuetudo, eaque Saracenorum, Paganorum, Hæreticorum, ut cæca, & temeraria sectæ suæ dogmata sine judicio amplectantur, & quæ disquisitione egent maxime, hæc sine ulla disquisitione recipiant. Non erudiuntur isti, crede mihi, sed astringuntur; nec viâ, & ratione docentur, sed quasi veneficiis, & cantionibus in insaniam agitantur. Enimvero quæ in Evangelio docemur omnia, quamvis æcissime ad supernaturalia capessenda moveant animos, tamen leniori naturæ ratione Christus ipse prætexit, ne discipulos rationis expertes habere videretur. Sapientia quippe Dei, quam attingit a fine usque ad finem fortiter, sed disponit tamen omnia suaviter, hominesque humano more instituit, & erudit, hoc est, rationales rationibus. Nec vero aliter discipulos suos Deus vult esse compositos ad doctrinam cæterorum, quam ipsi ab eo sunt edocti. Dedit illis linguam eru-

ditam, ut scienti sustentare eum, qui lapsus est verbo: aperuit quoque illis aurem, ut audirent quasi magistrum. Quemadmodum igitur Christi discipuli ipsum quasi magistrum erudientem audimus, non quasi veneficum incantantem; ita & linguam habemus, non quæ hæc, atque illuc ferat volubilitate verbotum, sed doctam, & eruditam, quæ disciplinæ suæ sciât causas, & rationem reddere.

Lucianum Antiochenum scribit Eusebius rogatum a præside, cur, cum vir rationalis, & prudens esset, sequeretur sectam, cujus non posset reddere rationem, in hæc verba respondisse: Nos Christiani non sicut vos putatis, humanæ alicuius persuasionis errore constringimur, nec indiducsa, ut alii parentum traditione decipimur. Auctor nobis de Deo Deus est: Nec enim posset sublimis illa majestas sensibus humanæ mentis illabi, nisi vel spiritus sui virtute delata, vel verbi, ac sapientiæ suæ interpretationibus indicata. Fateor, erravimus nos etiam aliquando, & simulacra, quæ ipsi finimus, deos cæli, ac terræ putabamus auctores. Sed arguebat eos frapolis substantiæ suæ a nobis præstita confessio, in quibus tantum venerationis inerat, quantum decoris mens contulisset artificum. Verum omnipotens Deus ille, quem non nostris manibus fictum, sed cujus nos decebat esse figmentum, errores miseratus humanos, sapientiam suam misit in hunc mundum carne vestitum, quæ nos doceret, Deum, qui cælum fecisset, & terram, non in manufactis, sed in invisibilibus requirendum. Vitæ & nobis leges, ac disciplinæ præcepta constituit, servare parsimoniam, paupertate gaudere, mansuetudinem colere, studere, pati, puritatem cordis amplecti, patientiam custodire. Sed & omnia hæc, quæ nunc adversum nos geritis, ventura nobis esse prædixit. Inde enim qui erat immortalis, ipsi mortali se præbuit, quo nobis patientiæ præberet exemplum. Sed nec nos sua morte decipit, quibus post tertiam diem resurrexit, ut mortem vinceret resurgendo. Quæ autem dico, non sunt in obscuro gesta loco, nec testibus indigent: pars pene mundi jam major huic veritati altipulatur. Aut si quid in his suspectum videtur, contestatur de iis suam agrestis manus ignara figmenti:

Lib. 9. Eccl.
hist. c. 6.

minus adhuc creditur, adhibebo vobis etiam loci ipsius, in quores gesta est, testimonium. Astipulatur hys ipse in Hierosolymus locus, & Gethsemani rupes sub patibuli opere dirupta: antrum quoque illud, quod avulsis internis janus corpus denuo reddidit animatum. Quod si terrena vobis minus digna videntur, accipite etiam de celo astipulatorem fidelem. Solem ipsum horum vobis produco testem, qui cum hæc fieri per impios videret in terris, lumen suum meridie abscondit in celo. Requirit in annalibus vestris, invenietis, temporibus Pilati Christo patiente, fugato sole interruptum tenebris diem. Quod si terræ, si celo, si sanguini martyrum fidem non accommodatis, quomodo meis verbis allegationibusque credetis? Et cum pene jam his verbis auditoribus suadere conspiceret, arripit jubetur in carcerem, ibique absque tumultu populi necari. Huiusmodi ergo rationes jubet Petrus a doctoribus fidelium reddi, quæ videlicet cum fidem antecedunt, infideles non trahant, sed inducant: quum sequuntur, non iam fidelibus asserant, sed adiciant robur. In hanc enim sententiam Augustinus dicit, rerum naturalium notionem fidem gignere, nutrire, roborare. Nam defendit etiam, quoniam rebus naturalibus perceptis explore & cognitis statim intelligitur, primum fidem cum natura nullo modo pugnare, sed mirifice consentire: Deinde argumenta captiosa & vana esse omnia, quæ fidei veritatem impugnant. Sed in secundo nodo expediendo multum omnino moræ interposuimus. Bene autem habet, quod tertius idemque postremus nulla dissolutione eget. Quid enim addamus, quod legere operæ pretium sit, post divi Thomæ sententiam adeo perspicue, diligenter, atque enodate in superioribus explicatam? De principiis ergo Theologiæ hæcenus.

CAPUT V.

Quæ sint quæstiones, seu conclusiones Theologiæ.

Theologiæ causis expositis, consequens est, ut effecta exponamus, quæ quum in dubium vocantur, quæstiones sunt: quum ratiocinatione coguntur, conclusiones. Quæstio igitur

Theologica, quoniam circa eam omnis Theologi veritatis labor, quid sit, & quæ illius partes, in primis explicabimus: Nam quo modo tractanda sit, deinceps exponemus. Ne vero quempiam fallat hujus nominis ambiguitas, intelligendum est, quæstionem Theologicam aliquando appellari pronuntiatum omne, quod a Theologo quovis forte etiam, & temere fuerit addubitatum. At si adeo late theologicæ materiam, quæstionemque tendamus, quæstio theologica non jam ex natura hujus facultatis, sed ex hominum stultorum arbitrio asilimabitur. Ita fiet, ut in Theologiæ quæstionibus illas ponamus: Num, si forma a quæ per divinam potestatem a materia separaretur, in materia vel forma seorsum baptismus conficiatur? Num asinus baptismum possit bibere? cæteraque his similes, quas studio brevitas omitto, ne fastidium stomacho lectionis faciam. Mihi profecto non est cordi, stultas & sine disciplina quæstiones, quas vitare Apostolus præcipit, in Theologiæ finibus comprehendere. Fines porro extremaque disciplinarum, conclusiones voco. Eadem vero res est, ut a principio capitis leviter attigimus, quæstio & conclusio. Sed quum per interrogationem elata in controversia ponitur, quæstio est: quum argumentatione colligitur, conclusio. Quod si eandem rem argumentis suis Theologus addicit & conficit, quæ in quæstionem fuerat adducta, fatissimæ scilicet illæ quæstiones Theologicæ vocari nec debent, nec vero possunt, ut quæ ex principiis Theologiæ finiri nequeant & solvi, atque adeo ne conclusiones quidem esse doctrinæ ejus, sed indoctorum hominum commentitiæ chimæ. Quam ergo intelligimus Theologicam quæstionem? Opinor eam, quæ plane ad rem facit, hoc est, ad Theologiam spectat. Non autem spectant vanæ, ineptæ, noxiæ, sed solutæ, aptæ, commodæ. Ego, inquit, sum Deus tuus docens te utilia. Theologia ergo, quæ Dei nimirum doctrina est, nullo modo inutilia colligit. Quin super fidei fundamentum, quod ab Apostolis est positum, aurum, argentum, lapides pretiosos superedificat. Nam qui ligna, icenum & stipulam, ii non hoc ex Theologia, sed ex errore faciunt. Maneat igitur, eam esse propriæ Theologicæ conclusionem, quæ ex Theo-

Respon.
ad 3.

2. Tim. 2.

Eccl. 2.

1. Cor. 3.

logix principii, ut effecta & causis suis, oritur. Unde illud confedariū est, nullam theologicā quæstionem existimandam, quæ non possit ad ejusmodi initia referri, exque iis apte, & congruenter argumentando discurrere. Quamquam sunt quæstiones quasi appendices, quas, quoniam gratia explicandi illas, quæ vere, & propriè theologicæ sunt, apposite, & graviter adiunguntur, jure quodam vel similitudinis, vel propinquitatis, vel etiam ordinis, Theologicas idem haud absurde appellaveris. Verum hoc loco, & tempore de quæstione theologica secundum naturam, & ordinem disciplinæ loquimur.

Contingit enim aliquando non in theologia modo, sed in cæteris fere humanis etiam disciplinis, ut quæ suapte natura principia sunt, ideoque a discipulo supponenda, si res via, ordineque procederet, ea, ut hominum ingenia sunt, & revocentur in dubium, & argumentationibus comprobentur. Ita fiat perturbatus, ac præposterus rerum ordo, ut causæ posteriores sint, prioraque effecta sumantur. Quæ res effectit, ut D. Thomas, cæterique Theologi in quæstionibus theologicis eam etiam ponant: Sime Deus, & alias omnino similes, in quibus dubium non est, prima, certaque principia in dubium verti, ac perinde ut si essent disciplinæ hujus connexiones, ex aliis quasi principiis neci. Atque hæc causa Aristoteli quoque fuit, ut in scientias omnes quatuor genera quæstionum inferret, nempe an res sit, quid sit, qualis sit, propter quam causam sit. Quæ dux posteriores quæstiones terminari recte, atque ex ordine naturæ possunt, priores dux non possunt: nisi forte quum dux ejusdem rei functiones sunt, quarum una per materiale causam, altera per finale definit rei naturam explicat. Tunc enim definitio posterior per priorem demonstratur, ratione quodammodo & via naturæ servata. At enim rei finitio, quæ secundum illam quæstionem solvit, propemodum ex effectis notescit: quæ licet naturæ posteriora sint, nobis, hoc est in nostra cognitione priora sunt tamen. Illud item cum in aliis, tum magis in Theologiæ doctrina usu venit, ut principia ipsa vel disposita inter se & ordinata sunt, quemadmodum causæ ipsæ in quatuor genera distributæ ordinem prioris, & posterioris ha-

bent; vel certe connexa, & colligata sint, ita ut ex utriusque concessis, ad alterutra dubia liceat pervenire. Quapropter si adversarius admittit principia quædam, quamvis cætera neget, ex concessis poterimus non concessa colligere, præsertim si mutuo nexu conjuncta, & copulata sunt. Hinc enim Theologi veteres vetus instrumentum probant ex novo, contraque novum ex veteri: ecclesiæ auctoritatem e libris sacris asserunt, librorum rursum sacrorum ex ecclesiæ. Ita ne unum quidem principium in Theologia est, quod in quæstionem Theologi non verterint: ut si a quopiam fuerit negatum, qui alia forte principia concedet, parati sumus ex his, quæ dederit, hominem evincere, & quasi arrepto mucrone confodere. Quæ res & explanata est in secundo libro diligenter, & in postremo diligentius explanabitur. Nec ob eas solum causas principiorum suorum Theologi quæstionem faciunt, sed eo etiam magis, ut illa explicent & exponant. Nam, quod apud Rhetores olim pueri didicimus, omni differenti proposita est quæstio, non ei modo, qui disputatione res ambiguas jactat, sed & historicis, & poetis, qui quæstiones sibi propositas non tam argumentatione solvunt, quam expositione. Expositio autem fidem in auditore sæpe invenit, argumentatio facit. Ubi familiæ nostræ quoddam sæpe rixi, qui in eo laborant vehementer, ut Divi Thomæ rationes, quas identidem ad explicandam fidem congruentes ille adiit, perinde ac si essent demonstrationes certæ, atque perspicuæ, defendant. Nam & adversarios ipsos ridere soleo, qui in eo, in quo Divus Thomas egregium fidei administrum præbuit, illum impugnant quasi hostem. Nec intelligunt viri magis ad certandum, quam ad docendum prompti, quæstiones fidei gravissime, sanctissimeque proponi, non quia fidem dubitanti auctori facere nitimur, sed quia credenti ea, quæ minus percipit, & intelligit, exponere conamur. Quid igitur quæstio Theologica sit, si eam ex disciplinæ ordine, naturaque finiamus: quid rursum illa sit, si ex ingenio nostro existimetur, quæ quæstiones in theologia primariæ, quæ appendices, quæ argumentatione potissimum, quæ contra potissimum expositione solvantur, dictum est satis.

Nunc quæstio partienda est, ut ea, quæ

In h. c. a. & c. in c. a. fuit posterior argumentum.

quæ in re dispersa, atque infinita videntur esse, ratione, & distributione sub uno aspectu ponantur. Questionum ergo Theologicarum, quæcunque de re sint, duo sunt genera: alterum cognitionis, alterum actionis. Cognitionis sunt hæc, quarum finis est scientia: si queratur, Pater & Filius sintne unum principium Spiritus sancti, an duo? Divinæ Personæ an proprietatibus relativis, an absolutis distinguantur? Actionis autem huiusmodi exempla sunt: Sine penitentia ad salutem necessaria tanquam medium, an etiam ut præceptum? Num sacramenta novæ legis gratiam & virtutes conferant? Cognitionis questiones, si generaliter loquamur, quadripartitæ sunt, cum aut, sitne vel Deus, vel angelus, vel anima rationalis, aut quid sit, aut qualis sit, aut cur sit talis, queritur. Quarum prima, & secunda, ut diximus, ex ingenii nostri conditione, secunda & tertia ex natura rerum, & disciplinæ ipsius explicantur.

Actionis porro duo sunt genera, unum ad salutem necessarium, alterum earum rerum, quæ utiles esse videantur. Prioris generis hæc sunt questiones, Si, exempli causa, honor Christi periclitetur, aut salus etiam spiritualis proximi, vir Christianus mortem ne pro his rebus subire debeat, an non? De baptismo suscipiendo præceptum ne Evangelii sit? Posterioris autem generis, ut cum queritur, Diluat ne aqua lustralis, quam benedictam scholastici appellant, peccata venialia, planeque penas peccatorum tollat vi sua, & quod ajunt, ex opere operato, an potius ex operantis merito? Num Eucharistiæ Sacramentum ex attrito faciat contritum? Itemque, an recedente fitione, quemadmodum baptismus, & penitentia suum effectum sortiantur? Plena est D. Thomæ summatalium questio. Non enim Theologus semper de necessariis differit, sed quandoque etiam de iis, sine quibus salus, religioque constat. Et quoniam omnia persequimur, dicendum est etiam, questionem Theologicam, sive ad contemplationem, sive ad mores attineat, aliam naturalem esse, aliam vero supernaturalem: supernaturalem, opinor, questionem vocare licet, quæ ex supernaturalibus solum principis definitur. Naturalem autem questionem eam esse dico, cujus, cur ita sit, ra-

tio naturæ constans reddi potest. Est & questio media, quæ partim ex supernaturali principio, partim ex principio naturali pendet. Primi generis exemplum est, An omnes mortui simus. Quam questionem Paulus hæc argumentatione definit: Si pro omnibus Christus mortuus est, omnes mortui sunt: at pro omnibus mortuus est Christus. Item, An omnes resurgemus? Quam sic Apostolus terminat: Christus resurrexit: ergo & nos resurgemus. Secundi vero generis hæc sunt exempla: Num Deus sit ubique? Num immutabilis? Num animus hominis immortalis sit? Num dividi & scari in partes possit? Quam omnino probationes, quamvis e sacris literis petere liceat, quæ ratione ad fidem utique pertinent, sunt tamen in lumine naturæ claræ, & evidentes: eaque re non sunt per se fidei questiones, sed, ut diximus, quasi per accidens. Tertiæ generis, Ut, sit ne Christus risivus? Habeatne duas voluntates, & intellectus duos, duasque item utriusque potentie operationes? Quæ ex utriusque principii patescunt. Prima ex his: Christus est homo, & omnis homo est risivus. Reliquæ vero ex his: Christum duas naturas perfectas habet, divinam & humanam: omnis autem natura perfecta propriam sibi & operationem, & potentiam vendicat.

Est denique alia divisio Theologicæ questionis, ad quodcunque genus illa pertineat. Sunt enim fidei questiones quædam, hoc est, quæ cum ad fidem spectent, pro earum veritate Theologo est in capitis etiam discrimen veniendum. Aliæ vero sunt, quæ in utramque partem & ignorari & negari sine fidei iactura possunt. Quam partitionem Augustinus cum alias sæpe, tum in libro secundo de peccato originali contra Pelagium, & Cælestium, capite vigesimotertio commemorat. Atque penitus partitio hæc non est solum memorie commendanda, sed in oculis semper habenda, si absoluti Theologi esse volumus. Utriusque generis exempla sunt: Prioris hoc pæcio: An Christi anima simulacque Verbo conjuncta fuit, Deum clare viderit? Item, An in locis inferis ignis purgatorius sit, ubi fidelium animæ penas peccatorum luant? Posterioris Augustinus quidem varia, atque innumerabilia esse dicit, & quæ

& quæ certo aliquo genere complecti, ac definire difficile sit: sed quæ ponit, ea sunt: Cum quaeritur, qualis, vel ubi sit paradisi, ubi constituit Deus hominem, quem formavit ex pulvere: quum tamen esse illum paradysum fides Christiana non dubitet. Vel cum quaeritur, ubi sit nunc Helius, vel Enoch, an ibi, an alicubi alibi: quos tamen non dubitamus, in quibus nati sunt corporibus vivere. Vel cum quaeritur, Utrum in corpore, an extra corpus in tertium coelum sit raptus Apostolus: quamquam sit ista impudens inquisitio id scire volentium, quod se ille, cui hoc præstium est, salva utique fide nescire testatur. Vel, quot sint cæli, in quorum tertium se raptum esse commemorat. Vel, Utrum elementa mundi huius conspicabilis quatuor, an plura sint. Quid faciat Solum, Lunamve deficere his defectibus, quos prædicere Astrologi certatimporum dinumeratione consueverunt. Cur antiqui homines tamdiu vixerint, quam sancta scriptura testatur: & utrum proportionem longioris ætatis filios sera pubertate pignere experire. Ubi poterit Mathematicum vivere, qui in arca non fuit, quæ, sicut in plerisque codicibus & Græcis, & Latinis numeratur anni, reperitur supervixisse diluvio: vel utrum paucioribus, qui rarissimi inveniuntur, potius credendum sit, in quibus ita est numeris conscriptus annorum, ut ante diluvium defunctus fuisse monstratur. Hactenus exempla Augustini posui. In hoc genere Divus Thomas 2. cont. gent. cap. 70. questionem illam esse censet, An cælum animatum sit, quam inter ceteros errores Origenis Hieronymus enumerat in epistola ad Avitum: sed Divi Thomæ consentire videtur Augustinus in enchiridion capite 57. Verum ne ducens lectorem remorem, de omni isto genere questionum quid sentiam, & quæ præcepta danda existimem, perbreve exponam.

Nulla Theologicæ questionis præcepta firma, stabiliæque tradi possunt, nisi ab iis, qui in schola sese multum, ac diu exercuerunt. Itaque propria est hæc præcepti scholasticorum: quoniam eorum, qui scholam negligendam esse existimant, nulla idonea, exquisita, excellens de Theologicæ questione disputatio est: tantum abest, ut harum rerum præceptores sint, quas

nullo tui habent cognitæ. Admonebat me res, ut hoc quoque loco intermissionem scholasticæ Theologiæ, ne dicam interitum, deplorarem, nisi viderer, ne cum de aliis academici quererem, Hispaniam meam immodice extollerem, in qua valde his temporibus scholæ Theologiæ viger. Sed apud nos etiam videmus, quibus extinctis Theologis, quam in paucis spes, quanto in paucioribus facilius, quam in multis sit audacia. Nihil vero de me, de præceptore dicam libentius, qui academias Hispanas adeo insigniter ingenio suo, & doctrina illustravit: adeoque nostris hominibus & spectabiles, & amabiles reddidit, ut in eas certatim non confluerint modo, sed irruerint. Quod si ille Gallis, Germanis, atque Italis scripsisset, quærat hominis in disputando peripetias, elegantia, & suavitas: non ita nunc apud eas gentes scholæ studia jacerent. Nam ex eo credo quibuldam usu venire, ut abhorreant a schola, quod inciderint in inculta quædam, & horrida de malis questionibus deterius vestigata, de crimine etiam inveniata & conclusa. Sed age, his omisiss, id, quod instituiamus, persequamur. Nec tamen necesse est, ut res faciles separatim instruamus Theologiæ præceptis: si sunt enim ante oculos. Nec rursus de iis leges ferre operæpretium est, quæ multum a ratione discrepant: ea enim facile apparent, nec magnopere admonitionem & præcepta desiderant. Quæ autem difficilia videntur esse, neque a multis intelligi possunt, de iis est diligentius præcipiendum.

Primum ergo officium Theologi discernens existimo, ut questionem quam versaturus est, sæpe dicat, & identidem interroget se, cujus generis illa sit. Aliter namque questionibus illæ finiendæ sunt, quæ natura, & disciplinæ ordinis in Theologiam veniunt, aliter quas humani ingenii vel imbecillitas, vel certe malitia movet. Nec eodem modo discernendum est de iis, quæ quarimus ut exponamus, ac de aliis, quæ quaruntur ut demonstremus: Longèque diversa instituitur disputatio de naturali ac supernaturali questione, alijque loci Theologici sunt hinc, atque illi accommodandi. Nam cognitionis, actionisque questiones, ut alias diximus, eodem scire modo, exque eisdem locis tractandæ, & solvendæ sunt.

Sed

Sed cum uniuscuiusque genus questionis diligenter investigandum est, tum illud maxime, an præter fidem illa sit, an potius ad fidem, religionemque pertineat. Cum his porro, qui in fidei questione errant, velis equique, ut dicatur, decernendum est: cum aliis vero, qui de his controversantur, in quibus falsa fide decipi, errare, ludi homines possunt, pugnare quidem, quæ alias monui, Theologi & possunt, & quædamque etiam debent, sed cruenta pugna illis omnino interdicta est. Quam ridiculum est cum nervos omnes corporis & animi intendere in ea questione solvere, cujus inscientia nihil periculi habet, error nihil habet cuiusvis? Sed in toto hoc posteriori questionum genere quam magna Theologo sit adhibenda moderatio, in octavo, & nono libris non inique exposui. Hic dico quantum propositis ac formularum brevitati satis est: reliqua illinc petentur. Non enim mihi liber eadem hoc tempore & loco resumere. Illud huius loci & temporis est Theologum admonere, ut non stultas modo questiones, & genealogias, & contentiones, & pugnas legis debeat, quæ sunt interdum quoque noxiæ, verum etiam utiles quasvis, & vanas, quæ Theologo nequeunt in ultum aut cognitionis, aut actionis accessiri.

In com. ep.
ad Tit. c. 3.

In his Hieronymus illas questiones censet: Quoties annos vixerit Mahabale? Quoto ætatis suæ anno Salomon sortitus sit conjugium? Ne forsitan Roborin undecimo ætatis illius anno natus esse credatur. In epistola quoque ad Vitalem, cum posteriori harum dupliciter respondisset, ad extremum ait, Apostolum de istiusmodi interdicere questionibus. Et post pauca, Relege, inquit, omnes & veteris, & novi Testamenti libros, & tantam annorum reperies dissonantiam, & numerum inter Judam, & Israel, id est, inter regnum utrumque consilium, ut huiusmodi hæere questionibus non tam studiosi hominis, quam otiosi esse videatur. At bene habet, quod non dicit, attingere, sed hæere. Nam si ad gemis questiones breviter exponere otiosum, & inutile est, non ego solum, qui in superiore libro multas ejusmodi explicui, sed Augustinus, ac Hieronymus quoque ipse arguentur. Non est igitur immorandum in huiusmodi questionibus minime necessa-

riis, licet ad veritatem historię sacrę quodammodo speculare videantur: sed cum in omni d'putatione, tum magis in ea, quæ ad fidem, & salutem nihil attinet, exercenda est facilitas quædam, ne si hæce rebus differendis diu ac multum hæreamus, in morositate inuolem, & odiosum incidamus. At Divus Augustinus supervacaneum esse existimavit querere, ubi, & quomodo sit in celo corpus Dominicum. Sed de fide, & symbolo, licet coram synodi patribus, ad novitos tamen doctrina instituerat. Alioqui Cajetanus, quem unum nostræ familie non ingenio solum, & eruditione præstantissimum audeo dicere, sed in huius generis questionibus excitandis modestissimum, non est veritus, quum sacras literas interpretaretur, eam rem querere, paucisque etiam explicare. At idem Augustinus eas questiones nullo modo patitur, quas ex agitudine animi dicit existere. Equid faciebat Deus, antequam faceret coelum, & terram? Equid ei venit in mentem, ut aliquid faceret, quum antea nunquam aliquid fecerit? Sed penitentiam agens, contentisque peccata, vix ægre fert questiones necessarias, nedum minus utiles, curiosas, importunas. Non itaque eadem disputandi regula Theologo præscribenda est, cum in gymnasio cœtat, & cum in cubili, aut etiam in templo luget.

De de. &
lym. c. 6.

Li. 11. cons.
c. 3.

Sed regula hæc erit & rationi, & sanctorum auctoritati maxime consentanea, ut omnis Theologus de re supernaturali disputans, (nam hæc illa propria disputatio est) nomen Theologiæ secum ipse repetat; titulum suum, hoc est, Theologi, frequenter legat; quærat a se non semel, sed sæpius, quorsum caperet disputare, sciaturque, nullam illi questionem asciscendam, nisi quæ ad veram, quæ supra naturam est, Christi, Apostolorum, & Prophetarum philosophiam referatur. Huius enim præcepti quidam immemores innumeris questionibus præsertim dialecticis, physicis, & metaphysicis explicandis importunissimè, longulinique fuerunt. Nemo autem est longus, qui materiæ immoratur, si aliquid accersit, atque attrahit, quod suo videlicet instituto congruens, consentienique sit. Nec tamen questiones illas, quamvis non adeo necessarias, exterminandas puto. Est enim animorum,

De generis
ad locum
lib. 2. cap. 9.
de 16.

R. 16.

Lib. 2. de
ordine c. 16.

rum ingeniorumque exercitatio quædam non modo acuminis plena, sed etiam ad theologiam scholæ valde utilis. Nam quod Augustinus ait, nihil ad se pertinere, utrum cælum sicut sphaera undique concludat terram in media mundi mole librata, an eam ex una parte desuper velut discus operiat? Item, An stet cælum? an potius moveatur? hoc vel in Manichæorum invidiam & odium dicit, qui similes multas questiones se a magistro didicisse iactabant: vel illos certe reprehendit, qui iis excitandis & solvendis questionibus multum proluxa & rebus salubribus impendenda temporum spatia occuparent: illius enim verbis libenter utimur. Cæterum quasi præteritis id genus questionibus ipse solvit: quibus tamen, ut ait, incundis atque tractandis neque episcopo temporis satis erat, neque illis, quos ad salutem & sanctæ ecclesiæ necessariam utilitatem cupiebat informari. Nec dissimile huic est, quod Augustin. idem curiosissimas Dioscori questionibus reprehendit, & scribit tamen, se non idcirco ea dicere, quia istiusmodi discuntur, sed quia vano sine discuntur. Ita respondit quibusdam earum breviter, alius vel prolixè. Ego vero si ab amico essem de rebus ejusmodi interrogatus, aut dissimulanter præterirem, aut aperte etiam responsa negarem. Nec enim dignas eas questionibus conferrem, quibus vel tantillum temporis impartirer. Sed August. erat vel in amicos liberalior, vel in Dioscorum indulgentior. Quorsum hæc? Ut intelligant ii, qui scholæ perpetuam invidiam constant, controversiâs circa Aristotelem exortas non esse disquisitione Theologi indignas, si quæ in Cicerone ambigua erant, ea non est designatus explicare Augustinus. Quid quod is ipse nescientem quid sit nihil, quid informis materia, quid formatum exanime, quid corpus, quid species in corpore, quid locus, quid tempus, quid in loco, quid in tempore, quid motus secundum locum, quid motus non secundum locum, quid stabilis motus, quid sit ævum, & quid sit nec in loco esse, nec usquam, & quid sit præter tempus, & semper esse: quid sit & nusquam esse, & nusquam non esse, & nunquam esse, & nunquam non esse: hæc, inquam, nescientem, nec de Deo nec de anima sua quicquam recte aut querere aut disputare posse asse-

verat. Non sunt igitur questiones istæ physicæ & metaphysicæ a schola nostra expellendæ, ne illæ quidem, quæ Erasmo cæterisque similibus curiosæ sophistæque etiam visæ sunt. Sed de hoc alio loco pluribus. Nunc ad fidei questionem redeo. Quæ nisi Theologo in primis constituta sit, nihil ratione docere potest neque via.

In hac igitur re vehementer elaborandum est, si in Theologia, quis sit gradus veritatis ac falsitatis exquirimus. Id nimirum ut Theologiæ maxime proprium est, ita est omnium difficillimum. Quare illud præstare valet nemo, nisi peritæus consummatusque Theologus. Dixerit quispiam. Quid? nonne sunt notæ aliquæ, quibus questionibus fidei se jungi ab eis, quæ Fidei non sunt, & internosci possint? Sane vero. Sed nec enivis contingit adire Corinthum: nec sunt ista omnium communia contritaque præcepta. Ac pertinet quidem ad omnem Fidei questionem constituendam, semper in promptu habere ejusmodi notas, & questionum Fidei quasi indices: verum ea magna omnino res est, egerque doctrina & exercitatione non parva. Illas itaque si poterimus, proferemus: nec ita multum post, sed pauca ante dicenda sunt. Fidei porro questio bisariam intelligitur. Una, quæ immediate ad fidem attinet: ut vere attinent omnia, quæ Deus ecclesiæ suæ aut verbo edidit, aut scripto. Altera, quæ mediate Fidei est: cujusmodi sunt omnes conclusiones, quas ordine disciplinæ ex illis prioribus colligere, & definire possumus. Quæ quoniam non in seipsis, sed in aliis tanquam principiis revelatæ a Deo sunt, mediate Fidei dicuntur esse, & qui eas negat, is fidem negare hoc modo dicitur. Atque eequidem illud etiam animadverto, eas non abs re forsitan questionibus Fidei vocari, quæ vehementer ad ecclesiæ doctrinam pertinent, fideique sunt propter affinitatem appendices. Non quod aut ex iis pendat fides, aut iis sublati funditus illa tollatur: sed quod affecta ægraque sit, si harum rerum veritas labefiat, quæ illi hærent & adjunguntur. Oportet nempe in ecclesia sanam doctrinam esse & verbum sanum, ut Apostolus ait. Quemadmodum autem morbi quidam lethales sunt, alii vero non interficiunt quidem hominem, sed afficiunt tamen valetudinem: sic errores quidam non fidem

1. ad Tim.
2. & 6 de
1. ad Tim.
1. & 4 de
ad Tit. 1.
de 2.

dem extinguunt , sed obsecrant : non evernunt , sed infirmant : morbumque afficiunt , non exitium . Sicut ergo quod saluti est noxium , vitæ id quoque noxium est : ita quodcumque sanæ doctrinæ adversatur , hoc Fidei est etiam quodammodo adversum . Ex quo intelligitur , quæstiones illas , quæ ad doctrinæ ecclesiasticæ sanitatem spectant , ad fidem suo quodam modo spectare . Sed nos huius generis controversias non in fide proprie , sed præter fidem esse dicimus : nec qui in his errant , eos in fide , sed præter fidem errare existimamus . Atque ita rebus his primo simpliciter collocatis , reliqua deinceps subtilius persequemur .

CAPUT VI.

Quibus novis quæstiones Fidei dijudicari possint .

QUibus autem rationibus hanc dijudicandi facultatem assequi possimus , ne in constitutione causarum Fidei erremus , accurate nunc & diligenter exponendum est . Et Cardinalis quidem Turcremata lib. 4. sum. eccles. p. 1. c. 9. septem gradus ordine ponit propositionum catholicarum , quæ eadem , cum in disputandi controversiam disceptationemque vocantur , quæstiones Fidei dicuntur .

Primus earum est , quæ in libris sacris habentur expressæ . Secundus earum , quæ ex hisce per certam & necessariam consecutionem fiunt . Tertius earum , quas verbotenus Christus Apostolis , Apostoli ecclesiæ tradiderunt . Quartus earum , quæ in conciliis universalibus definitæ sunt . Quintus earum , quæ a sede Apostolica sunt fidelibus ad credendum propositæ . Sextus illarum , quæ de fide & refutatione hæresium sancti doctores una mente , unaque voce docuerunt . Septimus illarum est , quæ ex tertio , quarto , quinto , & sexto generibus consecutione firma & necessaria derivantur . Ex quibus capite sequenti distinguit etiam septem genera hæreticarum propositionum , quæ septem illis generibus propositionum fidei repugnant . At vero more jurisperitorum ista sunt tradita , quæ fortasse minutius in tenuissimas particulas conciduntur . Nobis tamen , qui docendi compendiarium viam & rationem proficemur , ad breviorum nume-

rum & absolutam quandam disciplinæ formulam redigenda sunt omnia . Cum igitur veritas Fidei , ut paulo ante diximus , bipartita sit , & hæc ad fidem mediare , illa immediate pertineat ; necesse est , duos gradus propositionum Fidei generales statim a principio collocare . Prior earum erit , quæ Theologiæ legitima principia sunt , cuiusmodicumque sint illa , sive primaria sive secundaria , hoc est , ea omnia , quæ Deus in se ipsis ecclesiæ revelavit . Posterior vero gradus harum erit , quæ ex prioribus illis necessario colliguntur . Hoc enim genus conclusionum , ut cum rebus Fidei colligatur , ad fidem etiam spectat . Ratio enim connexi , quum concesseris superius , cogit inferius concedere : & quum inferius negaris , superius item negare cogit . Rursum , in superiorum illo gradu duos intelligimus , unum earum propositionum Fidei , quas in libris canonicis sacri auctores scriptas reliquere : alterum earum , quas verbo traditas ecclesiæ , ut crederet , a Christo & Apostolis accepit . In posteriore itidem gradu duo genera intelliguntur . Unum conclusionum ejusmodi , quæ e principis solum Fidei nascuntur . Alterum earum , quas non fides sola conficit sine externarum disciplinarum adiutorio , sed ascitis aut uno principio aut pluribus naturæ ratione cognitis . Atque hæc quidem tametsi non eodem loco & gradu , omnes tamen simpliciter & sine additamento quæstiones Fidei vocari possunt , nempe cum ex utrisque Fidei veritas pendeat , cum utrisque conjuncta & copulata sit . Nam quæstiones illæ quasi Fidei appendices , quod nuper , & quid dico nuper ? imo vero plane paulo ante dicebam , Fidei quodammodo sunt , non simpliciter . Nec enim sic Fidei adhærescunt , ut separari ab illa non queant . Agrotat sane , ut ita dicam , in earum errore fides , non perit .

Sed quoniam scripturæ sacræ nativæ & germana sensa obscura interdum & implicata sunt , nec semper exploratum est & cognitum , quænam illa sint , quæ sine scripto Apostoli memorie prodiderunt , sæpe etiam impeditum est , & quasi tenebris circumsumum , an conclusio controversiæ necessario e rebus Fidei ducatur , id nos modo expedire atque explanare cupimus , quibus notis & signis cognosci ac distingui possit

fit veritas fidei, tum illa, quæ in sacris scriptis libris est: tum, quæ est verbo ab Apostolis tradita: tum deum ea, quæ ex harum vel altera, vel utraque conficitur. Eo vero studiosius hoc negotium suscipimus, quod nou modo scholæ Theologis utilissimum fore intelligamus, sed illis etiam maxime necessarium, quibus Apostolica sedes fidei cognitionem & censuram imposuit. Non enim parum in se habet fructus certa constansque ars in Theologia discerendi: nec sine hac arte eorum errores æquabiliter uocari possunt, qui a fide Christi & antiqua ecclesiæ institutione deiciunt. Contrariorum enim, quod a Philosophis vere dicitur, eadem est disciplina. Quare si veritates fidei catholicæ constitumus, errores aduersos pariter designamus. Age: ergo coneramus pedem, ut ajunt, & ad rem propius accedamus.

De rebus perspicuis, ut dixi, nihil præcipi oportet. Itaque si scripturæ diuinæ locus, ut inde ordiamur, planum & apertum habet sensum, vel ex contextu, vel ex alio ejusdem scripturæ loco, vel ex verborum ipsorum clara luce, nullum nostrum præceptum est. Ipse enim apertus scripturæ sensus certum præ se fert catholicæ veritatis iudiciū. Quo fit, ut Lutheranos plerique hæreses theologus vel medicriter scripturæ diuinæ sensus imbutus perspicere denotet. Nullum quippe negotium est eos errores iniurare, qui scripturæ manifesto repugnant. Ut illi, Ecclesiam universalem in fide errare posse. Item, Humanas omnes actiones criminosas esse. Item, Tristitiani de peccatis non esse necessariam, sed inutilem. Multi denique alii, quos commemorare longum est. At enim de scriptura sacra dicta hæc intelligi volumus, quam esse canonicam constanter sit ab ecclesiâ diffinitum. Nam, quemadmodum in secundo libro docuimus, libellum Baruch non adeo explorare & firmare in sacrorum numero ecclesiâ reposuit, ut aut illum esse sacrum fidei catholicæ veritas expedita sit, aut non esse sacrum, hæresis expedita sit. Libellus ergo iste, siue quilibet alius, qui in questionem citra crimen hæreticos vocari possit, quantumvis clara & aperta inserat sententia, non statim esset certa atque constans catholica fidei veritas. Sed transeamus ad alia, & in rerum disti-

ciliorum iudicio e superioribus libris lumina quæque carpiamus. Ex eo enim tempore hæc res elaborata est, ex quo locorum Theologicorum firmitudinem constitumus.

Sit igitur prima præceptio. Cum scripturæ diuinæ sensus fuerit obsecutus, tunc ecclesiæ intelligentia eadem est germana scripturæ intelligentia, ex qua habebitur (crepet licet hæreticus) & catholicæ veritatis insigne certum, & ad probandas Theologiæ conclusiones certi ejus, quod exquirimus, argumenti delectus. Si enim ecclesiâ certissimum jus habet discernendi verba Dei a verbis hominum, ut in secundo libro nobis constitutum est; habebit quoque idem jus, ut in verbis ipsius sensum Dei ab hominum sensu discernat. Nisi credimus, perinde scripturam ecclesiæ, ut Ptolomæo Agyptiulque concessam: vel certe, ut nunc est concessa Judæis, quos scriuarios ecclesiæ Christi Augustinus non inleganter appellavit. Scimus autem, utrumque depositum ecclesiæ commissum, ut utrumque etiam perpetua fide conseruet, reddatque simul, quas accepit, & scripturam & scripturæ intelligentiam. Spiritus meus, inquit, qui est in te, & verba mea, quæ posui in ore tuo, non recedent de ore tuo, & de ore feminis tui amodo, & usque in sempiternum. Ambas igitur res Christi ecclesiâ custodit, custoditque semper, & verbum & spiritum verbi. Item Christus spiritum veritatis promissit ecclesiæ, qui cum illa maneret æternus, eique omnia suggereret, quæ illi a Christo sunt dicta. Item, cum verum Dei euangelium, quemadmodum Hieronymus elegantissime dixit, non in scripturis sit, sed in sensu; non in superficie, sed in medulla; non in verborum solis, sed in radice rationis: si ecclesiâ scripturam haberet, non autem legitimam scripturæ sensum, non haberet profecto verum Dei Euangelium, atque adeo ne fidem Christi quidem, quæ sine vero Dei Euangelio non est. Nec enim ad verba fides, sed ad sensum refertur. Alioqui & hæretici scripturas sine sensu loquuntur, & diabolus scripturas etiam profert: sed in intelligentia falsâ falsum Euangelium habent: certe non diuinum, sed humanum, imo, quod peius est, diabolicum. Cum vero inter catholicos & hæreticos non de scriptura, sed

cont. F. u. b.

Ista 39.

Ioh. 14. 15. & 16.

In epist. ad Gal. c. 1.

Libellus Baruch & sacris eximere: quoniam esse diuini hæretici, nemo tunc animus iam, neque modo audeo dicere.

de sensu plurima controversia sit, si ecclesie interpretatio non est certa intelligendi norma, equis erit illiusmodi controversia iudex? Sensum enim suum pro sua virili quisque defendet. Quod si in exploranda scripturæ intelligentia nullus est ecclesie certus iudex, andeo dicere Rempublicam fuisse nullam stultius constitutam: Nullum enim disidiorum futurum finem, consensionem fidelium nullam, nullam fidei unitatem. Qua sublata, non charitas modo & pax, sed fides etiam ipsa penitus tollitur, atque ipsum omnino ecclesie nomen. Quod autem Apostolis Christus aperuit sensum, ut intelligerent scripturas, non id propter illos tantum, sed multo etiam magis propter ecclesiam fecit. Ex quo intelligimus, Christum ecclesie suæ librum signatum per petuo aperuisse. Scripturæ insuper intelligentiam Apostoli ecclesie tradiderunt. Nam si non sensum, sed verba duntaxat tradidissent, non utique prædicassent Evangelium omni creaturæ, nec docuissent omnes gentes fervare quæcumque illis fuissent a Christo commendata. Qualis enim Evangelii prædicatio, qualive doctrina absque intelligentia esset? Nempe qualis aut puerorum aut psittacorum est, qui sine mente dant accipiuntque sonum. At Apostolicæ traditionis certior testis nemo est, quam ecclesia. Nam quid acceperit, equis clarius evidentiisque testabitur, quam ipsa, quæ accepit? Scripturæ igitur sensus ab Apostolis ecclesie traditus peneq; ecclesiam est.

Præterea, ecclesia columna est & firmamentum veritatis: at veritas vere & proprie in intellectu scripturæ est, in scriptura autem improprie tanquam in signo. Quemadmodum urina figurat sana dicitur, cum animal ad sit, quod est proprie sanum. Si ergo ecclesia firmamentum est veritatis, firmam certe habet ac certam rerum cognitionem veritatum, quæ in sacris literis continentur. Sed quid opus est plura? Jam cum quartus superior liber comprobavit veram fidelemque omnem de ecclesie auctoritate sententiam. Ostensum est autem multis & testimonio & rationibus, ecclesiam in fide errare non posse. Atqui nihil magis ad fidem atinet, quam divinorum dictorum vera cognitio & sensus. In ecclesia igitur explorata scripturæ in-

telligentia residet, ex qua nimirum intelligentia & compertum habere possumus fidei catholicæ signum, & eodem quoque signo errores contrarios denotare. Sane primæ hujus præceptionis clarissimum exemplum est in paradiso terrestri, in fitione Adæ de limo terræ, in Evæ formatione de costa Adæ, denique in tentatione serpentis. Quæ omnia Orogeniæ allegoricis figuratiquæ interpretationibus perverterunt. Sed cum ecclesia semper ea non figurate dicta, sed proprie ad historiam acceperit, jure illos lyoñolus sexta actione undecima explosit.

Secunda præceptio. In ecclesie nomine non modo fidelium omnium concilio intelligitur, verum etiam ecclesie pastores & doctores, præsertim in concilio congregati. Hæc ostensa nobis est libro 4. cap. 4. conclus. 4. & libro 5. cap. 4. conclus. 3. Præceptionis vero hujus exempla multa sunt, sed nos pauca ponemus. Illa Domini lege, Hæc facite in meam commemorationem, omnes semper ecclesie sacerdotes intellexerunt id præseibi, ut hoc idem ipsi facerent, quod & Jesus Christus tum faciebat, hoc est, ut Eucharistie sacrificium offerrent. Nam post illa verba in persona Christi prolata, Unde & memores, inquit, nos servi tui, &c. offerimus majestati tuæ de tuis donis ac datis hostiam sanctam, &c. Vniclesiæ igitur, qui dixerunt, non esse suadatum in evangelio, quod Christus missam ordinaverit, Lutherani item, ac multo etiam magis, qui negant in ecclesia Eucharistie sacrificium esse, jure a nobis hæretici habentur. Sed de hac re in hoc eodem libro posterius. Rursum concilium Lateranense, Patrem & Filium vere & proprie rem unam eandemque esse intellexit ex illo, Ego & Pater unum sumus. Ita in hoc Abbas Joachimus damnatus est, qui hunc locum non ad rei ejusdem & nature unitatem, sed ad consensionem voluntatis unius retulisset. Pari enim errore illum alterum locum interpretabatur: Claritatem, quam dedisti mihi, dedi eis: ut sint unum, sicut & nos unum sumus. Præterea, Spiritum sanctum a Filio procedere, concilium Ephesinum ex illo scripturæ loco accepit: De meo accipiet: ex illo etiam: Quem ego mittam vobis a Patre, Spiritum veritatis, &c. Animam rationalem tandem formam esse substantentem quidem, sed essentialiter,

Vid. 17 c. 1. concil. I.

Lac. 21.

Idem Sp. nod. Ephes. lina.

Joan. 17.

Joan. 16. Joan. 17.

Vid. 1 c. 1. & c. 1. f. 1. d. 1. 4.

Lac. 24.

Gen. 2.

liter, vere, ac per se humanum corpus informare, concilium Viennense, ut equidem sentio, ex eo loco habuit: Inspiravit in faciem ejus spiraculum vite, & factus est homo in animam viventem. In eo enim quod Deus animam homini inspirasse dicitur, illam patres foris venisse interpretati sunt, quemadmodum flatus extrinsecus venit. Non itaque spiritum hominis educi de materia, nec ab ipsa pendere, sed per se omnino subsistere. In eo autem, quod per eundem spiritum factus est homo in animam viventem, cognovere utique, illam corpus vere vivum efficere, atque adeo formam substantialem esse humani corporis. Item hoc traxerunt ex illo: Nisquam enim Angelos, sed semen Abrahæ apprehendit. Si namque animus hominis non esset corporis vera forma, parique omnino humanæ naturæ, sed corpori, ut nauta navi, juxta Platonis Origenisque sententiam, assisteret, sine dubio substantia esset, quod ad naturæ conditionem attineret, separata, quam nos angelum nuncupamus. Quare Deus animam rationalem assumens, angelicam naturam assumpsisset.

Hebr. 2.

Hæc igitur & alia ejusmodi tametsi in scriptura obscurius continentur, ecclesia tamen jure suo explicat, fidelibusque ad credendum exponit. Quod dum facit, ipsius decretum non solum non esse italicum, sed etiam stabile, fixum, ratumque esse debet, perinde ac si in libris sacris patentius haberetur. Pastores ergo ecclesiastici, quos in Ecclesiæ voce communiter intelligimus, cum scripturæ certam constantemque intelligentiam præscribunt, & absolutam veritatis catholicæ exhibent formulam, & notas quoque certissimas, quibus hæreses contrariæ dijudicentur.

Tertia præceptio. Si sedes Apostolica aliquem scripturæ sensum præstiterit, ille idem catholica veritas censenda est. Quam sane præceptionem, nisi opinio nos fallit, diligentissime in sexto superiore libro demonstravimus. Multis quippe ibi ac necessariis argumentis adduximus, sedem Apostolicam in fidei judicio labi non posse. Scripturarum vero interpretatio, quæ in disputationem illæ veniunt, fidei judicium est: non ergo in scripturarum intelligentia sedes Apostolica errat, si eas ex præscripto interpretatur. Nam

si non constanti judicio fixoque decreto, sed ex opinione sua quasi præteritis exposuerit id, quod alias sæpe dictum est, nihil constitueret omnino, quod certum exploratumque sit. Quare si tunc erret, scripturam vel parum apte interpretando, vel in sensum etiam alienum detorqueando, nihil huic præceptioni obstat. Quæ non omnia illa sentia præstuit, quæ Pontifices & scriptura sacra ad res, de quibus agebant, suadendas accersierunt: sed illa docet firme esse tenenda, quæ fidelibus a sede Apostolica præstuntur. Quibus autem signis sedis Apostolicæ, conciliorumque firma judicia internoscantur, in quinto libro explicatum est. Ac certe ejusmodi judicia, quæ in scriptura interpretanda versantur, ad sedem Apostolicam peculiariter attinere, adeo clare hodie est in Clement. unic. d: summa Trinitate & fide catholica, diffinitum, ut minime sit hæsitandum, quin Pontificis sententia eadem, & Viennensis concilii sit. Quid? quod claves habet Petrus, ut librum clausum aperiat? Quid? quod quæcumque solverit in terris, erunt soluta & in cælis? Quid? quod ab initio constitutum est, ut ex ore ejus gentes verbum Evangelii & audirent & crederent? Quid? quod ad verum hanc petram ne portæ quidem inferi prævallere queant? Quid? quod pro eo oravit Christus, ne desiceret fides ipsius, quo fratrum vacillantem & nutantem fidem confirmaret? At quid ego stultus contra proverbium vetus acta agos & argutis minutique interrogatunculis quasi aculeis lectorem pungo, & quæ ea ut modo primūque nascentia edo, quæ in texto libro altissimis defixa radicibus ulque adeo confirmata sunt, ut nulla unquam vi labefactari possint? Hujus autem præceptionis exemplum habes in Extravaganti Benedicti XL, cujus initium: Benedictus Deus in donis suis: Ubi pronunciat Pontifex, hæreticos eos fore, qui negaverint, animas iustorum, simulque & corpore excefferint, divinam essentiam clare videre: si nihil tamen habuerint, quod pœnis purgatorii ante expiandum sit. Hoc vero sine dubio accepit ex illo: Id, quod in præsentem est momentaneum & leve tribulationis nostræ, æternum gloriæ pondus operatur in nobis. Ne quis autem talio errore ductus existimaret, hanc ope-

C. 5. 4.

Math. 16.

1. Cor. 5.

2. Cor. 5.

operationem eternæ gloriæ, aut ad præsens mortalis vitæ tempus, aut ad futurum universale iudicium esse referendam, subiungit itatim Paulus : Scimus enim, quod si terrestris domus nostra huius habitationis dissolvatur, ædificationem ex Deo habemus, domum non manu factam æternam in cælis. Ac ne quis rursus aliter æternam illam gloriam interpretaretur homini contingere, quam per claram divinæ essentia visionem, mox rem eandem apertius exponens subdit : Scientes, quoniam dum sumus in hoc corpore, peregrinamur a Domino : per fidem enim ambulamus, & non per speciem : audemus autem, & bonam voluntatem habemus magis peregrinari a corpore, & præsentem esse ad Dominum. Quem locum D. Thom. quarto adversum gentes libro, pressius urget. Ubi quamvis & alia scripturæ testimonia referat, sed ad meum sensum, imo ad sincerum, subtileque iudicium, nullum aliud est hoc testimonio præstantius, ut & illa fidei veritas comprobari, & contraria hæresis reſutari queat. Præclare itaque mihi sentire videor, si summum Pontificem autumo, ex his ipsis Pauli verbis illud fidei dogma eliciuisse. Ea igitur verba in falsum alium sensum peregrinumque deflectere hæreticorum erit.

Quarta præceptio. Consentiens eadem sanctorum omnium conspiransque scripturarum intelligentia, ipsissima est fidei catholica veritas. Quæ præceptio in septimo libro, cap. 3. concl. 1. adeo fuisse lateque & explicata exemplis, & rationibus ac testimonio confirmata est, ut ineptus ego sim, si quicquam in præſenti adiciam.

Quinta præceptio. Si ex Apostolorum traditione communis ecclesiæ usus unamquamlibet scripturæ interpretationem præ se tulerit, ea ut Fidei veritas tenenda est. Ut ecclesiæ mos perpetuus expreſſit, in illis verbis, Quæcunque solveris super terram, erunt soluta & in cælis, Petro Petrique successoribus datam esse facultatem & solvendi vota, & relaxandi iuramenta. Qui hanc ecclesiæ facultatem inficiatus fuerit, is vere ac jure hæreticus iudicabitur. Atque hanc quoque præceptionem nec probare argumentis, nec exemplis illustrare debeo, propterea quod in 3. lib. illam utriusque rebus pateſeci.

Sexta præceptio. Quodcunque dogma Fidei vel ecclesiæ habuerit, vel con-

cilium auctoritate Pontificis roboratum, vel etiam summus ipse Pontifex fidelibus præscripserit, vel certe sancti omnes concordissime constantissimeque tenuerint, ita nobis illud pro catholica veritate habendum est, ut contrariam sententiam hæreticam sentiamus, quamvis nec aperte nec obscure in scriptura sacra contineatur. Docui nimirum in tertio libro copiosius, dogmata Fidei non e sola scriptura petenda, sed ex Apostolica traditione. Quæ verò Christi & Apostolorum traditiones sint, non alia via & ratione melius investigari posse, quam ecclesiæ ipsa duce atque magistra, superius non semel explanatum est. Ecclesiæ porro auctoritatem non modo omnium fidelium cætu consistere, verum etiam conciliorum decretis, sedis Apostolicæ iudicio, sanctorum doctorum consensione, superioribus quoque libris expositum est satis, ut arbitror, diligenter. Christi quippe Apostolorumque doctrinam partim scripto, partim verbo in ecclesiam descendisse, cum alias sæpe, tum fusius in tertio libro monſtravi. Ostendi etiam sepius, nihil per se ad ecclesiæ fidem pertinere, nisi quod Christo & Apostolis revelantibus accepit. Cum autem neque ecclesiæ, neque concilium, neque sedes Apostolica, neque sancti omnes simul possint in Fidei iudicio salvi, quemadmodum suis quæque locis pateſcenda sunt; certe quodcunque nobis Fidei dogma tradiderint, si in sacris literis non habetur, Christo Apostolisque tradentibus in ecclesiam venit. Eodem itaque gradu habendum, ac si patenter illud scriptura traderet. Omitto jam plura exempla hæresum notissimarum, quibus præceptionis huius nota inſulta est. Nam in tertio libro exempla sunt pene innumerabilia.

Septima præceptio. Si vel ecclesiæ, vel concilium, vel sedes Apostolica, vel etiam sancti una mente eademque voce aliquam Theologice conclusionem & confecerint, & fidelibus etiam præscripserint; hæc veritas catholica ita censetur, ut si esset per se a Christo revelata; & illi qui adversetur, æque erit hæreticus, ac si sacris literis traditionibusve Apostolorum reſtagaretur. Conclusionem sane Theologice hic appello eam proprie, quæ ex principiis huius facultatis certa & firma consecutione ducitur. Huius rei exempla sunt in promptu vel plurima. Sexta synodus

Mathias.

generalis duas esse in Christo voluntates, duasque item operationes collegit, tum ex illo: Non sicut ego volo, sed sicut tu vis: tum ex eo, quod Christus Deus est, & homo perfectus. Concilium Lingdunense sub Gregorio Decimo, ratione quoque Theologix constanti demonstravit, Spiritum sanctum ex Patre & Filio, non tanquam ex duobus principiis, sed tanquam ex uno, non duabus spirationibus, sed una procedere. Pater liquidem & Filius juxta fidem sunt unus Deus, una potentia, una sapientia: breviter, in omnibus unum, in quibus non obviat relationis oppositio: nec enim aliter divinæ naturæ unitas in duobus personis servari potest. Cum itaque in spirando nulla sit a Patre Filii distinctio, sequitur, Patrem, & Filium non esse duo principia Spiritus sancti, sed unum; quemadmodum non sunt duo principia creaturæ, sed unum. Quæ ex re intelligitur utrumque errasse vehementer, Erasmus nempe & Ambrosium Catharinum: illum, qui hanc conclusionem nihil ad fidem pertinere credidit: hunc, qui eam, cum sit Theologix proprie conclusio, inter principia prima, hoc est, fidei articulos numeravit. Item concilium Lateranense sub Innocentio Tertio, ratiocinatione Theologica adversus Joachinum effecit, divinam essentiam nec genitam esse, nec generare. Rem videlicet genitam & generantem realiter distingui oportere: quare si essentia divina generaret essentiam, ipsam a se non sola cogitatione, sed etiam esse distinctam. Item patres ad unum omnes ex eo principio, Hoc est corpus meum, ratiocinati sunt, conversionem panis in corpus Christi fieri, sine qua nec verborum illorum veritatem poterant comprehendere, nec cætera, quæ fides catholica de vera inclusione corporis Christi sub specie panis conficitur. Ita concilium Lateranense patrum veterum consensione constituit, panem in corpus vinumque in sanguinem transubstantiari: sic enim concilium loquitur. Hac re constituta, illa fuerunt consecratoria, quæ concilium Constantiense decrevit, panem post consecrationem non manere, atque adeo manere sine subjecto accidentia. In mutatione quippe & conversione quicunque terminus, a quo mutatio & conversio initium sumit, non manet. Quare si per consecrationis ver-

ba panis transit in corpus, non utique perit ille, sed perstant accidentia ejus. Item synodus Complutensis, Sexto Quarto in Extravag. sua corroborante, certo Theologix argumento, confecit ex illo Joannis testimonio, Sicut misit me Pater, & ego mitto vos: quorum remisistis peccata, remiguntur eis, & quorum retinueritis, retenta sunt, non solum sacramenti penitentix institutionem haberi, sed confessionis etiam præceptum. Id, quod nos in relectione de penitentia evidentissime deduximus. Inde ergo exempli hujus probatio petetur. Nam & reliqua delibamus, extremisque, ut dicitur, digitis attingimus, quæ late longueque diffusis in lectionibus olim quotidianis persecuti sumus.

Octava præceptio. Si scholastici Theologi aliquam item conclusionem firmam & stabilem uno ore omnes statuerint, atque ut certum Theologix decretum fidelibus amplectendum, constanter & perpetuo docuerint, illam ut catholicam veritatem fideles sane amplectemur. Constitutum autem, ut reor, hanc præceptionem in 8. libr. firmiter & necessario, nec ad opinionem meam solum, sed plane ad veritatem. Ac fieri potest, ut aliorum judicio errem: sed meo ita prorsus existimo. Christi igitur animam, statim ut est in corpore inclusa, Deum aperte vidisse, scholastici ad unum omnes fidentissime docent. Eam rem unde sibi persulerint, non omnibus passim expeditum est. Sed ita esse minime ambigitur, nisi quod Erasmus in quæstionem vocat. At quibus rationibus & testimoniis ea conclusio confecta sit, posterius explicabitur.

Illud modo ponimus, universos scholæ Theologos, in Theologia certis constantibusque decretis præfuerendis errare non posse, sicut ne in fide quidem: quod eorum error, error fuisse ecclesiæ, utpote quum ad censendum hujus generis res non alios ecclesiæ, quam Theologorum oculos habeat, qui si fallerent, totum ecclesiæ corpus in suo facerent errore versari. At enim, ut dixi, post ea, quæ 8. lib. disputata sunt, non est operæpretium in hac re constituenda elaborare. Sed ne quis sit admiratus, cur, cum inter omnes fere Theologos conitet, a meque ipso sæpe affirmatum sit, ejusmodi conclusiones, quæ ex fide per explicatam con-

Joan. 20.

sc.

secutionem derivantur, Theologiæ proprie esse, non Fidei; nunc ita confundam, quasi Theologia & fides eadem virtus sint. Si enim error conclusionis Theologiæ error Fidei est, ut est vera; si eam negare sit hæresis, sequitur, fidem atque Theologiam ad eandem pertinere virtutem, quandoquidem errores utriusque saculati contrarii ad idem pertinent vitium. Sunt enim utrique hæreses. Sed non erit difficile ei, qui superiora relegend, hanc obtere contumereque calumniam. Diximus enim, fidem, licet non immediate, sed versari tamen circa eas conclusiones quæ per evidentem & necessariam consequentiam ex articulis fidei colliguntur. Quare necesse est, ut infidelitas mediate quoque circa conclusiones Theologiæ contrarias versetur. Cum autem ex huiusmodi adversis erroribus non ægotatio modo Fidei, sed etiam corruptio sequatur; sit, ut eorum & Fidei sit indirecta quidem & consequens, sed vera & naturalis repugnantia. Quamobrem ecclesia, tamen intelligit ejusmodi conclusiones non esse de solum, sed et principiis quoque naturæ pendere: quia tamen non putat, hominem rationalem ea, quæ rationi perspicua sunt & manifesta, negare: eum, qui illas inficiatus sit, hæreticum judicat. Sumit enim, maximaque ex causa sumit, illum non in naturæ ratione, quæ erat evidens, sed in fide claudicare. At vero si quis vel consequentiam rerum alias perspicuam ignoraret, vel principium etiam naturale, quod cum articulo Fidei ad colligendam Theologiæ conclusionem sumitur, certe non esset hæreticus: Ut si homo indoctus, verbi causa, existimaret hanc enunciationem esse falsam, Omnis homo est risivus: unde quamvis crederet, Christum esse hominem, non ideo arbitrareretur, eum posse ridere: hic profecto non esset proprie infidelis, sed stultus, qui non per se supernaturali lumini, sed naturali repugnaret. Verum quoniam ejusmodi stultitia, quamvis per accidens & indirecte, Fidei tamen ex consequenti corruptit depravatum iudicium, jure apud ecclesiam non in stultitia habetur, sed in crimine. Atque hæ mihi videntur præceptiones summæ atque optimæ, in quibus tanquam insignitæ notæ & catholicarum veritatum & hæresum contrariarum appareant. Si quis vero certiores meliorisque protulerit,

ei ego magnam habere gratiam. Quoniam erunt fortasse qui reprehendant communiter illi quidem omnia, quæ præter opinionem suam in his libris meis animadvertent: separatim autem in singulis si perspicient quædam, in quibus vel a communi ego opinione, vel a clementiæ & lenitatis specie discedo. Nam & præceptionum tertiarum & postremarum acerba cuipiam forte severaque judicia videbuntur. Sed is primum rationes illas expendat velim, quibus in 6. & 8. lib. uti sumus ad duas has præceptiones corroborandas: modestiam quoque ac temperantiam, quo huius nostri iudicii acerbiter indulgentiam etiam, nisi nos sententia fallit, emolvimus. Deinde si tam indulgens in huius sæculi temerariam insolentiam esse vult, ut asperior ei disciplinæ correctio duplicet, obsecro videat, ne dum iudicium ecclesiasticorum animos a severitate & vehementia ad remissionem indulgentiamque traducit, non modo forum ecclesiæ relaxet, sed usque ad atrium licentiæ impudentis atque adeo intolerantiæ explicet. Crudele est, fateor, illud, Vexat censura columbas: sed illud etiam dissolutum, Dat veniam corvis: utrum vero hoc tempore & ætate perniciosius, non facile dixerim. Sed quoniam eorum errores, qui de ecclesiæ doctrina parum recte sentirent, non eodem gradu esse omnes, multis in locis perquam breviter perstrinxi atque attigi: sed de his quoque errorum gradibus pauca dicantur. Accepimus enim e concilio præteritum Constantiensi, alias propositiones hæreticas esse, alias erroneas, alias sapientes hæresim, alias temerarias, alias scandalosas, alias piarum aurium offensivas.

CAPUT VII.

De variis errorum gradibus, primumque de hæresi, & hæretica propositione.

Præius vero, quam istiusmodi propositionum genera notasse definio, illud explicandum est, an omnia illa ad hæresim requirantur, quæ sunt ad hæreticum constituendum necessaria. Sunt enim auctores nobiles, qui existiment, omnem propositionem hæresim esse, quæ Fidei veritati repugnet, quamvis ab ignorante sine ulla pertinacia defendatur. Hæreticus autem,

A a tem,

tem, nisi sit pertinax, nullo modo intelligitur. Huius autem opinionis suæ multas causas reddere conatur. Primam, quod nisi ita esset, aliqua propositio ab uno affirmata esset hæresis, ab alio non esset: Ut si homo doctus sciens contrarium in sacris libris contineri, assereret, Moysem non Iudæum fuisse, sed Ægyptium; tunc illam propositionem hæreticam esse, hæsitari non potest. At si eadem inscite ab aliquo homine rustico & idiota affirmaretur, hæretica non esset. Ita fieret, ut propositio ab asserente penderet: quod, ut inquirunt, quam sit erroneum, vel mediocriter docto est manifestum. Si enim propositio falsa est, a quocunque dicatur, semper erit falsa: ergo si est propositio hæretica, a quocunque illa asseratur, semper erit hæretica. Alteram causam reddunt, quod veritas catholica non pendet ab asserente, ut veritas catholica sit. Nam siue Iudæus, siue Paganus, siue Christianus Deum esse unum & trinum assermet, illa certe assertio catholica est: ergo neque contraria falsitas ex eo, a quo asseritur, hæresis sibi automen, aut rationem vindicat: sed absolute & per se est hæretica, quoniam absolute, & per se cum catholica veritate pugnat. Ceteras causas vel ego non intelligo, vel certe indignas iudico, ut a nobis referantur. Illa vehementior apparet, quæ ab illis omittitur, quod Theologi rogati, an propositio aliqua hæretica sit, an non, simpliciter respondent, aut esse, aut non esse, nulla ejus, qui asseruit, habita ratione. Nova autem res esset & inaudita, si Theologi propositiones eas, quarum notæ quærentur, designare nolent, nisi illis ante assererent ingenium, conditio, doctrina, & culpa innotescerent. Hinc colligunt, omnem propositionem, quæ modo est hæretica, semper hæreticam fuisse: nec ecclesiam definitione suâ ex non hæretica hæreticam facere, sed id quod re ipsa erat, ignoratum tamen & occultum, declarare. Hanc sententiam Occam. tenuit, 1. par. dialogor. lib. 2. c. 11. & Cardinalis Turrecremata lib. 4. part. 2. cap. 3. & Adri. 4. Sentent. q. 1. de confess. & Alphonsus Castro Zamorensis libr. 2. de iusta hæretic. puni. cap. 1.

At auctores alii haud deteriores, mea quidem sententia (nam meliores multum credunt) ab his longe dissentiunt:

in quibus est Cajetanus 2. 2. qu. 7. 2. 1. Divulque etiam Thomas prioris ad Corinth. cap. 11. lect. 4. Asserunt autem ad hujus sententia confirmationem argumenta plurima. Primum est, quod Concilium Constant. distinguit propositiones hæreticas, erroneas, sapientes hæresim: quas res difficulter omnino discernemus, si omnis error in materia fidei est hæresis, prius etiam quam definitur ab ecclesia. Deinde 24. qu. 1. cap. Quod autem; & cap. Achatius, & 24. q. 3. cap. Notandum, dicuntur aliquæ hæreses esse novæ, aliquæ veteres: non ergo absolute sineque ullo respectu asserentis hæresis dici potest. Præterea, ad hæretici rationem, quia hæreticus est, pertinacia requiritur: ergo de ratione hæresis est pertinacia. Quemadmodum si cœnatum non nisi vespere intelligimus, nec cœna quidem nisi vespertina intelligitur. Ac certe sicut a candore candidum, ita ab hæresi nominatur hæreticus: quare qui hæresim asserit, hæreticus ille est, ut qui habet candorem, est candidus. Quid enim absurdum dici potest, quam veram fornicationem esse in eo, qui non est fornicarius? verum & proprium homicidium in eo, qui non est homicida? Abiurdum igitur etiam est, in eo vere, & proprie hæresim esse, qui non sit hæreticus. Ad hæc, hæresis est vitium non solum intellectus, sed etiam voluntatis, nempe crimen est, quod nisi voluntate consentiente intelligi non potest: ubi ergo nullum est crimen, nullave cordis adversum fidem repugnancia, ibi ne ulla quidem hæresis est. Adde, quod actus fidei catholicæ non est, nisi assentiamus propositioni catholicæ ab ecclesia definitæ: quamvis enim res esset ambigua, neque ecclesia alterutram controversiæ partem præfinit, neutrius opinionis assensus fidei catholicæ iudicium est. Quæ ex re intelligitur, non esse hæresim, nisi quis veritati catholicæ, quam ecclesia certo præscripsit, reitagetur. Adde etiam, quod veritatem catholicam appellare, quam nec ecclesia credendam proposuit, nec fideles per fidem insulam credunt, sed unusquisque probabili opinione tenet, videtur a nomine quoque ipso veritatis catholicæ alienum. Atque opinionem, quæ inficias iret, divinas personas relationibus distinguendo, antequam esset ab ecclesia definitum,

Hieron. eodem modo loquitur in 1. c. epist. ad Tit.

nemo hæresim vocare auderet; nec veritatem catholicam, quæ adversam sententiam tueretur.

Mhi vero semper consilium fuit nominum controversias aut declinare omnino, aut paucis exponere. Itaque si de hæresi proprie loquimur, non dubito quin recentior, crebriorque sententia eadem verior sit: nempe non aliud exigi ad constituendum hæreticum, quam id, quo hæresis constituitur: hæresis quippe flagitium in aliquo homine est, illumque denominat, in quo esse constitit. Cuicumque igitur hæresis nota vere, & jure iniuri potest, is vere, jureque erit hæreticus: id, quod ex argumentis nunc positis quædam manifeste probant. Sed quemadmodum urina improprie sana dicitur, quod signum est sanitatis, etiam si salix aliquando sit; sic propositio in voce, vel in scripto vocatur hæretica, quod signum hæresis esse soleat, quamvis interdum ab hæresi is, qui dixerit, excusetur, quia ignorans fuit. In quo sensu illorum opinio vera est, qui arbitrantur aliquam propositionem hæreticam esse, tum etiam cum is qui asserit, hæreticus non est. Vel loquuntur etiam de hæresi ex genere, & objecto: Ut si quipiam concubitus illum primum Jacob cum Lia fornicarium appellaret, non quod re vera fornicatio fuerit, sed quod ex genere & natura talis sit, quamvis ignorantia interveniat. Verum scholæ Theologi, qui vocum significatus preliis tenent, nec concubitus Jacobi cum Lia fornicationem esse dicunt, nec acceptionem rei aliens, furtum, nec eadem hominis, homicidium, nisi quum & res aliena male per injuriam attrectatur, & homo inique contra jus occiditur. Maneat ergo, perpetuumque sit, si veram, & propriam nominis rationem sequimur, hæresim non esse, cui pertinacia non est adjuncta, & omnino cætera, sine quibus crimen hæreseos vere, & proprie non consistat. Nec si ad fidem illa ex se pertinent, quæ a Deo sunt ecclesiæ revelata, quamquam in eorum forte nos ignoracione versamur, contrarios statim errores hæreses judicamus. Non enim si quipiam color albo contrarius est, protinus est ater: nec si aliquid liberalitati adversatur, mox avaritiæ nomen habet. Sic igitur fieri potest, quod paulo post demonstraturi sumus, ut etiam

in Christiano error aliquis sit Fidei quodammodo adversus: nec hæresis tamen sit, vitium inter ea, quæ Fidei repugnant, vel maximum. Quemadmodum autem (nam hoc exemplum etiam atque etiam premendum est) color albo gilvus, glaucus, & pallidus contrarii sunt, imperfecte tamen: ita quidam etiam sunt Christianorum errores, qui, cum inchoati sint, & informes, hæreseos speciem non attingunt, licet ad eam ipsam quam proxime accedant. Quia vero hæresis cum fide non solum pugnat, sed summe, maximeque etiam pugnat, sequitur, errorem tunc proprie hæresim esse, quum non Fidei materialiter, sed formaliter adversatur. Libet enim hoc loco scholæ verbis abuti. Sed experiar, & dicam, si potero melius. Si quis fidelis in his, quæ Fidei sunt, vitiose per inficitiam erret, & flagitiose etiam catholicam unamquamvis veritatem ignoret; ad dialecticorum legem quidem Fidei contradicit, ad morumque etiam normam culpe mortalis reus est: sed nisi vivus, ut dicitur, videntique pereat, hoc est, nisi prudens, volentique se a catholico dogmate separet, nec facit sectam, neque hæresim admittit. Nondum enim simpliciter, & absolute cum Fidei forma pugnat, si de pugna morali sermo sit. Nam de pugna dialectica nulla nobis quæstio nunc est. Sunt tamen ejusmodi errores informationes, & inchoationes quædam hæreticæ pravitas, ad cuius speciem indirecte, ut imperfecta ad perfectam, rediguntur, quemadmodum hominis embrio homo quidam informis est, & inchoatus; at non simpliciter homo, sed secundum quid. Non ergo si quipiam error Fidei contrarius per ignorantiam, vel negligentiam vituperabilem Fidei obrepit, illico hæresis nominabitur, quæ est summa quædam infidelitatis species, errorque Fidei catholicæ adversus, non utcumque, sed perfecte, absolute, formaliter. Perfecta vero hæc, absoluta, & formalis repugnantia, quum sit etiam moralis, non modo dialectica, ex objecto, & genere scorum non accipitur, nisi subjecti quoque, & voluntatis humanæ ratio habeatur. Ecquis enim nesciat, morales actus ex dispari hominum statu, conditione, affectu, notitixque varietate diversa, varias item nominationes, specieque sortiri? Error igitur ille, Christus non est ve-

rus Deus, tametsi in quocunque cuiusque conditionis homine fidei repugnat, in Iudæo tamen infidelitas Iudæica est; in Pagano, paganica, in Christiano, hæretica. Nisi adeo loquendi imperitia simus, ut huiusmodi erroris culpam in Pagano hæresim appellemus. Apud nos ergo, qui multas, & discredantes infidelitatis species ex vario hominum cultu, ac professione distinguimus, nihil obstat, cur non illiusmodi & rerum, & vocum genera ab asserentibus pendane. Quibus rebus expositis, facile, ut opinor, intelligitur, mala hæresim ratione finire, quod sit error catholicæ veritati contrarius: quippe cum ista finitio una in omnes errores valeat, Judæorum, Saracenorum, Paganorum, Hæreticorum. Sed hoc quidem sane luculenter, ut ab hominibus definiendi peritis, a Theologis scholasticum est, Hæresim esse ejus, qui fidem professus fuerit, pertinacem errorem, illi veritati manifeste contrarium, quæ catholica certo sit.

CAPUT VIII.

Contra hæresis finitionem argumenta quædam.

- A**T enim ut hæc definitio illustrior appareat, quibusdam argumentis exploranda est. Primum Christiana doctrina, & institutum est hæresis, ut auctor est Philo in libello de vita theoretica supplicium apud Eusebium libro histor. ecclesiast. secundo, cap. 17. At non est error, sed ipsa potius catholica veritas, &c.
- 1. Arg.** Deinde, Apostata a fide, & religione Christiana catholicæ veritati aperte repugnat, quam semel professus est, non tamen est hæreticus.
- 2. Arg.** Præterea, Ex verbis inordinate prolatis, ut Hieronymus ait, incurritur hæresis: sine errore ergo, & pertinacia hoc crimen invenitur.
- 3. Arg.** Præterea, Dubius in fide infidelis est, de hæreticis cap. 1. si ergo antea erat Christianus, ex huiusmodi dubitatione efficitur hæreticus. Nihil enim est in genere, quin in aliqua ejus generis specie constitutum sit. Quod si hæsitatio illa est hæresis, qui autem hæsitat, suspensus, & incertus animi pendet, nullique rei omnino assentitur; sit, ut hæresis sine errore aliquando sit. Nam error veritati repugnans assensionem

habet. Ad hæc Divus Thomas 1. par. quest. 32. art. 4. docet, quod opinari fallum circa ea, quæ sunt nobis principaliter ex fide tradita, hoc ipso inducit hæresim, maxime si pertinacia adjungatur: Sine pertinacia igitur hæresis esse potest. Id, quod ecclesiæ noster confirmat, quæ ex una actione adorandi idola, circumcidende puerum, hominem quasi hæreticum judicat, non judicatura, si ad hæresim pertinacia, nimiaque illa in errore perduratio exigetur.

Addæ, quod incredulitas, & duritia cordis sine pertinacia esse non potest: discipuli ergo undecim, quorum incredulitatem, & duntaxat Dominus increpavit, habuerunt in errore pertinaciam. At error circa resurrectionis articulum, quam Dominus ipse manifeste prædixerat, Fidei catholicæ aperte erat contrarius: quare si finitio illa vera, & perfecta est, discipuli in hæreticos crimen incurere. Id si per absurdum est, dicamus potius, in ea definitione & superesse quicquam, & etiam abesse.

Hæc vero argumenta paucis quam fieri poterit expediemus. Non enim hoc loco nos de hæresi institutionem suscipimus, quæ nisi longissima oratione nullo modo absolveretur: sed quasi prætereuntes breviter, & circumscripte explicare volumus, quidnam proprie hæresis sit, unde, quis sit hæreticus error, cluceat, & quæ hæretica propositio: quam in voce, vel scripto erroris hæretici signum esse, nemo qui vir doctus sit, ignorare potest.

Primum igitur, hæresis Græce ab electione dicitur, ut auctor est Hieronymus in 5. cap. epistolæ ad Galatas, & in cap. 3. epistolæ ad Titum, Ildorus lib. 8. etymol. cap. 3. Div. Thomas secunda secundæ quest. 11. art. 1. & in 3. cap. epistolæ ad Titum. Græcam vero hanc vocem Latinus novi testamenti interpres interdum servat, quandoque in sectam vertit, ut ad Galatas quinto, ubi editio nostra, In carnis operibus sectas habet, Græca habet, Hæreses. Et Actorum 28. Judæi cum Paulo inquirunt, Nam de secta hac notum est nobis, quod ubique ei contradicitur, Hæresim Græce Lucas dixit. Secta igitur, & hæresis eadem res sunt: sed ut secta a sectando, sic hæresis ab eligendo dicitur, *ἀπὸ τοῦ αἰρῆσαι*, quod est, eligo. Deinde & illud animadvertendum, no-

Respon-
ad 1.

2493. cap.
hæresis,
1. Cor. 12.

men hæreseos apud Græcos veteres, & Latinos auctores generale esse, & unquamlibet sectam designare, ut Platoniam, Stoicam, Peripateticam. At Christiani scriptores contracto vocabulo hæresim nuncupant sectam, & divisionem, qua quis a communi se ecclesiæ fide sejungit, privatamque opinionem eligens, a catholica institutione discedit. Præterea & illud, licet sit in promptu, & multorum sermone teneatur, commemorandum est tamen, doctrinam evangelicam proprie neque hæresim, neque sectam appellandam. Tum quia eam non sequimur ex electione nostra (nec enim commentum, aut inventum nostrum est) sed habemus ex traditione divina: ut non nobis sit, an aliter opinandi optio detur, sed Deum quacunque trahit, retrahitque, sequamur. Tum etiam, quoniam evangelii doctrina semper catholica, & universalis fuit, ad omnes æque pertinet, omnesque eam omni tempore tenuerunt, qui de Deo, & veritate recte sentierunt. Cum ergo hæresis, & secta priva am quandam disciplinam sument, quam sibi unusquisque pro suo arbitrio & eligit, & sequitur; nimirum catholica disciplina hominibus ad unum omnibus a Deo tradita, nec secta, nec hæresis vocanda est, quamlibet Philosophorum placita hæreses vocentur. Auctores sunt Hieronymus in 3. cap. epist. ad Titum, Iulianus 8. lib. ethymolog. cap. 3. Theopylactus in 2. cap. epist. ad Colossenses. Tertullianus in libro de præscriptionibus hæreticorum. Quod igitur Philo nostram religionem hæresim dicit, neque in malam partem tamen, more illius ætatis facit. Sic enim sere ab hominibus appellabatur.

Respon. At vero utrum Apostasia hæresis sit, magna doctissimorum dissensione certatur. Sylvester in verbo Hæresis 1. questione secunda affirmat, apostatam hæreticum proprie non esse. Sed in verbo Apostata, §. 1. & 2. secum ipse, ut videtur, pugnat. Cajetanus 2. 2. quæst. 11. argo. 1. docet, quod apostata vere hæretici sunt, quia licet non credant in Christum, ut ait, actu elicto, profitentur tamen eum caractere Christiano. In hæresim itaque incidunt, cum desiciant a fide catholica, quam professione tenebant. At in Summa in verbo Apostata, videtur contra sentire, inquit: Apostasia pejor est

hæresi, utpote excedens ipsam, totaliter tollendo fidem. Cardinalis Turrecremata in lib. 4. par. 2. cap. 13. aperte confirmat, apostatam hæreticum non esse. Quæ eadem sententia est D. Thomæ 2. 2. quæst. 11. art. 1. & quæst. 2. art. 1. ad 3. ubi expresse dicit, apostasiam non importare determinatam speciem infidelitatis, sed recipere speciem a termino, ad quem est motus recedentis a fide. Ac certe usum, e more loquendi sanctorum hæreticus ille duntaxat est, qui post professionem Christianæ fidei sub nomine Christiano doctrinæ Christi resistit, ut Augustinus inquit 18. de Civitate Dei cap. 51. & 16. lib. cap. 3. tradit, quod Chram medius Noë filius nec in primitiis Israelitarum, nec in plenitudine gentium tanquam se ab utroque discernens, & inter utrumque remanens, typus hæreticorum fuit. Atque Origenes in tertium caput epistolæ ad Titum, Hæreticus, inquit, ille est, qui Christo se credere profitetur, sed aliud de veritate Christianæ fidei credit, quam habeat traditio definitionis ecclesiasticæ. Ecce singulorum verba referendo prolixum, & molestum simus, Ambrosius in 1. cap. epistolæ ad Titum, Gregorius in quinto moralium cap. 11. Bestia in Luca cap. 17. idem cum Divo Thoma, & Augustino sentiunt: nec quicquam veterum in longissimis adversum Julianum disputationibus, eum hæreticum, sed apostatam nominavit. Sed ne ratio quidem Divi Thomæ pessima est: is enim, qui totam Christi doctrinam rejicit, nihil videtur eligere, sed penitus a fide discedere. Item, Apostasia motum quemdam importat discedentis a fide: motus autem non habet speciem a termino a quo, sed a termino ad quem. Cum ergo apostata ad Judæorum superstitionem, & errorem accedit, Judæicæ infidelitatis reus est: cum vero ad paganum, paganicæ infidelitatis culpam contrahit. Quo fieret, ut apostasia, si hæresis est, in duabus speciebus ejusdem proximi generis collocaretur. Rectius ergo Divus Thomas philosophatur, cum ait, apostasiam nullam determinatam speciem infidelitatis præ se ferre, sed ad eam redigi, & reduci, ad quam apostata accessit. Nam ex eo quod recessit a Christiana fide, apostasia speciem non habet, sed circumstantiam quandam aggravantem, juxta illud: Melius erat eis non cognoscere viam

justitiae, quam post agnitionem retrorsum converti. Quo magis eos miror, qui in contrariam sententiam verba D. Thomae, rationesque deducunt. Sed eorum argumenta videamus.

Unum est, quod haereticus homo per multiplicationem haeresum haereticus esse desineret. Nam si in aliam & aliam haeresum quotidie laberetur, quousque totam prorsus desereret catholicam fidem, jam ex haeretico per augmentum haeresum, priore nomine amisso, apostata fieret. Alterum argumentum est, quod praeter in jure adversum haereticos decretae apostatas etiam comprehendunt, id quod non esset, si illi non essent haeretici: quum nulla lex canonica sit, quae in hujusmodi apostatas animadvertat, nisi in haereticis continentur. Postremum argumentum gravius est multis, quam cetera, quod Bonifacius Octavus apostatas haereticos esse definiit in hac verba: Contra Christianos, qui ad ritum transierint Judaeorum, erit tanquam contra haereticos procedendum.

Sed primum argumentum non est difficile eludere. Quamlibet enim haereses cumulerent, si Christum homo ille generaliter proficetur, & sub Christiano vocabulo ejus fidei impugnatur, haereticus semper erit, apostata non erit. At ubi primum & Christi nomen, & totam omnino religionem deicere instituerit, apostata sit, & nomen haereticus amittit, non per haeresim superioribus adjectam, sed per apostasiam novam, quae haeresis non est, sed majus aliquid haeresi. Quis autem dubitat, minora per majora aboleri, & nominibus commutatis priora in posteriora transire? Dispositiones mutantur in habitus, & nomen dispositionis cessat. Scientia viatoris in scientiam e improbenforis vertitur, & scientia illa prior, fideique & fidei nomen eluitur. Incontinentis, incontinentis saepius iteratis, pravus efficitur, & nomen illud vetus evanescit, aut certe in gravius aliud permutatur. Quapropter nihil est admirandum, si asserimus, haereticum per apostasiam, quae novum crimen est, ab haeresi separatum, multoque gravius crimen, quam haeresis, antiquum nomen amittere, & novum comparare: praefertim quum haereticus apud veteres sanctus non ille apertus hostis sit, sed falsus propheta, qui venit in vestimentis ovium: leprosus item, qui dum

rectis prava permisceat, colorem sanum maculis alpergit: Pharaonis magus, qui veritatis imaginem praese ferens, veritati resistit: fons denique & nubes sine aqua, arbor autumnalis, syderis errans, quae omnia aequae, fructus, lucis speciem obtendunt. Cum ergo haeretici nomen generalem quandam Christi professionem connotet, non est absurdum, si, cum connotatio abest, abest quoque haeretici vocabulum. Quemadmodum si quis cenam adiequentem dicem variis poculis quum maxime possit, varioque item sermone produxerit, cena jam illi mutato tempore in jentaculum, aut prandium etiam converteretur, nec proprie nomenclaturam priorem retinebit.

Secundum vero argumentum ita refellitur. Non est dubium, quin apostatae in poenas haereticorum incurrant. Id quod ab ineunte ecclesia perpetuo servatum est, quemadmodum ex Cypriani opusculis vel maxime liquet. Falluntur autem in ea re plurimi, quod omnes ecclesiae leges a juris voluminibus petendas esse existimant, in quae vel Raymundus, vel Gratianus, vel quilibet alius decreta sane quam plura congestit. Hinc enim Cajetanus noster praeceptum jejunii quadragesimalis, quoniam in decretis pontificiis, quae passim circumferuntur, non apparet, vix potuit constituere: eodemque labore pene confectus est, dum legem quaereret, quae clericis monasticam religionem professi, ad divinas praescriptas preces exolvendum astringerentur. Multae sunt, mihi crede, ecclesiae leges, quas non scriptura, sed usus inseruit. Nec conciliorum, atque pontificum scripta omnia juris contritum volumen complectitur. Apostatarum ergo poenas ante Bonifacium Octavum mos ecclesiae praescripserat. Sed quoniam quilibet dubitavit, illius dubitationem Pontifex in eo capite resolvit, definiens, non aliter adversum apostatas, quam contra haereticos procedendum. Verum e Pontificis verbis, & definitione non habetur, apostatas haereticos esse. Nam illa particula, Tanquam, similitudinem rei aliquando, non semper veritatem asserit. Cujus rei exempla non est opus in praesentia referre: quia in sacris, & profanis literis obvia sunt plurima. At de hoc argumento, cum nominis etiam controversiam habeat, nimis multa dicta sunt.

Erod. 7.

1. Pet. 2.

* hec in 6

Matth. 7.

Illud

Respon.
ad 3.

Illud porro testimonium, quod Hieronymi nomine scholæ Theologi, jurisque periti etiam terunt, Hieronymi non est, sed a Magistro sententiarum acceptum, Divus Thomas, ceterique decinceps, ut solet, usurpant. At si illa Hieronymiana ad Damasum epistola de trium hypostaton vocabulo accuratius relegatur, Divus Hieronymus in ea potius sententia est, ut existimet, e sensu, non e verbis hæresim estimandam. Equid enim aliud sibi vult, cum ita loquitur? Ab Arrianorum præfule & Campensibus trium hypostaton novellum a me homine Romano nomen exigitur. Interrogamus, quid tres hypostates posse arbitrentur intelligi. Tres personas subsistentes, ajunt. Respondemus nos ita credere. Non sufficit sentius, ipsum nomen efflagitare: quia nescio quid veneni in syllabis latet. Ex qua vocabula non edicimus, hæretici judicantur. Et multa alia posterius ejusmodi, e quibus intelligas, Hieronymum nihil sibi in recta, & sana intelligentia a crimine hæreticos timuisse, sed novam vocem, ubi venenum sub melle latere suspicabatur, reformidasse. Alioqui illud Hilarii Hieronymus legerat: de intelligentia hæresis, non de scriptura orta est: & sensus, non sermo hic crimen. Itaque ex verbis inordinate prolatis in hæresis suspicionem incurrere fortasse possumus. In hæresim, si error in fide absit, non possumus. Quum enim fides in intellectu sit, necesse est infidelitatem, cujus species est hæresis, in intellectu quoque esse. Item veritati nihil contrarium est, nisi error: quum ergo hæresis fidei veritati adversetur, sine dubio est error. Sed quoniam interdum legislatores, & judices juris fictione, & presumptione in foro exteriori crimina persequuntur; dicta, factaque externa, quæ hæresim testari solent, & hæreses vocant, & pro hæresibus puniunt. Quemadmodum & eos, qui toris deserunt fidem, opereve externo cultum idolo exhibent, quamvis ex metu id faciant, perinde animadvertunt, ac si interius a fide, & religione descivissent. Sed quod ad voces attinet, nihil moror. Nam sicut externa testatio & propositio fidei interdum fides nuncupatur, ita etiam externa testatio hæresis eandem quoque nomenclaturam habet. Rerum quippe signa, & iniagines rerum sæpe nominibus appellantur. Quomodo pro-

verbium illud vetus, acque laudatum, cui epo vix unquam sum assensus, verum est in sermone vulgari, Ex verbis inordinate prolatis incurritur hæresis. At sermone proprio, ut diximus, hæresis apud Christianos error est ejus, qui fidem Christi generaliter se habere proficitur, nec tamen veram habet. Sed enim de rebus ipsis eos, qui fidei, & religionis judicium exercent, admonendos putavi, ut non eodem modo dictorum, ac factorum judicia faciant. In factis sane, quæ ipsa per se tetra, ac flagitiosa sunt, nihil est periculi, si ritu Judaico circumcidentem, aut idolo, demonive sacra facientem pœnis hæreticorum mulcent. Tamen non sum nescius, viris & Theologis, & juris peritissimis placuisse id, quod mihi ipsi non displicet, ut quoniam illiusmodi homines non sunt aut hæretici, aut apostatae, nisi juris fictione, & presumptione probabili; judices fidei in ea ipsa quidem externa flagitia studiose nimis, ac diligenter inquireant, num re vera ex interiori infidelitate proficiscantur, & prodeant. Quod si consiterent, non errore intellectus, sed cupiditate, metu, aut alia quavis animi perturbatione id pœnis scelera patrata, perfectaque fuisset: tunc illa non tanquam hæreses, sed leviori animadversione punienda. Verum, quum verba quantumcunque inordinate prolata, sæpe a crimine hæretico, nonnunquam etiam a crimine omnino vacent; in eorum sensu, & mente investiganda adhibeat iudex licet diligentiam vel maximam: sed si in verbis pervertis, & inquinatis recta sententia dicentis appareat, sanaque & munda fides, admonendus est homo, corripendus, terrendus quoque: clementer tamen, moderateque multandus. Interdum vero dissimulante est vel tota pœna mortalium interit, & imbecillitati condonanda: cum liberior loquendi licentia hominum levissimorum, quamvis errorem non habeat, vehementer coercenda sit: ut quæ afferat audientibus aliquando perniciem. At hæc ut a presenti instituto aliena, quasi primoribus labris gustata dedimus. Quæ sequuntur, ea nostra sunt, atque ad hoc tempus, & locum proprie pertinent. Quamobrem, ut breviter quidem illa, sed enodate explicentur, ingenii quantum potero, laboris plus pene quam potero, adhibebo.

Controversantur ergo juris periti, atque Respon.
ad 4.

que Theologi, an dubius in fide hæreticus sit: itaque similiter (eadem enim quæstio est) dubitare de una qualibet catholica veritate an sit etiam hæresis. Nam esse, ratio illa posita primum videtur ostendere. Deinde & Augustini testimonium illud, Errare est, verum putare quod falsum est, falsumque quod verum est, vel certum habere pro incerto, incertum vero pro certo, sive falsum sive verum sit. At qui de una quavis fidei veritate dubitat, is habet certa pro incertis: errat ergo contra fidem: fides enim, ut Bernardus ait ambiguum non habet: quod si habet, fides non est. Hæsitatio igitur istiusmodi error est cum fide pugnant. Quare si pertinaciam habeat adjunctam, proculdubio est hæresis. Præterea, concilium Viennense doctrinam omnem aut temere asserentem, aut verentem in dubium, quod substantia animæ rationalis non sit humani corporis forma, tanquam erroneam ac veritati fidei catholicæ inimicam reprobatur. Non igitur ille solum errat in fidem, eique contrarius est, qui asserit propositionem hæreticam, sed etiam qui veritatem catholicam vertit in dubium. Quorum insuper illud caput, Dubius in fide infidelis est, in titulo de hæreticis omnino capitibus præponetur, nisi ut intelligeremus, id genus homines & hæreticos habendos esse, & tanquam hæreticos puniendos? Præterea is qui dubitat, fidem amittit, alioquin non esset infidelis: at fides in baptismo, suscipitur, nisi per hæresim non amittitur. Adde, quod de ratione fidei est constans & certa firmitudo: vacillatio autem & dubitatio pertinax fidei corrumpit firmitudinem: est ergo fidei saltem indirecte contraria, atque adeo est hæresis. Ea enim re error adversus theologicæ conclusionem hæresis est, quia fidei est indirecte corruptor. His argumentis utuntur illi, qui dubium in fide, si est in dubitando pertinax, hæreticum censent. Nam si ex infirmitate, non ex pertinacia vacillat & claudicat, omnium una sententia est, hunc hæreticum non esse: Modice, inquit, fidei, quare dubitasti? Dubitatio igitur hominis infirmi non funditus tollit fidem, quam in imbecillo modicam ad Dominum esse nonnullam.

Alii vero auctores etiam ipsi eruditissimi contra sentiunt, dubitationem in

fide fidei quidem opponi privative, non contrarie: hæresim autem fidei esse contrariam positive: sic enim scholastici loquuntur: itaque dubitationem non proprie esse hæresim: etiam si homo prudens videntique dubitaverit. Quam opinionem multis & ipsi argumentis persuadere conantur. Primum est divi Thomæ testimonium prius ad Coriinth. 11. lect. 4. ubi docet, de ratione hæresis esse, ut quis privatæ disciplinæ pertinaciter inhæreat. Nam electio, ut ait, firmam importat inhesionem: unde colligit, hæreticum non esse, nisi qui spernit disciplinam fidei divinitus traditam, & pertinaciter proprium errorem sectatur. Quæ eadem sententia Hieronymi est in cap. 5. epistolæ ad Gal. & in cap. 3. epistolæ ad Tit. inquit: Hæresis ab electione dicitur, quod scilicet eam hæreticus sibi eligat disciplinam, quam putat esse meliorem. Atque August. libro de utilit. creden. ad Honorat. cap. primo: Hæreticus, inquit, est, qui falsas opiniones vel gignit, vel sequitur. At qui dubitat, hic neque habet firmam inhesionem, nec alterutram quæstionis partem eligit, nec opinionem falsam aut gignit, aut sequitur: non est igitur hæreticus. Rursum, hæresis contrarie opponitur fidei, & non per negationem aut privationem: at dubitatio, cum non habeat assensum nec dissensum, non adversatur fidei contrarie, nam fides assensum præ se fert. Dubitatio igitur non est hæresis. Præterea, hæresis error est Catholicæ veritati contrarius: error autem assensus est, vel dissensus falsus: cum ergo hæsitatio nec assensus, nec dissensus sit, ne hæresis quidem est. Ad hæc, dubitatio medium quoddam est inter duas extremas controversantium partes, fides vero & hæresis duo sint extrema summe maximeque pugnantia: dubitatio igitur, quæ inter dogma hæreticum & veritatem Catholicam intermedia est, non est hæresis, sed illius particeps atque vicina. En causæ, quibus auctores sane nobiles moveri solent, ut isto modo opinentur.

Nec argumenta eos adversariorum argent. Quæ minus in sua sententia peritent. Etenim cum primum illis obijcitur, dubium in fide infidelium esse, hoc ita repellunt. Infidelitas, inquit, tripliciter accipi potest: uno modo secundum puram & simplicem negationem, ut dicatur quis infidelis

In Enchir.
c. 17. & 19.

24 q. 1. cap.
hæresis.

24 q. 1. cap.
hæreticus.

Adrianus
quæst. 3.
Gub. 1. d.
23. c. 8. A.
chiep. Flor.
3. p. 12. c.
An. Jo. An.
dr. & Pa.
nor. super 4.
ca. de hære.
August. de
Anch. in li.
de poenit.
eccl. Vid.
Tuer. 14.
p. 1. cap. 12.
Math. 24.

ex hoc solo, quod non habet fidem : & hoc modo , ut dicit sanctus Thom. 2. 2. q. 10. art. 1. in his, qui nihil audiverunt de fide , non habet rationem culpæ , sed magis pœnæ . Secundo capitur infidelitas secundum contrarietatem ad fidem , qua scilicet aliquis repugnat auditæ fidei , vel etiam contemnit ipsam , & in hoc proprie , ut eodem loco D. Tho. affirmat , ratio infidelitatis perficitur . Tertius modus infidelitatis est medius inter duos modos prædictos , & est fluctuatio quædam inter duas partes , nec uni nec alteri adherendo : quomodo Stephanus Papa loquitur in illo cap. 1. de hæreticis . Tres vero infidelitatis species ejus esse intelliguntur , quæ proprie fidei contraria est , hoc est , non primo aut tertio modo , sed secundo .

Errare autem eos , qui certa pro incertis habent , ita demum esse interpretantur , si aut asserunt incerta esse illa , quæ certa sunt , aut negent etiam esse certa . Error enim est propositio falsa , verbo sive affirmato sive negato . Qui vero nihil vel affirmat vel negat , hunc proprie non errare : nisi forte is etiam errare dicitur , qui scopum non attingit , quum sagittam quidem non jecerit , collineatus tamen si jecisset . In quem sensum peccatores in universum errant , non ii modo , qui operantur malum , verum etiam illi , qui non faciunt bonum . Sed hoc improprium est . Alioqui , ut ad propositum revertamur , si propterea quod fidem certam esse oportet , quisquis incertus est , errorem habet , qui opinabitur Christum esse Deum , hic quoque proprie & errabit , & erit hæreticus , nempe cum non habeat firmitudinem eam , quam veritas fidei requirit . Sicut enim dubitatio fidem pellit , ita etiam opinatio . Formido namque opinioni conjuncta , perinde certo fidei assensui repugnat , ut illa dubitantis ambiguitas . At , estne quisquam tanto ductus errore , ut veram opinionem esse errorem existimet , quia cum certo assensu , quem fides exigit , simul esse non potest ? Qui igitur habebit certa pro incertis , nihil aut asserendo aut inficiando , sed quia pendens animi nec veritatem catholicam , nec dogma contrarium eligit , is fidione juris hæreticus forte erit , vocis certe proprietate non erit , cum non sit contrarie & positive infidelis , quantum est infidelis negative , aut etiam

privative , eo quod fides sine ullo errore & abjecta omni formidine & cunctatione vera esse intelligitur : si autem formidinem aut cunctationem habet , fides non est .

Quod vero ex concilio Viennensi testimonium excitatur , non modo non est contra hos , sed maxime horum causam opinionemque confirmat . Cum enim doctrinam omnem sive asserentem sive verentem in dubium , quod substantia animæ rationalis humani corporis non sit forma , tanquam erroneam , ac fidei catholicæ inimicam synodus reprobasset , ne quispiam putaret , dubium , atque asserentem eodem gradu , & loco habendum esse subjungit : Desinientes , quod quisquis deinceps asserere , defendere , seu tenere pertinaciter præsumpserit , quod anima rationalis non sit forma corporis humani , tanquam hæreticus sit censendus . In quibus verbis perspicuum est , eos , qui eam rem in dubium verterent , non esse a concilio tanquam hæreticos condemnatos , sed eos tantummodo , qui ejus rei contrarium pertinaciter assererent . Nec enim sine causa existimandum concilium est eos , qui in dubium verterent , prætermisisse . Doctrina igitur ea , quæ in dubium vocat catholicas veritates , inimica est fidei Christianæ , non consummare & absolute , sed imperfecte & inchoate : nam & suo quodam modo colores medii albo inimici & contrarii sunt , & non solum color ater extremus . Quæ ex re satis intelligitur , hæsitacionem meram sine assensu , atque dissensu , neque errorem proprie esse , neque Fidei omnia ex parte inimicam .

Jam , quod caput illud , Dubius in fide infidelis est , ante cætera ponitur in eo titulo , qui de hæreticis inferrius est , non probat , dubium in fide hæreticum vere esse ; sed juris fictione esse . Id quod secundum ejus tituli cap. ostendit . Qui alios , inquit Leo , cum potest , ab errore non revocat , seipsum errare demonstrat . At qui hæreticis favent , & in eorum errore convivent affectu illicito , hi juris quidem suspicione hæretici sunt , vere autem & proprie non sunt . Error , Innocentius ait , cui non resistitur , approbatur , & veritas quum minime defensatur , opprimitur . Quid ita ? nec enim caret scrupulo societatis occultæ qui

Id. d. d. & Error.

qui manifesto facinori definit obviare. Et Gregorius, Conscire, inquit, videtur erranti, qui ad rescanda, quæ corrigi debent, non occurrunt. Nec Stephanus Papa, cuius decretum illud esse dicitur, alter se ipse interpretatur. Nempe docere volebat, quibusnam testibus fides habenda sit, & inter ceteros eos a testimoniorum fide rejicit, qui aut fidem veritatis ignorant, aut dubii nimirum in fide sunt. Hos enim Pontifex jure & infideles esse sumit, & in testimoniis ferendis mendas. Quocirca primum illud caput non eo forsitan spectat, ut ex illius sententia homines hæretici judicentur, sed eo potius, ut fidei iudices intelligant, quosnam sint in causa fidei testes legitimos habituri. Absurdum enim esset, ut infideles de fide adversum Christianos testificarentur, sive infideles veritatis ignorent, aut dubitatione sint, seu multoque etiam magis errore contrario.

At enim, qui non infirmitate, sed pertinacia dubitat, fidei habitum amittere mihi vehementer probabile est. Nam actum fidei omnis vel pertinax, vel imbecilla dubitatio tollit, qui quidem ambiguum non habet, & si habet, actus fidei non est. Fidem vero in baptismi susceptionem non nisi per hæresim perdi, hujus opinionis auctores facile negant. Colorem namque album non modo ater expellit, sed gilvus etiam & glaucus, ac ceteri omnino intermedii. Fides item non solum infidelitate excluditur, sed clara etiam visione. Quum enim venerit quod perfectum est, evacuabitur quod ex parte est. Nihil igitur obstat quin & per hæresim perfecte contrariam, & per dubitationem, & opinionem, quæ ex parte fidei adversæ sunt, fides ipsa tollatur.

Enimvero, quod postremo loco argumentum adducit, facilitum est. Error quippe theologiæ contrarius cum & assensum salum habeat, & in falsitate contumaciam: indirecte licet, undique tamen fidei adversus est, tum ex intellectu, tum ex voluntate. Dubitatio autem pertinax ex voluntate quidem fidei perfecte adversatur, ex intellectu non item, ut qui, quamdiu dubitat, errorem assensionemque non habeat. Qua ex parte rationem contrarii claudicare, qui aut admiratur, aut ambigit, is se, qui sit vir doctus

nescire fateatur. Cum ergo hæresis non ex parte, sed undique, fidei contraria sit, efficitur, dubitationem hæresim proprie non esse, quantumvis dubitatio sit pertinax.

Quid ergo? fatin' hoc est, ut de fidei veritate pertinaciter dubitantes non esse hæretici videantur? Mihi quidem non videtur: quanquam alteram earum opinionum metaphysicus probo, alteram philosophus moralis non reprobo. Ad normam siquidem Metaphysicæ, legesque contrariorum a dialecticis physicisque præscriptas dubitatio neque speciem habet, neque formam. Nihil enim assert, nihil ponit, quod aut res sit, aut formæ rationem habeat. Constat autem, quæ proprie contraria sunt, ea duas formas esse maxime repugnantes. Quo modo satis evincitur, dubitationem nec esse hæresim, nec fidei esse contrariam. At si philosophiæ moralis sequimur leges, quæ in id spectant, quod frequentissimum est, tum vero hominem pertinaciter de veritate catholica dubitantem, eundem nullum omnino errorem habere fidei vere contrarium, prorsus incredibile est. Quod enim quipiam vel de conclusionem aliquam, vel de imo etiam quolibet Theologiæ principio ambigat, nihil est admirandum. Quod autem non conclusiones modo in ecclesia certas, verum etiam omnia catholicæ doctrinæ prima principia in dubium vertat, nulli assentiat, nulli repugnet, nequaquam verisimile sit: nisi velimus hominem quempiam fingere hærentem ad omnia, & nutantem, cui universarum rerum infinita questio sit, & nullo loco constans, & fixa veritas. Verum pone hominem ejusmodi reperiri, qui ancipiti semper gradu pendeat, num, si Christum generaliter profiteatur, Christi etiam doctrinam in generali probat? fac ergo cum scripturarum sacras admittere, aut certe ecclesiæ auctoritatem. Cum ergo is dubitaverit de uno quolibet dogmate, quod in scripturis invenitur, vel ab ecclesiâ diffinitum est, si illi ostendas aut ecclesiæ diffinitionem, aut scripturæ apertum dogma, necesse est illum aut dubium abjicere, aut credere, ecclesiæ, scripturæque testimonia incerta esse. Nam si certa illi sunt, omnem hesitationem pellent. Merito igitur ecclesiastici iudices & Theologorum, & juris peritorum auctoritate confirmati, eos omnes hæ-

hæreticos nomine condemnant, qui de dogmate catholico pertinaciter dubitant. Sed nunc quid pertinacia sit, ea quæ vel maxime hæreticum perficit, quam brevissime explanandum est.

Respon.
ad §.

Quod autem hæresis esse sine pertinacia nequeat (nam id primum queritur) non est difficile ostendere, tum communi omnium & Theologorum, & juris peritorum consensione, tum gravissimis veterum reititionis, in quibus illa præclara sunt, quæ ex Augustino referuntur 24. quæst. 3. cap. Dixit Apostolus : & cap. Qui in ecclesia. Idem colligitur ex cap. Damnamus, de summa Trinitate : non enim tanquam hæreticus condemnatur, nisi qui doctrinam fidei contrariam defendere præsumpserit : præsumptio autem (sic enim vulgus arrogantiam appellat) radix est pertinaciæ. Ex cap. uni. de summa Trinitate in 6. illi cenentur hæretici, qui præsumpserint, aut temerario ausu asseruerint, &c. Et in Clement. de summa Trinitate apertius : Quisquis asserere pertinaciter præsumpserit, &c. Divus quoque Thomas tantum abest, ut ab hac sententia alienus sit, ut non modo arbitretur, hæresim sine pertinacia reperiri non posse, sed etiam contendat, eam in hæresis ratione includi. Quam rem suadet in primis ex nominis origine : nam, ut explicatum est, hæresis Græce ab electione dicitur. Non est ergo hæreticus, nisi qui videns, & prudens doctrinam eligit fidei contrariam : id quod sine pertinacia non fit. Utitur deinde illo Apostoli testimonio : Si quis aliter docet, & non acquiescit sanis sermonibus Domini nostri Jesu Christi, & ei, quæ secundum pietatem est, doctrinæ &c. Qui ergo ecclesiæ doctrinæ resistit, atque ideo est pertinax, is dumtaxat hæreticus habendus est. Præterea, hæresis, ut supra quoque diximus, fidei catholice maxime, ac summe repugnat : non est autem perfecta fides, nisi intellectus assensio vera voluntatis recta consensione firmetur. igitur nec hæresis absoluta, & consummata est, nisi falsum intellectus errorem prava voluntatis electio confirmet, ut quemadmodum in fide constantia veritatis exigitur, ita in hæresi contraria inest pertinacia falsitatis. Sed bene habet, quod in hac re asserenda nullum adversarium habemus. Quapropter etiam si rationes nec probabi-

les essent, nec satis idoneæ ad faciendam fidem : communi tamen omnium sensu ea finitionis particula comprobaretur. Non enim arbitrantur hominem quempiam hæreticum esse, quin idem in errore sit pertinax.

At quid pertinacia sit, a multis quidem addubitatum est, a paucis vero expeditum. Sive autem dicatur pertinax, quasi nimium tenax, seu plus etiam, quam decet animo pertendens : (hæc enim minutula nimisque depiata libentius omittit) perspicuum est tamen, eum nunc vocari pertinacem, qui valde, nimisque etiam in errore permanet, falsanique sententiam mordicus tenet, atque defendit. Ita a quibusdam definitur hoc modo : Pertinax est, qui id tenere pertendit, quod debet dimittere. Cui finitio illa vel finitima, vel certe eadem ; Pertinax est, qui in errore persistit, quem desistere tenetur. Facillime dicuntur hæc, quis dubitat ? Sed si ea pertinacia explicata est, quæ errori adjuncta facit hæreticum, plures sane in hæreticis habebuntur, qui hæretici non sunt. Primum enim si error contra fidem sit, illum fugere, ac declinare debeo, si fidei contrarium esse videam, si ve etiam ignorem. Errant quippe illi vehementer, qui ignorantiam existimant obligandi vim a præceptis auferre. Non id, mihi crede, ignorantia efficit, ut obligatio solvamur, sed ne res alias verita nobis impingatur ad culpam. Omnis igitur homo, etiam si in ignoratione vertetur, errores fidei contrarios simpliciter, & absolute evitare debet, si eos nondum habet, & si habet, desistere : Itaque si in eis persistat vel ignorans, id nimium tenet, quod dimittere tenebatur. Verum isthæc missa faciamus, quæ tenuius differunt, quam ut quivis ea possit agnoscere, & ea persequamur, quæ facile vel imperiti comprehendunt. Enimvero, cum homo imperitus vel ab episcopo suo est admittitur, vel a fidei iudicibus, vel a theologis insignis cuiuspiam academici, vel ab amicis etiam eruditis, & piis ; si adhuc errorem non desit, in eo mirum perit, quod debet dimittere. Est ergo vere pertinax, si in verbi ejus definitione neque abest quicquam, nec redundat. Nihil igitur derit, quod ad hæresim constituendam esset necessarium. Habet enim homo ille errorem fidei

In en. 173.
ad Giori de
Liquor. &
de civ. Del
lib. 1. c. 1.
de cont. Ma-
sch.

1. 1. 1. c. 1.
& 1. 1. 1. c. 1.
& 1. 1. 1. c. 1.
1. 1. 1. c. 1.

1. Tim. 6.

fidei contrarium, in quo etiam est pertinax. At minime agitur, ejusmodi hominem, tametsi omnino peccat, hæreticum tamen non esse, si non existimat, sententiam suam ecclesiæ esse contrariam, sed aut Episcopum, aut Inquisitores (sic vulgo appellantur) aut Theologos academix falli. Quocirca nondum videtur ex iis, quæ dicta sunt, pertinacia illa innotescere, quæ hæresis constituitur. Sed ne hanc rem quidem ea pertinaciæ insignia patefaciant, quæ ut ederent, plurimi sine causa sudarunt. Nam rei hujus quosdam notas septem, alios duodecim, alios etiam viginti edidisse pervulgatum est. Et cum signa ex illis quædam dubia sunt, potest accidere, ut aliquod signum dubie datum pro certo a fidei iudicibus sit acceptum: ita fiet, ut pertinax is, & hæreticus iudicetur, qui hæreticus vere non est. Sed quoniam aliter jurisperiti, aliter theologi hæc & similia tractant: jurisperiti, quatenus tenere manu res possunt, theologi, quatenus ratione, & intelligentia: exponamus primum ad theologorum leges, quænam ea pertinacia sit, quæ hæresim perficit: deinde, si fieri potest, juris quoque prudentibus pertinaciæ hujus signa, notæque tradamus, non illas tam multas, tam varias, tam ambiguas, sed perpaucas, fixas, atque constantes.

Resp. ad
1. con-
firm. 5.
argum.

Ratio igitur hoc theologix postulat, ut pertinacia, quæ hæresim facit, non sit temporis diuturnitate æstimanda: Ut scilicet ille sit pertinax, qui diu in errore persistit. Certe si constaret, quod una solum hora quispiam, Deum non esse trinum, ex animo defendisset, is hæreticus ab ecclesia judicaretur, quæ ex uno actu quantumvis brevi vel adorandi idola, vel puerum circumcidiendi, solet homines, tanquam si essent hæretici, judicare: nequaquam judicatura, si crimen hæreseos diuturnum longumque illud tempus exigeret. Rursus, si quis sciens prudentique totam fidem abnegarit, quamvis brevissimam moram interpolaverit, apostata vere & jure ab ecclesia censetur: ergo & ille hæreticus judicabitur, qui manifesto fidei articulo repugnaverit, etiam si repugnantia illa diutina & longinqua non fuerit. Præterea, ut Fidei actus omnibus suis numeris expletus sit, temporis longinquitas nulla est necessaria: ergo nec hæreseos adversa

actio diuturnitatem sibi erroris vendicat & requirit. Illud rursus ratio theologix docet, hæreticum eum esse, qui volens uniuersaliter dogmati assentitur, tum etiam cum intelligit ecclesiæ Fidei esse contrarium: Ut si quis postea, quam illi constar, rem, quam credit, vel sacris literis vel ecclesiæ apertæ definitioni refragari, sui adhuc juris sententiæque sit, hæc scilicet vera hæresis est, atque in sua specie perfecta. Id quod egregio argumento Cæteranus demonstravit. Fides enim assensui intellectus perficitur, ex consensione voluntatis in eo, qui rem, quam credit, cognoscit esse catholicam veritatem: ergo & infidelitas dissensui intellectus perficitur ex consensione voluntatis, in eo, qui rem, cui assentit, cognoscit esse contra ecclesiæ communem fidem. Contrariorum enim contrarias oportet esse notiones. Confirmat autem hoc vel maxime præclarum illud Augustini testimonium iniquientis: Constituiamus aliquem id sentire de Christo, quod Photinus opinatus est, existimantem ipsam esse catholicam fidem. Istum nondum hæreticum dico, nisi manifesta sibi doctrina catholicæ Fidei resistere maluerit, & illud quod tenebat, elegerit. Præterea qui sic tenet errorem Fidei contrarium, ut non sit paratus ab ecclesia corrigi, sine dubio est hæreticus, ut August. idem in epist. ad Gloriam & Eleusium affirmat. Sed qui videt suam opinionem adversam esse catholicæ Fidei, & adhuc in ea permanet, hic non est paratus ab ecclesia corrigi, cujus videlicet auctoritatem rejicit & contemnit: verum igitur crimen hæreseos admittit. Quæ ex re intelligitur, pertinaciam eam, quæ hæreticum facit, semper solumque in eo inveniri, qui dogma aliquod tenere pergit, cui cognovit catholicam sententiam adversari. Id vero nominis ipsa quoque notio declarat. Pertinax quippe is dicitur, qui plus nimio in propria sententia hæret. At qui opinionem suam intelligit communi ecclesiæ sensui & Fidei repugnare, atque in ea persistit nimis, profecto ille in privata sententia perleverat: vere igitur est pertinax: imo hæc sola consummata pertinacia est, quæ absolute cum Fidei constantia pugnat, atque adeo sola ea simpliciter hæresim conficit. Nam quemadmodum, ut paulo ante dictum est, si-

1. 1. q. 11.
2. 1.

1. 4. cont.
Don. c. 6.

24. q. 1. c.
Dist. 4.º
Solut.

Gloss. inter-
pretat. Cum
inter non-
nullas
Jo. Grotius p.
Alphab. 11.
Turres, 11.
4. p. 2. c. 16.

des ea electione perficitur, ubiis, qui vult veritati assentiri, intelligit illam esse catholicam veritatem; sic & hæresis contraria omnino electione consummabitur ejus, qui, adversante catholica fide, propriam sententiam videns volentem compellitur. Equus enim eo pertinacior esse potest, quem de suscepta causa propositaque sententia nulla ecclesie vis, nulla catholico- rum depellit auctoritas? Præclare itaque Hieronymus interpretatur, hæreticum idcirco subversum esse, & proprio judicio condemnatum, quia suo arbitrio ab ecclesie institutione disces- sit, quæ discessio propriæ conscientie videtur esse damnatio.

Quibus rebus positis, illa consecra- ria sunt. Primum, si dogma aliquod nondum est certum & expeditum ad catholicam fidem attingere, quamvis plerique viri docti existiment, a Deo esse revelatum; peccat ille quidem gravi- ter, qui cum eo dogmate pugnat, estque item pernix, qui plurimorum & doctissimorum auctoritatem contemnit, eamque obstinatione quadam sententia repudiat: sed non est hæreticus, quoniam pertinacia illa tamen impudens & vitiosa est, non tamen in ecclesiam tendit, sed in viros illos e- ruditos ac pios, quos ille arroganter despicit, ac pro nihilo putat.

Illud deinde consecrarium est: Si certum exploratumque sit, dogma unumquodlibet Fidei veritatem esse, qui ignoraverit ejusmodi dogma ad fidem spectare catholicam, & quavis admo- nitus ab episcopo, ab hisque rursus, quibus Fidei cognitio concessa est, a viris demum doctis & piis, placitum suum præstare nimis obstinateque de- fenderit; hic temerarius, contumax, præceps, insolens, sapiens hæresim, & quibuscumque hujus generis nominibus notari poterit: nec tamen etiamnum notam hæreseos habebit, quia (dicen- dum est enim sæpius) pertinacia ejus nondum cum Fidei veritate & eccle- siæ auctoritate pugnat, sed cum eorum sententia, qui & fallere & falli pos- sunt. Recte igitur D. Thomas asse- ruit, eum, qui paratus est corrigi se- cundum ecclesie determinationem, hæ- reticum non esse: quia non ex mali- tia errat, sed ex ignorantia. Quod de crassa etiam ignorantia dictum accipio: nam quæ affectata est, hæc non tollit, quin peccatum sit ejusmodi, cuiusmodi

esset, si a sciente & vidente commit- teretur. Nempe affectatus error ex electione est: nec paratus est ille corri- gi, qui de industria commonitionem ecclesie doctrinamque declinat. At qui ex ignorantia non affectata errat, hic quodammodo invitatus est & repugnans, non libens & voluntarius. Quocirca nec errorem eligit, nec gravate feret, quum ab ecclesia corrigetur, errorem suum ipse corrigere.

Verum nostris hisce documentis il- lud in primis objicitur, quod error iste ignorantie vitiosæ mortale peccatum est; præsertim post admonitionem episcopi docti, prudentum judicum, Theolo- gorum sapientium. Peccatum autem mortale hoc non nisi sub infidelitatis genere continetur. Tres vero solum esse infidelitatis species, Divus Tho- mas definivit. Cum ergo crimen ejusmo- di nec Paganismus, nec Judaismus sit, erit profecto hæresis. Adde, quod si quis ex ignorantia vitiosa & supina ho- minem occideret, vere & proprie homi- cidæ esset, in easque penas incur- reret, quæ fuerint homicidis a jure præscriptæ. Eadem vero causa subest in eis, qui inanus violenter clericis at- tulerint, atque in cæteris omnino sacri- legis. Qui igitur ex ignorantia crassa post susceptum Christi baptismum, errorem habuerit Fidei contrarium, is vere erit hæreticus. Actus enim, qui ex hujusmodi ignorantia proficitur, simpliciter & absolute, & volentis est & consentientis: poterit ergo excusari quidem, ne tam gravis culpa sit, non autem ut hærescos culpa non sit, & ejus omnino generis ejus esset, si a non ignaro proficeretur. Adde etiam Divi Thomæ testimonium in hæc verba: Ab errore circa articulos fidei non possunt aliqui propter simplicita- tem excusari, quin sint hæretici, præsertim quantum ad ea, quæ ecclesia solemnizat, & quæ communiter versantur in ore fidelium. Sed circa alia, quæ indirecte pertinent ad Fidei disciplinam, ut quod Isaac fuit filius Abrahæ, non judicatur aliquis hæreti- cus, nisi ab errore non recedat, etiam viso quid ex eo sequatur. Hæcenus il- le. Quæ verba adeo aperte cum hac nostra doctrina pugnare videntur, ut non sit necesse argumentari. Sed & Chrysostomus videtur quoque nobis ad- veritari, qui illum Pauli locum, Cum modestia corripientem eos, qui resi- stunt

Ad Tit. 1.
lect. 4.

1. Cor. 14.
lect. 4.

Hebr. 6. 10
epist. ad
Tymon.
2. Tim. 2.

Th. 1.

Respon-
detur
objectis
argum.

sunt veritati, &c. de eis accipit, qui non adversandi affectu, sed studio discendæ veritatis veritati resistunt. At Paulus de hæreticis loquebatur, quos alio loco semel atque iterum commonefaciendos esse corripendosque præcepit, sed post unam & alteram correptionem devitandos.

Quibus argumentis breviter ita respondeo. Diximus supra, dupliciter aliquid peccatum in genere & specie collocari: uno modo formaliter & directe, altero modo materialiter & reductivè. Dent mihi latini veniam, precor, si verba minus latina usurpam. Sic a dialecticis accepimus, materiam in prædicamento substantiæ poni, punctum in genere quantitatis, embryonem in ejus specie animantis, cujus gratia a natura paratur: poni, inquam, non per se & proprie quidem, sed per accidens, & quasi improprie. In moribus itidem quædam peccata sunt in sua specie perfecta, quæ videntes & scientes de industria committunt, & ea proprie per se, & formaliter in sua quoque specie reponuntur. Alia vero imperfecta sunt, quæ præter intentionem ignorantes admittunt, & ejusmodi ad speciem & genus per accidens reducuntur. Error igitur ille catholicæ veritati contrarius, quando in vitio ignorantia est, ad speciem hæresis referetur: nec tamen hæresis perfecta erit, nec perfecta infidelitas, quæ, ut ante etiam dictum est, in tres species a Divo Thoma distinguitur. Prima itaque objectio minimo negotio pellitur.

Ad 2.
argum.

Illà altera difficilior est, ubi quaeritur, cur qui hominem ignorans perimit, vere homicida est, atque adeo penas homicidii contrahit, si ejus ignorantia est in vitio: is autem, qui contra fidem errat post fidem in baptismo susceptam, nec crimen hæresis vere patrat, nec in penas hæreticorum incidit. Quæ sane quaestio ita solvitur. Non est hæreticus, nec Theologorum, nec Jurisperitorum usu, qui in hæresim illam imperfectam incurrit: nec hæresis illa imperfecta in frequenti vulgatoque sermone simpliciter & absolute hæresis est: sed ille tantummodo hæreticus dicitur, qui formaliter & ex electione, quasi dedicata opera, cum communi fide pugnat. Quare nisi a perfecta & consummata hæresi nullum hæreticum nominabimus,

si frequentem eundemque proprium usum vocabuli volumus conservare. Eam rem quoniam tum ex nominis origine & notione, tum ex veterum testimonio, tum ex communi omnium sensu paulo ante ostendebamus, nihil est necesse acta agere. Hinc illud est, Excommunicamus omnem hæresim extollentem se adversus catholicam fidem. Non errorem aut, extollentem se adversus episcopum, non adversum Inquisitores, non adversum Theologos aut Parisienses, aut Salamanticenses, aut Complutenses, aut Bononienses, sed adversus catholicam fidem. Hinc etiam illud: Non acquiescit sanis sermonibus Domini nostri Jesu Christi, & ei, quæ secundum pietatem est, doctrinæ. Non dixit, Sanis sermonibus episcopi sui, non eorum, qui de fide inquirent, non Theologorum etiam multorum, sed Domini nostri, &c. Quod si vel in divinis libris, vel in ecclesiæ doctrina non acquiescit, hæreticus est: quamvis non sit nec ab amicis, nec a Theologis, nec a fidei iudicibus admonitus. Contra vero, si horum omnium repudiatis & monitis & præceptis, sermones tamen Dei & ecclesiæ non industria repudiatur, sed ignorantia, hæreticus non est. Nec vero eadem causæ subsunt, ut cætera vitia, cum ex ignorantia crassa supinaque prodierint, & nomen & speciem amittant. Non enim homicida is solum dicitur, qui hominem data opera occidit, sed qui injuste occidit, quamvis animi perturbatione, aut etiam imprudens id fecerit. Atque item similiter in reliquis.

Jam Div. Thomas vel prudenter Fidei iudices admonet, idque illis precipit, quod non suspicari modo, sed sumere etiam atque exanimare debent: vel non putat ea, quæ in omnium catholicorum ore versantur, ab ullo omnino fideli ignorari posse, nisi qui errorem affectaverit: vel de hæresi imperfecta intelligit, quæ nec pertinaciam requirit, nec absolute & simpliciter hæreticum facit, sed quodammodo. Atque hoc responsum idem illa etiam verba recipiunt, quæ ex 1. par. supra scripsimus.

At Chrysostomus a nobis stat, non contra nos. Qui enim non studio certandi, sed discendæ veritatis doctrinæ resistit, cum doceri paratus sit, cum nec Chrysostomus, nec alius quisquam hæ-

De hæret.
ca. Excommu-
nicamus.

1 Tim. 6.

hæreticum proprie vocaverit. Et illos tamen, de quibus Paulus Timotheo sermonem faciebat, grave peccatum peccavisse, verum in questionem non potest. Invenitur ergo, Chrysostomo auctore, error fidei contrarius, qui tamen in vicio est, non tamen est hæresis: quia non est malitiosus error, sed ignorantis. Quod si Chrysostomus interpretationem sequimur, non erat Paulo de hæreticis sermo, qui, quoniam obstinate pigrae sunt, non sunt admonendi, sed vitandi. Quem sensum iudices fidei videntur sequi, cum in universum jubent, hæreticos vel omnia fraterna correptione denunciari. Quod utique præceptum vulgo datum prudentia plenissimum est: quanquam non omnium hæreticorum aures, ut quidam falso putant, ita clausæ sunt, ut ab amico præsertim docto & sapienti verum audire non queant. Hanc speciem, fateor, de amicis hæreticis non sunt passim indocti habituri: paucorum erit ista fiducia, eaque prudentissimorum, sapientissimorum, conjunctissimorum, qui & prudenter intelligent, quorum non sit desperanda salus, & sapienter amiceque possint suos ad fidem ecclesie revocare. De quibus non valde obfirmatis Paulum quoque ad Timoth. loqui, haud absurde intelligimus. Nolo autem, ut quispiam quamvis doctus & amicus, hac periculosissima ætate, ubi hæretici obfirmatissimi sunt, vel plerique vel omnes, fraterna correptione abutatur, nisi firmiter & certo existimaverit, hæreticum esse ex animo convertendum. Non enim propter conjecturas aut verosimiles, aut etiam probabiles, rem tanti momenti debet periculo exponere: præsertim cum experimento exploratum fuerit, quantum nostratibus incommodi attulerit in crimine hæresis inuenta correptione. Meminisse debet vir doctus & prudens, Paulum mulieri consilium, ut maneat cum viro infideli: quod videlicet inter gentes, quibus tunc scribebat, spes erat, ut uxor virum suum ad fidem alliceret. At ubi ecclesia comperit, inter Iudeos præsertim uxores potius corrumpi a viris, prudentissime sanxit, ne uxor ad fidem conversam cum viro infideli maneret. Qua lege non Pauli consilium everit, sed firmavit. Sic Fidei iudices, quando multis magnique experimentis acceptus legem tulerunt, de denunciandis

do hæretico quamvis occulto, fraternæ correptionis legem a Christo præscriptam non violant, sed stabilunt. Nisi naturæ iuribus legislator repugnavit, cum sapientissime edixit: Si tibi voluerit persuadere frater tuus, aut filius tuus, vel filia, sive uxor, quæ est in sinu tuo, aut amicus, quem diligis ut animam tuam, clam dicens: Eamus, & serviamus diis alienis, quos ignoras tu & patres tui; non parcat ei oculus tuus, ut miserearis & occides eum, sed statim interficies, &c. Deut. 13. Hæc igitur lex in crimine hæresis populo servanda est diligenter, ne, dum per falsam misericordiam homini indulget, in rem Christi publicam crudelis sit.

Nec operæ pretium erit hoc loco disputare, an Apostoli hæretici fuerint: quod qui fateatur, qua hunc oburgatione, aut quo potius convicio a tanto errore coner avertere? Potest enim, Deus immortalis, absurdum dici quicquam, quam ministris primos Evangelii ad unum omnes, non a fide modo alienos, verum etiam hæreticos fuisse? Quanto & verius & modestius illi sentiunt, qui arbitrantur, Apostolos Christi non ex malitia, nec de industria, sed ex animi perturbatione & ignorantia peccasse? Aperte illis Dominus mortem & resurrectionem suam prædicebat, & tamen ipsi, ut Lucas ait, non intelligebant, quæ dicebantur: & credemus nos, post tot adeoque magnas turbas excitatas, discipulos non perturbatione animi, sed malitia dubitasse? Nam incredulitas & duritia cordis cuiusmodi illa fuerit, Evangelista nobis exposuit, inquit, Quia his, qui viderant cum resurrexisse, non crediderunt. Illi porro, qui viderant, digni omnino erant, quibus fides haberetur: sed falli poterant tamen. His ergo non credentes Apostoli quidam & multis & incorruptis testibus, duri erant, incredulique etiam erant: at non Deo, sed hominibus. Pertinaces itaque erant adversus homines, non adversus Deum & Christum ejus. Quocirca Christi discipulos hæreticos insinulare, stultitiæ est manifestæ, si ea, quæ diximus in hæresis finitione constituenda, recte & dicta & confirmata sunt. Confirmatum est autem multa esse, quæ concurrant, ut quispiam hæreticus constituatur. Primum errorem habeat oportet. Deinde

Ad 3.
confir-
mat. 5.
argum.

Lac. 11.

de ut is error catholicæ veritati contrarius sit. Tertio loco certum esse necesse est, atque expeditum, errorem illum veritati catholicæ repugnare. Quarto errori pertinaciam adjungi, non quamvis, sed quæ cum certa Ecclesiæ regula pugnet. Quinto, ut is error sit posit succipiam Fidei professionem in illo, qui Christo se credere profiteatur.

Hactenus Theologis nostris attenuate prescripsi finivimus, quidnam hæresis sit, unde illis statim peripicuum fiat, quænam sit hæretica propositio. Nam in mente eadem prius res sunt, in voce autem vel scripto hæretica propositio dicitur, quæ hæresim interio-rem enunciat, illiusque est omnino signum. Quia vero solus Deus novit & corda & cogitata filiorum hominum, nemo mortalium profecto potest alterius habere clare cognitam hæresim, & satis firme conceptam animo atque comprehensam. Quamobrem, cum vox scriptumque ipsum; ac cætera demum omnia externa signa fallacia aliquando sint, non est facile certas & constantes formulas Fidei iudicibus exprimere, ut recte atque ex ordine valeant de hæresibus judicare. Nam Theologi quum compertum habuerint, propositionem aliquam Fidei catholicæ esse manifeste contrariam, subscrībent forte illico, hæreticam illam esse; quoniam interdum de rebus ipsis nude positis ex genere naturaque loquuntur, & eas, quas circumstantias appellant, quandoque aut negligunt, aut certe in iudicium fidei ac diligentia deponunt. Itaque suo se munere probe functos arbitrantur, si unum illud exploraverint, an error, cuius ab eis nota quæritur, Fidei aperte adversetur. Cum autem ad hæresim perficiendam eam, quæ legibus prescripta & damnata est, quædam alia sint, ut diximus, necessaria; non videtur esse bene consultum multorum infirmitati & innocentie, nisi fidei censores iterum atque iterum admonerentur, ut diligentissime errantium iudicium, ingenium & animum studeant indagare, illudque possimum, an eam pertinaciam habeant, quæ supra studiose nobis & sedulo distincta est: quod in hac re vel maxime ecclesiastici iudicii cardo versatur. Nec satis est ad sententiam de hæresi rite justaque ferendam, hæresim ipsam suspitione attingisse, sed com-

prehensione quadam opus est, ut sine errore de erroribus iudicetur. Nisi enim illos iudex quasi manu teneat, præceptis fere erit temerariumque iudicium. Quod si in causâ sanguinis id civiles leges præscribere, ut probationes essent luce meridiana clariores: ecquid fieri oportet ab ecclesiæ iudicibus in eis causis decernendis, in quibus non solum res, honor, fama, vita hominis unius periclitatur, sed totius etiam generis ac familiæ præclara & sempiterna existimatio? Age ergo normas præstituamus, quibus ecclesiæ iudices tuto in hæresi dijudicanda uti possint.

CAPUT IX.

Regula vres, ad quas Fidei externa iudicia dirigenda sunt.

PRIMA formula in promptu est, ipsius contra se errantis testimonium, quod in omni foro exploratum est admitti criminis argumentum, præsertim si crimen suum reus sua iponte & voluntate testificetur. Tamen etiam confessio, quam a reo iudex quæstione ac tormentis exprimit, secundum leges tum civiles, tum canonicas idonea est ad faciendam in externo iudicio fidem. Sed de toto hoc & confessionis & quæstionis genere commodius non a jurisperitis solum, verum a quibusdam etiam optimis viris familiariter colloquentibus, quam ab ullis Theologis ulla in schola, disputatur. Nec vero quempiam velim in eum sensum formulæ hujus verba interpretari, ut reus, qui hæresis fortasse vim, & naturam nescit, hæresim ipse sit suo iudicio æstimaturus, illumque secuturi in sententia iudices. Sed ita accipi oportet, ut reus cum factorum atque dictorum suorum, tum propriæ conscientie atque animi testis contra se sit; iudices ex factis, dictis, mente, ingenioque illius hæresim deprehendant, cuius notionem ante oculos positam habere in omni Fidei religionisque iudicio debent. In hominem præceptor olim meus incidit, qui vehementer se ipse affirmaret hæreticum esse. Quid ita? rogat. Cur te hæreticum esse arbitraris? Respondit se tenere contra catholicam fidem. Hic ille urget: An tu credis catholicam fidem falsam esse? Mi-

Minime gentium, inquit iste: ideo enim me hæreticum existimo, hoc est, errantem, & a veritate alienum, quia contra fidem catholicam sentio. Jam præceptor risum continere non valens, abi stultè, ait; eo enim minus hæreticus es, quo magis te hæreticum opinaris. Salva quippe res est, si tunc errare te sentis, quum Fidei catholice repugnas. Sic hominis stulticia est non tam Theologiæ rationibus, quam prudentiæ manibus comprehensa. Mihi etiam ipsi aliquando contigit, ut a Iudicibus Fidei errores nescio quos denotandos acciperem: certe hominis ejus errores, ut postea comperi, qui tribunal nec jussu, nec accessu ad tribunal venerat, sed sacerdotis cujusdam iussu, & consilio, quem penitentia administrum habebat. Sponte igitur, suoque iudicio hæreses adversum se plurimas (sic censuit) ex-cipiente notario, prodidit. Ad me ergo itum est, ut errorum notas ede-rem. Quos ut multos, variisque com-plexi, corpi mecum ipse attentius co-gitare, quisnam eorum auctor habe-ri posset. Quicumque porro is esset, partim ex Atri, partim ex Macedo-ni, partim ex Vviclesi, partim ex Lu-theri fontibus, quasi quosdam dedux-isse rivulos videbatur. Crederes eum assidue in omnium hæreticorum lectio-ne versatum. Quod si ulla esset re-rum consequentia, & connexio, er-rorumve compositio, & coagmentatio aliqua, mihi quoque injecta esset ista suspicio. Sed cum cernebam, in tan-ta errorum copia non complexionem esse, non vinculum, insanæ hominis potius, quam hæreseos venit in men-tem. Nolui itaque de erroribus judi-care, nisi prius auctoris ingenium, & iudicium explorassem. Ergo iudices rogo, num copia sit videndi homi-nis. Ajunt esse: Nam datus erat in custodiam, & conjectus in carcerem. Solvitur vinculis, coram producit, intueor oculis, animo cerno, video illum parum sana mente esse. Pericu-lum ex rebus præsentibus feci, quas longum esset commemorare: probavi ita se habere rem, ut ante ego cogi-tarem. Vix tamen a iudicum animis opinionem infixam potui divellere. Sed vici tandem, & persuasi, atque, ut erant viri boni, dederunt manus, a-mentemque sponte confessum, suoque iudicio convictum, in parentum do-

num cerebro vacuum quidem, sed o-mni etiam pœna vacuum dimiserunt. Ac de his nihil est necesse, ut Theo-logi præcipiant: sunt tamen ea cognos-cenda: pertinent enim ad eum uium, quem juris prudentes sunt e locis theo-logicis habituri, de qua re hoc libro differimus. Reliqua deinceps persequa-mur: nam formula hæc tantum attingenda fuit.

Alteram Divus Thomas protulit in prima parte, & in priorem ad Corin-thios epistolam. Ea est hujusmodi: Si error fidei contrarius circa ea sit, quæ nullo modo est probabile ab erranti-bus ignorari, qui ad fidem catholicam certo pertineant, tunc iudices tuto de hæresi pronunciabunt. Ut si, exempli causa, homo quivis etiam de media plebe, aut neget Christum cruci fusu-m, vere mortuum, vere a mortuis excitatum: aut aiat, superfluum esse & vanum orare pro mortuis, nullo præ-mio justos a Deo affici, nullo supplicio improbos, & cætera similia. Item si vir in schola Theologiæ diu, multumque versatus contendat, Spiritum sanctum a Filio non procedere, aut Patrem & Filium Spiritus ejusdem duo esse prin-cipia; aut non esse tres penitentia par-tes; aut Christianis nullo modo esse li-citum cum hostibus belligerare; aut e-piscopum non esse superiore simplici sacerdote, aut quicquam ejusmodi, quod incredibile est nescire Theologos ad ecclesiæ communem fidem attingere, præteritum si in schola, ut dixi, per diu se se, ac valde exercuerunt. Quæ in re non dubito, quandoque a iudicibus per remissionem nimiam, aut magnam certe ignoracionem erratum. Nolo e-nim suspicari, Fidei leges per gratiam esse aut populi furori, aut potentium voluntati concessas. Fuerunt ante hos paucos dies Theologi quidam habiti doctissimi, in iis erroribus deprehen-si: quos & Lutheranorum esse proprios, & Ecclesiæ communi Fidei adversos, nemo addubitare poterat, qui vel me-diocriter rebus Theologicis esset in-structus. Coacti sunt hæreses abjura-re, quasi suspecti de hæresibus, non convicti. Cum tamen, si hæc non di-co ad rhythmicorum, aut musicorum acerrimam normam, sed ad perpen-diculum communis juris, & vulgare rationis formulam dirigerentur; nullum facilis erat, procliviusque iudicium. Turpe fuit autem ea dubitare peritos,

q. 12. ar. 4.
c. 11. l. 2. d.

q. 12. ar. 4.
c. 11. l. 2. d.

quæ ne rustici quidem dubitant, nempe nullo pacto verisimile fieri, ut homines in earum rerum, quas diu multumque tractarunt, ignoratione versentur. Equis autem credat, viros theologicissimos (sic censēbat vulgus) earum rerum infcios & rudes, quæ Theologis universis notæ & pervulgatæ sunt? Erat in animo, quæ horum Theologorum fuerint errata, subscribere, ut in hæc quasi imagine & hujus præscriptionis regula illustrior appareret; & admonerentur quoque futuri iudices, ut alieno periculo saperent, neque animi relaxationem & mollitiem, clementiam, & misericordiam esse arbitrantur. In illis nimirum & reis & iudicibus, ne quod perniciosum exemplum esset proditum, pertimescebam. Quod enim exemplo sit, jure fieri putant. Sed quoniam jam rei ipsi decesserunt, omnique odio carent & invidia, non putavi ejusmodi errores traducendos: quos si contestatos & consignatos ederem ad sempiternam memoriam turpitudinis, non solum in mortuos reos, sed in vivos etiam iudices videretur maledicta conferre. Quamquam forte ibi timeo, ubi non erat timor. Sed utcumque res habeant, jurisperitos admonui, ne in animum inducant credere, nullos esse pertinaces, nisi qui iudicium monitiones præceptaque despexerint. Ante hominum horum istos, crede mihi, vera hæreticorum pertinacia reperitur, eorum scilicet, qui minime ignorant, opinioniones suas contra fidem Ecclesiæ venire. Ipsa vero omnium fidelium vox, idemque communis sensus, non pro una monitione dico, sed pro mille sufficit. Quapropter ecclesiæ unam vocem qui spernit, hic multo pertinacior est, quam si sexcentas aut Theologorum, aut iudicium contempnisset. Ad secundam quidem regulam hæcenus. Tertiam hanc habebimus.

Si de cuiuspiam errantis pertinacia dubitant iudices, duæ res illis sunt accuratius transigendæ: quarum una Theologorum propria est, altera cum Theologis jurisperitorum etiam communis. Priorem ergo a Theologo jurisperitus mutabitur, posteriorem autem suo sibi jure vindicabit. Primum igitur a sapientissimis Theologis illud explicatum, distinctumque habeant iudices, an error, qui in iudicium venit, cum fide catholica aperte pu-

gnet. Nam una ex hac parte dupliciter hæreseos iudicium excludetur: vel quia incertum est, dogma illi errori contrarium catholicæ Fidei veritatem esse, vel quia repugnantia erroris ejusmodi, & catholicæ veritatis obscura est, & in opinione posita. Ut si, verbi gratia, olim negaret quis, epistolam ad Hebræos esse Pauli, habeat autem pro certo illam esse canonicam, & de auctore epistolæ questionem moveat, non de auctoritate; sunt Theologi qui sentiant, hæresim illam esse. Ego vero nisi Ecclesiæ definitio obstat, non puto, qui existimem Christi fidem in nullo extremo versari discrimine, si libri canonici auctorem nesciamus, modo sciamus librum esse canonicum. Quæcirca sive Paulum, sive Lucam, seu Barnabam illius epistolæ auctorem quispiam dixerit, si solida ei est fixaque & constans epistolæ auctoritas, non continuo Christi fidem evertet. Cum igitur tempore D. Hieronymi nondum fuerit explorata cognitum, an Fidei certa veritas sit, Paulum illam ad Hebr. epistolam scripsisse, si error adversus ad tribunal Fidei tunc referretur, criminis fortasse quidem iudicium fuisset, sed hæreseos iudicium non fuisset. Item, Dei auxilio peculiari nos agere, ut sicut oportet, credere, sperare, diligereque possimus, Fidei dogma est longe certissimum. Qui inficiabuntur, nullos esse habitus spei & charitatis infusos, illi dogmati huic, ut quidam sentiunt, repugnabunt: sed quia ea pugna, tamen valde probabiliter apparet, non tamen est manifesta ratione comprehensa, eorum hominum error notandus est, temeritas & impudentia notanda: hæresis ne suspicianda quidem ante sacri Concilii Tridentini decreta. Qui locus, millo etiam commemorante, fidei censores admonet, ut id mutui, quod a theologis sunt necessario accepturi, non a quibuscumque accipiant, sed ab eruditis, expertis, exercitiis. Qui scilicet cum exploratum habeant, quanam ex Theologicis locis certi ac firmi sint, qui contra probabiles & non necessari, tum argumentorum Theologicorum frequentique atque expedito vii facile quoscunque errores deprehendant, qui Fidei catholicæ dilucide refragentur. Altera erat res, ut iudices diligentem navent operam, quo illis errantis pertinacia pateat, Quæ si in dubium for-

ortasse vertitur, & neque ex ante aut dictis aut factis, neque ex errantium statu, conditione & ingenio colligitur, non alia eam ratione melius depellendunt, quam si erranti certum signum catholicæ ejus veritatis ostendant, cui error ipsius contradicit. Ut si proferatur apertius aliquis scripturæ locus, aut definitio legitimi concilii generalis, aut decretum constans Apostolicæ sedis, aut una quælibet alia certa nota earum, quibus & catholicæ veritates, & contrariæ omnino hæreses dijudicantur. Quod si huic signis notique prolatis ille cesserit, argumentum erit ignorantie probabilissimum: sin repugnaverit, argumentum erit pertinaciæ certissimum: præsertim si nec ingenii nec doctrinæ expers sit. Nam si adeo rudis & imperitus est, ut harum rerum intelligentiam nullo modo habere possit, equidem nullam certam regulam præscriptionemque constantem exprimerem, ut hominis ejuscemodi pertinaciæ innotesceret. Certe si qua est crassa pinguisq; minerva describenda formula, ea erit sententia ecclesiæ communis, fideliumque consensus & conspiratio eadem: quibus si ille adverteretur, tum etiam cum videt contra se venire omnes, pertimax atque adeo hæreticus existimabitur. Nec necesse erit tamen orbem omnium peragrarè terrarum, & singulorum fidelium rogare sententiam. Nam quæ sit fidelium singulorum, neque arte aliqua, nec diligentia & inquisitione perpenditur, sed quodam quasi prudentiæ sensu judicatur. Quemadmodum enim si quipiam neget omnem ignem calcicacere, non est opus, ut contumax in naturam habeatur, propositionem illam generalem inductione & demonstratione singulorum ignium, sed significatione potius & ratione declarare; cum quibusdam demonstratis, eadem sit de ceteris ratio: sic in fidem ecclesiæ ille erit pertinax, qui suæ provincie aut civitatis fidelibus universis in Fidei sententia repugnaverit.

Sed hæc relinquamus, idque largiamur inertie nostræ: inepti enim sumus, ut hebetes ac rudes ad regulam & lineam exigamus. Hæc vero omnia, quæ in hac postrema constituenda regula diximus, si ad vulgaris prudentiæ rationem dirigas, recta fortasse erunt: sin pendere ad exactioris disciplinæ præcepta velis, reperientur que-

dam fortasse non recta. Quid enim in tam inæquabili & rerum & ingeniorum varietate præcibere nos possumus, quod æquabile inter omnes: & unum omnibus esse queat? præsertim cum id genus causæ propemodum conjecturales sint, in quibus iudices indicis quibusdam æque vestigiis in ipsa penetrare hominum corda pertentant, quæ si cognoscerent, non egerent perpendicularis, non normis, non regulis. Quid igitur hæresis sit, quæ hæretica propositio, quæ demum via ac ratione utrique & theologo & jurisperito internoscenda, mihi jam satis superque dixisse vidcor.

CAPUT X.

De propositione erronea, sapiente hæresim, platium aurum offensiva, temeraria, scandalosa.

Deinceps, ut erat propositum, de propositione erronea videamus. Cujus notio ac definitio non eadem omnibus, sed sua cuique est: ut hic etiam verum id esse comprobet, Quot homines, tot sententiæ. Illud autem in primis definitum & constitutum sit, propositionem erroneam ab hæretica non cogitatione modo, sed re etiam separari. Non enim, ut quidam existimant, concilium Constantinense, unde varia illa errorum genera accepimus, propositionem erroneam usurpat in significatione generali, ut erroris hæretici & cæterorum genus commune sit, quæ videtur esse ejus nominis propria significatio. Ecquis enim credat, quicquam aliud esse propositionem erroneam, quam errorem? Sed concilium, ut dixi, ab hac usurpatione longe abest: id quod statim planum faciam, si verba patrum adscribam. Compertum est, inquit, ex præfatis articulis plures esse notorie hæreticos, alios non catholicos, sed erroneos, alios scandalosos, quidam piarum aurum offensivos, nonnullos temerarios. Quæ forma sermonis esset & falsa & absurda, si propositio erronea pro quocunque errore communiter sumeretur. Jam enim recte quoque dici posset, post multas argumentationes enumeratas, in his quasdam esse syllogismos, quasdam inductiones, quasdam argumentationes: quod quam sit ineptum, nemo est, qui non intelligat. Sine dubio igitur erronea pro-

BB 2 po-

Si forte inter-
terit: teritida
est sententia.
Rur J. Tu-
res. N. de su-
perstitione &
Fetui in
rub. de he-
re. & Cande-
de Clem. 1.
di. tum. 17.
quæ sententia
episcopis &
inquisitione
solum ari-
stoteli est. &
primam ut
quæ ea con-
tinent, hic
pertimax
conclatur.

positio ab hæretica lecernitur, non tanquam genus ab specie, quod esset discrimen rationis; sed tanquam una erroris species ab altera: quæ vera rerum, non modo vocabulorum, distinctio est.

Illud deinde constituere debemus, quod prorsus forsâ dictum oportuit, sed doctrina scra non est reprehendenda, præsertim si in opportunum tempus reservata sit: Constituendum ergo, catholicas veritates non singulari modo, sed bipartito reperiri. Quædam enim sunt catholicæ veritates, quæ ita ad fidem pertinent, ut his sublati, fides quoque ipsa tollatur. Quas nos uti frequenter, non solum catholicas, sed Fidei veritates appellavimus. Aliæ veritates sunt etiam ipse catholicæ & universales, nempe quas universa ecclesia tenet, quibus licet everis fides quæritur, sed non everitur tamen. Atque in huiusmodi veritatum contrariis erroribus supra dixi fidem obscurari, non extinguï, infirmari, non perire. Has ego nunquam Fidei veritates censui vocandas, quamvis doctrinæ Christianæ veritates sint: Speciales orationes applicatas uni personæ per prælatos vel religiosos plus prodesse eidem, quam generales; Fratres non teneri labore manuum victum quærere, sed licere eis esse incendios: & complures alias similes propositiones, quas omnes catholici veras esse sine dubio existimant, ideoque veritates catholicæ vocari possunt, atque etiam debent. Quæ igitur propositiones huius posterioris generis veritatibus contradicent, eas quidem erroneas appello: quæ quoniam doctrinæ catholicæ adversantur, errores sunt hæresi proximi, hæreses non sunt. Nec nostro more nos ita loquimur, sed est etiam hoc in more positum sermonemque majorum, ut nomen generis speciei illi absolute tribuant, quæ est in eo genere imperfectissima. Sic Aristoteles in prædicamentis dispositionem secundæ ab habitu, cum tamen dispositio alias habitus ipsius genus sit. Virtus quippe, quam habitum esse nemo est qui nesciat, dispositio est perfecti ad optimum. Ac ne plura exempla, quæ sunt prope innumera, referamus, illud citæ passim vulgi etiam ore contritum, quo animalis vocem, cum omnium animalium communis sit, interdum pro his solum accipiunt, in quibus nihil aliud, quam vis animantis apparet. A qua

consuetudine ne Paulus quidam abhorruit, quam animale hominem dixit, quasi brutum expertemque rationis. Patres item concilii Constantiensis hoc sensu videntur esse locuti, si accurate eorum voces expendamus. Ex quibus facile intelligimus, erroneas propositiones contra catholicas fuisse dividas, & inferiore quodam gradu, quam hæreticas, fuisse locatas. Error itaque, qui & minus quiddam quam aperta hæresis, & catholicæ doctrinæ tamen contrarius est, propositio erronea vocatur. Theologi denique modestiores, quum in disputationibus suis quicquam sanæ doctrinæ adversum hæreticum appellare non audent, temperato vocabulo erroneum esse confirmant. Quum vero in hunc sensum & vulgari consuetudine alliciari, & compellar majore Philosophæ ratione, facile me patior in eum adduci, libenterque in eo cupio retineri.

Est & propositionis erroræ alius item gradus. Quum enim veritas aliqua, sapientum quidem opinione vehementi, fidei veritas est, sed non est plane ab ecclesia definita, nec certo argumento demonstrata; tunc veritati illi adversari non est hæreticum, sed erroneum. Videlicet hæresis, quemadmodum supra diximus, a voluntate quoque errantium pendet, nedum ab intellectu. Error autem, sicut & falsitas, e rebus ipsis significatis perpenditur, nulla assentientis habita ratione. Ita licet veritas illa ad fidem suspæ naturæ pertineat, quia tamen nec hoc certum nec expeditum est, hæretica pertinacia abest, error gravis & periculosus non abest. Similiter & propositio erronea tertio quodam gradu vocari potest, quæ certæ veritati catholicæ fidei adversatur, non manifeste quidem, sed sapientum omnium longe probabili ac ferme necessaria sententia. Ejus quippe erratio gravis est, qui hoc detrahunt contumaciter, quod viri omnes docti sentiant periculum grande catholicæ fidei constare. Quicumque ergo vel doctrinam fidei appendicem huiusmodi evertit, vel fidem ipsam in discrimen adducit, vehementer ille sane in Christiana disciplina errat, atque adeo ejus dicta jure appellantur erronea. Verum de erronea propositione plus quam satis dictum est.

Propositio vero sapiens hæresim a quibudam definitur ea, quæ in signi-

ficatione , quam verba prima iacie ostendunt , sensum habet hæreticum , quamvis pie intellecta sensum aliquem habeat verum : ut sunt , inquit , iste propositiones , Pater est major filio , Christus est creatura , Tres sunt dii . Quæ definitio nec vocabuli potestatem exprimit , nec rei diffinire vim naturamque declarat , nec mutuo nexu cum illa est copulata . Quis enim dubitet , illam propositionem , Ridiculum est , Eucharistiæ sacramentum solenni ritu per vias publicas circumferre , Lutherorum hæresim sapere , qua negant in Eucharistia corpus Christi verum contineri ? Et tamen in nullo pio sensu vera est . Huiusmodi propositiones multas in Erasmo , Joanne Carione , aliisque quibuidam huius seculi scriptoribus passim leges , quæ nec apertas hæreses præ se ferant , nec sanum aliquem habeant sensum : sed quia hæreses saporem quandam & odorem reierunt , merito eas quidem dicimus hæresim sapere ; qui vero illas proferunt , hos hæreticorum & saporem habere & proferre odorem . Nec exempla illa placent , quibus hanc definitionem illustrant . Veriora equidem exempla desidero , & magis ad rem , de qua agitur , accommodata : quamvis in hoc genere nihil ab iis requirendum est , qui omnes istos propositionum gradus permixtos esse ac confusos optinantur . Sed primum exemplum a Joannis Evangelio Christi-que doctrina sumptum est . Quod vero Christi doctrina & Evangelium hæresim sapiat , scribere ego non audeam . Illud secundum exemplum congruens atque aptum est , si eis assentiamur qui existimant , illam orationem , Christus est creatura , simpliciter veram esse , sedeam Theologos reitasse , quod iatorem quandam ab Ario contraxerit . In quam sententiam Divus Thomas multa dixit . Ac Sophronius in sexta synodo plane fatetur , Christum creatum & merentem , idemque in 3. libro Joannes Damascenus . Sed & Hieronymus creaturæ nomen in Christo non horret . Ego vero semper habui persuasum , enunciationem illam & simpliciter falsam esse , & catholicæ Fidei absolute contrariam . Est enim in creaturæ voce negatio intus inclusa , quæ Christi supposito absolute divinitatem tollit . Nam qui dicit rem aliquam factam ex nihilo , is negat eam de substantia generantis extitisse : hoc enim

discrimine id quod vere & proprie factum est , ab eo , quod vere & proprie est genitum , separatur . Quemadmodum igitur illud , Christus corpore esse , fidei adversum est , quoniam inde periculosa argumentatione sequitur , filium Dei esse crepisse , atque adeo aliquando non fuisse ; sic & illud , Christus factus est ex nihilo , fidei quoque adversatur , quod implicite filius Dei de natura ejus , a quo extitit , esse negatur . Sive igitur incipere , sive factum esse , seu esse creaturam , de filio Dei vere enunciaci non possunt , quoniam inficionem abditam & latentem continent , quæ a Filio Dei , pro quo nomen Christi accipitur , vel perpetuum esse , vel esse a patre depellat . Itaque , ut meafert opinio , propositiones illæ , accesteræ ejusmodi non tanquam sapientes hæresim , sed tanquam hæreticæ a Nicænis patribus sunt damnatæ . At propositionem hæreticam & sapientem hæresim eandem esse , mihi quidem non fit verosimile . Stultus nempe haberetur is , qui quam rem vinum esse constaret , hanc vinum sapere , nisi per jocum & ridiculum , diceret . Jam patrem & filium & spiritum sanctum tres Deos esse , cum fide aperte pugnat . Nam sensus ille , qui pius dicitur , impius est . Pari certe ratione illa propositio , Deitas est crucifixæ , hæresim sapere diceretur : quam tamen , ut hæreticam manifeste , quinta synodus condemnavit . Illa item , essentia generat essentiam , in gradu sapientium hæresim locaretur , quam in hæreticarum numero poni oportere , Concilium Lateranense definit . Quid illæ ? Essentia divina non est persona patris , In tribus personis tres sunt Deitates , aliæque plures huiusmodi , quas in sensu novitio , & nuper a se excogitato , quidam veras esse dixerunt . Sane nihil tam absurdum dici aut excogitari poterit , quod in sensum aliquem factum sit detorqueas , verum non sit , ac rationi tum humanæ , tum divinæ consentaneum . Sed consentaneum non est , sententia ejusmodi commentitia , ab ulique sanctorum & ecclesiæ aliena , pia nuncupare , & homines futiles talium sensorum excogitatione defendere . Ego certe , ut quod sentio loquar , harum propositionum auctores nihil minus , quam hæreticorum saporem habuisse arbitror . Sed si in eis aliquem meo gillu percipio , inficitur sapor ille est ,

non hæreseos. Quum vero loquendi vim, & consuetudinem verborum tenet, propositiones ipsas, de quibus loquimur, non sapientes hæresim dico, sed Fidei manifeste contrarias. Sermones porro istos per metaphoram figuratos, considerata intelligentia magis percipere possumus, quam circumscripta definitione explicare. Quamobrem, quid hæresim sapiat, quid non sapiat, non tam finitioe, & argumentatione speculatricis disciplinæ, quam sensu quodam, gustusque prudentiæ judicatur. Videas hominem in Lutheranorum dogmatis expugnandis, & intermiscenda mente exercitatum, qui, ut canes venatici, in libro quem legendum suscipit, hæreses odore quodam suspicionis quam sagacissime perveitiget, ejusque libri auctorem corruptum esse, acutissime sentiat. Leget eum librum fortasse alius stipes sine sensu, qui nihil omnino indagare, nihil olfacere, nihil ne suspitione quidem possit attingere. Quales sunt hodie non pauci, qui Baptistam Cremenlem, Henricum Harph. Joannem Taulerum, aliosque hujus farinae auctores quotidie habentes in manibus, quotidie in ore, eorum errata tamen, mentem, animum non odore illo, non vestigiis, non sapore capiunt. Videl cet abiecit Dominus a Juda, & Hierusalem judicem, & prophetam, & ariolum, & senem, & sapientem de architectis, & prudentem, non solum eloqui mystici, sed hæresis occultæ dijudicandæ. Quid ni muti sint canes, & latrare non valeant, quibus ad investigandum nulla jam est sagacitas narum? Et cum tot signis lupi declarent, qui sint ac velint, quid quærant ac desiderant, canes tamen fere stupor oppressit, pastores vero excutiunt, & obscurdescunt nescio quo modo, ut nec ea, quæ a viris sapacibus monentur, audiant, neque ea, quæ a lupis geruntur, videant: nisi forte omnes & pastores, & canes stupidi timore obmutuerunt. Atqui unde liber stupiditas accidat, ad ecclesiæ perniciem idem est. Securi enim jam poterunt viri improbi non modo ad aurem admove re sermonem, qui ut cancer serpat, sed patentius venenum spargere, atque evomere virus pestilentissimum erroris sui: quod si mens non lava fuisset, etiam occultum, atque in venis inclusum a sano humore fecerni, & internosci tam poterat, adhibita diligentia, & cura, gravique,

& acri judicio, quam potest color albus a nigro, aut dulcis sapor ab amaro distinguui. Sed non est hujus loci, ecclesiæ calamitatem deplorare. Nunc enim id solum agitur, propositionum sapores magis sentiendi, & gustandi viribus discernendis, quam speculandi. Causa quippe hos, non natura distinguit. Itaque non præceptis, & regulis, sed prudentia, & sagacitate judicantur. Expediam brevi rem hanc, & planam exemplo uno faciam. Leges illam propositionem, Pater major me est, in Evangelio. Habes illius doctrinæ auctorem cognitum, & peripetum: antecedentia, & consequentia in Evangelio verba diligenter attendis, ejus doctrinæ principia reliqua memoria tenes. Jam experire, nisi habes humore aliquo malo affectum gustum, propositionem illam, Pater major me est, non hæresim tibi sapere, sed modestiam. Legebat eandem in Arianorum libris Athanasius, auctores intus, & in cute noverat; Ariane disciplinæ causas & effecta, principia & connexa perspexerat; & quæ in evangelio Christi dulcis erat super mel & favum, eandem propositionem in Arianis transiit sapiebat hæresim, eratque ejus gustui vel amarissima. Atque ut idem vinum ex vase uno sapit picem, ex altero non sapit, & res eadem illud olet, unde sit, & cæno male, ex arcula muliebri bene; sic una & eadem oratio ex uno corde, & ore odorem spirat jucundissimum, ex altero reterrimum; ex uno saporem suavem servat, ex altero inuavem. Quemadmodum etiam videmus, aquam e radicibus & canalibus, per quas transit, aliud atque aliud olere, & sapere. Non itaque e rerum ipsarum, orationumque natura sapor, odore omnis existimandus est, sed tum res, tum orationes ipse a venis aliquando, & viis, per quas permeant, saporem, & odorem accipiunt. Saporcm igitur propositionum, ut dixi, non tam scientia, quam prudentia dijudicat. Quocirca quæ propositio hæresim sapiat, quæ contra non sapiat, non Theologi quivis, sed prudentes solum, atque experientes poterunt judicare.

Idem vero de propositione male sonante, seu piarum aurium offensiva dixerim. Est enim, ut linguæ, narumque, ita & aurium judicium suum, absurdos, & abhorrentes sonos respuentium.

tium. Quemadmodum autem non solum res falsæ, atque perabiurdæ, sed graves quoque, ac veræ sententiæ in conditis verbis elatè offendunt aures, acres præsertim, & acutæ; sic Theologorum aures teretes, & religiosæ, non a sententiis modo falsis, & hæreticis, sed ab iis etiam abhorrent, quas intelligenti iudicio percipiunt male, atque absurde sonare, quamvis nullam in eis falsitatem hæreticos deprehendant. Dupliciter ergo de propositione male sonante loqui possumus; uno modo generaliter, quo omnis propositio Fidei coneraria fidelium aures offendit, eoque magis, quo apertius illam vident Fidei catholice esse contrariam. Alio modo specialiter, quo gradum quandam propositionum constitumus ab illo hæreticarum supremo distantem. Qua ratione eas proprie male sonantes propositiones, & pium aurium offensivas dicimus, in quibus nullus error Fidei adversus manifeste notari potest; sed absonum nescio quid, atque abiurdum, quod indignum esse piis, & religiosis auribus videatur. Enimvero in hisce absonis, & absurdis propositionibus discernendis, nollem equidem imperito, atque imprudenti vulgo aures dedere, quorum est iudicium pinguissimum. Sane quanquam nonnullis in rebus, quæ fidelium omnium scilicet communes sunt, iudicium rectum adeo doctis, atque indoctis est & promiscue, & communiter a fide datum, ut quæ propositiones vulgi opinione male sonantes habentur, intelligentium quoque iudicio male sonantes fere fini: at promiscuum vulgus auditum plerumque hebetiorem habet, interdum etiam tenebriorem, quam opus est; & multa sæpe tum auribus accipit, tum animo fert, quæ trita, atque intelligentes aures alpernantur: quædam contra refutat quasi absona, quæ Theologos peritos, & sapientes non modo non læsant, sed ne movent quidem: Theologos, inquam, peritos, & sapientes. Nam in quibusdam aurium sensus fastidiosissimus est; in quibusdam etiam superbius. Quia igitur vel Theologi quidam nonnulla reipiunt, quæ aures clementes, & modestas minime offendunt; necessarium est, si res has recte, & sapienter diiudicare volumus, aurium habere sensum politum, tersum, subtilem, prudentem. Quod si

propositionum absonarum, contrariorumque iudicium Ecclesia in vulgi auribus collocasset, illam certe propositionem: Beata Virgo peccatum originis a primo parente contraxit, male sonare, & piis aures offendere iudicarem. Illa enim audita, vulgus sine dubio perstringitur, percussur, torquetur. At pium aurium offensio crimen est. Id autem in crimine ponere, quod Ecclesia ab omni alienum crimine censuit, temerariæ insolentiæ est. Evangelii item verba quædam, si turba nobis lex est, male sonantia fuissent, & pium etiam aurium offensiva. Turbas quippe aliquando Dominus vocibus ambiguis, obscurisque turbavit. Quin insigniter, atque aspere discipulorum quandoque teneras auriculas percussit: nam Phariseorum aures mordaci solebat radere verbo. Pharisei, audito Christi verbo, scandalizabantur: plerisque discipulis durus erat illius sermo: turbis habere demonium videbatur. Nec est ambiguum hoc tempore esse Phariseos quoddam, esse solidam turbam, & multitudine falsis opinionibus obtusam, certos demum esse discipulos, quibus est sermo veritatis durissimus. Hi, si abusus reprehendat, qui in imaginibus & colendis, & ornandis in facellis, templis, monasteriis, sepulchrorum monumentis, sempiternisque memoriis condendis sunt plurimi: si affirmes, in huiusmodi interdum, vel potius nimium sæpe plus vanitatem valere, quam religionem, diabolum, quam Christum; hi, inquam, fortasse dicent, te Lutheranis opinionibus occupatum, intolerabiles sonos fundere. Non est igitur habenda ratio vulgi promiscui, imbecilli, perturbati, imprudentis, sed prudentis, sinceri, pii, incorrupti. Nec Theologia modo requirenda est, sed pietas, & prudentia, sine qua nullæ aures possint consentaneos sonos, abhorrentesque discernere.

Itaque, ut semel finiamus, cum non sit cuiusvis male sonantem propositionem a bene sonante distinguere, prudentissimi Theologi, quod jam iterum, ac sæpe dixi, consulendi a iudicibus ecclesiæ sunt, nisi volunt in harum rerum iudiciis vehementer errare. Et quamvis nullam nos quidem comprehensionem habeamus, definitionem nullam, qua iudices valeant singulas in specie male sonantes propositiones ju-

deare: illud tamen speciatim admovere possumus, huiusmodi propositionum duos esse gradus. Unum earum, quas ante diximus hæresim sapere. Videlicet, quæ fidelium gustatui male sapient, eadem male sonantur audiri. Verum quia gustatus sensus pinguior, & crassior est, auditus subtilior, & acutior; alter gradus male sonantium propositionum est, quæ licet hæresim non sapiant, sonum tamen quandam absurdum, & peregrinum referunt, qui a doctrina sana, sinceroque, & solido ecclesiæ sermone discrepare videatur. Qua ratione piæ illæ aures feriunt & asperere, & graviter, tamen cur ita feriant, causa sæpe occultissima est. Huius generis illa exempla videntur apostatissima, quæ Concilium Constantiense notavit: Graduationes, & magisteria universitatum esse vana gentilitate introducta, & tantum prodesset ecclesiæ, quantum diabolum: Silvestrum, & Constantinum errasse ecclesiæ dotando: Ecclesiæ Romanæ esse synagogam sathanæ: Electionem Papæ a Cardinalibus per diabolum fuisse introductam. Item, Papam non debere dici sanctissimum propter officium: alioqui diabolus diceretur sanctus, quia est officialis Dei. Item, plures Romæ nunc salvari ex conjugatis, quam ex clericis. Item, monachatum non esse pietatem. Item, Romani Episcopi monarchiam post Divi Hieronymi tempus exortam esse. Item, Phocam instituisse, Romanam ecclesiæ omnium esse ecclesiæ caput: & alia innumera, quæ, ne longum faciam, prætermitto. Quod si quis adeo tenui palato est, ut has etiam propositiones hæreseos saporem referre iudicet, cum eo equidem non magnopere contendimus, præsertim si de harum una, & item altera sermo sit. Quanquam mihi, fateor, palatum torpet quandoque, ac jacet, auris subtilior, & erectior est. Ita mihi videtur facilis posse propositiones auditu, quam gustatu percipere. Sed, ut dixi, neuter sensus regulis instituitur, si defuerit prudentia, & spiritus quidam dijudicandi: si vero hæc assuerint, sine præceptis nostris Theologi iudicium poterit esse vel rectissimum. Ac de propositione male sonante hæcenus.

Propositio vero temeraria duobus iisdem modis usurpari solet & communiter, & proprie. Communiter,

ut omnis propositio a fide averfa, temeraria quoque appelletur, etiam si hæresis manifesta sit. Ecquid enim inconsideratissima, ac demensissima temeritate plenius, quam Christi ecclesiæ contradicere? Proprie autem ea vox usurpatur, quum asseveratio ut temeraria notari potest: ut hæretica, vel erronea, vel sapiens hæresim non potest: In quem sensum post istos propositionum gradus postremum locum propositio temeraria tenet. Temeritas propterea non uno, & simplici modo intelligitur. Temere enim ea quandoque fieri dicimus, quæ non consilio, sed fortuito geruntur: quo modo ea temeraria sunt, quæ turbulente, & inconsulte effusita sunt. In hoc vero significato temeritas, quæ nullo delectu, aut discrimine ducitur ad iudicandum, sapientie contraria est, in qua non casus, & fortuna, sed ratio, & consilium valet. Qui ergo nulla aut ratione, aut auctoritate impulsus res ipsas affirmat, sed temere scribit, & dicitur, vel quod in buccam venit, iure istamquam stultus, & temerarius reprehenditur. Nam quamvis vera aliquando dicatur, sed ut vera dicat, tamen non id consilium, & ratio, sed fors, & casus efficit. Qualia sunt nonnulla, quæ viri quidam prius in vita, rebusque gestis Christi Domini magis comminiscuntur, quam contemplantur; quæ etiam scribunt non tam vere & prudenter, quam devote ac severiter. Quoniam est interdum cæca, ac temeraria quidem & in assentiendo credulitas, & in asserendo facilitas: sed temeritas hæc tamen non est ejusmodi, ut a fidei iudicibus coerceri debeat, qui graviorum errorum censuram assumere suo iure possunt, levioris huius vel imprudentiæ, vel stultitiæ non possunt. Fidei quippe cognitio illis mandata est, non prudentiæ, ejus præsertim, quæ viros pios sæpe destituit. Videmus autem illiusmodi seu meditationes, seu contemplationes, licet inconsiderate, atque imprudenter, sine ratione, & gravi testimonio editas, cum pietate ferre, atque adeo cum sanctitate esse conjunctas. Non decet igitur, ut simplicitas columbina severissimi tribunalis iudicio vextur, quantumvis illa sit inconsulta, & imprudens. Dicitur rursum & id temere asseri, quod insolenter, nimiumque audente assertitur. Quo modo omnibus in rebus as-

seve-

severandi temeritas, pronuntiandique audacia turpis est quidem, sed in his, quæ ad ecclesiæ doctrinam attinent, est periculosa vel maxime. Habet enim contempnitionem superbam ecclesiasticæ regulæ: quam contempnitionem, nisi Fidei iudices coercerant, & comprimant, dici non potest, quantum discriminis omnis ecclesiæ doctrina sit habitura. Quæ igitur non inconsulta oratione modo, sed, ut verbis itar gravioribus, confidenti audacia, insolentia proterva, exultatione impudenti, jactatione superba, non contra fidem dico, sed contra ecclesiasticæ modestiæ regulam alicuntur, ea Theologi in præsentem temeraria censent, atque inter errorum gradus constituunt, & locant, qui, quoniam hæresum appendices sunt, a Fidei iudicibus sunt animadvertendi: Ut, Beatam Virginem non esse in celos cum corpore assumptam: quod licet Fidei minime adversum sit, sed quia communi ecclesiæ consensui repugnat, petulanti temeritate diceretur. Item, In baptismo non infundi parvulis informantem gratiam, & virtutes: cum Concilium Vienneſe contrariam opinionem duxerit eligendam. Item, Angelum non esse simul cum mundo corporeo creatum, aut ipsum etiam non esse incorporeum: cuius utriusque rei contrarium Concilium Lateranense sub Innocentio Tertio nos docuit. Item, Diem iudicii ad certum quendam diem, mensem, annumve futurum, ut, verbi causa, ab hinc quinto, vel sexto, quod a Concilio Lateranensi sub Leone Decimo diligenter præcautum, atque proviſum est. Nec enim parva est temeritas ejus rei præſagitionem usurpare, quam inclusam divinitus Pater in sua posuit potestate, & neque Apostolis, neque Angelis revelavit. Item, Joannes Evangelista fuit in utero sanctificatus: atque in summa omnes illæ propositiones, in quibus a Fidei, & scripturarum lege universali quispiam sine idoneo testimonio, aut probabili ratione eximitur. Nam hujus generis exceptiones temerariæ, Fidei leges tametsi non tollant, præcitant tamen. Est denique & ea temeraria propositio, quæ in doctrina Fidei cum celebri universalitatis communi decreto, ac definitione pugnat. Quamquam enim circumscribuntur articuli Parisienses, qui non sunt articuli Fidei omnes, quoniam

ne hanc quidem vel longissime tangunt: sed ejus Academici tamen de fide, & religione fixa, constantiaque decreta semper Christi Ecclesia suscepit. Qui vero contempserunt, inaniaque, & levia, ac pro nihilo existimarunt, omnes ad unum periclitati sunt, & ii, qui manifeste ab ecclesia discesserunt, & ii, qui ecclesiæ fuere suspecti: potissimo ii, qui in occulto adhuc latent, sed suo se tempore, ut cæteri, prodent.

Propositionem autem scandalosam quidam cum piarum aurium offensiva confundunt, ut verbis distinguantur, re eadem prius sint. Atque hujus generis exempla illa ponunt: Tyrannum potest quilibet illius subditus occidere: Sepunare imperpetuum est Christianæ perfectioni: Nullum est præceptum de baptismo suscipiendo. At iis ita perturbati sunt, & confusi errorum gradus, nullus ut sit primus, nullus ut secundus, nullus ut tertius, aut quartus. Propositio igitur scandalosa duobus similiter modis appellari solet. Prius usurpatione communi, qua omnis oratio, quæ occasione ruinæ præstet, quamvis hæretica aperte sit, scandalosa dicitur. Quo sensu Concilium Constantiense decimam quintam illam propositionem, Quilibet tyrannus potest licite a quocunque subdito occidi, &c. tanquam hæreticam, & scandalosam condemnavit. Quales sunt item reliquæ duæ, quæ ab his in exemplum sunt politæ. At vero posterius scandalosa illa proprie oratio vocatur, in qua scandalum notari potest, hæresis non potest. Qualis illa fuit enumeratio incommodorum auricularis confessionis, in qua incommodorum enumeratione tanto cum Germaniæ scandalo Erasmus versatus est. Tales illæ sunt siue commentitiæ fabulæ, seu narrationes etiam veræ, quibus monachorum occulta vitia vel finguntur, vel deteguntur. Id quod sine dubio sine imbecillum offendiculo fieri non potest. Non enim hic scandalum more vulgi usurpamus, pro eo quod aures offendit, quodve fidelis populus horret: sed pro eo, quod infirmis causam ruinæ præstet, & quod ante fidelium pedes positum, eos facit in illud incurere, irruere, offendere. Sic Ecclesiæ Romanæ abusus plebi rudi obijcere, atque in vulgus edere, scandalum est. Sic propositiones illæ scandalosæ sunt:

Præ-

Prælamus malus vere est fur & lauro:
Per censuras ecclesiasticas clerus populum suppeditat, & avaritiam multiplicat: Sacerdotes criminosi viventes sacerdotii pollunt potestatem: Clerici epistolis decretalibus studentes stulti sunt: Dantes elemosynam fratribus mendicantibus sunt excommunicati: Confirmatio juvenum, clericorum ordinatio, locorum consecratio reservantur episcopis propter cupiditatem lucri temporalis, & honoris: Universitates, & collegia vanitate hominum sunt inducta: Leguminibus, & piscibus venere inflatur, & turgescit, atque adeo ad concubitus, ac venereas voluptates aptissimus redditur. Quorum nonnulli hæresim sapiunt, non inficior: sed quamvis in verum sensum descendunt, non solum error, sed ipsa etiam isthæc veritas, qualiscunque illa sit, quæ forte in his dictis inveniri potest, scandalum affert idiotis, & infirmis. Non enim solum falsa scandalum faciunt, sed aliquando etiam vera. Ac de propositione scandalosa satis fere diximus. Propositionem autem schismaticam, seditiosam, maledicam, & contumeliosam, quorsum attinet definire? Quis est enim, cui non perspicua sint illa, quæ pluribus verbis a quibusdam explicantur? Res itaque faciles, & cuique per se satis expositas, consulo prætereos. Quoniam liber hic noster non pollicetur, quæ passim vulgata, & contrita sunt, sed ea conatur exponere, quæ & sunt obscura, nec statim omnibus occurrentia, & obvia. Sed ne Amalthæam quidem edimus, & bibliothecam rebus universis instructam. Brevitati quippe studemus, atque utinam non hoc decipiat nos brevitaris studium. Decepit eam multos quosdam, qui cum se breves esse putarent, fieri longissimi; alios, qui cum se breves esse laborarent, sive obscurissimi. Sed hæc hæcenus, jam pergamus ad reliqua.

CAPUT XI.

Quemadmodum argumenta Theologiæ invenienda, atque e locis ducenda sint.

DE notis & catholicæ veritatis, & erroris contrarii diximus, errorisque ipsos quam brevissime fieri potuit, internovimus. Sequitur, ut utri-

usque generis nota quærat, & formula, viam, rationemque doceat. Quæ eadem erit ars argumenti invenienti, ex locisque Theologiæ ducendi. Quamquam Theologici argumenti investigandi quidem, atque eruendi communiora præcepta sunt. Illud enim perspicuum est, omnium rerum in contrarias partes facultatem ex eisdem suppeditari locis. Quocirca nihil minus hæreticus e locis Theologiæ argumenta ducet, quam Theologus. Sed illius incerta, infirma, & specie veri fallacia erunt: hujus, ut qui non umbram, sed veritatem ipsam assecutus est, erunt certa, firma, & constantia. Nec argumentationes tamen omnes Theologus e locis certas exprimit, sed interdum, imo sæpe etiam, probabiles. Nec id solum, quia loci quidam incerta fere argumenta præbent, sed quia locus firmus argumentum quandoque præbet non firmum. Nolum enim, quipiam hoc ducatur errore, ut si locus firmus est, omnia argumenta inde ducta esse firma arbitretur; aut si e contrario infirmus est locus, omnia ex eo accepta infirma esse. E sacris quippe literis interdum argumenta probabilia ducuntur: Ut si e sensu mystico petita sint, aut sensus etiam literalis non sit explorate diffinitus. Atque e diverso historiarum humanarum auctoritas, imbecilla ipsa cum sit, certa aliquando argumenta suppeditat. Quapropter ubi artem & præcepta adhibuerimus, quibus argumenta e locis Theologicis eruantur, adhuc iudicium deest, ut explorentur. Quod si nulla iudicii ratio, nullum discrimen accesserit, copia quidem argumentandi facilis & prompta erit, sed nullo in pretio tamen, nisi apud eos, qui res numero æstimare solent, non pondere. Perfectus autem absolutusque Theologus non modo varia e locis argumenta congeret, sed dissentientia & consentientia, certaque & incerta secer-net. Quemadmodum enim dialectici consummati facultas duabus rebus expletur, inventionem ac iudicio; sic Theologum instructum esse oportet cum ad inveniendum, tum ad iudicandum, si ars illi in Theologia differendi explorata futura est, per quam, dico, & sua dogmata firmare possit, & errores contrarios refellere. Theologi porro iudicium tunc mihi videor instruxisse, cum locorum Theologicorum viam &

naturam expressi. Nempe e decem partibus, in quas loci theologici amplitudinem potestatemque divisi, quarum earum partium firma argumenta continent, quæ vero infirma, patefecerunt; Cumque etiam veritatum catholicarum notæ eadem sint, & certissima signa, ut quæstiones Fidei discernantur, & argumenta quoque certissima, ut conclusiones theologicæ probentur: non aliud mihi negotii dandum credidi in judicandis argumentis, quæ dogmata nostra probarent, quam datum paulo ante fuit in iis notis edendis, quæ nostras veritates insignirent. Pars ergo illa judicandi nec post ea, quæ diximus, admonitione ac præceptis indiget, nec proprie ad locorum tractatum attinet, quem liber hic nostra sua inscriptione pollicetur. Quod cum perspicuum sit, sequitur, ut differamus (id quod præsentis est negotii) quibus rebus possimus eum, quem e locis theologicæ volumus, adipisci usum argumentandi. Ubi illud primum occurrit, quod disciplinarum ordo rerumque contextus ipse ac connexio monet, ut quisquis e theologicæ locis invenire cupiet, is communes præceptiones teneat, quas de inveniendis argumentis dialectici tradiderunt. Hæc etenim, si est simpliciter breviterque dicendum, quibus præceptis eruuntur a locis dialecticis, eisdem ferme a theologicis: tamen si est alius quoque quidam aditus ad theologicos, ut ex iis peculiari via & ratione argumenta deriventur, firma præsertim, quæ usui Theologi sunt necessaria vel maxime.

Omnium autem ejusmodi præceptorum illud est caput, ut theologus habeat omnes theologicæ notos & tractatos locos. Notos, inquam, & tractatos locos. Nec enim memoria tenuisse sat est, sed paratos & expeditos habere oportet. Primum ergo discatur numerus naturæque locorum, qui sint, quot sint, quæ vis cujusque ac proprietates. Quæ res si ve a nobis accipiuntur, seu ab alio, qui ad hæc scribenda præparator post me atque instructor venerit, non multum refert. Certe, quæ hæc rebus perdiscendis necessaria sunt, ea mediocriter, ut mihi videtur quidem, libris superioribus edocui. Locorum itaque numerum, vires, & proprietates si ve hinc, si ve aliunde ad manum habere, id est in eorum cognitione primum.

Proximum est locos ipsos lustrasse ac comprehensisse universos. Nam qui sacras litteras aut non legerit, aut etiam lectas minime intellexerit, is quo pacto e primo loco argumentabitur? Qui traditiones Christi & Apostolorum nusquam omnino observavit, quo hic modo e secundo loco argumenta ducet? Qui nec in Ecclesiæ, nec in Conciliorum, nec in Pontificum doctrina fuerit assiduus, quem huic argumentandi usum loci ejusmodi suppeditabunt? Quas vero argumentationes e sanctis auctoribus colliget, qui sanctorum libros ne attigerit quidem? Quam autem differendi facultatem e scholæ theologis habere poterit, qui nullo se tempore in scholæ constitutionibus exercuerit? An e Physica, Metaphysica, Astronomia, Geometria is homo ratiocinabitur, qui humanam rationem his nunquam disciplinis excoluerit? Philosophi demum & historici ecquid ei emolumenti afferent, qui non fuerit in illorum lectione versatus? Hæc igitur omnia, cum argumentum quarimus, complecti animo, cogitatione, intelligentiaque debemus, nec locos modo habere cognitos, sed ipsos etiam diligentissime coluisse.

Sed ais: Estne quisquam tanto inflatus errore, ut sibi se illa scire omnia persuaserit? Ego, si Theologus isthæc non fuerit consecutus, nihil sane vitupero: id reprehendo, si non secutus, nomen sibi Theologi usurpaverit. Illud autem argumentandi genus, quod ex omnibus locis apte ducitur, perfectum & absolutum est, atque omnes numeros habet, nec præter consummatum Theologum cadere in quenquam potest. Cum vero aliquid persuasum est, in quo vel mediocritia argumenta compareant, id cumulate videtur esse perfectum, propterea quod vulgus Theologorum quid absit a perfecto non fere intelligit, quatenus autem intelligit, nihil putat prætermisum. Quod etiam, ut Cicero ait, in poematibus & picturis usu venit, in aliisque compluribus, ut delectentur imperiti laudentque ea, quæ laudanda non sint, ob eam, ut credit, causam, quod insit in his aliquid probi, quod capiat ignaros. Sic nonnullos invenias, quos, quoniam idem, quid in unaquaque re vitii sit, nequeunt judicare, miserrime delectent juniorum opuscula quædam, in quibus nihil reconditum & exactum est,

1. præceptum argumenti inveniendi.

est, nulla ex propriis argumenta ducta: communia omnia, vulgaria, imperfecta, ac fere ex genere probabili-um. Ita jejuna & arida illorum tota est disputatio, quæ vix unius fontis, ejusque vulgaris ac triti, aqua communi & perexigua rigatur. Quanto Divus Thomas copiosior & nervosior est, qui non solum aut rationi aut auctoritati confidit, sed omni modo argumen-tatur, & accurate ex omni loco dis-ferit, testimoniisque simul ac ratio-nibus conquisitis disputat. At obscura quædam in Divi Thomæ lucubrationi-bus sunt, illorum vero lucubrationes sunt lucide. Sane quidem, Non tamen ab illo ita dicuntur de industria: nec in ingenio inest, sed in rebus ipsis ob-scuritas. Et propria, quam communia, obscuriora sunt. Vinum quoque aqua mixtum clarior est quidem, sed dilu-tius est tamen. Merum ad bibendum difficilius, plus omnino habet virium. Ac de primo inventionis præcepto ha-tentius. Reliqua persequamur.

1. Præceptum.

Argumentationes porro Theologo-niam suis locis reddere, adeo videtur esse facile, ut non sit fortasse præci-piendum. Nemo enim tam rudis est, quin sciat, eo statim unumquodque argu-mentum Theologiæ referre, unde petitur est, aut ad sacras literas, aut ad concilia, &c. Quanquam non est inutile argumenta, quæ in doctoribus probatis inveneris, ad locum suum quod-que redigere. Hinc enim & thesau-rum tibi comparabis ex aliorum inven-tis, & cum intellexeris ejus loci us-us illis deluerit, ipse per te ea, quæ omiſsa sunt, diligenter inquires: ut in controversia catholicorum cum Pe-lagianis, post sacrarum literarum, con-ciliorum, sedis Apostolicæ, sancto-rumque testimonia, quibus Augustinus satis abunde causam obtinuit, ratio-nes Theologiæ Thomas addidit, quæ & testimoniis pondus, & causæ lucem adhiberet. Agnoscere igitur apud ve-teres Theologos argumentationum lo-cos plurimum prodest, tum in intelli-gendis eorum virtutibus, tum in dis-cernenda varia eorum argumentandi ratione, tum quod copia quædam pa-ratur hæc diligentia & usui, ut non solum quæ illi invenerint, ea habea-mus in promptu, sed ut quoties e lo-cis Theologiæ quæremus, similibus in rebus similes nobis argumentationes oc-currant. Atque in omni arte utrum-

que scire operæ pretium est, & quid, & quo pacto sit faciendum. Ambas vero has res imitatione peritorum sic assequimur, ut difficile sit judicare, plus ne præceptis assequamur, an ex-emplis. Theologos sane, quod ad in-ventionem attinet, magis veterum ex-empla juvabunt, quam præcepta, non sicut nostra, sed ne cuiusque quid-tem alterius artificis. Prudentia nem-pe argumentandi, nedum scientia Theo-logi veteres polluerunt, qui nec in-doctiores, quam recentes isti, & cer-te prudentiores melioreque fuerunt vi-ri. Nam de scripturæ sacræ peritiâ, in qua argumenti Theologici thesaurus præcipue inclusus est, certare cum ve-teribus nulli possunt. Verum non in scripturæ solum intelligentiâ quærenda, sed cum multis aliis in rebus negli-gentes juniores sunt, tum maxime in argumentis Theologiæ propriis eruendis. Nec recentiores ego Theologos contemno, quorum satis arguta mul-ta, sed ut modo primumque nascentiâ, depicta nimis atque minuta, si ad vetera conferantur. Quæ plus nescio quo pacto, videntur habere auctori-tatis, plus nervorum, plus virium, non solum ad affectus permovendos, sed ad Fidei quoque evincendos ad-versarios. In hac igitur præceptione, quamvis facili, elaborandum est, si non copiam modo, sed gradus etiam argumentorum exquirimus.

Multo vero magis Theologo elabo-randum, ut cognitis ac tractatis lo-cis, quæstionem quam versare cupit, in locos Theologiæ conjiciat. Cum au-tem illam per omnes deduxerit, con-siderare accuratus debet, quid & sin-gulis in utramque partem dici argu-mentando possit. Tum ei colligenda sunt omnia, & quæ consentire causæ propositæ, & quæ dissentire videantur, & judicio adhibito pervidendum, utramque quæstionis partem ducta argu-menta probent. Vix enim, quemadmo-dum supra dixi, Theologus potest ad in-ventionem judicium separare, si verita-tem quærere & amplecti est illi institui-tum. Nec in omni loco tamen aut pro-re, aut contra rem argumenta semper idonea reperiemus. Non enim si aut ve-nator, aut piscator loca apta venatio-ni ac piscationi cognoverint, quamvis diligentiam adhibeant vel maximam, protinus aut piscabitur hic, aut ille venabitur. Nulla quippe ars adeo esse

2. Præceptum.

cetera

certa potest, quæ non interdum operis sui fructu careat. Ut igitur in disputatione nostra loci concurrant omnes, optabile est: Si minus, plures majoreque ponderis plus habebunt: Si vero nulli, non est minuenda artis opinio, nec de gradu desiciendus animus, sed etiam atque etiam argumenta querenda. Quamvis enim demersa sint, emergent tamen hæc aliquando, si pelagus vel immensum & nostra diligentia excutitur, & divina gratia, quæ pulsantibus aperit, & querentibus nunquam decit. Illud autem de probabilium questionum genere dictum accipi velim. Nam fidei dogmata ab his locis, qui auctoritate consistunt, manant omnia. Quare nullum apud nos certum decretum est, quod non idem e locis oriatur. Non itaque vrendum, ne in fidei questione locorum nos argumenta destituant. Sed utcumque aderunt res (nec enim omnes eodem ingenio & solertia, nec similiter inquirimus) argumenta rerum hujusmodi semper quidem in locis inclusa erunt: eo autem eruentur vel pauciora, vel plura, quo inquireris erit eruditio, ingenium, ac diligentia major. Atque hæc quidem hacenus. Patet hæc enim res ipsa est, ut non sit difficile, in exquirendo argumento quid cuique faciendum sit, videre. Et multa etiam sine inquisitione se ipsa offerunt, præsertim hominibus eruditis, atque in harum rerum usu diu multumque versatis. Quanquam quæ cogitato meditata & præparata in disputationem inferuntur, ea jure illis anteponimus, quæ repentina animi cogitatione prodeunt. Quæ quoniam celerissima est, atque ad brevissimum tempus, offerre argumenta potest, ponderare non potest. Itaque ut sine ullo errore & investigare argumenta, & invenire possimus, formula quædam constitucuda est, quam si sequemur in disputatione theologia, nunquam a recto tramite recedemus. Erit autem hæc formula theologorum rationi disciplinæque maxime consentanea. Ubi theologo differendi materia fuerit oblata, questionem accurate habet expendere, statuereque in primis cujus generis illa sit ex omni illa, quam supra explicuimus, questionum varietate. Nisi enim Theologus naturam questionis comprehenderit, nec facile intelliget, qualia sint et investiganda argumenta, nec ex quibus

etiam petenda locis. Quanquam enim omnes inter se colligati atque implicati sunt, tamen ex singulis certa argumentorum genera nascuntur: nec universi, ut a principio statim hujus operis dixi, æque omni questioni accommodantur. Cum vero genus questionis constituerit illud vel maxime, quod est omnium difficillimum, an fidei sit, an non sit: per omnes locos ducat eam, illos præsertim, qui erunt questionis magis apti & congruentes. Nam si questio est supernaturalis, in eos locos est conjicienda potissime, qui Dei auctoritate nituntur. Sin autem est naturalis, per eos præcipue locos deducetur, qui naturæ ratione constant. Quod si mixta questio est, & partim a natura, partim a revelatione pendet, per omnes ducatur oportet: cuncti enim juxta possunt argumenta præbere. Tamen nullus omnino generis questio est, quæ non per omnes locos utiliter deducatur. Naturæ quippe res sæpe scriptura tradit: & res quoque supernaturales vel suadet ratio, vel exponit. Ac divina auctoritas humanam iulcit, contraque humana divina servit. Nec vero veritas, quæ simplex esse debet, ex dissimilibus rebus misceri & temperari potest. Sed divina & humana ratio (quod sæpius dixi) dissimiles non sunt, nec alio hæc, alio ducit illa: quin eodem spectant ambæ, & in eundem finem referuntur.

Itaque accepimus, majores nostros solitos execrari eos, qui primum hæc natura coherentia opinione distinxissent. Quibus quidem ita sunt scholæ Theologi assensu, ut nisi has duas res in disputatione sua conjunxissent, non se putarent Theologos vere esse. Conjecta itaque per omnes locos questione, & collectis hinc inde argumentis, siue quæ discrepare, seu quæ congruere videantur, in utramque partem disputet: sed tamen ad extremum finiat, quid verum sit, quid contra falsum. Doceat vero primum, quid fides Christi de ea questione teneat, quibusque idoneis ac certis testimoniis id, quod tenet, evincat: deinde, quid aut præscribat, aut certe suadeat ratio. Nam si questio naturalis est, ratio præscribit: sin est supra naturam, ratio suadet. Quæ in re, ut modestissime dicam, scholam apud nostros mediocriter ego juvi. Quæ ante nos non erat adeo fidei argumentis instructa:

a ratione ductis res theologica prope-
modum agebatur. Ordinem ergo Divi
Thomæ immutavi. Etenim in Summa
adversum gentes ille quidem primo ra-
tiones, mox testimonia ponit. Ego ve-
ro in sectionibus meis semper a prin-
cipio docui, quod præfinit de una-
qualibet questione fides, tum quid o-
stenderet ratio. Sed immutationis hu-
jus prompta est atque expedita causa.
Divus porro Thomas adversum Gen-
tes theologiz negotium conficere ra-
tione debuit: quia scripturæ testimo-
nia apud eas vel secundo, vel nullo
etiam loco sunt. At apud nos, qui
Christianos discipulos instituimus, pri-
mas partes auctoritas habet, secundas
ratio. Quin & hunc differendi ordinem,
tanquam naturæ nostræ consentaneum
magis, Augustinus probat: quamvis
Manichæis sese attemperans, id agat
interdum, quod in disputando fatetur
esse vitiosum. Naturæ, inquit, ordo
ita se habet, ut, cum aliquid discimus,
rationem præcedat auctoritas. Sed quo-
niam cum iis nobis res est, qui omnia
e contra ordinem & sentiunt & loquun-
tur, nihilque aliud maxime dicitant,
nisi rationem prius esse reddendam;
morem illis geram, & quod fateor in
disputando vitiosum esse, suscipiam.
Quo exemplo Divus Thomas ad eun-
dem modum se gentibus accommoda-
vit: nam in Summa theologiz auctori-
tas senerationi præparat hominem, ra-
tio deinceps ad intellectum cognitio-
nemque perducit. In ipsa vero & au-
thoritate & ratione sunt gradus argu-
mentorum, & quod cuique præstet,
intelligi facile potest: ut prima sint,
quæ scriptura ducuntur; secunda, quæ
e traditionibus Christi & Apostolorum;
tertia, quæ ex ecclesiæ decretis; de-
inceps gradatim reliqua consequantur.
Est autem inter theologos controver-
sium, utra sit prior, scripturæ auctori-
tas, an ecclesiæ. Verum hæc, sicut &
cætera, quæ non ad inventionem, sed
ad dispositionem attinent, non putavi
esse persequenda. Atque hæc res, si
quando in contentione venerit, quem-
admodum judicanda sit, satis est, ni-
si male memini, supra disputatum. Il-
lud perspicuum est, eandem omnino es-
se Spiritus sancti in scriptura & eccle-
sia auctoritatem, si res ipsas inspicias.
Quare in se quidem neutra aut prior
aut major, neutra aut posterior, aut
minor est. Quid est ergo, quod in hoc

loco nonnunquam dubitationem asserre
soleat, considerandumque videatur?
Credo, si quando dubitatio accedit,
quale sit hominis ejus ingenium, eru-
ditio, institutum, quicquid disputatio-
nem institueris, spectare decet. Ut eni-
m sunt, qui scripturæ ecclesiæ usui
anteponunt, sic reperias multos, qui-
bus ecclesiæ mos & sensus majores es-
se videantur. Quia vero ecclesiæ prior
& antiquior est, dubitari non potest,
ipsius auctoritatem quodammodo esse
majorem: nam quod sit & notior &
crebrior, exploratum est. At in omni-
bus, ut dixi, ejus, cum quo differis,
habenda est ratio. Sic enim Petrus Ju-
dex ait, Habemus firmiorem propheti-
cum sermonem: cum Petri tamen ser-
mo nullo nobis gradu inferior sit. Sed
de hoc (magna enim res est) alio lo-
co pluribus. Nunc ad propositum.

2. Pet. 1.

Illā igitur & talia circumspicenda
sunt in omni questione, & consuetu-
do exercitatioque capienda, ut boni
ratiocinantes argumentorum esse pos-
simus, & addendo deducendoque vide-
re, quæ omnium summa fiat, ex quo,
quantum cuique quæitioni debeatur, in-
telligas. Sed ut nec medici nec impe-
ratores, nec oratores, & quod fateor in
præcepta perceperint, quicquam ma-
gna laude dignum sine usu & exerci-
tatione consequi possunt; sic argumen-
ti & theologici inventendi præcepta tra-
duntur, illa quidem ut servemus ipsi,
sed rei magnitudinem usum exercitatio-
nemque desiderat. Quia igitur parum ver-
ba prodesse nostra poterunt, nisi ad
rem conferantur, usuique præcepta con-
firmet, necesse fuerit theses exercita-
tionis gratia dicere, id, quod fere est
a Peripateticis institutum. Archelaum
primum scribit Diogenes in utramque
partem disputasse: fides sit penes illum.
Cicero enim hujusmodi exercitationem
tradit ab Aristotele inventam. Cujus
consuetudo de omnibus in contrarias
partes differendi, jure ab scholæ theo-
logis probata est: eo quod quid in
unaquaque re verum sit, quid contra
falsum, alter nequeat inveniri. Quan-
quam enim cognitio veritatis, ut Au-
gustinus ad Dioscorum ait, omnia falsa
si modo proferantur, etiam quæ
prius inaudita erant, & judicare &
subvertere idonea est: quia tamen hæc
ipsa veritas elucere in disputatione ne-
quit, nisi ex utraque parte causarum
sit facta contentio, nec potest fides
ulla

Epil. 56.

De morik.
eccl. ca.
thol. ca.Aven. 8. de
vera relig.
c. 24.

ulla de re fieri, nisi prius adversariorum persuasiones evellantur: maxime naturale est, ut antequam probemus nostra, amoliamur adversa, & opiniones contrarias relinamus. Vix autem reperitur aliquid tam omnibus ingenis consentaneum & quadrans, ut neminein habeat repugnantem. Omnis namque, ut Hilarii verbis utar, humani eloquii sermo contradictioni obnoxius fuit semper, non solum quia in alio capite & mente alia propemodum sententia est, sed quia dissentientibus voluntatum motibus, dissentiens quoque fit sensus animorum. Unde existimat, Philosophorum placita dici, quod unusquisque illud sermone amplectitur, non quod ratio prescribit, sed quod placet animo: non quod dicitur illa, sed quod dicitur affectus. Necessse est ergo Theologus, varie in contrarias partes differendo, quasi in simulacro pigne exercere se ipsos: id quod D. Thomas in quæstionibus disputatis diligensissime fecit. Cum vero in omnium artium usu plurimum imitatio artificum valeat plurimum, exempla in Theologia differendi ab his peti æquum est, qui in hac arte excelluerunt: quorum Augustinus & Thomas sunt facile principes: Augustinus citra aleam: Thomas iudicio peritorum. Neque enim in incipiti solum disputatione, in qua de universo genere utrimque differere copiose licet, sed in omni omnino quæstione adeo hinc inde uber ac dives est, ut mirandum sit, in rebus tam multis & variis, iisque sæpe neque pervulgatis, neque tritis, egregia in utramque partem argumenta prompta illi parataque fuisse. In multos articulos, fateor, concidit omnia, & articulo fere cuique præscripsit, velut lege quadam, argumentationum numerum. Aridum quoque illi fuit disputandi genus, & quæstionum tractatus una perpetuo specie compositus. In eadenique fuit auctorum secta, quæ adeo nullum florem orationis sequitur, ut apparentibus sine carne nervis, derorme videatur disputationis corpus, certe ab omni eloquentiæ ornatu alienum. Ita a doctissimo & gravissimo viro curiosi quidem homines & delicatuli longioris operis satietate, fastidio similitudinis, inculcæque dictionis horrore abalienantur.

Dixit in concilio Tridentino vir eloquens sane ac facundus, sed parum

Theologus tamen, qui id suadere vellet audientibus, adversum hæreticos, præsertim Lutheranos, non esse magnum usum scholasticæ concertationis, oratorio potius more cum illis differendum: nostrum enim spinosum esse ac permolestum. Quæ si vera essent, exempla in Theologia disputandi non ab his, quos ante dixi, meliora peterentur. Equidem et si non sum neptus, quam sit, non scholæ dico in disputando mos, sed tota omnino scholæ Theologia hæreticis invisa, sed eo magis exitimo, scholasticam differendi formam ad hæreses reuellendas efficaciorē, quo magis hæreticis invisa est. Quod si Lutherani academix subtilitate minime capiuntur, ne oratione quidem ad rhetorum leges artificiose composita capi poterunt, quoniam grandiores sunt & callidiores effecti, quam ut orationis artificio apprehendantur. Cum autem nec argutum Theologum pertimescant, nec rhetorem quamvis eloquentem: non sunt, mihi crede, aut Theologi acumine, aut rhetoris lumine, hoc est, non verbis sunt, & disputatione, sed viribus & flagellis ferendi. Verum si eo loco res sit, ut adversum Lutherana dogmata certare cogar, eligant alii (nihil enim impedio) suave orationis genus, quo mollius & familiarius homines istiusmodi ad ecclesiæ benevolentiam alliciant: dummodo mihi relinquant scholæ ossa nervosque, ac pressam differendi soliditatem. Quæ Augustinus porro contra adversarios ecclesiæ dissenuit, tamen si & inventa sunt acutius, & dicta subtilius, quam ut quis ea possit agnoscere, ad reuellendos tamen hæreticos tanto maiorem habent efficacitatem, quanto tenuius ad vivum reiecata sunt. Atque etiam, quum oratorum more quasi torrens fertur oratio, quamvis multa cunijusque modi rapiat, nihil tamen fere teneas, nihil apprehendas. Cum autem ad scholæ normam certa via & ratione premitur, contineri amplectique acilius potest. Itaque præclarum a Divo Thoma accepimus morem disputandi, si cum teneremus. Nemo vero a viro gravissimo orationis delicias quærat, pigmenta muliebria, tucum puerilem, sed veras gravesque sententias, argumenta solida & propria, sermonem rei, de qua differitur, accommodatum. Quæ omnia Divus Thomas adeo egregie præstitit, ut si vitia in eo pauca sunt,

sint, quæ ab istis invidiose commemorantur, plurimus tamen maximæque virtutibus illa compeniet. Quoniam, ut erat & modestus & prudens, minutissimorum articulorum numerum, legemque disputationis æquabilem, tum rudi-ori-bus, tum magis suo illi seculo dedit. Equidem non Divum Thomam modo, sed scholæ auctores quodam alios existimo, si humaniores literas coluissent, & quæ in schola didicerant, eloqui voluissent, ornatissime splendissimeque potuisse facere, & viros eloquentiæ studiosos, si ab scholæ instituto non abhorruissent, sed Theologiam hanc didicissent, & tractare voluissent, gravissime, & copiosissime dicere potuisse. Sed aut utrique suo studio delectati alteros contempserunt, aut nihil omni ex parte beaurum, ut semper aliquid desideremus. Verum si alterum sit optandum, malim quidem indifertam scientiam, quam inscitiam loquacem. Nam exempla illa disputationis Theologicæ suis omnibus numeris absoluta is solum suppeditare potest, qui eloquentiam sapientiæ conjunxit. Agetamen, qualiacunque nostra sint, & ea ipsi asseramus, quæ tibi non meliora erunt, quam vetera, erunt temporis fortassis aptiora.

CAPUT XII.

*Exemplum primum, ubi principium
Theologia in questionem
vertitur.*

*Contraversa de Eucharistia
Sacrificio.*

DE Eucharistiæ sacrificio prima mihi cum Vicicemistis & Lutheranis controversia est. Facioque contra institutum meum, cum de re apertissima disputationem instituo. Nam si quid adeo certum & exploratum est, ut de eo inter viros doctos constanter perpetuoque convenerit, argumentari non solem, ne rem minime dubiam argumentando dubiam faciam. Nec vero in hoc dabo operam, ut rem plane in ecclesiâ definitam meis ego argumentis probem: sed in id potius incumbam, ut unum & Theologiæ principium non ram ratiocinatione, quam expositione confirmem. Ita fiet, ut veritate illustrata, omnium tenebras depellam errorum.

Quoniam argumenta pro ecclesiæ sacrificio certissima sunt. Quibus autem Lutherani contra pugnant, ut ipsis quidem videtur, sunt maxima; ut ego vero sentio, frivola, & commentitia sunt omnia, vix digna incubratione, & ingenio anicularum: talia certe, propter quæ non modo a communi fidelium sensu cuique esset, sed nec ab amici unius privata opinione discedendum. * At discipuli cæci magistri furentis rapiuntur errore, sibi que Eucharistiam non esse sacrificium argumentando periuadent.

Calvinus porro illo Apostoli testimonio in primis nititur: Et alii quidem plures facti sunt sacerdotes, idcirco quod morte prohiberentur permanere. Hic autem eo, quod maneat in æternum, sempiternum habet sacerdotium. Unde & salvere in perpetuum potest accedentes pro ipsum ad Deum, semper vivens ad interpellandum pro nobis. Talis enim decebat, ut nobis esset pontifex, sanctus, innocens, impollutus, segregatus a peccatoribus, & excellior cælis factus, qui non habet necessitatem quotidie, quemadmodum sacerdotes, prius pro suis delictis hostias offerre, deinde pro populi: hoc enim fecit semel se offerendo. Lex enim homines constituit sacerdotem infirmitatem habentes: sermo autem iurjurandi, qui post legem est, filium in æternum perfectum. Quo loco Paulus sacerdotum veteris Testamenti a novi sacerdotio distinguit, quod in illo plures erant sacerdotes, in hoc unicus est sacerdos. Huius vero rei causam explicat, quod illi mortales erant, quare indigebant successoribus, qui in demortuorum locum subrogarentur: At Christus, qui immortalis est, nullos oportet succedentes vicarios substituere: quales ii sunt, qui nunc quotidie sacrificant, & plures ipsi atque mortales ad umbras legis descedunt, in quæ plures idemque mortales facti sunt sacerdotes: Nostri quoque sacerdotes infirmi & ipsi sunt, habentque necessitatem quotidie, quemadmodum veteres, prius pro suis delictis hostias offerre, deinde pro populi. Novi ergo isti, cum sint veteribus similissimi, legales sacerdotes sunt, non Evangelici. Confirmat autem, ut ait, hoc illud vel maxime, quod sacerdos a Deo vocatus esse debet, quemadmodum Aaron, ut Apostolus idem asseruit: at nullam

Luth. cum
sæpe alia
tum in lib.
de abrog.
missæ, p. 10.
& de eap.
p. 10.
Oecolamp.
in libel. qui
a quibusdā
infructuosa
de Cern.
Dom. c. 9.
Bucer. l. 2.
de rev. &
salf. Cern.
Dom. ad-
m. Calr. Inst.
c. 14.
Protestantes
in apolo-
g. Augu.
I. Arg.
Heb. 7.

Hebr. 2.
10.

vocationem proferre nos possumus, quæ nostro sacerdotio patrocinetur. Evanesce igitur sacrificium, quod sine sacerdote esse non potest.

2. Argu. Exultat rursus Calvinus idem, Paulum cum Ecclesiæ fide pugnare, cum in eadem epistola inquit: Nec ut sæpe offerat semetipsum, quemadmodum pontifex intrat in sancta per singulos annos in sanguine alieno. Alioquin oportebat frequenter cum patri ab origine mundi. Nunc autem semel in consummationem seculorum ad destinationem peccati per hostiam suam apparuit. Quo ex loco iterum colligit, nostros sacerdotes esse legales, qui non modo per singulos annos, verum etiam per singulos dies intrant in sancta, offerentes alienum sanguinem, qui semel juxta Apostolum oblatus est. Cum vero dicere Paulus asserat, hostiam, quæ oblatione sacrificatur, immolari, & occidi necesse esse, profecto si singulis missis Christus in sacrificium offertur, singulis quoque missis interficitur. Aut ergo Pauli argumentum vanum est, cum ait, Alioquin oportebat eum frequenter pati ab origine mundi: aut si Christus in sacrificium exhibetur, vere patitur. At corpus vivum, & impassibile in altari nos offerimus: oblatio igitur forsitan esse poterit, sacrificium nullo modo. Hoc vero illud argumentum est, quod Calvinus, atque Oecolampadius mire jactant; & nondum collata manu, tanquam seroces victores insultant.

3. Argu. Illud præterea locum Lutherani pressius urgent: Umbra habens lex iurorum bonorum, non ipsam imaginem rerum, per singulos annos, eisdem ipsis hostiis, quas offerunt indefinenter, nunquam potest accedentes perfectos facere, alioquin cessarent offerri, ideo quod nullam haberent ultra conscientiam peccati cultores semel mundati. Et post multa alia, quæ referre longum est, ita legimus: Omnis quidem sacerdos præsto est quotidie ministrans, & eadem sæpe offerens hostias: hic autem unam pro peccatis offerens hostiam, una oblatione consummavit in sempiternum sanctificatos. Oblationes igitur veteris testamenti imbecillas ac debiles ostendit Paulus, quod xpius iterabantur. Qui ergo in nova lege eadem sacrificia iterant, si sua repetitione testes sunt, oblationes sua priores infirmas, exiguasque fuisse, atque

adeo Christi oblationem fuisse imperfectam, qui quotidie multas adjiciunt. Medicamenti enim illa virtus est, quod Chrysostomus ait, ut semel imponatur, & non frequenter. Et Theophylactus, Pharmaca, inquit, fortiora semel etiam imposita curant: quæ autem sæpius iterantur, & imponuntur, hoc ipso ostenduntur minus fortia. Sed & pharmacum, quod sæpe admoventur idem, significat eandem ægritudinem interturbare laborantem. Quocirca si eadem etiam hostia novis sacerdotum oblationibus, quasi idem medicamentum sæpius apponitur, prima Christi oblatio nec perfecte curavit ægrotos, nec consummavit in æternum sanctificatos, utpote cum homines novis quotidie, ac repetitis sacrificiis curentur; sanctificentur, consummuntur. Adde, quod paulo post Apostolus asserit. Ubi peccatorum remissio est, jam non esse oblationem pro peccato. Post Christi igitur hostiam unicam, qua omnia sunt in cruce expiata delicta, post remissionem etiam per Christi sacramenta iniquitates, nulla reliqua est oblatio pro peccato. Non est itaque in ecclesia hujusmodi sacrificium. Id quod Apostolus e vestigio testatur inquis: Voluntarie peccantibus nobis post acceptam notitiam veritatis, jam nulla relinquitur pro peccatis hostia. Qui autem nullam dicit, is non baptisma solum, sed nullam dicit hostiam supersensibilem. Nos autem dicimus, quod aliqua superest: contra Apostolum ergo dicimus. Neque his occurri potest, inquit, prætexendo in nova lege non varia esse aut multa sacrificia, ut olim in lege, sed unum idem sæpe repeti: quomodo Chrysostomus & Theophylactus occurrunt. Quoniam Apostolus a novo testamento non solum multarum diversarumque rerum sacrificia rejicit, sed ejusdem etiam hostiæ repetitam oblationem damnat in hæc verba: Neque ut sæpe offerat semetipsum, &c. At Christus in altari semper nunc etiam offert, ut posterius ex catholicorum sententia ostenditur. Iteratam quoque oblationem in veteri testamento ideo iactam esse dicit, quia prior erat imperfecta. Sive autem plures res, sive eadem sæpius offeratur, Pauli argumentum manet invictum, si prima oblatio perfecta esset, nulla posteriore indigere; ita posteriores sacerdotes ab offerendo cessaturos. Quo fieri argu-

Ho. 17. in ep.
ad Hebr.
in 10. c. ep.
ad Hebr.

Hebr. 9.

Hebr. 10.

mentantur, ut illud alterum catholicorum effugium, vanum etiam sit: Nemppe, Apostolum loqui de oblatione crucientis, quia Christus semel in cruce defunctus est; nostras autem esse incruentas. Sive enim cruentum, seu incruentum sacrificium sit, si sepius resumitur, prior oblatio non perfecte sanctificavit, nec exhausta delicta præterita, pro quibus alia hostia profertur. Nulla itaque, ut putant, rama effugere possumus, sed fateamur necesse est, totam ad Hebræos epistolam novorum sacrificia sacerdotum explodere: præsertim cap. 10. ubi si Paulus de cruenta solum hostia sermonem faceret, facile eluderetur, vel quum ait, Ubi autem horum remissio, jam non est oblatio pro peccato: vel etiam magis quum dicit: Voluntarie peccantibus nobis, nulla relinquitur pro peccatis hostia. Nihil enim interstet, cruenta sit, an incruenta, si oblatio est & hostia pro peccato.

Ad hæc, Matthæus, Lucas & Paulus aperte narrat, Dominum in ultima cena non obulisse quidem corpus & sanguinem Deo, sed Eucharistiam discipulis accipiendam distribuisse. Optima igitur missa illa erit, quæ erit primæ quam simillima: prima autem cena fuit, non sacrificium. Etenim si sanguinem pro peccatis tunc Christus obulisset, jam ante crucem essent remissa peccata, nisi frustra Christi sanguis in cena oblatus est, qui peccatorum remissionem non obtinuit, quam vel nunc obtinet patri a sacerdotibus exhibitus.

Ea insuper loca nobis Lutherus objicit, quibus locis sanguinis Christi testamentum dicitur: Testamentum vero non est opus hæredis, sed testatoris. At sacrificium opus est nostrum. Sacramentum igitur sanguinis non est sacrificium. Hanc vero ratiocinationem, bone Deus, quanto verborum ornatu, quasi simiam purpura, vestit. Quæ est, inquit, tanta temeritas, ut testamentum, hoc est promissionem hereditatis, nos opus esse nostrum dicamus, quod testator in satisfactionem exhibemus? & ubi de acceptis gratos nos esse oportet, ibi accedamus superbi daturi accipienda: ut testator jam non suorum largitor bonorum, sed nostrorum sit acceptor. Neque enim fieri potest, ait, ut idem ab eodem simul & recipiatur, & datur, & offeratur, & acceptetur. Quam vero in-

sanus erit pauper & indigens, si bonum opus dicat se conferre diviti, de cuius manu accipit beneficium?

Asserunt etiam in hanc rem sanctorum veterum testimonio. Primum illud Chrysostomi: Hoc nostrum sacrificium exemplar est illius, quod Christus in cruce fecit. Non autem aliud sacrificium, sed id ipsum semper facimus, magis autem recordationem ipsius operamur. Et Theophylactus: Imo potius, ait, memoriam illius oblationis facimus, qua se Christus obtulit. Ex qua correptione Oecolampadius colligit, Chrysostomo & Theophylacto missam nostram non esse propriæ sacrificium corporis, & sanguinis Christi, sed exemplar. Alioqui non correxissent, quod vere ac propriè dictum est. Addunt illud Augustini: Holocausti sui imaginem in ecclesia celebrandam dedit. Et alio rursum loco, Christianos, inquit, peracti sacrificii memoriam celebrare. Et in epistola quadam ad Bonifacium docet, in Eucharistia immolatione nomen rerum ipsi figuræ exemplarique tribui solere. Basilium demum apud Euthymium, hæc nostra exemplaria dixit esse veri sacrificii: Non ergo solum verum sacrificium, sed sacrificii figura.

Nec testimonio solum premere nos, sed etiam ratione volunt. Nam si sacrificio peccata redimerentur, quod catholici asserimus, redemptio nostra a nobis quoque ipsis per nostras oblationes existeret. Ita non solum Christus redemptor esset, sed homines etiam sui essent redemptores. Id quod salutaris est manifeste.

Addunt, fieri non posse, ut operatio nostra alteri peccati remissionem conferat ex vi ipsius operis, quod nostri quidam dicunt ex opere operato. Solius enim Christi opera & actiones ex se peccata remittunt. At sacrificium & nulla operatio nostra est: nefarium est igitur affirmare, quod ratione sui & Deum propitium reddat, & deleat quoque peccata. Atque in hoc uno Lutherani hujus controversiæ statum constituendum censent. Asserunt enim, se habere hanc rationem adeo firmam, certam, expeditam, ut adversus omnes portas inferi consistere queat. Hanc autem rationem videtur confirmare Irenæus in hæc verba: Non sacrificia (sanctificant hominem; sed conscientia ejus qui offert, sanctificat sacrificium,

6. Arg.

Hom 17 in
epist. ad Heb.In 1a. c. ep.
ad Heb.

Lib 8. c. 11.

L'com Vas.
c. 11.

Epist. 12.

In Matth.
cap. 64.

7. Arg.

8. Arg.

Lib 4. c. 14.

4. Arg.
Matth. 16.
Luc. 11.
1. Cor. 11.5. Arg.
Luc. 11.
1. Cor. 11.

pura existens, & præstat acceptare, Deum quasi ab amico. Peccator, inquit, qui occidit mihi vitulum, quasi qui occidit canem. Quoniam igitur cum simplicitate ecclesie offert, iuste munus ejus purum sacrificium apud Deum deputatum est: Quemadmodum & Paulus Philippensibus ait: Repletus sum acceptis ab Epaphrodito, quæ misistis in odorem suavitatis, hostiam acceptam, placentem Deo. Dixerat autem, sacrificium hoc illud esse, quod ex Malachie primo capite Theologi conamur inferre. Nulla igitur apud nos hostia manet, quæ ex se aliorum peccata deleat, sed si quid habet, id habet ex offerente. Quo argumento nos Bucerus impugnat.

9. Arg.

Rom. 1.

Præterea, remissio peccatorum, hominis sanctificatio & justificatio est: hæc autem per fidem cuique propriam obvenit, ut ad Romanos scribit Apostolus: nulla ergo sacerdotis oblatio ex opere operato aliorum peccata remittit. Nam ne Christi operationes quidem, nisi per propriam fidem applicantur hominibus, juxta illud: Quem proposuit Deus propitiorem per fidem. Item, Si vi sua oblatio sacerdotis aliorum diluit culpas, gratiam ergo hoc sacrificium confert. Ablutio enim culparum sine gratia aquæ salientis in vitam æternam esse non potest. Neque elabi possumus dicentes, remitti per sacrificium peccata venialia, non etiam mortalia. Quoniam si sanguis Christi in sacrificium offertur, omnia profecto remittit, qui in omnium remissionem effectus est. Nisi frustra ac sine causa catholici petimus, ut hoc sacrificium omnia crimina nostra detergat: & rursum, ut sit ablutio scelerum, & omnium remissio peccatorum.

10. Arg.

Præterea, cum catholici fateamur, in hoc sacrificio sanguinem Christi contineri, fieret, ut unico sacrificio omnes peccatorum pœnæ abolerentur. Res quippe oblata infiniti valoris est. Vanum itaque esset pro eisdem plures missas celebrare. Qui vero dicunt, infinitæ hostiæ fructum a sacerdote offerente limitari, hi refelluntur a Lutheranis multiplici varique ratione. Primum, quod sacramentorum fructus non desinunt a ministris: ergo ne sacrificii quidem. Deinde, quia quamvis sacerdos offerens in peccato mortali sit, sacrificium tamen illi prodest, pro quo offertur. Non ergo hujus sa-

cificii virtus a sacerdote offerente terminum ullum accipit. Item, quia infinitæ rei pretium non minuitur, si ve paupere detur, si ve a divite. Centum scilicet aurei centum valent, a quocunque tandem offerantur. Imo quo res oblata major est, & hic, qui offert, est pauperior, eo oblato majore habetur in pretio. Ad hæc, si semel offero sanguinem meum Deo, sanguis meus sulus est idoneus ad omnia peccata delenda, nec pretium imminuitur ab offerente. Martyres namque universi, inæquabilis licet meriti, æque tamen consequebantur omnium veniarum peccatorum. Si igitur vere offert sacerdos sanguinem Christi, nullis eum finibus circumscribit, quin satis sit etiam semel oblati ad omnia redimenda peccata. Sacrificium denique altaris a Christo summo sacerdote nunc etiam Patri pro nobis offertur: ab illo igitur infinitum valorem habet, quem videlicet eadem ex causa infinitum habuit in cruce. Neque enim illud negare possumus, cum Christus sempiternum habeat sacerdotium, unde & salvare in perpetuum potest accedentes per ipsum ad Deum, semper vivens ad interpellandum pro nobis. Atque Lateranense Concilium sub Innocentio Tertio, Una, inquit, est fidelium universalis ecclesia, in qua idem ipse est & sacerdos & sacrificium. Loquitur autem sine dubio de eo, quod offerimus in altari. In concilio rursum Tridentino desinitum est, nostras omnes satisfactiones Christum offerre Patri: multo ergo magis illam victimam offeret, quam, ut Deum placeamus, nos in altari probemus ad sacrificium. Quam rem non Ambrosius modo insigniter præter Latinos ceteros, sed Græci in canone suo manifeste testantur. Sane quemadmodum sacerdos non nomine suo consecrat, & conficit Eucharistiæ sacramentum, ita non in nomine suo, sed Christi offert Eucharistiæ sacrificium. Quod si Christi sanguis hostia nunc est ad culparum redemptionem, hujus vero sanguinis pretium nullo sine concluditur, præsertim si a Christo ipso offeratur: manet omnino, unica oblatione omnes culparum pœnas resolvit.

Contendit postremo Calvinus, Eucharistiæ Sacramentum cum Sacrificii voce pugnare. Eucharistia, inquit, donum est cum gratiarum actione perci-

Cap. Firmi-
ter, de form.
Tr. in. & id.
cath.

lib. 1. Offe.
c. 44.

11. Arg.

Cc 2 pscu

piendum: Sacrificium vero est pretium, quod Deus in satisfactionem accipit. Quantum ergo interest inter dare & accipere, tantum a Sacramento Sacrificium distat. Hac enim augmentatione fit, ut reliqua Sacramenta Sacrificia esse non queant. Eucharistia quocumque post peccata gratis remissa, post reconciliationem adeptam, vitæ nobis promittit, & gratiarum augmentum. At sacrificium cantilenam aliam canit, nempe Deum quasi adhuc iratum, tanquam pretio quodam exhibito placari, nec esse expiata scelera, quæ sacrificium expiare dicitur. Prætereo alia argumenta ridicula: indigna enim sunt, quibus nos serio respondeamus. Sed & illa superiora, ut ante jam dixi, tamen in faciem apparent probabilia; diligenter tamen inspecta, vana esse deprehenduntur. Id tantisper dum explico, & fidem meam de ecclesiæ sacrificio breviter expono, quæso lector attende.

Si qua disputatio est, ubi id, de quo disputetur, necesse sit definire, hanc ego vel maxime esse crediderim, quæ nobis hodie instituitur: Cum non modo Vivicissitas & Lutheranos, sed quidam etiam catholicos videamus, sacrificii vi & natura ignorata, in summo errore & maximarum rerum ignoratione versari. Explicaturus igitur, quidnam sacrificium sit, quidque sua definitione contineat, illud in primis accipio, sacrificium proprium esse religionis opus, id est, ejus virtutis, quæ cultum Deo & cæremoniæ asserit. Est enim sacrificium quasi sacrum factum, ut Gregorius ait. Sacra vero Dei facere, hanc dubie ad Dei cultum & reverentiam pertinet. Sacrificare igitur propria est religionis actio, quæ videlicet solius Dei honori dedicata est, quemadmodum Augustinus con. adver. leg. & proph. l. 1. c. 18. Et de civi. Dei, lib. 10. c. 4. Actor, quoque 14. cap. Lucas scribit.

Illud deinde sumo, sacrificium speciem esse operis sacri & religiosi: atque adeo opus sacrum quasi genus esse sacrificii. Etenim qui vocem hanc ad sacras omnes cæremônias & religionis actus extendunt, qua ratione id faciant, ipsi viderint: certe cum perpetuo & ecclesiæ & scripturæ usu purgant. Septem enim sacramenta agnoscit ecclesia, septem sacrificia non

agnoscit. Non itaque quodcumque opus sacrum, quicunqueque religionis ritus est sacrificium. Unde & Concilium Florentinum non obicure a sacris cæteris sacrificia distinguit. Atque in lege veteri alias fuisse leges de sacrificiis constat, alias de reliquis sacris ritibus. Quæ causa necessaria est, ne nos sacrificia cum sacris aliis confundamus. Adde, quod in sacrificio hostiam esse oportet, quæ Deo immoletur: hostiam vero in omni religiosa cæremônia vel fingere, ridiculum est. Adde etiam, quod sacrificium Latinus interpres semper appellat, quam Græci θυσίαν. Græcis autem θυσία non est quodlibet unum sacrum opus, sed specialis religionis cæremônia, in qua res Deo sacra, vel per sanguinem, vel per ignem, vel alio quovis modo conficitur. Quamquam Theophylactus auctor est, θυσία proprie magis esse, quæ per ignem sacrificantur, quam ea, quæ per sanguinem. Sed & Porphyrius, ab exhalatione, inquit, ignis, quam Græci θυμὸν dicunt, Thysia quoque, quam sacrificium Latine appellamus, apud Græcos antiquitus dicta est. Nunc vero non recte capimus thysiam illum cultum appellantes, qui sanguine celebratur. Hæcenus Porphyrius. Sed, ut prima vocis origo illa sit, non negant auctores hi, vulgarem ejus vocis usurpationem universa ea continere, quæ vel per ignem, vel sanguinem immolantur. Atque hæc Latini interpretes sacrificia vocari perhibent. Sit itaque exploratum, sacrificium speciem quandam esse cultus sacri.

Quod si ex usu recte loquentium divinæque scripturæ consuetudine propria hujus nominis significatio accipienda sit, inveniemus sane, sacrificium tum solum esse, quum res aliqua sacra offertur Deo. Ubi namque oblatio non est, ibi ne sacrificium quidem esse potest. Qui enim aut baptismi, aut confirmationis, aut ordinis, aut matrimonii, aut unionis extreme sacramentum conficit, is quamvis sine dubio rem sacram & divinam faciat, sacrificium tamen facere non nisi absurdissime diceretur. Quoniam ne ipsa quidem Eucharistia, quando servatur in pixide, sacrificii nomen habet. Tunc vero primum hostia muncipatur, cum offertur. Oblatio igitur est de ratione sacrificii. Id quod Paulus sæpe docet, ut ad Hebr. 5. Omnis, ait,

In l. de ab-
solut. ab
vici. car.
Ench. de
expar. &
quæq. lib. 1.
cap. 6.

Vide Theo-
phylact. l. 1.
Sacrific. ab-
c. 18. & 19.

S. quæ. 1. c.
enclit.

ait, pontifex constituitur, ut offerat sacrificia pro peccatis. Et capite septimo, Pro suis delictis hostias offerre. Et capite nono, Munera, & hostiaz offeruntur, &c. Et capite decimo, Eisdem ipsis hostiis, quas offerunt indefinenter, &c. Nec hic laborare opus est, ubi nihil est ambigui. Illud addo, quod difficulter admittunt quidam, si vis & natura lujus vocabuli perpendatur, non omnem oblationem sacram sacrificium esse, sed quiddam aliud præter oblationem sacrificii vocem vendicare, quemadmodum Divus Thomas argutissime, ut omnia, dixit. Et Theophylactus, Doni, inquit, & victimæ exacta ratione quidem est discrimen. *ἑρως* enim, hoc est, sacrificia sunt per sanguinem, & carnes oblationes vel certe omnia, quæ per ignem sacrificantur: Dona autem sunt, ut fructus, & quæcunque alia exanguia, & igni carentia. Quod utique discrimen Paulus in Epistola ad Hebræos diligenter observat: Omnis, ait, pontifex constituitur, ut offerat dona, & sacrificia. Et iterum: Omnis pontifex ad offerendum munera, & hostias constituitur. Atque Chrysostomus explicans illud, Sacrificium, & oblationem noluisse, oblationis, & sacrificii hanc differentiam esse accurate notavit. Non itaque omnis oblatio sacrificium est. Quam omnino rem illud vel maxime argumentum probat, quod cum animalis vivi iuxta legis præscriptum fiebat oblatio, nusquam hæc aut hostia, aut sacrificium vocabatur. Nisi velis, tum a Judæis filios immolari in sacrificium, cum post purificationis caeremonias Domino sistingebantur. Quod quoniam absurdum est, consentiamus, non omnes res Deo oblatas, hostias esse, aut sacrificia. Porro autem si circa rem, quæ offerebatur, quippiam sacri sacerdos faciebat, ut si animalis fundebat sanguinem, si thus ardere faciebat, si conserebat incensum, si oleo simillam consperiam frugebat in sartagine: tum deum vere sacrificium faciebat. Earum quippe rerum omnium sacrificia esse, Levitici secundo & sexto, Num. quinto, & secundo Paralipomenon vigesimo octavo capite legimus. Scite ergo, ac præclare Divus Thomas admonuit, in eo sitam esse rationem sacrificii, si circa rem Deo oblatam quicquam fieret, quo res ipsa sacra quodammodo consuecetur. Nam si integram, & il-

lesam sacerdos offerret, donum dici, & munus, non item sacrificium. Id, quod in Græca voce *θύνη* explicatus animadvertitur, ut paulo ante dicebamus.

Quibus rebus expositis, facile intelligitur, Lutheranos in Apologia Augustana perperam sacrificium definitisse, quod sit caeremonia, vel opus a nobis Deo redditum, ut cum honore afficiamus: Veluti munera, primitiæ, decimæ. Hanc vero finitionem cum exemplis suis, ut alia argumenta prætereamus, satis refellit Apostolus, tum dona a sacrificiis distinguens, tum magis argumentans, quod si Christus sæpe se in sacrificium offerret, sæpe etiam pateretur.

Sed ut occultæ, atque involutæ rei notitia aperiatur his, quæ dicta sunt, illud primum obijcit, quod Prophetæ sacrificium laudis sæpe commemorat, quod Paulus interpretatur fructum laborum consistentium nomini Dei. Sacrificii igitur definitio non est tam anguste conclusa.

Illud deinde videtur esse contrarium, quod Apostolus ad Romanos scribit: Obsecro vos, ut exhibeatis corpora vestra hostiam vivam. Non ergo in sacrificio hostiam esse oportet, quæ maculetur, sed satis est, si corpus nostrum vivum ad sacrificium præbeamus.

Tertio loco id opponitur, quod in omnium ore est: Sacrificium Deo spiritus contribulatus. Illa demum: Repletus sum his, quæ misistis in odorem suavitatis, hostiam acceptam. Et ru sum: Beneficentiæ, & communionis nolite oblivisci: talibus enim hostiis promeretur Deus. Quibus videlicet argumentis moti quidam putaverunt, sacrificii nomen terminis esse latioribus circumscribendum; a nobis enim strictissime coarctatum. Ego vero tantum absum ab ista sententia, ut non modo non arbitrer, veram sacrificii finitionem, quæ est a nobis ante posita, his argumentis obscurari, sed fieri etiam illustriorem existimem. Duobus quippe modis verba in sacris literis usurpantur, uno per proprietatem, altero per figuram. Atque id quidem, licet facillimum, est tamen animadversione dignissimum. Multos tamen & ex alienis, & ex nostris hujus rei ignoratio fefellit. Dico igitur, nomen sacrificii dupliciter in scriptura sacra accipi, & proprie, & translate. Nos

CC 3 porro

2.9. 2. 3. 4. 1. in c. 8. epistolæ ad Hebræos.

Hebr. 5.

Hebr. 8.

Rom. 15. in epistolæ ad Hebræos.

Ps. 40. 206. 117. Heb. 13.

Rom. 15.

Ps. 50. Phil. 4.

Hebr. 13.

porro, quum res definitus, necessaria Philosophiæ duci ratione, non quid vox per metaphoram, aut alium tropum translata significet, sed quid proprie contineat, exponimus. Sacrificii itaque natura propria plane nobis definita est: at in omnibus testimoniis, quæ contra posuimus, nominis translatio quædam & abusus est. Id quod in singulis facile intelligimus, si ea ad veram & propriam sacrificii naturam referamus.

In primo siquidem testimonio fructus laborum laudantium Deum hostia dicitur, cum lingua labiaque mortificata Dei laudibus consecrantur. Quemadmodum enim vitulus mactatus in hostiam, nullas alias edebat voces, quam in Dei laudem & gloriam; sic lingua conviciis, detractiois, ac turpiloquio mortua, & soli Deo laudando sacra, quasi sacrificium quoddam offertur, juxta illud, quod scriptum est: Reddentes vitulos laborum nostrorum. Quamquam in psalmis dici potest, sacrificii hostiaque voces sine tropo usurpata. Erat enim in lege præscriptum inter cætera gratiarum actionis sacrificium, in quo veræ hostiæ mactabantur. Sed Paulus, ut solet, per allegoriam hostias illas carnales ad laborum laudantium Deum spirituale sacrificium traduxit.

In secundo vero testimonio expeditior & planior est metaphoræ ratio. Tunc enim offerimus corpus nostrum hostiam Deo, quum mortificamus membra nostra, quæ sunt super terram, carnemque nostram peccato quidem mortuam, viventem autem iustitiæ Domino offerimus. Quemadmodum Hieronymus: Illa, inquit, virginitas hostia Christi est, cujus nec mentem cogitatio, neque carnis libido maculavit. Atque tota illis quum Apostolus vivam hostiam dixit, quasi pugnantibus inter se vocibus de more lusit. Similia sunt illa: Quæ in deliciis est vidua, vivens mortua est, mare dulce, terra celestis, spiritualis caro, spiritus carnis. Non itaque ex eo, quod Apostolus vivam hostiam dixit, statim colligere oportet, animal non esse mactandum, quum in hostiam præbetur. Quin potius, si Pauli ingenium tenemus, conerario modo argumentabimur.

Jam in tertio quoque testimonio accepta translatio est. Cor, namque in-

star frumenti contritum, & divini amoris igne quasi succensum, similitudine quadam sacrificium vocatur. Adde, quod familiare auctoribus sacris est, imaginum vocabula rebus per imagines significatis attribuire: ut nomen Davidis Christo, Ezechielis 34. Nomen etiam Petri eidem, 1. ad Corinth. 10. Tale illud est: Ego vum vitis vera. Quia igitur per sacrificia illa legis externa res quædam spirituales potiores præsignabantur, has omnino res sacrificia, holocausta, hostias sacræ literæ appellant. Ut mactationes brutorum animalium figuræ erant mortificationis carnalium & irrationalium affectuum, qui regnant in corpore: ideoque carnis mortificatio hostia dicitur, non proprie quidem, sed figurata dictione. Et hunc in modum cætera, quæ non sunt modo longo sermone explicanda. Tres ergo priores scrupulos plane excussumus: quartum vero, illum facilius eximemus, si semel stabilitum fuerit, his in locis Apostolum non proprie loqui, sed figurate. Id quod liquido demonstrari potest. Primum, quia sacrificium ad religionem proxime pertinet: at elemosyna & beneficentia ad misericordiam vel liberalitatem. Dein ex illo solo testimonio, Misericordiam vobis & non sacrificium. Quo loco sacrificium non obfcure a misericordiæ operibus separatur. Certe si sacrificii vox dona pauperibus collata proprie contineret, nullo modo Propheta diceret: Sacrificium & oblationem nolui. Quid igitur sibi Apostolus vult, quum ea munera hostias vocat, quæ pauperibus tribuuntur? Nempe, illa esse Deo acceptissima. Videlicet hostias credebat populus maxime placere Deo, spirareque illi odorem jucundissimum. Genes. 8. Exod. 29. Levit. 1. & 3. Numer. 28. Ulque eo autem persuasio hæc in animis vel fidelium infederat, ut præ sacrificiis opera interdum pietatis charitativæ contemnerent. Hujus rei Apostoli minime ignari, & plebem rudem ad veram & germanam pietatem revocare cupientes, misericordiæ ac charitatis officia hostias appellabant, non falfo id quidem, sed verbis paululum quadam dicendi figura immutatis. Sic Paulus hostiam acceptam dixit in odorem suavitatis. Sic Jacobus: Religionem mundam & immaculatam esse, visitare pupillos & viduas in tri-

Ad eundem modum Aug. 10. de civ. l. 6. loquitur cum affirmat, verum sacrificium esse omne opus quod agitur, ut sancta locustæ misericordiam Deo. Nam ea 5. dicitur, & c. sic v. 1. ubi dicitur, sacrificium accendit, id est sacrificium.

D. Thom. 2. 2. q. 11. a. 2.

Cap. 6.

Psalm. 119.

Philipp. 4.

Jacob. 1.

O'ze 14.

Lit. adverb. Jovin. 1.

6. Theof. 1.

bulatione eorum. Quam rem plane & sine verborum immutatione legis ille peritus significavit, inquit, Diligere proximum, tanquam se ipsum, majus est omnibus holocaustomanibus & sacrificiis. Quid ergo proprie sacrificium sit, qua etiam ratione per tropum transferatur, satis dictum est. Nec hæc tamen nimis multa videri debent, cum hujus vocis vi, ac potestate ignorata, multorum disputationes vagari & errare cernamus. Erant autem hæc copiosius explicanda, ne immodicæ brevitatis studio raperentur verborum pondera differentes celeritate. Sed de his hæcenus. Sequitur, ut sacrificium in species suas quam brevissime partiamur.

Lutherani in apolog. August. duas proximæ sacrificii species esse ajunt, nec esse plures. Unum enim esse sacrificium propitiatorium, nempe ad placandum Deum, & impetrandam veniam peccatorum, alterum *Eucharisticum*, id est, gratiarum actionis. Has duas species sacrificii magnopere oportere asserunt in hac controversia nos in conspectu positæ habere, & singulari diligentia cavere, ne confundantur. Id quod ipse etiam atque etiam moneo: sed illud quoque animadverto, hac divisione multas sacrificiorum species vitiose fuisse prætermittas. Non enim solum vel pro peccato, vel etiam ad gratiam referendam sacrificium fieri solebat, sed & vice supplicationis, ut a Deo vitæ commoditas ac prosperitas haberetur. Quod si Latine liceret, possemus impetratorium vocare. Quale fuit sacrificium Jacob Genes. 28. qualeque etiam mulier illa prætulit, quæ in Proverbis dixit: Victimam pro salute devovi. Sane in Levitico post sacrificium pro peccato, hostiæ pacificæ in duas species distribuuntur, ut aliz sint gratiarum actionis Deo exorato, aliz voto vel sponte susceptæ Deo exorando. Ac præter hæc sacrificiū genera aliud fortasse fuit in hoc paratum, ut sævus cum Deo fuso sanguine sanciretur. Cujusmodi Exod. 24. & 4. Reg. 23. mentio fit. Ut omittam sacrificium pro consecratione pontificis, quod legislator a reliquis sacrificiis distinxit. Nam holocaustum, quod humanæ servitutis tributum proprium erat, & ad testationem divine majestatis ac dominationis Deo sacrum, dubium non est, ad

duas illas sacrificii species minime pertinere. Plura itaque, quam duo hostiarum genera fuisse in veteri Testamento: ut in novo utrum unum saltem sit, quæritur. Cui quæstioni statim ego respondeo, si dua illa prius explicuero, quæ in hac controversia explicatu quidem facilissima sunt, sed sunt tamen necessaria vel maxime. Illud primum est, nomen sacrificii interdu pro re, quæ Domino offertur, interdum vero pro actione ipsa sacrificandi solere accipi. Pro re, ut ad Hebr. 5. Omnis pontifex constituuitur, ut offerat dona & sacrificia pro peccatis. Pro actione, ut in illo apud Tullium loco, præbere hostias ad sacrificium. Quo modo Divus Thomas hanc vocem usurpavit, nec usurpavit absurde, cum sacrificium, lanificium, & similia ad eundem modum a doctissimis usurpentur. Alterum est, catholicos sicut Eucharistiæ sacramentum, ita Eucharistiæ sacrificium duobus modis asserere. Est enim sacramentum tantum, hoc est, species illæ vini & panis externæ, quæ corpus Christi ac sanguinem continent. Est item res & Sacramentum, nempe Corpus Christi & Sanguis, quæ res interior sub speciebus continentur. Similiter etiam in oblatione & Missa nostra est Sacrificium externum specierum panis & vini: quod Augustinus in Psal. 37. Sacrificium panis & vini nuncupavit. Est & rursus sacrificium interioris corporis & sanguinis Christi, quod Deo Patri sub speciebus illis potissimum offerimus. Interior dico, non quod ipsum per species non suo quodam modo videatur, sed quod intra species inclusum, occultum in se & invisum sit.

His positis sit prima conclusio. In lege nova vere nunc est & proprie sacrificium. Quæ omnino res primum ex Malachia aperte conficitur. Non est, ait, mihi voluntas in vobis, & munus non suscipiam de manu vestra. A solis enim ortu usque ad occasum magnum est nomen meum in Gentibus, & in omni loco sacrificatur & offertur nomini meo oblatio munda. At interpretantur hunc locum Lutherani de sacrificio spirituali omnibus fidelibus communi. Id quod nullo pacto defendi potest. Primum, quia nostra opera omnia sunt tanquam panis mensuræ. Esai. 64. Non igitur possunt dici absolute oblatio munda,

2. h. & Br.
3. 3. corp.
& ad b.

1. Concl.

Malach. 2.

Matth. 23.

Prov. 3.

Levit. 2.

Levit. 7.

Luthero præsertim, qui nostras justitias peccata esse contendit. Deinde quia offerre opus nostrum tanquam mundam oblationem & sacrificium, isti dicunt esse Pharisaicum. At Propheta non loquitur de Pharisaico sacrificio.

Præterea, quia sacrificia spiritualia non sunt propria legis Evangelicæ, sed communia in omni lege fuisse. Prophetia autem diserte loquitur de sacrificio quodam legis novæ proprio ac singulari. Postremo, quia idem Propheta c. 3. loquens rursum de ipso eodem novæ legis sacrificio, Sedebit, ait, confans & emundans argentum, & purgabit filios Levi. Non dicit filios Israel, sed Levi: Et erunt Domino offerentes sacrificia in iustitia. Peculiare ergo sacerdotium erat instituendum, & peculiare sanctificandi ministri, ad peculiare sacrificium legis Evangelicæ. Nam quod Protestantibus illud primicapitis referunt ad sacrificium spirituale commune omnium fidelium, hoc vero tertii capitis ad prædicationem Evangelii, de qua Paulus ad Roman. 15. Sanctifico Evangelium, &c. sua hac varietate testantur, se a veritatis unitate discedere. Cumque hæc sint per figuratam dictionem sacrificia, qui ad tropos consurgunt hoc loco, ii & omnem scripturarum vim labefaciunt, & sibi etiam repugnant. Farentur enim & ipsi, non esse in sacrarum literarum intelligentia ad tropos consurgendum, nisi ex proprietate vocabulorum magna absurditas sequeretur. Nec vero cum his Augustinus facit, qui libro contra literas Petiliani secundo, hunc Malachix locum de laudis sacrificio interpretatur, de quo scriptum est, Impolus Deo sacrificium laudis. Sic enim & septuaginta verterunt, Ab ortu solis usque ad occasum glorificatum est nomen meum in nationibus. Id quod Apostolus explicat inquit: Per ipsum ergo offeramus hostiam laudis semper Deo, id est, fructum laborum consentientium nomini ejus. Sed ne Hieronymus quidem ab his dicit, quum Malachix testimonium his verbis exponit. Ergo proprie nunc ad sacerdotes Judæorum sermo fit, qui offerunt cæcum & claudum & languidum ad immolandum, ut sciant carnalibus victimis spirituales victimas succelluras; & nequaquam taurorum hircorumque sanguinem, sed thymiama, hoc est, sanctorum orationes Domino of-

ferendas: & non in una orbis provincia Judæa, sed in omni loco offerri oblationem nequaquam immundam, ut a populo Israel, sed mundam, ut in cæremoniis Christianorum. Non sunt, inquam, pro adversariis auctores hi, nec stant a mendacio contra verum. Repula siquidem scripturarum est, ut idem Hieronymus eodem ipso loco testatur, Ubi manifestissima prophetia de futuris textitur, per incerta allegoriz non extenuare quæ scripta sunt. Cum ergo in universo orbe, atque adeo apud omnes gentes una & eadem offeratur hostia munda sacramentalis, & externa quidem specierum panis & vini, ab omni carnis & cruoris fæditate aliena, interior vero incuncta etiam, quamvis corporis sanguisque ipsa sit; quid attinet vaticinationem, quam in purissimo Christi sacrificio proprie impletam cernimus, allegoricis & spiritualibus interpretationibus invertere? Non itaque, si Augustinus atque Hieronymus in ecclesiæ gentium laudis sacrificium, sanctorum orationes, & cæteras demum spirituales hostias agnoscunt, quæ allegorice & figurate hostiæ sunt, idcirco verum & proprium Eucharistie Sacrificium excludunt. Quinimo is ipse Augustinus ad Paulinum scribens, in missa & sacrificio, quod celebrat ac frequentat ecclesiæ, omne precum, orationum, laudumque genus, de quo Paulus 1. ad Timoth. 2. loquitur, contineri existimavit. Sane quidem Eucharistie oblatio magna cum excellentia præstantiaque oblationum reliquarum, sacrificium est gratiarum actionis, & laudis, in quo nomen Dei gloriosissime & inagnificentissime summo splendore illustratur: Eucharistia item verum illud thymiama suavissimi odoris est, quo omnes sanctorum preces & orationes referuntur, unde jucundum & ipsæ odorem mutantur. Quæ causa Irenæo fuit, ut ex Malachix prophetia utramque hostiam in Christi ecclesiæ futuram intelligeret, & eam quæ proprie hostia est gratiarum actionis & laudis, quam ob id ipsum eucharistiam appellamus; & quæ figurate per allegoriam hostia nuncupatur. Verum ne prophetice obscuris quæ testimoniis Lutherani se impugnari causentur, alterum ex evangelio clarissimum proferamus.

Extat ergo apud Lucam scriptum per-

Tib. acceit.
here. c. 12.
de 14.

Luc 22.

ap-

Cap. 14.

Psalm. 49.

Rom. 15.

Idem fere
in Zach. 8.

approbationem. Accepit, inquit, panem, gratias egit, & tregit, & dedit eis dicens: Hoc est corpus meum, quod pro vobis datur: hoc facite in meam commemorationem. Similiter & calicem, hoc est, accepit, & gratias egit dicens: Hic est calix novum testamentum in sanguine meo, qui pro vobis fundetur. Ubi illud primum animadverto, jure Cornelium episcopum Bitontinum in concilio apud Trident. a Patribus & Theologis universis explosum, qui dixerit, Christum in cena non suum corpus & sanguinem obtulisse. Ritu quippe Judaico gratias Deo agere, calicem in manibus accipiendo & levando, vere est hostiam gratiarum actionis offerre. Quum itaque dixit Dominus, Hoc facite, plane jussit Apostolis, ut quod ipsum facere cernebant, id quoque illi facerent, eucharistiae, hoc est, gratiarum actionis hostiam exhibendo. Quemadmodum Cyprianus ad Cæciliam enucleavit in hæc verba: Scriptura dicit, ut quotiescunque calicem in commemorationem Domini & passionis ejus offerimus, id quod constat Dominum scisse, faciamus. Et paulo post: A Domino admoniti & instructi sumus, ut calicem Domini cum vino mixtum secundum quod Dominus obtulit, offeramus. Atque Irenæus, Calicem, inquit, similiter suum sanguinem confectus est, & novi testamenti novam docuit oblationem. Quam ecclesia ab Apostolis accipiens in universo mundo offert Deo ei, qui alimenta nobis præstat, primitias suorum munerum in novo testamento. Et cap. postea 34. Offerimus, ait, ei eucharistiam non quasi indigenti, sed gratias agentes donationi ejus, &c. Ubi omnis auctoritatis non dubitem, ipsa re, & ratione exquirere veritatem. Quemadmodum enim in rebus aliis contingit, ut eas sancte ac religiose offeramus Deo, ab illo primum acceptas; ita, ac multo etiam magis, cum in Eucharistia corpus Christi ac sanguinem celestis benedictionis largitate acceperimus, impii profecto erimus & ingrati, nisi summam gratiam referamus, eadem dona, quæ a Deo acceperimus, ipsi reddendo, juxta illud, quod scriptum est: Tua sunt, Domine, omnia, & quæ de manu tua suscepimus, reddimus tibi. Et iterum: Quid retribuam Domino pro omnibus, quæ retribuit mihi? Calicem salutaris

accipiam. In quem locum paraphrasis Chaldaica sic habet: Calicem redemptionis accipiam mundo venturo. Nam & hunc Psalmum ad mysteria & fidem evangelii pertinere, auctor est Paulus. Salutare autem Christus est, ut Simeon in evangelio cecinit. Sed bene, Accipiam, quia nisi accipero, retribuere non valeo. Et cum generaliter nihil ex nobis Deo dare possumus, sed quod ab illo acceperimus, id tantquam jam nostrum iterum illi reddere, cujus dono acceperamus; peculiariter tamen hæc dona, hæc munera, hæc sancta sacrificia celestia erant: de celo ergo accipienda erant, & nomen Domini invocandum, ut tali nomine consecrata, nobis fierent corpus & sanguis Domini nostri Jesu Christi.

Quod si nos pie, grate, atque sapienter sanguinem Deo proprium fundimus, ut beneficiorum non memoriam modo, sed observantiam teneamus, eum sanguinem Christi a Deo nobis proprie tributum non illi refundamus, qui nobis cum filio sanguinem dedit? Hæsius eadem mensura jubet reddere, quæ acceperis; aut etiam cumulatiore, si possis. Nos, qui Christi sanguinem & corpus acceperimus, si mensura cumulatiore non possumus, non reddemus eadem? Quid Christus? an non per amicitiam vim, quasi unus nobiscum effectus, dona nobis a patre collata pro suis existimabat? Sane quidem. Nisi ergo stultus fuit & ingratus, accipiens panem & calicem non solum nostro nomine gratias egit, sed Patri pro suo summo beneficio meritam ac debitam gratiam cumulativissime retulit; certe patrem patri persolvit, & commemorandam, dum fidelium genus erit, persolvendamque putavit. Hoc, ait, facite in meam commemorationem. Te appello, Lutheri, atque adeo vos appello omnes Lutherani. Nonne intelligitis, quam apertum vobis sit cum Christi evangelio certamen? Vos porro eucharistiam percipientes, non item offerentes, Domini quidem cenam agitis, sacrificium vero crucis non agitis. Quod vester quidam confitetur evidus. In nostra, ait, eucharistia mors Christi tantum verbis, non etiam symbolis prædicatur. Non igitur Christiana est eucharistia vestra. Christus enim non jussit, ut dicamus hæc in memoriam ejus, sed ut faciamus. Hoc facite, ait, in meam commemorationem. Non est

1 ad Cor. 10

Luc. 11

Propter hoc, quia singulis attribuitur est, quæ sensu de sol, cum omnium communione sit, cuiusque etiam est proprius.

Hæc. l. 1. de vera, & falsæ Dom. cenæ adm. cap. 9.

De cens. d. 1. c. de p. p. tura.

Lib. 4. c. 12.

1. Paral. 16.

Ps. 115.

ita.

itaque in mysteriis hostia Christi dicenda solum, sed etiam facienda. Symbolis ergo, & non verbis tantummodo sacrificii Christi memoria in altari representanda erit. Alioqui si manducatio est, non oblatio, exemplar, & imago cœnæ erit, exemplar, & imago sacrificii non erit. Quanto melius tota per orbem ecclesia intellexit, quæ, quum sacerdos confectis in nomine Christi mysteriis, ait, Hæc quotiescunque feceritis, in mei memoriam facietis, ipsius vocis sacerdotis illa responderet: Unde & memores, Domine, nostri servi, sed & plebs tua sancta, &c. offerimus præclaræ maiestati tuæ de tuis donis, ac datis hostiam puram, &c. Nullo ergo modo negari potest, quin ecclesiam offerens corpus Christi & sanguinem in Eucharistia, & Christi exemplo id faciat, & evidenti ratione ducta, & præcepto denique ipsius Domini impulsâ.

Sed his tamen obijciunt, quod cum Apostolus illud Domini præceptum retulisset, Hoc facite, &c. evestigio subiecit: Quotiescunque enim manducabitis panem hunc, & calicem Domini bibetis, mortem Domini annuntiabitis, &c. Ipsa ergo manducatio, & potatio symbolum est Dominicæ passionis. Non itaque necessarium est offerre sacrificium, ut hostiam Christi etiam symbolis commemoremus. Huic argumento primum ita respondeo. Non si quispiam dicat, Quotiescunque concenaverimus, confabulabimur; mox intelligimus concenationem, & confabulationem eandem esse. Sic si Apostolus dixit: Quotiescunque manducabitis, &c. non necesse est interpretari, concenationem Dominicæ mortis annunciationem esse. Voluit ergo Dominus, ut quæ mensa est, ea sit nobis & altare, hoc est, ut non modo cœnarem, verum etiam sacrificarem. Quare idem instituit, ut esset simul & sacramentum, & sacrificium, quorum alterum Dominicæ cœnæ, alterum Dominicæ mortis esset symbolum. Pauli ergo sententia hæc est: Ne putetis vos satisfacturos legi, si manducetis, & bibatis; qua in re cœnæ Christi commemorationem facietis; oportet enim vos mortem etiam commemorare, id quod magis sacrificando, quam manducando fit. Deinde non inficiet equidem, quin manducando corpus, sanguinemque potando in divisione sanguinis ex corpore, id quod in cruce ge-

stum est, aperte designetur. Cum frangitur hostia, Augustinus ait, cum sanguis Christi in ora fidelium funditur, quid aliud, quam Dominici Corporis in cruce immolatio designatur? Sed re vera, ut diximus, in separatione sanguinis a corpore mors significari potest, non autem proprie significatur hostia, nisi corpus, quod moritur, offeratur. Quanquam consumptio specierum oblatarum ad perfectionem sacrificii pertinet. Ita populus cum sacerdote hostiam olim consumens, vere explebat sacrificium, atque adeo hostiæ crucis perfectum signum dabat.

Illud præterea animadvertendum censeo, quamvis Christus in cœna nullum omnino sacrificium obtulisset, eo tamen quod dixit, Hoc est corpus meum, quod pro vobis tradetur, &c. mox vero subiungit, Hoc facite in meam commemorationem, satis ostendisse, nos mystice corpus tradituros, sanguinemque effusuros: quod re ipsa aperte, & sine mysterio ipse cepit postea facturus. Hoc scilicet quod ego faciam, vos facite; sed ego faciam sacrificio cruento, vos facite in meam commemorationem incruento. At Dominus, ut in Græcis omnibus exemplaribus videre licet, semper est usus verbo presentis temporis. Non enim ait, Hoc est corpus meum, quod pro vobis dabitur, sed, quod pro vobis datur. Nec si verbum verbo reddas, dixit: Hic est sanguis, qui pro vobis effundetur, sed, qui pro vobis effunditur. Et apud Paulum, τὸ τῆς πίστεως ὑμῶν τὸ ὄντως ὑμῶν κλῆρον. Id est, Hoc meum corpus, quod pro vobis frangitur: quemadmodum & Ambrosius in hunc Pauli locum, & Beda enarrans evangelium Lucæ, legunt. Nec dubitandum catholicis est, (quam rem posterius explanabimus) in altaris sacrificio sanguinem Christi fundi non aliter ad effectum, quam si nunc fundetur in cruce; corpus Christi item frangi ad efficientiam, perinde ut si nunc nobis in cruce frangeretur. Præterquam quod in sacrificio externo mystice, & tanquam in exemplari, atque imagine, & sanguis Christi funditur, & frangitur corpus. Unde Augustinus, Quum frangitur hostia, inquit, quid aliud, quam Dominici corporis in cruce immolatio designatur? Ac ne sacramentum quidem solum, sed verum etiam corpus Christi sacerdotum manibus frangi, Romanum concilium sub Nicolao dcl-

Luc 22.

I Cor. 10.

De cœnæ d.
i. e. Quum
frangitur.

De cons. d.
1. c. Ego Be-
negant.

definiuit. Vides ne, quemadmodum nobis omnia consentiunt, qui & Christum in cœna corpus suum, & sanguinem mystice tradidisse, & ad eandem nos formam instituisse, non rebus solum, & rationibus, sed verbis quoque ipsis efficimus? Nihil enim prohibet, quum Lutheranos redarguimus, exemplaribus Græcis præsertim consentientibus adhaerescere.

Sed quia sacramentarii causantur se his fere argumentis non premi, ut quæ majori ex parte sumant, corpus Christi verum, & sanguinem in eucharistia esse, id, quod isti pernegant; age, rationibus conquisitis hos quoque urgeamus. Tamen quidam ex his, quæ ante posuimus, Sacramentarios etiam præstus asserunt, quam ut fugere aliquando possint. Atque ne omittam, quod rem peripicuum, æque e sacris literis manifeste exploratam, & comprehensam inficiantur: nolo enim hodie hac de re cum Sacramentariis certare: de sacrificio dico, etiam si in speciebus panis & vini nec corpus Christi, nec sanguis essent, ut vere sunt, adhuc tamen sacrificium in altari Christianorum existere, multis, & gravibus argumentis posse doceri. Est hoc primum & ex definitione sacrificii, & ex perpetua consuetudine ecclesiæ gravissimum, & firmissimum argumentum, quod sacerdotes nostri panem, & vinum offerunt Deo, faciuntque sacri aliquid circa res oblatas, panem scilicet irangentes, hujusque portionem tingentes vino: adde, si placet, rem utramque etiam consumentes: vere ergo, & proprie sacrificant. Si enim oblatio summe, ac sacris consperis oleo in figuram mortis Christi futuræ sacrificium erat, nihil est ambiguum, quin panem oblatam frangere, ac vino tingere in figuram mortis præteritæ, sacrificium sit. Quid autem in hoc opere Lutherani reprehendunt? An quod panis & vini munera a Deo accepta referimus? Arguant Abel, ac cæteros in lege naturæ Patres; arguant Moysen cum scripta lege sua; arguant oblationes, quas in ecclesia primitiva pie offerri solere, libenter illi concedunt. Quin naturam ipsam potius arguant, quæ nos ad gratiam referendam informavit: quam Deo tamen referre aliter non valemus, nisi dona, quæ accepimus, ipsi reddendo. Sed panem frangi, ac tingi reprehendunt. At hisce cæremoniis crucis immolationem

designamus. Mirum est autem, si hoc nobis vitio vertant, quod Christi passionem non verbis modo, sed rebus etiam commemoremus: præsertim cum Dominus dixerit: Hoc facite in meam commemorationem. Sane si illud peccatum est; qui baptizant, si quoque peccant, quoniam symbolis mortem Christi figurant. Si ergo hujus verbi definitio recte nobis declarata, & circumscripta est, sine dubio sacerdos in altari vere sacrificat, quamvis nihil aliud spectes, quam species ipsas vini & panis externas. Atque etiam, si sacrificii partes ipsas expendas, hoc est, offerri, frangi, tingi, adde etiam consumi; cum his rebus mystice peragendis nihil insit vitii, quemadmodum obensum est; sit, ut non solum vere ac proprie, sed pie etiam, æque religiose sacerdotes nostri sacrificent. Eam quippe rem Augustinus considerans, speciem panis hostiam appellat: quod utique nomen utque adeo in omnium fidelium & auribus, & linguis inhaeret, ut vanus & stultus sit, qui illud inde evellere tentarit. Sacramentarii igitur quamvis negarent, esse in ecclesia corporis, & sanguinis Christi sacrificium; at sacrificium panis, & vini nullo modo erant negaturi, ne propriam sacrificii notionem ignorare viderentur.

Præterea, Melchisedech sacerdos erat Dei altissimi, sacrificium ergo offerebat Deo: omnis enim sacerdos constituitur, ut sacrificium offerat: at non legitur aliud, quam panem, & vinum obtulisse. Cum igitur nos ad eundem modum, & ordinem panis, & vini species offeramus, proprie, vereque sacrificium exhibemus. Quæ causa ecclesiæ fuit, ut illud Divi Thomæ in die festo, æque solenni Eucharistiæ celebraret, sacerdos in æternum secundum ordinem Melchisedech, panem, & vinum obtulit. Verum argumentum hoc Lutherani duobus modis eludunt. Primum negant, Melchisedech Deo panem & vinum obtulisse: scilicet, Abrahamo obtulit, non Deo, ut Genes. 14. cap. legitur. Id, quod Epiphanius libro secundo contra hæreses, hæresis 55. agnovit. Deinde negant, sacrificium Christi in eo fuisse secundum ordinem Melchisedech, quod panem & vinum obtulerit: sed in eo fuisse affirmant, quod Christus non secundum legem mandati carnalis, oleo isti corporis sacerdos effectus est, sed quemadmodum

De cons. d.
3. cap. Cum
frangitur
hostia.

Sacrificium
panis, & vini
Aug. vocat
in Vitis.
17.

Ad Heb. 7.

dum Melchisedech, oleo spiritus unctus sit a Deo prae participibus suis. Sic enim Apostolus ad Hebræos interpretatur. Sed scrupulus prior sic eximitur. Non inficior equidem, Melchisedech panem, & vinum Abrahamo ad reficiendum exercitum contulisse, sed cum scriptura statim adiecerit: Erat enim sacerdos Dei altissimi, nisi causa inepta est, intelligere oportet, easdem res obtulisse solum Deo, quas tunc proferebat Abrahamo, sed huic in cibum, illi in sacrificium. Quemadmodum Cyprianus ad Cæciliam, Ambrosius lib. 5. de sacrament. cap. 1. Hieronymus in vigesimum sextum Matthæi caput, Augustinus in Psalmum 33. concione prima, Cassiodorus in Psalm. 109. Damascenus libro quarto, capite decimo quarto, Chrysostomus homil. de prodit. Jude auctores sunt. Scrupulum vero posteriorem hoc modo eximemus. Non, si in una re sacerdotium Christi simile est Melchisedechi sacerdotio, omnis alia similitudo excluditur. Quin si figura perfecta est, apte quadrare ad multa potest. Nihil igitur obstat, cur non in sacerdotio & constitutione, & oblatione, Melchisedechi Christus appareat similis. Lex insuper, & religio nulla est sine sacerdotii munere, atque functione. Hæc enim tria sunt, semperque fuere conjuncta, ut si unum tollas, reliqua necesse sit esse sublata. Translato, inquit, sacerdotio, necesse est, ut & legis translato fiat. Si ergo Christiani legem, ac religionem habemus, habemus profecto & sacerdotium. At sacerdos omnis in hoc paratur, ut sacrificium offerat: Christiani ergo etiamnum sacrificium tenemus, sine quo nec sacerdotium, nec religionem, nec legem tueri possumus. At nos omnes esse sacerdotes affirmant, hostiæque spirituales offerre. Sed cum hæ non propriæ sint hostiæ, sed translata, sacerdotium quoque non proprium, sed translatum, & improprium erit: translato vero sacerdotio, religionis item translato fiet. Ita nimirum, qui nobis sacrificium eripiunt, simul hi & veram Christi religionem conantur eripere, & falsam ejus inducere, qui iuge ab ecclesia auferet sacrificium. Nam & Danielis testimonio constingi fortius poterunt, quam ut elabantur. Rogandi sunt videlicet advertari, quodnam sit illud iuge sacrificium, quod Antichristus ab ecclesia ablaturus est.

De cons. d. 2. c. in call. em. & ca. Accipite.

Ad Heb. 7.

Dan. 12.

per dies 1290. Et cum in ecclesia non sit aliud sacrificium iuge præter id, quod in altari offerimus, iure arguimus, Lutheranos esse ministros Antichristi.

Sed quid ego argumentor? quid plura disputo? Etiamne in tam perspicuis rebus argumentatio querenda, aut conjectura capienda est? An dubitari potest, ubi nullum peculiare sacrificium, privatim res sacra nulla, sacerdos proprie nullus est, ibi ne religionem quidem esse posse? Tradit Plato, sacerdotes magna claritate oportere abundare, propter eorum, quæ trañant, magnitudinem. Quapropter apud Aegyptios non licere regem absque sacerdotio imperare. In plurimis quoque Græcorum civitatibus præcipua sacra a magistratibus summis institui, atque apud Athenienses creato regi sacra maxima esse attributa. Tradit rursum, oportere, ut unus semper ex magistratibus deorum alicui pro civitate sacrificet. Aristoteles deinde auctor est, in heroicis temporibus reges divinx rei cultum exercere solitos, nisi talia essent sacrificia, quæ sacerdotium requirerent. Docet alio loco idem, in optima Republica sacerdotes honoratissimos constituendos. Neque enim, ait, agricola, neque artifex, neque vilium exercitiorum quisque sacerdos est deputandus: honos namque diis est a civibus impendendus. Cicero, & Valerius scribunt, tantum studium antiquis observandæ religionis fuisse, ut senatus tunc, quum florebat imperium, decreverit, ut de principum filiis pauci quidam electi Hetruriæ populis ad disciplinam sacrorum percipiendam traderentur: ne ars tanta propter tenuitatem hominum, & religionis auctoritatem, adduceretur ad mercedem, & questum. Tantus honos apud veteres natura dæce religioni est habitus, ut nulli, nisi principes, & optimates, caeremoniarum erga Deum haberent facultatem. Et volunt Lutherani adeo Christum desipuisse, ut Rempublicam instituerit, in qua sacrificia omnia vulgaria palam, & contra essent: sacerdotes, deliri etiam senes, garrulæ anus, adulescentes leves, factiores, lanii, & coqui, quos, honos præfandus sit, si vel cursum velis recensere. Scilicet, sacerdotium nostrum Lutherani Turcarum more informare cupiunt, apud quos a communi populo non multum sacerdo-

L. 16. col. 1. est de R. c. g. 10.

Dial. 1. de legib.

lib. polit. 3. c. 10.

lib. 7. polit. cap. 9.

lib. de div. 1.

tes differunt. Quanto religiosius antiqui olim Germani statuerunt, ut verberandi, animadvertendique in hominem, nisi faceretum auctoritate, nullus esset concessa facultas, quo iudicia non humana, sed divina viderentur. Sed quid ego communes naturae rationes profero? Ad nostras, hoc est, Theologicas redeamus. Apostolus fideles cupiens ad idolorum cultu detertere, eo maxime argumento usus est, quod si idolis immolarent, participes essent altaris & mensae impiae, atque irreligiosae: nam sine discrimine eandem vocat & mensam, & altare: Qui autem ad altare Christi accedunt, participes sunt huius etiam altaris: si autem non posse, ut utriusque simul participes simus, nisi Deo & idolis pariter serviamus. Altare igitur habet ecclesia: habet igitur sacrificium. Etenim sicut mensa dicitur, in qua editur cibus, sic altare, in quo offertur sacrificium. Negent ergo altaria fidelibus Lutherani, solum concedant mensas, quia cibum nobis esse ajunt, sacrificium non item. Nec altaris modo, sed & missae nomenclaturam adimant, quae casum quiddam, & inanis vocis sono decoratum erit, si nobis in altari oblatio non est. Missae porro vocem ex Hebraea lingua mutuo acceptam cumdoctissimi & nostris, tum plerique & Lutheri familia testantur. * Est autem Hebraeis Micra oblatio.

Sane vero tum altaria, tum oblationem corporis, & sanguinis Christi, quam missam, & sacrificium appellamus, ex Apostolorum traditione nos habere, exploratissimum erit, si regulas eas huc referamus, quae investigandis Apostolorum traditionibus libro huius operis tertio sunt a nobis constitutae. Certe Irenaeus verbis nihil obscuris affirmat, ex traditione Apostolorum esse, quod corpus, & sanguinem Domini offeramus. Andreas quoque Apostolus, referente Philacteo ex literis sacerdotum Achaiae Egaei proconsuli, Immaculatum, ait, agnum quotidie in altari sacrificio. Iacobum etiam missae celebrationem addidisse, testes sunt Patres Trullanae synodi can. 32. Concilium insuper Carthag. 3. ait, Dominum tradidisse, ut in sacramento corporis & sanguinis ejus nihil amplius, quam panis & vinum offerantur. Sed, ut dixi, nihil est opus oratione

longiore, ubi promptum est formulas illas querendae traditionis ad praesentem disputationem accommodare.

Jam ecclesiae auctoritas pro hac conclusione notior & crebrior est, quam ut indicanda sit. Nihil enim frequentius, tum in canone, tum alias saepe intonat, quam hostiam Deo se corporis & sanguinis Christi puram & immaculatam offerre.

Concilia vero ab hac sententia sunt plurima. Toletanum primum, cap. 5. Toletanum undecimum, cap. 14. Toletanum duodecimum, cap. 5. Bracharense tertium, cap. 1. Antisiodorensis, cap. 8. Carthaginense tertium, Ephesinum, Nicenum, cap. 14. Lateranense sub Innocentio III. Adde etiam Trullanum, quod nomine sextae synodi a Gratiano refertur. Adde etiam Florentinum in decreto unionis Armenorum. Sed & in Concilio Constantiensis ille error condemnatus est, Non esse fundatum in euangelio, quod Christus Missam ordinaverit.

Quid sedis Apostolicae Antistes? Nempe eandem Apostolorum & Ecclesiae fidem profitentur. Anacletus de consec. dist. 2. cap. Episcopus. Clemens de consec. d. 2. cap. Hic ergo. Alex. I. de consec. d. 2. cap. Nihil. Eusebius de consec. d. 1. cap. Consecuto. Julius de consec. d. 2. cap. Cum omne crimen, Felix de consec. dist. 1. cap. Sicut non alii. Soterius in epistola ad episcopos Italiae. Syricius ad Cumerium Tarraconensem episcopum, cap. 1. Innocentius I. ad Exuperium Tolos. episcopum, cap. 1. Leo ad Dioscorum episcopus 79. de cons. dist. 1. cap. Necessitas est. Hi omnes antiqui ecclesiae pontifices: nam posteriores quid attinet commemorare?

Auctores vero veteres, quos ecclesia & consecravit, & publice dedicavit, si referre velim, negotium ledori faceretur. Itaque non omnes referam, sed nobilissimos. Docent in primis hoc ex Gracis Dionysius, cap. 3. lib. de eccles. hier. Ignatius in epist. ad Smirnaen. Athanasius in lib. questionum ad Antiochum, quae 34. Gregorius Nazianzenus in carminibus ad episcopos, Eusebius Emisenus de consec. dist. 2. cap. Quia corpus. Chrysostomus hom. 17. in epist. ad Hebraeos, qui falso nomine Ambrosii citatur a Gratiano, de consec. dist. 2. cap. In Christo. Chrysost. quoque idem lib. 6. de

De consec. d. 1. in sacramento. de consec. d. 2. Necessitas est. 73 d. perenni de sum. Trin. similiter de consec. d. 2. Dalcianus. Concil. 116 Martini. Pape de consec. d. 2. Non oportet. Ep. 3. quod est de officio sacerdotis.

1. Cor. 10.

* Deut. 16. ubi non habetur. Spontaneum quoddam. Hic ubi habet ut Micram Quotidianam significat. Carth. IV. cap. 54. hoc nomen utitur, in hac verba: Episcopus nulli proleat ingredi ecclesiam & audire verbum Dei, sive gentilem, sive baptizatum, sive Judaeum, usque ad militiam catechumenorum. de cons. d. 1. c. Episcopus.

Lib. 2. c. 13. 14. & 15.

De consec. d. 1. cap. Jacobus.

Cap. 32.

sacerdot. paulo post principium. Cui Theophylactus consentit in cap. 10. epistol. ad Hebr. Et Damascenus lib. 4. cap. 14. E Latinis vero habes Irenæum lib. 4. cap. 32. & 33. & 34. & 63. Cyprianum lib. 2. epistol. 3. quæ scribitur ad Cæciliam, de consec. d. 2. cap. 1. & 2. Atque idem repetit in sermone de cœna Domini. Ambrosium lib. 1. officiorum, cap. 48. Hieronymum ad Hecdibiam, quæst. 2. & ad Tit. 1. Paschasium in lib. de pascha, de consecrat. d. 2. cap. iteratur. Augustinum lib. 10. de civit. cap. 20. & lib. 17. cap. 20. & lib. 20. cont. Faust. cap. 18. Quem locum & Calvinus, & Bucerus impudenter pro se referunt. Gregorium lib. 4. dialogorum, cap. 58. & in quadam homilia paschali, de consec. dist. 2. cap. Quid sit. Fulgentium denique lib. 2. ad Monimum.

At omnibus his testimoniis Calvinus respondet, Eucharistiam ideo a patribus sacrificium vocari, quia est exemplar & imago sacrificii. Nec enim aut novum aut insolitum est, rerum vocabula rerum imaginibus attribuisse. Ad Gal. 3. Ante quorum oculos Iesus Christus proscriptus est, & in vobis crucifixus. ad Rom. 6. Consepulti in baptismum. Apocal. 10. Agnus, qui occisus est ab origine mundi. Sic autem Chrysostomum, Theophylactum, & Augustinum, fidem suam de sacrificio explicuisse. Hæc Calvinus. Nam Bucerus dicit quidem, alios patrum in hac sacrificii appellatione id spectasse maxime: sed alii tamen, in usu, inquit, huius vocis præcipue spectant oblationes, quas suarum rerum fideles offerebant, & Domino consecrabant. Id quod Lutherus etiam animadverterat in libro illo pestilentissimo de captivitate Babylonica. Sed scitum illud est, qui verecundæ fines semel transierit, cum bene & naviter oportere esse impudentem. Primum enim isti colligunt, si sancti auctores essent, Eucharistiam esse exemplar sacrificii in cruce facti, statim haberi, non esse verum sacrificium. Quod si ad eum modum colligere licet, ne vetera quidem sacrificia proprie & vere sacrificia fuissent, quoniam omnia figura & imago erant unius illius hostiæ, quam Christus moriens immolavit. Utrumque igitur signum unius & ejusdem hostiæ censendum est, nostrum quidem præteritæ, illud autem legis veteris futu-

re; sed utrumque tamen vere sacrificium. Nisi quis adeo insaniat, ut putet, magis pertinere ad rationem sacrificii, quod significet rem faciendam, quam quod commemoret rem factam. Ego sane ita judico, Eucharistiam nostram exemplar sacrificii Christi esse non posse, nisi esset quoque ipsa sacrificium. Quæ res paulo ante est a me diligenter explicata. Quemadmodum enim cœna nostra commemoratio non esset dominicæ cœnæ, imagoque illius & exemplar, nisi vere manducaremus: sic nec Eucharistia nostra hostiæ Christi exemplar & imago esset, nisi vere sacrificaremus. Deinde illud ab his quæro, an sancti dicant, offerre nos in hoc mysterio corpus Christi & sanguinem. Bucerus negat, sed rem tamen apertam negat. Nam ut ceteros omitam, manifeste id tradunt Cyprianus ad Cæciliam, Ambrosius lib. officior. 2. August. 17. de civ. Dei, & cont. Faustum lib. 20. Damascen. lib. 4. Irenæus item lib. 4. ac demum Alexander Papa ad omnes orthodoxos: nolo enim esse longus in reliquis excitandis. Quod si sanguinem Christi in hoc mysterio offerimus, vere illud est quidem sacrificium, & exemplar est tamen; quoniam hostiæ cruentæ imago incruenta est, sed ita incruenta, ut pro eo sit, ac si nunc cruor ipse effunderetur.

Atque argumenta hæc usque adeo plerique Lutheranos cogunt, ut in sacrificio offerendo ex parte jam cum ecclesia consentiant. Non enim penitus sacrificium negant: sed in eo perstant, qui hostiam pro peccatis admittunt, eos injuriam imponere Christi perfectissimo sacrificio, quo uno cuncta sunt remissa peccata. Itaque gratiarum actionis sacrificium in Ecclesia esse quidem, quod eucharisticum isti vocant, sed pro peccato nullum esse, quod propitiatorium appellant.

At nobis secunda in hac controversia conclusio certissima & ipsa est Eucharistiam non modo juxta nomen suum sacrificium esse, quo Deo gratiam referamus, sed id etiam esse, quod nobis Deum placatum propitiūque reddat. Eandem itaque hostiam pro gratiarum actione & pro peccato esse. Hæc primum ostenditur ex illo loco apud Lucam, Hoc est corpus meum, quod pro vobis datur. Et de calice similiter: Qui pro vobis effunditur. Est ergo sacrificium pro peccatis. Id quod

2. Conc.

Loc. 22.

Ambros. de
cens. dist. 2.
c. Si quo-
ticienneque.

for-

hostia. c. 17.
Lib. 2. c. 27.

forma consecrationis præ se fert, quæ habet, Effundi sanguinem in remissionem peccatorum. Nam quod Lutherani quidam ajunt, verba, quibus hoc mysterium sacerdos conficit, materialiter accipi, non significative, non est hujus loci, temporisque refellere. Illud sane exploratum est, si verba formæ materialiter acciperentur, nec sacerdotem in Christi nomine corpus, sanguinemve conficere, imo ne conficere quidem ullo modo. Quin etiam, si sacerdos verba illa significative non profert, ex vi verborum, neque corpus Christi in sacramento habemus, neque sanguinem. Ex quo Sacramentorum stulticia existit.

Heb. 3.

Deinde, Omnis sacerdos, ut ad Hebræos tradit Apostolus, constituitur, ut offerat dona, & sacrificia pro peccatis: aut ergo nullus nobis sacerdos est, aut sacrificium propitiatorium habemus. Nec vero Paulus de solo legali sacerdote loquebatur, nisi inepte argumentatus fuisset, Christum pro peccatis quoque obtulisse, quoniam sacerdos erat.

Præterea, pœnam aliquam manere, remissa jam culpa, non solum ecclesia definiente, sed scriptura etiam tradente credimus. Cum ergo corpus Christi, & sanguinem Dei dono tanquam res nostras habeamus; utique poterimus offerre Deo ad redemptionem animarum nostrarum: quemadmodum & pœnas proprias, & sanguinem quoque nostrum offerimus.

Hanc vero esse Apostolicam traditionem, & Epiphanius lib. 3. contra hæreses, & Chrysostom. ad populum Antioch. aperte docent, & facile per regulas supra a me positas ostendi potest, quas permolestum erit post tam longam disputationem ad hujus nos loci usum in præsentia convertere. Quamquam una ecclesia satis est ad hujus rei certam fidem in animis inserendam. Illa quidem cum alias frequentissime, tum in canone maxime proficitur, plebem sanctam fideliem hanc hostiam Deo pro redemptione animarum suarum offerre.

Romanos vero pontifices supervacuum erit recensere. Itaque duos solum antiquissimos & sanctissimos referemus, Alexandrum in epist. ad omnes orthodoxos iniquitatem, crimina atque peccata his sacrificiis delicti: Cui assentitur Julius de consecrat. dist. 2. cap.

Cum omne crimen. Quibus Div. etiam Gregorium addo, de consecr. dist. 2. cap. Quid sit.

Nam in Conciliis habemus Cabilonense de consecr. dist. 1. cap. Visum est. Florentinum quoque habemus, ac Tridentinum: adde etiam, si videtur, & Trullanum.

Jam sancti veteres eam rem constantissime tradunt. Chrysost. homil. 17. ad Hebræos, & Theophylactus in cap. 8. ejusdem epistolæ palam dicunt, in mysteriis & sacrificio esse remissionem peccatorum. Eusebius Emileus hanc redemptionis oblationem vocat. Damascenus affirmat, esse omnis sordis expiationem. Idem astruxit & Athanasius lib. quæst. ad Antiochum. Epiphanius item inducit hæresim Aerii in hæc verba: Orat vivus, aut dispensationem facit, id est, missam: quid profuerit mortuo? Cui respondet Epiphanius, quod omnino profunt preces ejusmodi defunctis, etiam si totam culpam non absolvunt. Quem locum incredibile dictum est, quam prave Bucerus torquere nititur. Sed bene habet, quod habemus alios, quos hæretici, rumpantur licet, torquere non possunt. Chrysostomus homil. 69. ad populum Antiochenum: Non temere, inquit, ab Apostolis hæc sacrificia fuerunt, ut in tremendis mysteriis defunctorum agatur commemoratio. Sciunt enim, inde multum eis posse contingere lucrum. Cum enim totus constitit populus, sacerdotalis plenitudo & tremendum proponatur sacrificium, quomodo non exorabimur pro his deprecantes? Vide etiam eundem lib. 6. de dignitate sacerdotali. Gregorius lib. 4. dialog. cap. 55. Si culpx, ait, post mortem insolubiles non sunt, sicut non esse docuerat, multum solet animas, etiam post mortem, sacra oblatio hostiæ salutariis adjuvare. Theophylactus in cap. Luc. 12. in illud: Eum time, &c. Non semper, ait, qui moriuntur peccatores, manent in gehennam. Sed sunt in potestate Dei, ut etiam dimitti possint. Hoc autem dico propter oblationes, quæ sunt pro delincentibus, quæ non parum conducunt, etiam his, qui in gravibus peccatis mortui sunt. Vide etiam Anthonium epistol. 8. lib. 2. ad Faust. & Cyprianum lib. 1. epist. 9. Nam in sermone de cæna Domini aperte dicit, hoc sacrificium esse iniquitatum expiationem. Vide etiam Paschasium de consecrat. dist.

dist. 2. cap. Iteratur; & Augustinus de cura pro mort. geren. cap. 1. & lib. con. 9. cap. 11. & 28. & de hæref. cap. 53. & in enchirid. cap. 110. Possemus his Theologorum sequentium manum adiungere, in hæreticorum cæde jam sæpe victicem. Sed victoribus occurrent actio jam de inimicis ecclesiæ triumpho. Itaque ad prælium sero venient quidem, sed ad palmam opportune. Quanquam hoc loco necesse fuit eos advocare, non ut nostra confirmarent argumentis, ac rationibus, sed ut scholæ more pressæ, atque argute contraria resisterent. In refutandis quippe hæreticorum argumentis tantum scholæ Theologia valet, ut facile possit ea, quæ istis videntur esse gravia, ostendere vel levissima.

Resp. ad
1. Arg.

Primum sane argumentum, quod Calvinus tantopere jactat, facillime diluitur. Quis est enim, cui non perspicua sint illa, quæ verbis iste multis exornat, & amplificat? Unicum sacerdotem nostrum præstitisse id, quod omnes illi veteres minime præstiterunt, nempe remissionem peccatorum in sanguine proprio. Rursus immortalem esse, & perpetuum, qui temper coram Deo pro nobis assistat, nec suorum modo vulnerum cicatrices, sed etiam sanguinem, quem effudit in cruce, omnes ecclesiæ & oblationes, & orationes, se demum, ecclesiamque suam Patri in sublimi altari repræsentet. Item una sola oblatione consecisse, quod ne plurimis quidem veteres illi sacrificiis valuerunt. Hæc videlicet contrita sunt, & vel minutis Theologis per-vulgata. Illud nos addimus, quod Calvinus ignorat, discrimen esse inter sacerdotes veteres, & nostros, quod in illis nemo fuit, cuius ceteri vicarii essent: neque enim posteriores prioris alicuius gerebant vices, sed quilibet suam offerebat hostiam, & suo, non alterius sacerdotis nomine offerebat. Ita ex hac parte plures omnino erant sacerdotes. Non enim in uno veluti capite conveniebant, cuius loco administrarent. At nostri cum in nomine Christi, & in persona ejus accedant ad altare, quodammodo omnium unum est sacerdotum, sicut episcopi, ac vicarii unum judicium est. Aliunde etiam veteres illi plures erant sacerdotes, quia plures hostias, easdemque differentes exhibebant; at sacerdotes a sacro faciundo dictus, ubi can-

dem hostiam offert, idemque omnia sacrum conficit, aliquo modo idem est, licet plures esse videantur. Ac revera sacerdos, qui Deum sanguine placaret & reconciliaret mundo, unus est Christus. Nos quippe hoc sensu non dicimur sacerdotes, sed quia dispensatores sumus mysteriorum ejus, applicantes populo sanguinem, quem ille effudit in cruce, & simul cum illo offerentes. Inde enim nostra oblatio vim habet, non ex nobis. Non igitur nos plures sacerdotes sumus ad eum modum, quo veteres plures fuisse tradit Apostolus. Quod vero Calvinus ait, nostros sacerdotes esse infirmos ac peccatores, ut olim in lege, magno discrimine agnoscimus. Etenim illi cum adferrent hostias, quæ ex se placere Deo non poterant, Nec placita sunt, inquit, quæ tibi secundum legem offeruntur: cum sanguinem, inquam, hircorum, & taurorum offerrent, si peccatores erant, per sacrificia sua nihil consequerentur. Respexit quippe Deus ad Abel, & ad munera ejus, neque offensus a muneribus, sed munera ab offerente placuerunt, ut recte Gregorius admonuit. Legis ergo infirmitas erat, quod nec hostiam habebat, quæ ex se Deo esset accepta, nec sacerdotes impollutos, qui Deo gratiori, gratam quoque hostiam efficerent. Sacerdotes vero nostri, tametsi infirmi sunt, nihil tamen ecclesiæ sacrificio incommodant, utpote quod vim suam non ab illis habet, sed a Christo summo sacerdote, in quo Patri bene complacuit, qui simul est & sacerdos, & sacrificium, quemadmodum Innocentius Tertius in concilio dixit. Hostiæ igitur Evangelicæ excellens præstantia est, quod & ipsa per se Deo est quam grausissima, & unum habet perpetuo sacerdotem sanctum, atque impollutum; cuius oblatio vim tribuit sacrificio, omnibusque fidelibus memoria seculorum omnium prodest. Quocirca sicut in Christi sacramento impius administrator nihil ecclesiæ nocet: ita ne in Christi quidem sacrificio sacerdos improbus divinæ utilitatis fructu ecclesiam privat, quamvis ipse sibi non emolumentum comparet, sed exitium. Verum de primo argumento hætenus.

Hujus autem confirmatio argumenti non est nunc oratione longa infirmanda, ne novam hic controversiam de novi sacramenti sacerdotio continuamus.

ad Heb. 9.

De summa
Tin. c. 8. v. 1.
miles.

mus. Illud breviter dicimus, eos sacerdotes a Deo esse vocatos, qui ab Apostolis & eorum successoribus rite & ordine vocati sunt. Nec vero sacerdotii nostri ratio popularis est, multorumve suffragis declaranda: non de terra confecta, sed de celo ducta, & de lapia est. Resuscita, inquit, gratiam Dei, quæ est in te per impositionem manuum mearum. Et alio loco: Noli negligere gratiam, quæ data est tibi cum impositione manuum presbyterii. Et in epist. ad Titum: Reliqui te Creatæ, ut constituas per civitates presbyteros, sicut & ego disposui tibi. Paulus denique & Barnabas constituerunt per singulas ecclesias presbyteros in oratione & jejunio, ut mos est, & nunc in ecclesia fieri solet. Quemadmodum ipse qui Apostolos audiebat, is Christum audiebat; ita etiam quos Apostoli vocabant, hos vocabat Christus, & quos a sacerdotio repellebant, eos Christus ipse repellebat. Nam quod hæc nunc ab illis defensionis ratio viaque tentatur, in his scripturæ locis de senioribus agi, qui Rempublicam gerent, non de sacerdotibus, qui rem divinam facerent: satis ostendunt, quam parum in sacerdotii dignitate & auctoritate ponant, qui illud existimant aut a senectutis veneranda canitie, aut ab ecclesiæ administratione sejunctum. Aritotiles porro non credidi, alios fore ad sacerdotium idoneos, nisi vel qui reges essent, aut principes civitatis, vel certe quos post Rempublicam diu suo consilio gubernatam, aut res in bello præclare gestas, defessos jam atque defatigatos omni cura humana & labore vacuos esse oporteret, ut non nisi in ætate & auctoritate senatoria sacerdotium resideret. Quam naturæ institutionem Apostoli secuti, cum sentirent, sacerdotibus ecclesiæ gubernationem fuisse a Christo commissam, eos existimant esse in sacerdotum ordinem cooptandos, qui vere presbyteri essent, hoc est, seniores. Ita factum est, ut presbyteri nomen in eum, qui sacra facit, remaneret. Sed nos eo loco locati sumus, ut non longe prospicere oporteat futuros sacerdoti calus, cum eos in præsentia videamus. Desce- xit enim jam de spatio curriculogæ, multumque deflexit consuetudo majorum, & eos nobis episcopi initiatos sacerdotio tradunt, qui non modo presbyteri non sunt, sed sunt etiam valde

juvenes. Ita sacerdotii auctoritas celeratissimis ecclesiæ hostibus ludibrio est. Verum de episcoporum abusu minime contendimus; in eo certamus, sacerdotis creandi rationem nos ab Apostolis, Apostolos a Christo accepisse. Quod ne dubitare possimus, certissimo est argumento, quod Christus in cæna dixit: Hoc facite in meam commemorationem. Si enim hoc, quod præcepit facere, sacrum erat, imo si, ut ante probatum est, sacrificium erat; Apostolos sane tunc sacerdotes instituit: nisi jussit facere, nec dedit tamen potestatem faciendi. Conficere autem Christi corpus & sanguinem, ut sacra nostra Deo faciamus, quoniam supra naturam est, sine divina facultate fieri non potest. Quia vero sacrificium hoc Dominus facere jussit donec veniat, necesse est, ut copiam, quam Christus fecit Apostolis sacrificii jugis & perpetui faciendi, illi in posteros sempiternis seculorum ætatibus transfuderint. Sic enim, ut Oecumenius ait, sacerdotium Christi æternum est secundum ordinem Melchisedech. Sed primi argumenti confirmationi resistendæ, pluculum etiam quam concedebat ratio, largiti sumus.

In secundo vero argumento multa simul objiciuntur adversum ea, quæ ex Ecclesiæ sententia diximus, sed nos exprimemus omnia peripicue, ut res dicta prope manu tentari possit. Primum autem illud sacerdotibus nostris opponitur, quod offerunt alienum sanguinem; id quod sine dubio falsum est, quippe cum Christi sanguis, dono Dei licet, noster sit tamen; noster, inquam, veluti universalis causa nostra est. Sol autem tuus ad generandum est; at non ita tuus, ut sine peculiari tua generet actione.

Illud deinde Calvinus objicit, Christi sanguinem semel juxta Apostolum oblatum esse. Quam rem non absurde intelligunt plurimi de oblatione cruenta, quæ palam ante oculos omnium posita fuit. Sic enim se idem Apostolus exposuit, quum subjicit: semel in consummationem seculorum per hostiam suam apparuit. De illa ergo victima sermo sit, quæ in monte Calvarie palam in ore atque oculis Judææ provincie mactata est. Ex quo intelligitur, contra oblationem altaris, ubi sanguis Christi in mysterio fusus, non corporis, sed mentis oculis cernitur,

Respon.
ad 2. ar.

ne verbum quidem illum Apostolum dicere. *Æque videlicet Pauli verba torquere adversarii possunt in eam oblationem, quam Christus in coelis in-cruentam facit, semper Patri pro no-
stris peccatis apparens. Sed ne me in hanc quasi fugam conferam, maxime animadvertendum censeo, oblationem non simpliciter & uno modo esse. Una enim est universalis, altera est particularis, quæ generalem illam quasi ad efficiendum applicat. Et quoniam Lutherani omnes oblationes ad unum exemplum & regulam quærun; nos hujus divisionis exemplum ex similitudine rerum naturalium capiemus, ut horum ignorantio illustrior appareat. Illuminatio dupliciter a Philosophis accipitur, & ea, quæ universalis est, & ea, quæ est particularis. Videlicet, simul atque Deus produxit solem, potest dici semel mundum illuminasse, nempe tanquam in causa universali. Sed sunt tamen plures quotidie illuminationes propriæ, quæ non solum cum generali illa non pugnant, sed ita subserviunt, ut sine illis universalis illa aut propinodum otiosa sit, aut certe penitus otiosa. Sic & illud interpretamur, Illuminat omnem hominem venientem in hunc mundum: scilicet, illustratione quadam generali, quæ in hoc quidem genere una & eadem sufficiens & idonea est, atque adeo semper eterna; sed si illustrationes peculiares desint, quibus singulorum hominum mentes privatim illuminentur, universalis illa sufficientiam habet, efficaciam non habet. Nec enim generales causæ quicquam efficiunt, nisi privatis & propriis causarum secundarum actionibus vis illa efficiendi communis ad singulos effectus adjungatur. Similiter ergo oblatio Christi una generalis fuit redemptionis ac sanctificationis humane non solum idonea causa, sed suis etiam omnibus numeris absoluta: cui, in genere suo dico, nihil addi, nihil detrahi possit. At sunt plures oblationes particulares, quibus universalis illa efficientia ad effecta quædam singularia contrahitur. Nemo igitur nos legales sacerdotes existimet, quod singulis altarium sacrificiis sæpe ac privatim offerimus, sed potius ita secum reputet: sacerdotes sunt illi secundi sub uno primo pontifice Christo, administrantes & dispensatores mysteriorum eius.*

Ac de prima quidem hujus argumentationis parte, itemque de secunda disputatum est: reliqua est tertia eademque postrema, in qua Calvinus ac Bucerus se insolentius jactant, quasi argumentum invenerint, quod refellere nequeamus. Quia una in re, sciteor, superiores sunt. Illi namque quomodo opinionem commentitiam confirmarent, invenerunt: ego tam leve argumentum qua ratione infirmum ac diluam, reperire non possum. Sed age, horum insolentiam reprimamus, jamque doceamus serio, quam ridicule exultent homines, non solum doctrinæ Apostolicæ ignari, sed omnis omnino philosophiæ. Primum autem, quamvis denovo velimus sacrificii complicatam notionem evolvere, non facile tamen reperimus, an ea eadem occasionemque contineat, cum animal sacrificandum est. Contra enim dicit fortasse quis, prophetas Baal quoddam etiam sacrificii genus præbuisse, qui lanceolis & cultris se inciderint, donec perfunderentur sanguine. At demus illud & concedamus argumentantibus, quod ad perfectam animalis immolationem nos quoque attingere credimus: confici, dico, ipsum, & occidi oportere, si vere sacrificatur. At corpus vivum & spirans nos offerimus: idem enim in eucharistia est atque in celo. Sed etsi Christi corpus in eucharistia vivum est, ac sanguis in corpore, non tamen a nobis aut corpus offertur quia vivum est, aut sanguis quia est in corpore. Sed illud quia mactatum, hic quia effusus in cruce. Quod si Christus in cruce se offerens non se e conspectu nostro abstulisset, sed perpetuo penderet in cruce, ante omnium fideliū oculos omni & loco & tempore positus; nihil necesse erat, ut exemplum facti relinqueret, & in simulacrum ex animali exemplo veritas transferretur. Sicut enim si, qui tunc fuerunt juxta crucem, eandem cum Christo hostiam Patri obtulerunt, si modo vere erant pii, & rem quæ gerebatur, intelligebant; sic si eadem externa crucis hostia in conspectu nostro æterna permaneret, nullo exemplari & imagine hostiæ illius indigeremus. Quia vero licet oblatio illa & mactatio externa transierit, sic tamen coram Deo constet acceptabilis, & perpetua virtute consistit, ut non minus hodie in conspectu Patris illa sit efficax, quam eo die, quo
de

2. Reg. 18.

de faucio latere sanguis exivit; ideo vere nunc offerimus eandem crucis hostiam cum Christo, perinde atque illi, qui erant juxta crucem: quamvis illi nullo posito sub oculis simulacro, quia nullo tunc opus erat, cum res ipsa viva in præsentia esset, atque ante oculos propòsita; nobis autem per imaginem Christus hostiam illam excitavit, & quasi in quodam exemplari statuit ante oculos. Sed imago hæc & exemplar nihil revera obstat, cum non eundem illum sanguinem modo offeramus, quem Christus fudit in cruce, non aliter ac si nunc coram effunderetur.

Quæ est sententia Chrysostomi, falso tamen Ambrosio attributa, de consecrat. distinct. 2. cap. In Christo. Adde, quod quale fuerit sacrificium, talis est requirenda mors, ut si illud cruentum est, hæc sit etiam cruenta: sin illud incruentum erit, mors quoque erit mystica & incurientia, id est, effectus mortis ceu nunc præsens adesset. Satis est enim ut vere & proprie sit sacrificium, quod mors ista nunc ad peccati remissionem applicetur, ac si nunc Christus ipse moreretur. Id quod scriptorum veterum testimonio confirmatur. Gregorius, in se ipso, inquit, immortaliter vivens, iterum in hoc mysterio moritur. At Augustinus: Semel immolatus est in semetipso Christus, & tamen quotidie immolatur in sacramento. Paschasius: Quotidie Christus mystice pro nobis immolatur, & passio Christi in mysterio traditur, &c. Et Cyril. in concilio Ephesino, Athanasius ad Antiochum, Theophylact. in decimum caput epistolæ ad Hebræos, Damascenus in quarto libro, Gregorius demum Nazianzenus, ut ceteros prætermittam, hanc incruentam exanguemque immolationem vocant, unicam illam quidem, qualis non fuit alia similis, per quam ad effectum scilicet sic nobis Christus immolatur, ut illis, qui præsentes erant, quando se in cruce offerrebat. Sed quia sine effusione cruoris, quæ in præsentia cernatur oculis, applicatione vero cruoris jam effusi sit oblatio, recte a Patribus incruentum sacrificium nuncupatur. Atque ad ea, quæ sunt a Lutheranis in secundo argumento dicta, diximus satis.

In tertio quoque argumento resutandum post hæc nihil est necesse laborare. Docuimus enim, Christi oblationem in cruce non aliter se habere ad redi-

menda peccata, quam aut lucem ad illustrandum, aut medicinam ad curandum. Lucem dico, quæ omne lumen ederet: medicinam, quæ omnes sanaret morbos. Equus autem dubitet, causas perfectas & principales sine adjuvantibus & proximis nihil efficere? Medicamentum quippe quamlibet præsens & salutare sit, nisi ægro corpori adjungitur, neque opem indigenti fert, nec salutem. Quod si agnis, qui tollit peccatum mundi, sine adjunctrice & socia causa ipse per se expiavit nostrâ delicta; baptisma tollatur, poenitentia abest, sacerdotia fideant, ministeria facessant, atque adeo omne salutare nostræ & sacramentum removeatur, & instrumentum. Præceptum illud vanum sit: Baptizate in nomine Patris, & Filii, & Spiritus sancti; gratia illa vana: Quorum remiseritis peccata, remittuntur eis: inanis sermo ille: Poenitentiam agite, & baptizetur unusquisque vestrum in remissionem peccatorum; sit denique ille salus: Salvos nos fecit per lavacrum regenerationis. Quin etiam, si ita libet, quia oravit pro nobis Christus, non oremus; quia jejunavit, non jejunemus; quia lacrymatus est, non ploremus. Colligunt enim arguti isti dialectici: quia obtulit semel Christus, nos non offeramus. Sicut ergo compatimur, ut passionis ejus participes simus; ita etiam offerimus, ut oblationis ipsius partem capiamus. Nobis sane religio actuosa est, Lutheranis otiosa: qui nos feriatos volunt celsatione torpere, & quasi pueros delicatos nihil agere. Ita ex animis hominum extrahunt radicem religionem, cum sacrificia, sacerdotes, ceterosque religionis administratos tollunt. Non ergo nos repetitis oblationibus Christi sacrificium testamur fuisse imbecillum, sed causam principalem perfectamque fuisse, quæ quantumvis licet sufficiens in se & consummata sit, sine applicatione tamen causarum adjuvantium nihil efficit. Illud vero, Una oblatione consummavit in æternum sanctificatos, simile est, ut si dicerem, Deum una illustratione mundum in æternum illustrasse. Id quod revera fecit, quum solem quasi sempiternum lumen accendit. Alioqui quid alio loco Apostolus jubet, Ut emundemus nos ab omni inquinamento carnis & spiritus, perfectentes sanctificationem in timore Dei? Certe Christi

D d 2 san-

Matth. ult.

Joen. 10. Ad. 2.

Tit. 2.

2. ad Cor. 7.

Vide etiam Euseb. E. mosen, d. 2. Quia consecratus.

De consecr. d. 1. c. Qui dicit, & c. Semel, & c. iteratur.

Respon. ad 3.

2. Cor. 1.

Eph. 18.
Psal. 51.Rom. 3.
Hebr. 9.

sanguis emundavit nos ab omni delicto; & tamen Paulus ait, Mundemus nos. Certe una oblatione Christus consummavit sanctificatos; & tamen Paulus monet, ut ipsi perficiamus sanctificationem in timore Dei. Christus igitur mundat ac perficit, & nos quoque perficimus ac mundamus: sed ille agit nobiscum ut causa principalis, nos sub illo agimus ut causæ adjuvantes. Dei namque adiutores sumus.

Sed addunt illud: Ubi peccatorum remissio est, jam non est oblatio pro peccato. Respondemus. Si remissio solum est ut in causa universalis, jam non est oblatio generalis quidem pro peccato; est tamen oblatio specialis, quæ vim illius ad efficiendum applicat. Quemadmodum si illustratio est mundi universalis, nulla alia generali est opus: non enim alio sole indigemus, alia luna, aliis stellis. Sed necesse est tamen, illustrationes quotidie singulas aeris intervenire, si terra est diebus singulis illustranda. Addunt etiam: Post remissas per Christi sacramenta iniquitates, quorum oblationes facimus pro peccato? Respondico: remissio iniquitatis duplex est, una perfecta, altera imperfecta. Perfecta, quum non solum culpa, sed tota etiam pœna remittitur, de qua illa intelliguntur: Projecisti post tergum tuum omnia peccata mea. Beati quorum remisse sunt iniquitates, & quorum recta sunt peccata. Projiciet in profundum maris peccata nostra. Mich. 7. & cetera similia. Atque hæc per baptismum contingit omnibus baptizatis. Imperfectam vero illam dicimus, in qua vel culpa remittitur, sed non tota pœna, vel remittitur pœna, remissa jam culpa: de qua illud accipimus: Propter remissionem præcedentium delictorum. Et rursum: In redemptionem earum prævaricationum, quæ erant sub priori testamento. Antiquis porro patribus culpas ante Christi mortem fuisse remissas, ambiguum non est: juxta fidem quippe defuncti sunt testimonio fidei probati. Non esse autem perfectæ remissas, confirmat Paulus, cum ait, Christum mortuum esse in remissionem præcedentium delictorum. Quæ si plene Moysi, Aaron, Davidi, ceterisque sub lege & natura sanctis condonata fuissent, nec illis esset janua regni celestis occlusa, nec loci inferni custodiam deputati. Equis enim dicat,

omnino resoluta crimina, quorum poenæ sunt in carcere? Davidi rursum homicidii & adulterii scelera relaxata, quo tempore ad Nathan prophetæ vocem peccatum confessus est, & Nathan ipse idem, & auctor libri ecclesiastici testes sunt. At si plenam remissionem percepisset, quorsum illa? Dele iniquitatem meam: Amplius lava me ab iniquitate mea: Averte faciem tuam a peccatis meis, &c. Certe hanc ampliorem & pleniorrem indulgentiam non prius a Domino impetravit, quam multis suppliciiis in eo Dominus acerrime vindicasset. Itaque si per Christi sacramenta plena cuiquam peccatorum remissio contigit, nos pro illiusmodi peccatis hostiam minime offerimus: ut si quis proxime recens baptismum suscepit: at si peccator non est perfectam remissionem consecutus, quod in sacramento penitentiae fere accidit, pro hujus delictis sacrificium exhibemus, ut cui Deus subiratus etiamnum est, ei fiat aliquando propitius.

Quid igitur sibi Apostolus vult, quum minis horribilibus audientium animos perterrefacit in hæc verba: Voluntarie peccantibus nobis, jam non relinquitur pro peccatis hostia? Nempe, qui dicit, voluntarie peccantibus post acceptam notitiam veritatis nullam hostiam esse reliquam, is sine dubio significat, ignorantibus aliquam hostiam superesse, iis præsertim, qui ante acceptam notitiam veritatis peccaverunt, quemadmodum Chrysostomus ac Theophylactus argumentantur. Rem ergo Apostolus verbis grandioribus exaggerat, atque, ut solet, terrorem exuperatione injicit. Ostendit itaque, non quid clemens & misericors iudex interdum sua lenitate concedat, sed quia pœna is dignus sit, qui singulari baptismi beneficio suscepto, Filium Dei conculat, & sanguinem testamenti pollutum ducit, & spiritui gratiæ contumeliam facit. Indignus nimirum est, qui fuerit hujusmodi, cui Christus iterum crucifigatur. Toties autem nobis crucifigitur, toties immolatur, quoties ejus crux nobis & mors ad peccati remissionem applicantur. Si de iustitia ergo agitur, nulla relinquitur pro peccatis hostia iis, qui ex malitia peccant. Sin vero de misericordia Dei agitur, quæ omnem etiam senium exuperat, non solum infirmis, & ignorantibus aliqua superest hostia, sed iis etiam,

1 Reg. 12.
Eccl. 47.

etiam, raro tamen, qui voluntarie peccaverint post acceptam notitiam veritatis. Enimvero quod hæc Apostoli oratio alta & exaggerata sit, illud primum argumentum est, quod statim subditur: Terribilis autem quædam expectatio iudicii, &c. Atque evestigio: Irr tam qui faciens legem Moysi, &c. & post pauca: Rememoramini pristinos dies, &c. & tandem: Nolite amittere confidentiam vestram, quæ magnam habet remunerationem. Illud deinde hoc confirmat maxime, quod in 6. cap. cum dixisset, Impossibile est, eos, &c. ne existimaretur nulla esse rerum expectatio meliorum, quasi a desperatione aliquid revocare cupiens, Confidimus, ait, de vobis dilectissimi, meliora & viciniora saluti, tamen ita loquimur. Ex quo temperamento Hieronymus lib. advers. Jovin. 2. colligit, Apostolum Hebræos per exaggerationem territasse.

Est aliud responsum dignum, nisi me fallunt omnia, quod magnopere animadvertatur. Videlicet, hostia pro peccato duobus modis intelligi potest. Uno modo pro pœna, altero etiam pro culpa. Quod enim peccati vox pro pœna peccati usurpetur, illa demonstrant: Non ego operor illud, sed quod habitat in me peccatum. Et rursum: Remittuntur ei peccata multa, quoniam dilexit multum: cui autem minus dimittitur, minus diligit. Quo loco multorum peccatorum pœnas multa Dominus peccata vocat. Nam culpas ante fuisse remissas, qui superiores lachrymas consideraverit, is vocare in dubium non poterit. Et quæ dilexerat, & ingemuerat, ea certe culparum veniam fuerat consecuta. Sed cui in præsentia dicitur, Remittuntur tibi peccata, Vade in pace, ei plenissima indulgentia conceditur, omniumque pœnarum perolutio. In pœnis vero locum habet, ut majori dilectioni major remissio respondeat, minorique etiam minor: nam culpæ vel simul remittuntur omnes, vel nullæ. Machabæorum sententia vulgo etiam ferme teritur, Sanctam & salubrem cogitationem esse pro defunctis exorare, ut a peccatis solvantur. Ubi pœnas purgatorias pro culpis debitas peccata sine dubio appellavit. Simile est illud: Peccata tua eleemosynis redime. Pœnas autem Daniel pecunia redimendas existimabat: nam culpas aut peniten-

tia diluit, aut certe sine argento gratia resolvit. Atqui si ve figurate nomen causæ ad effectum transferatur, si remissio pœnæ ad integram remissionem culpæ pertineat, non valde intererit quidem: tamen si D. Thomas, atque Innocentius huiusmodi locutiones improprias esse testantur, quibus peccata deleri, detergi, abluvi, remitti dicuntur, quia solvuntur pœnæ. Jam ergo cum Apostolus ait, nullam hostiam superesse pro peccato, pro culpa proprie intelligendus est. Cui sententiæ non est illa contraria, relinquitur penitentia sacramentum, quod iudicium est, non sacrificium: relinquitur etiam hostiam pro pœna, quæ improprie dicitur hostia pro peccato. Sed quæris, quid causæ plerisque antiquorum fuerit, ut baptismum hostiam appellaverint, ideoque dixerint non superesse hostiam pro peccato, quia baptismus repeti non potest. Sane quia in baptismo Christo commemoratur, & per hoc sacramentum applicatur nobis hostia crucis, ad plenam peccati remissionem; hinc illi baptismum translatitice hostiam nuncuparunt, ac post baptismum semel acceptum nullam hostiam esse reliquam interpretati sunt: quia baptismum secundum non est. At in penitentia sacramento non applicatur mors Christi per inodum hostiæ, sed per modum iudicii. Itaque quamvis penitentia post baptismum super sit, non proinde tamen hostia superest pro peccato. Sed de tertio argumento nimium multa.

Quantum vero non confutatione cget, sed reprehensione. Equæ enim vel inficitia vel imprudentia est, ea adversum nos testimonia excitare, quæ a nobis faciunt maxime? Constat sane, eucharistici sacrificii partes quatuor esse, unam consecrationem corporis & sanguinis, alteram oblationem, tertiam fractionem, postremam consumptionem. His quippe quatuor partibus nostrum sacrificium integregari, confici, absolvi, qui negaverit, nihil illum de ratione perfecti sacrificii didicisse, nihil quæsisse, nihil scire convincam. Consecrationem porro atque oblationem cum gratiarum actione conjunctam ex Evangelio colligi ostendimus paulo ante: fractio neminem apertissime traditur. In eo discrimen est, quod Lutherani in fractione nihil mysticum esse arbitrantur, sed solam panis distributionem, nempe, ut sua cuque portio

Sermo est de moralibus, quæ simpliciter, & quasi per antonomasiam peccata dicitur. Nam venialia hoc peccata sacrificio delectantur. De conf. dist. 2. c. iterum, & c. Utrū.

Respon.
ad 4.

Probabilissimum est, specierum quoque oblationem ad sacrificii integritatem pertinere. Nam ab Apost. post. Eccl. trassum ambiguum non est.

De penit.
d. 1. c. 51.
nim.

Rom.

Luc. 7.

Mat. 4.

De conf. d.
2 ca Quom
sanguis.

De conf. d.
2 ca Relat
tuna.

coningat: at ecclesia sancta quum hostiam frangit, Dominici Corporis in cruce fractionem significando, Christi hostiam commemorat, quemadmodum Christus ipse & verbo, & exemplo commemorandam tradidit. Quod vero ad plenam hujus sacrificii rationem consumptio specierum attineat, Concilium Toletanum duodecimum testatur, inquit: Quale erit sacrificium, cui nec ipse sacrificans particeps esse dignoscitur? Augustinus insuper in libro sententiarum Properi contendit, dum sanguis de calice in ora fidelium funditur, Dominici corporis immolationem, sanguisque effusionem designari. Spectat ergo ad perfectam significationem sacrificii consumptio specierum. Quæ causa catholicis perpetua fuit, ut dum sacerdos species sumit, non edere illum dicant, edat licet, sed continere. Ut intelligamus, in missa potius haberi rationem consumptionis, quam manducationis, magisque sacrificium spectari, quam cœnam. Quod Lutherani sentientes, negaverunt, Christum corpus suum, sanguinemque sumpsisse, ne consumpsisse, & sacrificasse probaretur. Verum ratio primum convivii hoc exigit, ut cibi communionem, & consecrationem habeat: alioqui qui ad cœnam invitat, is non convivor esset, sed conditor, instructorque convivii. Atque accubationem epularem amicorum, tamen melius nostri convivium, bene tamen Græci tum comperationem, tum concœnationem vocant: ut qui vocat ad cœnam, nec concœnator ipse & comperator est, non solum non urbanum convivium ineat, sed ne convivium quidem. Deinde, ut Chrysostomus argumentatur, ne discipuli horrerent carnem, & sanguinem, necesse erat, ut Christus prior ipse degustaret. Christus certe, quod se videbant facere, id ut facerent, iussit Apostolis. Intellexit autem semper ecclesia sacerdotibus injunctum esse, ut sumerent: sumpsit ergo & Christus, nisi sacerdos omnibus suis numeris absolutus, non absolutum, sed inchoatum sacrificium fecerit.

2. p. qu. 83.
2. 4. Nec me fugit, Divum Thomam aliquando, ut videtur quidem, docuisse, sacrificium ante fractionem hostiæ esse peractum, summptionemque spectare proprie ad sacramentum, oblationem vero ad sacrificium: Et rursus asserere,

fractionem hostiæ non ita esse necessariam, ut, si omittatur, sacrificium maneat imperfectum; quod videlicet hujus rei significatio non ad corpus Christi verum, sed ad mysticum referatur: non ergo fractio in partibus sacrificii numeranda est. Quod autem sacrificium ante fractionem peragatur, id magno argumento sit, sacerdotem statim a consecratione illa verba dicere, Offerimus præclaræ maiestati tuæ de tuis donis, ac datis hostiam puram, &c. Jam ergo nondum fracta hostia, & oblatio est, & sacrificium. Verum qui Divum Thomam nobis objicit, id ille agit, ut & secum ipse Thomas, & cum vera sacrificii ratione pugnet. Ejus enim in secunda secundæ verba non obscura sunt, sacrificium proprie dici, cum circa res oblatas aliquid fit. Quam rem illo etiam exemplo confirmat, ut quum panis frangitur, & comeditur. Unde colligit, primitias oblationes esse, non autem sacrificium: quia nihil sacrum circa eas fiebat. Hostiam igitur aliquando ante fractionem non solum Divus Thomas, sed etiam ecclesia vocat eodem, quo rem instantem, & proximum quasi præsentem nominamus. Sic Cicero, præbere, ait, hostias ad sacrificium. Ubi animal sacrificandum hostiam appellat. Quin & in Levitico, & in aliis quoque plerisque locis holocaustum, hostia, ac sacrificium ab eo, quod proxime futurum est, nomen accipiunt. Sed & panem ipsum ante consecrationem hostiam vulgo appellamus, a qua appellatione ne Divus quidem Thomas abhorret. Sacerdos porro ante consecrationem dicit se offerre sancta sacrificia, ilibata, &c. Quis autem Theologus tam insigniter stultus fuit, ut peractum sacrificium ante hostiam consecratam existimaverit? Atque ut de occulto, & interiore sanguinis, & corporis sacrificio nihil dicam, externum certe, & mysticum sola oblatione non constat. Cum itaque circa species ante fractionem nihil sit a sacrificio factum, ne sacrificium quidem peractum est. Item cum symbolis rerum, Christo instantem, debeamus mortem ipsius agere, si verum, & perfectum nostrum sacrificium est, ejusque victimæ absolutum exemplar, quam Christus in cruce præbuit; nullum autem sit rerum symbolum unde quam species frangantur, miscantur, consumantur; certissimum accipere argumen-

qu. 83. ar. 4.
ad 1.

tum possumus, ante fractionem nondum esse expletum sacrificium. Manet igitur, non consecrationem modo, & oblationem, verum & fractionem quoque accensionem ad integritatem externi sacrificii pertinere. Quæ res non pertenui nobis argumento, inditioque patefacta est, sed gravi, constantique ratione: præterquam quod ab Apostolis has nos sacrificii partes accepisse, promptissimum est ostendere: nam Christum tradidisse, satis supra est a me demonstratum. Ut Lutherani argumenta probabiliora deinceps excogitent: siquidem quantum hoc, quod modo diximus, improbable est: improbabile esse dico, Lucæ, Paulique testimonii uti, ut ecclesiæ sacrificium explodatur.

Nam ratio ea, quæ adjungitur, capitiola est, & veri similitudine fallere imperitos potest. Primum autem, qui Lutheranis responderet, Christum in cæna sacrificium, non pro peccato quidem, sed gratiarum tamen actionis obtulisse, hic non ab illis facile eluderetur. Eius enim rei probabilem rationem redderet, quod cum sacrificii crucienti dies instaret jam plane, aut certe jam appropinquaret hora, non oportebat hostiam in cæna pro peccato mysticam exhibere, cum impenderet generalis hostia illa, in qua Patri complacuit omnia peccata reholvi. Quamquam & sanguinem circumcisionis pro nobis Christus obtulit, & jejunavit, stetitque pro nobis; nec tamen remissio ei peccati secuta est, quæ a cruce tandem expectanda erat. Quemadmodum enim martyrii plena efficacia non in qualibet sanguinis effusione est, sed in ea demum, in qua martyrium consummatur, quamvis sanguinem suum Deo statim a principio martyr obtulerit; sic passionis Christi perpetuus vis illa absoluta & perfecta, non in initio, aut medio, sed in fine fuit. Deinde mysticæ oblationis effectus non is est, quem salio existimant Lutherani nos credere, nempe, ut omnes culpas, penarumque resolvat. Quæ de re paulo post dictum sumus. Alia enim efficacia hostiæ illius est, quam Christus palam præstavit in cruce: alia illius est, quam sub speciebus definitis mysticæ præbuit in cæna. Illa generalis est, sicut diximus, nec per sacrificium modo, sed per omnia sigillatim sacramenta ad effecta longe diversa ap-

plicatur: hæc peculiaris efficacia est; & sub speciebus certis ad peculiaria quædam effecta concluditur. Obtulit ergo Christus hostiam in cæna tum pro culpa veniali, tum pro pena, quæ pro culpa etiam mortali deberetur. Quin in peccato solvendo sacrificii peculiaris effectus est. Hunc vero habuit in cæna sanguis oblatus: nam in cruce vim remissionis habuit generalem. Sed quoniam, ut modo dixi, hanc remissionem in configurationem sequentium argumentorum fusius explicatur, pergamus ordine refellere argumenta, quæ restant.

Quinto vero argumento refutando Rosensis episcopus, calicem, ait, novum Testamentum ideo dici, quia novi Testamenti confirmatio est. Quem vocis usum ut probare testimonii non queo, ita non audeo explodere. Illud assero, nomen hoc pro re, quæ ex testamento obvenit, interdum accipit ut in epistola ad Hebræos capite septimo: Melioris testamenti sponsor factus est Jesus. Sic enim promissionis vocabulum pro re, quæ promittitur, scripturæ auctores usurpant: ad Hebræos sexto, Imitatores eorum, qui fide, & patientia hæreditabunt promissiones: ad Hebræos nono, Repromissionem accipiant æternæ hæreditatis: & Actorum primo, Expectarent promissionem patris. Si ergo promissio pro re promissa accipitur, & testamentum Luthero ipsi quoque promissio est: nihil mirum, si pro re ipsa, quæ testamento est relicta, usurpetur. Ac prima res, eademque potissima, quam nobis in testamento suo legavit Christus, fuit sanguis. Quid igitur obstat, cur rem, quam beneficio testatoris habuerim, non ego in funus ejus, exequiasque rependam? Quid, inquam, obstat, cur, quod de manu mortentis accipimus, non id nos viventi illi reddamus? Nisi illud frustra, atque importune repetimus: Tua sunt, Domine, omnia: & quæ de tua manu susceperimus, reddimus tibi. Quod autem calix improprie dicatur testamentum, manifestum est. Sive enim, ut Innocentio placet, testamentum promissio est: sive, ut Ulpianus vere sentit, sententia est voluntatis iusta de eo, quod post mortem fieri voluerimus; omnino liquet, calicem nec promissionem proprie, nec sententiam esse, sed rem, quæ testatoris promissione, voluntatiq; sententia relinquatur. Hanc

Respon-
ad 5.

Cap. Cum
Martini, de
ceieb. 361.

Respon.
ad 6.

Cap. Cum
Barthol. de
celeb. Miss.

vero nos hostiam præbere ad sacrificium quis prohibet? Sed de quinto argumento haecenus.

Jam argumento sexto quid attinet respondere, nisi eadem velim, quæ supra dixi, verba repetere? Colligunt enim, acuti scilicet Dialectici, si Eucharistia exemplar, & imago est, non esse illam vere, ac proprie sacrificium. Quæ sane collectio perniciosa est. Quid enim stultius dici potest, quam legis veteris hostias sacrificia non fuisse, quod verorum exemplaria fuerunt? Innocentius porro Tertius quosdam merito irridet, qui putarint in sacramento non esse corpus Christi, & sanguinis veritatem: ex eo, quod scriptura interdum commemorat id, quod in altari suscipitur, mysterium, imaginem, figuram, & exemplum esse. Quorum errorem Pontifex docte, graviterque resecit: si enim, quia figura est, sacramentum altaris veritas esse negatur: ergo nec mors, nec resurrectio Christi veritas est credenda: siquidem eas similitudinem, & imaginem esse, Apostolus tradit: ac Petrus quoque scribit, Christum exemplum nobis in sua passione reliquisse. Nihil igitur obstat, cur non in externo sacrificio forma sit, species, imago, & exemplar sacrificii crucis, in sanguine vero, & corpore, quæ sunt res intus inclusæ, ejusdem sacrificii existat veritas. Sed quoniam in cruce, quod alias diximus, palam, & sine mysterio hostia cruenta fuit, in altari occulte, & mystice abscondita; ne eodem modo, quo Christus, sacrificare putaremur; recte cum suo Chrysostomo Theophylactus admonuit, nos non immolare Christum, quemadmodum se ipse in cruce immolavit, sed potius illam crucis hostiam commemorare. Verum quia commemoratio nostra otiosa, & umbratilis non est, sed efficit, quod significat: quanquam non Christum occidimus, qui resurgens ex mortuis jam non moritur, Christi tamen mortem applicamus, cum nunc facta sit. Applicamus autem non fide sola, aut solis verbis, sed etiam symbolis. Post illa namque verba, Hoc est corpus meum, quod pro vobis tradetur, non ait Dominus: Hoc credite, non, Hoc dicite: sed, Hoc facite in meam commemorationem. Quæ causa, nisi me fallit animus, Apostolo fuit, ut veteris legis symbola, quo-

niam vacua erant, umbras appellaret, non ipsas imagines rerum. Nam Evangelium ipsas rerum imagines quasi vivas continet, non ad significationem modo, sed ad efficientiam. Ut baptismus imago est spiritualis ablutionis, quæ per Christi sanguinem facta in cruce est, sed habet tamen res ita conjunctas, ac si Christus ipse nunc pro baptizato sanguinem funderet. Quocirca & aliquando idem ausus est dicere, in singulis baptizatis Christum crucifigi: non illa solum loquendi forma, qua Joannes Evangelista scripsit, agnum occisum esse ab origine mundi; sed ita potius, ut ad effectum idem profusus sit, ac si Christum vere nunc pro his, qui baptismum suscipiunt, crucifigeretur.

Nec vero existimo, quum Paulus legem dixit umbram habere futurorum bonorum, non ipsam imaginem rerum, de significato disceptasse, quod plerique interpretati sunt, ut umbra signum obscurum, & imperfectum, imago rei expressum, periclitumque signum intelligatur. Quæ, ut vera esse non inficior, ita a præcipuo Apostoli instituto esse aliena iudico. Id quod ex verbis ejusdem Apostoli manifeste conficitur. Ait enim: Umbram habens lex futurorum bonorum, non ipsam imaginem rerum eisdem ipsis hostiis, quas offerunt indefinenter, nunquam potest accedentes perfectos facere, &c. Quia igitur hostiæ illæ vim efficiendi non habebant, ideo legem umbram habere dixit futurorum in lege gratiæ bonorum. Umbra quippe ignis non id efficit, quod ignis, nec umbra hominis idem præstat, atque homo: neque enim in agendo quicquam aut imbecillus umbra, aut inanior est. Sacramenta vero, & sacrificium nostrum imagines rerum sunt, non picture, vel umbratiles, inaneque ad efficiendum, & imbecillæ; sed cum ad vivum rerum ipsarum expressæ, tum, si ita loqui liceat, ad efficacitatem res ipsæ vivæ, quarum imagines sunt: tanta Christi, & Evangelii potentia est, ut eandem vim penitus symbolis, imaginibusque tribuerit, quam res ipsæ haberent, si quum earum commemoratio sit, vere patrerentur. Sed in sexti argumenti reprehensione multum temporis insumpsi. Nihil enim responsione opus erat: sed ut loca eadem diligenter isti pertraherent, & bona fide relegerent.

Ibi enim plane reperirent, auctores sanctos, & verum in ecclesia corporis, & sanguinis Christi sacrificium, & verissimum quoque exemplar affirmare: alterum in externa forma, & figura, alterum in re, quæ inclusa, atque absorta in mysterio latet occulto. Quanquam Euthymius ante consecrationem exemplar interpretatur: post consecrationem autem sacrificii veritatem. In quem etiam modum Basilium exponit Damascenus quarto libro, capite decimoquarto.

Rep. ad
7.

1. Jo. 3.
2. Cor. 3.

Dan. 4.
Prov. 15.

Prov. 16.

In septimo argumento existimant homines parum in Theologia exerciti, ad huc nostris nostræ redemptionis, sanctificationis, ablutionis nullo modo causas esse. Quæ si vera essent, illa omnia essent falsa: Omnis, qui habet hanc spem, sanctificat se. Item, Mundemus nos ab omni inquinamento carnis, & spiritus, perficientes sanctificationem in timore Dei. Item, Peccata tua elemosynis redime. Item, Per misericordiam, & fidem purgantur peccata. Item, Misericordia, & veritate redimuntur iniquitas: & cætera id genus, quæ in sacris literis passim occurrunt. Neque ex his, quemadmodum isti falso iudicant, quicquam de Christi in nos gratia, merito, vi, & redemptione detrahitur, quin gratiæ Dei & Christi multo magis attribuitur. Exemplum ponam ex natura, ut gratiæ vis manifestius eluceat. Res universas ad suum quamque finem vi quadam ingenerata moveri, philosophis omnibus exploratum est. Sic igni, ut ad locum naturæ suæ congruentem ascenderet, levitatem indidit procreator ille mundi Deus: ut vero calefaceret, quæ erat actio ignis naturæ conveniens, impertit calorem. Id quod in reliquis promptum est cernere, quæ sic a principio, & forma interiore moventur, ut non solum non repugnent, sed agi sponte videantur. Animalia porro non modo hanc inclinationem, & formam a natura habent, verum ipsa etiam se movent actionibus quibusdam suis, & ad querendum sibi consentiens bonum, & ad propulsanda adversaria mala. Quæ res præcipue in hominibus illustrior apparet, qui quoniam non aguntur, ut servi, sed libere potius agunt, ut domini, ratione eligunt media, & se ipsi cient, ut per talia media fines propositos consequantur. Nec ideo tamen aut primæ causæ virtus minor est, aut potestas infir-

mior: imo hoc uberior, & major, quod attingit a fine usque ad finem fortiter, & disponit omnia suaviter. Ecce enim vis ea sortior esse potuit, quæ adeo suaves, & congruentes impetus in rerum natura posuit, ut eas nulla vi quidem illata moveat, sed vehementissime moveat tamen? Quæ Dei virtus eximia, insignisque suavitatis multo latius in gratuitis effectibus, quam in naturalibus se effundit. Non enim solum vitales operationes, quæ supra naturam sunt, in se edit mortalis homo per gratiæ formam, & virtutes, sed ad vitam ipsam capiendam sua se actione parat, & vivendi sibi causa est. Quemadmodum enim, si materia dispositiones, quibus ad suscipiendam formam ignis præparatur, ipsa in se faceret, eadem sibi causa esset effectrix, ut a forma illa informaretur: sic quoniam præparationes vivificantis gratiæ homo in se efficit, ipse in sui generatione Dei adiutor existit. Quæ in re, ut dixi, suavior, & effusior gratia, quam natura est. Vitam namque a natura datam curare, ac tueri ipse valeas, salutem querere, morbos pellere adversos, tum externis quibusdam medicamentis adhibitis, tum animæ virtutibus interioribus excitatis. At vitæ causa tibi esse non poteris, sed aliunde eam accipis, nulla interveniente operatione tua, dispositione tua nulla. Dispositio quippe omnis, quæ ad animam corpus aptatur, a patre generante editur, a filio genito nullo modo. In nativitate vero spiritali is ipse, qui nascitur, non solum principium est, ut post agritudinem sanus sit: verum etiam, ut postquam fuerit mortuus, & vitam habeat, & abundantius habeat. Præclare itaque dictum illud est, atque ad philosophiæ rationem apte: Iustus ex fide sua vivet. Ex quo Hieronymus colligit, hominem sibi esse vivificationis suæ causam. Nempe actus fidei, spei, charitatis, poenitentiae, quibus Deus utitur ad animam vivificandam, homo ipse in se facit, gratuito quamvis, & supernaturali auxilio permotus. Ne cerres, quasi actus nostri gratiæ, remissionisque culparum causæ efficientes sint, cum nihil aliud, quam disponant animum, ut gratiam Dei, iustitiamque recipiat. Quemadmodum calor præparatio est, quæ liqui materiam efficiat, ut & formam ignis capiat, & naturam. Sed sicut homo alteri homini non est causa animæ rationalis,

nalis, sed causa tamen est, ut per rationalem animam vivat: sic homo licet causa gratiae non sit, causa tamen sibi est, ut per gratiam vivat. Cujus sententiae illa jam consecraria sunt: Animas vestras carificantes. Item Abbae a malitia cor tuum. Item, Si quis emundaverit se ab istis, erit vas in honorem sanctificatum, & ad omne opus bonum paratum. Ac vasa haec quidem Deus ipse fecit in honorem, & preparavit in gloriam. Sed si non a voluntate nostra purgatio animae nostrae fieret, ut Damascenus arguetur, non utique dixisset Paulus: Si quis emundaverit se, &c.

Verum haec subtilius fortasse discurruntur, quam ut ea Lutherani omnis omnino philosophiae ignari possint agnoscere. Illud breviter intelligant, nos in salutis nostrae opere, sanctificatione, purgatione, curatione Dei adiutores esse: In die, inquit, salutis adjuvi te: ac rursum: Gratia Dei mecum. Nam de peccatorum redemptione quaestio est multo facilior. Ea nempe voce aliquando per solutionem penarum scriptura significat, quae post culpam remissam manent. Has autem non modo Christus per sacramenta sua, sed nos etiam jejuniis nostris elemosynisque resolvimus. Pretia itaque Deo constituta, quum pro panis debitis enimeramus ac pendimus, tunc peccata nostra redimimus. Nec vero pretium hoc æquale naturae nostrae, sed Dei gratiae fecit, qui nim pro culpis graviores penas, tum pro paenis graviorem posset compensationem exigere. Sed hæc pretia ille pepigit, lege clementiae & misericordiae quidem, sed æquitate iustitiaeque permixta. Quod si ad peccatorum redemptionem pretia hæc, nostra licet, momenti alicujus sunt tamen, quoniam ita sua in lege constituit, qui arbitrio propriæ voluntatis rerum omnium iustus æstimator est; quanto verius & iustus nostris ipsi iniquitates redimemus, Christi corpus & sanguinem in altari offerendo? Christi, inquam, qui nobis est factus sanctificatio, iustitia, & redemptio. Ac rursus redemptor noster unus est ille, sed quia nobis tamen nostrisque actionibus nititur ad effectum redemptionis expendendum, cum quoque in hac parte nos juvamus. Nec gloria redemptoris minuitur inde, sed augeur, qui non naturæ divinæ modo, verum divinæ

operationis socios nos etiam fecerit & consortes. Sed in hoc argumento refutando multum omnino operæ laborisque consumpsimus; præsertim cum proxime quoddam horum finis adhuc laus explicatur.

In octavo enim argumento ridiculi citharædi chorda semper oberrant eadem, cum causas Deo adjudices in redemptionis humanæ opere negant. Quæ stultitia cujusmodi sit, exemplo naturæ demonstrare possumus. Fuerunt quidam usque adeo naturalis sapientiae imperiti, ut opinarentur, causas secundas (sic enim appellant Physici) nihil omnino ex se agere, sed rerum omnium effectorem Deum ad præsentiam causarum, quæ secundæ proximæque dicuntur, per seipsum omnes effectus edere. Quæ deliratio incredibilis stultissimorum hominum e schola Philosophiæ, non modo sibilis, sed etiam convicio explosa est. Verum quod isti in natura, idem in his, quæ supra naturam sunt, Lutherani peccant, quum soli Deo redemptionem tribuentes, causas adjudices accipiunt, quasi blasphemia sit, quod in natura sapientissimi quique dixere, id nos in gratia dicere: nempe causas esse adjuvantes & proximæ, quibus prima & principalis utatur, ut res supernaturales efficiat. Quo loco vis & potestas illius eo præclarior extat, atque eminet, quo magis se homini conlert, cum illoque communicat, non modo ut sit, sed ut causa etiam sit, quæ, vi licet accepta divinis, vere efficiat tamen, & Deum quoque ipsum in rebus faciendis adjuvet. Nam & Apostolus non dubitavit scribere, Dei nos adiutores esse, dispensatoresque, & ministros mysteriorum ejus. Item, se plantasse, & ut sapientem architectum fundamentum posuisse, ac filios per Euangelium in Christo genuisse. Ut ila prætereamus, Baptizantes eos in nomine patris, &c. Quæcunque solveritis super terram, &c. Quorum remisistis peccata, &c. Ex quibus Constantiensis synodus aperte confecit, sacerdotem vere absolvere, vere conficere. Quæ si certissima sunt, ut sunt sane, nihil necesse est, quod Albertus Pighius facit, sacrificium operationem nostram esse negare. Multo enim doctius Divus Thomas asseruit: quem locum breviter peritrxii paulo ante, sacrificium oblationem esse, & ejus actum virtutis, quæ Dei cultu pro-

Respon.
ad 8.

1. Cor. 1. &
1.

Matth. ult.
Matth. ult.
1. Cor. 1.
Vide Ambrosii lib. 1.
de pen. 2.
Novatus e-
nimacub.
se Dominum
deserere ho-
minem, &
sui remissi-
onem
Christi
potestatem
tribuat.

1. Pet. 1.
Hierem. 1.
2. Tim. 1.

lib. 4. c. 20.
vide Chrysost.
homil. 41.
ad populum.
Antiochi.

1. Cor. 6.
1. Cor. 15.

cod-

continetur. Nostra igitur est operatio, non inferior equidem. Sed duplices sunt operationes nostræ. Quædam, quas nostro nomine reddimus, & quæ nostra gratia, meritisque nituntur, ut elemosyna & jejunium. Alteræ vero sunt, quæ non a nobis efficaciatem habent, sed prorsus a Christo, ut baptismus & absolutio, sacerdos in pœnitentiæ sacramento. Quia enim sacerdos, non in suo, sed in nomine Christi baptizat & absolvit, istiusmodi actiones, in quibus purum nudumque ministerium est, non a ministro vim accipiunt, sed a Christo, cujus revera magis dicuntur esse, quam nostræ. Nam ille est, qui baptizat, ille est, qui absolvit. Quocirca siue iustus administrator sit, siue iniustus, ad effectum sacramenti nihil omnino interest. Sicut refert etiam nihil, qui ignem accendit, & ad exultationem adjuvet, frigidus, an calidus ille sit. Tantum quippe caloris impertiet, non quantum habet ipse, sed quantum habet ignis admovent. Priores igitur operationes nostræ non consistunt aliis peccati remissionem ex opere operato; id est, ex vi rei factæ, sed quemcunque effectum fortuantur, ex merito euni nostro fortiuntur. At posterioris generis operationes ex se possunt peccata remittere, quia, ut diximus, Christi sunt potius, quam nostræ. Ita si semel nos Christi sacramenta conficimus, eaque alius admoveamus, ex vi rerum effectarum, & aliorum culpas pœnasque resolvimus, & gratiam Christi impartimur, non nostram.

Sacrificium porro altaris, quod primo argumento reiutando explicui, in posteriore operationum genere includitur: Non enim suo nomine sacerdos hostiam præbet, sed Christi: nec suum meritum & gratiam Deo repræsentat, sed Christi, nec suum offert sanguinem, sed Christi. Quemadmodum autem, si ignem faceret, & ad comburendum adjungeret, ignis effectum induceret; sic cum sanguinem Christi in altari conficiat, eundemque sua oblatione applicet, sanguinis Christi efficientiam affert. Quo fit, ut, nec sacrificii huius effectus aut a bono ministro major sit, aut a malo minor, nec sacerdos iniquas effectum huius impediatur sacrificii, quemadmodum Innocentius libro 3. de sacro altar. mysterio, c. 5. testatur. Non est autem dogma hoc

nuper inventum: nam auctorum etiam veterum libris pervulgatum est. Id Gregorius tradit 1. q. 1. c. Multi. Augustinus de consecr. dist. secunda c. Utrum. Hieronymus adversus Iulic. Chrysostomus homilia 2. in secundam ad Timoth. epistola, cujus verba libuit subscribere. Sacra, inquit, oblatio, siue Petrus, siue Paulus, siue cuiusvis meriti sacerdos offerat, eadem est, quam dedit Christus ipse discipulis, quamque sacerdotes modo conficiunt. Nihil habet ista, quam illa, minus. Cur id? Quia non hæc sanctificant homines, sed Christus, qui ante sacrificaverat. Qui autem hæc illa minus habere putat, ignorat Christum esse, qui nunc etiam adest atque operatur. Hæcenus ille. Quam rem exemplo philosophiæ aptius exponemus. Docent sane Philosophi, causas administras non eodem modo esse omnes. Quædam enim non agunt, nisi qualitatem similem a principali causa receperint. Ut aer non illuminat oculos, nisi sol lumen cum eo communicaverit: aqua non calefacit, nisi prius ab igni calorem habuerit. In quo genere eo effectus vel major, vel minor est, quo forma & virtus agendi magis vel minus fuerit adjuvanti causæ communicata. Quæ etiam forma & virtute si caverit, nihil penitus ager, ut aer sine lumine, sine calore aqua, &c. Aliæ sunt causæ adjutrices, quæ vim principalium causarum applicant, ut is, qui admovent ignem ad stipulam vel lignum. In quo genere actionis non facit diversos effectus diversa applicantium qualitas, modo ignis idem applicetur. Ministri autem & sacramenti, & sacrificii Christiani, sunt causæ secundi generis. Non enim per sanctitatem participatam reliquos ipsi sanctificant, nec mundant alios, quia prius a Christo ipsi mundati sunt. Sed qualescunque sint, si Christi aut sacramentum exhibent, aut præbent sacrificium, eundem Christi sanguinem, & merita adiungunt.

Irenæus vero primum non de solo altaris sacrificio loquitur, sed de cæteris quoque oblationibus, quæ figuratè sacrificia dicuntur. Id quod facile apparet, quoniam Pauli testimonium ad Philippenses excitat, ubi de elemosynis sermo fit. Illud etiam reiert, Reipexit Deus ad Abel, & ad munera ejus; & item illud: Si offers Irenæus tuum ad altare, &c. Deinde Irenæus

scr-

sermonem aperte facit de sacrificio in ordine ad offerentem. At ne hostia quidem altaris cum, qui offert, purificat, si ipse nequam & impurus est. Quin magis ex oblatione sacrilega inquinatur. Unde & ait, quod si quis timorem Dei non habeat, nequaquam per id quod recte foris oblatum est sacrificium, ad se ducit Deum, intus habens peccatum. Nec oblatio talis, inquit, proderit ei aliquid. Præterea, sacrificium altaris non solum administrari est, sed ecclesie totius. Ita licet sacerdoti malo offerenti non prosit, sed noceat: at ei, pro quo offertur, utile est non sacerdos merito, sed ecclesie. Quam rem exposuit Irenæus eo etiam capite in hæc verba: Quia igitur cum simplicitate ecclesia offert, iuste munus ejus purum sacrificium deputatum est. Cum vero in ecclesia Dei caput etiam includatur, quod est Christus, consequens fit, non oportere, ut sanctitas sacerdotis administrantis sanctificet sacrificium, quod & per se sanctum est, & ab impolluto sacerdote oblatum. Idem quippe est & sacerdos, & sacrificium Christus Jesus. Cum ergo argumentum illud, quod istis similitudinibus & gravissimum videbatur, re positis omni luce clarioribus ego refellerem, qualia obicere erunt argumenta reliqua? in quibus ad probandum vis nulla est, ad contradicendum est propecto imbecilla.

Respon.
ad 9.

Videlicet argumentum nonum minimo negotio reutabitur. In remissione enim peccati duo intelliguntur, & condonatio culpæ, & reolutio pœnæ. Atque illa quidem vel per propriam fidem & charitatem contingit hominibus, vel per fidei sacramentum: hæc vero per fidem etiam & charitatem alienam. Ecclesie nempe societas fratrum fidelium pœnas communes per amicitiam facit: quam rem probare, alterius loci ac temporis est. Multo vero magis hanc pœnæ relaxationem vir justus a Christi passione participat: Christi autem passio per sacrificium altaris non solum commemoratur, sed communicatur etiam. Sacerdotis igitur oblatio ei, pro quo fit, bis conducit ad relaxandam pœnam, & quia sacerdotis ipsius opus meritum est, quod ille ad solvendam pœnam proximo suo benigne ac liberaliter impartitur; & quia ecclesie atque adeo Christi sacrificium est: quem effectum sacrificio ex

opere operato attribuimus: nam priorem illum habet ex opere operantis. Quare si sacerdos probus est, & suam operam & satisfactionem vult fratri indigenti dare, dupliciter, ut modo dicebam, illius commodis & utilitati servit: sin est improbus, ima est utilitas sacrificii, quæ ab ecclesia & Christo offerente proficiscitur, quam omnino minister sacrilegus non intercipit. Sicut ne eleemosynæ quidem fructum domino adimit servus, qui eam distribuit destitabilis.

In hujus autem confirmatione argumenti vis sacrificii in peccato remittendo queritur, culpæne remittat, an pœnas; an utraque potius, & culpæ & pœnas. De qua retres video sententias ferri, quarum nullam probō. Unam, ut oblatio sacra culpæ etiam mortales remittere possit, atque adeo gratiam conferre: Alteram, quæ in remissione peccati nullam vim sacrificio, tribuit, nisi ad impetrandum: quomodo eleemosyna ab omni peccato, & a morte liberat, quia orationis loco apud Deum est, per quam ea bona impetramus. Id quod Ecclesiasticus exponit, inquit: Conclude eleemosynam in sinu pauperis, & hæc pro te exorabit ab omni malo. Nec ideo tamen sacrificium propitiatorium esse negant. Quoniam & is, qui veniam alteri impetrat, illum propitium reddidisse dicitur, quem suis precibus placavit. Per hanc igitur viam & rationem hoc sacrificium non pœnas solum ajunt, sed culpæ etiam omnes veniales mortalesque remittere. Tertia sententia est, quæ sacrificium ex opere operato in pœnas valere dicat, in culpæ nullo modo. Satisfactionem itaque in altaris hostia esse & exolutionem pœnæ, non expiationem & remissionem culpæ. Ad hunc enim effectum sacramenta parata esse, ad illum vero esse institutum sacrificium.

Sane qui primam illam opinionem induerunt, hi eidem argumentis utuntur, quæ nos attingimus, quod Alexander & Julius tradunt, crimina omnia hoc sacrificio deleri: Athanasius, Cyprianus, & Damascenus affirmant omnes fordes expiari: Chrysostomus & Theophylactus non obscure docent, esse remissionem peccatorum. Quod si ex verbis illis, Quorum remiseritis peccata, &c. colligunt Theologi, multos posse & culpæ omnes

remittere, & gratiam ex opere operato conferre: cur nos aliter eadem verba de sacrificio interpretemur? Præsertim cum peccata proprie vocentur culpe: reatus vero pœne non nisi per tropum, quo effectus significatur nomine causæ. Atqui confluere ad tropos Theologo non licet, quando nihil absurdi est in proprio sermone.

Rursum sancti Patres docuere, sacrificium hoc crimina ablueri, sordemque detergere. Qui autem abluit, & detergit sordes, is maculam tollit: non ergo solas pœnas hæc hostia resolvit, sed culpas quoque, in quibus maculam intelligimus. Remissa enim culpa, manet pœna, non macula. Adde, quod sanguis Christi mystice hic funditur in remissionem peccatorum, quemadmodum nos ipsa forma consecrationis insinuat: at sanguis Christi pro culpis etiam effusus est, non pro pœnis tantum. Utriusque ergo hoc sacrificium solvit. Postremo, cum idem Christus Patri offeratur in altari, qui se Patri offert in cælo, sicut oblatio, quam sancta sanctorum ingressus Patri exhibet, mortales etiam culpas remittit: ita & ea, quæ in altari sit, culpas remittet, & pœnas.

Nec secunda opinio præsidii suis destituta est. Quoniam post oblatum sacrificium pro peccato, ut fideles intelligerent vim orationis in hostia ad illud delendum esse, ecclesia his verbis deprecatur: Sit hoc sacrificium intercessio salutaris ad veniam, sit ablutio scelerum, sit fortitudo fragilium, sit contra mundi pericula firmamentum, sit remissio omnium peccatorum. Atque Divus Thomas in 4. distinctione duodecima, questione secunda, articulo secundo, questione secunda, cum in primo argumento objecisset illud, Sit ablutio scelerum, &c. respondit, huiusmodi locutiones esse improprias. Dicitur enim hoc sacramentum scelera ablueri, quia ipsa impedit, contra ipsa robur ministrando. Et ad quartum, Eucharistia, ait, in quantum est sacrificium, habet effectum in illis, pro quibus offertur, in quibus non præexistit vitam spirituales in actu: & ideo si eos dispositos inveniat, eis gratiam obtinet virtute veri sacrificii, a quo omnis gratia in nos influxit: & per consequens peccata mortalia in eis delet, non sicut causa proxima, sed in quantum gratiam contritionis eis impetrat. Hæc

ius Divus Thomas:

Tertia demum opinio (si opiniones tamen istas habeo dicere, quas video cum communis Catholicorum sensu pugare) quoniam in hostiæ huius efficaciam peccata mortalia nescit a venialibus secernere, ne utraque concedat per sacrificium remitti, ad pœnas utrorumque necessario confugiendum putat, quæ est his potissima ratio ita sentiendi.

Harum trium sententiarum, ut dixi, nulli prorsus assentior. Nec enim illa prima vera est, nisi omnes Theologi fallantur, qui uno ore, animoque dissentiant. Nam si culpe mortales per sacrificium solverentur, penitentis sacramentum non esset ad salutem necessarium. Ubi enim sacerdos ea semel oblato sacrificio deleisset, non esset opus eisdem iterum culpas alio remedio extinguere. Neque Deus, qui non abundat in superfluis, duo externa signa proxime ad eundem effectum institueret. Constat autem, penitentis sacramentum ad remittendas culpas fuisse institutum. Quod si sacrificium altaris ex se quoque peccata aboleret, duobus externis signis indiscriminatim ad culpæ remissionem abuteremur. Hanc cum adeo facile sacrificium exhiberet, penitentis disciplina penitus eluderetur, quoniam sacrificium offerre, remedium est cuique vel promptissimum. Quid quod culpas mortales sine confessione sacerdotes remitterent, oblati videret sacrificiis. Id si fieri a sacerdote potest, frustra confessionis præceptum ecclesia urget. Siquidem sacerdotes & sine cognitione causæ, & sine confessione peccantium, culpas universas per sacrificium solverent. Ita post baptismum susceptum aliqua superesset hostia pro peccatis. Id quod retro diximus antiquis omnibus expositioribus repugnare: novos enim fortasse isti contemnent.

Ex quo Ambrosii Catharini deliratio patet, peccata ante baptismum admissa per crucis sacrificium remitti, post baptismum vero omnia per sacrificium altaris. Hostiam quippe crucis generalem causam esse remissionis peccatorum, sive ante baptismum, sive postea commissa sint; tum ad Romanos, & Hebræos tradit Apostolus, tum etiam nos manifestissime probamus, nisi stultum esset commenta improbabilia refellere. Illa potius refellenda

lenda sunt, quæ isti contra asserabant. Alexander, Julius, Athanasius, &c. sacrificium ajunt delere crimina, peccataque remittere. Hoc tribus modis refutamus. Primum diximus, nec ita multo ante, cum pœnæ pro culpis debita delentur, solvuntur, remittuntur, tunc crimina deleri, solvi, remitti. Quo sensu ecclesia per indulgentias concedit peccatorum omnium plenissimam veniam, id est, pœnarum omnium, quas peccando contraximus. Nec refert multum, an improprie & figurate illa sint dicta, an sine figura proprie, quia scilicet non est plene remissa culpa, quamdiu peccator reus est solvendæ pœnæ.

Deinde cum ad perfectionem sacrificii pertineat sumpcio, quemadmodum superius ostendimus (nisi enim consummeretur, non exultabant veteres consummarum & perfectum esse sacrificium) nihil mirum est, si corpus & sanguis Christi, quoniam graviam conferunt, dum sumuntur, culpas omnes ex consequenti remittant: nempe is effectus gratiæ proprius & conjunctus est. Atque hoc ecclesia videtur significare, cum ait: Sumpta sacramenta, quasumus Domine, omnia crimina nostra detergant. Quibus verbis intelligi voluit, sacrificium, si culpam spectes, non quia offertur, delere crimen, sed quia sumitur. Eadem enim hac ratione & sacramentum est, & perfectio sacrificii. Postremo Divus Thomas in quartum Sententiarum, ut modo citatum est, respondit, sermones illos ad eam formam esse redigendos, quæ hæc, quæ oratione impetrantur, dicitur oratio facere. In quem sensum dictum est: Vitam præsta puram, Solve vincla reis, &c. Quo Moyſes etiam spectasse videtur, cum præscriptis singulis hostiis pro peccato subiungit: Et orabit pro eo sacerdos, & dimittetur.

At vero ridiculum est, si verba illa, Quorum remiseritis peccata, &c. simpliciter ad culpas pœnasque referimus, omnia similia, utcumque, ubicunque, & a quocunque dicantur, ad eundem quoque modum interpretari. Aliud est, mihi crede, judices constituere, qui de peccatis sententiam ferant; qui retinendi ac solvendi habeant potestatem; qui pro culparum vel levitate vel gravitate severiorem, mitioremve pœnam iungant: aliud post gratiam initam & sacramentum reconcilia-

tionis acceptum, altaris Domini participem fieri. Quod si post remissam culpam nulla profus maneret pœna, nec post mortales condonatas, veniales admitterentur, nihil esset opus, post institutum pœnitentiæ sacramentum hostiam propitiationis habere. At hæc etiam in re præcipue nobis indulsit Christus, qui non solum pœnitentiam dedit ad reparandam resarciendamque amissam gratiam, sed sacramentum Eucharistiæ, idemque altaris sacrificium reliquit, quo gratiam factam testam haberemus. Hoc enim sacrificio non modo pro conciliata amicitia par pari referimus, verum etiam subratum iudicem, & pœnam temporalem pro admittenda ac remissa culpa minantem propitium reddimus: Hoc sacrificio detergimus pedes, & quod Apostolis aqua in pelvim missa contulit, id ac multo etiam magis pœnitentibus tribuit sanguis nussus in calicem: Hoc denique oblato sacrificio disponimur, abluimur, preparamur, ut ad mensam dominicam puriter, nedum amice, valeamus accedere, epulisque accumbere divum. Ordo igitur rerum sacramentorumque natura poscit, ne remissionem peccatorum eodem modo in pœnitentiæ sacramento, & in altaris hostia interpretemur. Nec ad tropos hic fugimus. Explicatum est namque, resolutionem pœnæ ad remissionem integram peccati attinere, nec esse plene remissam culpam, pro qua manet solvenda pœna. Ac si sanctorum dicta hoc sane loco ad tropum descenderemus, nec sine necessaria causa, nec sine pervulgata ejus vocis usurpatione id faceremus.

At ablutio criminum sine aqua gratiæ non est, nec, nisi maculam habeat, quicquam aut tergitur aut abluitur. Ego, Lector, nolo abluitionis & maculæ metaphoras ad vivum refecare, quemadmodum ii, qui ista subtilius inquirunt, fortasse vere, sed ad communem utilitatem parum. Nam si scripturæ ac veterum testimonia semper ad illam normam velimus exigere, invenimus, ea quandoque a veritate discrepare. Id quod uno solum exemplo manifestum faciam, quoniam mihi ipsi jam hujus disputationis longitudo molesta est. Davidi ad peccati confessionem culpam esse remissam, nemo vocare in dubium potest, nisi qui ea, quæ paulo ante scripsimus, aut non legerit, aut nunquam secum reputaverit. Dixi, ait, confre-

bor adversum me injustitiam meam Domino, &c. Sed quod remissa culpa nondum fuisset plenam munditiam consecutus, is ipse testatur, inquit: Amplius lava me ab iniquitate mea, & a peccato meo munda me. Item, Asperges me, &c. Qui, amplius, dicit, hic locum se esse procul dubio sentit, sed non plene atque perfecte. Macula igitur aliqua relicta erat, sordes aliquæ permanebant, quæ non fuerant penitus priore ablutione deterfæ. In hunc ergo modum dixere veteres, sacrificium abluere crimen, sordesque purgare, quamvis scirent, per penitentiam ante & remissam culpam, & gratiam justificationis acceptam. Præter itaque resolutionem, quoniam purgatio & medicamentum animæ est poena omnis, abluionem deterfitionemque appellarunt veteres, vel certe fenserunt, per gratiam imperfectam non plene sanari, ablui, mundari eor humanum, quoniam habitus vitiorum inhaerentes, & inclinationes quasdam ad bonum commutabile ex peccato trahimus: quæ omnino res, cum non statim per quamlibet contritionem evanescant, tum exploratum est, quasi sordes anniui & morbos esse. Beneque igitur fecit Dominus in voluntate sua Sion, cum post sacrificium cordis humiliati atque contriti, quo deletur culpa, alterum acceptat sacrificium iustitiæ, quo resolvitur poena. Utroque purgantur sordes, utroque abluimur, & mundamur, sed non eodem modo tamen. Multæ enim varietate purificationes a rebus diversis existunt, quas si similes omnes esse velis, stultum te esse fateare. Nam peccati maculam omnino totam, ita ut ne vestigium maneat quidem, per quamvis gratiæ abluionem penitus elui, nec ratio admittit, nec auctoritas.

Sed sanguis Christi offertur, & mystice funditur in remissionem omnium peccatorum. Mihi profecto sæpissime de ea re cogitanti maxime illud considerandum videri solet, quod in superioribus enijusdam argumenti reiteratione breviter admonui, sanguinem Christi in omnibus quidem sacramentis operari, sed in singulis suum cuique proprium effectum edere, juxta cuiusque peculiarem & significationem & naturam. Quemadmodum causa universalis prima non totam vim in singulis adiuvantibus causis effundit, sed ad illarum omnino vires vel perfectas vel imper-

fectas se attemperat, & varios quasi partus procreat perfectione & imperfectione differentes. Sic Christi sanguis per se quidem & in baptismo & in penitentia remissionem peccatorum facit, sed non similiter tamen. Nam in baptismo, quoniam regeneratio est, totam perfecte culpam penamque resolvit in penitentia vero, quoniam est iudicium, & satisfactionem habet adiunctam, culpam resolvit, penam non plene, donec satisfactio fuerit expleta. Atque in reliquis sacramentis omnibus remissio quidem peccatorum est, sed quodam modo & quasi per accidens. Quia nimirum non sunt per se aut confirmatio, aut eucharistia, aut ordo, aut matrimonium, ad remittendum peccatum instituta: sed proprias tamen operationes habere nequeunt sine gratia, quæ si peccata in anima reperiat, ea depellit, ut contraria. Sacrificium altaris invenio, cum ad veritatem cœpi revocare rationem, quia per se propitiatorium est, ex se quoque ad remissionem peccati institutum.

Verum cum species habeat panis & vini, idemque & altare hic & mensa sit; ratio ipsa rerum & ordo naturæ postulat, ut hujus altaris effectus in illis existat, qui mensæ hujus participes esse possunt, nempe sacramento reconciliationis accepto, ante quam ad amicorum convivium accedere absurdum est. In his autem culpa mortalis remissa est. Quare sanguis Christi in speciebus panis & vini per se quidem remissionem poenæ & culparum venialium tribuit: interdum tamen, quamvis per accidens, tributum etiam mortalium, non quia offertur, sed quia sumitur. Tunc enim, ut sæpe dixi, consummatur sacrificium. Quod quum forte invenit hominem in peccato mortali, ignorato tamen, gratiam confert, illumque justificat, si Divi Thomæ auctori credimus.

Quamobrem tamen Christi sanguis offertur, & mystice funditur in remissionem peccatorum (ut jam argumentis respondeamus) ex significatione tamen specierum panis & vini, tanquam ex eam instrumentali & adjunctive desinitur, ut eam remissionem efficiat, cujus participes sunt ii, qui non indigne ad altare Domini accedunt, id est, qui nullius culpæ mortalis sibi sunt consci, quam non prius per penitentiam eluerint. De effectu sacrificii ex opere

re operato sermo fletum quasi orationis loco ad impetrandam gratiam scio pro mortali posse etiam offerri. Nec tamen effectum semper habere necesse est, & quasi lege edita poenitentiam peccatori, atque adeo veniam impetrare, tamen oratio est hac Deo gratiosa vel maxime. Sed obijcis: Exauditus est Filius semper pro suareverentia; & hoc sacrificium semper offert Patri Filius: semper enim ergo effectum habet. Nec enim oratio filii frustra & vane fundi potest. Cui argumento respondeo. Quas Christus per se ipse fundit preces, eas omni & tempore & loco exaudit Pater: at quas ille offert per homines, non semper exaudit. Sicut causa prima, quos effectus per se sine adjuvante alia voluit edere, in his nihil frustra egit aliquando. At cum per secundas causas operatur, frustra quandoque agere dicitur, hoc est, quandoque finis evanescit non a principia causa, sed omnino ab adjuvante. Ad eundem quoque modum, si Christus in cælo hoc sacrificium offert, ut vere offert, non ad omnem effectum sanguinis instituit: offerre, sed ad effectum sub certis speciebus & figuris definitum. Prima igitur sententia sic nobis refutata sit.

Qui vero solum vim impetrandi in altaris hostia ponunt, hi in poenis peccatorum primum errant. Quas sacrificio sanguinis Christi tanquam pretio exhibito redimi, quoniam res nota erat, perstrinximus breviter paulo ante. Si enim elemosynis peccatorum poenæ redimuntur, cur negemus, Christi sanguine oblato in altari redimi? Equis autem ferat, sacrificiis veteris legis poenæ resolvī, sacrificio novæ legis non resolvī? An vilior est Deo sanguis Christi, quam sanguis hirci? Sed quemadmodum in sacramentis non modo quia actio nostra meritoria est, satisfactionem habet adjunctam pro poena culpe debita; verum etiam ex eo, quod per talia signa proprie nobis sanguis Christi applicatur, & ipsius sanguinis, & major gratia confertur, & major pars poenæ remittitur: sic in sacrificio altaris non solum quia oblato nostra meritum habet, sed quia per ejusmodi externum signum passionis Christi commemoratio atque adeo applicatio fit, ex opere operato, id est, virtute sanguinis ipsius cum ulteriores poenæ remissio & essentia contingit, & his etiam, pro quibus offertur. De vivis intelligo: nam in de-

functis non subest causa eadem. Ad hos quippe sicut merita Christi per indulgentias, non nisi ad modum suffragii perveniunt; ita forsitan nec sacrificii vis, nisi orationis & suffragii locum habet. At vivis per viam redemptionis & pretii potest, quod lege iustitiae acceptandum est, perinde ut si quanta pecunia debetur, tanta etiam exolvatur.

Errant deinde isti in culpis venialibus, quas hoc omnino sacrificio delecti, testes sunt & scholæ Theologi, & veteres etiam sancti. Nec enim munere ecclesiæ consensione venialia per sacrificium altaris, quam per aquam benedictam, per orationem dominicam, aut similia hujusmodi religionis opera remittuntur. Estque argumentum in promptu certissimum, quod ex vi formæ, qua consecratur sanguis, specierumque panis & vini retro collegimus, peccata amicorum, qui videbunt ad mensam dominicam haud indigne accedunt, per hoc sacrificium resolvī. Illa autem levia sunt & venialia, quæ in amicis etiam inveniri queunt. Ut aperte Christi erga nos providentiam & benignitatem intelligas, qui gravioribus morbis graviores poenitentiae curationem adhibuit, leviores autem faciliore sacrificii medicamento curavit. Sed hæc hæc haftenus. Isti, atque etiam qui tertiam sententiam secuti sunt, videant, quomodo tueri causam suam possint, cum non solum poenæ, sed veniales etiam culpas per altaris hostiam remitti, ratio & veritas ipsa convincat. Ac de argumenti noni confirmatione, veteror neminum multa dixerimus.

Decimum vero argumentum questionem perobscuram habet de valore sacrificii ubi quibusdam Theologis, quos video doctilimos habitos in schola, placuisse intelligo mirabilia quædam: sed nihil est tam improbabile, quam argumentando probabile quandoque appareat: his præsertim, qui de facierum iudicant, & arguis suis fumos Theologiæ persequuntur. Homini de valore missæ sententias resellere longum & molestum erit. Meam itaque breviter exponam, quantum videlicet satis erit, ut argumento huic respondeatur. Primum ergo vocari in dubium non debet, quin valor missæ ratione quadantenus infinitus sit, hoc est, ad sufficientiam, non ad efficientiam. Nam sicut Dei virtus & potentia sufficiens est quidem,

De cons. d.
h. c. l. i. a.
ter. & c. l. i.
trum.

Respon.
ad 10.

ut infinitum effectum edat, quoniam infinita ipsa est; sed semper tamen edit finitum, quia infinitum capere res creata non potest: sic Christi sanguis, ubicunque reperitur, sive in cruce, sive in altari, infiniti pretii est, quia idoneus, ut pro infinitis, si essent, hominibus satisfaceret: sed quoniam sunt finiti semper, effectus semper finitus est, quamvis pretium sanguinis nullo fine circumscriptus sit. Ac de hostia crucis quidem nulla hodie nobis controversia est: hostiam vero altaris infiniti valoris esse, duobus argumentis explorare percepimus est, & cognitum. Unum illud est, quod refutare modo nitimur. In ea enim parte, qua docet sacrificium infinitum esse, quia sanguinem Deo infiniti pretii exhibet, difficile factum est, efficacitatem illius argumentationis non probare.

Alterum argumentum est, quod si valor missae finitus esset, minus satisfaceret pro pena debita decem homines, qui offerrent sacrificium, quam si duo tantummodo offerrent. Si enim rem quancunque finitam decem hominibus partiatis, non tanta portio obveniet singulis, quanta duobus conungeret, si inter duos solum divideretur. Ita si decem audirent missam, valor distributus in plures, minor in quocunque illorum existeret, quam si duo tantum sacrificio interessent. Item, quo plures ministri vel in altari, vel in choro sacrificio solenni intervenerent, eo minore hostiae partem acciperent. Quare qui post me vel auditor, vel adiutor ad missam accederet, is fructus mihi, & satisfactionis partem adimeret. Quae proinde omnia absurda sunt. Quibus rebus efficitur, ut si duo fideles sacerdoti stipem, & elemosynam conferant, qui pro illis hostiam praebat, non sit prior minore ex Christi sanguine utilitatem percepturus, quam si posterior nullus omnino exstiteret. Quicquidmodum si iuxta crucem quis una cum Christo Patri offerret sanguinem illum, nihil consequeretur minus, si solus, quam si infiniti tunc simul adessent, qui idem cum Filio sacrificium exhiberent. Eadem quippe hostia in cruce atque in altari est: tametsi ibi patens, hic in mysterio abscondita. Nec sacerdos tamen laboris sui mercedem quamlibet accipere a multis pro missa una potest, sed quae satis erit, ut de altari ad libere-

tatem comedat. Non enim sanguinis Christi tractum, meritumque vendit, sed operas suas, ministeriumque locat. Quocirca nihil omnino plus a pluribus vendicare potest, ac si minor esset utilitas in pluribus, quam in uno. Omnis autem opinio in hoc consentiat necesse est, sacerdotem sive pro paucis, sive pro multis celebret, cibum vitae necessarium expetere suo jure posse. Quem si unus non dederit, nulli facit injuriam, si expetierit a pluribus. Quin injurius es tu, si cogas sacerdotem, ut solum pro te ille hostiam praebat, nisi tu illi praebas cibum. Qui quantum, qualique sit homini necessarius, prudentia magis, quam theologia judicat. Uno in tempore, & loco non satis erit argenteus nummus, alio forsitan plus nimio erit.

Sane quod de utilitate sacrificii diximus, recte Cajetanus admonuit, hoc ad eos tantum, qui offerunt, referendum esse. Nam qui non offerunt, ii non aequalem partem accipiunt, si pro pluribus, ac si pro uno duntaxat offerretur. Ut si sacerdos sua sponte a nemine amicos invitatus, pro illis absentibus sacrificet, dico, non tantum valere multis, quantum valerit uni, si pro uno illorum singulariter sacrificaretur. Ad satisfactionem loquor: ad impetrationem namque nulla vis minor in sacrificio est, quod pro multis offerretur, quam in eo, quod pro uno solo. Quae omnino res cunctis orationibus communis est, quibus nihil detrimenti ad impetrandum est, quod pro pluribus effunduntur. At adjutores, auditoresque missarum, ii etiam, qui sacerdoti alimenta ministrant, vel quoquo modo sacrificio intersunt, re vera offerunt sacrificium, ideoque pro sua devotione quisque partem capit hostiae illius. Certe quo causa adjunctrix sacrificii principali causae conjunctior est, eo magis pro pena satisfaciit: ut sacerdos plus quam diaconus, diaconus plus quam subdiaconus, subdiaconus plus quam acolytus, acolytus plus quam auditor: hominum autem utrinque excellit is, qui sacerdoti stipendium vitae necessarium dedit. Atque hi etiam, quo devotius, ac religiosius suo quisque munere fungentur, eo magis satisfaciunt. Tanta vero devotio, & religio in offerendo sacrificium esse poterit, ut una oblatione tota pena debita resolvatur. Nec enim si sacrificium infiniti valoris est, id-

circo tota semper poena redamitur. Quoniam infinitum est in genere causæ universalis, quam infinitam licet causæ adjuvantes ad finitos effectus determinare solent, tanto vel majores, vel minores, quanto vis adjuvantium causarum vel major vel minor est. Id quod in prima rerum naturalium causa certimus, quæ tametsi infinitæ virtutis ipsa est, per causas secundas finitos effectus edit tantos, & tales, quantos, & quales causarum adjuvantium vis, & natura poscit. Nec sacerdos sacrificio imponit limites ex merito, & sanctitate, sed ex intentione, & applicatione sua, quæ huic aut illi, pro quo offert, sacrificii virtutem applicat. Sane quemadmodum parvulis baptizatis per ministri intentionem Christi sanguis applicatur, certusque gradus gratiæ confertur, non quem ad ministri sanctitas præstavit, sed quem præstare voluit Christus (nam quotus gradus ille sit, mortalibus ignotum est) Sic his, pro quibus sacrificium offertur, si simul idem non offerunt, certus gradus poenæ remittitur, quem nos ignoramus, Christus sua voluntate præstituit. Sed ut adulti eo majorem a baptismo gratiam percipiunt quo religiosius & devotius percipiunt baptismum: ita a sacrificio majorem utilitatem capiet is, qui sacrificium sanctius & ferventius offeret. Parvulis porro ablutio peculiaris ministri vim crucis ad certum gradum gratiæ definit, quem æqualem in omnibus illis esse credimus, quod æqualis in omnibus dispositio est: adultis vero, quoniam non est eadem dispositio, sed alia cuique atque alia, non idem gratiæ gradus, sed alius alii confertur. Quo modo vim sacrificii universalem & infinitam sacerdotis singularis oblatio determinat, vel ad certam & æqualem remissionem poenæ in his, qui eodem modo se habent ad sacrificium, vel etiam ad inæqualem in iis, qui cum causæ adjuvantes sint sacrificii, aliter atque aliter afficiuntur, hoc est, bene, melius, optime.

Quod si Christi sanguis tam proprie noster esset, quam suus cuiusque proprius est, sine dubio Christi sanguine oblato, tota poena, quamvis infinita, solveretur. At, sicuti diximus, noster est Christi sanguis eo modo, quo lux solis nostra est, nempe ut causa universalis, cujus vis major, minorve

recipitur pro eo ut subiectum magis, minusve disponitur, pro eoque ut causæ adjuvantes majus, minusve opis ferunt ad effectum. Atque post hæc in refutando argumento decimo otiosum erit verba plura prodigere.

Undecimum quoque argumentum respondendum magis erat, quam refutandum. Sed ridicula missa: præsertim cum in tanta hominum cecitate, & miseria nihil est, quod rideamus. Prior ergo ejus argumenti particula facillime eliditur. Nulla enim repugnantia est, quin convenit maxime, ut quæ re Deo gratiam referimus benefico, eam rem offeramus irato. Eisdem quippe muneribus bove, ovc, agno, veteres patres, & gratiam Deo referabant, & illum placare curabant. Quem in modum nos corpus & sanguinem Christi, divino nobis dono concessa munera, Deo & propitiatorie reddimus, & eucharistice. Nam quod purant, sacrificiorum species confundi, si idem eucharisticum, & propitiatorium sit, in eo mirifice isti falluntur. Non enim confunditur triplex animæ vis vegetandi, sentiendi, intelligendi, si in una rationali anima tres excellenter existant. Ex quo intelligitur, si veteris legis multa, eademque varia sacrificia in unum novæ legis omnia transierint, ubi contineantur & emineant, non hanc esse speciem permutationem confusam, sed Christiani sacrificii excellentiam perfectam. Deinde in moribus hoc videmus, ut diversæ virtutum ac vitiorum genera in unam actionem coeant, si huic diversi fines accedant. Idem scilicet actus est furtum & sacrilegium, idem misericordia & religio. Nihil igitur vetat, quin eadem hostia ad diversos relata fines, & propitiatoria sit, & eucharistica. Deum sane nos in remissione etiam peccati & misericordem & iustum agnoscimus, ut & gratis remittat peccata, & pretio remittat tamen. Iustificati, ait, gratis per redemptionem, quæ est in Christo Jesu. Est rursum: Empti estis pretio magno. Donavit autem Christus nobis pretium hoc, gratiæ donavit, ut debita nostra solvamus. Quamobrem tum filio, tum patri ingentes gratias agimus: imo, ut aliquando diximus, par pari referimus. Quia vero pretium istud acceptum licet, sed nostrum est tamen; vere hoc exhibito peccata nostra redimimus, Deumque

Respon.
ad 11.

Rom. 1.

1. Cor. 6.

1.4. cap. 34.

umque suis beneficiis placamus. Quam rem Irenæus in hæc verba prosequitur: Qui nullius est indigens Deus, in te assumit bonas operationes nostras ad hoc, ut præstet nobis retributionem bonorum suorum, sicut Dominus ait: Venite benedicti, &c. Ita & verbum dedit populo facientiarum oblationum, quamvis non indigeret eis: Ita & nos offerre vult munus ad altare. Hæc Irenæus. Et Celestinus hujus nominis primus eleganter exclamat: O misericordiam Dei, qui nostra vis esse merita, quæ tua sunt dona: & pro his, quæ liberaliter largitus es, æterna præmia es daturus. Quæ causa Christo Domino fuit, ut in initio statim cœnæ gratias egerit, accipiens panem & vinum, ut distribueret discipulis. Accipiebat ergo ipse, qui dabat, & ideo gratias agebat. Quo modo nos & gratias agimus Deo pro accepto munere, & damus acceptum pro redemptione animarum nostrarum. Quæ omnia fere in argumento 1. pro prima conclusione, & in argum. 3. pro 2. conclusione, & in responsione ad 5. argum. explicata sunt. Nam & posterior hujus undecimi argumenti particula in responsione ad 3. satis confutata est. Cur autem Eucharistia sacrificium sit, cætera sacramenta non sint, non est illa causa, quam isti reddunt; sed quia in Eucharistia corpus & sanguis Christi vere manent, in cæteris sacramentis non manent. Unde cum tam pretiosa munera in Eucharistia habeamus, offerre ea Deo & possumus jure, & debemus. Sine oblatione autem sacrificium non est. In Eucharistia quoque oblatione mystice Christus & incruente immolatur, ideoque ibi hostia est, in aliis sacramentis non est. Proprie dico: nam per translationem baptizmus quandoque hostia dicitur. Abeant ergo cæci & indocti Lutherani, quos in uno hoc exemplo patefecimus disciplinarum omnium ignaros esse, Theologix, Philosophix, Dialecticæ, Grammaticæ. Nec enim rem tantummodo, sed sacrificii etiam nomen ignorant.

In epist. a. mine. Gal. parum. & p. cap. 1.

Idem habet Aug. lib. de eccles. dog. cap. 11.

CAPUT XIII.

Exemplum secundum, ubi Theologia conclusio in quaestione nem vertitur.

Quæstio de visione Animæ Christi.

Quamquam in singulis præcedentibus libris Lutheranos nos malicia coegit, de uno aliquo Theologiæ principio disserere, atque adeo quaestionum, quæ præter naturæ ac disciplinæ ordinem in controversiam veniunt, multa exempla ponere; sed capite superiore tam in eo pugna genere stylium diligentius exercuimus, & quasi ad spectaculum liberiore disputatione lusimus. Tamen non ludicrum hoc, sed verum certamen fuit, quod spectante orbe in Tridentino Concilio certavimus. Ubi Patribus magnum lumen accendimus, tenebras adversariorum dissipavimus, Theologi visi sumus, audacius vero fecimus, quam scholæ auctores cæteri. Illi enim jejune solent, nullis ornamentis oratoris adhibitis, hæreticorum sensa, rationesque referre: nos autem illa ipsa hæreticorum argumenta ita amplificavimus, auximus, ornavimus, ut & quæ arma inimici habent, aculeis videamus, & quæ non habent, suppeditasse. Sed, quod alias sæpe dixi, veritas mendacium superat, miris licet modis instructum & ornatum. Verum ne plus iusto volumen excrescat, non ad eum morem reliqua copiose exempla persequemur: sed anguste, & contracte disputabimus, atque utriusque partis argumenta non omnia, sed præcipua breviter perstringemus.

Agedum ergo illa sit nobis secunda quaestio, an Christi anima statim ab initio creationis suæ Deum clare viderit? Sunt enim in utramque partem argumenta adeo probabilia, ut neutra firme stabilita videatur. Bucerus porro negat, Christi animam fuisse a principio perfectam, Erasmus in dubium vocat. Theologi vix ostendunt. Qui vero insistantur, ii hujusmodi argumentis uti possunt. Primum, in Christo fuit fides: sicut scriptum est: Erit fides cinctorum renem ejus. Non ergo mens ejus videbat Deum, quoniam fides argumentum est non apparetium.

1. Arg. 11. 11.

Heb. 11.

Ecce 2 De-

2. Arg.

Psal. 31.

Rom. 8.

3. Arg.

Matth. 14.

4. Arg.

Luc. 2.

5. Arg.

Joan. 3.

Marc. 11.

6. Arg.

Isa. 57.

Psal. 16.

Psal. 44.

Psal. 37.

Apoc. 9.

Isa. 61.

Deinde, Christus spem habuit, quemadmodum ipse Patri loquens ait: Spes mea ab uberibus matris mee. Quod autem videt quis, quid sperat? Præterea, timuit, ut videre est apud Marcum: timor autem futuri & incerti mali est, Aristot. 2. Rhetoric. libro. Non igitur videbat clare Deum, in quo nihil ut futurum, incertumve cognoscitur.

Præterea, crevit gratia non solum apud homines, sed etiam apud Deum. Non itaque erat beatus, nec videbat Deum, quia beati crescere in gratia non queunt.

In notitia insuper & visione beata nulla regum cognitarum successio est. At Deus Christi animæ quædam demonstrabat, alia celabat postea demonstraturus, juxta illud: Pater omnia demonstrat filio, quæ ipse facit, & majora his demonstrabit ei opera. Et rursum: De die illa nemo scit, nec filius.

Præstantius item & jucundius est gloriam & honorem consequi per opera digna, quam sine ullo omnino merito. Christus ergo animæ suæ felicitatem tanquam virtutis præmium accepit. Quare non est in primo instanti visionem Dei consecutus. Meritum enim præmium antecedit, laborque mercedem. Nec fieri potest, ut simul quis & mereatur beatitudinem, & beatus sit, nisi simul sit anima & in via, & in viæ termino.

Confirmant autem argumentum hoc sacrarum literarum testimoniis plurima. Ut illud: Pro eo quod laboravit anima ejus, videbit & saturabitur. Satiabitur autem, cum apparuerit gloria Dei. Item, Dilexisti justitiam, & odisti iniquitatem, propterea unxit te Deus oleo lætitiæ præ consortibus tuis. Item, cum dixisset: Caro mea requiescit in spe; &, Non derelinques animam meam in inferno: subjicit Christus ipse: Notas mihi fecisti vias vitæ, adimplebis me lætitiâ cum vultu tuo. Non igitur ante mortem adimpleverat eum Deus lætitiâ vultus sui: qua de re ne ad faciem eundem videbat Deum. Item: Dignus est agnus, qui occisus est, accipere dignitatem, & sapientiam: non ergo ante mortem acceperat, sed meritis est eas accipere moriendo. Item: Ecce salvator tuus venit, ecce merces ejus cum eo, & opus illius coram illo. En merces,

en opus: gloriam ergo animæ committit. Nam gloria corporis, tamen merces fuit operis sui Christo, non tamen fuit simul cum eo. Item: Decebat eum, propter quem omnia, & per quem omnia, qui multos filios in gloriam adduxerat, auctorem salutis eorum per passionem consummari. Quid autem per consummationem intelligat Paulus, quamquam nomen ipsum præ se fert, in eadem epistola exponit, inquiring: Ut non sine nobis consummarentur. Finem ergo suum Christus per passionem adeptus est.

Postremo, non potest esse cum summo gaudio summa tristitia conjuncta: at qui videt Deum, is maxime gaudet: Christus vero maxime tristatur est, juxta illud: Tristis est anima mea, &c. Et iterum: Repleta est malis anima mea. Non ergo Deum videbat: nisi velis duo simul contraria in eodem subiecto existisse, eandemque animam pariter & repletam malis, & repletam lætitiâ cum vultu Dei. Hæc videlicet sunt argumenta potissima, quæ & locis Theologiæ contra veram Theologiæ conclusionem depromuntur. Nam si quæ sunt alia, vel facilia sunt, & cuique in promptu parata, vel ad ea, quæ posuimus, omnia referuntur. Sed nihil movere nos debet, ut ab scholæ decreto recedamus.

Omnes autem Theologi definiunt, Christum ab instanti conceptionis Dei essentiam vidisse. Quæ conclusio hæc sola Theologorum auctoritate probaretur, satis firma habenda esset, quin admodum lib. 8. constituimus: sed his quoque argumentis demonstratur.

Primum ex illo: Vidimus gloriam Joann. 1. ejus, gloriam quasi unigeniti a Patre. Quo loco D. Thomas adverte, gloriam animæ Christi ex personali unionem verbi & animæ esse derivatam. Id enim Evangelista non obscure significat, cum voce eadem repetita ait: Gloriam quasi unigeniti a patre: illam sane animam talem existimemus necesse est, qualem decebat eam esse, quæ esset Deo conjuncta vel maxime, nimirum undecunque perfectam, omnibusque omnino numeris absolutam. Quod qui non sentiat, hic de unionem personali Dei & hominis stultissime sentiat. Jam si anima Christi unita verbo non fuisset glorificata, fuisset profecto imperfecta. Magna quippe humanæ mentis perfectio deest, si felici-

Heb. 2.

Heb. 11.

7. Arg.

D. Th. 1. p. 2. q. 2. de qu. 1. p. 2. q. 2.

Joan. 1.

2. Cor. 13.

tas deest. Ac videre Deum per speculum in enigmate, imperfecti hominis esse, testis est Paulus in hac verba: Cum venerit, quod perfectum est, evacuabitur quod ex parte est. Cum essem parvulus, loquebar ut parvulus, sapiebam ut parvulus: quando autem factus sum vir, evacuavi, quæ erant parvuli. Videmus nunc per speculum in enigmate, tunc autem facie ad faciem. Nunc cognosco ex parte, &c. Quia igitur ab utero Christus non sapiebat ut parvulus, sed vir omnino perfectus erat, ab utero quoque Deum facie ad faciem videbat. Id quod Hieremias prædixit inquit: Novum creavit Dominus super terram: femina circumdabitur virum. Adde, quod cui communicatur esse, ei etiam communicatur propria rei operatio, quæ consequitur esse: Ut cui datur etiam ignitum, eidem quoque datur ut calefaciat; & cui daretur esse solis, is sine dubio illuminaret. At propria Dei actio est videre seipsum: hac enim visione beatus est: ergo cum anima Christi haberet esse divinum, habebat item suo modo divinæ naturæ propriam actionem, atque adeo videbat Deum. Adde etiam, quod major erat unio animæ Christi cum verbo, quam unio beatorum: sed ex hac existit claritas in intellectu beatorum, ut Deum videat: ergo multo magis ex illa talis claritas orietur. Id Div. Thomas hac ratione confirmat. Quanto receptivum propinquius est causæ influenti, tanto abundantius & plenius recipit influentiam ejus. Sed mens Christi propinquior erat causæ luminis gloriæ, quam omnes angeli beati: plenius ergo, atque perfectius cognoscebat Deum.

Hier. 31.

Hebr. 4.

Argumentatur præterea D. Thomas, gloriam in anima fieri ex eo, quod divinitus sit præsens intellectui, sicut lumen in aere ex præsentia solis. Quia enim gloria Dei ingrediebatur per viam orientalem, terra splendebat a maiestate ejus. Cum ergo lux ipsa non solum ingressa fuerit in animam Christi, sed ei fuerit in idem esse personale conjuncta: claritas gloriosa inde secuta est, ut splendor sequitur solem. Præterea, Deus attingitur a natura intellectuali per cognitionem & amorem: at anima Christi propinquissime attingebat Deum, quia erat Deo propinquissima: ergo ejus propriæ actiones, novitia & amor, non longe,

sed proxime Deum attingebant. Mens vero cum est viatrix, peregrinatur a Domino, a longeque repromissiones aspiciunt: cum autem videt per speciem, præsens est & propinqua, ut ad Corinthios & Hebræos tradit Apostolus. Si ergo anima Christi peregrina, & hospes erat super terram, certe non erat Deo per cognitionem proxima, sed angeli erant Deo proximiores.

2. Cor. 1.
Hebr. 11.

Nec me fugit, posse a calumniantibus obijci, aliud esse quod res sit præsens animæ secundum esse reale, aliud quod sit præsens secundum esse intelligibile. Anima enim nostra intellectui nostro conjunctissima est, si esse reale consideres. Sed quia conjuncta non est secundum esse intelligibile, videre eam in se quamdiu mortali corpore circumdatur, non valeamus.

At hæc obsecro haberet fortasse locum, si filius Dei animæ rationali perinde ut lapidi aut stipiti fuisset unitus, nec in unione illa esse intellequale primo spectatum exequiumque fuisset. Verum patres ecclesiæ veteres mentem potissime assumptam credere, per mentem animam, per animam vel ipsam carnem. Augustinus in libro de agone Christiano, Invisibilis, ait, & incommutabilis veritas per spiritum animam, & per animam corpus accepit. Et in epist. ad Volusianum: Ipsa magnitudo, inquit, divinæ virtutis animam sibi rationalem, & per eandem corpus humanum, totumque omnino hominem in melius mutandum coopavit. Ac Damascenus in 3. lib. unitum esse, ait, carni per medium intellectum verbum Dei. Quam rem Divus Thomas 3. p. quæst. 6. divinæ, ut omnia, explicavit. Atque hæc causa, ni fallor, Evangelizavit fuit, cur non diceret, aut filium, aut vitam, aut lucem, sed verbum carnem factum esse. Verbum enim prolem mentis aperte significat, & naturam intellectualem præ se fert. Quorsum autem Joannes diceret, primum intelligibile, hoc est, verbum extremo illi, id est, carni se junxisse, nisi ut moneret, Sapientiam Dei attingisse quidem a fine usque ad finem sortiter, sed disposuisse tamen omnia suaviter, & carnem sibi propter animam univisse? Etenim quod per se intelligibile erat, id cui se prius, quam intellectui mentique conjungeret? Nempe ex fine assumptionis liquido apparet, quid Dei verbum in

in conjunctione expecterit. De qua re quoniam non ita multo post latius dicturus sum, nunc illud satis est, finem hominis Dei notitia constare. Qui ergo factus est homo, ut hominem ad finem suum, id est, claram Dei cognitionem duceret, is mentem sibi præcipue conjunxit, qua finis prænotificatur, quæritur, possidetur.

Jo. 12.

16. 35.

Hoc vero illi etiam argumentatio confirmat. Filius Dei in hoc natus est, & ad hoc venit in mundum, ut testimonium perhiberet veritati. Ecce, ait, testem populus dedit eum, ducem, ac præceptorem gentibus. Ut autem testis perfectus sit, illa res in eo prima quæritur, ut hoc probe cognoscat, & teneat, de quo testimonium est laturus. Si dux itidem, & præceptor consummatus quipiam habendus est, scire illum oportet & finem, quo ducat, & veritatem omnino, quam doceat. At Christus testis veritatis erat, a Patre dux, & præceptor constitutus: quocirca necesse erat, ut a Dei verbo mens potissimum, & ratio hominis in ipsa unione perfereretur. Nec laborare diu opus est, ut invenias, quando Apostoli gloriam quasi unigeniti a Patre viderint, cum Petrus id significantissimis verbis patefaciat: Non indoctas fabulas secuti, ait, notam facimus Domini nostri Jesu Christi virtutem, & præsentiam, sed specula:ores facti illius magnitudinis. Accipiens enim a Deo Patre honorem, & gloriam, voce delapsa ad eum hujuscemodi a magnifica gloria: Hic est filius meus dilectus, in quo mihi complacui: ipsum audite: & hanc vocem nos audivimus de cælo allatam, cum essemus in monte sancto cum ipso. Virtutem, & potentiam vocat, qua Verbum caro factum est: præsentiam vero, qua habitavit in nobis: at virtutem, & præsentiam simul, quia filius hominis erat in cælo, hoc est, ejus anima videbat Deum, & vivebat tamen in mortali corpore super terram.

Memoria
ferunt e
se: Non vi
debit me
homo, &
vivet.

Phil. 41. ad
Christi esse
referendum
ostendit
Jo. c. Evang.
11. Vid. Cap.
11. in p. 12.
Hier. 14.

Ita enim prænuñciaverat David in paucissima verba: Beatum faciet eum in terra. Nam quod beatus aliquis quasi transiens fuerit in terra, in scripturis sæpe legimus. Sed quod habitaverit in nobis quasi colonus, & quasi viator declinans ad manendum, hæc præsentia potentie miraculum est. Sane viderunt gloriam animæ in corpore tanquam in speculo, ideo apte dixit, speculantes, gloriam autem quasi unigeni-

ti in voce delapsa a magnifica gloria, Hic est, &c. Testis oculatus est, Ipsum audite: doctor veritatis exploratæ, ac visæ est, Ipsum audite: dux est, qui & viam sciat, & terminum sciat: Ipsum audite, atque adeo videte, & concretate: nam habitat in vobis, quamvis gloria ea sit apud me, quam in præsentia cernitis. Sed de primo Joannis testimonio nimium multa. Secundum principale testimonium pro ea conclusionem comprobanda illud est, Verbum Jo. 1. habitavit in nobis plenum gratiæ & veritatis. Unde Divus Thomas bifariam colligit. Sive enim plenitudinem gratiæ in Christi anima ponas, sive plenitudinem veritatis: utrinque concluditur, eam Dei essentiam vidisse. Gratia quippe viz in ordine ad gratiam patriæ imperfecta est, tantumque deficit a plenitudine, quantum a perfectione deficit. Quare si imperfecta gratia in Christo fuit, non fuit nimirum gratia plenus. Objicit autem, Beatam Virginem, dum vitam etiam mortalem dederet, plenam gratiæ fuisse, nec vidisse tamen Deum. Verum hunc scrupulum eximit tertia parte, questione septima, articulo decimo. Non enim fuit Christus gratia plenus ex parte, sed omni modo, ut articulo primo, & nono ejusdem questionis ostenditur. Nempe in ipso complacuit omnem plenitudinem inhabitare, pacificans, &c. Et iterum: In ipso inhabitat omnis plenitudo divinitatis corporaliter. Nulla ergo ei gratiæ perfectio, aut plenitudo defuit. Ita habuit gratiam consummatam, cum qua gloria animæ conjuncta, & colligata est.

Col. 1.

Col. 2.

Quod autem anima illa habuerit scientiæ, ac veritatis plenitudinem, probat tertia parte, questione nona, articulo primo, & secundo, questione item decima, articulo quarto. Videlicet non in Christo omnem plenitudinem inhabitasse, quia plenitudo ei scientiæ defuisset. Nam, cum venit quod plenum, & perfectum est, evacuat quod ex parte est. Non igitur cognoscebat ex parte animæ Christi Deum, sed plene, atque perfecte. Quocirca non erat in ea fides, sed visio.

Atqui hujus argumenti vim, & nervos omnes Cajetanus frangit, cum probabili ratione contendit, legi oportere, Plenus gratiæ, & veritatis, Joannes testimonium perhibet de his. Frangeret sane, si probabilis sententia esset.

set. Verum vulgata editione reprehensa, præcis, lat nique exemplaribus reiectis, interprecibus sigillatis, sanctis expostionibus expolis, quid probabile fore putamus? Ecclesia certe melius intellexit verba illa, Et vidimus gloriam ejus, gloriam quasi unigeniti a Patre, per parentem fuisse interjecta: cum ait, Verbum caro factum est, & habitavit in nobis, ejus gloriam vidimus quasi unigeniti a Patre, plenum gratiæ, & veritatis.

Tertium pro illa conclusione testimonium mox in eodem Evangelio sequitur: Et de plenitudine ejus nos omnes accepimus, quia gratia, & veritas per Jesum Christum facta est. Quæ sententia superiori connexa, nisi cæcissimus, apertissime ostendit, verba ea, Plenum gratiæ, & veritatis, ad Christum esse referenda. Sed hæc re missa, id, quod instat, agamus. Accepit igitur Christus gratiam, & veritatem, ut ex eo gratia in omnes, & veritas emanarent. Habuit itaque maximam, & perfectissimam gratiam, ac veritatem. Quia enim sol lucem habuit, ut inde omnia lumen acciperent, habuit nimirum maximam, & perfectissimam lucem. Quare sicut perfectissima lux omnes lucis effectus edere potest, perfectissimaque justitia omnes effectus justitiæ, sic Christi gratia, & veritas omnes habebant gratiæ, & veritatis effectus. Unde Dionysius ait, solem, quia universalis causa generationis est, ad ea omnia sua virtute se extendere, quæ sub generationem eadunt. At effectus præcipuus gratiæ, & veritatis consummata, est videre Deum.

Præterea, salus humanæ naturæ finis fuit humanitatis assumptæ. Per hanc enim, tanquam per instrumentum, operatus est Deus salutem in medio terræ. Unde & Christum Apostolus scribit multos filios in gloriam adduxisse auctorem salutis eorum. Et alio loco, Misit Deus filium suum, inquit, ut adoptionem filiorum reciperemus. Instrumentum vero dispositio, & qualitas præcipue quidem pensatur ex fine. Salus autem animæ intellectu sano constat, & voluntate sana. At voluntas per gratiam sanatur, intellectus per veritatem. Perfectam igitur oportuit habuisse & gratiam, & veritatem eum, per quem cæteris omnibus salus futura erat, omnisque omnino & gratia, & veritas. Quia principium in unoquoque genere

oportet esse perfectum, sicut solem videmus in genere lucidorum, ignem in genere calidorum. A principio ergo Christi voluntas perfecte amabat Deum ex gratia perfecta, & perfecte cognoscebat ex perfecta veritate. Jam felicitas animæ in perfectis Dei & amore, & cognitione sita est. Felix itaque erat ab initio Christi anima, ideoque videbat Deum.

Præterea, illud quod est in potentia, reducitur in actum per id, quod est in actu: oportet enim esse lucidum, per quod illustrantur alia. Cum ergo per Christum gratiam, veritatem, gloriam cæteri essent habituri, ipse profecto simulque cæteros illum ad finem movere cepit, & gratiam habuit, & veritatem, & gloriam. Eam vero motionem ab initio nimirum inchoavit.

Ea demum, quæ a primis causis moventur in finem, quadam solent temporis successione perfici; at causæ ipsæ moventes a principio statim suam, largiente, providenteque natura, perfectionem habent. Ut ignis cum substantia calorem accipit, aqua paulatim fit calida. Cælestia quoque corpora mox omnino suas virtutes accipere, quibus in tempore res terrestres, inferioresque perficerent. Deus ergo, qui per Christi humanitatem & gratiam, & gloriam erat omnibus communicaturus, eas licet res cæteris in tempore largiatur, at Christi animæ ab initio statim contulit. Nam cur non corpori gloriam ab initio daret, causæ sunt in promptu expeditæ.

Quartum pro illa conclusione testimonium evestigio subditur: Deum nemo vidit unquam: Unigenitus, qui est in sinu Patris, ipse enarravit. Ubi in homine piscatore videre licet & rerum contextum admirabilem, & compositionem discipline incredibilem. Quod ut perspicias lector, quæro, diligenter attende. Nullum porro fidei negotium rite transigitur, si omnes testes auri sint, oculatus nullus. Quin, ut Augustinus ait, auritis credimus, quia audierunt a fide dignis, qui oculis suis rem se vidisse testificarentur. Cum ergo Moyses, & Joannes Baptista primus, & postremus e lege antiqua, atque adeo Prophetæ omnes, & nova item lege Apostoli Christi testes fuerint ex auditu universi, oportuit unum esse pro omnibus, qui ex visu testimonium

nium daret. Testis autem ejusmodi, qui non pro mille dico esset, sed pro mille millibus, esse non poterat, nisi & iustus esset, ne scilicet vellet fallere, & sapiens etiam, ne ipse utique falleretur. Quocirca necesse fuit plenum fuisse gratia, & veritate, ne quicquam in optimo, & absolutissimo relictus desideremus. Etenim quia gratia plenus, iustissimus erat; quia plenus veritate, veracissimus.

Quia igitur plenitudo testificationis, & absoluta omnino perfectio ex visu est, ideoque ex auditu testis plenus veritate non est, cum scriptura de Joanne dixisset: Non erat ille lux, sed ut testimonium perhiberet de luce: de Christo vero, Erat lux vera, &c. & de Moyse, Lex per Moylen data est: illa etiam illico nexuit: De plenitudine ejus omnes, Moyses, Joannes, Prophetae, Apostoli, prorsusque testes in universum omnes accepimus. Quia & lux erat, & plenus gratia, & veritate erat, & gratia, & veritas per eum facta erat, & denique testis ex visu erat. Deum quippe nemo vidit unquam, nec Moyses, nec Joannes, nec Prophetae, nec Apostoli, nec Evangelistae: unigenitus, qui est in sinu Patris, qui vidit arcania, ipse enarravit. Ne vero hoc ad divinitatem Filii, non etiam ad humanitatem reverteretur, tum ratio prohibet, tum auctoritas. Ratio illa est, quod Christus testis veritatis erat a Patre destinatus, non solum quia Deus, sed quia homo. Quare ex utraque natura opus erat testimonium esse perfectum. Auctoritas ejusdem Christi est, qui hanc rem postea manifestus exposuit, inquit: Amen, amen dico tibi, quia quod scimus, loquimur, & quod vidimus, testamur, &c. Et protinus: Nemo ascendit in caelum, nisi qui descendit de caelo, Filius hominis qui est in caelo. Quo loco vere Cajetanus, & diligenter advertit, verbum, Ascendit, non praesentis, sed praeteriti temporis esse: quare res ex Graeco exemplari patet. Quod enim Joannes apte dixerat, Deum nemo vidit unquam, id nunc aliis verbis Christus ait, Nemo ascendit in caelum. Tunc enim homo secundum animam in caelo esse dicitur, quum videt Deum. Quo sensu Latroni dictum est: Hodie mecum eris in paradiso. Et angeli in custodiam hominum destinati, quia semper vident faciem Patris, qui in caelis est, semper quoque in caelis esse dicuntur,

quamvis in terra saepe sint. Ante Christum ergo, sicut nemo viderat Deum, ita nemo in caelum ascenderat. Ut autem quasi manu tangeres, sermonem de Christo secundum naturam humanam fieri, apposite subjunctum est, Filius hominis, qui est in caelo. In quam sententiam Patri ipse postea locutus est: Volo, Pater, ut ubi sum ego, & illi sint mecum, ut videant claritatem meam, quam dedisti mihi. Nec Baptista hanc Christi in testificando perfectionem tacuit, imo in hac quoque res sum a Christi testimonio excelli professus est, inquit: Quod vidit, & audiuit, hoc testatur.

Nec vero inficius sum, veteres Theologos hanc fere loca ad Christi divinitatem retulisse, secundum quam Christus & videbat Deum, & ubique erat. Sed ea ex parte bellum erat illis cum Arianis, & Eunomianis acerrimum, ob idque omnibus testimonius, quibus poterant, Christi Deitatem asserere, praesertim cum res erat in promptu, & facillima, quemadmodum ferme in praescriptis locis. Nam illud, Nemo ascendit in caelum, nisi filius hominis, qui est in caelo, quo pacto vere, ac proprie in divinitatem quadrare possit, non satis intelligo. Non enim filius hominis, quia Deus erat, tunc in caelum ascendit, sed quia homo. Quomodo autem in caelum ascendisset, nisi secundum animam, vix explicari queat. Cogor itaque cum Cajetano hunc evangelii locum ad asserendam animae Christi gloriam urgere.

Quintum testimonium, quo Divus Thomas utitur, extraxit ejusdem evangelii capite octavo. Et si ego testimonium perhibeo de me ipso, verum est testimonium meum, quia scio unde veni, & quo vado. Et posterius: Si dixero, quia nescio Deum, ero similis vobis mendax. Sed scio eum, & sermonem ejus servo. Quod enim sermo sit de scientia, ut a fide distinguitur, illa verba videntur offendere: Ero similis vobis mendax. Iudei quippe hunc habebant eo tempore, quamvis cum Christo certarent. Quod autem secundum humanitatem loqueretur, illud probat, Scio eum, & sermonem ejus servo.

Hoc vero Divi Thomae argumentum video refutari posse. Quoniam est quaedam scientia sanctorum, quae cum charitate conjuncta est, quamvis ev-

Math. 18

Joan. 17.

Joan. 1.
Astruat
Hier. Chris-
tiani. Justa
sacerdoti
corpore de
beatitudine
& Patre au-
dit quod
loquatur
ergo juxta
humanam
naturam &c.
videt, & au-
dit, &c. in
ita. 18.

deca-

1. Joan. 1.

dentiam non habeat . In hoc scimus , ait , quoniam cognovimus eum , si mandata ejus obſervamus . Qui dicit ſe noſſe Deum , & mandata ejus non ſervat , mendax eſt . De hac ſcientia , ſi quis contendat Chriſtum Joannis ſociavo cap. ſermonem facere , vix retelli poterit . Quin dicit fortalle quiſpiam , hæc Divi Thomæ argumenta probare id quidem quod deceat : non id tamen , quod oporteat . Ita congruentia illa eſſe , cogentia non item . Sed nos primum non id apimus , omnia Divi Thomæ argumenta , ea etiam , quæ ad certam Theologiæ conclufionem probandam aſſeruntur , certa eſſe & neceſſaria . Nimirum enim in veteribus quoque Theologis , in ſummis eccleſiæ pontificibus , in conciliis tandem quædam argumenta invenias , quæ iuadeant quidem , non cogant : at certis aliis exploratiſque permixta , non modo totum diſputationis corpus exornent , verum etiam confirment . Probabilia igitur argumenta neceſſariis adiuncta , tantum aſſert ut reprehendenda ſint , ut ſint etiam commendanda . Quanquam iſtis e- quidem argumentis utor , dum ad ſunt ; cum aſſert , non requiro . Illud huius generis videtur eſſe : In ipſo ſunt omnes theſauri ſapientiæ & ſcientiæ Dei abſconditi . Illos autem in Chriſto non fuiſſe omnes , ſi ſcientia ei beatorum deſuiſſet . Simile eſt hoc , Chriſtum fuiſſe caput , non ſolum hominum , ſed etiam angelorum . Eph. 1. Colof. 1. Incongruens vero eſſe , ut membra capiti ſcientia & claritate antecellerent . In hoc denique probabilium genere forſitan & illud eſt : Quod ſi miniſtratio mortis fuit in gloria , ita ut non poſſent intendere filii Iſrael in faciem Moysi propter gloriam vultus ejus , quæ evacuat , &c. Et poſterius : Nam nec glorificatum eſt , quod claruit in hac parte propter excellentem gloriam . Si enim quod evacuat , per gloriam eſt : multo magis quod manet , in gloria eſt , &c. uſque ad illud , Nos autem revelata facie &c. Non ergo decebat , ut primus novi teſtamenti adminiſter ſpiritus atque animæ gloria careret , ex qua non ſolum facies , ſed totum corpus glorificaretur ex integro . Matth. 17. Vide Orig. hom. 12. in Exod. Hæc agitur dicta in primis ſint .

Colof. 1.

a. Cor. 1.

Deinde (quæ res certe eſt animadverſione digniſſima) non mihi illi probari poſſunt , qui ea in Theologia ar-

gumenta confundunt , quæ id , quod decet , oſtendunt : quali non interdum idem etiam oporteat , qualiſive indecora omnia paria ſint , & non ſint quædam , a quibus & ratio , & Theologia omnis abhorreat .

Sane argumenta , quæ confirmant eſſe quicquam in religione noſtra congruens & decens , ea omnino bipartita ſunt . Quædam enim ſunt ejuſmodi , ut etiam ſi non extiſſet ea res , quæ probanda ſumitur , nihil tamen inconſentaneum emergeret . Ut cum Theologi oſtendunt , decuiſſe , ut Deus ad reparandum humanum genus carnem ſumeret ; utque ex divinis perſonis filius iſ eſſet , decuiſſe , cæteraque id genus plurima : Quæ decentia fuiſſe vel maxime Theologus probat quidem , ſed quando alia Deus remedia peccato noſtro paraſſet , quæ innumera ſine dubio potuit , nullum rationis incommodum , nihil Deo indecorum haberetur . Talia vero argumenta nil proſecto in Theologia demonſtrant , ſed ſolum explicant , id quod fide credimus , congruentiſſimum Deo , nobiſque fuiſſe . Altera argumenta ſunt , quæ ita monſtrant quicquam conſentaneum eſſe , ut niſi res hæc habeat , aliquid ſemper emergat , quod nullo modo aut divinx naturæ , aut rationi humanæ conſentans videatur . Ut Divam Virginem itædam extiſſe poſt partum , ſcriptura ſacra in ſenſu literalis nuſquam forſan edocuit . Id tradit aperte , in conceptu & partu Virginitatem extiſſe . Sed quoniam indecens Virgini erat , ut integritatem tam ſingulari & miraculo , & myſterio conſervatam ipſa poſtea volens , ut dicitur , & prudens labefaceret , & quæ præter naturæ ordinem incorrupta permanſerat , eadem ſe exponeret corruptori ; adeo fidelium animis inhaereſit perpetuo huius virginitatis firma ſententia , ut etiam ſi nulla fuiſſet apoſtolica traditio , ea tamen ratio eſſet idonea ad faciendam fidem iis , qui non ad contentionem informati , ſed ad diſciplinam ſunt vel mediocriter inſtituti . Nec aliter ego puto in præſenti quaſtione philoſophandum . Cum enim oſtendimus non decere , ut verbum Dei animam intellectualem imperfecam , ſcientiaque , ac ſapientia vacuum aſſumeret , cauſam nos obtinuiffe arbitramur . Quia res contraria ſcilicet adeo indigna verbi ſapientia & providentia eſt .

est, ut ne verosimilis fiat quidem, si de unione personali Verbi, & animæ recte sentimus. Consentimus igitur, cæteris ecclesiæ sanctis gratiam per partes distributam, nempe secundum mensuram donationis Christi: at Christo ipsi non fuisse datum spiritum ad mensuram. Tantam enim gratiam dari congruebat, quantam anima capere illa posset: tantam, quantam in rebus esse ipsa gratiæ natura pateretur. Quod vero de spiritu gratiæ dicimus, id ut de spiritu sapientiæ, scientiæ, intellectusque dicatur, subest omnino causa eadem. Tanto enim melior omnibus est angelis effectus, quanto differentius præ illis nomen hæreditavit. Itaque unicus est a Deo oleo exultationis præ participibus suis. Non ergo solum habuit parem cum angelis felicitatem, sed multo etiam maiorem. Quocirca ut fruebatur, ita quoque videbat Deum. Quod qui negant, ii non ab ichola modo, verum a Theologiæ veteris institutione desiciunt.

Ench. 4.
Joan. 1.

Meb. 1.

De incor-
rat. Dom.
sacr. cap. 7.

Ambrosius: Deus in carne perfectionem naturæ assumpsit humanæ, suscepit sentium hominis, &c. Perfectam ergo animam assumpsit Verbum, non imperfectam. Et lib. 7. epist. 47. ad Irenæum: Accepit plenitudinem naturæ & perfectionis humanæ: sicut Deo nihil decrat, ita nec hominis consummationi, ut esset perfectus in utraque forma. Unde & David dicit, Speciosus forma, &c.

Augustinus in lib. de Trin. Mox ut Verbum venit in uterum, factum est perfectus homo. Et super Exod. Non habuit omnino Christus juxta animæ meritum, quo posset proficere. Et il- lum vers. Psal. 64. Beatus, quem ele- gisti, & assumpsisti, de unita humani- tate interpretatur.

Remigius in illud, Et ecce aperti sunt ei cæli, Sed nunquid tunc primo aperti sunt ei cæli, etiam secundum humanam naturam? Fides enim eccle- siæ tenet, quod non minus aperti sunt ei cæli ante, quam post.

Græcus, quem refert sæpiissime Div. Thomas in catena, quamvis hoc loco victiosa sit lectio, & tribuatur Grego- rio Nazianzeno, dicitur, ait, secundum humanitatem proficere, non quod ipsa suscipiat augmentum, quæ ab initio fuerit perfecta, sed ex eo, quod paulatim manifestabatur.

Lib. 1.

Damascenus. Qui proficere dicunt

Christum gratia, non venerantur unio- nem, quæ est secundum hypostasin.

Theophylactus. Divina erant, quæ dicebantur & agebantur a puero, non quasi duodecim annorum, sed quasi perfecti viri. Evangelista vero inter- pretatur, quid sit proficere illum sapientia. Subdit enim, & statura. Pro- fectum enim ætatis, sapientiæ dicit pro- fectum.

Hieronymus in Esa. 7. ca. Licet multa post secula de eo Evangelista teste- tur, Puer autem proficiebat, &c. & hoc dicatur, ut veritas humani corporis approbetur, tamen adhuc pannis involutus habebit boni malique iudicium, ut per hæc verba noicamus, infantiam humani corporis divinæ non præjudicasse sapientiæ. Et in Hier. 31. c. Jux- ta incrementa quidem ætatis proficere videbitur sapientia, sed perfectus vir in utero semineo continebitur.

Leo. Deitas assumptam naturam bea- tificans, ut glorificata in glorificante permaneat. Loquebatur autem de in- carnatione. Et alio item loco Cyrillum citat in hæc verba: Assumpsit verbum humanitatis naturam in sua ratione per- fectam. Et Cyrillus ipse in Joan. lib. 1. cap. 17. Vidimus, inquit, gloriam Chris- ti adeo sublimiorem creaturarum gloria, ut mentis quique compos nulli alii, quam unigenito Dei filio illam convenire sateretur. Plenus enim erat veritate, & gratia. Non enim men- sura sibi datur, ut cæteris, sed ut in perfecto perfecta inest. Sed si plena est, inques, gloria ejus gratiæ & veritatis, quomodo sapientiæ & gratia profecisse apud Lucam scribitur? aut quid accedere potest ad plenum? Illo- rum potius de Jesu opinio, quam il- lius perfecta crecebat gratia, ut magis in dies cognoscentes, magis illum procedere ac gratia crescere arbitra- rentur. Vide etiam cap. 20. in illud, De plenitudine ejus omnes accepimus.

Multa sunt ejusmodi veterum testi- monia, quæ nos gratia brevitate omittimus: cum hæc etiam, quæ reci- tavimus, sine ulla aut expositione aut argumentatione præstrinxerimus. Nunc argumenta contrariæ partis breviter quoque resellemus. Non enim hoc loco volumus, nisi per quasdam summas & signa data rudiores admonere, ut in similibus questionibus, quæ non sunt Theologorum usu contritæ, se diligen- tibus exerceant. Invenient quippe lem- per,

In illud, Et
erat retro-
bare male,
&c.

In illud,
Non crea-
vit Domi-
nus, &c.

Ep. ad Leo-
nem Au-
gust. 93.

per, si quæserint. Atque in præsentia etiam questione non dubito cum longe plura inventurum, cui & uberior lectio, & major eruditio fuerit.

Respon. Primum autem argumentum nihil difficile est, si intelligamus, iustitiam ibi & fidem pro iustis & fidelibus usurpari, cuius rei non modo Hieronymus auctor est, sed LXX. etiam Interpretes. Vide Div. Thom. 3. p. q. 7. art. 3.

Resp. ad 2. Ad secundum facilius adhuc responso est. Dicitur enim Deus spes Christi, quia in Deo erat fiducia ejus, non in homine. Item quia multa etiam a Deo sperabat, quamvis non speraret gloriam animæ, quam jam habebat. D. Thom. 3. p. q. 7. a. 4.

Respon. Ad tertium vide S. Thomam 3. par. q. 15. a. 7.

Respon. Ad 4. Ad quartum vide S. Thomam 3. p. quæst. 7. artic. 12. Ubi etiam respondet illi evangelii testimonio. Ac nos etiam paulo antequam veteres referebamus non paucos, qui nullo modo admittent, aut gratiam aut sapientiam Christi potuisse in seipsam aliquando proficere; adeo plenus ab initio & gratia & sapientia fuit. Sed qui in hominum exultatione crescit, tametsi idem ipse omnino perseveret, cum dicat scriptura crescere. Proficiebat David valens & crescens. Item, Crevit Josaphat, & magnificatus est usque in sublime. Item, illum oportet crescere, me autem minui. Quia vero sæpe quod hominibus altum est, abominatio est ante Deum, ne existimares ostentationem esse præstigiosam & pharisaicam, Talis, inquit, erat Deo intus, qualem se homini exhibebat foris, nec hominibus probabatur iolum, sed etiam Deo. Voluit enim Evangelista illud forsitan commemorare, quod de Samuele scriptum est: Puer autem Samuel proficiebat, atque crescebat, & placebat tam Deo, quam hominibus. At D. Thomas docet, Christum crevisse in effectibus & operibus gratiæ & sapientiæ: quia in dies periclitiora opera faciebat. Quod autem in effectu crescit, hoc crescere quandoque dicitur. Ut ibi, Verbum Dei crescebat; & rursus, Fortiter crescebat Verbum Dei.

Respon. In quinto argumento duo testimonia referuntur, quibus Ariani Filii sapientiam atque adeo divinitatem impugnare sunt soliti. Quæ causa quibuldam

Patribus fuit, ut ea de Filio juxta humanam naturam interpretando, satis se putarent adversariis respondisse. Ac re vera in ea pugna, quam cum Ario gerebamus, sat illud erat, ut in hac parte ictus ejus conatusque omnes eluderentur. Sed nobis opus est universos errores evincere, & Christi etiam animam ab omni ignorantia vindicare, quæ de ejus dignitate quicquam detrudere videatur. Ambrosius porro libro quinto de fide cap. 8. non audit asserere, tametsi cum Ario disputabat, Christum secundum humanitatem aut in sapientia profecisse, aut quicquam penitus ignorasse, si hæc vocabula proprie capiamus. Contrariam vero sententiam nonnullos ait tenuisse; sed qui fuerint, inquit, intimidiores, quam ego sum. Divus sane Thomas non dubitat vel ejusdem Ambrosii auctoritate confirmare, Christum non secundum scientiam aut beatam aut insulam, sed secundum aliam acquisitam seu experimentalem quippiam aliquando ignorasse, quod postea didicerit. Didicit enim ex iis, quæ passus est. Itaque si de scientia hac experimentalis sermo sit, Pater demonstribat Filio ea, quæ faciebat per illum mirabilia; majora tempore futuro demonstraturus, quoniam & majora facurus. Secundum hanc scientiam item diem judicii nescivit, antequam esset: nam tunc experietur, cum judicium fiet. Probabiliter dicta sint hæc, non negemus: verum nihil necesse est, in has nos angustias conjicere, quippe cum sit alia horum locorum intelligentia ianior. Ac de priorè quidem testimonio sic sentio. Reprehensus fuerat a Judæis Christus, & quod sabbatum solveret, & quod se æqualem faceret Deo: Respondet ergo simul utrique calumniæ in hæc verba: Non potest filius a se facere quicquam, nisi quod viderit patrem facientem. Ubi primum sic potentia æqualitatem agnoscit, ut nihil sibi arrogare videatur. Agnoscit enim Patris etiam auctoritatem, cui accepta refert quæcunque facit. Non potest, ait, Filius a se facere quicquam, Deinde ita arguentes redarguit: Cur me, o Judæi, reprehenditis? Eadem certe ratione & Patrem meum reprehenditis. Quoniam non ex meo capite, ut dicitur, quæ ratio, ea ego confingo; nec affectu & libidine opera edo, sed a Patre accepi id, quod facio.

1. Paral. 12.

2. Paral. 12.

Joan. 2.

1. Reg. 3.

2. p. q. 17.
a. 7.

A. A. & 19

cio. Non potest, &c. Non autem somnio accipio, aut opinione aliqua commentitia, sed visu certissimo atque clarissimo cerno & comprehendo operantem Patrem, & quaecunque ille facit, hæc ipsa eadem ego non clausis oculis, sed videns similiter facio. Si ergo me carpit, quasi opera illicita faciam in sabbato; facio autem eadem, quæ Pater meus, eodemque modo facio; coarguite, si ita lubet, Deum ipsum, quem ego operum omnium meorum auctorem & principium habeo. Ut autem probet se videre Patrem facientem opera, subdit: Pater enim diligit Filium: ideoque nihil illum celat, sed in conspectu ejus, ipsoque adeo cernente omnia facit. Nec solum quæ antehac fecit, ea coram Filio fecit, sed & majora, quæ facturus est, in conspectu Filii, Filioque proinde spectante, simulque faciente faciet. Quibus verbis non negat Filium intelligere res prius omnino, quam fiant, sed humano more loquitur, & se nostris sermonibus accommodat. Tunc enim res ostendere dicimus, cum ita præsentis sunt, ut non ad intellectum, sed quasi digito ad sensum demonstramus. Quæ est nobis rei certitudo maxima. Nec obstat, quod verbo futuri utitur, Demonstrabit, in his, quæ æterno Deo præsentia sunt. Sic enim solet scriptura nobis, nostroque tempori res æternas attemperare. Pater siquidem Verbum & genuit, & gignit, & semper gignet. Quamquam qui subiungit, Ut vos miremini, id de demonstratione quadam futura videtur loqui, quæ exteris etiam pateat. Quare ex hoc loco nihil contra gloriam animæ Christi haberi potest.

Posterior quoque testimonium nihil contra nos facit. Primum, quia Hieronymus, Ambrosiusque negant, illa verba, Neque Filius, nisi in paucis quibusdam Græcis exemplaribus haberi. Quin Ambrosius contendit, ea ab hæreticis esse interposita. Eadem quippe lætius Matthæi & Marci erat. Matthæi vero Evangelium Ariani corruperant, eisdem quoque verbis adjectis, quæ modo nec Latina nec Græca exemplaria habent. Deinde etiam si ita fuisset ab Evangelistis scriptum, in eo tamen Filius nescire dicitur, quia scire se dissimulat, nec vult alius revelare. Pater siquidem scit, quia Filio manifestat: Filius nescit, quia occultat, nec alios

scire facit. Quod autem verbum, Scire, in hunc modum aliquando accipitur, & usu vulgi contrito liquet, & Ambrosius probat ex illo: Descendam & videbo, utrum clamorem opere compleverint: an non est ita, ut sciam. Simile est illud: Deus de cælo prospexit super filios hominum, ut videat si est intelligens, &c. Et ubi nos habemus, Tentat vos Dominus Deus vester, ut palam fiat, an diligatis eum, editio LXX. habebat, Ut sciat, an diligatis eum. Sed de hac re vide Ambrosium, Hieronymum, Augustinum, ac Patres ceteros. In his enim, quæ pervulgata sunt, longus ego esse nec debeo, nec volo.

Ad sextum respondet egregie Divus Thom. 3. part. q. 19. ar. 3. vide illum. Primum vero testimonium, quo illa ratio confirmata est, verba proxime antecedentia explicat. Si posuerit, ait, pro peccato animam suam, videbit fenum longævum, &c. & statim: Pro eo quod laboravit anima ejus, videbit & latrabitur. Secundum testimonium D. Thomas sic interpretatur, ut dicat, Christum meruisse manifestationem unctionis quidem, juxta illud, Propter quod Deus exaltavit illum, &c. sed unctionem ipsam non meruisse: In scriptura autem tunc rem aliquam fieri aliquando dici, cum innoteat. Data est mihi omnis potestas, &c. Quia ergo Christus dilexit iustitiam, &c. ideo exaltavit eum Deus in regem demonum, hominum, & angelorum: ungeretur enim est regem constituere.

Respondet item, idque melius, hunc sensum esse, ut virga directionis esset virga regni tui, ut diligeres iustitiam, &c. propterea, id est, ut hæc egregie faceres, unxit te Deus oleo, &c. Illud est simile: Homo ridet, flet, discurrat, propterea intellectum habet & animam rationalem. Non enim necessarium est, ea quæ antecedunt, causam esse eorum, quæ sequuntur. Ut ibi: Propterea & sapientia Dei dixit, &c. Luc. 11. Nec si diceretur expresse: Unxit te Deus oleo latitæ, quoniam dilexisti iustitiam, &c. quicquam contra nos faceret. Nam more scripturæ fit, ut interdum effectus loco causæ ponatur. Ut ibi: Ego clamavi, quoniam exaudisti me Deus.

Tertio demum respondere possumus, actiones Christi non fuisse meritorias causas unctionis, sed quasi materiales

Gen. 18.

Ps. 77.
Qui datus
est, & exhibet
se ad modum
nesciens in.
Sic Marc.
12. Cam
vultis, & la-
quis, a lon-
ge sed ha-
bent folia,
venit, si
quod forte
laurent
in ea sicut
cognovit
perit
speciem
angelis
de ali-
quod possi-
tes simulat,
dicitur
fingit
cognit
comit
longi
gravi
fug
qui
gerit
speciem
& formam
fictis
dissimulat
aliquid
fictio, cum
nescit
scriptura
dicit.

Respon.
ad 6.

in Marc. 24.
Amb. 1.7.
de Eccl.

Ps. 14.

&

& dispositivas. Docet enim Divus Thomas tertia parte, questione trigesima-quarta, articulo tertio, sanctificatum fuisse Christum per proprium actum. Quemadmodum ergo vere dicimus, materiam ligni fuisse calore dispositam, propterea fuisse ignitam: Hominem fuisse contritum, propterea ei gratiam justificationis esse donatam: sic dicere Prophetam potuit, Christum optimos actus in primo instanti habuisse, propterea fuisse oleo Spiritus sancti perundum. Nec opus est, ut vox illa, Propterea, causam efficientem, aut meritorium denotet, sed satis erit, si sit causa, quæ disponat subiectum, quasi materialis.

De tertio vero testimonio sic habeto. Divus Thomas existimat, in eo Psalmi de resurrectionis æterna vita agi non solum in Christo, sed in membris. Nam illa omnium capitis, & membrorum resurrectio, vitæque plenæ deliciis fructus passionis Christi fuit. Qui, ut Paulus ait, consecravit nos, & condescendere fecit in cælestibus, tunc scilicet, cum ipse excitatus, sedit a dextris Dei. Si ergo Christus in hoc loco non in persona sua modo, sed in membrorum persona loquitur, nihil est difficile intellectu. Quod si Saulo dicebat: Cur me persequeris, quia membra ipsius Paulus insectabatur, dicere quoque potuit Patri: Adimplebis me lætitia cum vultu tuo. Quoniam gloria nostra gloria Christi est, non minus, quam ignominia, laborque noster Christi omnino est. Mox etiam non video equidem, cur non proprie de Christo ipso accipiamus, quod post resurrectionem adimpletus lætitia fuerit cum vultu Dei. Ante enim & corpus vacuum erat ea voluptate, quæ a visione Dei in corpus emanat, & anima non undique plena erat lætitia: quin appetitus sensitivus totus tristitiæ, angorique parebat. Post passionem ergo implevit eum lætitia Deus cum vultu suo. Quoniam etsi prius Dei vultum clare, pleneque videbant, non tamen affectus, appetitusque omnis plenè, perfectèque gaudebat. Qua de re in citatione postremi argumenti nonnihil adjiciemus, quod sit animadversione dignissimum.

Quartum insuper testimonium faciem intell gentiam habet: nam & scriptum a poeta est, Priami faciem dignam fuisse ungeri. In quinto autem

mercedem Christi Isaias vocat fidelium populum. Pollula a me, inquit, & dabo tibi gentes hereditatem tuam. Unde evangelio subdit: Et vocabunt eos populus sanctus, redempti a Domino. Iustinus vero martyr in dialogo cum Tryphone alter legit, & interpretatur hunc locum. En tibi, inquit, servator adest, qui mercedem suam reddit, & opusque suum ante se. Vere enim Christus id quod meruit, hoc est, mercedem operis sui, nobis reddidit. At Hieronymus plane interpretatur, hoc ideo dici, quia Salvator ipse iudex fit omnium, ut reddat unicuique secundum opera sua, iustis præmia, peccatoribus æterna supplicia.

De sexto testimonio denique nil aliud in præsentia dico, nisi gloriam Christi ante passionem nondum fuisse consummatam: sed quidquid et propter nos, & propter nostram salutem ad absolutam hominis glorificationem defuit, hoc non dubium est per passionem suam Christum meruisse. Sane vero non eodem modo omnia adfecta consummantur: quibundam enim vel parietes defunt, alius non deest nisi tectum. Nos itaque consummatur accepta non solum gloria corporis, verum etiam animæ, quoniam utriusque partis gloria decet: ac Christo non nisi alterius iunxat: quare per illius adiunctionem consummatus est.

Ad postremum argumentum D. Thomas respondet de passionibus animæ articulo decimo ad nonum, contraria non posse esse in eodem per se quidem, sed bene per accidens. Ut cum quis in nauis, deambulans fertur in contrarium ejus, ad quod navis movetur. Ita, inquit, in superiori ratione animæ Christi erat gaudium per se, quia per actum proprium: dolor autem per accidens, quia per corporis passionem. Deinde respondet, quod gaudium illud, & dolor non erant contraria, quia non erant de eodem. Verum responsum illud prius refelli potest. Quoniam locales motus si in eodem contrarii aliquando sunt, nihil mirum est, quippe cum tota serie eorum substantia, & ratio externus quidam respectus sit. Ita Pater & Filius relationes contrarias præ se ferunt, & in ordine ad diversos terminos esse in eodem vere possunt. At in formis, & qualitatibus absolutis id fieri nequit, ut sive per se, sive per accidens duo contrarii in eodem subiecto pug-

Respon.
ad 7.

Ador.

Paul.

gnar enim cum natura rerum, ut aqua simul calida & frigida sit, præsertim in summo: nec si quis contendat alterum esse per se, alterum per antiperistasin. Gaudium vero & tristitia qualitates sunt absolutæ. Sed & posterius responsum quispian coarguet, quoniam Christus videns rationes in Dei essentia divinas, de sua morte lætabatur, quam cernebat Dei & rationi & voluntati conformem. Tristabatur autem de eadem, quia erat malum naturæ contrarium. Quare objectum materiale gaudii atque tristitiæ idem erat. Ut gaudium porro tristitix contrarium sit, sat est utrumque in materiali objecto convenire. Nam formalis gaudii tristitiæque ratio discrepat semper, sive de eadem re, sive de alia atque alia tristemur & gaudeamus. Non ergo negare possumus, si in Christi voluntate gaudium summum summaque tristitia de morte sua fuit, quin duo simul in eodem fuerint contraria. Atque hæc animi affectiones se vicissim expellunt, tametsi non res eadem objecta est. Nimirum enim, compellere tristitiam volumus, aliis non modo rationibus, sed rebus etiam gaudere curamus. Quod argumentum est, eas affectiones esse contrarias.

Ceterum difficultas hæc tribus modis videtur expediri. Primum enim dicitur fortasse quispian, in appetitu intellectuali Christi, quæ voluntas proprie vocatur, nullam penitus tristitiam extitisse. Quoniam illa animæ portio Deo fruebatur plenissime. Quemadmodum autem a superiore potentia non derivabatur gaudium ad inferiores, ut salutis nostræ mysterium in Christi passione transigeretur; sic ab inferiore potentia non perveniebat ad superiorem dolor. Non fuit itaque in Christi voluntate tristitia, sed in appetitu sensitivo fuit, qui proprie tristitiæ subiectum est. Quam sententiam visus est Dominus significare, cum ait, Tristis est anima mea. Appetitus enim animalis, quia animalis est, non est intellectualis, sed sensitivus. Cui etiam sententiæ favet D. Thomas 3. p. quæst. 15. art. 4. & 6. & quæst. 46. artic. 7. & 8. Nam Scoti argumenta abunde refutat Cajetanus. Quod si verum est, jam contraria non sunt in eodem subiecto proximo; sed gaudium in voluntate, tristitia in appetitu sensitivo. Ideoque proprie ne contraria quidem sunt. D.

Thomas 3. p. qu. 18. art. 6. in corp. & qu. 46. art. 8. ad 1.

Huic vero responsioni illud obijciatur, quod Dominus habuit in voluntate ædum, quo mortem vere noluit: at tristitia est de his, quæ nobis nolentibus accidunt, ut Augustinus ait. Prior propositio, quoniam eam Cajetanus negat, probatur. Primo ex Div. Thom. 3. p. quæst. 18. art. 6. ubi dicit, quod voluntas naturalis & voluntas sensualitatis aliud voluit in Christo, quam divina voluntas. Et art. 5. refert Augustinum contra Maximinum in hæc verba: In hoc, quod Christus ait, Non quod volo, sed quod tu, aliud se ostendit voluisse, quam Pater: quod nisi humano corde non posset. Ac revera ex illo Evangelii testimonio non solum sancti veteres, sed synodus sexta sub Agathone collegit, & duas voluntates in Christo, & duas voluntatum operationes. Sane qui ait, Non sicut ego volo, is ædum voluntatis aperte significat. Verum Cajetanus elaberetur dicens, appetitum sensitivum vocari interdum voluntatem. De qua Ambrosium hunc Evangelii locum explicare, Divus ipse Thomas interpretatur 3. p. qu. 18. artic. 3. Quin D. Thomas quæstionis decimæ octavæ, tertii partis articuli quinti argumentum certum non poterat refellere, si admisisset, Christi voluntatem aliquid velle, quod non habuerit. Beatus enim est, ut Augustinus docet, qui habet quæcunque vult. In reliquis certe beatis probabilissime Cajetanus ejusmodi nolitiones negat, quoniam in illo statu otiosæ sunt. Cum ergo Christus secundum intellectum & voluntatem perfecte fuerit beatus, non videtur ejusmodi nolitiones habuisse.

Possumus deinde positremum hoc argumentum eludere, etiam si dicimus id, quod revera probabile est, in voluntate Christi intellectuali, quæ proprie voluntas est, non tristitiam modo, sed summam maximamque fuisse. Quia enim in hostia pro peccato cordis contritio voluntati quæ tristitia potissime desideratur: sacrificium quippe Deo spiritibus contribulatus, &c. & tristitia spiritualis hæc contraria est peccato medicina, quod sedem suam præcipue in voluntate habet: consentaneum profecto erat, ut Filius Dei hostiam se pro peccato exhibiturus, non solum corporis & animæ sensitivæ dolores, sed angores quoque spiritus, & voluntatis tristitiam

2. p. qu. 46. a. 8.

Matth. 26.

In ar. 7. qu. 46.

Phil. 50.

sticiam susciperet, quo pro culpis nostris omnibus hostia illa Deo acceptissima omnibus omnino modis contereretur. Sic vere languores nostros ipse tulit, & dolores nostros ipse portavit. Sic non modo vulneratus est propter iniquitates nostras, sed attritus est propter scelera nostra. Sic disciplina pacis nostræ super eum, & livore atque dolore ejus sanati sumus. Sic Dominus cum voluit infirmitate conterere, qui posuit pro peccato animam suam.

Augustinus insuper 14. de civ. lib. asserit Christum eos naturæ nostræ defectus suscepisse, qui perfectioni gratiæ non repugnant quidem, sed de amore boni, & sanctæ charitate veniunt. At commendat magis charitatem suam Christus, si tristitiam quoque eam Deo pro culpis nostris in sacrificium præbuit, quam nos Deo pro illis debemus maxime. Plane item Ambrosius ad Gratianum imperatorem dixit: Sicut suscepit voluntatem meam, suscepit tristitiam meam. Nam voluntas proprie appetitus intellectualis est. Et velle proprie actus voluntatis est: ait autem, Non sicut ego volo.

Voluntatis etiam dolor hominis proprie tristitia est: nam qui in solo appetitu sensitivo reperitur, hic animantis magis dolor est, quam hominis. Decuit autem, ut per dolorem proprie humanum humana peccata solverentur. Ita cum dixit, Repleta est malis anima mea, omnem animæ appetitum repletum dolore intellexit, sive sensualem, sive rationalem. Quoniam & pronomen, Mea, rationalem magis, quam sensualem præ se fert. Ea si vera sunt, ut videntur esse, nihil obstat, cur non per potentiam supernaturalem & gaudium summum, & summa tristitia in eodem subjecto fuerint: Tum quia nec proprie contraria erant, cum oppositio debeat fieri circa idem, ut Divus Thomas sæpe sumit: Tum quia quod præter naturæ ordinem a Deo fit, id in naturæ leges referre velle stultum est. Miraculum fuit, quod idem homo esset & viator, & comprehensor: miraculum, quod a gloria animæ nihil derivaretur ad corpus: miraculum, quod a superioris gaudio potentia nihil solati in inferiores redundaret: miraculum, quod inferiores perturbatis, nec superiores turbarentur, nec a sua perpetua operatione cessarent, nec remitterent opus, nec

quietem & delectationem vel ex minima parte resolverent. Inter hæc miracula propter mysterium nostræ redemptionis explendum, quantum voluntas Deo visio fruebatur, suscepit tamen sponte tristitiam quantum maximam capere potuit: potuit autem capere tantam, quanta maxima esse in rerum natura poterat: Ut dolor pro peccatis non minor esset, quam charitas, & scientiæ ipse quoque superemineret.

Sed & olim juvenis, ut hinc jam nos demum extricemus, coram celebri Theologorum concione diximus: quod sicut per totam vitam Dominus gloriam animæ quasi premebat, ne in corpus efflueret; sic saltem in cruce retinuit gaudium, quod suapte natura ex clara Dei notitia prodiret. Gaudium, fateor, ex Deo visio in voluntate necessario nasci, non secus atque ex sole lumen, calorem ex igne. Sed retraxit aliquando sol radios suos, & ne calefaceret, comprehensus est etiam ignis: quare nihil mirum videri cupiam debet, si in hominum redemptione per hominis unius dolores explenda voluptas omnis reprimeretur, quin alias ex visione Dei proficisci naturæ ratio demonstrat. Nec obstat, quod beatitudinem Benedictus hujus nominis duodecimus describit in visione & fructione consistere. Christus autem beatus fuit in via. Quoniam illud pontifex tradit de beatitudine consummata. Christus autem licet habuerit essentiam beatitudinis, non tamen accidentia, quæ inde per se etiam consequuntur: decuit enim eum per passionem consummari. Quamquam & fructio sine gaudio intelligi potest: fruitur enim arboris suæ fructibus tunc etiam homo, cum per morbum voluptatem nullam capit ex eis. Ita Christus non solum videbat, sed etiam fruebatur, quamvis derelictus a Deo, omnique penitus solatio destitutus non gaudebat. Quamobrem, ut ceteri martyres, gaudium sibi futurum ante oculos posuit, ut crucem sustineret consensione contempta. ad Hebræos 12. cap. Ubi miris omnino modis & charitatem suam in nos commendavit & exemplum. Certe si primo, si secundo, seu tertio modo questionem solvas, miraculum facis: sed est hoc posticum complausibile, quo majores in nobis igniculos excitat tum penitentia, tum

amo-

16. 11.

Cap. 9.

Phil. 17.

amoris, tum gratitudinis. Sed sit jam hujus questionis finis. Peripicum est enim, in re sterili & jejuna non parvam & exiguam copiam e locis Theologiae suppeditatam. Restat tertium questionis genus pertractandum ejus, quæ a fide & natura pender: de qua recipie sequenti disceremus.

CAPUT XIV.

In quo ea quæstio vocatur in dubium, quæ cum naturalis sit, tum etiam ad fidem pertinet.

Disputatio de Animi immortalitate.

QUONIAM de eo genere argumentorum dictum est, quæ & ad fidei principia explicanda spectant, & ad conclusiones Theologiae confirmandas: deinceps de his, quæ ad rem etiam naturalium probationem attinent, disputandum est. Sunt autem naturales questiones in duplici differentia. Quædam enim solis naturæ argumentis probari possunt, alix fidei etiam auctoritate confirmantur. Et in naturæ ratione quidem nullum inter hæc duo genera discrimen est. Utriusque enim questionis argumenta ex eisdem omnino locis petenda sunt, hoc est, ex humanis disciplinis. Quæ argumenta omnia tribus ultimis locis continentur. In hoc differunt, quod questiones posteriores, quoniam fidei sunt, latius patent, atque ex omni loco comprobari possunt. In hoc genere illa est, quam hoc capite versare cupio.

An animus hominis immortalis sit, quemadmodum Pythagoræ, Socrati, Platoni, Theophrasto, Themistio, Senecæ, Ciceroni, melioribusque Philosophis visum est: an potius mortalis, quod Lucretio, Galeno, Plinio, Alexandro video placuisse. Nec me vero reprehensuros vituperare debent, quod rem aggrediar, quæ diligentissime est a pluribus disceptata. In quibus Div. Thomam esse constat, cujus tanta est in utranque partem argumentorum copia, ut nihil addi posse videatur. Sed quoniam fidei argumenta nulla sepe protulit, naturæ vero rationes Henricus acque Scotus probabiliter suadere ajunt, non necessario demonstrare: nihil, ut mihi videtur quidem, temere facturus sum, si de ea ipsa questione

disputo, quam tam multa & præclara ingenia versarunt. Non enim rem agam: sed, nisi me fallit animus, plane utilem, ne dicam necessariam: præsertim cum Cajetanus etiam noster sui valde dissimilis scripserit, se credere quidem animam rationalem incorruptibilem esse, ac nescire tamen. Quia in re cum Henrico, & Scoto ex parte consentit: quos idem miris olim modis exploserat: Ex parte, inquam: quoniam non alios quidem, sed se scire inficiatus est.

Ut ergo hæc controversia, quam fieri poterit, accuratissime constitutur, principio argumentabimur, hanc questionem nullo modo ad fidem attinere, deinde non posse naturæ ratione demonstrari.

Docet porro Augustinus, idque non semel sed sæpius, non esse fidei questionem, an animæ rationales ex traditione sint, an potius ex nihilo in singulis creentur singulæ. At si anima hominis ex traducere vi seminis propagetur, sine dubio esset ut generabilis, ita etiam corruptibilis.

Dein Sadducæi existimabant animum hominis esse mortalem: nec tamen habebantur hæretici: quin ut religiosos eos colebat fidelis populus.

Præterea, quatuor sunt scripturæ testimonia, quibus vel maxime animum immortalitas doceri potest. Unum illud est: Donec revertatur pulvis in terram, unde erat, & spiritus redeat ad Deum, qui dedit illum. Alterum: Deus creavit hominem inextinguibilem, & ad imaginem similitudinis suæ fecit illum. Tertium: Nolite timere eos, qui occidunt corpus, animam autem non possunt occidere. Quartum, quo Dominus in evangelio utitur: Ego sum Deus Abraham, Isaac, & Jacob. Non est Deus mortuorum, sed viventium. Etenim quod Augustinus affirmat, ex lege Moysis esse cæteris evidentius, id ne probabile quidem mihi videri solet, ut animas ab interitu vindicemus. Ex quatuor autem illis, quæ passim a Theologis referuntur, primum eludi potest, quod Augustinus docet, infirmum esse adversum eos, qui credunt animas per propagationem generari. Infirmum ergo etiam est contra eos, qui dixerint, eas cum corporibus interire. Ac sicut scriptum est, ait, Donec spiritus redeat ad eum, qui dedit illum: sic etiam legimus,

In c. 9. ep. ad Romanos, contra scripserat, de in 1 par. & in 2 lib. de Anima.

1. Arg. De baptis. par. 1. b. 3. c. in. d. 3. Reta c. 1. & 10. sup. Gen. c. 1. 3. & a.

2. Arg.

3. Arg. Eccl. 12.

Sup. 2.

Matth. 10.

Matth. 22.

ep. 19. in Nihil.

Ep. 10. sup. Gen. c. 9.

legimus,

gimus, Spiritus vadens, & non rediens. Secundum item refellet fortasse quippiam dicens, non ibi de anima sermo- nem esse, sed de homine, quem Deus per gratiam fecit a principio immortalem. Unde statim subijcitur, Invidia autem diaboli mors introiit in orbem terrarum. Tertium autem de morte spiri- tuali animæ, hoc est, de æterna, inter- pretari licet, de qua illud habes: Dentes leonis dentes ejus interficien- tes animas hominum. Quæ res suade- tur, quia protinus additur, Eum time- te, qui postquam occiderit, habet po- testatem mittendi in gehennam. Quare D. Thomas nec in prima parte, nec in summa contra gentes, nec in quæstio- ne de anima hoc testimonium voluit u- supare. Nam quartum de resurrectione agit, non de immortalitate. Sic e- nim Dominus ait: De resurrectione au- tem mortuorum non legistis, &c. Nil- vero prohibet, ut anima cum cor- pore simul intereat, & postea cum cor- pore simul exurgat. Non ergo fidei de- cretum est, animas esse immortales.

4. Arg.

Quod vero naturali argumentatione animæ immortalitas nequeat ostendi, il- la prima conjectura est, quod cum Am- brosius, & Augustinus, ut id proba- rent, omnes nervos intenderint, nihil omnino confecerunt. Non autem præcel- lunt Ambrosium, & Augustinum.

de ho. mor.
c. 9. a. Beilic.
& l. de im-
mor. ani.

5. Arg.

Ad hæc, cum Scotus, Jandunus, Ca- jetanus Divi Thomæ rationes expende- rint, viri scilicet magno ingenio, ma- gnaque Philosophiæ eruditione prædi- ti; at pronunciarunt tandem, rem non esse demonstratam, sed creditam. Non est autem verosimile, rationes eas, si evidentes essent, ac lucidæ, nullum e- videntiæ lumen acerbis, acutisque ocu- lis allaturas.

Seco a d. 61.
q. 2. Jand. 1.
de ani. q. 5.
de 10. Caie.
in epist. ad
Roc. c. 9.

6. Arg.

Præterea, Aristoteles non idem sem- per in hac re, sed tum hoc, tum il- lud scripsit: non est ergo probabile, eum in tanta varietate, & inconstancia certam, exploratamque animæ immor- talitatem habuisse. Nam quod pro ani- mæ rationalis incorruptione aliquando senserit, ut cætera loca omittam, quæ & D. Thomas 2. adversi. gent. cap. 79. & Ferrariensis in commentariis asserunt, is locus planus, & expeditus est, qui secundo libro de gener. animæ capite tertio habetur: ubi aperte docet Ari- stoteles, mentem hominis non in semi- nis virtute esse, ut reliquas animas, sed extrinsecus advenire. Quod si non edu-

citur de potentia materiæ, nec a gene- rante homine vi seminis editur: certe subsistens est, nec a materia dependet. Quod vero de hac sententia interdum etiam delinquerit, Cajetanus multifari- am suadet: & mihi his argumentis sit ve- rosimile. Primo, quod non potest effu- gere, si sua principia Aristoteles reti- net, animarum infinitatem, nisi incidat in errorem Averrois, vel in Pythago- ræ deliramentum. Secundo, quia libro primo de cælo asserit, quicquid incor- ruptibile sit, id perpetuum etiam fuisse. Tertio, quia in ethic. lib. 1. Solo- nem reprehendit, qui asseruerit, post mortem veram superesse hominis bea- tudinem. Unde & deplorat brevem hominis felicitatem, & opes, ac divi- tias tanquam felicitatis adjuncta re- quirat. Nec de hominis animo post mor- tem verbum ullum in illo reperies. Non est autem credibile, eum, si existima- ret animam esse immortalem, nec de modo, quo intelligeret separata, nec de ejus felicitate quicquam vel breviter perstricturnum. Quarto, ex proœmio li- bri de anima, ubi illud fundamentum jecit: si intelligere est phantasia, aut non sine phantasia, non conjungit ani- mam separari: in tertio autem libro po- suit antecedens, quod intelligere non est sine phantasia: unde & coniciens, &c. Quanto, quia non Gregorius Nis- senus modo, quem Divus Thomas refert, verum etiam Justinus martyr in libro admonitorio gentium, & Theodoretus libro quinto de curat. gr. affect. consen- tiunt, Aristotelem animorum immorta- litatem negavisse. Quis autem credat, tantos, talesque viros falsum testimo- nium dixisse? Nisi etiam Alexander Aphrodisiæus insignis præter ceteros Pe- ripateticus falso etiam magistro suo hanc sententiam imposuit.

In lib. 5. de
anima.

psal. 7.

Præterea, animorum immortalitas cum Dei erga homines providentia ad- eo conjuncta, & colligata est, ut qui illam negat, is hanc quoque inficiat- urus sit: qui vero hanc concesserit, eum necesse sit illam admittere, quem- admodum supra diximus. At Dei er- ga res humanas providentia non potest esse per rationes humanas manifestata, sed solum ex divinis oraculis explora- te percipitur. Id quod Propheta testat- ur, inquit: Existimabam ut cognos- cerem hoc: labor est ante me, donec intrem in sanctuarium Dei, & relin- gam in novissimis eorum. Et iterum:

7. Arg.

F. f. Donu-

p. 1. 97.

Dominus scit cogitationes hominum, quoniam vanæ sunt. Beatus homo, quem tu eruderis, Domine, & de lege tua docueris eum.

8. Arg.

Præterea, ad indagandam animi immortalitatem illa rectissima via est, quam Aristoteles est ingressus; nempe animi operatio propria. Sicut enim res se habet ad operationem, ita se habet ad esse. Experimento autem quotidiano ille probavit, animam nostram nihil sine phantasmate intelligere. Pendere itaque a corpore, non solum ut species intelligibilium accipiat, sed ut eis etiam utatur, resque ipsas intelligat. Respondent, pendere animi propriam actionem a corpore, non tanquam a subiecto, sed tanquam ab objecto. Verum hæc responsio refellitur, quia si, quantum rationis lumen & sensuum indagatio docet, nulla nostra intellectio sine corpore est, nihil refert hoc, an illo modo sit; cum utrinque probabilissime colligatur, animam, si extra corpus esset, in modum glirum torpentem omni opere vacaturam. Experimur siquidem, species intelligibiles & in fieri & in operari a phantasmate dependere. Hinc enim Aristoteles vacillavit, nec quicquam effecit, si effecit tamen, nisi animas cum corporibus interire: ne vanæ scilicet & otiosæ extra corpora remanerent.

9. Arg.

Confirmat autem hoc vel maxime, quod si animus per se subsisteret, atque adeo immortalis esset, non indigeret corpore, quemadmodum aliæ formæ, propter esse, sed solum propter operationem. Necesse quippe est, cum species intelligibiles a corporibus per corporis sensus emendicare. Alioqui intellectus per se in natura subsistens, ideoque a corporis gravitate & materie imperfectione liber nullo se modo corpori colligaret, si ex se haberet species ingenitas, quibus sine corporis adjuvamento intelligeret. Videmus autem, species a corpore acceptas a corpore etiam in operando pendere. Ideo enim necesse est, intelligentem phantasmata speculari. Non ergo per illas anima a corpore separata intelligit. Alias vero species non habet superinditas. Quare sejuncta a corpore, somno otioque torpedit, quod est absurdum.

10. Arg.

Sexta insuper synodus act. 1. tradit, animam hominis non esse immortalem per naturam, sed per gratiam illam a morte coercentem. Et rursum, Non,

inquit, naturam proprie immortalem habent animæ, sed gratia id fortitæ sunt. Nulla ergo ratio naturalis animæ immortalitatem monstrare potest, utpote cum sit suapte natura mortalis.

Addere unum & viginti argumenta, quibus S. Thom. probabiliter egit, ut anima corruptibilis videretur. Quæ si ego hic repetam, molestus ero. Nam his alia adicere, non video qui possem, nisi Janduno, aliisque hujus farinae auditoribus velim esse simillimus, qui ut argumenta asserant, quibus animi mortalitas probari posse videatur, ea ponunt, quibus suadeant eum non esse formam actumque corporis essentialiter. Quæ argumenta quidem Cajetanus in 3. lib. de anima reutit, fecissetque fortasse multo prudentius, si contempsisset.

Addere etiam, quod Scotus argumentis, quæ probant animam esse immortalem, argute respondet. Si ergo rationes inventæ a prioribus non demonstrant, alias vero excogitare novas non opis est nostræ; fateamur, animam immortaliter vivere, nullo certo naturæ argumento patescere. Hæc efferre brevissime potui, quibus illi uterentur, qui animorum immortalitatem infirmare pergerent. Quam tamen & fides catholica firmissime docet, & certa naturæ ratio. Id quod conclusionibus rationesque sequentes patefacient.

Prima conclusio. Animus hominis esse mortalem, fidei catholicæ manifeste repugnat. Gene. 37. Descendam ad filium meum lugens in infernum. Job 11. Ducunt in bonis dies suos, & in puncto ad inferna descendunt. Sapient. item cap. 2. 3. 4. & 5. apertissime tradit, animas cum corporibus non interire. Eccles. 12. Et spiritus redeat ad Deum, qui dedit illum. 2. Machab. 12. Sancta ergo & salubris, &c. Matth. 10. Nolite timere eos, qui occidunt corpus, animam autem non possunt occidere: sed potius timete eum, qui potest & animam & corpus perdere in gehennam. Joan. 12. Qui odit animam suam in hoc mundo, in vitam æternam custodit eam. Philip. 1. Mihi vivere Christus est, & mori lucrum. Coarctor autem e duobus, desiderium habens dissolvi, & esse cum Christo. Primæ ad Cor. 15. pro absurdissimo Apostolus colligit, Ergo & qui dormierunt in Christo, perierunt. Si in hac vita tantum in Christo sperantes sumus, mi-

11. Arg.
de anima
arg. 4.

12. Arg.
4. 4. 1. 2.

1. Conc.

Iust in col-
lus cō tri-
pione illi. A
pocrypho, qui d
pnyonida
quidā Sae-
maria exco-
cavit. In q.
vero gēnō.
q. 21. erat
lind infer-
ous subru-
te corru-
batu. c. 8. a
occursum
advenio
tui. Quod
de Nabu-
chodonosor
didicisse,
ambigimus
mon. 1. 1. c.
q. 26. illud.
Hodie uen-
cum eris in
paradiso.

ferabiliores sumus omnibus hominibus. Et posterius referens illam insipientium vocem, Manducemus, & bibamus, cras enim moriemur, illico subdit: Nolite seduci. Corruptum, &c. 1. Cor. 5. Dum sumus in corpore, peregrinamur a Domino: audemus autem & bonam voluntatem habemus magis, peregrinari a corpore, & præsentes esse ad Deum. Et paulo ante: Scimus, quod si terrestris domus nostra, &c. Sed de scripturæ testimoniis, quæ D. Thomas dixit esse infinita, satis multa recitavimus. Quamquam vereor, ne quis nos jure ac merito reprehendat, qui in re non dubia usi fuerimus testimoniis non necessariis. Præsertim cum ii, qui animæ immortalitatem inficiantur, nec Christo, nec evangelio credant, ecclesiæ vero, sanctorumque fidem pro nihilo putent. Ita supervacaneum videtur esse, ex iis locis, quæ auctoritatem fidei continent, argumenta depromere. Nec conclusio hæc proprie Theologica est, ut sit argumentationibus Theologiæ confirmanda. Quin Theologia, qua ratione efficitrix est, & agendi muneri incumbit, illa duo habet primaria fundamenta, Deum esse hominis & principium & finem, atque adeo procuratorem, effecque item animorum perpetuam vitam, in qua remunerator Deus sit inquiringium sc. Quæ nisi fidelis penitus habeat infixa, & in animo quasi insculpta, non dico media, & finem consequi felicitatis suæ, sed ne ad Deum quidem accedere potest, ut ab eo media finemque requirat. Cum igitur prima cuiusque disciplinæ principia tanquam noissimæ anticipationes supponantur, nihil opus erat vel ea testimonia referre, quæ ex sacris literis commemoravimus. Nisi quod sunt quidam adeo curiosi, qui etiam optarint, Paulum de animorum incorruptione manifestius loqui. Quod perinde est, ac si quis Philosophus adeo esset insigniter stultus, ut in philosophorum libris, præsertimque Aristotelis, cuperet principium illud scire, & clare scire, Quodlibet est, vel non est, Verum de hac prima propositione, quoniam est ante oculos posita, diximus satis.

1. Cōcl. Secunda propositio. Animus naturaliter est immortalis, & non ex dono gratuito. Fuere porro quidam Arabes, qui dicerent, animum naturæ esse mortalem, sed in novissimo cum

corpore immortaliter suscitandum. Simili autem errore ductus posset quicquam dicere, animum cum corpore statim quidem interitum, si naturæ suæ relinqueretur, sed vi divinæ potentie fieri, ut vel ad præmia, vel ad pœnas conservetur æternus.

Hoc qui assereret, is scripturas facile in sensum suum detorqueret. Non enim affirmant illæ, animum esse naturæ suæ immortalem, sed solum cum ajunt manere post mortem. Sicut corpus post resurrectionem fides astruit perpetuam vitam habiturum, non tamen id in natura corporis, sed in divina potentia erit. Quam sententiam sextæ Synodi verba retro citata sonare videntur. Atque Augustinus 10. super Gen. ad lit. cap. 13. in illam magis opinionem inclinat, quæ docet animas a parentibus generari. Quæ si vera sententia est, non est animus sua natura immortalis. Id quod solebam equidem, non tanquam hæreticum, sed tanquam erroneum condemnare: semper quippe malui citra lineam consistere, quam transire, stultæque ignorantie potius argui, quam insolentie temerari. At si rem diligentius animadvertas, non dubites, huic errori hæreseos notam inurendam, quando ad sedem Apostolicam referatur.

Primum, quia manifestum est, quosdam Philosophos naturæ ratione ducte, animorum immortalitatem & vestigasse, & invenisse. Non est ergo supernaturalis animorum perpetua vita, aut dono eis gratuito concessa. Quis enim hominum scire poterit consilium Dei? aut quis poterit cogitare, quid velit Deus, nisi ille dederit sapientiam, & miserit Spiritum sanctum suum de Altissimis?

Deinde in Concilio Lateranensi sub Leone Decimo sessione octava definitur, hæreticum esse dicere, quod ex principiis Philosophiæ sequitur, animam esse mortalem. Et tamen si naturaliter esset anima corruptibilis, hujus corruptionis esset causa aliqua naturalis. Item cum nonnulli, inquit, ausi sint dicere de natura animæ rationalis, quod mortalis sit, & aliqui temere philosophantes secundum Philosophiam saltem verum esse asseverarent, damnamus omnes asserentes, animam rationalem mortalem esse. Cum illa non solum per se, & essentialiter humani corporis forma sit, verum etiam

Aug. 11 de Trin. cap. 9.

Aug. 9.

tiam immortalis. Hactenus concilium.

Præterea, non Theologi modo, verum fideles etiam universi animarum immortalitatem ita a maioribus accepimus, ut non per miraculum eas incorruptibiles, sed per naturam esse credamus. Hic autem ecclesiæ consensus certissimo nobis argumento esse debet catholici dogmatis. Quod autem idem in hac re Theologi ac fideles sentiant omnes, vel ex eo liquet, quod assentem quemcumque, animos esse mortales, statim exhorrent. Eadem quippe fide inscriptum in mente habent, angelos & hominum animas natura sua, ut intellectuales, ita quoque immortales esse. Adde, quod post Augustini sæculum nemo fidelium in dubium vertit, quin animæ rationales creentur ex nihilo, & singule singulis corporibus infundantur, ut Concilii Lateranensis verbo utar. Quod si non generantur vi naturæ animæ rationales, nec de potentia materiæ educuntur, sed foris veniunt, nimirum ex se subsistunt: quare non cum corpore intereunt. Illud vero testimonium, Spiritus redeat ad Deum, qui dedit illum, ne Augustinus quidem ipse expedit. Si enim foris venit spiritus hominis, consequens fit, ut nulla vi agentis naturalis propagetur. Quocirca si ingenuus natura est, natura quoque est incorruptus. Nec enim naturales causæ corrumpunt aliquid, nisi quod eadem possunt gignere. Nam quod interpretatur Augustinus, Deum primo homini spiritum dedisse, cum inspiravit in faciem ejus spiraculum vitæ, in illo vero, qui cætorum hominum caput erat, cæteris dedisse spiritum, hoc (pace tanti viri dictum sit) nulla ex parte argumenti vires infringit. Cum enim Moyses in principio Geneseos rerum naturalium propriam vim & naturam exprimat, quod in primo homine significatum est, id de reliquis etiam intelligitur. Scriptura porro, ut ostenderet, viventia reliqua viribus naturæ edici posse, ait, Germinet terra herbam viventem, &c. Et rursus, Producant aquæ reptile animæ viventis, &c. Et iterum, Producat terra jumenta & reptilia, &c. Nemini quippe ambiguum esse potest, prima cætorum, jumentorum, serpentum, leonum individua a Deo sine media causâ adjuvante condita cœtatque fuisse. Ob id namque adjectum est: Creavitque Deus cete

grandia, & omnem animam viventem atque motabilem, quam produxerant aquæ in species suas. Item, Et fecit Deus bestias terræ juxta species suas, &c. At significare scriptura voluit, sicutine a Deo hujusmodi animantia esse edita, ut in vitam elementorum & corporum, quæ elementis confarentur, illorum generationem sitam esse censeremus. Sed enim cum ad hominem ventum est, ne hujus similis conditio crederetur, de corpore ait, Fecit Deus hominem ex limo terræ: de animo autem: Inspiravit in faciem ejus spiraculum vitæ. Quod differentis conditionis varium discrimen a Moysæ adeo accurate observatum manifeste indicat, cætorum viventium animas in potentia materiæ esse, hominis spiritum, quo factus est in animam viventem, non esse, sed a Deo creati & infundi, qui solus ejus & spirator, & creator est. Præterquam quod qui dicit, Redeat ad Deum, qui dedit illum, is non obscure docet, spiritum non perire, sed manere. Explicat enim id, quod paulo ante dixerat, Ibit homo in domum æternitatis suæ. Alioqui quomodo ad Deum vadit, si dissolvitur, tanquam mollis aer, & sicut umbra ac fumus evanescit? Quemadmodum autem corporis naturam exprimit, cum ait, Revertatur pulvis in terram suam, unde erat; sic naturam spiritus manifestat inquit, Et spiritus redeat ad Deum, &c. Jam quod Augustinus assert, spiritus vadens, & non rediens, a nobis est. Non enim scriptura dicit, spiritus, vadens, & non rediens, sed spiritus vadens, scilicet a corpore, & non rediens, &c.

Præterea, stulti illi, quorum error Sap. cap. 3. inducitur, animum exultabant naturaliter esse mortalem. Non enim de miraculo loquebantur, sed de natura. At Sapiens non modo cum illis aperte pugnat, verum etiam ut insipientes, & insensatos reprehendit. Animus ergo sentit naturam esse immortales.

Tertia propositio. Erroneum est, ne dicam hæreticum, astruere, animæ immortalitatem naturali ratione demonstrari non posse. Si enim naturam habet incorruptibilem, hujus rei vela priori, vel a posteriori ratio aliqua demonstrativa erit. Nulla siquidem propositio ex natura rei, & connexionne terminorum per se ac necessaria est,

3. Conc.

Cajet. tur-
pibile la-
pius est, ut
intelligens
scripturam
sensit.

est, quin vel ex effectu, vel ex proprietate, vel ex definitione, vel ex causa subiecti ostendi necessario queat. Sed ais: Quadratura circuli demonstrabilis est quidem, sed demonstratio adhuc inventa non apparet. Sic ergo Scotus, jandunusque sentient, animæ quidem immortalitatem ostendi posse, at non esse ostensam tamen.

4. Conc.

Quarta propositio. Periculosum, ac temerarium est, ne quid amplius addam, affirmare, quod nullum argumentum hactenus inventum vere demonstrat animæ immortalitatem. Quia argumentum, quod sumitur ex operatione propria, vel etiam ex potentia, quæ substantiam rei necessarie, naturaliterque consequitur, vere ostendit, qualine sit ejus rei natura, atque substantia. Theologi vero tum ex propria operatione, tum ex propria potentia, intellectione scilicet & intellectu, animi incorruptionem argumentantur. Syllogismi igitur illi veræ sunt demonstrationes. Dicitur fortasse quispiam: Non nego demonstrationes esse; sed nobis demonstrationes esse nego, quibus argumenta illa certa, & clara non sunt, quamvis idonea ex se sint, ut certitudinem, atque evidentiam pariant. O insolentem temeritatem, ceteros ex tuo ingenio metiri, exque tuis aliorum oculos æstimare? asserere, mel quidem ex natura sua dulce esse, sed dulcetamen fuisse nemini, quia tibi non fuerit; nullum videre id posse, quod tu non videas; omnibus obscurum esse, quod tibi non pateat. Ait Divus Thomas, ex præmissis manifeste ostendi posse, animam humanam non corrupti cum corpore; concludit vero in hæc verba: Patet igitur, quod intellectus humanus est incorruptibilis: ergo & anima humana, quæ est intellectiva substantia. Item, Necessè est dicere, animam intellectuales esse incorporeas, subsistentem, incorruptibilem. Scotus contra, Non sunt, inquit, rationes patentes, & necessarie. Affirmat Chrysostomus, qui Philosophi de animi immortalitate dubitent, eos ad dubitare, an in meritis sit dies: & credemus nos, viros & sanctissimos & modestissimos evidentiam, quam non habebant, fuisse ementitos? Atque Augustinus asseverat, Philosophos quoddam naturali ratione animæ immortalitatem invenisse: quamquam pauci, ait, idque ægre inveniunt. Præterea De-

us non deficit in necessariis ad vitam iuxta naturæ rationem bene, & constanter instituendam. At vix homo potest vitam recte, & iuste institueri, nisi & Deum esse sentiat, & animos esse immortales: vix, inquam, aut certe nullo modo. Qui enim vel sine Deo fuere, vel animum putarunt cum corpore intrinse, eos fere perditissimis moribus fuisse memoriæ proditum est. Quam omnino rem Sapienter * sapienter expressit. Nam simulque impij illam opinionem inducunt, animos mori, consequenter de omni bono futuræ vitæ desperantes, & nihil post mortem mali timentes, semetipsos tradiderunt impudiciæ, in operationem immunditiæ omnis, in avaritiam. Post hæc, inquit, crimus tanquam si non fuimus. Venite ergo, & fruamur bonis, quæ sunt, &c. Et Augustinus Confessionum libro sexto, capite postremo, Nisi credidissem, ait, restare post mortem animæ vitam, & trachus meritorum, quod Epicurus credere noluit, Epicurus palam in animo meo accepisset. De atheis autem cum Propheta illud posuisset: Non est Deus; statim subiunxit: Corrupti, & abominabiles facti sunt, &c. Sic Iustinus in dialogo cum Thryphone: Eorum, inquit, sententia, qui Deum me, atque te curare negant, quo spectet, non est difficile cognoscere. Impunitas enim, & licentia faciendi, & dicendi, quæ velint omnia, eos consequitur, qui nec supplicia metuant, nec beneficium ullum a Deo spectent. Divinæ itaque procurationis fuit, ut in morum, & vitæ necessaria regula duces naturæ, ac magistros, non conjecturis, & opinionibus imbueret, quæ hæc, atque illuc facile traherentur, sed certa, constanque ratione. Sic enim scriptum est: Qui docet hominem scientiam. Et iterum: Qui docet nos, super jumentis terræ, & super volucres cæli erudit nos. Quod si animantibus ceteris dati a natura sunt quidam instinctus, & quasi anticipatæ cogitationes, non vagæ, & instabiles, sed fixæ, firmæque, ut ad bonum naturæ congruens recta ferantur, retrahantur a noxia, cur in eorum salutem mentibus, quos naturæ auctor ad aliorum institutionem comparavit, inditas esse certas, & constantes prænotiones incipimus, sine quibus ad veritatem bonitatis non satis

vixit et opem
niamen tiam
compara-
ret. Reverti
reclutem.
Augusti autem
non ratio
ne, sed au-
dientate te-
neri: at de
Immortalitate
animæ
dicit Nam &c.
i. c. de Del
i. c. de scri-
bit, Platonem
niamen im-
mortalitate
animæ
dicit vixit
conferre
ret, probi-
beniam per
dicit, sapia.

2. cont. geo.
c. 79.

2. p. 73 ar.
2. & 6.

hominil 4. de
providu

23. de Trin.
c. 9. Mirum
est Scorum
hinc Aug.
locum clia

Psal. 93.
Job 15.

vid. lib. 10.
cap. 4.

instructi informatique fuissent? Nec enim melior est belluarum conditio, quam nostra. Nihil vero piget, eadem sæpe verba resumere.

1. Schile.

Hinc barbaræ etiam nationes panas improbos luere cum sapientibus conferunt, atque adeo animos esse immortales. Deus enim semper ea, quæ cuique naturæ necessaria sunt, providentissime curat. Quis autem communes animi corruptiones incertas esse asseveret? Sed ais tandem: Quænam istæ rationes sunt necessariæ & evidentes, quæ Scoto & Cajetano probabiles & obscuræ vixæ sunt? Dicam, si illud prius commemoravero, quod ab Aristotele prudentissime dictum est, stultum esse, æqualem in omnibus certitudinem & evidentiam exigere. In naturalibus quippe disciplinis minor est, quam in Mathematicis: in moralibus minor est etiam, quam in naturalibus. At in dispari certitudine tam stultus nemo est, quin scientiæ illis nomen impertiat. Syllogismi ergo illi & faciunt scire, & vere demonstrationes sunt, quibus & de natura, & de moribus philosophamur; quamvis in eis rationibus non adeo magna aut necessitas, aut evidentia sit. Prima igitur ratio demonstrativa auctoritate Chrysostomo est hæc: Qui animum esse mortalem ait, is neget necesse est, Deum humanarum rerum esse & procuratorem & iudicem. Si enim iusti migrant affectu injuriis, improbi rerum omnium abundantia potiti, nec post mortem aut merces aut supplicium est, nulla certe est in cælo pietas, quæ talia curet: nulla iustitia, quæ vel malos puniat, vel tribuat præmia bonis. Et cætera, quæ capite huius libri quarto laus persequitur sum.

Hæc. 4. de
prov. id. vel
saro.

Respondet Scotus, argumentum hoc infirmum multo esse, quam reliqua. Non enim, ait, ratione naturæ notum est, esse unum rectorem hominum secundum leges iustitiæ retribuentem & punientem. Quæ responsio huiusmodi confirmari potest. Prius, quia Sapiens, cum hoc eodem argumento usus esset, huius rei ignorationem inscientiam esse dixit sacramentorum Dei. Quod si inter mytheria Dei censet & Dei providentiam, & animarum immortalitatem, non est cur nos inter peripicua censeamus. Verba autem illius sic habent: Et nescierunt sacramenta Dei, neque mercedem spera-

sup. 2.

verunt iustitiæ, nec judicaverunt honorem animarum sanctarum. Posterior, quia Iustinus martyr & philosophus in libro de Aristotelis reprehensione docet, gentes non scientia, quæ ad demonstrandum valet, de Deo creatæque natura disputationes consecisse, sed probabili ratione suam explicasse sententiam. Et postea: Hæc, inquit, satis etiam declarant, verum esse, quod a nobis de gentium philosophis dictum est, eos non scientia demonstrandi de naturis discessisse, sed conjectura verisimilique ratione suam explicasse sententiam. Adde his, quod Divus Thomas hoc argumentum ubique gentium prætermisit, non prætermisurus, si certum & necessarium esset.

Verum enimvero nulla me huius generis argumenta movere possunt, ut ab ea sententia discedam, quam Chrysostomo video placuisse. Habuit quippe pro re peripicua & constanti non aliam negaturum, Deum esse hominum & gubernatorem & iudicem, nisi cum, qui dixisset in corde suo: Non est Deus. Sed quia hæc res supra, ut dixi, manifesto argumento nobis demonstrata est, & accuratius est postea demonstranda: satis nunc confectum esse arbitramur, si rationem illam, quæ animæ immortalitatem doceat, eo tandem ducere probaverimus, ut non possit Dei erga homines providentia iustitiæque constare, nisi animæ incorruptio consistat. Nam quod Scotus aliter eludi hanc ratiocinationem putat, perdidicimus est. Ut admittamus, ait, Deum pro meritis & præmiis bonis, & malis supplicia retribuere: non exigua tamen improborum vindicta est culpa turpitudine ipsa, cruciatus animi, conscientiaque flagellum. Abunde vero magna merces & præmium, fructus ipse virtutis, quo mirifice delectantur probi. In qua sententiam illud Augustinus citat omnium sermone contritum: Voluisti, Domine, & ita est, ut omnis inordinatus animus sibi ipse sit poena. Poterat & illud ex Apostolo asserere: Mercedem, quam oportuit, erroris sui in semetipsis recipientes. Quæ cum dicit, parum attente considerat, in quos laqueos incurrat. Primum enim nodum illum explicet necesse est: si in hæc vita tantum in Christo sperantes sumus, miserabiliores sumus omnibus hominibus. Deinde, Propheta non existimavit quæ-

Cap. 4. ad 7.

Rom. 2.

1. Cor. 15.

quæstionem hanc expediri posse, nisi ad fides bonorum & malorum referretur, hoc est, ad novissimam, quæ probos improbosque maneat: Ex præsentibus autem aut bonis aut malis ullam non modo non solvi, sed etiam implicari. Mei, inquit, moti sunt pedes, quia zelavi super iniquos, pacem peccatorum videns, &c. Existimabam, ut cognoscerent: hoc labor est autem me, donec intelligam in novissimis eorum. Quomodo facti sunt in deolationem, &c. Nec aliter aut Hierennias, aut Abacuc hunc quæstioni respondendum putaverunt. Quorum ego sensum libentius exponerem, nisi ad alia festinaret oratio.

Præterea, valde restrictum Deum facimus, qui suis id solum in mercedis loco numeret, quod animo æquo, & i mo vero etiam gaudent ac libenter servierunt. O præmium singulare, quod eripit spem futuri cuiusque boni, quæ sola, ut ait Cicero, hominem in miseris consolatur. Quis enim dubitet, mortalium animos in arduis adversisque rebus spe futurorum erigi & sublevari: frangi autem & concidere, si cum omnium rerum desperatione confingantur. Talem mihi rempublicam finge, ubi pessimi cives metum omnem paenæ & future vindicationis abjiciant, optimi vero de spe future gratiæ ac beneficii depellantur; & cum nec probis lex adhibuerit, calcaria, nec improbis fraenos, civitas non dico bene morata, sed ne esse quidem poterit. Ita qui eam sine præmio penaque constituit, hunc tu ipse stultissimum iudicabis. Quale ergo est ejus reipublicæ Deo procuratorem administrationemque tribuere, quam nemo vir sapiens sibi assignari pateretur? Demonstratum est igitur, animas esse immortales, tam evidenti & necessaria ratione, quæ retelli non valeat, nisi Deum facias aut improvidum esse, & negligentem rerum hominis, aut eam stulte urbem constituisse, in qua nullus supplicii timor sit, præmii expectatio nulla.

At Sapiens ait, animorum incorruptionem ad Dei sacramenta pertinere. Primum id ego negare vere possum. Nec enim rem hanc ille in mysteria retulit, sed quod via impiorum prosperetur, quod ubique relinquunt lætitiæ signa, quod opprimant pauperem iustum, nec vidux parcant, &c. & in his omnibus Deus non taceat modo,

verum etiam probos duriter & acerbè, improbos contra blande & molliter tractare videatur. Hæc scilicet Dei sacramenta sunt, quæ humana ratio comprehendit aut vix, aut nullo certe modo. Deinde sunt naturales res quædam in oculis omnium clare positæ: alie latent in occulto tenebris densissimis circumfusæ. Quæ nature mysteria rectissime dixeris. In his fateor, animi immortalitas est, quæ a paucis quidem, idque difficulter, sed investigari tamen atque inveniri potest. Iustini autem verba magna ex parte vera sunt: at universas demonstrationes Philosophis eripere, tum absurdum est, tum Paulo etiam contrarium, quem admodum recusando 7. argumento patet. Nam Divus Thomas ejusmodi argumentationibus uti non solet, quamvis sint liquidæ & exploratæ. Cave enim, ne argumentando de genere in genus transeat, quod Aristoteles in demonstrandi arte docuit esse vitiosum. Constat vero, in hac ratiocinatione a Dei providentia, & iustitia ad animi incorruptionem transiliri, quæ in eodem genere non existunt. Verum de prima demonstratione satis.

Secunda est hujusmodi, ut a protervis reelli queat, a viris recte institutis non queat. Eam vero in probatione quartæ propositionis postremam fecimus. Confirmat illam Cicero hunc in modum: Sicut satis probatur Deum esse, quia nulla natio tam fera est, quin Deum habendum sciat; ita apud omnes gentes communi consensu firmatum est, animos defunctorum interitu esse liberos. Quam omnino rem funeris ceremoniis testatam esse voluerunt. Nec enim eas corporibus imparetent, nisi animos sacros esse ac divinos in animum induxissent. Hinc vero, ut Cicero affirmat, & mercessem funeris sepulturæque constitui, nefas esse putarunt, & brutis animantibus hujusmodi honores negaverunt. Quas duas rationes Sapiens, ut mihi videre videor, perstrinxit. Unam, cum ait: Nec mercedem speraverunt iustitiz: Alteram, cum subdit: Nec judicaverunt honorem animatarum sanctorum. Sane qui iudicat, unum esse interitum hominum & jumentorum, is cum animam suam summa ignominia & dedecore afficiat, non hominum ritu ac religione, sed sepulchra affini sepeliendus erat: ut dignum haberet sua opi-

Lib. de Senect. & 1. Titul. 9.

Sap. 1.

nione & sententia funus. Sed de secunda ratione haecenus. Tertium significat magis scriptura, quam explicat, cum evestigio subjicit: Quoniam Deus creavit hominem inextermabilem, & ad imaginem similitudinis suae fecit illum. Hominem quippe ad imaginem Dei esse factum, eo quod natura intellectualis est, verti in dubium non potest. Ex ea ergo parte homini incorruptio convenit, qua intellectum habet. Animum igitur, unde homo intelligit, & similis Deo est, inextermabilem esse oportet. Quae ratio, quoniam ex hominis natura & forma propria ducitur, atque adeo non ex alienis & extraneis, sed ex propriis aptique principiis, diligentius nobis & illustranda, & exponenda est. Id quod divus Thomas divine fecit: intelligebat enim, hanc esse certam expeditamque viam, qua ad animi immortalitatem veniretur.

Primum igitur fundamentum hujus demonstrationis est, formam omnem intellectualem esse subsistentem, hoc est, esse ejus non a materia pendere. Hanc propositionem ostendit Div. Thomas 1. cont. Gent. cap. 51. Quia intellectus non eget corpore sustinente; cum intellectio nec recipiatur in corpore, nec per corpus fiat. At dicis: Non eget corpore quidem tanquam subiecto, sed eget tanquam objecto. Verum hoc duobus modis manifeste refellitur. Primum enim animal non esset per se subsistens, quia indiget ad propriam operationem externis objectis. Deinde id, quod per accidens alicui convenit, non variat iudicium de natura rei: ut lapis, qui in loco superiore detinetur, &c. Cum ergo anima intellectiva ex natura propria operationis non sustentetur a corpore, consequens est, quod per se non pendet ab illo. Quia actus non potest per se a corpore pendere, nisi tanquam a materia & subiecto, in quo recipitur. Vide D. Thomam in QQ. de anima q. 14. & 3. cont. Gen. c. 55. & 79. Certe si intellectio in corpore susciperetur, nec omnes res sine discrimine intellectus perciperet, nec universale cognosceret, sed solum singulare. Quod si huiusmodi argumenta tibi evidentia non sunt, memento, nec ceteros ex tuo ingenio aestimandos esse, neque hic evidentiam mathematicam requirendam. Sed jam tempus est, ut objectiones oppositas refellamus.

Respon.
ad 2.

Prima ergo sic repellitur: Fidei qua-

sitionem duobus modis interpretari possumus, & ex natura sua, & quoad nos. Ex natura sua illa fidei quaestio est, quae est a Deo ecclesiae revelata, quamvis a plerisque ignoretur. Ut Spiritum a Patre Filioque procedere, ipse Spiritus Apostolis revelavit. Item, animas sanctorum, statim ut a corpore exierint, videre Deum. De quibus licuit olim varie sentire, & sine fidei discrimine aut affirmare, aut negare, cum neutra res scilicet erat plane ab ecclesia definita. Ita quoad nos non semper fidei quaestiones illae sunt habitae, sed salva fide, viri quidam docti contrariam veritatem sententiam tenuerunt. Quomodo asseruit Augustinus, non esse fidei quaestionem, num anima rationalis ex trahatur sit. Nunc autem cum post ea tempora Theologorum, fideliumque omnium consensu firmatum sit, animam non per generationem, sed per creationem existere, sine dubio ad fidem illa quaestio pertinet. Nec tamen si hoc fuit aliquando in controversia positum, eadem de animae immortalitate causa subest, quae nunquam est a catholicis in dubium vocata. Sed de primo argumento satis.

At secundo nihil est difficile respondere: cum videamus, non solum sub infideli principe, quales Romani tunc erant, sed sub imperatore Catholico multis in Germania nunc publice manifestas haereseis profiteri. Tantum resisteri principes habere & fideles, & qui haereticorum insolentissimam temeritatem coercere tum velint, tum etiam possint. Præterquamquod ubi factiones sunt, ibi favore partium in republica tolerantur: quid dico tolerantur? quærantur, foveantur, stringuntur homines deterrimi ac sceleratissimi. Hoc in statu res Iudæorum publica cum esset, non est sane mirandum, si Sadduceos ferret carnalis populus, homines videlicet factiosos, qui & carni usque adeo intervirent, ut omnem spiritum esse negarent. Quemadmodum autem Gentes tales esse volebant Deos, quales ipsi etiam essent, nempe adulteros, bellatores, raptores; sic plebs vitios corrupta eos vult habere religionis praesides, qui non religati sint, sed liberi, non spiritus servi, sed mancipia carnis. Verum in argumento facillimo recusando plura, quam necesse erat, verba consumpsimus.

Tertium vero brevissime refellemus.

Nam

Respon.
ad 3.

illam enim
per se
constantia
invenitur
fuit animus
in se a
corpore
creatus
fuit
quod si
fuit, tota
ecclesia
certa est
de
eccle. doct.
in se a
mas enim
non creati,
sed ex pa
reum
fuit
Luceifer.
fuit, ut
Augustinus
relict de
haeret. c. 5.
Ac certe
cum Zach.
cap. 12. ait
Dixit Pater
exiendes
quoniam, &
fons ignis
erans, & fan
tem spiritum
hominis, in
eo nihil ali
lud signifi
cat, nisi ea
opera a
Deo ipso fi
ne causa
solvenda &
solventem
patris i
quodam
modi Hie
ronymus in
deus admo
nuit
Vide Est.
31. & 45.
cap.

Respon.
ad 1.

Respon.
ad 3.

Nam primum illud testimonium certissime probare animorum immortalitatem, ostensum est a nobis paulo ante. Secundum etiam quantum momenti habeat, nunc nunc explicabamus. At tertium nulla reipositione eludi potest. Si enim homines animam non possunt occidere, corpus autem occidere possunt, certum est, animas non cum corporibus interire: Item, si animas Deus mittit in gehennam: non ergo cum corpore moriuntur. Quartum denique Cajetanus affirmat, probare quidem simpliciter animarum immortalitatem, unde Sadduceos de resurrectione vinceret, qui ideo negabant mortuos resurgere, quia credebant cum corpore animam mori. Per synecdochen autem scriptura nomina Abraham, Isaac, & Jacob, pro animis eorum usurpat. Quo loco Ambrosius Catharinus cum, ut sæpe alias, sine causa reprehendit. Coarguit enim Theophylactum, imo vero Hieronymum, qui Cajetano illius auctor sententiæ fuit. At D. Thomæ expositio præclarior est. Non repugno. Nec D. Thomas solum illum locum sine figura intellexit, sed Chrysostomus, Theophylactus etiam, atque Ambrosius. At dicis: Quomodo Abraham illo tempore vivus erat? Respondet Chrysostomus, quomodo Adam posteaquam de ligno vitæ conedit, sententiæ tamen prolata mortuus erat: sic Abraham

pollicitatione resurrectionis certissimè vivus erat. Alioquin quid sibi ecclesiæ vult, cum ait: Regem cui omnia vivunt, & cui non pereunt corpora nostra? Ac de tertio argumento hæcenus.

Quartum autem jam ante expeditum est. Diximus enim in 7. hujus operis libro, sanctos veteres non tam humanas disciplinas, quam divinas literas coluisse. Quæ causa fuit, ut in rebus naturæ perobscuris ratione vulgari contenti essent, nec meliores requirerent. Conclusio itaque naturalium a Philosophis petenda demonstratio est, præsertimque a D. Thoma perfectio, mea sententiæ, Philosopho, cujus admirabilem naturam & ingenium cum gratia perfecissit, tum ubique alias, tum in libro contra gentes maxime quidquid expeti ab hominis ingenio poterat, id unus videtur ad miraculum præstissit.

Sed Scoto, Janduno, Cajetano rationes probabiles visæ sunt, non item necessariæ. Scotus porro & Jandunus (nam de Cajetano dicam postea) videntur demonstrationes Mathematicas quævisse. Si enim sapere ad sobrietatem vellent, & rei naturam, de qua differitur, attente perpendere, sane intelligerent, rationes, quæ animæ incorruptionem probant, non suadere, sed vincere, si non protervum & repugnantem, ac certe docilem hominem, & ad disciplinæ leges bene informatum.

Resp. ad 4.

Resp. ad 5.

Defunt ad reliq. argum. Responsiones.

Hom 71. in Matt. de resurrectione.

Finis Libri duodecimi de Locis Theologicis.

AD LECTOREM.

EN damus tibi, candide Lector, Rev. quondam P. F. Melchioris Cane Ordini Predicatorum de Locis Theologicis duodecim libros, perfectos quidem, limatos, atque omnibus (ut ajunt) numeris absolutos. Te tamen admonitum velim, duos huic operi deesse libros, quos Author morte præventus reliquit infelto. Nec tamen hoc te moveat, & ab ejus lectione remoretur: illi enim etsi huic operi non accesserint, tamen quod ad perfectionem ejus attinet, parum, aut nihil facere, quilibet etiam mediocriter eruditus facile judicare poterit. Quapropter auctoris labore fruere. Quod si feceris, quantum militatis inde sis reportaturus, tu ipse postea libenter scaberis. Vale.

MELCHIORIS CANI

EPISCOPI CANARIENSIS

Ex Ordine Prædicatorum,

RELECTIONES DUÆ,

Una de Sacramentis in genere, altera de
Sacramento Pœnitentiæ.

PRÆFATIO AD LECTOREM.



Posteriores cura, & proverbio, & experientia teste, meliores esse consueverunt. Cum igitur in tradendis disciplinis laudabilis obtineat consuetudo, ut præter quotidianam lectionem aliquid accuratius elaboratum Magistri relegant, quo velut adipe selecto, discipulorum animi vegetati, avidius ad suam quisque professionem alliciantur, factum est, ut sapientissimus Magister noster CANUS importunis amicorum precibus vitulus, posteriorum cogitationum suarum primitias nobis ederet. Ea sunt duæ Relectiones Theologica tali viro profecto digna; altera de Sacramentis in genere, altera de Pœnitentia. In quibus nescias, candide Lector, utrum magis in viro isto mirere acumen ingenii verè Theologici, non de rebus nihili (ut fere fit) disputantis; an dicendi facundiam cum facilitate, & perspicuitate coniunctam. Nam in cæteris, cum semper sui similis sit, nescio quo hic pacto seipsum superare videtur; adeo ingeniose omnia discutit, dilucide ob oculos ponit, propriè, & eleganter differt. Porro si ad eum modum res Theologica, nativo suo fulgore nitida tractaretur, spes esset, fore, ut omnes illius candidati brevi scopum attingerent. Cæterum quid facias multis, qui Theologi vocabulum digne sibi usurpare videntur, si more andabataram gladium in tenebris venient; si artis Theologica, quam petere instituerant, obliui, Iheris interim naniis implicati pro nihilo digladiantur? An qui ejusmodi sunt, non similes dices procis Penelopes, qui pedissequarum lenociniis in ipso statim vestibulo remorati, ad arcem domina, quo iter intenderant, non perveniunt? Veritas nempe una est, qua sola vult amari, & nullo modo patitur pellicem. Sed & maiestatem, & gravitatem sibi vindicat non vulgarem: illotis ad eam pedibus si quis tentet irruere, is velut alter Ixion, nubem pro Junone tenebit, remeritatis sua panas versatili semper rota daturus. An non Apostolus noster hos tibi videtur propriis depinxisse coloribus semper discentes, & nunquam ad veritatis scientiam pervenientes? Tu vero, vir Theologe, si cupis ad Theologica veritatis desideratos amplexus compendio pervenire, negligètis ancillis, qua servimus cum filiis suis, lege, & relege, qua tibi tradita pœna, & liberè veritatis amator Magister noster CANUS. Et si munusculum hoc, quod tibi addiit, non magnitudine, sed pretio æstimandum, placere cognoveris (placebit autem haud dubie) plura deinceps (nam totus tibi dicatus est) sperare poteris.

RE-

RELECTIO DE SACRAMENTIS IN GENERE

Habita in Academia Salmanticensi.

Thema Relectionis ex Lucæ Cap. 10.

Samaritanus appropians alligavit vulnera ejus, infundens oleum, & vinum.

Prima Conclusio.

Sacramenta omni tempore fuisse ad salutem hominibus necessaria, quemadmodum & fidem in unum Salvatorem Dominum Jesum Christum, quam eandem, diversis licet Sacramentis, & olim veteres, & nunc etiam nos exserius profitemur.

Secunda Conclusio.

Sacramenta vero nulla aut naturalis, aut scripta legis sanare hominem potuisse, cum sola, quæ in nova Lege sunt a Christo instituta, vere, proprièque gratiam, & salutem efficiant.

PROOEMIUM.

Nollem equidem, viri gravissimi, novas a me res aliquas de rebus antiquissimis disputaturo hodierna die expectaretis. Nam & ubique gentium fugienda Theologo doctrinæ novitas, quæ cum semper periculosa est, tum tere ut vetustati, ita quoque veritati contraria; & quam nunc disputationem de Sacramentis institutum, majori ex parte veterum traditione consistit; & in hoc celeberrimo toto terrarum orbe Gymnasio illud magnopere conandum est, ne novius opinionibus aut Theologiæ dignitas, aut majorum nostrorum auctoritas minuat. Quocirca si in earum rerum assertione, quas hodie sum explicaturus quorundam forte juniorum placita retellerem, idque suppressis etiam, tacitèque nominibus; quæ, ne arrogantibus tribuatur: quin potius exstimate, sæculo me in id incumbere, ut ne scholastica dogmata nova esse videantur, sed antiqua, & nostræ Religionis

auctorum ingenio, atque eruditione commendata. Quod si intellexerimus, primam hanc Relectionem laudari a vobis laudari viris, aut certe consilium nostrum, conatumque probari, majora & graviora deinceps, Christo juvante, proferemus.

Locum igitur hodierna disputatione repetendum Magister ex decimo Evangelii Lucæ capite delinquit, principium apertissimum quarto suo Sementiarum libro inde daturus; unde & nos ad vestram hanc Academiam accedentes nostrarum quoque lectionum principium dedimus. Locus autem hujusmodi verbis continetur: Samaritanus appropians alligavit vulnera ejus, infundens oleum, & vinum.

Ac Samaritani parabola quidem juxta germanum literæ sentium in id est a Domino composita, ut proximus, quem perinde acque nos ipsos diligere jubemur, non cognationis, aut sanguinis propinquitatis, sed humanitatis, & benevolentia conjunctione desinuerit. Homini quippe laiciato, qui descendens ab Hierusalem, in latrones inciderat, non

non aut Levita, aut Sacerdos civilitatis, genericque ratione conjunctus tulit opem, sed Samaritanus alienus a Judæorum commercio quidem, sed non ab humanitate tamen alienus. Verum tam accurate conficta, enarrataque similitudo universis sanctis expositioribus visa est mysticum alium sensum inferre, juxta quem descendens homo in civitatem Hiericho, humanum genus intelligitur, cui vulnerato, spoliato, jacenti, semineci post peccatum, Christus Jesus, revera Samaritanus, hoc est, cultus unicus ipse noster, naturæ etiam communione propinquus effectus, medicinas adhibuit spirituales, quibus peccatorum omnium vulneribus mederetur. Has nos medicinas Sacramenta vocamus, deque his disputationem in genere suscepimus, quinque præcipue partibus continendam.

Primum enim definimus Sacramenti nomen, ut intelligant omnes, quid sit id, de quo differitur. Mox ostendimus, sine fide unius Mediatoris Jesu Christi, quam Sacramenta designant, neminem fuisse salutem consecutum. Deinde monstrabimus, Sacramenta fuisse semper post peccatum homini ad salutem necessaria. Quarto loco explicabimus, quamnam Sacramenta hanc salutem effecerint. Postremo colligimus id, quod explicatu difficillimum est, quo proprie discrimine Sacramenta nova a veteribus separantur.

P A R S P R I M A.

De Definitione Sacramenti.

Definit.
Sacram.

Prinicipio itaque, ut viam reliquis quaestionibus faciamus, Sacramentum a plerisque definitur esse sacræ rei signum. Cui quidem finitioni multipliciter objicitur; sic enim objectionibus expositis, facilius erit rei definitæ intelligentia.

Argu. in
contr.
Ryhel. j.

Primo, conjugium in statu innocentie erat signum rei sacræ, id est, conjunctionis inter Christum, & Ecclesiam, quemadmodum Apostolus docet; & tamen non erat Sacramentum, ut nunc quidem de Sacramentis loquimur, cum in illo statu nec morbus esset, nec proinde medicina.

Deinde, sacrificium Abel non fuit sacramentum, non plus certe quam oblatio Cain; fuit tamen signum rei sacræ, ejus videlicet sacrificii, quod & Chri-

stus in ara crucis obtulit, & nos offerimus in altari, ut in universum de veteribus hostiis Augustinus tradit: igitur definitio mala.

Præterea, serpens æneus a Moyse in deserto suspensus, Manna item eodem loco Judæis exhibitum, signa fuisse rerum sacrarum, ut Joannis Evangelium docet: At certe non fuisse sacramenta.

Præterea, Agnus Paschalis, auctore Paulo, rei sacræ signum erat: nec magis videtur fuisse sacramentum, quam alix figuræ, quæ in veteri Lege præcelsæ sunt.

Ad hæc, verba Christi apud Lucam: Remittuntur tibi peccata tua, Sacramenta minime fuerunt, cum tamen fuerint signum rei sacræ, id est remissionis peccatorum, quam etiam effecere. Et confirmatur: Illa verba, Ego te baptizo, &c. sunt sacræ rei signum, ablationis scilicet interioris, cujus etiam sunt causa: sed Sacramenta non sunt: nisi ita despiciamus, ut sacramentorum formas sacramenta nuncupemus.

Præterea, aqua lustralis, quam vulgus benedictam appellat, signum est rei sacræ, & signum quoque sanctificationis: at certum est tamen, non esse Sacramentum. Definitio igitur est inepta. Major enim propositio satis probatur Alexandri Papæ testimonio in decretis suis, ubi asserit, aquam sale consperiam, & divinis precibus consecratam populum sanctificare, inquinatos mundare, insidias diaboli avertere, sanitatem corporis, & animæ præstare.

Corpus denique Christi in Eucharistia contentum non est signum, signum enim, Augustino finiente, est quod præter speciem, quam ingerit sensibus, aliud a se cognoscere facit. Corpus autem Christi, licet invisibiliter sub specie panis contineatur, sine dubio Sacramentum est: non ergo Sacramentum apte finitur, quod sit sacræ rei signum.

Hic, arque alius argumentis definitionem hanc a Magistro sententiarum approbatam, juniores quidam facile rejiciunt: quibus nos tamen facilius respondemus, si tria prius principia ponamus. Quæ si cuicumque non bene provia, & diligenter explorata videantur, huic illud respondere possumus, non id nos querere, ut omnibus probentur, quæ asserimus (nam id fieri non potest) sed ut eis, qui juxta rei naturam, de qua differitur, argumenta requirunt.

Pri-

sa. de Civ.
Dele. 10.

Jo. 1 & 6.

1. Cor. 5.

Luc. 7.

De conf. d.
1. c. aqua.

1. de doctr.
Chr. c. 1.
De conf. d.
2. c. signum.

Resp. ad
arg. trib.
fundam.
positis.

Primum itaque fundamentum est, Sacramenta esse quasdam sacras ceremonias, ad Dei cultum videlicet pertinentes: Nam ante omnia id Sacramenti nomen præ se fert: quod a sacro derivatum, Varro de lingua Latina auctor est. Sacrorum autem administratio ad religionem, qua Deum colimus, pertinet. Quare & Sacramentum opus est religionis.

Rursum, in Sacramentis profitemur, nos salutem a Deo Salvatore querere: id vero ad pietatem, qua Deo cultum exhibemus, spectare manifestum est.

Peccata insuper, quæ in Sacramentorum vel administratione, vel susceptione fiunt, virtuti religionis adversantur: Sunt enim vel superstitiones, vel sacrilegia: Ergo recta ipsa Sacramentorum sive susceptio, seu administratio actus est religionis, Augustinus demum definit, non quodlibet signum esse Sacramentum, sed quod sit sacrum signum.

Secundum fundamentum est, non quodcumque Sacramentum esse, sed quod habeat occultam, & reconditam significationem. Nam vulgari sermone, tunc sive verbis, seu rebus inesse dicimus Sacramentum, cum est significatio quedam abscondita. Mox etiam Gregorius 1. qu. 1. cap. Multi, ob id ait Sacramenta dici, quia sub tegumento corporalium rerum divina virtus secretius operatur salutem. Unde a secretis sacris Sacramenta asserit appellata.

Præterea interpretes novi Testamenti, ubi apud Græcos habetur *μυστήριον*, fere traducit Sacramentum. At mysterium absconditam, & occultam habet insinuationem, ut eodem cap. Gregorius affirmat. Non igitur est Sacramentum, nisi sit occulta, & condita significatio. Hinc illa vulgata doctrina, Sacramenta rebus sensibilibus constare, quarum figura scilicet occultius adumbrentur res insensibiles: Sola namque verborum expressa significatio Sacramentum non efficere. Sacramenta quippe sine verbis suere quædam in Legge tum naturali, tum scripta; sine rebus autem nulla fuere Sacramenta. Rerum itaque significationem ratio Sacramenti requirit. Atque eo fortasse Samaritanus hic noster oleum, & vinum, res materiales, ac visibiles exhibuisse legitur, verba exhibuisse non legitur.

Hinc etiam illud est, quod Augustinus tradidit, oportere res, quibus

Sacramenta constant, imaginem, & similitudinem gerere carum rerum, quarum signa, & Sacramenta esse dicuntur. Verbi gratia Baptismus lavas, id eo completur in aqua: Eucharistia reficit; ob idque panis, & vini speciem accipit: Unctio fovet; idcirco ministratur in oleo: In Poenitentia demum sub aperta forma iudicii, ubi & testis, & reus, & iudex, & accusator inducitur, iudicium illud interius licet agnoscere, quo ab invisibili iudice reus vel absolvitur, vel ligatur. Ita in cæteris Sacramentis invenimus, mysticam Sacramentorum significationem quadam imaginis, & figuræ proportionem consistere.

Tertium fundamentum est: Sacramenta esse signa sanctificationis practica, quæ scilicet ipso usu adhibentur ad sanctificandum. Nam cum sit duplex signum sanctitatis, alterum speculativum, ut nomen sanctum, vel sanctificans; alterum practicum, quod non solum significat sanctificationem, verum & exhibet, ut Baptismus exterior; Sacramentum non signum speculativum, sed practicum est.

Id vero ex eodem cap. Multi, cum primis habetur, ubi Gregorius ait, Sacramenta dici, quod sub tegumento corporalium rerum divina virtus secretius salutem operetur.

Item, nisi ita esset, plura in nova Legge essent, quam septem Sacramenta, quandoquidem sacrarum rerum signa speculativa plura sunt.

Præterea, in sensu, quo Scholastici disputant de sacramentis, spirituales, & sacras medicinas intelligere cogimur, quæ nisi signa practica, & sanctificativa sint, intelligi nulla ratione possunt.

Est igitur sacramentum (ut hæc tria simul principia complectamur) sacrum & occultum signum ad sanctificandum institutum. In quem sensum illa definitio est optima: Sacramentum est sacræ rei signum.

Quare ad primum argumentum facillime responderet, matrimonium nec in statu innocentie, nec alio unquam ante Evangelium tempore fuisse sanctificativum; unde nec fuit Sacramentum: nisi lausissime quodlibet mysterium sacramentum vocare velis; quod, ut modo diximus, interpretes novi, ac veteris Testamenti sapienter facit. Quo significatu nunc de sacramentis minime disputamus: sed cum Concilio Florentino a factis

Resp. ad
Argu. in
contr.

Li. de Civ.
div. c. 1.
& refert de
eiusd. l. 1. c. 1.
facile est.

Epist. 1.
Cult. 1.
s. 1. m. 3.

Ep. ad Ro-
m. Epist. 1.

sacris aliis sacramenta distinguimus, ut peculiariter ad sanctificandum homines instituta.

Responderi quoque potest, matrimonium nec in statu innocentie, nec in lege naturæ aut scripturæ signum fuisse sacrum & religiosum: quippe cum non esset opus divini cultus, sed magis civilis humanusque contractus, in naturæ solum vel propagationem, vel remedium institutus. At in nova simul & sanctificativum & sacrum est, ut cetera religionis Christianæ sacramenta.

Nec in præsentia vertere in quaestionem volumus, an matrimonium, quod vel per procuratores, vel etiam ab ipsis conjugibus sine Ecclesiæ ministro, sineque aliqua religionis ceremonia prophane contrahitur, sacramentum sit: tamen si vocari in dubium jure fortasse potest. Nam ejusmodi contractus, quod jam insinuavimus, pure civilis est, nec aliqua ex parte opus religionis sacrum: quare non est sacramentum. Deinde quia, cum sine sacerdote, vel per procuratores, vel per literas, vel aliter quocunque modo fideles contrahunt, non se existimant esse sacrilegos, si non sint in gratia, quo tempore contrahunt: At si sacramentum conficeretur, proculdubio sacrilegi essent. Præterea quia recipere sacramentum unus pro alio non potest: ergo quod per alios contrahitur, non est sacramentum. Præterea, ut concilium Florentinum definit, omnia sacramenta tribus constant, materia, forma, ministro: quorum si aliquod desit, non perficitur sacramentum: At cum matrimonium sine sacerdote, aut ministro Ecclesiastico contrahitur, unum revera desit: non igitur conficitur sacramentum. Sed de hujusmodi quaestione alio loco fusius & copiosius differemus.

Ad secundum respondeo, sacrificium fuisse duplex in lege, tam naturali, quam scripta: Alterum ad protestandum, Deum rerum esse auctorem ac Dominum: & hujusmodi non erat Sacramentum, tamen illius sacrificii signum erat, quo religio nostra Deum unice colit: Alterum vero in id factum est, ut Deus mortalium culpis insensum placaretur: quod erat utique sacramentum. Videtur autem sacrificium Abel prioris generis fuisse, quoniam munus solum fuisse perhibetur, sicut & oblatio Cain. Quare non fuisse sacra-

menta, quæ a generalibus sacrificiis concilium Florentinum duxerunt.

Ad tertium, Serpens æneus & manna signa sacra non fuerunt, licet rerum sacrarum fuerint significativa: Nec enim aut erectio serpentis, aut manna usus in id fuit, ut Deo religionis cultus exhiberetur. Utriusque præterea rei usus erat in effectum aliquem corporalem. Serpens namque non fuit erectus ad sanctificandum animum, sed ad sanandum corpus: Nec manna prælitum Judæis est ad sanctitatem ipsorum, sed ad satietatem carnis. Non igitur fuisse signa practica sanctificationis, ac proinde nec sacramenta. Quanquam intelligentes hujusmodi rerum futurarum mystica signa, per fidem rerum, quas credebant, justificabantur: Omnes enim eandem eicam spirituales manducaverunt, & eundem potum spirituales biberunt. Bibeant autem de spirituali, consequente eos petra, petra autem erat, &c. ut Apostolus in priore ad Corinthios epistola testatur.

Ad quartum, quibusdam agnus Paschalis non videtur fuisse Legis veteris sacramentum, quod in illius efusus usus sanctificationis appareat. At divus Thomas multo aliter intellexit. Quemadmodum in Lege nova alia sunt sacramenta directe parata & instituta ad mundandum ac sanctificandum homines, ut Baptismus & Penitentia; alia vero supponunt jam esse mundos, danturque in usum sanctificatorum: Sic in veteri Lege agnus Paschalis sacramentum mundorum fuit, nempe quem nisi sanctis & mundis edere non licebat: atque ideo non fuit opus, ut imundos sanctificaret, sed sat fuit adhiberi ad consummationem legalis sanctitatis, quam quidem habere nemini contingebat, nisi agnus Paschalis ederetur. Quod si cui ratio hæc subtilior videatur, quam ut communi sensui possit accommodari, credat, agnum Paschalem non in memoriam solum Egyptianæ redemptionis immolari, sed etiam pro peccatis Israeliticis populi: Sicut Eucharistiæ sacramentum & signum commemorativum est præteritæ redemptionis, & pro peccatis fidelium immolatur. At sacrificium pro culpis oblatum, quod retro jam diximus, sacramentum erat.

Ad quintum: Patet, verba Christi non pertinuisse ad ritum aliquem religionis, sed tantum explicasse divinum

Cap. 14.

1. p. 40. 57.
5. & 12.
Gor. 3. 16.
2.

potestatem. Nam eadem loquendi forma Dominus dixit: Surge & ambula: fides tua te salvum fecit; & alia ejusmodi, quæ passim reperies apud Evangelistas. Imo vero non existimaverim, verba illa fuisse quasi instrumentum, quoniam Dominus ad sanctificationem uteretur: quod tamen esset necessarium, ut ibi esset sacramentum. Rursum & manifestam etiam habent significationem, nec gestum ibi fuit quicquam, quod sub rerum corporalium imagine occultum mysterium insinueret: quapropter nullum fuit eo loco sacramentum.

Atque inde confirmatio addita facile solvetur: Si enim novæ Legis sacramento sola verborum expressa significatio esset, non esset propria ratio sacramenti. Tamen dicere quoque possumus, signum parziale sanctificationis esse quidem partem sacramenti, non autem esse sacramentum, hoc est, signum integrum sanctitatis, quod videlicet in nova Lege materia, formaque constat, rebus & verbis. Quo fit, ut cum artificiosum compositum esse sacramentum videatur, non pro forma verborum accipiendum sit, sed pro materia potius rerum sensibilibus: quemadmodum vasis aut statux vocabulum non pro forma artis accipimus, sed pro materia habente formam.

Ad sextum: Aliorum solutionibus prætermisiss, quæ, nisi me opinio fallit, non sunt idoneæ: Respondeo cum D. Thoma, aquam benedictam non esse signum sanctificativum, etiam si non ponas culpæ modum, sed, id quod mihi probabilius est, culpas quoque veniales remittat. Nam quemadmodum illæ ceremoniæ sacræ, quæ præparant quidem ad Baptismi sanctificationem, at non faciunt tamen suscipientem, ut Exorcismus, Sacramenta dici non possunt; possunt autem vocari sacramentalia, quasi sacramentorum ipsorum sanctificantium præparationes: sic aqua benedicta & cætera ejusmodi, quæ peccata solum venialia delent, quoniam sanctitatem præstare nequeunt, sacramentalia sunt, non sacramenta.

Sed obijcis. Ergo Confirmatio non est sacramentum, ut quæ Baptismo adjuncta, ipsius effectum perficit. Nego consequentiam, quia effectus proprius Confirmationis sine collatione gratiæ, per quam est vera sanctificatio, præstari non potest; & idem omnino est in

reliquis Ecclesiæ sacramentis. Remissio autem venialium, qui est effectus aquæ benedictæ, sine collatione gratiæ & sanctitatis confertur. Effectus præterea aquæ benedictæ in sacramento Penitentiae est: Unde sacramentale, quod additur, annexum sacramento Penitentiae est, quod videlicet integrum suum effectum non habuit. At effectus Confirmationis proprius in sacramento Baptismi non est, sive in alio quidem sacramento. Quare non est sacramentale, quasi alicui sacramento secundario conjunctum, sed est per se verum perfectumque sacramentum. Qua vel maxime ratione eorum error fit manifestus, qui sacramento Unctionis extremæ remissionem venialium, tanquam effectum proprium, assignaverunt: quod si esset, certe Unctio non esset sacramentum, sed sacramentale quiddam.

Quod autem Alexander asserit, aquam consecratam populum sanctificare, purgare, sanare; forsitan intelligendum est non solum de aqua ista vulgaris, qua in remissionem venialium aspergitur, sed de aqua etiam ad Baptismum populi paranda, quæ prius etiam sale conspergitur, & divinis precibus consecratur. Confert enim summus Pontifex elementa, quæ Christiana religio in suum usum vindicare solet cum iis, quorum fuit olim usus in veteri testamento: docetque, majorem nostris inesse vim sanctificandi, purgandi, sanandi, quam veteribus. Quod si cui hæc nostra intelligentia displicet, quæ tamen, lunum ut luno, ita facile antecessitibus consequentia necit; is tale habeat responsum, aquam sacram & benedictam sanctificare & purgare secundum quid, eo quod peccatorum penas solvit; culpas item veniales: Nunquam vero simpliciter & absolute sanctificat, quod ratio sacramenti requirit. At si hinc colligas, Legis veteris nulla fuisse sacramenta, quæ videlicet neminem sanctificabant; huic non argumento suo postea loco respondebimus.

Ad postremum vero nunc dicitur, aliud esse sacramentum tantum; aliud esse simul & rem sacramenti, & sacramentum, ut cap. Cum Martine, de celebratione missarum, Innocentius tradit. hic igitur nos definitius sacramentum tantum, quod oportet esse sensibile. At quod simul est res & sacramentum, satis habet, si sit signum intel-

Phil. 11. ad
Basilic.

Apoc. 14.

464
telligibile; ut character signum est spirituale, quo sumus interius consignati; & corpus Christi signum est intellectuale corporis mystici, hoc est, ecclesiasticæ unitatis: qua significatione & corpus Christi, & character appellantur sacramenta. D. tamen Augustinus dicit, esse figurarum sermonem, cum corpus Christi vocat sacramentum: Nam rerum similitudines nonnunquam rerum ipsarum, quarum sunt signa, vocabula accipiunt: ut in Apocalypsi Agnus, qui occisus est ab origine mundi, id est, Agnus signatus ab origine mundi; ut & Augustinus, sive quis alius fuerit ejus operis auctor, homil. 10. in Apocal. legit: & ad Rom. 6. Consepulti enim sumus cum illo per baptismum, & ad Corinth. 10. Petra autem erat Christus: Eodem, inquit, modo sacramentum corporis Christi, corpus Christi est; & sacramentum sanguinis, sanguis est. Ac de prima parte satis nobis fuerit disputatum.

PARS SECUNDA.

De necessitate fidei Christi ad salutem.

3. quæst.
princip.

Argum.
propat.
tencgat.
Nec. 14.

Sequitur altera, ubi differendum est. an fides Christi Salvatoris nostri fuerit in omni Lege ad salutem necessaria.

Et pro parte quidem negativa illud est præcipuum argumentum, quod in Lege nature satis erat credere Deum esse, & esse remuneratorem inquirentium se, ut Apostolus ad Hebræos videtur asserere. Fides igitur unius Mediatoris, qui scilicet Deum placaret, salvaret homines, non erat necessaria.

Præterea, non in lege nature modo, verum etiam scripturæ, satis ad salutem erat servare mandata, juxta id, quod Dominus ait: Si vis ad vitam ingredi, serva mandata. At decem mandata legis, de quibus sermo erat, naturali ratione continebantur. Non ergo ad salutem erat fides unius Mediatoris necessaria.

2. Tim. 2.

Resol.
Quæst.

Pro parte vero affirmativa illud Apostoli testimonium est: Unus Deus, unus mediator Dei, & hominum homo Christus Jesus.

Volumus hic nos, quasi Trojanum bellum gemino ab ovo, hujus argumenti materiam exordiri, indeque di-

sputationem inchoare, an videlicet homines in statu innocentie, vel etiam Angelos viatores contingere poterit sine Christi fide salutem habere: Non alienum est hoc a præsentis disputatione, & ab instituto hujus diei prorsus remor: Non enim hoc sane loco in fidei quæstionem incurramus, nisi sacramentorum ratio postulat. Etenim cum sint sacramenta omnia quædam fidei in Christum protestationes; non aliter commode potuimus sacramentorum necessitatem definire, nisi prius statuissemus, quouique Christi fides sit, fueritque mortalibus necessaria: Nam sacramenta mortalium sunt medicinæ.

Itaque, ut ad hujus quæstionis caput recurrat oratio, dupliciter potest intelligi fides Christi, & implicita & explicita. Nempe Christiani explicite in Christum Deum & hominem credimus: At qui credidit olim, Deum humanæ salutis procuratorem per aliqua media mortales in vitam æternam reparaturum, is Christi fidem habuit implicitam.

Prima igitur conclusio sit: Non fuit 1. Conclusio. fides Christi explicita semper ad salutem in omni lege hominibus necessaria.

Hanc & Magister 3. distinct. 25. & communis tenet Theologorum consensus. Eandem habet Divus Augustinus contra Faustum, libr. 19. cap. 14. Imo & Apostolus eandem, nisi ego cecutio, videtur confirmare, cum ait: Conclusit scriptura omnia sub peccato, ut promissio ex fide Jesu Christi daretur credentibus. Prius autem quam veniret fides (scilicet Evangelica) sub lege custodiebamur conclusi in eam fidem, quæ revelanda erat. Satis ergo erat fides implicita Jesu Christi ad illius veteris populi salutem, populi, inquam, in eam fidem conclusi, quæ tempore gratiæ erat manifestius explicanda. Multo igitur minus fides Christi explicita in Lege nature ad salutem requirebatur.

Galat. 1.

Secunda Conclusio: Fides Christi 2. Conclusio. Redemptoris saltem implicita, fuit semper post lapsum hominibus necessaria. Hanc citra fidei periculum negare non licet, quam utique auctores imprimis gravissimi confirmant, quorum testimonia infirmare nulla ratione possumus. Hieronymus in 1. cap. epistolæ ad Galat. super ea verba: Sciētes, quod non justificatur homo ex ope-

operibus legis, nisi per fidem Jesu Christi: Admonere, inquit, debemus sanctos, qui antiquitus fuerunt, ex fide Christi iustificatos. Siquidem Abraham vidit diem Christi, & lætatus est. Et Moyses majores divitias exultavit thesauro Ægyptiorum improperium Christi: Aspicebat enim in remunerationem. Et Elaias vidit gloriam Christi, ut Joannes Evangelista commemorat, & Judas de omnibus generaliter. Item in capit. 4. ejusdem epistolæ: Hæres iste parvulus, qui nihil differt a servo, sed sub tutoribus est, usque ad prænitium tempus a Patre, totum humanum genus, inquit, usque ad Adventum Christi significat. Quomodo enim omnes in protoplasto Adam necdum nati moriuntur; ita & omnes, & hi, qui in adventu Christi nati sunt, in secundo Adam vivificantur. Ille intellectus Ecclesiæ Catholice convenit, quæ & veteris & novi testamenti unam afferit providentiam, nec distinguit in tempore, quos conditione sociavit. Omnes ædificati sumus super fundamentum Apostolorum & Prophetarum, continente nos angulari lapide Jesu Christo; omnes unus panis sumus, & duo consensus super terram. Et quomodo nos super Prophetas fundati sumus, ita & Patriarchæ in Apostolorum fundamine constiterunt. Hactenus Hieronymus.

Præclara certe, & tali viro digna interpretatio: Quemadmodum enim parvulus hæres idem est & adultus; sic populus ille antiquus, & hic novus eadem fide, & religione contentus eadem quoque Ecclesia est. Ac sicut in parvulo implicite continetur, quod postea explicatur in adulto: ita fides illa antiquorum parvula fuit, & visua continebat implicite, quod deinde crescens habuit explicite.

Divus item Augustinus hanc sententiam frequentissime repetit, lib. primo contra duas epistolas Pelagianorum, cap. 21. & super Joann. tract. 45. & epistol. 157. quæ scribitur ad Operatum, ut multa alia loca prætermittam. Illa sit fides salva, inquit, qua credimus, nullum hominem sive majoris, sive parvulæ quamlibet & recentis ætatis liberari a contagione mortis antiquæ, & obligatione peccati, quod prima naturæ contraxit, nisi per unum mediatorem Dei & hominum Christum Jesum, cujus hominis ejusdemque Dei

saluberrima fide etiam illi iusti salvi facti sunt, qui priusquam veniret in carne, in carne crediderunt esse venturum: Eadem namque fides est & nostra & illorum: Quoniam hoc crediderunt illi futurum, quod nos credimus factum: & Sacramenta quidem potuerunt esse pro temporum diversitate diversa, sed ad unitatem tamen ejusdem fidei concordissime recurrentia. Proinde cum omnes iusti, sive ante incarnationem, sive post incarnationem Christi, nec vixerint, nec vivant, nisi ex fide incarnationis Christi, profecto quod scriptum est, non esse aliud nomen sub celo, in quoniam oporteat salvos fieri, ex illo tempore valet ad salvandum genus humanum, ex quo in Adam vitiatum est. Hactenus Augustinus.

Gregorius quoque Hom. 16. in Ezechielem in hujus rei figuram etiam asserit, turbas, quæ præcedebant & sequebantur, utraque pariter acclamasse filio David: Osanna in excelsis. Postem equidem testimonia proferre in hujus rei confirmationem sanctorum aliorum; sed ne multa, proterre satius est sacrarum testimonia literarum: in quibus illud primum est, quod habetur ad Corinthios: Habentes eundem spiritum fidei, sicut scriptum est: Credidi propter quod locutus sum; & nos credimus propter quod & loquimur.

Secundum vero habetur alibi: Patres nostri omnes sub nube fuerunt, & omnes mare transierunt, & omnes in Moyse baptizati sunt in nube, & in mari, & omnes eandem escam spiritalem manducaverunt, & omnes eundem pocum biberunt. Bibebant autem de spiritali consequente eos petra: Petra autem erat Christus.

Tertium ad Roman. Sicut per unius delictum in omnes homines in condemnationem, sic & per unius justitiam in omnes homines in justificationem.

Postremum idemque gravissimum, ad Roman. quæ cætera & explicantur & confirmantur: Omnes peccaverunt, & egent gloria Dei, iustificati gratis per gratiam ipsius, per redemptionem, quæ est in Christo Jesu, quem proposuit Deus propitiorem per fidem ad ostensionem justitiæ suæ, propter remissionem præcedentium delictorum, ut sit ipse justus & iustificans eum, qui est ex fide Jesu Christi:

G g

1. Cor. 4.

2. Cor. 13.

Rom. 5.1.

Rom. 1.

fi: Unus est enim Deus, qui iustificat circumcissionem ex fide, & præputium per fidem.

Et causa est in promptu: Non enim possent peccatores abjecto peccato Deo reconciliari, nisi crederent, se peccatorum veniam gratia divina posse consequi: Nec sciret homo iustitiam & salutem quærere, nisi, unde petenda esset, agnosceret. Semper ergo necessarium fuit credere, Deum esse hominem iustificatorem ac salvatorem, quo videlicet providente salutis remedia erant humano generi comparanda: Hac vero fide implicita credebatur in Christum, per quem Deus erat iustificaturus, servaturusque universas nationes.

3. Cone. Tertia conclusio: Fides Christi
Argum. explicita, post Evangelii divulgationem, est ad salutem cuiusque hominis
cont. necessaria; in cuius confirmationem
hanc testimonia sanctorum retro citata, non
Concl. tam idonea sunt, quam ego desidero: Indiscriminatim enim asserunt, neminem, nec pusillum, nec magnum, aut in nova, aut in antiqua lege sine Christi fide potuisse salvari. Cum igitur veteres sine fide explicita Christi salutem fuerint assecuti; ex sanctorum testimonio, ut videtur, confirmare non possumus, fidem explicitam esse nunc temporis necessariam. Atque hoc argumentum nonnullos omnino commovit, ut tertiam conclusionem inficiarentur. Illud etiam, quod præceptum de fide Christi potest invincibiliter ignorari, ex Joann. 15. Si non venissem, & locutus eis non fuisset, peccatum non haberent. Ergo & potest quis salvari sine explicita fide Christi, faciendo aliter quæcunque lex naturæ præscribit. Et confirmatur, quia potest quis in memoribus, vel in sylvis educari, quo nullus prædicator accedat: nec tamen fidem Christi habere potest sine prædicante: Ergo per fidem implicitam Christi, sicut in lege naturæ, salvabitur. Confirmatur deinde; quia statim a Christi passione, illi, ad quos Evangelium non pervenerat, servabantur, vel in lege Moysi, vel in lege naturæ: Ergo & nunc ii, ad quos nondum pervenit Evangelii prædicatio, verbi gratia, Indi. Nam eodem penitus modo, sicut illis non fuerat Christus annunciat; ita & apud hos non est divulgatum Evangelium.

His tamen non obstantibus, tertia illa conclusio usque adeo certa est, ut eam negare non periculosum modo, verum etiam erroneum sit: hæreticum dicerem, nisi modestus esset, Ecclesiæ definitioni hujus vocabuli notam derelinquere. Id ego statim ostendam, si prius tamen discrimen inter fidem veteris & novi Testamenti, ut videlicet illa fuerit implicita, hæc autem explicita, certis documentis declaravero. Primum igitur D. Aug. lib. 19. contra Faust. c. 14. Antiqui iusti, ait, Sacramentis suis intelligebant venturam prænnuntiari revelationem fidei, ex qua, licet adhuc operata & abscondita, etiam ipsi vivebant. Et infra: Tunc ergo occulta erat fides. Nam eadem credebant, eademque sperabant omnes iusti & sancti, etiam temporum illorum. Nunc autem revelata est fides, in quam conclusus erat populus, quando sub lege custodiebatur. Ecce Augustinus testimonio Pauli ad Galat. 3. id probat, quod assimpsumus discrimen esse veteris & novæ fidei.

Præterea: Idem Apostol. ut ante jam vidimus, comparans fidem illius veteris populi fidei populi novi, illam parvuli vocat, hanc grandioris jam viri. Et ne longum faciam, cap. 1. epistolæ ad Colos. circa finem cap. 3. epistolæ ad Ephesios circa medium, toto denique cap. 3. epistolæ posterioris ad Cor. hoc discrimen insinuat.

Illud itaque jam quod instat, agamus, probemusque, fidem Christi explicitam post Evangelium promulgatum esse ad salutem necessariam. Id vero primum ostenditur ex Marco: Prædicare, ait, Evangelium omni creature: Qui crediderit, & baptizatus fuerit, salvus erit; qui vero non crediderit, condemnabitur. Ubi Bernardus ad Hug. epist. 77. diligenter advertit, non esse dictum, Qui non baptizatus fuerit, condemnabitur; sed, Qui non crediderit, &c. Ut major quadam necessitas fidei in Evangelium, quam Baptismi præscriberetur. Fit enim, ut sine Baptismo quis salvetur, cum scilicet Baptismi suscipiendi non est facultas; at credendi Evangelio tanta necessitas est, ut omni eventu, qui non crediderit, condemnetur.

Item: Sicut Moyses exaltavit serpentem in deserto, ita exaltari oportet filium hominis, ut omnis, qui credit

Galat. 4.

Marci ult.

Rom. 10.

Joan. 3.

ait in eum, non pereat, sed habeat vitam æternam. Qui credit in eum, non judicatur: qui autem non credit, jam judicatus est, quia non credit in nomine unigeniti filii Dei. Et infra: Qui credit in filium, habet vitam æternam; qui autem incredulus est filio, non videbit vitam. Et tamen si non est medium ad salutem necessarium, cum possit invincibiliter ignorari, ut nunc ex doctrina communi supponimus, potest quis esse incredulus filio, hoc est credere filium non esse Deum, & in hoc errore salvari. Et alibi: Omnis, qui audit a patre, & didicit, venit ad me. Si autem quis servavit, auditur a patre & didicit: ergo venit ad Christum. Et alibi: Ego sum ostium: per me si quis introierit, salvabitur, &c. Et c. 14. Vado parare vobis locum, & quo ego vado scitis, & viam scitis; dicit ei Thomas: Domine, nescimus quo vadis, & quomodo possumus viam scire? Dicit ei Jesus: Ego sum via & veritas & vita: nemo venit ad patrem, nisi per me. Et capit. 17. Hæc est vita æterna, ut cognoscant te solum verum Deum, & quem misisti Jesum Christum. Utrumque igitur medium est nunc ad salutem necessarium, & cognoscere Deum, & cognoscere quem misit Deus Jesum Christum; ut scite Divus Chrysostomus interpretatur.

Præterea, referente Luca, Angelus Cornelio viro iusto ac timentum Deum ait: Mitte, & accersere Simonem: ille dicit tibi, quid te oporteat facere. Quæ verba tractans Augustinus de prædest. sanctior. c. 7. Non sine fide Cornelius orabat: Nam quomodo invocabat, in quem non crederat? sed si posset sine Fide Christi esse salvus, non ad eum ædificandum mitteretur architectus Apostolus Petrus, qui videlicet illi diceret, quæ oporteret audire. Ille, inquit, dicit tibi, quid te oporteat facere. Et cunctos carceris quoque apud eundem Lucam: Quid, ait, oportet me facere, ut salvus sim? At illi Paulus & Silas dixerunt: Crede in Dominum Jesum.

Præterea, Apost. ab Romanos eandem sententiam docet in hæc verba: Si confiteris in ore tuo dominum Jesum, & in corde tuo credideris, quod Deus illum suscitavit a mortuis, salvus eris. Corde enim creditur ad

justitiam: ore autem confessio fit ad salutem. Dicit enim Scriptura: Quicumque invocaverit nomen Domini, salvus erit. Quomodo ergo invocabunt eum, in quem non crediderunt? aut quomodo credent ei, quem non audierunt? quomodo autem audient sine prædicante? Et infra: Ergo fides ex auditu, auditus autem per verbum Christi. Sed dico, namquid non audierunt? Et quidem in omnem terram exivit sonus eorum &c. Vides, quemadmodum invocationem Domini, quæ fuit semper in omni lege necessaria, ad invocationem nominis Christi deflexit Apostolus: Quæ videlicet nunc opus est, cum jam in omnem terram exivit Apostolica prædicatio.

Quod si cui testimonia hæc videntur infirma, huic nos illud obijciemus, quod Philosophus quidam magni nominis sapienter scripsit, ineptum esse, exactam ubique demonstrationem efflagitare. Nam si sacrarum literarum testimonia in hanc rem essent manifesta, qui negasset, eum nos non rememteritis & erroris, sed hæresis nota muremus.

Habemus præterea symbolum Athanasii, cui nemo sane Catholicus refragabitur: Necessarium est, ait, ad æternam salutem, ut incarnationem Domini nostri Jesu Christi fideliter credat. Et tandem: Hæc est fides Catholica, quam nisi quis fideliter crediderit, salvus esse non poterit.

Præterea, c. firmiter, de summa Trin. & fide cath. Una est fidelium universalis Ecclesia, extra quam nullus omnino salvatur. Sed ille, qui vivit ante in lege Moysi, aut in lege nature, ignorans fidem Christi, non est pars unius Ecclesiæ: Catholice: ergo non salvatur. In concilio quoque Florent. iuh Eug. IV. idem explicatius habes; Sacrosancta Romana Ecclesia firmiter credit, nullos extra Catholicam Ecclesiam excentes, nec paganos, nec Judæos, nec hæreticos, nec schismaticos, æternæ vitæ fieri posse participes, sed in ignem æternum ituros, nisi ante finem vitæ eidem fuerint aggregati; tantumque valere Ecclesiastici corporis unitatem, ut nemo quancunque elemosinas fecerit, possit salvari, nisi in Catholice Ecclesiæ gremio & unitate permanserit. Idem iere habes extra. de hæret. c. 3. & extrav. unam sanctam, de majoritate & obe. Huc etiam

G g 2 iam

Art. 4.
Ethic.

iam pertinet Hieronymi testimonium, 24. q. 1. c. quoniam vetus, & Cypriani, c. loquitur, & c. alienus. & Augustini, cap. firmissime, 15. q. 1. & multa alia, quæ refert Cardinalis Turrecrem. libro primo Ecclesiasticæ summæ, capit. 21. Errant igitur, qui novam divulpatam lege, salutem æternam cuiquam sine explicita fide permittunt. Atque hic error quam longe serpat, non vident; Concedant enim pariter necesse est sine Baptismo in re vel in voto suscepto introitum in regnum cælorum, concilio Trid. sess. 6. repugnant in decr. de justificatione impii cap. 4. Nisi repugnante Evangelio, cum ait: Nisi quis renatus fuerit, &c. Quod si adultis ea media nunc satis sunt, quæ erant ante legem Christi; non equidem video, qua consequentia parvulus remedia legis naturæ & scripturæ fuerint revocata. Aut fateantur igitur, parvulos, cum non adest sacculus Baptismi, salvari, quod ecclesia Christi non admittit: Aut, quod nos facimus, negent adultis sine Evangelio fide salutem.

Dicant etiam mihi, quibus contraria sententia placeat, an Judæi, ad quos Evangelium non pervenit, servantes legem Moysi salvantur, an non: si non, habetur id quod volumus; si etiam, quid ergo præscripta Concilii Florentini de huius præstat? quid & illa rursus, in quam Catholici convenimus, legalia post Evangelii divulgationem, sine interitu servari non posse, & omnes ejusmodi observatores a Christo alienos, & æternæ vitæ minime fieri posse participes, nisi aliquando ab his erroribus rescipiant?

Ad primum vero argumentum, quo tertia hæc conclusio vertebatur in dubium, nego equidem consequentiam. Aliud enim est, quod excusetur quis a peccato non credendi in Christum; aliud, quod sine fide Christi vitæ æternæ beneficium consequatur, ut divus Thom. 2. 2. q. 10. diserte nos docuit. Condemnabuntur igitur illi, non quia non crediderunt in Christum, cum non sit illis Evangelium annuntiatum, sed propter alia contra legem naturæ peccata. Quod si fingas, ejusmodi legem naturæ servare, respondet Divus Thom. 3. distin. 25. quæst. 2. ar. 1. quæst. 2. & ar. 2. quæst. 2. quod si quis faciat, quod in se est, huic Deus providebit, vel per hominem,

vel per angelum, si opus fuerit: & si quæras, unde hæc tam extraordinaria providentia, certe, præterquam quod ratione constat (nec enim Deus deficiat in necessariis) sacris etiam literis traditur. In actis c. 8. Angelus rapuit Philippum ad Eunuchum virum religiosum. Et cap. 10. Angelus apparuit Cornelio viro timentum Deum, iacenti elemosynas, & oranti. Et Joani. cap. 1. cum dixisset: Erat lux vera, quæ illuminat omnem hominem venientem in hunc mundum, Dedit, inquit, eis potestatem filios Dei fieri iis, qui credunt in nomine ejus. Et cap. 12. cum dixisset Dominus: Ego si exaltatus fuero a terra, omnia traham ad meipsum; respondissetque ei turba: Quomodo dicis, oportere exaltari filium hominis? quis est iste filius hominis? dixit eis Jesus: Ambulate dum lucem habetis, ut non vos tenebræ comprehendant: dum lucem habetis, credite in lucem, ut filii lucis sitis: Ego lux iam mundum veni, ut omnis, qui credit in me, in tenebris non maneat. Sicut in lege naturæ facienti quod in se erat, & servanti naturæ legem Deus præsto erat ad revelandum supernaturalia, sine quorum fide salvari non poterat: Sic in nova lege præstanti, quod in se est, lux Evangelii resurget; quam qui non habet, manet in tenebris. An videlicet iustitiæ Sol Christus Dominus non illuxit? Et hinc patet responsio ad priorem confirmationem.

Nam ad posteriorem respondetur, aliam esse rationem post Evangelii plenam divulgationem, atque antea erat. Siquidem dum adhuc Evangelium vulgaretur, licitum erat Paulo Timotheum circumcidere, purificareque sese juxta legis antiquæ præscriptum cum cæteris Judæis: quæ tamen eadem nunc facere, superfluo proculdubio esset. Item, adhuc Evangelii prædicatione currente, pueri eorum, ad quos Evangelium non pervenerat, salvabantur in legis naturæ Sacramentis, ac nunc temporis nihil tale Catholici recipimus. Abstinere a sanguine, & suffocato, a principio Evangelicæ prædicationis non licuit modo, verum etiam necessarium fuit, ut Act. 15. dicitur. At nunc qui ea servaret, Judaicæ superstitionis merito condemnaretur. Sic ergo & sine fide explicita a principio statim Apostolicæ prædicationis homines servari po-

Ref. ar.
g. cõt.
3. Conc.
allatis.

Ad. 2.

Ad 1. in. &
20.

poterant, nunc servari non possunt. Quod in Actis jam coepit explicari, dum peculiaris illa, & nova salutis procuratio per insolita media describitur. Nec tamen ego is sum, qui definire valeam, quando primum incepit illud tempus, quo Evangelii plenaria prædicatio absoluta est, cum videlicet remediis antiquis penitus abolitis, sola Evangelicæ legis remedia pro utriusque & adultis, & parvulis remanserunt. Sed id tamen statueri sine dubitatione possum, neminem, cui fides Christi explicita desit, posse nunc temporis salutem adipisci.

At enim cum dupliciter intelligatur salus; altera æterna, ad quam iusti post hanc vitam venient; altera, qua in presenti sanantur homines a peccato, vel originali, vel actuali; facile nobis tribuent viri docti, sine fide Christi nulli unquam mortalium æternam concessam esse salutem. Illud tamen etiamnum a doctis hominibus in dubium revocatur, an sine Christi fide possit homo a culpa sanari.

Afferunt autem ad novi dogmatis confirmationem, Divi Thomæ primum auctoritatem 1. 2. q. 89. artic. 6. ubi tenet, esse non posse veniale peccatum cum solo originali. Quod idem Innocentius superius supponit cap. majores, extra de bap. 9. sed adhuc queritur: Et concilium Florentinum in decreto de unione Græcorum, inquiens, Illorum animas, qui in actuali peccato mortali, vel solo originali decedunt, mox in infernum descendere.

Hujus vero conclusionis causam D. Thomas eam reddit, quod cum usum rationis habere puer coepit, primum, quod illi cogitandum occurrit, est deliberare de se ipso. Et si quidem se ordinaverit ad debitum finem, per gratiam consequetur remissionem originalis peccati. Si vero non ordinet seipsum ad debitum finem, secundum quod in illa ætate est capax discretionis, peccabit mortaliter, non faciens quod in se est. Hactenus ille.

Ex his Divi Thomæ verbis ratiocinantes, Fieri potest, inquiunt, ut primo tempore usus rationis puer non modo Christum, sed ne Deum quidem agnoscat, utpote apud barbaros sine ulla religione notitave divini nominis educatus. Is ergo, ut faciat quod in se est, satis erit, si se convertat in ho-

nestum finem naturæ ratione comprehensum. Sed tunc ille mortaliter non peccat, cum bene faciat pro ætate & institutione, quam habet; nec est in solo originali, ut D. Thomas auctore nos habemus. Ergo consequetur gratiam sine cognitione Dei, ac provide sine fide Christi.

Præterea, quoniam hæc urgere angustius volumus, ut D. Thomas 2. 1. q. 10. ar. 1. docet, Infidelitas nullum peccatum est in iis, qui de rebus fidei nihil penitus audierunt. Cognoscat itaque puer prima deliberatione aliquid esse honestum, aliquid contra turpe & statuatque sese honestam vivendi rationem sectaturum, inhonestam repudiatum, quemadmodum de Hercule in somnio ferunt fabulæ: Jam quero, num ille peccet? Minime vero gentium. Non enim peccatum infidelitatis, ut ex illa q. 10. patet; nec peccatum omissionis, cum convertat se in honestum finem, quantum ei per scientiam & ætatem licet. Est igitur in gratia, si D. Thomam auctorem sequimur.

Præterea, ut urgentius instantiusque premamus, fides ex auditu est; auditus autem non est sine prædicante, quod Apostolus ad Rom. 10. tradit. Non ergo potest puer statim a principio usus rationis fidem habere sine prædicatore. At non est præsto, ut supponimus, prædicator, qui in ipso videlicet temporis articulo credenda proponat: ergo juxta D. Thomæ sententiam, puer ille citra fidem actum iustificabitur. Faciamus insuper, ut primus actus pueri utentis ratione sit, velle accipere Baptismum; quia scilicet videt pueros alios a Sacerdote baptizari, cuius rei exemplum habes 10. Hist. Eccles. libro, capite 14. referturque a Gratian. 1. q. 1. cap. Spiritus sanctus, de pueris baptizatis ab Athanasio puero. Tunc ergo cum baptizatus non ponat obicem, recipit gratiam; recipit autem sine fide. Nihil ergo vetat, ut homo citra fidem iustificetur.

Præterea, in quocunque temporis puncto atque momento potest homo iustificari: sed non in quocunque potest cognoscere Deum secundum ordinariam, & moralem potestatem. igitur sine Dei & Christi fide possumus a peccato sanari, ac remissionem peccatorum consequi.

Addit huc, quod, ut Apostolus dicit, Gentes quæ legem non habent, na-

Ad Rom. 2.

Utrum
sine fide
Christi
homo
possit a
culpa
sanari.
Arg. pro
parte
affirm.

naturaliter ea, quæ legis sunt, faciunt; qui ostendunt opus legis scriptum in cordibus suis. Sed factiores legis iustificabuntur, ut eodem cap. Apostolus ait. Ergo sola cognitione naturali potest homini obvenire iustificatio. Unde & Divus Thomas in commentariis super hunc ipsum locum: Naturaliter, inquit, id est, per legem naturalem ostendentem eis, quid sit agendum, & tamen non excluditur gratia ad movendum affectum. Hactenus D. Thomas. Non ergo exigitur gratia ad movendum intellectum, ut homo iustificetur; sed per solam naturæ rationem potest iustificari.

Præterea, non est necessaria alia cognitio, ut quis accedere possit ad Deum, nisi qua intelligitur Deus esse, & esse remunerator inquirentium se: At utraque habetur ex lumine naturali. Ergo si quis habens demonstrationem divinæ erga hominem providentiæ, atque iustitiæ, ad Deum accesserit, sine fide gratiam poterit consequi. Non enim credit, sed scit Deum esse, &c.

1. Conc.

In huius rei explicationem sit prima conclusio. Erroneum est, atque adeo forsitan hæreticum, asserere, quemquam ad eum sine actu fidei per solam naturæ cognitionem iustificari: Nam & sacri Doctores unanimi consensu reclamant, & arcane literæ contra pugnant.

Ambrosius in primis in illud 1. ad Timoth. 2. Qui vult omnes homines salvos fieri: Conditio, inquit, later, si accedat ad eum: Fides est enim, quæ dat salutem, quam nisi mens tota susceperit voluntate, non solum nil proderit, sed & oberit. Fidei enim gratia hanc habet potestatem, ut devotis sibi divinam inundat medelam, indevoctis vero conferat morbum, per quem totus homo intereat. & primo libro offic. cap. 29. fidem, ait, esse iustitiæ fundamentum. Et ad Demetriadem Epist. decimi libri 84. quod scientia naturali ingenio & industria compata non sufficit ad animi salutem, ostendit ex illo: ubi Sapiens, ubi scriba? Nonne stultam fecit Deus sapientiam huius sæculi? & ex illo ad Rom. 2. Quia cum cognovissent Deum, non sicut Deum glorificaverunt, aut gratias egerunt, sed evanescerunt, &c.

Prov. 2.

Quod autem scientia, quæ ad salutem animi satis est, a Dei gratia & munere proveniat, ostendit idem ex Proverbiis: Dominus dat sapientiam, &

ex ore ejus prudentia, & scientia: tunc intelliges iustitiam, & iudicium, æquitatem, & omnem semitam bonam. Et ad Corinth. Nemo potest dicere Dominus Iesus, nisi in Spiritu sancto, & divisiones gratiarum sunt, &c. Et: Non sumus iustificantes cogitare aliquid ex nobis, quasi ex nobis, sed iusticia nostra ex Deo est, & Hierem. 9. Non gloriatur sapiens, &c. Et Psal. 83. Domine in lumine vultus tui ambulabunt, & in nomine tuo exultabunt tota die, quoniam gloria &c. Et ne quis possit retragari, legat librum primum de vocatione gentium, ubi hæc sententia manifestissime comprobatur. Fides, inquit capite penult. quæ bonæ voluntatis, & iustæ actionis est genitrix, quo ipsa fonte nascatur, Apost. Paulus exponit, &c. Probat autem multis ex locis, fidem esse donum Dei, &c. & cap. ult. Abunde, ait, demonstratum est, fidem, quæ iustificatur impius, nisi ex Deo munere non haberi, & ad hoc donari, ut principium possit esse meritum. Subdit deinde illud ex Psal. 42. Emitte lucem tuam & veritatem tuam, ipsa me deduxerunt, &c. Et Proverbior. 8. Meum est consilium, & æquitas, mea est prudentia, mea est fortitudo. Hierem. 10. Scio Domine, quia non est hominis via ejus, nec viri est, ut dirigat gressus suos. Dirigere autem gressus, ad intellectum deliberantem pertinet, vel, ut verbis Ambrosii utar, ad rectam sapientiam. & Hierem. 24. Dabo eis cor, ut sciant me. Et Joan. 6. Erunt omnes docibiles Dei: Omnis, qui audivit a Patre, & didicit, venit ad me, &c. Libro denique 2. devocat. Gen. capite 2. Dubitandum, inquit, non est, ad ipsam cognitionem veritatis, & perceptionem salutis neminem, nisi ope divinæ gratiæ pervenire. Et cap. 2. Cum nemo nisi gratia Dei iustificatus fuerit per spiritum fidei, quis ambigat, eos, qui de quibuscunque nationibus quibuscunque temporibus Deo placere potuerunt, spiritum gratiæ Dei iussu discretos? &c.

Chrysost. Homil. de fide & lege naturæ, Ante opera primum, ait, fides inducenda est. Eam enim, qui operatur iustitiam sine fide, non possum probare vivum fuisse. Nullus sine fide vitam habuit &c. Et Homil. 32. in Joann. Ubique fide nobis opus est bonorum matre, salutis medicina, sine qua nullam magnarum rerum doctrinam

2. Cor. 12.

2. Cor. 3.

nam percipere quisquam potest. Id ipsum in commentariis quidem super epistolam ad Romanos, sæpe tradit, sed Homil. 1. vel maxime. Divus Augustinus disertissime eandem sententiam proficitur libro 83. Quæstionum qu. 67. libro de corrept. & gratia, capite 2. & 7. de gratia & liber. arbit. cap. 7. de spiritu & lit. cap. 29. 30. 31. lib. 1. retract. cap. 23. & super Joan. tract. 25. & 26. in illud: Nisi manducaveritis, &c. & super Psalm. 13. 31. & 67. ne Epistolæ ad Operatum verba etiam atque etiam resumamus.

Hieronymus ad Ephes. in illud, Habitare Christum per fidem in cordibus vestris: Habitatio, inquit, ista per exordium fidei fabricatur. Et ad Galat. in illud: Itaque lex pædageus noster fuit in Christo, &c. omnes enim Filii Dei estis per fidem: Deo nos generat, ait, non lex absoluta, sed mater fides. Præter testimonia vero ea, quæ retulit Ambrosius ex sacris literis multa,

Primum, conclusio hæc demonstratur ex tota Epistola ad Romanos, cuius præcipuum argumentum, atque ad eum scopum, & finis est ostendere, nec naturæ, nec scripturæ legem iustitiam Dei præstare, sed solam fidem. Unde & primo capite adducitur illud Habacuc 2. Iustus ex fide vivet, quæ si subtraxerit se, non placebit animæ meæ. At si quis sine fide justificaretur, iam iustus aliquis non ex fide viveret, sed ex naturali ratione, quod cum Apostolo Prophetæque pugnat. Et cap. 3. Iustitia autem Dei per fidem Jesu Christi, in omnes & super omnes qui credunt in eo: non enim est distinctio, ut retro citavimus. Et cap. 4. Quid enim dicit Scriptura? Credidit Abraham Deo, & reputatum est illi ad iustitiam. Ac protinus subdens illud, Beatus vir, cui non imputavit Dominus peccatum, docet Apostolus, beatitudinem hanc, sive in circumcisione, sive in præputio per fidem hominibus obvenire. Inde vero cap. 5. colligitur: Justificati ergo ex fide pacem habeamus ad Deum, per Dominum nostrum Jesum Christum: & cap. 8. Quos prædestinavit, hos vocavit; & quos vocavit, hos etiam justificavit; quos justificavit, hos & glorificavit. Præmissis ergo prædestinationis effectus vocatio est, quæ videlicet justificationem antecedit, ut glorificationem justificatio: At voca-

tio ad aures refertur, quibus fides percipitur. Certe Paulus, ut in summa dicam, nullos in epistolis suis Dei filios nisi per fidem apostat, nullos, nisi ex fide, semen Abraham, & secundum promissionem hæredes admittit: Non aliam quam iustitiam fidei concedit, siquidem iustitia apud Deum sit, non apud homines. Nam per naturalem, aut scriptam legem apud homines justificari homines possunt, apud Deum, si Paulo credimus, non possunt.

Deinde hæc conclusio probatur ex eodem Apostolo ad Heb. 11. ubi fides definitur esse substantia, id est, fundamentum rerum sperandarum. Quod si naturalis cognitio ad justificationem satis est, jam profecto aliud fundamentum ponitur præter id, quod positum est. Et præterea cum Apostolus eo capite docere vellet, omnes iustos antiquos per fidem operatos esse iustitiam, fide, inquit, Enoch translatus est: Testimonium enim habuit placuisse Deo: sine fide autem impossibile est placere Deo. Accedentem enim ad Deum oportet credere. Quo ex loco certissimum sumitur argumentum. Nam Enoch in sacra scriptura fidem habuisse non legitur, sed solum placuisse Deo. Monstravit igitur Apostolus, Enoch etiam fidem habuisse, quia placuit Deo, cui sine fide placere est impossibile. Quod vero sermo de actu fidei sit, manifestum est, cum e vestigio causam Apostolus reddat: Accedentem enim ad Deum oportet credere.

Quamobrem parum apta eorum expositio est, qui tradunt, Apostolum hic loqui regulariter, & in communi, quasi plerumque ita contingat. Verha namque aliena nobis sæpe permittimus, ne in scholastica disputatione eloquentiæ laudem affectare videamur: puerile quippe est res theologicas ornate dicere velle. Eorum itaque interpretatio parum congrua est, si argumentum Pauli cohæret. Etenim si vel raro id accidere potest, ut quis sine fide placeat Deo (cum interim per solam naturæ scientiam possit) dicetur Enoch ex illis esse, qui naturali ingenio ducti iustificati sunt: ita vel Apostoli ratiocinatio nullius penitus est momenti, vel assertio, quæ fingit aliquem sine fide placere Deo, est erronea.

Præterea Sapientiæ 9. Da mihi, inquit, sedum tuarum aulicorum sapientiam, & noli me reprobare a pueris

tuis. Quoniam homo infirmus sum, & exigui temporis, & minor ad intellectum iudicii & legum. Et si quis erit consummatus inter filios hominum, si ab illo abfuerit sapientia tua, in nihilum computabitur. Mitte illam de cælo sanctis tuis, ut mecum sit, & mecum laboret: Et sciam quid acceptum sit apud te omni tempore: & deducet me in operibus meis sobrie, & erunt accepta opera mea. Quis enim hominum poterit scire consilium Dei? aut quis poterit cogitare, quid velit Deus? Cogitationes enim mortalium timidæ, & incertæ providentiæ nostræ. Corpus enim quod corrumpitur, aggravat animam, & deprimit sensum multa cogitantem terrena inhabitatio. Et difficile æstimamus, quæ in terra sunt, & quæ in prospectu sunt, invenimus cum labore: quæ in cælis sunt autem quis investigabit, nisi tu dederis sapientiam, & miseris spiritum sanctum tuum de altissimis? Nam per sapientiam sanati sunt, quicumque placerunt tibi, Domine, a principio. Estne igitur, qui post adeo clarum, irrefragabileque veritatis testimonium audeat veritati refragari? Ecce Sapiens, quod nos asseruimus, manifestissime docet, non sat esse mortalium cogitata, humanæque consilia ad animi salutem, nisi Spiritus sancti dono cælestis homini scientia conferatur, scientia videlicet illa salutis plebi Dei data in remissionem peccatorum ipsius.

Quid? si illud adjiciam, quod a concilio Milevitano capite quarto refertur in hæc verba: Quicumque dixerit, gratiam Dei, in qua iustificamur, ob hoc nos juvare ad non peccandum, quia per ipsam nobis datur, ut sciamus quid appetere, quid sugere debeamus; non autem per illam nobis præstatur, ut quod faciendum cognoverimus, etiam diligere, & facere valeamus, anathema sit: cum sit utrumque donum Dei & scire quid facere debeamus, & diligere ut faciamus. Non ergo juxta conclusionis definitionem gratia Dei solum requiritur ad movendum affectum, sed ad movendum etiam intellectum. Quod ex Psal. 93. Concilium probat. Qui corripit gentes, non arguet, qui docet hominem scientiam? Dominus scit cogitationes hominum, quoniam vanæ sunt. Beatus homo, quem tu erudieris, Domine, & de lege tua docueris eum: Ut mitiges ei a dictis malis, donec sodiatur peccatori fovea.

Concilium vero Carthaginense in epistola ad Innocentium refert in hujus rei confirmationem illud ex 2. ad Corinth. 3. Fiduciam autem talem habemus per Christum ad Deum, non quod sufficientes sumus cogitare aliquid ex nobis quasi ex nobis, sed sufficientia nostra ex Deo est.

Item, Cælestinus Papa in epistola ad omnes Galliarum episcopos cap. 9. ubi de fide contra Pelagianos decernit: Ita Deus in cordibus hominum, atque in ipso libero, inquit, operatur arbitrio, ut sancta cogitatio, pium consilium, omnique motus bonæ voluntatis ex Deo sit. Adhanc enim professionem Papa Zosimus nos instituit, inquires: Quod tempus intervenit, quo Dei non egeamus auxilio? In omnibus igitur actibus, causis, cogitationibus, motibus, adiutor, & protector orandus est. Superbum est enim, ut quicquam sibi humana natura præsumat. Et cap. 12. Ecclesiasticis ex divina sumptis auctoritate documentis, omnium bonorum affectuum, & omnium studiorum, quibus ab initio fidei ad Deum tenditur, Deum satemur auctorem, & non dubitamus, ab ipsius gratia omnia hominis merita præveniri. Quo utique auxilio non aufertur liberum arbitrium, sed liberatur, ut de tenebroso lucidum, de pravo rectum, de languido sanum, de imprudente sit providum.

Igitur catholicum non est, ut cap. 13. ejusdem epistolæ concluditur, quod præfixis sententiis appareret esse contrarium: & ratio, nisi me conjectura decipit, palmaria est. Nam vel homo cum primum ad usum rationis pervenit, de fine naturali deliberat, vel de supernaturali: si de naturali, certe, ut est verum proportionatum intellectui, ita est quoque bonum voluntati proportionatum. Quare voluntas naturæ bonum appetere potest naturaliter, quemadmodum intellectus naturale verum potest naturaliter intelligere. Cum igitur puer ille recte de fine naturæ deliberans, eamque ducem sequens velit quod natura præscribit, non peccat, sed facit quod in se est. Quare juxta adversariorum opinionem iustificabitur, primamque gratiam ex puris naturalibus consequetur; quod sine dubio erroneum est. Sin vero deliberatio de fine supernaturali sit; cognitio erit supernaturalis, quam nos fidem appellamus.

Præterea, si cognitio naturalis possit esse

esse primum justificationis exordium, jam ex nobis esset primum nostræ justificationis initium, quod Pelagiani docuerunt. Quod si hæc antiqua præsidia non haberemus adversum nostram commentitiam sententiam, Synodus tamen Trident. abunde nobis & auxilium, & præsidium ferret sess. 6. cap. 5. 6. 7. & 8. de cr. de justificatione impii. Nam capite septimo expresse definit, sine fide nulli unquam justificationem contigisse. Et capite octavo addit hæc verba: Cum vero Apostolus dicit, justificari hominem per fidem, ea verba in eo sensu sunt intelligenda, quem perpetuus Ecclesiæ Catholice consensus tenuit, expressitque, scilicet, ut per fidem justificari dicamur, quia fides est humanæ salutis initium, fundamentum, & radix omnis justificationis, sine qua impossibile est placere Deo, & ad filiorum ejus consortium pervenire. Hæc Synodus Trident. Cum Christiana igitur fide pugnat, qui salutem, vitamque animi cuiquam sine fide tribuit. Omnis enim Apostolus intonat: Gratia estis salvati per fidem, & hoc non ex vobis, Dei namque donum.

Ephes. 1.

1. Cōcl.

Secunda conclusio. Ad peccati five originalis, five mortalis remissionem fides in Christum explicita, vel implicita est necessaria. Non est autem hæc secunda tam certa, & explorata quam prima, sed eam negare, non video, quæ ratione possit esse tutum: certe ne quid amplius dicam, periculosum, & temerarium est.

Primum enim Augustinus ita definit, cum aliis locis plurimis, tum maxime epistola illa. 157. ad Optatum, cujus verba quoniam retro posuimus, non sunt hoc nobis loco resumenda. Divus etiam Thomas ad Hebr. 11. lect. 2. Post peccatum primi parentis nemo potuit, inquit, salvari a reata culpæ originalis, nisi per fidem mediatoris explicitam, vel implicitam. Divus quoque Chrysostomus homilia illa de fide, & lege naturæ idem tenet.

Id etiam testimonium sacrarum literarum corroborari potest. Ad Colossenses 1. Dignos nos fecit in partem sortis sanctorum in lumine, & eripuit nos de potestate tenebrarum, & transtulit in regnum filii dilectionis suæ: in quo habemus redemptionem per sanguinem ejus, remissionem peccatorum: qui imago Dei invisibilis, primogenitus omnis creaturæ. Et infra: Quia in ipso

complacuit omnem plenitudinem inhabitare: & per eum reconciliare omnia, pacificans, per sanguinem crucis ejus, siue quæ in terris, siue quæ in cælis sunt. At sanguis Christi non communicatur hominibus, nisi per fidem, vel sacramenta fidei. Ergo, &c.

Præterea, ad Galatas tertio, Omnes filii Dei estis per fidem, quæ est in Christo Jesu. Et cap. 2. Scientes, quod non justificatur homo ex operibus legis, sed per fidem Jesu Christi, & nos in Christo Jesu credimus, ut justifiedmur ex fide Christi. Item ad Rom. 1. Justificati ergo ex fide pacem habemus ad Deum per Dominum nostrum Jesum Christum, per quem habemus accessum per fidem in gratiam istam, in qua stamus. Et cap. 4. Credidit Abraham Deo, & reputatur est illi ad justitiam. Non est autem scriptum tantum propter ipsum, sed & propter nos, quibus reputabitur credentibus in eum, qui suscitavit Jesum Christum Dominum nostrum a mortuis, qui traditus est, &c. Et cap. 3. manifestus, Justitiam Dei per fidem, inquit, Jesu Christi in omnes, & super omnes, qui credunt in eum: non enim est distinctio. Omnes enim peccaverunt, & egent gloria Dei, justificati gratis per gratiam ipsius, per redemptionem, quæ est in Christo Jesu, quem proposuit Deus propitiorem per fidem in sanguine ipsius, propter remissionem præcedentium delictorum. Et ratio est in promptu: Sicut enim est mediator Dei & hominum Deus & homo Christus Jesus ad glorificationem; ita quoque mediator est ad justificationem. Quare sicut per fidem in Christum glorificamur, ita per eandem oportet justificari.

Verum exinde magna questio nobis oritur, an Evangelio promulgato fides explicita Christi sit ad justificationem hominis necessaria. Nam si testimonia, quæ nunc retulimus, exponi de fide de explicita, vel implicita possunt, æqua ratione cum afferuntur eadem, aliaque similia, ut probetur Christi fides post Evangelii divulgationem ad æternam salutem necessaria, de fide explicita, vel implicita poterunt explicari. Quo fiet, ut argumenta, quæ retro fecimus ad eam conclusionem corroborandam, per hanc expositionem eludantur. Augetur vero questionis hujus difficultas, ex eo, quod habetur Joannis 8. Si non credideritis, quia ego sum,

Utrum post Evangelium promulgatum sit necessaria fides Christi explicita. Arg. pro parte affirm.

in peccato vestro moriemini. Nemo i-
gitur a peccato iustificabitur, nisi credat
Christum esse Deum.

Item ut filii Israel a serpentum mor-
sibus sanarentur, oportebat eos in sta-
tuam serpentinam aspicere. Ergo ut a
peccatorum vulnere quis sanetur, opus
est credere in Jesum Christum, ut ha-
betur Joan. 3.

Præterea 1. Joan. 5. Qui habet Fi-
lium Dei, habet vitam : qui non ha-
bet Filium Dei, vitam non habet. Ha-
bere autem Filium est credere in Fi-
lium, ut in eo cap. dicitur : Nemo i-
taque sine fide Christi in Evangelio vi-
ficatur.

Præterea, Bonifac. VIII. in extrav.
Unam sanctam, Unam, inquit, san-
ctam ecclesiam Catholicam & Apostoli-
cam firmiter credimus, extra quam nec
salus est, nec remissio peccatorum : in
qua unus est Dominus, una fides, u-
num baptisma. Non ergo sine fide ex-
plicita Christi homini extra ecclesiam
constituto, scilicet Iudæo, vel Pagano
peccata remitti possunt.

Adde huc illud 1. Corinth. 3. Fun-
damentum aliud nemo potest ponere
præter id, quod positum est, quod est
Christus Jesus, id est, Christi fides,
per quam Jesus habitat in cordibus, ut
glossa ibidem exposuit. Et Greg. 1.
q. 1. cum Paulus dicat fundamentum
aliud &c. consequenter probatur, quod
ubi Christus non est fundamentum,
nullius boni operis potest esse superæ-
dificatio.

Adde rursum & Chrysostomum ho-
mil. de fide, & lege naturæ, hisce ver-
bis differenter : Sicut hominibus opus
est primum, ut præcedat vita, deinde
sequatur alimentum ; ita necessarium,
ut præcedat vitam nostram spes in Chri-
stum, quæ postea pascenda bonis ope-
ribus. Et vis plane videre, quod o-
pera sine fide non vivificant? Testimo-
nium bonum habuit Cornelius de elec-
tione & precibus, sed Christum i-
gnorabat, Deum quidem credens ; sed
quia bona quidem erant opera, sed
mortua, eo quod fidem scilicet Chri-
sti non habebant, mittitur Angelus &c.

In concilio tandem hoc Trident. ses-
sion. 6. decreti de justificatione impij
capit. 4. videtur esse defunctum in hæc
verba : Translatio a statu, in quo ho-
mo nascitur filius primi Adæ, in sta-
tum gratiæ, & adoptionis filiorum Dei
post Evangelium promulgatum, sine la-

vacro regenerationis, antequam voto fie-
ri non potest. Quod etiam capite 6.
declaratur apertius. In primo etiam
decreto 4. sess. ejusdem concilij ita
dicitur : Ut fides nostra Catholica, si-
ne qua impossibile est placere Deo,
& cæt. Fides autem nostra Catholica,
sine controversia Christi fides expli-
cita est. Et inferius : Si quis originale
peccatum vel per humanæ naturæ vi-
res, vel per aliud remedium asserit
tollī, quam per meritum unius media-
toris Domini nostri Jesu Christi, aut
negat ipsum Christi Jesu meritum per
baptismi sacramentum tan adultis, quam
parvulis applicari, anathema sit. Quia
non est aliud nomen sub cælo datum
hominibus, in quo oportet nos salvos
fieri. Unde illa vox : Ecce agnus Dei,
ecce qui tollis peccata mundi. Et illa :
Quicumque baptizati estis, Christum
induitis. Hactenus Synodus.

Quod si post adeo firma testimonia
ratio quicquam confirmare valet, illa
certe non est omnino pessima, quod
sicut parvulus post Evangelij promulga-
tionem protestatio Fidei in Christum
implicita nil est ad salutem, & remis-
sionem peccati originalis, sed fidei
Christianæ explicita professio requiritur,
qualem Baptismus continet : sic
ad remissionem peccati in adultis, jam
Evangelio promulgato, non fat erit
Christi fides implicita. Explicatio-
ra sunt quidem remedia salutis in Evan-
gelica lege, quam erant in lege aut na-
turæ, aut etiam scripturæ.

His tamen non obstantibus (salva
semper Ecclesiæ Romanæ auctoritate,
cujus censuræ nostra omnia scripta, &
dicta volumus esse subiecta) sit tertia
conclusio.

Ad remissionem peccati vel origi-
nalis, vel actualis ante baptismum non
requiritur etiam nunc fides Evangelij
explicita. Cornelius namque iustifica-
tus erat, antequam Christi fidem ac-
ciperet. Id autem quoniam a quibus-
dam proterve negatur, ostenditur im-
primis Divi Thomæ testimonio 2. 2.
quæst. 10. art. 4. ad 2. Deinde sacra
scriptura testatur, cum ante fidem
Christi fuisse virum religiosum, ac
timeantem Deum : quæ verba de ini-
micis Dei nullo modo dicerentur. Pe-
trus quoque ait : In veritate comperio
quod non est personarum acceptor De-
us, sed in omni gente qui timet De-
um, & operatur iustitiam, acceptus
est

est illi. Appellatus vero Cornelius ante fuerat vir iustus, ac timens Deum. Ergo acceptus erat, gratulique Deo, priusquam in Christum explicite crederet. Atque idem tere argumentum est de Eunuchio, & Lydia purpuraria, ut in eundem Actus Apostolorum legitur. Idem ergo nunc etiam evenire poterit, ut per solam fidem in Deum homo iustificetur, & quærat mox a Deo salutem, quæ est per Christum Jesum.

Rom. 10.

Præterea, fidem explicitam Christi Deus in nova lege non communicat sine prædicante, ut patet ex epist. ad Roman. Sed in quolibet momento homo, qui credit in Deum, potest iustificari; non autem in quolibet potest habere prædicatorem, qui de fide Christi instruat eum: ergo &c.

Præterea, Divus Thomas id tenet 3. par. qu. 69. art. 4. ad 2. in hæc verba: Remissionem peccatorum aliquis consequitur ante Baptismum, secundum quod habet Baptismum in voto vel explicite, vel implicite, & alii similes coniequantur gratiam & virtutes per fidem Christi, & desiderium Baptismi explicite, vel implicite, &c. Ac re vera inter auctores nullum equidem legi, qui huic conclusioni retraheretur, ne dum illam tanquam aut hereticam, aut erroneam, aut scandalosam exploderet. Ego vero & opto redargui me, & ea quæ disputo, differere malo, quam iudicare. Cumque nec studio certandi, nec ostentandi ingenii gratia, sed causa veri repertiendi disputationem hanc, aliasque suscipiam, si quis melius sentiat, huic ego libenter & aures & animum accommodavero.

Respon.
argum.
cont. 3.
Concl.
allatis.

Ad argumenta igitur, quæ in hanc tertiam conclusionem facta sunt, ordine suo respondemus.

Ad primum, non esse eandem rationem, etiam Evangelio promulgato, de remissione peccatorum, & æterna, finalique salute. Non enim omnia, quæ ad hanc consequendam exiguntur, ad illam alteram sunt necessaria. Eo quod illa, ut modo dicebamus, in temporis puncto cuique ad sit facienti quod in se est, hæc vero secundum divinæ procuratoris ordinem per media quædam temporaria, & successiva admittatur. Quocirca nil mirum est, si eadem etiam testimonia ad iustificationem huius vitæ momentaneam relata, de fide

Christi aut salutem, in Christum implicita intelligantur, relata vero ad futuræ æternæ vitæ salutem, intelligantur de fide explicite.

Ad secundum, posteaquam Evangelium Christi fuerit annuntiatum, ut illis erat, quibus Dominus loquebatur, fatemur profus, sine Evangelii fide nec peccata quidem posse remitti: tunc tamen, priusquam homini Christus Dominus fuerit prædicatus.

Ad tertium, perfecta sanatio vulnorum, quæ a serpente accepimus, tunc erit, cum alligaverit Dominus vulnus populi sui, & percussuram plagæ ejus sanaverit, ut Eia. 30. dicitur, hoc est in resurrectione. Hujus autem resurrectionis gloriam & salutem nemo sine Christi fide explicite consequitur.

Quod autem de hac consummata, perfecta quoque salute Dominus loqueretur, patet ex Joan. 3. Sicut Moyses, &c. ut omnis, qui credit in eum, non pereat, sed habeat vitam æternam. Et eadem penitus intelligentia quartum argumentum facile diluit. Vitam æternam, inquit, dedit nobis Deus, & hæc vita in Filio ejus est, &c.

Ad quintum, prius dico, quod extra sanctam Ecclesiam tradit Bonifacius non esse remissionem peccatorum, quia nullum est sacramentum aut naturalis, aut scriptæ legis sive pro parvulis, sive pro adultis, in quo peccata remittantur. Constat siquidem, Hæreticos, Judæos, atque Paganos, qui in forma Ecclesiæ baptizant parvulos suos, peccatum originale remittere, salutemque conferre: sed quoniam hoc per sacramentum Ecclesiæ fit, licet illi sint extra ecclesiam, non proinde extra ecclesiam salus est, remissione peccatorum.

Posterior respondetur, quod Bonifacius loquitur de remissione peccatorum, quæ per ecclesiæ sacerdotes auctoritate clavium exhibetur. Nulla est enim extra ecclesiam jurisdictio, nulla facultas remittendi peccata, sed ubi primum quæ ab ecclesiâ egrediuntur, hæc potestatem amittit. D. Augustinus in Enchirid. cap. 69. Ubi etiam aliam expositiorem insinuat, ut vide licet extra ecclesiam non sit remissio peccatorum perfecta, per quam vitam æternam consequamur. Sed piores responsiones præstabiles sunt.

Ad sextum, qui implicite credit in Christum, Christum habet fundamentum, quale habuerint Cornelius, &

Eu-

Eunuchus . Habitabat enim Jesus per fidem in cordibus eorum , priusquam in Christum explicite crederent .

Septimum argumentum sententiam nostram non modo non refellit , verum etiam confirmat . Nam Chrysostomus de vita aeterna expresse loquitur , ideoque mortua Cornelli opera vocat , quia sine fide Christi explicita aeternam vitam praestare non poterant : alioquin viva opera erant , quae , ut idem ait , placebant Deo .

Ad octavum , vel ex eo liquet , Concilium de aeterna vita , translationeque in filios Dei perfecta sermonem facere , quod adducit in propriae sententiae confirmationem illud ex Euangelio : Nisi quis renatus fuerit ex aqua , & Spiritu sancto , non potest intrare in regnum Dei . Et hinc patet , quid ad alia ejusdem Concilii testimonia respondendum sit .

Ad rationem ultimo loco adjectam respondeo , adulterorum ac parvulorum non per omnia currere similitudinem . Quae in eo quidem par est , quod sicut parvuli sine sacramento Baptismi non salvantur ; ita nec adulti sine Baptismi saltem desiderio . At justificatio , si ve remissio peccatorum non aequè obvenit parvulis aequè adultis , ut saepe jam diximus .

Nunc vero ea sunt argumenta refutanda , quae contra primam & secundam conclusionem conformavimus , scilicet ut ostenderemus , sine fide Christi , imo sine fide Dei posse hominem justificari .

Et quidem cum D. Thomae primum auctoritas nobis opponitur , id nos statuimus , D. Thomae commentum hoc novum assignari nec debere , nec posse : sententiam quippe contrariam multis locis apertissime docuit , ut 1. 2. q. 113. art. 4. 2. 2. q. 10. art. 4. ad 3. ad Rom. 10. lect. 3. ad Hebr. 10. lect. 4. & c. 11. lect. 2. Quo postremo loco Cajetanus nobiscum sentit , & in commentariis super epistolam ad Rom. cap. 3. Ne quis cum existimet in hac re aut a D. Thoma , aut a veritate potius Catholica discedere .

Igitur illa opinio D. Thomae , quam 1. 2. q. 19. tenet , probabilis quidem est . Adultum enim cum solo posse originali decedere , communi fidelium sensui videtur adversum . Limbum namque puerorum admittimus , non adultorum . Sed non est tamen usque adeo

certa , ut non sit in proclivi eam infirmare , cum adversum certam , firmamque veritatem adducitur .

Deinde argumentum , quo D. Thomas utitur illa opinione suadenda , consentaneum & congruum est , non demonstrativum : congruentia vero argumenta , si ad vivum referentur , saepe reperiuntur infirma . Quare nec Divus Thomas accipit illud antecessens tanquam firmum , scilicet , facienti quod in se est pro naturae viribus , Deum in eodem illico momento conferre gratiam gratum facientem , per quam homo iustificatur . Posset enim cum Durando verisimiliter dici , 4. d. 4. quæst. 7. non oportere , statim ut puer rationis naturalis dictamen sequitur , per gratiam Dei justificari : sed sat esse si proxime , vel etiam post aliquam moram temporis secundum divinæ providentiae moderationem iustificetur : quo quidem intervallo egregie poterit de rebus supernaturalibus erudiri , easque tenere per fidem .

Ad hæc , quod paulo ante dicebamus , nec resumere modo piget . Sicut ad justificationem voluntas boni naturalis non sufficit , ob id namque auxilium specialiter indiget ; ita quoque cognitio veri naturalis non est idonea . Nempe inter actus voluntatis , & intellectus proportio est . Quoniam enim voluntas non fertur in incognitum , ut eliciat actum naturalem , cognitio naturalis antecedit : ut autem actionem habeat supernaturalem , requiritur ante notitia supernaturalis , quod D. Thomas 3. contra gen. cap. 152. disertissime tradit . Non igitur Div. Thomas secum ipse pugnans , gratiam solum requirit ad movendum affectum in justificatione impii ; verum etiam ad movendum intellectum . Quare in hunc sensum , facienti quod in se est , per naturæ duntaxat vires , Deus non denegat gratiam , quia præstato adeit gratitum Dei auxilium moventis hominem & ad cognoscendum , & ad amandum finem supernaturalem .

His ita constitutis , ad primum argumentum dupliciter responderi potest . Præus , quod Deus puero deliberanti etiam circa vitam honestam , accurret non solum movendo affectum , verum illustrando quoque intellectum . Nam quemadmodum naturalis ratio in illo principio , Deus est remunerator inquirentium se , eam certitudinem non præstat , quæ videlicet opus est ad statu-

Resol.
ad Arg.
allata
cont. 1.
& 2.
Concl.

tuca.

nuendum, continendumque in officio hominis animus: Cogitationes enim mortalium timidae, & incertae providentiae nostrae: Ita profecto, ut puer recte, firmiterque deliberet de honesta vita duenda, pueriles illae naturae cogitationes non sufficiunt. Sed consumatur, & illustratur puer majori quodam lumine ab eo, qui illuminat omnem hominem venientem in hunc mundum. Atque id est, quod Paulus ait: Non sumus sufficientes cogitare aliquid ex nobis, quasi ex nobis, &c. ut D. Augustinus de gratia, & libero arbitrio cap. 7. docet. Id demum est, quod Propheta dixit: Qui docet hominem scientiam, Dominus scit cogitationes hominum, quoniam vanae sunt.

Unde et si D. Thomas intelligatur de ordinatione ad debitum finem naturalem, ut de veritate quaest. 14. ar. 11. ad 1. sentire videtur; intelligendus tamen est non de ordinatione, quae per naturam fit, sed quae fit per gratiam, ut loc. cit. 1. 2. dicitur. Si ordinaverit se, inquit, ad debitum finem per gratiam. Etenim licet fidei lumen per se loquendo dectur propter supernaturalia, quae non videntur: tamen etiam est necessarium propter quaedam naturali lumine cognoscibilia, ut ea scilicet firmitate teneantur, quae ad rectam vitam confirmandam exigitur. Ob id quippe scriptum est: Da mihi intellectum, ut discam mandata tua: Juxta hanc vero priorem solutionem puer ille justificaretur sine fide explicita Dei, non tamen sine fide.

At nos multo sapius credimus, ad justificationem fidem Dei explicitam esse necessariam. D. Thomas prima secundae quaest. 113. art. 4. Augustinus in illud Psalm. Dixit insipiens in corde suo: non est Deus. Concilium Tridentinum sessione sexta, in decreto de justificatione impii, cap. 6. adducit in hoc Apostolum ad Hebraeos, Sine fide impossibile est placere Deo. Cujus rei causam reddens, Accedentem enim ad Deum, inquit, oportet credere, quoniam est, & quod remunerator est inquiringem se. In secunda item conclusione nos ostendimus, fidem saltem implicitam Christi ad justificationem esse necessariam: quae intelligi non potest, nisi credatur Deus per gratiam suam hominum justificator.

Item, peccatum mortale sine contritione nulli remittitur; contritio autem,

hoc est, dolor de peccatis propter Deum, sine Dei cognitione nulla est: remissio igitur mortalis saltem peccati Dei notitiam praerequirit.

Commodior est itaque solutio posterior, quae dicimus, ejusmodi puero deliberanti, fidei lumen protinus assulere. Sicut autem lumine naturae nihil prius ostenditur, quam primum naturae principium, scilicet, quodlibet est, vel non est; ita Fidei lumen statim omnino demonstrat Deum esse, quod primum Fidei principium est. Nec talis illuminatio miraculosa est, imo regularis est divinae providentiae, cum scilicet movet homines ad finem supernaturalem. D. Thomas 3. dist. 25. qu. 2. articulo primo ad primum, & secundum, Sapientia per nationes universas in animum se transfert, & amicos Dei ac Prophetas constituit. Attingit enim a fine usque ad finem fortiter, & disponit omnia suaviter.

Quod si objicias, cognitionem Dei non advenire hominibus, nisi magno, & longo tempore, atque discursu: respondeo, verum esse, si de notitia Dei naturali sermo sit. Nam ad supernaturalem tempus non exigitur: certe non illud adeo longum, quod argumentum fingit. Nam, ut ex Durandi sententia retro diximus, puer ille, qui natura duce se convertit ad debitum naturae finem, consequetur quidem peccati remissionem, non in eodem evestigio puncto, sed brevi tamen juxta divinae providentiae dispositionem. Et si arguas: Ergo interea poterit peccare venialiter, quod Divus Thomas rejicit; respondeo, nihil quidem repugnare, si ad normam Dialecticorum differamus. At si, quod Theologos docet, divinae & legis, & providentiae in homines rationem habemus, sicut divinae curae est providere, ne interim excedat, ut non detur contra communem legem homo adultus in limbo, sic ad procurationem Dei spectat, ne peccatum veniale peccet ante mortale. Quemadmodum Adam non poterat ante peccare venialiter, quam peccasset mortaliter, idque Deo specialiter procurante, ne contra communem legem in statu innocentiae cum culpis admittamus & penas.

Ad tertium argumentum, quoniam secundum ex iis, quae jam diximus, facile solvitur, respondeo, Paulum Apostolum de Fide explicita in Christum

ſtum habere ſermonem . Hanc enim ſtatuit Deus per homines adminiſtros hominibus impartiri . Unde & ſubdit Apoſtolus : Nunquid non audierunt ? & quidem in omnem terram , &c. Ex his itaque colligit : Ergo fides ex auditu , auditus autem per verbum Chriſti . Cæterum fides , quæ in lege naturæ erat cuiuſque ætati ad juſtitiam neceſſaria , homine extrinſecus docente non cgebat , ſed interius vel inviſibiliter , vel viſibiliter per angelos adminiſtrabatur .

Ad quartum , Adrianus de Baptiſmo quaſtione prima , articulo tertio tenet , ejusmodi puerum non recipere gratiam , nec ſatis eſſe non ponere obicem , ſed requiri convenientem diſpoſitionem Fidei in adultis . Unde Act. 8. cum Eunuchus Philippo dixiſſet : Quid prohibet me baptizari ? Philippus ait : Si credis ex toto corde , &c. juxta quam ſententiam datur acceſſus neuter ad Baptiſmi Sacramentum : Puer enim ille nec recipit gratiam , nec peccat mortaliter , dum ſic baptizatur . Sed cum hujusmodi eventus non ſint frequentes , imo adeo diſputationis gratia ſingantur , ſatius fuerit ad Dei providentiam referre , quæ non deſicit in neceſſariis , quale eſt illuminare hominem , quem ſic per Chriſti ſacramentum juſtificaturus .

Ad quintum , negatur propoſitio minor , ſi de cognitione Dei gratuita , & ſupernaturali ſermo eſt ; nam de naturali nos concedimus , ac libenter quidem .

Ad ſextum , Divus Auguſtinus de ſpiritu , & litera cap. 26. & 27. exponit : Naturaliter quæ legis ſunt faciunt , &c. id eſt per naturam , gratia tamen perfectam . Quia enim peccatum contra naturam eſt , gratia , quæ naturam perficit , ſecundum naturam eſſe dicitur . Loquebatur autem Apoſtolus de gentibus converſis ad Chriſtum , quæ ſine lege ſcripta , qualem Judæi habebant , legis præcepta ſervabant . Et hanc reſponſionem ſequitur D. Thomas 1. 2. qu. 109. art. 4. ad 1.

Reſpondere quoque poſſumus , præcepta legis naturaliter cognosci a gentibus , & ſingula naturaliter etiam fieri , licet omnia ſine auxilio Dei ſpeciali impleri non valeant . Ob quam cauſam D. Thomas dixit , opus eſſe gratia ad movendum affectum : nec enim voluntas perficere naturalia omnia præ-

cepta poteſt , quæ naturæ lumine intellectus autem cognoverit . Quæ quidem expoſitio cum apud noſtros maxime ſit aperta , miror ego , viros doctos hoc teſtimonio moveri poſuiſſe ad novam , commentitiamque ſententiam inferendam , Divo etiam Thoma referente .

Ad poſtremum argumentum , Cajetanus in Commentariis ſuper illum locum Apoſtoli , Accedentem enim ad Deum , &c. reſpondet , quod doctrina Pauli in communi datur , ac proinde in communi dicitur oportere credere , quia eſt Deus . Longe autem melius eſſet , inquit , ſi non crederet , ſed ſciret Deum eſſe . Addit rurſum , quod Deum etiam remuneratorem inquirentium eſt , oportet fide teneri , quoniam nulla ſpeculativa ſcientia hoc attingere poteſt . Quod utique ſi verum eſt , argumentum illud facile diſſolvitur . Non enim utraque cognitio habetur ex lumine naturali , quod altera parte antecedentis aſſumitur .

At qui Divum Chryſoſtomum homilia quarta de providentia , vel ſato , legere voluerit , ſane intelliget , Philoſophos , qui ſupplicia peccatorum negant , præmiaque juſtorum poſt hanc vitam , in media luce penitus aberrare . Nam ſi juſti , qui Deum rite colunt , migrant affectu injuriis ex hoc mundo , poſſimi contra immerita felicitate potiti , omni certe ratione concluditur , Deum nec juſtum eſſe , nec curam habere rerum humanarum . Quod ſi Deo providentiam tollis , atque juſtitiam , hoc vocabulum inane ſit , qui circa cæli cardines ambulet , nec noſtra conſideret . Qui igitur negat alterum , utrumque tollat neceſſe eſt . Nam ſi non eſt remunerator inquirentiam ſe , ne Deus quidem eſt . Unde & barbaræ omnes gentes panas improborum , præmiaque juſtorum amiſerunt . Crederim igitur , opus eſſe , ut fides concurret ad aſſenſionem utriuſque principii , quod tam firmiter , ac conſtanter teneantur , quam neceſſum eſt , ut hominis vita in honeſto , & officio confirmetur . Nam alterius modi cognitionem ad Rom. 1. oſtendit Apoſtolus , idoneam minime fuſſe ad bene , beateque vivendum .

Addere huc , Deum dupliciter cognosci poſſe , & ut finis naturæ eſt , cauſaque rerum naturalium , & ut finis eſt hominis ſupernaturalis , cujus etiam gratuito beneficio homo ſupernaturalem illum finem conſequatur . Ad placendum ve-

ro Deo non sit est, cognoscere ipsum esse principium, auctoremque nature; sed oportet in Deum ferri, quatenus finis est nature vires excedens. Sic autem Deum esse, & esse remuneratorem, sola fide creditur. Quocirca simpliciter, atque in universum cum Apostolo fateamur, accedentem ad Deum finem utique supernaturalem, oportere credere, quia est. Nam scire quod naturalis ratio docet, ad hunc supernaturalem accessum non sufficit. Quippe habemus accessum ad Deum per fidem. Qua de re vide D. Thomam 1.2. q. 1. art. 8. ad 1. & q. 2. art. 4.

Respon. objecta prin. qu. princip. allatis.

Hinc vero jam primum argumentum solvitur eorum, quæ a principio statim hujus controversiæ proponebamus. Primum enim falsum est, non alterius rei fidem necessariam esse tunc temporis ad salutem. Oportebat namque etiam credere, Deum esse iustificatorem, cujus videlicet gratia peccata hominibus remitterentur. Oportebat item credere, mortales a cœlesti regno peregrinos, & alienos effectos, patriam illam, quam sperabant, non aliter adepturos, quam per aliquod divinæ providentiæ remedium præparatum.

Posterior quoque, ut nihil aliud credere opus esset, sed ibi tamen fides Christi implicite continebatur, ut sæpe jam diximus: per quem Deus iustificavit omnes mortales, quos prædestinavit in regnum. Hic est enim Samaritanus ille, qui homini vulnerato curationem attulit, jacentem erexit, superque suum ipse jumentum imposuit, ut juxta Esaiæ vaticinium portaret in corpore suo nos, & iniquitates nostras. Hic est ille, qui in stabulum, id est, fidelium consortium nos induxit: qui etiam curam stabulario dedit, hoc est ministro fidei, sacramentorumque suorum. Hic denique sumptus suppediavit, ut per omnia salutem nostram illi ferremus acceptam, qui salvator est omnium hominum, maxime fidelium.

In secundo vero argumento, quod additur, non est mihi consilium differere, an præcepta decalogi naturali ratione continentur. Sed tenendo quod D. Thomas sæpe tradit, & Cajetanus diserte in comment. super Matth. explicat, legis decem mandata moralia, & naturalia esse, responderetur prius, quod quemadmodum decem generibus, quæ per sacramenta Philosophi vocant, res omnes continentur non formaliter sem-

per, sed reductive; punctus enim principium quantitatis, materia principium substantiæ ad prædicamenta ea reducuntur, quorum principium sunt; Sic ad decalogi mandata referuntur universa, quæ a Deo præcipiuntur, ea vel maxime, quæ principia sunt ceterorum. Ita præceptum de honoratione parentum observantiam principium, ac majorum continet: ita in præcepto mœchiæ omnem fornicationem, abususque nature per luxuriam intemperantis comprehendimus; ita denique fidei præceptum ad illud de cultu unius Dei referendum est. Nec enim sine recta fide Deus recte colitur. Qui ergo voluerit ad vitam ingredi, mandata servet, non ea solum, quæ explicite in Decalogo præscribuntur, sed etiam quæ continentur implicite: quale est de fide in Deum hominis conditorem, iustificatorem, glorificatorem, &c.

Posterior dicere quoque possumus, servantem præcepta naturalia vitam habiturum. Qui enim fecerit ea, vivet in eis; at non ex eis, sed ex fide, juxta sententiam Apostoli ad Galatas tertio. Nam quod jam retro docuimus, servantem naturæ præcepta, Deus non denegat gratiam, per quam ea etiam servet, quæ nature lumen excedunt. Excessivus autem modum fortasse nos hac secunda relectionis parte differenda; sed eo tamen venia digni, quod absque hujus rei copiosa traditione reliquæ partes aut vix, aut certe nullo modo intelligeremus.

P A R S T E R T I A.

De necessitate Sacramentorum ad salutem.

IN quibus tertia, ac difficilis illa quidem questio erat, An post primum princip. 3. quest. Ad peccatum Sacramenta fuerint in omni lege ad salutem necessaria. Pars enim negativa suadetur imprimis Divi Gregorii testimonio 4. lib. Moral. cap. 2. referaturque a Gratiano de consecr. dist. 4. cap. Quod autem apud nos valet aqua Baptismi, hoc egit apud veteres vel pro parvulis sola fides, vel pro majoribus virtus sacrificii, vel pro his, qui de Abraham stirpe prodierunt, mysterium circumcisionis. Ubi Gregorius solam fidem in lege nature docet fuisse satis ad salutem parvulorum: At sola fides non est Sacramentum, cum non sit sensibile

Arg. pro par. neg.

480
ſibile ſignum : non ergo fuerunt omni
tempore neceſſaria ſacramenta.

Præterea, juxta communem Docto-
rum ſententiam, lege naturæ durante,
parvuli ſalvabantur in fide parentum :
at fides parentum non erat Sacramen-
tum.

Præterea, de Sacramentis nihil ra-
tione naturali ſtatuiſſe valemus, ſed id
ſolum, quod divina revelatione tradi-
tum eſt. At ante Abraham utrum ali-
quo viſibili Sacramento juſti, vel eo-
rum ſalvarentur infantes, Scriptura
non exprimit. Sacramenta igitur tunc
temporis fuiſſe, non niſi temere defi-
niviſſus.

Postremo, Sacramentum nullum eſt,
niſi quod a Deo fuerit inſtitutum: ſed
in lege naturæ nullum ſignum inſtituit
Deus ad remiſſionem peccati vel ori-
ginalis, vel actualis: non ergo ſunt ul-
lum in lege naturæ Sacramentum.

Partem vero affirmativam D. Augu-
ſtinus videtur aſſeruere 19. lib. contra
Fauiſtum c. 11. in hæc verba: In nul-
lum nomen religionis ſeu verum, ſeu
faſſum coadunari homines poſſunt, ni-
ſi aliquo ſignaculorum, ſeu Sacramen-
torum viſibilium conſortio colligantur.

Reſol.
Quæſt.

Rom. 6.

In hæc ego controverſia non exiſti-
mo nobis adeo eſſe laborandum. Mi-
nimo enim negotio probare poſſumus,
Sacramenta fuiſſe poſt Adæ lapſum om-
ni tempore ad ſalutem neceſſaria. Cor-
de ſiquidem crediſſe ad juſtitiam: o-
re autem confeſſio ſit ad ſalutem. Om-
nis enim quicumque invocaverit no-
men Domini, ſalvus erit. Ubi ſub in-
ſigni oris profeſſione quæcunque profeſ-
ſio etiam operis intelligitur: cum non
ore ſolum invocemus Dominum ſalva-
torem, verum etiam opere. Quemad-
modum igitur credere oportet Deum
juſtificatorem, atque ab eo interni ju-
ſtitiam ſalutarem quærere; ita exterius
hanc fidem profiteri. Quod ſi ſane per
Sacramenta; quæ, ut ante ſcripſimus,
ceremoniæ ſunt ſacræ, quibus Deo ex-
terius nos ſubjicimus, ut in nobis ſal-
utem interni operetur.

Præterea, cum animo corporeque
conſentimus, non ſat eſt Deum interio-
re fide colere, niſi corporeo etiam
euius interioſorem proteſtemur. Etenim
debet utrumque tributum humana natu-
ra Deo pendere, unde utramque par-
tem ſux conſtitutionis accepit: & cum
ambarum partium ſpiritus, & carnis
peccatum commune ſit, conſentaneum

erat, ut eſſet remedium quoque com-
mune, totuſque homo interius ſeſe ſub-
jiceret Salvatori.

Addit huc Chryſoſtomus, antequam
cum Dionyſius, eam eſſe hominis con-
ditionem atque naturam, ut ad ſpiri-
tualia capellenda non niſi corporeis re-
bus poſſit aptari. Salutem igitur, quam
Deus in humano ſpiritu ſecretius ope-
ratur, necelle fuit rerum ſenſibilium
imaginibus designari: Quo benefici-
curationis ad ſuum homo modum non
ſolum perciperet, verum etiam intel-
ligeret, gratiam debitam ſuo benefa-
ctori relaturus.

Præterea, gentium omnium conſen-
ſu firmatum eſt, non aliter quam ob-
latis Deo ſacrificiis divinam iram mi-
tigi. Atque haud ſecus etiam Barbari
facinora expiari arbitrabantur. At
ſacrificium in id paratum, ut Deus pla-
catur, vere erat Sacramentum. Sa-
cramenta igitur ſemper fuisse apud om-
nes neceſſaria.

Lex & religio tandem nulla eſt ſi-
ne ſacerdotii munere atque functione.
Hæc enim tria ita ſunt fuereque con-
juncta, ut nequeant a ſe aliquando ſe-
parari: cum ablato uno, reliqua ſimul
auferri neceſſum ſit, ut Apoſt. ad Heb.
ſcribit. At ſacerdos ſine Sacramentis,
quæ adminiſtret, eſſe nullo modo po-
teſt. Omnis enim pontifex pro homi-
nibus conſtituitur in his, quæ ſunt ad
Deum, ut ſacrificia offerat pro pecca-
tis: quemadmodum ad eodem idem
Apoſtolus ait: Ergo ſicut lex, religio,
ſacerdotium fuerunt omni tempore ne-
ceſſaria; ita quoque Sacramenta: quod
erat nobis in tertia parte hujus diſpu-
tationis breviter abſolvendum.

Sed prius tamen, quam exordiamur
quartam, ea debemus argumenta di-
luere, quæ in contrarium objicieba-
mus. Ad primum, quamvis Div. Tho-
mas utrumlibet probabile exiſtimave-
rit; numquam ego tamen eam potius
opinionem inducere, ut crederem, ſola
interiore fide parentum infantium
ſiliorum peccata mundari. Videmus enim,
Sacramenta minus eſſe adultis,
quam parvulis neceſſaria, cum ſine
Sacramentis actu ſuſceptis ſolo Sa-
cramentorum voto adulti ſalventur, par-
vuli non ſalventur. Quare ſi parvuli
non eſſent in lege naturæ neceſſaria
Sacramenta, non video equidem, cur
eſſent adultis neceſſaria: cum tamen
eſſe, retro nobis ſuerit demonſtratum.

Satisfit
Argum.
allatis
pro par-
tencgat.

Id quod divus etiam Gregorius aper-
tissime in præscripto testimonio fate-
tur.

Item cum in lege veteri pro sæmi-
nis legis naturalis remedia duraverint,
consequens ficeret apud Judæos puel-
las sine Sacramento salvari, pueros
non salvari, nisi suscepto Sacramen-
to: Quod non video qua ratione co-
hæreat.

Præterea, cum peccatum originale
carnis propagatione contractum esset,
non erat consentaneum, nisi ut cor-
porali quoque remedio ac medicina sa-
naretur.

Præterea, cum parvuli in lege gra-
tiz, & Scripturæ sine Sacramentorum
ope salutem minime consequantur, non
est, cur eos in lege naturæ sine Sa-
cramentorum auxilio salvemus.

Igitur ad argumentum respondeo,
Gregorium non ibi distinguere fidem
interiorem ab exteriori professione Fi-
dei. nec enim id asseruit, adultis non
remitti peccata sine exteriori Fide,
parvulis vero remitti: sed distinguit
potius fidem a sacrificio, asserens, sa-
crificium pro adultorum peccatis fuisse
necessarium, ut videlicet actualis
culpa peculiari Sacramento aboleretur:
sed propter generale peccatum erat et-
iam generale remedium, nempe Fidei
quæcunque professio. Quam fidem in-
terim appellari, Augustinus auctor est.
Sacramentum, inquit, fides est. Ac
pro hoc, cum respondetur parvulum
credere, qui Fidei nondum habet as-
sectum, respondetur fidem habere pro-
pter Fidei sacramentum. Hactenus Au-
gustinus.

Eadem loquendi forma est, de spon-
cap. Cum apud, & cap. Tuz fraterni-
tati. & 27. q. 2. c. Sufficiat ad matri-
monium solus consensus, scilicet qui-
buslibet signis expressus. Distinguitur
ergo ibi consensus non interior con-
tra exteriorem, sed generaliter expres-
sus contra expressum per verba.

Ad secundum eodem modo respon-
detur, fidem, hoc est, professionem
& sacramentum Fidei salvare filios in
lege naturæ. Nunc autem cum certa
& definita sint sacramenta, nec arbi-
tratu parentum per fidem pueri iustifi-
centur, non admittimus, in fide paren-
tum Christianorum pueros servari, sed
in sacramento baptismi a Deo peculia-
riter instituto. Quamvis alia etiam sit
hujus ratio discriminis, quemadmodum

in fine hujus disputationis explicabi-
mus.

In tertio vero argumento gravis er-
ror eorum est, qui de sacramentis nil
discerni posse credunt, nisi quod fa-
cris literis traditur. Multa enim ver-
botenus & in nova, & in antiqua le-
ge tradita sunt; quæ scripto non fue-
re mandata, ut uberius alia forsitan
relectione, si vita suppetet, declarabi-
tur.

Quod si in lege Mosaica & Euange-
lica, quæ literis exaratz fuerunt, non
est opus ad expressam omnia scriptu-
ram expendere, multo minus oportebit,
cum de sacramentis legis naturæ
disputatur, ubi traditiones divinæ scri-
ptæ non sunt, dogmata nostra in sacris
haberi literis expressa: sed satis erit,
si clarissimorum virorum testimoniis
confirmetur, aut certe magnis alio-
qui persuadentur argumentis.

Ac re vera nulla ratio patitur, ut
divina providentia nullo unquam tem-
pore desuerit hominibus in necessariis
ad salutem. Non possent autem filius
parvulis remedia parentis applicare,
nisi per Dei revelationem cognovis-
sent, & parvulos originali peccato te-
neri, & aliquod remedium ad eos
servandos idoneum esse: quod licet
scriptum non sit, non est tamen mi-
nus exploratum, quam si fuisset scri-
ptum. Et cum scriptura exprimat, ante
Abraham fuisse religionem ac sa-
cerdotium, ex consequenti tradit fuisse
sacramenta, sine quibus nec religio,
nec sacerdotium est. Cumque
etiam in lege naturæ sacrificia pro
peccatis fierent, ut Job. 1. cap. di-
citur, profecto negari non potest, quin
in lege naturæ fuerint aliqua sacramen-
ta.

Ad postremum poterat facile dici,
non pertinere ad generalem rationem
sacramenti, ut sit signum institutum
a Deo: Nec qui id affirmant, idoneo
probant argumento. At dico, et-
iam antiqua omnia sacramenta ex Dei
institutione fuisse signacula, atque fig-
uras futuræ redemptionis per Christum.
Neque enim humano ingenio, sed di-
vino placito tam apposite omnia in fi-
gura contingebant illis; neque homo
ulquam vitulos, & arietes cruenta ma-
nu in Dei cultum, & obsequium jugu-
laret, nec Deum tentaret hircorum pla-
care sanguine, nisi Deo revelante co-
gnovisset, ejusmodi animantium irra-
tio-

tionalium sacrificia mysterium aliquod sacrum portendere, cujus ratio remittendis peccatis haberetur. Fateor tamen, non fuisse sacramentum sub definitis rebus verbisque præscriptis in lege naturæ a Deo traditum. Sed rerum sacramentalium definitio, ac determinatio certa in veteri lege incepta, in Evangelica perfecta, & consummata est: nisi forte quis sentiat, oblationem Melchisedech in pane, & vino ex divina & revelatione & institutione fuisse: quæ peculiariter ex causa sacerdos Dei altissimi fuerit inter reliquos appellatus. Cui equidem opinionioni non admodum refragaret, si Anacletus Papa non fuisset adversus in epistola de ordinatione Episcoporum. Ubi, Initium, inquit, sacerdotii Aaron fuit, licet Melchisedech prior obtulerit sacrificium, & post hunc, Abraham, Isaac, & Jacob: sed ii spontanea voluntate, non sacerdotali auctoritate ista fecerunt: cæterum Aaron primus jubente Domino victimas obtulit. Hactenus Anacletus. Huic igitur finem tertie relectionis partidederimus, jam pergamus ad reliquas.

PARS QUARTA.

De Sacramentis causansibus gratiam.

4. quæst.
princip.

Argum.
pro par-
te negat.

Quarto itaque loco vertebatur in quæstione, an sacramenta vetera fuerint causæ gratiæ atque salutis, an potius ea sola, quæ in nova lege sunt a Christo Salvatore instituta. Et quidem suadet in primis, nulla sacramenta posse salutem spiritalem efficere. Quia res corporea non potest esse causæ efficiens charitatis & gratiæ, cum sint qualitates supernaturales a solo Deo infusæ atque creatæ: & consequenter quia nullum corpus potest in animum hominis agere, nisi prius agat in ejusdem hominis corpus. Sed sacramenta non oportet quicquam in humanum corpus operentur, ut patet de absolutione sacramentali fuso collata: talis igitur absolutio nil producit in anima.

Confirmatur rursus, quoniam aliqua sacramenta eorum etiam quæ vel maxime causæ gratiæ dicerentur, non immediate contingunt hominem, quem justificant; ergo vel immediate produ-

cunt gratiam, ubi non sunt, scilicet in anima, vel aliquam qualitatem efficiunt aere medio: quorum utrumque videtur esse absurdissimum.

Præterea, si aliqua sacramenta gratiam efficerent, ministri quoque talium sacramentorum gratiæ causæ essent, ac vere peccata remitterent. Quod tamen Hieronymus in quantum caput Eusebii refellit. Ubi adducens illud Matth. 3. Ego baptizo vos aqua, &c. Ex quo, inquit, discimus, quod homo tantum aquam tribuat, Deus autem Spiritum sanctum, quo & sordes abluuntur, & sanguinis peccata purgantur. Et super Matth. capit. 16. comparans sacerdotes novæ legis sacerdotibus veteris, subjicit: Quomodo ibi leprosum sacerdos mundum, vel immundum facit; sic & hic alligat, vel solvit Episcopus aut presbyter. At sacerdos vetus non erat causæ leprosum efficienter emundans: ergo neque sacerdos legis novæ vere peccata remittit.

Item, Augustinus 15. de Trinitate, cap. 16. Nullus discipulorum Christi dat Spiritum sanctum: orabant quippe, ut veniret in eos, quibus manus imponebant. Et lib. 83. QQ. quæst. 13. attulit, quidam Deum facere per ipsum sine media causa, ut illuminare animas. At si minister esset causæ gratiæ, per eum Dominus animas illuminaret. Et Ambrosius lib. 4. epistolarum, epistol. 33. ad Demetriadem, &c. Aliud est, inquit, quod visibiliter agitur, aliud quod invisibiliter celebratur. Nec idem est in sacramento forma, quod virtus. Nam forma cum humani ministerii adhibetur obsequio, virtus autem per divini operis præstat effectum. Ad cujus utriusque potentiam referendum est, quod dum homo exterior abluatur, mutatur interior. Eandem sententiam apertioribus etiam verbis expressit Cyprianus in serm. de baptismo Christi, & manifestat. Trinit.

At vero contra suadet, omnia ejusque legis sacramenta causas fuisse gratiæ ac salutis. Primum, quia omnia sacramenta sunt signa sanctificationis prædictæ & effectivæ, quemadmodum a principio constitutum, &c.

Præterea, Job. 1. Sanctificabat Job filios suos, offerens holocausta pro singulis. Et Levit. 16. dicitur, sacerdotem asperzione sanguinis expiare præ-

Argum.
pro par-
te affir-
mat.

varicationes, & peccata filiorum Israel.

Præterea Augustinus super Psal. 77. adducens illud 1. Cor. 10. Sed non in pluribus eorum beneplacitum est Deo, sic ait: Et cum essent communia omnia sacramenta, non communis erat omnibus gratia, quæ sacramentorum virtus est. Sic & nunc omnibus baptizatis commune lavacrum regenerationis, sed ipsa gratia non communis est omnibus. Et glossa ordin. in illud ejusdem capitis decimi: Omnes in Moyse baptizati sunt in nube, & in mari, id est, per visam signa purgati, vel signum baptismi acceperunt, quod credentibus idem valuit. In nube baptizati sunt, quia per eam mundati ac ignorantia Dei, & præparati ad accipiendam legem.

Præterea Gregorius 4. lib. moral. cap. 1. referturque de consec. dist. 4. cap. Quod apud nos valet aqua baptismi, &c. ut supra.

Tum etiam sic argumentor: Parvulis sine merito cujusquam operantis conferebatur gratia, Sacramento suscepto: ergo, &c. Consequentia videtur esse nota, quoniam id vocamus causam, qua applicata sequitur effectus. Cum ergo puer vel circumcissus in lege Moyse, vel suscipiens aliquod sacramentum in lege naturæ eo ipso a peccatis justificaretur, consequens fit, ejusmodi sacramenta causas fuisse justificationis & gratiæ. Ac de circumcissione quidem apertum est testimonium Bedæ super Lucæ secundum caput. Idem salutiferæ curationis auxilium circumcissio in lege contra originalis peccati vulnus agebat, quod baptismus agere revelatæ gratiæ tempore consuevit.

Augustinus etiam citari solet in hoc, libro 2. de nuptiis & concupiscentia, cap. 11. & habetur de consecrat. dist. 4. cap. Ex quo instituta est circumcissio in populo Dei, ad purgationem valebat magnis, & parvulis, originalis veterisque peccati, sicut baptismus ex illo valere cepit ad invocationem hominis, ex quo institutus est. Et 4. lib. contra Donatistas, cap. 24. Cur, inquit, Abraham præceptum est, ut omnem deinceps infantem mascululum octavo die circumcideret, qui non poterat corde credere, ut ei deputaretur ad iustitiam; nisi quia & ipsum per se sacramentum multum valebat;

Denique in cap. Majores, extrav. de Baptismo, distinguens Innocentius a circumcissione baptismum, quod aperit januam regni calorum, quam circumcissio non aperiebat, asserit, quod sicut per baptismum, ita per circumcissionem originale peccatum remittebatur. At præpositio, per, causam significat, qua mediante res efficitur; ut ibi: Salvos nos fecit per lavacrum regenerationis.

In contrarium est August. super Psalm. 73. ubi ait, Sacramenta novæ legis dare salutem, veteris autem promittere Salvatorem. Sed & Samaritanus noster oleo vinoque, ac denariis duobus superadditis sanavit vulneratum, quem nec sacerdos Aaron, nec Levita Moyses, sive per sacramenta, sive per legem sanare potuerunt.

In hac explicanda questione, quæ inter omnes difficillima est, omnes ego nervos intendere debeo, ut magnatum veritate, tum brevitate in absolutis qualdam conclusiones totius rei summa redigatur. Quapropter vos oro, ut discreti mihi diligenter animos advertatis.

Prima igitur conclusio est, quam a Catholicis non arbitror aut debere, aut posse negari. Sacramenta novæ legis sunt causa gratiæ, & vere salutem animæ conferunt.

Cyprianus hanc habet in sermone de baptismo Christi, & manifestatione Trinitatis, inquit: Veniebat Christus ad baptismum non egens lavacro, in quo peccatum non erat, sed ut sacramento perennis daretur auctoritas, & tanti virtutem operis nulla personarum acceptio commendaret. Quoniam remissi peccatorum, sive per baptismum, sive per alia sacramenta donetur, proprie spiritus sancti est, & ipsi soli huius efficientiæ privilegium manet. Verborum solemnitas, & sacri invocationis nominis visibile celebrant sacramentum: rem vero ipsam spiritus sanctus format & efficit, & consecrationibus visibilibus invisibiliter manum totius bonitatis auctor apponit, & plenitudinem gratiæ unctionis divini pinguedo sanctificationibus officialibus inundat, & rem sacramenti consumit & perficit.

Item in serm. de unctione christiatis, Hodie, inquit, in ecclesia ad populum acquisitionis sanctificationis sa-

Resol.
Quæst.

1. Conc.

erum chrisma conficitur, in quo mixtum oleo balsamum regie, & sacerdotalis glorie exprimit unitatem. Et infra: Non hæc medendis corporibus est unctio instituta, quia sanctificatis elementis jam non propria natura præbet effectum, sed virtus divina potentius operatur: sed adest veritas signo, & spiritus sacramento, ut & ipsis rerum efficientis gratiæ dignitas pateat, & interiori homini, quanta & his detur auctoritas deserviat conversatione, & celestibus innotescat. Et infra: Ex huius unctionis beneficio & sapientia nobis & intellectus divinitus datur, consilium celitus illabitur, scientia & pietas & timor inspirationibus supernis infunditur. Hoc oleo uncti cum spiritualibus nequitis colluctamur, nec foetoribus spuris imbuti possumus, qui balsami spiritalis odore fragramus.

Gregorius quoque Nazianzenus orat. 3. in sanctum lavacrum. Generatio ex baptismo passionum est solutiva, omnes sordes abscindens, atque ad supernam vitam perducens. Et infra dicit, quod in baptismo tanquam in unda peccata pariter sepeliuntur. Et postea, Ipsa baptismatis, inquit, gratia, ac vis uniuscuiusque peccati continet purificationem, & omnimodam scdituram & iniquationum rejectionem, quæ a pravitate ingressæ sunt. Proinde cum duplices simus, ex anima dico & corpore; ita duplex est purgatio, per aquam, inquam, & spiritum: & hæc quidem visibiliter ac corporaliter suscipitur, at illa incorporaliter & invisibiliter concomitatur.

Chrysostomus præterea homil. 25. in Joan. Ex quo autem, inquit, Jordanis alveum ingressus est Christus, non amplius reptilia animarum viventium, sed animas rationales & spirituales aqua producit. Et homilia 35. in eundem: Futurum erat baptisma plenum maximæ potestatis & gratiæ, purgatum peccata, pro mortuo vivum educiturum. Et infra: In nobis non simplex aqua operatur, sed cum spiritus gratia accedit, omnia abluit peccata. Et infra, Per aquam plicinæ ait, morbos corporis sanari, ut facilius homines crederent, per aquam animæ morbos curari posse. Et homilia de resurrectione, circa finem, cum multis exemplis resurrectionem per vim supernaturalem futuram esse demonstrasset, subdit: Verum nec tu gratiæ spiritus

factus es expert. Etiamnum multa sunt donationis illius symbola, atque his, quæ enumerata, multo maiora, & magis admiranda. Non enim æquale est corpus mortuum, & animam a peccatis occisam ab interitu liberare, quod per baptismum fit, & statim corpus etiam & sanguis mysticus non fuit abique spiritus gratia, nec sacerdotes habuissimus, nec has ordinationes sine tali visitatione fieri possibile, &c.

Cyrillus libro secundo in Joannem cap. 24. Spiritum, qui ex Deo procedit, per baptismum acquirimus, quo in pristinam pulchritudinem reformati, & ad novam vitam renati a Deo in filios adoptamur. Et in fine: Quemadmodum enim viribus ignis intensus aqua calefacta non alter quam ignis urit, sic spiritus sancti operatione ad divinam aquæ reformatur virtutem, qua baptizati corpus abstergunt.

Ambrosius item in libro primo de sacramentis, capit. quinto, de baptismo loquens (de consecrat. dist. quarta, capit. Per aquam) Non aqua omnis sanat, inquit, sed aqua sancta, quæ habet gratiam Christi. Et libro quarto, capit. secundo, de Eucharistiæ sacramento: Deposuisti peccatorum senectutem, sumpsisti gratiæ juventutem: hoc præstiterunt tibi sacramenta celestia. Et libro sexto capite primo: In similitudinem quidem accipis sacramentum, sed veræ naturæ gratiam virtutemque consequeris. Et infra: Tu quia accipis panem divinæ ejus substantiæ, in illo participaris alimento. Et in libro de his qui mysteriis initiantur, capite 9. His igitur sacramentis pascit Ecclesiam suam Christus, quibus animæ firmantur substantia.

Augustinus insuper 19. libro contra Faustum, capite 16. de visibili sacramentorum administratione loquens, Hæc omnia, inquit, sunt & transeunt, sanant & transeunt: virtus tamen, quæ per ista operatur, jugiter manet, & donum spirituale, quod per ista infunditur, æternum est. Et tractatu 80. in Joannem: Unde ista tanta virtus aquæ, ut corpus tangat, & cor abluit? 14.1. cap. Detrahe.

Beda etiam ait, quod Dominus tantu suæ mundissimæ carnis vim regenerativam contulit aquis. Quam eandem sententiam Gratianus Chrysostomo tribuit de consecrat. dist. quarta, capite Nunquam, Eandem habes apud

Augustinum sermone primo de Epiphania.

Sed in Concilio Florentino, sub Eugenio Quarto, in decreto super unione Armenorum manifeste dicitur in hæc verba: Novæ legis septem sunt Sacramenta, quæ & continent gratiam, & eam digne suscipientibus conferunt.

Hanc eandem sententiam Concilium Tridentinum modo probavit sessione septima de sacramentis in communi, canone sexto, cuius verba ejusmodi sunt: Si quis dixerit, sacramenta novæ legis non continere gratiam, quam significant, aut gratiam ipsam non ponentibus obicem non conferre, quasi signa tantum externa sint acceptæ per fidem gratiæ, vel justitiæ, anathema sit.

Ex sacris literis Augustinus adducit illud Joannis secundo: Nisi quis renatus fuerit ex aqua, & Spiritu sancto, &c. Non, ait, ex parentum fide, aut offerentium, vel ministrantium, sed ex aqua, & Spiritu sancto. Aqua igitur regenerat hominem in Christo ex uno Adam generatum. Hactenus Augustinus.

Secundum testimonium citat idem ex Epistola ad Ephesios cap. 5. Christus dilexit Ecclesiam, & seipsum tradidit pro ea, ut illam sanctificaret, mundans eam lavacro aquæ in verbo. Quidquid ergo (inquit sanctissimus Augustinus) ab hominibus quarumcunque culparum contrahitur, propter ipsam lavacrum dimittitur.

Tertium, refert idem Augustinus ex prima Epistola Petri cap. 3. Salvos vos facit Baptisma, non carnis depositio sordium, sed conscientiæ bonæ interrogatio in Deum.

Quartum, quo triumphat Ambrosius, habetur in Joann. cap. 6. Caro mea vere est cibus, & sanguis meus vere est potus. Qui manducat meam carnem, & bibit meum sanguinem, in me manet, & ego in illo. Sicut misit me vivens Pater, & ego vivo propter Patrem: & qui manducat me, & ipse vivit propter me. Ego sum panis vivus. Unde Concilium Ephesium colligit, quod in Sacramento accipimus non communem carnem, sed vere vivificantem, qua & sanctificamur, participes sancti corporis, & pretiosi sanguinis effici.

Quintum, de eodem Eucharistiæ sacramento habes in priori ad Corinthi-

os capite decimo, Unus panis, innum corpus multi sumus. Omnes quidem de uno pane participamus. Ubi particula, quidem, loco Græcæ particulæ γάρ, causam sine dubio reddit sententiæ antecedentis. Quare participatio Sacramenti Eucharistiæ Ecclesiasticæ unitatis causa est, atque adeo charitatis, & gratiæ, sine qua unitas Ecclesiæ non constat.

Septimum testimonium de poenitentis Sacramento Domini est apud Joannem cap. 20. Quorum remisistis peccata, remittuntur eis. Quod si remisio peccatorum per gratiam est, & Sacerdotes possunt peccata remittere, gratiam quoque subministrare queunt administratis Sacramentis.

Huc adde Martini Quinti definitionem in Concilio Constant. sess. 45. pronuntiantis, quod sacerdos vere absolvit. Ministri ergo Sacramentorum novæ legis vere conferunt gratiam, sine qua nullus peccator esse potest absolutus.

Et confirmatur, quia vel qui baptizat, abluit propriè, ac vere maculas animæ, vel non abluit. Si abluit, conficitur quod molimur: sin autem non abluit, forma igitur Baptismi falsa est, qua significatur non ablutio corporis modo, verum etiam animæ, ut facile ex Concilio Milevitano capite secundo colligitur. Inde enim Patres argumentantur, parvulos originale peccatum, atque animi maculam habere, quoniam alias forma Baptismi falsa efficereetur: cum parvuli baptizentur, scilicet in ablutionem spiritalem, ac proinde in remissionem peccatorum.

Sacramenta igitur novæ legis gratiam, & justitiam animæ conferre, his profecto argumentis adeo irrefragabiliter ostenditur, ut negare id vel hæresis, vel proximum hæresi sit. Quamobrem in conclusionem hanc primam Scholastici auctores universi conveniunt.

Sed enim quem in modum Sacramenta novæ legis sint causa gratiæ, id tantum abest, ut explicent, ut etiam opinionum varietate confundant. Res quippe nulla est, de qua tantopere non solum indocti, sed etiam docti dissensiant. Quam quidam asserunt, Sacramenta esse causas dispositivas gratiæ ex eo, quod producant characterem, vel ornatum nescio quem, videlicet qualitates interius disponentes. Nam, sacramenta gratiam ipsam efficere, judicant impossibile.

Varix
opinion.
circa
hæc qu.

Alii affirmant, sacramenta esse quidem causas dispositionis, sed extrinsecus appositae, ut anulum, aut sigillum regium, quibus ostensis atque exhibitis, id nobis præstatur, quod ex regis beneficio quærimus.

Opinantur alii, sacramenta non esse causas per se gratiæ, sed per accidens, sine quibus videlicet effectus non sequitur: quæ ramen nihil vere agant atque producant.

Sunt contra, qui existimant, sacramenta, virtute supernaturali recepta, ipsam etiam qualitatem, quæ gratia est, attingere, instrumentalique actione facere.

Ac demum alii, qui propius accedunt ad veram rei huius intelligentiam, sacramenta censent causas esse gratiæ veluti motivas divinæ voluntatis. Sunt enim ratio, propter quam Deus gratiam confert: ut quia puer baptizatus est, Deus illum salvat: quia est confirmatus, datur ei spirituale robur. Quorum opinionibus cum tam varix sit, tamque inter se dissidentes, alterum profecto fieri potest, ut earum nulla; alterum certe non potest, ut plus una vera sit. Quod si pace vestra dicere mihi licet (licebit autem quod modestissimum est) aut fallor ego, aut nulla earum opinionum vera est. Quæ quidem causa, ac controversia non aliis iudicibus opus est, quam auditoribus viris clarissimis, atque doctissimis, quorum gravissimo iudicio si nostra hæc sententia fuerit explosa, nihil erit post hæc, quod nos illi adhærescamus: sin fuerit approbata, non vereor, quin sit doctis omnibus placitura.

2. Cōcl.

Sit igitur secunda in hac disputatione conclusio. Sacramentum novæ legis non ideo gratiæ causa definitur, quod disponat intrinsecus ad gratiam, producens characterem vel ornatum, gratiæ videlicet ipsius dispositionem.

Primum, quia ornatus ille in sacramentis non imprimentibus characterem fictitius est, & quæ facilitate ponitur, eadem quoque rejicitur. Deinde quia sicut gratia est qualitas spiritualis supernaturalis, ita character & ornatus ille supernaturalis qualitas est, omnemque naturæ vim excedit.

Præterea, producens dispositiones ad animam rationalem non est causa animæ rationalis. Nec enim ego spiritum & animam donavi vobis, sed mundi creator. Et tamen constitutum nobis est

certis Sanctorum, Conciliorum, & Scripturæ sacræ testimoniis, novæ legis sacramenta gratiam continere, conferre, efficere, &c.

Præterea, character nec est ultima dispositio ad gratiam introductivæ, nec conservativa: immo & sine gratia imperimitur, & sine gratia in subiecto perseverat: gratia idem ipsa a characterem non pendet. Quare etiam si sacramenta characterem efficiant, non proinde sunt gratiæ causa dispositiva. Character etiam in intellectu est, Gratia vero in essentia animæ, juxta D. Thomæ opinionem, cujus hi se discipulos profitentur. Non est igitur character propria gratiæ dispositio.

Tertia conclusio. Sacramentum non propterea gratiæ causa dicitur, quod extrinsecus disponat ad efficiendam gratiam. Probatur primo, quoniam alias solum esset signum certum, non causa: quemadmodum anulus mihi datus, in signum regis voluntatis: quod alterius opinionis sectatores concedunt vel inviti. Explicant enim, Sacramentum novæ legis gratiæ causam existere, id est, signum certum & infallibile. At ostendimus retro, sacramenta novæ legis esse non solum signa, sed causas.

Deinde, quia nihil plus Sacramentis Christi hæc opinatio tribuit, quam sacramentis maleficorum, qui adhibent ipsi quædam verba, sed demon operatur adhibitis signis.

Præterea, quoniam juxta hanc quidem expositionem dicta sanctorum, aut Conciliorum, aut sacræ etiam Scripturæ non salvantur, ut facile videre licet, si loca ipsa conferamus.

Postremo, quoniam ad eundem sensum circumcisio gratiam conferret, eisque esset causa, non aliter ac novæ legis sacramenta. Quod quamprimum ostendamus esse falsissimum.

Quarta conclusio. Sacramentum novæ legis non est causa sine qua non, sive per accidens. Tum quia sine sacramento gratia sæpe producitur: tum quia non lavaret aqua maculam animæ: sicut nec albedo infigidat, cum nix infigidat, eo quod album illius effectus per accidens causa est. Neque id Concilia diffinirent, sacramenta esse causas per accidens, quod præter artem & definitionem est: Tum quia vere non essent nisi signa: omnia enim signa certa effectus cuiusque talia sunt,

3. Conc.

4. Conc.

sine quibus effectus non sequitur: Tum quia sacramentum circuncisionis ad eandem normam gratiæ causa fuisset: Tum denique quoniam testimonia in confirmationem primæ conclusionis citata sane interpretari non queunt, si sacramenta solum esse causas per accidens asseramus.

5. Conc.

Quinta conclusio. Sacramentum novæ legis non attingit vi sua instrumentali & supernaturali qualitate, quæ est gratia, vel fides, aut charitatem, aut alios habitus infusus, ut terra attingit figuram rei artificiosæ actione reali. Volo dicere, quod non est imaginandus hic modus agendi, qui intervenit in causis naturalibus, quo pacto scilicet aqua inrigidat per frigus inexistens, lavat per humorem innatum, acuta etiam dolabra per aciem dividit lignum.

Probatum primum, quia ridiculum est, Concilium velle diffinire, aut etiam sanctos id asserere, quod sacramenta attingant sua actione illam qualitate. Si enim Circuncisio, & reliqua sacramenta vetera non efficiebant quidem gratiam, sed Deus dabat eandem in illis, illis tamen non concurrentibus; non admodum refert, quod hæc nova realis actio sit addita novis sacramentis. Et cum ad salutem nostram nihil omnino spectet, quod sacramenta contactu reali suæ virtutis qualitates supernaturales efficiant, certe supervacaneum est, istam vim agendi in Sacramentis admittere: Eoque magis quod gratiam esse qualitate, non est in Ecclesia certum. Quare nec fides, nec Concilium docet, eo modo sacramenta gratiam efficere.

Deinde, quia eodem modo creaturæ posset concurrere ad productionem animæ rationalis, scilicet, agendo propria actione in corpus, & vi supernaturali in animam: quod tamen non conceditur ab iis, qui eam opinionem defendunt.

Tertio, quia vel producitur nova qualitas in sacramento ad attingendum hunc effectum, vel non: primum est ridiculum, secundum est absurdum, si ne nova virtute addita sacramenta id efficere, quod ante non poterant.

Ea etiam argumenta, quæ inter dubitandum a principio fecimus, probant hujus quintæ conclusionis veritatem.

6. Conc.

Sexta conclusio. Sacramenta novæ legis non solum sunt causa vel ratio

motiva salutis, & gratiæ: quo pacto dicimus, matrem diligere filium, quia genuit eum, me tibi benefacere, quia studiosus vel pulcher es. Quem etiam in modum causalis illa est: Quia vidiisti me, Thoma, credidisti. & illa rursum: Quia fecisti hanc rem, faciam te crescere.

Imprimis enim pari ratione concederetur, hominem esse causam animæ rationalis. Hæc enim nostra caro est animata anima rationali, quia habebat tales dispositiones ab homine generante productas.

Item, fides in lege antiqua erat in hunc modum causa justificationis. Quia enim credidit Abraham Deo, deputatum est ei ad iustitiam: & quia ex fide parentum parvulus offerrebat Deo, justificabatur. Iustus namque ex fide vivit etiam nunc, & tamen fides non est causa gratiæ, & sacramenta novæ legis esse gratiæ causæ definiuntur.

Præterea, causa motiva non est instrumentum, quo mediante effectus producit. Baptismus autem est instrumentum, quo Deus lavat animam. Et confirmatur: Nam aqua lavans corpus non est causa motiva, sed vere efficiens instrumentaliter: at aqua Baptismi cor abluat.

Item, sacramentum Eucharistiæ cibus est animæ: ergo non solum est causa motiva. Effet enim ridiculum, si definiremus, cibum corporalem esse causam augmenti, quod hæc causalis vera sit: ego augeor, quia comedi: quin potius cum particula causalis importet causam, jam de rebus ipsis oportet inquirere, cujus generis sit illa causa, quam important, finalis, an efficiens, an formalis, an materialis: Nam ad hæc quatuor causarum genera reducuntur omnes. Cum igitur Sacramenta non sint gratiæ causa finalis, aut materialis, aut formalis, colligimus, esse causas efficientes. Quo vero modo efficiant, id est quod quærimus, id profecto hæc opinio non explicat. Quam equidem eodem consilio, ut exterius reselli, non ut veritate tollerem (quid enim theologo minus conveniens est?) sed ut alios nihil de hac re explicare convincerem.

Cum igitur certo credendum sit, sacramenta nova causas esse gratiæ æque salutis, aliquem sanum sensum & modum oportet assignare, quo causæ sint dignum.

JOH. 14.

GEO. 12.

Quom.
Sacram.
sint cau-
sæ grat.

dignum scilicet definitione Concilii, dignum sanctorum omnium auctoritate, dignum tandem fide nostra, & sacramentum testimonii literarum.

Pro ejus itaque rei explicatione, quæ adeo magnum & vobis, & mihi negotium fecit, intelligatis primum, causas esse in duplici differentia, alteras naturales, alteras morales. Morales autem appellamus causas liberas, quæ scilicet libere movent: ut qui consultit, qui imperat, ejus rei causa est, quæ per ejus aut imperium, aut consilium efficitur. Juxta quam distinctionem cum actio peccati dupliciter consideretur, & in ordine effectuum naturalium, & in ordine effectuum moralium, Deus quidem causa naturalis dicitur actionis, quæ peccatum est: concurret siquidem ad brachii motionem, qua hominem interficit, quemadmodum & cælum, motorque angelus simul etiam concurrunt. At concursus hic naturalis est: non tamen illius actionis Deus est causa moralis. neque enim aut consultit, aut præcipit, quin potius prohibet.

Inter has autem causas discrimen est. Nam naturales suos effectus attingunt per vim a natura inditam, ut ignis calefacit per calorem. Morales vero non attingunt actione physica effectus suos, nec influunt, aut producant qualitates aliquas. Neque enim oportet, ut qui consultit homicidium, actione aliqua physica & naturali quicquam efficiat, quemadmodum natura efficere consuevit.

Eadem quoque forma distinguendum est de movente, & virtute motoris. Nam movere dupliciter contingit, & moraliter, & naturaliter: ut qui homicidium consultit (ne ab exemplo proposito discedamus) moraliter quidem & libere movet; at amens, qui apprehensam manum cujusquam per vim applicat ad vulnera, movet naturaliter.

Virtus itidem duplex, altera qua movens moraliter movet, altera qua naturale agens movet naturaliter: ut in priori exemplo, virtus motiva est auctoritas consentientis, vel ratio qua persuasit; at in posteriori virtus sunt ipsæ vires corporales.

Ad eundem quoque modum de affectibus supernaturalibus philosophandum est, de gratia, de charitate, de fide, de vita æterna: qui a duplici causa proficisci possunt, vel ab ea quæ habet modum agendi similem naturali,

influendo attingendoque vi & efficacia activæ potentie effectus ejusmodi: quo sensu sine controversia Deus est causa virtutum infusarum: vel a causa morali, qualis oratio fuit, & meritum Christi, cum oravit pro Petro, ne deficeret fides ejus.

Utrumque autem causæ genus distribuitur in principalem & instrumentalem: ut qui daret pecuniam captivis redimendis, causa esset principalis redemptionis, moralis tamen: Pecunie vero, vel etiam minister destinatus ad redimendum, causæ sunt redemptionis instrumentales.

Deinde magnopere considerandum, omnia quæ de Sacramentis novæ legis asseruntur, eadem & de sanguine Christi in sacris literis affirmari. 1. Joan. 1. Sanguis Jesu Christi emundat nos ab omni peccato. Apoc. 1. Lavit nos a peccatis nostris in sanguine suo. & ca. 12. Vicerunt eum propter sanguinem agni. & ad Rom. 3. Quem proposuit Deus propitiatorem in sanguine ipsius. Eodem ergo sensu Sacramenta dici poterunt lavare, mundare, causas esse nostræ victoriæ ac remissionis peccatorum, quo sanguis Christi lavat, mundat, peccataque remittit.

Postremo & illud advertendum, Christum quidem Jesum sua nobis & merita & justitiam contulisse. Nam factus est nobis justitia, sanctificatio, & redemptio, ut Apostolus in priore ad Cor. c. 1. docuit. Sed justitiam suam tamen, & sanguinis effusio pretium potissimum nobis communicat per Sacramenta. Virtus enim & valor sanguinis Christi Sacramentis susceptis applicatur: quæ si Christus voluisset, sine medio aliquo Sacramentis & communicari possent & applicari.

His documentis acceptis, quæ negare non nisi impudentissimus poterit, fides sana atque Catholica docet duo. Alterum est, Deum per Christi humanitatem redemisse genus humanum, remisit peccata, contulisse gratiam & gloriam. Item humanitatem Christi instrumentum fuisse, quo Deus operatus est mirabilia hæc in medio terræ. Gratia & veritas per Jesum Christum facta est: & Vidimus eum plenum gratiæ: & De plenitudine ejus nos omnes accepimus: & Ecce agnus Dei, qui tollit peccata mundi: & Hic est, qui baptizat in Spiritu sancto. Quo testimonio ad id probandum utitur Augu-

Joann. 2.

nus

nus libro contra Petilianum 3. cap. 45. Et ad Ephes. 5. dicitur, Christum sanctificasse Ecclesiam suam, atque mundasse. Alterum (quod fides quoque sana docet) Sacramenta novæ legis instrumenta esse Christi ad hanc redemptionem, gratiam, gloriamque complectendam. Quemadmodum ergo esset errorneum asserere, sanguinem Christi, vel passionem, vel humanitatem non esse veras causas nostræ justificationis, & gratiæ (inde enim sequeretur, Christum hominem non fuisse causam, per quam hominum redemptio facta est: quod est hæreticum) ita quoque error est manifestus negare, Sacramenta esse causas efficientes instrumentales nostræ salutis, gratiæ, & justitiæ, loquendo de causa morali. Id enim perinde est, ac si quis neget, suscipientes Sacramenta Christi consequi remissionem peccatorum ex virtute sanguinis ejusdem Christi, cujus pretium eis Sacramentis suscipiendis communicatur: quod sine grandi errore negari non queat. Quemadmodum, si ego essem apud Turcas captivus, & eum qui daret pecunias redemptionis, videlicet pretium, & manum qua pecunias porrigeret, & pecunias etiam ipsas, quæ sunt instrumenta ad redimendum, redemptionis causas esse, non naturales quidem, sed morales, nemo sanæ mentis ibi inficias.

Atque hæc omnia ne videamur e sensu nostro colligere, facile vos invenietis apud D. Thomam 3. par. quæst. 48. art. 6. & quæst. 49. art. 2. & quæst. 56. art. 1. & quæst. 63. art. 5.

Quibus expositis, facile (ut opinor) intelligi potest, quam longe a veritate absint, vel qui dicunt, Sacramenta qualitates infusas efficere: nam per nominis ambiguitatem elapsi, a morali causa ad naturalem, vel quasi naturalem declinare: Vel qui dicunt, Sacramenta esse causas per accidens, vel dispositivas, vel signa etiam certa: qui si ad eandem normam, sanguinem Christi esse causam nostræ justificationis exponerent, risu digni essent Catoniano.

Nos vero Theologica gravitate, & dignitate servata, cum Concilio Florentino pronunciamus, nostræ Sacramenta & continere gratiam, & eam suscipientibus digne conferre. Continere (inquam) non ut causa naturalis continet suum effectum, sed ut causa moralis. Crumena siquidem continere dicitur ca-

ptivi redemptionem, quoniam pecuniam continet: & Sacramenta, quæ continent sanguinem Christi, continere dicuntur gratiam, & remissionem peccatorum: & sicut crumena pecuniam administrans, redemptionem confert; ita Sacramentum confert gratiam, pretium sanguinis applicans: & hæc est illa Sacramentorum virtus, quæ adeo multorum ingenia torfit. Virtus enim redemptionis in marsupio est, in quo pretium redemptionis servatur; & virtus Sacramentorum sanguis Christi est, qui in Sacramentis adhibetur.

Hinc denique postrema hujus disputationis conclusio manifestissime conficitur, Sacramenta vetera nullas prorsus causas fuisse gratiæ, atque salutis. Quæ quidem primum definita est in Concilio Florentino per hæc verba: Novæ legis septem sunt Sacramenta, quæ multum differunt a Sacramentis antiquæ legis. Illa enim non causabant gratiam, sed eam solum per passionem Christi dandam esse figurabant.

Tum etiam Apost. ad Galat. 4. Sacramenta veteris legis infirma vocat; & egena elementa. Si autem continerent pretium sanguinis Christi, gratiamque præstarent hominibus, egena utique, & infirma minime dicerentur.

Nec potest ab hoc Pauli testimonio excipi Circumcisio, de qua præcipue erat cum Galatis controversia, cuiusque causa tota illius Epist. disputatio textitur.

Præterea, in Epist. ad Rom. Apostolus aperte docet, Circumcisionem acceptam, non in justitiæ causam, sed in signum. Et accepit Abraham, inquit Apostolus, signaculum circumcisionis, signum justitiæ fidei. Unde & Ambros. Epist. ad Constantium 77. quæ est libri noni postrema, id ipsum ex eo probat, quod Gen. 17. legitur: Circumcidetur in vobis omne masculinum, ut sit in signum fœderis inter me, & vos: in signum, ait, non in causam.

Præterea, sacerdotum totum veteris legis, aut ministri ejusdem legis non fuerunt causa remissionis peccatorum, ut Apostolus ad Hebr. 9. monstrat. Ad sacerdotum autem veteris legis spectabat omnia Sacramenta etiam circumcisionis administrare. Sacramenta ergo veteris legis non erant causa gratiæ, ac remissionis peccatorum.

Præterea, ut Augustinus Epistola 19. ad Hieronymum ait, Si lex non justificabat, quanto magis illa, quæ significat.

7. Cocl.

ificationis gratia præcepta sunt, circumcisio, & cætera quæ, revelatione gratiæ latius innotefcente, necesse fuerat aboleri, iustificare neminem poterant. Adde huc Hieronymum in commentariis super Epistolam ad Galat. in illud capitis 5. Nec circumcisio aliquid valet, nec præputium, sed fides. Circumcisio, inquit, Idcirco utilis fuit iis qui in lege vixerunt, non quia circumcisi erant, sed quia credita sunt illis eloquia Dei, quæ in opera vertentes, a salute extraneis non fuerunt. Circumcisio vero tunc, ut ætera quoque legis, valuit, quando & benedictiones carnales legem servantibus spondebantur. Hæc Hieronymus.

Præterea ut Div. Thomas 3. parte, quest. 65. art. 6. irrefragabiliter argumentatur: Si Sacramenta veteris legis erant causa gratiæ, aut id erat ratione sui, secluso merito Christi: & hoc non: nisi Christus gratis mortuus esset, quod Apostolus ad Galat. 2. collegit: Vel erant causæ virtutis passionis Christi futuræ: quod affirmari non potest. Nam causa efficiens, sive instrumentalis seu principalis, semper præcedit effectum. Quare humanitas Christi, ejusque sanguis, priusquam in rerum natura essent, causæ finales esse poterant, causæ efficiens esse non poterant. Quamobrem Sacramenta veteris legis salutem, & gratiam in virtute passionis Christi efficere non valebant.

P A R S Q U I N T A.

De discrimine inter novæ, & veteris Sacramenta.

1. discrimen.

ID ergo (ut ad postremam relectionis partem nostra decurrat oratio) primum est, idemque præcipuum discrimen inter novæ, & veteris Sacramenta, quod Concilium Florentinum aperte lucideque definit, in hæc verba: Novæ legis septem Sacramenta multum a Sacramentis differunt antiquæ legis. Illa enim non causabant gratiam, sed eam per passionem Christi dandam esse figurabant: hæc vero nostra & continent gratiam, & eam digne suscipientibus conferunt. Et concilium Tridentinum, sessione 7. de Sacramentis in communi, can. 2. Si quis dixerit, novæ legis Sacramenta a Sacramentis antiquæ legis non differre, nisi quia ceremoniæ sunt aliæ, & alii ritus

externi, anathema sit. Quod autem sit inter utraque Sacramenta discrimen, declarat Trident. Concilium, can. 6. 7. & 8.

Alterum est, quod nova conferunt gratiam aliquam adultis sine merito operantium: sed veteribus susceptis citra operantium meritum, nulla adultis gratia conferebatur.

Prior pars patet ex Concil. Trident. sess. 7. can. 8. Si quis dixerit, novæ legis Sacramenta ex opere operato non conferre gratiam, anathema sit. Ubi etiam Sacramentorum veteris legis erat gratiæ meritorium, si a charitate proniceretur: Si ergo Sacramenta novæ legis non conferrent gratiam, nisi ratione usus meritorii, certe non plus essent causa gratiæ, quam legis antiquæ Sacramenta.

Item, si solus usus Sacramentorum novæ legis esset gratiæ meritorium, tunc per Sacramenta non plus applicaretur nobis sanguis Christi, quam per reliqua opera charitatis: quod est erroneum: Nec in concilio Florentino definirentur Sacramenta novæ legis gratiam conferre, sicut alia opera charitatis. Esset enim ridicula definitio, nec in hoc differret a Sacramentis veteribus: Esset enim definitio falsa.

Posteriorem vero partem vel ex eo tenere convincimur, quod si Circumcisio vel alia Sacramenta veteris legis conferrent aliquam gratiam citra meritum suscipientium, illa vere causæ gratiæ & justificationis existerent, quod paulo ante argumentis certissimis refellebamus. Ratio autem hujus differentiæ est, quia meritum Christi nobis communicatur per sacramenta nova. Unde, præter id quod nos mereremur suscipiendis sacramentis, aliqua nobis gratia datur ex merito Christi. At cum passio Domini causa esset finalis sacramentorum veteris legis, non operabatur quicquam nisi per actionem intendens illam: suis enim non habet alium effectum præter effectum agentis, qui movetur ad finem. Inde ergo si adultus circumcidebatur, non maiorem gratiam accipiebat ex circumcissione, quam per actum Fidei in Christum merebatur. Ad Rom. 3. Unus Deus iustificat circumcissionem ex fide, & præputium per fidem.

Tertium discrimen est, quod sacramenta novæ legis conferunt gratiam atri-
tutis: sacramenta vero legis antiquæ

2. discrimen.

3. discrimen.

fi a non contritis accipiebantur, nihil efficiebant. Prior pars suadet, tum quia conferre, id ininuat, dare scilicet quod non habebas: Ostentum est autem nobis gratiam conferri per novæ legis sacramenta: Tum etiam, quia alias sacramenta nova non essent gratiæ causæ, sed augmenti ejusdem gratiæ.

Præterea Joan. 3. Nisi quis renatus fuerit ex aqua. Præstat ergo baptismus vitam spirituales etiam illi, qui antea non habebat. Et ad Ephes. 5. Mundans eam lavacro aquæ; & ad Tit. 3. Salvos nos fecit per lavacrum regenerationis, non ex operibus iustitiæ, quæ fecimus nos. Item Leo Papa, epist. 56. decernit, parvulis per baptismum remitti originale, adultis & originale & actuale. Et Joan. 10. Quorum remisistis peccata, remittuntur eis. Ergo per sacramentum absolutionis potest remitti mortale peccatum, etiam quod alias non erat remissum. Nam si effectus baptismi & absolutionis non est remittere culpam mortalem, sed penam; ergo non conferunt hæc sacramenta gratiam. Siquidem effectus proprius eorum, hoc est, remissio pœnæ, sine gratia conferri potest. Et ratio hujus est, quam sæpe resumpsimus, quod meritum Christi applicatur nobis per sacramenta nova. Quare sine nostro proprio merito, per meritum Christi applicatum iustificabimur.

Hinc vero posterior pars confirmatur. Quia enim in sacramentis veteris legis non erat aliud meritum nisi fidei: ex fide quippe erat tota iustitia: idcirco sicut non dabatur plus gratiæ, quam fides mereretur, ita nec gratia conferebatur nisi habenti dispositionem: Quæ aliqui ipsa per se esset idonea ad remissionem peccatorum: quam dispositionem, contritionem appellamus.

4. discrimen.

Quartum discrimen, quod per sacramentum baptismi remittitur tota pœna, & per alia sacramenta novæ legis aliqua saltem pars pœnæ sine merito proprio, ratione ipsius Sacramenti: sed per sacramenta veteris legis pœna peccatis debita non remittebatur, nisi pro quantitate fidei, & meriti accipientis illa sacramenta. Hujus vero differentie eadem quoque ratio est. Applicatur enim nobis satisfactio Christi per baptismum ad pœnæ remissionem: sed per circumcissionem non applicabatur, nisi propria circumci-

si satisfactio, & meritum. Et hinc etiam sumitur argumentum pro tertio discrimine. Nam quemadmodum ex eo quod applicatur nobis satisfactio Christi per baptismum, remittitur pœna citra nostrum opus; ita ex eo quod applicatur nobis meritum Christi, remittitur culpa non ponentibus obicem.

Quintum discrimen: Sacramentum novæ legis, a quocunque etiam infidelis conficiatur & administretur, iustificat; Sacramentum vero antiquum, sive naturæ, sive scripturæ, non iustificabat parvulos, nisi a fidei administraretur. Verbi gratia Filii Ismael non iustificabantur, quamvis parentes circumciderent eos ad imitationem Abraham. Et ideo parvuli dicebantur salvari in fide parentum. Nisi enim exterius sacramentum esset protestatio fidei interioris in Salvatore, non remittebatur peccatum parvulo. Cujus rei argumentum est, quia vetera sacramenta remittebant parvulis originale ex pacto misericordiæ divinæ, non ex iustitia. Pactum autem & conventio erat, ut sacramentis protestantibus fidem Salvatoris homines abrevarentur. Signum enim accepit Abraham circumcissionis, signaculum iustitiæ fidei. Circumcideretur in vobis omne masculinum, ut sit in signum fœderis inter me, & vos. At sacramenta novæ legis conferunt gratiam ex iustitia, & merito Christi. Unde etiam si paganus sit, qui baptizatur, dummodo applicet meritum Christi, consciens verum sacramentum, sive credat, sive non credat, iustificat suscipientem. Et propterea vocat Apostolus sacramenta vetera, infirma & egena elementa, quia ratione sui nihil efficiebant, sed solum ratione fidei vel propriæ, vel alienæ, a qua proficiebantur. Nec id vacat in præsentia discutere, an parentes ministrantes sacramenta parvulis, oportet esse in gratia, ut pueri iustificarentur: An satis esset protestatio fidei quamlibet mortuæ. Utraque enim pars suos habet assertores. Sed illa tamen, ut pia magis, ita quoque probabilior est, quæ tenet, in fide parentum salvari parvulos, sive illa fides viva esset, seu esset mortua.

5. discrimen.

Rom. 6.
Gen. 9.

Sextum discrimen, quod sacramentorum novæ legis Christus Dominus fuit auctor proximus & immediatus: at sacramenta vetera per Angelos & Moysen mediatores a Deo sunt con-

6. discrimen.

dita. Atque illud quidem in concilio Trident. scilicet. 7. de sacramentis in communi can. 1. definitur his verbis: Si quis dixerit, sacramenta novæ legis non fuisse omnia a Jesu Christo Domino nostro instituta, anathema sit. Et videtur suaderi ex eo, quod apud Joan. 1. Lex per Moysen data est, gratia & veritas per Jesum Christum facta est. Sacramenta igitur antiquæ legis, umbræ scilicet, & figuræ gratiæ, & veritatis per Christum efficiendæ, a Moysese sunt instituta: at sacramenta gratiæ & veritatis ab eo sunt condita, per quem gratia & veritas facta est.

Item 1. Corinth. 1. Numquid Paulus pro vobis crucifixus est? Aut in nomine Pauli baptizati estis? Ubi beatus Apostolus ex eo colligit, non aliter, quam Christi nomine, & auctoritate baptismum conferri posse, quod sola mors Christi, quæ per sacramentum applicatur, idonea esse potuit ad remissionem peccatorum. Atque ex consequenti solius Christi erat baptismum condere, cui vim sui sanguinis applicaret. Sic enim explicatur hic locus a Cypriano in sermone, quem paulo ante citavimus: Proprie omnipotentia Dei sibi retinet hunc effectum, scilicet remissionis peccatorum. Nec enim Paulus pro nobis crucifixus est, aut nos gloriamur in Paulo, sed in cruce Domini, cujus virtus omnia peragit sacramenta, sine quo signo nulla consecratio meretur effectum.

Idem quoque Augustinus tractat. 5. in Joannem. Potuit autem Dominus noster Jesus Christus, si vellet, dare potestatem alicui servo suo, ut daret baptismum suum tanquam vice sua, & transferret a se baptizandi potestatem, & constitueret in aliquo servo suo, & tantam vim daret baptismum translato in servum, quantam vim haberet baptismus datus a Domino. Hoc noluit, ideo ut in illo spes esset baptizatorum, a quo se baptizatos agnoscerent. Noluit ergo, servum ponere spem in servo. Idcirco clamabat Apostolus, cum videret homines volentes ponere spem in se ipso: Nunquid Paulus pro vobis crucifixus est, aut in nomine Pauli baptizati estis?

Item 1. ad Corinth. 4. Sic nos existimet homo, ut ministros Dei, & dispensatores mysteriorum ejus: non conditores, inquit, sed dispensatores.

Præterea, D. Ambrosius libr. 4. de

Sacrament. capit. 4. Auctor sacramentorum, ait, quis est, nisi Dominus Jesus? De cælo ista sacramenta venerunt.

Cyprianus etiam, sermone de ablutione pedum, quantum eundem intelligo, idem tradit, summum ipsum sacerdotem Christum suorum sacramentorum fuisse institutorem, & auctorem.

Præterea, quia alias posset Ecclesia sacramenta, quæ instituit, abolere, aliaque rursum inducere: atque ex consequenti Christianam religionem, quæ sacramentis maxime constat, invertere atque innovare.

Præterea, hæreticus est, qui de sacramentis novæ legis aliter sentit, quam Romana tenet Ecclesia, ut cap. Ad abolendam, extra. de hæreticis, dicitur. Sed nisi essent ex revelatione tradita a Christo, non esset hæresis ea negare: cum fides circa ea sola veretur, quæ ex Christi traditione Apostolis accepta ad nos usque pervenerunt. At re vera quod universa tenet tenuitque semper Ecclesia, nec concilii institutum est, non nisi ad eas traditiones pertinere potest, quas ex divina revelatione verbo tenus ab Apostolis accepimus. Ita ait August. 4. lib. de baptismo, cap. 24. Maxime cum sacramenta novæ legis gratiam conferant, quam, sicut & gloriam conferre, solus Domini est, & Christi sui, qui pretium sui sanguinis, quibus maluit signis, applicuit. Sed sacramenta vetera, quoniam signa vacua erant, per homines medios institui commode potuerunt.

Ultimum discrimen est, quod sacramenta nostra aperiant januam regni cælorum, quam aperire vetera nequeverunt. Quod eleganter tradit Innocentius cap. Majoris, extra. de baptismo. Nam ut Apostolus docet ad Hebr. 9. nondum erat propalata sanctorum via, quousque sacerdos Christus inpressus est viam novam, & introivit semel in sancta, æterna redemptione inventa.

Quia igitur agnus occisus dignus est habitus, qui aperiret librum, & solveret septem signacula ejus, quoniam redemit nos Deo in sanguine suo, fecitque nos Deo nostro regnum & sacerdotes: sanguis autem communicatur nobis per sacramenta nova, non item per vetera: conficitur utique, sacramenta hæc nostra (quod illa minime faciebant) regnum nobis aperire cælorum.

Argumenta vero, quibus priori loco Ref. ar-

7. discrimen.

sua-

gu. pro
neg. po-
sitis in
princip.
par. 4.

fruere nitebamur, ejusmodi effecta, quæ sacramenta novæ legis tribuuntur, à nulla re corporea proficisci, ostendimus retro esse vanissima. Interest enim nihil ad præsentem disputationem, an sacramenta illam qualitatem efficiant. Quod si interesset id à Theologo disputari, facillime solvitur. Nam solus Deus producit illam qualitatem, si de productione loquamur ad modum agentis naturalis. Sed si de eadem qualitate, quatenus gratos nos reddit Deo, sermonem facimus (sic enim ad mores, & morales causas comparatur) habet præter Deum causas instrumentales, humanitatem Christi, sanguinem, sacramenta, sacramentorumque ministros. Nam quod Sancti negant, sacerdotes dare Spiritum sanctum, habet intelligi per auctoritatem, non per ministerium; de consecr. dist. 4. cap. Aliud est, & c. Commodo. Illud vero Hieronymi contra illos sacerdotes dicitur, qui pro suo arbitratu potestatem solvendi, ligandique sibi arrogabant: cum tamen clavis scientiæ clavem potentiæ debeat antecedere. Ambrosius vero asserit, nullam causam mediam effectum justificationis attingere, quoniam gratia à solo Deo produci potest, qui solus dat gratiam, & gloriam.

Satisfac.
obj. pro
par. 3.^{ff}.
positis
in princ.
part. 4.

Ad primum autem eorum, quæ obijciabantur, ut omnia sacramenta sanctificationis, & gratiæ esse causæ probarentur, respondeo, non opus esse, Sacramentum quodecunque sic esse practicum signum, ut vere efficiat sanctitatem: sed sat est, ut practica a nobis nuncupentur, quod Deus in illorum signorum applicatione, usuque sanctificet: id enim commune est omnibus sacramentis. Vel distinguenda est duplex sanctitas, altera legalis, altera spiri-

tualis: Utriusque enim Apostolus ad Hebræos non meminit. Omnia igitur sacramenta efficiunt aliquam sanctitatem, & munditiam, vel legalem ut vetera, vel spirituales ut nova. Vide 1. 2. qu. 103. art. 2.

Et eadem facilitate reliqua dilues, præter Augustini testimonium ex libro secundo de nupt. & concup. quod sine dubio pro nobis facit, si fide, qua oportet, referatur. Legit enim Erasmus, nec aliter commodè potest, in hunc modum: Ex quo instituta est Circumcisio in populo Dei, quæ erat tunc signaculum justitiæ fidei, ad significationem purgationis, valebat magnis, & parvulis originalis, veterisque peccati. Quod si Beda, aut quisquam etiam alius dixerit, Circumcisionem eandem peccati curationem præstitisse, quam baptisimus, id saue interpretandum est, sensusque potius sequendus, quam verba, quæ nos plura, quam erat in voto, fecimus; sed non plura fortassis, quam opus erat, ad argumenti varii, atque perplexi expositionem. Quo quidem explicando non usque adeo sumus arrogantes, ut ne vereamur ex his, quæ iam multa diximus, quædam ut falsa reprehendi forsitan jure posse: alia, vera licet, pro rei tamen ipsius, vestraque omnium dignitate tractari potuisse tum accuratius, tum elegantius. At concedendum nonnihil occupationibus, erratique nostris interim connivendum, ut vestra humanitate studia nostra sublevari recreentur. Quæ videlicet omnia vestris obsequiis addiximus, discipulorum nostrorum commoditatibus adjudicavimus, Servatoris Jesu Christi gloriæ, atque honori consecravimus in secula sempiterna. Dixi. Deo gratias..

RELECTIO DE POENITENTIAE SACRAMENTO.

THEMA RELECTIONIS.

Nisi Poenitentiam habueritis, omnes peribitis. Lucæ 13.

PROOEMIUM.

Locum hodierna mihi Disputatione tractandum, Viri Gravissimi, qui de summa facie (quod ajunt) spectaverit, apertuorem fortasse existimabit, quam ut nostram in explicando diligentiam desideret, aut laborem. Qui vero introspicere curiosius velit, compariet sane, multas in profundo veritates delitescere, pluresque habere in recessu, quam in fronte promittit. Nisi Poenitentiam (inquit apud Lucam Dominus) habueritis, omnes peribitis. Qui quidem locus quaestionem licet simplicem continere videatur, multiplicem tamen differendi materiam subministrat. Nam cum duplex in poenitentiae nomine significatio sit, & virtutis, & sacramenti, mox animadvertitur, Disputationem meam in duas esse partes dividendam, quarum altera versetur circa poenitentiae virtutem, altera circa poenitentiae sacramentum. Hæc enim tractandi forma, atque partitio a Magistro Sententiarum dist. 14. primum accepta, universis deinde Theologis usurpata est. Cumque de utroque partitionis membro infinitas propemodum quaestiones auctores Scholastici persequantur; at ego sex mihi præcipuas ex intinis hujus loci visceribus eruendas putavi, quibus omnino expositis, nihil esse video, quod amplius ad thematis intelligentiam desideretur.

Ac principio statim controversia illa venit in medium, quæ fundamentum est cæterarum: An poenitentia sit dolor de peccatis, qua ratione contra Deum fuerit commissa. Evestigio sequetur altera: Sine poenitentia virtus. Succedet suo ordine tertia: An sine poeni-

tentiae virtute salus peccantibus esse possit. Quarto loco id quaeremus: An sit de poenitentiae virtute peculiare præceptum. Quinto in dubium vocabitur: Num etiam poenitentiae sacramentum sit ad salutem necessarium. Postremo: An hoc idem sacramentum Evangelico jure præceptum sit. Has controversias tantisper dum definire contendo, vos Viros Ornatissimos, nostrae consultationis & auditores, & judices, quaeso, diligenter attendite.

PARS PRIMA.

De Definitione Poenitentiae.

Priniceps igitur Quaestio ea erat: An 1. Quæst.
Poenitentia sit dolor de peccatis, princeps.
quia contra Deum fuerit commissa.

Ubi investigare compellimur, quidnam poenitentia sit, quidque sua definitione, & natura contineat: id quod in hac materia difficillimum est, eoque disquisitione non parva. Et quamvis controversia omnes sine discrimine apud Scholasticos soleant in utramque partem disceptari, ego tamen hanc primam (quoad per adversarios licebit) sine argumentis ultro citroque jactatis, exponere cupio: quod (nisi me mea fallit opinio) res alioqui explicatu difficilis, hoc servato tenore, facilius explanabitur.

Poenitentiam ergo definituris, ut a facillimis ordiamur, tenenda primum est ipsius vocis origo. Nam siue hujusmodi notione rem, de qua differimus, probe tenere non possumus. Poenitentiam itaque a poena derivari, nemo est qui possit ambigere. Poena autem vindicta quædam est præteritæ culpæ. Unde & præci autores verbum, Pe-

Vocis
Poeniten-
tia, quæ
origo, &
notio.

Pœnio, pro eo, quod, pœnio; usurpare. Sed & cum rerum male gestarum, quasi vindicante natura, ipsi intra nos de nobis supplicium summus, tumpnere proprie dicimur. Pœnitentia autem vocabulum tametsi latius pateat, usu tamen doctissimorum in bonam partem deflecti solet, ut non nisi quæ iuste pro culpa assumitur, Pœnitentia nuncietur.

Iuxta autem vindictæ duo sunt genera; alterum publicum, in quo alius est reus, alius iudex, accusator, & testis; alterum priuatum, in quo & reus, & vindicationis administrat idem est. In illo aliena culpa vindicatur; in hoc propria. Illa vindicta involuntaria patienti est; hæc contra voluntaria. Pœnitentia igitur nomen non quamlibet culpæ vindictam, sed illam voluntariam designat, qua reus ipse sponte pœnas eligit, ut in proprias culpas animadvertat. D. August. (sive quis alius ejus operis fuit author) in lib. de vera, & falsa Pœnit. cap. 19. Pœnitere, inquit, est pœnam tenere, ut semper puniat in se ulciscendo, quod commisit peccando. Et cap. 8. Pœnitentia est quædam dolentis flagitiosa, voluntarie punientis in se, quod commississe se dolet. Quo & D. Ambrosius videtur alluisse, super Psal. 27. concione 1. dicens: Pœna est definitio pœnitentia, commemoratio delictorum, ut unusquisque peccata sua, velut quendam quotidiani sermonis flagello castiget, & commissa sibi flagitia condemnet. Literæ quoque sacræ passim admonent Pœnitentiam agere: ad quam prolecho non exhortentur, nisi spontanea esset; nec pœnitentiam ab alio inflictam, agendam esse monerent, sed potius parientiam. Quod nostro in themate etiam intelligitur, si verba diligentius expendantur: Nisi pœnitentiam habueris. Id autem habere dicimur, quod in nostra potestate est, ut D. Thomas annotavit 7. p. quæst. 38. art. 1.

At vero, cum nemo in malum aspiciens operetur, ut Dionys. 4. cap. de div. nom. scite tradit; qui volens, prudensque pœnam eligit, eum alieni boni gratia, tanquam finem sibi præstatuat, hoc facere necessum est.

Finis autem primus iuxta vindictæ habetur, ut qui leuius per culpam est ei per pœnam satisfiat. Ea enim quippe iudex nocentem plehit, quatenus opus eius cœnet, ut injuria & priva-

te, & publicæ faciat satis. Sic igitur & pœnitens ob eam causam vindicat culpam, quam admisit, ut Deo, quem offendit, debitam satisfactionem impendat.

Sed enim per offensam culpæ, non solum iustitia legislatoris, sed & amicitia violatur: quapropter aliter finis pœnitentis est placare Deum, quem offenderit, eumque sic conciliare. Inde enim vindictam, compensationemque delicti oportuit in patiente ultroniam esse, quoniam oportebat amicam esse. Nam neque apud homines redintegratur amor per coactam satisfactionem offenditis.

Cum autem amicus pœnis amici non delectetur, & aliqui etiam Aristotele autore, pœnæ medicamentum sint, quæ, velut per contrarium dolorem, morbum pellunt e voluptate prognitum; tertius pœnitentia finis est salus animi. Dolet namque pœnitens, lacrymatur, & gemit, ut per huiusmodi quasi antidotum, morbo spirituali medeat, ut D. Thomas tercia parte, quæstione 90. art. 3. docuit: & D. Augustinus tract. in Psal. 57. Sed & D. Hieronymus in caput septimum Ecclesiast. inquit: Novit hirundo pullos de sicco oculare chelidonix, & dictamini capræ appetunt vulneratæ; cur nos ignoremus medicinam Pœnitentia propositam esse peccantibus? Eandem quoque sententiam eisdem fere verbis Tertullianus dixit in libro de pœnitentia. Et Chrysostomus homilia septima ad populum Antiochenum, Iudices, inquit, cum latrones ceperint, ac sacrilegos, non quomodo ipsos meliores reddant considerant, sed quomodo ab ipsis peccatorum pœnas exigant: Deus autem contra, quum aliquem ceperit peccatorem, non considerat quomodo supplicium sumat, sed quomodo ipsum corrigat. Itaque & iudex pariter, & medicus, &c. D. Paulus denique 2. ad Cor. 7. Tristitia, ait, quæ secundum Deum est, pœnitentiam in salutem operatur. Quamobrem pœnitentia iudicium, ut amicum, ita quoque salutare est, & plusquam vindicativum, cuius scilicet finis, non tam vindicta, quam vindicta alutaris est.

Igitur (ut quæ tam multis diximus, in brevem summam redigamus) pœnitentia dolor de peccatis est, alias & in beatis esset, nec esset iuxta nomen iustum pœna: Et dolor est sponte pro peccata-

Pœnitentia
quid? De
pœnit. d. 1.
c. Pœnitentia
est.

Finis pœnitentis
triplex.

peccatis assumptis, ut sit vindicta culparum voluntaria, nec vindicta solum satisfactoria, sed etiam amica & salutaris. Ac poterant hæc apud omnes inconvulsa ratione consistere, nisi ab eis, qui linguarum eruditione, proprioque sensu jactantur (vana licet fiducia) quaterentur.

Obje-
cx Lu-
thero, &
Erasmo.

Obicit tamen nobis Lutherus apud Rossenſ. artic. 5. imo & Erasmus in annotationibus super tertium Matth. caput, quod apud Græcos *μετάνοια* non pœna aut dolor est, sed respicientia, & *μετάνοια* respicere. Ac ubi interpres novi testamenti usurpat Pœnitentia vocabulum, Græco in fonte *μετάνοια* est: ubi pœnitentiam agite, Græca lectio habet, *μετάνοια*: non ergo in usu Scripturæ sacræ pœnitentia dolor aut pœna est, sed mutatio consilii & mentis, & pœnitere, sapere post erratum, initiareque animum ad videndum recte. Scilicet hoc irrefragabili argumento in illam hæresim incidere Germani, ut crederent, veram pœnitentiam nihil aliud esse, quam novam vitam. Juxta quod Div. Ambrosius apud Magistrum 14. dist. ait, veram pœnitentiam esse cessare a peccato.

Respon-
sio.

Hinc vero nos paucis extricare possemus, si veteris interpretis, & Christianorum omnium Latine loquentium autoritate contenti, Latini nominis notionem & originem sequeremur, quæ satis (ut arbitror) ante nobis explicata est. Quin etiam, si rerum ordo fuerit diligenter inspectus, respicientia atque tristitia usque adeo sibi vicissim hærent, ut si alteram tollas, utramque necesse sit esse sublatam. Et enim si sapis, protinus incipit displicere, quod placuit. Imo, si erratum tuum semel intelligis, tu ipse incipis tibi illico displicere. Cum vero quicquam displicet, quod placebat, id quemadmodum, quo tempore placuit, delectabat, ita necesse est contristare, dum displicet. Ac ne hunc quidem respicientiæ tristitiæque nexum arcana literæ tacuerunt. Gen. 6. Videns Deus, quod multa malitia hominum esset in terra, pœnituit eum, quod hominem fecisset, & tactus dolore cordis intrinsecus. En post pœnitentiam dolor cordis apponitur. Et Hierem. 31. Postquam convertisti me, egi Pœnitentiam, & postquam ostendisti mihi, percussis semur meum. In quæ verba D. Hie-

ronymus, Dolentis, inquit, & plangentis, & super errore pristino plorantis indicium est, ut semur manu percussat, & stultum se ante fuisse fateatur. Dolor itaque comes individuus est respicientiæ.

Quod si Latine vocis nullam rationem haberemus, si rerum item consequentiam & ordinem negligeremus, etiamnum Luthero, Erasmoque ostenderemus, Græcam *μετάνοια* vocem pœnam quoque, ac vindictam designare. Cujus rei testimonia si quis a nobis requireret, nihil esset profecto, quod tam facile expedire possemus, nisi ad alia properaret oratio. Certe Paulum 2. ad Corinth. 7. pro pœnitentia *μετάνοια* usurpasse, vel protervus inficiari non poterit. Habent enim Græca in hunc modum: *ἡ γὰρ ὁ θς ἡμῶν ἀπὸν μετάνοιαν οὐς ἐντολὰς ἀμείψαντες κατανύσσεται*, hoc est, quæ enim secundum Deum tristitia est, pœnitentiam in salutem non pœnitendam operatur. Quo loco si respicientiam veritas, sententiam in Apostolo falsam efficiet: non enim tristitia respicientiam operatur, sed e diverso respicientia tristitiam: at tristitia, quæ secundum Deum est, pœnitentiam, hoc est, voluntariam pœnam vindictamque culparum. Noster item Aulonius loquentem pœnitentiam inducens, inquit:

Sum Dea, quæ facti, non factique exigo penas,
Nempe ut pœniteat, sic Metanœa vocor.

Non igitur, sive Latine Pœnitentia, sive Græce metanœa, novam solummodo vitam, sed & veteris odium vindictamque significat.

Sed ais: si verbum verbo reddas, *μετάνοια* mutatio cogitationis & mentis est, sive transformatio, si in hunc modum loqui Latina consuetudo permittet: fateor equidem. At mentis mutatio esse non potest, nisi mens divertat a malo, contraque accedat ad bonum. Quod quia non fit greilibus corporis, sed affectibus animi, veterem vitam animus averſetur oportet, cum elegit novam: sic enim animi mutationem recta Philosophia interpretatur, quam si habere Lutherani, nihil ab illis præterea exigeremus, si modo haberent eam, non quam sibi fingunt ipsi, sed quam & vere & græpluce describit D. Ambrosius, 2. lib. de

Quid de
voce me-
tanoia
sentien-
dum.

In Epist.
in oc. alio-
bus locis.

de penitentia cap. 10. inquit: Facilius inveni, qui innocentiam servaverint, quam qui congrue egerint penitentiam. An quisquam illam penitentiam putat, ubi acquirenda ambitio dignitatis, ubi vini effusio, ubi copulae conjugalitatis usus? Resumendum seculo est, somno ipsi minus indulgendum, quam natura postulat, interpellandus est gemitibus, interrumpendus est suspiriis, sequestrandus orationibus; vivendum ita, ut vitali huic moriamur usui. Scipulum sibi homo abneget, & totus mutetur: sicut quendam adolescentem fabulae ferunt post amores meretricios peregre profectum, & amore abfolito regressum, veteri postea occurrisse dilectae, quae ubi non interpellatam mirata, putaverit non recognitam, rursus occurrens dixerit, ego sum, responderit ille: sed ego non sum ego. Hanc mihi cogitationem, atque animi transformationem si praestiteris, iam ego de nomine nihil moror: illa revera penitentia est, de qua nos in praesentia disputamus.

de penit. d.
s.c. 3 di. qu.

Utrum ad rationem penitentem. prae-ter detestationem vitae veteris necessarium requiritur propositum. v. i. de nov. Sententia modern.

Sententia modern.

Malin 4. d.
1. a. qu. 1. de
Abusu lib.

Sententia veter. & commun.

Sed illud tamen Catholici quidam, contrario penitus sensu, atque ratione, in dubium vocant; an ad veram penitentiam, praeter dolorem de peccato praeterito, propositum exigatur deinceps futura vitandi, ita ut quemadmodum penitentem vitam veterem detestari, sic & novam animo concipere, ac proponere, necessum sit. Et quidem iuniores nonnulli existimant, hoc propositum non esse in penitentia necessarium. Tum quoniam, ut vox ipsa praese fert, penitentia culpas praeteritas respicit, non prospicit futuras: quod & D. Thomas animadvertit, 4. distinctione decimasextima, quaestione prima, articulo secundo, quaestione quarta, ubi asserit, penitentiae proprium obiectum esse peccatum commissum: quare, ait, secundum suam speciem respicit tantum peccatum praeteritum: Tum etiam quoniam ventura mala cavere, prudentiae actus est, non penitentiae. Non igitur animus futura vitandi ad veram penitentiam necessarius est.

Nos vero, recentem hanc Theologiae paulisper facesset rogemus, & Disputationis nostrae perturbatricem exoremus, ut sileat, veterumque auctorum sententiam amplectentes, intelligamus, mutationem mentis, quam nomen Graecum designare certum est, in

penitentia quoque Latina voce comprehendendi. Nisi enim mutetur totus (ut paulo ante referebamus ex D. Ambrosio) vere penitens esse non potest: at haec penitentis mutatio in eo sita est, si non vitam modis priorem respuat, sed & novam animo complectatur, seque informet, atque animet ad recte, iusteque vivendum. Sit ergo (ut a more Scholastico non discedamus) prima Conclusio.

In penitente semper haec duo conjuncta sunt, detestatio vitae veteris, & propositum vitae novae. Hanc Magister Sententiarum distinct. 14. & 15. tenet, & Albertus 14. distinct. art. 11. Durandus distinct. 17. quaest. 1. art. 2. & Alexand. 4. par. quaest. 69. membr. 9. & Adrian. Quodlib. 5. art. 3. Cajetan. in Addition. 3. par. quaest. 1. art. 1. & D. Thomas 3. par. quaest. 85. art. 3. & 86. art. 2. & 3. cont. gent. cap. 158. & 4. cont. gent. cap. 72. Quae quidem probatur ex Apostolo ad Ephesios quarto, Deponite (inquit) vos veterem hominem, qui corrumpitur secundum desideria erroris: renovamini autem spiritu mentis vestrae, & induite novum hominem, &c. Ergo non satis est veterem exuere, nisi novus homo induatur, quod certe voluntate fit, non manibus corporis.

Hoc praeterea insinuat Gen. sexto: Penituit enim, quod hominem fecisset, praecavens in futurum, & tactus dolore cordis intrinsecus, &c. Ambo igitur illa in eo, quem vere penitet, reperiuntur.

Ezechiel. item 18. Si autem (inquit) impius egerit penitentiam ab omnibus peccatis suis, & custodierit omnia praecepta mea, omnium iniquitatum ejus non recordabor. Custodire autem omnia praecepta, ad animi propositum sine dubio reiterandum est, quoniam non omnia simul praecepta custodienda occurrunt, cum homo penitentiam agit. Utrumque penitens simul praestat; & quod dolet de omnibus peccatis suis, & quod omnia praecepta custodire proponit. Et infra eodem capite: Convertimini (ait) & agite penitentiam: Projicite a vobis omnes pravitationes vestras, & facite vobis cor novum, & spiritum novum, &c. Quod est novam vitam & animo concipere, & velle.

Praeterea (ut recte Div. Augustinus libro de vera, & falsa penitentia, cap.

1. Conc.

17. ratiocinatur) non solum petitur a peccatore, ut penitet, sed etiam, ut convertatur. Convertemini, inquit Propheta Ezechiel, & apite penitentiam, &c. & Joel. 2. Convertimini ad me in toto corde vestro, in jejuniis, & fletu, &c. Conversio autem ad bonum est: non ergo satis est malam vitam antecedentem averfari, nisi ad bonum penitens animo convertatur.

Id insuper annotavit Divus Ambrosius in illud secundæ ad Corinthios septimo. Ecce enim hoc ipsum, secundum Deum contristari vos, quantum operatur in vobis sollicitudinem & desiderium: desiderat enim (inquit) reformari, qui per peccatum scit se factum esse deformem.

David quoque in Psal. 50. postquam veniam petivit, inquit: Quoniam iniquitatem meam ego cognosco, &c. Cor mundum (ait) creata in me Deus, & spiritum rectum innova in visceribus meis.

Præterea, primum, quod ab eo, qui fecit injuriam, postulamus, est hujusmodi propositum. Cum ergo finis proprius penitentis sit emendare Deo injuriam, certe vere penitens omnia exhibet, per quæ injuria compensatur. Inter hæc autem (ut diximus) illud unum est, ut homo habeat animum alias deinceps injurias non faciendi.

Ad hæc, quemadmodum parentes, cum liberos puniunt, emendationem, propositumque melioris vite in futurum ab illis per penas extorqueant; ita & hoc a nobis vel maxime Deus exigit in hac vindicta voluntaria, ut velimus in melius corrigere, quæ peccavimus.

Præterea, in omni motu non est recessus a termino aliquo, sine accessu ad oppositum; Ergo nec aversio a peccato erit sine conversione ad justitiam. Quare sicut penitens detestatur vitam injustam antecedentem, ita voluntate complectitur iustitiam justam consequentem.

Præterea, vera penitentia non est sine actu charitatis, ut mox definivimus; sed per actum charitatis volumus Deo in omnibus placere, & in nullis displicere: Igitur animus in futurum bene vivendi vere penitenti, qui ad Deum convertitur, deesse non potest. Quod & nunc in Concilio Tridentino sessione sexta, capite quinto, & sexto definitur, & in Concilio Florentino fuerat

ante declaratum, videlicet ad contritionem (quæ penitentis primus actus est) pertinere, ut delectet de peccato commisso, cum proposito non peccandi de cætero. Nec potest dici, Concilium loqui de proposito implicito: Pari enim ratione statueret, ad contritionem cordis spectare propositum jejuniandi tempore quadragesimæ: Præterquam quod vana esset talis terminatio, & explicatio contritionis, si de implicito proposito intelligeretur. Et simili quoque ratione interpretaremur, ad contritionem cordis pertinere, implicite delecte de peccato commisso.

Secunda conclusio: Hujusmodi propositum est de ratione penitentis. Hanc tenet D. Thomas expresse, & eam persuadere nititur tertia parte, quæstione 90. art. 4. Et 4. contra gentes cap. 17. quia actus morales ex fine recipiunt speciem. At finis penitentis, & doloris de peccato est nova vita: ergo illum finem intendere, est de ratione penitentis: Quemadmodum enim expulsiis dispositionis contrariæ suapte natura paratur ad convenientem formam inducendam, & propulsiis humoris corrupti ab arte naturæque infilitur, ut nova sanitatis forma proveniat: ita & peccata antecedentia destruere, atque averfari, ad vitam novam instituendam ordinatur.

Præterea, ad penitentiam id potissimum pertinet, ut Deo veteris vite compensatio fiat. Id autem vel maxime a nobis Deus exigit, pro compensando delicto veteri, ut ei deinceps placere velimus, juste, recteque vivendo: Id igitur est de ratione penitentis.

Hoc item probat Magister Sententiarum, dist. 14. ex definitione penitentis, quam nobis D. D. Ambrosius, & Gregorius tradidere in hanc formam, Penitentia est, præterita mala plangere, & plangenda iterum non committere, De Penitentia, dist. 3. cap. Penitentia, & cap. Penitentiam.

Nec ego aliud intellego Florentinum Concilium indicare voluisse, cum assinit, ad contritionem cordis pertinere, ut delectet de peccato commisso, cum proposito non peccandi de cætero.

Ad argumentum vero in contrarium respondet Divus Thomas dist. 14. quæstione 1. articulo 1. quæstione 6. ad 4. quod quævis ad penitentiam iuxta

2. Cocl.

hoc. 14. c. 1. 2.
1. 1. 1. 1. 1. 1.
1. 1. 1. 1. 1. 1.
1. 1. 1. 1. 1. 1.

Resp. ad
arg. mo-
dornor.

pri-

primam nominis originem, non pertineat respectus ad futurum: at quatenus habet pro fine percipiendi, quod Deo culpam commisit, & illi pro ea satisfactione, huiusmodi propositum est de ratione penitentiae, nec sine illo Deus aut placatur, aut conciliatur, cum id (quod saepe jam diximus) a nobis maxime requiratur.

Utrum dolor, seu detestatio peccati sit de ratione penitentiae, quatenus peccatum est contra Deum.

Hæc de prioris definitionis particula satis sunt dicta. Nunc circa posterio-rem ea quaestio est a nobis pertractanda; an dolor, detestatioque peccati, quia est contra Deum, sit de ratione penitentiae. Cui breviter quaestioni eodem omnes ore respondent, id de ratione penitentiae esse. Divus Thomas tertia parte, quaestione octogesima sexta, articulo tertio.

Quippe si quem peccata contristant, vel quod turpia sunt, vel quod infamiae notam musculunt, aut aliud datum delere peccanti; huius dolor idoneus non est, nec delictum adversus Deum commissio penitendo, nec infensio Deo placando, & conciliando. Nam ne homo quidem iustus placaretur, cum is, qui læsit, nullam ipsius haberet in dolore rationem, nec redintegraretur amicitia, dum qui eam violavit, iacturam propriam fecit, non amici offensionem, 2. ad Corinth. 7. Gaudeo, non quia contristati estis, sed quia contristati estis ad penitentiam. Contristati enim estis secundum Deum: quæ enim secundum Deum tristitia est, &c. Tristatur, inquit D. Ambrosius, secundum Deum, quia dolet, quod fecit, quod odit Deus. Idem docet D. Chrysostomus homilia decimaquinta in hanc secundam epistolam, sed expressius homilia quarta in eandem.

Item nisi hac ratione, & sine peccator penitentiam ageret, ad Deum minime per suam penitentiam converteretur, cum tamen Christiani penitentem, & conversum ad Deum, eundem prorsus intelligimus. Quoniam & arcanæ literæ penitentiam sine peccatoris ad Deum conversione penitus ignorant. Joel. 2. Convertimini ad me in toto corde vestro, &c. Ezech. 18. Convertimini: & agite penitentiam. Ezech. 33. Derelinquit impius viam suam, & revertatur ad Dominum. Et Psalm. 118. Exitus aquarum deduxerunt oculi mei, quia non custodierunt legem tuam. Ubique igitur ratio, finisque penitentiae Deus ipse describitur.

Sed existit hoc loco quaestio non parva, an illa ratio formalis, & motiva penitentiae sine dilectione possit haberi. Quod in hanc formam alii quaerunt, an in Penitentiae functione oporteat contineri, quod sit dolor de peccatis, quia sunt contra Deum super omnia dilectum.

Et suadet non oportere, quia dilectio est actus sufficiens ad remissionem peccatorum: quare si semper cum penitentia interveniret, aut neutra esset idonea, aut altera superflua esset.

Deinde si actus charitatis necessarius in peccatoris conversione inveniretur, tunc charitas diceretur secundum tabulam post naufragium potius, quam penitentia; quod tamen inaudium est.

Præterea, puer fugit ignem, tanquam malum, etiam si oppositum bonum actu non velit: ergo & homo potest fugere peccata, quamvis Deum actu non amet.

Quarto, quia si dilectio esset penitentiae conjuncta, dilectio penitentiam antecederet, quoniam attingit finem, rationemque formalem penitentiae: at consequens est salum, ut videtur: Primo, quia contritio præcedit gratiam habituales, cum sit ejus dispositio: ergo & charitatem, quia gratia prior est charitate, ad quam se habet gratia, ut anima ad potentias suas: Nam dat gratia esse, & vivere, charitas operationem. Secundo, quia si dilectio contritionem præcederet, jam prima penitentis contritio esset meritoria, cum a charitate proficeretur, referreturque ab eadem charitate in Deum super omnia dilectum. At contritio prima meritoria esse non potest, quia vel meretur gratiam, vel gloriam. Non gratiam, quia prima gratia sub merito non cadit; gratiam vero simul fieri & augeri impossibile est: Quare prima contritio nec primam gratiam, nec augmentum ejus promeretur: sed ne gloriam quidem; quia vel meretur gloriam, quæ respondet primæ gratiæ, puta ut quatuor, si gratia prima erat ut quatuor, vel meretur augmentum illius gloriæ: Si primum, jam gloria, quæ respondet primæ gratiæ, non daretur gratis, contra Apostolum ad Roman. 6. iniquentem: Gratia Dei vita æterna: Et contra rationem, quæ dicit, gratiam nihil aliud esse, quam acceptionem ad gloriam: Unde si quis accepit gratiam primam sine meritis: ergo & ac-

Utrum de ratione penitentiae sit delectatio peccati, quatenus est contra Deum super omnia dilectum. Object.

ceptum est ad gloriam correspondentem sine meritis. Augmentum vero gloriæ, si prima contritio meretur, pariter quoque & augmentum gratiæ, quod jam reprobatum est. Denique consequentiæ falsitas ostenditur ex D. Thoma 4. d. 14. q. 1. 2. 2. q. 1. cujus verba sunt: Quandoque aliquis fugit malum propter desiderium boni, quandoque autem e diverso; & hic motus est frequentior in reversione peccatoris ad Deum per pœnitentiam: unde pœnitentia est prior Charitate; & cum motus amoris pœnitentiam præcedit, non est amor Charitatis, quia Charitas amissa non recuperatur, nisi per actum Pœnitentiæ virtutis: Hæcenus ille.

In contrarium est, quod omnis dolor in amore fundatur, eo enim quod aliquid amamus, de ejus amissione dolemus.

1. Conc.

Hinc fit prima propositio: Primus actus Pœnitentiæ nunquam est sine actu Charitatis. Magist. dist. 15. 4. item Gratianus de Pœnit. d. 3. c. ult. & cap. Fugerat. & dist. 2. cap. Charitas est. Et D. Thomas 1. 2. q. 113. ar. 4. ad 1. & ar. 5. & 8. de veritate, qu. 18. ar. 4. Durandus d. 17. 4. q. 1. & 4. Capreol. distinct. 14. quæst. 2. & Gabriel eadem dist. & quæst. contra Palud. dist. 14. quæst. 3.

Primum probatur hæc Conclusio testimonio D. Augustini 14. de civi. Dei, cap. ultimo, ubi asserit, neminem pertinere ad Civitatem Dei, nisi per amorem Dei, usque ad contemptum sui: Sed omnem vere pœnitentem ad Dei civitatem pertinere, nemini dubium est: Ergo &c. Et lib. de ver. & falsâ pœnit. cap. 9. pro absurdo habet, quod sine amore Dei quicquam consequatur indulgentiam, sine quo nullus invenit gratiam. Et cap. 17. idem ait, & lib. contra Crescon. 2. cap. 12. cum dixisset, Et elemosinis & verbo veritatis, & contritione remitti peccata, subdit: Mundantur etiam ipsa, quæ supereminet omnibus, charitate, quæ una si adsit, omnia illa recte fiunt; si autem desit, illa omnia frustra fiunt. Præterea 1. Joan. 3. Qui non diligit, manet in morte.

Præterea, conversio ad Deum requiritur ad habendam gratiam Dei, Zach. 1. Ecce. 18. & 33. Convertimini ad me, & ego convertar ad vos. Sed conversio ad Deum non fit, nisi per actum

charitatis. Nam si aliter conversio fiat, vana est ad justificationem; cum in Christo Jesu sola fides valeat, quæ per dilectionem operatur, ad Gal. 1. Hoc autem notavit D. Augustinus de vera & falsâ pœnitentia, cap. 17. dum scribit, non converti, qui habet attritionem, & timet Deum iudicem, nisi & justum diligit.

Præterea, salus animæ in conversione ad Deum consistit. Hier. 3. Convertimini filii revertentes, & sanabo aversiones vestras. Esa. 6. Et convertatur, & sanem eum, & 45. Convertimini ad me, & salvi eritis. At pœnitentia est medicina salutis. Ergo, &c.

Item, omne agens agit propter finem: anima ergo, cum movet se, ad finem se movet. A: velle efficaciter finem, pertinet ad charitatem: Namque si per spem solam finem appetereamus, nec spes illa mortua ad justificationem sufficeret, nec de peccato doleremus, qua ratione offensa Dei est, sed qua malum nostrum est.

Id tandem modo in concil. Trident. sess. 6. cap. 6. & 7. definitum est.

Ac revera quidem: Id enim Dominus Luc. 7. insinuisse videtur, inquit: Remittuntur ei peccata multa, quoniam dilexit eum. Quæ significant dolorem & lachrymas nullas esse, nisi cum charitate essent.

Secunda propositio: Prior natura est actus Charitatis, quam actus pœnitentiæ: Imo radix, unde pœnitentia habet remittere peccata, dilectio est, juxta Domini sententiam Luc. 7. Quoniam dilexit multum; ait D. Thomas 3. p. q. 35. ar. 6.

1. Conc.

Probatur item hæc conclusio: Quia pœnitens detestatur peccatum, ut offensam Dei: Ergo prius natura amat Deum. Nam nisi quem amore prosequimur, ejus mala exhorrescere non solemus.

Præterea, prius voluntatis actus circa proprium objectum est, scilicet circa bonum. Deinde sequitur odium oppositi mali. Prior ergo actus est, quo Deo volumus bonum, quam actus, quo ejus malum abhorremus.

Præterea, velle mihi conciliare Deum, est prius, quam velle emendare injuriam commissam, cum illud sit finis hujus. Ad illud ad charitatem pertinet, hoc ad pœnitentiam, ut dictum est. Ergo, &c.

Præ-

Præterea, ut D. Thomas arguitur loco citato ad secundum, in actibus animæ primus motus est circa finem. Unde prior est natura intentio finis, quam electio mediorum: At dolere de peccatis, & illa destruere, medium est ad placandum & conciliandum Deum, & ad rectam electionem pertinet. Ergo &c.

Sed & Hier. 31. huius rei testimonium habemus: Postquam convertisti me, inquit, egi pœnitentiam. Prior est igitur conversio ad Deum, quam pœnitentia destitutioque peccati.

Id postremo concilium Trident. sess. 6. cap. 6. definitur his verbis: Peccatores ad justificationem se disponunt, incipientes diligere Deum, tanquam omnis iustitiæ fontem; ac propterea moventur adversus peccata per odium aliquod & detestationem, hoc est, per pœnitentiam.

Tertia propositio: De ratione veræ pœnitentiæ est, quod displiceat peccatum, quia est contra Deum super omnia dilectum. D. Thomas expresse 3. p. q. 86. a. 3. patetque ex prioribus conclusionibus.

Ad primum autem eorum, quæ in contrariam partem adduximus, respondet D. Thomas 3. p. qu. 84. ar. 5. ad 2. & qu. 86. ar. 6. ad 2. & de ver. q. 28. ar. 5. in corp. & in solutione primi, negando consequentiam. Aliud enim requiritur ad justificationem absolutam, aliud ad justificationem ejus, qui mortaliter peccavit, in quo requiritur & aversio a malo, & conversio in bonum, ut injuria quam fecit, compensetur per æquam satisfactionem.

Ad secundum respondetur, quod pœnitentia dicitur secunda tabula post naufragium, & non charitas: Primo, quia charitas necessaria est in omni justificatione, communique & integra navi solvendum, & naufragis. Pœnitentia autem proprium est remedium naufragiorum.

Item etiam in pœnitentia charitas intelligitur; non autem e diverso in charitate pœnitentia. Quamquam & his duobus argumentis brevis responderetur, multos actus hominis in justificatione simul conjungi, quibus tamen singulis justificationem ipsam sacræ literæ tribuunt. Fides enim purificat corda nostra. Act. 15. Spe quoque salvi facti sumus, ad Rom. 8. Univeria etiam delicta operit charitas. Prov. 10. Et scri-

ptum quoque est, sine timore neminem posse justificari. Eccle. 1. Et cum peccator ingemuerit, ac pœnitentiam egerit, peccata ipsius oblivioni tradentur. Ezech. 18. & 33. Erraret autem vehementer, qui vel remissionem peccati unicuique ex illis actibus denegaret, vel unum ex iis quemlibet superfluere arbitraretur.

Ad tertium, nihil vetat, cum quis semel habuit actum amoris, odio habere malum sine amore præsentis, ex vi tamen præcedentis: ut post primum assensum conclusionis, quem sine assensu antecedenti principiorum habere nequimus, nihil prohibet eidem conclusioni iterum atque iterum assentiri sine principiorum assensu. Sic & primam pœnitentiam sine dilectione habere impossibile fuit. Secundam vero, vel tertiam habere poterimus ex efficacia solum prioris dilectionis. Ita quoque puer vi & potentia amoris naturalis, quem dubio procul aliquando primum habuit, postea malum fugit naturæ contrarium, etiam si amor ille actu non perduret. Quin etiam non oportet duas semper operationes differentes habere amoris & pœnitentiæ, sed potest unus & idem actus a charitate & pœnitentia proficisci: ut interim media & finem unico actu complectimur, & principis & conclusioni unico actu assentimur.

Ad quartum, concessio consequenti quod inferitur, ad primam consutationem, nego consequentiam. Non enim valet, A est prius B, & B prius C; ergo A est prius C: præsertim cum in diverso genere causarum ille ordo consideratur. Quemadmodum & hæc collectio inutilis est: A est causa B, & B est causa C: ergo A est causa C. Quod ut exemplo manifestum efficiam, ponamus illud, quod Philosophi negare non possunt, primas qualitates & secundas, utraque esse dispositiones ad eandem formam substantialem, ut calor & color, humiditas & mollescit ad animam rationalem; ubi certum est, secundas qualitates priores esse animæ in genere causæ disponentis & materialis, animam rursum priorem esse primis qualitatibus in genere causæ formalis. Prior est enim forma, quæ dat esse simpliciter, quam forma, quæ dat esse tale. Ex quo tamen si quis colligeret, secundas qualitates esse priores primis, certe a philosopho non toleraretur, sed

ne a Dialectico quidem, cum in nullo genere causæ primas qualitates secundæ præcedant.

Item, Contritio prior est habitualis gratia in genere dispositionis, gratia etiam prior est habitu penitentis infusæ in genere causæ formalis. Sed contritio nullo pacto prior est habitu penitentis. Quoniam actus ille ab habitu producit in genere causæ efficientis. Efficacia autem causarum efficientium suis causis efficientibus priora esse non possunt, nisi forte in genere causæ finalis, de quo causarum genere in præsentia non dissertur.

Circa id vero, quod in eodem argumento additur, gratiam se habere ad charitatem, & penitentiam, ut anima ad potentias suas, non in omnibus similitudo est. Quoniam potentie animæ, intellectus & voluntas, nulla ratione præcedunt animam; habitus vero charitatis & penitentis, quoniam in genere causæ efficientis producant actus, qui sunt dispositiones ad gratiam, ex consequenti ipsam gratiam antecedunt. Charitas igitur, & penitentia habent se ad gratiam, ut calor ad formam ignis. Idem enim calor si consideretur, ut disponens materiam ad recipiendam formam, prior forma est; si autem ut potentia calidativa, eadem forma posterior est.

Ad secundam vero consutationem, in qua difficultas est maxima, sunt qui negant primam contritionem meritoriam esse: quam ego sententiam olim juvenis tenere solebam. Nec enim poteram eam persuasionem inducere, ut gratia habitualis, qua iustificamur, prima contritione prior esset, quod tamen erat necessarium, ut illa contritio esset meritoria, quippe cum gratia, & amicitia Dei totius meriti radix, & origo sit. Atque id etiam D. Thomas multi sententia videbatur, 1. p. qu. 62. art. 2. ad 3. in hæc verba: Triplex est conversio in Deum, una quidem per dilectionem perfectam, quæ est creaturæ jam Deo fruientis. Et ad hanc conversionem requiritur gratia consummata. Alia conversio est, quæ est meritum beatitudinis: & ad hanc requiritur habitualis gratia, quæ est merendi principium. Tertia conversio est, per quam aliquis præparat se ad gratiam habendam: & ad hanc non exigitur aliqua habitualis gratia, sed operatio Dei ad se animam convertentis; secundum illud: Con-

verte nos Domine, & convertemur: Et tertia parte, quæstione 89. articulo primo ad secundum, Actus, inquit, primus penitentis se habet ut ultima dispositio ad gratiam consequendam, scilicet contritio. Alii vero sequentes actus penitentis procedunt jam ex gratia, & virtutibus. Sed quoniam D. Thomas (quem auctorem libentissime sequor) 1. 2. quæst. 112. art. 2. ad 1. contrariam sententiam tenet, concedo, contritionem primam esse meritoriam gloriæ. Primo, quia est operatio amici Dei ordinata in finem supernaturalem; imo, ut ostensum est, in finem charitatis ab ipsa charitate ordinata: ergo est meritoria.

Præterea, ultima dispositio ad formam, in genere causæ formalis, posterior ipsa forma est: Igitur secundum ordinem causæ formalis, contritio a gratia procedit; erit ergo meritoria.

Præterea, fingamus hominem post primam illam contritionem e vita discedere: Tum quæro, an isti dabitur aliqua gloria. Quod quia negari non potest, quæro rursum, an illam gloriam talis homo meruerit. Si meruit, habetur intentum: si non meruit, ergo ad ulto seculis sacramentis datur gloria absque merito proprio, reclamante Paulo 1. ad Corinth. 3. Unusquisque propriam mercedem accipiet, secundum suum laborem. Et Matthæi 20. nemo diurnum accepit denarium, nisi qui in vinea laboravit.

Præterea, primus actus charitatis est meritorius, cum sine dubio sit opus amici Dei, maxime placens Deo. Joan. 14. Qui diligit me, ego manifestabo meipsum. Sed actus primus penitentis sequitur primum actum charitatis, a quo proficiunt: ergo est meritorius. Quod D. Augustinus affirmat de vera, & falsa penitentia cap. 17. ubi de iis, qui in fine penitentiam agunt, sic loquitur: Cum infructifera penitentia opus sit non hominis, sed Dei; inspirare eam potest, quoniam vult sua misericordia, & ex misericordia remunerare quos dampnare potest ex iustitia. Et cap. ult. ait, Penitentiam non solum indulgentiam promittere, sed certa præmia. Gratianus etiam id habet de penit. dist. 1. cap. Convertimini.

Igitur ad argumentum, sive confirmationem secundæ illius impugnationis, concedo libenter, primam gratiam gratius dari, nego tamen exinde primam glo-

gloriam dari sine merito. Eadem enim contritio ut quatuor, & dispositio est ad gratiam ut quatuor, & meritoria gloriæ ut quatuor; qua ratione ordine naturæ gratiam sequitur. Et ad impugnationem, quia gratia est acceptatio ad vitam æternam, &c. Id scilicet ego nego, si sermo formalis sit: sed est forma, per quam aliquis est amicus Deo, per quam homini grato, & accepto, admissioque in divinæ naturæ consortium facultas datur ad æterna bona, per operationem virtutum promerenda. Nec oportet, formaliter loquendo, ut quis sit amicus Deo, quod Deus per talem amicitiam, seculis quacunque operatione, velit illi vitam æternam; Sed satis est, quod velit illum admittere ad participationem bonorum supernaturalium, quæ simpliciter faciunt homines bonos, qualis est charitas, & ceteræ virtutes infusæ, per quas admissus homo ad Dei amicitiam, & gratiam, æternam gloriam propriis actibus demeretur. De adultis loquimur: nam parvulis gratia datur per operationem alienam, similiter & gloria.

Cujus rei exemplum habes in anima, quæ quoniam actus primus est, dat esse, & vivere. Hanc consequuntur potentie naturales, hoc est, intellectus, & voluntas, per quas operatur ad consecutionem finis. Sic & gratia, vitæ quædam animæ est, quæ illi & vivere & esse divinum præstat, quam charitas & reliquæ virtutes consequuntur, quarum operationibus finem suum homo consequetur. Nec deerit præter naturale, morale quoque exemplum in hujus rei expositione. Cum enim homo quis gratus incipit esse Principi, non est opus, ut per talem gratiam acceptus sit ad ultima præmia, atque præcipua, quæ videlicet Princeps fideliter servientibus præparavit: Sed per talem primam gratiam intelligitur admitti in domum, consortiumque ejusdem Principis, darique facultas intelligitur ad præmia quæcunque fidelium amicorum promerenda. Cum autem Apostolus ait, Gratia Dei vitam æternam donari, certe sentit, quod D. Augustinus disertissime docet, 3. Hypognost. & de gratia, & libero arbitrio cap. quarto, 5. 7. per auxilium Dei gratium, eam homines consequi: cum tamen simul dicatur corona justitiæ, quia nobis co-operantibus gratia Dei responderet, tantam præmium, mercedemque operis no-

stri. Atque de prima controversia factus, superque fuerit disputatum. Ubi constitutum nobis est, pœnitentiam esse voluntariam penam pro peccatis assumptam, propter Deum ex charitate dilectum.

PARS SECUNDA.

De Pœnitentia ut virtute.

IN secunda vero vertebatur in quaestione: An pœnitentia sit virtus.

Cujus quidem Quaestionis pars negativa ex eo suadetur in primis, quod nulla virtus vitium in eodem subiecto necessario supponit: at oportet hominem fuisse vitiosum, priusquam in homine pœnitentia sit; non igitur est pœnitentia virtus. Nam & absurdum est virtutes te habere non posse, nisi ante peccaveris, & Christo Domino aliquam denegare, in quo omnium virtutum plenitudo est.

Deinde Philosophi nullam de pœnitentia fecere mentionem: non Aristoteles, non Cicero, non Seneca, non denique Macrobius, qui tamen copiosissime de virtutibus disseruere: non ergo est pœnitentia virtus.

Præterea, cujusque virtutis primus actus est electio boni, secundus vero fuga mali. Est enim virtus habitus elevatus, in mediocritate consistens. At pœnitentia detestationem, fugamque peccati notat: non ergo potest esse præcipuus cujusque virtutis actus, cum tamen primus actus pœnitentiæ sit. Quare non est pœnitentia virtus.

In contrarium est, quod compensare injurias adversus homines factas, virtus est: ergo & divinas offensas vindicare virtus sine dubio est.

Ad hujus controversiæ pleniorē explicationem sit prima propositio: Pœnitentia est virtus. Quæ quidem conclusio indubitata apud Catholicos semper fuit: Nisi quod nostra hac tempestate quidam apud Hispanos hæretici irridere cœperunt eos, qui de peccatis commissis tristarentur. Cujus erroris auctor creditur esse Lutherus, qui novam solummodo vitam a pœnitentibus exigit, penas non exigit.

At hic error (ne aures vestras Sanctorum testimoniis obtundam) ex sacris litteris revincetur. Baruch 2. Anima,

1. Quæst. princip.

Ration. dubitandi pro par. negat.

1. Cōcl.

quæ tristis est super magnitudine mali, & incedit curva & infirma, & oculi deficientes, & anima esuriens, dat tibi gloriam & iustitiam Domino. 2. ad Corinth. 7. Gaudeo, non quia contristati estis, sed quia contristati estis ad poenitentiam. Quæ enim secundum Deum, &c. Et Psalm. 6. Laboravi in genu meo, lavabo per singulas noctes lectum meum, lachrymis meis stratum meum rigabo. Ecce Propheta sanctus & rex laborat, gemit, lachrymatur: Ubi in lecto: Quantum rigat: Quamdiu? per singulas noctes: Oh unam scilicet noctem, quam in iniquitate traduxerat, vitæ totius laborem, gemitum, lachrymasque designat. Et post tam clarum & illustre Davidis exemplum, sunt qui in luce meridiana cæcitant? Quorum stultitiam facile sane erit redarguere, vel naturali rationatione, quæ ostendit, dolorem de peccatis moderatum, ob debitum finem, esse laudabilem. Nam quem errati piget, quique castigat seipsum, idque maxime cavet, ne rursus in eodem laqueis inducatur, is laude dignissimus est.

Præterea, si cuius rei prosecutio turpis est, fuga bona erit suapte natura: poenitentia ergo, cum fuga peccati sit, honestissima est.

Præterea, aliorum punire peccata jure naturæ studiosum est: quemque igitur sua vendicare facinora, æquum & justum est.

Tandem, hominem in quem injuste peccaris, placare virtus est: Deo ergo, quem offenderis, satisfacere virtus est. Sed quid nos audaces de bono Divini præcepti disputamus? Nam (Tertulliani verbis libenter utimur) bonum est poenitere, an non? quid revolvit? Deus præcepit, Deus hortatur, Deus invitat: Poenitentiam, inquit, agite: Poenitentia igitur actus virtutis est.

Secunda Conclusio: Poenitentia est virtus specialis. Contrarium hujus tenuerunt quidam ante D. Thomam, ut ipse D. Thomas author est distinct. 14. q. 1. ar. 1. q. 3. Hos Scotus secutus videtur, dist. 14. q. 2. & Major etiam q. 1. Sed hac Conclusionem explicanda primum intelligamus, dolere de peccatis, eo quod contra rationem rectam facta sunt, non pertinere ad aliquam specialem virtutem. Cum enim omnis virtus sit conformis rectæ rationi, eadem sufficit & ut placeat, quicquid rationi con-

sentaneum est, & ut displiceat quod a recta ratione discordat. Unde temperantia satis est, ut detestemur actus intemperantiae, iustitia, ut injustitiam abominemur.

Illud etiam compertum habemus, tristitiam de peccato, quatenus offensæ Dei est, non requirere specialem virtutem, præter Charitatem, D. Thom. 3. p. q. 85. ar. 2. ad 1. & a. 3. Et ratio est in promptu. Nam per eandem amicitiam bonum amicis volumus, & mala amicorum avertimus.

Præterea & id accipiamus, quod exploratum quoque est, dolere de peccato, ut languenti animo medeamur, non indigere alia virtute præter Charitatem. Nam sicut ex amore naturali medicinam oppono morbis corporis, ita ex Charitate, qua necipsum diligo propter Deum, medicinam adfero æritudinibus animi. Atque ab eadem omnino Charitate est tristiari de culpa, ut mihi conciliem Deum. Etenim quæcunque humana actio, ob id parata, ut comparem amicitiam hominis, nullam exigit specialem virtutem humanam, sed ex quodam desiderio amicitiae consequendæ proficitur, quod inchoatio quædam est, & veluti amicitiae semen. Tristari ergo de peccato, ut in gratiam Dei redeamus, inchoatio quædam est Divinæ amicitiae, nec ad aliam virtutem pertinere potest. Imo adeo virtutis nomen non meretur, cum in genere amicitiae actus ille imperfectissimus sit, virtus autem sit dispositio perfecti ad optimum, ut ex Aristot. 7. Phys. lib. colligitur.

Tristari ergo de culpa eo fine, ut compensetur offensæ, quæ adversum Deum commissæ est, id nos asserimus exigere propriam specialemque virtutem. Nam, ut dare Petro pecunias, si in se quidem absolute consideretur, nullam habet laudem, sed si do, ut relevem miseriam ejus, actus est misericordiae; si, ut bene illi faciam, scilicet, quia bonum ipsius est, ad benevolentiam & amicitiam pertinet: sin vero, tanquam donum gratitutum, pecunias confero, nempe, ut suo loco & tempore, quibus decet, distribuantur, ad virtutem liberalitatis spectat: Ita tristitiam assumere, ut injuriæ Deo factæ compensatio fiat, a virtute speciali oritur necesse est, cum finis ille tam specialis sit, ut pertinere ad duas virtutes nequeat, nedum ad plures. Di-

In lib. de
Poenitent.

2. Cōcl.

verſa quippe formalia motiva voluntatis, diverſe ſunt formales rationes objecti, atque conſequenter diverſos habitus & virtutes efficiunt.

Præterea, ſi quem hæreſis ſux poſiteat, ut emendetur offenſa Deo facta, actus virtutis ſine dubio eſt: Nec tamen poteſt elici a fide, quæ eſt in intellectu, ſed ne ab aliis quidem virtutibus generaliter. Dabitur ergo aliqua ſpecialis virtus, unde ille actus exiſtat, quam nos Penitentiam appellamus.

Poſtremo, velle compenſare injuriam factam proximo, requirit ſpecialem virtutem: ergo & velle compenſare ac vindicare injuriam factam Deo.

Dubiū.

Sed ex his oritur dubium, ſi Penitentia virtus ſpecialis eſt, an incidat in virtutem aliquam particularem earum, quas philoſophi poſuerunt. Videtur enim eſſe eadem cum Juſtitia. Quod Durandus diſt. 14. qu. 2. aſſeruit, quia per eandem virtutem reddimus unicuique debitum, & illi ſatiſfacimus, ſi intulimus injuriam. Sed per juſtitiam unicuique reddimus debita: ergo, &c. Et confirmatur, quia injuriam factam ad juſ equalitatemque reducere, actus juſtitie eſt.

Opinio Durand.

Præterea, vindictio ſpecies Juſtitie eſt: ergo & penitentia. Quod & Div. Thomas affirmat, 3. p. q. 85. art. 3. ad 4. & art. 4.

Falluntur tamen, qui hoc ſentiunt: Primo, quia inter Deum & homines non eſt juſtum ſimpliciter, ſed ſecundum quid, ut D. Thomas art. 3. jam citato ex Ariſt. 8. Ethic. manifeſtat: ergo cum penitentia ſit virtus inter hominem & Deum, non reddit juſtum, niſi ſecundum quid. Non eſt igitur virtus juſtitie, quæ videlicet æquale reddit. Deinde Religio debitum Deo reddit, & tamen non eſt juſtitia: Non ergo quæcunque virtus debitum Deo reddit, virtus juſtitie eſt.

Opinio Cajet.

Quibus argumentis Cajetanus commotus tenuit, penitentiam eſſe virtutem Religionis. Quia ejusdem præterea virtutis eſt reddere debitum Deo beneficii & offenſo: ſed per Religionem reddimus debitum Deo beneficii. Major probatur, quia ratio debiti non variatur ex eo, quod ſit pro beneficiis, vel offenſis, ut debitum ex accepto mutuo, vel ex furto ejusdem rationis eſt. Cum ergo ſola Religio reddat debitum Deo ratione accepti beneficii, ſola debitu Deo reddit ratione factæ offenſæ.

Item Baruch 2. Anima, quæ triſtis eſt ſuper magnitudine mali, dat tibi gloriam & juſtitiam Domino: Primum gloriam, deinde juſtitiam. Et confirmatur hoc ex Pſal. 50. Sacrificium Deo ſpiritus contribulatus, cor contritum & humiliatum Deus non deſpicies. Primus ergo actus penitentis, hoc eſt contritio, eſt ſacrificium opusque Religionis.

Sed hæc quoque opinio primum D. Thomæ adverſatur, 4. diſt. 14. quæſt. 1. art. 1. quæſt. 5. & diſt. 15. qu. 4. art. 7. qu. 1. ad 2.

Præterea & falſa eſt, quia Religio non reddit Deo quodcunque debitum, ſed honorem: At penitentia per ſe quidem intendit compenſare injuriam Dei. Aſſumit tamen ad hunc finem ea, per quæ compenſatur injuria, quæcunque illa ſint. Unde primum aſſumit triſtitiam de vita veteri; deinde propoſitum vite novæ; mox exteriorem poenam & ſatiſfactionem; denique in his omnibus ſubjectionem & humilitatem erga Deum. His enim homines humanas injurias ſolemus compenſare. Cum igitur ſinis penitentis proximus atque præcipuus non ſit, honorem Deo reddere; certe Religio eſſe non poteſt, cujus proximus ſinis eſt, reddere Deo cultum.

Præterea, non eſt ejusdem virtutis reddere debitum honorem Principi, & ipſius offenſam compenſare. Illud enim ad Obſervantiam pertinet, hoc ad Juſtitiam: ergo non eſt ejusdem virtutis Deum colere, & ejus offenſis ſatiſfacere.

Dicendum ergo, Penitentiam eſſe ſpecialem a cæteris virtutibus diſtinctam, quas philoſophi cognoverunt, cujus proprius actus eſt, compenſare offenſam Dei. Quæ quidem virtus juſtitia quædam eſt, qualis inter homines ad Deum eſſe poteſt. Ezech. 18. Si autem impius egerit penitentiam, & fecerit judicium & juſtitiam. Pſal. 118. Feci judicium & juſtitiam. Ad Rom. 6. Sicut exhibuiſtis membra veſtra ſervire iniquitati, ita nunc exhibete ſervire juſtitie.

Ad primum vero argumentum, quod Reſpon. ſuadebatur eſſe juſtitia, jam videtur ad arg. eſſe reſponſum. Nam Juſtitia, quæ proprie & ſimpliciter juſtina vocatur a Philoſophis, non niſi inter eos eſt, inter quos æquale reddi poteſt.

Quare in definitione juſtitie, ſicut juſ

Sententia
Auctoris.
de propoſito
dubio.

jus pro æquali justoque sumitur, ita particula, unicuique, pro iis solis distribuit, inter quos justum & æquale est: & per hoc patet ad confirmationem, quæ de injuria facta homini procedit. Nam pro injuria facta Deo æquale reddere, impossibile est.

Respon. Ad secundum, vindictio non ponitur proprie species justitiæ a D. Thoma, sed pars quedam adjuncta, & virtus illi propinqua. Has Divus Thomas partes potestativas appellat virtutum, ut Religionem partem justitiæ, Modestiam Temperantiæ. Cum vero asserit, poenitentiam esse speciem justitiæ, latius usurpat speciei vocabulum pro inferiori, quod se habet per modum speciei. Dixerat enim art. 3. justum dividi in justum simpliciter, & justum secundum quid. Quæ non est divisio generis in species.

Ad primum autem eorum, quæ faciebamus pro Cajetani sententia, respondetur, quod Religio non debitum Deo pro beneficiis acceptis, si formaliter & per se loquimur, sed gratitudo est, quæ refert Deo debitam gratiam pro acceptis beneficiis. Reddit autem Religio debitum cultum in signum domini universalis, ratione cuius Latriam, cultumque debemus peculiarissimæ servitutis. Ad quam virtutem nullo modo pertinere potest debitum compensare, quod oritur ex delicto commisso.

Fateor tamen, quod si quæ virtus esset inter Deum & homines commutativa, quæ redderemus debitum ratione cuiusquam commutationis, ad eandem quoque spectaret compensare injuriam factam Deo, quemadmodum inter homines accidit.

Sed objicis: Si primus actus virtutis hujus est satisfacere pro delicto commisso, ad satisfactionem vero injuriæ factæ per accidens dolor intervenit, ergo potissimus hujus virtutis actus, non est poenitere: quocirca poenitentia ex accidenti vocabitur.

Ad hoc dubium facile est respondere, si teneamus, poenitentiam esse actum publicæ justitiæ, cuius scilicet Deus iudex est, poenitens minister: Sed si teneamus, esse privatam justitiam atque vindictam, ut antea diximus, difficile est. Nam cum hæc vindictio & insilio poenæ accidentaria sit satisfactioni voluntariæ, quam proximo facimus, profectio & accidentaria videtur esse

compensationi, quam facimus Deo.

Hoc autem movere nos nulla ratione debet: est enim insigne discrimen inter homines offensos & Deum, quod offensus homo ab offendentem id primum exigit, non ut se torqueat per poenas, sed ut reddat honorem ablatum per injuriam, tamen & illud quoque in partem compensationis accipiat, si is qui offendit, de offensa præterita contristetur. At vero Deus e contrario primum id exigit, ut cum volumus peccatum admissum compensare, tristemur, luctumque poenas delicti commissi; id vero secundario requirit, ut honorem & reverentiam, quæ peccando detraximus, poenitendo rependamus. Cur ita? Nempe non suam, sed nostram querit utilitatem, quæ videlicet in poenis voluntarie pro peccatis assumptis maxima est. Nam, ut B. Chrysost. Homil. 5. 6. & 7. ad populum Antioch. elegantissime tradit, nulla medicina appositor, nullum remedium præsentius adversus peccata est, quam tristitia dolorque pro peccatis: & quemadmodum vermis lignum, tinea vestem, e quibus prodire, consumunt; ita poena mentem, e qua nata est, hoc est culpam, interimie. Merito igitur ea virtus, per quam offensas Dei compensamus, poenitentia nuncupatur, quæ videlicet poenas voluntarias infligit, quibus utique Deus vel maxime placatur, quoniam iis vel maxime homo sanatur.

Respon. Ad primum argumentum eorum, quæ a principio opponebamus, ad suadendum poenitentiam non esse virtutem, dubitatio respondeo facillime (nisi ego excutio) unicuique statui & conditioni suas virtutes esse tribuendas, rectoribus justitiam, pauperibus patientiam, peccatoribus poenitentiam. Certe virtus medicæ artis morbum supponit in subiecto, cui debet applicari. Quod si per hanc artem quilibet sibi solum medetur, idque optime posset, laus hujus artis non exinde minueretur.

Eadem quoque ratione sunt quædam virtutes ad tuendam bonam valetudinem animi: & virtus quoque est ad reparandam, si quando fuerit amissa: unde nego antecedens. Nam licet absolute virtus hominis non exigit prius hominem viriosum, sed ex suppositione; tamen si incidat in peccatum, nihil vetat, ut sit virtus ad mendandum illi. Nam & hominis natura integra non exigebat vindicationem, ut si mali sunt

& pravificatores, virtus necessaria est: non enim vindicamus nisi malefacta. Itaque sicut vindictio sceleris alieni supponit vitium in alio, sic vindictio sceleris proprii supponit vitium proprium. Atque ob id hæc virtus in Christo non fuit, sicut nec fides, aut spes, quoniam imperfectiorem in subiecto notant, cui adhærent.

Ad secundum dicitur, nonnullos ex philosophis pœnitentiam commendasse: Senecam in Tragediis:

Quem pœnitet peccasse, pene est innocentis.

Periandum Corinthium: Cum peccaveris, subeat te Pœnitentia. Aristotelem 7. Ethic. ubi asserit, intemperantem ab incontinente hoc distare, quod intemperans non pœnitet, ideoque est incurabilis; at incontinens pœnitet, ob idque morbus ejus medicabilis est. Sed & Ovidius de superis ita canit:

Sæpe levant pœnas, ereptaque lumina reddunt,

Cum bene peccati pœnituisse vident.

At vero non posuerunt specialem virtutem pœnitentiam, vel quia non consideraverunt virtutem, nisi in ordine ad bonum humanum: pœnitentia autem non est virtus specialis, nisi in ordine ad Divinam providentiam: quæ est responsio D. Thomæ dist. 14. q. 1. art. 1. q. 1. ad quartum: vel quod finis hujus virtutis superat omnem hominis rationem. Quod enim Deus concilietur, ejusque offensæ compensetur per pœnas voluntarie assumptas, ratio naturalis non assequitur. Certe Tullius id fieri posse non putavit, cujus 3. Acad. lib. verba hæc sunt: Quod si liceret, ut iis, qui in itinere deciderant, sic vitam deviam secutus, corrigere errorem pœnitendo, facilius esset emendatio temeritatis. Quod si liceret, inquit: at licet plane: apud quos? Nempe apud fideles, qui lumine fidei solum intelligunt clementiam Dei patris pœnitendo posse placari, indulgentiam peccatorum pœnitendo posse comparari, compensationem injuriæ Deo factæ pœnitendo posse aboleri: ea ratio naturalis non tenet, tenet fides.

Ad tertium respondet Palud. in 4. dist. 14. quest. 1. quod omnis virtus, & cuiusque virtutis primus actus sit de bono formaliter & finaliter, etiam si forte sit de malo materialiter: sic & iustitia vindicativa seu punitiva primo circa peccata versatur, & tamen vera vir-

tus est, imo & attributum Divinum. Amplius, Pœnitentia essentialiter non modo detestationem peccati, sed & novæ vitæ propositum continet. Potest igitur vel hoc quoque nomine ejus actus boni electivus rectissime dici.

Unde postremam hujus controversiæ Conclusionem constituimus: Pœnitentia est virtus infusa. Pro cujus conclusionis confirmatione, quædam mihi sunt jacienda fundamenta.

Primum, dupliciter aliquam virtutem esse infusam; aut ex genere & natura sua, quia videlicet per actus nostros acquiri & generari non potest: Unde necesse est, a Deo nobis supernaturaliter infundatur, quales a Theologis asseruntur virtutes Theologicae, Fides, Spes, Charitas. Aut virtus dicitur infusa per accidens, quia licet per actus nostros naturales acquiri possit, miraculose tamen alicui infunditur, ut Scientia rerum naturalium Adæ collata, & usus linguarum collatus Apostolis. Hic igitur de virtute infusa loquimur, juxta priorem modum.

Secundum fundamentum, ex 1. 2. q. 1. art. 4. non est alia causa necessaria ponendi habitus infusus a Deo, nisi ut homo bene se habeat ad producendos actus supernaturales. Probatum manisse, quoniam ad actus naturales, quos potentia cum auxilio Dei generali producere potest, non est opus habitu infuso supernaturali. (cum per actus nostros possit habitus acquiri) quo bene potentia se habeat ad similes actus. Quare tunc vel virtus acquisita superflueret, vel (ut dicamus verius) superflueret ipsa virtus infusa, quæ nihil aliud præstaret, quam quod præstaret acquisita.

Et præterea, talis virtus infusa non esset primi generis, de qua nos loquimur, sed esset potius per accidens infusa.

Tertium fundamentum, actus Pœnitentiae, qui sufficit ad justificationem (quem Theologi contritionem appellant) non potest esse in homine sine actu fidei supernaturalis: quod primum ostenditur ex Divo Augustino, in lib. de vera & falsa Pœnitentia. cap. 2. ubi inquit: Si fides fundamentum est Pœnitentiae, constat, Pœnitentiam, quæ ex fide non procedit, inutilem esse.

Nemo item potest bene agere pœnitentiam, nisi qui speraverit indulgentiam de Pœnitentia, dist. 1. cap. nemo po-

3. Conc.

1. Fundament.

2. Fund.

3. Fund.

Pœnitentia
est virtus
infusa
habitu
Seneca.
Periander.
Aristoteles
etc.

1. de Pœnit.

Refert hoc
Ciceroni.
Iocum La-
dant. 1. 6.
c. 14. Liber
autem hic
tertius Cl.
ce. onis.
quod scilicet
hodie non
existat.

potest, ex D. Ambr. Sperare autem indulgentiam non potest sine actu fidei: ergo.

Est quoque testimonium Hieremix præclarum, cap. 31. Postquam convertisti me, egi penitentiam; & postquam ostendisti mihi, percussit femur meum. Nota, postquam ostendisti mihi.

Idem aperte ostenditur ex eo, quod ad justificationem impii requiritur fides, ut anno superiori copiosissime demonstravimus multis testimoniis irrefragabilibus, e quibus illud est præstantissimum: sine fide impossibile est placere Deo. Ad Hebr. 11. Et Sapient. 9. Per sapientiam (quam scilicet donum Dei de cælo delapsam ante dixerat) sanati sunt, quicumque placuerunt tibi, Domine, a principio. Ex hoc vos colligite, omnes considerationes circa peccatum, quas ex naturalibus habere possumus, esse penitus insufficientes ad Penitentiam, qua homo justificatur. Contra Scotum dist. 14. quæst. secunda.

4. Fund. Quartum fundamentum, Actus Penitentiae, qui est sufficiens ad remissionem peccatorum, non producit a voluntate cum solo concursu Dei generali, sed eget auxilio supernaturali Dei, quo ipse renovat voluntatem nostram ad veram Penitentiam. Id quod & certa ratio docet, & confirmat autoritas, ut ait Bernard. serm. 1. in festum Petr. Divus quoque August. de fide ad Petrum, cap. 31. Firmissime, inquit, tene, neminem hic posse Penitentiam agere, nisi quem Deus illuminaverit, & gratuita sua miseratione converterit. Et l. 5. contra Julianum Pelagianum, cap. 3. & multis aliis locis id probat ex Apostolo ad Rom. 2. ubi ait: Bonitas Dei ad Penitentiam te adducit. Et ex illo 2. ad Timoth. 2. Ne forte Deus det illis Penitentiam, & respiciant a diaboli laqueis.

Præterea, hoc fuit determinatum contra Pelagium, ut patet in Epist. Aurelii Carthag. Episcopi, de erroribus & condemnatione Pelagii. Decimo, inquit Catholici, postulandus (scilicet Pelagius) ut fateatur, secundum gratiam & misericordiam Dei veniam penitentibus dari, non secundum meritum eorum, quandoquidem ipsam Penitentiam donum Dei dixit Apostolus, ubi ait de quibusdam: Ne forte det illis Deus Penitentiam.

Idem definit Leo Papa Epistola 69.

ad Theodorum episcopum. Ipsam Penitentiam Dei credimus inspiratione conceptam, dicente Apostolo, Ne forte det illis Deus Penitentiam, &c.

Est quoque definitum a Cælestino Papa, in Epist. ad omnes Galliarum Episcopos, cap. 4. Neminem de ruina peccati per liberum arbitrium posse consurgere, nisi cum gratia Dei miserentis crexerit. Et cap. 8. ac 9. Præparatur voluntas a Domino, & ut aliquid agat, paternis inspirationibus suorum ipse tangit corda fidelium. Qui enim spiritu Dei aguntur, ii sunt filii Dei. Quod & a Concil. Trid. sess. & cap. 5. 7. 9. definitum est, & cano. 3. Si quis dixerit, sine præveniente Spiritu sancti inspiratione atque ejus adjutorio, hominem penitere posse, sicut oportet, ut ei justificationis gratia conferatur, anathema sit.

Cujus rei manifestum testimonium habes apud Hierem. cap. 31. Convertite me, Domine, & convertar, quia tu, Domine, Deus meus. Postquam enim convertisti me, egi penitentiam. In quæ verba D. Hieronymus, Vide, inquit, quantum sit auxilium Dei, & quam fragilis humana conditio, ut hoc ipsum, quod penitentiam agimus, nisi nos Dominus ante converterit, & nisi Dei nitamur auxilio, nequaquam implere valeamus.

Ratione quoque id probat D. Thomas 4. contra gent. cap. 72. quia mens debite ad Deum converti non potest, sine auxilio speciali. Quod licet Gabriel. neget 3. dist. 27. q. unica, art. 3. & 4. dist. 14. q. 1. & 2. sed apud fideles certum esse debet. Hierem. 31. Psal. 79. Domine Deus virtutum, converte nos. Vide D. Augustinum in illud Psal. 84. Deus, tu conversus vivificabis nos; & lib. 2. de peccat. meritis, & remissione cap. 18. Male igitur & periculose Cajetanus q. 1. de contritione dicit, quod potest quis diligere Deum super omnia, etiam ut est beatorum Sanctorum, sine Charitate infusa, & hoc sine etiam posse esse dolorem acquisitionis de peccato, quatenus est offensiva Dei.

Quibus jactis fundamentis, tertia conclusio firma perstitit: Actum Penitentiae necessarium esse habui virtutis infusum. Quoniam hac sola ratione ponimus virtutes Theologicas infusas, quod actus earum excedunt naturæ calculatam. Sed actus Penitentiae est homini supernaturalis: ergo ad eum necesse.

Ne est 72. in ordine Epist. Leon. Pap. in edit. Parisien.

cessarius est habitus virtutis infusus.

Confirmatur: Penitentia disponit animam hominis, ut bene se habeat in ordine ad finem supernaturalem: ergo est habitus supernaturalis. Consequentia patet, quia habitus est dispositio animi in ordine ad operationem: Ergo si operatio est naturalis, habitus erit supernaturalis.

Confirmatur 3. quia Deus suaviter disponit omnia. ergo cum actum perfectum virtutis naturalis non producat sine habitu naturali, neque actum etiam supernaturalem perfectæ virtutis producat, sine habitu supernaturali.

Et præterea, cum agens naturale non se extendat ultra finem naturæ, non poterit producere habitum penitentia, quæ videlicet perficit hominem in ordine ad finem excedentem naturæ facultatem. Est ergo penitentia habitus infusus a Deo, per quam pœnas eligimus ad Divinas injurias in nobis ipsis vindicandas. Atque hæcenus de secunda controversia dictum sit.

PARS TERTIA.

De necessitate Penitentia ut Virginit.

3. Quæf. princip.

Tertio loco id quærebatur: An penitentia virtus sit ad salutem & justificationem necessaria?

Rationes pro parte negat.

Nam pars negativa vera esse videtur ex Origene Homil. 2. in Levit. ubi septem media enumerat idonea ad consequendam remissionem peccatorum.

Primum est baptisimus: ad Titum 3. Salvos nos fecit per lavacrum regenerationis. Secundum est Charitas, Luc. 7. Remittuntur ei peccata multa, quoniam dilexit multum. 1. Petr. 4. Charitas operit multitudinem peccatorum. Tertium est Martyrium. Joan. 15. Majorem charitatem nemo habet, quam ut animam suam ponat pro amicis suis. Et Matth. 10. Omnis, qui confitetur me coram hominibus, confitebor & ego enim coram Patre meo; & Qui perdidit animam suam propter me, inveniet eam. Quartum est Eleemosyna, juxta illud Lucæ 11. Date eleemosynam, & ecce omnia munda sunt vobis. Et Tobia 4. Eleemosyna ab omni peccato & a morte liberat. Quintum est remittere injuriam. Matth. 6. Si dimiseritis hominibus

peccata eorum, & Pater vester celestis dimittet vobis delicta vestra. Sextum est convertere peccatorem ab errore viæ suæ, Jacobi 5. Qui converti fecerit peccatorem ab errore viæ suæ, operit multitudinem peccatorum. Septimum tandem est penitentia, cum lavat peccator in lacrymis stratum suum. Ezech. 18. Si impius egerit penitentiam ab omnibus peccatis suis, omnium iniquitatum ejus non recordabor. Eadem fere Augustinus lib. 2. contra Cresconium Grammaticum, cap. 12. Eadem quoque D. Chrysostomus in Epistolam 2. ad Corinth. Homil. 4. Cum ergo penitentiam distinguat D. D. Origenes & Augustinus a cæteris remediis, quæ ad remissionem peccatorum singula sunt idonea, sic conlequens, ad remissionem peccatorum penitentiam non requiri. Et confirmatur ex eodem Divo Chrysostomo Hom. 5. ad Antiochenos, ubi docet, & tristitiam & mortem de peccato utranque natam esse, utranque peccatum destruere, ut in penitentibus & martyribus. Et Homil. 22. ad eosdem, cum dixisset, compunctione atque Eleemosynis regnum celorum emi, subdit: Non habes pecunias? non compunctionem? Ecce clamat Propheta dicens: Quis est homo qui vult vitam? Prolube linguam tuam a malo, labia tua ne loquantur dolum, & in salutem tibi sufficiet.

Secundo principaliter pro eadem parte argumentor: Si cui non occurrant memoria peccata, occurrat autem Divina bonitas, poterit ex ejusmodi consideratione in actum dilectionis exire, quem si habeat, proculdubio justificabitur. Per solam igitur dilectionem, cum peccata in mentem non veniunt, potest homo justificari: quocirca non est penitentia ad justificationem necessaria.

Confirmat autem hoc vel maxime, quod peccata commissi nonnunquam & memoria penitus excidunt, ita ut revocari non possint, idque vel per morbum, vel etiam per angustiam temporis, quemadmodum si oscitantem Christianum de improvviso tyrannus opprimat, nec spatium sit ad cogitanda & defenda peccata. Quare non oportet in omni eventu præiudicare, sed in hujusmodi poterit homo sine penitentia servari.

Ultimo contingit aliquem esse mul-

tis

tis criminibus perplexum atque involutum: Si ergo penitentia esset ad remissionem peccatorum necessaria, opus esset, singulorum peccatorum poenitere, cum par sit ratio de singulis: quod fieret, ut non posset huiusmodi momento iustificari.

Pro parte vero affirmativa thema nostrum apertissime facit: Nisi poenitentiam habueritis. Necessaria est igitur poenitentia, ne pereamus.

Duplex poenitentia, interior & exterior.

Huic quaestioni priusquam ego respondeam, illud suppono: Cum duplex poena sit, altera interior, hoc est, dolor animi; altera exterior, hoc est, afflictio corporis, duplicem ex consequenti poenitentiam esse: Alteram interiorem, de qua 2. ad Tim. 2. Nequando det illis Deus poenitentiam. Et Actor. 3. Poenitentiam apite: & baptizetur unusquisque vestrum. Alteram vero exteriorem, de qua 2. ad Corint. 7. Quae secundum Deum tristitia est, poenitentiam in salutem stabilem operatur. Et Matth. 11. Olim in cilicio & cinere poenitentiam egissent.

2. Conc.

Tunc sit prima conclusio: Poenitentia interior est necessarium remedium ad remissionem mortalium peccatorum. Actor. 3. Poenitemini & convertimini, ut deleantur peccata vestra. Ezech. 18. Si impius egerit poenitentiam ab omnibus peccatis suis, vita vivet, & non morietur. Nullum enim aliud proponitur poenitentibus medium, unde & cap. Firmiter, de summ. Trinit. definitur, quod si quis post baptismum prolapsus fuerit in peccatum, per veram semper potest poenitentiam reparari.

Item Apoc. 2. Memor esto, unde exideris, & age poenitentiam, & prima opera fac. Sin autem, veniam tibi cito, & movebo candelabrum tuum de loco suo, nisi poenitentiam egeris.

Præterea, ad Ephes. 4. & ad Colos. 3. Vos non ita didicistis Christum, sed sicut est veritas in Jesu, exuite vos veterem hominem, & induite novum. At induitur novus per amorem boni: exuius ergo vetus per odium vitæ prioris.

Præterea. Eccles. 21. Fili peccasti? non adicias iterum, sed de pristinis deprecare, ut tibi dimittantur. Quæ verba tractans Div. Augustinus lib. 1. de nupt. & concupi. cap. 26. inquit: Si a peccando desistere hoc esset, non habere peccatum, sufficeret, ut hoc

nos scriptura moneret, Fili, peccasti, non adicias iterum: Non autem sufficit, sed addidit, Et de pristinis deprecare, ut tibi dimittantur. D. Thomas de ver. 1. quæst. 28. art. 9. & 1. 2. qu. 113. 2. 3.

Præterea, qui novam vitam, cessationemque a peccato solummodo ad justificationem remissionemque præstunt, hi Dominicam precationem de medio tollunt, quæ dicimus, Dimitte nobis debita nostra, &c. Imo memoriam peccatorum antecedentium conantur abolere, quæ nihil peccatori salubrius est. Psalm. 56. Quoniam iniquitatem meam, &c. Vide Chrysostomum homil. 9. in epist. ad Hebræos.

Præterea, Luc. 5. Non egent, qui sani sunt, medico, sed qui male habent. Non enim veni vocare iustos, sed peccatores ad poenitentiam. Et cap. 15. Gaudium erit in celo super unum peccatorem poenitentem agente, quam super nonaginta novem iustis, qui non indigent poenitentia. Quod & in Conc. hoc Trident. sess. 6. cap. 14. modo definitum est. Nam sanctorum testimonia hoc loco congerere, fuerit in re non dubia testibus uti non necessariis. Si quis tamen ea nosse cupit, multa colligit Gratianus, de poenitentia, dist. 1. & Rosensis articulo quinto.

Neque post tam firma sacrarum literarum argumenta, rationibus hanc conclusionem confirmare necessarium est. Nam rationes ferme, quæ a Theologo in fidei Catholicæ confirmatione reiciuntur, ex conjectura pendent, nullam vim asserunt in docendo. Nos vero, cum adversus hæreticos disputamus, argumenta quarimus, quæ non perluadeant modo, sed cogant: Et tamen in hac parte si quis Theologus asserat: rationem, non asperner; si non habeat, non admodum flagitem. Nos certe congruentissimam inlinuimus, quod poena medicinx sunt adversus peccata appositissima: eoque præsertim, quod tristitia atque dolor humilitatem inducunt, superbiam excludunt, quæ morborum humani generis prima causa est. Contritam manum vel brachium levare non possumus; sic moror in corde viri humiliabit illum. Prov. 12. Vide Chrysostom. homil. 3. in Matth. & homil. 11. ad popul. Antioch.

Præterea, nihil est, quod ita anim-

num

num humanum contineat & frangat, quam poena. Ut igitur homines peccata vitare diligenter, in quae semel decidissent, poena ac timore cohiberi debuerunt. Atque ut Div. Augustinus ait, & habetur de poenitent. distinct. 1. cap. nullus, Ita impartitur Deus misericordiae largitatem, ut non relinquatur iustitiae disciplina: Significum naturalis ratio postulat, ut legum praevicatores iusta vindicta puniantur.

1. Conc. Secunda conclusio: Exterior poenitentia est quoque ad salutem necessaria. Hanc mox eadem demonstrabo, si prius unum illud admoneam, aliud exteriores ad salutem necessarios esse in hunc sensum, ut si facultas adsit, habeantur in re, si non adsit, habeantur in voto. Verbi causa, baptizatus dicitur esse ad salutem necessarius, quoniam si haberi possit, sine illo nemo salvatur; si haberi non possit, sine voto illius salus constare non valet. In hunc igitur sensum nos asserimus, poenitentiam exteriorem esse ad salutem necessariam, quoniam nemo unquam, qui eam agere potuit, sine ea salutem consecutus est; nec qui agere non potuit, sine illius voto & desiderio.

Primum ergo argumentum pro hac conclusione est testimonium Concilii Trident. sess. 6. cap. 14. Docendum est, inquit Patres, Christiani hominis poenitentiam (quam secundam post naufragium tabulam sancti Patres apte nuncupaverunt) multo altam esse a baptismali, eaque contineri non modo cessationem a peccatis, & eorum detestationem, aut cor contritum & humilitatum, verum etiam eorundem sacramentalem confessionem, saltem in voto: Itemque satisfactionem per jejunia, elemosinas, orationes, & alia spiritualis vitae exercitia. De qua poenitentia scriptum est: Memor esto, unde exideris, age poenitentiam, & prima opera fac. Et iterum 1. Cor. 7. Quae secundum Deum tristitia est, poenitentiam in salutem stabilem operatur. Et rursum Luc. 3. cap. Poenitentiam agite, & facite fructus dignos poenitentiae. Haec enim Concilium.

Atque haec iere sacramenta literarum testimonia magna ex parte conclusio- nis hujus veritatem ostendunt. Nam & illud Apostoli 1. ad Corint. 7. Tristitia quae secundum Deum est, poen-

tentiam, &c. de exteriore intelligendum esse superius adnotavimus. Tristitia enim interior, quae secundum Deum est, poenitentiam (videlicet exteriorem) in salutem stabilem operatur. Vera enim poenitentia interior intelligi non potest, quam non exterior consequitur. Baruch. 2. Anima, quae tristis est, & incedit curva, & infirma, &c. David Psalm. 5. Laboravi in gemitu meo, lavabo per singulas noctes lectum meum, lacrymis meis stratum meum rigabo. Et Luc. 7. Mulier illa peccatrix lacrymis rigavit pedes Domini. Illud quoque Matth. 3. Facite fructum dignum poenitentiae, jam enim securus ad radicem arboris posita est: Omnis ergo arbor, quae non facit fructum bonum, excideatur, & in ignem mittetur, de exteriori satisfactione accipiendum esse, & communis sensus catholicorum manifestat, qui hunc locum maxime referunt adversus Lutherum ad asserendam satisfactionem exteriorem poenitentiae: Tum & D. Chrysostomus docet, super cap. 3. Matth. homil. 10. his verbis: Maxime indigemus compunctione poenitentiae, multarumque lacrymarum. Poenitentiam vero dico, non solum ut a malis prioribus desistamus, verum etiam ut bonorum operum fructibus impleamur: Facite (inquit Christus) fructus dignos poenitentiae. Quo autem modo fructificare poterimus? si utique peccatis adversa faciamus. Aliena rapisti? incipe donare jam propria: longo es tempore fornicatus? a legitimo quoque usu suspendere conjugii: injurias fecisti? reser benedictionis verba conviciis: neque enim vulnerato sufficit ad salutem, tantummodo spicula de corpore evellere, sed etiam remedia adhibere vulneribus: Delicias ante & temulentia disfluebas? jejunio & aequo potu utrumque compensa. Haec enim Divus Chrysostomus.

Denique sic illum locum esse interpretandum, Evangelicus stylus ipse declarat, ubi fructus arboris opera exteriora, quae a bona voluntate tanquam radice procedunt, alteruntur. Matth. 7. A fructibus eorum cognoscetis eos.

Præterea & Apostolus ad Roman. 6. hanc conclusionem docet, inquit: Humanum dico propter infirmitatem carnis vestrae: sicut exhibuistis membra vestra servire iniquitati, ita nunc exhibetis.

Expon. loc.
Matth. 3.

Expon. loc.
1. Cor. 7.

exhibere membra vestra servire iustitiae.

Nec id solum procedit in lege Evangelica, sed in lege omni, sive naturae, sive scripturae: hoc enim peculiare habuit lex nova, ut Divus Thomas auctor est, quod determinat in particulari ea, quae in lege naturae erant indeterminata. De iure (inquit) naturali est, ut aliquis poeniteat de malis, quae fecit, quantum ad hoc, quod doleat se fecisse, & doloris remedium quaerat per aliquem modum, & aliqua etiam signa doloris ostendat, sicut Nivix fecerunt; sed ea poenitentia determinationem accepit ex institutione divinae legis. Sicut ergo in nova lege necessaria est ad salutem utraque poenitentia, & interior & exterior, ita etiam in lege naturae atque scripturae necessaria erat.

Præterea Joel. 2. Convertimini ad me in toto corde vestro, in jejuniis, & fletu, & planctu. Quo testimonio ad hoc corroborandum utitur D. Ambrosius ad virginem lapidam, c. 8. Poenitentia (inquit) necessaria est, sicut vulneratis sunt necessaria medicamina: Sed quanta putas, & qualis necessaria poenitentia? Secundum conscientiae mollem exhibenda est poenitentia magnitudo, non enim verbis agenda est, sed & actu. Hæc autem sic agitur, si tibi ante oculos ponas, non aliud remedium post baptismum constitutum esse, quam poenitentiae solatium. Tum in primis proprii facti tu ipse iudex esto crudelior, & quasi mortuam te existimans, quomodo possis reviviscere, cogita: deinde meus, ac membra singula, digna castigatione punienda: totum corpus crucietur. Dicit enim Dominus: Convertimini in toto corde vestro, in jejuniis, & fletu, & planctu, &c. Et intra: Qui futurus poenas in hoc parvo vite spatio compensaverit, se ipsum ab æterno iudicio liberat: grandi plagæ alia & proluxa opus est medicina, grande scelus grandem habet necessitatem satisfactionem.

Item etiam elegantissime docet Div. Chrysost. in epist. ad Hebr. hom. 9. ubi nec veretur dicere, medicamentum sortis, quod maxime operetur in poenitentia, exteriorem satisfactionem esse: quemadmodum in medicamentis compositis una herba est dominantissima. Et hom. 5. de poenitent. dicit, eam esse motum sine elemosina.

Idem quoque docet Divus Cyprianus lerm. 5. de lapsis, circa finem: Orare oportet impensius & rogare, diem lucis transigere, vigiliis noctes ducere, &c.

Præterea (ut in relectione anni superioris monstratum est) cum ambarum partium, & spiritus & carnis peccatum commune sit, necessarium erat, ut esset remedium quoque commune, totumque homo interior & exterior poenas lueret peccatorum.

Præterea, cum ex misericordia Dei poenitentia poenitentem in temporalem commutetur (æterna autem futura erat, non solum animæ, sed etiam corporis) consequens fit, ut peccator poenæ temporali, non solum animæ, verum etiam corporis, relinquatur obnoxius. Sic enim Deus impartitur misericordiae largitatem, ut non relinquatur iustitiae disciplina. De poenitent. dicitur. 1. cap. nullus, ex D. August.

Ad primum argumentum jam ante ex Div. Thoma responsum est: omnia illa remedia post peccatum mortale nulla esse, si poenitentia desit, quemadmodum & Div. Augustinus lib. 1. contra Cresconium dixit. Sine charitate, quæcunque alia remedia (quæ multa enumerat) non prodesse: verbi gratia, fidei remissio peccatorum tribuitur: item & elemosinæ: At Apostolus inquit: Si charitatem non habuero, &c. Sed quoniam hæc generalis responsio non videtur idonea, speciatim respondetur ad singula. Et quidem primo de baptismo.

Nam utrum baptismus sine poenitentia peccata remittat, scholastici auctores in duas factiones extremas atque adversissimas distrahuntur. Nam quidam contendunt omnes nervos, ut iudeant, baptismum, nisi contrito administretur, prodesse nihil. Cui opinioni adherent Gabriel dist. 14. qu. 2. & Adrianus qu. 1. de poenitent. & quolib. 5. art. 3. Quibus & Div. Thomas favere videtur 3. p. q. 86. art. 2. & 3. & qu. 68. art. 6. ad 3. Ubi assertit, quod ad effectum baptismi percipiendum, licet non requiratur poenitentia exterior, requiritur tamen interioris poenitentiae virtus: virtus autem poenitentiae contritio est, cum sine actu charitatis non reperitur. cipo &c.

Item super epistolam ad Roman. lection. 4. dicit, quod contritio cordis requiritur ante baptismum; alioquin si-

Ad rat. dubitandi pro part. negot. & prim. responsi. de Bapt.

Utr. 2. dukt. baptis. sine poenitent. remittat peccat. Prior opinio.

De poenit.
d. 1. ca. Me.
dicamentum.

¶ ad baptismum acceditur.

Atque habent, qui sic opinantur, ea pro se argumenta maxime, quæ nos retro fecimus, ut ostenderemus justificationem peccatoris sine actu charitatis esse non posse: Quæ hic repetere, ne longum sit, supervacaneum existimavi.

Habent & illud ex Divo Augustino (si Divo Augustino tamen hoc opusculum tribuendum est) Is ergo (scu quisquis alius ejus libri fuerit auctor) ad fratres in Eremito serm. 11. O compunctio, inquit, sine qua instructuosa est omnis confessio, omnis satisfactio inanis, sine qua adulus non valet baptismus. Sed expresse tamen lib. 7. cont. Donatist. cap. penultim. & habetur de consec. dist. 4. cap. Solet, Baptismum asserit non prodesse iis, qui non habent charitatem; probatque ex illo Apostoli, 1. Corinth. 13. Si tradidero corpus meum, ita ut ardeam, &c. Præterea Act. 3. Penitemini, & constitimini, ut delcantur peccata vestra. Ergo conversio requiritur, quæ non est sine charitate, ut ante ostensum est. Loquebatur autem, antequam baptizarentur.

Postea. Hæc & multa alia dicuntur ab iis theologis, qui priorem opinionem de baptismu tuerentur. Sed exoriuntur ex alia parte adversarii, qui asserunt videtur, non requiri contritionem, aut attritionem, sed satis esse penitentiam virtutalem, hoc est velle suscipere baptismum institutum ad remittenda peccata, & id sine complacentia in peccatum. Quem in modum loquitur Divus Ambrosius lib. 3. de sacramentis, cap. ult. Quod etiam si non confiteatur peccatum, qui venit ad baptismum, tamen hoc ipso implet confessionem omnium peccatorum, quo baptizari petit, ut justificetur: & ita sacramentum baptismi, juxta communem expositionem, vocatur penitentia. ad Hebr. 6. Impossibile est renovari ad penitentiam. et Luc. ult. Oportebat prædicari in nomine ejus penitentiam, & remissionem peccatorum in omnes gentes. Ubi quæ Matthæus de baptismo dixit, Lucas refert de penitentia. Idem videtur nonnullis Scotus sentire, dist. 14. q. 4. & Cajet. 3. p. q. 86. art. 1. & probatur ex Div. Ambrosio in illius epistolæ ad Rom. 11. (Sine penitentia sunt dona Dei) Gratia Dei in baptismo non querit gemitum aut plan-

ctum, sed solam ex corde professionem. Et quia quæ graviter peccantur, non nisi fletu & gemitu ad veniam pertinent, ideo ne illos jam non posse accipere veniam putarent, quia dolere illos non videbant, ostendit id inter primordia fidei non requiri.

At vero Divus Thomas, & communis Theologorum sententia inter hæc extremas media est, in cujus expositionem sit prima conclusio, de qua ego non dubito: Ante baptismum requiritur in eo, qui peccavit mortaliter, aliqua penitentia interior, scilicet displicentia formalis, detestatioque peccati. D. Thomas 3. p. q. 86. art. 1. ad 1. Gloss. ord. in illud Matth. 3. Penitentiam agite, &c. D. Augustinus de ver. & falsi. penitent. cap. 8. & de fid. ad Petr. c. 30. expresse, & lib. de fid. & oper. cap. 6. & 84. lib. 50. Homiliar. hom. 17. Cujus verba habentur de consecrat. dist. 4. cap. omnis. Nemo potest novam vitam inchoare, nisi eum veteris penituerit. Probat autem Divus Augustinus id duobus testimoniis sacramentorum literarum. Primum est ad Coloss. 3. Exuite vos veterem hominem, & induite novum, qui secundum Deum creatus est. In baptismum enim proprie novus homo induitur: ergo prius debet exui vetus homo, quam novus induatur. Sed novum induit homo per hoc, quod eligit novam vitam; ergo & veterem exuit per hoc, quod detestatur antiquam.

Secundum testimonium habetur Act. 2. Penitentiam agite, & baptizetur unusquisque vestrum. Et Dominus etiam non baptizatis loquebatur, inquit: Nisi penitentiam egeritis, omnes simul peribitis.

Divus Chrysostomus homilia 10. in Matth. hoc colligit ex eo, quod Baptismus Joannis fuit preparatorius Baptismi Christi, & vocatur Baptismus penitentia. Luc. 3. March. 3. ergo in remissionem peccatorum erat Baptismus Joannis, non quod peccata remitteret, sed quod per penitentiam, quam prædicabat, disponebat ad Baptismum Christi.

Hoc etiam definitum est nunc in Concil. Tridentin. sess. 6. cap. 6. quod videlicet ante Baptismum oportet esse penitentiam, id est, odium & detestationem peccatorum, ex eo, quod Actor. 2. dicitur: Penitentiam agite, & baptizetur unusquisque vestrum in

Opinio
media.
1. Conc.

514
nomine Jesu Christi, in remissionem peccatorum.

Nec hanc Conclusionem aut Scotus, aut Cajetanus negarent (quantum ego sentio) nusquam enim asserunt, omnia displicentia, etiam imperfecte remota, Baptismum recte a peccatore suscipi. Nec Divus Ambrosius etiam unquam somniavit (ut patet legenti caput illud ultimum de Sacramentis) peccata in Baptismo remitti sine quocunque dolore interiori.

1. Conc. Secunda propositio: Non requiritur actus perfectus penitentiae virtutis, ut peccator sit dispositus ad suscipiendum effectum Baptismi, sed satis erit imperfectus dolor, quem Theologi attritionem appellant. D. Thomas 4. dist. 6. q. 1. ar. 3. q. 1. ad 1. & super cap. 11. Joannis, lect. 9.

Hæc vero propositio non aliter a me probatur, quam in relectione anni superioris probatum est, omnia quidem nova legis sacramenta gratiam, vitamque conferre, sed potissimum Baptisma, quod nisi vitam peccatoribus conferat, non videtur, cuius sacramentum regenerationis appellatur. Ac si contritio semper præcederet tanquam dispositio, nunquam Baptismus culpam mortalem remitteret, sed solum penam. Quare gratiam in eo conferri adultis non oporteret, quæ videlicet ad remissionem penæ non requiritur.

Quodnam discrimen sit inter attritionem, & contritionem.

Exoritur tamen hoc loco questio valde difficilis, & ad hanc propositionem explicandam necessaria, quæritur discrimen inter attritionem, & contritionem, unde liqueat, quidnam attritio sit, quæque sit illa, per quam virtute Sacramenti fiat homo ex attrito contritus. Nam D. Thomas 4. dist. 17. qu. 2. ar. 1. qu. 2. ad 3. solum asserit attritionem esse displicentiam imperfectam, contritionem vero esse displicentiam perfectam. At hinc revera non habetur, quid attritio sit, quæve sit illa imperfectio, quæ a contritione distinguitur. Variis ergo aliorum hæc de re opinionibus prætermisiss, supponendum in primis est, displicentiam ideo perfectam dici, quia nihil illi deest eorum, quæ ad finem displicentiæ consequendum sunt necessaria. Est autem finis displicentiæ, seu doloris de peccato multiplex, ut a principio huius Disputationis constitimus.

Perfecta displicentia

Primus vindicare injuriam factam Deo: Alter ejusdem Dei amorem

conciliare: Tertius, peccatum, ut malum, & inimicum animæ, destruere atque abolere. Erit igitur ea perfecta penitentia, & displicentia de peccato, quæ habebit hos tres fines, & effectus. Qui quidem omnes mutuo haberent, nec quisquam illorum sine reliquis invenitur. Qui enim dolor injuriam Dei emendat, idem & conciliat nobis Deum, & peccatum commissum delet.

centia peccati quæ.

Quibus factis fundamentis, patet manifeste, displicentiam imperfectam eam esse, quæ nec sufficiens est ad emendandam Dei injuriam, nec ad gratiam ipsius faciendam, nec ad peccatum destruendum. Unde colligitur, hanc imperfectam displicentiam multipliciter homini contingere: multis enim modis contingit a perfecto declinari.

Imperfectæ displicentiæ tria genera.

Primum itaque genus imperfectæ displicentiæ est, cum quis dolet de peccato propter humanam, naturaliaque motiva, ut quia turpe est, & contra rationem, vel quia induxit infamiam, vel etiam quia contrarium Deo est, quatenus finis est & principium naturæ. Hoc autem displicentiæ genus, quod videlicet sola ratione naturalis nititur, an Theologi appellaverint attritionem, me profecto latet. Sed quum sit quidam imperfectus dolor, qui interim frangere, & atterere animum potest, licet non perfecte, nos attritionem eam nuncupemus. Vide D. Augustinum, de vera, & falsa penitentia, cap. 2. & 9.

Secundum genus imperfectæ displicentiæ est, quæ oritur a timore penarum. Penas vero intelligo spirituales, vel æternas, quæ lumine fidei cognoscuntur: & hanc Doctores Scholastici omnes attritionem vocant, atque de ea D. Augustinus de vera & falsa penitentia, cap. 17. loquitur, tractans illa verba Ezech. Quacunque hora peccator ingemuerit, & conversus fuerit, vita vivet. Conversum ait, non tantum versum, vita vivere. Vertitur a peccato, qui jam vult dimittere peccatum: Convertitur, qui jam totus & omnino vertitur: qui jam non solum penas timet, sed ad bonum Domini contendere festinat. Dixerat autem, penitentiam, quæ impetrat vitam, non a solo timore, sed a charitate proficisci. Hanc etiam attritionem tanquam insufficientem rejicit D. Ambrosius lib. 2. de peniten. cap. 9.

Ter-

Tertium imperfectæ displicentiæ genus invenitur, cum quis dolet quidem de peccato, quia ratione offensa Dei est, sed ex vellitate, non ex voluntione absoluta, & efficaci: habet enim desiderium imperfectum placendi Deo, dimittendi peccatum &c. sicut & dilectio Dei imperfecta potest appellari voluntio, quia Deo vellem bonum & gloriam, ipsique placere in omnibus; desiderio tamen imperfecto: sic & nolle Dei offensam, est imperfecta displicentia: nam perfecta, efficax, & absoluta est, quæ ex dilectione Dei efficitur, & absoluta nascitur. Hunc vero imperfectum dolorem Cajetanus q. 1. de contritione (ac iure ille quidem) attritionem vocat.

Qua-
druplex
discrimen
inter con-
trit. &
attrit.

Si hæc nobis fuerint diligenter inspecta, facile consiciemus discrimen inter attritionem, & contritionem.

Primum ab effectu, quia contritio peccati remissionem facit, attritio non facit.

Alterum a principio, quod contritio ab amore infusa charitatis procedit, attritio vero non, sed vel a timore penarum, vel ab amore proprio & naturali, vel a dilectione imperfecta conditionata & inefficaci, qui non sunt actus charitatis, cum possint esse in peccatore.

Inde rursum discrimen tertium sequitur, quod contritio elicitur ab habitu penitentis infuso, attritio vero ab habitu eodem non elicitur.

Postremum discrimen est, quod ad contritionem requiritur auxilium Dei speciale, cum sit actus supernaturalis. Attritio vero solis naturæ viribus haberi potest, nisi attritio secundi generis, quæ tam ex parte intellectus, quam ex parte voluntatis, auxilio speciali opus habet: timor siquidem servilis (ut modo pro comperto supponimus) donum Dei est. Et quemadmodum ad credendam penam supernaturalis necessarium est auxilium Dei, quo moveatur intellectus; sic ad timendum ejusmodi penas necessarium est, ut excitetur affectus, & consequenter ad dolendum de peccato propter hunc finem supernaturalem. Credimus enim, nullam penitentiam efficaciter attingere effectum supernaturalem, cum solo auxilio Dei generali. Ad alias vero attritiones ex parte voluntatis, nullum auxilium speciale requiritur. Nam illa prima generis, cum naturale obiectum ha-

beat, solis naturæ viribus nititur. Illa autem postremi generis, supposita fide beatitudinis supernaturalis, haberi potest sine auxilio Dei speciali, sicut & desiderium inefficax & imperfectum Beatitudinis.

Sed etiam hæc nobis dicta fuerint de contritione & attritione secundum vocabulorum & usum & significationem. Nam quod D. Thomas de veritate, q. 28. art. 8. dixit, omnem dolorem de peccato in habente gratiam esse contritionem, improprium est. Nec abusus vocabuli trahendus est in hanc nostram Disputationem, ubi de contritione & attritione proprie loquimur.

Quo significato manifestum est, nullam attritionem contritionem aliquando fieri posse, contra Scotum in 4. d. 14. q. 2. & Cajetanum, q. de contritione, asserentes, contritionem acquisitam informem, quæ ab aliis Theologis appellatur attritio, contritionem fieri posse formatam. Existimat vero Cajetanus, hanc esse opinionem D. Thomæ 3. p. q. 89. art. 1. ad 2. ubi asserit, quod primum penitentis actus habet se, ut ultima dispositio ad gratiam consequendam, scilicet contritio: alii vero sequentes actus penitentis procedunt jam ex gratia & virtutibus.

At rêvera hæc opinio primum D. Thomæ repugnat in 4. d. 17. q. 2. q. 3. ubi & manifeste asserit, contritionem esse affectum elicitem ab habitu penitentis infuso. Est autem certum, quod actus elicitus ab habitu infuso, distinguitur omnino a quocunque alio, qui ex puris naturalibus haberi potest, ut actus elicitus a Charitate infusa, a quocunque alio amore, qui citra charitatem elicitur. Et ratio est in promptu, quia actus, qui habetur ex puris naturalibus, non attingit nisi obiectum naturale: talis est enim, quale obiectum, ut ante docuimus. Cum ergo omnis attritio acquisita naturalis sit, naturale quoque obiectum habet, sicut & dilectio acquisita. Quare impossibile est talem attritionem fieri contritionem: sicut nec dilectio quidem acquisita dilectio Charitatis infusa fieri potest, cuius videlicet obiectum supernaturale sit oportet.

Quod si actus nostri acquisiti supernaturalia obiecta efficaciter attingerent, certe habitus virtutum infusarum (quod retro docebamur) essent superflui.

Præterea, actus contritionis (ut ma-

Si proprie & formaliter loquimur de contrit. & attrit. nulla attritio fit contritio.

nilestis argumentis superius ostendebamus) auxilio eget speciali. Actus autem attritionis, de quo Scotus & Cajetanus loquuntur, sunt ex puris naturalibus, ut etiam ipsi fatentur: ergo impossibile est esse idem, quia principia sunt prorsus diversa: nec fieri potest, ut actus, qui solo auxilio Dei generali a potentia producitur, idem numero a potentia cum auxilio speciali producat. Et quod de hoc genere attritionis dictum est, patet etiam, ac multo quidem magis in reliquis. Hoc vero idem nobiscum tenet Paludanus, dist. 17. q. 1. & Gabr. dist. 16. q. 1.

Utrum ad contrit. requiratur totus animi conatus, quæ tunc penitens præstare possit.

Opinio Adriani affirmativa.

Sed queri tamen a plerisque solet, an ad penitentiam actum, quem contritionem appellamus, totus animi conatus necessarius sit, ita videlicet, ut actus habeat omnem intentionem, quam eo tempore voluntas potest illi præstare, &c.

Et quidem Adrianus q. 1. de penitentia, artic. 2. & Quodlib. 5. art. 3. existimat ad contritionem exigere, ut homo omnem conatum adhibeat. Probaturque in primis ex Deuteronomio. 4. ubi: Si querieris (Moyse ait) Dominum Deum tuum, invenies illum, si tamen toto corde querieris, & tota tribulatione animæ tuæ.

Secundo id suadet ex eo, quod Esai. ultimo Dominus ait: Ad quem aspiciam, nisi ad pauperulum, & contritum spiritum, & trementem sermones meos? Nota, contritum spiritum; Dolor enim remissus spiritum non contrit. Nota rursum, trementem: Tremor enim est magnus & manifestus timor, ut dicit glossa super illud ad Philip. 2. Cum timore & tremore, &c.

Tertio argumentatur ex illo Joelis 2. Convertimini ad me in toto corde vestro, in jejuniis, & fletu, & planctu, & scindite corda vestra. At dolor remissus nec ex toto corde est, nec fletum & planctum efficit, nec scindit corda, &c.

Quarto Sanctorum testimoniis id confirmat. Div. Augustinus lib. de vera & falsi. penit. cap. 17. Convertitur, inquit, qui jam totus & omnino vertitur. Et serm. 11. ad fratres in Eremito, Gravia peccata, ait, gravissimis lamentis indigent. Item divus Ambrosius libro 2. de penitentia, cap. 10. Facilius inveniri innocentiam servaverint, &c. que ante sunt a nobis recitata. Et ad virginem lapsum, cap. 8. posteaquam in-

terrogaverat, quanta esset & qualis penitentia necessaria, & descriperat exteriorem gentem, subicit: Cor vero sit liqueficans, sicut cera, & totum corpus maceretur. Talis vita, talis actio penitentia si fuerit, si perseverans audebit sperare, etsi non gloriam, certe poenæ evacuationem. Insuper ergo misera fortiter, inhere tanquam naufragus tabule: nam grandi plagæ alta & proluxa opus est medicina. Quod ostendit divus Ambrosius & testimonio Joelis jam citato, & testimonio Joannis Sacris literis veniam penitendo referuntur consequitur, hujusmodi cordis compunctionem habuere, non levem & remissam, non parvam, sed maximam, ut Ninivite & David, qui explicans penitentiam suam, ait: Laboravi in gemitu meo, lavabo per singulas noctes lectum meum, &c. Atque iterum: Quoniam lumbi mei impleti sunt illusionibus, & non est sanitas in carne mea: afflicti & humiliati sum nimis, rugiebam a gemitu cordis mei.

Cyprianus demum Serm. 5. de lapsis, Quam magna, inquit, delinquimus, tam granditer desicamus: alto vulnere diligens & longa medicina non desit, penitentia crimine minor non sit. Putaine Dominum cito posse placari, cujus templum sacrilega contagione violatum Orare oportet impensius, diem luctu transigere, vigiliis noctes ac hebdomadae ducere, tempus omne lachrymosis lamentationibus occupare, stratos solo adhærere cineri, in cilicio volutari & sordibus, &c. Et paulo post: Si precem toto corde quis faciat, si veris penitentia lamentationibus & lachrymis ingemiscat, si ad veniam delicti sui Dominum iustus & continuus operibus inflectat, misereri talium potest.

Est etiam ratio pro hac sententia, quod non habemus nos, Deum confiteri gratiam, nisi facientes totum quod in se est: sed qui non convertitur toto conatu, non facit totum, quod in se est. Contritus igitur, cui desit infallibiliter Deus gratiam confert, tota vi animi convertitur.

Altera quoque ratio est, quod non est contritio, nisi ex amore Charitatis proficiat: sed amor Charitatis non habetur, nisi toto nixu Deus diligatur. Deut. 6. Diliges Dominum Deum tuum ex tota fortitudine tua; quod Marcus dixit, ex tota virtute tua; & Lucas, ex omnibus viribus tuis. Quibus

pl. 26.

pl. 19.

&

& testimoniis, & rationibus adductis, non dubitat omni asseveratione confirmare, contritionem nullam esse, nisi ex toto conatu voluntatis doleatur.

Dno extremam in hac qu. cavēda.

Arg. cōt. opin. Adriani.

Atqui duo hic extrema fugienda sunt: alterum eorum, qui facile quibuslibet poenitentibus veniam, & securitatem pollicentur, adversum quos Isidorus secundo libro de summo bono, cap. 13. illud Hieremix sexto inducit: Curabant contritionem filix populi mei, cum ignominia dicentes: pax, pax, & non erat pax. Alterum extremum hoc est, quod tenet Adrianus. Contra cuius opinionem Chrysostomus in libello de reparatione lapsi, (Et refertur de Penitentia, distinctione tertia, cap. Talis) inquit: Mihi crede, talis est erga homines pietas Dei: nunquam spernit poenitentiam, si ei sincere, & simpliciter offeratur: etiam si non potuerit quis explere in praesenti satisfaciendi ordinem, quantulumcumque tamen, & quamlibet brevi tempore gestam poenitentiam incipit etiam ipsam, nec patitur quamvis exiguae conversionis perire mercedem.

Deinde, actus charitatis, etiam si non habeat totam intentionem, quam potest, nec ex toto conatu procedat, sufficit ad remissionem peccatorum, ergo & contritio. Antecedens patet, quia ad talem actum, cum sit supernaturalis, requiritur habitus charitatis infusus, cum qua nullum mortale peccatum est. Nisi huic argumento respondere velis, habitum charitatis nunquam in actum exire, nisi voluntas omnem vim ad operandum intendat: quod absurdissimum est.

Præterea, præceptum de actu fidei, & de actu spei homo implet, etiam si non agat ex toto conatu: ergo & præceptum de charitate, & contritione: Non ergo contritio totum animi conatum exigit.

Refertur etiam solent in hoc sacrarum literarum testimonia, ut illud Joannis 14. Qui diligit me, diligetur a Patre meo. Et Jacobi quarto, Appropinquate Deo, & appropinquabit vobis. Quod si dicas, esse limitanda ejusmodi testimonia, ut intelligatur ex toto conatu; eadem ratione limitabimus & quæ loquuntur de Fide, Spe, atque Justitia. Quod quoniam probabile non est, ne illud quidem probare debeamus, unde hoc proficiscitur.

Refellit. alia Sco. opinio.

Quibus eisdem argumentis Scoti opinio rescindenda est, qui in quarto, distin-

ctione decimaquarta, questione secunda tenet, ad contritionem requiri certum intentionis gradum: qui quidem error falsio nititur fundamentum. Crede enim Scotus, attritionem acquisitam ex puris naturalibus dispositionem esse ad gratiam. Et quoniam vidit non quamlibet naturæ duplicentiam, puta remissam, idoneam esse ad justificationem, coactus fuit asserere, contritionem exigere certam intentionem magnam soli Deo cognitam. Verum imaginatio hæc (sive Scoti fuerit, sive non fuerit: nam si quis cum voluerit hoc errore liberare, cum hoc ego non magnopere pugnabo) imaginatio hæc, inquam, non modo falsa est, sed etiam periculosa, & erronea, ne quod verbum atrocius dicam. Ultima namque ad gratiam dispositio (ut nobis demonstratum est) auxilio Dei indiget speciali. Quo auxilio posito, sive Deus moveat ad magnum dolorem, sive ad parvum intensivè, talis dolor contritio erit: sicut ad amorem charitatis, sive Deus auxilio gratuito intensivè moveat voluntatem, sive remissè, sive ut duo, sive ut decem, actus charitatis erit. Justus siquidem habens charitatem infusam ut decem, potest actum amoris habere ut quatuor. Et cum de tali gradu requisito nulla possit esse probabilitas, an scilicet habeamus illum, necne, certe de contritione nullum præceptum esset: Quod ne ipse quidem Scotus adnuit. Quod autem nullum ejusmodi esset præceptum, patet: esset enim stultum præceptum, quod semper invincibiliter ignoratur: Quin imo teneretur homo ex toto conatu poenitentiam agere, ne exponeret se periculo talem gradum omittendi.

Ex eodem quoque fonte ejusdem Scoti alter error emanavit, Certum tempus necessarium esse, ut actus noster contritio sit. Cui sententia adversatur manifeste D. Chrysostomus in oratione de B. Philogonio, & in libello de reparatione lapsi, cujus ante verba retulimus. Adversatur etiam Leo Papa in Epistola 69. ad Theodorum, inquires: Si periculum urgeat, cuique petenti statim est absolvens danda, quia misericordiae Dei non possumus tempora definire, nec mensuras ponere, apud quem nullas patitur venæ moras conversio, dicente Spiritu Dei per Prophetam: Cum converteris ingrueris, tunc salvus eris. Est autem hic Prophetia Ezechiel cap. 18. inquires: Cum

Refutat. alia Sco. opinio, seu error.

avertit se impius ab impietate sua, animam suam vivificabit. Et cap. 33. iustitia iusti non habebit eum, in quacunque die peccaverit, & impietas impij non nocebit ei, in quacunque die conversus fuerit. Nam utroque loco, in quacunque die, pro quacunque hora, vel momento accipiendum est. Si enim iustus, qui avertit se a iustitia sua vel in hora, vel etiam in momento, iustitias antiquas amittit: Impius ergo, in quacunque hora, vel momento fuerit conversus, iustitiam consequetur, ut qui in momento potuit perdere gratiam, possit & conparare.

Præterea, fac, ut illud tempus necessarium, exempli causa, sit media hora, & in prima illius temporis particula faciat homo quicquid sibi possibile est: tunc sequitur primum, Deum facienti quod in se est gratiam denegare, facientem quoque hominem quicquid & potest, & debet, condemnari. Nihil enim præterea debet homo, quam pro tempore potest. Sequitur deinde, in illa etiam temporis particula hominem alias liberum, esse extra salutis acquirenda statum. Quæ omnia christiana pietas exhorret.

Præterea, sequitur inde aliquem hominem Deum summe diligere, & de commissis propter Deum dolere, & tamen a Deo condemnari, contra illud: Qui diligit me, diligitur a Patre meo. Quin etiam sequeretur, martyrem, qui pro Christo mortem oppeteret, condemnari, ut si martyrium in prima parte illius temporis necessarij pateretur. Quod si dicas suppleri defectum continuationis per martyrium, certe cum voluntas pro facto cedat, voluntas quoque efficax martyrii erit sufficiens ad gratiam dispositio. Quæ quoniam in momento haberi potest, fateamur necesse est, contritionem quoque posse haberi in momento.

Nihil scilicet novi dicimus, sed ea tantum, quæ communi Scholæ consensu, sermoneque feruntur: sed ne hæc quidem quamlibet obvia, & omnium disputatione trita, erant nobis prætereunda. Constituendum enim erat, quid & quale sit id, de quo differimus, non quod ignoret id vos arbitramur, sed ut ampliore ratione & via nostra procederet Disputatio.

Resp. ad argu. Adriani. Igitur ad primum Adriani argumentum protinus respondeo, si illud prius exponere, amore Dei super omnia

duplitter posse dici maximum: Uno modo intensive, gradualis quadam intensione, quo pacto iuniores de intentione loquuntur: in quem modum non oportet amorem Dei esse maximum. Aliter intelligitur esse maximus appetitive. Concedenda sunt enim nobis in Scholastica concertatione huiusmodi vocabula, quod alias sæpe deprecari sumus, ac iure obtinere debemus, quoniam Theologicas res ornate dicere velle, puerile est. Certe Theologo, si asserat eloquentiam, non est aspernanda; si non habeat, non admodum flagitanda: taptum complectatur verbis quod vult, & dicat plane quod intelligit. Ut ergo eo redeamus, unde digressi sumus, & propositam distinctionem apertiori exemplo demonstramus: Fœmina interim vehementius & intensius catellum amat, quam aurum, & tamen si alterutrum oportere amittere, aurum catello præponeret: Ita quoniam plus facit aurum, quam catellum, plus diligit aurum, non intensive quidem, sed appetitive: Quo modo etiam contritus dolor est maximus, quia si daretur optio, mallem amissile pecunias, mallem me mortuum fuisse, quam peccasse.

Ad primum itaque argumentum respondetur, quod toto corde Dominum quærit, qui non partem Deo dat, & partem negant; ut illi faciant, qui vel amant aliquam unam creaturam prohibitam, vel reservant sibi unum aliquod peccatum, quod non displicet. Quem admodum verbi causa, ille totam domum hospiti exhibere dicitur, qui neminem admittit intra domum sine hospitis voluntate: Sed qui cum illo etiam inimicum exciperet, non totam domum exhiberet. Similiter in tota tribulatione animæ Deum quærit, cui omnia peccata displicent. Nam qui ex parte quidem tristaretur de peccatis, ex parte vero unum quodlibet sibi reservaret, in quo delectaretur, is Deum in tota tribulatione animæ non exquireret. Non est ergo ibi sermo (ut Scholastici loquamur) de totalitate gradualis intensiois, sed de totalitate integritatis, & perfectionis.

Atque hinc reliquis sacrarum literarum testimoniis facile respondetur: primum etiam Divi Augustini testimonio. Alteri vero, quod ex eodem Augustino profertur (ut omittamus, illud opusculum non esse ab Augustino conditum)

tum) respondemus, ad satisfactionem integram pro gravissimis peccatis exhibendam, gravissimis lamentis opus esse, sine quibus ejusmodi peccatorum plena remissio non est. Ceterum ad simplicem remissionem culpæ, prolixior illa, & gravis penitentia tum interior, tum exterior non requiritur. Et per hoc patet quid D. D. Ambrosio, & Cypriano respondendum sit.

Ad primam vero rationem respondetur, facienti quod in se est ex puris naturalibus, non oportere Deum gratiam conferre nec tunc, nec postea, nisi totum faciat quod potest: sed facienti, quod in se est, post auxilium Dei moventis, Deus gratiam justificationis dat, etiam si ex toto conatu non faciat. Ego (inquit Apocal. 3.) sto ad ostium, & pulso, si quis aperuerit mihi januam, &c. Christus ergo ingreditur ad animam, sive ex toto conatu, sive ex medietate conatus janua aperitur.

Ad secundam rationem prius dicitur, quod illis verbis non præcipitur intentio summa gradualis in actu, sed solum, ut omnes vires intenduntur, quantum necesse ad diligendum Deum super omnia appetitive; ita ut in preparatione animi, videlicet cum opus fuerit, totum cor, mentem, animam, vires, conatum Deo præstemus. Posterius respondetur, quod illiusmodi verbis solum ostenditur, nullam esse diligendo Deo mensuram præscribendam. Quia enim dicturus erat, Diliges proximum tuum sicut teipsum, docet ante, nullum exemplum, nullumque modum in amore Dei esse querendum, qui utique dignus est, ut sine modo, atque exemplo diligatur. Ecclesiast. 41. Benedicentes Dominum, exaltate illum quantum potestis: major est enim omni laude.

Verum illud dubium protinus existit, an Sacramentum Baptismi cuique attrito administratum, conferat gratiam, an potius unum aliquod sit attritionis genus, quod solum disponat ad gratiam Sacramenti.

Sed huic ego questioni commodius postea respondebo, cum de Sacramento Absolutionis disputavero: Eadem enim ibidem questio est: Et quod ad mores Christianorum attinet, hic ferre sciam curiose, illic vero necessario transigetur.

Jam vero ad argumenta prioris opi-

nionis, quæ nitebatur ostendere, Baptismum nisi contrito administretur, prodesse nihil, dupliciter respondetur. Prius, quod si loquamur de actu charitatis, semper requiritur ad justificationem, seclusis tamen Sacramentis, sicut & contritio. Sacramentum autem in non ponente obicem eundem effectum habet, quem haberet charitas, & contritio sine Sacramento. Unde sicut parvulus per solam habituales charitatem, & gratiam iustificatur, eo quod non ponit obicem Sacramento ad remissionem peccati originalis; ita & adultus, qui non ponit obicem ad remissionem peccati mortalis, cum est attritus, per infusionem charitatis habitualis iustificatur. Posterius responderi quoque potest, omnia illa testimonia de charitate habituali etiam intelligenda. Alias qui dormiret, quoniam non diligit, maneret in morte. Sed prior solutio præstabilior est. Argumenta vero opinionis alterius, post ea, quæ disserimus, faciliora sunt, quam utolvere debeamus.

De charitate vero, an sine penitentia valeat mortales culpas remittere, nonnulla controversia est. Gabriel enim ait 4. distinct. 14. quest. 1. sed D. Thomas negat tertia parte, questione 84. Credit autem ille, solo actu charitatis sine penitentia peccata donari, cum memorie non occurrunt: ut si peccator, quo scilicet tempore Deum diligere teneretur, Dei considerans bonitatem, elicit actum dilectionis Dei super omnia, consequitur, inquit, remissionem peccatorum, licet nullum habeat penitentiae actum, quia nullam habet cognitionem de peccato, quam occupatus, ut ait, circa Dei dilectionem habere non potest non enim possumus plura simul cogitare. Hæc ille. Omnia vero scripturæ testimonia, quæ probant penitentiam esse necessariam, exponit de penitentia formali, aut virtuali, ut patet in tertia ejusdem questionis conclusione. Atque etiam Scotus in illa ipsa distinctione, & questione, paucioribus verbis, eadem fere peccare videtur.

Sed hi primum in eo falluntur, quod non vident, interesse plurimum inter ea, quæ solum necessaria sunt, ut præcepta, & quæ necessaria sunt etiam ut media, sine quibus salus haberi non potest. Ajunt namque, excusari hominem a penitentia, & memoria pe-

do ad rationes pro par. neg. positas in princ. q. resp. etiam specialem de Charit.

Utrum charitas sine penit. possit iustificare.

Duplex necessit. mediæ, & præcepti.

catorum, cum habet de peccato commisso vel ignorantiam invincibilem, vel etiam distractionem necessariam a peccatis cogitandis, quasi penitentia solum esset necessaria, quia praecepta est, & non item quia medium ad salutem necessarium. Atque in huiusmodi mediis licet admittatur excusatio, ne homo peccet, quando ex ignorantia defuit, non tamen admittitur, ut sine illis homo salvetur: exempli gratia: Fides Christi est ad salutem necessaria: quod si cui Evangelium non annuncietur, excusabitur quidem a praecepto credendi, id est, non peccabit ex eo, quod non credit in Christum; sed vitam aeternam minime consequetur, ad quam consequendam Christi fidem habere necesse est. Atque idem de baptismo dicere licet, sine quo nemo salvus efficitur, siue occupatus circa res alias, siue oblitus baptismi fingatur. Intelligimus ergo, ad divinam providentiam pertinere, ut quo voluit vel fidem, vel baptismum medium ad salutem praestituere, facienti quod in se est, nunquam denegat tale medium. Sic igitur, cum Penitentia sit ad salutem medium necessarium (quod abunde sacrarum etiam literarum testimoniis ostensum est) divinae provisionis esse convincitur, ut facienti quod potest, ea suggerat, quae fuerint huic remedio adhibendo necessaria.

Errant deinde vehementer, quod testimonia illa scripturae sacrae de penitentia formali vel virtuali interpretantur: idque ut opinionem suam pugnacissime defendant. At si semel hanc nobis licentiam interpretandi permitimus, facile quoque cetera media ad salutem praestituta, per eandem expositionem eludemus. Fides quippe Christi explicabitur ad salutem necessaria formaliter, vel virtualiter. Votum etiam baptismi dicetur necessarium formale, vel virtuale.

Præterea, cum sancti omnes de penitentia formali, & explicita prædicta testimonia interpretentur, temere & inconsiderate in contrariam intelligentiam pervertuntur.

Præterea, talem interpretationem admittentes, in nullo eventu probare poterunt formalem penitentiam esse necessariam. Dicemus enim illis, etiam cum peccata memoriae occurrunt, non oportere formaliter expliciteque dolere. Neque id reielli aliquo testi-

monio potest, quoniam charitas est penitentia virtualis, quæ sufficere dicitur, quoniam locis præscriptis formalis penitentia non præscribitur. Ita, si huic expositioni dabitur locus, satis erit ad salutem nova vita, sine detestatione veteris, quæ, est hæresis Lutherana.

Quædam insuper testimonia de penitentia virtuali exponere, impudentia manifestissime fuerit, ut illud Joel. 2. Convertimini ad me in toto corde vestro, in ieiunio, & fletu, & planctu, & scindite corda vestra. Illud item Act. 2. Penitentiam agite, & baptizetur unusquisque vestrum in remissionem peccatorum. Quod quidem testimonium si de penitentia virtuali volumus exponere, in eum errorem incidimus, quem paulo ante reproboavimus, hoc est, baptismum sine penitentia formali peccata remittere. Verum hæc missa facio: (quæ tamen decernere controversiam possunt) illud quæro, si cui peccatori divina bonitas occurrat, eo etiam tempore, quo nec diligere Deum, nec penitentiam agere tenetur, non occurrant autem peccata, videlicet occupatissimo in divinae bonitatis contemplatione: quæro tum (inquam) an isti habenti actum dilectionis, peccata sine penitentia condonentur? Nam si condonantur, ergo etiam quando non tenebatur ille aut Deum diligere, aut in Dei contemplatione versari, remissionem peccatorum consequetur sine penitentia. Quod vel isti quoque concedere verentur. Sin autem non condonantur, nec ille peccator potest in actum dilectionis sine penitentia actu prodire: ergo penitentia formalis (quod modo contendimus) est ad remissionem peccatorum necessaria. Atque (ut sæpe iam diximus) ad divinam procuracionem spectat, ut nullus peccator in actum dilectionis prodeat, cum primum ad Deum convertitur, qui simul quemadmodum bonum per amorem amplectitur, ita etiam odium malum prosequatur: Penitentini, inquit D. Petrus, & convertimini, ut delcantur peccata vestra.

Accedit illa quoque causa, quod cum sacramentum penitentiae baptizatis tam sit necessarium ad salutem, quam baptismus non baptizatis, (quod suo postea loco demonstrabitur) certe sicut sine baptismo in re vel in voto, ne-

AA. 2.

mo ad aliam salutem consequi potest: ita sine penitentia sacramento in re vel in voto salvatur nemo. Votum autem sacramento penitentia nullus habet sine peccatorum & memoria, & displicentia; verius est igitur nimirum illud, quod nos asserimus, sine penitentia actu per solam charitatem neminem posse salvari.

Respon. Sed de martyrio questio difficilior est. Nam id sine penitentia peccata etiam mortalia remittere, Juniores se-
etiam spe- re tradunt, & Scotus 4. distinctione 14.
ciatim quæst. secunda, Gabriel eadem distin.
de mar- quæst. secunda, Gabriel eadem distin.
tyrio.

Utrum hanc sententiam ire, 3. part. quæst. 87.
martyr. artic. 1. Nam secundum argumentum
peccata erat hujusmodi: Penitentia non est sine
sine pe- actuali displicentia peccatorum: sed
nit. re- peccata venialia possunt dimitti sine dis-
mittat. placencia eorum, sicut patet in eo, qui dormiens occideretur propter Christum; ergo peccata venialia possunt remitti sine penitentia. Cui argumento Divus Thomas respondet, quod passio pro Christo suscepta obtinet vim baptismi, & ideo purgat ab omni culpa, & venialia, & mortalia, nisi actualiter voluntatem peccato inveniit inherentem. Hactenus D. Thomas.

Opinio
Junior.

At, etiam si homo non doleat, aut culpas in memoria habeat (modo tamen velit placere Deo in omnibus, & vitam pro illo fundere) non habet voluntatem peccato actualiter inherentem, ergo (juxta D. Thomæ placitum) passio pro Christo suscepta, sine penitentia, mortalia peccata remittit.

Sentent.
Auctor.

Verum sententia contraria mihi ex animo exuri non potest. Nam persuasiva est & auctoritate majorum, & gravi constantique ratione, ac fieri potest, ut errem, sed ita prorsus existimo. Primum enim passio pro Christo suscepta, si a charitate non existit, nihil valet ad culpæ mortalis remissionem, ut Div. Thomas auctor est, 2. 2. quæst. 124. artic. 2. ad 2. & 3. part. quæst. 66. artic. 12. ad 2. Item & Divus Augustinus contra Crescon. libr. 2. capit. 12. Immo adeo Divus Paulus 1. Corinth. 13. inquit: Si corpus meum tradidero, ita ut ardeam, charitatem autem non habuero, nihil mihi prodest, Charitas autem in eo, qui peccavit mortaliter, non remittit peccatum sine penitentia (ut idem Divus Thomas scribit 3. parte quæstion. 84. art. 1. ad 2.) ergo nec martyrium. Et confirmatur:

Quia voluntas efficax martyrii, & martyrium acta susceptum, quantum ad essentialia (ut hic supponimus) nihil differunt. Si ergo martyrium sine penitentia peccatum mortale remittit, ac prout gloria meretur æternam, & voluntas quoque efficax martyrii idem sine penitentia dubio procul efficeret.

Præterea, passio pro Christo suscepta in eo, qui fuit aut schismaticus vel hæreticus, non remittit peccatum hæresis vel schismatis, nisi prius homo ecclesiæ Catholicæ fuerit aggregatus: ergo nec remittit ejusmodi peccata, nisi homo poeniteat. Nam verbis scholæ usitatis quandoque utimur, nec ulum aut verborum fictum, aut eloquentiæ ornatum adhibere volumus, sed tantum confirmandæ veritati curam operamque navare. Antecedens igitur nostræ hujus argumentationis, præterquam quod habetur ex Divo Cypriano lib. epistolarum, Epist. 2. ad Antonianum, & arque ex Divo Augustino tum sæpe alias, tum libro 1. de Baptismo contra Donatistas, cap. 11. & lib. 3. cap. 16. & lib. 4. cap. 17. definitur etiam in Concilio Florent. sub Eugenio IV. Consequentia vero probatur: Quia sicut fides, & ecclesiæ Catholicæ unitas, sunt media ad salutem necessaria, ita & penitentia.

Præterea, si quis ante baptismum mortem pro Deo oppetat, non consequetur salutem sine voto baptismi, si re ipsa baptizari non potest: ergo nec post baptismum, si peccavit mortaliter, consequetur salutem sine penitentia sacramento, aut in re, aut in voto suscepto. Antecedens, quod assumptum, Thomas Vvaldensis, libro de sacramentis, capitul. 97. & 105. Divi præsertim Augustini testimonio confirmat, lib. 4. de baptismo contra Donatistas, cap. 21. & 22. Non enim mors pro Deo suscepta, jam Evangelio promulgato, sine fide Christi & Ecclesiæ salutem præstare potest. At consequentia vel ex eo liquet, quod sicut baptismi sacramentum est ad salutem necessarium his, qui ante peccaverunt, ita & penitentia his, qui peccaverunt post baptismum.

Addit illud quoque, quod si martyri peccata in mentem veniant, etiam in ipso martyrii agone constituto, non salvabitur, si non doleat: ergo martyrio etiam instante, penitentia necessaria est. Antecedens patet, quia si Con-

Abſque
baptis-
mismo
ſuſcep-
to in re
aut in
voto
non da-
tur ſa-
lus.

feffor occurrat, citra sacramentum falus illi non veniet, eo quod divinum præceptum de confessione est. Cum igitur de contritione etiam interiori divinum præceptum fit (quod jam jam manifestum erit) fit consequens, ut si homo martyrio expositus de peccatis memoriæ occurrentibus pœnitentiam non agit, divini præcepti violator existat.

Ridiculum vero est, quod fingunt isti, martyrium homini oblatum memoriam peccatorum abolere: Cum e diverso pœnæ inopinato etiam incidentes soleant culparum memoriam vel dormientem excitare. In cujus rei exemplum adducit Chrysostomus homil. 4. de divite & Lazaro, fratres Joseph, quibus cum peccati jam pene oblitterati venisset in mentem, Merito, inquit, hæc patimur, quia peccavimus in fratrem nostrum. Tres item pueri in camino ignis ardentis, In veritate & in judicio, ajunt, induxisti hæc omnia propter peccata nostra, peccavimus enim, &c. Et Propheta, In die, inquit, tribulationis Deum exquisivi manibus meis. Et paulo post: Et meditatus sum nocte cum corde meo, & exercitabar, & scopebam spiritum meum, &c. Martyrium itaque occurrens, non memoriam peccatorum aut tollit, aut impedit, sed potius excitat. Quare nihil causæ video, cur pœnitentia ad salutem necessaria martyri desit: quin in ipso sanguine culpas maxime abluet, quas ante commisit. Equidem ita sentio, & (ut reor ipse) sentiet unusquisque vestrum, si rem non ex autoritate adversariorum, sed ex ratione pensetis. Nec enim minorem vim habet baptismus in remittendis culpis, quam martyrium, quod veluti baptismi vicarium est, ut Divus Augustinus tradidit lib. 4. de baptismo contra Donatist. cap. 22. & sequentibus, referaturque de consecr. dist. 4. capit. Baptismi vicem. Sed baptismus, alias efficacissimus contra omnia peccata remedium, sine pœnitentia tamen aliqua prævia peccatorum mortalium non efficit remissionem: ergo nec martyrium: nisi novis oraculis juniores a mediis ad salutem necessariis martyres adultos velint excipere: quod quæ ratione faciant, haud fasus intelligo.

Nec Div. Thomas unquam asseruit, dormienti in peccato mortali per passionem pro Christo illatam remitti pec-

catum sine aliquo præcedenti dolore: non enim sine charitate passio valet, ut locis citatis Divus Thomas astruit. Et cum eo loco martyrium baptismo comparaverit, idem professio asseruit, baptismum omnia peccata remittere, tam mortalia, quam venialia, dummodo voluntatem peccato non inveniret inhxrentem. Nec proinde licet colligere, baptismum vel dormienti, vel vigilianti, sine pœnitentia mortalia abolere peccata. Quare nec de martyrio id ex mente Divi Thomæ colligi potest, nisi suo ipsius testimonio virum aliqui doctissimum velis urgere, ut concedat, dormienti in peccato mortali, qui nec contritionem, nec attritionem habuit unquam, per mortem pro Christo violenter illatam, æternam conferti salutem. Quod tam absurdum est, quam quod absurdissimum.

Pœnarum igitur remissio solet dici remissio peccatorum, ut patet in indulgentiis, quæ passim hoc nomine conceduntur. Credit itaque Divus Thomas, per baptismum & martyrium omnem pœnam sive peccati venialis, sive mortalis aboleri, supposita tamen remissione mortalis culpæ; quæ adulto sine dispositione voluntatis prævia, contingere non potest. Culpæ etiam veniales per baptismum adulto dormienti remittuntur. Non enim adultus dormiens baptismum suscipit, nisi prius vigilans voluerit baptizari. Cum autem baptismus sit pœnitentia virtualis omnium peccatorum, eo ipso quod quis baptismum voluit, pœnitentiam habuit omnium virtuales, quam ad venialem remissionem satis esse, D. Thomas illo loco manifestissime docuit. Et confirmatur: Quia si quis vigilans cum attritione peccatorum mortalium, nullam habens memoriam venialium, accederet ad baptismum, consequeretur plenariam remissionem omnium peccatorum: ergo & dormiens, si habuit contritionem mortalium, venialium remissionem consequetur. Confirmatur rursum, quia si baptizatus non remitteret venialia, quibus mens inhxeret habitualiter, profecto vix ullus reperiretur, qui per baptismum consequeretur innocentiam, ac totius pœnæ remissionem. Nec me fugit, Cajetanum aliter judicasse. Sed ita res humanæ habent, nos non probamus aliena, alii reprobandum nostra. Intelligo ergo, Divum Tho-

Gen. 42.

Dan 2.

Psalm. 26.

Part. 3. c. 2.
Art. 2. ad 2.

Thomam, ut illi secundo argumento responderet, id sensisse, quod tam baptisimus, quam passio pro Christo suscepta, sine aliqua pœnitentia formalis, remittunt omnia venialia, quantum ad culpam & quantum ad pœnam, nisi voluntas actualiter committat veniale peccatum, quod in baptismo facile est, in martyrio non item. Nam fere, dum quis patitur pro Christo, avertit animum ab omni peccato, etiam veniali. Sed five baptizatus, five pro Christo moriens, actualem obicem opponeret sive baptismo, seu martyrio, jam effectus remissionis illius culpæ impediretur. Ita cum dormiens nihil actu obicit virtuti vel baptisui, vel martyrii, omnium venialium veniam sine formalis duplicentia consequetur. Quamobrem illa exceptio, nisi actualiter voluntatem peccato invenerit inherentem, non est recedenda ad remissionem mortali, sed ad remissionem venialium. Afferat enim Divus Thomas, pœnitentiam explicitam esse necessariam ad mortali remissionem: quare non statim afferuisset, dormienti in peccato mortali sine aliquo actu & dispositione prævia, aut per baptismum, aut per mortem extrinsecus illatam, mortalia peccata condonari.

De elemosyna vero facilior questio est: nam dupliciter intelligi possunt ea testimonia, quæ illi tribuant remissionem peccatorum. Prius ut ad pœnas pro peccatis debitas omnia referantur, juxta illud Daniel. 4. Peccata tua elemosynas redime. Redimuntur enim pœnæ pro peccatis debite non alio pretio magis, quam elemosynis. Posterius etiam in hunc sensum intelligi possunt, ut sollicitatio divinæ misericordie significetur iis, qui fuerint misericordes, ut etiam si in peccatis sint, per elemosynas tamen id consequantur, ut ex Dei gratia & beneficio conversio cordis illis aliquando præstetur. Sic enim scriptum est. Frange esurienti panem tuum, & egenos vagosque induc in domum tuam: cum videris nudum, operi eum, & carnem tuam ne despexeris: tunc erumpet quasi mane lumen tuum, & sanitas tua citius orietur: orietur in tenebris lux tua, & tenebræ tuæ erunt sicut merides. Et iterum: Beati misericordes, quoniam ipsi misericordiam consequentur. Ex quibus liquido patet, quid ad reliqua dicendum sit: nolo enim esse longus in singulis expli-

candis. Sed & secundum argumentum principale cum sua confirmatione, ex his, quæ diximus, facile solvitur.

Ultimum vero, quoniam peculiarem habet difficultatem, peculiariter quoque diluendum est. Quærit enim, an specialis pœnitentia de singulis mortalibus sit ad salutem necessaria, an potius satis sit pœnitentia de omnibus confusa & generalis. Et quamvis sciam, multa a multis de hac questione fuisse disputata, id ego tamen ex D. Thomæ sententia semper & intellexi, & credidi, in omni lege, sive Naturæ, sive Scripturæ, sive Gratiæ, non sat fuisse ad peccatorum mortalium remissionem, in genere consueque dolere, sed specialem distinctamque de singulis pœnitentiam requiri. Cujus rei explicandæ gratia, dupliciter de contritione loqui possumus: Uno modo secundum se, quatenus est actus virtutis, alio modo in ordine ad Confessionem, quatenus est pars Sacramenti.

Deinde notandum, dupliciter posse intelligi, contritionem specialem de singulis esse necessariam: Primum necessitate præcepti, deinde necessitate finis.

Præterea, contritionem de singulis mortalibus esse necessariam, duobus modis accipi potest: Prius scilicet, ut ad singula peccata mortalia requirantur singule contritiones, vel secundum numerum, vel secundum speciem. Posterius scilicet, ut una contritio sit distincta de singulis, quemadmodum, si singulis peccatis in memoriam revocatis, de illis uno eodemque dolore doleam.

Tunc sit prima conclusio: Non requiruntur singule contritiones ad singula mortalia secundum numerum, imo nec secundum speciem quidem, ut videlicet, quot sunt peccata vel numero, vel specie, tot exigantur dolores. Uno enim actu & confiteri & conteri de multis speciebus peccatorum possumus: ergo nec absolute nec in ordine ad confessionem in illum sensum requiruntur specialis distinctaque contritio.

Secunda conclusio: In ordine ad Confessionem, requiritur contritio de singulis distincta, non solum secundum speciem, sed etiam secundum numerum. Quia contritio includit simul propositum confitendi singula mortalia, non secundum speciem modo, verum etiam secundum numerum. Ac præterea, cum homo confitetur, deestatur

Respon.
ad 3. argum. Ut
trū specia-
lis pœnit.
pro sin-
gulis mortal.
sit ne-
cessaria.

1. Conc.

2. Conc.

ea

Math. 5.

Math. 5.

ta peccata, quæ confitentur, nisi sit fida confessio. Quare actus interior penitentiae, a quo exterior confessio proficiscitur, singula mortalia, quæ sub confessionem cadunt, respicit. Ideo enim confitentur ea, ut destruat illa, & pro iis Deo satisfaciatur. Quapropter, ut confessio de singulis mortalibus est ad salutem necessaria, etiam necessitate finis, ita & contritio de singulis in nova lege est necessaria.

1. Conc.

Tertia conclusio: Contritio de singulis mortalibus specialis & distincta, necessaria est ad salutem, non solum necessitate præcepti, verum etiam necessitate finis. Finitque semper in omni lege necessaria, etiam sine ordine ad Confessionem. Itaque non sufficit contritio generalis, qua doleo me fuisse peccatorem, sed requiritur specialis, quæ distincte feratur in singula, ut scilicet peccatis præteritis in memoriam revocatis, voluntas iuxta contritionem universa illa detestetur, velique pro universis Deo satisfacere. Hæc quippe sit erit, hæcque nos penitentiam specialem ac distinctam appellamus. Nani si unico verbo Sacerdoti significare possem diversa peccata mea, illa esset specialis distinctaque confessio. Quocirca cum penitentia Confessioque interior peccatorum hominis ad Deum sit, unicuique illi actus, qui fertur in peccata, distincta & specialiter cognita, specialis penitentia & vocatur, & est. Asserimus autem, hanc non aliter requiri, ac rationem dati & accepti a dispensatore. Quam quidem consilium & generale nemo arbitraretur idoneam, distinctam & specialem omnes exultimarent necessariam.

Sic vero exphcata Divi Thomæ sententia, haud sane intelligo, cur viris doctis probari non debeat: Eo vel maxime, quod penitentiam hanc specialem atque distinctam sic intelligi volumus ad salutem necessariam, ut reliqua media, quæ nisi in tempore adhiberentur nequeant: nempe hoc pacto, ut si distincte de omnibus specialiter delectatur: sin autem, vel per argutiam temporis, vel per aliam causam id fieri non possit, habeatur quidem animus votumque, si facultas adesset, specialiter & distribute de singulis penitendi.

Hanc Conclusionem D. Thomas habet 1. 2. quæst. 113. art. 5. ad 3. inquires In tempore præcedenti justificationem oportet, ut homo singula peccata, quæ

commisit, detestetur, quorum memoriam habet. Et ex tali consideratione præcedenti subsequitur in anima quidam motus detestantis universaliter omnia peccata commissa, inter quæ etiam includuntur peccata oblivioni tradita, quia homo in statu illo est sic dispositus, ut etiam de his, quæ non inemini contereretur, si memoriz adessent. Ecce, quemadmodum intelligit Div. Thomas, specialem contritionem esse necessariam & ad salutem, & ad remissionem peccatorum. Et de veritate quæst. 28. a. 5. ad 4. Ad justificationem, inquit, non requiritur, quod in ipso justificationis momento aliquis de peccatis singulis cogitet. Recogitatio autem singulorum peccatorum debet vel præcedere, vel saltem sequi justificationem. Et 3. p. qu. 87. art. 1. Ad remissionem peccati mortalis, ait, requiritur, ut homo actualiter peccatum mortale commissum detestetur, ut scilicet, quantum in ipso est, diligentiam adhibeat ad rememorandum singula peccata mortalia, ut singula detestetur. Idem in 4. dist. 17. quæst. 3. ar. 2. ad secundum.

Eandem sententiam tenet Durandus dist. 17. q. 2. ad primum, Adrianus q. 3. de Baptismo circa finem. Et Richard. dist. 16. art. 4. qu. 2. Certe necessariam esse saltem necessitate præcepti huiusmodi contritionem, Paludanus assertit, distinct. 17. quæst. 1. art. 2. Conclusionem 5. & Alexander Alesius, 4. p. qu. 69. membro 8. art. 2.

Idem quoque mihi videntur sentire D. Augustinus de vera & falsa penit. c. 9. 14. & 17. Cujus verba referuntur de penitentia, dist. 3. cap. Sunt plures. & dist. 5. cap. 1. Versum, inquit, puto, qui dolet de crimine, conversus, qui dolet de omni ea, quam expoliatus, varietate. Expoluerat autem eam varietatem cap. 14. secundum circumstantias specialiter & considerandas, & deplorandas.

Et Div. Chrysostomus in fine primi libri de contritione cordis: Hoc est, quod exposcitur a nobis, ut semper recordemur mala nostra, & ad animum revocemus, & conscientiam gestorum nostrorum habeamus ante oculos, ut pro iis supplicemus Deo. Sed apertius in 2. libro etiam circa finem: Oportebat, nos semper non solum scire exomologemur, & confiteri, quia in nobis multa delicta sunt, verum & unumquodque

que peccatum, & majus, & minus, quasi in libro, ita in corde nostro habere descriptum, idque frequentius recognoscere, atque ante oculos ponere, & tanquam hæc nuper admissa lugere, &c. Nec te moveat, quod Confessionis D. Chrysostomus meminit: loquitur enim de confessione, quæ fit Deo, non de ea, quæ fit Sacerdotibus, ut posterius ostendemus. Et adhuc manifestus homilia quarta de Lazaro circa finem: Singulis horis, & diebus renovemus apud nos hoc judicium, sententiam adversus nos ipsos feramus, omnique modo conemur confiteri Deo. Nam si nosmetipsos judicaremur, ut Paulus ait, non utique judicaremur a Domino. Utique nec puniamur, nec pœnas demus, in suam quisque conscientiam ingrediat, vitamque explicet, cunctisque commissis diligenter excussis, condemnet animam, quæ hæc patravit, puniatque cogitationem; affligat, crucietque suam ipsius mentem; supplicium a seipso exigat pro peccatis. Hæcenus Divus Chrysostomus. Et Divus Gregorius libro quarto Moralium; capite decimo-septimo, & libro octavo, capite decimosesto in illud: Confabulabor cum amaritudine animæ meæ, enumerando scilicet singula mala, quæ feci. Ita enim D. Gregorius interpretatur. Cujus verba non gravarer equidem recitare, nisi alio festinaret oratio.

Præterea, in hujus rei confirmationem, nec sacrarum quidem literarum decesse nobis poterunt testimonia; ut illud: Recogitabo tibi omnes annos meos in amaritudine animæ meæ. Non autem esset opus anteaacti temporis vitam expendere in amaritudine animæ, si pœnitentia generalis, & confusa sufficeret.

Illud quoque: Si impius egerit pœnitentiam ab omnibus peccatis suis, & fecerit judicium, hoc est, examen, & inquisitionem; de qua Apostolus: Probet seipsum homo.

Et illud David: Cogitavi dies antiquos, & meditatus sum nocte cum corde meo, & exercitabar, & scopebam spiritum meum. Legit autem D. Augustinus, Scrutabar spiritum meum, & ait: Seipsum interrogabat, seipsum examinabat, in se iudex erat.

Præterea, si generalis pœnitentia satis esset, quorsum illa tam anxiosa cura petendi: Ab oculis meis munda me, Domine, & ab alienis parce servo tuo? Nimirum luce clarius Propheta signifi-

cat, delicta sua se solum scrutari, & pro oculis, quæ vel adhibita diligentia intelligere non potuit, deprecari, cum ait: Delicta quis intelligit? ab oculis meis, &c.

Præterea, si cui, dum convertitur, tria mortalia, quæ fecit, distincte in mentem veniunt, hoc est, adulterium, sacrilegium, homicidium, quero, an satis fuerit, rejecta illorum speciali memoria, vere de omnibus, quæ fecit, contulæ dolere. Nam si satis non est, id nos asserimus; si satis est, semperque in omni lege fuit, certe examen illud tam exquisitum in peccatis mortalibus & commemorandis, & deplorandis, quod in omni retro tempore parentes nostri fecerunt, docetur non fuisse necessarium.

Præterea, pœnitentia exterior propter interiorē est: at exterior tam in lege nova, quam in veteri distincta, & specialis fuerit oportuit. Nam in veteri lege pro variis peccatis varia fuerunt sacrificia definita. In nova quoque pœnitentia Sacramentum specialem, distinctamque de singulis exigit confessionem. Ac revera lex Evangelica, quantum animi mei conjectura colligere possum, non astringit nos, ut specialius de peccatis doleremus, quam in lege naturæ homines tenduntur: Sed id concessit, ut quam pœnitentiam olim in delictis compensationem, atque vindictam coram Deo agere oportebat, eandem ageremus apud Sacerdotem, qui locum Dei teneret in terris.

Nec ego video, cur Christus in Evangelio præceperit de singulis exteriorē pœnitentiam, nisi quia requirebatur interior de singulis, ut externis signum visibile interiori rei signatæ invisibili responderet. Non igitur (quod quidam arbitrantur) contritio specialis propter confessionem exigitur, sed e diverso confessio specialis propter contritionem, utraque autem propter judicii naturam. Omnis quippe iudex, cui judicandi est auctoritas demandata, reorum delicta inquirere, atque examinare debet speciatim, ut juxta culpæ mensuram sit & pœnarum moderatio. Sic in Evangelica lege, judicium de peccatis Sacerdotibus delegatum est, qui ut fideliter suum munus exequantur, non habent esse contenti, peccata si solum in genere cognoscant, sed habent in-

terro-

Ezech. 18.

Psal. 111.

terrogare etiam specialia delicta, ac delictorum adjacentes circumstantias. At in lege naturæ hoc iudicium erat ipsi peccatori commissum, ut ipse idem & esset testis, & accusator, & iudex. Unde ait Scriptura: Si impius egerit penitentiam ab omnibus peccatis, & fecerit iudicium. Et iterum: Feci iudicium, & iustitiam, non tradas me calumniantibus me. Quam ob rem peccator in propria causa iudex effectus, nisi expendat delicta propria, nisi diligenter seipsum interroget, & examinet, ut ex qualitate, & quantitate culparum imponat sibi penitentiam modum, certe infidelis iudicii, imo iniqui prenas daturus est apud æquissimum iudicem. Hæc naturæ ratio est, quis negat? Huic sacræ literæ consentiunt, hanc Sancti Doctores insinuant, huius vñ Divus Thomas intuitus tertiam illam Conclusionem asseruit. Quæ etiam asserenda nos multæ diximus non penitus abscondita, aut contemnenda. Sed si quid melius quiquam asserere poterit, nobis volentibus, & gratulantibus facturus est. De tertia igitur controversia satis.

P A R S Q U A R T A.

De Præcepto Penitentia ut
Pœnitentia.

4. princ.
quæst.
Ration.
dubitan.
pro par.
negat.
2. 2. quæst. 16.
m. 3.

Q Uarta jam sequitur: An de Pœnitentiæ virtute sit peculiare præceptum. Sunt enim Theologi, & fuerunt, quorum opinione de actu pœnitentiæ speciali præceptum nullum est. Hanc vero sententiam in primis suadent testimonio Divi Thomæ asserentis, quod permanere in peccato usque ad mortem non est speciale peccatum, sed quædam peccati circumstantia. Et tamen si esset de penitentia speciale præceptum, omisso illius specialis culpa sine dubio esset.

Præterea, si de penitentia mandatum speciale esset, id ea esset ratione maxime, quod penitentia est medium necessarium ad salutem. Hoc vero argumentum infirmum est, quoniam gratia Dei est ad salutem homini necessaria, de qua tamen habenda nullum est peculiare præceptum. Et confirmatur: nam huiusmodi præceptum non alio testimonio magis assereretur, quam eo Lucæ, cap. 13. Nisi penitentiam habueritis, omnes similiter peribitis. At

exinde nihil tale colligi recte potest. Pari siquidem loquendi forma sane dicitur, Nisi gratiam habueritis, omnes peribitis. Unde tamen non fit, ut ex præcepto peculiari gratiam habere teneamur. Cumque penitentia supponat peccatum antecedens, nisi quis penitentiam egerit, peribit, non ex impenitentia culpa, sed ex antecedenti peccato, quod sine penitentia deleri non poterat.

Pro parte vero contraria illud est, Pro par. quod eodem tenore in Evangelio proponitur lex Baptismi, & Penitentia. Nam quemadmodum scriptum est: Nisi quis renatus fuerit ex aqua, non potest intrare in regnum Dei; ita quoque scriptum est: Nisi penitentiam habueritis, omnes peribitis. Colligunt autem Catholici, legem illam Baptismi formale continere præceptum. Quare & penitentia lex præceptum speciale continet.

In hac controversia Præceptor meus olim F. Franciscus Victoria, vir nostra ætate literis, ingenio, religione clarissimus, parrem tenuit negativam. Addidit vero in huius rei confirmationem præter ea, quæ secimus, alia quædam argumenta, quæ quoniam homo ingeniolus, & doctus esse videbat infirma, asseruit tandem, in hanc opinionem se venire ea potissimum causa, atque ratione, quod nulla in contrarium esset, cui non posset facile satisfieri, ut colligere inde in promptu liceat hominis eruditissimi modestiam pariter & ingenium. Nihil enim pugnantius, pertinacique contentione defendere solebat, sed suam interim propriam, privatamque sententiam libere tueri, eandem postea simili libertate retractaturus, si melior forsitan opinionis adversæ ratio succurrisset. Hac vero ingenii sui mira, & beata facilitate Scholæ nostræ, hoc est, Divi Thomæ, prudentissimus habebatur interpres. Et quidem æquus libero iudicio, nulla ejusmodi astrictus necessitate, ut veller nollet, certa sibi esset tuenda sententia.

Hujus nos clarissimi viri vestigiis inherentes, in nullis verba juravimus, nec apud nos tantum opinio præjudicata potest, ut etiam sine ratione valeat autoritas. Sed nostrum iudicium adhibentes, alienum non nisi causa cognita sequimur. Nam Ciceronis, quocumque incidant, non sententis modo,

Similiter
scribit
init.
l. 11. de
lo. theo-
log.

l. 1 de nat.
Deur.

do, sed & verbis libenter utimur, furtumque libenter agnoscimus. Igitur, ut eo (unde huc digressi sumus) revertamur: Argumenta quidem tamen docti hominis, & copiosi, & nihil præteruntis eorum, quæ pro ea causa dici possent, nunquam tamen ita memoverunt, ut eis respondere posse disiderem. Auctoritas autem tanta plane memoveret, nisi ego opponerem non minorem D. Thomæ, cujus rationes etiam quodammodo mihi videntur firmiores.

Primum itaque non ambigo, Divum Thomam cum cæteris omnibus Scholasticis authoribus in hac sententia esse, quæ partem hujus controversiæ affirmativam amplectitur. Imo illud est princeps argumentum, quo hæc opinio refellitur, quod novitia sit, & in re, quæ ad mores pertineat, sive idonea ratione, communi Theologorum sensui refragetur. Divus itaque Thomas pro comperto sumit, de pœnitentia divinæ legis esse præceptum; nec id semel dicit, sed sæpius 4. dist. 17. quæst. 2. art. 2. quæst. 3. ad 3. & quæst. 3. articulo 1. quæst. 4. & 3. par. quæst. 84. articulo 7. ad 1. & 2. & quæst. 85. articulo 2. in argumento in contrarium: Et 2. 2. quæst. 62. articulo ultimo. Imo adeo, quæ Divus Thomas articulo illo secundo, quæst. 14. dixit, non modo hæc refellunt, verum etiam confirmant. Nam si propositum non pœnitendi speciale peccatum est, ut ibidem dicitur, qui fieri potest, ut de pœnitentia non sit speciale præceptum? Nempe si comedere præceptum non esset, propositum non comedendi specialis culpa non esset: Si jejunandi præceptum peculiare non esset, ne peculiaris quidem culpa esset propositum non jejunandi. Et hunc in modum cætera, quæ singulatim persequi longum est.

Deinde, pœnitere est actus specialis virtutis ad salutem necessarius: ergo est in præcepto. Consequentia patet ex D. Thomæ 2. 2. quæst. 3. art. 2. & 3. par. quæst. 68. art. 1. ubi asserit; ea, quæ sunt necessaria ad salutem, cadere sub præceptis divinæ legis. Et re vera id ostendit (nisi me animus fallit) ratio manifestata: Non enim aliter melius possumus judicare, an præceptum sit legis de quarumcunque virtutum actibus, nisi ex eo, quod ad finem legis sunt necessarii. Porro, si finis primus legis, idemque præcipuus sine actu cuiusquam virtutis consistere non potest, convincimur

sanè fateri, de hujusmodi actu præceptum legislatoris esse: nisi insipientem, atque improvidum in legibus necessariis volumus desuisse. Atque hæc certa regula, ac forma est de præceptis legis sive Naturæ, sive Scripturæ, sive Gratiæ, sive Humanæ, seu Divinæ philosophandi.

Præterea, de compensanda injuria facta proximo speciale præceptum est: ergo & de compensanda injuria facta Deo: sic enim Div. Thomas 3. par. quæst. 84. art. 5. ad 2. argum.

Huc accedit, quod si cujus amicitiam violavimus, teneamur speciali præcepto dare operam, ut sarciamus: quemadmodum Matthæi quinto scriptum est: ergo Dei amicitiam per peccatum mortale violatam speciali præcepto sarcire tenemur, ac proinde pœnitentiam agere.

Illud præterea (quod mihi maximo argumento poterat esse ad hujus rei confirmationem) quod ægroto corpori quicquid tenetur medicinam necessariam adhibere, idque ex speciali præcepto, quod habet diligere corpus; ex quo efficitur, cum non minus debeat amare animum, ut medicinam necessariam ægro animo adhibere teneatur. Videlicet quemadmodum instigante naturæ lege (ut Terullianus ait, & illum æmulans D. Hieronymus) hirundo pullos suos de siccoc oculat chelidonæ, & dictamnum cervi appetunt vulnerati, & cætera animalia bruta medicinas sibi divinitus attributas instigantur ut quarant; ita proculdubio incitat divina lex homines rationales, ut pœnitentiam remedium unicum, & necessarium ad salutem animæ prolequantur.

Præterea, præcepto charitatis obligamur media necessaria ad salutem fratris apponere (inde enim est fraternæ correctionis obligatio) ergo & media necessaria ad salutem nostram. Et confirmatur: Tenemur proximum a morte tum corporis, tum animæ liberare. Mortem enim languentibus probatur instigare, qui hanc, cum potest, non excludit: 83. distinctione, cap. 1. Igitur & nosmetipsos a corporali, & spirituali morte tenemur eicere. Nec hic (quod ad mores attinet) magnopere contendere debemus, an violetur præceptum charitatis, an præceptum pœnitentiæ; illud modo concedamus, specialem, novamque culpam esse, non peccet: tamen, quemadmodum cum quis

In li. de pœnitentia.
In Eccles.

quis non comedit cibum necessarium ad salutem, immediate quidem contra virtutem temperantiae peccat, ex consequenti etiam contra charitatem; ita qui non ponit, cum videt ad salutem esse necessarium, directe quidem praeceptum penitentiae violat, consequenter autem violat charitatem.

Præterea, De penitentia exteriori praeceptum est: ergo & de interiori: Consequentia patet, quia si satisfactionem exteriori Deum exigit, interiori, ac multo etiam magis requirit, quæ videlicet præcipua est in compensatione delicti. Antecedens vero certissimum est, si ea, quæ superiore controversia diximus, teneantur, esse (inquam) exteriori penitentiam necessariam ad salutem. Actus quippe omnium virtutum exterior ad salutem necessarius, circa controversiam in præcepto est.

Sed quid opus est multis? Si homini peccatori occurrat praeceptum de diligendo Deo, simulque peccatum memoriae occurrat, illud quæro tandem, an teneatur conteri, an non: si non, ergo exiens in actum dilectionis, sine penitentia iustificabitur, quod sanæ mentis nullus admittit: si etiam, jam habetur quod volumus, de penitentia esse speciale praeceptum. Quod Tertullianus lib. de penitentia dilerte docet, inueniens: Cum iudex Deus iustitiae charissimæ sibi exigendæ, tuendæque præfideat, & in eam omnem summam disciplinæ sanciat, dubitandum est, sicut in universis actibus nostris, ita in penitentiae quoque causâ iustitiam Deo præstandam esse? Et paulo inferius: Audaciam, inquit, existimo, de bono Divini præcepti disputare. Nec enim quia bonum est, ideo auscultare debemus, sed quia Deus præcepit. Ad exhibitionem obsequii prior est maiestas divinæ potestatis, prior est auctoritas imperantis, quam utilitas servientis. Bonum est penitere, an non? quid revolvit? Deus præcepit. Quod igitur Deus tantopere commendat, quod etiam humano more sub dejectione testatur, summa utique gravitate & agredi, & custodire debemus. Hactenus Tertullianus.

Et certe cum lex affirmative præcipiat, Penitentiam agite, rursumque sub mortis interminatione subjungat: Nisi penitentiam habueritis, omnes simul peribitis, intelligi non potest, qui-

bus alius verbus legislator huiusmodi praeceptum, si vellet, posset inducere. Omnis siquidem virtutis operatio, quæ verbo imperandi a lege præscribitur, aut in consilio est, aut in præcepto. De opere vero, quod solum in consilio esset, dici nulla ratione posset, Nisi hoc taceretis, peribitis. De Penitentia igitur actus praeceptum est. Quod eo magis mihi persuadeo, quod Ioannes Baptista statim a principio populo proponit: Penitentiam agite, appropinquavit enim regnum cælorum. Eandem quoque legem, eisdemque verbis Christus primitus invulgavit, Apostolique invulgandam iussit. Nullo autem pacto verisimile sit, consilia legis statim in initio a populo exigi. Quinimo illud verosimilius est, a turba præcepta, & ea quidem maxime necessaria cum primis requiri: Unde & Marc. 1. Penitemini, inquit, & credite Evangelio: ut utrumque tamquam necessarium praeceptum proponat, penitere, & Evangelio credere.

Nec illud leve testimonium est, quod habetur Apocalyp. 2. Age penitentiam: sin autem, veniam tibi cito, & movebo candelabrum tuum de loco suo, nisi penitentiam egeris.

Huc illud adde Proverbior. 1. Quia vocavi, & renuistis, ego quoque in interitu vestro ridebo. Vocanti ergo ad penitentiam renuere, speciale peccatum est, cui specialis pena respondet, risus & subannatio Divinæ potestatis. Huic & aliud simile est Hierem. 7. Quia vocavi, & non respondistis, taciâ domui huic, &c. & Ezech. 6. Omnes in cæde corrupti, pro eo quod vocavi, & non respondistis. Certe si ad penitentiam vocanti respondere consilium esset, non praeceptum, nusquam Dominus pro huius omissione tam gravem penam minaretur. Item Hierem. 8. Deus conqueritur, quod peccatores penitentiam non agunt. Res est igitur debita, ac proinde præcepta, siquidem Deus exoptulat, si non reddamus.

Ad argumentum vero primum, quod ex D. Thomæ auctoritate sumitur, facile respondetur: Impenitentiam ibi accipi pro quocunque peccato, de quo penitentia non fit. In qua significatione generale peccatum est, cum fornicatio durans usque ad mortem, homicidium quoque reatus, & quodlibet aliud simile malum, de quo homo penitentiam

Marth. 1.
Marth. 9.

Respon.
ad arg.
pro par.
negat.

tiam non agit, Impœnitentia fit, etiam si nulla culpa specialis intervenerit: verbi gratia, si fornicator, aut avarus subito interiret, correptus aliquo fulmine, quo eventui a præcepto pœnitentiæ excusari potuit; nec enim habuit spatium cogitandi, ut de peccatis pœniteret: tunc juxta sententiam D. Augustini, & D. Thomæ ejusmodi homo habuit finalem impœnitentiam, peccatum scilicet, quod non remittitur nec in hoc seculo, nec in futuro, generale quidem, non speciale peccatum.

Medium
ad salut.
necessa.
duplicis
generis.

Ad secundum, fateor eam esse causam, unde vel maxime liqueat pœnitentiæ peculiare præceptum. Sed ut objectionem repellamus, advertendum est, medium ad salutem necessarium esse in duplici differentia. Alterum quod non est actus virtutis, sed vel potentia, vel habitus, quos Deus in nobis sine nobis operatur, vel etiam gratia, & auxilium Dei, quod non nostrum, sed Divinum opus est: & de hujusmodi mediis legis præcepta non sunt. Alterum medium actus virtutis est, atque in nostra potestatem, ut credere in Christum, confiteri Fidem, suscipere Baptismum, diligere Deum; & de hujusmodi præcepta legislatoris sunt. Quæ quoniam non de fine, sed de mediis feruntur ad finem legis necessariis, recte colligimus, in omni lege, sive naturali, sive scripta, tum humana, tum Divina, ea media virtutis, quæ nullo modo sunt ad finem legis necessaria, in consilio esse, quæ vero omnino necessaria, ea esse in præcepto. Unde patet, quid ad tertium argumentum respondendum sit.

Utrum
præcep.
sit pœni-
tere sta-
tim de
peccato
mortali.

Ration.
pro par.
affirm.

Sed illud tamen urget vehementer, quod eidem argumentis, quibus ostendimus esse præceptum, ostendi æque potest, homines obligari ad confestim pœnitentiam agendam, ut peccatum mortale commiserint. Primum enim D. Thom. 1. 2. quæst. 62. art. ult. utrumque pariter affirmat, & teneri homines ex præcepto peccatum deferere, & statim id quidem: Ut qui rem alienam furto suscepit, restituere protinus sine mora aliqua debet. In quarto etiam distinctione, decimasextima questione, & articulis retro citatis expresse tradit, hominem obligari ad pœnitendum, cum peccata memoriæ occurrerint; quod est dicere, præceptum pœnitendi nullas moras in peccatore permittere, qui peccati memoriæ, & conscientiam habet.

Et ratio id videtur suadere. Nam cum peccatum memoriæ occurrit, si homo non detestatur, ex consequenti consentit.

Deinde, homo tenetur illico medicinam corporalem corpori necessariam adhibere. Ergo & quam primum debet animæ necessariam medicinam apponere.

Præterea, proximi offensi injuriam teneor, ubi primum commode possum, compensare; ergo & Dei. Antecedens notissimum est. Non enim celerius, qui damnus in pecunia dedit, tenetur satisficere, quam qui dedit in fama, vel honore. Sed qui in pecunia dedit, restituit, pensareque damnus e vestigio debet; ergo & qui aliter quoquo modo proximum læsit. Et confirmatur: Nam si frater meus habet aliquid adversum me, teneor illi extemplo reconciliari, ut patet Matth. 5. Igitur & teneor conciliare me Deo statim, quam ejus amicitiam per injuriam violavi.

Præterea, simul atque commode possumus fratrem nostrum a morte animi liberare, id facere sine dubio tenemur: ergo & nosmetipsos a peccato mortali illico tenemur eripere. Idque magis, quod peccatum, quod mox per pœnitentiam non deletur, suo pondere ad aliud trahit, ut Gregorius docuit homil. 11. in Ezech. 3. At qui periculo se exponit, peribit in eo, ut in Ecclesiastico legitur. Confirmat autem hoc vel maxime Leo Papa epistola 69. ad Theodorum Episcopum, inquit: Oportet innumquam Christianum conscientiæ suæ habere judicium, ne converti ad Dominum de die in diem differat, nec satisfactionis sibi tempus in finem vitæ suæ constituat, quem periculose ignorantia humana concludit, ut ad paucarum horarum se reservet incertum. Periculosum igitur est pœnitentiam in aliud tempus reservare. Nam & hoc Eccl. cap. 5. prohibet, inquit: Non tardes converti ad Dominum, nec differas de die in diem: subito enim venit ira ejus. Peccatum igitur est, de die in diem pœnitentiam protrahere, nempe cui divinam iram Ecclesiasticus interminatur.

Item, si in aliud tempus pœnitentiam differre liceret, ergo & velle differre licitum est: Quod enim facere, idem & velle quoque licet. At qui existens in peccato mortali, interiorem pœnitentiam in aliud tempus reservare

vult, eo ipso interpretative & implicite vult esse in peccato mortali, in quo quandiu non poenitet, perdurare necessarium est. Non licet igitur conversionem poenitentiamque differre.

Præterea, negativum præceptum astringimur, ne simus Dei inimici: nam esse Deo inimicum, usque adeo intrinsece malum est, ut nullo eventu id vellet sine gravi culpa valeamus: ergo quamdiu homo est in peccato mortali, cum sit Dei inimicus, tandiu præcepto negativo adversatur, quamlibet parum in statu peccati mortalis pericveret. Aut igitur hoc monstrum probandum est, videlicet, hominem obligari ad poenitentiam statim agendam, aut primum illud tollendum, hoc est, hominem ad poenitentiam agendam obligari. Illuc enim serpit hoc præceptum, si scilicet admittitur.

Denique suadet, quod saltem singulis diebus festis teneatur peccator poenitentiam habere, quia finis legis est, ut requiescamus in Deo: ad hanc enim requiem corporalis seclorum quies ordinatur. At in legem facit, qui verba legis amplexus contra legis naturam voluntatem. L. non dubium. C. de legibus, & regula, Certum est, de reg. jur. in 6. Et confirmatur. Levit. 16. Sabbatum requitionis est: affligetis animas vestras, ab omnibus peccatis vestris mundabimini. Et c. 23. Affligetis animas vestras, omne opus servile non facietis in die hac: omnis anima, quæ afflicta non fuerit in die hac, peribit de populo suo: & causa subditur: Ut propicietur vobis Deus.

Resolu.
Quest.

In hujus argumenti explicatione adeo multæ sunt doctorum sententiæ, ut eas enunciare, nedum expendere, molestissimum fuerit: & cum tam varix sint, tamque inter se dissidentes, veniam mihi dabit, Viri humanissimi, si aliorum opinionibus prætermis, meam ego (utnam tam vere, quam breviter) explicuco.

1 Conc.

Primum ergo (ut mea fert, & communis opinio) non protinus tenetur homo poenitentiam agere. Atque hæc quidem assertio non alia ratione potius ostendi potest, quam quod fidelium omnium consensus facile admittit, non esse peccatum mortale novum, si quis non statim, atque in peccatum incidit, poenitentiam agat; nec aut poenitentes in confessione hujus criminis se accusant, aut sacerdotes illi curant, quando

poenitentes examinant; cum tamen nullus peccator sere sit, qui hujus præcepti reus non haberetur. Imo qui diem unum in peccato mortali duraret, non modo multa, sed innumera peccata mortalia hoc præcepto transgrediendo committeret.

Præterea, cum præceptum de poenitentia affirmativum sit, in quo virtutis actus positivus præcipitur, non videtur obligare, nisi pro tempore necessitatis, quemadmodum & reliqua præcepta affirmativa.

Item, cum cætera media ad salutem necessaria, scilicet fides, baptismum, confessionem illico præstare minime teneamur, non est, cur unicam poenitentiam mori debeamus exhibere.

Præterea, cum vera poenitentia (ut ante jam diximus) a dilectione Dei proficiatur, si homo simulatque peccavit, veram poenitentiam habere teneatur, quæ videlicet necessaria est, ut Deo concilietur, fieret consequens, ut homo post peccatum statim ad diligendum Deum obligaretur.

Præterea, cum nulla ratio idonea sit, nullave auctoritas, qua præceptum adeo durum asseratur, certe qua facilitate induceretur ab aliquo, eadem quoque ab aliis rejiceretur.

Secunda propositio: Non tenetur homo poenitentiam agere, quoties peccata memoriz occurrerint, sive speculative, sive practice occurrerint. Etenim nullum aliud nos præceptum obligat ex eo, quod in mentem veniat, nec peccat mortaliter, qui non diligit Deum, quantumcumque divina bonitas proponatur, omni dilectione dignissima, nisi necessitatis articulus intercedat. Idem de præcepto fidei, & spei videre licet.

Quare nec si peccata sese offerant peccatori digna, quæ homo detestetur, protinus obligatur in actum contritionis exire: poterit etenim libere nullum habere actum, si nullus inter necessitatis articulus.

Et confirmatur, quia obligatio reliquorum præceptorum ex necessitate recipitur, non ex memoria, aut intelligentia nostra: quippe, non quia nos intelligimus, aut memoria tenemus, obligant, sed quia obligant, debemus nos dare operam, ut memoria teneamus.

Illud etiam quam inconsiderate dicitur, memoriam practicam obligare, speculativam non obligare: quasi me-

mo-

moria conscientia fit, cuius iudicio homo teneatur obnoxius. Premiam enim angustius & urgebo, quodnam sit illud iudicium practicum, vel quæ memoria, quæ post simplicem peccati commemorationem novam præcepti obligationem inducit. Cumque nihil constanter, recte dici possit, nimirum non est, cur amplius in opinione contraria reſellenda morenir; nulla enim ratione nititur, sed solo aſſerentium arbitrari.

3. Conc. Atque eisdem omnino argumentis perſuaderi poteſt tertia propoſitio, hoc eit, Id diebus ſeſtis non obligari homines ad agendam penitentiam, aut divino præcepto, aut humano. Præceptum enim de colendo Deo, quo ſeſtis diebus aſtringimur, opera religionis præſcribit. At penitentia (quod ante docuimus) religionis opus non eſt, ſed vindicationis.

Item, jus humanum nullum eſt, aut Euangelicum, quo hoc præceptum aſſeratur. Proferant, & tacebimus. Lex autem antiqua ceſſavit: lege vero naturæ nihil ejuſmodi præcipi, notius eſt, quam ut probandum ſit. Et proſecto errores alienos reprehendere, non perinde difficile eſt. Facilius namque (ut Cicero tradit) in mentem cuiuſque venire ſolet, quid falſum, quam quid verum ſit. Sed veram & conſentaneam opinionem ingerere, eamque idoneis argumentis confirmare, hoc opus, huc labor eſt.

4. Conc. Sit igitur quarta propoſitio: Præceptum de penitentia obligat in articulo neceſſitatis, ut reliqua omnia præcepta affirmativa: Ac primus quidem neceſſitatis articulus facile ab omnibus admittitur, periculum mortis. Cum enim præceptum pro aliquo tempore obliget, ſi in periculo mortis præteritur, nullum jam reſtat tempus, quo poſſit impleri. Sed notandum eſt, quod cum baptiſmus & ſacramentum abſolutionis æritro conferat gratiam, inſtitutaque fuerint directe hæc duo ſacramenta in remiſſionem omnium peccatorum, qui ſuſcipit alterum ex his ſive contritus, ſive attritus, vere implet præceptum de penitentia, quoniam Deus nihil amplius exigit in compensationem injuriæ & delicti commiſſi, quam vel contritionem ſine ſacramento, vel attritionem cum ſacramento per ſe inſtituto in remiſſionem peccatorum. Atque hunc colliges, præceptum di-

vinum de penitentia, per ſe loquendo, obligare ſolum in duobus: Prius, cum obligat divinum præceptum de baptiſmo vel confeſſione: & tunc ſatis eſt penitentia interior imperfecta, ſi exterius ſacramentum reſta ſuſcipiatur. Poſterius, cum deſit miniſter utriuſque ſacramenti: Ubi ſicut homo tenetur habere votum ſuſcipiendi vel baptiſmum, vel abſolutionem, ſi facilitas adeſſet; ita etiam tenetur habere perfectam penitentiam, & contritionem; ut quæ neceſſaria tunc ſit ad remiſſionem peccatorum.

At vero articulus alius, qui addi ſolet, Cum videlicet quis adminiſtrare voluerit aliquod ſacramentum, vel quemcunque alium actum exercere, qui requirit hominem exiſtente in gratia, accidentariam obligationem habet, nec a præcepto penitentia oritur, ſed a præcepto alio de digna ſacramentorum vel ſuſceptione, vel adminiſtratione. Unde peccatur quidem peccato ſacrilegii, ſi ab impoſſente ſacramentum aut miniſtretur, aut ſuſcipiatur, non autem peccato omiſſionis adverſus penitentia præceptum. Unum excipio Eucharistiæ Sacramentum, quod qui immortali ſumit, duplex peccatum peccat: Alterum ſacrilegii in Eucharistiæ, alterum omiſſionis in præceptum peculiare divinum de præmittenda penitentia Eucharistiæ ſacramento, de quo in fine huius ſelectionis diſſeremus.

Ad primum itaque argumentum reſpondetur, illam D. Thomæ ſimilitudinem inter præceptum reſtituendi, & præceptum deferendi peccatum, non per omnia quadrare. Quia in re Cajetanus videtur fuiſſe deceptus: primum enim rei alienæ reſtitutio revera fundatur in præcepto negativo, quo vetamur rem alienam invito domino retinere: neque enim minus rei alienæ detractor eſt, qui eam apud ſe inventam invito domino detractat, ac detinet, quam ſi furto ſuſcepiſſet. Quo ſit, ut ad obligationem reſtituendi inſulta acceptio impertinens ſit: ſive enim acceperim iniuſte perfurtum, ſive juſte per commodatum, ſimilique invito domino rem alienam uſurpo, furti reus habeor, atque ex conſequentia violator præcepti negativi.

Rarius etiam, quotieſcumque adeſt commoditas rem alienam domino ſuo reſtituendi, toties denovo peccat non

restituendo: etiamsi nullum actum positivum habeam, quo rem alienam injuste velim apud me tenere. Satis enim est ad peccatum novum usurpatio ipsa libera exterior rei alienæ, eo tempore, quo oportebat eam domino reddere.

At præceptum pœnitentiæ, per quam homo peccatum ligit, & deserit, sicut & charitas, quæ radix, & fundamentum pœnitentiæ est, revera (quicquid Cajetanus intelligat) præceptum est affirmativum, nec includit negativum, nisi quemadmodum omnia affirmativa dicuntur includere de actu contrario; ut præceptum charitatis secum habet annexum præceptum odii negativum; præceptum temperantiæ negationem intemperantiæ; spes quoque desperationem, fides infidelitatem negat & prohibet: Sic præceptum pœnitentiæ ex consequenti vetat, ne quis impenitens sit impenitentia positive contraria. Quo fit, ut non pœnitere proprie contra præceptum affirmativum sit, non contra negativum. Quocirca tunc solum peccatum erit, cum præcepto affirmativo fuerit adversum; adversatur autem, cum quis eo tempore pœnitentiam non agit, quo ex præcepto agere tenebatur, hoc est, in articulo necessitatis, quemadmodum superius explicatum est circa conclusionem quartam hujus questionis.

Sed est tamen similitudo utriusque præcepti & restituendi, & pœnitendi proportionalis duplex: Prius, quod quemadmodum non dimittitur peccatum, nisi restituatur ablatum; ita quoque non dimittitur, nisi agatur pœnitentia. Posterius etiam hæc duo præcepta in hoc assimilantur, quod sicut non restituere rem alienam injuste detentam habet malum statum peccatoris annexum, ita & non pœnitere de peccato commissio. Quo fit, ut siue hic, siue ille, hoc est vel qui non restituit, vel qui non pœnitet, in actum positivum exeat, alter quo vult non restituere, alter quo vult non pœnitere, semper peccet novo peccato. Et quidem frequenter loquendo (ut Theologos decet) in promptu patet id, quod diximus. Avarus enim prave affectus aliena re dectinenda, cum in mentem illi venit aliena res, si in actum voluntatis positivum prodeat, quo videlicet vult non reddere, ex consequenti, ut experimento constat, statum il-

lum probat, & eligit in quo est; & qui non pœnitet, simili ratione, si peccata quæ fecit, illi occurrant, habeatque actum voluntatis positivum, plerumque nihil aliud, quam consentit, & probat statum peccati, quod ante commisit.

Quod si volumus etiam rem hanc magis premere, sine dubio peccator, cui peccata memoriæ occurrunt, nec pœnitet, si quem actum eliciat pro tempore, quo non tenetur pœnitentiam agere, semper peccat peccatum novum. Illud siquidem obiectum volitionis, quæ volo non pœnitere, etiam dum non teneor, nulla ratione honestari potest, cum actus oppositus, hoc est pœnitentia, & contritio omni tempore usque adeo bona, & honesta sit, ut contrarius actus, quo pœnitere nolo, nullo unquam tempore honesti rationem habeat. Non assero tamen, esse peccatum mortale, velle non pœnitere tempore, quo non teneor, peccatum (inquam) mortale ex genere suo: est tamen veniale, quia non habet obiectum honestum: actus vero indifferentes schola nostra pœnitens rejicit. Hunc igitur in sensum D. Thomas intelligendus est, ut scilicet homo statim teneatur, imo semper, pœnitere de peccato commissio, non positive, dolendo, sed negative, non complacendo: quo etiam sensu ipse idem loquitur 3. p. q. 84. ar. 8. ubi secutus Divum Augustinum lib. de pœnitent. cap. 13. & habetur de pœnit. dist. 3. cap. pœnitentia est: & Hupocem de S. Victor. dicentem, quod Deus absolvens hominem a vinculo culpæ, & pœnæ æternæ, ligat tamen vinculo perpetuæ detestationis peccati, asserit, pœnitentiam etiam post remissionem peccati debere durare usque ad finem vitæ. Quod egregie annotavit Cajetanus in Comment. supra eundem D. Thomæ articulum. Nam quod post imperatam veniam per primam contritionem, homo iterum atque iterum dolere teneatur, nulla ratione nititur, nisi cum homo dubitat, an vere fuerit contritus. Tum enim locum habet, quod Isidorus tradit lib. 2. de sum. bono: Proprietas Dei occulta est, sine intermissione flere necesse est.

Quem etiam in modum possemus explicare, quod in 4. sent. dist. 17. dixit, Hominem præcepto pœnitentiæ obligari, cum peccata memoriæ oc-

Supra art. 1.
§ 4. q. 1. p.

currunt : Tenetur enim non sibi ipsi placere in peccato commisso, quod occurrit. Quare nisi actum suspendat (quod tamen rarum, & difficile est) si non peniteat, semper peccabit. Scio Cajetanum huic ipsi loco ex 4. Sententiarum deprompto aliter occurrere. Legat qui vult: nec enim ejus intelligentia omnino pessima est.

Pro secundi vero argumenti solutione notandum est, discrimen esse inter bona corporis, scilicet salutem & vitam corporalem, & bona animæ, hoc est, salutem, & vitam spiritualem: quod illorum non magis sumus domini, quam vitæ, & salutis proximorum nostrorum. Nam vitæ, & mortis solus Deus sibi dominium reservavit; posteriorum vero bonorum unusquisque dominus est, habetque eandem liberam potestatem, quam pecuniæ, & reliquæ rei familiaris. Hoc autem discrimen primum ratione constat. Sumus enim domini eorum bonorum, quæ nostra diligentia, labore, atque industria comparavimus. Cum ergo bona spiritualia, hoc est, virtutes, quibus salus, & vita animæ continetur, nostra libertate, & industria interveniente nobis obveniant, nostro ea nobis jure vendicamus: nam & hoc titulo opifex quisque sui operis dominus est: vita autem corporis nature donum est, non ingenio nostro, aut industria parum. Quocirca nihil mirum, si nature author hujus rei dominum sibi assumpsit.

Quod etiam bonorum spiritualium domini sumus, testimonium illud Ecclesiæ. cap. 15. confirmat: Deus ab initio constituit hominem, & reliquit illum in manu consilii sui, posuit ante illum vitam, & mortem, &c.

Signo quoque manifesto hoc discrimen innoscitur. Nam si mortem mihi confisco, non aliter contra præceptum illud, Non occides, pecco, quam si proximum interficerem. Item, si ex gula cibum aliquem sumo vitæ corporali noxium, duplex peccatum pecco, alterum contra temperantiæ legem, alterum contra illud, quo teneor vitam corporalem servare, & meam, & alienam, non tanquam dominus, sed tanquam dispensator, & custos. At vero si mortis spiritualis mihi causa sum, jactura mihi imputatur. Quin si per fornicationem gratiam, virtutem, salutem, vitamque animi perdam, unicuique fornicationis peccatum agnoscitur.

Quo uno argumento satis liquet, bonorum spiritualium nos esse vere dominos, non dispensatores, quando hominum dissipatio nobis non imputatur ad specialem culpam.

Ex hoc etiam discrimine ratio patet, cur volenti se occidere corporaliter quisque privatus vim possit inferre, cogereque vel invitum, ne se occidat: quam tamen vim volenti se spiritualiter interficere, non licet inferre, nisi is qui infert, superior auctoritate, & potestate sit. Cujus differentia (ut reor ego) non alia causa est, nisi quod vitæ suæ corporalis nemo est dominus. Unde sicut volenti alium occidere, vim inferre quilibet potest, ut inspediat; ita & seipsum interimere volenti. At cum vitæ spiritualis unusquisque sit dominus, injuriam illi feceris, si vim æmuleris, non aliter ac si domino pecuniarum pecunias suas, etiam prodige consumenti, manus ad impediendum injicias violentas.

Hæc igitur explicatis, facile patet, consequentiam illam non valere: non enim, si statim vitæ corporali sive proximi, sive mei teneor succurrere, statim quoque teneor vitæ spirituali mederi, præsertim mei, cujus sum dominus. Certe si salutis corporalis liberum dominum haberemus, qui quartanam febrem, quam proximus sanare posset, ad duos usque annos differret, mortaliter non peccaret. Nunc autem si quis vel in se, vel in alio gravem aliquem morbum, quem pellere illico posset, ad longum tempus protraheret, nescirem equidem excusare a peccato mortali.

Ad tertium negatur item consequentia: nec enim ego antecedens (quod nonnulli faciunt) negare possum. Scio quidem, latitudinem quandam esse in ea temporis celeritate, quam homini ad compensandam injuriam proximo illatam præstitimus. Sed qui proximum læsit in honore, vel fama, si habens opportunissimam opportunitatem injuriam compensandi negligit, & ad finem vitæ reservat, non exilium tam temerarium & inconsultum Theologum esse futurum, ut illum per quinque etiam annos cessantem & torpentem excuset. Certe Christus non excusaret: an Theologi debeant, ipsi viderint. Consequentiam igitur ego nego, quia compensationem injuriæ fa-

At proximo, non solum propter nostras utilitates, verum ac multo etiam magis, propter utilitatem ejus, cui injuria facta est, legislator exigit. At compensatio injuriæ, quæ Deo per peccatum fit, non propter Dei commoditates, sed propter nostras exigitur, quippe cum compensationis nostræ Deus non indigeat, nos egeamus. Quo fit, ut bona sua Deus in hac parte pro nostris habeat. Unde ad eandem legem postulat, quæ illi debemus, & quæ debemus nobis ipsis; nec arctiore vinculo satisfactionem efflagitat injuriæ suæ, quam remedium salutis nostræ. Tum ergo tenebimur Dei compensare injuriam, cum bona nostra spiritualia diligere tenebimur, inque necessitatis articulo procurare.

Ad quartum (quoniam præcedentis argumenti confirmatio ex dictis facile solvitur) non desunt, qui antecedens inficiuntur, eo quod apud Div. Augustinum, lib. 1. de Civit. Dei, cap. 9. correctionem fraternam in aliud tempus commodius reservare licet. At hi (bona venia me audietis) Divi Augustini intelligentiam non assequuntur. nusquam enim Divus Augustinus credit, ubi se offert magna commoditas corripendi fratrem, hoc est, cum id fieri potest nulla mea jactura, multa iustitiae commoditate, licitum esse pro meo arbitratu, correctionem fraternam in alium annum remittere, ubi expectetur vel æqua commoditas, vel etiam major. Sed id sentit prudentissimus author: Cum correctio sine jactura mea fieri non potest, differri nonnunquam posse in tempus, ubi commodius sine jactura mea fiat. Cum igitur interior penitentia ubique gentium, & omni tempore fieri commodissime possit, si non licet liberationem proximi differre, si fieri commodissime potest, ergo nec nostram. Sed nego tamen consequentiam, quia bonorum spiritualium proximi mei cultus sum, non domus: idcirco illum mox eripere teneor, & vivificare, si possum; meipsum non mox teneor, etiam si possum. Commoditas præterea ad corripendum fratrem, non semper, & ubique parata est: idcirco quando sese offert, lex præcipit, ut arripiatur. Commoditas autem eripiendi nos omni tempore, & loco est in promptu. Quare noluit nos suavisissimus legislator semper obligare, quocumque opportunitas adesset, ne

nos innumeris peccatis involveret. Ac revera (ut unumque opinemur) negare non possumus, inter bona proximi, & nostra longum esse intervallum. Nam bovem proximi, aut ovem jacentem levare teneor, & servare, si possum, bovem meum, aut ovem non item, nisi res esset ad vitam meam conservandam necessaria: tunc enim, sicut nec vitæ, ita nec illius rei, sine qua vita non degitur, liberam habeo facultatem. Sic ergo & bona spiritualia proximi mei, etiam extra mortis æternæ periculum, curare teneor, mea non perinde, nisi cum articulus necessitatis propriæ spiritualis occurrit, hoc est periculum mortis æternæ.

Ad testimonium vero Divi Gregorii, quod ibi subjungitur, fateor equidem, quod si quis periculum proximum & certum in se videret incidendi in novum peccatum mortale, nisi antiquum aboleret, teneretur tunc temporis penitentiam agere. Quemadmodum enim, qui ex assidua consuetudine jurandi intelligit, se in eo periculo constitutum, ut facile exeat in perjurium, obligatur consuetudinem illam retrahere, per quam in periculo dejerandi constituitur; sic qui ex assuetudine peccandi cognoscit, se ad aliud atque aliud peccatum trahi, nec tentationibus quotidianis sine ingenti periculo posse resistere, videtur proculdubio teneri ad illum statum deferendum. Et hinc patet, quid ad Leonis Papæ verba dicendum sit. Id vero quod ex Ecclesiastico additur, consilium saluberrimum est, non præceptum. Consilii autem ratio redditur, Ne forte subito præoccupati hora mortis, queramus spatium penitendi, & invenire non possimus.

Jam quinti argumenti concedo primum consequens, si nihil aliud ibi significetur, quam non esse peccatum penitentiam differre: sic enim interdum solemus appellare licitum, quod peccatum non est. Sed cum rursus colligis, ergo velle differre licitum est, nego consequentiam. Nam talis volitio non habet bonum obiectum, ut ante diximus: non enim ii sumus, qui admitamus, aliquem actum esse licitum, qui meritorius esse nequeat. imo ne bonus quidem moraliter, quod nonnulli libera fronte concedunt. Ergo cum tandem obijcis, Quod licet facere, licet velle, bene dicis, si quæ dicis, attendis. At penitentiam differre non est face-

re, sed non facere: non autem statim licet velle non facere, quæ non facere licitum est, id est, quæ si non feceris, non peccas: Verbi gratia, non levare festucam, illicitum non est; at velle non levare, si nullum finem honestum apponas, otiosum ac proinde illicitum est. Item, non facere bonum interdum licet, videlicet cum non teneor: at velle non facere (quod retro etiam diximus) nulla ratione honestari potest.

Ad sextum argumentum: Licet præceptum negativum generale sit, ne fiamus inimici Dei per actum, quo inimicitia contrahitur; at ne simus inimici Dei secundum reatum, nullo negativo præcepto sumus astricti. Sicut enim de amicitia habituali Dei nullum præceptum affirmativum est, sic de inimicitia, quæ secundum reatum est, quasi habitualis, nullum est negativum: omnes siquidem leges præcipiunt, vel prohibent actus, non habitus. Et cum obijciatur: Velle esse Dei inimicum secundum reatum, etiam est intrinsece malum, fateor id quidem, quia ut volitio mala sit, satis est objectum esse malum, sive secundum actum, sive secundum reatum: nam qui positive vult habitum habere vitii, vel etiam esse reatu malus, consentit in rem, quæ rectæ rationi adversatur, imo adeo implicite consentit in culpam, sine qua nec habitum vitii habere, nec reatu malus esse potest: non tamen proinde sequitur, quod sit præceptum de non persequendo in peccato, sed solum ne velimus malum, quod cum recta ratione pugnat. Atque (ut uno verbo dicamus) velle Dei inimicitiam, directe charitati adversatur; at non velle amicitiam, eo scilicet tempore, quo non teneor velle, charitati non repugnat. Quare negatur consequentia.

Ad ultimum: Quamvis sciam ego, Secutum & Gabr. in 3. dist. 37. Angelum in verbo, Ferix, Nider. in suo Præcept. Florentin. parte 2. tit. 9. asseruisse, in diebus festis, maxime Dominicis, teneri homines ad diligendum Deum super omnia, ac proinde si in peccato sint, ad habendam contritionem: sed quoniam ignoro, unde ad hanc opinionem Doctores illi venerint, libere possum, quod non satis explore perceptum sit & cognitum, sine ulla dubitatione negare. Nam sicut esse plures mundos naturalis ratio negat,

quoniam plures esse, ratio nulla naturalis probat; sic peccati mortalis obligationem rationabilissime ubique negabimus, quoties idoneis argumentis non asseritur. Nam illud imbecillum est, quod subjungitur, cum ex D. Thomæ & graviorum auctorum sententia ad finem legislatoris minime teneamur, sed ad media, quæ lex finis gratia consequendi præscribit. Non enim, si finis præcepti charitas est, tenemur protinus omnia præcepta legis implere ex charitate: nec si lex jubet Quadragesimæ jejunium, ut mens elevetur in Deum, astringimur proinde ex hujus præcepti vigore, mentem in Deum elevare. Quod vero dicitur, tenendam esse mentem legis, non verba, sit ita sane: sensum enim legis amplectimur, non sonum verborum. Credimus namque legem in eo sensu accipiendam, quem per verba legislator efficere voluit.

Jam illud, quod ex Levitico asseritur, nullius est momenti: Primum, quoniam lex vetus abolita est, nec nos obligat nisi ea parte, qua legis naturæ præcepta continebat. Deinde, quoniam lex de certo quodam die loquebatur, quod festum propitiationis erat, ubi sacerdos semel in anno peculiariter pro peccatis populi orationem fundebat ad Deum, atque hostias offerebat, ut quod nunc Ecclesia facit semel in anno obligans ad pœnitentiæ sacramentum, tunc in vetere illo populo præsignaretur. Non erat autem lex, quæ singulis festis & Sabbatis hanc animi afflictionem præscriberet.

Ac mihi videor satis de pœnitentiæ virtute differuisse: proximum est, ut de pœnitentiæ sacramento differamus, videamusque jam ea, quæ sequuntur. Primum, an Pœnitentiæ Sacramentum sit ad salutem necessarium: deinde, an de Pœnitentiæ Sacramento præceptum sit. Hæc enim ex mea partitione restant duo, de quibus accuratius disserendum puto, quoniam utraq; Disputatio & ad agnitionem Sacrarum literarum pulcherrima est, & ad componendas multas Scholasticas concertationes necessaria.

P A R S Q U I N T A .

De necessitate Sacramenti Pœnitentiæ.

5. quæst.
princip.

Ration.
dubitã-
di pro
negativ.
parte.

ad 16. a. 2.
q. 1. Et 1. p.
q. 1. art. 7.
ad 2.

7 de anim.
ita. 47.

Joan. 6.

QUOD igitur Pœnitentiæ Sacramentum non sit fidelibus ad salutem necessarium, primum suadet ex eo, quod post Baptismum, qui in peccatum incidit, non potest per pœnitentiam reparari, ut Apostolus ad Heb. 6. videtur affirmare, cum ait: Impossibile est eos, qui semel sunt illuminati, & participes facti sunt Spiritus sancti, & prolapsi sunt, rursus renovari ad pœnitentiam. Et cap. 10. Voluntarie peccantibus nobis post acceptam noticiam reparari, jam non relinquitur pro peccatis hostia, terribilis autem quedam expectatio iudicii, & ignis æmulatio, quæ consumptura est adversarios.

Præterea, a præciso Sacerdote non possumus etiam in mortis articulo hoc Sacramentum fumere, ut D. Thomas autor est. Liceret autem, si esset ad salutem necessarium, cum ob id ab Hæretico & Schismatico Sacramentum Baptismi licite suscipiamus.

Præterea, Deus non deficit in supernaturalibus necessariis, sicut nec natura in necessariis deficit: si ergo Sacramentum hoc ex divina institutione esset medium ad salutem necessarium, certe providisset Deus de ministro in articulo mortis. Quare jure divino quilibet Sacerdos quemlibet tunc temporis posset absolvere, sicut & baptizare tunc quilibet quemlibet potest. Quocirca talem Ecclesiæ potestatem Sacerdotibus simplicibus adimere non valet, quod absurdum est.

Præterea, si sine hoc sacramento non constaret salus, ergo summo Pontifici via salutis non pateret, cum nullum habeat in terra superiorem & iudicem. At minister hujus sacramenti iudex & superior est, pœnitens inferior ac iudicatus: non igitur est hoc sacramentum de necessitate salutis.

Præterea, si hoc sacramentum necessarium esset, id maxime ex verbis thematis: Nisi pœnitentiam habueritis, &c. Sed inde non probatur: pari enim ratione ostenditur, sacramentum Eucharistiæ esse ad salutem necessarium, cum in eundem modum dicat Dominus: Nisi manducaveritis carnem Filii hominis, &c.

Præterea, Div. Chrysostomus Homilia secunda in Psal. 50. Peccata tua inquit, dicit, ut deleas illa: si confunderis alicui dicere, quia peccasti, dicit ea quotidie in anima tua: non dico, ut confitearis confervo tuo, dicit, Deo, qui curat ea. Et in Oratione de beato Philogonio, Ego testificor, ait, ut si quisque nostrum recedens a pristinis malis ex animo vereque promittit Deo, se postea nunquam ad illa rediturum, nihil aliud Deus requirat ad satisfactionem ulteriorem. Idem in sermone de Pœnitentiæ & Confessione, & Homil. 10. in Genesim, & super Epistolam ad Hebræos Homilia 31. relecturque a Gratiano de Pœnitentiæ, distinct. 1. cap. Quis aliquando: & a Magistro in 4. dist. 17. Igitur Sacramentum Confessionis & Absolutionis Sacerdotalis non est ad salutem necessarium.

Et confirmatur, quia Nestarius Episcopus Constantinopolitanus Chrysostomi antecessor, abrogavit Confessionem quæ Sacerdotibus fit, ut lib. 9. Historiæ tripartitæ cap. 35. Sozomenus refert: Non autem vir sanctus abrogaret, si Sacramentum Confessionis esset ad salutem necessarium. Et confirmatur rursum, quia apud Græcos post illa tempora confessio, quæ sacerdoti fit, rejecta est atque abolita: non erat ergo medium necessarium ad salutem, alias exinde nullus Græcorum salutem fuisset consecutus: quippe (ut ante docuimus) in mediis ad salutem necessariis nemini ignorantia patrocinator, ut sine illis æternam salutem possit adipisci: quæ est ratio glossæ de Pœnitentiæ, dist. 5. statim a principio, ubi tenet, Confessionem esse institutam ex Ecclesiæ traditione potius, quam ex novi testamenti autoritate. Idem tenet Panorm. super caput, Omnis utriusque sexus, de Pœnitentiis & Remissionibus. D. quoque Bonaventura dist. 17. 4. Sententiarum, q. 3. art. 3. asserit, Confessionem non esse institutam a Christo, sed ab Apostolis: Non ergo ita gravis est error, negare, Confessionem Sacramentalem apud Sacerdotes esse ex Divino jure ad salutem necessarium.

In contrarium est D. Thomas 3. p. quæ. 84. art. 5. ubi ex verbis Thematis colligit, Pœnitentiæ sacramentum esse ad salutem necessarium. Quemadmodum enim de Baptismo instituendo Dominus loquitur, cum ait: Nisi quis re-

Habet.
hæc rat.
in 10. 3.
edit. Pa-
ris.

Luc. 12.
MATTH.

Tota. 3.

Resolutio quæstionis.

1. Fundamentum.

natus fuerit ex aqua & Spiritu sancto, &c. ita de Pœnitentiæ Sacramento, quod erat instituturus, videtur loqui, cum dicit: Nisi pœnitentiam habueritis, &c.

In hujus controversiæ explicatione ponenda mihi sunt fundamenta quædam ad futuram fabricam constituendam necessaria.

Primum est, pœnitentiam exteriorem, in qua Sacerdos pœnitentem a peccatis absolvit, esse sacramentum. Hoc fundamentum primi Novatiani evertere voluerunt: negarunt enim, Sacerdotes per Absolutionem peccata remittere, atque ex consequenti negarunt Pœnitentiæ Sacramentum, quod utique nullum est, si remissio peccatorum in eo non est. Adversus quos disputat Div. Ambrosius lib. 1. de Pœnitentia, cap. 2. & 6. & 7. Hos Vviclefistæ postea secuti sunt (autor est Thom. Vvaldensis lib. de Sacramentis, cap. 135.) negaverunt enim etiam ipsi, Sacerdotes vere absolvere pœnitentes. Quæ tamen est aperta hæresis. Primum, ex cap. Ad abolendam, Extra. de Hæretic. ubi Innocentius III. inquit: Universos qui de Sacramento Corporis & Sanguinis Domini nostri, vel Baptismate, seu de peccatorum Confessione, vel reliquis Ecclesiasticis Sacramentis aliter sentire, aut docere non metuunt, quam sacrosancta Romana Ecclesia prædicat & observat, vinculo perpetui anathematis innodamus.

Deinde, ex Concilio Florentino sub Eugenio IV. in decreto super unione Armenorum, ubi Pœnitentia numeratur inter reliqua novæ legis Sacramenta. Item ex Concilio Trident. sess. 7. can. 1. de Sacramentis in genere.

Præterea, ex c. Firmiter, ubi definitur, quod Jesus Christus claves Ecclesiæ commisit Apostolis, eorumque successoribus. Clavis autem a Catholico intelligitur potestas aperienti regnum celorum, ac proinde absolvendi a peccatis, per quæ regnum celorum peccatoribus clauditur. Nec hujusmodi intelligentiam aliunde, quam a Christo Dom. accepimus, qui Matth. 16. cum claves Petro pollicitus esset, explicans evestigio, quidnam ipsi polliceretur, Quodcumque, inquit, solveris super terram, erit solutum & in celis.

Communis quoque Ecclesiæ consensus id confirmat, quæ est columna &

firmamentum veritatis, ut dicitur 1. ad Timoth. 3. Credunt enim omnes fideles, cum peccata sua Sacerdotibus confitentur, & ab eis percipiunt Absolutionis formam, remissionem quoque peccatorum similis percipere. Merito igitur Concilio Constantiensis præsidens Martinus V. in Bulla condemnationis Joannis Vviclefii definit, quod Sacerdos potest peccatorem confessum a peccatis absolvere, & quod Sacerdos, etiam malus, cum intentione faciendi quod facit Ecclesia, vere conficit, vere absolvit, &c.

Suppetunt etiam Sacrarum literarum testimonia ad hujus rei confirmationem, ut illud quod D. Ambrosius adducit Matth. 16. Tibi dabo claves regni celorum, & quodcumque solveris super terram, erit solutum & in celis. Item illud 2. ad Corin. 2. Si quid donastis, & ego: nam & quod ego donavi, propter vos in persona Christi. Et cum Sacerdotes in Baptismo absolvant a peccatis, eo quod Baptismi ministerium illis commissum est pari ratione & in Pœnitentia. Quid enim interest (ait Divus Ambrosius) utrum per Pœnitentiam, an per lavacrum hoc jus sibi datum vendicent Sacerdotes? Nempe unum in utroque ministerium est. Nam ut illis dictum est Matth. ultimo, Baptizate omnes gentes, &c. ita Joannis 20. Dominus ait: Sicut misit me Pater, & ego mitto vos: accipite Spiritum sanctum, quorum remiseritis peccata, remittantur eis, & quorum retinueritis, retenta sunt. Si ergo acceperunt Sacerdotes potestatem remittendi peccata, & eam exercent absolvendo confitentes peccata sua, sine dubio signa illa sensibilia sunt Sacramentum.

Secundum fundamentum: Hæresis est, negare, Sacramentum Pœnitentiæ esse judicium quoddam ex Christi institutione, hoc est, Sacerdotes remittentes peccata esse veros judices a Christo Domino constitutos. Decipiuntur enim nonnulli existimantes, confessores esse judices arbitros, habentes videlicet potestatem ex electione judicandorum. Qui profecto errant in media luce. Nam potestas remittendi peccata Sacerdoti a peccatoribus conferri non potuit, sed a solo Christo, cujus sunt judices delegati.

Præterea, Claves non conferunt Sacerdotibus ipsi peccatores, sed ipse

Do-

1. Fundamentum.

Dominus Jesus Christus contulit eas Apostolis, eorumque successioribus, ut in cap. Firmiter, de summa Trinitate, definitur. Potestas ergo solvendi, atque ligandi peccatores a Christo Domino Sacerdotibus collata est.

Præterea, Manifestissime hæc res ostenditur ex illis verbis jam citatis: Sicut misit me Pater, & ego mitto vos; quorum remiseritis peccata, remittuntur eis, &c. Sunt ergo judices a Christo constituti, a quo acceperunt potestatem peccatores judicandi. Quod si princeps, qui haberet a Cæsare potestatem delegandi, diceret cuiquam: Sicut misit me pater, & ego mitto te, quorum remiseris delicta, &c. non dubitarem, ejusmodi hominem esse a principe filio Cæsaris judicem delegatum. Cum igitur Filius Dei, homo Christus Jesus, cui omne judicium datum est, omnique potestas in cælo, & in terra, dixerit Apostolis, Sicut misit me Pater, &c. ambigi nulla ratione potest, eos esse judices peccatorum a Christo Domino constitutos.

Præterea, Ecclesie consuetudo apertissime indicat Pœnitentiae Sacramentum exerceri judicialiter: est enim ibi reus, & accusator, est sententia, est poena injuncta: Sed hæc potestas, quam exercent Sacerdotes in Sacramento, est a Christo, ut probatum est: ergo ab eodem instituti sunt judices.

Ad hæc, in Concilio Florentino definitur, quod minister hujus Sacramenti est Sacerdos habens auctoritatem absolvendi vel ordinarii, vel ex commissione superioris: Ergo si jurisdictionis potestas in ministro hujus Sacramenti requiritur, jam palam fit, Sacramentum hoc esse judiciale ex institutione Christi. Nam sicut pastores ovium Christi non sunt pastores ab ovibus, sed a Christo: Joan. 21. Pasce oves meas: Ad Ephes. 4. Ipse dedit quosdam quidem Apostolos, alios pastores, &c. Ita non sunt judices ovium ab ovibus, sed a Christo: nam quibus commisit ut oves pascerent, commisit simul ut de ovibus judicarent.

3. Fund.

Tertium fundamentum. Non possunt judices constitui a Christo judicare de peccatis, nisi ea cognoscant. Hoc lumine naturali manifestum est: nisi enim innotescant delicta judicanti, ignorare necesse est, utrum solvere debeat an ligare, remittere an retinere. Quare sive absolvat, sive retineat, utra-

que sententia erit imprudens.

Item, quia vel iudex delegatus aliquam poenam injungit pro delicto, vel nullam: si nullam, iniquus est minister iustitiæ: si aliquam, imprudentissimus est quamlibet injungendo sine cognitione delicti. Nam & æquali poena inæqualia crimina vindicabit, & æqualia inæquali. Cum igitur Christus non instituerit judicium absurdum, & imprudentia plenum, certe instituendo judices pariter instituit, ut delictorum haberent cognitionem, ne turpiter in iudiciis aberrarent.

Quartum fundamentum. Omnium peccatorum tam publicorum, quam occultorum, tam exteriorum, quam interiorum Sacerdotes constituti sunt judices. Patet ex universalis sermone: Quorum remiseritis peccata, remittuntur eis, &c. Joan. 20. Matth. 16. Tibi dabo claves regni cælorum. Et, Quodcumque solveris, &c. Alioqui tota Ecclesia seduceretur, quæ putat se accipere etiam remissionem delictorum occultorum, quæ Sacerdotibus confitetur: seduceretur, inquam, si non accepissent potestatem remittendi cum publicis etiam occulta peccata.

Præterea, si Christus de solis exterioribus loqueretur, ergo per Absolutionem Sacerdos remitteret solum exteriora peccata, & non interiora: quare dimidiatam veniam præstaret; aut enim: Quorum remiseritis, remissa sunt, & quorum retinueritis, retenta sunt.

Quintum fundamentum, Pœnitentiae Sacramentum tres partes habere, Contritionem cordis, Confessionem oris, Satisfactionem operis. Quæ videlicet quasi materia sunt hujus Sacramenti. Nam verba Absolutionis Sacerdotalis forma sunt, quæ hoc Sacramentum perficiunt. Nec me clam est, Scotum in 4. dist. 14. quæst. 4. & distinct. 16. quæst. 1. id negare, quod nos tanquam fundamentum jacimus: credit enim, solum Absolutionem Sacerdotis esse integrum Pœnitentiae Sacramentum, quia sola (inquit) ea significat gratiam, solæque promittit gratiam præstare. Durandum etiam in 4. distinctione 16. quæstione 1. in eadem erroris navi versatus, quatuor de causis dixit Contritionem, & Satisfactionem non esse hujus Sacramenti partes. Primam posuit, quod forma, idest Absolutio, non applicatur nisi Confessioni: ergo sola Confessio est materia, cui scilicet soli forma tota adjungitur;

4. Fund.

5. Fund.

Arg. cō-
tr. Scoti,
& Dura.

nam

nam & rei artificialis materia ea est integra, cui forma integra artis admodum. Alteram, quod contritio non est signum sensibile, res autem sensibiles Sacramentorum materiz sunt. Tertiâ, quod attritione sola verum, atque integrum conficitur Sacramentum: quod si contritio esset huius Sacramenti pars, non posset alia loco illius subrogari. Quartam causam esse, eamque vel maximam, quod Satisfactio sit posterior tempore, quam Absolutio Sacramenti: nec enim est totum successfulum, sed permanens, quod suas omnes partes simul habere necesse est, cuique jam existenti, si posterius tempore quicquam contingat, non est pars, sed accidens rei. Et confirmatur, quia tanta potest esse contritio, ut tota pœna remittatur: erit ergo tunc satisfactio superflua. Quare non est pars: nunquam enim pars suo toti supervacanea est.

At vero omnia hæc commentitia sunt, nec possunt fundamentum, quod jecimus, infirmare: habetur enim ex Concilio Florentino, cuius auctoritatem theologi sane tenere debemus. In Concilio siquidem Florentino definitur, Omne sacramentum materia, formaque constare. Et postea: Quartum, inquit, sacramentum est pœnitentia, cuius quasi materia sunt actus pœnitentis, qui in tres distinguuntur partes, cordis contritionem, oris confessionem, operis satisfactionem: formæ autem sunt verba absolutionis. Hactenus Concilium Florentinum. Et Concilium Tridentinum sess. 6. cap. 14. Docendum est, inquit, Christiani hominis pœnitentiam (quam secundam tabulam post naufragium sancti Patres apud nuncupaverunt) non solum continere cessationem a peccatis, & eorum detestacionem, verum etiam eorundem sacramentalem confessionem, itemque satisfactionem. Hæc synodus Tridentina. Ratio quoque in promptu est. Quia cum pœnitentiæ sacramentum quoddam iudicium sit, ejus integritas ex his omnibus constat, sine quibus integrum iudicium non est. Sicut & processus judicialis multis actionibus continetur, videlicet accusatione, testimoniis, confessione ipsius rei, sententia iudicis, &c. Omnia hæc enim ad integrum iudicium requisita sunt.

Contritio itaque pars huius sacramenti est, quatenus est ratio exterioris con-

fessionis, ut videlicet confessio non ficta sit, sed verus pœnitentiæ actus. En indicere multam, atque eam executioni tradere, ad integritatem iudicii pertinet. Siquidem non est perfectum iudicium, quo absolvitur reus a culpa, nisi pœna per sententiam iudicis executioni tradatur. Quapropter satisfactionem a sacerdote iunctam sacramenti judicialis partem esse, negare nullo modo debemus.

Ad argumentum vero Scoti, non est difficile inficiari, solam absolutionem gratiam conferre. Nam sicut in iudicio iori exterioris, si quis per legitima testimonia & suam confessionem absolvatur, omnia hæc sunt vere causa illius absolutionis, licet iudicis sententiam, ut præcipuam causam, spectemus; ita quoque in foro conscientie interiori princeps quidem causa absolutionis sacerdotis sententia est, sed ratio tamen & causa concurrens, ut rite pœnitens absolvatur, testimonium etiam illud fuit, quod adverbum se pœnitens dixit, five accusationem vocare malis, quæ accusavit. Unde patet error glossæ de pœnitentia, distinct. 1. cap. 1. dicentis, nec cordis contritione, nec oris confessione peccata dimitti, sed tantum gratia Dei. Nam in omnibus aliis sacramentis, non solum forma, sed etiam materia est causa instrumentalis, qua Deus utitur ad remittendum peccatum: aqua enim baptismi, nedum forma verborum, corpus tangit, & cor abluit, ut Divus Augustinus asseruit. Quod nem in ceteris sacramentis inducere possumus. Cum ergo tam contritio, quam confessio partes sint huius sacramenti, consequens fit, ut gratiæ causa etiam existant.

Ad primum vero argumentum Durandi respondetur: Non omnes partes integrales ejusdem rationis esse. Etenim (ut modo dicebamus) in iudicio prophano aliter est pars confessio rei, aliter testimonium testium, & aliter multa a iudice inflata pro culpa commissa. Et licet per sententiam quis absolvatur a morte, & absolutio delicto applicetur, quod morte non erat dignum; si tamen indicatur a iudice pecuniaria multa, illius executioni spectat ad iudicem integritatem, licet absolutio adiungatur. Et ideo D. Thomas tertia parte, quest. 90. art. 2. docuit, has tres partes materiam appellari sacramenti, quia partes, ex quibus integratur totum, habent

Ad arg.
Scoti
spond.

Resp. ad
arg. Du-
randi.

540
habent se ut materia. Et Concilium Florentinum non dixit, hujus sacramenti materiam esse actus pœnitentis, sed quasi materiam.

Ad secundum respondet D. Thomas, (est enim primum argumentum illius secundis articuli) quod contritio virtualiter pertinet ad exteriorem pœnitentiam, in quantum implicat propositum confitendi, & satisfaciendi. Contritio siquidem (ut recte Cajetanus admonuit) non quomocunque est pars hujus sacramenti, sed quatenus refertur ad claves Ecclesiæ, habet enim pars, in eo quod pars, ordinem ad totum, & ad reliquas partes. Sic ergo contritio accepta includit voluntatem compensandi delictum ad arbitrium sacerdotis, qua consideratione initium est, & ratio exterioris pœnitentiz. Constat autem, interiores actus hoc modo ad exterius judicium pertinere: aliter enim judicatur offendens ex odio, aliter offendens ex ira. Compensatio item pœnitentiz, nisi sponte fiat a reo, non est reconciliativa. Quare velle compensare delictum, quod in contritione clauditur, est prima hujus judicii pars, quod est non solum vindicativum, sed conciliativum. Non igitur oportet, quamlibet partem hujus sacramenti esse sensibilem, sed satis est, si sit ratio, quare aliz partes sensibiles ad hoc sacramentum, & judicium pertineant. Idque eo magis, quod hoc totum interius est, quo nihil vetat actus etiam interiores referri.

Ad tertium primo dicitur, quod nomine contritionis in præsentia complectimur attritionem: significamus enim dolorem de peccato cum proposito cavendi in futurum. Nec id nos somniamus, sed ipsum Concilium Florentinum ita nomen contritionis explicuit. Deinde respondetur, quod contritio ponitur pars sacramenti, quia est certa, & indubitata materia. Quod autem attritio sufficiat, quamvis verum sit, non est tamen adeo certum, & indubitatum: & ideo Concilium Florentinum, communisque sententia tenens certum, relinquens incertum, ponit contritionem partem esse hujus sacramenti.

Ad quartum nego consequentiam: capilli enim, & ungues partes hominis sunt, nec tamen simul cum homine nascuntur. Accusatio quoque, testimonium, sententia judicis, solutio pœnitentiz, cum non sint simul, sunt tamen de un-

tegritate judicii. Breviter, in omnibus; quorum partes quandam successione ordinem habent, non oportet integrantes simul esse. Ad confirmationem vero facile dicitur, quod cum sacramenta per homines administrantur, quibus illa grandis contritio constare nequit, an idonea sit ad integram pœnitentiam remissionem; semper opus est satisfactionem injungi, sine qua sacramentum quidem esse potest, sed sine qua tamen manum, & imperfectum est. Quomodo enim & quodcumque aliud judicium, in quo probatus homo sine multa absolvetur. Nam & homo sine digito potest esse, sed erit tamen incommode sine digito. Nec nos asserimus, quamlibet satisfactionem esse partem hujus sacramenti. Satisfactio quippe, quæ ex arbitrio pœnitentis proficitur, nec est pars judicii sacramentalis, nec habet ordinem ad ecclesiæ claves. Unde Concilium Florentinum: Tertia, inquit, pars est satisfactio pro peccatis secundum arbitrium sacerdotis.

Quantum igitur fundamentum (ut cætera omnia, quæ posuimus) cum firmum sit, nihil aliud superest, nisi ut questionem propositam respondeamus.

Prima igitur conclusio fit: Non est necessarium ad salutem sacramentum pœnitentiz in re susceptum: hoc est, potest aliquis salvari, etiam si repta non suscipiat hoc sacramentum, ubi non est facultas suscipiendi. Ac loquitur etiam de eo, qui peccavit mortaliter post baptismum. Id definit in primis Leo Papa in epistola ad Theodorum Episcopum, numero sexagesimonono. Si autem aliquis, ait, quocunque interceptus obitaculo, a munere indulgentiz præsentis exciderit, & priusquam ad constituta remedia pervenerit, temporalem vitam humana conditione finierit, non necesse est nobis eorum, qui sic obierint, merita discutere: cum Dominus Deus, quod sacerdotale ministerium implere non potuit, suæ justitiæ reservaverit. Loquitur de pœnitentiz Sacramento.

Item, baptismus non est necessarius in re susceptus, sed satis est in voto, si haberi aliter nequit: ergo nec pœnitentia. Antecedens probatur ex Divo Augustino, lib. 4. de baptismo contra Donatistas, cap. 22. ex Divo Ambrosio de obitu Valentiniæ ad Theodosium, ex Divo Bernardo epistola 77. ad Ugonem, ubi id eruditissime com-

1. Cocl

mon-

monstrat ex Innocentio de baptismo, cap. Debinum, & de presbyt. non baptizato, cap. 2. Sed & de Pœnitentia, dist. 1. cap. Pœnitet, & distin. 6. cap. Qui vult, referitur testimonium D. Augustini ex libro de vera, & falsa pœnitentia cap. 10. & 12. Et 26. quæst. 6. Si aliquis, referitur in idem testimonium Concilii Epauensis. Nonnulla vero capita ejusdem cause, & quæstionis, quæ in contrarium obijci solent, faciliora sunt, quam quibus a nobis sit respondendum. Illud vero, quod Dominus ait: Quorum retinueritis, retenta sunt, Joann. 20. eandem intelligentiam habet, quam & illud: Nisi quis renatus fuerit ex aqua, &c. scilicet quum adest facultas: nam cum deest, sufficit votum suscipiendi hujusmodi sacramenta, quæcunque dicuntur adultis ad salutem necessaria.

a. Cœcl.

Secunda conclusio: Sacramentum pœnitentiæ est remedium ad salutem necessarium peccatoribus baptizatis, in hunc sensum, ut sit necessarium in re, si facultas adest, sit necessarium in voto, si facultas deest. Hanc conclusionem probat D. Thomas 3. p. qu. 66. art. 4. & qu. 84. art. 5. Quia peccator non salvatur, nisi applicetur ei passio Christi vel in re, vel in voto. Non est enim aliud nomen sub cœlo, in quo nos oporteat salvos fieri. Act. 4. Passio autem Christi applicatur in sacramentis: In baptismo quidem his, qui ante baptismum peccaverunt, in pœnitentia vero his, qui peccaverunt post baptismum.

Deinde probat, quia ægroti nisi per aliquod remedium salvis, sanari non possunt, Matth. 9. Non est opus valentibus medico, sed male habentibus. At Pœnitentiæ sacramentum est medicina salutis, ut ante nobis demonstratum est.

Tertio probat D. Hieronymi testimonio in Commentariis super 3. cap. Esajæ, & in Epistola ad Demetriadem de virginitate servanda, dicentis, secundam tabulam post naufragium esse pœnitentiam; nam primam tabulam baptismum vocat. Patet facile legenti. Idem asserit D. Ambrosius ad virginem Ipiam cap. 8. & Tertullianus in libro de pœnitentia. Confirmatque Trident. Conc. sess. 6. cap. 14. iniquis, Pœnitentiam secundam tabulam post naufragium sanctos Patres apte nuncupavisse. Ne quis autem hanc esse D. Thom. mentem possit ambigere, legat lib. 4. adv. Gent. cap. 72.

Eandem quoque conclusionem tenuit Thomas Vvaldensis lib. de sacramentalibus, tit. 8. cap. 68. citatque Origenem in eandem, qui homilia decima super Numeros, Laicus, si peccet, inquit, ipse suum non potest auferre peccatum, sed indiget sacerdote, ut peccatorum remissionem possit accipere. Et capite sexagesimo nono docet ille idem Thomas Vvaldensis, Joannem Viclef oppositum hujus conclusionis tenuisse: quem secuti Lutherani negant, ad salutem esse hoc sacramentum necessarium. Quamobrem firmiora (si possumus) argumenta debemus afferre, ut hæresis contraria manifestius revincatur.

Hæc itaque conclusio primum certa est per definitionem Leonis Papæ in epistola ad Theodorum Episcopum, 69. & referitur de pœnitentia distin. 1. cap. Multiplex. Multiplex, inquit, misericordia Dei ita lapsibus subvenit humanis, ut non solum per baptismi gratiam, sed etiam per pœnitentiæ medicinam spes vitæ reparatur æternæ, ut qui regenerationis donum violassent, proprio se judicio condemnantes, ad remissionem criminum pervenirent; sic divinæ bonitatis præstidii ordinatus, ut indulgentia Dei nisi supplicatione sacerdotum nequeat obtineri. Mediator enim Dei, & hominum hanc præpositus Ecclesiæ tradidit potestatem, ut & pœnitentibus satisfactioem pœnitentiæ darent, & salubri satisfactione purgatos ad communionem sacramentorum per januam reconciliationis admitterent. Et concludit tandem in hæc verba: Necessarium est, ut peccatorum reatus ante ultimum diem sacerdotali supplicatione solvantur.

Præterea, Matth. 16. Tibi, inquit Dominus, dabo claves regni cœlorum, & quodcunque solveris, &c. Ergo, cum per peccatum mortale a baptismo commissum, calum peccatorum obsideretur, necesse est, ut per claves Petri, & successorum aperiatur: quod non aliter profecto fit, quam per sacramentum absolutionis; nec enim soluta erunt in cœlo, quæ non solverit Petrus in terra.

Præterea Joannis vigesimo, Quorum remisistis peccata, remittuntur eis, & quorum retinueritis, retenta sunt; ergo quæ non absolvent sacerdotes, retenta erunt. Quapropter necesse est, si retineri non volumus, ut a sacerdotibus absolvamur.

Error
Viclef.
& Luth.

Tertia

3. Conc.

Tertia conclusio : Non satis est ad æternam salutem consequendam peccatoribus baptizatis votum implicitum hujus sacramenti, sed explicitum & formale requiritur. Quoniam ad eundem modum pœnitentiæ sacramentum est necessarium peccatoribus baptizatis eo, quod per utrumque virtus passionis & sanguinis Christi in peccatorum remissionem applicatur, sine qua quidem applicatione ne unum quidem mortale peccatum remitti potest. Ac sine voto explicito baptismi nullus salvatur, Marci ultimo : Prædicare Evangelium omni creaturæ, qui crediderit, & baptizatus fuerit, salvus erit, qui vero non crediderit, condemnabitur. Unde primum colligitur, baptismum in voto satis esse, cum re ipsa suscipi non potest. Idcirco enim non dixit : Qui non fuerit baptizatus, condemnabitur, sed, Qui non crediderit. Colligitur deinde, fidem hujus sacramenti, hoc est baptismi, esse ad salutem necessariam, id est quod per baptismum in nomine Christi præstatur remissio peccatorum omnibus gentibus. Id enim est Evangelium, quod qui non crediderit, condemnabitur, ut Marci ult. declaratur. Nec hanc hujus loci nos intelligentiā comminiscimur, sed etiam nobis sancti Patres tradidere. Valdens, in lib. de sacramentis, cap. 130. Hugo de sancto Victore, lib. 1. de sacramentis, parte 6. cap. 7. D. Bernardus epistola 77. ad Hugonem. D. Augustinus lib. 1. de baptism. contra Donatist. cap. 8. & lib. 4. cap. 27. & 2. libro contra Crescon. cap. 13. Si igitur citra baptismi votum explicitum nullus omnino salvari potest, cum non adest facultas baptismum re ipsa suscipiendi, nec sine voto quidem pœnitentiæ explicito salvabitur, qui peccatum mortale post baptismum perpetravit. Noluit enim Deus sine Christo, & Ecclesia sua cuiquam patere salutem ac remissionem peccatorum. Cum igitur peccatores possunt Christo & Ecclesie lux uniri & reconciliari, exteriori etiam, susceptis sacramentis, id Deus requisivit. At cum non adest facultas exterioris unionis & conciliationis, voluntas pro facto cedit, suppleturque per interiorē exterior unio. Confirmat etiam hanc conclusionem id, quod usu venire videmus, ut quantumcunque mors subito occurrat, pœnitentiæ remedia fideles negligenter, nec sane sentiant de salu-

te ejus, qui moriens, nec re, nec voto hoc sacramentum acceperit.

Ex his colligere licet, quæ sunt ad salutem necessaria, ea esse in duplici differentia. Nam quædam sunt necessaria solum, quia præcepta, ut erueri innocentem a morte, vota reddere, juramenta servare, quorum necessitas videtur esse præscripta ibi : Si vis ad vitam ingredi, serva mandata. Alia vero sunt ad salutem necessaria, ut media, & inde in præcepto, quia media necessaria : ut credere in Christum, suscipere Baptismum, pœnitentiam agere. Inter hæc autem haud mediocriter discrimen est : Nam quæ sunt tantum, quia præcepta, ad salutem necessaria, non est opus, in voto habentur explicito ad salutem consequendam, sed satis est implicite & in genere propositum habituale tenere implendi Divina mandata. At quæ sunt ad finem salutis media necessaria, si in re haberi nequeunt, oportet teneantur in voto, ut sacramentum Baptismi & pœnitentiæ, quod paulo ante docebamur.

Sed est tamen questio non parva, an exigatur votum explicitum hujus sacramenti ad remissionem peccatorum, quæ post Baptismum admittitur. Nam ad æternam salutem consequendam, jam diximus, hujusmodi votum explicitum esse necessarium. Et quidem de hac re inter viros doctos magna discussio est. Sunt enim, qui credant, votum explicitum hujus sacramenti non esse opus ad remissionem peccatorum : ut si quis commisit adulterium post Baptismum, per solam contritionem (ajunt) quæ est actus virtutis, consequi poterit veniam sine proposito explicito suscipiendi hoc sacramentum. Id tenet Adrianus quest. 1. de confessione ad secundum principale. Est autem argumentum hujus, quod Baptismus non est necessarius in re, vel in voto explicito ad justificationem, ut 3. parte quest. 68. art. 4. ad secundum D. Thomas asseruit. Cornelius liquidem & Eusebius ante fidem explicitam Evangelii, justificationem quidem consequi potuerunt, licet æternam salutem non potuerint adipisci.

Item, quilibet se potest convertere ad Deum in momento, & tamen notitiam Baptismi habere in quolibet momento non potest : quomodo enim audiet sine prædicante ? aut quomodo credet, nisi audierit ? Igitur nec sacra-

Eorum quæ ad salutem sunt necessaria, dupl. est genus.

Math. 2.

Utrum etiam ad remissionem peccatorum requiratur votum huj. sacram. explicit.

Opinio quorundam.

menti pœnitentiæ votum explicitum ad peccatorum remissionem necessarium est. Nec hac sententia abhorret D. Thom. 3. p. q. 86. art. 2.

Opinio
aliorum
contra.

Si quis tamen contrariam sententiam tenere voluerit, habebit pro se, quantum conjectura colligere licet, Magistrum sentent. 4. d. 17. cap. 2. & Div. Thomam eadem dist. quæst. 3. artic. 5. q. 1. & apertius art. 1. quæst. 1. & d. 18. q. 1. art. 3. q. 1. & lib. 4. contra gentes, cap. 72. & tertia parte, q. 84. art. 5.

Sunt quoque argumenta non levia ad hanc opinionem confirmandam: Primum ex Concilio Comptensi sub Alphonsio Carrillo Archiepiscopo Toletano, quod probatum est a Sixto IV. in Bulla, qua condemnavit Petrum Oxoniensem, cujus prima Conclusio ibi damnata est, in hanc formam: Peccata mortalia, quantum ad culpam & pœnam alterius seculi, delentur per solam cordis contritionem sine ordine ad claves. At si per pœnitentiam, quæ est actus virtutis, peccata remittuntur sine explicito voto hujus sacramenti, revera delentur peccata sine ordine ad claves. Rursum in Concilio Trident. sess. 6. cap. 14. definitur, quod pœna æterna cum culpa vel sacramento, vel Sacramenti voto remittitur. Item Joannis ult. Quorum retinueritis, retenta sunt. Ergo quando quis nec re, nec voto accepit hoc sacramentum, cum sacerdos ejusmodi peccata retineant, retenta sunt.

Præterea, nulli hæretico vel schismatico remittitur culpa, nisi formaliter & explicitè proponat Ecclesiæ iurari, atque ab ea veniam peccati implorare: ergo sola contritio, quæ est actus virtutis, non satis est ad remissionem peccatorum sine ordine ad claves Ecclesiæ. Antecedens asserit D. Augustinus lib. de vera & falsa pœnitentia, cap. 12.

Sacramentum igitur pœnitentiæ esse ad salutem necessarium, in hunc modum fit definitum.

Sed enim cum hoc sacramentum quatuor habeat partes, neque omnes sint æque necessariae ad hujus sacramenti constitutionem, merito poterit in quæstionem revocari, an singulæ hujus sacramenti partes sint ad salutem necessariae. Et quoniam de Absolutione & Contritione nulli ea, quæ diximus, aut parva, aut nulla controversia est, de Concilio primum quæritur: An sit

ad salutem æternam necessaria. Nam Vvicleffus impudentissime docuit, eam esse superfluum & inutilem; ut Thomas Vvaldenſis refert lib. de sacramentis, cap. 135. & in Concilio Constantiensi, sessione 8. inter illius errores septimus ponitur in hanc formam: Si homo debite fuerit contritus, omnis Confessio exterior est ei superflua, & inutilis.

Maſſiliani etiam negaverunt necessitatem confessionis, ut autor est Damasceus libro de hæresibus. Deinde Jacobitz, referente Guidone Carmelita in lib. etiam hæresim. Hos sequuntur nostro tempore Lutherani, atque adeo Erasmi, in libro de ratione veræ Theologiæ circa finem, & in colloquio, cui index, Pietas puerilis: in summa omnes, qui tenuerunt Confessionem novitiam esse, & institutionis Ecclesiæ. In quibus fuit Beatus Rhenanus in asserenda Confessione parum profecto beatus & pius: Adversum quos Conclusionem statuimus:

Confessionem exteriorem, quæ Sacerdoti fit, esse ad salutem necessariam ex Christi institutione, Confessionem (inquam) omnium mortalium, tam publicorum, quam occultorum. Probatum efficaciter. Quia peccata occulta non remittuntur nisi remittentibus Sacerdotibus, ut patet ex testimonio Joannis citato: Quorum retinueritis, id est non remisistis, retenta sunt. Ex eo enim, quod dixi, Quorum remisistis, remissa erunt, satis ostenditur, verbum e regione additum, scilicet, Retinueritis, perinde esse, ac si dixisset Christus, Non remisistis: Sed remittere sacerdotes non possunt, nisi cognoscant, ut offensum est. Cognoscere autem nequeunt, nisi peccatores confiteantur: ergo Confessio etiam occultarum culparum, ex divina institutione est ad salutem necessaria. Qui enim instituit finem necessarium, media etiam instituit, quæ essent ad eundem finem necessaria, nisi legislatorem velimus in necessariis deuisse. Nam eandem rationem eisdem quoque verbis resumere non piget.

Præterea, in Concilio Constantiensi Martinus Quintus in Bulla condemnationis Articulorum Vvicleffi, Joannis Hus, & Hieronymi Pragenſis, condemnans errores Vvicleffi ac reliquorum discipulorum, ait: Interrogandum est, qui de istorum hæresi fuerit suspectus, utrum credat, quod Christianus ultra

Error alior. hæretic.

In annot. dicitur lib. Tertius de Pauli.

Concl.

Utrum
côfessio
sit ad salu-
tē ne-
cessar.

Error
Vvicleff.

ultra contritionem cordis, habita co-
pia Sacerdotis idonei, soli Sacerdoti
de necessitate salutis confiteri teneatur.
Ubi licet non explicetur, an ex insti-
tutione Divina, an ex humana sit illa
necessitas, sine dubio tamen est intelli-
genda ex divino jure. Id enim Vvi-
cliff negabat.

Præterea, hoc manifeste determina-
tum est in Concilio illo Complutensi,
& in illa Extravag. Sixti Quarti contra
Petrum Orsanicum: Nam post illam
primam damnatam conclusionem, quam
ante regimus, hoc est, peccata mor-
talia deleri per solam cordis contriti-
onem sine ordine ad claves, damnatur
secunda in hanc formam: Confessio de
peccatis in specie sunt ex aliquo statuto
universalis Ecclesie, non de jure Di-
vino. Deinde damnatur tertia in hæc
verba: Præter copitationes confiteri
non debent, sed sola duplicentia de-
lentur sine ordine ad claves.

Præterea, in Concilio Florentino de-
finitum est, idque nos adeo firmiter
constituimus, materiam hujus Sacra-
menti præcipuam esse Confessionem:
Si igitur Sacramentum penitentiae est
ad salutem necessarium, certe non for-
ma solum & Absolutio Sacerdotis, sed
& materia, hoc est, Confessio pecca-
torum ad salutem necessaria est, nec
enim sacramentum sola forma subsistit.

Cujus etiam rei definitio habetur in
Concilio Tridentino, session. 6. cap. 14
ubi cum Concilium docuisset, hoc sa-
cramentum esse secundam tabulam post
nausfragium, per quam fieret lapsi ho-
minis post Baptismum reparatio, sub-
dit: Docendum est, Christiani homi-
nis penitentiam multo aliam esse a Ba-
ptismali, etque contineri non modo
cessationem a peccatis, & eorum de-
testationem, verum etiam eorumdem
sacramentalem Confessionem, saltem
in voto, & suo tempore faciendam,
& Sacerdotalem Absolutionem.

Coroll.
præced.
Concl.

Quibus ita constitutis, manifestissi-
me colligitur, hanc secretam confes-
sionem de peccatis secretis (quam quid-
em alii auricularem vocant, alii clan-
dulariam) institutionis Divinae esse, non
humanae, hoc est, Christum instituisse,
peccata secreto esse confitenda.
Nam publicorum publice fieri confes-
sio potest. Nec id Cajetanus inficiat-
ur: nam licet in commentariis super
caput Joan. 10. advertari videatur, ar-
ripie tamen mentem suam explicuit, re-

spondens ad censuras Parisienses sede-
cum articulorum.

Probatur hoc corollarium in primis,
quia confessio de peccatis occultis est
necessaria, ut ex fundamentis jactis
constare facile potest. Constituit enim
sacerdotes Dominus Judices, non so-
lum publicorum, verum etiam occulto-
rum. Sed rationis naturalis est, ut
occulta peccata occultis confessione
purgentur: ergo cum Christus instituerit
hoc judicium heri secundum rectam ra-
tionem, constituit ex consequenti, oc-
cultis peccata occulte esse judicanda.

Præterea, si modus confitendi ad au-
rem de peccatis occultis ex Ecclesie
institutione esset, in arbitrio Ecclesie
etiam esset oppositum constituitur,
quemadmodum potest de immersione,
vel aspersione, vel infusione in Baptis-
mo legem pro suo arbitratu & ferre, &
tollere. At non est in facultate Eccle-
siae præscribere, ut cordis occulta pec-
cata peccatores publice confiteantur.

Præterea, Leo Papa in Epistola ad
universos Episcopos Campanie, nume-
ro 57. & refertur de penitentia, di-
stinct. 1. cap. Quamvis plenitudo, il-
lam, inquit, contra Apostolicam regulam
præsumptionem, quam nuper a-
gnovi a quibusdam illicita usurpationem
committi, modis omnibus constituo
submoveri, de penitentia videlicet,
quæ a fidelibus postulat, ut scripta
professio publice recitetur. Cum rea-
tus conscientiarum sufficiat solis Sacer-
dotibus indicare Confessione secreta.
Et infra: Removeatur ergo improba-
bilis consuetudo, ne multi a penitentia
remediis arceantur. Hactenus Leo. Id
ergo, quod adversarius remedio a Chri-
sto instituto ad remissionem peccatorum,
nimirum contra Divinam institutionem
est, cum contra Apostolicam regulam
id fieri summus Pontifex asserat.

Ex Apostolorum certe traditione se-
creta peccata in aures sunt confiten-
da, quod vel ex eo liquet, quod in
Ecclesia non habetur memoria, unde
inceperit secreta confessio. Nam & O-
rigenes ejus meminit Homilia prima
& secunda in Psalm. 37., & Homi-
lia decima super Numeros. Div. Basi-
lius item in libello de institutione Mo-
nachorum cap. 11. & 98. Dionysius et-
iam in Epistola ad Demophilum 8. &
Sozomenus lib. 9. Histor. tripart. cap.
35. Quoniam, inquit, qui confiteri re-
lugiunt, majus peccatorum onus ac-
qui-

In to. Con-
cilio, est hæc
epist. 38. in
edit. vero
Caion. ofe-
rum. Leon.
86.

quirunt, propterea visum est antiquis Pontificibus, ut, velut in theatro, sub testimonio Ecclesiastici populi delicta pandantur, & ad hanc causam presbyterum bonæ conversationis, servan-temque secretum, ac sapientem virum statuerint, ad quem accedentes ii, qui deliquerunt, in illa propria fateantur. Nota, servantem secretum: nam si non essent occulte confitenda peccata, non oporteret servare secretum.

Postremo, Sigillum Confessionis non est ex humana institutione, sed ex Divina: ergo ex Divina est, quod aliqua peccata, scilicet occulta, judicentur occulte. Et confirmatur: Quia Magister Oxoniensis in concilio illo Complut. damnatus est, quod assereret, Confessionem non debere esse secretam, & a Sixto Quarto in illa Extravag. cuius initium: Ad perpetuum rei memoriam, &c. definitur contra eundem, necessarium exigi, ut Confessio secreta sit. Quam ob rem ex revelatione, & institutione Dei est, quod confessio sit secreta, alioqui non esset hæresis, ab Evangelica veritate penitus aliena, æferio contraria: cum tamen aliena esse ibidem decernatur.

Dubium
ex dictis
de con-
fess. pu-
plicor.
peccat.

Sed oritur circa ea, quæ diximus, dubium: Si enim peccata oportet confiteri, ut innotescant sacerdoti: ergo peccata publica, quæ alias sunt illi manifesta, non erit necessarium confiteri: quippe ob hanc causam, si circumstantia manifesta est, non est opus eam explicare confessori; ut si quis sit Sacerdos, vel maritatus, idque confessori liqueat, non est necesse, ut cum confitetur fornicationem, exponat se esse vel sacerdotem, vel maritatum.

Respon.
ad dub.

At erroneum est credere, sine confessione publicorum etiam peccatorum cuiquam patere salutem: Primum, quia delictum iudicandum in aliquo foro, debet esse notum in illo foro: sed, etiam si peccata sint publica, non sunt confessori nota in foro sacramenti: ergo opus est, ut peccator illa sacerdoti confiteatur. Et hoc est, quod Div. Thomas dist. 17. q. 3. ar. 2. qu. 1. ad 1. docet, inquit: Quamvis Sacerdos aliquando sciatur peccatum ut homo, non tamen scit ut Christi Vicarius; sicut etiam iudex aliquando scit peccatum ut homo, quod nescit ut iudex.

Præterea, Confessio est materia præcipua huius sacramenti: ergo etiam ad absolutionem publicorum peccatorum

est necessaria: nam sacramentum sine præcipua materia esse non potest.

Denique, si peccator publicum peccatum non confitetur, non potest innotescere iudici, an poeniteat, necne, an proponat emendationem, an non: Quare non valet discernere, an solvere debeat, an ligare. Necessarium est igitur, ut non modo secreta peccata, verum etiam publica peccator se sacerdoti subiiciens confiteatur.

Jam vero posterior illa questio relinquitur: An satisfactio ad Sacerdotis arbitrium sit ad salutem necessaria. Sunt enim authores, qui negant, in quibus D. Thomas 4. dist. 17. q. 3. a. 1. q. 1. ad 1. argum. videtur esse. Dicendum, inquit, quod post remissionem culpæ, adhuc est peccator tamen poenæ temporalis: sed gratiæ debitor infusio sufficit ad culpæ remissionem: ad gratiæ vero infusionem consequendam ordinata sunt sacramenta, ante quorum susceptionem vel actu, vel proposito, peccator gratiam non consequitur. Sed tamen ex hoc, quod operatur confessio ad poenæ remissionem, non habet, quod sit de necessitate salutis, quia pena ista est temporalis, ad quam post culpæ remissionem remanet homo ligatus. Unde sine hoc, quod in præsentia vita expiaretur, esset via salutis; sed habet, quod sit de necessitate salutis, ex hoc, quod ad remissionem culpæ ordinatur. Hæcenus D. Thomas.

At vel fallor ego, vel contrarium probabilius est. Nam, sicut ante docuimus, exterior poenitentia est ad salutem necessaria: ergo quemadmodum contritio in lege naturæ, & scripturæ habebat annexum propositum confitendi, & satisfaciendi Deo, juxta illud: Dixi, Confitebor injustitiam meam Domino, &c. ita & in lege nova habet annexum propositum confitendi sacerdoti, & satisfaciendi ad arbitrium ejus: hoc est enim subiungere se clavibus, & iudicio ecclesiastico, quod est ad salutem sine dubio necessarium.

Præterea, Concilium Tridentinum sess. 6. cap. 14. posteaquam definivit, sacramentum poenitentiae ad lapsi reparationem, velut secundam post naufragium tabulam, necessarium esse, decernit protinus, hoc sacramento contineri non modo effusionem peccatorum, & eorundem sacramentalem confessionem, & sacerdotalem absolutionem, verum etiam etiam satisfactionem per

Utrum
satisfactio
sacerd.
arbitrii
sit ad salu-
tē neces-
saria.

Opinio
D. Th.

Opinio
Aucto-
r.

65
jejunia, eleemosynas, orationes, & alia pia spiritualis vitæ exercitia, non quidem pro pena æterna, sed pro pena temporalis: & de hac, inquit, penitentia scriptum est: Memor esto, unde excideris, & age penitentiam, & prima opera fac. Et iterum: Quæ secundum Deum tristitia est, penitentiam in salutem stabilem operatur. Et rursus: Penitentiam agite, & facite fructus dignos penitentiarum. Quæ omnia loca de penitentia exteriori esse intelligenda, per quam scilicet exterior pro peccatis fit, superius certis argumentis demonstravimus.

Præterea, Leo Papa Epistola 69. ad Theod. Episc. Mediator, inquit, Dei, & hominum hunc præpositus Ecclesie tradidit potestatem, ut & penitentibus satisfactionem penitentiarum darent, & salubri satisfactione purgatos ad communionem sacramentorum per januam reconciliationis admitterent. Ignitur, nisi proponant penitentes, se Ecclesie potestati subicere, ut juxta ejus arbitrium peccata compendant, servari non possunt. Jam enim docuerat Summus Pontifex, hanc Sacerdotalem auctoritatem, & judicium esse ad salutem necessariam.

Denique, cum de Satisfactione ad arbitrium Sacerdotis præceptum sit (ut nos proxime definimus) certe Satisfactio est ad salutem necessaria: nam si non esset, non esset in præcepto. Ac revera frustra fuissent Sacerdotes iudices constituti, si eorum scientiæ parere non esset necessarium. Inanis enim est autoritas judicandi, quæ impune rejici potest, idque eo magis, quod iudicium hoc non est ad dirimendas lites, sed ad vindicanda scelera. Et quod iudicibus necessarium est, scilicet penam iudicare reis, ne sint iudices iniqui, id nos exequi necessario debemus, ne falsi penitentes, & inobedientes tum videamur, tum etiam simus. Nec argumentum, quod in contrarium insinuamus, operæ pretium est nunc diluere, partim quod facile est, partim quod postea diluere debemus. Quapropter ea jam argumenta consultanda sunt, quæ a principio hujus controversiæ fecimus.

Resp. ad Rat. du-
bit. pos-
tas in
prin. qu.
princip.

Ac primum quidem argumentum a plerisque Sanctorum facile diluitur; nam utrumque Apostoli Pauli locum interpretamur, non de penitentia, quæ post Baptismum fit, sed de penitentia,

quæ fit in Baptismo: Qui videlicet semel duntaxat percipi potest. Nam penitentiam Baptismum appellari, habes apud Lucam capitulo ultimo: Oportebat, inquit, prædicari in nomine ejus penitentiam, & remissionem peccatorum in omnes gentes. Ubi, quæ Matthæus de Baptismo dixit, Lucas nomine penitentiarum, ac remissionis peccatorum tradidit. Hanc expositio in Chrysostomus, & Theophylactus sequuntur in eadem loca. Item Div. Ambrosius, libro secundo de penitentia, cap. 2. & Divus Augustinus libro de vera, & falsa penitentia, cap. 3. Colligunt autem ex multis conjecturis, hanc esse eorum testimoniorum intelligentiam, Quas ego conjecturas referrem, nisi ad metam hujus Disputationis festinaret oratio.

Potest tamen uterque locus intelligi etiam de penitentiarum Sacramento, ut videlicet intelligamus, impossibile esse per penitentiarum Sacramentum rursus renovari, id est, priorem novitatem, quam per Baptismum accepimus, iterum accipere. Unde Gregorius Nazianz. orat. 3. in sanctum lavacrum, Non superest, inquit, regeneratio secunda, nec reformatio, sed in pristinum statum restitutio, etiamsi perquam vehementer illam lachrymis, & multis queramus suspiriis, ex quibus vix quidem cicatricum obductio venit.

Nec te moveat, quod Apostolus ait, esse impossibile: nam per excessum loquitur, atque hyperbolice ingentem rei difficultatem impossibile vocat, non ut desperent audientes, sed ut terreantur. Idcirco enim subdit Apostolus: Confidimus tamen de vobis, dilectissimi, meliora, & viciniora saluti, tamen ita loquimur, quasi dicat Apostolus: Loquutus sum ita, ut vos a peccatis retraherem, & desperationis metu facerem cautiore: Cæterum confido de vobis, & reliqua, quæ sequuntur. Quæ quidem hujus loci interpretatio mea non est, sed D. Hieronymi, libro adversus Jovinianum secundo, refertur, quæ a Gratiano de penitentia, dist. 2. cap. Si enim. Nec modus hic loquendi a sacris literis alienus est. Nam Math. 19. quod ante Dominus dixerat, difficile esse divitem intrare in regnum cælorum, evestigio dixit, esse impossibile, quemadmodum exposuit D. Hieronymus super caput Eliae sexagesimum. Sed & Aristoteles primo libro de cæ-

lib. 6. &
10.

Jo. cap. 11. inter reliquas significaciones hujus vocabuli, impossibilis, eam annumeravit, ut quod non facile, neque cito, nec bene fieri potest, impossibile dicatur. Et ad eandem formam, per hyperbolem, cap. 10. ejusdem epistolæ Apostolus locutus est, ut ostenderet, quia animadversione peccata nostra digna sunt, post acceptam notitiam veritatis, si ad justitiæ rigorem examinentur. Sed aliud tamen est, quod justitia postulat, aliud quod clementia, & misericordia suggerit.

Ad secundum argumentum certe possemus respondere, negando majorem: sentiunt enim plures viri docti, licitum esse, ab hæretico recipere pœnitentiam in articulo mortis, ut Petrus Paludanus 4. dist. 35. quæst. 1. Sylvester in verbo Confessor, 1. §. & Joan. Major, dist. 17. & Glossa extra. de Sponsalib. cap. Non est vobis. Quia licet recipere Baptismum ab ejusmodi præcis, cum extrema necessitas cogit, ut D. Augustinus tradit, cap. Si quem forte, 24. dist. 1. Ergo & pœnitentiæ sacramentum licet ab excois suscipere. Huic vero loco solent alii occurrere negando consequentiam. Quia minister Baptismi est institutus quilibet de jure Divino, quomobrem Ecclesiæ id tollere non potest. At pœnitentiæ minister non est quilibet Sacerdos Divino jure, sed cui Ecclesiæ demandaverit. Quocirca sicut potest committere cui voluerit, ita & potest auferre. Sed hæc responsio non facit satis argumentum. Primum, quia probabilissimum est, quemlibet Sacerdotem in articulo mortis habere auctoritatem absolvendi jure Divino. Idque asseruit Paludanus dist. 20. quæst. 1. art. 2. Durandus distinct. 19. quæst. 2. Capreolus eadem distinct. art. 3. ad 4. Id quoque D. Thomas sentire videtur, distinct. 19. quæst. 1. art. 3. quæst. 1. & dist. 20. art. 1. quæst. 2. Atque est præterea rationi consentaneum, quia Deus non deficit in necessariis: nullus enim providus gubernator in necessariis deficit: ergo quemadmodum providit, ut in articulo mortis quicumque posset licite baptizare, non obstante quacunque Ecclesiastica censura, & prohibitione: ita etiam cavit, ut in eodem articulo quilibet Sacerdos licite absolveret: cum utrunque sit sacramentum necessitatis, utrunque jure Divino præceptum. Est insuper alia ratio, quæ id confirmari possit: Quod auctore Divo

Augustino quarto libro de Baptismo contra Donatistas, capite vigesimoquarto, quod universa tenet Ecclesiæ, semperque retentum est, nec a Pontificibus, aut Conciliis tempore aliquo post Apostolos definitum, traditione Christi, & Apostolorum restitutum creditur constitutum. At quod quilibet Sacerdos in mortis articulo quemlibet possit absolvere, semper in Ecclesiæ observatum est, nec nova aliqua hominum constitutione sancitum: a Christo igitur, & Apostolis est institutum.

Præterea, Ecclesiæ non posset hoc rescindere, & abrogare, ferendo scilicet contrariam legem: ergo est de jure Divino. Antecedens suadetur: Quia seclusa quacunque Ecclesiæ lege, talis abrogatio esset contra rectam rationem, si (ut verum est) pœnitentia est sacramentum ad salutem necessarium. Sic igitur rationi maxime consentaneum est, quemcumque Sacerdotem in articulo mortis pœnitentiæ ministrum Divino jure esse constitutum. Quo etiam fit, per Ecclesiæ censuram talem auctoritatem abrogari non posse.

Quod si Christus Dominus non consuliisset in mortis articulo periclitantibus, ministrum absolutionis necessarium exhibendo, Ecclesiæ tamen, cujus prudentiæ dicitur esse commissum, cum pia mater sit, non est credenda filiis suis in articulo mortis deesse voluisse, idque eo magis, quo exemplo Christi sponsi sui facere & potuit, & debuit, quem constat in Sacramento Baptismi (quod necessarium esse ad salutem voluit) nulli in articulo mortis defuisse.

Præterea, Necessitas non habet legem, ut habes in cap. Quod non est, de regulis juris: non ergo existimanda est Ecclesiæ, legem, quæ præcisum amovet a sacramentorum ministerio, ad extremum necessitatis articulum extendere voluisse.

Præterea, odia restringi, favores convenit ampliari, ut etiam juris regula tradit: Quod autem quilibet Sacerdos in articulo mortis quemlibet possit absolvere, gratia est, & favor populi Christiani. Quocirca ampliare potius, quam stringere debemus. Quod autem præcis Sacramentorum ministerio privantur, in odium est: restringendum itaque esse videtur: nam pœnæ legum interpretatione mollioræ sunt, non e-

raſperandæ, de Penitentia diſt. 1. cap. Penæ. Probabile igitur eſt, a præſcio ſacerdote fideles poſſe Sacramentum abſolutionis in mortis articulo recipere, videlicet, ſi abſque periculo fidei recipi poſſet.

Ac proſecto non ambigo, quin a Catholico excommunicato etiam nominatim, in mortis articulo penitentiz poſſimus ſuſcipere ſacramentum, ſi alius deſit: Quippe non video cauſam, quare fideles in articulo mortis, præſente Sacerdote Catholico, priventur Sacramento ex Divina inſtitutione ad ſalutem neceſſario. Quod utique eſſet minus tolerabile, quam in mortis articulo caſus reſervare, præſertim cum homines ſere, non contritionem, ſed attritionem habeant: quapropter durum eſſet hominibus, majori ex parte imbecillibus, in tali periculo velle deſiſſe. Quod ſi hæc exceptio Miniſtri Catholici etiam per excommunicationem præſci, jure optimo defenditur, non eſt abſurdum & alios præſcios excipere, tantum in mortis articulo: quoniam extrema neceſſitas, ſive corporalis, ſeu ſpiritualis ſit, ab omni Eccleſiæ lege videtur excepta.

Dilutio
obje-
cu-
juſdam.

Id vero, quod obſci in contrarium eſt ex 24. quæſt. 1. cap. Audivimus, per hæc facile diluitur. Cui ſimile eſt, quod D. Ambroſius ait, de penitentia, diſt. 1. cap. Verbum, & cap. Poſteſt fieri: Ob idque ſimilitudine ſolvitur. Illud autem, quod opponitur ex capite ultimo ejuſdem cauſæ, & quæſtionis, adverſus hanc ſententiam nihil penitus facit. Primum, quod ibi ſermo eſt de Eucharistiæ Sacramento, quod non eſt Sacramentum neceſſitatis. Deinde, quia id fecit Hermogildus, ne Arriano Episcopo faveret, quem rex ob eum finem deſtinaverat. In quo eventu ne Sacramentum quidem Baptiſmi ab hæretico recipiendum eſſet. Nam, quod in extrav. Unam ſanctam, de majoritate, & obedientia, Bonifacius docet, extra Eccleſiam non eſſe remiſſionem peccatorum, ex dictis modo explicari facile poſteſt, & quemadmodum intelligendum eſſet, in ſuperioris anni relectione docuimus.

At ſi quis communem opinionem ſequi velit, cujus etiam D. Thomas fuiſſe videtur, 4. diſt. 16. art. 2. quæſt. 2. ad 3. & diſt. 19. quæſt. 3. art. 3. quæſt. 1. ad 2. & 3. p. quæſt. 81. art. 7. ad 2. reſpondere aliter poſteſt, negando mino-

rem. Nec eſt ſimile de Baptiſmo, & Penitentia, quoniam Baptiſmus multo magis eſt neceſſarius, quam Penitentiz ſacramentum, eo quod non ſolum opus eſt, quatenus remedium peccati, ſed quatenus profeſſio eſt Chriſtiane fidei, & in Chriſtum incorporatio.

Unde ad tertium argumentum, juxta duas has differentes opiniones dupliciter item reſponderi poſteſt. Nam difficile eſt de doctiſſimorum virorum judicare ſententiis, & in medio ſeniorum juvenes ſedere arbitros. Itaque ex his duabus utra ſit opinio deligenda, prudentiorum ego, & doctiorum arbitrio derelinquo.

Ad quartum, ubi difficultas eſt, a quoniam habeat jurisdictionem, qui ſummum Pontificem abſolvit, communis opinio reſpondet, quod ſummus Pontifex eligendo Confeſſorem, conſent ei potestatem, quam tamen ipſe exercere non poſteſt, ut Diaconus electus Episcopus poſteſt demandare abſolutionem a peccatis, cum ipſe tamen peccatores abſolvere non queat. Quæ eſt ſolutio Cardinalis Turrecremata libro primo ſumme Eccleſiaſtica, cap. 98. & D. Bonaventuræ 4. diſtinct. 19. & D. Thomæ diſtinct. 16. quæſt. 1. art. 3. quæſt. 3. At Paludanus eadem diſtinct. quæſt. 2. & Capreolus eadem diſtinct. quæſt. unica, art. 3. melius ſentire videntur, jurisdictionem, qua ſacerdos electus a Pontifice eum abſolvit, a Chriſto eſſe, & non ab ipſo Pontifice, quia Deus non deſicit in neceſſariis: quare ſummo Pontifici de miniſtro ſacramenti ad ſalutem neceſſarii providit. Item ſummus Pontifex poſt peccatum mortale factus eſt ſubditus in foro interiore: nam obligatur conſiteri ſacerdoti, ſicut & quilibet alius, qui mortaliter peccavit, iudicio hujus fori ſacramentalis obnoxius ſit: ergo ſine commiſſione ipſius eſt in Eccleſiâ iudex, cui ſcilicet conſiteri teneatur.

Præterea, licet Episcopus diaconum committere alteri abſolutionem poſſit, ſed non tamen, niſi eorum, quorum eſt paſtor, committere poſſit, hoc eſt ſuorum ſubditorum. At ſummus Pontifex non eſt paſtor ſui ipſius, nec iudex, quæmobrem ſui ipſius abſolutionem committere alteri non poſteſt. Nec me ſurgunt, quæ Cardinalis Cajetanus, vir aliqui doctiſſimus, ſcripſit quæſtione unica de miniſtro hujus ſacramenti, quæ mihi non placent omnia, ſed (hu-

Unde
jurisdic-
ſacerd.
habeat,
qui ſum.
Pontif.
abſolvit
a pecc.

manorum ingeniorum ea vel fors, vel conditio est) aliis non placebunt nostra. Equidem, quandiu ratio melior non succurrit, non audeam asserere, Confessorem summum Pontificis nullam habere jurisdictionis potestatem super ipsum nec a Christo, nec ab Ecclesia, nec ab ipso summo Pontifice, quod Cæteranus videtur admittere. An admitendum sit, viderint alii; nam ego principium abolitionis sacramentalis existimo non solum esse potestatem ordinis, verum etiam jurisdictionis. Quippe cum minister hujus sacramenti (juxta Concilium Florentinum) sit sacerdos habens auctoritatem vel ordinariam, vel ex commissione superioris, cumque etiam sacramentum hoc judiciale sit, nihil enim ejus, nisi judicem intelligere non valeo: judicem autem sine jurisdictione, nec cogitatione quidem informare possum, eo vel maxime, quod minister hujus sacramenti solvit, & ligat, ac proinde jurisdictionis potestatem habet. Igitur, sicut summus Pontifex propter crimen hæresis subditus sit ecclesiæ in foro exteriori, idque ex divina institutione; sic per quodlibet mortale peccatum ecclesiæ subijcitur in foro interiori, Christo instituyente, & obligante Pontificem summum, ut coram sacerdote compareat, tamen hanc illi dederit facultatem, ut eligat, quem maluerit. Quam traditionem, sicut & cæteras Christi, licet scriptas non habeamus, ab Apostolis accepimus.

Itaque sacerdos simplex, cum initiat, non modo ordinis potestatem, sed jurisdictionis etiam accipit, non simpliciter, & quantum ad omnes, sed primum quantum ad venialia peccata. D. Thom. dist. 18. art. 3. qu. 1. ad 3. & est communis opinio: Deinde quantum ad mortalia, quibus est jam peccator a proprio sacerdote solutus, quoniam illud judicium est penitus arbitrium, cum nulli teneam me subdere: neque apparet unde proprius sacerdos habeat solus potestatem in illa peccata, cum non sit materia subjecta proprio sacerdoti. Præterea, quantum ad omnia in articulo mortis: Denique ad summum Pontificem absolvendum.

Atque horum omnium radix eadem est. Etenim (ut Capreolus, & Durandus dist. 19. 4. diligenter annotaverunt) in universum Apostolis dictum est: Accipite Spiritum sanctum, quorum remissus peccata, &c. Restrictio autem sa-

da est speciali commissione Divo Petro: cui, quoniam claves tanquam primo clavigero collatae sunt, id consequenter est demandatum, ut ejus auctoritate quicumque alius aperit, aperiat, &c. Nam illa commissio de aliis a D. Petro facta est. Ideoque D. Petrus, & ejus successores non subjacent illi restrictioni, quin possint absolvi a quolibet sacerdote.

Ad quantum vero argumentum nonnulli respondent, illud verbum Dominus, non de corporali, seu sacramentali manducatione corporis Domini, sed de spiritali esse intelligendum. Qui autem per fidem Christum habet in se manentem, is spiritaliter manducat corpus, & bibit sanguinem, quia Christi membrum efficitur, ac proinde particeps ipsius & carnis, & sanguinis. Id autem necessarium est ad salutem non solum adultis, verum etiam parvulis. Atque hujus sententiæ videtur esse D. Thomas 3. p. qu. 65. art. 4. ad 1. & qu. 80. art. 9. ad 3. Et D. Hieronymus in 1. cap. epistolæ ad Ephes. De consecr. dist. 2. cap. Dupluciter. Imo Origenes homil. 7. in Levit. & Augustinus lib. 3. de doctrina Christi. cap. 16. manifeste docent, hunc locum figurate esse accipiendum, ut per metaphoram, qui credit in Christum, eique incorporatur, Christum dicatur manducare. Eandemque expositionem ubique locorum D. Augustinus probat, ut tract. in Joann. 26. & 27. Et lib. 1. contra duas epistolas Pelagi. cap. 22. & lib. 2. cap. 4. de consecr. dist. 4. cap. In ecclesia, & cap. consequenti, ubi & refert, Innocentium hujus sententiæ fuisse, ac revera fuit, ut patet in epistola ejusdem Innocentii ad Concilium Carthaginense. Et ratio quoque illis suffragatur, quia si de sacramentali manducatione Dominus loqueretur, falsum esset illud: Qui manducat meam carnem, & bibit meum sanguinem, in me manet, & ego in illo. Constat enim, multos carnem Christi, atque ejus sanguinem in sacramento accipere, & non eosdem in Christo manere. Item, etiam cum sermo universalis fit, si de sacramentali manducatione intelligeretur, jam parvulus esset Eucharistia necessaria, ut vitam haberent in semetipsis, quod est erroneum. Ac laici præterea sumptio hujus sacramenti sub utraque specie esset ad vitam necessaria, quæ est hæresis Lutherana.

At vero, licet Dominus ibi de spiritali

rituali manducatione sermonem faciat, non tamen excluditur sacramentalis, ut patet ex D. Augustino in Joan. tract. 26. atque ex D. Thoma 3. par. q. 80. art. 11. Unde & ejusdem partis q. 65. ar. 4. ad 2. ait, illud verbum Domini intelligendum esse de spiritali manducatione, & non de sola sacramentali. Non dixit: Et non de sacramentali. Quod autem de sumptione etiam sacramentali verba fiant, mihi facile persuadeo. Primum, quia de futuro loquitur Dominus dicens: Panis quem ego dabo, caro mea est. nondum enim instituerat Eucharistiae sacramentum. Deinde, quia discernit manducationem & potationem, inquit: Nisi manducaveritis carnem, & biberitis, &c. ubi integrum sacramentum carnis & sanguinis, quod in cibum & potum daturus erat, aperte distinguit. Accedit ad hoc, quod Johannes Evangelista, si eo capite de Eucharistia Sacramento non fecisset mentionem, omnino nullam altissimi Sacramenti rationem habuisset, cum in reliquis sui Evangelii partibus ne verbum quidem ullum de Eucharistia fecerit. Adde, quod plerique Sancti de Eucharistia Sacramento illum locum interpretantur, ut D. Chrysostomus in Joannem, homil. 45. & lib. 3. de dignitate Sacerdotali, cap. 4. & D. Augustinus lib. 1. de baptismo parvul. cap. 10. Ambrosius lib. 4. de sacram. D. Bernardus in sermone de resurrectione, cujus initium, Vixit Leo. Cyrillus quoque atque Theophylactus in commentariis super Joan. atque alii, quos refert Gratianus de consecratione, dist. 2. Certe Ecclesia, cum adversus haereticos de Eucharistia Sacramento disputat, ex eo capite vel maxime testimonia sumit. In concilio praeterea Constantiensi, sess. 13. cum haereticorum argumento obiter responderetur, qui ex hoc testimonio sumebant, Laicis sub utraque specie hoc sacramentum esse conferendum, non confugerunt Patres ad spirituales manducationem, sed crediderunt id quod Dominus dicit, Nisi manducaveritis, &c. etiam a Laicis sub specie panis servari: cum firmissime (inquit) credendum sit, sub utraque specie integrum Christi corpus & sanguinem contineri. Et (ne longum faciam) concilium Ephesinum in epistola ad Nestorium, hunc ipsum locum, de quo differimus, de sumptione Sacramenti corporis & sanguinis Domini interpretatur. Atque id

nos late persecuti sumus, ut vim argummenti conservaremus, scilicet, quod difficilius est, quam ut per illam priorem intelligentiam eludi possit.

Igitur, ut ex locis citatis apud D. Thomam colligere licet, testimonium illud, licet dissimiliter, utramque tamen expositionem complectitur, & spiritalis, & sacramentalis manducationis. Non enim, qui corporaliter dentibus terit Eucharistiae sacramentum, habet vitam aeternam, nisi & spiritaliter manducet, hoc est, credat in Christum viva fide, & Ecclesiastici corporis, cujus Christus caput est, membrum fiat. Ergo spiritalis manducatio per fidem, medium est necessarium ad salutem & adultis, & parvulis. Suscipitur quoque hoc medium, cum baptismus suscipitur, ut Div. Augustinus exponit, lib. 1. de baptismo parvulorum, cap. 10. & locis quoque paulo ante citatis, ac D. Thomas 3. p. q. 73. art. 3. Sacramentalis autem manducatio non hoc modo est de necessitate salutis, sicut baptismus, videlicet quia baptismus est necessarius, non solum necessitate praecepti, verum etiam ut medium, sine quo salus non consistat. At sacramentalis Eucharistiae manducatio solum est necessaria, ut praeceptum, ac proinde solis adultis, quibus duntaxat praeceptum imponitur. Quod autem haec sit mens Divi Thomae, colligere possumus ex 3. par. q. 65. artic. 12. Quid autem in causa sit, quomobrem similibus verbis non similis necessitas praestribatur, non facile dicitur, nisi ad ecclesiae sensum nostras intelligentias referamus, quae sacramentalem Eucharistiae sumptionem nunquam intellexit esse medium ad salutem necessarium, poenitentiam esse intellexit. Vel utrunque quidem sacramentum necessarium est in re, vel in voto, sed alter tamen utrumlibet: nam votum Eucharistiae in baptismo contrahitur, votum autem poenitentiae in nullo alio sacramento. Quo fit, ut votum Eucharistiae satis sit implicitum. Atque id forsitan est ad Divi Thomae sensum accommodatus.

Ad sextum argumentum responderetur, quod Necessarius antecessor Divi Chrysostomi confessionem secretam de medio sustulerat, ut illo capite Sozomenus tradit. Quamobrem Chrysostomus Nestario succedens, de confessione hac auriculari populo verba facere noluit: quia

quia enim nondum scandalum sedatum erat, quod in Ecclesia Constantinopolitana per occasionem secretæ confessionis fuerat exortum, non est ausus eam restituere, quam scilicet vir probatæ fidei apud Constantinopolitanos abjecerat. Nec apud Græcos confessio, quæ sacerdotibus in aurem fit, eam est recepta, quam apud Latinos: Unde Sozomenus loco illo citato, apud Occidentales ecclesias ritum confessionis asserit maxime & traditum, & retentum. Sed de pœnitentiâ, dist. 1. cap. finali Theodorus dicit, Græcos exultimare, soli Deo esse confitenda peccata. Quemadmodum itaque baptismus non statim a passione Christi cepit esse medium omnibus necessarium ad salutem, sed post sufficientem Evangelii, & Baptismi evulgationem; ita & confessionis sacramentum ex eo tempore cepit omnibus hominibus esse necessarium, etiam de peccatis secretis, quo sufficienter promulgatum est. Quo fit, ut Græci ante plenam invulgationem sine peccatorum confessione occultorum salvari poterint. Jurisconsultis vero, ac nonnullis etiam Theologis sane parcendum est, quod in quæstione perobscura, & quæ eo tempore nondum erat satis explicata, ac definita, ignoranter erraverint.

P A R S S E X T A.

De Præcepto Sacramenti Pœnitentiæ.

quæst. 6.
princip.

Sed quoniam plus nimio longa facta est disputatio, jam ad partem relectionis postremam pergamus, in qua illud quærebatur: An de pœnitentiæ sacramentum divinum præceptum sit. Et quoniam primam hujus sacramenti partem, hoc est, contritionem cordis, quemadmodum in præcepto divino esset, ostendimus; reliquæ sunt duæ, de quibus nobis instituenda est disputatio, confessio videlicet oris, & satisfactio operis. nam alterius præceptum hæretici negant, alterius etiam Catholici.

Utr. de confess. peccat. sit divin. præcep. Ad illud igitur explicandum prius aggrediamur: An confessio, quæ sacerdotibus in aurem fit, Evangelico jure sit præcepta. Suadet enim non esse: Primum, quia tale præceptum divini

juris nullo sacrarum literarum loco reperitur. Quod si ita est, ut certe videtur esse, non est cur divini juris præceptum esse fingamus.

Deinde, si confessio divinæ institutionis esset, ejus quoque integritas ab Evangelico jure proficeretur. Unde fieret, ut & pœnitens omnium peccatorum & species, & numeros diceret, & Confessor sollicite utrunque interrogare deberet, quod esset revera molestissimum. Ac præterea non liceret Ecclesiæ ulla ex causa confessionem parti. At partitur, ut cum sunt casus reservati, absolvit Romanus Pontifex ab illis, pro aliis vero non reservatis remittuntur pœnitentes ad proprios sacerdotes. Non igitur divinæ institutionis est, omnia simul peccata sacerdoti confiteri.

Præterea, si hoc præceptum Evangelicum fuisset, tunc non obstante damno vel proprio, vel alieno, confiteri teneremur, sicut & baptizari. Et asserunt Doctores, jacturam aut meam, aut alterius idoneam esse causam, cur ego non debeam confiteri: non est ergo divini juris obligatio.

Præterea, si Christus Dominus confessionem jussit, certe eam jussit, quæ medium est necessarium ad salutem, scilicet formatam. Quamobrem qui præstaret confessionem informem, eam iterum facere teneretur, quod esset perfectio durissimum.

Præterea, si præceptum de confessione divinum esset, mutis hac etiam lege contringeretur. Id vero tam est absurdum, quam esset absurda confessio, quæ a nullo proficeretur. Item & absens per epistolam confiteri deberet absenti sacerdoti, atque adeo peccator ignotæ linguæ præsentis per interpretem.

Ad hæc, eadem ratione Dei præceptum esset, solis propriis sacerdotibus confiteri, cum soli sint a Deo iudices constituti; unde & in cap. Firmiter, de summa Trinitate, claves solis Apostolis, & eorum successoribus dicuntur esse collatæ.

Postremo, si mandatum hoc ex Evangelio posset haberi, id vel maxime ex illo Joannis 10. cap. Quorum remisistis peccata, remittuntur eis; & quorum retinueritis, retenta sunt. At inde non habetur: pari enim ratione oporteret venialia confiteri, cum de illis etiam ibidem sermo sit, alias

rituali manducatione sermonem faciat, non tamen excluditur sacramentalis, ut patet ex D. Augustino in Joan. trac. 16. atque ex D. Thoma 3. par. q. 80. ar. 11. Unde & ejusdem partis q. 65. ar. 4. ad 2. ait, illud verbum Domini intelligendum esse de spirituali manducatione, & non de sola sacramentali. Non dixit: Et non de sacramentali. Quod autem de sumptione etiam sacramentali verba fiant, mihi facile persuadeo. Primum, quia de futuro loquitur Dominus dicens: Panis quem ego dabo, caro mea est. nondum enim instituerat Eucharistiæ sacramentum. Deinde, quia discernit manducationem & potationem, inquires: Nisi manducaveritis carnem, & biberitis, &c. ubi integrum sacramentum carnis & sanguinis, quod in cibum & potum daturus erat, aperte distinguit. Accedit ad hoc, quod Johannes Evangelista, si eo capite de Eucharistiæ sacramento non fecisset mentionem, omnino nullam altissimi Sacramenti rationem habuisset, cum in reliquis sui Evangelii partibus ne verbum quidem illum de Eucharistiâ fecerit. Adde, quod plerique Sancti de Eucharistiæ Sacramento illum locum interpretantur, ut D. Chrysostomus in Joannem, homil. 45. & lib. 3. de dignitate Sacerdotali, cap. 4. & D. Augustinus lib. 1. de baptismo parvul. cap. 20. Ambrosius lib. 4. de sacram. D. Bernardus in sermone de resurrectione, cujus initium, Vicit Leo. Cyrillus quoque atque Theophylactus in commentariis super Joan. atque alii, quos refert Gratianus de consecratione, dist. 2. Certe Ecclesia, cum adversus hæreticos de Eucharistiæ sacramento disputat, ex eo capite vel maxime testimonia sumit. In concilio præterea Constantiensi, sess. 13. cum hæreticorum argumento obiter responderetur, qui ex hoc testimonio sumebant, Laicis sub utraque specie hoc sacramentum esse conferendum, non confugerunt Patres ad spirituales manducationem, sed crediderunt id quod Dominus dicit, Nisi manducaveritis, &c. etiam a Laicis sub specie panis servari: cum firmissime (inquit) credendum sit, sub utraque specie integrum Christi corpus & sanguinem contineri. Et (ne longum faciam) concilium Ephesinum in epistola ad Nestorium, hunc ipsum locum, de quo differimus, de sumptione Sacramenti corporis & sanguinis Domini interpretatur. Atque id

nos late persecuti sumus, ut vim argumenti conservaremus, scilicet, quod difficilius est, quam ut per illam priorem intelligentiam eludi possit.

Igitur, ut ex locis citatis apud D. Thomam colligere licet, testimonium illud, licet dissimiliter, utramque tamen expositionem complectitur, & spiritualis, & sacramentalis manducationis. Non enim, qui corporaliter dentibus terit Eucharistiæ sacramentum, habet vitam æternam, nisi & spiritualiter manducet, hoc est, credat in Christum viva fide, & Ecclesiastici corporis, cujus Christus caput est, membrum fiat. Ergo spiritualis manducatio per fidem, medium est necessarium ad salutem & adultis, & parvulis. Suscipitur quoque hoc medium, cum baptismus suscipitur, ut Div. Augustinus exponit, lib. 1. de baptismo parvulorum, cap. 20. & locis quoque paulo ante citatis, ac D. Thomas 3. p. q. 73. art. 3. Sacramentalis autem manducatio non hoc modo est de necessitate salutis, sicut baptismus, videlicet quia baptismus est necessarius, non solum necessitate præcepti, verum etiam ut medium, sine quo salus non constat. At sacramentalis Eucharistiæ manducatio solum est necessaria, ut præceptum, ac proinde solis adultis, quibus duntaxat præceptum imponitur. Quod autem hæc sit mens Divi Thomæ, colligere possumus ex 3. par. q. 65. artic. 11. Quid autem in causa sit, quamobrem similibus verbis non similis necessitas præscribatur, non facile dicitur, nisi ad ecclesiæ sensum nostras intelligentias referamus, quæ sacramentalem Eucharistiæ sumptionem nunquam intellexit esse medium ad salutem necessarium, poenitentiam esse intellexit. Vel utrumque quidem sacramentum necessarium est in re, vel in voto, sed aliter tamen utrumlibet: nam votum Eucharistiæ in baptismo continetur, votum autem poenitentiae in nullo alio sacramento. Quo fit, ut votum Eucharistiæ satis sit implicitum. Atque id fortitan est ad Divi Thomæ sensum accommodatum.

Ad sextum argumentum respondetur, quod Nectarius antecessor Divi Chrysostomi confessionem secretam de medio sustulerat, ut illo capite Sozomenus tradit. Quamobrem Chrysostomus Nectario succedens, de confessione hæc auriculari populo verba facere voluit: quia

quia enim nondum scandalum sedatum erat, quod in Ecclesia Constantinopolitana per occasionem secretæ confessionis fuerat exortum, non est ausus eam restituere, quam scilicet vir probæ fidei apud Constantinopolitanos abjecerat. Nec apud Græcos confessio, quæ sacerdotibus in aërem fit, tam est recepta, quam apud Latinos: Unde Sozomenus loco illo citato, apud Occidentales ecclesias ritum confessionis asserit maxime & traditum, & retentum. Sed de pœnitentia, dist. 1. cap. finali Theodorus dicit, Græcos existimare, soli Deo esse confitenda peccata. Quemadmodum itaque baptismus non statim a passione Christi cepit esse medium omnibus necessarium ad salutem, sed post sufficientem Evangelii, & Baptismi evulgationem; ita & confessionis sacramentum ex eo tempore cepit omnibus hominibus esse necessarium, etiam de peccatis secretis, quo sufficienter promulgatum est. Quo fit, ut Græci ante plenam invulgationem sine peccatorum confessione occultorum salvari potuerint. Iurisconsultis vero, ac nonnullis etiam Theologis sane parcendum est, quod in questione perobscura, & quæ eo tempore nondum erat satis explicata, ac definita, ignoranter erraverint.

P A R S S E X T A.

De Præcepto Sacramenti Pœnitentia.

quæst. 6.
princip.

Sed quoniam plus nimio longa facta est disputatio, jam ad partem relectionis postremam pergamus, in qua illud quærebatur: An de pœnitentiæ sacramentum divinum præceptum sit. Et quoniam primam hujus sacramenti partem, hoc est, contritionem cordis, quemadmodum in præcepto divino esset, ostendimus; reliquæ sunt duæ, de quibus nobis instituenda est disputatio, confessio videlicet oris, & satisfactio operis. nam alterius præceptum hæretici negant, alterius etiam Catholici.

Utr. de confess. peccat. sit divin. præcep.

Ad illud igitur explicandum prius aggrediamur: An confessio, quæ sacerdotibus in aërem fit, Evangelico jure sit præcepta. Suadet enim non esse: Primum, quia tale præceptum divini

juris nullo sacrarum literarum loco reperitur. Quod si ita est, ut certe videtur esse, non est cur divini juris parte præceptum esse fingamus.

Deinde, si confessio divinæ institutionis esset, ejus quoque integritas ab Evangelico jure proficeretur. Unde fieret, ut & pœnitens omnium peccatorum & species, & numeros diceret, & Confessor sollicite utrumque interrogare deberet, quod esset revera molestissimum. Ac præterea non liceret Ecclesiæ ulla ex causa confessionem parti. At partitur, ut cum sunt casus reservati, absolvit Romanus Pontifex ab illis, pro aliis vero non reservatis remittuntur pœnitentes ad proprios sacerdotes. Non igitur divinæ institutionis est, omnia simul peccata sacerdoti confiteri.

Præterea, si hoc præceptum Evangelicum fuisset, tunc non obstante damno vel proprio, vel alieno, confiteri teneretur, sicut & baptizari. Et asserunt Doctores, jacturam aut meam, aut alterius idoneam esse causam, cur ego non debeam confiteri: non est ergo divini juris obligatio.

Præterea, si Christus Dominus confessionem jussit, certe eam jussit, quæ medium est necessarium ad salutem, scilicet formatam. Quamobrem qui præstaret confessionem informem, eam iterum facere teneretur, quod esset perfectio durissimum.

Præterea, si præceptum de confessione divinum esset, mutis hac etiam lege constringeretur. Id vero tam est absurdum, quam esset absurda confessio, quæ a muto proficeretur. Item & absens per epistolam confiteri deberet absenti sacerdoti, atque adeo peccator ignotæ linguæ præsentis per interpretem.

Ad hæc, eadem ratione Dei præceptum esset, solis propriis sacerdotibus confiteri, cum soli sint a Deo iudices constituti; unde & in cap. Firmiter, de summa Trinitate, claves solis Apostolis, & eorum successoribus dicuntur esse collatæ.

Postremo, si mandatum hoc ex Evangelio posset haberi, id vel maxime ex illo Joannis 20. cap. Quorum remisistis peccata, remittuntur eis; & quorum retinueritis, retenta sunt. At inde non habetur: pari enim ratione oporteret venialia confiteri, cum de illis etiam ibidem sermo sit, alias

confessio venialium ad hoc sacramentum non pertineret: & si de utroque loquitur Christus, cum ait, Quorum remiseritis peccata, ad utraque etiam pertinet, quod dicit, Quorum remiseritis; &c. Compertum igitur videtur esse, aut utrorumque, aut neutrorum confessionem in praecepto divino esse.

In 5. parti.
præced.

In contrarium est, quod Sacramentum penitentiae ad salutem necessarium est, ut ante docuimus. Quod utique sacramentum citra confessionem constare non potest, quia videlicet est praeceptum hujus Sacramenti materia. Cum itaque peccata mortalia confiteri opus sit ad salutem, efficitur manifeste, de Confessione Divinum esse praeceptum.

Resol.
Quæst.

In hac controversia post ea, quae in superiore definita sunt, vix quicquam superest, quod adicere debeamus. Quippe certum & persuasum nobis esse debet, omnem exteriorum virtutum actum ad salutem ex Divina institutione necessarium, ex eadem quoque institutione in praecepto esse. Faciamus enim, hominem peccatorem contritionem habere peccati sui: tunc queritur, an hic teneatur confiteri ex Divino jure, necne. Si teneatur, id fides Catholica docet, id nos in praesentia conficere volumus: Si non teneatur, sine peccato mortali poterit Confessionem omittere. Quare per solam contritionem salvetur: ac proinde Confessionis sacramentum non est ad salutem necessarium.

Asser-
tiones 4.
Petri O.
xon. da-
mnatae.

Præterea (ut reliqua argumenta prætereamus, quae modo repetere molestum negotium esset) definitio illa Concilii xon. da- Complutensis sub Reverendissimo Archiepiscopo Toletano Alfonso Carrillo, manifesto convincit, non solum Confessionem divinam lege iustam esse, verum etiam id negare, haereticum esse.

Prima igitur Conclusio Petri Oxoniensis, ibidem damnata, sic habet: Peccata mortalia, quantum ad culpam & penam alterius seculi, delentur per solam cordis contritionem sine ordine ad claves.

Secunda Conclusio: Quod confessio de peccatis in specie fuerit ex aliquo statuto universalis Ecclesiae, non de jure Divino.

Tertia conclusio: Quod prava cogitationes confiteri non debent, sed sola displicentia delentur sine ordine ad claves.

Quarta conclusio: Quod confessio non debet esse secreta. Has omnes & singulas haereticas esse, Synodus definit. Est autem congregata auctoritate Sixti Quarti, & confirmata postea ab eodem Sixto in Extravaganti, cujus retro mentionem fecimus: Ubi denuo condemnantur, tanquam Haereticæ, illæ propositiones. Quo fit, ut qui assenserunt hunc errorem esse temerarium, aut haereticum sapere, hanc Sixti definitionem minime viderint, quam non piguit semel atque iterum lumere, ut frequentius ob oculos posita perenni memoria teneatur.

Ad primum argumentum: Jam ostendimus locum in Evangelio Joannis, unde Confessionis praeceptum dicitur. Nam quod Cajetanus in Commentariis super hunc locum asserit, institutionem sacramenti penitentiae inde haberi, non praeceptum, certissime fallitur. Habetur enim necessitas comparandi coram iudicibus a Christo constitutis, atque ex consequenti praeceptum Confessionis, sine qua peccata nostra a sacerdotibus iuste ac prudenter discerni, judicarique non possunt.

Jam quod haeretici tradunt, Innocentium tertium fuisse Confessionis articuli autorem, imprudenter errant. Leo siquidem Papa multis annis ante Innocentium praecepit, Confessionem non publice fieri, sed occulte. Quin etiam asseruit, contra Apostolicam regulam publicam confessionem postulari, ut patet Epistola 57. ad Episcopos Campaniae, & 69. ad Theodorum Episcopum. Hujus etiam iudicii sacramentalis apud sacerdotes meminit Innocentius Primus in Epistola ad Decentium cap. 7. Sed & Clemens in 1. Epistola ad Jacobum fratrem Domini, Petrum Apostolum tradidisse refert, cogitationes etiam malas oportere Christianos mox ad Christum illidere, & sacerdotibus Domini manifestare. Ejus etiam est mentio apud Div. Hieronymum in illud Ecclesiast. 10. Si mordeat serpens in silentio, &c. Nam quod super Psalm. 84. refertur solet, forsitan rejiceretur, quod commentaria illa, an Divi Hieronymi sint, incertum est, quemadmodum liber 2. de Visitatione infirmorum, & libellus ad Comitem, & liber de vera & falsa penitentia. Divi Augustini esse negantur. Sed est tamen in Augustino locus, quem even-
tere

Respon.
1. argu-
ment.

tere ne Erasmus quidem possit, in libro 3. de Baptis. contra Donat. cap. 17. & 18. ubi nictur iudicium hoc sacerdotale eodem hoc ipso Joannis asserere testimonio. Vide etiam Tract. 2. in Psalm. 101. super illud : Ut audiret genius compediorum. Cyprianus quoque Serm. 5. de lapsis, etiam eos, qui corde tantum lapsi sunt, docet, hoc ipsum apud Sacerdotes Dei dolenter debere confiteri. Pœnitentiæ hujus insuper, quæ apud sacerdotes fit, mentionem facit Tertullianus in lib. de pœnitentiâ. Divus Ambrosius autem lib. 1. de pœnitentiâ cap. 2. hanc sententiam eodem, quo & nos Joannis testimonio confirmat. Nam alia, quæ solent asserri, ut est illud Jacobi 5. Confitemini alterutrum, &c. & illud Lucæ 17. Ite, ostendite vos sacerdotibus, &c. non adeo firma videntur adversus Hæreticos testimonia. Tamen dici etiam facile poterat, quod licet ex Særa scriptura hujusmodi præceptum non haberetur, habetur tamen ex traditione Christi & Apostolorum, quemadmodum & alia pleraque nostræ fidei documenta. Quod si rara apud antiquos secreta Confessionis mentio est, frequens vero publicæ, ut in Concilio Niceno cap. 9. & aliis item plurimis, id sane nihil nostræ huic definitioni adversatur. Otensum est siquidem non solum ex traditione majorum, verum etiam ex Evangelico testimonio confessionem peccatorum sacerdoti fieri debere, quod quidem est de necessitate sacramenti. Secretam vero aut publicam Confessionem fieri, prudentiæ est naturali relictum, quæ dicat, ut occulta peccata occulte, publica publicæ judicentur.

Respon.
ad 1. Ad secundum argumentum non possumus breviter respondere, quoniam rei pravitæ & utilitatis multa nos dicere compellunt, quæ præteriri nulla ratione debent.

Confess.
deb. esse
integra. Primum igitur, Confessionem integram esse debere, apud Theologos exploratissimum est, ut patet in 4. dist. 16. & 17. ubi ea de re a scholasticis Theologis discurrit. Habetur autem manifeste hujus asserionis definitio in Concilio Florentino, ubi posteaquam decretum est, Confessionem esse hujus sacramenti materiam, ad Confessionem id pertinere definitur, ut quis omnia peccata sua, quorum memoriam habet, integrè confiteatur. Et Conci-

lium Lateranense in cap. Omnis utriusque sexus, de pœnitentiis & remissionibus, Omnia, inquit, peccata sua proprio Sacerdoti confiteatur. Quod etiam ulu totius Ecclesiæ declarari facile potest : nam qui tacet aliquid peccatum morale, cum communi consensu fideles damnant.

Divus quoque Thomas 4. d. 17. qu. 3. art. 4. quæst. 2. rationibus hoc suadere conatur : Prima, quod Confessio mita non est Confessio, sed Confessionis simulatio : non enim vere vult sanari ab illis morbis, quos explicat medico, qui alios tacet, cum medicina sit eadem omnibus sanandis instituta : quæ ratio sumitur ex D. Augustin. de vera & falsa pœnitent. cap. 15. Quidam, ait, uni celant, cap. alii manifestanda conservant. Quod est ad hypocrisim tendere, & semper erare venia, ad quam totam se per frusta putant pervenire.

Secunda, quod confessio sit sacerdoti vice Dei cum spe veniæ consequendæ : sed impium est, a Deo dimidiatam sperare veniam, de vera & falsa pœnitentiâ, cap. 9. ergo & a Confessione impium est dimidiatam peccatorum remissionem expectare. Quæ eadem est ratio D. Augustini, in illo cap. 15.

Tertia, quod sacramentum hoc ordinatur ad medicinam omnium peccatorum mortalium, quibus sacerdos curationem adhibemus est. Quod nisi cognoscat medicus ægri totam habitudinem, non potest prudenter medicinam apponere. Nam quæ uni morbo competit, alteri asserit quandoque perniciosum. Quæ ratio sumitur ex cap. Omnis utriusque sexus : Ubi Innocentius ait : Sacerdos more periti medici diligenter inquirat peccatoris circumstantias & peccati, ex quibus prudenter intelligat, quale debeat ei præbere consilium, & cujusmodi remedium adhibere, diversis experimentis utendo ad salvandum ægrotum.

Durandum tamen d. 17. qu. 15. hanc quidem rationem calumniatur, sed eam evictur Paludanus q. 5. ejusdem distinctionis, ac multo etiam magis Adrianus, quæst. 4. de Confessione. Nos vero fatemur, Conclusionem Mathematica demonstratione plane exploratam haberi non posse : sed fide posita, asseruntur argumenta, quæ probant, consentaneum esse, ita fieri oportere. Ac revera, cum hujus sacramenti finis, non

non tam vindicare sit, quam sanare (non enim venit filius hominis in mundum, ut iudicet mundum, sed ut salvetur mundus per ipsum, Joan. 3.) novitia necessaria iudici ad hoc salutare iudicium, ex tali fine salutis depromenda est. Tantum itaque criminum poenitens Confessori debet manifestare, quantum opus erit ad salubre poenitentis iudicium, atque vindictam. Et quemadmodum leges considerant, quod plerumque necesse est, raros autem eventus negligere solent; sic & rationes legis in ea spectant, quæ plurimum accidere solent, quæ vero raro incidunt, nec legem, nec rationem legis infirmant. Compertum sit igitur, Confessionem peccatorum integram esse oportere. Sed an id sit de iure divino, in dubium vertitur. Cui tamen (ne longas moras trahamus) breviter respondetur, Confessionis integritatem ex Divina institutione fuisse. Qui enim Confessionem instituit, non mancā & mutilā, sed integram instituit. Dei quippe perfecta sunt opera.

Deinde, materia sacramenti ex Divina institutione fuit: At Confessio integra est materia huius sacramenti, ut in Concilio Florentino definitur. Imo adeo perspicuum est, cum formæ absolutionis Confessio mutila & dimidiata repugnet. Non enim absolvit ligarum multis funibus, qui unum præcindit, alius non præcisit.

Denique Joannis 20. sacerdotes iudices constituuntur a Domino ad remittenda peccata loco Dei: Si ergo sacerdotes partem peccatorum remitteret, partem non remitteret, (quod paulo ante ratiocinabamur) & Deus quoque partim absolveret, partim non absolveret, quod impium est. Cumque omnium peccatorum mortalium sint iudices, si quibuscumque cognitis, alius neglectis, reus absolveretur, proculdubio iudicium non solum imprudens esset, verum etiam iniquum.

Porro: si omnia hæc argumenta defuissent, usus Ecclesiæ usque ab Apostolis receptus, id satis ostendit: semper enim intellexit Ecclesiā, Confessionem, quam a Christo accepit, integram esse debere.

Verumtamen adhuc dubium est: An satis sit confiteri omnia peccata, quorum quis ante memoriam habet, an oporteat etiam adhibere diligentiam,

ut peccata in memoriam revocentur. Nam videtur illud prius satis esse, quoniam in Concilio Florentino dicitur, ad confessionem pertinere, ut omnia peccata, quorum homo memoriam habet, integre confiteatur. In contrarium est communis sententia Theologorum, atque adeo communis usus totius populi Christiani.

Pro huius rei explicatione, cum primis advertendum est, unum idemque præceptum esse de Confessione, de ejus integritate, de examine conscientiæ, ac peccatorum inquisitione: Nam ob id tenetur homo integre confiteri, quia tenetur confiteri, & idcirco examinare conscientiam, & peccata, quæ fecit, inquirere, quia debet integritatem in confessione servare.

Illud deinde commemorandum est, (quod alias sæpe diximus) huius iudicii sacramentalis finem, non tam punitionem, & vindicationem iustitiæ esse, quam vindicationem salutarem. Ex quo fit, ut, licet in iudicio pure vindicativo exacta culparum cognitio requiratur, ut videlicet tanta sit pena, quantum quis per culpas meritus est; at in iudicio hoc sacramentali non exigitur exacta cognitio peccatorum, sed qualis, & quantā necessaria est ad curationem, & salutem poenitentis: hæc enim huius iudicii finis est. Quæ quidem doctrina habetur ex cap. Omnis, de poenitentis, & remissionibus, ibi: Morē periti medici sacerdotes diligenter inquirat peccatoris circumstantias & peccati, &c. Idem irraditur ab eodem Innocentio, in capitulo, Deus, eodem titulo: Cum poenitentia, inquit, non tam secundum quantitatem excessus, quam poenitentis contritionem per discreti sacerdotis arbitrium sit moderanda, pensata qualitate personarum, & consideratis circumstantiis omnibus, prout saluti eorum videtur expedire.

His animadversis, prima conclusio fit: Non tenetur quis omnem operam quam potest dare, ut omnia peccata quæ tegerit, in memoria conservet, videlicet, ut postea tempore confessionis nullum intermittatur. Hanc conclusionem vel eo solo argumento amplecti deberemus, ne Christi jugum infuave, imo adeo importabile hominibus redderetur; ne Germani merito possint obicere (quod quidam illorum impudenter faciunt) Doctores Scholasticos,

peccata, quorum quis memoriam habet, an necesse sit præterea diligentiam adhibere, ut revocentur quæ memoriam exciderunt.

Utrum integr. Confess. sit de iure divino.

Utrum satis sit confiteri omnia

1. Conc.

homines nimium argutos, confessionem hodie talem reddidisse, ut juxta illorum hætherosin impossibile sit confiteri.

Præterea, Pauci admodum eorum, qui semel in anno confitentur, memoria tenent universa peccata mortalia, omnes circumstantias, omnesque cogitationes; & tamen si peccator, simul atque peccat, scriberet peccatum, oblivioni certe frequentissime mederetur. Non igitur quæcumque potest curam impendere homo tenetur, ut omnia peccata memoria teneat, nisi velimus ad hanc scribendi scrupulosam diligentiam homines obligare.

Item, Quidnam is faciet, qui literas nescit? Num locis & signis peccata denotabit, ut eo pacto memoriz imbecillitati succurrat? Minime gentium. Age vero, quid cum rusticis agemus, si hæc sententia vera non est? Nempe nihil aliud, quam eos obligare, ut non semel modo, verum etiam centies in anno confiteantur, si quidquid valent, præstare tenentur, ne ullius peccati obliviscantur. Et, cum ex duobus jactis fundamentis hæc Conclusio maxime constet, non est cur nos in ea probanda amplius immoremur.

2. Conc. Secunda Conclusio: Tempore, quo quis tenetur confiteri, aliquam diligentiam adhibere debet peccatis omnibus, quæ commisit, inquirendis. Tenetur enim integram confessionem facere, quod nulla adhibita diligentia est moraliter impossibile. Idem patet ex fine Confessionis, sive quatenus judicium voluntarium est, sive in quantum est judicium medicinale.

3. Conc. Tertia propositio: Qui adhibet humanam vel mediocrem diligentiam, (qualem videlicet præstare solent viri mediocriter timentes Deum, quisque juxta conditionem gradus & ordinis sui) vere implet legem de confessione integre faciendi. Verbi gratia, si ego adhibui aliquam diligentiam, & per parvam ulteriorem probabiliter existimo aliqua mortalia fore in memoriis revocanda, teneor ulterius inquirere. Quod si puto nullum aliud peccatum venturum in mentem, nisi forsitan ingenti quadam discussione, & magni temporis inquisitione, non oportet esse sollicitum: satis nempe est illa mediocris, & humana diligentia.

4. Conc. Quarta propositio: Si quis adhibuit diligentiam & curam in examinandi

conscientia, quam credit esse sufficientem, etiam si fallatur, excusabilis negligentia a peccato mortali & potest, & debet: Non in omnibus id quidem, sed in hominibus piis, qui timent Deum, atque habent mediocrem curam animæ suæ. Ceterum impios, quos videlicet nulla animæ suæ cura tangit, ego nulla ratione a peccato mortali excusarem, etiam si existiment, se diligentiam idoneam adhibuisse, cum videlicet omittunt, vel ignorantes, aliqua peccata, & ex insufficienti discussione. Nam cum hujuscemodi hominibus minima diligentia esse videatur maxima, cumque sint soliti adhibere mediocrem, timere sibi necessario debent. Quod si non timent, nullam excusationem habent peccati. Contra, viri conscientie sobrii & timorati, cum adhibere diligentiam & curam solent, si quando ex ignorantia & inconsideratione prætermittant, jure optimo a mortali culpa saltem excusantur.

Quod si objicias, eam diligentiam mediocrem non sufficere, ex eo quod D. Augustinus ait, de vera & falsa Pœnitentia, cap. 15. Ponat se omnino pœnitens in judicio Sacerdotis, nihil sibi reiciens sui, paratus facere pro reparanda animæ vitz, quæcumque faceret pro vitanda corporis morte.

Item Doctores asserunt, eam diligentiam facturos pœnitentes, quam facerent in inquirenda pretiosa margarita. Probabilissimum id est, quis negat? At quoniam infirmis etiam oportet consulere, non præscribimus quid faciant optimi, sed quid ad salutem necessario facere debeant vel imbecilles.

Ex his manifeste colligitur, numerum peccatorum mortalium ad Confessionis integritatem pertinere. Nam qui commisit decem, & solum exprimit novem, celat unum. Quare non confitetur omnia peccata, quæ in memoria habet.

Fit deinde, non oportere eos, qui sæpe peccant, ad Mathematicos numeros peccatorum multitudinem exacte redigere. Difficilis sane propositio, sed vera, quia vix possibile est iis, qui semel in anno confitentur, certum peccatorum numerum recensere. Sæpe igitur erit, mediocri diligentia adhibita, paulo plus vel minus numerum explicare: Verbi causa, est qui consuetudinem habet fornicandi, si maximam sollicitudinem haberet, forsitan certum posset ex-

Object.
cont. 4.
conc.

Respôs.

Coroll.
1. præc.
Concl.

Coroll.
2.

primere : sed non tenetur, inquam : quin satis fuerit ita dicere : Habeo confuetudinem semel, vel bis in hebdomada fornicandi, vel peccavi huiusmodi peccatis fere quinquaginta aut circiter centum, &c. Hæc enim notitia sufficit Confessori, ut firem Confessionis præstet, siue consilium, siue remedium, seu vindictam salutarem, quemadmodum exemplo Medici facile declarari potest.

Coroll.

3.

Colligo tandem, interim non opus esse hanc mediocrem diligentiam ad numerum peccatorum exprimendum, etiam pingui crassaque Minerva. Sit prestibulum (exempli causa) decem annos in lupanari, hæc inquam, non est opus sollicitam reddere, ut explicet, an centum millia peccatorum commiserit, plus minuisse : sed sat erit ita dicere : Ego decem annos in hoc vicio fui, quoslibet homines admisi, qualibet hora parata fui, &c. Probatur, quia ex eo tantam accipit Confessor notitiam, quanta opus est ad quemcunque finem Confessionis consequendum : Imo quantum potest penitens ei dare, etiam si exprimat sexies milles peccavisse. Non ergo debet Confessor vexare penitentes, punctum interrogando de numero per anxiam & puerilem superstitionem faciens eos vel mentiri, vel certe falsum dicere.

Coroll.

4.

Huic & aliud corollarium adiunctum est, videlicet, non necesse esse, ut penitens omnes actus explicet, mortales etiam, singularem, cum in uno actu intelliguntur, ut si volo inimicum occidere, quæro arma, equum, &c. Item, qui furatur, scalas suspendit, aperit feras, &c. Quia licet omnes illi actus sint peccata, omnes tamen ordinantur ad perficiendum actum unum, quem confiteor : hec enim in genere entis sint multa entia, sed in moralibus pro uno actu computantur. Hæc tamen ratio calumniam habet : quia actus interior & exterior, in genere moris, una culpa censetur ; & tamen non satis erit, actum interiorem confiteri, nisi simul aperias actum exteriorem. Nam ille actus exterior est peccatum mortale, & omne mortale confitei necessum est. Ratio igitur vera huius Conclusionis corollarie fuerit : quod Sacerdos in actu præcipuo explicato per meam Confessionem, sufficienter intelligit actiones comitantes. Quemadmodum, qui confitetur exteriorem

actum, stultus erit, si velit interiorem explicare. At cum in interiore non intelligatur exterior, explicetur oportet. Unde fit, ut si ad perfectionem peccati principalis actus alius adiunctus intervenire non soleat, explicandus sit : ut si per internum sollicitavi puellam, vel si ad occidendum, socium accessivi.

Sed jam questio valde difficilis urget, an teneamur peccatorum circumstantias confiteri, ut integra Confessio sit. Quæ explicanda primum intelligatis, circumstantias esse in duplici differentia : Alias minuentes, alias vero aggravantes. Aggravantes rursum bifariam partiti necesse est : quædam enim mutant speciem, ut furtum in loco sacro ; alia non mutant, ut furtum centum aureorum, quod eadem specie continetur ac furtum aureorum decem.

Tunc sit prima propositio : Circumstantia, quæ ita minuit, ut ex morali faciat veniale, omnino debet explicari, ut communicare in Divinis cum excommunicato, veniale fit, si ex inconsideratione procedat. Quod si confitear, me cum excommunicato in Divinis communicasse, Sacerdos seducitur in re gravi ad iudicium pertinenti. Nam intelligit, me peccasse mortaliter.

Secunda propositio : Si circumstantia minuunt peccati malitiam, intra laetudinem mortalis culpæ tamen, non est necessarium illas confiteri, nisi forsitan rarus eventus contingeret, ubi tanta esset ex circumstantia adjacente culpæ diminutio, ut dupla, vel tripla a Sacerdote intelligeretur. Tunc enim iudex in re gravi decipitur. In universum tamen, si quis animo pure & simpliciter confitendi, & non ut quærat excusationes in peccatis, ejusmodi circumstantias explicet, consilium saluberrimum est, & nos reprobare non possumus. Nec in hoc sensu reprobarent aut Petrus Palud. dist. 16. qu. 3. aut Sylvester in verbo Confessio 1. §. 9.

Tertia propositio : circumstantia mutantes speciem, & ex nova specie novam peccatum morale malitiam adjucentes, sunt omnino explicandæ, ut stuprum cum virgine Deo sacra, incestus cum consanguinea, quia vere ibi continentur plura peccata contra plura præcepta, & contra plures virtutes. Item, quia alias major pars malitiæ

Utrum ad integritatem Confess. requiratur manifestatio circumstantiarum.

1.Conc.

1.Conc.

3.Conc.

Sacerdoti celaretur. Quamobrem merito præcipitur Sacerdoti, in cap. Omnis, de Pœnitentiis, ut diligenter inquirat & peccatoris circumstantias, & peccati, &c. Quod etiam præfixum est in Decreto quodam Vvormatiensis Concilii, quod refertur a Rhenano circa finem Tertulliani: Oportere, scilicet, Sacerdotes rei veritatem ad liquidum interrogando discutere, & studiosè perquirari diversos pœnitentis errores. Idem eleganter præscriptum est in 6. Synodo generali apud Trullum congregata, canone ultimo. Est quoque diligenter animadversum ab Augustino in libro de vera & falsa Pœnitentiâ, cap. ultimo, & habetur de Pœnitentiâ dkt. 6. cap. 1.

Object.

4.

Sed argumentantur quidam contra hoc, quia etiam si Confessor non inquirat ejusmodi circumstantias omnes, sunt omnia quæ sufficiunt ut pœnitens gratiam consequatur: ergo ejusmodi Confessoris scrutinium non est necessarium.

Deinde, pœnitens non tenetur majorem diligentiam adhibere in inquirendis peccatorum circumstantiis, quam adhibuit: ergo nec Confessor.

Præterea, quia confessio ex multis hujusmodi interrogationibus fiet molesta nimis, tum pœnitentibus, tum, ac multo etiam magis, Confessoribus.

Demum, plurimæ peccatorum species, atque earum differentie ignorantur, non ab indoctis modo, verum etiam a doctis.

Notanda duo.

His argumentis priusquam ego respondeam, dico, necessarium esse Confessori interrogare pœnitentem, quando probabile est, quod pœnitens ex negligentia prætermittit aliquam ejusmodi circumstantiam, quam diximus explicandam esse: tum quia alias peccaret absolvendo ponentem obicem Absolutioni: tum quia iudex non servaret debitam fidem officio suo: tum quia medicus & negligens, & malus haberetur, si ab ægrotò morbi circumstantiam & qualitatem non exquireret.

Secundo dico, quod si Confessori probabile est, pœnitentem diligentiam idoneam adhibuisse in inquirendis & peccatis, & peccatorum circumstantiis, adhuc tenetur interrogare atque disquirere, cum probabiliter credit, aliquam peccati circumstantiam necessariam se per hujusmodi inquisitionem inventu-

rum. Verbi gratia, sit rusticus, qui pro ruditate sua mediocriter fuit diligens in peccatorum circumstantiis commemorandis, si Confessor probabili conjectura tenet, alicujus circumstantiæ pœnitentem oblivisci, tenetur sine dubio interrogare.

Primo, quia medicus etiam si cognosceret, ex oblivione inculpabili ægrotum tacere aliquas circumstantias morbi pestilentes, revera teneretur inquirere.

Secundo, quia iudex infideliter ageret, si sciens, testes oblivisci alicujus criminis, de quo jus habet interrogandi, omitteret tamen ac dissimulare.

Tertio, quia Confessor institutus est loco Dei ad compensandas injurias contra Deum factas, & taxandas poenas pro offensis debitas: ergo hac etiam ex parte infidelis sequester ac mediator esset, quemadmodum is cujus fidelitati ego committerem, ut rationem dati & accepti ab Oeconomo meo acciperet, &c.

Quarto, de illa peccati omiſsa circumstantia non posset Confessor præbere nec consilium, nec remedium, ut pœnitens in futurum caveret illam, &c. Unde in cap. Omnis, de Pœnitentiis, Innocentius ait: Diligenter inquirat peccatoris circumstantias, & peccati, quibus prudenter intelligat, quale debeat præbere consilium, & cujusmodi remedium adhibere.

Ad primum igitur respondetur, quod hoc Sacramentum non solum ordinatur ad reconciliationem pœnitentis cum Deo & Ecclesia, sed etiam ad compensandas injurias Deo factas, imposita pena juxta quantitatem culpæ: Alioquin superflua esset tertia Pœnitentiæ pars, scilicet Satisfactio. Ordinatur etiam hoc Sacramentum ad medendum vulneribus universis, & remedium adhibendum ægrotò, debitumque consilium præstandum, ne eadem vulnera iterum accipiantur.

Ad secundum negatur consequentia: alia est enim diligentia adhibenda a teste & reo in judicio, alia a iudice, cui ex proprio munere competit inquisitio.

Ad tertium, Nolo ego confessores importunos esse, & intolerabile negotium facessere pœnitentibus. Quemadmodum nec eos quidem probo, qui imprudenter interrogando pœnitentibus

Respon.
Object.

bus scandalum iniiciunt, atque eos peccare docent. Quia in re confiderent etiam reprobo summas istas confessionum interrogationibus plenas, quæ idiomate vulgari non solum eduntur, ut in publicum prodeant, sed passim etiam mulierculis, & idiotis conferuntur, ut inde dicant, non confitendi, sed (ut ego sentio) peccandi rationem, & normam. Sed id nos modo asserimus, cum moraliter constat Confessori, aliqua vel peccata, vel peccatorum circumstantias ex oblivione præteriri, oportere vel commonefacere, vel interrogare, ut res in iudicio palam fiat. Quod si mediocrem probabilitatem Sacerdos habet, quæ sibi persuadet, penitentem omnia peccata, & eorum circumstantias confiteri, non oportet confesorem esse sollicitum, & scrupulosum, sed sane intelligere, quod Sylvest. in verb. Confessor, 3. 5. 13. 14. & 15. tradit.

Ubi tradit de scientia requiritur aut Confessor nunc et sic tangitur.

Dubium Adriani.

Resolutio.

Hinc vero facile patet, quid in ea questione tenendum sit, quæ Adrianum post quintam questionem de confessione, dubio septimo male habuit: An cum penitens ignorat, aliquam circumstantiam non esse peccatum, & propterea non confitetur, oporteat confesorem interrogare, & commone. Et quidem, cum ignorantia est vincibilis, nulla controversia est, sed penitentem etiam invincibiliter ignorantem confessor admonere tenetur illius peccati, aut circumstantiæ, quæ ex ignorantia præteritur, sive præceptum divinum sit, sive humanum, quia moraliter loquendo, ut Theologos docet, confessor tacens, & absolvens penitentem errantem circa materiam peccati mortalis, suo opere probat, confirmatque penitentis errorem. Mox etiam quia confessor Doctor est, ad quem accedit penitens, tanquam ad Vicarium Dei, ut instruat: unde infideliter ageret contra magisterium sibi commissum, nisi doceret errantem. Liqueat enim, penitentes accedere ad confessores, non solum ut absolvantur, sed ut instruantur. Nam etsi confessor, quatenus confessor est, non sit nisi aut iudex, aut medicus; at quia proprius Sacerdos, & Pastor, & Doctor est (ad Ephes. 4.) sit inde, ut omnes leges, tam divinas, quam humanas, quæ spectant ad penitentem, cum docere teneatur; unde in Concil. Vvormat. jam citato interrogationes etiam pro-

ponuntur, quæ ad penitentis eruditionem necessariam pertinent. Quia vero proprii sacerdotis vicarios constituunt sui muneris, & officii delegatos, sentiant qui vices suscipiunt propriorum sacerdotum, id sibi negotii dari, ut non modo penitentes & audiant, & absolvant, verum etiam erroribus amotis instituant.

Atque id ego intelligi volo, cum exiitimo me penitentem profuturum. Nam frustra niti, & nihil aliud, quam laborando odium querere (ut Sallustius ait) extremæ dementiae est; & Divus Augustinus de penitent. distinct. 7. cap. Si quis, Ideo, inquit, do tibi penitentiam, quia nescio; nam si scirem nihil tibi prodesse, non tibi darem, non te admonerem. Ratio quoque perspicua est, quia nulla lex obligat ad actus inutiles, & otiosos. Item, sicut correctio ad bonum illius, qui corripitur; ita confessio ad bonum penitentis ordinatur: Sed, quando scio, nihil me mea admonitione profuturum, non teneo fratrem corrumpere aut delinquentem, aut ignorantem: ergo &c. Nam ex fine ratio maiorum est. Hinc facile discernetur, quid in multis eventibus confessor habeat facere, si prudens esse velit, ut si mulier nupsit Petro occulte non consummato matrimonio, deinde contraxit cum Joanne publice, & consummavit, cum quo manet bona fide: Item, si mulier contraxit cum fratre suo, aut affine, quem invincibiliter ignorat esse fratrem, &c. Nam in his omnibus, si credo meum consilium profuturum, teneo admonere, si vero minus, teneo non admonere, si id sit in detrimentum proximi, si non sit, si contra jus divinum, si humanum.

Testimonia vero, quæ Adrianus in contrarium refert ex Divo Ambrosio, sermone 82. 83. & 84. ex Divo Paulo Apostolo, Actor. 10. ex Gregorio 43. distinct. capit. Ephesius, ex Innocentio 83. distinct. cap. Error, de doctoris publico intelligenda sunt. Cujus doctrina licet aliis sit odor mortis in mortem, debet tamen populo tradi, ut aliis sit odor vitæ. Nam (ut idem Div. Ambrosius ait, ser. 83.) prædicatio sacerdotis in plebe, salvandis correctio est, contestatio iudicandis. Doctrinæ ergo, quæ ad bonum publicum ordinatur, propter malum privatum non est intermiscenda. At doctrina, quæ bo-

Limitat. datæ respons.

Testim. ab Adr. in contr. allata, quom. accipienda.

num privatum pro fide habet, cessante fine, id est, privato bono, cessare debet.

Id vero intelligendum est, si nec statim nec postea fructus admonitionis speratur. Deinde, cum verisimiliter credo, hanc ignorantiam esse duraturam. Nam si aliunde constaret, submovendum esse ab alio videlicet confessore, qui imprudens medebitur illi malo, certe consultius ignorantem admonebo, præterquam si remedium est intolerabile: ut si exemplis propositis addas susceptos filios ex existimato matrimonio, diutnam cohabitationem, scandalum publicum, &c. Quo eventu nullus tam imprudens erit, qui non periculum præsens horreat, nullus tam temerarius, qui sibi fidat.

Ad quartum argumentum respondeatur ex Cajetano qu. 3. de confessione, quod cum circumstantiæ specificæ differenter nullam differentiam in iudicio sacerdotali faciunt, non oportet explicentur: ut divinare per astra, vel per terram, specie forsitan distinguuntur. Item, accedere ad bestiam unius, vel alterius generis, &c. At circumstantiæ secundum speciem differentes, quæ in iudicio salutari diversum remedium exigant ac medicinam, hæc mediocriter doctis notæ sunt: eas nos asserimus esse explicandas.

Quid de circumstantiis aggravantibus nec tamè mutantibus specie. Opinio quorundam.

Sed enim gravissimum dubium est, an circumstantiæ aggravantes intra eandem speciem, sint necessario constituendæ. Suadent enim nonnulli, ejusmodi circumstantias explicari non oportere, quia alias cogercmur intentionem, & continuationem actus explicare, quas quidem circumstantias nec confiteri populus solet, nec prudens confessor exigere. Et confirmatur: Quia circumstantia non mutans speciem, nunquam aggravat in infinitum: ergo non est necessario declaranda. Antecedens probatur, quia intendit penam, non extendit. Extensio enim est infinita sine circumstantia, & per nullam circumstantiam crevit. Intensio vero finita est, & per nullam circumstantiam fit infinita.

Quibus argumentis D. Thom. 4. d. 16. quæst. 3. ar. 2. qu. 5. expresse tenet, solas circumstantias, quæ speciem mutant, esse constituendas. Item D. Bonaventura in ead. dist. & Palud. q. 3. ac Durandus qu. 4. ejusdem distinctionis, & Sylvest. in verbis. Confessor, 1. §. 9.

Quamvis in fine ea quæ dixerat, interurbare videatur. Adrianus tandem qu. 4. de confessione id sequitur, licet postea contrariam opinionem probabiliorē, & securiorem videatur asserere.

At contra viri quoque graves, & nobiles sentiunt. Alexander 4. par. quæst. 77. membro 3. ar. 5. Gabr. d. 17. quæst. 1. & Major. d. 17. quæst. 4. Qui etiam Altiisiodorensē in hanc sententiam referunt, ut omnes circumstantiæ sint explicandæ, quæ etiam in eadem specie mortaliter aggravant. Atque hæc opinio suadetur ante omnia ex D. Augustino lib. de vera, & falsa pœnitentia, cap. 14. & habetur de pœnitentia, d. 5. cap. Consideret. Qualitatem, inquit, criminis consideret in loco, in tempore, in perseverantia, in varietate personæ, & quali tentatione fecerit. Et inferius ait: Omnis ista varietas constituenda est, & deservenda. Et cap. 17. Verum quidem puto, qui dolet de crimine: conversum, qui dolet de omni ejus, quam exposuimus, varietate. Et cap. ult. Diligens inquisitor, cognito crimine, varietates ejus non dubitat investigare, & locum, & tempus, & cætera, quæ supra diximus in exponendo eorum qualitates.

Deinde, circumstantia, quæ non variat speciem, majorem malitiam nonnumquam addit, quam quæ variat: ergo si hæc constituenda est, etiam illa. Nam malitiæ quantitas facit ad mores, species facit ad metaphysicam. Metaphysicum itaque commentum videtur eile, compellere pœnitentem, ut rerum species differentes sacerdoti manifestet, propter malitiam additam; non item cogere, ut explicet circumstantiam non differentem, cum gravior ex ea iniquitas adjungatur.

Præterea, si decem horis quis odisset proximum, sic tamen, ut in fine. usque horæ odium interrumpet, illa peccata essent necessario constituenda: ergo & si nulla facta est interruptio: cum odium illud æque grave sit, ac decem interrupta peccata.

Præterea, qui vult fornicari sic eadem volitione, id explicare tenetur: ergo etiam si quis unico actu vel occidere Petrum, & Paulum: ac proinde etiam voluit furari ducentos aureos.

Præterea, si adderetur species nova, & non malitia mortalis, non teneremur explicare. Tota igitur causa necesse.

Opinio
vrior.

560

560
cessaria explicationis non est species
differens, sed adjecta malitia; ergo ubi
additur malitia dupla, sive sit ejus-
dem speciei, sive alterius, oportebit
exprimere.

Equidem in re vehementer ambigua non mihi satisficerem, si solas circumstantias, quæ mutant speciem, explicarem. Nec quicumq; confulerem, ut in eum modum confiteretur; Omnes quippe incestus (ut in 2. a. Cajetanus probabiliter astruit) sunt ejusdem speciei; & tamen si quis cum matre cõficeret, ne sibi quidem faceret satis, solum exprimendo, se incestum commississe. Item & peccata contra naturam non videntur specie discriminari, quod Cajetanus etiam confirmat. At non satis esset confiteri, effudi semen contra naturam, circumstantias vero illius peccati celare, aut etiam negare. Istæ specierum differentiæ (mihi credite) ad subtiliores disputationes potius referantur, quam ad Christianas confessiones. Itaque omnes eas & solas circumstantias oportebit exprimere, quæ addunt malitiam mortalem; dum tamen illa nova malitia circumstantiæ notabilis sit, nec intelligatur a Confessore in expressione culpæ principalis.

Et per hoc ad primum argumentum facile responderi potest. Intensio enim actus vel non addit notabilem malitiam, vel fere intelligitur a confessore juxta delicti quantitatem. Et eodem modo ad continuationem respondeo.

Et per hoc ad primum argumentum
 facile responderi potest. In ensio enim
 actus vel non addit notabilem mali-
 tiam, vel fere intelligitur a confessoro
 juxta delicti quantitatem. Et eodem
 modo de continuatione respondeo.
 Nam si continuatio parva fuit, non est
 opus eam explicare, si vero diu mul-
 tumque duravit, opus est. Similiter
 dicendum est & de interruptionibus.
 Nam si interruptio facta est per actum
 contrarium, necesse est confiteri, quo-
 ties ejusmodi culpam renovavit. At si
 interruptio fuit naturalis, qualis ple-
 runque fit, non oportebit exprimere,
 sed satis erit in hunc modum confite-
 ri: *Tota die amavi feminam, &c. suf-
 ficiens namque notitia confessori data-
 & ad medendum, & ad judicandum.*

Sed si maior pars ipsius culpa iudici celaretur, (quod iuxta contrarium opinionem fieret) tacendo videlicet circumstantias intra eandem speciem aggravantes, primum quidem sententia abdicens penam esset vehementer absurda, nec esset iuxta nomen, satisfactio: deinde etiam penam non esset satisfactoria, sed medicinalis; majori tamen morbo ejusdem quoque speciei, ma-

ior est adhibenda medicina.

Ad confirmationem, quæ Palud. movere potuit, tam facilis responso est ut post ea, quæ diximus, non sit opus quicquam superaddere. Nam D. Thomas (ut mea fert opinio) sententiam retraxisset, si tertie parti extremam manum imposuisset. Atque olim juvenis opiniones sæpe communes sui sæculi sectabatur.

Multa hic de peccatorum circumstantiis ad confessionem pertinentibus Theologi solent adijcere, quæ nos silentio volumus præterire, ne iustum atque integrum volumen inius dei disputatione conficiamus. Sed illud tamen paucis adnotandum est, circumstantiam loci esse necessario confitemdam: Primo, quando quis furatur a loco sacro: Secundo, cum in loco sacro semen effundit, etiam cum uxore propria: Tercio, cum sanguis humanus ibidem etiam funditur: & in genere, quando adus peccati commissus directè aduersus sanctitatem loci, id est ei, ad quod locus est sanctificatus, ut ad immunitationem confugientium, & rerum, quæ ibi sunt vel depositæ, vel collocatæ, &c. At qui existens in ecclesiavult aut furari, aut seminare, aut occidere extra Ecclesiam, non teneatur explicare, se in templo id voluisse. Ne enim talis volitio est sacrilegium; imo nec aspectum, aut etiam sermonem tuum in templo factum exprimeret oportet. Tametsi Sylvester in verbo confessionis. 1. §. 10. repugnare videatur.

De circumstantia vero temporis (scribitur, ut cum quis in die festo fornicatur, non est necesse plebem sollicitari, quoniam hujus circumstantiæ malitia non est mortalis. Nec D. Augustinus, lib. de vera & falsa penitentia, cap. 14. solas necessarias circumstantias docet esse & desendas, & confendas, ut patet de circumstantia peccati in die jejunii commissi, & cum de hac questione Sylvestre in Rota aurea, quest. 63. & Cajetanus in opusculo vigintiseptem questionum, quest. 10. copiose, docteque differuerint, non est nobis animus de ea re in præsentiarum plura verba facere. Nec vero sumus tam aut ineruditus, aut antiquitatis expertes, ut ignoremus, quæ Origenes homil. 18. super Numer. & D. Ambrosius in 13. Luc. cap. & D. Hieronymus in Esā. cap. 56. & 58. & D. Augustinus epist. 179. ad Januarium de observatiōe Sabbathi.

thi, juxta spirituales intelligentiam tradidere. Quæ videlicet nostræ huic sententiæ non sunt adversa, si sensum Sanctorum, non verba seclemur.

De recidivo etiam minime necessarium est pœnitentes macerare. Nec Div. Thomas (ut quidam illi imponit) somniavit oppositum, sed solum, cum ingratitudo recidentis in peccatum specialis culpa est. Nam cum est generalis ingratitudo, etiam si non explicetur, intelligitur a confessoribus. Quamquam optimum consilium est, recidivum, & peccandi consuetudinem explicare sacerdoti, non ob verecundiam solum, cujus fructus in confessione maximus est, verum etiam ob remedium: aliter enim simplici febri, aliter hæcticæ medemur. An vero teneamur explicare circumstantiam, qua explicata intelligit confessor complicem criminis, paulo post opportunius definimus.

Ceterum ex definitis secundum illud argumentum satis superque confutatum est, nisi ea parte, qua de partitione confessionis per casus reservatos ambigitur. In qua scilicet quaestione tot sunt sententiæ, quot capita. Vide Durand. in 4. dist. 17. qu. 15. & Palud. qu. 5. & Gabriel. qu. 1. & Adrian. de Confess. qu. 4. & Cajet. in Sum. verbo Confessio, conditione 10. Post quorum translationem, quoniam adhuc sub iudice lis est, operæ pretium fuerit quædam fundamenta supponere.

Primum, superiores prælatos licite posse aliqua peccata reservare, a se solum absolvenda. Hoc ponit contra Vvicleff. Thomas Vvaldensis in libro de sacramentis, cap. 149. probatque testimonio Innocentii assensentis, quædam peccata esse, quorum absolutio est Petro reservata.

Item, 3. quæst. 2. cap. Latorem, refertur Rotholdus Argentorat. Ecclesiæ Episcopos quendam parricidam ad Nicolaum Papam misisse, ut ab illo absolveretur. Nec mihi, quæso, objicias alia nomina haberi apud Gratianum, quoniam innumera sunt in eo libro menda, nec omnia Gratiani culpa, sed typographorum.

Habes præterea Origenem, hom. 10. super Numer. ubi docet laicum peccantem indigere quandoque non solum Sacerdote, sed & Pontifice.

Cyprrianus quoque lib. 3. epist. 16. & 17. tradit, non esse lapsos reconciliandos, nisi ab Episcopo, præterquam cum

mortis periculum urget. Vide etiam Gratianum de pœnitentia, dist. 1. cap. in actione, & 16. qu. 6. per totum, sed maxime cap. ult.

Præterea, Benedictus XI. in extrav. cujus initium est, Inter cunctas, enumerat quatuor crimina Episcopis reservata. Et denique extrav. Sixti IV. Etsi Dominici: ibi excommunicantur, qui absolvent a casibus reservatis Romano Pontifici.

Secundum fundamentum: Non solum censuræ ipsæ reservantur a superioribus Prælati, sed etiam culpæ, & earum absolutio. Hoc videtur esse contra Durandum, loc. cit. & probatur ex cap. de pœnit. in 6. ubi dicitur, quod si Episcopus concesserit subdito, ut sibi possit idoneum eligere Confessorem, electus in casibus, qui eidem Episcopo specialiter reservantur, nullam habet pœnitentis potestatem: quod si nullam habet, nec in pœnas, nec in culpās habet.

Et confirmatur hoc: Quoniam aliquorum criminum absolutio reservatur Episcopis, quæ non habent Excommunicationem adjunctam, ut homicidium voluntarium, & alia, pro quibus est imponenda pœnitentia publica. Nec valet dicere, homicidium habere irregularitatem annexam: Tum quia irregularitas impedit non Pœnitentiam, sed Ordinis sacramentum; tum quia Episcopus a culpa homicidii voluntarii absolvere potest, irregularitatem tollere non potest. Non ergo reservantur culpæ præter annexas censuras, sed absolute propter ipsas culpās.

Præterea, idem ostenditur in Extrav. Inter cunctas; ubi Benedictus ait, fratres privilegiatos non debere recipere confessiones criminum, pro quibus solemnis est pœnitentia indicenda, quod inconveniens sit, ut a peccato absolvat, qui pœnitentiam debitam impingere non potest.

Id postremo manifestatur ex usu Ecclesiastico: Nam prælati religiosi reservant sibi aliqua peccata nulli censuræ subjecta, ut votorum transgressionem. Nec ulius ratio deest. Nam in omni iudicio, & foro superior potest sibi reservare aliquas causas, præsertim gravissimas, idque Principes in Republica facere solent: ergo & Summus Pontifex, cum habeat supremam jurisdictionem, non solum in exteriori foro quantum ad pœnas, verum etiam in interiori quantum ad culpās.

Nn

Tcr-

2. Fund.

1. Fund.

3. Fund.

Tertium fundamentum: Non potest quis absolvi a iudice inferiori de crimine reservato sine facultate superioris. Quod si tentet inferior ab ejusmodi absolvere, nihil facit: quia non habet jurisdictionem circa illa peccata excepta a superiore, qui non commisit absolutionem ejusmodi peccatorum.

1. Conc.

His jactis fundamentis, sit prima Conclusio: Si iudex superior & inferior sint praesentes, non potest inferior absolvere a non reservatis, nisi prius petatur facultas absolvendi a reservatis.

Probat, quia integritas Confessionis est de jure Divino: ergo, cum ille poenitens habeat copiam Confessoris, cui potest integre confiteri, non potest inferior dividere absolutionem. Antecedens probatur, quia vel superior potest integram absolutionem praestare, cum praesto sit, vel inferior, habita facultate superioris. Probat etiam hęc propositio ex usu probatissimo religionum, qui nunquam absolvunt a non reservatis, nisi prius petita facultate, ut etiam absolvant a reservatis. Et idem est, si Parochus & Episcopus sint praesentes, & cum patet facilis aditus ad superiorem.

Sed quid, si superior nolit dare facultatem, sed velit ipse audire Confessionem? Respondeo, quod inferior non debet absolvere ab aliquibus peccatis, sed remittere ad superiorem, & poenitens teneatur id pati: quia quando potest integram Confessionem facere Confessori idoneo, violat jus Divinum de integritate confessionis, accipiendo Absolutionem ab eo, qui dimidiatam Absolutionem praebet.

2. Conc.

Secunda Conclusio: Si superior audiatur Confessionem, priusquam inferior, tenetur totam Confessionem audire, & non solum peccatorum reservatorum, si velit Sacramentalem absolutionem impendere. Hęc est Adriani & Durandi contra Cajetanum: & suadet, quia integritas confessionis est de jure Divino: ergo Episcopus, vel Praelatus alius superior illicite dividit Confessionem & Absolutionem, cum possit facile integritatem servare. Et confirmatur, quia materia Sacramenti est confessio integra: ergo illa dimidiata Confessio non est materia sacramenti, potest enim commodè (ut diximus) peccator omnia superiori confiteri.

Deinde, si Romani poenitentarii partiri Absolutionem possunt, Parochus,

nedum Episcopus, etiam possit suos Parochianos ab uno peccato solum absolvere, pro cæteris vero dare facultatem eligendi Confessorem: Abbas quoque, vel Prior absolvere Monachum ab una culpa reservata, & pro reliquis poenitentem ad alios confessores mittere, & sic pro suo arbitratu confessionem atque Absolutionem tum etiam partiri, cum commodissime fieri integra potest.

Praeterea, cum sacerdos ille superior solvat vice Dei, & possit omniaolvere; si dimidiatam praestare veniam, quædam solvendo, alia non solvendo, cum omnia tamen possit, certe significaret, Deum etiam, cujus minister est, dimidiatam praestare veniam; & poenitens quoque ad talem superiorem accedens, dimidiam a Deo veniam speraret, quod impium est.

Sed arguit tamen Cajetanus ex Romanæ Ecclesiæ usu, Nam poenitentiarium Summi pontificis non audiunt, nisi a reservatis, &c. et tamen illa Absolutio est sacramentalis: alias eluderentur poenitentes, nec poenitentarii tenerentur confessionis servare sigillum. Ad hoc, cum Durando & Adriano nego equidem, talem absolutionem esse sacramentalem. Sed poenitens accedens ad Romanos confessores, a censuris excommunicationis absolvitur. Nul- lum enim crimen est Pontifici Summo reservatum, quod non habeat excommunicationem annexam. Unde ex consequenti fit ei copia, ut inferiori omnia peccata sua fateatur, quo eo ipso reservatio tollitur, & facultas inferiori datur, ut possit ab omnibus absolvere. Quod si poenitentarii intendunt Absolutionem sacramentalem impartiri, errant, inquit Adrianus. Nec si Ecclesiæ Romanæ usus erit, debet impietas sacerdotum, qui existimant, quæstum esse pietatem.

Cum vero objicitur, quod poenitentes deluderentur, nego id certe, quia iudex superior, cum ab eo casus reservatus petitur, tenetur sigillum Confessionis servare: Verbi gratia. Si Confessor accedat ad Abbatem, vel Priorem, petiturus facultatem absolvendi, debet servare secretum eodem vinculo, ac si sacramentaliter ipse absolveret.

Et si rursus objicias, neminem obligari ad aperiendum peccatum suum secretum extra confessionem Sacramentalem: ergo male faceret summus Pontifex, si poenitentes coheret, ut extra

con-

confessionem sacramentalem peccata Romanis pœnitentiarius aperirent: Ad hoc primo responderi potest, ex capite. Ea noscitur, de sententia excommunicationis, & cap. Eos qui, lib. 6. eodem tit. quod si quis in articulo mortis absolvetur ab excommunicatione summo Pontifici reservata, tenetur, si evadat, sistere se Romano Pontifici, arque consequenter aperire peccatum, pro quo in excommunicationem inciderat. Et tamen certum est, jam esse ab illo peccato absolutum.

Secundo etiam respondetur, illam confessionem quodammodo esse sacramentalem: quemadmodum cum peto facultatem a superiore, ut absolvi possim a culpis reservatis, censetur esse confessio sacramentalis, quoniam id totum ordinatur ad sacramentalem absolutionem. Ideoque tenetur superior servare sigillum.

3. Cocl. Tertia Conclusio contra Durandum, & Adrianum: Si non pateat aditus ad superiorem, videlicet, quia Episcopus est absens, & incitat necessitas celebrandi, vel si quis religiosus iter agat sine facultate recipiendi absolutionem a calibus reservatis, tunc inferior potest absolvere a non reservatis, & pro reliquis peccator expectare absolutionem superioris. In quo eventu D. Thomas loquitur in 4. dist. 17. quæst. 3. art. 4. quæst. 2. ad 4. Hæc conclusio probatur, quia & confessio integra est, & absolutio, cum ille Sacerdos absolvat ab omnibus, a quibus potest, & quantum ad reservata, pœnitens non habeat copiam confessoris. Quemadmodum si pœnitens tacet aliquod peccatum ex causa rationabili tacendum, quamvis Sacerdos id cognoscat, debet absolvere, & est tunc confessio, tum absolutio integra, hoc est, de omnibus, quæ ad illud iudicium spectabant.

Hanc propositionem intelligo, nisi excommunicatio peccato sit adjuncta, ut sunt omnia, quæ reservantur summo pontifici in Bulla Cœnz Domini. Tunc enim male faceret inferior absolviendo a non reservatis, cum pœnitens sit excommunicatus, & prius habeat tolli vinculum excommunicationis, quam absolutio sacramentalis impendi.

An quædo non est aditus ad Superiorem, quando non adest facilis aditus ad su-

periores. Et suadetur pars negativa: Quia in tali eventu non requiritur unitas absolutionis, cum inferior a non reservatis, superior postea a reservatis absolvat: ergo nec requiritur unitas confessionis. Ideo enim confessio debet esse integra, ut absolutio sit integra. Quocirca si divisionem Sacramenti forma recipit, materiam quoque recipere necesse est.

Deinde si Sacerdos nullam haberet potestatem absolvendi, nullam etiam culpam teneretur pœnitens confiteri: ergo quando non potest inferior iudex, sive sacerdos a reservatis absolvere, ea pœnitens ejusmodi inferiori judici confiteri non debet. Confirmatur autem hoc vel maxime, quod superius ostendebamus necessitatem confessionis, quia necessarium erat, peccata a Sacerdote remitti: ergo si peccatum aliquod Sacerdos nullo modo remittere potest, non tenetur pœnitens illud Sacerdoti confiteri. Ostensum est autem, iudicem inferiorem reservatam culpam remittere non posse. Itaque non tenemur culpam ejusmodi illi Sacerdoti confiteri: nisi (quod absurdum est) Ecclesia cogat, ut idem peccatum bis confiteamur, semel inferiori, a quo non absolvimur, iterum superiori, ut ab illo absolvamur.

Pro parte vero affirmativa primum est Innocentius in cap. Omnis utriusque sexus, de pœnitentiis, iniquens: Omnis sua peccata semel in anno Sacerdoti suo confiteatur, non dixit, Sacerdotibus.

Deinde, Divinum præceptum est, ut homo omnia peccata suo Sacerdoti confiteatur, ut deinceps ostendamus; ergo prælati, reservando culpas, hanc obligationem tollere non queunt.

In hac questione Divus Thomas loco citato asserit, omnia peccata esse inferiori referenda. Quem sequuntur fere Doctores Theologi. Imo Durandus ait, asseritionem oppositam, quippe quæ contra communem doctrinam sit, periculosam esse, quoniam juxta eam dividitur licite tam confessio, quam absolutio. Quod videtur erroneum, inquit.

At Gersoni non videtur erroneum: Sententiam (ut proxime nobis confirmatum est) nihil verat ex causa rationabili confessionem partiri, id est, quædam peccata tacere, alteri confitenda, quæ est divisio confessionis mathematica,

Na s cum

tur pœnit. etiã reservata infer. cōfiteri.

Rat. pro par. neg.

Pro par. affirm.

Sent. D. Th. & fere Theologor.

contrar.

cum poenitens integram moraliter faciat, explicans omnia, quæ videlicet explicare tenetur. Nondum autem ostendit Durandus, obligari peccatorem ad ea peccata confitendum, quæ Sacerdos remittere non potest. Et sicut Prælati reservando culpas, licite faciunt, ut quandoque absolutio dividatur: ita non est poenitus absurdum, si proinde fiat, ut poenitentes dividant confessionem, cujus & necessitas, & integritas ex absolutione, tanquam ex fine, sumitur.

Nec mihi facit satis, quod nonnulli asseverant, confessionem integram esse injunctam peccatoribus, absolutionem integram sacerdotibus non item. Nam (ut sæpe relapsimus) confessio integra materia sacramentalis est, quoniam confitio mutila cum forma sacramentali pugnat. Non igitur minus injuncta est absolutionis integritas sacerdotibus, quam confessionis integritas poenitentibus. Alioqui liceret sine sacrilegio confessori a quibusdam poenitentem absolvere, & quorundam peccatorum absolutionem in alium diem reservare.

Sed quoniam Theologis non licet sine gravi causa nova placita cudere, eorum sententiam nos sequamur, ea potissimum ratione, quod lex non in id spectat, quod raro paucis evenire potest, sed quod plerumque hominibus usu venit. Est autem necessarium fere populo, ut omnia crimina sacerdoti proprio confiteatur, vel reservata: Tum quia fere populus ignorat, quæ peccata sint reservata, quæ contra non sint: quæ de re a sacerdote proprio instituantur oportet: Tum etiam, quia medicus ad eos morbos curandos, quorum ad se pertinet medicatio, ut plurimum necesse est, reliquos graves morbos intelligat, ut & consilium aptum, & remedium opportunum impendat ægrotis. Quod si quis objiciat, posse doctum esse peccatorem, atque instructum, peccataque uique adeo sejuncta, atque diversa, ut vel consilium, vel medicina uni applicata, alteri nec obstant, nec prosunt: Jam nos huic objectioni respondimus, ejusmodi privatos eventus legibus non obfistere, quo minus in universum obligent, quæ videlicet id considerant, quod majori ex parte populo necessarium est.

Verum adhuc Adrianns instat adversus hanc tertiam Conclusionem: Quia

forma sacramentalis, cum ex vi sacramenti conferat gratiam, vel nulla moralia, vel omnia peccata remittit, &c.

Et confirmat hoc: Quia sicut sacramenta, quæ pluribus formis conficiuntur, unica forma confici nequeunt; ita sacramentum, quod una forma conficitur, pluribus confici non valet.

Confirmat deinde: Quia Absolutio jure Divino debet esse integra. Superiores ergo prælati eam partiri non possunt, ut videlicet inferiores absolvant a non reservatis, superiores a reservatis.

Ad primum: Idem argumentum fiet, cum ex causa rationabili taceatur aliquod peccatum, idem etiam de peccatis oblitis, cui tamen nos evestigio respondebimus.

Ad secundum: Nos minime asserimus, unicum esse sacramentum, si quis absolutus a non reservatis, postea confiteatur superiori reservata. Quemadmodum si peccata oblita memorie occurrant post priorem absolutionem, illorum confessio, & absolutio est verissimum sacramentum habetque integram materiam, & formam, & illud prius, in quo homo confessus est omnia peccata, quorum recordabatur. Atque idem omnino sentio, si quis ex iusta causa peccatum aliquod in prioris confessione celaverit, recipere quidem verum sacramentum, & gratiam: cumque rursus illud, quod tacuit, alteri postmodum confiteatur, verum quoque sacramentum suscipere, novumque proinde & gratiæ, & virtutis augmentum. Quod si unum esset idemque sacramentum, & collatio gratiæ ad posteriorem reservaretur absolutionem, (quod nonnulli perperam imaginantur) tunc certe si poenitens esset attritus, per primam absolutionem non justificaretur: nec illud signum exterius adhibendum esset sanctificativum, quandoquidem non ponenti obicem, gratiam minime largiretur.

Ad tertium: Nihil vetat, ut absolutio, quæ jure Divino per se quidem integra esse debet, per accidens tamen mutiletur, ut propter oblivionem alicujus peccati, vel propter periculum quod urget, si exprimitur. Quare si ex reservatione quorundam peccatorum, quæ legitime in Ecclesia, sit, & simul ex absentia Prælati superiores per accidens eveniat, ut confessor præsens solvere omnia nequeat, non exinde in-

Respon.

Resol.
quærit.

Argu. Adri.
cōt. cōcl.

tegritas absolutionis tollitur, jure Divino infirmæ. Quæ tunc scilicet tollitur, cum confessor habens auctoritatem absolvendi ab omnibus, partim remitteret, partim retineret.

Id vero (quod sæpe in hujus argumenti explicationem diximus) inferiorem a reſervatis abſolvere non poſſe, intellectum cupimus, donec ſuperior ab eis non abſolverit. Quod ſi jam ſolvit, ratio reſervationis ceſſavit. Quæ cum quodammodo pœnalis ſit, & odioſa, reſtringi non debet, ſed ampliari. Imo aſſerit Adrianus, & bene, quod ſi præmiſſa ſufficienti diſcuſſione, confeſſus eſt quibus habenti facultatem abſolvendi a cuiſpiſ reſervatis, & oblitus eſt forte unam ex illis, aſſerit (inquam) quod non tenetur adire ſuperiorem. Cum autem memoriæ occurreret, poterit confeſſeri cuicumque, qui ſemel habuit facultatem. Adrianus dicit, cuicumque ſimplici Sacerdoti: quod equidem nulla ratione probarim, quoniam (ut ſupponimus) Abſolutio requirit juriſdictionem in abſolvendo. Simplex autem Sacerdos juriſdictionem nunquam habuit, &c. Quemadmodum, ſi ego oblitus ſum confeſſeri aliquod peccatum mortale proprio meo Sacerdoti, non poſſum deinde, cum in mentem venerit, confeſſeri cuilibet Sacerdoti, ſed ſolum habenti facultatem ac juriſdictionem.

In tertio principali argumento, inter Doctores Scholaſticos magna diſſenſio eſt, an, cum jactura ſequitur vel propria, vel aliena, a præcepto Confeſſionis, & ipſius integritate liberemur. Et, ne in opinionibus aut recenſendis, aut conſutandis longa textatur oratio, ſit prima propoſitio: Si ex confeſſione alicujus peccati ſequitur ſcandalum, vel meum, vel Confeſſoris, ego poſſum tacere tale peccatum reliqua confeſſendo. Et ratio eſt, quia quantum ad illud, non habeo copiam Confeſſoris, cui videlicet recte æque honeſte confeſſeri poſſim ejusmodi peccatum.

Item (juxta D. Bernardum, lib. de præcepto, & præcepti diſpenſatione) quod pro charitate inſtitutum eſt, contra charitatem non debet militare. Confeſſio autem inſtituta eſt in remedium penitentis. Quocirca, ſi ſcandalum ipſi ex Confeſſione alicujus peccati accidit, poterit idem licite reticere. De vitando autem ſcandalo Confeſſoris,

juris naturalis præceptum eſt. Præceptum ergo divinx legis poſitum illius obligationem non abolet: Lex enim gratiæ legem Naturæ non deſtruxit, ſed perfexit. Loquimur autem de ſcandalo confeſſoris infirmi: nam ſi ex malitia paratus ſit ad ruinam, inutilis ſcandalum naſci permittitur, quam Dei præcepta relinqui. Exempla vero hujus Concluſionis non adhibemus, quoniam cuique erant in promptu.

Secunda propoſitio, quæ communis etiam Theologorum eſt: Si ex confeſſione mea ſequatur aut mors, aut infamia vel mea, vel aliena, excuſor ab obligatione confeſſendi tale peccatum. Et ratio eſt, quia divina præcepta poſitiva non obligant cum jactura vite, aut publicæ ſanæ, verbi gratia, ſi Confeſſor crederetur revelaturus confeſſionem &c.

Item, præceptum de vitanda morte, vel infamia proximi eſt naturale: ergo per præceptum poſitivum adveniens de confeſſionis integritate non abrogatur. Quod ſi excuſor a confeſſione peccati, ex qua ſequitur mors, vel infamia publica proximi, excuſabor etiam, ſi inde ſequatur five mors, ſeu infamia mea publica.

Sed objicies tamen, quia illa argumenta probant quidem eſſe ceſſandum a Confeſſione, non autem Confeſſionem eſſe dividendam. Nam dividere confeſſionem ſacrilegium eſt: Tum quia impium fuerit, a Deo dimidium expectare veniam: tum quia talis divitiarum confeſſio formæ ſacramentali repugnat.

Et augetur difficultas, ſi capiamus penitentem attritum, qui habeat duo peccata mortalia, quorum alterum nos aſſerimus poſſe reticere ex cauſa probabili: tunc confeſſor abſolvit ab uno peccato, ab altero non abſolvit: ergo & Deus abſolutionem ipſam paratur, quod abſurdum eſt.

Pro quorum argumentorum ſolutione commemorandum eſt, confeſſionis integritatem non oportere Mathematicam eſſe, ſed moralem: unde non necesse eſt omnia peccata continere, ſed quæ in memoria ſint, adhibita humana diligentia. Inde etiam ſit, ut ſi penitens capere peccata dicere, & ex morbo, vel alia cauſa linguæ uſum amiſerit, confeſſionem quidem faciat integram, non omnem abſolute peccatorum, ſed eorum tamen, quæ & debet, & poteſt confeſſeri. Ex qua etiam

a.Conc.

Object.
triplex
contra
a.Conc.

Reſp.ad
3. arg.
poſitum
initio
quæſt.
princip.
Utrū ob
jacturā
noſtrā,
vel alienā
a præcepto
Confeſſ.
& ejus
integritate
liberemur.
1. Conc.

radice illud colligimus, non esse necessarium, hominem confiteri omnia peccata, quæ memoria tenet, sed illa quæ confessori rationabiliter exprimentur. Lex enim Christi de moribus ad moralem integritatem obligat, id est, rationi consentaneam. Nam quod a ratione dissonat, non præcipit. Peccatum itaque, quod rationabiliter taceatur, irrationabiliter explicatur, non est materia confessionis a Christo instituta. Dimidiare igitur confessionem a Christo Domino præceptam, hoc est, aliquod mortale peccatum tacere, quod Christus instituit esse in illa confessione aperiendum, id sacrilegium est, &c. Nec sacerdos dimidiatam absolutionem præbet: nam absolutio limitatur etiam ad confessionem institutam a Christo, sicut forma per materiam limitatur. Ab omnibus ergo absolvit sacerdos, quæ ad suum iudicium spectant ex Christi institutione. Illud vero peccatum, quod causa urgente taceatur, non pertinet tunc ad illius sacerdotis iurisdictionem, reliqua vero pertinent: unde poenitens alia confiteri tenetur: sicut qui non potest jejunare uno die Quadragesimæ, a reliquorum jejunio non absolvitur.

Respon.
ad tripl.
object.

Ad id vero, quod tandem obijciatur, respondeo, Sacerdotem quidem immediate & directe remittere, quæ audit in confessione peccata, sed ex consequenti, & indirecte remittere omnia etiam, quæ non audit. Quia enim effectus sacramentorum gratia est, quæ omnia peccata tollit, inde fit, ut omnia sacramenta suos effectus immediatos producendo, consequenter omnes mortales culpas remittant. At per hunc modum peccata oblita per absolutionem remittuntur, non directe, ex vique absolutionis, sed secundario & consequenter.

Sed cum, quoniam leve detrimentum esse videtur, quod confessor sciatur peccatum proximi mei, hinc gravis aurium concertatio est, an teneamur circumspicere circumstantiam, qua explicata confessor intelligit complicem criminis, ut exempli causa, si confiteor me commississe incestum cum sorore, nec habeo plures, &c. Quo quidem loco nec est questio, cum ego habeo copiam confessoris, cui possum confiteri sine revelatione alicui peccati: tunc enim iniquum erit illi confiteri, qui ex mea confessione crimen alienum intelligit. Sed est questio, cum confessor non ad-

est, nisi parochus, qui & me & sororem cognoscit, ut in pagis & oppidulis sæpe solet accidere. Igitur communis sententia tenet, non esse desistendum ab illius peccati confessione propter parvum illud proximi noxamentum. Quemadmodum ex parva iactura famæ meæ, quam facio ex eo, quod confessor meum peccatum intelligit, confitendi obligatio non cessat. Hanc sententiam D. Thomas amplectitur, 4. d. 16. q. 3. art. 2. q. 5. ad quintum, Durand. eadem dist. quest. 4. D. Bonavent. dist. 21. in secund. part. distinctionis art. 1. Petr. Palud. d. 17. q. 2. art. 1. & Gabr. q. 1. conclusione quinta. Et Adrian. q. 1. de confess. ad quartum argumentum, Sylv. verbo Confessor, 1. §. 2. 4. Causa vero horum est, quod potius debet poenitens providere conscientie suæ, quam alienæ famæ. Item, quod præceptum de integritate confessionis divinum est, nec debet omitti, ut bona opinio alterius apud confessorem servetur.

Cajet.
sentent.

At Cajetanus in Summa, in verbo Confessio, conditione 3. ubi multa addidit remedia, quibus peccatum alienum in confessione celaretur, tandem subjicit: Quod si nullum remedium est, & differri non potest Confessio, quia oportet aut celebrare, aut Eucharistiam sumere, debet illam circumstantiam tacere poenitens, quia Confessio non debet esse cum aliena iactura. Damnum siquidem propriæ famæ confessionis & absolutionis utilitate pensatur. Damnum vero famæ alienæ non pensatur aliqua commoditate ipsius, qui patitur incommodum: & ideo non videtur nostra commoda proximorum nostrorum incommodis comparanda.

Præterea, Si ego non possum confiteri, nisi per interpretem quemdam, confiteri non teneor: ergo si cum iactura aliqua famæ præceptum confessionis non obligat, nec cum iactura quidem alienæ famæ obligabit.

Præterea, Si ego cognoscerem, Confessorem revelaturum esse socium criminis cuiquam alteri, non deberem explicare: ergo nec ipsi debeo socii crimen aperire. Quia etiam apud ipsum Confessorem bona opinio proximi mei vel infirmatur, vel prius interit, eo vel maxime, quod illius Poenitentiam non videt, meam videt. Nec naturæ lex solum obligat, ne grave damnum proximo deus, verum etiam ne mediocre demus.

Ut

1. Conc. Ut igitur hoc diffidium componamus, sit tertia propositio: Si habita ratione confessoris & complicitis, vir prudens iudicaverit esse iacturam, licet non gravem, mediocrem tamen: tunc ejusmodi peccatum aut circumstantia taceri potest. Atque hanc mihi videntur probare argumenta, quæ fecimus pro Cajetano.

4. Conc. Quarta propositio: Si habita ratione utriusque & Confessoris & complicitis, vel nulla iactura sit, vel minima, ex eo quod Sacerdos intelligat socium criminis, videtur esse necessarium, circumstantiam explicare.

5. Conc. Ultima propositio: In articulo mortis, non obitante illa famæ iactura, quæ plerumque apud Confessorem fit, tenetur pœnitens circumstantiam explicare, quæ & ipse socius criminis debet subire tale dispendium pro salute pœnitentis. Secus ubi iactura esset gravis & magna, ut si mors vel infamia publica sequeretur.

Respon. In quarto argumento principali multa varie a Doctoribus Scholasticis disseruntur, in 4. d. 17. Sed ego, quanta maxima brevitate potero, ea in hac disputatione tractabo, quæ & necessaria sunt, & digna, quæ a vobis magnopere animadvertantur.

Dupliciter itaque Confessio informis est: aut ex parte confitentis, aut ex parte absolventis. Ex parte quidem pœnitentis, quia non erat in gratia, quando eam fecit, sive quia carebat contritione, sive quia ejus Confessio non erat integra, vel ex verecundia, vel ex negligentia, &c. Ex parte vero absolventis, quia vel non impendit Absolutionem, quæ est forma hujus Sacramenti, vel si impendit, non erat Sacerdos habens jurisdictionem ad absolvendum: ergo si Confessione deest eharitas, quæ est forma virtutum, vel Absolutio vera, quæ est forma Sacramentalis Confessionis, talis Confessio appellatur informis.

1. Fund. Et (ut certa ab incertis separemus) primum, in quo conveniunt viri docti, est, Confessionem informem ex defectu Absolutionis esse a pœnitente repetendam. Nam (ut retro docuimus ex Joannis testimonio) necesse est, ut peccata a Sacerdotibus remittantur. Igitur, qui non percepit Absolutionem a peccatis, quamlibet millies ea fuerit confessus, eo usque tenetur peccata sateri, quousque veram Absolutionem accipiat.

Alud quoque in hac materia certum est, aliquam confessionem ex parte pœnitentis esse repetendam. Nam quidēda opera non faciunt integram confessionem mortaliū, sed ex verecundia unum aliquid mortale tacent, ii sine dubio, juxta omnium Doctorum communem sententiam, tenentur iterum confiteri, quia confessio non integra sacramenti pœnitentiæ materia non est, cum ex propria ratione formæ sacramenti repugnet. Unde in Concilio Florentino definitur, ad confessionem, quæ est hujus sacramenti materia, pertinere, ut omnia peccata mortalia, quorum homo memoriam habet, suo sacerdoti integre confiteatur.

3. Fund. Tertium, me quidem iudice, certum est, non omnes confessiones informes esse refutandas. Nam (ut D. Thomas argumentatur, dist. 17. art. 4. qu. 1.) si opus esset omnem talem confessionem repetere, nullus tranquillitatis locus relinqueretur. Cum enim viri pii de propositio peccato non debeant esse sine metu, Eccl. 5. omnis confessio, de qua veretur, an fuerit informis, an legitima, esset illis identidem repetenda. Quod omnino alienum est a prudentissimorum hominum consuetudine.

Præterea, cum sacramentum extreme unctionis atque matrimonii, & item in universum reliqua ex informitate non sic invalidentur, ut iterum sumenda sint, cur unum hoc ex sola infirmitate quassabitur? eo vel maxime, quod etiam sine contritione, necessariam & materiam & formam hujus sacramenti constare posse, certis argumentis astruximus. Non igitur ex informitate, sed aliunde sumendum est, quando sit confessio repetenda.

4. Fund. Illud denique compertum, & exploratum est, confessionem sacramentalem, hoc est, ex qua cum absolutione verum pœnitentiæ sacramentum constituit, eam non esse rursus faciendam. Sed si sit aliqua confessio, ex qua non est constitutum verum pœnitentiæ sacramentum, ea videlicet refutanda est.

Prior hujus fundamenti pars vel ex eo constat, quod si semel accepimus veram aliquarum culparum absolutionem, veram (inquam) & validam, non oportet peccata, a quibus sumus vere absoluti, iterum confiteri. Quippe (ut Benedictus XI. in extrava-

Inter cunctas, eleganter docet) absurdum est, ut liberaus debitor adhuc ad solvendum maneat obligatus.

Atque inde posterior pars ejusdem fundamenti confabulatur. Si enim mea confessio fuit talis, ut ex ea cum absolutione sacramentum penitentiae non sit confectum, illa nimirum peccata, quae confessus sum, non sunt per sacerdotem remissa. Quapropter debeat iterum confiteri, ut clavum auctoritate solvantur.

Coroll.

+

Ex quo quidem quarto fundamento manifeste colligitur, confessionem, quae sine culpa penitentis non est integra, iterum facere non oportere, ut si propter scandalum aut proprium, aut ipsius confessoris evitandum aliquid peccatum tacerem, vel si diligentiam adhibui sufficientem, & tamen adhuc alicuius peccati sum oblitus. Nam in moralibus ex fine voluntarios res denominatur. Qui igitur voluit omnia sua peccata confiteri, & idoneam adhibere diligentiam, ejus confessio; si moraliter loquamur, est integra. Quod & ex Concilio Florentino, & ex aliis multis capitibus, & causis ante nos liquido probavimus.

Colligitur deinde, quod si peccator negligentiam affectatam, aut omnino crassam in facienda integra confessione habuit, ita ut ex ejusmodi negligentia peccatum aliquod mortale praetermissum sit, talis debet confessionem repetere, ac si data opera mutilaretur: verbi gratia, qui sine aliquo examine conscientiae suae post transactum annum accedit ad confessionem: semper enim in peccatorum oblivionem necesse est incidere. Quare non aliter vult confessionem mutilare, atque qui venenum homini porrigit, vult occidere, & qui ignem subjicit, vult comburere. Qui igitur ad eum modum imparatus accedit, revera vult confessionem mutilam facere, quia vult prudentem ita se gerit, ac si faceret ex professio mutilam velit.

Colligitur tertio, quod si peccator nullum dolorem habeat, nec contritionem, nec attritionem, talis confessio est repetenda. Non enim est confessio, quae sit materia sacramenti penitentiae, cum a nulla penitentia proficiatur. Imo vero, cum nec confessio quaedam sit, sed pura confessio simulatio, ut Capreolus dist. 17. q. a. & Durandus eadem dist. qu. 13. &

Cajetanus qu. 5. additionum, & in summa sua, & fere auctores scholastici tradiderunt.

Colligitur postremo (id quod etiam paulo ante insinuavimus) quod, si quis habeat attritionem, ex qua virtute sacramenti attritus fiat contritus, gratiam scilicet consequendo, ejus confessio non est resumenda: suscipit enim verum penitentiae sacramentum, gratiamque, ac remissionem peccatorum per absolutionem sacramentalem. Hec omnia (nisi ego caecus sum) in contrarium vertere non debemus.

Sed illud primum in hac materia, tanquam incertum, in dubium vocari merito potest: An confessio ex negligentia mutila & manca, non quidem penitus crassa & supina, sed culpabiliter tamen, sit a penitente iterum facienda: ut si quis peccata praeterita quarrat, & diligentiam nonnullam adhibeat, quam esse idoneam arbitrat, eum tamen non sit.

Huic vero quaestioni respondetur ex sententia Cajetani, talem confessionem non esse repetendam, sed si postea in memoria peccatorum illud negligerit omissionem venerit, sat erit illud confiteri, & negligentiam in conscientia examinanda, ac proinde sacrilegium illud, quod in suscipiendo penitentiae sacramento commissum est.

Hec vero sententia non potest (sateor) perspicue, ac dilucide demonstrari. Sed in rebus, quae ad mores pertinent, non sunt (mihi credite) scientiae moralis dogmata ad vivum recedenda. Suadetur itaque primum, quia moraliter loquendo talis confessio est integra, cum intendat penitens omnia confiteri, quorum memoriam habet.

Item, quia alias nimium anxios redderemus scrupulosos; imo piorum etiam animos turbaremus perpetua iterandae confessionis sollicitudine. Verentur enim plurimum non scrupulosi modo, verum etiam mediocriter liberi, atque cordati, sese in examine conscientiae negligentes existisse.

Sed obijciat fortasse quisquam, quod talis Confessio ex parte penitentis non est integra: peccat enim non adhibendo diligentiam debitam, atque ex consequenti penitens Confessionem volens mutilam facit.

Ad hoc primum dico, omissionem illam diligentiae debuisse aliquando esse solum venialem, scilicet, ex incon-

Quaest.
de Confessione
mutila,
&c.

Solutio
Quaest.

Obiect.

Respon.

deratione culpabili quidem profici-
fcentem, sed non mortalitatem. Quo-
niam pœnitens is est, qui alias dili-
gentiam debitam adhibere solet. At-
que in hoc eventu, non sacramentum
modo, sed etiam fructus sacramenti
recipitur. Nec hoc loco (ut reor ipse)
Theologus quisquam nobis erit adver-
sus, nisi plane velit, & Confessionis
jugum importabile facere, & sine ideo-
nea ratione mortalis culpæ reatum in-
ducere, nisi Confessio venialiter tan-
tum culpabilis resumatur.

Dico secundo, quod etiam si negli-
gentia mortalis sit (non sit modo adeo
supina & crassa, ut perinde habeatur,
atque ex ex industria res fieret) quia
Confessio tamen ex intentione forma-
li pœnitentis est integra, non est co-
gendus ejusmodi Confessionem ite-
rare: Nam quando salva pietate id
facere possumus, Confessionis jugum
mollesciendum est, ut ab omnibus
laqueis liberemur.

Ac forsitan, qui in concertatione
scholastica nobis conantur obistere,
si ad rem ipsam conferantur, non ali-
ter facient, quam nos in præsentia
confusimus: verbi causa, si quis ex
ignorantia vincibili existimet, per-
jurium pro conservanda vita hominis
esse licitum, unde non confitetur illud
peccatum, quia non putat se peccasse:
Item, si quis mercator aliquem con-
tractum licere credebat, vel muliercu-
la aliquam superstitionem censebat ef-
fe religionem ex culpabili quadam
ignorantia; non arbitror equidem tam
criticos ac severos judices esse sum-
ros, ut omnes horum antea dictas Con-
fessiones jubeant iterari. Intrepide igitur
cum Cajetano tenere possumus, ejus-
modi Confessiones repeti non debere.

Utrum
ejus cō-
fessio potest, An, cum quis attritionem ha-
buit tam imperfectam, ut virtute sacra-
menti non fiat ex attrito contritus;
qui attritione
habuit
tam im-
perfectam, ut
virtute
sacramenti
non fiat
contritus
iteranda
sit.

Serentia
Majo. &
Adrian.

Contrariam sententiam tenet Major

distinct. 17. quæst. 9. & Adrianus

quæst. 4. de Confessione ad tertium
argumentum, & dubio 5. eorum, quæ
de Confessione proponit.

Est autem primum argumentum con-
tra Divum Thomam, quod si esset ve-
rum sacramentum, peccator ille fictus
esset vere a sacerdote absolutus. Con-
sequens est falsum: ergo & antecedens.
Major probatur, quia si quis verum
sacramentum baptismi vel confirmatio-
nis accepit, vere manet baptizatus
& confirmatus. Consequentis vero fal-
sitas ostenditur, quia tunc vere etiam
esset absolutus a Deo: quia quicunque
solvunt sacerdotes in terra, solvuntur in
celo; & tamen non est ille absolutus
in celo, cum maneat eisdem peccatis
obligatus, & novam insuper addide-
rit sacrilegii culpam.

Et confirmatur: Quia illi non sunt
a Deo remissa peccata; ergo non est
absolutus a sacerdote. Patet consequen-
tia ex illo: Quorum remiseritis pec-
cata, remittuntur eis, &c.

Confirmatur deinde: Quia sacra-
menta gratiæ sacramenta veritatis sunt,
non sunt falsitatis: forma autem illa,
qua confessor utitur, cum fictum ab-
solvit, falsa est, scilicet: Ego te ab-
solvio a peccatis tuis. Nec valet dice-
re, formæ sensum esse: Ego te absol-
vo, quantum in me est: quia licet ex
parte sua confessor vere conetur absol-
vere; non tamen ideo vere absolvit,
cum pœnitens impedimentum objiciat
absolutioni. Quamlibet enim quis ja-
nuam nitatur aperire, non tamen ve-
re aperit, si qui intus est, obicem po-
nat.

Præterea, vel ille, qui non contritus
confitetur, & accipit absolutionem,
habet aliquam displicentiam de pecca-
to, vel nullam; si nullam; ergo non
est vera Confessio, sed simulata enun-
ciatio peccati: si habet aliquam, il-
la erit attritio. Quare adveniente ab-
solutione, confertur gratia, juxta D.
Thomam, qui tenet, sacramentum
pœnitentiæ attrito conferre gratiam,
sicut & sacramentum baptismi.

Præterea, vel ille talis cognoscit se
habere dolorem sufficientem, vel cre-
dit potius ex ignorantia, se satis do-
lere, cum tamen non doleat satis. Si
primum, est illi absolutio deneganda,
si illam fictionem confitetur: si vero
non confitetur, Confessio de composi-
to non est integra, ac proinde irrita
est, ac nullus prorsus momenti cen-
setur.

senda. Si secundum, jam virtute sacramenti conferetur gratia, cum ille non ponat obstaculum.

Sent D. Tho. & Auctor. Hæc tamen argumenta movere non debent, ut D. Thomæ sententiam relinquamus, quæ multo quidem probabilior est. Primum, quoniam nullus certo cognoscit, se sufficientem dolorem habere, cum confitetur. Quocirca semper oporteret, homines esse sollicitos de eadem Confessione iterum, atque iterum repetenda: probabiliter enim timemus, nostras confessiones non fuisse formatas.

Præterea (ut etiam paulo ante argumentabamur) cætera sacramenta recipiuntur a fideis: ergo & hoc sacramentum a fide recipi potest. Negabis forte consequentiam, quia contritio est pars hujus sacramenti (ut in Concilio Florentino definitur) non est autem pars aliorum. Atque hæc est causa, cur alia sacramenta non contritis etiam conferuntur; hoc vero sacramentum non nisi a contrito recipitur. Contra, quia contritio non est pars essentialis hujus sacramenti, sed integralis. Non autem quilibet integralis pars ad effectum necessaria est, ut patet de satisfactione, sine qua verum sacramentum consistit. Deinde quia licet contritio esset prima hujus sacramenti pars, non est tamen ordo necessarius, ut oporteat esse priorem confessionem. Nam si post confessionem hominis attriti jam completam, sequatur contritio tempore, quo quis absolvitur, sine dubio suscipitur verum sacramentum; & tamen confessio tota fuit informis. Rursum etiam nos ante constituimus, attritionem esse idoneam hujus sacramenti materiam. Quod si non esset, nec claves Ecclesiæ culpam remitterent, nec penitentis sacramentum gratiam conferret. Denique si dolor interior assignatur pars sacramenti; ideo est, ut confessio vocalis ad iudicium sacerdotale necessaria, sit confessio, & non simulatio, aut figura confessionis: sed sola attritio satis est, ut homo vere confiteatur, & accuset se coram sacerdote, quemadmodum D. Thomas ad 3. argum. illius articuli docet; ergo, &c. Non enim huiusmodi appellamus fictam fictione contraria sacramento, sed fictione contraria effectui sacramenti: adhibet quippe materiam necessariam sacramento, dispositionem vero necessariam effectui sacramenti non adhibet.

Quod si ita est, ut certe videtur esse, confessionem informem esse veram materiam sacramentalis absolutionis, impertinens fuerit illam dari gratiam, vel non dari ponenti obicem. Nam si extrema unctio veram materiam, & formam habet, verumque ministrum, si suscipiens impedimentum opponit effectui sacramenti, non inde sacramentum irritum est. Idem in matrimonio videre licet, atque in reliquis sacramentis.

Et cum in superiori dubitatione docuerimus, confessionem ex culpabili negligentia mutilam, si tamen formaliter, & ex intentione fuisset integra, non esse repetendam, tenere compellimur, fuisse verum sacramentum, quamvis a fide susciperetur sine præfenti fructu sacramenti.

Ad primum argumentum, concedo, penitentem illum esse vera sacramentali absolutione absolutum; & cum obijciatur, illum fore absolutum a Deo, concedo item. Sed cum rursus instatur, illum manere iisdem peccatis obligatum, distinguo. Nam ex parte sacerdotis, & Dei absolventis absolutus quidem manet, sed ex parte penitentis ponentis obstaculum, absolutio sacerdotis præsentem non habet effectum. Quemadmodum qui in peccato mortali suscepit baptismum, vere baptizatus est a ministro, sed baptismi non recepit effectum propter obicem, quem opposuit.

Et per hoc ad priorem confirmationem respondetur, quod remissio peccatorum dupliciter intelligitur: Altera, quæ habet annexam justificationem, atque effectum remissionis peccatorum: & sic qui peccata remittit, semper gratiam confert, per quam remissio peccatorum efficitur. Altera peccatorum remissio judicialis est, quæ nihil aliud continetur, quam sententia, cujus virtute quis solvitur a peccatis in tali iudicio peccatorum remissivo. In quem sensum sacerdos non semper peccata remittit.

Ad posteriorem confirmationem respondetur, quod idem argumentum fieri posset de sacramento Baptismi, cum recipitur a fide. Nam verbum Baptizatum in forma Baptismi, non solum absolutionem corporis, sed ablationem quoque mentis significat. Sacerdos ergo non abluit interius sacrilegum, qui fide baptizatur: nihilominus verum sa-

Resp. ad arg. Majoris, & Adriani.

eramentum Baptismi confert, quia veram materiam, veramque formam subministrat, ex quibus, nisi ponatur obex, ablutio interior consequatur. Idem in Confirmatione videre est. Qui enim in peccato mortali confirmatur, cordis firmitatem, quæ significatur in forma, non recipit, &c. Sic ergo Sacerdos absolvens scilicet, verum absolutionis sacramentum impendit, & quantum in se est, veram formam apponit, cujus effectus tunc quidem impeditur per indispositionem recipientis. Nec sensus formæ sacramentalis est: Ego te absolvo, id est, do Absolutionem, quæ nunc effectum suum habeat remissionis peccatorum; sed sensus est: Ego judicalem Absolutionem impendo, quæ vi sua potens sit te absolvere, si tu velis fructum ejus obtinere: Quemadmodum si Absolutionis sententiam proferret iudex, qua liberareris a carcere, in quo postea tu voluntate tua manere vis, etsi ego extrinsecus clave januæ seram aperirem, & tu volens intus obicem opponeres, ego vere januam aperui.

Ad secundum principale respondetur, illum, de quo loquimur in Conclusionem, displicentiam aliquam habere de peccatis, hoc est, attritionem. At non quælibet attritio est sufficiens, ut accedens ad sacramentum pœnitentiæ gratiam consequatur. Potest enim dolor esse tam imperfectus, qui satis sit ad confessionem faciendam; non item, ut ex vi illius dispositionis homo etiam per sacramentum iustificetur. Nam primo, cum quis habet attritionem conditionatam, id est, quæ oritur ex velleitate, qua homo vellet placere Deo, & ipsi reconciliari, tunc non fit ex attrito contritus sacramento suscepto: recipit tamen verum sacramentum, si tristet, quia caret dolore inefficaci, & accusat se etiam hujus indispositionis. Hæc est autem communis attritio meretricum, usurariorum, concubinariorum, &c. quos omnes si iterare confessiones cogemus, immensū esset operis, & laboris. Nec tamen quiquam erit adeo remissus in rigore disciplinæ Christianæ, qui ejusmodi homines excuset a sacrilegio. Altera quoque attritio est, ex qua cum sacramento pœnitens non iustificatur: verbi gratia, quæ ex timore infamie proficiscitur, vel cujusque mali temporalis, ut quid detestatur pec-

catum, & propositum confiteri, ne ejiciatur ab Ecclesia, vel ne muldeatur pecunia, &c. Sive enim discutat conscientiam suam, & imperfectionem doloris, sive ex negligentia omittat examen necessarium, homo sic attritus, non fit etiam virtute sacramenti contritus, id est, non accipit gratiam. Sic enim hoc loco intelligi volumus ex attrito fieri contritum, id est, gratiam, & justificationem consequi virtute sacramenti, perinde ac si vere fuisset contritus.

Et si quæras, quando ex attrito fiat contritus virtute sacramenti: Respondeo, id primum evenire, quocumque attritionis genere homo sit attritus, si existimat se se præstississe, quod necessarium erat, ignoratque invincibiliter, se non habere sufficientem dispositionem, quia is non ponit obicem, sed bona fide accedit ad sacramentum: sacramentum autem in non ponente obicem, suum semper habet effectum. Quo fit, ut omnia sacramenta ex hujusmodi attrito contritus faciant. Quod Divus Thomas lucide tradit, tertia parte, questione 79. articulo tertio, & in Comment. super Jo. cap. 11. in illud: Solve te eum.

Deinde etiam attritio efficax ex timore poenarum supernaturalium idonea dispositio est ad sacramentorum Baptismi, & Pœnitentiæ gratiam percipiendam, ut cum quis detestatur omnia peccata mortalia, & propterea confitetur, ne per peccatum excludatur a gloria, vel ne in infernum ignem conjiciatur. Qui etiam si cognoscit, se non habere contritionem, sed solam attritionem, licite accedit ad Baptismi & Pœnitentiæ sacramenta suscipienda. Quod (nisi me fallit conjectura) sentit Div. Thomas tertia parte, questione 79. articulo tertio ad secundum, & questione 82. articulo quarto ad secundum, & 4. Sentent. dist. 24. quest. 1. artic. 3. quest. 1. ad 3. Ratio vero D. Thomæ non est contemnenda, quia sacramentum Baptismi, & Pœnitentiæ per se ordinantur ad præstandam vitam mortuis. Quare licite sumi possunt ab his, qui habent conscientiam peccati mortalis, modo habeant attritionem, qua tollitur obex, & compiacentia in peccatum commissum.

Est quoque altera ejusdem ratio, quia cum hæc duo sacramenta sint medicinæ directe paratæ contra morbos animæ,

Quando ex attrito fiat contritus. virtute sacram.

abundant est, ut nullus, qui se aegrum esse cognoscit, possit jure hæc sumere sacramenta. Quemadmodum res esset penitus absurda, quod medicinas corporales a natura potissimum institutas ad sanandos corporis morbos, non posset sumere nisi sanus, aut qui se jam esse sanum existimaret. Unde & Innocentius, 1. quest. 1. cap. Venum est, Ubi vulnus, inquit, infixum est, medicina est adhibenda, qua possit recipere sanitatem, atque ubi penitentiae remedium necessarium est, ordinatio- nis honorem locum habere non posse decernimus: & cetera, quæ inferius adjiciuntur.

Tertio etiam attritio, quæ procedit ab amore naturali Dei super omnia, forsitan dispositio est idonea, ut virtute sacramenti Baptismi, & Penitentiae gratia conferatur: quia talis etiam attritio tollere videtur complacentiam in peccato, & obicem sacramenti: & per hoc patet tertium argumentum.

Quæstio de peccat. qui in- tell. do- lorem se habere adcom- pers. ut non suf- ficiat cū virt. sa- cram ad grat. su- scipien.

Sed questio parva se offert circa ea, quæ dicta sunt. Nam si peccator intel- ligat imperfectionem doloris, qui vi- delicet non est sufficiens, ut virtute sacramenti gratia conferatur, sed com- mittit sacrilegium, sacramento irre- verenter suscipiendo, tunc aut consec- ratur talem indissolutionem, & fictionem, aut non: si consecratur, sacerdos non absolvet, ne sit sacrilegus impendens Abolutionem, sicut peccator ipse petendo sacrilegus est. Confessio igitur erit irrita, & Absolutio per novam confessionem denuo querenda. Sin vero non consecratur illam indissolutionem, confessio non erit integra, itaque erit repetenda.

Ad hoc respondetur, quod sine dubio sacrilegus erit Sacerdos, si certo cognoscens penitentem esse indissol-utum, illum absolvet. Cujus rei exem- plum habes de penitentia, cap. Quod quidam. Nec te moveat, quod ibi Alexander præcipit, talem confessionem recipere, eorum videlicet, qui, quam- vis confiteri vellent, se tamen asserunt abstinere non posse. Recipienda enim est talis confessio, quæ ad Ecclesiæ præceptum pertinet, quod vere implet, qui in illam modum confitetur, ut alio loco forsitan ulterius ostenditur. Sed non est tamen recipienda, ut Absolu- tionem sacerdos impartiat, cum ibi- dem Alexander asserat, hujusmodi pen- itentiam non esse veram: sicte au-

tem penitentem absolvere, sacrilegi- um est.

Nec te rursum moveat, quod talis confessio videtur esse sacrilega, cum sit sacramentalis, & sicte facta in pec- cato mortali. Quoniam tunc confessio ficta sacrilegium est, cum a peniten- te sit animo recipiendi Abolutionem. At cum quis confitetur, ut præcepto Ecclesiæ pareat, & consilium salutare a Sacerdote recipiat, ut si forte vel inter confitendum, vel confessione facta, animus permuetur, Abolutionem a sacerdote recipiat, ejusmodi confes- sio licita est: licet quodammodo pars sacramenti sit, non actu, sed potentia, quod satis est, ut sacerdos ad sigillum secreti teneatur.

Illud vero, quod ibidem dicitur, ejusmodi hominibus penitentiam esse indicendam, non de satisfactione sacra- mentaliter injungenda intelligendum est, sed de penitentia, eam sit in pec- catoris remedium, &c. Non est igitur ille talis absolvendus: sed si absolvetur tamen vel ex ignorantia, vel ex affectu, & passione sacerdotis, Absolutio valida erit, si tamen illam fictionem peccator confiteatur, quam habuit antequam susceperet Abolutionem, vide- licet negligentiam, & indissolutionem præcedentem, animumque recipiendi sacramentum, &c. Nam fictio illa ex- terior (hoc est sacrilegium, quod pec- cator commisit recipiendo exterius Ab- solutionem) post confitenda est, ut D. Thomas illo articulo tradit: nam ante explicari non poterat.

Sequitur alia questio perdifficilis, An sacramentum penitentiae, recedente fi- ctione, suum effectum sortiatur. Et quidem Adrianus de Confessione, dubio quinto, & Gabriel 4. dist. 17. quest. 1. art. 3. dubio 2. atque alii nonnulli neg- ativam sententiam tenent. Primo, quia si quis in peccato mortali Eucharistiam recipit, non recipit effectum, recedente fictione: cum juxta Apostolum pri- oris ad Corinth. 11. qui indigne man- ducat Corpus Domini, non ad utilita- tem, sed ad judicium manducet. Igitur ne penitentia quidem sacramentum suum, recedente fictione, habet effec- tum.

Deinde, causa quæ non est, nihil agit: effectus enim supponit existen- tiam causæ. Sed, recedente fictione, jam transit Absolutio, nec quicquam illius maset: ergo, &c. Nec potest dici,

An Sa- cra. pen- itent. recedente fi- ctione, suū effec- tum sortiatur.

Rat. pro part. ne- gat.

dici, quod licet non maneat Absolutio, manet tamen ornatus quidam, veluti gratiæ futuræ semen. Quoniam superiori relectione multis eisdemque firmis argumentis hunc ornatum e medio fultulimus.

Opinio
cont. D.
Tho. &
Auctor.

1. p. 4. 79.
m. f.

Sed enim opinio D. Thomæ articulo illo jam sæpe citato, contraria est atque ea quidem multo magis rationi consentanea, si id teneamus, quod jam ostendimus, sacramentum receptum a fide esse verissimum sacramentum. Probatur sic: Ille talis non tenetur rursus confiteri peccata, quæ semel confessus est: Ergo recedente fitione consequitur effectum sacramenti. Antecedens patet, quia si sententia in aliquo foro semel fuit valida, non est opus eam iterum ferri, nec qui semel absolutus est sacramentaliter, tenetur Confessionem repetere. Jam vero consequentia probatur: Quia illi homini est apertum regnum cœlorum, quod erat clausum per ejusmodi peccata: ergo virtute clavium est illi apertum. Nam sacerdotibus claves regni cœlorum datæ sunt, nec aliter peccatoribus, nisi per claves, regnum clausum aperiri potest. Confirmatur ex illo Joan. 20. Quorum retinueritis peccata, retenta sunt: Ergo si illa peccata non sunt remissa virtute Absolutionis, semper erunt retenta: Quare oportebit eadem iterum confiteri. Nec alia ratio Divum Augustinum movit, ut assereret, Baptismum, recedente fitione, effectum suum consequi, nisi hæc. Nam si postea peccator fide baptismum conteratur, & asseras gratiam illi conferri ex contritione, non ex vi ipsius Baptismi ante suscepti, tunc ejusmodi homo non esset renatus ex aqua & Spiritu Sancto. Quare (juxta Domini sententiam) non intraret in regnum cœlorum. Cum igitur pœnitentiæ sacramentum sit necessarium ad salutem peccatoribus baptizatis, si cui ex vi solius contritionis peccata remitterentur, illi tali sine remissione sacramentali peccata condonarentur, cum tamen scriptum sit: Quotum retinueritis, retenta sunt.

Resp. ad
arg.

Ad primum argumentum, multi negant antecedens, in universum existimantes sacramenta omnia, recedente fitione, suum effectum habere. Cujus sententiæ est Cajetanus in Additionibus textus parvis, quæst. 5. de Confessione, suadetque id peculiariter de extrema Uctione, Nam si quis unga-

tur in peccato mortali, non iterabitur extrema unctio in eodem morbo, ut Ecclesia statuit: ergo si ille contratur post unctionem, recipiet fructum illius, alias Ecclesia non negaret illi unctionem repetitam, &c.

Et D. Thomas hujus videtur esse sententiæ, cum ait: & sic etiam est in aliis sacramentis. Unde juxta hanc opinionem respondetur, quod idem potuit dicere Paulus de eo, qui fide baptizatur, sed judicium & condemnationem accepisse ex sacrilego baptismo. Nec tamen inde licet inferre, Baptismum illum, etiam recedente fitione, nullius fore utilitatis.

Ego tamen non invenio causam, quæ me cogat, ut id quod tribuimus Baptismo & pœnitentiæ, ceteris quoque sacramentis tribuamus. Sunt enim hæc duo Sacramenta necessaria ad salutem, quorum proprius effectus est, aperire janam regni cœlorum peccatoribus oclusam. Unde si quis semel accepit vere hæc duo sacramenta, consequens fit, ut virtute horum sacramentorum regnum cœlorum consequatur. Alias (ut arguebamus) sine his sacramentis & vi illorum esset apertio janæ regni cœlestis, quod sacris literis adversatur.

Hoc autem argumentum pro reliquis sacramentis non militat. Ignoramus enim, an fructum Eucharistiæ percipere si quis per Sacrilegium impeditur, postea, recedente tali sacrilegio, consequatur. Nec habemus rationem consentaneam, qua id confirmare possimus. Equidem facilius id admitterem in sacramento Confirmationis & Ordinis, non quod imprimant characterem, vel non imprimant (non enim hæc ratio movet) sed quod cum repeti non possint, & fructus illorum sacramentorum confirmatis & ordinatis sit per necessarium, verisimile est, Divinam misericordiam fructum horum sacramentorum, fitione abscedente, conferre, ne perpetuo ejusmodi fructu priventur. Et hoc satis est ad servandam literam D. Thomæ iniquentis: Et sic etiam est in aliis sacramentis. Non enim dixit, in omnibus, licet referri possit ad hoc, quod alia sacramenta recipiuntur a ficitis.

Ad secundum argumentum, facile dicitur, causam quidem naturalem, quæque agit ad modum nature, oportere simul esse cum effectu, vel aliquid

Videtur esse
locus hic
1. 1. de Bapt.
contra Do.
natist. c. 12.

quid relinquere loco sui, quod simul cum re effecta sit: At morales causas non est opus cum effectis esse, sed satis est fuisse. miles enim strenuus per rem præclare & fortiter in bello gestam, causa est futuri honoris æque coronæ apud Cæsarem; nec tamen aliquid relinquere, etiam opere transacto, quod sit veluti semen futuræ mercedis: sic etiam cum sacramentum penitentiae causa moralis sit remissionis peccatorum, per applicationem sanguinis Christi, & meriti ipsius, non est necesse ut comitetur effectum, sed satis est ut præcesserit, maneatque vis ejus in divina acceptione, quæ non accepit opus meum sacrilegum & fideum, sed opus Christi & meritum mihi per sacramentum applicatum.

Respon.
adhuc
explica-
turus 4.
argum.
princip.
int. hu-
jus 6.
part. al-
lato.

Utrum
per actum
culpab.
præcep.
Dei, sive
Ecclesiæ
satisfiat.
Adrian.
part. ne-
gat. me-
tur.

His ita constitutis, nihil superest, quam ut quarto argumento principali explicatus respondeamus. Nam Adrianus post quintam questionem de Confessione, dubio 4. in universum tenet, nullum hominem per actum culpabilem præcepto sive Dei, sive Ecclesiæ satisfacere, quia præceptum est de actu saltem moraliter bono: ergo per peccatum præceptum impleri non potest.

Item, de regulis juris, capite octavo. Qui ex timore facit præceptum, aliter quam debet, facit, & ideo jam non facit. Unde Glossa colligit, quod non dicitur factum, quod legitime non fit.

Præterea, Deus non præcipit confessionem sacrilegam, sed idoneam ad Absolutionem percipiendam. Ergo qui fide constituitur, Dei præcepto non facit satis. Et cum Ecclesia non præcipiat immediate Confessionem, sed præceptum a Deo limitet ad certum tempus, certe qui confessionem jure divino debitam non facit, Ecclesiæ mandatum de confitendo semel in anno non implet. Unde in cap. Omnis utriusque sexus, omnia sua peccata (Innocentius inquit) fideliter confiteatur proprio sacerdoti, & injunctam sibi penitentiam propriis viribus studeat adimplere, suscipiens reverenter in Pascha Eucharistiæ sacramentum.

Inde colligit Adrianus, fumentem Eucharistiam in peccato mortali non satisfacere præcepto nec Dei, nec Ecclesiæ. Item & illud, largientem pauperi elemosynam in extrema necessitate ob vanam gloriam, præceptum de elemosyna non implere.

Sed quoniam alterius loci est accuratius id expendere, nos cum communi opinione in præsentia teneamus, non esse transgressorem præcepti, qui actui bono ex genere suo, quem lex præcipiebat, apponit aliquam malam circumstantiam. Et per hoc patet ad primum argumentum Adriani: Lex enim est de actu moraliter bono secundum se.

Ad secundum: Quædam præcepta sunt, quæ sine charitate non implentur, ut de contritione, de actu charitatis: hujusmodi autem per timorem satisfieri non potest. At præcepta de actibus exterioribus, cum ex timore servili fiant, inutiliter quidem sunt, & propterea censentur non fieri, sed non inde per novam culpam violantur.

Ad tertium, jam patet, confessionem factam aliquam esse idoneam ad percipiendam veram Absolutionem, per quam scilicet præceptum impletur tum Dei, tum Ecclesiæ, cum ponens Sacramentaliter absolvitur. Imo crediderim ego, quod cum peccator se sistit Sacerdoti, juxta præscriptum illius capituli, Quod quidam, de Penitentis, etiam si non recipiat Absolutionem, implet præceptum Ecclesiæ ex quadam ejusdem Ecclesiæ pia & clementi dispensatione. Nec aliud intelligo, cum Pontifex ait, talem confessionem esse recipiendam. Quare censura, si quis fulminetur adversus eos, qui eo anno non sunt confessi, hujusmodi peccatores impenitentes non rangunt. Per nullam tamen Confessionem impletur Divinum præceptum, nisi Absolutio Sacramentalis superaddatur, sine qua Sacramentum Penitentis non est.

In quinto principali argumento id primum quaeritur, an mutus confiteri Divino præcepto teneatur. Ubi ego non dubito, mutum ad Confessionem obligari, sive per nutus, si habeat copiam sacerdotis, qui nutus intelligat, sive per scriptum, si scribere didicerit. Divus Thomas dist. 17. quest. 3. artic. 4. quest. 3. ad secundum. Scotus eadem dist. dist. 1. in solutione argumentorum, Gabriel & Major. eadem dist. quest. 1. imo tandem Cajetanus in Summa. Probaturo vero ex illo Joannis 20. Quotum remisistis peccata, remittuntur eis, & quorum retinueritis, retenta sunt. Si ergo mutus peccata aliqua exprimere potest sacerdotibus, illa non remittuntur, nisi sacerdotes remittant. Nec etiam video causam, cur a præcepto

Respon.
ad rat.
Adrian.

Respon.
ad 5. argu-
mentum.
quest.
princip.

cepto illius cap. Omnis utriusque sexus, excipiantur. Nam si nuditus Confessio fieri possit, & forum secretissimum erit, & decentissimum, si servetur forma, quam Cajetanus tradit in Summ. Sin autem scribere mutus sciat, commodissime fiet per scriptum confessio: nam scriptum manu tenere potest, & lancinare. Nam dicere, scripturam suapte natura publicam esse, ac proinde non convenire pœnitentiæ, metaphysicum commentum videtur esse: sic enim posses asserere, & natus suapte natura publicus esse, atque adeo verba. Aut ergo asseramus, mutos confiteri non posse; aut si possunt, eos teneri fateamur.

Quæst. Sed oritur dubium, an si mutus non possit quidem explicare species peccatorum, & circumstantias, sed nuditus duntaxat ostendere, se offendisse Deum, an, inquam, possit absolvi: & eadem quæstio est, si ægrotus loquelam amiserit adveniente Sacerdote.

Argum. pro par. affirm.

Et suadet pars affirmativa, quia si quis confiteretur generaliter venialia, scilicet faciendo confessionem generalem, posset absolvi sacramentaliter, cum non teneatur species, & circumstantias venialium explicare: ergo si quis non possit species mortalium exprimere, satis erit generaliter confiteri.

Deinde Joannis 20. data est potestas Apostolis remittendi peccata quorumcumque: ergo si mutus nesciat exprimere peccatorum species, Ecclesia habebit potestatem remittendi illi peccata. Nec enim credendum est, ejusmodi hominibus legislatorem in necessariis defuisse.

Præterea, cum non possum commodè explicare speciem peccati, ut si sequatur inde periculum, tunc satis est confiteri peccati genus: ergo satis erit generaliter confiteri ad confessionem sacramentalem. Si enim genus peccati subalternum ad sacramentum sufficit, non est cur generalissimum non sufficiat.

Præterea, Arausicanum Concilium, cap. 12. Subito, inquit, obmutescens, & baptizari, & pœnitentiæ accipere potest, si voluntatis præteritæ testimonium aliorum verbis habet, vel præsentis in suo nutu. Et III. Concilium Carthagin. cap. 34. Si ægrotantes, ait, pro se respondere nequeunt, cum voluntatis eorum testimonium sui dixerant, baptizentur, & manus etiam pœ-

nitentibus imponatur. Referturque de consecr. dist. 4. cap. Ægrotantes. Item apertius Concil. Carthagin. IV. c. 77. & habetur 16. qu. 6. cap. Is qui, hunc in modum scribit: Is, qui in infirmitate pœnitentiæ petit, si casu, dum ad eum Sacerdos venit, oppressus infirmitate obmutuerit, dent testimonium, qui eum audierunt, & accipiat pœnitentiæ: & si continuo creditur moriturus, reconcilietur per manus impositionem, & infundatur ori ejus Eucharistia. Idem habes in Epistol. 69. Leonis Papæ ad Theod. in hæc verba: His, qui in periculi urgentis instantia prædium pœnitentiæ, & mox reconciliationis implorant, nec actio illis pœnitentiæ, nec communionis gratia denegetur, si eam, etiam amisso vocis officio, per iudicium integri sensus querere comprobetur: quod si aliqua ægitudine ita fuerint aggravati, ut quod paulo ante poscebant, sub præsentia sacerdotis significare non valeant, testimonia eis fidelium circumstantium prodesse debebunt, ut simul & pœnitentiæ, & reconciliationis beneficium consequantur.

In hac quæstione Abulenſis super 16. cap. Matth. qu. 79. tenet, quod si quis in articulo necessitatis voce confiteri non potest, quamvis signa contritionis ostendat, absolvi non debet. Est enim, inquit, contra formam absolutionis, in qua dicitur: Absolvo te de peccatis confessis, & obliis: ille autem nulla peccata confitetur. Quæ quidem ratio nihil me movet; tum quia illa forma non mihi magnopere probatur (ne atrocius verbum dicam) possem enim uti alia, cum Concilium Florentinum aliam, hac neglecta, præscripserit, hoc est: Ego te absolvo. Deinde, quoniam ille, de quo disserimus, nuditus confitetur, licet ore non possit. Sed dicit forsitan: non confitetur peccatorum species: fateor id quidem, at id nunc in controversia est: An confessio generalis sufficiat, cum specialis fieri non potest: ubi magnopere vellem audire potius, quam docere. Nam Div. Thomas nihil explicite tradidit, unde hanc quæstionem definire possumus. Distinctione siquidem 21. quarti Sententiarum, quæst. 1. art. 1. ad 1. dicit, quod quandoque confessio generalis est sacramentalis, & quandoque non. Sacramentalis quidem est, quando quis in secreto Sacerdoti confitetur quædam,

Sentent. Abulens. & Auct.

quæ meminit, & alia venialia in generali.

Et ad secundum: erat quippe argumentum huiusmodi: Post confessionem generalem, ita remanent occulta peccata penitentis confessori, sicut & prius: quia in his quæ generaliter dicuntur, non est aliquis, qui non peccet, &c. Huic igitur argumento respondet, quod procedit confessione sacramentali, quæ iudicium sacerdotale expectat, & ideo requiritur aliqualis peccatorum manifestatio. Hactenus D. Thomas. At art. 2. asserit, Confessionem generalem sacramentalem operari ad remissionem poenæ debite propter peccatum oblitum, idque ex vi clavium. Atque idem sequitur Petrus Palud. dist. 21. quest. 2. ar. 2. ubi etiam docet, materiam absolutionis esse peccata confessæ vel in speciali, vel in generali: alias frustra adderemus in confessione, de his, & de aliis, quorum non sum memor, &c. Quod si peccata oblita generaliter ostensa Sacerdoti vera sunt materia absolutionis, non est, cur definiamus, generalem confessionem, cum specialis fieri nequit, sacramenti huius idoneam materiam non esse. Quamobrem, ut antea dixi, questio multo obscurior est, quam ut a me valeat illustrari.

At inhxrendo Ecclesiastico usui, quod huiusmodi peccatores in genere penitentes absolvi sacramentaliter non solent, teneamus interim (id, quod tutius est) confessionem, in qua nullum peccatum explicatur, non esse sacramentalem. Nam, præter Ecclesiæ consuetudinem, quæ in huiusmodi rebus magnum momentum habere debet, rationes illæ dux, quas D. Thomas insinuavit, non sunt omnino leves: Altera, quod hoc sacramentum est iudiciale: iudicis autem sententia apta esse non potest, nisi iudex crimen aliquod in specie cognoscat. Altera, quod non plus innoteat mihi conscientia illius peccatoris per talem confessionem, quam ante illam, cum vir etiam sanctissimus posset ita generaliter confiteri.

Respon.
ad arg.
pro par.
affirm.
allata.

Ad primum, nego antecedens. Nam licet non teneatur explicare species venialium, sicut nec venialia confiteri, si tamen vult absolutionem sacramentalem recipere specialis confessionis, opus est, ut juxta qualitatem, & quantitatem delicti sententia ipsa feratur.

Ad secundum eodem modo respondetur, quod Apostoli acceperunt potestatem, tanquam iudices: iudicium vero ineptum est, nisi delicta a iudice cognoscantur. Nec opus est, Legislatorem privatis, & accidentariis eventis providisse, ut in baptismo parvulorum manifestum est: Sunt enim parvuli, qui baptizari interdum non possunt.

Ad tertium respondeo, quod cum explicatur genus peccati subalternum, ut luxuria, aut incestus, jam cognoscitur & substantia, & aliqua delicti qualitas iudicandi, &c.

Ad quartum dupliciter responderi potest. Prius, quod illi publice penitentes olim habebantur excommunicati: unde manuum impositio, seu reconciliatio, quæ jubebatur impendi, non erat sacramentalis, sed quasi quædam absolutio ab excommunicatione. Tali enim signo solebat olim Ecclesia in communionem admittere, quos communionem privarat: & ideo ejusmodi manuum impositio non solum Presbytero, sed Diacono etiam permittebatur: quemadmodum videre licet apud Cyprianum, 3. Epistol. libro, Epistola 17. Posterius respondetur, quod, cum omnibus illis locis sermo sit de publicè penitentibus, intelligere debemus, quod illorum peccata, jam per confessionem publicam sacramentalem, in die Cinerum innotuerant Sacerdoti. Sed quoniam absolutio ad diem Cænæ Dominicæ juxta antiquum morem proferebatur, id etiam a majoribus statutum est, ut si interim periculum mortis urgeret, impenderetur absolutio, sive nitibus eam peterent istiusmodi penitentes, sive constaret petiisse. Est autem imprudentia non mediocris, ea, quæ more majorum in penitentia publica præscripta sunt, ad hanc nostram secretam penitus accommodare.

Quod si quis ejusmodi ægrotis generaliter confitentibus sacramentalem absolutionem impendere voluerit, non eequidem valde repugno, sed me auctore, non faciet. Expectabit autem in re nova vir prudens, & modestus, aut Episcoporum, aut Summi Pontificis auctoritatem, quam ego hoc sane loco desidero. Tametsi D. Augustinus ejusmodi hominibus absolutionem forte præstaret. Cujus in lib. 1. de adulterinis Conjugiis, cap. ultimo, hæc sunt verba: Ego non solum alios ca-

the-

thecumēnos, verum etiam ipsos, qui viventium conjugis copulati retinent adulterina consortia, cum salvis corpore in his permanentes non admittamus ad baptismum, tamen si desperati, & intra se pœnitescentes jacuerint, nec pro se respondere potuerint, baptizandos puto, ut etiam hoc peccatum cum cæteris lavacro regenerationis ablatur. Quis enim novit, utrum fortassis adulterinæ carnis illecebra usque ad baptismum statuerant detineri? Si autem ab illa desperatione recreati potuerint vivere, aut facient quod statuerant, aut edocli obtemperabunt, aut de contemptoribus fiet, quod fieri etiam de baptizatis talibus debet. Quæ autem baptismatis, hæc reconciliationis est causa, si forte pœnitentem finiendæ vitæ periculum præoccupaverit. Nec ipsos enim ex hac vita sine arrha suæ pacis exire velle debet mater Ecclesiæ. Hæc Augustinus.

An confessio sacram.
per nū-
ciū &c.
fieri
possit.
Arg. pro
part. af-
firm.

Alterum, quod in eodem quinto argumento quæstionem habet, est, An confessio sacramentalis, vel per nuncium, vel per epistolam, absenti confessori fieri possit. Nam posse fieri, suadet ex cap. Qualis, 30. qu. 1. ubi Leo possit. Papa tradit, pœnitentiam per scripturam esse recipiendam. Deinde suadet ex Cypriano, lib. 3. epist. 17. ubi dicitur, quod lapsi per literas petierunt a Cypriano reconciliationem, & pacem.

Tertio item ex eo, quod matrimonium, quia materia ejus actibus nostris constat, per epistolam, vel paranymphum fieri potest: ergo & pœnitentia.

In contrarium est, quod D. Augustinus lib. de vera, & falsa pœnit. c. 10. tradit, & habetur de pœnit. d. 1. cap. Quem pœnitent, in hæc verba: Præcepit Dominus mundatis, ut ostenderent se sacerdotibus, docens, corporali præsentiā confitenda peccata, non per nuncium, non per scriptum manifestanda.

In hoc dubio Petrus Palud. 4. dist. 17. qu. 3. videtur tenere, confessionem, & absolutionem factam literis per absentes, esse sacramentalem. Idem tenet expresse Adrianus, q. 2. de confessione, ad tertium. Estque argumentum præcipuum, quia absolutio sententiæ quædam est in foro judiciali: de ratione autem sententiæ non est, quod vocalis sit, aut præsente reo feratur.

Mihi autem hæc opinio probari nunquam potuit, quamvis argumenta, quibus consutari solet, non sint magnopere vehementia. Certe, quæ Cajetanus in Summa sua nobis tradit, nullius videntur esse momenti: præter illud unum, quod revera grave est, videlicet confessionem, & absolutionem actiones sacramentales esse, ac proinde personales, ideoque per internuncios, aut literas administrari non posse.

Argumentor itaque primum in hunc modum: Absolutio, & quælibet forma sacramentalis confert gratiam: ergo non operatur in absentem: alioqui si absens dormiret tempore absolutionis, ab ignorante sacerdote justificaretur.

Præterea, absens non confiteatur internuncio, nec internuncius sacerdoti: ergo nulla est ibi confessio sacramentalis.

Item, sacerdos absens ignorat, an pœnitens post literas mutaverit voluntatem recipiendi absolutionem: ignorat etiam, an pœnitens tempore, quo absolutio impenditur, sit dispositus: rursum quoque, an commiserit aliquid peccatum mortale post litteras missas. Quocirca semper se exponit manifesto periculo sacrilegii.

Est denique illud gravissimum argumentum, quod non insolitum modo, verum etiam inauditum est in Ecclesiâ, judicium sacramentale inter absentes exerceri, aut absolutionem peccatorum a confessore absente, per literas, vel internuncium dari.

Ad primum argumentum respondet primum glossa: quod permittitur mulieri simplici, & verecundæ, dum tamen præsens sit, peccata scripta Confessori offerre. Erat enim olim usus, ut de peccatis publicis a pœnitente libellus offerretur, in quo ejusmodi peccata continerentur scripta, ut patet ex epistola Leonis 57. ad Episcopos Campaniæ, atque adeo ex epistola Cypriani jam citata. Respondet quoque Gabriel, ibidem esse sermonem de confessione adulteræ in foro exteriori, recipiebatur enim scripto, ut constaret ecclesiæ, eam esse legitime a viro suo repudiatam.

Ad secundum argumentum facile dicitur, nostram sententiam potius ex Cypriano confirmari. ait enim: Qui libellos a martyribus acceperunt, si infirmitatis periculo occupati fuerint, non expectant præsentiā nostram, quin apud presbyterum quemcunque

Contr.
opinio.

Resp. ra-
tion. al-
latis pro
contr.
opini.

presentem exomologesin delicti sui facere possint, ut manu eis in penitentiam imposita, ad Dominum veniant cum pace, quam dari, literis ad nos factis, desideraverunt.

Ad tertium respondetur, quod sententia sacerdotis est judicialis, nec alterum ab altero potest separari: Matrimonium autem & contrahens est naturalis, & sacramentalis, sed aliquando alterum sine altero est. Matrimonium enim, quod per procuratores contrahitur, non est sacramentum, ut Caceranus erudite confirmavit.

Ad postremum, de ratione sententiae, fateor, non esse iudicis, reique presentiam; sed est tamen de ratione sententiae sacramentalis, quae gratiam confert. Nisi enim sacramentum praesenti subiecto applicetur, ut per inductionem patet, iustificare non potest. Quererem namque libenter ab huiusmodi auctoribus, an Episcopus possit absenti sacramentum ordinis conferre: & cum negaverint, propter usum Ecclesiae perpetuo repugnantem, eodem ego argumento probabo, sacramentum absolutionis conferri absenti non posse.

Dub. An praenit. presentia sacerdotis confit. possit scripto.

At exiit hinc parvum illud dubium: An praenitens coram sacerdote per scripturam confiteri possit, ut mutus, vel puella verecunda. Ad hoc respondet D. Thomas Quodlibeto 1. art. 10. quod cum de essentia confessionis sacramentalis non sit vocalis confessio, iis qui verbo confiteri nequeunt, satis est scripta confessio. Atque haec quidem propositio communis est omnium Doctorum, quos equidem legerim. Sed addit D. Thomas huic alteram, quae non perinde certa est, nempe, ex institutione Ecclesiae teneri hominem, qui potest, voce confiteri, quoniam in omnibus sacramentis accipit id Ecclesia, cuius est communior usus: verborum autem usum & communem esse, & ad confessionem accommodatum, negari non potest. Et quamvis hoc praecceptum non inveniatur expressum, satis est tamen consuetudo, quae videlicet habenda pro lege est. Nullus enim sacerdos confessionem admittit, nisi praenitens peccata voce proferat. Ac certe fictus videtur esse, qui ore tacet, cum ore accusare se possit. Tutissima rectissimaque via haec est, quis negat? Sed, si quando contingat, (quod tamen rarum erit) ut puella verecunda plena voce edere non queat, cum hac sacerdo-

tis prudentia dispensabit. Item etiam, si aegrotus per gutturis angorem confiteri quidem voce possit, sed vix tamen & aegre possit, non erit eiusmodi compellendus, si scribere facile peccata vallet, ut vocalem confessionem exhibeat.

In eodem quinto principali argumento id postremum quaeritur: An cum praenitens ignorat idioma sacerdotis, atque e diverso praenitens idioma sacerdos, oporteat confessionem fieri per interpretem. Et quidem communis sententia tenet, huiusmodi praenitentem non obligari ad eam confessionem, quia nemo tenetur revelare secreta peccata, nisi sacerdotibus: hic autem revelaret etiam interpreti, qui non est sacerdos. Assumpta vero prior loco propositio patet ex Leone, epistola 57. ubi ait: Reatus conscientiarum sufficere solis sacerdotibus indicare confessione secreta. Et D. Augustinus de vera, & falsa praenitentia, cap. 11. Si peccatum, inquit, occultum est, sufficit referre in notitiam sacerdotis. Sed & Innocentius in cap. Omnis intrinseque sexus, Tit. de praenitentiis, prudenter limitavit praecceptum, inquit: Omnia sua solus peccata confiteatur proprio sacerdoti: videlicet insinuans, quod si solus confiteri nequit, confiteri non tenetur.

Hanc ego communem Doctorum sententiam, quod ad praecceptum Ecclesiae de quotanni confessione pertinet, libentissime recipio. Sed in articulo mortis non auderem omittere confessionem, si haberem interpretem. Iactura enim illa parva est, ut praetermittam sacramentum, quod est necessarium ad salutem: quemadmodum retro dicebamus, in articulo mortis hominem obligari ad explicandum peccatum, etiam cum aliquo sane alienae detrimentor. Et in hoc eventu intelligitur D. Thomas 4. distinct. 17. quæst. 3. art. 4. quæst. 3. ad secundum, cum utitur illis verbis, Exigitur, Debemus: quæ quidem verba obligationem praeseferunt. In reliquis vero eventibus, etiam quum iure divino confessio est in praeccepto, credere sine periculo possumus, neminem obligari ad confessionem peccatorum per interpretem. Quæ autem sint hæc eventa, sive temporaria, in quibus praecceptum divinum, etiam praeter mortis articulum, ad confessionem obligat, paulo post expediemus.

Ad sextum principale argumentum priusquam respondeamus, necesse est prin-

Utrum confess. fieri per interpr. possit.

Respon. ad 6. ar. prin-

princip.
init. hu-
jus 6.
par. po-
nitum.
Quis sit
proprius
Sacerd.
de quo
Innoc.
&c.

explicare, quisnam proprius sacerdos appelletur. Nam Petrus Palud. 4. dist. 17. quæst. 3. & Sylvester in verbo Confessor, primo docent, nomen proprii sacerdotis dupliciter accipi: uno modo, pro quocunque habente potestatem absolvendi, sive ordinariam, sive delegatam: & sic capitur (ajunt) in cap. Omnis utriusque sexus, ab Innocentio ibi: Omnia sua peccata semel confiteatur in anno proprio sacerdoti. Alias non implet illud præceptum, qui confiteretur Fratribus mendicantibus: non enim sunt proprii sacerdotes, nisi in hac significatione. Alio modo (inquunt) capitur sacerdos proprius pro sacerdote habente jurisdictionem ordinariam absolvendi, qualis est vel Parochus, vel Episcopus, vel summus Pontifex. Quem in modum accipitur in eodem capite, Omnis, cum subiungitur: Si quis autem alieno sacerdoti voluerit iusta de causa sua confiteri peccata, licentiam prius postulet, & obtineat a proprio sacerdote.

Sed revera sine causa admittitur æquivocatio in eadem oratione apud Innocentium. Nam illud suum præceptum ipse idem explicuit, exceptionem addens: nisi de licentia proprii sacerdotis. Et quod in illo capite, Proprius sacerdos, Parochus intelligatur, manifeste liquet ex quadam extravaganti Martini V. quam refert Adrianus, q. 5. de confessione. Sic etiam accipitur nomen proprii sacerdotis divus Thomas, dist. 17. quæst. 3. artic. 3. quæst. 3.

Itaque sacerdos proprius vel intelligendus est parochialis sacerdos, ut Martinus V. intellexit, & ut revera Innocentius accepisse videtur, juxta plenam illius decretalis intelligentiam; vel intelligendus est sacerdos habens ordinariam potestatem & jurisdictionem. Et in priori quidem significatione, sacerdos proprius vocatur, & ut distinguitur contra alienum, & ut distinguitur contra communem. Contra alienum quidem, ut quilibet parochianus intelligat, suo proprio parochio, non alterius parochii sacerdoti debere confiteri. Contra communem autem, quia supposebat Innocentius, Episcopum, & summum Pontificem, qui sacerdotes communes dici possunt, non habere consuetudinem audiendi confessiones. Quare spectans in communem nullam (quod leges facere solent) præcepit, ut parochiani suis parochiis confiteren-

tur. Nec obiectio illa movere nos debet, quod sit in illo capite proprius sacerdos sic acciperetur, qui confessionem faceret vel Episcopo, vel summo Pontifici, præceptum illius capitis non implet. Nam cum parochus jurisdictionem habeat ab Episcopo, Episcopus a summo Pontifice, pro comperto relinquitur, ut pœnitens, qui privatis suis sacerdotibus confiteri solet, si ad Episcopum, vel summum Pontificem recurrat, eisque confiteatur, multo etiam magis præcepto confessionis satisfaciatur.

At si quis contendere velit, & Episcopum, & summum Pontificem appellari proprios sacerdotes, dicat, ideo proprios appellari, quia propriam habent jurisdictionem absolvendi, quam scilicet sibi proprie vendicant: ex officio ordinario pascendi oves.

In hunc igitur posteriorem sensum dubium est: an ex divino jure sit necessarium confiteri proprio sacerdoti. Nam Armacanus lib. 11. de questionibus Armenorum, cap. 4. ex solo jure humano id existimat necessarium: cum quilibet sacerdos in ordinatione sua acceperit potestatem remittendi peccata quorumcumque. Idem quoque videtur insinuare D. Thomas d. 17. quæst. 3. ar. 3. qu. 4. ad quintum; si literæ tantum superficies spectetur. Durandus etiam 4 d. 19. qu. 2. hanc Armacani opinionem asserit esse probabilem; hoc est, seclusa ecclesiæ lege, quemlibet sacerdotem quemcumque peccatorem absolvere posse. Hanc tenuit Uvicliff, hanc demum nunc temporis Lutherani.

At hæc sententia defendi nulla ratione potest: quin exploratum haberi debet, præceptum de confitendo proprio sacerdoti, divinum esse. Primum, ex concilio Florentino: ubi minister hujus sacramenti definitur sacerdos habens auctoritatem absolvendi, vel ordinariam, vel ex communiione superioris. Quapropter sine hujusmodi commissione sacerdos alienus non est hujus sacramenti minister: atque proinde jure divino tenemur proprio sacerdoti confiteri. Nam confessio, quæ fit alteri ex facultate proprii sacerdotis, proprio sacerdoti fieri censetur.

Præterea, capite, Si Episcopus, de pœnitentiis & remissionibus lib. 6. Bonifacius tradidit, nullam consuetudinem introduci posse, ut aliquis, præter sui superioris licentiam, Confessorem sibi

Sentent.
Arma-
cani, que
est etiã
Uviclef-
fi, & Lu-
theri.

Impro-
batur.

eligere valeat, qui cum possitolvere, vel ligare. Et tamen si esset solum de jure positivo, aliqua consuetudo posset prevalere: ut patet in decimis solvendis, in comedendis ovis tempore Quadragesimæ, & aliis ejusmodi Ecclesiasticis legibus, quæ per consuetudinem contrariam abrogari possunt.

Præterea, hoc videtur etiam definitum in illo cap. Omnis, de penitentia, ubi Innocentius, Licentiam, inquit, prius postulet, & obtineat a proprio Sacerdote: quum aliter illum alienus non possit absolvere, vel ligare.

Ratioque id manifeste docet. Nam potestas jurisdictionis non habetur nisi ab his, qui subditos habent. At non quilibet sacerdos ex jure divino subditos habet, sed solum pastores Ecclesiæ, quibus oves Christi commissæ sunt: ergo solus ille, cui ex officio est annexa cura animarum ex divina institutione iudex est: atque ex consequenti ad eum solum judicialis sacramenti administratio pertinet. Erroneum igitur est hac tempestate asserere, sacerdotem simplicem jurisdictionem habere, potestatemque solvendi. Unde & Martinus V. in Concilio Constantensi circa finem, inter reliquas interrogationes ponit hanc: Utrum credat, auctoritatem jurisdictionis Papæ, & Episcopi esse majorem in solvendo, ligandoque auctoritate simplicis sacerdotis: etiam habentis curam animarum. Vide Cajetanum in additionibus tertiæ partis, quæst. unica, de ministro sacram. penit. Turrecr. lib. 1. cap. 96. & 97, & 98. Nam in hanc sententiam conveniunt omnes Scholastici Auctores, atque adeo Divus Thomas distinctione 19. quæst. 1. artic. 3. quæst. r. & dist. 17. quæst. 3. art. 3. quæst. 4.

Respon.
arg. Ar-
mac.

Ad argumentum vero illud potissimum, quod opponitur ex ordinatione Sacerdotum, quibus dicitur, Accipite Spiritum sanctum, &c. quoniam eisdem verbis Dominus Apostolis dedit potestatem jurisdictionis, Joan. 20. cum ibi fecerit eos iudices, & instituerit sacramentum confessionis, cujus eos quoque ministros effecit; responderetur, quod eisdem quidem verbis ecclesia nunc potest tradere potestatem jurisdictionis omnibus initiatis: at revera non tradit, sed solum potestatem ordinis necessariam ad abolitionem sacramentalem. Nam ille actus sacramentalis duplicem potestatem exigit, alteram ordinis, al-

teram jurisdictionis: neutraque sine altera satis est. Nam Episcopus Diaconus subditos quidem habet, sed si tenet absolvere, nihil facit. Simplex quoque Sacerdos Ordinis potestatem habet, sed quia caret jurisdictione, nihil facit absolvendo. Accipit itaque Sacerdos quique, cum initiatur, per illa verba, Quorum remisistis, &c. potestatem ordinis, quæ necessaria est ad remittenda peccata: tamen si (ut retro diximus) jurisdictionem quoque accipiat ad remittenda venialia, &c.

Quod si quæras, unde constare possit, Ecclesiam ordinatis solum potestatem ordinis conferre velle, certe Ecclesiæ usu constat, intentioneque prælatorum ordinantium. Non enim intendunt Episcopi tradere jurisdictionis potestatem. Nam & Episcopus titularis cum ordinat, eisdem verbis id facit: cum tamen nullos habeat subditos, &c.

At vero circa ea, quæ dicta sunt, oriuntur aliqua dubia indigna proflus, quæ a nobis prætereantur.

Primum est: An, quando non est tutum confiteri peccata proprio sacerdoti, quia timetur scilicet vel scandalum, vel revelatio confessionis, possit homo confiteri cui voluerit sacerdoti, si proprius negat facultatem alteri confitendi.

Ad hoc, Doctores graves asserunt, quod si nec Sacerdos proprius, nec Episcopus volunt dare facultatem, tunc potest peccator confiteri cui maluerit. Id tenet Hostiensis in cap. Omnis utriusque sexus. Id videtur sentire Magister, distin. 22. cap. postremo, & Gratianus de penitentia, distinct. 6. circa finem. Id Sylvester in verbo Confessor 1. §. 6. & Richardus dist. 17. art. 3. quæst. 7. & Paludanus eadem dist. quæst. 3. art. 3. & Adrianus quæst. 5. de Confess. dub. 3. Id vero probant ex cap. ult. de penit. dist. 6. ubi Urbanus Papa, Placuit, inquit, ut deinceps nulli Sacerdotum liceat quemlibet commissum alteri Sacerdoti ad penitentiam suscipere, nisi pro ignorantia illius, cui penitens prius confessus est. Est igitur argumentum: pro ignorantia proprii sacerdotis licet adire ad alium sacerdotem, etiam sine proprii consensu; ut hoc rectus manifeste dicit, & Glossa item eodem loco: ergo multo magis pro malitia, &c.

Deinde confirmant hoc auctoritate D. Augustini, libro de vera, & falsa peni-

Dub. An
quando
non est
tutus eo-
dem sa-
cro-
prio Sa-
cerd. li-
ceat pe-
nitenti
cui vo-
luerit,
confite-
ri, &c.
Opinio
quorun-
dam.

tentia, cap. 10. & refertur de pœnitentia, dist. 6. cap. 1. ubi D. Augustinus, Et qui vult, inquit, confiteri peccata sua, quærat Sacerdotem, qui sciat ligare & solvere, ne ambo in foveam cadant, quam stultus evitare noluit.

Præterea, Sacerdos proprius in tali eventu teneatur dare facultatem: ergo si neget, satis fuerit petiisse: argumentum capit. Licet, Extra, de regularibus. Nam (ut ibidem dicitur) Prælati indifferente negans facultatem iuste petitam, privilegium meretur amittere, qui concessa sibi abutitur potestate.

Præterea, legislator non deficit in necessariis. Sed quando sacerdos proprius est ineptus ad audiendam Confessionem, vel ex ignorantia, vel ex malitia, Confessionis necessitas instat, sicut & communionis: ergo in tali eventu jam legislator de Confessione providit, ut etiam in articulo mortis quilibet sacerdos posset absolvere.

Opinio
contrar.

Histamen argumentis præceptor meus bonæ memoriæ commoveri non potuit, quin crederet, hanc opinionem esse & minus tutam, & irrationabilem. Idem tenuit Cajetanus in Summa, in verbo Absolutio ex parte absolventis. Atque Divus Thomas idem sentire videtur, dist. 17. quæst. 3. art. 3. quæst. 4. ad tertium, ubi dicit, quod electio discreti sacerdotis non est nobis commissa, ut nostro arbitrio facienda, sed de licentia superioris, si forte proprius sacerdos esset minus idoneus ad apponendum peccato salutare remedium. Et ad quintum argumentum expresse docet, quod in quibus eventis probabiliter timet ponens periculum sibi, vel sacerdoti ex Confessione, debet recurrere ad superiorem, vel ab eodem petere licentiam alteri confitendi: quod si licentiam, ait, habere non possit, idem est iudicium ac de illo, qui non habet copiam sacerdotis. Nec distinct. 21. in expositione litterarum huic sententiæ adversatur. Nam prius ex sententia propria asseruerat, quod cum pœnitens habet sacerdotem ignorantem, ex facultate ipsius sacerdotis, vel superioris, debet alium petere prudentiorem. Cum autem posterius subdit per conjunctionem adversativam: quinque tamen casus ponuntur, quibus licet confiteri alii, quam proprio Sacerdoti, sine ejus licentia, &c. refert quidem aliorum opinionem, quam tamen ipse non probavit.

Et certe eam nos probare debemus: Primum ex cap. Omnis utriusque sexus, ubi dicitur, quod si quis alieno sacerdoti voluerit iusta de causa sua confiteri peccata, licentiam prius postulet, & obtineat a proprio sacerdote, cum aliter illum non possit solvere, vel ligare.

Ad hoc respondet Adrianus, quod cum Innocentius dicit, Licentiam postulet, & obtineat a proprio sacerdote, subintelligendum est, vel a jure. In casu autem, de quo loquimur, pœnitens habet a jure facultatem obtinendam, scilicet ex illo cap. ultimo de pœnitentia, dist. 6. At hæc solutio non est idonea, tum quia jus illius capituli antiquius erat Concilio Lateranensi, cum Urbanus II. sub quo illud decretum est, multis annis præcesserit Innocentium III. qui illius capituli, Omnis utriusque sexus, fuit autor: Tum quia, cum supponat Innocentius iustam causam in petendo, & addat, licentiam petat, & obtineat, consequenter insinuat, licentiam petitam & negatam in causa iusta non sat esse, ut alius possit absolvere, quamvis iuste petita male negatur: Tum quia hæc facultas, per quam fit exceptio a Decreto Concilii generalis, nusquam habetur in jure: ut ex argumentorum solutione patebit: Tum demum, quia per hanc exceptionem aperitur janua multis incommodis, eisdemque absurdissimis. Nam & unusquisque facile sibi persuaderet, suum Parochum esse ignorantem, indeque eligeret facultate juris confessorem: & idem quoque in casibus reservatis fieri eadem ratione posset, ut videlicet, quando nollet Prælati vel ex ignorantia, vel malitia iuste petitam concedere facultatem, hanc sibi ex confessione juris pœnitens assumeret. Quibus profecto qui non movetur, hunc nihil horum reputavisse certo scio.

Præterea, mortuo proprio sacerdote, non potest ille, de quo loquimur, cui maluerit confiteri: ergo nec vivente, & facultatem negante.

Præterea, si proprius sacerdos nominatum excommunicaretur, vel esset percussor clerici manifestus, non liceret Parochianis cuilibet confiteri, sed solum illi, quem Episcopus, vel Papa provideret.

Fac denique (id, quod usu venire potest) ut proprius sacerdos ex mali-

tia, vel animi perturbatione nolit Confessionem cuiquam audire: tunc quæro, an Parochianus possit alieno sacerdoti pro suo arbitratu confiteri. Ac posse quidem, nullus, nisi indoctus, & temerarius, admittet. Quod si non potest, certe nec poterit, propter ignorantiam vel scandalum proprii sacerdotis, alieno sine superioris facultate confiteri.

Respon.
argum.

Ad primum argumentum respondeo, quod Urbanus loquitur de Penitentia publica iuncta a sacerdote, cui penitens prius confessus est, ut ipse etiam textus expresse. Docet autem Summus Pontifex, penitentiam publicam iunctam a Parocho, in propria Ecclesia esse faciendam, non in aliena Parochia. Ac præterea docet, alium sacerdotem penitentiam iunctam a priore Confessore non debere aut commutare, aut relaxare, nisi prior sacerdos adeo fuerit imprudens & ignarus, ut penitentiam indiscriminè indixerit: tum enim si imprudentia fuerit manifesta, sacerdos secundus poterit penitentiam suo consilio moderari. Imo in Ecclesia olim, ubi erant plures sacerdotes, qui æque poterant populi confessiones audire, si quis penitens uni illorum sacerdotum se commississet, crediderim equidem iure optimo cautum esse, ut posteaquam illi peccata sua fuerat confessus, atque illius consilio penitentiam salutarem acceperat, ab alio sacerdote non susciperetur ad penitentiam, nisi forsitan prior fuisset ineptus, & imprudens. Erat autem ea lex iusta primum, ne identidem mutatis animorum medicis, salus ipsa spiritualis penitentium præpediretur: deinde, ne penitens severitatem iustam prioris iudicis, cui se commiserat, veritus, apud iudicem alium remissionem quæreret: quod nostra hac tempestate quidam facientes, dum præ pudore sacerdotes graves & probos, quibus se permiserant, superiunt, novosque quærunt, vel incognitos, experimento suo discere possunt, quam parum in salute spirituali provehantur. Reliqua omnia faciliora sunt, quam quæ nos morari debeant, qui ad alia graviora properamus.

Utrum
habens
facult.
a pro-
prio Sa-

Aliud quoque dubium est, idque gravissimum: An habens facultatem a proprio sacerdote eligendi Confessorem, possit eligere quemlibet Sacerdotem, etiam alias non probatum,

nec expositum. Ad hoc Gabriel, d. 17. q. 2. art. 3. tenet partem affirmativam. Idem tenet Sylvester in verbo, Confessor 1. §. 1. Idem quoque Adrianus post quintam questionem de Confessione, dub. 1. Referuntque in hoc Hostiensem de penitentibus, cap. Omnis, & Panormit. Clement. 1. de Privilegiis. Breviter, hæc est communis opinio juniorum, quam suadent in primis ex cap. finali de penitentibus, ubi dicitur: Permittimus Episcopis, & aliis superioribus, nec non minoribus prælatis exemptis, ut etiam præter sui superioris licentiam, providum & discretum sibi possint eligere Confessorem. At ex vi hujus privilegii non oportet eum, qui alias est probatus Confessor, eligere: ergo nec qui a Summo Pontifice, vel Episcopo facultatem habet eligendi Confessorem, tenetur eligere alias probatum & examinatum.

Præterea, simplex sacerdos ab ordinatione sua habet potestatem absolvendi, sed quia deest illi materia, circa quam possit illam exercere, idcirco non absolvit. At penitens, qui habet facultatem a proprio sacerdote, præstat se subditum Confessori, quem elegit. Talis igitur Absolutio, cum habeat materiam, erit valida.

Tertio, Summus Pontifex, per hoc solum quod voluntarie subicit se simplici sacerdoti, eo ipso dat materiam convenientem Absolutioni sacramentali: ergo & quilibet Christianus, qui habet facultatem a proprio sacerdote, ubi primum se voluntarie subdit sacerdoti simplici, &c.

Quarto, Quia alias diploma Pontificium nihil daret, nam eligere Confessores jam expositos, videlicet Fratres præsentatos Episcopis, & ab ipsis probatos, sine diplomate fideles poterant: ergo per tale privilegium conceditur eis facultas eligendi alias non probatos.

Contrariam sententiam tener glossa super illud caput, Omnis utriusque sexus: & super Clementinam primam de privilegiis. Et certe hæc opinio glossæ non est contemnenda. Nam, ut in cap. 2. de penitentibus, in sexto dicitur, in generali concessione illa non veniunt, quæ non esset quis verisimiliter in specie concessurus: sed inter Sacerdotes simplices non examinatos sunt multi ignorantissimi & perdis-

cerdote
possit e-
ligere
quemli-
bet, etiã
non ap-
prob.
Arg. pro
part. af-
firm.

Sentent.
contr.

tissimi, quibus, si exprimerentur in specie, non sit verisimile, superiorem talem facultatem concessurum: ergo, &c.

Et confirmatur, nam si Summus Pontifex institueret iudices in foro interiori omnes sacerdotes simplices sine aliquo examine & probatione, peccaret mortaliter: quod non est existimandum de Summo Pontifice in generali & publica concessione: & tamen revera, si daret facultatem eligendi quemlibet sacerdotem, eo ipso facit universos Sacerdotes, etiam stultissimos, iudices in foro interiori: quod nisi prælati pestilentissimis tribuere indignissimum est.

Confirmatur ultimo, quia summus Pontifex in diplomate semper notat, se concedere facultatem eligendi Confessorem idoneum: idoneus autem in jure appellatur, qui habet publicam juris sufficientiam. Verbi gratia, Religiosus præsentatus Episcopo juxta normam Clementinæ, Dudum, de sepulchris: Item Clericus examinatus & probatus ab Episcopo, licet alias non habeat jurisdictionem, per probationem tamen factus est idoneus, &c.

Sentent.
Aucto.

Propter hæc argumenta, quæ videntur mihi magnam faciant fidem, ego tamen semper, teneoque, quod si sacerdos alias est probatus ab Episcopo, vel ejus vicario, juxta morem quem Episcopi servant bene instituti, tum, per facultatem eligendi Confessorem, sive a Parocho, sive ab Episcopo, sive a Pontifice Summo concessam, potest eligi, etiam si alias nullo subdito haberet, nullamve penitus jurisdictionem. At si quis sit reprobatus ab Episcopo, vel a Visitatore rejectus, tanquam stultus & ineptus, ejusmodi non potest eligi per clausulam eligendi Confessorem. Atque idem omnino de illo sentio, qui non est examinatus, & probatus a Prælato juxta formam præscriptam vel lege, vel consuetudine. Quia sententia contraria, ut minimam, januam facit patentissimam ad perniciem populi Christiani, dum indiscriminat eliguntur ab ignorante plebe Sacerdotes ignorantissimi. Atque utinam qui illam opinionem invexerunt, prudentiore consilio incommoda & sacrilegia, quæ exinde consecuta sunt, considerassent.

Præterea, ridiculus esset, imo nefarius Summus Pontifex, si examen &

probationem idonei Confessoris relinqueret arbitrio cujuslibet popularis, non minus quam si examen iudicis Ecclesiastici in foro exteriori aut sutoribus, aut sartoribus committeret. At per illam opinionem, quam refellere conamur, quilibet idiota, & vulgaris homuncio pro suo arbitratu potest, ut eligere Confessorem, ita quoque expendere ac probare. Atqui quanto satius est, ratione Christiana duce, credere, duo esse præcepta necessaria, alterum, ne quis alieno Sacerdoti confiteatur, alterum ne quis sacerdos non examinatus Confessiones audiat. Nempe, si hæc præcepta duo (ut necessarium est) admittimus, per facultatem eligendi Confessorem solvitur penitens ab obligatione confitendi proprio Sacerdoti: quod primo præcepto jubebatur. At non solvitur Sacerdos a præcepto, quo videlicet astringitur, ne Confessiones audiat non examinatus. Quare semper peccabit mortaliter contra illud secundum præceptum, si audierit Confessiones non probatus. Non est autem verosimile, ejusmodi sacerdotibus jurisdictionem esse collatam, qui quoniam jure optimo audire Confessiones inhiibetur, si audiant; mortalis peccati rei efficiuntur.

Præterea, si summus Pontifex omnes tales constituit iudices, non potest Episcopus condere legem, ut illi non audiant Confessiones, nisi prius examinati. Atque adeo ne possit quidem stulto sacerdoti Confessoris officium prohibere. esset enim perinde ac si prætor juberet, ne delegatus a Principe judicaret. Et item Prælati religionum qua autoritate possent punire religiosos non expositos & examinatos, cum per hæc diplomata eliguntur in Confessores? Nam si Generalis Ordinis aut Provincialis faceret me iudicem alterius religiosi, non intelligo, quo pacto inferior possit prohibere. Quemadmodum si daret mihi Provincialis facultatem canonandi, aut constitueret me Vicarium monasterii, ignoro prorsus, qua autoritate Prior illud impediret. Et tamen latent omnes, ejusmodi leges ab Episcopis vel Prælati Monasteriorum rectri optime posse, quippe ut necessarias ad rectam & populi Christiani, & Monachorum institutionem.

Denique (ut semel finiam) rogo eos, qui oppositam opinionem deinde volunt, an Sacerdos depositus au-

toritate publica, ac degradatus possit eligi per generalem concessionem eligendi quemlibet Sacerdotem. Quod si neges (ne Theologus infans habeat) jam quero rursus, quis possit eligi, cum detur in diplomate facultas eligendi quemlibet Sacerdotem? Dices forsitan: excipitur depositus & degradatus, quemadmodum & excommunicatus nominatus, & percussor clerici manifestus: quoniam ejusmodi Sacerdotes legibus Ecclesiae peculiaribus, a Sacramentorum administratione repositi sunt. Bene volo: hoc enim tuo te gladio jugulare possum. nam & Sacerdotes non probati, seu reprobi ab Episcopis, atque eorum Visitatoribus, legibus certis arcantur a Sacramenti hujus administratione.

Resp. ad
arg. pro
1. sent.

Ad argumentum itaque primum, concedo antecedens. Supponitur enim, Episcopos & Praelatos electuros esse Confessores peritos: nam ad illos jure pertinet examen & probatio Confessorum. Nego tamen consequentiam, quoniam ad populares non spectat sua electione idoneos facere Confessores & judices, sed ex jam probatis unumquemlibet eligere. Ino ex illo cap. potest fieri argumentum pro nostra sententia: Providum, inquit, & discretum sibi possint eligere Confessorem. Quod si Episcopi ex illo privilegio improvidum & indiscretum delibere nesciunt, cur concedamus hominibus vulgi, ut si elegerint ineptissimum, & improvidissimum Sacerdotem, quod absurdissimum est, id ex privilegio Summi Pontificis consequatur?

Ad secundum jam respondimus, Sacerdotem non habere potestatem jurisdictionis ab ordinatione sua. Nec ad hanc potestatem satis est, quod peccator se praestet materiam, & subditum Sacerdoti, hoc enim verum esset, si auctoritas absolvendi esset judicis arbitri, qui scilicet per voluntariam subjectionem reorum judicandi acciperet potestatem. At retro nos offendimus, Sacerdotes auctoritatem judicandi non a populo, sed a Deo accepisse, nec hanc ex jure Divino quolibet Sacerdotes habere, sed solos Pastores, vel eos qui a Pastoribus fuerint delegati.

Ad tertium, nego antecedens: sed sicut ante diximus, Sacerdos electus a Papa, a Christo Domino immediate accipit jurisdictionem.

Ad quartum, nego consequentiam. Nam non omnis examinatus & probatus judex meus erat constitutus. Sunt enim in civitate & alii Parochi praeter meum, & alii quoque probati ab Episcopo, qui per probationem facti sunt idonei, ut eligi possint in iudice. Datur ergo facultas eligendi ex examinatis quemcumque ego voluero: id enim rationabiliter concedi poterat: sed eo amplius non nisi irrationabiliter. Quod autem additur, etiam de ordine Mendicantium, nunc est, si nos torqueat, velimusque in apicibus diplomatum esse mysteria. pari enim argumento crederemus irregularitatem esse mentalem. Magis nos terret consuetudo recepta, quae cum tot auctorum gravissimorum sententia confirmetur, probabili ignorantia excusari potest. Sed an haec consuetudo jus absolvendi conferat, incertum est. Sola namque ea jus hoc praestat, quam Praelati vident, & taceat: ut Episcopi videntes, Sacerdotes simplices mutuo se absolvere, interpretative & implicite concedunt, hujusmodi jurisdictionem. Sed quod Summus Pontifex hanc consuetudinem sciat, quae videlicet apud Hispanos maxime invaluit, me protecto ligit. Quamobrem in Sacramento adeo necessario non existimo tutum, huic nos periculo committere, ut eligamus Sacerdotem, cui forsitan Summus Pontifex auctoritatem absolvendi minime concesserit.

Jam si hinc colligere velis, ne viros quidem penitissimos eligi posse, si non fuerint ab Episcopo probati, etiam si Theologiae sint peritiores; Huic ego respondeo, ejusmodi viros in Theologia Magistros auctoritate publica haberi probatos: non enim solent ab Episcopis examinari. Si quis vero sit quamlibet doctus, nec auctoritate publica gradus Theologici comprobatus, nec ab Episcopo taltem implicite permissus Contemones audire, hunc non probatum, nec examinatum eligere equidem non audeam. Satago enim per certa media certa sacre & vocationem meam, & salutem meam. Atque inextincti principalis argumenti explicatione haec satis dicta sunt.

Septimum vero id quaerit, an venialia peccata teneamur confiteri. At certissimum est, minime teneri: Primum ex communi omnium Theologorum consensu:

Resp. ad
7. princ.
arg. init.

hujus 6. sensu : deinde ex communi Ecclesiæ consuetudine, qua post confessionem mortalium nullus Christianus sollicitus est de confendis venialibus. Item ex Divi Augustini testimonio in Enchiridio cap. 71. Et refertur de Pœnitentia, dist. 3. cap. De quotidianis : habeturque idem in lib. de Ecclesiasticis dogmatibus cap. 13.

Præterea, qua ratione jure Divino teneremur aliqua venialia confiteri, pariter & omnia : quod non modo gravissimum esset, verum etiam impossibile. Et cum dolor de venialibus non sit necessarius, ne confessio quidem venialium necessaria est.

Ad argumentum igitur respondet Adrianus, questione quarta, de Confessione: art. 1. ad quartam confirmationem, quod testimonium illud Joannis solum procedit de peccatis mortalibus. Et quantum ego quidem sentio, de his directe & primario Dominus loquitur, quæ videlicet sicut Sacerdotes absolviendo remittunt, ita non absolviendo retinent. Non est enim verisimile, æquivocæ accipi peccati nomen in illo eodem contextu, ut videlicet in ordine ad verbum, Remissit, capiatur pro mortalibus, & venialibus, in ordine vero ad verbum, Retinens, pro solis mortalibus. Et cum potestas remittendi, & retinendi huic concessa sit, potestas clavium ad aperiendum & claudendum regnum cœlorum non comprehendit directe venialia, per quæ regnum cœlorum non clauditur.

Confess. venial. sacramental. est. Sed cum obijciatur, peccata venialia non esse materiam hujus Sacramenti, quia Christus hic non loquitur de venialibus, ubi tamen instituit hujus Sacramenti materiam: ita fieri, ut confessio venialium non esset Sacramentalis, contra Magistrum, atque omnes Doctores Scholasticos, imo contra Ecclesiæ sensum: credunt enim fideles, accipere Absolutionem Sacramentalem, cum venialia Sacerdotibus confitentur: nec Sacerdotes usurparent sibi potestatem judicandi de venialibus, nisi eam a Christo Domino accepissent. Ad hanc, inquam, objectionem respondetur, quod qui concedit majus, is ex consequenti concedit quoque minus. Nam si Princeps committit mihi remissionem gravissimorum scelerum, sine dubio intelligitur concessisse remissionem leviorum. Nec est eadem

ratio de potestate retinendi, quoniam si majora peccata retineri dicuntur, non exinde censetur retineri minora, quæ videlicet multis aliis modis remitti possunt.

Sed oritur tamen dubium, an saltem ex præcepto Ecclesiæ teneantur homines venialia confiteri. Nam in c. Omnis utriusque sexus, de Pœnitent. Confiteatur (inquit Innocentius) omnia peccata sua semel in anno. Omnia, inquit: & cum constitutio illa obliget omnes, nullo excepto, sequeretur Ecclesiam in hac lege supponere, omnes fideles singulis annis peccare mortaliter, si sola mortalia præcepit confitenda. Et confirmatur. ex eo enim, quod dicit Decretalis, Omnis utriusque sexus, &c. universi obligantur ad præceptum communionis in Paschate, sive mortaliter peccaverint, sive non: ergo & ad præceptum Confessionis. Unde in Clementina 1. de statu Monachorum, confessio venialium Monachis præcipitur semel in mense. Omnibus igitur fidelibus semel in anno præcipitur, ut & D. Thomas videtur insinuare, dist. 17. quest. 3. art. 1. quest. 3.

At vero huic questioni respondet egregie Cajetanus 3. parte, q. 65. ar. 1. ad quartum. Et in additionibus tertie partis, qu. 1. de confessione, statum Ecclesiæ non obligare eos, qui solum habent venialia peccata. Primo, quia lex illa de confessione semel in anno faciendâ limitatio est Divini præcepti, quantum ad tempus: sed præceptum Divinum non comprehendebat habentes venialia peccata, &c.

Secundo, quia, ut Divus Thomas argumentatur, articulo illo proxime citato, ad tertium argumentum: decretalis illa dicit, omnia peccata: quod de venialibus intelligi non valet. nemo enim omnia venialia potest confiteri. De mortalibus itaque solum intelligitur, sicut & illud Concilii Florentini definitio, ad integritatem confessionis pertinere, ut peccator omnia peccata, quorum memoriam habet, confiteatur.

Tertio, ex eo quod dicit, proprio Sacerdoti: peccata autem venialia non exigunt proprium Sacerdotem.

Postremo, quia Ecclesiæ Confessionem voluntariam occultorum præcipere non potest: esset enim gravissimum onus, sine causâ necessaria, cum aliis mul-

An ex præcep. Ecclesiæ teneam. venialia confit.

multis modis veniale peccatum remitti possit.

Atque hæc est communis Theologorum doctrina. Nam argumenta contraria facile solvuntur, præter illud ultimum: cui respondetur, eam Clementinam obligare quidem Monachos ad mensuram confessionem venialium, non tamen sub mortali, ut patet ex pœna sub iuncta, quæ non adeo gravis est.

Ac de confessionis præcepto quidem quoniam sive varietate differimus, dictum poterat videri latus, nisi illa Quæstio consequenter occurreret, de tempore, quo iure Divino confiteri tenemur. Quam ego quæstionem si nunc omitterem, in iustis multorum reprehensiones incurrerem.

Et quidem nonnulli existimant, satis esse (quod ad Divinum jus attinet) semel in vita peccata confiteri, quia non est (inquiunt) major ratio, quare obligemur magis in uno tempore, quam in alio: ex lege quippe Dei, nec post horam, nec post diem, nec post mensem, nec post annum, confessionis vinculo altringimur. Nam quod Innocent. IV. super cap. Omnis utriusque lexus, Et Archidiaconus super caput, Ille rex, de Penitentia, dist. 3. tenuerunt, obligari scilicet homines ad statim confitendum, uno Theologorum consensu explosum est. Et a D. Thom. dist. 17. quæst. 3. art. 1. quæst. 4. duobus irrefragabilibus argumentis refellitur: quorum alterum sumitur ex Sacramento Baptismi multo magis necessario, quem tamen illico suscipere non tenemur: Alterum ex natura præcepti affirmativi, quod non protinus obligat. Jus itaque divinum nullum certum tempus confitendi præscribit.

Hæc differuntur ab his, qui confessionem semel in vita faciendam definire volunt. At falluntur tamen: nam semel in vita de omnibus peccatis confiteri, est impossibile: magna enim ex parte oblivione delerentur. Quamobrem lex de integritate confessionis plurimum fraudaretur, ad quam pertinet, omnia peccata mortalia confiteri.

Quocirca dicendum est, Christum Dominum non tulisse leges aliquas communes, quas Ecclesia postea ad tempus, aut etiam ad locum peculiariter determinaret. Præceptum enim Christus Dominus, in Ecclesia sua Episcopos esse, sed non reliquit pro singulis diacessi-

bus definitos. De Dei cultu festisque servandis divinum præceptum est, sed certum tempus Evangelium non præscripsit. Eiusmodi itaque præcepta commode servari non possent, nisi Ecclesia quædam vel loca, vel tempora præfiniret. Nam (ut posterius hoc exemplum persequamur) ridiculus esset, qui præceptum de Dei cultu sese arbitraretur implere, semel in vita ab opere servili quiescendo. Sic ergo præcepta de sumenda Eucharistia & confessione reliquit Christus, nec revera potest determinari ex solo divino iure, pro quo tempore hæc præcepta nos obligent. Sive dicamus semel in vita, seu potius in mortis articulo, nihil dicimus proflus, sed tunc obligamur, quando Ecclesia definierit. At hoc est (inquiens) de iure positivo, semel videlicet in anno confiteri: lateor, sed citra hoc jus humanum, quo ad certum tempus confessio limitatur, divina de confessione lex incommode servaretur.

Sed sunt tamen aliqui casus, in quibus jus ipsum divinum obligat ad confitendum. Primus est in periculo mortis. Secundus, cum quis voluerit Eucharistiam sumere, si reus est peccati mortalis. tunc enim habet præcedere confessio juxta Christi institutionem. Tertius est ratione periculi carendi confessore, quem nunc habeo, non habiturus tempore necessario. Nam quartus de confessione quotannis, non solius divini præcepti est, sed divini limitati ac definiti per humanum, & ita utriusque juris violatio unicum peccatum est, quoniam ambo illa præcepta unicum actum injungunt, & alterum est alterius determinatio.

Quintum vero, quem Durandus adiecit, 4. dist. 17. quæst. 10. & Palud. eadem distinctione, quem Adrianus quoque refert, q. 3. de confessione, scilicet quando aliquis ex errore conscientie se tenceri putat ad statim confitendum, nos existimamus supervacaneum. Non enim obligat præceptum de confessione in tali eventu, sed ipse habens erroneam conscientiam sese ligat, quando non deponit talem errorem. Quemadmodum ergo in cæteris præceptis affirmativis, cum quarimus, quo tempore obligent, vanum forsitan esset, duo tempora præscribere, al erum ex necessitate, alterum ex errore conscientie: ita quoque, cum eventa & casus enumeramus, quibus præceptum de confes-

Quæst. de temp. quo iure Divino tenemur confiteri.

Sentent. quorundam.

Refellitur.

Resolut. quæst.

Quædo teneam. iure Divino ad confit.

essione ligat, is, qui recensetur ex errore conscientiae, supervacuum videtur esse: imo revera falsus, si naturam & obligationem hujus præcepti, de quo differimus, consideremus. Quatuor igitur illi nobis explicandi sunt, idque quam maxima brevitate.

Notand.
circa 1.
casum.

Circa primum casum diligenter advertendum est, non idem esse hoc sane loco periculum mortis, & articulum mortis. Est namque periculum mortis in his duntaxat, unde mors frequenter solet accidere. Etenim in hastarum ludo, in agitatione taurorum, in navigatione placidi maris, quamvis interim mors sequatur, non est tamen periculum mortis: sed in bello, in mari vehementer turbato, in partu foeminae, de cuius morte probabiliter propter causas naturales timeretur, periculum mortis agnoscimus. Quod certe viri prudentis arbitrio magis, quam disputatione Theologica definiendum est, ut quis morbus periculosus sit & lethalis, prudentis medici finiat arbitrium. At articulus mortis, si nominis vim & proprium usum spectes, non idem est. Cum enim conceduntur per diplomata casus reservati in mortis articulo, non intelliguntur concedi in quocunque periculo, sed cum regulariter certa mors est, aut a morbo, vel vulnere, aut ab exteriori vi, ut cum quis mortis poena damnatur.

Idem intelligo, cum Doctores asserunt, in mortis articulo quemlibet sacerdotem posse absolvere ab omnibus peccatis etiam quemcunque peccatorem. Non enim quemcunque aut navigaturum, aut congressurum cum inimicis quilibet sacerdos potest absolvere, etiam ubi periculum est. Quod si hæc sententia scrupulosa esse videatur, parati sumus eam retractare, cum ad verfarium (si quis erit) idoneas causas contrarie opinionis reddiderit.

Sentent.
Cajet.
circa 2.
cas.

In secundo vero casu Cajetanum habemus repugnantem, 3. p. q. 80. art. 4. & in summa, in verb. Communio, 1. Corinth. 11. in illa verba: Probet autem seipsum homo, &c. Imo cum hujus erroris esset ad Academia Parisiensi notatus, respondit, non ex suo capite id asserere, sed ex Pauli testimonio atque sententia. Nec hujus opinionis primus auctor Cajetanus fuit, sed eam prius Richardus tenuit, in 4. dist. 17. art. 3. q. 6. Petrus quoque Palud. ead. dist. q. 2. sentire videtur, non ef-

se mortale peccatum sine confessione ad eucharistiam accedere, si homo alias contritus est. Idem etiam legitur Adrianus, quest. 3. de confessione, & Abbas in cap. De homine, de celebr. Milf. Suadet autem hæc opinio primum ex eo Apostoli testimonio prioris ad Corinth. 11. Probet autem seipsum homo, & sic de pane illo edat. In quæ verba Div. Chrysostom. homil. 18. Non jubet, inquit, ut alter alteri probetur, sed ipse sibi, non publicum faciens iudicium, & sine recte argumentum. Eadem fere Theophylactus in eundem locum: Neminem, inquit, tibi ipsi iudicem proposuerim: ipse te proba, & sic de pane illo ede, &c.

Præterea, si divinum præceptum esset, id ex sacris literis colligeretur: non enim nobis licet divina præcepta pro nostro arbitrio fingere. Cum ergo nusquam hujusmodi lex reperitur, certe quæ facilitate invehitur, eadem quoque rejicitur.

Præterea, sunt eventa quædam, in quibus licet sine prævia confessione Eucharistiam sumere: Primum in villulis, ubi non est copia confessoris. Deinde, ubi homo se iniuriaret, si non persiceret rem divinam: ut si sacerdos post sacrificium inceptum recordaretur aliquis mortalis peccati, &c. esset enim iniuria tum vocare Confessorem. Tertio etiam, propter reverentiam sacramenti, ut si post consecrationem solus esset cum alio sacerdote, & post consecrationem calicis aliquod mortale veniret in mentem; ne sacrificium rumpatur, poterit sacerdos sine confessione Eucharistiam sumere, ut communis Theologorum opinio credit: Hæc autem non liceret, si jure divino confiteri ante Eucharistiam teneretur.

Præterea, præcepta affirmativa obligant in casu necessitatis, juxta commune Theologorum proverbium. At quando sanus sumit Eucharistiam sacramentum, videlicet ex consilio, & devotione, non est casus necessitatis: ergo in tali eventu præceptum de confessione non obligat.

Ad hæc, si homo tenetur ante Eucharistiam confiteri, id ob eam rationem maxime, quod purus & gratus Deo debet ad hoc sacramentum accedere. At exinde pari argumento ratiocinaremur, administraturum aliquod sacramentum debere prius confiteri, si quod

quod peccatum mortale commiserit. Nam sacramentorum administratores auidos, Deoque acceptos esse oportet, nisi velint esse sacrilegi.

Præterea, ad alia sacramenta suscipienda, ut Confirmationem, Ordinem, Matrimonium, nullo divino præcepto prius confiteri tenemur: ergo nec ad sumendum eucharistiæ sacramentum, par enim causa aut in omnibus, aut in nullis sacramentis obligabit.

Denique in capit. Omnis utriusque sexus, de penitentis, Innocentius jubet, ut omnis Christianus semel quidem in anno confiteatur omnia peccata sua, Eucharistiæ autem sumat in paschate. Quod si hæc duo sacramenta connexa essent, essetque necessarium ante eucharistiæ confessionem facere, non dixisset Concilium, semel in anno confiteatur; sed, ante pascha confiteatur, ut id temporis percipiat eucharistiæ sacramentum. Hæc dicuntur ab his, qui nobiscum in hoc secundo casu pugnare volunt. Quem tamen plerique Theologi omni vi & ratione altruere conati sunt: idque adeo effecerunt, ut nostra hæc tempeſtate Cajetani placitum unanimi consensu doctorum & piorum fuerit explosum. Ac revera non existimo, hujusmodi Cajetani sententiam inter opiniones probabiles esse rependam: sed qua tamen nota inuri a Theologis jure possit, alii doctiores judicabunt. Nani Cajetano tantum schola debet, homini alioqui de rebus Christianæ maxime merito, ut quoad fieri per pietatem licet, parcere ei jure optimo, summisque rationibus debeamus.

Refell.
commu.
Cajet.
doctr.

Com-
munis
sentent.

Nostra igitur eademque communis Theologorum sententia primum ostenditur ex eo, quod D. Augustinus principium sumit 4. libro de baptismo contra Donatistas, cap. 24. in hæc verba: Si quisquam in hac re auctoritatem divinam quærat, quod universa tenet Ecclesia, nec conciliis institutum, sed semper retentum est, non nisi Apostolica auctoritate traditum rectissime creditur. Ex hoc itaque principio fit argumentum. Nam viri pii ab incunte ecclesiæ confessionem eucharistiæ præmittendam consenserunt: Nec id ab aliquo aut concilio, aut pontifice præceptum est. Apostolica igitur auctoritate traditum retinemus, ut & alia nonnulla, quæ non nisi verbo tenus Apostoli a Christo receperunt, nobisque

tanquam vivæ vocis oracula tradidere servanda. Quod vero consuetudinem hanc confitendi ante eucharistiæ, quam modo ecclesia servat, a Patribus accepit, atque adeo Apostolis, quæ sequuntur testimonia manifestant.

Eusebius in primis, 6. hist. Eccles. cap. 25. De Philippo, inquit, imperatorem traditum nobis est, quod cum in die paschæ communicare myſteris voluisset, ab Episcopo loci non prius est permissus, nisi confiteretur peccata sua, & inter penitentes staret; nec ullo modo copiam sibi myſteriorum futuram, nisi prius per penitentiam culpas diluisset. Ferunt igitur, libenter cum, quod a sacerdote imperatum fuerat, suscepisse, divinum sibi inesse metum, &c. Nec huic loco potest occurrere, ex eo, quod Eusebius de publica confessione sermonem facit. Nam quæ ratio est de confessione publica in ordine ad peccata publica, eadem prorsus est de confessione secreta in ordine ad peccata secreta. Quod enim vel publice, vel occulte confessio fiat, qualitas sacramenti est, non substantia. Et sicut ante diximus, Christus quidem confessionis legem tulit, eam vero vel secretam, vel publicam fieri, rationi ac prudentiæ naturali dereliquit.

Sozomenus deinde, lib. 9. historiarum tripartite, cap. 35. hanc consuetudinem ab antiquissimis temporibus Romanos Pontifices conservasse, testis est. Idemque testatur, Nectarium Episcopum, quibusdam suadentibus, ut singulos ad communicandum judicio conscientie suæ relinqueret, illam antiquitatis consuetudinem sustulisse.

Auctor item libri de Eccles. dogm. c. 53. Quem mortalia, inquit, crimina post baptismum commissa prement, horror, prius sacerdotis judicio reconciliatum communioni sociari, si vult non ad iudicium, & condemnationem sui Eucharistiæ percipere.

Circumfertur præterea inter D. Augustini opera libellus quidam ad Comitem de salutaribus documentis, quem quidem librum Erasmus, licet D. Augustini neget esse, non negat tamen esse hominis pii. In hujus itaque capite 33. hæc verba sunt: Quando corpus Christi accipere debemus, antea ad confessionem debemus decurrere, si peccata obnoxia in nobis senserimus, ne cum Juda proditore diabolum intra nos celantes, pereamus.

D.

D. Augustinus insuper in epist. 110. ad Januarianum non reprobat, quod ex ore disputantis dicitur: Si tanta est plaga peccati, auctoritate Antistitis debet quisque ab altari removeri, ad agendam pœnitentiam, & eadem auctoritate reconciliari: hoc est enim indigne accipere, si eo tempore accipiat, quo debet agere pœnitentiam, non ut arbitrio suo cum libet, vel auferat se communioni, vel reddat.

Cyprianus vero multis locis hujus rei testis est. Nam in Epist. 54. tertii libri, quæ scribitur Presbyteris, & Diaconis: Cum in minoribus, inquit, peccatis agant peccatores pœnitentiam iusto tempore, & secundum disciplinæ ordinem ad exomologesin veniant, & per manus impositionem Episcopi, & cleri, jus communicationis accipiant, nunc crudo tempore nondum restituta Ecclesiæ ipsius pace, ad communionem admittuntur: & nondum pœnitentia facta, nondum exomologesi finita, nondum manu eis ab Episcopo, aut clero imposita, Eucharistia illis datur: cum scriptum sit: Qui ederit panem, aut biberit calicem Domini indigne, reus erit corporis, & sanguinis Domini. Sed nunc illi rei non sunt, qui minus scripturæ legem novērunt: erunt autem rei, qui præsumunt, & hæc fratribus non suggerunt, ut faciant omnia cum Dei timore, & cum data ab eo, & præscripta observatione. Hactenus Cyprianus. Et paulo post de his, qui hanc traditionem non servant, Contempta, ait, Domini lege, & observatione, quam iidem Martyres, & Confessores tenendam mandant, ante reditum nostrum communicant cum lapsis, & Eucharistiam tradunt.

Eadem fere refert epist. 18. ejusdem libri. In sermone autem quinto de lapsis, Contra Evangelii vigorem, inquit, contra Domini, ac Dei legem, temeritate quorundam laxatur incautus communicatio, irrita & falsa, periculosa dantibus, & nihil accipientibus profutura. Et inferius: Ante expiata delicta, ante exomologesin factam criminis, ante purgatam conscientiam manu sacerdotis, pacem purant esse, quam quidam verbis fallacibus venditant. Et infra, de peccatis, & confessione secreta (ne quis existimet solum de publicis esse sermonem) ita differt: Qui quamvis nullo sacrificii, aut

libelli facinore conficti, quoniam tamen de hoc vel cogitaverunt, hoc ipsum apud sacerdotes Dei dolenter, & simpliciter confitentur, exomologesin conscientie faciunt, animi sui pondus exponunt, salutarem medellam parvis licet & modicis vulneribus exquirunt, scientes scriptum esse, Deus non irridetur: & multa alia, quæ gratia brevitatibus omittimus.

Præterea Leo Papa in epist. 69. ad Theodorum Episcopum Forojulensem, referturque de pœnitentia, dist. 1. cap. Multiplex: Mediator, inquit, Dei & hominum hanc Præpositis Ecclesiæ tradidit potestatem, ut confitentibus pœnitentia satisfactionem darent, & eadem salubri satisfactione purgatos ad communionem sacramentorum per januam reconciliationis admitterent. Hugo etiam de sancto Victore in lib. de Ecclesiast. potestate ligandi, atque solvendi (quem refert Gabriel, lect. 7. super canon.) Audacter, inquit, dico, si ante sacerdotis absolutionem ad communionem Corporis Christi quis accesserit, pro certo sibi iudicium manducat, & bibit, etiam si vehementer doleat, & ingemiscat.

Præterea, præceptum de jejuniis Quadragesimali (juxta Cajetani sententiam) non est scriptum: & tamen non licet in dubium vertere, an jejuniis Ecclesiastici violatio peccatum mortale sit, eo quod Christiani etiam sine scripta lege ita jejunant, ut reos gravis, mortalisque peccati se existiment, si jejunium solvant. At viri sancti, ac timentes Deum, cum homo habet in promptu idoneum sacerdotem, ejusmodi condemnant, si accedat ad Eucharistiam sine prævia confessione.

Nec quisquam inter fideles vir bonus, & sapiens ausus est unquam post mortale peccatum ad Eucharistiam sine prævia confessione venire. In mente igitur cujusque fidelis scriptum est, & in animo quasi insculptum de confessione ante Eucharistiam faciendam præceptum.

Præterea suadetur id ex eo, quod habetur Matth. 5. Si offers munus tuum ad altare, & ibi recordatus fueris, quod frater tuus habet aliquid adversum te, relinque ibi munus tuum ante altare, & vade prius reconciliari fratri tuo. Inde itaque sic argumentor: Christiani non habemus nisi unicum munus, quod offeramus ad altare:

ergo prius debemus fratri reconciliari, si quem offendimus, quam hoc munus de altari, aut manu sacerdotis accipiamus. Multo igitur magis, qui Ecclesiam offendit per peccatum mortale, Ecclesie debet reconciliari per confessionem, quam reconciliationis sacramentum ob id antiqui appellaverunt.

Præterea, ad ministris Ecclesie pertinet, ad hoc convivium dignos admittere, indignosque repellere, juxta parabolam Matth. cap. 22. de eo, qui inventus est in convivio non habens vestem nuptialem. At dignos admittere, indignos repellere, nisi per confessionem, non queunt, &c. Et profecto, si constaret Ecclesie, quoniam peccasse mortaliter: non exciperet ad hanc amicorum mensam Dei inimicum, nisi prius per sacramentum confessionis Deo libique conciliaretur.

Respon.
arg. pro
Cajet.
sentent.

Ad primum igitur argumentum respondetur, testimonium Apostoli nec confessionem præscribere, nec excludere. Tantum enim jubet, ut homo expendat vitam suam, examinetque conscientiam, ut si iustum se invenerit, securus accedat, sin vero injustum, videat quid iusto opus sit, ut digne Corpus Dominicum accipiat. Verbi causa, si inimicitias habuit, probet seipsum, non ut sua probatione contentus, suoque interiori dolore sacramentum Eucharistie sumat; sed ut examinatus, atque probatus inimici gratiam quaerat, cui injuriam fecit, & veniam petens inimicitiam priorem aboleat, non interius modo, sed etiam exterius, in hunc modum: si publice fuerit homo aut concubinarium, aut usurarius, sumpturus Eucharistie sacramentum probet seipsum: non in eum sensum, ut post contritionem secretam de pane illo edat, & de calice bibat; sed ut juxta criminis qualitatem, post examen, & probationem, publicas peccati occasiones abiciat, pecunias, quas injuste rapuerat, reddat, scandalum populi satisfaciatur, &c. In hunc etiam modum post quodcumque peccatum probet seipsum homo. Et si veniale fuisse repererit, nihil opus est, ut de confessione sollicitetur: Sed si dolorem interiorum habeat, de pane illo edat, & de calice bibat: Sin vero mortale fuerit, quod commisit, ad Sancta Sanctorum non nisi per januam reconciliationis introeat. Pro nobis itaque facit testimonium Pauli, non con-

tra nos, si recte intelligatur. Nam, ut Chrysostomus adnotavit, hæc sui temporis intelligentia fuit; in quo Nestorius Episcopus peccatores suo iudicio reliquerat, & confessionem sacramentalem abjecerat, ut retro nobis ostensum est. Theophylactus autem nihil aliud lux, quam brevior, summaque D. Chrysostomi.

Ad secundum, jam ex dictis facile patet. Non enim omnia præcepta sive Christi, sive Ecclesie habentur scripta, sed quædam ex traditione, moreque servantur. Certe consuetudinem hanc graviter in Ecclesia, diuque servatam vinculo peccati mortalis astringere qui negaverit, pari confidentia negare poterit, consuetudinem jejunandi certis diebus olim ab Ecclesia servatam peccati mortalis obligationem inducere. Quamobrem præceptum esse peccatori, ut ante Eucharistiam confiteatur, infirmari non possumus. An vero jus hoc ab Ecclesia, an a Christo Domino extiterit, id verti in questionem potest. Nos Divinum præceptum esse arbitramur, quod per manus a Christo ad Apostolos, ab Apostolis ad nos venit.

Ad tertium non est difficile respondere, si, quæ superius diximus, teneamus. Simili enim argumento probaretur, confessionis integritatem non esse jure Divino præscriptam: quoniam licet vel propter incommodum, vel propter scandalum evitandum, peccatum aliquod mortale in confessione retinere. Leges itaque Christi Servatoris nostri suaviter disponunt omnia, salva semper & naturæ æquitate, & prudentiæ ratione. Nam & arbitrio boni, prudentique viri decernendum est, quanta locorum intercapedo necessaria sit, ut confessor absens esse credatur, censeturque poenitens non habere copiam confessoris. Porro si confessor intra civitatem sit, quamlibet longo intervallo distet, debet poenitens ad ipsum accedere. Si tamen poenitens sit in oppidulo, quod a civitate tribus miliaribus distet, tunc ego non censerem, hujusmodi poenitentem copiam confessoris habere.

Ad quartum respondetur, præcepta dupliciter obligare, per se, & per accidens: ut poenitentia, per se quidem obligat in periculo mortis; per accidens autem, cum quis vult sacramentum aliquod vel suscipere, vel administrare.

frare. Quod igitur de pœnitentiæ lege, idem de confessionis præcepto dicere, consentaneum est, ut per se in articulo necessitatis confiteri teneamur; per accidens autem, ut digne suscipiamus Eucharistiæ Sacramentum: cui digne suscipiendo peculiarem dispositionem, & pœnitentiæ lex Divina præscribit.

Ad quintum, non propter animi puritatem solum, & Dei gratiam necessariam, sed propter Christi peculiare præceptum confiteri ante Eucharistiam debemus. Administraturi autem sacramenta, nulla aut Christi, aut Ecclesiæ lege confiteri tenentur, sed solum animi munditiam habere, quæ sola interiori pœnitentiæ comparatur.

Ad sextum, non esset penitus absurdum, si diceremus, ad reliqua etiam sacramenta sumenda confessionem præviā esse peccatoribus necessariam: ut sicut baptismus janua omnium sacramentorum est; sic secunda post naufragium tabula recipienti post baptismum in mortale peccatum, sit aliorum quoque janua sacramentorum. Id autem Leo Papa in Epistola jam citata docere videtur, inquit: ad communionem sacramentorum per januam reconciliationis admitterent. Non ait, ad communionem Eucharistiæ Sacramenti, sed ad communionem sacramentorum.

Præterea, de consecrat. dist. 5. cap. Ut jejni, Concilium Aurelianense jubet, ut qui ad Confirmationem veniunt, moneantur Confessionem facere prius, ut mundi donum Spiritus sancti valeant accipere.

Præterea, si Ecclesiæ constaret quoniam fuisse publicum peccatorem, non ei administraret Ordinis, sive confirmationis, aut matrimonii sacramentum, nisi prius sacerdotis autoritate Christo D. mino, æque ipsi eidem Ecclesiæ fuisset reconciliatus. Indignum enim est, ut qui Ecclesiam offendit, munus Ecclesiæ & ministerium sine prævia conciliatione recipiat. Unde Divus Thomas in 4. distin. 24. quæst. 1. art. 3. quæst. 1. ad tertium, Alijque, inquit, medicinx sunt, quæ exigunt robur naturæ, alias cum periculo mortis assumuntur; & alix sunt, quæ debilibus dari possunt: Ita etiam in spiritualibus quædam Sacramenta sunt ordinata ad remedium peccati, & talia peccatoribus sunt exhibenda, sicut Baptismus, & pœnitentiæ: illa vero,

quæ perfectionem gratiæ conferunt, requirunt hominem per gratiam confortatum: & talia (ait) non sunt peccatoribus exhibenda. Quo loco certum est, peccatores a D. Thoma vocari, qui mortaliter ante peccaverunt, etiam si dolorem habeant de peccato, animumque in futurum recte ac iuste vivendi. Nam si peccatores appellaret, quibus interior pœnitentiæ non est, profecto nulla sacramenta essent peccatoribus ministranda. Videtur ergo Div. Thomas sentire, Ecclesiam his, qui ante peccaverunt, si habeant tamen interiori de peccato dolorem, sacramenta Baptismi & pœnitentiæ administrare debere: At reliqua sacramenta non, nisi per sacramentum aliquod eorum justificatis, quæ directe ad justificationem ordinantur: ut Baptismus & pœnitentiæ. Atque id etiam definit se videtur Innocentius primus in Epistola ad Ruffum & Eusebium capit. 4. his verbis: At dicitur legitimi sacerdotis benedictio auferre omne vitium: ergo si ita est, applicentur ad ordines sacrilegi, adulteri, atque omnium criminum rei. Quia in ordinatione omnia vitia putantur auferri, nullus sit pœnitentiæ locus, quia id potest præstare ordinatio, quod longa satisfactio præstare consuevit.

Sed quoniam hujusmodi argumenta retundi possunt, & præceptum ejusmodi non ratiocinatione, sed traditione inajorum constare debet, dicamus sane, non esse eandem causam, quoniam alterum nobis traditum est, alterum non item.

Ad ultimum Divus Thomas in 4. distin. 17. quæst. 3. art. 1. quæst. 4. ob eam rationem tenere videtur, quod obligatio, quæ Ecclesiæ obligat ad Confessionem semel in anno faciendam, sumitur ex eo, quod liget semel in anno ad Eucharistiæ sumpcionem. At enim: Ad Eucharistiam nullus post peccatum mortale, nisi confessus debet accedere, copia sacerdotis oblata: & inde venit obligatio, quæ Ecclesiæ omnes obligat ad semel in anno confitendum, quæ instituit, ut semel in anno, scilicet in Pascha, omnes sacram communionem accipiant: & ideo ante tempus illud confiteri tenentur. Haec ille, & juxta hanc sententiam connexa sunt etiam in Ecclesiæ præcepto hæc duo sacramenta.

Id autem etiam suadet ex Concilio

io Agathensi, quod refertur dist. 50. in cap. Et ex pœnitentia Romano: Ubi dicitur, quod hebdomada prior ante initium Quadragesimæ, tum primum contentibus peccata sacerdotes pœnitentiam dent. Citat quoque Beatus Rhenanus in fine annotationum super Tertullianum, decretum alterius synodi, quo præscribitur, ut feria 4. ante Quadragesimam peccatores confiteantur. Ac revera publice pœnitentes in die Cinerum ex more antiquo peccata sua confitebantur. Imo adeo nunc etiam, qui in Quadragesima non confitentur, existimant se illius præcepti prævaricatores. Prælati quoque excommunicant illos, qui in Quadragesima non fuerint confessi. Præceptum igitur de Confessione jure etiam Ecclesiastico Eucharistiæ præcepto adjunctum est. Nam & Sixtus IV. in quadam Extravag. de tregua & pace, cujus initium, Vices illius, jubet, ut Mendicantes desistant prædicare, parochianos non obligatos, saltem in Paschate, proprio confiteri sacerdoti.

Verum enim vero, cum in illo cap. Omnis utriusque sexus, Innocentius de dicta opera limitatè videatur præceptum communionis ad Paschale tempus, non item præceptum confessionis: dixit enim: Confiteatur semel in anno, suscipiens ad minus in Pascha Eucharistiæ sacramentum: non video ego, cur ex eo præcepto fideles astringamus ad confitendum in Quadragesima.

Præterea, si quis peccaverit mortaliter diu ante Quadragesimam, & statim confiteatur peccatum suum proprio Sacerdoti, quæro, an ille impleat præceptum illius capitis, nec ne: si implet, vincimus: si non implet: ergo etiam si non peccasset mortaliter usque ad Pascha post priorem confessionem, teneretur iterum eadem peccata confiteri, a quibus semel absolutus est.

Præterea, si homo habeat legitimum impedimentum ad communionem accipiendam, ut frequentem vomitum, vel quia detinetur in carcere, vel quia non habet ætatem idoneam ad Eucharistiæ percipiendam, rogo, an præcepto de semel in anno confitendo satisfaciatur, cum ante Quadragesimam confitetur: quod negare quoniam impudentia est, teneamus, præceptum communionis ad certum anni tempus constringere, præceptum vero confessionis non item.

Verum est itaque, ante Eucharistiæ

oportere confiteri, quotiescunque illam homo percipiat, sed non ex illo præcepto Concilii Laterani. sed ex Divina lege, ut prius nobis ostensum est. Nec intentio præcipientis obligat, sed forma præcepti. Unde quamvis summus Pontifex præcipere Confessionem, eo fine, ut Eucharistiæ præmitteretur, non tamen suo ad id præcepto obligavit. Jam enim erat jus Divinum, quo hujusmodi confessio semper erat præmittenda, sive in Paschate, seu quocunque alio tempore Eucharistiæ sumeretur.

Circa tertium casum dubium oritur. Eadem enim ratione homo sanus in principio diei, si timeret febrem superventuram, teneretur Divinum totius diei officium prævenire. Imo etiam teneretur prævenire jejunium præceptum ab Ecclesia, si probabiliter crederet, se præscripto die non habiturum jejunandi facultatem. Item, si in Paschate crederem, me habiturum legitimum impedimentum Eucharistiæ suscipiendi, deberem quoque prius sumere, cum adesset opportunitas.

Ad hoc respondetur, non esse simile. Nam quædam præcepta sunt homini ad certum & determinatum tempus implenda, ut de jejunio Quadragesimæ, aut vigiliæ alicujus festi: & ejusmodi non est necesse prævenire, etiam si existimemus impedimentum legitimum nos habituros tempore, quo essent implenda. Alia vero præcepta sunt sine determinatione temporis, quæ videlicet nos obligant, ut aliquando impleantur, saltem semel in vita, ut sunt media ad salutem necessaria, atque præcepta quæ de hujusmodi feruntur, antevertere necessum est, ut de Baptismo. Imo, qui nunquam in vita Eucharistiæ suscepit, credens futurum periculum mortis, nec habiturum se Eucharistiæ copiam, prævenire debet, cum habet copiam. Nam tenetur saltem semel in vita illud præceptum implere. Hinc navigaturus periculoso tempore, si non habet in navi Confessionem, tenetur periculum prævenire.

Hinc Christianus, qui tenetur semel in anno confiteri ex Ecclesiastica lege, si credat se non habiturum copiam Confessoris in duobus postremis mensibus anni, obligatur ad Confessionem faciendam intra decem menses priores illius anni: verbi gratia, si habeat quis per luxuriam transire, etiam si alias

Dubium circa 3. casum.

Resp. ad propos. dub.

Respon.
object.

nullum navigationis periculum esset.

Sed quid illi primo argumento respondendum: nam reliqua faciliora sunt. Nempe, distinguendum est impedimentum legitimum postea futurum. Nam si voluntarium est, teneor profecto Divinum officium anteolvere, cum reliqui temporis impedimentum quamlibet legitimum & necessarium ego libere præsem. Quod si impedimentum a natura aut violentia extiterit, uti ab ingruente morbo; tunc ego non astringerem, nisi ad id officii persolvendum, quod pro tempore præsentis atque præteriti debetur. Facultas autem, quæ datur ab Ecclesia, aut antevertendi, aut postponendi Divinum officium intra diem tamen naturalem, privilegium favoris est, non vinculum necessitatis: h. e. prævenire possumus, non tenemur.

Dubium
Duran.
circa 4.
cas.

In quarto casu Durandus, in 4. d. 17. q. 14. in dubium vocat, an statutum illud Ecclesiæ de Confessione semel in anno faciendi sit præceptum, an potius exhortatio ad Confessionem. Suae autem non esse præceptum, quod nullum sit ibi verbum, unde vis præcepti colligi possit: habet enim textus in hunc modum: Omnis utriusque sexus, postquam ad annos discretionis pervenerit, omnia sua solus peccata saltem semel in anno confiteatur proprio sacerdoti, & iunctam sibi Pœnitentiam propriis viribus studeat adimplere, suscipiens reverenter ad minus in Pascha Eucharistia Sacramentum. Quod si dicas, verbum, Confiteatur, vim habere præcepti, idque colligas ex pœna subijuncta, Alioqui & vivens ab Ecclesiâ ingressu arceatur, & moriens Christiana careat sepultura: contra Durandus argumentatur, quia illa clausula & pœna non refertur ad transgressionem legis de confessione, sed ad transgressionem præcepti de Eucharistia. Non enim Ecclesiâ legem fert, cujus transgressionem pœna legis punire non potest: frustra siquidem lex ejusmodi pœnalis a legislatore ferretur. At Ecclesiâ non potest punire violatorem legis de Confessione, quia non potest Ecclesiâ constare, quinam sit illius legis transgressor: primo propter peccata occultata: secundo, quia non potest cognoscere, an omnia mortalia confiteatur: quod tamen lex præcipit: tertio, quia solus soli Sacerdoti confiteri debet, juxta illam legem, & Sacerdos tenetur servare secretum, etiam si nullum pec-

catum peccator confiteatur. Quomobrem incassum pœna illa transgressoris legis de confitendo præstaretur.

At vero communis omnium & Theologorum, & Jurisperitorum sententia certis argumentis astringit, legem illam Confessionis ad mortale peccatum obligare: non enim fideles existimant, cum in Quadragesima confitentur, ex consilio se confiteri, & non ex præcepto. Quod si quis negligeret toto anno confiteri, male dubio procul apud fideles audiret, & mortaliter peccare crederetur. Et confirmatur, quia Prælati in eos, qui non fuerint eo anno confessi, excommunicationis sententia animadvertere solent: supponunt igitur peccasse mortaliter.

Præterea, ut ante docebamus, Divinum de confessione præceptum per Humanam legem ad certum tempus limitatur. Nam circa hujusmodi limitationem Divinum illud præceptum commode servari non possit. Non est ergo exhortatio & consilium, sed præceptum: quippe si consilium esset, vix unus, aut alter in Quadragesima confiteretur, nec implendo consilio tanta sollicitudine, timore, ac diligentia plebs universa concurreret.

Ita licet Ecclesiâ non possit Confessionem interiorum peccatorum præcipere, nec pro transgressionem pœnam inferre; præceptum a Deo tamen potest ad certum tempus limitare, transgressoresque legis limitatæ excommunicatione plectere. Illa vero pœna decretalis hujus, de qua discussimus, locum habet, cum transgressio præcepti manifestata est, verbi gratia, si non habet schedulam Confessoris.

Illud tamen vere verti in questionem potest, an ante quartum decimum annum pueri confiteri ex hac lege Concilii teneantur. Dicit enim Concilium, Cum ad annos discretionis pervenerit, &c. Sed anni discretionis dicuntur, cum homo tertium decimum, vel quartum decimum attigerit: igitur usque ad id ætatis non tenentur homines confiteri. Quod autem anni discretionis in eum modum sint intelligendi, probatur, quia non obligamus parvulos ad sumendam Eucharistiam ante illam ætatem. At simul utrumque præscribitur, & quod omnis homo, cum ad annos discretionis pervenerit, confiteatur, & quod suscipiat Eucharistia Sacramentum.

Contra-
ria Du-
ran. sen-
& com-
mun.

Resp. ad
rationem
Duran.

Utrum
pueri
ante 14.
annum
confite-
ri tene-
antur.

Huic quæstioni respondetur, usum rationis non simul circa omnia parvulis contingere. Nam sunt pueri, qui peccata graviora discernere a levibus possunt, distinguere inter cibum sacrum a prophano non possunt. Puer ergo, ubi primum habet usum rationis ad peccandum mortaliter, hujus legis obligatione constringitur, teneturque jam semel in anno confiteri: sed Eucharistiam percipere non tenetur, nisi talem ac tantum usum habeat rationis, quo congruenter sacrum Christi Corpus sumere, & Divinitatem possit revereri latentem: proptereaque dixit Innocentius, Reverenter suscipiens, &c.

Utr. Eccle. possit in præc. de confess. dispens.

Propar. affir. argum.

Illud quoque Scholastici auctores vocare in quæstionem solent, an Ecclesia possit in Divino de Confessione præcepto eum aliquo dispensare. Nam in eo, quod humanum est, de quotanni peccatorum confessione dispensari per Ecclesiam posse, minime controversatur. At illud controversiam habere merito potest: Nam reddere vota, juramenta servare, juris est & Divini & Naturalis: habet autem Ecclesia facultatem & dispensandi in votis, & relaxandi juramenta: sed, licet confessio jure Divino præscripta sit, Ecclesia tamen poterit dispensare.

Et confirmatur ex eo, quod Matthæi 16. D. Petro dicitur: Quodcumque solveris super terram, erit solutum & in cælis, &c. ergo si quem Petrus absolverit ab obligatione Confessionis, ille erit coram Deo revera solutus.

Refol. Quæst. Respon. object.

Huic ego quæstioni, quoniam alio loco opportunus differetur, solum dabo, quod ad præsentem locum satis est, negando primi argumenti consequentiam. Nec enim est similis ratio de præcepto Confessionis & Baptismi, ac de præcepto reddendi vota, & servandi juramenta: quia baptizari aut confiteri, salutis impedimentum asserere nemini potest, cum in his Sacramentis tota hominis salus consistat, sunt quippe ad salutem necessaria. Quapropter non expediebat, ut relinquere Ecclesie facultas in hujusmodi præceptis dispensandi. At vota & juramenta præstare, non nunquam vergit in salutis dependium, eo quod homines sunt ad jurandum atque votandum faciles, non habita ratione futuræ incommoditatis. Quamobrem necessarium erat, ut Ecclesia Christi potestatem haberet in voto & juramento dispensandi, quæ sci-

licet vincula subinde majoribus bonis poterant esse impedimentum.

Et per ad hoc testimonium ex Matthæo respondetur. Nam quia potestas ibi promissa, potestas clavium est ad aperiendum regnum dignis, claudendum vero indignis; & per Sacramenta Baptismi & Confessionis regnum cælorum suscipientibus aperitur, non est Petro collata potestas, ut dispensaret in his Sacramentis, ne suam videlicet destrueret potestatem, ea Sacramenta tollendo, quibus administrandis regnum cælorum habebat fidelibus aperire: sed enim vota & juramenta servare, poterat esse fidelibus regni cælorum impedimentum. Quocirca sicut potestas clavium limitatur ex ordine ad finem, scilicet aperiendum regni cælestis (quapropter non potest Ecclesia Sacramenta tollere) ita etiam ex eodem fine amplificatur ad omnia ea tollenda, quæ aperiendum regni cælorum impediunt, qualia interim sunt vota & juramenta. Et certe illius testimonii intelligentiam Ecclesie usu magis, quam rationatione colligere possumus. Quotus enim quisque per rationem humanam consequetur, qualis quantaque potestas per illa generalia verba, Quæcumque ligaveris, quæcumque solveris, fuerit Petro promissa? Accipit quidem potestatem ad ædificationem, & non ad destructionem, ut 2. ad Corinth. 10. Apostolus tradit: unde in his, quæ sunt de necessitate dispensavit numquam, nempe, non poterat, quod in destructionem esset: In votis autem & juramentis dispensavit, ac poterat quidem, quod erat in ædificationem.

Unde Div. Thomas, dist. 17. quæst. 3. art. 1. quæst. 5. in necessitate hujus Sacramenti fundavit, quod in eo dispensari non possit. Quamvis in solutione ad primum expresse doceat, Summum pontificem in jure Divino positivo dispensare non posse. Ita discipuli Divi Thomæ, ut hanc sententiam tueantur, ajunt, Prælatos Ecclesie, cum dispensant in voto, non dispensare in præcepto juris Naturalis, vel Divini, sed in eo, quod humani juris est. Nam vinculum voti mei, lex mea, privata est: ita humanum est, non Divinum. Habent autem D. Thomam a se, 2. 2. q. 88. art. 10. ad secundum.

Sed in hac tamen philosophandi ratione duæ difficultates existunt: Prima, quod ea, quæ sunt de jure positivo, potest

est Summus Pontifex, etiam sine causa, tollere & abrogare: ut quamvis male faciat, factum tamen validum sit. At in voto absque rationabili causa dispensare nequit, & si dispenset, irritum est, quod facit. Servare igitur votum, non humani solum juris est, sed Divini.

Alterâ autem difficultas est, quod si vinculum voti & juramenti humanæ facultatis esset, ante Divinam legem novam & veterem, per humanam potestatem dissolvi posset: quod si non poterat, certe plusquam humanum erat hoc vinculum. Naturale siquidem est, ut omnis obligatio per quascunque causas nascitur, per easdem dissolvatur. Si igitur votorum & juramentorum obligatio per juris humani arbitrium solum existeret, per idem etiam arbitrium dissolveretur. Quo fieret, ut qui aut voti, aut juramenti vinculum induxisset, idem haberet ejusdem solvendi facultatem. Quemadmodum Princeps, qui legem dicit publicam, eam solvere potest, & abrogare. Faciamus itaque hic tractatui de Confessione præcepto finem, cujus proximitatem postrema de Satisfactione disputatio compensabit: Erit enim quam brevissima.

De satisfactione. Utrû de ea præceptum sit. Nam Scotus, dist. 18. & 19. circa finem asserit, nullum pœnitentem obligari ad acceptandam Pœnitentiam, quam Sacerdos injungit. Opinio Scoti.

Asserit rursum, quod si Satisfactionem injunctam acceptat, tenetur implere sub pœna peccati mortalis. Idem sequitur Gabriel, d. 16. 4. q. 2. Quoniam ad satisfactionem pro pœna duo remedia sunt: alterum in hac vita, alterum in purgatorio. Potest ergo pœnitens suo favori cedere, quo ex misericordia Dei satisfactio præfens acceptatur pro futura pœna: atque proinde eligere poterit satisfactionem futuri sæculi.

Refellitur.

At hæc opinio nulla ratione nititur. Si enim Sacerdos obligare ad mortale non potest, mea acceptatio non inducit peccati mortalis obligationem: quippe non aliter pœnitens implere vult Pœnitentiam injunctam, quam Sacerdos obligare potest. Non itaque coherent ambæ illæ assertiones. Quamobrem acutius multo Cajetanus in q. 2. de Satisf. ad 1. argum. rerum consequentiam & connexionem intuitus, existimavit, quod pœnitens nec acceptare tenetur

pœnitentiam injunctam sub pœna peccati mortalis, nec acceptam implere.

At vero D. Thomas longe diversam opinionem secutus est in 4. dist. 18. q. 1. art. 3. q. 3. & dist. 20. art. 2. q. 2. ad 2. sed & dist. 16. in expositione textus aperite dicit, Joannem quidem fuisse denunciatores præcepti de Satisfactione, Christum autem institutorem Sacramenti, & partium ejus. Et 3. p. qu. 84. art. 8. dicit, quod pœnitentia exterior, qua juxta arbitrium Sacerdotis peccator satisfacit, oportet, duret usque ad determinatum tempus secundum mensuram peccati.

Durandus etiam D. Thomæ subscripsit, dist. 17. q. 3. ad 2. & Sylvest. in verbis Theologice rationem sequi volumus. Opin. D. Tho. & Auctor.

Primum, quia sacrilegium est, Sacramentum aliquod mancum, & imperfectum relinquere. At si satisfactio prætermittitur, tertia pœnitentiæ pars, mancum, & imperfectum conficitur Sacramentum. Sacrilegium igitur fuerit, satisfactionem a sacerdote injunctam vel non accipere, vel non explere.

Deinde, in foro contentioso judex habet potestatem pœnam pro delictis imponendi, quam etiam reus subire tenetur: ergo & judex Ecclesiasticus in foro conscientie hanc habebit potestatem. Non enim potestas Apostolis in foro interiore a Christo Domino collata imbecillior est, quam in foro exteriori.

Præterea, potestas, quæ non habet vim coercendi, ridicula est, & in nullos futura usus, ut inter asserendum præceptum de confessione docuimus. Si ergo judices a Christo instituti non haberent vim, auctoritatemque ligandi ad pœnam rationabilem, & justam pro qualitate, & quantitate delicti, profecto eorum jurisdictioni, & potestati de culpis judicandi merito rideretur.

Præterea, clavis potestas est non solum solvendi, sed & ligandi, ut patet ex definitione clavis, quam & Joannes XXII. in extravag. Quia quorundam, de verborum signific. & communis probat Theologorum consensus: Imo adeo Dominus Matth. 16. Nam cum dixisset, Tibi dabo claves regni cœlorum; explicaturus, quid nomine clavium intellexeret, evangelio subdit: Et quodcumque solveris super terram, erit solutum & in cœlis; & quodcumque ligaveris,

erie ligatum. Quod si æquam habent Sacerdotes absolvendi & ligandi potestatem, certe sicut absolvunt vice Dei, cum formam Sacramenti proferunt; ita ligant vice Dei, cum multam pro culpis inducunt: Pœnam autem Divina sententia in sacramento taxatam subire nolle, sine dubio grave peccatum est.

Et confirmatur: Nam si princeps constitueret aliquem delegatum ad iudicandum in Republ. de criminibus, nimirum intelligeremus, illius Reipublice sententis iudicis instituti obligari ad parendum. Cum ergo Christus sic instituerit vicarios suos, ut Joannis 20. dicitur, non est dubitandum, quin eorum sententia, & in absolvendo, & in ligando, eandem habeant vim, ac si a Christo latæ fuissent. Quamobrem ejusmodi sententis obtemperare fuerit omnino necessarium.

Præterea (quod retro docuimus) exterior satisfactio in præcepto est, cum sit ad salutem necessaria: ergo qui ad aliam vitam remittit satisfactionem, reus peccati mortalis efficitur.

Nec aliud intelligendum est (quod alias sæpe commemoravimus) in lege nova factum esse, nisi ut quam pœnitentiam tenebatur peccator in delicti compensationem Deo præstare, eam præstet sacerdoti Dei vices habenti: Quo fieri, ut si in naturæ lege, vel scripta homines exteriorem satisfactionem exhibere pro peccatis tenebantur, teneantur etiam lege Evangelica eandem exhibere ad Sacerdotum arbitrium, quibus Deus hujusmodi iudicium delegavit.

Age vero, quem dolorem de peccatis, quem animum emendandi vitam ille habet, qui pœnitentiam iustam & æquam in junctam a iudice Dei locum habente nec vult acceptare, nec implere? Qua rursus humilitate accedit iudicandus, qui iudicis sententiam iustitiam, æquitatemque plenam negligere non veretur? Cumque etiam vel iudicis arbitrii, quem tua voluntate delegeris, iustæ sententiæ nolle parere iniquum sit, ac iudici quoque arbitrio in-

jurium; quidni sit iniquum pariter, & injurium, iudici non arbitrio, sed divina auctoritate subdito nolle obedire, cum iustam sententiam proferat?

Præterea, etiam ut sacramentum hoc medicinale esset, non item iudiciale, vel etiam tunc absurdum esset, libere pronunciare, non obligari pœnitentem ad parendum Sacerdoti in remediis curationis: quod perinde esset, atque diceretur, non oportere ægrotum medico obtemperare salubriter præcipienti. At satisfactio Sacramentalis sicut est in compensationem injuriæ factæ Deo, ita etiam in medicinam spiritualis ægritudinis. Quocirca intolerabilis opinio est, quæ peccatorem ab obligatione satisfactionis sacramentalis absolvit.

Nos autem admirari satis non possumus, quid causæ fuerit hominibus doctis, ut non rem modo, verum etiam nomen satisfactionis exclusiverint. Satisfactio enim nomen iustitiæ est, atque hoc loco sane iustitiæ ejus, quæ Deo pro culpis pœnas debitas solvimus. Quod si jure iustæ atque debite Christi, & vicariorum ejus iudicia non amplectimur, impune licet eorum sententias rejicere; profecto (ut diximus) satisfactio & res, & nomen aboletur; aboleturque proinde omnis obligatio, quæ ad standum parendumque iudicis humana ratione constituitur.

Illud vero, quod nobis objiciunt contrariæ opinionis assertores, indignum est, ut a nobis resellatur, & tempus postulat, ut finem jam dicendi faciamus: nam elatus studio res multas & magnas explicandi, longior quidem fui, non inficior; sed erat tamen difficile, argumentum tantum, tamque præclarum inchoatum relinquere. Quod si pro dignitate vestra mihi tractatum non est, veniam, obsecro, detis, viri humanissimi: Sin autem aliqua ex parte dignitati vestræ fecimus satis, id omnes Deo Opt. Max. acceptum referamus. In cuius gloriam, pœnitentiam, sive virtutem, seu Sacramentum, & ad salutis finem, & ex præcepto quoque Dei peculiari necessariam esse, hæcenus dictum sit.

I N D E X

RERUM MEMORABILIVM,

Quæ in his Cani Operibus continentur.

*In quo numerus paginas ; a primam columnam,
b vero secundam notat.*

A

Absolutio.

Absolutio sacramentalis sententia quædam est in foro judiciali. 578.
a. actus sacramentalis absolvendi duplicem potestatem exigit. 580. b

Abraham

Non est mentitus pueris cum dixit : Spectate hic, ego & puer cum adoraverimus, revertetur ad vos. 8. b.
fuisse mentitum quadam ratione, aliqui admittunt. ibid.

Actio & passio in uno eodemque opere considerari possunt. 11. a

Actus.

Qui peccatum est, si in rerum moralium ordine consideretur, ad causas naturaliter agentes inepte revocatur. 15. b. actus humani in justificatione impij nihil aliud faciunt, quam disponere animam ut gratiam Dei recipiat. 415. b. inter actus voluntatis & intellectus proportio est. 476. b. primus actus poenitentiae, nunquam est sine actu charitatis, 500. a. actus charitatis prior natura est actu poenitentiae, imo illa hujus radix est. 500. b. & 503. a. actus interrupti in confessione quando exprimendi. 560. b

Adam primus jacet, ubi secundus sepultus est. 399. a

Affectio animi optima, facit ut homo doctrinam Dei ad salutem necessariam discernat ab errore contrario. 25. a

Agnus Paschalis an fuerit legis veteris Sacramentum. 463. b

Alexander Tertius

Cum jubet in testamentis duos vel tres testes solum a iudicibus exigi, cap. Non esses, de testam. quomodo in-

telligendus, 101. a. voluit iudices etiam laicos, in Ecclesiae patrimonio secundum statuta canonum de testamentis judicare, ibid. b. non impedit, quin principes seculares possint plures quam duos vel tres testes in civium suorum testamentis exigere. 103. a

Aloylius Lippomanus gravem historiam edidit de vitis Sanctorum. 312. b

Altare dicitur, in quo offertur sacrificium, sicut mensa, in qua editur cibus. 413. a

Ambrosius

Cum ait, Petrum amisisse fidem, nomen fidei pro Confessione fidei accipit. 108. b. non audet asserere, Christum secundum humanitatem aut in sapientia profecisse, aut quicquam ignorasse. 443. b

Anima.

Asserere, ejus immortalitatem ratione naturali probari non posse, erroneum est, 452. b. immortalem esse ostenditur, 451. a. & seq. animam Christi ab instante conceptionis Dei essentiam vidisse, Theologi definiunt, 436. b. animus hominis naturaliter est immortalis, 453. a. animus hominis non esse in potentia materix, cæterorum autem viventium animas esse, Moyse manifeste indicat. 452. b

Anni.

Annorum numerus ab egressione filiorum Israel de Aegypto, ad templum a Salomone inchoatum, 311. a. & seq. annorum numerus, omnium qui præfuerunt a Moyse ad Salomonem, in veteris testamenti libris singulim designatus est, exceptis Josue, Sangar, Samuel, & Saul. 314. b

Antoninus, & Vincentius Bellucentis
P p 3 non

non tam vera scribere curant, quam,
ne nihil prætercant, quodalibi scri-
ptum reperitur. **234. a**

Apocalypsis liberum a canonicis excipe-
re hæreticum est. **33. b**

Apostasia

Non est hæresis, **373. a.** & **b.** apostata
in penam hæreticorum incurrit. **374. b.**

Apostoli

Quidam literis, quædam viva voce
prodiderunt, **91. b.** tempore Domi-
nicæ Passionis Christi fidem non am-
iserunt, **135. a.** ex animi pertur-
batione & ignorantia dubitaverunt,
383. b. cum baptizarent in nomine
Christi, non omiserunt nomen Pa-
tris, & Spiritus Sancti, **301. b.** quæ
ad Apostolos pertinent quatenus ad
Ecclesiæ sacerdotes, hæc ad solos
futuros sacerdotes referenda sunt,
305. b. Apostolos confirmatos fuisse
in gratia, recte colligitur ex illis ver-
bis: Ego rogabo Patrem, & alium
Paracletum dabit vobis, **210. b.** A-
postolorum nemo in legibus Eccle-
siæ serendum poterat errare, illorum
vero successores possunt errare. **77. b.**

Aqua benedicta non sanctificat. **463. b.**
Arabes quidam dixerunt, animum na-
tura esse mortalem, sed in novissimo
die cum corpore immortaliter susci-
tandum. **451. a**

Arca veteris testamenti typus Eccle-
siæ. **133. a**

Argumentum.

Argumenta omnia vel a ratione, vel
ab autoritate ducuntur, **2. a.** argumen-
ta eorum qui suadere conantur, scri-
pturam sacram non egere approba-
tione Ecclesiæ, **17. b.** & seq. argu-
menta contra auctoritatem scholasti-
corum, **335. b.** argumentis, quæ po-
sita sunt contra Machabæorum libros,
sit satis. **41. a**

Aristoteles

Cum ait summum hominis bonum in
contemplatione supremarum rerum
consistere, errat, **364. b.** evidentiam
in disciplinis flagitat, ut rerum co-
gnitio nec fallere possit, nec mutari.
343. b

Ars est dux certior quam natura,
347. a

Aristo

Sufficit ad suscipiendum effectum ba-
ptismi, **514. a.** attritio & contritio
quid differant, ibid. & **515. a.** quan-

do ex attrito quis fiat contritus, ib.
b. & **571. b**

Attritio qualibet non sufficit, ut fiat
quis ex attrito contritus. **571. a**

Auctoritas in Theologia primum locum
tenet, ratio postremum. **1. a.** & **2. b**

Auctor

Libri Regum eos tantum redegit in nu-
merum quos intellexit, dum iudices
administrarent, intercesse, **314. b.**
auctores sacri quomodo se habeant
circa vulgi opiniones falsas, **393. a.**
& seq. auctores sacre scripturæ ali-
quando loquuntur, ut vulgus solet
loqui, **61. b.** auctores sacros in li-
bris canonicis non semper Divino
Spiritu fuisse locutos aliqui probant,
71. b. auctores sacri, quicquid in li-
bris Canonicis habetur, Spiritu San-
cto dictante scripserunt, **74. a.** co-
rum scripta in duplici sunt diferen-
tia, **76. a.** alii auctores sacri præter
Apostolos & illos, qui ab Aposto-
lis probati sunt, non expectandi,
20. b. & seq. & **165. a.** auctores sa-
cri sæpe vocabulis imaginum utuntur
pro rebus per imagines significatis.
405. b

Augustinus

Cum ait, Concilia priora a postero-
ribus emendari, loquitur de legum
emendatione, non fidei, **181. a.** ait,
nihil fieri nisi voluntate & permissione
Dei. **14. b**

Auxilium speciale Dei necessarium est
ad credendum. **26. b**

B

Balaam & Caiphæ verba, non quia
ipsi dixerunt, ad fidem spectant,
sed quia auctores sacri scripserunt,
350. b

Baptismus

In nomine Christi collatus, an jam ra-
tus sit, **203. b.** sine baptismi Sacra-
mento in re suscepto datur salus,
540. b. baptisimi trina immersio per
contrariam consuetudinem abolita,
98. b. baptismi sacramentum num ante
Christi passionem institutum, **339. a.** non
est necessarium credere bap-
tismum fuisse collatum ab Apostolis
per illa verba: Ego te baptizo in
nomine Christi, **203. b.** qui ante ba-
ptismum peccavit mortaliter, in eo
requiritur aliqua penitentia interior.
512. b

Ba-

Baruch

A canone scripturarum sacrarum eximere erroneum est, 31. b. ejus prophetia, tanquam pars Hieremix veteribus visa. 38. b.

Berosus.

Berosus duos autem ponit, unum Ananiam & mendacem, alterum verum, 127. b. & seq. unum alteri in multis opponit. ibid.

Bucerus

Asserit, tunc credendum esse Ecclesie, cum pronunciat secundum scripturas recte intellectas, 121. b. errat, cum ait, in synodo Ecclesie non cogendos nisi filios Dei, 148. b. negat Christi animam fuisse a principio perfectam. 435. b.

C

Cajetanus

Ait, Deum non esse autorem peccati, ut sic, sed quatenus est poena peccantis, 12. a. fallitur, quod putat prophetiam Danielis referri non potuisse ad idolum Antiochi, 41. b. arguitur de falsa intelligentia illius loci: Accedentem ad Deum oportet credere, quia est, &c. 353. b. & seq. ejus error in expositione sacrarum literarum. 379. b.

Calvinus ait, Eucharistiam ideo a Patribus sacrificium vocari, quia est exemplar & imago sacrificii. 410. a.

Canones

Apostolorum non sunt computandi inter libros Canonicos, 162. a. canones Trullani non habent Ecclesiastici potestatem. 175. b. & seq. canonum sacrorum interpretibus creditur adesse Christus, 250. b. canonici juris notitiam esse Theologo necessariam probatur. 349. 2. & seq.

Carion & historia ipsius Lutherum sapient. 335. b.

Causa

Causarum duo genera, naturale & morale. 14. b. cause adjutrices omnes non se habent eodem modo, 427. b. causas morales non est necesse simul esse cum effectis. 574. a.

Censores fidei admonentur. 384. b. & seq.

Censuræ non solum, sed earum etiam culpx & remissio a superioribus reservantur. 161. b.

Cham typus fuit hereticorum. 373. b. Chaldei & Aegyptii non alios historicos approbabant, præter sacerdotes, quod ipsos nunquam mentituros crederent. 373. b.

Charitas

Remittit peccata, 508. b. an sine penitentia remittat peccata mortalia. 107. b.

Christus

Intelligitur per Samaritanum. 460. a. non accepit testimonium ab homine propter se, sed propter alios, 24. 2. & b. nullum unquam verbum, nisi ex S. Spiritu locutus est, 75. b. in celo offert sacrificium altaris, 412. a. est salvator Ecclesie, non tamen omnes qui in Ecclesia sunt, salvos facit, 133. a. Christus & Spiritus veritatis cum Ecclesia usque in finem seculi permanebunt, 174. b. quæ Petro dixit, ut præfeto Ecclesie, hæc ad successores ejus pertinent, 195. b. Christus obtulit sacrificium Eucharisticum, ibid. idem præcepit Apostolis ut facerent, ibidem, & seq. quæ Christus mandavit Apostolis, ut futuris Ecclesie pastoribus, Episcopis & pastoribus mandata sunt, 106. a. similitudo Christi & Melchisedech, 472. a. Christus omni gratia perfecte plenus fuit, 413. b. ex Christo gratia & veritas in omnes emanavit, 419. a. solus Christus fuit testis oculatus in negotio fidei, 439. b. ut Deus & homo fuit a Patre destinatus testis veritatis, 440. 2. quomodo proficiebat sapientia & gratia apud Deum & homines, 442. a. & b. Christus passus est anno ætatis suæ trigesimo tertio inchoato per tres menses & decem dies, 195. b. quod passus sit anno ætatis trigesimo quarto, defendi non potest, 196. a. primo anno post baptismum non est publice concionatus, 196. b. ejus passio nobis applicatur in sacramentis, 419. b. Christi præceptum & consilium quomodo differant a præcepto & consilio Beati Pauli, 76. a. ejus corpus videtur, tangitur, frangitur, &c. cum species sacramentales videntur, tinguntur, &c. 181. 2. ejus corpus frangitur manibus Sacerdotum, non solum Sacramentum, 419. a. Christus in sacrificio altaris immolatur quotidie pro nobis, 419. a. Christi gratia & veritas omnes habuerunt gratiæ & veritatis effectus. Pp 4.

Aut. **439.** a. gloria ante passionem non fuit consummata, & quicquid ei defuit ad absolutam hominis glorificationem, hoc per passionem meruit, **445.** b. Christum nullam trititiam habuisse in voluntate, sed in solo appetitu sensitivo potest dici, **446.** a. quod habuerit in voluntate intellectuali maximam trititiam, probabile est, **447.** a. quod Christus in cruce non habuerit gaudium, quod ex Deo viso in voluntate nascitur, probabiliter sustentari potest. ibid. b.

Circumcisio in veteri testamento, quomodo baptismo comparanda in novo. **483.** a. & **493.** a.

Circumstantia.

Circumstantiæ peccatorum duplices, **156.** b. quæ ad confessionem integram necessariae, ib. & seq. & **159.** b. & seq. circumstantia loci quando in confessione dicenda, **160.** b. temporis non necessario dicenda. ibid.

Claves

Ecclesiæ sunt potestas absolvendi & retinendi peccata. **137.** a.

Clemens Romanus

Non omnes libros Canonicos collegit, quos Apostoli verbo tenus Ecclesiæ tradiderunt. **40.** a.

Cognitio

Cognitio naturæ imperfecta est, si nulla rerum actio sequatur, **343.** b. cognitio gratuita supponit cognitionem naturalem, quemadmodum gratia naturam. **353.** a.

Conclusio Theologica, quam Ecclesia, Concilium, vel etiam Sancti confecerunt, & fidelibus præscripserunt, hæc veritas Catholica censenda est. **367.** a.

Concilium

Universale definire debet, quis liber sit canonicus, **23.** a. triplex conciliorum genus, **149.** b. Concilium generale est, quod omnium Christianorum Episcoporum convocatione & congregatione celebratur, ibid. Provinciale, quando a Metropolitanis omnes unius provincie, aut regni Episcopi evocantur, ibid. b. Episcopale, quod ab Episcopis singulis in sua diocesi haberi solet, **150.** a. Concilium generale, quod non est congregatum aut confirmatum auctoritate summi Pontificis, errare in fide potest, ibid. & **169.** b. confirmatum autem a Pontifice certam fidem

facit Catholicorum dogmatum, **161.** a. & b. & **367.** b. Concilium provinciale a summo Pontifice non confirmatum potest in fide errare, **152.** b. confirmatum nequit. **153.** a. aliquando, licet desit ipsi auctoritas Pontificis, probabile argumentum facit ad suadendum dogmata fidei, **154.** a. Concilium Episcopale, si confirmetur a Pontifice in decretis fidei, certum argumentum veritatis exhibet, ibid. potest quidem per se facere probabilem fidem hæreseos, non tamen certam, ibid. b. Concilium coactum per legatos Pontificis, asserunt aliqui errare posse, alii negant, **156.** a. Concilium totum cum legatis errare posse, nullo modo admittendum, **158.** b. nunquam in Concilio generali omittitur questio necessaria ad decidendas controversias fidei, **162.** b. neque unquam concilium semel confirmatum, emendatur per posterius: emendantur quidem quæ Pontificis confirmatione carent, **181.** a. concilii & synodi nomen significat Pastores & Episcopos in unum locum congregatos, ad definendas Ecclesiæ causas, **146.** a. Concilii Patres in causa fidei non consilarii tantum sunt, sed etiam iudices, **158.** b. & seq. Concilia non coguntur frustra, licet summus Pontifex sit firmus iudex in causa fidei, **181.** b. Concilia & epistolæ Pontificum certas notas habent, quibus internoscimus, quando definiant, **241.** b. Conciliorum auctoritas argumentis impugnatur, **144.** a. Conciliorum definitiones non pertinent ad sacram Scripturam, **161.** a., & b. Conciliorum in fide decreta quibus notis internosci queant, **166.** a. & b. Conciliorum robur ab eo est, pro quo rogavit Christus, ne deficeret fides ejus, **171.** b. in Concilio Tridentino quidam Episcopus a Patribus expositus est, quod assereret Christum in cœna suum corpus & sanguinem non obtulisse. **409.** a.

Confessio

Omnium peccatorum mortalium quæ Sacerdoti fit, est ad salutem necessaria, **143.** b. confessio peccatorum secreta divinæ, non humanæ institutionis est, **544.** a. confessio integra esse debet, **553.** a. quæ fit integra confessio, ibid. a. & **556.** a. & seq. an sufficiat confiteri omnia peccata, quo-

quorum quis ante memoriam habuit, 554. b. confessio non est dividenda, 562. a. si ex confessione alicujus peccati sequitur scandalum, tale peccatum potest taceri, 565. a. instituta est confessio in remedium penitentis, 566. a. confessionis integritas non mathematice, sed moraliter intelligenda, 565. b. confessio dupliciter informis, 567. a. confessio quando repetenda, ibid. & seq. an confessio, quæ Sacerdotibus in aurem fit, Evangelico jure sit præcepta, 551. a. examinanda est conscientia ante confessionem, 555. a. confessio est præcipua materia sacramenti penitentis, 544. a.

Confessio ejus, qui attritionem habuit tam imperfectam, ut virtute sacramenti non fiat contritus, an sit iteranda, 569. a. confessio ficta quando fit sacrilegium, 572. b. per Confessionem fictam & informem satisficit præcepto Ecclesiæ, 574. b. an confessio generalis sufficiat ad absolutionem sacramentalem, quando specialis fieri non potest, 576. a. & seq. confessio, in qua nullum peccatum explicatur, non est sacramentalis, ibid. an confessio sacramentalis per nuncium, aut per literas absenti confessori fieri possit, 577. a. confessio an fieri debeat per interpretem, cum alter alterius idioma non intelligit, 578. b. sine consensu sacerdotis proprii alteri non licet confiteri, 579. a. & 581. quando non est tutum confiteri proprio sacerdoti, quia timetur scandalum, vel revelatio confessoris, si proprius sacerdos neget facultatem alteri confitendi, potest homo confiteri sacerdoti cui voluerit, 580. b. confessio annua non est solus præcepti divini, sed limitati per humanum, 586. b. obligatio semel confitendi singulis annis, exstitit ex obligatione singulis annis semel communicandi, 591. b. quando quis astringatur ad præceptum Confessionis, 593. b.

Confessarius

Pontificis, a quo jurisdictionem habet ipsum absolvendi, 548. b. confessarius necessario interrogare debet penitentem, quando probabile est, penitentem aliquam circumstantiam neglexisse, 557. a. intelligens penitentem esse indispotum, sacrilegium committit ipsum absolvendo, 572. a.

Confirmatio est sacramentum, 463. b.

Constantinus

Ejus donatio incerta, 316. a. Constantini lepra, ibid. b. baptizatus, 317. a.

Contrarietas quæ est mali & boni, eadem est veri & falsi, 7. b. & 8. a.

Contritio

Prima est meritoria primæ gloriæ, licet non primæ gratiæ, 502. b. ad contritionem requiritur totus animi conatus, quem tunc penitens præstare potest, 516. a. ad contritionem non requiritur certus intentionis gradus, 517. b. contritio & attritio quid differant, 514. b. & seq. contritio non requirit certum tempus, 517. b. contritio specialis pro singulis mortalibus peccatis non est necessaria, 523. b. in ordine ad confessionem requiritur contritio de singulis distincta, ibid. contritio quomodo sit pars penitentis, 540. a. non est pars essentialis hujus Sacramenti, sed integralis, 570. a.

Creaturæ vox generationem habet intuitus inclusam, quæ Christi supposito absolute divinitatem tollit, 389. a.

Culpa

Interdum est alterius præna. 12. a. condonatur hominibus per propriam fidem & charitatem, præna vero non solum per propriam, sed per alienam, 428. a.

D

Decalogi præcepta omnia continent, quæ Deus præcipit, 479. b. Decreta Pontificum duplicia, 102. a.

Deus

Dupliciter cognosci potest, 478. b. Deo improprie & figurate tribuuntur, excæcare, indurare, decipere, hominum corda in odium convertere, &c. 11. b. Deus mentiri non potest, nec per se, nec per alium, 6. a. Deum posse mentiri ex ordinaria potentia asserere, hæreticum est, 7. b. Deus præcepit filius Israel, ne redderent Egyptiis vasa, quæ ab ipsis commodato acceperant, 10. b. Deus omnis boni auctor est, 11. a. Deus non decipit deceptionem faciendo, sed permittendo, 11. a. Deus earum peccatorum propriæ causæ est, quæ solum peccata sunt, non culpæ, 12. a. Deus potest dici auctor non malæ

malæ actionis, sed bonæ passionis, ibid. b. Deus est causa naturalis omnium motionum **14. b.** Deus proprie scit, quæ necessario eveniunt, & quæ in casu & fortuna sunt posita, **344. b.** Deus bisariam considerari potest, **352. b.** & **355. a.** Deus ut hominum iudex, habet parata virtutibus præmia, vitiis supplicia. **353. a.** quomodo naturæ lumine agnoscamus Deum esse, agnoscimus etiam remuneratorem esse inquirentium se. **354. b.** Deus in remissione peccati & misericors, & iustus est. **474. b.**

Dilectio Dei super omnia dupliciter potest dici maxima. **518. b.**

Disciplina

Quilibet habet duas partes, **16. b.** disciplina omnis humana ad Deum tanquam ad principium sapientie referenda est, **262. b.** in disciplinis humanis duo vitia maxime vitanda, **261. a.** quid in humanis disciplinis viri docti reprehendant. **263. b.**

Discrimen duplex inter sacros auctores & summum Pontificem, patresque concilii reperitur. **161. a.**

Displicentia

Peccati perfecta quæ, **124. a. & b.** quæ imperfecta. ibid.

Distributio accommodata est: ibi: Spiritus homo iudicat omnia, sicut & ibi: Ille docebit vos omnem veritatem, & ibi etiam: Unctio docet vos de omnibus. **31. a.**

Doctrina

Moralis non minus exigitur ad pastum ovium Christi salutarem, quam fidei disciplina, **168. a.** doctrina fidei singularis hominibus necessaria, **24. b.** doctrina Evangelica proprie nec hæretis, nec scia appellatur, **172. b.** doctrina veritatis aliquando potest intermitteri. **558. b.**

Doctores

Doctores Christiani præcipuum institutum est, exhortari in doctrina sana, & eos qui contradicunt arguere, **1. b.** Doctores Ecclesie universi nequeunt in falsam fidei doctrinam venire, **135. b.** juniores, quid in sacrarum literarum expositione facere possint aut debeant, **320. b.** Doctores Hebræorum diligenter contenderunt textum Hebræicum corrumpere. **55. b.**

Dogma quodcumque fidei, quod vel Ecclesia habuerit, vel concilium, vel summus pontifex fidelibus præ-

scripserit, nobis pro Catholica veritate habendum est, siue scriptum sit, siue non sit. **367. b.**

Dolor

Voluntatis est proprie hominis tristitia: qui autem in solo appetitu sensitivo reperitur, magis est animantis dolor, quam hominis, **447. a.** dolor comes individuus resipiscencie, **496. b.** dolor peccati quia est contra Deum, est de essentia penitentis, **492. a.** dolor omnis in amore fundatur, **509. a.**

Driedo graviter erravit, qui reliquo Hieron. & aliis probæ fidei, aurem Berofo accommodavit in Persarum regum gestis. **328. a.**

Dubius in fide an infidelis sit, **376. a.** Dubitatio sine assensu atque dissensu, nec error proprie est, nec fidei ex omni parte inimica. **377. b.**

E

Ecclesia

Fidelium nunc viventium scribere librum canonicum non potest, sed definire, quisnam liber sit canonicus potest, **22. b.** Ecclesia præiens suo iure potest docere eos, qui fidem susceperunt, quæcumque sunt fidei, ibid. quæ præcepta Ecclesia solvere possit, quæ non, **77. b.** Ecclesia antiquior est quam scriptura, **90. a.** Ecclesia non potest eximere fideles a vinculo traditionum, quas a Christo Apostoli acceperunt, nec illas contraria consuetudine abolere, **99. a.** Ecclesie græcum nomen, Latine Convocatio seu concio dicitur, **112. a.** & b. est locus quo multitudo confluit, & ipsa multitudo, ibid. Ecclesia dupliciter intelligi potest, **101. a.** ex quibus vere & proprie Ecclesia consistit, **108. b.** & **137. a.** in erendo non potest errare, **119. b.** nec ejus fides potest deficere, **118. b.** & Ecclesia est immaculata in his, qui a crimine mortali mundi sunt, quamvis culpæ venialis non nihil contrahant omnes, **136. a.** non debet, nec potest appellari synagoga Sathanæ, **138. b.** Ecclesia una manet mortuo summo Pontifice, manca tamen & imminuta, **119. a.** Ecclesia Catholica, id est, universalis nominatur, propter communem fidem & universalem doctrinam, in toto orbe diff-

diffusam. **140. b.** Ecclesia in doctrina eorum morum, qui ad salutem sunt necessarij, non potest errare, **168. a.** in moribus, qui ad privatos homines aut Ecclesias referuntur, errare per ignorantiam potest, **170. b.** in canonizationibus Sanctorum non errat, **171. b.** Ecclesia Christi custodit scripturam, & ejus intelligentiam, **36. b.** non haberet veram fidem & Evangelium, si non haberet legitimum sacre scripturæ sensum, ibid. Ecclesiæ auctoritas certa regula est ad definiendum quis liber sit canonicus, **10. a.** ejus auctoritas non est ratio per se movens ad credendum, sed causa sine qua non crederemus, **18. a.** Ecclesiæ partes sunt omnes illi, qui post baptismum Christi characterem habent, nisi propter hæresim publice Ecclesiæ judicio fuerint damnati, **113. b.** Ecclesiæ promittit Christus Spiritum veritatis, **112. b.** Ecclesiæ, quam Apostoli fundarunt, spiritus sancti charismata sunt data, **126. a.** decreta Ecclesiæ quæ certis principiis non inniuntur, certa & firma esse non possunt, **171. a.** Ecclesiæ Romanæ auctoritas multis argumentis impugnatur, **183. & seq.** Ecclesiæ publicum privilegium fuit, quod Petrus aliis confirmandis solidam fidem proponeret, nec in fidei judicio deficeret, **210. a.** Ecclesiæ Romane consuetudines aliæ sunt communes toti ecclesiæ, aliæ vero ipsi peculiare: illas Ecclesiæ omnes tenentur amplecti, has non, **211. b.** Ecclesiæ intelligentia est germanus sacre scripturæ intellectus, **264. b.** Ecclesiæ societas fratrum fidelium penas communes per amicitiam facit, **428. a.** Ecclesiam manifestam esse & cognitam fidelibus necesse est, **111. a. & b.** extra Ecclesiam nemo salvatur. **467. b.** Ecclesiæ præceptum de faciendâ confessione semel in anno, non obligat illos qui tantum peccaverunt venialiter, **135. b.** hoc præceptum, an præceptum sit, an vero exhortatio, **592. b.** an Ecclesia cum al. quo dispensare possit in præcepto divino de confessione. **592. a.** Ecclesiastici scriptores si mentiantur, impudentes & impii sunt, quia ratio virtutis & bonæ fidei cognoscendæ facilius est illis. **332. b.**

Vetus & vulgata sacre scripturæ fidelibus est retinenda in omnibus, quæ ad fidem & mores spectant, **53. b.** aliqui conantur probare, Latinam editionem per Græcæ & Hebrææ exemplaria corrigendam esse. **106. b.** Eleemosyna remittit peccata. **109. a. & 123. b.**

Enoch fidem habuit. **471. b.** Enunciationes loco interrogationum in judiciis usurpantur. **15. a.** Epiphanius in rerum & temporum ratione nullos graves auctores sequi solet, atque adeo in his interdum fallitur. **295. b.**

Episcopos

Antiochenus, si Petrus semper Antiochie sedisset, ut cœpit, legitime illi in Pontificatu successisset, **106. b.** Episcopum Romanum esse, qui Petro in eadem auctoritate & potestate succedit, probatur, **190. b.** & seq. in fidei controversiis dehnendis errare non posse probatur, **113. a. & seq.** Petri successorem esse, constat gravissimis historiis, **106. a. & 107. b.** Episcopi annulares sine causa aliquando in concilio sunt admisi, **148. a.** Episcopi successores Apostolis in potestate ordinaria, quam singuli in suis Ecclesiis habuerunt, non tamen in potestate generali & extraordinaria. **210. b.**

Epistola.

Epistolam Pauli ad Hebræos inter Canonicas non reponere, est hæreticum, **31. a. & 45. 2.** epistolam item Jacobi. **32. b. & 42. b.** secundam Petri, duas posteriores Joannis, & illam aliam Judæ in canonicis non annuere hæresim sapit. **33. a. & 49. b.**

Erasmus Rotterodamus

Quas tenebras super universam terram factas scribit Evangelista, ipse super Judæam tantum, ignorans humanas historias, suas intelligit, **123. a.** licenter, umis Hieronymum mendacii arguit. **329. b.**

Error

Duplex, personalis & judicialis, **201. a.** errare quid. **376. a.** Essentia divina nec genita est, nec generat. **368. a.**

Evangelium

Pauli non fuisse receptum, nisi auctoritate Petri & ecclesiæ fuisset roboratum, **106. & 24. a.** Evangelium

lium non in scripturis & superficie,
sed in sensu & medulla consistit.
364. b.

Eucharistia

Sacrificiū Christi exemplar non esset,
nisi esset quoque ipsa sacrificium.
414. b. non modo sacrificium est,
quo Deo gratiam referimus, sed nos
etiam Deo placat, ibid. b. est sacri-
ficiū laudis & gratiarum actionis,
408. a. & b. Eucharistiae sacrificium
quatuor partes habet, consecratio-
nem, oblationem, fractionem, con-
sumptionem, 421. b. inter omnia Sa-
cramenta solum est sacrificium, &
quare, 435. b. corpus & sanguis Chri-
sti in Eucharistia offertur, 418. b.
Eucharistiae sacramentum sumens sine
poenitentia, peccat mortaliter, 431. b.
Eucharistiae spiritualis & sacramenta-
lis manducatio, qua ratione necessa-
ria, 550. b.
Eucharistiam aliquando sumere licet si-
ne confessione, 187. b. ante Eucha-
ristiam confessio praeiudicanda, ibid.
& seq. & 193. b.

Eusebius

Et veteres, non satis explicant, quan-
tum fuerit tempus praedicationis Chri-
sti, 397. b. Eusebio Caesariensis chro-
nicon & historia Ecclesiastica, a Ge-
lasio Papa, & multis aliis notantur.
334. b.
Exemplaria Latina sacrae scripturae in
his, quae ad fidem & mores perti-
nent, non sunt per Hebraica vel
Graeca corrigenda. 13. b.
Explicatur caput primum de haereticis,
Dubius in fide infidelis est. 377. b.
Expositores quae apponunt in margine,
ea librarium vitio, textui nonnun-
quam inferuntur. 46. a

F

Falsum absurde in typum veritatis
assumitur. 2. b

Festum

Festus dies pro Paschate solet in Evan-
gelio accipi, 296. a. festum de quo
meminit Joannes, cap. 1, non fuit
Pentecostes, licet Chrysostomus &
Cyrillus asserunt. 298. a. festorum
corporalis quies quo pertineat. 130. a

Fides

Romani pontificis interior non est Ec-
clesiae necessaria, 210. b. Fides im-
mediate auctoritate nititur, 344. b.

Fides & Theologia non aliter se ha-
bent, quam habitus principiorum &
scientia conclusionum, 345. b. fides
innititur revelationibus, quas Apo-
stoli & Prophetae ediderunt, 350. a.
fides non sequitur privatas revela-
tiones, sed eas, quae ad communem
religionem attinent, ibid. b. cum na-
tura non pugnat, 355. b. non ad
verba, sed ad sensum refertur, 364.
b. naturalem rationem dirigit, 355.
b. fidei quaedam sunt, quae omnes fi-
deles explicite credunt, quaedam,
quae soli majores credere tenentur
explicite. 141. b. fidei ratio forma-
lis non est Ecclesiae auctoritas, 26.
b. fidei resolutio ultima sit in cau-
sam internam efficientem, hoc est
in Deum moventem ad credendum,
27. b. fidei ratio formalis, quae est
divina veritas revelans, non sufficit
ad movendum, nisi addit Deus inter-
ius movens, 28. a. ejus ratio for-
malis non est ratio Theologiae for-
malis, 349. b. fidei dogmata, sive
Christus per se Apostolis revelave-
rit, sive Spiritus sanctus post ejus
ascensionem, mutari non possunt,
98. b. non statim si quicquam jure
Canonico continetur, fidei dogma
credendum est, 165. b. fidei doctri-
na non solum illud est, quod Apo-
stolis expresse habetur revelatum,
verum illud etiam, quod ex altera
propositione revelata, & altera cer-
ta lumine naturali conficitur, 207.
a. in duplici differentia sunt ea, quae
sunt fidei, 357. a. fidei habitum per
dubitationem pertinacem amitti pro-
babile est, 378. b. fides Christi im-
plicita & explicita, 464. b. explici-
ta non fuit semper ad salutem ne-
cessaria, ibid. post divulgationem ve-
ro Evangelii cuilibet est necessaria,
466. a. implicita post lapsum sem-
per fuit necessaria ad salutem, 464.
b. differentia inter fidem veteris &
novae legis, 467. b. & seq. fidei ad
salutem major est necessitas, quam
baptismi, 468. a. sine fide hominem
iustificari posse, sententia erronea
est, 469. b. fides est fundamentum
iustitiae, 470. b. non nisi a Dei gra-
tia provenit, ibid. est ad remissionem
peccatorum necessaria, 473. a. in le-
ge naturae sola fides satis fuit ad sa-
lutem parvulorum, 479. b. Quod sa-
dae doctrinae adversatur, Fidei quo-
dammodo adversum est. 363. a

Figur.

Figurata dictione multa, quæ parti conveniunt, solent in totum transferri.

112. b

Filius

Dei dicitur nescire diem iudicii, quia scire se dissimulat, nec vult aliis revelare, 444. a. filii Dei non semper probi intelliguntur, sed ii quoque interdum, qui bona paterna prodegerunt. 133. b

Finitus est duplex, alius doctrinæ, alius doctoris. 142. b

Fractio & consumptio specierum, ad integritatem externi sacrificii pertinent. 423. a

Frater

In Scriptura, non modo germani, sed propinqui dicuntur, 390. a. fratres vocat Scriptura eos, qui sunt confobrini. 192. b

Fundamentum domus secundum metaphoram idem est, quod servata analogia corporis caput. 187. a

G

Gelasius

Gelasius multos libellos rejecit. 324. a

Gelasii Papæ censura de historiis Sanctorum. 331. a

Gens nulla est tam fera, quæ non sciat Deum habendum. 353. a

Gentes tales volebant Deos esse, quales ipse essent. 456. b

Gratia suavior & effusior est, quam natura. 425. a

Græci

Græca historia falsa reputatur ante Olympiades, post verior, 319. a. Græci multis locis, ut Scripturam ad suum sensum traherent, novum testamentum violarunt. 155. a

Gregorius

Primus, & tertius, loquuntur de muliere, quæ ante matrimonium erat impotens ad solvendum debitum, 204. a. decimus ratione Theologica demonstravit, Spiritum sanctum ex Patre & Filio, tanquam ex uno principio procedere, 308. a. Gregorius Magnus in Dialogis, & Beda in Historia Anglorum, quædam miracula scribunt minus certa. 334. a

H

Habitus fidei in ordine ad Theologiam, habet se ut habitus intel-

lectus in ordine ad disciplinas humanas. 18. a

Hebræi historiæ humanæ penitus sunt ignari, quia nulla externi regni monumenta habent. 328. b

Heli

eundem fuisse, qui & Joakim pater Virginis Mariæ, quibuscum probabile visum est, 390. b. Heli, Eliachim, Joakim, idem fere significant. ibid. b

Hæresis

Hæreses nota non est inurenda illis, qui tenent, Ecclesiam in aliqua lege & more posse errare, 169. a. & b. Hæresis sine pertinacia non constat, 370. b. Hæresis est error pertinax illius, qui professus fuit fidem, 371. b. Hæresis & secta idem sunt, 372. b. Hæresis unde dicta, ibid. generale nomen est, sed contracto vocabulo dicitur secta seu divisio, qua quis a communi Ecclesiæ fide se jungit, ibid. non incurritur ex verbis inordinate prolatis, si error in fide absit, 375. b. Hæresim constare posse sine pertinacia, aliqui Doctores asserunt. 369. b

Hæreticus

est, qui volens unicuique dogmati assentitur, cum intelligat esse fidei contrarium, 380. b. non est, qui paratus est corrigi ab Ecclesiâ, 381. a. & b. nemo nominandus hæreticus, nisi a perfecta & consummata hæresi, 382. a. quæ necessaria sint, ut quis constituitur hæreticus, 383. b. hæretica propositio est, quæ hæresim interiori enunciat, illiusque est omnino signum, 384. a. hæretici non sunt partes Ecclesiæ. 113. b. hæretici Spiritum veritatis concedunt Ecclesiæ Sanctorum, 116. a. hæreticis omnibus commune est Ecclesiam aut Ecclesiæ nomen spernere, aut ad se transferre, 107. a. & b. ex verbis inordinate prolatis hæresim incurri, quomodo sit verum. 375. b

Herodes Roman vocatus, ut accusationi filiorum responderet, distulit necem innocentium. 295. a. Herodias non fuit filia Arethæ regis. 191. a

Hieronymus

non est regula Ecclesiæ in libris Canonicis discernendis, 39. b. risit Adam sepulturam in loco Calvarie. 399. a

Hierusalem ab Aram centum septuaginta-

ginta duabus parasangis Perficiis, & Hispanis, ab Ur Chaldaeorum ducentis duodecim distat. [129. a](#)

Historia

licet ad narrandum, non ad probandum sit scripta, aliquid tamen sine dubio probat. [189. b.](#) non solum Ecclesiastica, sed etiam ethnica, Theologo contra adversarios fidei utilissima, [181. b.](#) & historia Socratis scholastici Cano non placet, [336. a.](#) historiae humanae auctoritas multis argumentis impugnatur, [181. a.](#) historiae veritatis certum signum est, si de eisdem rebus eadem omnes scribant, [189. b.](#) historiae usurpatio & approbatio non est eadem, [314. b.](#) historiae Sozomeni improbavit Divus Gregorius, [333. a.](#) scribentes historias sanctorum, res humanas ab ipsis alienas fore non censeant, sed sicut Evangelistae, nec affectus naturae imbecilliores, nec casus naturae graviores desimulant. [332. a](#)

Historicus

certus esse non potest, ad faciendam certam Theologiae fidem praeter auctores sacros, [189. a.](#) historico debemus fidem, cui auctoritatem tribuit Ecclesia: cui autem Ecclesia derogat fidem, & nos similiter, [334. a.](#) historici graves ac fide digni probabile argumentum Theologo suppeditant, [189. a.](#) historici omnes in eandem rem concurrentes, certum argumentum faciunt, ut Theologiae dogmata firma etiam ratione constituentur, [189. b.](#) quomodo debeant concordare, ut certa sit illorum doctrina, [191. b.](#) historici gentium veraciores fuerunt, quam multi ex nostris, [339. b.](#) historici illi praefertendi sunt, qui severitati ingenii quamdam prudentiam adiungunt, & ad eligendum, & ad iudicandum. [333. a](#)

Homo

non solum vitales operationes per gratiae formam, & virtutes in se edit, sed vivendi sibi causa est, [425. b. in](#) sui generatione Dei adiutor existit, ibid. in se facit actus fidei, spei, charitatis, quibus Deus utitur ad animam vivificandum gratuito, [425. b.](#) homo licet causa gratiae non sit, causa tamen sibi est, ut per gratiam vivat, ibid. homo tunc secundum animam dicitur esse in caelo, quando videt Deum, [440. b.](#) hominem peccare in eo, quod Deo praecipiente

agit, cum recta ratione pugnat, [142. a.](#) homines boni, etsi pauci sunt, plus valent, ut plebs bona sit, quam multi mali, ut nominetur mala, [138. b.](#) homines hominibus credere necesse est, nisi vita pecudum more degenda sit, [188. b.](#) homo non tenetur statim a commisso peccato facere poenitentiam, [330. b.](#) non tenetur poenitentiam agere, quoties peccata memoriae occurrunt, [331. a.](#) nec divino nec humano jure obligatur homo diebus festis ad poenitentiam, ibid. b. homo dominus est bonorum corporalium & spiritualium, non autem vitae corporalis, [333. a.](#) homo non potest producere poenitentiae actum sufficientem ad justificationem, sine supernaturali auxilio Dei. [107. b.](#)

I

Jacob

IN illis verbis: Ego sum primogenitus tuus Esau, &c. secundum aliquos mentitus est, sed matre consulente, non Deo revelante. [2. a.](#) cum praecipuit fratri benedictionem, fidem gentium praenotavit, [2. b.](#) est vere primogenitus secundum carnem, & secundum jus. ibid.

Jacobus frater Domini vocatus, non fuit filius Joseph, nisi illum duas simul uxores habuisse nulla ratione contendas. [191. b.](#)

Jejunium quadragesimae Apostolicum institutum est. [28. a](#)

Jesu epistola ad Abagarum regem fabula est. [334. b](#)

Imperandi verbum, an semper praecipit, an consilium secum ferat. [10. b](#)

Impossibile quandoque dicitur, quod valde difficile est. [146. b](#)

Incitamenta aliqua exteriora & humana, necessaria sunt juxta communem legem, ut in Evangelii fidem inducamur. [16. b](#)

Infidelitas

Infidelitatis species quot sint, [381. b.](#) infidelitas non est peccatum us, qui nihil de fide audierunt. [469. b](#)

Infirmus, qui casu obmutuit, si signis det testimonium se confiteri voluisse, absolvitur. [175. a. & b](#)

Injuriarum remissio remittit peccata. [109. a](#)

Innocentium Tertium fuisse confessionis auricularis auctorem, falsum est. [552. b](#)

Inter-

Interpretatio quæ apponitur retentis vocibus Hebraicis, an ad sacram scripturam pertineat. **46. b. & seq.**

Interpres

Machabæorum, veniam petit non falsitatis, sed elocutionis. **41. b.** interpres verbis Hebraicis retentis, jure suo potest interpretationem apponere, quod facere poterat verbis Hebraicis non retentis, **46. b.** non est astrictum easdem omnino res, quæ in Hebræo habentur, semper in Græcum, Latinumque convertere, si sensus idem manet, **62. b.** interpres editionis *vulgatæ* habuit spiritum quandam prophetico vicinum & proximum. **66. a**

Instrumentum a sanis obsignatum, testamentum dicitur. **48. b**

Joannes Evangelista quare non dixit, aut filium, aut vitam, aut lucem, sed Verbum caro factum est. **48. b**

Joannes Vergara Canonicus Tolerantius Græcæ & Latine linguæ peritissimus. **327. b**

Jonas volebat Ninive subversionem prænunciare, eo quod divinam putabat misericordiam Ninivitis penitentibus esse fleendam. **102. a**

Joseph

non esse mentium in illis verbis: per salutem Pharaonis exploratores citis vos, &c. asserit D. August. accepit enim verbum, estis, pro verbo, habemini, **15. a.** Joseph duos patres habuit, Heli legalem, Jacob naturalem, **190. b.** Joseph aliam præter Mariam uxorem habuisse conjectura est, quia aliqui in Evangelio fratres Domini vocantur, **191. b.** cum Mariam conjugem accepit, octoginta fuisse annorum, Epiphanius non semel astruit, **192. b.** Joseph & Cleophas erant fratres secundum Eggesipum. **ibid.**

Josephus egregius historicus a multis laudatur. **337. b**

Judaico ritu gratias Deo agere, calicem in manus accipiendo & levando, vere est hostiam pro gratiarum actione offerre. **409. a**

Judex

Judicem vivum oportet in Ecclesia esse, qui fidei controversias possit decidere, **22. a.** judices Ecclesiastici merito eos omnes hæreseos nomine condemnant, qui de dogmate Catholico dubitant, **378. b. & 379. a.** tunc de hæresi tuto possunt pronunciare,

quando error est circa ea, quæ nullo modo possibile est ab errantibus ignorari, **385. b.** dubitantes de errantibus pertinacia, duas res transigere debent. **386. a**

Judicium

de scripturis, per scripturas ipsas idoneum esse non potest, **19. a.** de scripturis canonicis ad privatos Reipublicæ non pertinet. **30. a**

Julii Africani de temporibus quinque volumina. **338. a**

Juris canonici cognitio theologo necessaria. **247. a**

Jurisconsultus

Jurisconsultorum auctoritate non eget Theologus in his quæ ad fidem pertinent, **350. a.** parum etiam confert illorum auctoritas Theologo in his, quæ ad mores pertinent, de quibus lex Evangelica vel ratio philosophiæ præscribit, **ibid.** Jurisconsultorum omnium concors sententia fidem facit Theologo, cum de moribus Ecclesiæ & religionis institutis, per leges tantum pontificum decernitur, &c. **ibid. b**

Jus divinum

nullum certum tempus præscribit consistendi, **186. a.** quatuor casus in quibus jus divinum obligat ad consistendum, **186. b.** de jure divino est, consisti proprio sacerdoti, qui videlicet habeat ordinariam jurisdictionem. **179. b**

L

Latinius fulgor, & gloria Græciæ claritatem obscuravit. **332. a**
Legatum vetus, testamentum erat, signatum a vivo, sed apertum moriente Christo. **48. b**

Lex

Leges Ecclesiæ non omnes petendæ sunt a juris voluminibus, in quo multi falluntur. **374. a.** Leges Ecclesiæ multe sunt, quas non scriptura, sed usus inseruit. **ibid. b.** lex de hæretico denunciando, quamvis occulto, fraternæ correctionis legem non violat, **383. b**

Liber

Libri sacri appellantur, quos Spiritu sancto dictante, sacri auctores exceperunt, **4. a.** librum esse hujus aut illius scriptoris, non admodum interest Catholicæ fidei, dummodo Spiritus sanctus autor credatur, **44. a. b.**

a. liber qui sub antiquitatis nomine profertur, debet viro prudenti suspectus esse, 328. a. libellos Adam, Enoch, & Noe noluit recipere Ecclesia, ibid. Libri lintei apud Romanos fuisse quondam, 320. b. libri profani redarguuntur, & qui contra illos eduntur, mysteriorum Ecclesiae pleni. 333. a

Linguarum peritia

utilissima est ad infideles alienae linguae ad fidem instituendos, 66. a. utilis ad dictiones explicandas, quae magnam emphasim habent, ibid. Linguarum alia utilitas, ad accipiendos plures sensus catholicos ex eadem scriptura, ibid. b. quarta utilitas, ad cognoscenda idiomata, phrasas, & proverbia linguae alienae, 67. b. & seq. quinta, ad menda ea corrigenda, quae ex incuria typographorum, aut eorum, qui scribere imperitia, obrepserunt, 68. b. sexta commoditas ad intelligenda quaedam loca, quae ab interprete apertius reddi poterant, & sine linguarum cognitione nequeunt explicari, 70. a. septima, ad evitandum errorem ex Latini sermonis amphibologia, ibid. demum utilis est, ad quaedam vocabula, vel Hebraica, vel Graeca percipienda, quae in editione Latina remanserunt. ibid. b

Littera sacra.

Literis sacris explicandis eodem spiritu opus est, quo ipsae sunt scriptae, 65. a. litterae sacrae non continent omnia, quae ad doctrinam Christianam pertinent, 91. b. 481. b. litterarum sacrarum consuetudo est, eundem omnino populum nunc propter iustos felicem dicere, nunc propter improbos miserum & infelicem, 138. a

de Luengas vias, luengas mentiras. 332. a

Loci circumstantia quando in confessione explicanda. 160. b

Lutherani

aliquando asseruerunt, sacram Scripturam, per se cuique habenti Spiritus sancti, & fidei lumen esse manifestam, 17. a. putant nullum dogma posse traditione probari, 86. a. nullam in Ecclesia legem esse voluit, per quam Scripturae sensus finiantur, praeter rationem propriam, 88. a. docent, sacras litteras unum solum habere sensum, illumque in promptu cuique sine magistro docente, pate-

re, ibid. b. Lutheranorum sententia reellitur multis rationibus, 89. a. Lutherani sanctorum auctoritatem multis argumentis expugnare contendunt, 112. a. nituntur probare Eucharistiam non esse sacrificium, 199. a. perperam definierunt sacrificium, quod sit ceremonia, vel opus a nobis Deo redditum, ut cum honore afficiamus, 407. b. Lutherani duas proximas sacrificii species esse asserunt, & non plures, 407. a. sacerdotium nostrum Turcarum more informare cupiunt, 412. b. Lutherani Eucharistiam percipientes, non item offerentes, Domini cenam agunt, sacrificium crucis non agunt, 409. b. ministri antichristi iure dicuntur, 412. b. non omnino negant sacrificium, sed negant in eo, quod dicitur offerri pro peccatis, 414. b. negant poenitentiam esse ad salutem necessariam, 543. a. item confessionem. 543. b

Lutherus

asseruit Philosophiam esse Theologo inutilem & noxiam, omnesque disciplinas speculativas errores esse, 155. b. Luthero data est clavis putei abyssi, ut errores ibi demeris erueret. 132. a

Lumen naturae.

Lumine naturae errantes non minus a Deo falleremur, quam si per fidei lumen errarem, 162. b. Luminis naturalis investigationem & argumenta refellere, non modo stultum est, sed impium. ibid.

Lux divina per se quidem ad videntum editur, sed per occasionem in eo caecitatem efficit, qui prave affectos habet oculos. 14. a

M

Mahumetus omnem disputationis aditum suis, edita lege, praeculuit. 88. a

Magi

qui Christum adoraverunt, fuerintne reges, an non, parum interest, 193. a. Christum, decimaertia die, ex qua natus est, adoraverunt. 194. a. Marcus Evangelista, in illo, quod scripsit, hora tertia Dominum crucifixum, quo pacto vendicandus sit a falsitate. 80. a. Maria Virgo Magorum oblationem in quo consumpsit, 194. b. utrum B. Virgo

go a peccato originali fuerit libera, in utramque partem potest credi. 218. a

Matrimonium

remittit peccata, § 21. a. sine charitate non valet. ibid.

Massiliani negarunt necessitatem confessionis. 541. b

Matrimonium

Matrimonii materiam & formam, & an matrimonium conferat gratiam inconstanter & varie affirmant Theologi, 241. a. matrimonium sine ministro Ecclesie contractum, an sit sacramentum, 242. a. & b. quod inter absentes per literas & procuratores contrahitur, non est sacramentum, ibid. b. & seq. 462. a. sine ministro contractum, non esse sacramentum, varie probatur, 243. b. matrimonii ministri vir & femina contrahentes non sunt, ibid. matrimonium in statu innocentie non fuit sacramentum. 463. a

Medium ad salutem necessarium, duplex. 529. a

Melchisedech panem & vinum obtulisse Deo in sacrificium, quomodo colligatur ex 14. cap. Genes. 411. b

Mendacium

emanaret a fonte veritatis, si quispiam Deo auctore falleretur, §. 2. mendacium dicere & facere malum cum natura stabili, immobilique pugnat. ibid.

Mentiri est asserere falsum animo fallendi. 7. a

de mensura voce quid sentiendum, 496. b

Metaphora & figura a rebus vicinis & similibus ducitur. 9. a

Methastensem Annii historicum repellit auctor. 324. b

Micca Hebraeis est oblatio. 413. a

Ministri & sacramenti, & sacrificii altaris sunt causae ad modum quo qui applicat ignem ad stipulam causa est, &c. 427. b.

Missae

valor infinitus est, quoad sufficientiam, non autem quoad efficientiam, 433. a. missam habemus ex traditione Apostolorum, 413. a. esse sacrificium, probatur auctoritate Ecclesie, conciliorum, pontificum, & Sanctorum. ibid. b.

Moyse

praeceptum accepit a Deo, ut legem populo scriberet, legis autem occulta mysteria ministro suo Josue revelaret, 92. a. Moyse fuit sacerdos. 247. a.

Monachi tenentur confiteri peccata venialia. 583. b

Mortis periculum, & articulus ditiunguntur. 587. a

Mutus

tenetur confiteri eo modo quo potest, sive per nutus, sive per scriptum, 575. a. mutus non valens exprimere circumstantias peccatorum, sed signis tantum ostendens se offendisse Deum, absolvi potest. 576. a

N

Nestarius

Episcopus Constantinopolitanus successore Gregorii Nazianzeni, & antecessore Chrysostomi. 536. b. quomodo confessionem apud Sozomenum de medio sustulerit. 551. a

Nemrot translatus a Diis dixit Berosus. 323. b

Nicenum concilium tempore Constantini a Sylvestro pontifice coactum, historici pii, gravissimique testantur. 289. b

Nus

praeter tres priores filios, plures genuisse, post diluvium asserit Berosus Anianus, contra sacras literas, 323. b. cum jaceret ebrius, carmine magico a Cham filio sterilis effectus est, secundum Berosum. ibid.

Nomen

Nomina quaedam sunt, quae si in eadem lingua aliis verbis explicentur, nihil absurdum oriatur: quod in nominibus Benoni & Melchisedech evenire potuit, 47. a. nomen generis speciei illi absolute tribuere, in eo genere imperfectissima, in more majorum positum est. 388. a

Novatianj negarunt per absolutionem remitti peccata. 537. a

Numerus

loeorum Theologicorum denarius est, 2. a. numeri depravati reperiuntur in historia sacra & profana, 304. b. numerus peccatorum mortalium ad confessionem integram necessarius. 555. a

Nuptias in Cana Galilae non fuisse factas, anno integro post baptismum elapso, non sine causa aliqui putant. 296. a.

O

Oblatio

Corporis, & Sanguinis Christi, quam missam, & sacrificium appellamus, ex Apostolorum traditione habetur, 413. a. oblatio duplex, universalis, & particularis. 418. a

Offerre.

Offerentes sacrificium non minorem partem accipiunt si pro pluribus, ac si pro uno duntaxat offerretur, 433. a. non offerentes, non accipiunt æqualem partem si pro pluribus, ac si pro uno tantum offerretur, 433. b. offerentes sunt adjuutores, auditoresque missarum, hi etiam qui sacerdoti alimenta ministrant, vel quoquo modo sacrificio inserviunt, ibid. offerentium quisque pro sua devotione partem capit sacrificii altaris. ibid. Operationes humanæ sunt, quæ in propria gratia, & meritis inveniunt, aliæ vero sunt, quæ non a nobis efficaciter habent, sed proisus a Christo. 425. b

Operosum & arduum est simul in Theologiæ controversiis & elegans dicendi, & arguendi disputandi genus observare. 3. a

Opus idem, si quatenus pœna est, ad Deum; quatenus est culpa, ad auctorem diabolum referamus, nihil absurdum est. 11. a

Ordines a summo Pontifice approbari, vel refelli, non pertinet ad ea, in quibus ipse errare non potest. 171. b

Oriens in sacris litteris accipitur pro terris, quæ orientales ad illam sunt, in qua sunt qui loquuntur. 295. a

Osiander

contendit, quod de duobus patribus Joseph, naturali & legali refertur, commentum esse, 290. a. Osiandro familiare est Sanctorum communem sententiam pro nihilo habere. 290. b

Ovis nomen plerumque pro iustis, & bonis accipitur, nonnunquam etiam pro malis, & improbis. 134. a

Ovile Christi aliquando pro solis probis, iustisque accipitur. ibid.

P

PAſſum veritatis cum Ecclesia initum, ad pastores, & doctores ipsius referendum. 173. a

Parabole aliud in medulla, aliud in superficie pollicentur. 68. a

Passio

non potest esse honesta, sicut nec actio, quando unum peccatum est pœna alterius, 12. b. passio Christi applicatur nobis in sacramentis. 541. a

Pastores Ecclesiæ non propter maiorem sapientiam firmi in fide, & doctrina sunt, sed propter peculiarem Christi procuracionem. 172. b

Pater

quas Christus per se fundit preces, omni tempore, & loco exaudit, quas vero per homines, non semper exaudit, 432. a. Patres veteres in locutionibus, quæ actum Dei sonare videntur circa duritiem, cæcitatem, errores, & peccata, solam permissionem agnoscunt. 13. a

Patriarchæ duodecim sepulci sunt in Sychem, non autem in Hebron. 84. a

Paulus semen Abraham vocat populum gentium, eundemque fratrem appellat minorem. 10. a

Peccatum

collocatur in genere, & specie, uno modo formaliter, & directe, altero modo materialiter, & reductive, 382. a. peccati nomine actus liber & moralis intelligitur, 14. b. peccati vox pro pœna peccati sæpe usurpatur, 422. a. a peccatis reservatus nemo potest absolvi a iudice inferiori, nisi cum facultate superioris, 562. a. quando liceat circumstantiam peccati, per quam confessor possit peccati complicem intelligere, confiteri, quando reticere, 566. b. peccatorum remissio dupliciter intelligenda, 570. b. peccata venialia non tenemur confiteri, 570. b. peccatum est, pœnam divinam sententia in sacramento illam nolle subire, 595. b. recidivum, & peccati consuetudinem sacerdoti explicare consuevit. 561. a

Petri Oxoniensis assertiones damnatæ. 552. a

Pœna duplex, animi & corporis. 510. a

Pœnitens

Pœnitentis finis triplex, 495. a. in pœnitente semper conjuncta sunt detestatio vitæ veteris, & propositum novæ, 497. b. pœnitens diligentiam adhibere debet ad rememoranda singula peccata mortalia, 555. a. pœnitentes caute interrogandi, & caute scribendæ summæ, 558. a. pœnitens quando admonendus de peccato, quod i-

gnorat, ibid. an penitens teneatur omnia peccata, etiam reservata, iudici inferiori confiteri, quando non est facilis aditus ad superiorem, 563. b. an penitens presenti sacerdoti per scripturam confiteri possit, ut mutus, 578.2

Penitentia.

Pœnitentia sacramenti institutio, præceptumque confessionis, colligit synodus Complutensis ex illo, Quorum remiseritis peccata, 368. a. pœnitentia virtus & sacramentum est, 494. a. an penitentia sit dolor de peccatis, quia contra Deum fuere commissi, 497. b. ejus vocabuli origo, 495. a. penitentia quid, ibid. & seq. an ad veram pœnitentiam præter dolorem de peccato præterito, exigatur propositum deinceps futura vitandi, 497. b. penitentia non est sine actu charitatis, 499. a. de essentia pœnitentia est, quod displiceat peccatum, quia est contra Deum super omnia dilectum, 501. a. penitentia est virtus, 503. b. est virtus specialis a cæteris, quas Philosophi cognoverunt, distincta, 504. a. & 505. a. pœnitentia proprius actus est, compensare offensam Dei, ibid. b. penitentia est virtus infusa, 507. a. pœnitentia actus sufficiens ad justificationem non potest produci ab homine absque supernaturali auxilio Dei, 508. a. pœnitentia interior necessaria est ad remissionem peccatorum mortalium, 510. a. exterior necessaria est ad salutem, 511. a. penitentia lex præceptum speciale continet, 517. a. pœnitentiam differre periculosum, 519. b. penitentia religionis opus non est, sed vindicationis, 505. b. & 531. a. pœnitentia præceptum obligat in articulo necessitatis, ibid. penitentia præceptum affirmativum est: & fundatur in præcepto charitatis affirmativo, 533. a. penitentia exterior, in qua sacerdos pœnitentem absolvit, est sacramentum, 537. b. penitentia sacramentum constat contritione, confessione, & satisfactione, tanquam materia, contra Scotum, & Durandum, 538. b. pœnitentia forma, sunt verba absolutionis, ibid. penitentia sacramentum in re susceptum non est necessarium ad salutem, 540. b. est necessarium ad salutem peccatoribus baptizatis in re susceptum, si facultas adsit, sin mi-

nus, in voto, 541. a. penitentia sine satisfactione sacrilegium est, 595. b.

Pertinax ille est, qui nimis in errore permanet, falsamque sententiam mordicus descendit. 379.2

Petrus Apostolus

ut caput Ecclesie, ita fundamentum est, 187. a. cum Ecclesiam docebat, & oves in fide firmabat, errare non potuit, ibid. b. Petrus si posset oves Christi falsis erroribus pascere, non esset a Christo Ecclesie provisorum, 188. b. Dominicus oraculis communitus, & civitate Antiochena Romam emigravit, cathedramque inde transiit, 108. a. Petri privilegium fuit, ut ejus ne personalis quidem fides deficeret, ibid. b. & seq. Petrus & successoribus ejus primo certam doctrinam asserere debemus, deinde Ecclesie Romanæ, 101. a. Petro data est potestas non minus ad tollendam ignorantiam, quam ad tollendam peccata, 188. a. Petro sunt commissi, quicunque habent sacramentum fidei, 134. b. Petro defuncto, divino jure succedit alius in eadem auctoritate, & potestate, 188. b. Petrus significantissimis verbis patet, quando Apostoli gloriam quasi unigeniti a Patre viderint, 418. a. Petrum Apostolum instituit Christus pastorem Ecclesie universalis, 186. b. in Petro aliud est, quod spectat ad privatam hominis excellentiam, aliud quod pertinet ad Ecclesie utilitatem, 110. a. Petrum Romæ collocasse sedem, & martyrium passum esse, graves historiae tradunt. 289. b.

Philo.

Philones duo fuerunt, unus Philosophus & Theologus, alter historicus mendax, 321. b. Philonis auctoritas magna fuit, sed brevium temporum, & libellus alter de antiquitatibus, Philonis non fuerunt. 337.2
Philosophi veteres pœnitentiam commendaverunt. 507.2

Philosophia

non est meretrix vaga, & garrula, sed Thamar, quæ causa proles sedit in trivio, 166. a. vera, est rerum humanarum ac divinarum, terrestrium atque celestium scientia, ibid. b. circa fidei veritatem quomodo se habeat. 261. b.

Plato

voluptatem appellat etiam malorum, 156. Q. 9. 2. b. asse-

b. asserit, animos esse immortales, **353. a.** docet sacerdotes magna oportere claritate abundare propter eorum quæ tractant magnitudinem. **412. b.**

Pontifex

summus tantam in Ecclesia habet auctoritatem, quanta ad continendos Christianæ Reip. cives in fide, religione, & officio est necessaria. **190. b. summus** Pontifex potest esse hæreticus, **170. a.** non est hæres propriorum privilegiorum Petri, sed eorum, quæ spectant ad Ecclesiæ commune bonum, ibid. potest dispensare in his, quæ Apostoli tanquam Ecclesiæ pastores constituerunt, **98. b.** nunquam contra Patres Concilii bene sentientes dixit, **160. b.** Pontifex, & Concilium in fidei definitionibus debent adhibere sufficientem diligentiam, **161. a.** Pontifex, & Concilii Patres præstant semper quod in se est, cum de fide pronunciant, **163. a.** Pontifex, & Concilium, quæ via procedant in iudiciis fidei, **165. b.** Pontifex a fidelibus iudicari potest in solo casu hæresis, **109. b.** non tenetur in Conciliis amplius majoris partis sententiam, **160. a.** ad ipsum pertinet definire, quinam liber sit canonicus, **23. b.** Pontifices respondent sæpe ad quæstiones privatas suam opinionem exponendo, non autem ferendo sententiam. **101. b.** cum edunt libros de re qualibet, non tanquam iudices de fide pronunciant, **109. a.** aliqui Pontifices inciderunt in hæresim, **209. a.** & b. Pontifex quando subijciatur Ecclesiæ in foro exteriori, quando in interiori, **149. a.** Pontifici Romano tanquam successori Divi Petri, commissæ sunt claves Ecclesiasticæ potestatis, ibid. b. summo Pontifici nullum crimen reservatur, quod non habeat annexam excommunicationem, **563. a.** Pontifex ea, quæ sunt de jure positivo, sine causa tollere potest. **594. b.**

Populus Judæorum Machabæis ducatum tradidit, non tanquam proprium, & hæreditarium, sed ad legem depositum conservandum. **43. a.**

Potestas divina

absoluta, definitur solet eas res, quæ non implicant contradictionem, **6. b.** ordinata, definitur eas, quæ esse possunt salva lege, statutis, quæ divinis. ibid.

Præceptum

vulgo datum de hæretico denunciando, prudentia plenum est, **381. a.** in sacris literis, pro lege, & ordinatione quandoque accipitur, **14. a.** præceptum Domini, seu consilium Paulus vocat, quod Christus ore proprio præcepit in Evangelio, vel consuluit, **76. a.** præcepta, quæ in sacris literis scripta sunt, quædam a Christo Apostoli acceperunt gentibus evangelizandis, quædam ipsi Apostoli populo tradiderunt: illa non potest Ecclesia solvere, ista potest, **77. a.** & **98. a.** præcepta, & instituta Apostolorum, quædam temporaria fuisse, quædam perpetua, ibid. tria præcepta ponuntur, ad argumenta Theologiz invenienda, **395. b.** præcepto divino id fieri dicitur, quod ordine iustitiæ divinæ sit, **14. b.** præcepti transgressor non est, qui adhuc bono ex genere suo, quem lex præcepit, apponit malam aliquam circumstantiam, **574. a.** non omnia præcepta Christi, & Ecclesiæ sunt scripta, **190. b.** præcepta dupliciter obligant. ibid. b. Prælati superiores licite possunt sibi aliqua peccata reservare. **567. a.**

Presbyteri dicuntur sacerdotes, id est, seniores, quoniam etiam apud gentes, non nisi in regibus vel senioribus sacerdotum reſidebat. **311. b.**

Principes

Principes & præfecti Ecclesiastici, ecclesia appellantur, & sunt, **118. a.** & **365. b.** principes & optimates soli erga Deum habebant olim cæremoniarum facultatem. **412. b.**

Principium

principia disciplinarum bipartita sunt, **16. a.** quædam simpliciter sunt prima, alia sunt præcipua quidem & immediata, sed contrahentia, **351. b.** principia hæc, Deus est, & est remunerator inquirentium se, tanquam prima credibilia omnes fidei articulos simpliciter in se continent. ibid. Professores doctrinæ Christianæ duobus quasi personis induti sunt. **256. a.** Prolixitas utilitate pensatur. **4. a.** Prophetæ intelligebant, quænam prophetiæ essent comminatoriæ, quapropter minime falsebantur. **10. a.**

Propositio

propositionum, quæ ad fidem attinent, duo gradus generales collocantur, **363. a.** propositio erronea ab hæretica, non modo cogitatione, sed re etiam sepa-

separatur, 371. b. propositio erronea est error, qui minus quiddam, quam aperta hæresis Catholicæ doctrinæ contrarius est, 387. b. sapiens hæresim, quæ sit, 389. b. male sonans, quæ, 390. b. propositionum sapores magis discernuntur viribus sentiendi & gustandi, quam speculandi. 391. a. Propositum vitæ novæ est de ratione & essentia penitentiarum. 497. b. Proverbia Salomonis vix explicari possunt, nisi habita ratione Hebraicæ consuetudinis & sermonis. 68. a. Proximus non cognatione tantum, sed humanitate definitur. 460. a.

Q.

Quæstio

Theologica est duplex, altera, cujus cognitio est ad salutem necessaria, altera, cujus ignoratio sine salutis iactura esse potest, 167. b. quæstio & conclusio eadem res est, 357. b. quæstio Theologica, sive ad contemplationem, sive ad mores attineat, alia est naturalis, alia supernaturalis, alia media, 359. a. Quæstiones quatuor, quas Aristoteles insert de unaquaque re, quo pacto terminari queant, 358. a. quæstiones cognitionis quadripartitæ, 359. a. quæstiones Theologicæ sunt quædam, pro quarum veritate Theologo est in capitis discrimen veniendum: sunt & alix, quæ ignorari & negari sine fidei iactura possunt, ibid. b. quæstiones naturales in duplici sunt differentia, quædam solis naturæ argumentis probantur, alix fidei etiam auctoritate confirmantur, 448. a. quæstionum actionis duo sunt genera. 359. a.

R.

Ratio.

Rationes naturales & humanas Theologo non solum utiles, sed necessarias esse ostenditur, 256. a. rationes naturales non sunt arma Saulis, quæ pupilem magis gravant quam juvant, sed potius gladius Goliath, 260. b. rationes naturæ, quæ in usum Theologiæ veniunt, firmæ nonnunquam, & infirmæ sunt, 262. b. rationes Philosophiæ quæ rejicit, Dei veritati, quæ illæ subsistunt, retragatur, ibid. rationibus naturalibus exteri ad fidem

adducuntur, fratres confirmantur, dociles invitantur, repugnantes repelluntur. 259. b.

Regule

tres, ad quas fidei judicia externa dirigenda sunt, 384. a. regulæ tres Annii, quasi indices, quibus historici cujuscunque fides ac veritas exploretur, 318. a. has regulas vanas esse Canus probat, ibid. b. harum regularum, & Annii censura. ibid. & seq. regulæ & leges multiplices sunt, quæ veraces historicos a fallacibus distinguunt, 329. a. prima, ex hominum probitate sumitur, ibid. secunda, præfert historicos, qui severitati ingenii quandam prudentiam adjunxerunt, ad eligendum & ad judicandum, 332. a. tertia, cui historico auctoritatem Ecclesia tribuit, hic dignus est, cui nos etiam auctoritatem adjungamus. 334. a. Religioni apud veteres quantus honor habitus. 416. a. Remissio iniquitatis duplex, una perfecta, altera imperfecta. 491. b. Res a Deo creatæ improprie dicuntur esse fallaces. 6. b. Respublica non potest contineri, nisi præmio bonorum, & pœna malorum. 353. a.

S.

Sacerdos

laboris sui mercedem accipere a multis pro una missa non potest. 433. a. sive pro paucis, sive pro pluribus celebret, cibum vitæ necessarium exigere suo jure potest, ibid. b. sacerdotes illi a Deo vocati sunt, qui ab Apostolis & eorum successoribus rite vocati sunt. 418. a. sacerdotes habent a Christo potestatem absolvendi peccata. 538. a. non possunt judicare de peccatis, nisi ea cognoscant, ibid. judices constituti sunt omnium peccatorum, tam publicorum, quam occultorum, ibid. b. sacerdos quilibet in articulo mortis absolvere potest, 547. a. quilibet dum ordinatur, qualem accipiat potestatem jurisdictionis, 549. a. & 580. b. Sacerdos proprius quis, 579. a. sine consensu sacerdotis proprii, alteri non licet confiteri, 579. b. & 581. b. sacerdos simplex ex se non habet jurisdictionem absolvendi, 580. b. sacerdos non habet potestatem jurisdi-

tionis ab ordinatione, ibid. a sacer-
dotes habent potestatem absolvendi,
& ligandi. **396. a.**

Sacramenta

medicina sunt, qua homo descendens
in Jericho curatur, **460. a.** sacramen-
tum definitur, ibid. & seq. sacra-
menta sunt caeremoniae ad Dei cul-
tum pertinentes. **461. a.** sacramento-
rum materix earum rerum similitu-
dinem gerunt, quarum signa sunt,
ibid. b. sacramentum est signum sancti-
tatis practicum, ibid. sacramenta
constant materia, forma, & ministro.
462. a. post Adæ lapsum omni tem-
pore fuerunt ad salutem necessaria,
480. a. sacramenta fuerunt in lege
veteri, **481. a.** novæ legis sunt cau-
sa gratiæ, & salutem animæ adse-
runt, **481. b.** sacramenta novæ legi-
s sunt septem, **489. b.** sacramenta
veteris legis nullæ prorsus causæ fue-
runt gratiæ, aut salutis, ibid. novæ
& antiquæ legis quomodo differant,
490. b. sacramentorum novæ legis
auctor Christus. **491. b.**

Sacrificare quid. **504. a.**

Sacrificium

est proprium opus religionis **494.2.** in
sacrificio oportet hostiam esse, quæ
immoletur, **404. a.** sacrificium esse non
potest, ubi non est oblatio, ibid. sacri-
ficium quiddam aliud præter obla-
tionem sibi vendicat, ibid. sacrifici-
um & donum differunt, ibid. sacri-
ficium nomen dupliciter in sacra scrip-
tura accipitur, ibid. b. sacrificium si
fuerit cruentum, mors erit cruenta,
si vero incruentum, mors quoque erit
mystica & incruenta, id est ef-
fectus mortis, ceu nunc præsens adse-
set, **419.2.** sacrificiorum plura quam
duo genera fuerunt in veteri testa-
mento, **407. a.** sacrificii nomen inter-
dum pro re, quæ domino offertur,
interdum vero pro actione ipsa sacri-
ficii solet accipi, ibid. b. sacrificium
eucharistiæ duobus modis a Catholicis
asseritur, ibid. sacrificium vere
& proprie est in lege nova, ibid. sacri-
ficium altaris effectus, nec a bono
ministro fit major, nec a malo fit
minor, **417. a.** sacrificium altaris per
modum redemptionis, & pretii pro-
dest vivis, defunctis vero per mo-
dum orationis & suffragii, **412. a.** sacri-
ficium quo pacto dicatur delere
crimina, & remittere peccata, **419. b.**
sacrificium altaris per se propitiatio-

num est, ex se quoque ad remissionem
peccati institutum, **431. b.** sacri-
ficium an contineat occisionem ani-
malis, quod offertur, & quomodo
in Eucharistiæ hostia mors interve-
niat, **418. b.** sacrificium in lege duplex,
462. a.

Sacrilegium est penitentia sine satis-
factione. **595. b.**

Salomon

in peccatis Christi typus non fuit, sed
in pace, **2. b.** studium humanæ sapien-
tiæ, vocat occupationem pessimam,
non quia mala, sed quia molesta sit,
165. a. Salomonis sententias sparsas
alii collegerunt. **44. b.**

Salmanassar & Sennacherib eundem fu-
isse dixit Eusebius: manifeste contra
sacram scripturam. **336. a.**

Salus

duplex, æterna, & qua nunc sanamur
a peccato, **469. a.** ad salutem aliquid
necessarium est dupliciter. **123. a.**

Sancti

Sancti omnes & doctores Ecclesiæ, si
asseruerint aliquem librum esse Can-
onicum, habendum est perinde ac si
tota Ecclesiæ assensisset, **27.2.** de
Sanctorum auctoritate trifariam dis-
putari potest, **214. a.** sanctorum testi-
monia referri possunt vel ad philo-
sophiæ dogmata, vel ad assertiones
fidei comprobandas, ibid. sanctorum
auctoritas cum adfertur ad facultates,
quæ naturali lumine continentur,
tantum pollet, quantum ratio
naturæ consentanea persuaserat, **215.**
sancti auctores, etiam probatissimi,
non eodem gradu & loco sunt omnes,
217. b. Sanctorum plurium aucto-
ritas, reliquis licet paucioribus
reclamantibus, firma argumenta Theo-
logo præstare non valet, ibid. b. om-
nium communis intelligentia, certis-
simum argumentum Theologo præ-
stat ad Theologicas assertiones cor-
roborandas, **219. a.** Sanctos doctores
in eundem scripturæ sensum conveni-
entes qui contempserint, non homi-
nes contemnit, sed Deum, **224. a.**
sanctis doctoribus sacrarum literarum
intelligentia per spiritum data **est, 226.**
b. sanctis omnibus in scriptis & sacre
interpretatione qui spiritum veritatis
negat, hic eundem spiritum
Ecclesiæ tollit, ibid. Sancti simul,
in fidei dogmate errare non possunt,
267. a. sanctorum patrum doctrina,
& Ecclesiæ traditio ita sunt
con-

conjuncta, ut diffociari non possint, 118. a. sanctorum Patrum antiqua consensio non in omnibus divina legis quasiunculis, sed solum in fidei regula est certo sequenda. 119. b

Sanguis Christi

in singulis sacramentis peculiarem effectum operatur, juxta cuiusque peculiarem significationem, & naturam, 431. a. in speciebus panis, & vini remissionem peccatorum, & culpam venialium tribuit, ibid. b. ex significatione specierum panis, & vini, tanquam ex causa instrumentali, & adjuverit definitur, ut eam remissionem efficiat, cuius participes sunt ii, qui non indigne ad altare Domini accedunt, ibid. sanguis Christi noster est, eo modo, quo lux Solis nostra est, nempe ut causa universalis. 417. b

Satisfactio

qua ratione pars poenitentiae, 540. b. ad sacerdotis arbitrium post sacramentum poenitentiae, est ad salutem necessaria, 545. b. quare, 557. b. de satisfactione post absolutionem an sit praeceptum divinum, 595. b. satisfactio sacramentalis necessaria est ad sacramentum poenitentiae perficiendum, ibidem.

Scientia pietatis est, nosse legem, intelligere Prophetas, Evangelio credere, Apostolos non ignorare. 267. a

Scriptura

Scripturae sacrae firmitas corrumpitur, si per administratos falli a Deo possumus, 7. a. scriptura minutus numeros praeterire aliquando solet, 315. a. scripturae sacrae vis & energia in aliquibus locis non satis per negationem explicatur, 13. b. scriptura est iudex mortuus, qui nec litigantium utriusque rationes audire, nec sententiam eloqui valet, 19. b. scripturae usus est, perinde populum reprehendere, ac si omnes mali essent, atque ita consolari, ac si omnes essent boni, 129. b. & 139. b. scripturae sacrae expositio legitima, per majorum traditionem accipienda est, 219. b. scriptura in pluribus locis hebraicum verbum cum interpretatione sua ponit, 46. b. scripturae praecepta temporaria quaedam, quaedam vero aeterna sunt, 77. a

Sedes Apostolica, & insidens ei in fide, iudicio, atque decreto pro eodem reputantur. 200. b

Signum

est, quod praeter speciem quam ingerit sensibus, aliud a se cognoscere facit, 460. b. signum sanctitatis speculativum, & practicum. 461. b

Synagoga

post tempora Moysis habuit semper unum luminum Pontificem, e cuius iudicio privati omnes cives, ac iudices etiam minores penderent, synagoga congregationem vocat, 189. b. Sozomenum forte pro Theodoro dicitur Gregorius: nam quae illi obijcit, in Theodoro reperiuntur, 336. a

Spiritum Sanctum a Filio procedere, Concilium Ephesinum ex illo scripturae loco, De meo accipiet, & ex illo, Quem ego mittam vobis, &c. accipit. 365. b

Speculum exemplorum, & aurea legenda taxantur. 333. b

Stellam apparuisse Magis ante Christi nativitatem, Chrysostromo, & Augustino placet. 295. a

*T**Tempus*

Temporis circumstantia non est necessario dicenda in confessione, 560. b. jus divinum nullum certum tempus confitendi praescribit, 586. a. Tertulliani opuscula apocrypha per Gelasium. 338. a

Testamentum

minus solemne, an sit validum secundum sententiam Alexandri Terii, 202. a. testamentum apud Latinos interitum pactum, & promissionem significat. 48. a

Theologia

ratio est, sermoque de Deo, 341. a. theologia scientiae appellationem proprie sibi vendicat, 344. b. circa res etiam contingentes versatur sine nominis sui iactura, ibid. theologia duplex, naturalis & supernaturalis, 347. b. theologia nullo modo inutilia colligit, quin super Dei fundamentum, aurum, argentum, lapides pretiosos superaedificat, 355. a. theologia conclusio, seu questio ea proprie est, quae ex theologiae principis, ut effecta et causis suis, oritur, ib. theologiae tractatio bipartita est, 337. a. Theologiae finis primarius est divinae naturae contemplatio, potremus autem earum rerum actus, quae ad bene

beateque vivendum sunt necessaria, **343. b.** Theologiæ consequentiæ firmæ & evidentes sunt, **344. b.** Theologiæ ratio formalis duplex, **349. b.** Theologiæ ratio formalis est, esse revelatum a Deo, lumenve divinitus infusum, **350. a.** Theologiæ principia per fidem intelligi asserunt fere theologi, quia de viatorum theologia disputant, *ibid.* ea theologiæ principia sunt habenda, quæ per sacros auctores Ecclesiæ sunt divinitus revelata, **351. a.** vera & germana Theologiæ principia sunt, quæ libris **sacris** & Apostolorum traditionibus continentur, *ibid.* ejus primaria principia sunt articuli fidei, cætera omnia quæ in sacris litteris vel in traditionibus assumuntur, sunt secundaria, **351. b.** theologiæ effecta cum in dubium vocantur, quæstiones sunt, cum ratione coguntur, conclusiones, **357. b.** theologiæ principia, vel disposita inter se, & ordinata sunt, vel connexa, & colligata, *ibid.* b. theologiæ scholasticæ quod proprium munus, **333. b.** theologiæ veræ tres fines: scientia Dei, cælestium rerum cognitio, humanarum prudentia & usus, **335. b.** theologiam scholasticam explodunt, & exhibunt hæretici juniores, **331. a.** theologiam non esse speculativam, sed effectivam, conantur aliqui persuadere. **342. a.**

Theologus

materiam a precisis auctoribus, formam a junioribus mutuari debet, In Proœmio. Præter communem artem disserendi, quam dialectici tradunt, aliam habeat necesse est, *ibid.* theologus scholasticus est, qui de rebus Divinis prudenter, e litteris & Divinis institutionibus ratiocinatur, **333. a.** theologi omnia theologiæ principia in quæstionem verterunt, **338. b.** differents Theologi primum officium, **361. a.** theologi universi in theologiæ certis decretis definiendis errare non possunt, **368. b.** theologi quidam indigne nominantur, **333. a.** theologorum scholasticorum reitumionum, si alii viri docti contra pugnant, non plus valet, quam ratio eorum, vel auctoritas comprobatur, **336. a.** theologorum omnium communi sententiæ refragari, temerarium est, *ibid.* b. theologis, qui Pontificum canones ignorant, multa desunt ad usus theologiæ necessaria. **347. a.**

Traditio

ad hæreticos confundendos majorem vim, quam scriptura habet, **92. b.** traditionum Apostolicarum alteras Apostoli a Christo Domino acceperunt, alteras vero Apostoli ipsi Spiritu sancto suggerente ad Ecclesiæ utilitatem ediderunt, **97. b.** traditiones Apostolicæ impugnantur ab hæreticis, **86.3.** ad traditiones Christi & Apostolorum investigandas viæ quatuor sternuntur, **95. b.** traditionum Apostolicarum certitudo multis rationibus confirmatur, **99. a.** traditiones sunt divina verba, non aliter ac illa, quæ sacris libris scripta sunt, **103. b.** traditiones non sunt divinarum scripturarum additamenta, sed complementa, & earum quasi commentarii. *ibid.*

Transmigrationis

Septuaginta anni transmigrationis quomodo computandi sunt, an in primum annum Cyri, an vero in secundum Darii, subtilissime disputatur, **195. a.** transmigrationis septuaginta annorum initium a desolatione sumendum est, non a transmigratione. **406. b.** Turris David, id est, sacræ scripturæ auctoritas arietibus quatuor concuti solet. **4. a.**

V

Vasa argentea ac aurea, & supellex Ægyptiorum quid significant. **335. a.**

Veritas

purissima non est, cui quoquomodo est falsitas permixta, **2. a.** veritas quædam est, quæ non habet pietatem, **367. a.** veritas scripturæ semper fuit connexa cum rectitudine fidei, **55.3.** veritas Scripturæ vere & proprie intellectu est, Scriptura autem improprie tanquam in signo, **365. a.** veritates quædam catholicæ ita ad fidem pertinent, ut his sublati fides quoque ipsa tollatur, **389. a.** veritates quædam Catholicæ sunt, quibus eversis, fides quatitur, sed non evertitur. *ibid.*

Vincencius Belluacensis & D. Antoninus non tam vera, quam multa scriperunt. **334. a.**

Vindicta

Vindicta iusta duplex, **495. a.** vindictæ finis triplex. *ibid.*

Viri

Viri apostolici & spirituales omnia discern-

- scernunt, quæ ad salutem sunt neces-
saria, 31. a. viri prudentes nolunt
cognitionem de Deo vacantem & o-
tiosam esse. 343. a
- Virtus.*
Virtus est habitus electivus in medio-
critate consistens, 503. b. virtus in-
fusa duplex. 507. b
- Vitam corporalem quilibet tenetur con-
servare. 533. a
- Vvicleff docuit confessionem esse super-
fluam & inutilem. 543. b
- Unctio.*
Unctio interior sapientibus Ecclesiæ ma-
gistris sufficit ad ea quæ fidei adver-
santur refutanda, at ignorantibus o-
pus est externa doctrina, 24. b. Un-
ctionis sacri Chrismatis virtus. 484. a
- in Voce ambigua non licet unumquod-
libet significatum accipere. 127. b
- Volente aliquo ea fieri dicuntur, quæ
non invito fiunt. 24. b
- Votum sacramenti pœnitentiæ implici-
tum peccatoribus baptizatis non suf-
ficit ad salutem, sed explicitum &
formale. 544. b
- Vulgata dictione rerum vocabula pro
rerum imaginibus usurpantur. 298. b
- Vulgus.*
Vulgi falsæ opiniones in duplici sunt
differentia, 298. b. vulgi sermones
non solent homines severi aucupari,
quamvis gravissimi viri in scribendo
id fecerint. 331. b

Indicis Rerum Finit.

I N D E X

LOCORUM S. SCRIPTURÆ,

Qui in his Operibus explicantur.

Genesi.

- Cap. I. Inspiravit in faciem ejus spiraculum vitæ, & factus est homo in animam viventem. 366. a
 16 Illa concepisse se videns, despectit dominam suam, &c. 254. b
 18 Descendam, & videbo, utrum clamorem opere compleverint. 444. b
 19 Ne respicias post tergum. 67. b
 23 Expectate hic, ego & puer postquam adoraverimus, revertemur ad vos. 8. b
 26 Isaac discedens ut veniret ad torrentem Gerare, habitaretque ibi, rursum fodit alios puteos, quos foderant servi patris sui Abraham, &c. 60. a
 29 Ego sum primogenitus tuus Esau, &c. 9. b
 43 Per salutem Pharaonis exploratores estis. 15. a
 46 Omnes animæ domus Jacob, quæ ingressæ sunt in Ægyptum, fuerunt septuaginta. 82. b

Exodi.

- 1 Erant igitur omnes animæ eorum, qui egressi sunt de femore Jacob, septuaginta. 82. b
 12 Fecerunt filii Israël, sicut præceperat Moyses, & petierunt ab Ægyptiis vasa argentea, & aurea. 10. b
 31 Vocavi ex nomine Beseleel, & implevi eum sapientia. 162. b

Levici.

- 4 Orabit pro eo Sacerdos, & dimittetur ei. 430. a
 16 Sabbatum requisitionis est, affligetis animas vestras, ab omnibus peccatis vestris mundabimini. 530. a. & 535. b

Numer.

- 21 Si vocare te venerint homines isti,

- surge & vade cum eis. 10. a
 23. Non est Deus ut homo, ut mentiatur, nec ut filius hominis, ut mutetur. 8. a
 36 Omnes enim viri ducent uxores de tribu, & cognatione sua. 61. a

Deuteronomii.

- 17 Si difficile & ambiguum apud te iudicium esse prospexeris, venies ad sacerdotes Levitici generis, &c. 188. b
 17. Qui autem superbierit, nolens obedire sacerdotis imperio, &c. ex decreto iudicis morietur. 159. a
 18 Qui verba Prophetæ, quæ loquitur in nomine meo, noluerit audire, ego ultor existam, &c. quod si in nomine Domini propheta ille prædixerit, & non evenierit, hoc Dominus non est loquutus. 18. a

1. Regum.

- 13 Filius unius anni erat Saul, cum regnare cœpisset. 309. b

2. Regum.

16. Dominus præcepit ei, ut malediceret David. 14. a

3. Regum.

6. Factum est ergo quadringentesimo octogesimo anno egressionis filiorum Israël de terra Ægypti, &c. 311. a
 9 Non est homo, qui non peccet. 115. b
 21 Ero spiritus mendax in ore omnium Prophetarum. 10. b

4. Regum.

- 11 Athalia vero mater Ochoziz videns mortuum filium suum, occidit omne semen regium. 321. b

Eri.

INDEX LOCORUM S. SCRIPTURÆ

Primi Paralip.

- 15 Proficiebat David vadens & crescens. 443. 2

Secundi Paralip.

- 15 Bellum vero non fuit usque ad tricesimum quintum anni 93. regni Asa. 309. b
17 Crevit Josaphat, & magnificatus est usque in sublimem. 443. 2

Job.

12. Qui immutat cor principum, & decipit eos, & errare eos facit quasi ebrios. 11. b
85 Qui docet nos super jumenta terræ, & super volucres cæli erudit nos. 274. 2

Psal.

- 11 Salvum me fac, quoniam defecit sanctus. 119. 2
15 Adimplebis me læticia cum vultu tuo, &c. 445. 2
21 Spes mea ab uberibus matris meæ. 436. 2
31 Beati quorum remissæ sunt iniquitates, & quorum tecta sunt peccata. 410. 2
40 Beatum faciet eum in terra. 438. 2
44 Dilexisti justitiam, & odisti iniquitatem, propterea unxit te Deus. 444. b
47 Circundate Sion, & complectimini eam, &c. quoniam hic est Deus Deus noster, ipse reget nos in secula. 119. 2
49 Immola Deo sacrificium laudis. 408. 2
50 Sacrificium Deo spiritus contribulatus. 405. b
52 Deus de cælo prospexit super filios hominum, ut videat si est intelligens, &c. 444. b
73 Iratus est furor tuus super oves paciscæ tuæ. 134. 2
88 Dispositui testamentum electis meis, juravi David servo meo, usque in æternum præparabo semen tuum. 119. 2
93 Qui docet hominem scientiam. 274. 2
118 Erravi sicut ovis, quæ perivi. 134. 2
144 Fidelis Dominus in omnibus verbis suis, & sanctus in omnibus operibus suis. 8. 2

Proverborum.

- 2 Dominus dat sapientiam, & ex ore ejus prudentia. 470. b
5 Ne intenderis fallaciæ mulieris, falsus enim distillans labia meretricis, &c. 266. 2

- 7 Mulier garrula & vaga quietis impatiens, &c. ibid.

Ecclesiastes.

- 1 Vanitas vanitatum, & omnia vanitas, &c. 264. 2
7 Non est homo justus in terra, qui faciat bonum & non peccet. 115. b
12 Donec revertatur pulvis in terram unde erat, & spiritus redeat ad Deum qui dedit illum. 462. b
12 Verba sapientium sicut stimuli, & quasi clavi in altum defixi. 224. b
12 Deum time, & mandata ejus serva, hoc est enim omnis homo. 265. b
12 Fili peccati? non adicias iterum, sed de pristinis deprecare, ut tibi dimittantur. 510. b

Canticorum.

- 2 Sicut lilium inter spinas, sic amica mea inter filias. 134. 2
5 Tenui eum, nec dimittam. 119. 2

Sapientie.

- 2 Nescierunt sacramenta Dei, neque mercedem speraverunt justitiæ, &c. quoniam Deus creavit hominem inextinguibilem, & ad imaginem similitudinis suæ fecit illum. 454. 2 & b
9 Cogitationes mortalium timide, & incertæ providentiæ nostræ. 264. b
13 Vani enim sunt omnes homines, in quibus non est scientia Dei, &c. 262. b

Ecclesiastici.

- 8 Non te prætercat narratio seniorum. 223. 2
15 Non dicas, ille me implanavit. 11. b
37 A consiliario serva animam tuam, ne forte mittat sudem in terra, & dicat tibi, bona est via tua. 67. b

Esaia.

- 11 Erit fides cinctorum renum ejus. 435. b
22 Expellam te de statione tua, & de ministerio tuo deponam te, &c. 174. 2
38 Morieris & non vives. 10. 2
38 Projecisti post tergum tuum omnia peccata mea. 420. 2
50 Dedit illi linguam eruditam, ut sciant sustentare eum, qui lassus est verbo, aperuit illi quoque aurem. 356. a. & b.
53 Pro eo, quod laboravit anima ejus, videbit & saturabitur. 444. b
54 In misericordia sempiterna mueris sum

INDEX LOCORUM

- sum tui, dixit redemptor tuus Dominus, &c. usque, Et scdus pacis mex non movebitur. 173. b
59. Spiritus meus qui est in te, & verba mea que posui in ore tuo, non recedent, &c. 119. a. & 364. b
62. Ecce salvator tuus venit, ecce merces ejus cum eo, & opus ejus coram illo. 445. b.
66. Ad quem aspiciam, nisi ad pauper- culum & contritum spiritu? 516. a

Hieremie.

- Dabo vobis pastores, qui pascant vos scientia & doctrina. 147. b
- Convertimini filii, revertentes, & sa- nabo averfiones vestras. 134. a
10. Seduxisti me Domine, & seductus sum. 14. a
25. Servient gentes istæ regi Babylonis septuaginta annis, eumque impicu- erint septuaginta anni, visitabo super regem Babylonis. 299. b
30. Postquam enim convertisti me, egi penitentiam. 508. b
31. Novum creavit Dominus super ter- ram, semina circumdabit virum. 437. a
32. Fecit eis pactum sempiternum, & non desinam eis benefacere, & timo- rem meum dabo in corde eorum, ut non recedant a me. 173. b
52. Iste est populus, quem transtulit Na- buchodonosor, &c. 309. b

Ezechielis.

3. Dominus Israel nolunt audire te, quia nolunt audire me. 129. a
16. Emundavi sanguinem tuum ex te, & unxi te oleo, &c. 135. b
18. Facite vobis cor novum & spiritum novum. 497. b
34. Suscitabo super eas pastorem unum qui pascat eas, ipse erit eis in pasto- rem. 224. b
37. Percutiam illis fœdus pacis, pactum sempiternum erit eis. 173. b

Danielis.

4. Peccata tua elemosynis redime. 504. b
9. In dimidio hebdomadis deficiet hostia & sacrificium. 133. a

Osee.

2. Sponsabo te mihi in sempiternum, &c. sponsabo te mihi in fide. 119. a
14. Reddemus vitulos laborum nostro- rum. 196. b

Amos.

6. Vx vobis qui opulenti estis in Sion, & confiditis in monte Samariz, optima- tes, capita populorum. 139. b

Jona.

3. Adhuc quadraginta dies, & Ninive subvertetur. 315. a

Abacuc.

2. Iustus ex fide sua vivit. 425. b

Aggai.

2. Interroga sacerdotes legem. 147. b

Malachie.

1. Non est mihi voluntas in vobis, & mu- nus non suscipiam de manu vestra: a solis enim ortu, &c. & in omni loco sa- crificatur, & offertur nomini meo ob- latio munda. 467. b
2. Labia sacerdotis custodient scientiam, & legem requirent ex ore ejus. 147. b

1. Machabæorum.

7. Homo sacerdos de semine Aaron ve- nit, non decipiet nos. 333. a

Matthæi.

2. Ecce Magi ab oriente venerunt. 294. b
2. Tunc Herodes videns, quomiam illu- sus esset a Magis, mittens occidit om- nes pueros, &c. 295. a
3. Ego baptizo vos aqua. 482. b
3. Facite fructum dignum penitentiz. 493. b
5. Vos estis lux mundi. 116. b
5. Si offers munus tuum ad altare, & ibi recordatus fueris &c. 590. a
6. Dimitte nobis debita nostra. 115. b
10. Nolite cogitare, quomodo, aut quid loquamini: dabitur enim vobis in illa hora quid loquamini. 75. b
10. Quæ in aure auditis, prædicatæ super tecta. 105. b
10. Nolite timere eos, qui occidunt cor- pus, animam autem non possunt occi- dere. 457. a
12. Ecce mater tua & fratres tui foris stant quærentes te alloqui. 292. a
15. Quare & vos transgredimini manda- tum Dei propter traditionem vestram? 152. a

16. Cavete a fermento Phariseorum .

ibid.

16. Beatus es Simon Bariona , quia caro & sanguis non revelavit tibi , &c. 186. b.

16. Super hanc petram ædificabo ecclesiam meam , & portæ inferi non prævalerunt adversus eam. 119. a. 174. a. & 190. b.

16. Tibi dabo claves regni cælorum . 168. b.

16. Quodcumque ligaveris super terram , erit ligatum & in cælis : & quodcumque solveris super terram , &c. 206. a. 337. b.

18. Si peccaverit in te frater tuus , corripe eum inter te & ipsum solum , &c. 206. a.

18. Si duo ex vobis consenserint super terram , de omni re , quamcumque petierint , fiet illis a Patre meo . 145. a. & 175. a.

22. Simile factum est regnum cælorum homini regi , &c. 116. b.

22. Ego sum Deus Abraham , Isaac , & Jacob : non est Deus mortuorum , sed viventium . 457. a.

23. Super cathedram Moysi sederunt Scribæ & Pharisei , &c. 151. b. & 173. b.

23. Vx vobis , qui ædificatis sepulchra Prophetarum , & ornatis monumenta iustorum . 238. a.

25. Simile est regnum cælorum decem virginibus , &c. 117. b.

25. Omni habenti dabitur & abundabit : ei autem , qui non habet , & quod habet auferetur ab eo . 67. b.

26. Tristis est anima mea . 446. a.

28. Ecce ego vobiscum sum omnibus diebus , usque ad consummationem sæculi . 119. a. & 173. b.

Marci .

1. Initium Evangelii Jesu Christi filii Dei , sicut scriptum est in Esaia Propheta . 78. b.

13. De die autem illa nemo scit , neque Filius . 444. a.

13. Quod vobis dico , omnibus dico : vigilate . 205. a.

15. Erat autem hora tertia , & crucifixerunt eum . 79. b.

16. Prædicate Evangelium omni creature . 140. b.

16. Qui vero non crediderit , condemnabitur . 542. a.

Lucæ .

1. Regnabit in domo Jacob in æternum . 119. a.

2. Jesus proficiebat sapientia , ætate , & gratia apud Deum & homines . 442. b.

3. Qui fuit Sale , qui fuit Cainam , qui fuit Arphaxad . 81. b.

7. Remittetur ei peccata multa , quoniam dilexit multum . 421. a. & 460. b.

10. Neminem per viam salutaveritis . 67. b.

10. Qui vos audit , me audit . 151. b.

10. Samaritanus appropians alligavit vulnera ejus , iniundens oleum & vinum , &c. 460. a.

13. Nisi penitentiam habueritis , omnes peribitis . 494. a.

21. Cælum & terra transibunt , verba autem mea non transibunt . 7. b.

22. Accepto pane gratias egit , &c. hoc est corpus meum , &c. 409. a.

22. Hoc facite in meam commemorationem . 205. b.

22. Ego rogavi pro te Petre , ut non deficiat fides tua . 160. a. & 163. a.

24. Petrus autem surgens , cucurrit ad monumentum . 208. b.

24. Aperuit illis sensum , ut intelligerent scripturas . 65. a. & 365. a.

Joannis .

1. Dedit eis potestatem filios Dei fieri . 117. a.

1. Verbum caro factum est , &c. 439. a.

1. Vidimus gloriam ejus , gloriam quasi unigeniti a Patre . 436. b.

1. Lex per Moysen data est , gratia & veritas per Jesum Christum . 492. a.

1. Deum nemo vidit unquam : Unigenitus , qui est in sinu Patris , ipse enarravit . 439. b.

1. Nuptiæ factæ sunt in Cana Galilææ . 296. a.

3. Nisi quis renatus fuerit ex aqua & Spiritu sancto , &c. 485. a.

3. Illum oportet crescere , me autem minui . 443. a.

3. Quod vidit & audivit , hoc testatur . 440. b.

3. Pater omnia demonstrat Filio , quæ ipse facit , &c. 444. a.

3. Ego non ab homine testimonium accipio . 24. a.

6. Nisi manducaveritis carnem , &c. 550. a.

7. Si quis voluerit voluntatem ejus facere , cognoscat de doctrina , utrum ex Deo sit . 25. b.

10. Oves

INDEX LOCORUM

- 10 Oves meæ vocem meam audiunt, ibid.
- 11 Cum esset pontifex anni illius, prophetauit. 173. a
- 14 Ego rogabo Patrem, & alium Paracletum dabit vobis, ut maneat, &c. 120. a
- 14 Ille vos docebit omnia, & suggeret vobis omnia. 164. b
- 15 Vos autem dixi amicos, quia omnia quæcumque audiui a Patre meo, nota feci vobis. ibid.
- 16 Cum autem venerit ille Spiritus veritatis, docebit vos omnem veritatem. 120. a
- 18 Sanctifica eos in veritate, &c. ibid.
- 18 Volo Pater, ut ubi sum ego, & illi sint mecum, &c. 440. b
- 18 Ego in occulto locutus sum nihil. 106. a
- 19 Non haberes potestatem in me ullam, nisi tibi datum esset desuper. 10. a
- 20 Sicut misit me Pater, & ego mitto vos: accipite Spiritum sanctum, &c. 106. a. & 210. a
- 20 Quorum retinueritis, retenta sunt. 541. a
- 21 Pæce oves meas. 168. a. & 186. b
- 21 Hic est discipulus ille, qui testimonium perhibet de his, & scimus, quia verum est testimonium ejus. 20. b

Alterum.

- 5 Cæsis denunciaverunt, ne omnino loquerentur in nomine Jesu. 204. a
- 6 Verbum Dei crescebat. 443. a
- 7 Joseph accessit Jacob patrem suum, & omnem cognationem suam in animabus septuaginta quinque. 83. a
- 7 Positi sunt in sepulchro, quod emir Abraham pretio argenti a filiis Emor filii Sichem. 81. a
- 10 Mitte & accerte Simonem: ille dicet tibi, quid te oporteat facere. 467. a
- 15 Convenerunt Apostoli & seniores videre de verbo hoc. 147. b
- 15 Viri fratres vos scitis, quoniam ab antiquis diebus Deus in nobis elegit per os meum audire gentes verbum Evangelii & credere. 188. a
- 14 Vilum est Spiritui sancto & nobis. 152. b. & 159. b
- 20 Attendite vobis & universo gregi, in quo vos Spiritus Sanctus posuit Episcopos regere Ecclesiam Dei. 147. b

Roman.

- Tradidit illos Deus in reprobum sensum. 15. b
- 1 Factores legis justificabuntur. 470. a
- 1 Non enim, qui in manifesto iudæus est, neque quæ in manifesto in carne est circumcisio, &c. 148. b
- 3 Justificati gratis per gratiam ipsius, per redemptionem, quæ est in Christo Jesu. 434. b
- 3 Unus est enim Deus, qui justificat circumcisionem ex fide, & præputium per fidem. 466. a
- 5 Per unius iustitiam in omnes homines in justificationem. ibid.
- 6 Ore autem confessio fit ad salutem. 480. a
- 10 Et quidem in omnem terram exivit sonus eorum. 148. a
- 12 Obsecro vos, ut exhibeatis corpora vestra hostiam viventem. 405. a
- 12 Non plus sapere, quam oportet sapere, &c. 223. a
- 14 Infirmum in fide assumite. 115. b

1. Corinth.

- 1 Ecclesiæ Dei, quæ est Corinthi, vocatis sanctis. 112. b
- 1 Obsecro vos, ut id ipsum dicatis omnes, & non sint in vobis schismata. 152. b
- 1 Perdam sapientiam sapientum. 266. b
- 1 Videte vocationem vestram fratres, quia non multi sapientes secundum carnem. 192. b
- 3 Tanquam parvulis in Christo lac vobis potum dedi, non escam, 115. b
- 4 Hic jam quæritur inter dispensatores, ut fidelis quis inveniatur. 118. a
- 4 Habentes eundem spiritum fidei. 465. b
- 6 An nescitis, quia corpora vestra membra sunt Christi? 117. a
- 7 Præcipio non ego, sed Dominus: cæteris ego dico, non Dominus. 72. b. & 76. a
- 10 Sed non in pluribus eorum beneplacium est Deo. 483. a
- 10 Omnes quidem de uno pane participamus. 485. b
- 11 Si quis videtur contentiosus esse, nos tamen talem consuetudinem non habemus, neque Ecclesiæ Dei. 99. a
- 12 In uno spiritu omnes nos, in unum corpus baptizati sumus. 117. a
- 12 Non potest caput dicere pedibus, non estis mihi necessarij. 256. b

13 Cum

SACRÆ SCRIPTURÆ.

- 13 Cum venerit quod perfectum est, evacuabitur quod ex parte est. 437. a
 14 Prophetæ duo aut tres dicant, & ceteri dijudicent, &c. 223. b
 14 Non est dissensionis Deus, sed pacis. ibid.
 15 Alia claritas solis, alia claritas lunæ, &c. 217. b
 15 Omnes quidem resurgemus, sed non omnes immutabimur. 64. b

2. Corinth.

- 1 Fidelis autem Deus, quia sermo noster qui fuit apud vos, non est in illo, est & non, sed est in illo, est. 141. a
 4 Id, quod in presenti est momentaneum & leve tribulationis nostræ, æternum gloriæ pondus operatur in nobis. 366. b
 5 Scimus enim, quod si terrestris domus nostra hujus habitationis dissolvatur, ædificationem, &c. 367. a
 7 Quæ secundum Deum tristitia est, pœnitentiam, &c. 511. b
 10 Bibebant autem de spirituali, consequente eos petra: Petra autem erat Christus. 465. b
 11 In quo quis audet (in insipientia dico) audio & ego. 72. b. & 76. a

Ad Galatas.

- 2 Sciens, quod non justificatur homo ex operibus legis, sed per fidem Jesu Christi. 473. a
 3 Omnes enim filii Dei estis per fidem. 474. a
 4 Hæres iste parvulus, qui nihil differt a servo, sed sub tutoribus est, usque ad præfinitum tempus a patre. 465. a
 5 Nec circumciso aliquid valet, nec præputium, sed fides. 490. a

Ad Ephesos.

- 2 Eratis illo in tempore alienati a conversatione Israel, & hospites testamentorum. 116. b
 4 Unum corpus & unus spiritus, sicut vocati estis in una spe vocationis vestræ, &c. 139. a
 4 Unicuique nostrum data est gratia secundum mensuram donationis Christi. 121. a
 4 Ipse dedit quosdam quidem Apostolos, quosdam autem Prophetas, &c.

115. b. & 124. a
 5 Eratis aliquando tenebræ, &c. 117. a
 5 Christus dilexit Ecclesiam, & seipsum tradidit pro ea, ut illam sanctificaret, mundans eam lavacro aquæ in verbo. 485. a

Philippen.

- 4 Repletus sum exsepis ab Epaphrodito, quæ misistis in odorem suavitatis, hostiam acceptam, placentem Deo. 403. a

Colossen.

- 1 In ipso complacuit omnem plenitudinem inhabitare, pacificans, &c. 438. b
 2 In ipso inhabitat omnis plenitudo divinitatis corporaliter. ibid.

2. Thessalon.

- 2 Ideo mittet illis Deus operationem erroris. 12. a

1. Timoth.

- 2 Unus Deus, unus mediator Dei & hominum, homo Christus Jesus. 464. a
 6 O Timothee, depositum custodi, &c. 105. b
 6 O Timothee, devota prophanas vocum novitates. 71. a

2. Timoth.

- 1 Resuscita gratiam Dei, quæ est in te per impositionem manuum mearum. 417. a
 2 Sed firmum fundamentum Dei stat, habens signaculum, &c. 114. b
 2 Si quis emundaverit se ab istis, erit vas in honorem, &c. 426. a
 3 Omnis scriptura divinitus inspirata utilis est, &c. 103. a

Ad Hebræos.

- 2 Decebat enim, propter quem omnia, qui multos filios in gloriam adduxerat, auctorem salutis eorum per passionem consummari. 445. b
 2 Nisi quæ enim angelos apprehendit. 366. a
 5 Omnis pontifex pro hominibus constituitur, ut offerat dona & sacrificia pro peccatis. 115. b. 405. a
 6 Im-

INDEX LOCORUM S. SCRIPTURÆ.

- 9 Impossibile est eos, qui semel illuminati sunt & prolapsi, rursum re-
novari ad penitentiam. 336. a
- 9 In redemptionem earum prævarica-
tionum, quæ erant sub priori testa-
mento. 410. a
- 10 Una oblatione consummavit in æ-
ternum sanctificatos. 419. b
- 10. Voluntarie peccantibus nobis post
acceptam notitiam veritatis, jam nul-
la relinquatur pro peccatis hostia. 410.
b. & 536. a
- 11 Credere oportet accedentem ad
Deum, quia est. 353. b
- 13 Per ipsum offeramus hostiam laudis,
&c. id est fructum laborum confiten-
tium nomini ejus. 406. a
- 13 Beneficentiæ & communionis nolite
oblivisci, &c. 405. b

Jacobi.

- 1 Deus neminem tentat. 11. b
- 2 Religio munda & immaculata apud
Deum & Patrem hæc est, visitare
pupillos & viduas in tribulatione eo-
rum. 406. b
- 3 In multis enim offendimus orantes.
115. b

1. Petri.

- 1 Animas vestras castificantes. 426. a
- 2 Qui aliquando non populus Dei, nunc
autem populus Dei. 116. b

2. Petri.

- 1 Non indoctas fabulas sequuti notam
facimus Domini nostri virtutem &
præsentiam, &c. 438. a
- 1 Habemus firmiorem propheticum ser-
monem, cui bene facitis attendentes,
&c. 65. a

1. Joannis.

- 1 Deus lux est, & tenebræ in eo non
sunt ullæ. 136. b
- 1 Si dixerimus quoniam peccatum non
habemus, ipsi nos seducimus, & ve-
ritas in nobis non est. 115. b
- 2 In hoc scimus quoniam cognovimus
Deum, si mandata ejus observamus.
136. b
- 2 Non necesse habetis, ut aliquis do-
ceat vos, sed sicut unctio ejus do-
cet vos de omnibus, &c. 24. b
- 3 Omnis qui peccat, non cognovit De-
um, & omnis qui natus est ex Deo,
peccatum non facit. 137. a
- 3 Qui facit justitiam, justus est, qui
facit peccatum ex diabolo, &c. ibid.

Apocalypse.

- 6 Dignus est Agnus, qui occisus est,
accipere divinitatem & sapientiam.
436. b

FINIS.







